


አራሳ ጫቁዋ ኅፋሶ



New Testament in Gofa

**አራሳ ጫቁዋ ጎፋሶ**  
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 4 Mar 2019 from source files dated 14 Dec 2018  
c35d6c73-3843-5482-b53e-7559d35deee5

Contents

ማቶሳ	1
ማርቆሳ	29
ሉቃሳ	47
ዮሀንሳ	74
ሃዋርያት አሱዋ	95
ሮሜ	120
1 ቆሮንቶሳ	132
2 ቆሮንቶሳ	143
ጋላቲያ	150
ኤፌሶና	154
ፊልጲሲጶሳ	158
ቆላሲያሳ	162
1 ቴሴሎንቲኛ	165
2 ቴሴሎንቲኛ	168
1 ባሎንቲኛ	170
2 ባሎንቲኛ	173
ቲቶ	176
ፊልሞና	178
ኢብራዌ	179
ያይቆስ	187
1 ጴጥሮሳ	190
2 ጴጥሮሳ	193
1 ዮሀንሳ	195
2 ዮሀንሳ	198
3 ዮሀንሳ	199
ዩሁዳ	200
ዮሀንሳ ቆንጮሳ	201

### ማቶሲ ፩ ዓይነት ዮሱስ ኪሪስቶስ ምንጩ ጋሳ ቆፋ

ማቶሲ ምንጩ፡ ያና ጌቴቲዲ ኡፋይሳን ናጌቲያ አሽይሲ ዮሱስ ጊዴይሳኔ ያሳይ ጋልዓ ጫቁዋን ባ አሳስ ኢሚዳ ኡፋይሳ ቃላ ፖሊዳይ ኢያ ባጋራ ጊዴይሳ አዲያ ምንጩ። ሃ ምንጩይ ዮሱሲ ኤንታ ጊዴን ዮሌቲዲ ዲጩዳ አይሁዴታ ያላላስ ጊዴናሽን ኩሜሳ አላሚያ ኡባሳ።

ማቶሲ ምንጩይ፡ ዳሮ ናጌቲሳን ዓፌቲዳ ማፃፋ። ማቶሲ ባ ማፃፋ ዮሱሳ ዮሌቲሳን ዶሚዲ፡ ኢያ ማጭቱሳኔ ኢያ ፓጩቱሳ ኦዲ ሲሚዲ፡ ጋሊላን ኢ ሳባኪዳባ፡ ታማርሲዳባኔ ሃርጋንቾታ ፓሲዳባ አይስ። ሄሳፌ ካሊዲ፡ ዮሱሲ ጋሊላፕ ዮሩሳላሚ ቢዳይሳኔ ኢ ሃ ሳዓን ዴዲዳ ዎዴ ወርሴሳ ሳሚንታን ሃኒዳባታ ቆንጩሴስ። ሄሲካ ኢያ ካቱቱሳ፡ ኢያ ሃይቁዋኔ ኢያ ዴንዱዋ አይኪስ።

ሃ ምንጩይ፡ ዮሱሲ ያሳ ሃጊያ ቢርሻናው ማቲ ዴዲይሳኔ ያሳ ካዎቱሳባ ታማርሲያ ጊታ አስታማሬ አሲዲ ሸሽስ። ኢያ ቲሚርቲያፌ ዳሪያ ባጋይ ዱማ ዱማ ማራን ጊጌቲዳ ኢቻቡ ኪፊሌታን ሻኪቱስ።

1. ያሳ ካዎቱሳን ዴዲያ አሳ ሃኖቱሳ፡ አሱዋ፡ ማታኔ ወርሴሳ ቃዳ አዲያ ዴሪያ ቦላ ቲሚርቲያ (ሼም 5-7)።

2. ታማኔ ናምዑ ታማሬቲ ምንጩ ሳባካናው ቢዳ ዎዴ ኤንታው ኢሜቲዳ ካሌሱዋ (ሼም 10)።

3. ያሳ ካዎቱሳባ ታማርሳናው ሸቂዳ ዱማ ዱማ ሌሚሶታ (ሼም 13)።

4. ኢያ ታማሬ ጊዴባ ቢርሼሳ አዲያ ቲሚርቲያ (ሼም 18)።

5. ሃዲ አላሚያ ወርሴሳኔ ያሳ ካዎቱሳ ዮሳባ አዲያ ቲሚርቲያ (ሼም 24-25)።

ማቶሲ ምንጩ አይፌ ቆፋታ

ዮሱስ ኪሪስቶስ ዮሌቲሳ ሱሳኔ ኢያ ዮሌቲሳ 1:1-2:23

ፃማቂያ ዮሃንሳ አሱዋ 3:1-12

ዮሱሳ ጊንቃቲያኔ ፓጩቱሳ 3:13-4:11

ዮሱሲ ጋሊላን ባ አሱዋ አይኪዳይሳ 4:12-18:35

ጋሊላፕ ዮሩሳላሚ ጋካናው 19:1-20:34

ወርሴሳ ሳሚንታ ዮሩሳላሚ ሄራን 21:1-27:66

ጎዳ ሃይቆፕ ዴንዱዋኔ ቆንጩሳ 28:1-20

ዮሱሳ ዮሌቲሳ ሱሳ (ሉቃ 3:23-38)

1 ሃይሳፌ ካሊዲ ዓፌቲዳይሲ ዳዊቱ ናዓ አብራሃሜ ናዓ ጊዲዳ ዮሱስ ኪሪስቶስ ዮሌቲሳ።

2 አብራሃሜይ ዮሳቃ ዮሊስ፤

ዮሳቂ ያይቆባ ዮሊስ፤

ያይቆቢ ዮሁዳኔ ኢያ ኢሻታ ዮሊስ፤

3 ዮሁዲ ቲዲማሪፕ ፋሬሴኔ ዛራ ዮሊስ፤ ፋሬሲ አስሮሜ ዮሊስ፤

አስሮሜይ ራሜ ዮሊስ፤

4 ራሜይ አሚናዳቤ ዮሊስ፤

አሚናዳቤ ናዓሶና ዮሊስ፤

ናዓሶኔይ ሳልሞና ዮሊስ፤

5 ሳልሞኔይ ራዓቢፕ ቦዲዛ ዮሊስ፤

ቦዲዚ ኡፋቲፕ ኢዮቤዴ ዮሊስ፤

ኢዮቤዲ ኢሴዮ ዮሊስ፤

6 ኢሴዮይ ካወዋ ዳዊቱ ዮሊስ፤

ዳዊቱይ አሪዮ ማቼፌ ሶሎሞኔ ዮሊስ፤

7 ሶሎሞኔይ ሮቢዓማ ዮሊስ፤

ሮቢዓማይ አቢያ ዮሊስ፤

አቢዮይ አሳፌ ዮሊስ፤

8 አሳፌ ኢዮሳፌዔ ዮሊስ፤

ኢዮሳፌዔይ ኢዮራሜ ዮሊስ፤

ኢዮራሜይ አዚያኔ ዮሊስ፤

9 አዚያኔይ ኢዮዓታሜ ዮሊስ፤

ኢዮዓታሜይ አካዛ ዮሊስ፤

አካዚ ሂዚቂያሳ ዮሊስ፤

10 ሂዚቂያሲ ሚናሴ ዮሊስ፤

ሚናሴይ አሞና ዮሊስ፤

አሞኔ ኢዮሲያሳ ዮሊስ፤

11 ኢስራዴሌ አሳይ ዲዔቲዲ ባቢሎኔ ቢታ ቢዳ ዎዴ ኢዮሲያሲ ኢኮኒያናኔ ኢያ ኢሻታ ዮሊስ።

12 ባቢሎኔ ቢታ ኢስራዴሌ አሳይ ዲዔቲዲ ቢዳፕ ጉዮ ኢኮኒያኒ ሳላቲያሌ ዮሊስ።

ሳላቲያሌይ ዜሩባቤላ ዮሊስ፤

13 ዜሩባቤሊ አብዲዩ ዮሊስ፤

አብዲዩይ ኡሊያቂሜ ዮሊስ፤

ኡሊያቂሜይ አዛራ ዮሊስ፤

14 አዛሪ ሳዶቄ ዮሊስ፤

ሳዶቄይ አኪሜ ዮሊስ፤

አኪሜይ ኡሊዮዳ ዮሊስ፤

15 ኡሊዮዲ አላዛራ ዮሊስ፤

አላዛሪ ማታኔ ዮሊስ፤

ማታኔይ ያይቆባ ዮሊስ፤

16 ያይቆቢ ዮሴፋ ዮሊስ፤

ዮሴፌ ኪሪስቶስ ጊያ ዮሱሳ ዮሊዳ ማይራሚ አዚና።

17 ሂዛ፡ ዮሌቲሳይ አብራሃሜፕ ዳዊቱ ጋካናው ታማኔ አይዳ። ዳዊቱፕ ቢዲ ባቢሎኔ ዲዑዋ ጋካናው ታማኔ አይዳ። ባቢሎኔ ዲዑዋፕ ቢዲ ኪሪስቶስ ጋካናው ታማኔ አይዱ ዮሌቲሳ ጊዴስ።

ዮሱስ ኪሪስቶስ ዮሌቲሳ (ሉቃ 2:1-7)

18 ዮሱስ ኪሪስቶስ ዮሌቲሳ ታሪኪይ ሃይሳፌ ካሌይሳ። ኢያ አያ ማይራማ ዮሴፋስ አይሼታ ዴዓሼ ዮሴፋራ ጋሄቶና ጌሻ አያናፕ ቃንሳታሱ።

19 ዮሴፌ ያሎ አሲ ጊዲዳ ጊሾ ኢዮ አሳን ኪሳናው ኮዩቤና። ያኒያ ጊሾ ቆሳን ኢዮ አጋናው ቆፕስ። 20 ኢ ሄ ቆፋን ዴዓሼን ያሳ ኪታንቾይ አሙሆን ቆንጩዲ፡ «ዳዊቱ ናዓው፡ ዮሴፋ፡ ማይራማ ቃንሳቲዳይ ጌሻ አያናፕ ጊዲያ ጊሾ ኢዮ ኤካናው ያዮፋ» ያጊስ። 21 ኢያ አዴ ናዓ ዮላና፡ ኢ ባ ዴሪያ ኤንታ ናጋራፕ አሽያ ጊሾ ኢያ ሱንሳ ኔ ዮሱሳ ጋዳ ያጋና።

22 ጎዳይ ናቢያ ኢሳያሳ ዶናን፡ 23 «ሄኮ ጌላዲያ ቃንሳታና፤ አዴ ናዓካ ዮላና፤ ኢያ ሱንሳይ አማኑዴላ ጌቲታና» ጎይሲ ፖሌታና ሜላ ሃ ኡባይ

ሃኒስ። አማኑኤል ጌይሳስ ቢርሼሳይ «የሳይ ኑራ ዴዴስ» ጉሱ።

24 የሴሬ ዲስኮሬ ባርኪዲ ጎዳ ኪታንቾይ ኪቲዳይሳ ሜላ ማይራዎ ባ ሶ ኤሬስ። 25 ሺን ባ ባይራ ናዓ ዩላና ጋካናው ኢዮ ቦቺቤና፤ \* ዩሌቲዳ ናዓካ ዩሱሳ ጊዲ ዌጊስ።

2

ዶሎሃፕ ዩዳ አሳታ

1 ካወዋ ሄሮዲሳ ዎዴን ዩሱሲ ዩሁዳ ቢታን ቤቴሌሜ ካታማን ዩሌቲዳይሳሬ ጉዩ ያሊንቶ ታይቢዮ አሳቲ ዶሎሃፕ ዩሩሳላሜ ዩዲ። 2 «ዩሌቲዳ አይሁዲ ካዎይ አወን ዴዲ? ኑኒ ዶሎሃ ባጋራ ኪዩዳ ኢያ ያሊንቱዋ ቤዲዲ ኢያው ጎይናናው ዩዳ» ያጊዲ አይቺዶሶና። 3 ካዎይ ሄሮዲሲ ሄሳ ሲዲዳ ዎዴ ዳጋሚስ። ዩሩሳላሜን ዴዲያ አሳይ ኡባይካ ዳጋሚዶሶና። 4 ሄሮዲሲ ካሂኒ ሃላቃታኔ ሂኒ አስታማሬታ ባኮ ዌጊዲ። «ኪሪስቶሲ አወን ዩሌታንዴሻ?» ያጊዲ ኤንታ አይቺስ።

5 ኤንቲካ፣ «ዩሁዳ ቤቴሌሜና፤ ናቤይ። 6 «ዩሁዳን ዴዲያ ቤቴሌሜ፣ ዩሁዳን ዴዲያ ጎባ ካታማታፕ፣ ኔኒ አይቢንካ ጉዓካ። ታ ዴሪያ ኢስራዴል አይሳናይሲ፣ ኔፕ ኪያና፣ ጊዲ ዓሬስ» ያጊዶሶና።

7 ሄሳሬ ጉዩ፣ ሄሮዲሲ ዶሎሃፕ ዩዳ አሳታ ጊማን ዌጊዲ፣ ያሊንቱዋ ኤንቲ ቤዲዳ ዎዲያ ኤንታሬ ጊሺዲ ኤሪስ። 8 ኢ ኤንታና ቤቴሌሜ ዩዲሼ፣ «ቤዲ ዩሌቲዳ ናዓ ሚንሲዲ ኮዩቴ፤ ኢያ ሂንቱ ዴሚዳ ዎዴ ታካ ባዳ ኢያው ጎይናና ሜላ ሲሚዲ ዩሼ ታው አዲቴ» ያጊስ። 9 ኤንቲካ ካዎይ ሄሮዲሲ ጊዳይሳ ሲዲዲ ቢዶሶና፣ ኤንቲ ዶሎሃ ባጋራ ቤዲዳ ያሊንቶይ ኤንታና ካሌሲሼ ናዓይ ዴዲያሱዋ ጋካናው ኤሬስ። 10 ኤንቲ ሄ ያሊንቱዋ ቤዲዳ ዎዴ ጊታ ኡፋይሲ ኡፋይቲዶሶና። 11 ሶ ጊሊዲ ናዓ ባ አዩ ማይራሚራ ዴዲይሳ ቤዲዶሶና። ኢያው ጉልባቲዲ ጎይኒዶሶና። ባንታ ሳሂኒያ ዶዩዲ ዎርቃ፣ ኢዓኔኔ ካርቤ ኢያው ኢሚዶሶና። 12 ኤንቲ ሄሮዲሳኮ ጉዩ ሲሞና ሜላ ያሳይ አሙሆን ኤንታው አዲን፣ ሃራ አጌራ ባንታ ቢታ ሲሚዶሶና።

ጊብዌ ባቃቱዋ

13 ዶሎሃ ባጋሬ ዩዳ አሳቲ ቢዳፕ ጉዩ፣ ጎዳ ኪታንቾይ ዩሴፋስ አሙሆን ቆንጨዲ፣ «ሄሮዲሲ ናዓ ዎዳናው ኮያ ጊሾ ዴንዳ፤ ኤሌሳዳ ናዓኔ ናዓ አዩው ኤካዳ ጊብዌ ቢታ ባ። ኔ ሲማና ዎዲያ ታ ኔው አዳና ጋካናው ያን ጋምዓ» ያጊስ። 14 ሄሳ ጊሾ፣ ዩሴሬ ሄ ቃማን ዴንዲዲ፣ ናዓኔ ናዓ አዩው ኤኪዲ ጊብዌ ቢስ። 15 ናቢያ ዶናን ያሳይ፣ «ታኒ፣ ታ ናዓ፣ ጊብዌ ቢታሬ ዌጋስ» ጌቲቲዳ ቃላይ ፖሌታና ሜላ ሄሮዲሲ ሃይቃና ጋካናው ኢ ያን ዴዲስ።

16 ሄሳሬ ጉዩ፣ ዶሎሃ ባጋሬ ዩዳ አሳቲ ኢያ ጨሚዳይሳ ኤሪዳ ዎዴ ዳር ዩሎቲስ። ኢ ካሴ ኤንታሬ ሲዲዳይሳ ቤቴሌሜኔኔ ሄ ሄራን ዴዲያ ናምቡ ሳይሲ ኩሚዳይሳታኔ ናምቡ ሳይሳሬ ጋርሳን ዴዲያ አዴ ናይታ ኡባ ባ ዎታዳሬታ ዩዲዲ ዎዲሲስ።

17-18 ናቢያ ኤርሚያሳ ዶናን፣ «ዩሆይኔ ዜሌልሲ፣ ራማ ካታማን ሲዌቲስ፣ ራሄላ ባ ናይታስ ዩካዉሱ፤ ኤንቲ ሃይቂዳ ጊሾ ሚኔታናው ዳንዳዓቡኩ» ጊዲ አዲዳይሲ ፖሌቲስ።

ናዚሬቴ ሲሙዋ

19 ሄሮዲሲ ሃይቂዳፕ ጉዩ ጊብዌን ጎዳ ኪታንቾይ ዩሴፋስ አሙሆን ቆንጨዲ፣ 20 «ናዓ ዎዳናው ኮያ አሳቲ ሃይቂዳ ጊሾ ዴንዳዳ ናዓኔ ናዓ አዩው ኤካዳ ኢስራዴል ቢታ ሲማ» ያጊስ።

21 ዩሴሬ ዴንዲዲ ናዓኔ ናዓ አዩው ኤኪዲ ኢስራዴል ቢታ ሲሚስ። 22 ሺን ኦርኪሊዮሲ ዩሁዳን ባ አዋ ሄሮዲሳ ቤሳን ካዎቲዳይሳ ሲዲዳ ዎዴ ያ ባናው ያዩስ። ያሳይ አሙሆን ኢያው ቆንጨሲን ጋሊላ ቢታ ቢስ። 23 ናቤታ ዶናን፣ «ናዚሬቴ አሲ ጌቲታና» ጊዲ አዴቲዳይሲ ፖሌታና ሜላ ናዚሬቴ ካታማ ቢዲ ያን ዴዲስ።

3

ግማቂያ ዮሃንሳ ቲሚርቲያ

(ማር 1:1-8፤ ሉቃ 3:1-17፤ ዮሃ 1:19-28) 1-2 ሄ ዎዴ ግማቂያ ዮሃንሲ፣ «የሳ ካዎቲሳይ ማታቲዳ ጊሾ ሂንቱ ናጋራፕ ሲሚቴ» ያጊዲ ሳባኪሼ ዩሁዳ ባዘ ቢታ ቢስ። 3 ናቢያ ኢሳያሲ ዮሃንሳባ አዲዳይሳ ሜላ፣ «ባዘ ቢታን፣ ኢሶይ ባ ቃላ ዶቁ አሲዲ፣ ጎዳ አጊያ ጊጊሲቴ፣ ኢያ ሆርጋ ፒዲ አሲቴ» ጊስ» ያጌቲዳይ ኢያሳ ያጊስ።

4 ዮሃንሲ ጊማሌ ኢኪሴፕ አሴቲዳ አሬላ ማዴስ፣ ባ ዌሳን ዳፎ ዳንጨስ። ኢ ሚያ ካሳይካ ቦሌኔ ዴጌራ ኤሲ። 5 አሳይ ሄ ዎዴ ዩሩሳላሜ ካታማ፣ ዩሁዳ ቢታ ኡባሬኔ ዮርዳኖሴ ሻፋ ሄራፕ ኢያኮ ዮሶና። 6 ባንታ ናጋራ ፓዲዲ ዮርዳኖሴ ሻፋን ዮሃንሳ ኩሼን ግማቂዶሶና።

7 ዮሃንሲ፣ ዳር ፋሪሳዌቲኔ ሳዱቃዌቲ ግማቂታናው ባኮ ዩይሳታ ቤዲዲ፣ ኤንታኮ፣ «ሃ ኢታ ሾሻቶ፣ ያና ያሳ ሃንቁዋሬ ባቃታና ሜላ ሂንቱና አኔ ዘሪዳይ? 8 ሂዘ፣ ሂንቱ፣ ሂንቱ ናጋራፕ ሲሚዳይሳ ኤሪሲያባ አሲቴ። 9 ሂንቱ፣ ሂንቱ ዎዳናን፣ (አብራሃሜይ፣ ኑ አዋይ ዴዴስ) ጊዲ ቆፖሬቴ። ሎይሲ ሲዲቲ! ያሳይ ሃ ሹቻታፕ አብራሃሜስ ናዓ ኪሳናው ዳንዳዴስ። 10 ቤዳይ ሚሳ ዓዲዋን ጊጊዲ ኡቲስ፤ ሎዎ አይሬ አይፎና ሚሳ ኡባይ ቃንዌቲዲ ታማን ዩጊታና።

11 «ሂንቱ፣ ሂንቱ ናጋራፕ ሲሚዳይሳ ኤሪሳናው ታኒ ሂንቱና ሃሳን ግማቃይስ። ሺን

\* 1:25 ኢዮ ቦቺቤና፣ ማቺራ አዚናራ አቂይሳዳ ኢሲሬ አቂዐኮና ጉሱ። 1:25 ሉቃ 2:21 2:6 ሚክ 5:2 2:15 ሆሴ 11:1 2:17-18 ኤር 31:15 2:23 ማር 1:24፤ ሉቃ 2:39፤ ዮሃ 1:45 3:1-2 ማቶ 4:17፤ ማር 1:15 3:3 ኢሳ 40:3 3:4 2ካዎ 1:8 3:7 ማቶ 12:34፤ 23:33 3:9 ዮሃ 8:33 3:10 ማቶ 7:19

ታፎ ጉዩራ ዩይሲ ሂንቴና ጊሻ አያናኒኔ ታማን ማቃና። ኢ ታፎ ዳሮ ዎልቃሜስ፤ ታኒ ሃሪ አቶሺን ኢያ ጫማ ቶካናወካ ቤሲኬ።<sup>12</sup> ካሳ ጊሺያ ፒሴይ ኢያ ኩሼን ዴዔስ። ካሳ ሎይሲ ጊሼስ፤ ጊስቲያ ባ ሻሊያን ቆላና፤ ሺን ፑጉዎ ቶያና ታማን ፁጋና» ያጊስ።

**ዩሱሳ ማቃቱሳ**  
(ማር 1:9-11፤ ሉቃ 3:21-22)

<sup>13</sup> ሄ ዎዴ ዩሱሲ ዮሃንሳ ኩሼን ማቃታናው ጋሊላፎ ዮርዳኖሴ ሻፋ ቤስ።<sup>14</sup> ሺን ዮሃንሲ ኢያ ዲጋናው ኮዩድ፤ «ታኒ ኔናን ማቃታናው ኮሺሺን ኔኒ ታኮ ያይ?» ያጊስ።<sup>15</sup> ሺን ዩሱሲ ዛሪዲ፤ «ዮሳይ ኑፔ ኮያባ ኡባ ኑ ፖላናው ቤሲያ ጊሾ ሃዲ ታው ኤሮ ጋ» ያጊስ። ዮሃንሲ ኢያው ኤሮ ጊዲ ኤኪስ።<sup>16</sup> ዩሱሲ ማቃቱሳ ሚላ ሃሳፌ ኬዩስ። ኢራካ ሳሎይ ዶዩቲን ዮሳ አያናይ ሆሌዳ ዩሺን ቃሲ ባ ቦላ ዎልጋሚዲ ዎዲሺን ቤዒስ።<sup>17</sup> ሄ ዎዴ «ታ ዶሲያ፤ ኢያን ታና ኡፋይሲያ ታ ናዓይ ሃይሳ» ያጊያ ቃላይ ሳሎፎ ዩስ።

4

**ዩሱሳ ፓጩቴሳ**  
(ማር 1:12-13፤ ሉቃ 4:1-13)

<sup>1</sup> ሄሳፌ ጉዩ፤ ሃላሄይ ዩሱሳ ፓጩና ሚላ ጊሻ አያናይ ዩሱሳ ባዞ ቤታ ኤፊስ።<sup>2</sup> አይታሙ ቃማኔ አይታሙ ጋላስ ምሚያፎ ጉዩ ኮሻቲስ።<sup>3</sup> ሃላሄይ ዩሱሳኮ ዩዲ «ኔኒ ዮሳ ናዓ ጊዲኮ፤ አኔ ሃ ሹቻቲ ኡይሲ ጊዳና ሚላ ኪታ» ያጊስ።<sup>4</sup> ዩሱሲ ዛሪዲ፤ «አሲ ዮሳ ዶናፎ ኬያ ቃላ ኡባን ዳናፎ አቲን ኡይሳ ሃላላን ዴዔናን ጌቱቲዲ ዮሳ ቃላን ሃፌቲስ» ያጊስ።<sup>5</sup> ካሊዲካ፤ ሃላሄይ ዩሱሳ ጊሻ ካታማ ኤፊዲ፤ ዮሳ ኬሳ ሁዲያ ኬሲዲ፤<sup>6</sup> «ኔኒ ዮሳ ናዓ ጊዲኮ፤ አኔ ዱጌ ሳዓን ኩንዳ። አይስ ጊኮ፤ <ኔ ቶሆይ ሹቻን ዱቤቲ ዴሹቶና ሚላ፤ ባንታ ኩሺያን ኔና ዴንሳና ሚላ፤ ዮሳይ ባ ኪታንቾታ ኔ ጊሾ ኪታና> ጌቱቲዲ ዮሳ ቃላን ሃፌቲስ» ያጊስ።<sup>7</sup> ዩሱሲ ኢያኮ፤ «ቃሲካ፤ <ዮሳ ቃላን ኔ ጎዳ፤ ኔ ዮሳ ፓጩፋ> ያጌቲዲ ሃፌቲስ» ጊዲ ዛሪስ።<sup>8</sup> ወርሴላን ሃላሄይ ዩሱሳ ኢሲ ዎልቃማ ዴሪያ ሁዔ ኬሲዲ አላሚያ ካዎቴሳታ ኤንታ ቦንቾዋራ ኢሲፌ ቤሲዲ፤<sup>9</sup> «ኔ ታው ኩንዳዳ ጎይኒኮ ታ ኔው ሃ ኡባ ኢማና» ያጊስ።<sup>10</sup> ዩሱሲ ዛሪዲ፤ «ሃ ሃላሂያው፤ ታፎ ሃካ! <ኔ ጎዳ፤ ኔ ዮሳ ጎይና፤ ኢያ ሃላላ ሃጋዛ> ጌቱቲዲ ዮሳ ቃላን ሃፌቲስ» ያጊስ።<sup>11</sup> ሄሳፌ ጉዩ፤ ሃላሄይ አጊዲ ቤስ፤ ኪታንቾቲ ዩዲ ኢያ ሃጋዘዶሶና።

**ዩሱሳ ቲሚርቲያ**  
(ማር 1:14-15፤ ሉቃ 4:14-15)

<sup>12</sup> ዩሱሲ፤ ዮሃንሲ ቃሹቶይሳ ሲዒዳ ዎዴ ጋሊላ ቤታ ቤስ።<sup>13</sup> ናዘሬቴ ካታማ አጊዲ ዛሲሎናኒኔ ኒፍታሌሜ ሄራን፤ አባ ማታን ዴዒያ ቂፊርናሆሜ ካታማ ቤዲ ያን ዴዒስ።<sup>14</sup> ሄሲ ሃኒዳይ ናቢያ ኢሳያሳ ዶናን፤

<sup>15</sup> «ዛቢሎኔ ቢታን፤ ኒፍታሌሜ ቢታን፤ ዮርዳኖሴ ሻፋፎ ሄሬንሳን፤ አባ አጊያ ጋዓን ዴዒያ፤ አይሁዴ ጊዶና ዴሬይ ዴዒያ ጋሊላን፤  
<sup>16</sup> ዱማን ዴዒያ ዴሬይ፤ ዎልቃማ ፖያ ቤዒስ። ሃይቆ ኩያ ቤታን፤ ዴዔይሳታስ ፖያይ ኬዩስ» ያጊዲ አዴቲዳ ቃላይ ፖሌታና ሚላሳ።  
<sup>17</sup> ሄ ዎዴፎ ዶሚዲ ዩሱሲ፤ «ዮሳ ካዎቴሳይ ማታቲዳ ጊሾ ሂንቴ ናጋራፎ ሲሚቴ» ያጊዲ ቃላ ሳባኬስ።

**ኮይሮ ታማሬታ ዩጌቴሳ**  
(ማር 1:16-20፤ ሉቃ 5:1-11)

<sup>18</sup> ዩሱሲ ጋሊላ አባ ማታራ አዲሼ ናምቡ ኢሻታ፤ ጳጳሮሳ ጌቱቲያ ሲሞናኔ ኢያ ኢሻ ኢንዲሪያሳ ቤዒስ። ኤንቲ ሞሎ አይኬይሳታ ጊዲዳ ጊሾ ባንታ ጊቲያ አባን ዩጎሶና።<sup>19</sup> ዩሱሲ ኤንታና፤ «ሃ ዩቴ፤ ታና ካሊቴ! ሞሎ አይሲ አቶሺን፤ ታ ሂንቴና አሴ አይሲ ታማርሳና» ያጊስ።<sup>20</sup> ኤንቲካ፤ ኤሌሲዲ ባንታ ጊቲያ ዩጊ አጊዲ ዩሱሳ ካሊዶሶና።  
<sup>21</sup> ዩሱሲ ያፎ ቡሮ ጌዴ ሲንሴ አዲሼ ሃራ ናምቡ ኢሻታ፤ ዛብዲዮሳ ናይታ፤ ያይቆባኔ ዮሃንሳ ቤዒስ። ባንታ አዎ ዛብዲዮሳራ ኢሲፌ ዎጎሎዎ ጊዶን ባንታ ጊቲያ ጊጊሴይሳታ ዩጊስ።  
<sup>22</sup> ኤንቲካ፤ ኤሌሲዲ ባንታ ዎጎሎዎ ባንታ አዎ አጊዲ ዩሱሳ ካሊዶሶና።

**ዩሱሲ ሃርጋንቾታ ፓሊስ**  
(ሉቃ 6:17-19)

<sup>23</sup> ዩሱሲ አይሁዴ ዎሳ ኬሳታን ታማርሲሼ፤ ሳሎ ካዎቴሳ ዎንጌላ አዲሼኔ ዱማ ዱማ ሃርጊያፌ አሳ ፓሊሼ ጋሊላ ቤታ ኡባን ዩዩስ።  
<sup>24</sup> ሄሳፌ ዴንዶይሳን ኢያ ሱንሳይ ሶሪያ ቤታ ኡባን ኬዩስ። ዱማ ዱማ ሃርጊን አይኬቲዳይሳታኔ ዋዩቴይሳታ፤ ቱና አያናን አይኬቲዳይሳታ፤ ሾጪ ዩጊያ ሃርጊን አይኬቲዳይሳታኔ፤ ጉንዳታ ኢያኮ ኤሂዶሶና፤ ኢካ ኤንታና ፓሊስ።  
<sup>25</sup> አሳይ ጋሊላፎ፤ ታሙ ካታማታፎ፤ ዩሩሳላሜፎ፤ ዩሁዳፎ፤ ዮርዳኖሴ ሻፋ ሄሬንሳን ዴዒያ ቤታፌ ዩዳ ዳሮ አሳይ ኢያ ካሊዶሶና።

5

**ዩሱሲ ዴሪያ ቦላ ታማርሲዳ ቲሚርቲያ**

<sup>1</sup> ዳሮ ዴሬይ ሸቂዳይሳ ዩሱሲ ቤዒዳ ዎዴ ዴሪያ ቦላ ኬዩዲ ኡቲስ። ኢያ ታማሬቲ ኢያኮ ሸቂን፤<sup>2</sup> ሃይሳዳ ያጊዲ ታማርሲስ።  
**ቱማ ኡፋይሳ**  
(ሉቃ 6:2-23)  
<sup>3</sup> «ባንታ አያናን ማንቆቲ አንጄቲዳይሳታ፤ ሳሎ ካዎቴሳይ ኤንታሳ።  
<sup>4</sup> ዩኬይሳቲ አንጄቲዳይሳታ፤ ኤንቲ ሚንሴሶ ዴማና።  
<sup>5</sup> ባንታ ዎዛናን አሽኬቲ አንጄቲዳይሳታ፤

3:17 ማቶ 12:18፤ 17:5፤ ማር 1:11፤ ሉቃ 9:35 4:1 ኢሳ 2:18፤ 4:15 4:4 ዛሬ 8:3 4:6 ማዝ 91:11  
4:7 ዛሬ 6:16 4:10 ዛሬ 6:13 4:12 ማቶ 14:3፤ ማር 6:17፤ ሉቃ 3:19-20 4:13 ዮሃ 2:12 4:15 ኢሳ  
9:1-2 4:17 ማቶ 3:2 4:23 ማቶ 9:35፤ ማር 1:39 5:4 ኢሳ 61:2 5:5 ማዝ 37:11



- ኤንቲ ሳዓ ላታና።
- 6 ዊሎባ አሳናው ኮሻቴይሳቲኔ ሳሞቴይሳቲ አንጄቲዳይሳታ። ኤንቲ ካላና።
- 7 ማሬይሳቲ አንጄቲዳይሳታ። ኤንቲ ማሮቴሲ ዴማና።
- 8 ዎዛና ገሻቲ አንጄቲዳይሳታ። ኤንቲ ያሳ ቤዓና።
- 9 ሲጌሴይሳቲ አንጄቲዳይሳታ። ኤንቲ ያሳ ናይታ ጌቴቲ ዩጌታና።
- 10 ዊሎባ አሲያ ጊሾ ጊዲ። ጎዴቴይሳቲ አንጄቲዳይሳታ። ሳሎ ካዎቴሳይ ኤንታሳ።

11 «አሳይ ሂንቴና ታ ጊሾ ጊዲ ጫያ ዎዴ ጎዲያ ዎዴኔ ሂንቴ ቦላ ኢታባ ኡባ ዎርዶን አይሲያ ዎዴ ሂንቴ አንጄቲዳይሳታ። 12 ሂንቴ ዎይቶይ ሳሎን ጊታ ጊዲያ ጊሾ ኡፋይቲቴ። ሃሹ ጊቴ። ሂንቴፊ ካሴ ዴዲያ ናቤታ ሄሳዳ ጎዲዶሶና።

**ማጻኔኔ ፖፖ**

13 «ሂንቴ ቤታስ ማጻኔ፤ ማጻኔይ ባ ማጻኔቴላ አጊኮ። ባ ማልፖቴላ ዋቲ ዛሬ ዴማኔ? ካሬ ሆሊን አሳን ዩዴታናፕ አቲን አይቤስካ ማዴና።

14 «ሂንቴ ቤታስ ፖፖ፤ ዴሬ ቦላ ዴዲያ ካታሚያ ቆሴታናው ዳንዳዑኩ። 15 ዎምፕ አይሲዲ ሶን ዴዲያ አሳ ኡባስ ፖዓና ሜላ ዶቃ ሶን ዎሴሲፕ አቲን ዳሎ ጊዶን ዎሴይ ባዎ።

16 ሄሳ ሜላ አሳይ ሂንቴ ሎፖ አሱዎ ቤዲዲ። ሳሎን ዴዲያ ሂንቴ አዎ ቦንቻና ሜላ ሂንቴ ፖፖይ አሳ ሲጎላን ፖፖ።

**ሙሴ ሂጊያ**

17 «ታኒ ሙሴ ሂጊያኔ ናቤታ ቃላ ሻራናው ዩዳ ሂንቴው ዳኖፖ። ታኒ። ኤንቲ አዲዳይሲ ቱማ ጊዴይሳ ቆንጨሳናው ያሲፕ አቲን ሻራናው ያቤኬ። 18 ታ ሂንቴው ቱማ አዳይስ፤ ሳሎይኔ ሳዓይ አዳና ጋካናው ሂጊ ኡባይ ፖሌታናፕ አቲን ሂጊያፊ ኢሲ ቃላይ ዎይኮ ፒዳሌይ አዴና።

19 ሄሳ ጊሾ። ሃ ኪታታፕ ጉዲያ ኢሲ ኪታ ሜንሲያ አኒካ ቃሲ ሃራታ ሄሳሶ አሳና ሜላ ታማርሴይ አኒካ ሳሎ ካዎቴሳን ኡባፊ ጉሳ ጊዳና። ሺን ሃ ኪታ ፖሌይሲኔ ሃራታካ ፖላና ሜላ ታማርሴይ ሳሎ ካዎቴሳን ጊታ ጊዳና። 20 ታ ሂንቴው አዳይስ፤ ሂንቴ ዊሎቴሳይ ፋሪሳዌታ ዊሎቴሳፊኔ ሂጊ አስታማሬታ ዊሎቴሳፊ አዶና ኢዲኮ። ሳሎ ካዎቴሳ ጌሌኬታ።

**ዎዶባ**

21 «ሂንቴ ማይዛታስ። <ዎዶፒቴ፤ ሽዎፖ ዎዶዳ አኒካ ፒርዴታና> ጌቴቶይሳ ሲዲዴታ።

22 ሺን ታ ሂንቴው አዳይስ፤ ባ ኢሻ ሃንቄቲያ ኡባይ ፒርዴታና። ባ ኢሻ ጫያ አኒካ ዳይና ሲጎሊ ፒርዳስ ሺቃና። ባ ኢሻኮ። <ኤያይ> ጊያ አኒካ ቃሲ ጋናሜ ታማን ፒርዴታና።

23 «ሄሳ ጊሾ። ኔኒ ኔ ያርሹዎ ያርሺያ ዎዴ ኔ ኢሻ ቆሃዳባይ ኔው አኪኬቲኮ። 24 ኔ ያርሹዎ ሄ ቤሳን አጋዳ ባ፤ ኮይሮታ ባዳ ኔ ኢሻራ ጊጋ፤ ያታ ሲማዳ። ኔ ያርሹዎ ያሳስ ያርሻ።

25 «ኔና ሞቴይሳራ ፒርዳ ኪሲ ባሼ አጌ ቦላ ኢያራ ጊጋ። ሄሲ አቶ ጊኮ ኢ ኔና ዳይና ሲጎሊ ኤፋና። ዳይናይ ኔና ቃቼይሳስ አሲ ኢማና፤ ኢ ኔና ዎይኔን ዩጋና። 26 ታ ቱማ አዳይስ፤ ኔ ቦላ ፒርዴቲዳ አጩዎ ኢሲ ሳንቲሜይ አቶና ጨጋ አንጋና ጋካናው ቃሾ ኪሳፊ ኪያካ።

**ላይማቴሳባ**

27 «ሃይሳፊ ካሴ። <ላይማቶፒቴ> ጌቴቶይሳ ሲዲዴታ። 28 ሺን ታ ሂንቴው አዳይስ። ማጫስ ያሊዲ። አሞቲዳ ኡባይ ባ ዎዛናን ኢራ ላይማቴስ። 29 ኔ ኡሻቻ አይፊይ ኔው ናጋራስ ጋሶ ጊዲኮ። ኪሳ ሆላ። ኔ አሳቴሳይ ኩሜሲ ጋናሜ ታማን ዎዳናፕ ኔ አሳቴሳፊ ኢሶይ ዳይኮ ኔው ሎፖ። 30 ኔ ኡሻቻ ኩሼይ ኔው ናጋራስ ጋሶ ጊዲኮ። ኢያ ቃንፃ ሆላ። ኔ አሳቴሳይ ኩሜሲ ጋናሜ ታማን ዎዳናፕ ኔ አሳቴሳፊ ኢሶይ ዳይኮ። ኔው ሎፖ።

**ማቺ አዚና ቤሌሳባ**

(ማቶ 19:9፤ ማር 10:11-12፤ ሉቃ 16:18)

31 «<ባ ማቺው ዩዲያ አኒካ አንጄ ዋርቃቲያ ኢሞ> ጌቴቲስ። 32 ሺን ታ ሂንቴው አዳይስ፤ ባ ማቺያ ላይማቶና ዴዲሺን ቤሊያ አኒካ ኢያ ላይማታና ሜላ አሴስ። ሄሳዳካ። አንጄቲዳ ማጫሲው ኤኪያ ኡባይ ላይማቴስ።

**ጫቆባ**

33 «ሂንቴ ማይዛታኮ። <ዎርዶን ጫቆፊቴ፤ ሂንቴ ያሳ ሲጎላን ጫቂዳይሳ ፖሊቴ> ጌቴቲዳይሳ ሲዲዴታ። 34 ሺን ታ ሂንቴው አዳይስ፤ ኡባራካ ጫቆፊቴ። ያሳይ ኡቲያ አራታ ጊዲያ ጊሾ ሳሎን ጫቆፊቴ። 35 ኢያ ቶሆይ ዩዲያ ሶ ጊዲያ ጊሾ ሳዓንካ ጫቆፊቴ። ጊታ ካወዋ ካታማ ጊዲያ ጊሾ ዩሩሳላሜንካ ጫቆፊቴ። 36 ሂንቴ ቤናናፕ ኢሱዋካ ቦሲ ዎይኮ ካሬሲ አሳናው ዳንዳሶና ጊሾ ሂንቴ ሂንቴ ሁዓንካ ጫቆፊቴ። 37 ሄሳ ጊሾ። ሂንቴ ቃላይ። <ኤ> ዎይኮ <አካይ> ጊዶ። ሄሳፊ ካሬ ኪዩይ ፃላሄፕ ዩስ።

**ሃሎ ኪያናው ኮሺና**

38 «<አይፊ ጊሾ አይፊ፤ አቻ ጊሾ አቼ> ጌቴቲዳይሳ ሲዲዴታ። 39 ሺን ታ ሂንቴው አዳይስ፤ ሂንቴ ቦላ ኢታባ አሲያ ኡራራ ኤቁቶፊቴ። አኒካ ኔ ኡሻቻ ሻካላ ባቂኮ ኔ ሃዲርሳ ሻካላካ ቤሳ። 40 ኢሲ አሲ ኔ ሻሚዚያ ኤካናው ኔና ሞቲኮ። ኔ ኮቲያ ጉጃዳ ኢማ። 41 ኢሲ አሲ ኔና ዎልቃን ባባ ቶሲዲ ኢሲ ሳቲ አጌ ባራ ባና ሜላ ኔና ኡንዴሲኮ። ኢያራ ናምዑ ሳቲ አጌ ባ። 42 ዎሲያ አይስካ ኢማ፤ ኔፕ ታልዓናው ኮያ አናካ ዲጎፋ።

5:6 ኢሳ 55:1 5:8 ማዝ 24:3 5:10 1ጴጊ 3:14 5:11 1ጴጊ 4:14 5:12 2ታሪ 36:16፤ ሃ.አ 7:52 5:13 ማር 9:50፤ ሉቃ 14:34-35 5:14 ዮሃ 8:12፤ 9:5 5:15 ማር 4:21፤ ሉቃ 8:16፤ 11:33 5:16 1ጴጊ 2:12 5:18 ሉቃ 16:17 5:21 ኪሳ 20:13፤ ዛሬ 5:17 5:27 ኪሳ 20:14፤ ዛሬ 5:18 5:29 ማቶ 18:9፤ ማር 9:47 5:30 ማቶ 18:8፤ ማር 9:43 5:31 ማቶ 19:7፤ ማር 10:4 5:32 ማቶ 19:9፤ ማር 10:11-12፤ ሉቃ 16:18፤ 1ቆሮ 7:10-11 5:33 ሉቁ 19:12፤ ታይ 30:2፤ ዛሬ 23:21 5:34 ማቶ 23:22 5:35 ኢሳ 66:1፤ ማዝ 48:2 5:38 ኪሳ 21:24፤ ሉቁ 24:20፤ ዛሬ 19:19

**ኔ ሞርኬታ ሲቃ**

(ሉቃ 6:27-28፣ 32-36)

43 «እኛ ደሴይሳ ዶሳ፤ ኔና ኢጄይሳ ኢግ) ጌቱቶይሳ ሲጊዴታ። 44 ሺን ታ ሂንቴው አዳይስ፤ ሂንቴ ሞርኬታ ዶሲቴ፤ ሂንቴና ቆሄይሳታስ ምሲቴ። 45 ሄሳሶ ሂንቴ አሲኮ፣ ሳሎን ዴሲያ ሂንቴ አዋስ ሂንቴ ናይታ ጊዳና። ኢ ኢታታሲኔ ሎታስ አዋ ኬሴስ፤ ጊሎታሲኔ ናጋራንቾታስ ባ ኢራ ቡኪሴስ። 46 ሂንቴና ዶሲያ አሳ ሃላላ ሂንቴ ዶሲኮ፣ ሂንቴው አይ ዎይቶይ ዴሲ? ሃሪ አቶሺን፣ ቃራግ ቃንጊሴይሳቲካ ሄሳ አሶሶና። 47 ሂንቴ፣ ሂንቴ ኢሻታ ሃላላ ሳሮሲኮ፣ ሃራታፔ አይ ሃራ አዲያ ባ አሲይቲ? ሃሪ አቶሺን፣ ዶሳ አማኖና አሳይካ ሄሳ አሶሶና። 48 ሂዛ፣ ሳሎን ዴሲያ ሂንቴ አዋይ ፖሎ ጊዶይሳዳ ሂንቴካ ፖሎ ጊዲቴ።

**6**

**ማንቆታስ ኢሞባ**

1 «አሲ ቤዎ ጊዲ ሂንቴ ሎዎ አሱዋ አሳ ሲንሳን አሶናዳ ናጌቲቴ። ሄሳሶ ሃኖና ኢጊኮ ሳሎን ዴሲያ ሂንቴ አዋፔ ዎይቶ ዴሚኬታ። 2 «ሂንቴ ማንቆታስ ኢሚያ ዎዴ አሳ ሲንሳን ቦንቼታናው ጊዲ ጩቡቲ አጊያ ዶናኒኔ አይሁዴ ዎሳ ኬሳታን አሴይሳዳ አሲ ቤዎ ጊዲ አሶሬቴ። ታ ሂንቴው ቱማ አዳይስ፤ ኤንቲ ባንታ ኩሜሳ ዎይቱዋ ኤኪዶሶና። 3 ሺን ሂንቴ ማንቆታስ ኢሚያ ዎዴ ሂንቴ ኡሻቻ ኩሼይ አሴይሳ ሂንቴ ሃዲርሳ ኩሼይ ኤሮፖ፤ 4 ሂንቴ ኢሞይ ጌማን ጊዶ፣ ጌማን አሴይሳ ቤሲያ ሂንቴ አዋይ ሂንቴው ዎይቱዋ ቆንጩን ኢማና።

**ዎሳባ**

(ሉቃ 11:2-4)

5 «ዎሳ ዎሲሼ ጩቡታሶ ሃኖፕቴ። ኤንቲ፣ ባንታና አሲ ቤዎ ጊዲ አይሁዴ ዎሳ ኬሳኒኔ አጊያ ዶናን ኤቂዲ ዎሴይሳ ዶሶሶና። ታ ሂንቴው ቱማ አዳይስ፤ ኤንቲ ባንታ ኩሜሳ ዎይቱዋ ኤኪዶሶና። 6 ሺን ኔኒ ዎሲያ ዎዴ ኔ ሶ ጌላ፣ ወላ ጎርዳዳ ጌማን ዴሲያ ኔ አዋኮ ዎሳ፤ ጌማን አሴይሳ ቤሲያ ኔ አዋይ ኔው ዎይቱዋ ኢማና። 7 ሂንቴ ዎሲያ ዎዴ አማኖና አሳሶ ጮ ቃላ ዳርሲዲ ዎሶሬቴ። ኤንቲ አዳሲ ዎሲን ዎሳይ ሲዴስ ጊዲ ቆፖሶና። 8 ሄሳ ጊሾ፣ ኤንታይሳዳ ሃኖፕቴ። አይስ ጊኮ፣ ሂንቴ አዋይ ሂንቴው አይ ኮሺያኮ ሂንቴ ዎሳናፔ ሲንሳቲዲ ኤሬስ።

9 «ሂዛ፣ ሂንቴ ያጊዲ ዎሲቴ፡

«ሳሎን ዴሲያ ኑ አዋው፣  
 ኔ ጊሻ ሱንሳይ አንጄቶ።  
 10 ኔ ካዎቴሳይ ዮ፣  
 ኔ ሼኔይ ሳሎን ሃኒዳይሳዳ ሳንገካ ሃኖ።  
 11 ጋላሳ ካሳ ሃቺ ሃቺ ኑስ ኢማ።  
 12 ኑኒ ኑና ቆሂዳይሳታ፣ አቶ ጌይሳዳ፣ ኑስካ ኑ ቆሁዋ አቶ ጋ።  
 13 ኑና ኢታፔ አሻፌ አቲን ፓጩን ጌልሶፋ።  
 [ካዎቴሳይ፣ ዎልቃይኔ ቦንቾይ ሜሪናው ኔሳ፣ አሚንዲ።]

14 «ሂንቴ ሂንቴና ቆሂዳይሳታ አቶ ጊኮ፣ ሳሎን ዴሲያ ሂንቴ አዋይ ሂንቴ ቆሁዋካ አቶ ጋና። 15 ሺን ሂንቴ ሃራ አሳ ናጋራ አቶ ጎና ኢጊኮ ሂንቴ አዋይ ሂንቴ ናጋራ አቶ ጌና።

**ዎማባ**

16 «ሂንቴ ዎሚያ ዎዴ ጩቡታሶ ካቶቶሬቴ። አይስ ጊኮ፣ ኤንቲ ዎሜይሳ አሲ ኤራና ሜላ ባንታ ሶምዑዋ ቂታዮሶና። ታ ቱማ አዳይስ፤ ኤንቲ ባንታ ዎይቱዋ ኤኪዶሶና።

17 «ሺን ኔኒ ዎሚያ ዎዴ ኔ ሶምዑዋ ሚጫ፣ ኔ ሁሲያ ቲዮታ። 18 ሄሳዳ ኔ አሲኮ ኔ ዎሚያ ዎማይ አሳፔ ጌሚዳይሳ፣ ሺን ጌማን ዴሲያ ኔ አዋይ ኤሪያ ዎማ ጊዳና፣ ጌማን አሴይሳ ቤሲያ ኔ አዋይ ኔው ዎይቱዋ ኢማና።

**ሳሎን ሻሎ ሺሾ**

19 «ቢሊ ሚያሶን፣ ቢራቲ ሺሲያሶን፣ ካይሶይ ቦኪዲ ኤኪያሶን፣ ሃ ሳግን፣ ሂንቴው ሻሎ ሺሾፕቴ። 20 ሺን ቢሊ ሞናሶን፣ ቢራቲ ሺሾናሶን፣ ካይሶይ ቦኪዲ ኤኮናሶን ሳሎን ሂንቴው ሻሎ ሺሾፕቴ። 21 ኔ ሻሎይ ዴሲያሱዋን ኔ ዎዛናይ ዴግና።

22 «አይፌይ አሳቴሳስ ዎምፔ። ሄሳ ጊሾ፣ ኔ አይፌይ ፓግ ጊዲኮ ኔ ኩሜሳ አሳቴሳይ ፖዎ ጊዴስ። 23 ኔ አይፌይ ሃርጋንቾ ጊዲኮ ኔ ኩሜሳ አሳቴሳይ ዱማ ጊዴስ። ሂዛ፣ ኔናን ዴሲያ ፖዎይ ዱማ ጊዲኮ፣ ዱማይ አይ ሜላ አዲዲ ዱማንዴሻ!

24 «ኢሲ አሲ ናምዑ ጎዳስ ሃራታናው ዳንዳዳና፣ ኢሱዋ ዶሲኮ ሃንኩዋ ኢጊስ፤ ዎይኮ ኢሱዋ ቦንቼኮ ሃንኩዋ ካዴስ። ዶሳሲኔ ሚሼስ ሃራታናው ዳንዳዳኬታ።

**ኡንዴቶሬቴ**

(ሉቃ 12:22-31)

25 «ሂዛ፣ ሲጊቴ! ሂንቴ ዴዎን ዳናው፣ «አይ ማኔ? አይ ኡያኔ? አይ ማግኔ?» ጊዲ ኡንዴቶሬቴ፤ ዴዎይ ካሳፌ ዎይኮ ማዎፔ አዴኔ? 26 ሳሎ ካፎታ ጸሊቴ፤ ኤንቲ ዜሮኮና፣ ቡጮኮና፣ ሻሌን ዮጎኮና፣ ሺን ሂንቴ ሳሎ አዋይ ኤንታ ሙዜስ። ሂንቴ ኤንታፌ ኬሂ አዴኬቲ? 27 ሂንቴ ጊዶፌ ዳሮ ኡንዴቲዲ ባ ላይሳ ቦላ ኢሲ ጋላስ ጉጃናው ዳንዳዳይ ዴሲ?

28 «ቃሲ ሂንቴ ማሲያባስ አይስ ኡንዴቴቲ? አኔ ጨሻታ ቤሲቴ፣ አሶን ዳቡሮኮና ዎይኮ ሱቆኮና። 29 ሲጊቴ! ሃሪ አቶሺን፣ ካወዋ ሶሎዎኔይ ባ ቦንቾ ኡባን ሃ ጨሻታፔ ኢሱዋ ሚላካ ማሲቤና። 30 ሂንቴና፣ አማኖይ ፓጩዳይሳቶ፣ ዎሳይ ሃቺ ቤንቲዲ ዎንቶ ታማን ዎዳናው ዴሲያ ማታ ያቲዲ ማይዚያባ ጊዲኮ፣ ሂንቴና ኤንታፌ አሲዲ ዋቲ ማይዜኔ? 31 ሄሳ ጊሾ፣ «አይ ማኔ? አይ ኡያኔ? አይ ማግኔ?» ጊዲ ኡንዴቶሬቴ። 32 ሄ ኡባ ዎሳ አማኖና አሳይ ዳርሲዲ ዴማናው ኡንዴቶሶና። ሂንቴ ሳሎ አዋይ ሄ ኡባይ ሂንቴው ኮሼይሳ ኤሬስ። 33 ሺን ኡባፌ ሲንጬ ዎሳ ካዎቴሳኔ ኢያ ጊሎቴሳ ኮዩቴ፤ ሄ ኡባይ ሂንቴው ጉጂ ኢሜታና። 34 ሄሳ ጊሾ፣ ዎንቶስ ቆፕሼ ኡንዴቶሬቴ። ዎንቶይሲ ዎንቶስ አቆ፤ ኢሲ ኢሲ ጋላሳይ ባው ጊዲያ ሜቶራ ዴዴስ።

5:48 ሌዌ 19:2፣ ዛሬ 18:13 6:1 ግጥ 23:5 6:5 ሉቃ 18:10-14 6:14 ማር 11:25-26 6:19 ያይ 5:2 6:29 1ካዎ 10:4-7፣ 2ታሪ 9:3-6



7

**ሃራታ ቦላ ፐርዶሬቴ**  
(ሉቃ 6:37-42)

1 «ሃንቴ ቦላ ፐርዶፊና ሜላ ሃራታ ቦላ ፐርዶፊቴ። 2 አይስ ጊኮ፣ ሃራታ ቦላ ሃንቴ ፐርዶፊሳዳ ሃንቴ ቦላ ፐርዶፊና፤ ሃንቴ ሃራታስ ማኪዳባን ሃንቴው ዛሪ ማኪታና። 3 ኔ አይፊን ዴዲያ ቱሲ ዳኔይሳ ቤዖና ኔ ኢሻ አይፊን ዴዲያ ቡሪያ አይስ ቤዓይ? 4 ኔ አይፊን ቱሲ ዴዲሺን ኔ ኢሻ አይፊን ዴዲያ ቡሪያ ኬሶ ጋናው ዋና ዳንዳዓይ? 5 ኔኖ ጩቡዋው፣ ኮይርታዳ ኔ አይፊን ዴዲያ ቱሲ ዳኔይሳ ኬሳ። ኢያፕ ጉዮ፣ ኔ ኢሻ አይፊን ዴዲያ ቡሪያ ኬሳናው ኔ ገሻ ያላና።

6 «ጉዮ ሲሚዲ ሃንቴና ሳዖና ሜላ ገሻባ ካናታስ ዮጎሬቴ። ባንታ ቶሁዋን ዮዲዲ ኢሶና ሜላ ሃንቴ አልዖ ኢንቁዋ ጉዳንሶታ ሲንሳን ዮጎሬቴ።

**ዎሲቴ፣ ኮዩቴ፣ ያጊቴ**  
(ሉቃ 11:9-13)

7 «ዎሲቴ ሃንቴው ኢሜታና፣ ኮዩቴ ሃንቴ ዴማና፣ ካሬ ዩዲ ያጊቴ ሃንቴው ዶዩታና።

8 ዎሲያ አይስካ ኢሜታና፣ ኮዩ አይስካ ቤንታና፣ ካሬ ዩዲ ያጊያ አይስካ ዶዩታና።

9 «ሃንቴ ጊዶሬ ባ ናዲ ኡይሲ ዎሲኮ ሹቹ ኢሜይ አኔ? 10 ዎይኮ ሞሎ ዎሲኮ ሹሺ ኢሜይ ዴዲ? 11 ያቲን ሃንቴ ኢታ ጊዲሼ ሃንቴ ናይታስ ሎዖባ ኢዋ ኤሪኮ፣ ሃንቴ ሳሎ አዋይ ባና ዎሲይሳታስ ሎዖባ ዋቲ ዳርሲዲ ኢሜኔ? 12 ሃራቲ ሃንቴው አሳና ሜላ ሃንቴ ኮያባ ኡባ ሃንቴካ ሃራታስ አሲቴ። አይስ ጊኮ፣ ሙሴ ሃጊይኔ ናቤቲ ታማርሴይ ሃይሳ።

13 «ፁንሳ ዉላሪ ጌሊቴ፤ አይስ ጊኮ፣ ዳዮስ ኤፊያ አጊይ ዎጋ፣ ዉላይካ ዳልጋ። ኢያራ ጌሊያ አሳይካ ዳር። 14 ሺን ዴዎዋኮ ኤፊያ አጊይኔ ዉላይ ፁንሱ፤ ያ ጌሊያ አሳይካ ጉሳ።

**ሚሲ ባ አይፊን ኤሬቴስ**  
(ሉቃ 6:43-44)

15 «ቦላ ባጋራ ዶርሴ ዳኒዲ ባንታ ጋሳን ሱዲሜ ጊዲዲ ሃንቴ ጊዶ ጌሊያ ዎርዳንቾ ናቤታፕ ናጌቲቴ። 16 ሃንቴ ኤንታ፣ ኤንታ አይፊያፕ ኤራና፤ አጉንሳሬ ዎይኔይ፣ ኪንቾቴፕ ላዴይ ማጌቴና። 17 ሄሳ ሚላ ሎዖ ሚሲ ኡባይ ሎዖ አይፊ አይፊስ፤ ኢታ ሚሲ ኢታ አይፊ አይፊስ። 18 ሎዖ ሚሲ ኢታ አይፊ አይፊና፣ ቃሲ ኢታ ሚሲ ሎዖ አይፊ አይፊናው ዳንዳዓና። 19 ሎዖ አይፊ አይፊና ሚሲ ኡባይ ቃንጌቲዲ ታማን ፁጊታና። 20 ሄሳ ጊሾ፣ ሃንቴ ኤንታ፣ ኤንታ አይፊያን ኤራና።

21 «ሳሎን ዴዲያ ታ አዋ ሽኒያ አሲያ ኡራይ ሳሎ ካዎቴሲ ጌላናፕ አቲን ጮ ታና <ጎዳው፣ ጎዳው> ጊያ ኡባይ ሳሎ ካዎቴሲ ጌሊና።

22 ፐርዳ ጋላስ ዳርቲ፣ <ጎዳው፣ ጎዳው፣ ኔ ሱንሳን ቲንቤቴ አዲስኮ? ኔ ሱንሳን ቱና አያናታ ኬሲስኮ? ኔ ሱንሳን ማላታታ አሲስኮ?> ያጋና።

23 ሄ ዎዴ ታኒ፣ <ታ ሃንቴና ኡባራካ ኤሪኬ፣ ሃንቴ ኢታ አሴይሳቲ ታፕ ሃኪቴ> ያጋና።

24 «ሃዛ፣ ሃ ታ ቃላ ሲዲዲ አሲያ አኒካ ባ ኬሳ ሹቻ ቦላ ኬዲዳ ዎዛናማ አሳ ሜላ። 25 ኢራይ ቡኪስ፣ ዲዖይ ዲዲስ፣ ጫርኮይካ ጫርኪዲ ሄ ኬሳ ሱጊስ። ሺን ኬሳይ ሹቻ ባሶ ቦላ ኬዲቲዳ ጊሾ ኩንዲቤና። 26 ሃ ታ ቃላ ሲዲዲ አሲና አኒካ ባ ኬሳ ሻሬ ቦላ ኬዲዳ ኤያ ኡራ ሜላ። 27 ኢራይ ቡኪዲ፣ ዲዖይ ዲዲዲ፣ ጫርኮይካ ጫርኪዲ፣ ሄ ኬሳ ሱጊን፣ ሄ ኬሳይ ኩንዲስ፤ ኢያ ኩንዴሳይካ ዎልቃማ» ያጊስ።

28-29 ዮሱሲ ባ አዳ አንጊዳ ዎዴ ኢያ ቲሚርቲይ ሃጌ አስታማራታ ሜላ ጊዶና ማታራ ጊዲያ ጊሾ አሳይ ኢያ ቲሚርቲያን ማላሌቲዶሶና።

8

**ዮሱሲ ባሮ ሃርጋንቾዋ ፓሲስ**  
(ማር 1:40-45፤ ሉቃ 5:12-16)

1 ዮሱሲ ዴሪያፕ ዎዲያ ዎዴ ዳር አሳይ ኢያ ካሊዶሶና። 2 ሄኮ ኢሲ ባሮ ሃርጋንቾይ ኢያኮ ሺቁዲ፣ ኢያ ሲንሳን ጉልባቲዲ፣ «ጎዳው፣ ኔ ሽኔ ጊዲኮ ታና ጊሻዳ ፓላናው ዳንዳዓሳ» ያጊስ።

3 ዮሱሲ ባ ኩሺያ ዮዲዲ ኢያ ቦቹዲ፣ «ኤ፣ ታ ሽኔ፣ ፓፃ» ያጊስ። ኡራይ ኢራካ ጌዩ አጊስ።

4 ዮሱሲ ኢያኮ፣ «ኔ ፓፁዋ አይስካ አዶፓ። ሺን ባዳ ኔ ጌያዳ ፓዖይሳ ካሃኔ ቤሳ። ኔ ፓፁዋስ ማርካ ጊዳና ሜላ ባዳ ሙሴይ ኪቲዳ ያርሹዋ ያርሻ» ያጊስ።

**ማቶ ሃላቃ አማኑዋ**

5 ዮሱሲ ቁፊርናሆሜ ካታማ ጋኪዳ ዎዴ ኢሲ ማቶ ሃላቃይ ኢያኮ ሺቁዲ፣ 6 «ጎዳው፣ ታ አይሌይ አሳቴሳይ ጉንዲን ዳር ሃርጌቲዲ፣ ሶን ዜንዲዲ ዴዲስ» ያጊዲ ዎሲስ።

7 ዮሱሲ ዛሪዲ፣ «ታኒ ባዳ ኢያ ፓላና» ያጊስ።

8 ሺን ማቶ ሃላቃይ ዛሪዲ፣ «ጎዳው፣ ኔ ታ ሶ ጌላናው ቤሲያ አሲ ጊዲኬ፣ ሺን ኔ ሃን ኡታዳ ቃላ ፃላላ አዳ፣ ታ አይሌይ ፓፃና። 9 አይስ ጊኮ፣ ታፕ ቦላራ ታ ኪቴቲያ አሳቲ ዴዖሶና፣ ቃሲ ታፕ ጋርሳራ ታው ኪቴቴይሳቲ ዴዖሶና። ኤንታሬ ኢሱዋ፣ <ባ ጊያዴ ቤስ፤ ሃንኩዋ ቃሲ <ሃያ!> ጊያዴ ዮስ። ታ አይሊያ፣ <ሃይሳ አሳ> ጊያዴ አሴስ» ያጊስ።

10 ዮሱሲ ሄሳ ሲዲዳ ዎዴ ማላሌቲዲ፣ ባና ካሊያ አሳኮ፣ «ታ ሃንቴው ቱማ አዳይስ፤ ታኒ ሃይሳ ሜላ አማኖ ኢስራዴሌ አሳንካ ቤዓቤኬ። 11 ታ ሃንቴው አዳይስ፤ ዳርቲ ዶሎሃፕኔ ዉሎሃፕ ዩዲ፣ ሳሎ ካዎቴሳን አብራሃሜራ፣ ዩሳቃራኔ ያይቆባራ ኢሲሬ ኢማቶ ቦላ ኡታና።

12 ሺን ሳሎ ካዎቴሳ ላታናው ቤሲሺን አቲዳይሳቲ ካሬ ዳማን ሆሌታና። ያን ኤንታው ዮሆኔ አቻ ጋርጩሲ ጊዳና» ያጊስ።

13 ዮሱሲ ማቶ ሃላቃኮ፣ «ኔ ሶ ባ፣ ኔ አማኑዋሶ ኔው ሃኖ» ያጊስ። ኢያ አይሌይ ሶሁዋራ ፓጊ አጊስ።

**ዮሱሲ ዳር ሃርጋንቾታ ፓሲስ**  
(ማር 1:29-34፤ ሉቃ 4:38-41)

14 ዮሱሲ ጴጊሮሳ ሶ ጌሊያ ዎዴ ጴጊሮሳ ማቾ አያ ቆዖ ሚሻ ሃርጌን ሳኬታዳ ዜንዲዳር ቤዲስ።

7:2 ማር 4:24    7:12 ሉቃ 6:31    7:19 ማቶ 3:10፤ ሉቃ 3:9    7:20 ማቶ 12:33    7:23 ማክ 6:8    7:28-29 ማር 1:22፤ ሉቃ 4:32    8:4 ሌዌ 14:1    8:11 ሉቃ 13:29    8:12 ማቶ 22:13፤ 25:30፤ ሉቃ 13:28

15 ዩሱሲ ኢ ኩሺያ ቦቹዳ ዎዴ ቆያይኔ ሚሻይ አጊ አጊስ። ፓፃ ዴንዳዳ ኢያ ሞካሱ።

16 ሄ ዎዴ አማርሲ ቱና አያናን አይኬቲዳ ዳሮ አሳታ። አሳይ ዩሱሳኮ ኤሂዶሶና። ኢካ ቱና አያናታ ባ ቃላን ኬሲስ። ሃርጋንቾታ ኡባ ፓሲስ። 17 ሄሳንካ ናቢያ ኢሳያሲ።

«ኢ ኑ ሃርጊያ ባው ኤኪስ።

ኢ ኑ ሃርጊያ ቶኪስ»

ጊዳ ቃላይ ፖሌቲስ።

**ዩሱሳ ካሎይ ጨጊሲያ ጋቲያ**

(ሉቃ 9:57-62)

18 ዩሱሲ ዳሮ አሳይ ኢያ ዩሹዋን ኤቁዳይሳ ቤዒዲ። አባሬ ሄሬንሱ ፒናና ሜላ ባ ታማሬታ ኪቲስ። 19 ሂጌ አስታማሬታፕ ኢሶይ። «አስታማሬያው። ኔ ቢያሶ ኡባ ታ ካላና» ያጊስ።

20 ዩሱሲ ኢያኮ «ዎርካናታስ አሊ ዴዔስ። ሳሎ ካፎታስ ኬሲ ዴዔስ። ሺን አሳ ናዓስ ባ ሁዒያ ሽምፒሲያ ቤሲ ባዋ» ያጊስ።

21 ዩሱሳ ካሊያ አሳታፕ ኢሶይ። «ጎዳው። ታኒ ሲንሳታ ባዳ ታ አዋ ሞጋዳ ያና» ያጊስ።

22 ሺን ዩሱሲ። «ሃይቁዳይሳቲ ባንታ ሃይቆታ ሞጎ፤ ኔኒ ታና ካላ» ያጊስ።

**ዩሱሲ ሆቢያ ሲዒ አሲስ**

(ማር 4:35-41፤ ሉቃ 8:22-25)

23 ዩሱሲ ባናው ዎጎሉዋን ጌሊዳ ዎዴ ኢያ ታማሬቲካ ኢያራ ባናው ጌሊዶሶና። 24 ኤንቲ ቆፖና ዴዒሺን። ዎልቃማ ሆቤይ ሃሳ ቦላ ዴንዴን ዎጎሉይ ሚቱታናው ጋኪስ። ሺን ዩሱሲ ዲስኪስ። 25 ኢያ ታማሬቲ ኢያኮ ሺቁዲ ኢያ ባርኬሲዲ። «ጎዳው። ኑ ዳሶስ ኑና አሻርኪ» ያጊዶሶና።

26 ዩሱሲ ኤንታኮ። «ሂንቴኖ። አማኖይ ፓጨዳይሳቶ። አይስ ያዩቲ?» ያጊስ። ዴንዴዲ። ሆቢያኔ ጎቲያ ኤሲስ። ኤሌሲዲ ኡባባይ ሲዒ ጊስ።

27 ኢያ ታማሬቲ ማላሌቲዲ። «ሃይሲ። ሃሪ አቶሺን። ሆቤይኔ ጎቲይ ኪቱቲይሲ ዋኒዳ አሴ?» ያጊዶሶና።

**ቱና አያናይ አይኪዳ ናምቡ አሳታ**

(ማር 5:1-20፤ ሉቃ 8:26-39)

28 ዩሱሲ አባሬ ሄሬንሳን ዴዒያ ጌርጌሶኔ ጊያ ቢታ ዩሱሳ ዎዴ ቱና አያናይ አይኪዳ ናምቡ አሳቲ ዱፎፕ ኬዩዲ ኢያራ ጋሄቲዶሶና። ኤንቲ ዳሮ ኢታኔ ያሺያ አሳታ ጊዲያ ጊሾ አሲ ሄ ቤሳራ አዳናው ዳንዳዔና። 29 ኤንቲካ። «ዶሳ ናዓው። ኑና ኔና አይቤ ጋሴይ? ዎዴይ ጋኮና ዴዒሺን ኑና ፒርዳናው ያዲ?» ጊዲ ዋሲዶሶና።

30 ኤንታሬ ዳሮ ሃኮና ጉዱንሶ ዉዴይ ሄሜቲስ። 31 ቱና አያናቲ ዩሱሳ። «ኔ ኑና ኬሳናባ ጊዲኮ። ሂኒ ጉዱንሶ ዉዲያ ጊዶ ዩዳርኪ» ያጊዲ ዎሲዶሶና።

32 ዩሱሲ። «ቤቱ» ያጊስ። ቱና አያናቲ አሳታፕ ኬዩዲ ጉዱንሶታን ጌሊዶሶና። ጉዱንሶቲ ኡባይ አፎ ዶናራ ዲርጊዲ ቢዲ አባን ሚቱቲዲ ሃይቁዶሶና።

33 ጉዱንሶ ዉዲያ ሄሜይሳቲ ባቃቲዲ ካታማ ቢዲ። ሃኒዳባኔ ቱና አያናይ አይኪዳ አሳታ ቦላ አሴቲዳባ ኡባ አዲዶሶና። 34 ያቲን። ካታማን

ዴዒያ አሳ ኡባይ ዩሱሳ ቤዒናው ኬዩዶሶና። ኤንቲ ዩሱሳ ቤዒዳ ዎዴ ባንታ ቢታሬ ኬዩዲ ባና ሜላ ዎሲዶሶና።

**9**

**ጉንዳ ኡራ ፓፀ-ዋ**

(ማር 2:1-12፤ ሉቃ 5:17-26)

1 ሄሳሬ ጉዩ። ዩሱሲ ዎጎሉዋን ጌሊዲ። አባ ፒኒዲ ባ ካታማ ቢስ። 2 ሃኒዳ ጉሳ አሳቲ ኢሲ ጉንዳ ኡራ አልጋራ ቶኪዲ ዩሱሳኮ ኤሂዶሶና። ዩሱሲ ኤንታ አማኑዋ ቤዒዲ። ጉንዳ ኡራ። «ታ ናዓው። ያዮፋ! ኔ ናጋራይ አቶ ጌቱቲስ» ያጊስ።

3 ሄ ሳቲያን። አይሁዴ ሂጌ አስታማሬታፕ ኢሶቲ ኢሶቲ። «ሃይሲ ዶሳ ጫሼ ጊዴኔ» ያጊዲ ባንታ ዎዳናን ቆፒዶሶና።

4 ዩሱሲ ኤንታ ቆፋ ኤሪዲ። «ኢታባ ሂንቴ ዎዳናን አይስ ቆፕቲ? 5 ሃኖሺን። «ኔ ናጋራይ አቶ ጌቱቲስ» ጌይሳሬኔ «ዴንዳ ኤቃዳ ባ» ጌይሳሬ አዉሲ ካዉዩ? 6 ሺን ሳዓ ቦላ ናጋራ አቶ ጋናው አሳ ናዓስ ማቲ ዴዔይሳ ታ ሂንቴና ኤሪሳና» ያጊዲ። ጉንዳ አዲያኮ። «ዴንዳ ኤቃ። ኔ አልጋ ቶካዳ። ኔ ሶ ባ» ያጊስ።

7 ጉንዳ ኡራይ ዴንዲዲ ባ ሶ ቢስ። 8 ዴሬይ ሄሳ ቤዒዲ ማላሌቲዶሶና። ሄሳ ሜላ ማታ አሳስ ኢሚዳ ዶሳ ጋላቲዶሶና።

**ማቶሳ ዪጌቲሳ**

(ማር 2:13-17፤ ሉቃ 5:27-32)

9 ዩሱሲ ያፕ ዴንዲዲ ቢሼ ማቶሳ ጌይሳ ቃራፃ ቃንዲሲያ ቤሳን ኡቲዳሺን ቤዒዲ። «ታና ካላ» ያጊስ።

ኢካ ዴንዲዲ ካሊስ።

10 ዩሱሲ ማቶሳ ሶን ጋይታ ቦላ ኡቲዳሺን። ቃራፃ ቃንዲሲያ ዳሮ አሳቲኔ ናጋራንቾቲ ዩዲ ኢያራኔ ኢያ ታማሬታራ ኢሲሬ ማናው ኡቲዶሶና። 11 ኢሲ ኢሲ ፋሪሳዌቲ ሄሳ ቤዒዲ። ዩሱሳ ታማሬታ። «ሂንቴ አስታማሬይ ቃራፃ ቃንዲሲይሳታራኔ ናጋራንቾታራ አይስ ሚ?» ያጊዶሶና።

12 ዩሱሲ ሄሳ ሲዒዲ። «ዳሌ ኮሼይ ሃራጋንቾታሳሬ አቲን ፓፃታሳ ጊዴና። 13 ሺን ሂንቴ ቢዲ። «ታኒ ሂንቴ ያርሹዋ ጊዶናሺን ሂንቴ ሃራታ ማራና ሜላ ኮያይስ» ጌቱቲዲ ፃሬቲዳይሲ ዎይ ጉሴኮ ኤሪቱ። አይስ ጊኮ። ታኒ ናጋራንቾታ ዪጋናው ያሲፕ አቲን ዪሎታ ዪጋናው ያቢኪ» ያጊስ።

**ዩሱሲ ዶማባ አይሼቲስ**

(ማር 2:18-22፤ ሉቃ 5:33-39)

14 ሄ ዎዴ ዮሃንሳ ታማሬቲ ዩሱሳኮ ሺቁዲ። «ኑኔ ፋሪሳዌቲ ዶሞስ። ሺን ኔ ታማሬቲ አይስ ዶሞኮና?» ያጊዲ አይቺዶሶና።

15 ዩሱሲ ዛሪዲ ኤንታኮ። «ሙሹራይ ኤንታራ ዴዒሺን ዪጌቲዲ ዩዳ አሳይ ካዮታናው ዳንዳዳና? ሙሹራይ ኤንታ ማታፕ ኤኬታና ዎዴይ ያና። ኤንቲ ሄ ዎዴ ዶማና።

16 «አራሳ ማፕፕ ፕዲዲ ጋልዓ ማፕ ቦላ ሲኬይ አኒካ ባዋ። ሄሳሶ አሲኮ አራሳይ ጋልዓ ፕዲስ። ፕዲሳይካ ጉጂ ዳልጌስ። 17 አራሳ ዎይኔ ጋልዓ አጎርን ቆሊያ አኒካ ባዋ። ሄሳሶ አሲኮ አራሳ

ዎይይይ ጋልጻ አጎሩዋ ዱሴስ ዎይይይካ ጉኬስ፤ አጎሮይካ ናምግንጾ ማዶናባ ጊዴስ። ሺን ኦራላ ዎይይይ ኦራላ አጎሮን ቆሌታናው ቤሴስ። ሄሳሶ ኦሴቲኮ ናምግይካ ኢቶና ናጌቶሶና» ያጊስ።

**ሃይቂዳ ናዲወኔ ዩሱሳ አፊላ ቦቺዳ ማጫሰው**

(ማር 5:21-43፤ ሉቃ 8:40-56)

18 ዩሱሴ ሄሳ አዶ ቦላ ዴዲሺን፤ አይሁዴ ሃላቃታፕ ኢሶይ ኢያኮ ዩዲ፤ ኢያ ሲንጻን ጉልባቲዲ፤ «ታ ናዲያ ሃዲ ሃይቃሱ፤ ሺን ኢያ ፓግና ሜላ ኔኒ ያዳ ኔ ኩሺያ ኢ ቦላ ዎሳርኪ» ጊዲ ዎሲስ። 19 ዩሱሴ ዴንዲዲ ኢያራ ቤስ፤ ኢያ ታማራቲካ ካሊዶሶና።

20 ኢ ቢሺን ታማኔ ናምዑ ላይሴ ኩሜሴ ሱሴ ጎጊዲ ዋይሲያ ኢሲ ማጫሲያ ጉዩራ ሺቃዳ ዩሱሳ አፊላ ማጫራ ቦቻሱ። 21 ኢያ ባ ዎዛናን፤ «ታ ኢያ አፊላ ማጫራ ግላላ ቦቺያኮ ፓግና» ያጋዳ ቆፓሱ።

22 ዩሱሴ ጉዩ ሲሚ ኢዮ ያሊዲ፤ «ታ ናቱ፤ ያዮፋ! ኔና ኔ አማኖይ ፓሲስ» ያጊስ። ማጫሲያ ሰሁዋራ ፓግ አጋሱ።

23 ዩሱሴ አይሁዴ ሃላቃ ሶ ጋኪያ ዎዴ ዛዩ ፑኔይሳታኔ ዩኬይሳታ ቤዲዲ፤ 24 «አኔ ኪቺቱ፤ ጉላ ናዲያ ዲስካሱፕ አቲን ሃይቃሱኩ» ያጊስ። ሺን አሳይ ኢያ ቦላ ሚጨዶሶና፤ 25 አሳ ካራ ኬሲዳፕ ጉዩ ሶ ጌሊዲ፤ ናዴ ኩሺያ አይኪስ፤ ናዲያ ዴንዳ ኤቃሱ። 26 ሄ ዎሬይ ሄ ቢታ ኡባ ጋኪስ።

**ዩሱሴ ናምዑ ቆቂታ ያሊሲስ**

27 ዩሱሴ ያፕ ዴንዲዲ ጌዴ ሲንጼ ቢያ ዎዴ ናምዑ ቆቂቲ ግንታ ቃላ ዶቂ አሲዲ፤ «ዳዊቲ ናግው፤ ኑና ማራርኪ» ያጊሽ ኢያ ካሊዶሶና።

28 ዩሱሴ ሶ ጌሊዲ ዎዴ ቆቂቲ ኢያ ካሊዲ ዩዶሶና። ዩሱሴ ኤንታኮ፤ «ታኒ ሄሳ አላናው ዳንዳዴሳ ሂንቱ አማኔቲ?» ያጊስ።

ኤንቲካ፤ «ኤ፤ ጎዳው» ያጊዲ ዛሪዶሶና።

29 ሄሳፊ ጉዩ፤ ዩሱሴ ኤንታ አይፊያ ቦቺዲ ኤንታኮ፤ «ሂንቱው፤ ሂንቱ አማኑዋላ ሃኖ» ያጊስ። 30 ኤንታ አይፊይካ ዶዩቲስ። ዩሱሴ ኤንታኮ፤ «ሃይሳ አዴስካ አዶፕቲ» ያጊዲ ሚንሲ አዲስ። 31 ሺን አሳቲ ቢዲ ዩሱሳባ ሄ ቢታ ኡባን አዲዶሶና።

32 ኤንቲ ያፕ ኬያ ዎዴ አሳይ ቱና አያናይ አይኪዲ ሙሚሲዳ ኢሲ አሲ ዩሱሳኮ ኤሂዶሶና።

33 ቱና አያናይ ኬዩዳፕ ጉዩ ሙሜ ኡራይ አዴቲስ። ዴሬይካ ማላሌቲዲ፤ «ሃይሳ ሜላ አራሳባይ ኢስራዴሌ ቢታን ሃኒቤና» ያጊዶሶና።

34 ሺን ፋሪሳዌቲ፤ «ቱና አያናታ ሃላቃን ቱና አያናታ ኬሴስ» ያጊዶሶና።

**ዩሱሴ አሳስ ቃዴቲስ**

35 ዩሱሴ አይሁዴ ዎሳ ኬሳታን ታማርሲሽ፤ ሳሎ ካዎቱላ ዎንጌላ ሳባኪሽ፤ አሳ ሃርጌ ኡባፊ ፓሲሽ ካታማታኒኔ ጉታ ኡባን ዩዩስ። 36 ዳሮ ዴሬይ፤ ሄሚያ አሲ ባይና ዶርሳዳ ኤንታና ቤዲያ አሲ ዳዩን ኡንዴቲዲ ዴዴይሳታ ቤዲዲ

ኤንታው ቃዴቲስ። 37 ባ ታማራታኮ፤ «ሺቃና ካሳይ ዳሮ፤ ሺን ካሳ ሺሺያ አሳይ ጉላ። 38 ሄሳ ጊሾ፤ ጎዳይ ካሳ ሺሺያ አሳንቾታ ዩዳና ሜላ ዎሲቱ» ያጊስ።

**ዩሱሴ ኪቲዳ ታማኔ ናምዑ ሃዋራታ**

(ማር 3:13-19፤ ሉቃ 6:12-16)

1 ዩሱሴ ታማኔ ናምዑ ታማራታ ባኮ ያጊዲ፤ ቱና አያናታ ኬሳና ሜላኔ ሃርጌ ኡባ ፓላና ሜላ ኤንታው ማታ ኢሚስ።

2 ዩሱሴ ኪቲዳ ታማኔ ናምዑ ሃዋራታ ሱንሳይ፤ ኮይሮይ ጳጊሮሳ ጊያ ሲሞናኔ ኢያ ኢሻ ኢንዲሪያሳ፤ ዛብዲዮሳ ናዳ ያይቆባኔ ኢያ ኢሻ ዮሃኒሳ፤ 3 ፊልጶሳኔ ባርቶሎሚዮሳ፤ ቶማሳኔ ቃራግ ቃንጊሲያ ማቶሳ፤ ኢልፊዮሳ ናዳ ያይቆባ፤ ታዲዮሳ፤ 4 ባ ቢታስ ሚሽቲያ ሲሞናኔ ዩሱሳ አሲ ኢሚዳ አስቆሮታ ዩሁዳ።

5 ሄ ታማኔ ናምግታ ዩሱሴ ኪቲዲ ዩዲሽ፤ «አይሁዴ ጊዶና ዴሪያኮ ቦፐቱ፤ ቃሲ ሳማራታ ካታማካ ጌሎፐቱ። 6 ሺን ኢስራዴሌ ኬሳፊ ጊዲዳ ሂኒ ዳዩዳ ዶርሳታኮ ቢቱ። 7 ያ ቢዲ፤ <ሳሎ ካዎቱላይ ማታቲስ> ጊዲ አዲቱ።

8 ሃርጋንቾታ ፓሲቱ፤ ሃይቂዳይሳታ ሃይቆፕ ዴንሲቱ፤ ባሮ ሃርጋንቾታ ጌሺ ፓሲቱ፤ ቱና አያናታ ኬሴቱ። ሂንቱ ሙ ኤኪዳይሳ ሙ ኢሚቱ። 9 ሂንቱ ኪሴን ዎርቃ፤ ዎይኮ ቢራ ሳንቲሜ አይኮፊቱ። 10 ሂንቱ አጊያስ ካርጊቶ፤ ናምዑ አፊላ፤ ዎይኮ ጫማ ዎይኮ ግምግ አይኮፊቱ፤ አሳንቾዋስ ጋላሳ ካሲ ኮሺስ።

11 «ሂንቱ ኢሲ ካታማ ዎይኮ ጉታ ጌሊያ ዎዴ ሂንቱና ሞኪዲ ኤካናው ኡፋይቲያ ኡራ ኮዩዲ ኢያ ሶን ሽምፐቱ፤ ሂንቱ ባና ጋካናው ያን ጋምዲቱ። 12 ቃሲ አዴ ሶካ ጌሊሽ ሳሮሲቱ።

13 ሄ ኬሳይ ሂንቱና ሞኪኮ ሂንቱ ሳሮሲዳ ሳሮይ ኤንታና ጋኮ፤ ሺን ኤንቲ ሞኮና ኢዲኮ ሂንቱ ሳሮሲዳ ሳሮይ ሂንቱው ጉዩ ሲሞ። 14 አኒካ ሂንቱና ሞኮናኔ ሂንቱ አዲያባ ሲያና ኢዲኮ ሄ ኬሳፊ ዎይኮ ሄ ካታማፕ ኬዩሽ ሂንቱ ቶሁዋን ዴዲያ ባና ፐቲዲ ኬዩቱ። 15 ታ ሂንቱው ቱማ አዳይስ፤ ያሳ ፐርዳ ጋላሳን ሄ ካታማፕ ሶዶሜሲኔ ጋሞራ ካታማታስ ፐርዳይ ካዉያና።

16 «ታ ሂንቱና ዶርሳታዳ ሱዳሜታ ጊዶ ዩዳና። ሄሳ ጊሾ፤ ሾሻዳ ጨንጫታ፤ ሆሌዳ አዳታ ጊዲቱ። 17 አሳይ ሂንቱና ፐርዳ ዳይናታስ አሲ ኢማና፤ ቃሲ አይሁዴ ዎሳ ኬሳን ሂንቱና ጋራፋና። ሄሳ ጊሾ፤ ኤንታፊ ናጌቲቱ። 18 ታ ጊሾ ጊዲ ሂንቱና ዴሪያ ሃራይሳታ ሲንጼኔ ካዎታ ሲንጼ ኤፋና። ኤንታ ሲንጻኒኔ አይሁዴ ጊዶና ዴሪያ ሲንጻን ኤቂዲ ሂንቱ ታባ ማርካታና። 19 ሺን ሂንቱና ፐርዳስ አሲ ኢሚያ ዎዴ ዎይጊዲ ዛሪያ ጊዲ ኡንዴቲፊቱ፤ ሄ ሳቲያን ሂንቱ ጋናባ ያሳይ ሂንቱው ኢማና። 20 አይስ ጊኮ፤ ሂንቱናን ሃሳዩይ ሂንቱ አዋ ጌሻ አያናፕ አቲን ሂንቱና ጊዴኬታ።

9:34 ማቶ 10:25፤ 12:24፤ ማር 3:22፤ ሉቃ 11:15 9:35 ማቶ 4:23፤ ማር 1:39፤ ሉቃ 4:44 9:36 ታይ 27:17፤ 1ካዎ 22:17፤ 2ታሪ 18:16፤ ሂዝ 34:5፤ ማር 6:34 9:37 ሉቃ 10:2 10:7 ሉቃ 10:4-12 10:10 1ቆሮ 9:14፤ 1ጊሞ 5:18 10:14 ሃ.አ 13:51 10:15 ማቶ 11:24፤ ሜዴ 19:24 10:16 ሉቃ 10:3 10:17 ማር 13:9-11፤ ሉቃ 12:11-12፤ 21:12-15 10:21 ማር 13:12፤ ሉቃ 21:16



21 «ኢሻይ ባ ኢሻ፣ አዋይ ባ ናዓ፣ ሃይቆስ አሲ ኢማና፣ ናይቲ ባንታና ዩሊዳይሳታ ቦላ ዴንዲዲ ኤንታና ዎዲሳና። 22 ታ ጊሾ ጊዲ አሳ ኡባይ ሂንቱና ኢግና፣ ሺን ወርሴሲ ጋካናው ሚኒዳይ አታና። 23 ኢሲ ሄራፕ ሂንቱና ኤንቲ ጎዲኮ ሃራ ካታማ ባቃቲቴ። ታኒ ሂንቱው ቱማ አዳይስ፤ አሳ ናዓይ ያና ጋካናው፣ ሂንቱ ኢስራዔል ካታማ ኡባ ካንሴኬታ።

24 «ታማሬይ ባ አስታማሪያ፣ አይሌይ ባ ጎዳፕ አዴና። 25 ታማሬይ ባ አስታማሪያ፣ አይሌይ ባ ጎዳ ዳኒኮ ኢያው ጊዳና። ኬላዋ ቢዔልዜቡላ ጊኮ ኢያ ሶ አሳ ዋኒዲ ኢሲዲ ዌኔ።?

26 «ሂዛ፣ አሳስ ያዮፊቴ። ካሜቲዳባይ ቆንጮና፣ ቆሴቲዳባይ ጊሺ ኬዮና አቴና።

27 ታኒ ሂንቱው ዲማን አዲያባ ሂንቱ ፖፖን አዲቴ፤ ታ ሂንቱው ሃይሳን ካልካሺዳባ ዳባባን አዋጃቴ። 28 አሾፕ አቲን ሺምፖ ዎዳናው ዳንዳዎናይሳታስ ያዮፊቴ። ሺን ሺምፕዋኔ አሾፕ ጋናሜን ዳይሳናው ዳንዳዲያ ሳሳስ ያዮፊቴ።

29 ናምቡ ቡቤቲ ኢሲ ሳንቲሜን ባይዜቶኮናዮ? ሃናፕ አቲን፣ ኤንታፊ ኢሲናካ ሂንቱ ሳይ ጎና ዴዲሺን ሳዓን ዎዳኩ። 30 ሃራ አቶሺን፣ ሂንቱ ሁዔ ቢናናይካ ፓይዴቲዲ ዴዔስ። 31 ሂዛ፣ ዳሮ ቡቤታፕ ሂንቱ አዲያ ጊሾ ያዮፊቴ።

32 «አሳ ሲንሳን ታው ማርካቲያ ኡባስ ታኒካ ሳሉዋን ዴዲያ ታ አዋ ሲንሳን ማርካታና። 33 ሺን አሳ ሲንሳን ታና ካዴይሳ ታኒካ ሳሎን ዴዲያ ታ አዋ ሲንሳን ካዳና።

34 «ታኒ ሳዓን ሳሮ ኤሃናው ዩዳ ሂንቱው ዳናፖ። ታኒ ቶራፕ አቲን ሳሮቴሲ ኤሃናው ያቢኬ። 35 ታኒ ዩዳይ፣

ናዓ አዋፕ ማጫ ናዒው አዩፕ

ናዓ ማቺው አዚና አዩፕ ሻካናሳ።

36 አሳስ ሞርኬቲ ኢያ ሶ አሳታ ጊዳና።»

37 «ታፕ አሲዲ ባ አዋ ዎይኮ ባ አዩው ዶሴይ፣ ታባ ጊዳናው ቤሴና፣ ባ አዴ ናዓ ዎይኮ ባ ማጫ ናዒው ታፕ አሲዲ ዶሴይ፣ ታባ ጊዳናው ቤሴና። 38 ባ ማስቃሲያ ቶኪዲ ታና ካሎና አኒካ ታባ ጊዳናው ቤሴና። 39 ባ ሺምፕዋ አሻናው ኮዩይ ዳይሳና፣ ሺን ባ ሺምፕዋ ታ ጊሾ አሲ ኢሜይ አሻና።

40 «ሂንቱና ሞኬይ ታና ሞኬስ፣ ታና ሞኬይ ቃሲ ታና ኪቲዳይሳ ሞኬስ። 41 ናቢያ ናቤ ሱንሳን ሞኬይ፣ ናቢያሶ ዎይቱታና፤ ቃሲ ዒሉዋ ዒሉ ሱንሳን ሞኬይ፣ ዒሉዋሶ ዎይቱታና። 42 ታ ሂንቱው ቱማ አዳይስ፤ ሃ ታ ታማሬታፕ ጉዒያ ኢሱዋስ ታና ካሊያ ጊሾ ሃራ አቶሺን ጉሳ ኢርግ ሃሲ ኢሚኮ ኢያ ዎይቶይ ዳዩና» ያጊስ።

11

ግማቂያ ዮሃንሲ ኪቲዳ አሳታ (ሉቃ 7: 18-35)

1 ዩሱሲ ታማኔ ናምቡ ታማሬታ ኪታ አንጊዳፕ ጉዩ ያፕ ዴንዲዲ ታማርሳናውኔ ሳባካናው ጋሊላ ካታማታ ቢስ።

2 ዮሃንሲ ቃሾ ኬላን ዴዲሼ ኪሪስቶሲ አሲያባታ ሲዲዲ፣ ባ ታማሬታፕ ኢያኮ ኪቲዲ፣

3 «ያና ጌቱቲዳይ ኔኔዩ? ዎይኮ ኮኒ ሃራ ናጊኖ?» ያጊዲ አይቺስ።

4 ዩሱሲ ኤንታኮ ዛሪዲ፣ «ቢዲ ሂንቱ ሲዲያባኔ ሂንቱ ቤዲያባ ዮሃንሳስ አዲቴ። 5 ቆቂቲ ዌሎሶና፣ ዎቤቲ ሃሙቶሶና፣ ባሮ ሃርጋንቾቲ ፓዎሶና፣ ቱሌቲ ሲዎሶና፣ ሃይቂዳይሳቲ ሃይቆፕ ዴንዶሶና፤ ማንቆታስ ዎንጌላይ ሳባኬቴስ።

6 ታናን ዱቤቶናይ አንጄቲዳይሳ» ያጊስ።

7 ዮሃንሳ ታማሬቲ ጉዩ ሲሚዲ ቢን፣ ዩሱሲ ዴሪያስ ዮሃንሳባ አዲሼ፣ «ሃ ባዙዋ አይ ቤዓናው ኬዩዴቲ? ጫርኮይ ቃሲያ ማቃ ቤዓናው ዩዴቲዩ? 8 ያቲን፣ አይ ቤዓናው ኬዩዴቲ? ኪቲ ማዎ ማዒዳይሳቲ ካዎታ ኬላን ዴዶሶና። 9 ያቲን፣ አይ ቤዓናው ኬዩዴቲ? ናቤ ቤዓናሴዩ? ሄኮ፣ ሂንቱ ናቤፕካ አዴይሳ ቤዔታ።

10 «ኔ አጊያ ኔ ሲንሳን ጊጊሲያ ታ ኪታንቾዋ ኔፕ ሲንሴ ኪታና»

ጌቱቲዲ ገፌቲዳይ ኢያሳ።

11 ታ ሂንቱው ቱማ አዳይስ፤ ማጫሳፕ ዩሌቲዳይሳታ ጊዶፊ ዮሃንሳፕ አዴይ አኒካ ባዋ፤ ሳሎ ካዎቴሳን ኡባፊ ጉዌይ ኢ፣ ኢያፕ አዳና። 12 ግማቂያ ዮሃንሳ ዎዲያፕ ዶሚዲ ሃቺ ጋካናው ሳሎ ካዎቴሳይ ዳሮ ናቂቴስ፣ ሚኒዳ አሳቲ ዎልቃን ያ ጊላና። 13 ናቤቲ ኡባይኔ ሙሴ ሂጌይ ዮሃንሳ ዎዴ ጋካናው ሳሎ ካዎቴሳባ ቲንቢቲ አዲዶሶና። 14 ሂዛ፣ ሂንቱ ኤንታ ኪታ አማናና ጊዲኮ፣ ያና ጌቱቲዳ ኤሊያሲ፣ ኢ ዮሃንሳ።

15 ሂዛ፣ ሲዲያ ሃይሲ ዴዔይ ሲዎ።

16 «ሂዛ፣ ሃ ዎዲያ ዩሌቲሳ አይቢራ ዳኒሶ? ጊያ ጊዶን ኡቲዲ ዎሊ ዌጊዲ፣

17 ኑ ሂንቱው ሱሱልዔ ፑኒን፤ ሂንቱ ዩዌኬታ።

ኑ ሳቢዲ ዜሌሊን፤ ሂንቱ ዩኬኬታ»

ያጊያ ናይታ ዳናሶና። 18 ግማቂያ ዮሃንሲ ሞናኔ ኡዮና ዩን፣ «ቱና አያኒ ዴዔስ» ያጊዴታ።

19 አሳ ናዓይ ሚሼኔ ኡዩሼ ዩን፣ «ያራምባኔ ኡሻንቾ፣ ቃራግ ቃንጊሴይሳታኔ ናጋራንቾታ ዳቦ» ያጊዴታ። ሂዛ፣ ጨንጫቴሳ ቱማቴሳይ ኢያ አሱዋን ቆንጮስ» ያጊስ።

አማናና ኢዲዳ ካታማታ (ሉቃ 10: 13-15)

20 ሄሳፊ ጉዩ፣ ዩሱሲ ዳሮ ማላታታ አሲዳ ካታማታን ዴዲያ አሳቲ ባንታ ናጋራፕ ሲሚዲ ማርታን ጌሎና ኢዲዳ ጊሾ ኤንታና። 21 «አዩ ኮራዚኔ ካታማው፣ አዩ ቤቴሳይዳ ካታማው፣ አይስ ጊኮ፣ ሂንቱ ጊዶን አሴቲዳ ማላታቲ ዒርሳኒኔ ሲዶናን አሴቲዳ ጊዲያኮ፣ ኤንቲ ቤኒ ቢዶ ቴዩቲዲ፣ ካሌ ማዒዲ ባንታ ናጋራፕ ሲሚ

10:22 ማቶ 24:9፤ ማር 13:13፤ ሉቃ 21:17፤ ማቶ 24:13፤ ማር 13:13 10:24 ሉቃ 6:40፤ ዮሃ 13:16፤ 15:20  
 10:25 ማቶ 9:34፤ 12:24፤ ማር 3:22፤ ሉቃ 11:15 10:26 ማር 4:22፤ ሉቃ 8:17 10:33 2ጊዎ 2:12 10:35  
 ሚክ 7:6 10:38 ማቶ 16:24፤ ማር 8:34፤ ሉቃ 9:23 10:39 ማቶ 16:25፤ ማር 8:35፤ ሉቃ 9:24፤ 17:33፤ ዮሃ  
 12:25 10:40 ሉቃ 10:16፤ ዮሃ 13:20፤ ማር 9:37፤ ሉቃ 9:48 11:5 ኢሳ 35:5 11:10 ሚሊ 3:1 11:12  
 ሉቃ 16:16 11:14 ሚሊ 4:5፤ ማቶ 17:10 11:21 ኢሳ 23:1-18፤ ሂዘ 26:1-28:26፤ አዩ 3:4-8፤ አዎ 1:9-10፤  
 ዛነ 9:2-4

አጋና። 22 ሺን ታ ሂንቴው አዳይስ፤ ፐርዳ ጋላስ ሂንቴፊ አሲዲ ሂርሳሲኔ ሲዶናስ ፐርዳይ ካወያና። 23 ቃሲ፡ ቁፊርናሆሜ፡ ኔኒ ፑዴ ሳሎ ኬያናው ኮያይ? ሃኔና! ኔኒ ሲያሌን ዮጊታና። አይስ ጊኮ፡ ኔ ጊዶን አሴቲዳ ማላታቲ ሶዶሜን አሴቲዳባ ጊዲያኮ፡ ሶዶሜይ ሃቺ ጋካናው ዴዓናሺን። 24 ሺን ታ ኔው አዳይስ፤ ፐርዳ ጋላስ ኔፑ አሲዲ ሶዶሜስ ፐርዳይ ካወያና» ያጊዲ ሃንቴቲስ።

**ኪሪስቶስን ዴዲያ ሺምፖ**  
(ሉቃ 10፡21-22)

25 ሄ ዎዴ ዮሱሲ፡ «አዋው፡ ሳሎቀኔ ሳዓ ሳዓው፡ ኔኒ ሃይሳ ኤራንቾታፕኔ ጨንጫታፕ ጌንሳዳ ናይታስ ቆንጨሲዳ ጊሾ ኔና ጋላታይስ። 26 ኤ፡ ታ አዋው፡ ሃይሲ ኔ ሎዎ ሸኒያዳ ሃኒስ። 27 «ኡባይ ታው ታ አዋፕ ኢሜቲስ። አዋፕ ሃሪ ናዓ ኤሬይ ባዋ፡ ናዓፕኔ ኢ ኤንታው ቆንጨሳናው ኮይይሳታፕ ሃሪ አዋ ኤራናው ዳንዳዔይ ባዋ። 28 «ሂንቴና፡ ዳቡራንቾቶ፡ ቶሆይ ዴዲዳ ኡባይ ታኮ ሃ ዩቲ፤ ታኒ ሂንቴና ሺምፐሳና። 29 ታኒ ታ ዎዛናን አሽኬኔ አዳ ጊዲያ ጊሾ ታ ቃምባራን ጌሊቲ፡ ታፕ ታማሪቲ፤ ሂንቴ፡ ሂንቴ ሺምፐዋስ ሺምፖ ዴማና። 30 ታ ቃምባራይ ሊቆ፡ ቃሲ ታ ቶሆይካ ካወሺ» ያጊስ።

12

**ሳምባታ ቦንቻናው ቤሲ?**  
(ማር 2፡23-28፤ ሉቃ 6፡1-5)

1 ሄሳፌ ጉዮ፡ ሳምባታ ጋላስ፤ ዮሱሲ ጋዴ ጊዶራ አዴስ። ዮሱሳ ታማራቲ ኮሻቲዳ ጊሾ ቲያ ባንጋ ሺሪኪዲ ሞሶና። 2 ሺን ፋሪሳዌቲ ሄሳ ቤዲዲ ዮሱሳኮ፡ «ሄኮ፡ ኔ ታማራቲ ሳምባታ ጋላስ አሳናው ቤሶናባ አሶሶና» ያጊዶሶና። 3 ዮሱሲ ኤንታኮ ዛሪዲ፡ «ዳዊቲይ ኮሻቲዳ ዎዴ ኢያራ ዴዔይሳታራ አይ አሲዳኮ ናባቢቤኬቲ? 4 ዳዊቲይ ዎሳ ኬሲ ጌሊዲ ካሂኔታ ሃላላፕ አቲን ኢኔ ኢያራ ዴዔይሳታስ ቤሶና ጌሻ ዳቡዋ ሚስ። 5 ዎይኮ ካሂኔቲ ሳምባታ ዎጋ ሻሪዲ ዎሳ ኬሳን ሳምባታ ጋላስ አሶ አሲኮ ኤንታው ባላ ጊዶናይሳ ሙሴ ሂጊያን ናባቢቤኬቲ? 6 ሺን ሲዲቲ! ዎሳ ኬሳፌ አዴይ ሃይሳን ዴዔስ። 7 «ታኒ ሂንቴ ያርሹዋ ጊዶናሺን ሂንቴ ሃራታ ማሪና ሚላ ኮያይስ) ጊያ ቃላይ ዎይ ጉሴኮ ሂንቴ ኤሪዳኮ ሂሎ አሳ ቦላ ፐርዴኬታ። 8 አሳ ናዓይ ሳምባታ ሳዳ» ያጊስ። 9 ዮሱሲ ያፕ ቤዲ አይሁዴ ዎሳ ኬሲ ጌሊስ። 10 ያን ኩሼይ ጉንዲዳ ኢሲ ኡራይ ዴዔስ። ዮሱሳ ሞታናው ጋሶ ኮያ አሳቲ፡ «ሳምባታ ጋላስ ፓላናው ቤሲ ቤሴኔ?» ያጊዲ አይቺዶሶና። 11 ኢ ኤንታኮ፡ «ሂንቴ ጊዶፌ ኢሱዋስ ዶርሲ ሳምባታ ጋላስ አፎን ወሊኮ፡ ሳቺዲ ኬሶናይ አኔ? 12 ያቲን አሲ ዶርሳፌ ዋኒዲ ዳር አዴኔ? ሄሳ ጊሾ፡ ሳምባታ ጋላስ ሎዎባ አሶይ ቤሴስ» ያጊስ። 13 ሄሳፌ ጉዮ፡ ዮሱሲ አዲያኮ፡ «ኔ ኩሼያ ፐዲ አላ» ያጊን፤ ኡራይ ፐዲ አሲስ። ኢያ

ኩሼይ ፓዲዲ ሃንኮ ኩሼያዳ ሃኒስ። 14 ሺን ፋሪሳዌቲ ያፕ ካሪ ኬዩዲ፡ ዮሱሳ ዋቲ ዎዳኔኮ ማቁቲዶሶና።

**ዎሳይ ዶሪዳ አይሊያ**

15 ዮሱሲ ኤንታ ቆፋ ኤሪዲ ሄ ቤሳ አጊዲ ሃራ ሶ ቤስ። ዳር አሳይ ኢያ ካሊዲ ቢዶሶና፡ ሃርጋንቾታ ኡባ ፓሲስ። 16 ዮሱሲ፡ «ታባ ሃራ አዴስካ አዶፐቲ» ያጊዲ ሚንሲ አዲስ። 17 ሄሲካ ናቢያ ኢሳያሲ፡ 18 «ሄኮ ታ ዶሪዳ አይሌይ፡ ታ ዶሴይሲ፡ ታና ኡፋይሴይሲ፡ ታኒ ታ አያና፡ ኢያ ቦላ ሺምፐሳና፤ ኢ፡ አይሁዴ ጊዶና ዴሪያስ ሱሬ ፐርዳባ አዋቫና። 19 ኢ ፓላሜና ዎይኮ ካጨና፤ ባ ቃላካ ዴንባን ሙ ሲሴና። 20 ሱሬ ፐርዳን ዎና ዴማና ጋካናው፡ ዲንጨቲዳ ማቃ ሚንሴና፡ ጨዩያ ሙቃዳ ቶይሴና። 21 አይሁዴ ጊዶና ዴሬይ ኡባይ ኢያን ኡፋይሲ ዎሳና» ያጊዲ ሃሬዳይሲ ፖሌታና ሜላሳ።

**ዮሱሳኔ ቢዔልዜቡላ**  
(ማር 3፡20-30፤ ሉቃ 11፡14-23)

22 ሄሳፌ ጉዮ፡ ቱና አያናን አይኬቲዳ ቆቁኔ ሙሜ አሴ ዴዔይሳ ኢያኮ ኤሂዶሶና። ዮሱሲ ኡራ ፓሲን፡ ኡራይ ቤዒሲኔ አዴቲስ። 23 አሳ ኡባይ ማላሌቲዲ፡ «ሃይሲ ዳዊቲ ናዓ ጊዳንዴሻ?» ያጊዶሶና። 24 ሺን ፋሪሳዌቲ ሄሳ ሲዲዲ፡ «ሃ ኡራይ ቱና አያናታ ኬሴይ ቱና አያናታ ሃላቃ ቢዔልዜቡላ ዎልቃና» ያጊዶሶና። 25 ዮሱሲ ኤንታ ቆፋ ኤሪዲ፡ «ዎሊ ጊዶን ሻኬቲያ ካዎቱሳ ኡባይ ኩንዳና፤ ቃሲ ዎሊ ጊዶን ሻኬቲያ ካታማይ ዎይኮ ኬሳይ ሚኒዲ ኤቁና። 26 ሃላሄይ ሃላሄ ኬሲያባ ጊዲኮ ባ ጊዶን ሻኬቲስ ጉሱ። ሄሳሶ ሃኒያባ ጊዲኮ ኢያ ካዎቱሳይ ዋኒዲ ሚኒዲ ኤቃናው ዳንዳዒ? 27 ታኒ ቱና አያና ኬሴይ ቢዔልዜቡላ ዎልቃን ጊዲኮ ሂንቴና ካሊያ አሳቲ አዴ ዎልቃን ኬሳኔ? ሄሳ ጊሾ፡ ሂንቴና ካሊያ አሳቲ ሂንቴና ፐርዳና። 28 ሺን ታኒ ቱና አያናታ ኬሴይ ዎሳ አያናን ጊዲኮ፡ ዎሳ ካዎቱሳይ ሂንቴኮ ዩስ። 29 «ዎይኮ ኢሲ አሲ ዎልቃማ አሳ ሶ ጌሊዲ ኢያ ሻሉዋ ቦንቃናው ኮይኮ ኮይርቲዲ ሄ ኡራ ቃቾና ኢዲኮ ዋቲዲ ዳንዳዒ? ያቲኮ ኢያ ሻሉዋ ቦንቃናው ዳንዳዔስ። 30 «ታራ ጊዶናይ አኒካ ታራ ኤቁቲስ፤ ቃሲ ታራ ኢሲፌ ሺሾና ኡባይ ላሌስ። 31 ሄሳ ጊሾ፡ ሲዲቲ፤ አሳይ አሲያ አይ ናጋሪኔ ጫሻ ቃሲ ኡባይ አቶ ጌቲታና፡ ሺን ጌሻ አያና ጫያ አዴስካ ኢያ ናጋራይ አቶ ጌቲቲና። 32 አኒካ አሳ ናዓ ቦላ ኢታባ አዴቲኮ ኢያው አቶ ጌቲታና፡ ሺን ጌሻ አያና ቦላ ኢታባ አዴቲያ አዴስካ ሃ ሳዓን ጊዲን ያና አላሚያን ኢያ ናጋራይ አቶ ጌቲቲና።

11:23 ኢሳ 14:13    11:24 ማቶ 10:15፤ ሉቃ 10:12    11:27 ዮሃ 3:35፤ ዮሃ 1:18፤ 10:15    11:29 ኤር 6:16  
12:1 ዛሬ 23:25    12:3 1ሳሙ 21:1-6    12:4 ሉቁ 24:9    12:5 ታይ 28:9-10    12:7 ማቶ 9:13፤ ሆሴ 6:6  
12:11 ሉቃ 14:5    12:18 ኢሳ 42:1-4    12:24 ማቶ 9:34፤ 10:25    12:30 ማር 9:40    12:31 ሉቃ 12:10  
12:32 ሉቃ 12:10



33 «ሎሎ ሚሳይ ሎሎ አይፌ አይፌስ፤ ቃሲ ኢታ ሚሳይ ኢታ አይፌስ። ሂዛ፤ ሚሳይ ኤሬቴይ ባ አይፌያና። 34 ሂንቴና፤ ሾሻ ናይቶ፤ ሂንቴ ኢታ ጊዲሼ ዋኒዲ ሎሎ አይፌታናው ዳንዳዲቲ? አሲ ባ ዎዛናን ኩሚዳባ፤ ዶናን አይፌቲስ። 35 ሎሎ አሲ ባ ዎዛናን ዎሲዳ ሎሎባ፤ ሎሎባ ኬሴስ፤ ኢታ አሲ ባ ዎዛናን ዎሲዳ ኢታባ፤ ኢታባ ኬሴስ። 36 ሺን ሲዲቴ፤ አሳይ አይፌቲያ ሎሎ አዳ ኩባስ ፐርዳ ጋላስ ዛሮ ኢማና። 37 አይስ ጊኮ፤ ኔ አይፌቲያ ኔ ቃላን ሂላና፤ ኔ አይፌቲያ ኔ ቃላይ ኔ ባላ ፐርዳና» ያጊስ።

**ማላታ ቤዓናው ሺቂዳ አይሻ**  
(ማር 8:11-12፤ ሉቃ 11:29-32)

38 ሄሳፌ ጉዮ፤ አሲ አሲ ፋሪሳዊቲኔ ሂጌ አስታማሬቲ ዮሱሳኮ፤ «አስታማሪያው፤ ኔኒ ማላታ አሳዳ ኩና ቤሳ» ያጊደሶና።

39 ሺን ዮሱሳኮ ዛሪዲ፤ «አማኔቶናኔ ኢታ ዮሱሳኮ ማላታ ኮዮስ። ሺን ናቢያ ዮናሳ ማላታ፤ ሃራ ማላቲ ኢያው ኢሜቲና። 40 ዮናሲ ጊታ ሞሎ ኩሎን ሄሹ ጋላሲኔ ሄሹ ቃማ ጋምዲዳይሳ ሚላ አሳ ናዓይ ሄሹ ጋላሲኔ ሄሹ ቃማ ቤታ ጋርሳን ጋምዓና። 41 ናናዌ አሳይ ፐርዳ ጋላስ ዴንዲዲ ሃ ዮሱሳኮ ባላ ፐርዳና፤ አይስ ጊኮ፤ ኤንቲ ዮናሳ ሲብካቲያ ሲዲዲ ባንታ ናጋራ፤ ሲሚደሶና። ሄኮ፤ ዮናሳ፤ አይፌይሲ ሃይሳን ዴዔስ። 42 ፐርዳ ጋላስ ዱጌሃ ካዊያ ዴንዳዳ ሃ ዮሱሳኮ ባላ ፐርዳና፤ አይስ ጊኮ፤ ኢያ ሶሎሞኔ ጨንጫቴሳ ሲዳናው ቤታ ጋግ፤ ያሱ፤ ሄኮ፤ ሶሎሞኔ አይፌ ሃይሳን ዴዔስ።

43 «ቱና አያናይ አሳ፤ ኬዩዳ፤ ጉዮ ባው ሽምፐሶ ኮዩዲ ሃሲ ባይና ሚላ ቤሳን ዳቡሬስ፤ ሺን ባ ኮዩ ሽምፐዎ ዴሜና። 44 ያኒን፤ ታ አጋ ኬዩዳ ኬሳ ሲማዳ ባና» ያጊስ። ኢ ሲሚያ ዎዴ ኬሳይ ካይሲ ጊዴይሳኔ ፐቲቲዲ ጊጊ ኡቲዳይሳ ዴሜስ። 45 ሂዛ፤ ሲሚ ቤዲ፤ ባ፤ ኢቲያ ሃራ ላፑን ኢታ አያናታ ኤኪዲ ዮስ፤ ኤንቲካ ኡራ ጊዶ ጊሊዲ ዴዎሶና። ሄ ኡራስ ካሴይሳፌ ጉዮይሲ ዳሮ ኢቲስ። ሃ ኢታ ዮሱሳኮ ባላ ሄሳ ሚላ ሃናና» ያጊስ።

**ዮሱሳኮ አይፌኔ ኢያ ኢሻታ**  
(ማር 3:31-35፤ ሉቃ 8:19-21)

46 ዮሱሳኮ ዴሪያስ አዳ ባላ ዴዲሺን ኢያ አያኔ ኢያ ኢሻቲ ኢያ አዲሳናው ኮዩዲ ካሬን ኤቂደሶና። 47 ኢሲ አሲ ኢያኮ፤ «ኔ አያኔ ኔ ኢሻቲ ኔና አዲሳናው ኮዩዲ ካሬን ኤቂደሶና» ያጊስ።

48 ዮሱሳኮ ዛሪዲ፤ «ታ አያ ኦኔ? ታ ኢሻቲካ አናንቲ?» ያጊስ። 49 ባ ኩሺያራ ታማሬታ ማሊሼ፤ «ቤዲቴ፤ ታ አያኔ ታ ኢሻቲ ሃይሳታ። 50 ሳሎን ዴዲያ ታ አዋ ሽኒያ አሲያ ኡባይ ታ ኢሻ፤ ታ ሚቶኔ ታ አዮ» ያጊስ።

13

**ዜሬሲ ዜሪያ ኡራ ሌሚሶ**  
(ማር 4:1-9፤ ሉቃ 8:4-8)

1 ሄ ጋላስ ዮሱሳኮ ሶፐ ኬዩዲ አባ ጋግን ኡቲስ። 2 ዳሮ ዴሬይ ኢያ ዮሹዋን ሸቂን አሳ አባ ጋግን አጋጊዲ ዎንሎን ጊሊዲ ኡቲስ። 3 አሳስ ዳሮ ቤሚሶን ያጊዲ አዲስ።

«ኢሲ ጎሻንቶይ ዜሬሲ ዜሪናው ኬዩስ። 4 ኢ ዜሪያ ዎዴ ኢሲ ኢሲ ዜሬሳቲ ኦጌ ጋግን ዎዲደሶና፤ ኤንታካ ካፎቲ ዩዲ ማሲ ሚደሶና። 5 ኢሲ ኢሲ ዜሬሳቲ ጋርሳን ሻሎይ ዴዲያ ቤታ ባላ ዎዲደሶና። ዳሮ ቤቲ ባይና ጊሾ ኤሴሲዲ ደሊስ። 6 ሺን አዋይ ኬዩን ሹሊስ፤ ገጶይ ባይና ጊሾ ሜሊስ። 7 ኢሲ ኢሲ ዜሬሳይ አጉንሳ ጊዶን ዎዲስ፤ አጉንሳይ ዲጫዲ ሄ ዶላ ጩሊስ። 8 ሃራቲ ቃሲ አራዳ ቤታ ባላ ዎዲስ፤ ደሊዲ አይፌ አይፌስ። ኢሶይ ዪታ፤ ኢሶይ ኡሱፑን ታማ፤ ኢሶይ ቃሲ ሃስታማ አይፌስ። 9 ሲዲያ ሃይሲ ዴዲያ ኡራይ ሲያ» ያጊስ።

10 ዮሱሳኮ ታማሬቲ ኢያኮ ሸቂዲ፤ «አይስ ኔኒ ዴሪያስ ቤሚሶን አዳይ?» ያጊዲ አይቺደሶና።

11 ኢ ዛሪዲ፤ «ሂንቴው ሳሎ ካዎቴሳ ፀራ ኤራይ ኢሜቲስ፤ ሺን ኤንታው ኢሜቲቤና። 12 ዴዲያ ኡባስ ጉጌታና፤ ኢያው ዳራና፤ ሺን ባይናይሳፌ ሃራ አቶሺን ኢያው ዴዲያራካ ኤኬታና። 13 ሄሳ ጊሾ፤ ታኒ ኤንቲ፤ ዪሊሼ ዴዎና ሜላ፤ ሲዲሼ ሲያና ሜላ ዎይኮ አኬኮና ሜላ ኤንታው ቤሚሶን አዳይስ።

14 «ኢሳያሲ ባ ማግፋን አዲዳይሲ ኤንታ ባላ ፖሌቲስ። ኢ አዲሼ፤

ሂንቴ ሲሳ ሲዲታ፤ ሺን አኬኬኬታ፤ ሂንቴ ዪሌታ፤ ሺን ቤዲኬታ።

15 አይስ ጊኮ፤ ሃ አሳ ዎዛናይ ዜላውሚስ፤ ባንታ ሃይሳ ኤሪሼ ቱሊሲደሶና፤

ባንታ አይፌያ ጎዚደሶና፤ ሄሲ ባይኔኮ ኤንቲ ባንታ አይፌያን ቤዲዲ፤

ባንታ ሃይሳን ሲዲዲ፤ ባንታ ዎዛናን አኬኪዲ፤

ታኮ ሲማና፤ ታካ ኤንታ ፓሳናሺን» ያጊስ።

16 «ሺን ሂንቴ አይፌቲ ቤዲያ ጊሾኔ ሂንቴ ሃይሳቲ ሲዲያ ጊሾ ሂንቴ አንጄቲዳይሳታ።

17 ታ ሂንቴው ቱማ አዳይስ፤ ዳሮ ናቤቲኔ ዪሎ አሳቲ ሂንቴ ቤዲያ ቤዳናውኔ ሂንቴ ሲዲያ ሲዳናው አዋቲደሶና፤ ሺን ኤንታው ሃኒቤና።

18 «ሂዛ፤ ሃ ዜሬሳ ዜሪያ ኡራ ሌሚሶ ሲዲቴ። 19 ኦጌ ጋግን ዎዲዳ ዜሬሳ ቤሚሶይ ሃይሳ፤ ሳሎ ካዎቴሳ ቃላ ሲዲዲ አኬኮና ኡራ ዎዛና፤ ገላሄይ ዩዲ ኢያ ዎዛናን ዴዲያ ዜሬሳ ማሲ ዲጌስ። 20 ሻሎይ ጋርሳን ዴዲያ ቤታ ባላ ዜሬቲዳይሲ ቃላ ሲዲዲ ኤሴሲዲ ኡፋይሳን ኤኬይሳታ። 21 ሺን ገጶ ዮዳናው ዳንዳዳና ጊሾ ዳሮ ጋምዎኮና። ቃላ ጋሶን ሜቶይ ዎይኮ ጎይቴሲ ያ ዎዴ ኤሴሲ ዱቤቶሶና። 22 አጉንሳ ጋሳን ዜሬቲዳይሲ ቃላ ሲዲስ፤ ሺን ሃ አላሚያ ዱሳ ሂርጋይኔ ዱራቴሳ ቆፋይ ቃላ ጩሊያ ጊሾ አይፌ አይፎና አቲስ። 23 ሺን አራዳ ቤታን ዜሬቲዳ ዜሬሳይ አኬካን ቃላ ሲዲያ ኡራ። ኢ አይፌ አይፌስ፤ ኢሶይ ዪታ፤ ኢሶይ ኡሱፑን ታማ ኢሶይ ቃሲ ሃስታማ አይፌስ» ያጊስ።

12:34 ማቶ 3:7፤ 23:33፤ ሉቃ 3:7፤ ማቶ 15:18፤ ሉቃ 6:45 12:38 ማቶ 16:1፤ ማር 8:11፤ ሉቃ 11:16 12:39 ማቶ 16:4፤ ማር 8:12 12:40 ዮሃ 1:17 12:41 ዮሃ 3:5 12:42 1ካዎ 10:1-10፤ 2ታሪ 9:1-12 13:2 ሉቃ 5:1 13:12 ማቶ 25:29፤ ማር 4:25፤ ሉቃ 8:18፤ 19:26 13:16 ሉቃ 10:23-24

**ሌሹዋ ሌሚሶ**

24 ዮሱሲ ኤንታው ሃራ ሌሚሶ አዲስ፤ «የሳ ከዎቴሳይ ባ ኅሻን ሎዎ ዜሬሲ ዜሪዳ ኡራ ዳኔስ።

25 ሺን አሲ ኡባይ ዲስኪን ኢያ ሞርኬይ ዩዲ ጊስቲያ ጊዶን ሌሾ ዜሪዲ ቢስ። 26 ጊስቲይ ዲጪዲ አይፊያ ዎዴ ሌሾይ ኢያ ጊዶን ቤንቲስ።

27 «ጋዲያ ጎዳ አይሌቲ ጎዳኮ ቢዲ፤ ጎዳው፤ ኔ ጎሻን ኔ ሎዎ ዜሬሲ ዜራቢኪሾ? ያቲን፤ ሌሾይ አወፕ ዩዴ?» ያጊዶሶና።

28 «ኢ ኤንታኮ፤ ሄሳ ሞርኬይ አሲስ» ያጊስ። «አይሌቲ ጎዳኮ፤ ኑ ቢዲ ሌሹዋ ሾዳና ሜላ ኮያይ?» ያጊዶሶና።

29 «ሺን ኢ፤ አቶ ቦቾሬቲ፤ ሂንቲ ሌሹዋ ሾዳይስ ጊሺን ጊስቲይ ሾዴታና። 30 ቦቾሬቲ፤ ጫካ ዎዴይ ጋካናው ኢሲፌ ዲጮ። ሄ ዎዴ ጫኪያ አሳታ ሌሹዋ ሲንሳቲዲ ማጊዲ ታማን ፀጋናው ሚርቁን ሚርቁን ቃቸቲ። ሺን ጊስቲያ ሺሺዲ ታ ሻሊያን ቆሊቲ» ያጊስ።

**ጉሳ ሚሴ ሌሚሶ**

(ማር 4:30-32፤ ሉቃ 13:18-19)

31 ቃሲ ሃራ ሌሚሶ ያጊዲ አዲስ፤ «ሳሎ ከዎቴሳይ ኢሲ አሲ ባ ኅሻን ባኪዳ ጉሳ ሚሴ አይፌ ዳኔስ። 32 ሄ ሚሴ አይፌይ ሃራ ሚሳ አይፌታፕ ጉሳ፤ ሺን ኢያ ዶላ ዲጪዳ ሃራ ሚሳታ ኡባሬ አዳ ጊታታወሱ። ኢ ታሺያን ካፎቲ ኬጊዲ ኡታና ጋካናው ዎልቃማ ሚሴ ጊዳወሱ» ያጊስ።

**ኢርሾ ሌሚሶ**

(ሉቃ 13:20-21)

33 ካሊዲካ፤ ዮሱሲ ሃራ ሌሚሶ አዲስ፤ «ሳሎ ከዎቴሳይ ኢሲ ማጫሲ ሄሹ ጋባቲ ዲሌ ኤካ ሙኑቃዳ፤ ሙኑቃይ ዴንዳና ሜላ ኢያን ጉጂዳ ኢርሾ ዳኔስ» ያጊስ።

34 ዮሱሲ ዴሪያስ ሄ ሌሚሱዋ ኡባ አዲስ። ሌሚሶይ ባይና ኢሲባካ አዲቤና። 35 ናቤይ ባ ማፃፋን፤

«ታኒ ታ ዶና፤ ሌሚሶን ዶያና፤

ሳሎይን ሳዓይ ሚዴቶሳፕ፤

ጊሚዳይሳ አዳይስ»

ያጊዲ አዲዳይሲ ሄሳን ፖሌቲስ።

**ሌሾ ሌሚሱዋ ቢርሼሳ**

36 ዮሱሲ ዴሪያ ሞይዚዲ ሶ ጊሊስ። ኢያ ታማሬቲ ኢያኮ ሺቁዲ፤ «ጎሻን ዴዲያ ሌሹዋ ቢርሼሳ ኑስ አዳ» ያጊዶሶና።

37 ኢ ዛሪዲ፤ «ሎዎ ዜሬሳ ዜሪዳይ አሳ ናዓ። 38 ጎሻይ ሃ አላሚያ። ሎዎ ዜሬሳይ ሳሎ ከዎቴሳ ናይታ። ሌሾይ ዓላሄ ናይታ። 39 ሌሹዋ ዜሪዳይ ሞርኪያ ዓላሄ። ጫካ ዎዴይ፤ ዎዲያ ወርሴሳ።

ጫኪይሳቲ ኪታንቾታ። 40 «ሌሾይ ማጌቲዲ ታማን ፀጊቲይሳ ሜላ ዎዲያ ወርሴሳን ሄሳዳ ሃናና። 41 አሳ ናዓይ ባ ኪታንቾታ ኪታና። ኤንቲ ናጋራስ ጋሶ ጊዴይሳታኔ ኢታ አሲያ ኡባ ማጊዲ ኢያ ከዎቴሳሬ ኪሳና። 42 ማጊ ሺሺዲ ዮሆይኔ አቻ ጋርጩሲ ዴዲያ ቶዶና ታማን ዮጋና። 43 ሄ ዎዴ ጊሎቲ ባንታ አዋ ከዎቴሳን አዋዳ ፖዓና። ሲዲያ ሃይሲ ዴዴይ ሲያ!

44 «የሳ ከዎቴሳይ ጎሻን ሞጌቲዳ ሚሼ ዳኔስ። ኢሲ አሲ ሄ ሚሺያ ዴሚዲ ዛሪ ሞጊስ። ዳሮ ኡፋይቲዲ ቢዲ ባው ዴዲያባ ኡባ ባይዚዲ ሄ ጎሻ ጋዲያ ሻሚስ።

45 «ሄሳዳካ፤ ቃሲ ሳሎ ከዎቴሳይ ኢንቆ ጊያ አልዎ ሹቻታ ኮያ ዛልዓንቾ ዳኔስ። 46 ዳሮ አልዎ ኢንቁዋ ዴሚዲ ቢዲ ባው ዴዲያባ ኡባ ባይዚዲ ኢያ ሻሚስ።

**ሞሎ አይኪያ ጊቲ ሌሚሶ**

47 «ቃሲ የሳ ከዎቴሳይ አባን ዩጌቲዳ ዱማ ዱማ ቆዋ ሞሎ አይኪያ ጊቲያ ዳኔስ። 48 ሞሎ አይኪያ አሳቲ ሞሎይ ጊቲያን ኩሚን አባሬ ጋፃ ኬሲዶሶና። ያን ኡቲዲ ሎዎቀ ቆሪ ቆሪ ዳቾን ዩጊዶሶና። ሺን ኢታ ሞሎታ ዎራ ሆሊዶሶና።

49 ዎዲያ ወርሴሳን ሄሳሳ ሃናና። ኪታንቾቲ ዩዲ ናጋራንቾታ ጊሎታፕ ሻኪዲ። 50 ዮሆይኔ አቻ ጋርጩሲ ዴዲያ ቶዶና ታማን ዮጋና።

51 «ሃ ኡባይ ሂንቲው ጊሊዴ?» ያጊዲ ኤንታ አይቺስ።

ኤንቲ ዛሪዲ፤ «ኤ» ያጊዶሶና።

52 ዮሱሲ፤ «ሂዛ፤ ሳሎ ከዎቴሳ ኡራ ኤኪዲ ሂጊያ ታማርሲያ ኡባይ፤ ባ ሚንጂዳ ሻሎዋፕ ኡራሳኔ ጋልዓ ኬሲያ አሴ ዳኔስ» ያጊስ።

**ዮሱሲ ናዚሬቲን ኢጻቲስ**

(ማር 6:1-6፤ ሉቃ 4:16-30)

53 ዮሱሲ ሃ ሌሚሱዋ አዲ ወርሴዳፕ ጉዬ ያፕ ዴንዲዲ ቢስ። 54 ባ ዮሌቲዳ ቢታ ቢዲ አይሁዴ ዎሳ ኬሳን ዴሪያ ታማርሲስ። ኤንቲ ማላሌቲዲ፤ «ሃ ኡራይ ሃ ጪንጫቴሳኔ ሃ ማላታታ አሲያ ዎልቃ አወፕ ኤኪዴ?» 55 ሃይሲ አናጊያ ናዓ ጊዴኔዬ? ኢያ አዬ ሱንሳይ ማይራዎ ጊዴኔ? ኢያ ኢሻቲ ያይቆባ፤ ዮሴፋ፤ ሲሞናኔ ዩሁዳ ጊዶኮናዬ? 56 ኢያ ሚቼቲ ኑራ ዴዶሶና ጊዶኮና? ያቲን፤ ሃ ኡራይ ሃ ኡባ አወፕ ኤኪዴ?» ያጊዶሶና። 57 ሄሳ ጊሾ፤ ኢ ጊያባ ኤኮና ኢጊዶሶና።

ሺን ዮሱሲ፤ «ናቤይ ባ ዮሌቲዳ ቢታኒኔ ባ ሶ አሳ ማታን ቦንቼቲና» ያጊስ። 58 ኤንቲ አማናና ኢጊዳ ጊሾ ዳሮ ማላታታ ሄ ቤሳን አሲቤና።

14

**ፃማቂያ ዮሃንሳ ሃይቁዋ**

(ማር 6:14-29፤ ሉቃ 9:7-9)

1 ሄ ዎዴ ጋሊላ አይሲያ ሄሮዲሲ \* ዮሱሳባ ሲዲስ። 2 ባ አይሌታኮ፤ «ሃይሲ ፃማቂያ ዮሃንሳ፤ ኢ ሃይቁፕ ዴንዲስ። ያኒዳ ጊሾ ሃ ኡባ ማላታታ ኢ አሴስ» ያጊስ።

3 ኢ ሄሳ ጊዳይ ሄሮዲሲ ባ ኢሻ ፊልጶሳ ማቼ ሄሮዲያዲ ጋሶን ዮሃንሳ ቃሾ ኬሲ ጌልሲዳ ጊሾሳ። 4 ዮሃንሲ ሄሮዲሳ፤ «ኔ ኢዮ ኤካናው ዎጋ ጊዴና» ያጊስ። 5 ሄሮዲሲ ዮሃንሳ ዎዳናው ኮዩስ፤ ሺን ዴሬይ ዮሃንሳ ናቤ አሲዲ ቤዲያ ጊሾ ያሼቲስ።

6 ሄሮዲሲ ባ ዮሌቲዳ ጋላሳ ቦንቼያ ዎዴ ሄሮዲያዳ ናዲያ አሳ ሲንሳን ዮሳን ዱራዳ ኢያ ኡፋይሳሱ። 7 ያቲን፤ ኢ፤ «ኢያ ኮያባ ኡባ ኢማና ጊዲ» ጫቂስ። 8 ናዲያ ባ አዬ ዞሪያ

13:35 ማክ 78:2 13:57 ዮሃ 4:43 \* 14:1 ሄሮዲሲ፤ ሃይሲ ካወዋ ሄሮዲስ አንቲጶሳ። ኢ ዩሁዳኔ ፔሪያ ኪሪስቶሲ ዩሌታናፕ ሲንሴ 4-39 ም.ል. ጋካናው ሃሪስ። ኢ ካወዋ ሄሮዲሳስ ናዓ። 14:4 ሉቃ 3:19-20፤ ሌዌ 18:16፤ 20:21

ሲዓዳ ሄሮዲስ፡ «ገማቂያ የሃረሳ ሁዲያ ኬሬን ዎሳዳ ታው ኢግ» ያጋሱ።<sup>9</sup> ኢያ ያገን ካዎይ ቂርቲስ፡ ሺን ባ ጫቁዋ ገሸኔ ባራ ዴዲያ ኢግሳታ ገሾ ጊዲ ኢ አይሻይ ፖሌታና ሜላ ኪቲስ።<sup>10</sup> ካዎይ አሴ ኪቲዲ የሃረሳ ቃሾ ከሳን ዴዲሺን ኢያ ቆዲያ ጎይሪሲስ።<sup>11</sup> ሁዲያ ኬሬን ዎሳ ኤሂዲ ናዔስ ኢግሊዶሶና፤ ናዲያካ ኤካዳ ባ አዩስ ኤፋሱ።<sup>12</sup> የሃረሳ ታማሬቲ ዩዲ ኢያ አሃ ኤፊዲ ሞገዶሶና። ኢያፕ ጉዩ ሃረዳባ ኡባ ቢዲ ዩሱሳስ አዲዶሶና።

**ዩሱሳ ኢቻሹ ሙኩሉ አሳ ሙዚስ**  
(ማር 6:30-44፤ ሉቃ 9:10-17፤ ዮሃ 6:1-14)

<sup>13</sup> ዩሱሳ ሃረዳባ ሲዲዳ ዎዴ ዎጎሉዋን ጌሊዲ ሄ ቤሳሬ ኢሲ ጌሚያ ሶ ባርካ ቢስ። አሳይ ሄሳ ሲዲዲ ካታማታፕ ዴንዲዲ ቶሆን ኢያ ካሊዶሶና።<sup>14</sup> ዩሱሳ ዎጎሉዋፕ ዎዲዲ ዳር አሳ ቢዲዲ ኤንታው ቃዴቲስ። ኤንታ ጊዶን ዴዲያ ሃርጋንቾታ ፓሊስ።

<sup>15</sup> ሳዳይ አማርሲሽ ቢያ ዎዴ ዩሱሳ ታማሬቲ ኢያኮ ሸቂዲ፡ «ሃ ቤሳይ አሲ ባይና ቤሲ፡ ሳዳይካ ቃሚስ። ያኒያ ገሾ፡ ሄራን ዴዲያ ጉታታ ቢዲ ባንታው ሻሚዲ ማና ሜላ ዴሪያ ዩዳ» ያገደሶና።

<sup>16</sup> ሺን ዩሱሳ ኤንታኮ፡ «ዴሬይ ሞና ባናው ኮሾና፤ ኤንቲ ማናባ ሂንቲ ኢግሊቲ» ያገደሶና።

<sup>17</sup> ኤንቲ ዛሪዲ፡ «ኑስ ሃይሳን ኢቻሹ ኡይሳሬኔ ናምዑ ሞሎፕ ሃሪ ባዎ» ያገደሶና።

<sup>18</sup> ኢካ፡ «አኔ ኤንታ ሃ ኤሂቲ» ያገደሶና።

<sup>19</sup> ካሊዲካ፡ ዴሬይ ማታን ኡታና ሜላ አዲስ። ኢቻሹ ኡይሳኔ ናምዑ ሞሎታ ኤኪዲ፡ ሳሎ ያሊዲ ጋላቲ ሲሚዲ፡ ኡይሳ ሜንሱዲ ባ ታማሬታስ ኢግሊስ፤ ኤንቲ ቃሲ ዴሪያስ ኢግሊዶሶና።<sup>20</sup> ኡባይ ሚዲ ካሊዶሶና። ዩሱሳ ታማሬቲ ሚሺን አቲዳይሳ ታማኔ ናምዑ ጋይታ ዴንሱዶሶና።<sup>21</sup> ካሳ ሚዳ አሳይ ማጫሳይኔ ናይቲ አቲን ኢቻሹ ሙኩሉ ጊዴስ።

**ዩሱሳ አባ ቦላራ ሃሙቲስ**  
(ማር 6:45-52፤ ዮሃ 6:15-21)

<sup>22</sup> ዩሱሳ ባ ታማሬቲ ዎጎሉዋን ጌሊዲ ባፕ ሲንሳቲዲ አባሬ ሄ ፊንሱ ፒናና ሜላ ኪቲዲ ባው ዴሪያ ሞይዛናው ጉዩ አቲስ።<sup>23</sup> ዴሪያ ሞይዚ ሲሚዲ ባርካ ዎሳናው ኢሲ ዴሪያ ቦላ ኬዩስ። ሳዳይ ቃሚንካ ኢ ባርካ ያን ጋምሲስ።<sup>24</sup> ሄ ዎዴ ዎጎሎይ አባ ቦላ ቢሺን ሲንሳ ባጋራ ጫርኮይ ዴንዲን ሆቤይ ዎጎሉዋ ኡንዔሲስ።

<sup>25</sup> ዎንቲማሳ ቦላ ዩሱሳ አባ ቦላ ሃሙቲሽ ባ ታማሬታኮ ዩስ።<sup>26</sup> ኢያ ታማሬቲ፡ ኢ አባ ቦላ ሃሙቲሽ ባንታኮ ዩይሳ ቤዲዲ ያዩዶሶና። ኤንቲካ፡ «ሃይሲ ሞይቲሌ» ጊዲ ያዩዲ ሞሲዶሶና።

<sup>27</sup> ሺን ዩሱሳ ኤሌሲዲ፡ «አይኮይ ባዎ! ያዩፊቲ! ታናባይ» ያገደሶና።

<sup>28</sup> ጴጊሮሲ ኢያኮ፡ «ጎዳው፡ ኔና ጊዲኮ፡ ታኒ ሃሳ ቦላራ ሃሙታዳ ኔኮ ባና ሜላ ታና ኪታ» ያገደሶና።

<sup>29</sup> ዩሱሳ ጴጊሮሳኮ፡ «ሃያ» ያገደሶና።

ጴጊሮሲ ዎጎሉዋፕ ዎዲዲ ሃሳ ቦላራ ሃሙቲሽ ዩሱሳኮ ቡሱ አይኪስ።<sup>30</sup> ሺን ዎልቃማ ጫርኮዋ

ቤዲዲ ያዩስ። ሃሳን ሚቴቴሌ አይኪዳ ዎዴ «ጎዳው፡ ታና አሻርኪ» ያገደሶና ሞሲስ።

<sup>31</sup> ዩሱሳ ኤሌሲዲ ባ ኩሺያ ዩዲ ኢያ አይኪዲ፡ «ኔና፡ አማኖይ ፓጩዳይሶ አይስ ሲዳይ» ያገደሶና።

<sup>32</sup> ዩሱሳራኔ ጴጊሮሳራ ዎጎሉዋን ጌሊዲ ዎዴ ጫርኮይ ሲዲ ጊስ።<sup>33</sup> ዎጎሉዋ ጊዶን ዴዲያ ኢያ ታማሬቲ፡ «ኔኒ ቱማካ ዎሳ ናዓ» ጊዲ ጎይዲዶሶና።

<sup>34</sup> ኤንቲ አባ ፒኒዲ ጌንሳሬዔ ቢታ ጋኪዶሶና።

<sup>35</sup> ሄ ቢታን ዴዲያ አሳይ ዩሱሳ ኤሪዳ ዎዴ ባንታ ሄራን ዴዲያ ጉታ ኡባ ኪታ ዩዲዶሶና። አሳይ ሃርጋንቾታ ኡባ ኢያኮ ኤሂዶሶና።<sup>36</sup> ሃርጋንቾቲ ኢያ አሬላ ማጫራ ሃላላ ቦቻና ሜላ ዎሲዶሶና። ቦቻዳ ኡባይካ ፓጊዶሶና።

15

**አዎታ ዎጋባ**  
(ማር 7:1-13)

<sup>1</sup> ሄሳሬ ጉዩ፡ ኢሲ ኢሲ ፋሪሳዌቲኔ ሂጌ አስታማሬቲ ዩሩሳላሜፕ ዩሱሳኮ ዩዲ።<sup>2</sup> «ኔ ታማሬቲ አይስ ኑ አዎታ ዎጋ ሜንሶና? ኤንቲ ካሊ ማናፕ ሲንሴ ባንታ ኩሺያ ሜጩቶኮና» ያገደሶና አይቺዶሶና።

<sup>3</sup> ዩሱሳ ዛሪዲ፡ «ሂንቲ፡ ሂንቲ ዎጋ ገሾ ዎሳ ኪታ ፖሌይሳ አይስ ኢዔቲ? <sup>4</sup> አይስ ጊኮ፡ ዎሳይ፡ «ኔ አዎኔ ኔ አዩው ቦንቻ። ኢ ባ አዎ ዎይኮ ባ አዩው ጫዩይሲ ሃይቆ ጊቤኔ?» ያገደሶና።

<sup>5</sup> ሺን ሂንቲ፡ ኢሲ አሲ ባ አዎ ዎይኮ ባ አዩው ማዳናባይ ዴዲሺን፡ «ሃይሳ ታ ዎሳስ ያርሻስ ጊኮ። <sup>6</sup> ባ አዎ ዎይኮ ባ አዩው ቦንቻናው ቤሴና» ያገደሶና። ያቲዲ ሂንቲ፡ ሂንቲ ዎጋ ፖላናው ዎሳ ቃላ ሜንሴታ።<sup>7</sup> ሂንቲና፡ ጩቦቶ፡ ኢሳያሲ ሂንቲባ ሊኬ አዲስ።

<sup>8</sup> «ሃ አሳይ ታና ባንታ ዶናን ቦንቼስ፡ ሺን ኤንታ ዎዛናይ ታፕ ሃሆን ዴዔስ።

<sup>9</sup> አሳይ ታና ጮ ጎይኖሶና፤ ኤንቲ አሲ ሜዲዳ ኪታ ዎሳ ሂጌ ዳኒሲዲ ታማርሶሶና ጊስ» ያገደሶና።

**አሴ ቱኒሲያባታ**  
(ማር 7:14-23)

<sup>10</sup> ዩሱሳ ዳር አሳ ባኮ ያገደሶና፡ «ሲዲቲ! አኬኪቲ! <sup>11</sup> አሴ ቱኒሲያባይ ዶናራ ጌሊያባ ጊዶናሺን ዶናፕ ኬያባ» ያገደሶና።

<sup>12</sup> ሄሳሬ ጉዩ፡ ዩሱሳ ታማሬቲ ኢያኮ ዩዲ፡ «ፋሪሳዌቲ ኔኒ ጊዳይሳ ሲዲዲ ዲቤቲዳይሳ አኬካይ?» ያገደሶና።

<sup>13</sup> ሺን ዩሱሳ ኤንታው ዛሪዲ፡ «ሳሉዋን ዴዲያ ታ አዎይ ቶኪቦና ሚሳይ ኡባይ ሾዴታና።

<sup>14</sup> ኤንታባ ሂርጎሬቲ፤ ኤንቲ ቆቄ ካሌሲያ ቆቄታ። ቆቄይ ቆቄ ካሌሲኮ፡ ናምዳይካ አሳን ኩንዳና» ያገደሶና።

<sup>15</sup> ጴጊሮሲ ዛሪዲ፡ «ሃ ሌሚሱዋ ቢርሼሳ ኑስ አዳርኪ» ያገደሶና።

<sup>16</sup> ዩሱሳ ኤንታኮ፡ «ሂንቲጫካ ሃዲ ጋካናው ጌሊቤኔ? <sup>17</sup> ዶናራ ጌሊያባ ኡባይ ኡሎ ጌሊዲ ካሬ ኬዩይሳ ኤሬኬቲ?» <sup>18</sup> ሺን ዶናራ ኬያባይ ዎዛናፕ ኬዩስ። አሴ ቱኒሲያባቲ ሄሳታ።

<sup>19</sup> ኤንቲካ አሳ ዎዛና ጊዶሬ ኬያ ኢታ



ቆፋ፣ ዎድ፣ ላይማቴሲ፣ ኢታ ኦሶ፣ ካይሶ፣ ዎርዶ ማርካቴሲ፣ ጫሼ።<sup>20</sup> ሄሳ ዳኒያባቲ ኦሴ ቱኒሴሲ፣ ኦቲን ሜጫቶና ኩሼራ ሜይሲ ቱኒሴና» ያገረ።

**ኢሲ ማጫሴ አማኑዋ**  
(ማር 7:24-30)

<sup>21</sup> ሄሳፊ ጉዩ፣ ዩሱሲ ያፔ ከዩዲ ሂሮሳኔ ሲዶና ካታማቲ ዴዲያ ቢታ ቢስ።<sup>22</sup> ኢሲ ካናኔ ቢታ ማጫስ ዩሱሳኮ ያዳ፣ ባ ቃላ ጶቁ አሳዳ፣ «ጎዳው፣ ዳዊቱ ናዓው፣ ታው ቃዴታርኪ፤ ታ ናዓው ቱና አያናይ አይኪዲ ኢታ ዋይሴስ» ያጋሱ።

<sup>23</sup> ሺን ዩሱሲ ኢሲ ቃላካ ዛርና ሲዲ ገስ። ዩሱሳ ታማሬቲ ኢያኮ ዩዲ፣ «ሃ ማጫሲያ ኑ ጌዶ ካላ ካላዳ፣ ዎሳወሱ። ሄሳ ገሾ፣ ኔኒ ኢዮ ሞይዛርኪ» ያገደ ዎሲዶሶና።

<sup>24</sup> ዩሱሲ ዛሪዲ፣ «ታኒ ወዴፔ ዳዩዳ ዶርሳዳ ኢስራዔል ከሳፊ ዳዩዳ አሳታ ዓላላስ ኪቴታስ» ያገረ።

<sup>25</sup> ሺን ኢያ፣ ኢያ ሲንላን ኩንዳዳ፣ «ጎዳው፣ ታና ማዳርኪ?» ያጋሱ።

<sup>26</sup> ኢ ዛሪዲ፣ «ናይታ ካሲ ኤኪዲ ካናታስ ዩጌይሲ ሎዎ ገዴና» ያገረ።

<sup>27</sup> ማጫሲያካ፣ «ጎዳው፣ ሄሲ ቱማ፣ ሺን ሃሪ አቶሺን ካናቲ ባንታ ጎዳቲ ሚሺን፣ ጋይታፔ ዎዲያ ቲፊያ ሞሶና» ያጋሱ።

<sup>28</sup> ዩሱሲ ዛሪዲ፣ «ሃ ማጫሴቴ፣ ኔ አማኖይ ገታ፤ ኔ ኮዩዳይሳዳ ኔው ሃኖ» ያገረ። ኢ ናዒያ ኢራካ ጋፃ አጋሱ።

**ዩሱሲ ዳር ሃርጋንቾታ ፓሲስ**

<sup>29</sup> ዩሱሲ ያፔ ዴንዲዲ ጋሊላ አባ ማቲ ቢስ። ኢሲ ዴሬ ቦላ ከዩዲ፣ ያን ኡቲስ።<sup>30</sup> ዳር አሳይ ባንታራ፣ ዎቤታ፣ ቆቁታ፣ ኩናታ፣ ዶና ሙሜታኔ፣ ሃራ ዳር ሃርጋንቾታ ኤኪዲ፣ ኢያኮ ኤሂዲ ኢያ ሲንላን ዎሲዶሶና። ዩሱሲ ኤንታና ፓሲስ።<sup>31</sup> ሄሳ ገሾ፣ ሙሜቲ አዴቲሺን፣ ኩናቲ ፒዲ ገሺን፣ ዎቤቲ ሃሙቲሺን፣ ቆቁቲ ዩሊሺን አሳይ ቤዒዲ ማላሌቲዲ፣ ኢስራዔል ዎሳ ጋላቲዶሶና።

**ዩሱሲ አይዱ ሙኩሉ አሳ ሙዚስ**  
(ማር 8:1-10)

<sup>32</sup> ዩሱሲ ባ ታማሬታ ባኮ ዩጊዲ፣ «ሃ ዳር አሳይ ታራ ሄዥ ጋላስ ጋምዲዳ ገሾኔ ኤንታው ሃዒ ሚያባይ ባይና ገሾ ታኒ ኤንታው ቃዴታይስ። ኤንቲ አገን ዳቡሪዲ ኩንዶና ሜላ አይኮ ሙዞና ኤንታ ሜላ ዩዳናው ኮዩኬ» ያገረ።

<sup>33</sup> ኢያ ታማሬቲ ዛሪዲ፣ «ኑኒ ሃ ባዙዎን ሃይሳ ኬና አሳስ ጊዲያ ካሲ አወፔ ዴማኔ?» ያገደሶና።

<sup>34</sup> ዩሱሲ ኤንታኮ፣ «ሂንቴው አፑን ኡይሲ ዴዒ?» ያገደ አይቺስ።

ኤንቲ ዛሪዲ፣ «ላፑን ኡይሲኔ ላፋ ሞሎታፔ ጉሲ ዴዔስ» ያገደሶና።

<sup>35</sup> ዩሱሲ ዴሪያ ላዓን ኡቲቴ ያገደ ኪቲስ።

<sup>36</sup> ሄሳፊ ጉዩ፣ ሄ ላፑን ኡይሳኔ ሞሎታ ኤኪዲ ዎሳ ጋላቲስ። ሜንሲዲ ባ ታማሬታስ ኢሚስ። ኢያ ታማሬቲ አሳስ ገሺዶሶና።

<sup>37</sup> አሳይ ኡባይ ሚዲ ካሊዶሶና። ኢያ ታማሬቲ፣ ሚሺን አቲዳ ቲፊያ ላፑን ገታ ጋይታ

ኩሜሲ ዴንሲዶሶና።<sup>38</sup> ሚዳ አሳይ ማጫሲኔ ናዓ ፓይዶና አዴ ዓላሊ አይዱ ሙኩሉ።<sup>39</sup> ዩሱሲ ዴሪያ ዩዲዳፔ ጉዩ ዎንሉዋን ጌሊዲ ማጌዶና ጊያ ቢታ ቢስ።

**ሳሎፔ ማላ ቤዓናው አይቺዳ አይሻ**  
(ማር 8:11-13፤ ሉቃ 12:54-56)

<sup>1</sup> ፋሪሳዌቲኔ ሳዱቃዌቲ ዩሱሳኮ ዩዶሶና። ኢያ ፓጫናው ኮዩዲ፣ ባንታና ሳሎፔ ማላታ ቤሶ ጊዲ አይቺዶሶና።<sup>2</sup> ሺን ኢ ኤንታኮ፣ «ሳዒ አማርሲያ ዎዴ ሳሎይ ዘዒዳ ገሾ ዎንቶ ቦቃላና» ያገረ።<sup>3</sup> ዎንቲያ ዎዴ፣ «ሳሎይ ዘዒዲ ሻራቲዳ ገሾ ኢራይ ቡካና» ያገረ። ያቲን ሂንቴ ሳሎ ማላ ቤዒዲ ኤሬታ፣ ሺን ዎዲያ ማላ ኤራናው ዳንዳዒቤኬታ።<sup>4</sup> ኢታኔ አማኖና ዩሌቴሳይ ማላታ ኮዩስ። ሺን ኢያው ዮናሳ ማላታፔ ሃራ ማላቲ ኢሜቴና» ያገረ። ሄሳፊ ጉዩ፣ ኤንታና ያን አገዲ ሃራ ሶ ቢስ።

**ፋሪሳዌታኔ ሳዱቃዌታ ኢርሹዋ**  
(ማር 8:14-21)

<sup>5</sup> ኤንቲ አባፊ ሄሬንሲ ፒኒዳ ዎዴ ዳቦ ኤኪዲ ያናይሳ ዶጊዶሶና።<sup>6</sup> ዩሱሲ ኤንታኮ፣ «ፋሪሳዌታፔኔ ሳዱቃዌታ ኢርሹዋፊ ናጌቲቴ» ያገረ።<sup>7</sup> ኤንቲካ ባንታ ጋርሳን፣ «ኢ ሄሳ ጊዳይ ኑ ዳቦ ኤኪዲ ዮና ገሾሳ ጊዳና» ያገደሶና።<sup>8</sup> ዩሱሲ ኤንታ ቆፋ ኤሪዲ፣ «ሂንቴና፣ አማኖይ ፓጫዳይሳቶ! ዳቦ ኤኮና ዩዳ ገሾ ዎሊ ጊዶን አይስ አዴቴቲ? ሃዒካ ሂንቴ አኪኬቲ? ኢቻሹ ሙኩሉ አሳስ ኢቻሹ ኡይሳ ገሺዳይሳኔ ኤንቲ ሚዲ ካሊን ሂንቴ አፑን ጋይታ ኩሜሲ ዴንሲዳኮ ዶጊዶቲ? ሰላዳካ፣ ላፑን ኡይሳ አይዱ ሙኩሉ አሳስ ገሺዳይሳኔ ኤንቲ ሚዲ ካሊን፣ ሂንቴ አፑን ገታ ጋይታ ኩሜሲ ዴንሲዳኮ አኪኪኬቲ? ሰላዳካ፣ ታኒ ፋሪሳዌታኔ ሳዱቃዌታ ኢርሹዋፊ ናጌቲቴ ጋዳ አይይሲ ዳቦባ ጊዶናይሳ አኪኪኬቲ?» ያገረ።<sup>12</sup> ያቲን፣ ኢያ ታማሬቲ ዩሱሲ አዴይ ሙኑቃ ዴንሳናው ዩጌቲያ ኢርሹባ ጊዶናሺን ፋሪሳዌታኔ ሳዱቃዌታ ቲሚርቲያፊ ናጌታናይሳ ጊዴይሳ አኪኪዶሶና።

**ጴጊሮሲ ዩሱሳባ አዲስ**  
(ማር 8:27-30፤ ሉቃ 9:18-21)

<sup>13</sup> ዩሱሲ ቂሳሪያ ፊልጶሳ ቢታ ጋኪዳ ዎዴ ባ ታማሬታኮ፣ «አሳይ፣ አሳ ናዓ አና ጎና?» ያገደ አይቺስ።

<sup>14</sup> ኤንቲካ፣ «ኢሶቲ ኢሶቲ ማጣቂያ ዮሃንሳ፣ ሃራቲ ኤሊያሳ ቃሲ ሃንኮቲ ኤርሚያሳ ዎይኮ ናቤታፔ ኢሱዋ ጎሶና» ያገደሶና።

<sup>15</sup> ዩሱሲ ዛሪዲ፣ «ያቲን፣ ሂንቴ ታና አና ጌቲ» ጊዲ ኤንታ አይቺስ።

<sup>16</sup> ሲሞና ጴጊሮሲ ዛሪዲ፣ «ኔኒ ኪሪስቶሳ፣ ዴዎ ዎሳ ናዓ» ያገረ።

<sup>17</sup> ዩሱሲ ጴጊሮሳኮ፣ «ዮና ናዓ ሲሞና፣ ኔኒ አንጄቲዳይሳ! ሃይሳ ኔው ቆንጨሲዳይ ሳሉዋን ዴዲያ ታ አዋፔ አቲን አሴ ጊዴና።<sup>18</sup> ታ ኔው አዳይስ ጴጊሮሳ፣ ኔኒ ዛላ! ታኒ ሃ ዛላ ቦላ ታ ዎሳ ኬሳ ኬፃና። ሃይቆ ዎልቃቲካ ኢዮ ዮኖኮና።<sup>19</sup> ሳሎ ካዎቴሳ ቁልፔታ ታ ኔው ኢማና። ሳዓን

16:1 ግብጽ 12:38፤ ሉቃ 11:16 16:4 ግብጽ 12:39፤ ሉቃ 11:29 16:6 ሉቃ 12:1 16:9 ግብጽ 14:17 16:10 ግብጽ 15:34 16:14 ግብጽ 14:1 16:16 ዮሃ 6:68

ኔኒ ዲጊያባይ ኡባይ ሳሎን ያሳ ማታን ዲጊቲዳባ ጊዳና። ሳዓን ኔኒ ሃኖ ጊያባይ ኡባይ ሳሎን ያሳ ማታን ሃኒዳባ ጊዳና» ያገለገሉ።

20 ሄሳፌ ጉዩ፣ ኢ፣ ኪሪስቶስ ጊዳይሳ አዴስካ አድና ሜላ ባ ታማሬታ ሚንሲዲ ኪቲስ።

**ዮሱሲ ባና ጋካና ዋያ አዲስ**

21 ሄ ዎዲያፕ ደሚዲ ዮሱሲ ባ ታማሬታስ። «ታኒ ዮሩሳሌም ባናው ቤሴስ። ያን ዴሪያ ጨማታን፣ ካሂኔ ሃላቃታኔ ሂጊ አስታማሬታ ኩሼን ዋዩ ኤካናው ቤሴስ። ኤንቲ ታና ዎዳና፣ ሺን ታኒ ሄቫንሶ ጋላስ ሃይቆፕ ዴንዳና» ያገለገሉ።

22 ጴጊሮሲ ዮሱሳ ጋግ ኬሲዲ፣ «ጎዳው፣ ሄሲ ሃኔና! ሄሳ ሜላባይ ኔና ኡባሪካ ጋኮፎ!» ያገለገሉ ሃንቁቲስ።

23 ዮሱሲ ጴጊሮሳኮ ጉዩ ሲሚዲ፣ «ሃ ሃላሂያው፣ ታፕ ሃካ! ኔኒ አሳ ቆፋ ቆጋሳፕ አቲን ያሳ ቆፋ ቆጋና ጊሾ ታው ዱቤ ጊዳሳ» ያገለገሉ።

24 ሄሳፌ ጉዩ፣ ዮሱሲ ባ ታማሬታኮ፣ «አኒካ ታና ካላናው ኮያባ ጊዲኮ ባና ካዶ፣ ባ ማስቃሊያ ቶኪዲ ታና ካሎ። 25 ባ ዴዑዋ አሻናው ኮያ ኡባይ ጳይሴስ። ሺን ባ ዴዑዋ ታ ጊሾ ጊዲ አሲ አሜይሲ አሼስ። 26 አሲ አላሜ ኩሜሳ ባባ አሲዲ፣ ጊዶሺን ባ ሼምፕዋ ጳይሴኮ ኢያ አይ ማዲ? ዎይኮ አሲ ባ ሼምፕዋ ላሜ አይ አሚናው ዳንዳዲ? 27 አሳ ናዓይ ባ አዋ ቦንቸዋን ባ ኪታንቸታራ ያና። ሄ ዎዴ አሲ አሲ ኡራስ ኢያ አሱዋዳ አሚና። 28 ታ ተማ አዳይስ፤ አሳ ናዓይ ካዎ ጊዲዲ ሲሜይሳ ቤዓና ጋካናው ሃይሳን ኤቂዳ አሳፕ ሃይቆናይሳቲ ዴዎሶና» ያገለገሉ።

17

**ዮሱሳ ማላይ ላሜቲስ**

(ማር 9:2-13፤ ሉቃ 9:28-36)

1 ኡሱፑን ጋላሳፕ ጉዩ ዮሱሲ፣ ጴጊሮሳ፣ ያይቆባኔ ኢያ ኢሻ ዮሃንሳ ባራ ኤኪዲ ባንታርካ ጊዳናው ዴሪያ ቦላ ኬሴስ። 2 ያን ኤንታ ሲንሳን ዮሱሳ ማላይ ኩሜሳ ላሜቲስ፤ ኢያ ሰምዶካ አዋዳ ዎልቂስ። ኢያ ማዎይካ ዳሮ ቦሲስ። 3 ሄኮ፣ ሙሴይኔ ኤሊያሲ ኢያራ ኦዴቲሺን ቤዲዶሶና።

4 ጴጊሮሲ ዮሱሳኮ፣ «ኦኒ ሃይሳ ሃሹ ዩዳ። ኔ ኮይኮ ኢሲኖ ኔው፣ ኢሲኖ ሙሴስ፣ ኢሲኖ ኤሊያሳስ ሃይሳን ሃሹ ሻቃራ ሻቃራና» ያገለገሉ።

5 ጴጊሮሲ ሄሳ ቡሮ አዲሺን ቦላ ሻራይ ኤንታና ካሚስ። ሻራ ጊዶራ፣ «ታና ኡፋይሲያ፣ ታ ዶሲያ ናዓይ ሃይሳ፣ ኢያ ሲዲቲ!» ያገለገሉ ቃላይ ዩስ።

6 ዮሱሳ ታማሬቲ ሄሳ ሲዲዳ ዎዴ ዳጋሚዲ ባንታ ሰምዑዋራ ሳዓን ኩንዲዶሶና።

7 ሺን ዮሱሲ ኤንታኮ ሺቂዲ ኤንታ ቦቺዲ፣ «ዴንዲቲ፣ ያዮፊቲ!» ያገለገሉ። 8 ኤንቲ ዶቂ ጊዲ ቤዲያ ዎዴ ዮሱሳፕ ሃራ አናካ ቤዲቦኮና።

9 ኤንቲ ዴሪያፕ ዎዲሺን ዮሱሲ ኤንታኮ፣ «አሳ ናዓይ ሃይቆፕ ዴንዳና ጋካናው ሃ ሂንቲ ቤዲዳባ አዴስካ አዶፒቲ» ጊዲ ኪቲስ። 10 ዮሱሳ ታማሬቲ፣ «ያቲን፣ ሂጊ አስታማሬቲ ኤሊያሲ

ኪሪስቶስ፣ ካሴቲዲ ያና ጊዳይ አይቤሴ?» ያገለገሉ አይቺዶሶና።

11 ዮሱሲ ዛሪዲ፣ «ኤ! ኤሊያሲ ካሴቲ ዩዲ ኡባባ ጊጊሳና። 12 ሺን ታ ሂንቲው ቱማ አዳይስ፤ ኤሊያሲ ካሴቲዲ ዩስ። ኤንቲካ ኢያ ቦላ ኮዩዳባ አሲዶሶናፕ አቲን ኢያ ሻኪ ኤሪቦኮና። ሄሳዳ አሳ ናዓይ ኤንታ ኩሼን ዋዩታና» ያገለገሉ።

13 ሄ ዎዴ ዮሱሲ ጊዳይ ሃማቂያ ዮሃንሳባ ጊዳይሳ አኬኪዶሶና።

**ዮሱሲ ቱና አያናይ አይኪዳ ናዓ ፓሲስ**

(ማር 9:14-29፤ ሉቃ 9:37-43)

14 ኤንቲ ዴሪያፕ አሳኮ ሲሚያ ዎዴ ኢሲ አሲ ዮሱሳ ሲንሳን ጉልባቲዲ፣ 15 «ጎዳው፣ ሃና ታ ናዓስ ቃዴታርኪ፤ ኢያ ሾጨዲ ዩጊያ ሃናይ ዳሮ ኡንዔሲዲ ታማኒኔ ሃሳን ዩጊስ። 16 ኔ ታማሬታኮ ኤሃስ፣ ሺን ኤንቲ ፓሳናው ዳንዳዲቦኮና» ያገለገሉ።

17 ዮሱሲ ዛሪዲ፣ «ሂንቲ፣ አማኖና ጌላ ዩሌቴሳው አውዴ ጋካናው ታ ሂንቲራ ዳኔ? አውዴ ጋካናው ታ ሂንቲና ዳንዳዳኔ? አኔ ናዓ ሃ ኤኪ ዩቲ» ያገለገሉ። 18 ዮሱሲ ቱና አያና ሃንቂን፣ ቱና አያናይ ናዓፕ ኬዩስ፤ ሄ ሳቲንካ ናዓይ ፓሲስ። 19 ሄሳፌ ጉዩ፣ ዮሱሳ ታማሬቲ ባንታርካ ኢያኮ ሺቂዲ፣ «ኦኒ ቱና አያና ኬሳናው ዳንዳዲቦና አይቤሴ?» ያገለገሉ አይቺዶሶና።

20 ኢ ኤንታኮ፣ «ሂንቲው አማኖ ላሬዳ ጊሾሳ፣ ታ ሂንቲው ቱማ አዳይስ፤ ጋሼ አይፌ ሜላ አማኖይ ሂንቲው ዴዲኮ (ሃ ዴሪያ ሃይሳፌ ዴንዳዳ ጌዴ አዳ) ጊኮ ሂንቲው ኪቲታና። ሂንቲው ዳንዳዳቶናባይ ዴና። 21 [ሺን ሄሳ ሜላይ ዎሳፔኔ ዎማፕ አቲን ሃራን ኬዩና]» ያገለገሉ። \*

**ዮሱሲ ባ ሃይቆዋባ ዛሪ አዲስ**

(ማር 9:30-32፤ ሉቃ 9:43-45)

22 ዮሱሳ ታማሬቲ ጋሊላን ሺቂዲ ዴዲሺን ዮሱሲ ኤንታኮ፣ «አሳ ናዓይ አሳ ኩሼን አዲዲ ኢያ ታና። 23 ኤንቲ ኢያ ዎዳና፣ ሺን ኢ ሄቫንሶ ጋላስ ሃይቆፕ ዴንዳና» ያገለገሉ።

ኢያ ታማሬቲካ ዳሮ ቂርቲዶሶና።

**ዮሳ ኬላ ጊራ**

24 ዮሱሳራኔ ኢያ ታማሬታራ ቂፊርናሆሜ ካታማ ጋኪዳ ዎዴ ዮሳ ኬላ ጊራ ቃንጊሴይሳቲ ጴጊሮሳኮ ዩዲ፣ «ሂንቲ አስታማሬይ ዮሳ ኬላ ጊራ ጊሪ?» ያገለገሉ አይቺዶሶና።

25 ጴጊሮሲ ዛሪዲ፣ «ጊራስ» ያገለገሉ። ጴጊሮሲ ሶ ጌሊያ ዎዴ ዮሱሲ ካሴቲዲ፣ «ጴጊሮሳ፣ ኔው አይ ዳኒ? ሃ ሳዓ ካዎቴሳቲ ቃራግኔ ጊራ አፕ ኤኮና? ጋዴ አሳፕዩ ዎይኮ አሳ ጋዴ አሳፕ?» † ያገለገሉ አይቺስ።

26 ጴጊሮሲ «አሳ ጋዴ አሳፕ» ጊዲ ዛሪስ። ዮሱሲ ዛሪዲ፣ «ጋዴ አሳይ ጊራ ጊርኮና ጉሱ። 27 ሺን ኤንቲ ዱቤቶና ሚላ አሳ ባዳ ሞሉዋ አይኪያ ማንጻቆ ዩጋ። ኮይሮ ኔ አይኪያ ሞሉዋ

16:19 ግጥ 18:18፤ ዮሃ 20:23 16:24 ግጥ 10:38፤ ሉቃ 14:27 16:25 ግጥ 10:39፤ ሉቃ 17:33፤ ዮሃ 12:25 16:27 ግጥ 25:31፤ ማገ 62:12፤ ሮሜ 2:6 17:1 2ጴጊ 1:17-18 17:5 ሜዴ 22:2፤ ማገ 2:7፤ ኢሳ 42:1፤ ግጥ 3:17፤ 12:18፤ ማር 1:11፤ ሉቃ 3:22፤ ዛሬ 18:15 17:10 ሚል 4:5 17:12 ግጥ 11:14 17:21 ግጥ 21:21፤ ማር 11:23፤ 1ቆሮ 13:2 \* 17:21 ኢሲ ኢሲ ቤኒ ማጻፋታን ፓይዶ 21 ዴና። 17:24 ኬላ 30:13 † 17:25 ጋዴ አሳፕዩ ዎይኮ አሳ ጋዴ አሳፕ? ሄ ዎዴ ካዎቴሳቲ ባንታ ጋዴ አሳፕ ጊራ ኤኮና።



ዶና ዶያዳ ጊራስ ጊዲያ ሚሺያ ኔ ጊሾኔ ታ ጊሾ ኤፋዳ ጊራ» ያጊስ።

18

ኡባፌ አዴይ አኔ?

(ማር 9:33-37፤ ሉቃ 9:46-48)

1 ሄ ዎዴ ዮሱሳ ታማራቲ ዩዲ፥ «ሳሎ ካዎቴሳን ኡባፌ አዴይ አኔ?» ያጊዲ አይቺዶሶና። 2 ዮሱሳ ኢሲ ጉሳ ናዓ ያጊዲ ኤንታ ጊዶን ኤሲዲ ሃይሳዳ ያጊስ። 3 «ታኒ ሂንቴው ቱማ አዳይስ፤ ሂንቴ ሳሜቶናኔ ጉሳ ናይታዳ ሃኖና ኢዲኮ ሳሎ ካዎቴሳ ኡባራካ ጌላናው ዳንዳዬኬታ። 4 ሂዛ፥ ሃ ጉሳ ናዓዳ ባና ካወሺያ አኒካ ሳሎ ካዎቴሳን ኡባፌ አዴይሳ ጊዳና። 5 ሃይሳ ሜላ ናዓ ታ ሱንሳን ሞኪያ አኒካ ታና ሞኪስ።

6 «ሺን ታናን አማኒያ ሃ ጉሳታፔ ኢሱዋ ናጋራ አሳና ሜላ ዱቤ ጊዲያ አኒካ ጊታ ጋቻ ዎፃ ባ ቆዴን ቃቺዲ ጨዋ አባን ሚቴቲኮ ኢያው ሎዎ።

7 አላሜን አሳይ ናጋራ አሳና ሜላ አሲያባቲ ዴዲያ ጊሾ አላሚያ አዩ። ሄሳ ሜላባቲ ዮና አቴና፥ ሺን ዱቤይ ኢያ ጋሶን ያ ኡራ አዩ።

8 «ኔ ኩሼይ ዎይኮ ኔ ቶሆይ ኔና ባሌሲኮ ኔፔ ቃንፃ ዮጋ። ኔኒ ናምዑ ኩሼራ ዎይኮ ናምዑ ቶሆራ ሜሪና ታማን ዮጊታናይሳፌ ኩሼ ዎይኮ ቶሆ ዳፃ ጊዳዳ ሜሪና ዴዎ ዴሜይሲ ኔው ሎዎ።

9 ቃሲ ኔ አይፌይ ኔና ባሌሲኮ ኢያ ዎጫ ኬሳዳ ዎራ ሆላ። ኔኒ ናምዑ አይፌራ ጋናሜ ታማን ዮጊቴይሳፌ ኢሲ አይፌራ ሜሪና ዴዎ-ዎ ጌሌይሲ ኔው ሎዎ።

10 «ታ ሂንቴው አዳይስ፤ ሳሎን ዴዲያ ኤንታ ናጊያ ኪታንቾቲ ኡባ ዎዴ ሳሎን ዴዲያ ታ አዋ ሲንሳን ዴዲያ ጊሾ ሂንቴ ሃ ጉሳታፔ ኢሱዋካ ካጅና ሜላ ናጊቴቴ። 11 አሳ ናዓይ ዳይዳይሳታ አሻናው ዩስ»\* ያጊስ።

ዳይዳ ዶርሳ ሌሚሶ (ሉቃ 15:3-7)

12 ቃሲ ዮሱሳ፥ «ሂንቴው አይ ዳኒ? ኢሲ ኡራስ ያቱ ዶርሳቲ ዴዴይሳታፔ ኢሶይ ዳይኮ ኡዱፋን ታማኔ ኡዱፋናታ ዴሪያ ቦላ ዮጊ አጊዲ ሄ ዳይዳይሳ ኮያናው ቤኔ? 13 ታ ቱማ አዳይስ፤ ኢ ዴሚዳ ዎዴ ኡዱፋን ታማኔ ኡዱፋናታፔ አሲዲ ዳይዳይ ስቴታዳ ኢሲ ዶርሳን ኡፋይቴስ።

14 ሄሳዳካ፥ ሳሎን ዴዲያ ሂንቴ አዋይ ሃ ጉሳታፔ ኢሶይ ዳያና ሜላ ኮዩና።

ቆሂዳ አሲ ዋታኔ?

15 «ኔ ኢሻይ ኔና ቆሂኮ ኔርካ ኢያኮ ባዳ ኢያ ባላ ኢያው አዳ። ኢ ኔና ሲዲኮ ኔ ኢሻ ኔው ኢሻ አላ። 16 ሺን ኢ ኔና ሲያና ኢዲኮ፥ ናምዑ ዎይኮ ሄቩ አሳ ማርካን ሞቶይ ሳሴቲያ ጊሾ ኢሲ ዎይኮ ናምዑ አሲ ኤካዳ ኢያኮ ባ። 17 ኢ ኤንታና ሲያና ኢዲኮ፥ ዎሳ ኬሳስ አዳ። ዎሳ ኬሲ ጊያባ ሲያና ኢዲኮ አማናና አሳዳ ዎይኮ ቃራፃ ቃንፃሲያ አሳዳ ኢያ ፓይዳ።

18 «ታ ሂንቴው ቱማ አዳይስ፤ ሳዓን ሂንቴ ዲጊያባቲ ኡባይ ሳሎን ዶሳ ማታን ዲጊቴዳባ

ጊዳና። ሳዓን ሂንቴ ሃኖ ጊያባቲ ኡባይ ሳሎን ዶሳ ማታን ሃኒዳባ ጊዳና።

19 «ቃሲካ ታ ሂንቴው አዳይስ፤ ሳዓን ሂንቴፌ ናምዳይ ባንታ ዎሲያባስ ኢሲ ዎዛናን ጊዲዲ ዶሳ ዎሲያባ ጊዲኮ ሳሎን ዴዲያ ታ አዋይ ሂንቴው አሳና። 20 ታና ካሌይሳታፔ ናምዳ ዎይኮ ሄቫ ጊዲዲ ሺቂያ ቤሳን ታኒ ኤንታ ጊዶን ቤንታና» ያጊስ።

አቶ ጉሳባ

21 ሄ ዎዴ ጴጊሮሲ ዮሱሳኮ ዩዲ፥ «ጎዳው፥ ታ ኢሻይ ታና ቆሂኮ አፑን ቶሆ ታኒ አቶ ጋናው ቤሲ? ላፑን ቶሆ ጋካናሴዬ?» ጊዲ አይቺስ።

22 ዮሱሳ ዛሪዲ፥ «ጊዴና፥ ላፑን ታው ቶሆ ላፑናፔ አቲን ላፑን ቶሆ ጊዴና።

23 «ሄሳ ጊሾ፥ ዶሳ ካዎቴሳይ ባ አሳንቾታራ ባ ሚሼይ ፓጫዳኮኔ ፓላሂዳኮ ቤዓናው ቆፒዳ ካወዋ ዳኔስ። 24 ሄ ካዎይ ሚሼይ ፓጫዳኮኔ ፓላሂዳኮ ቤዲያ ዎዴ ዳሮ ጊንዲጊንዳ አጮይ ዴዲያ ኢሲ ኡራ ኢያኮ ኤሂዶሶና። 25 ሺን ሄ አይሌይ አጩዋ ቃንፃናው ዮኔቲን ኢያራ፥ ኢያ ማቼራ፥ ኢያ ናይቲኔ ኢያው ዴዲያባይ ኡባይ ባይኬቲዲ አጮይ ጨጌታና ሜላ ኢያ ጎዳይ ኪቲስ። 26 ያቲን አይሌይ ባ ጎዳ ቶሁዋ ቦላ ጉልባቲዲ፥ (ታ ጎዳው፥ ሃያና ጉሳ ዎዴ ታካርኪ፥ ታ አጩዋ ኡባ ታ ጨጋና) ያጊዲ ዎሲስ። 27 ካዎይ ኢያው ቃዴቲዲ፥ ዮዲ አጊስ፤ ኢያ አጩዋ ማሪስ።

28 «ሺን ሄ አይሌይ ኬዩ ቢዲ ባ ላጌ አሳንቾታፔ ኢሶይ ባፔ ዳሮ ጉሳ ሚሼ ታልዲዳይሳ፥ (ኔ ቦላ ዴዲያ ታ ሚሺያ ታው ጨጋ) ጊዲ ቆዴ አይኪስ።

29 «ሄ ኢያ ላጌ አይሌይ ኢያ ሲንሳን ጉልባቲዲ፥ (ሃያና ጉሳ ዎዴ ታካርኪ ታኒ ታ አጩዋ ኡባ ጨጋና) ያጊዲ ዎሲስ።

30 «ሺን ኢዲዲ ኤኪ ኤፊዲ ባ ላጌይ አጩዋ ቃንፃና ጋካናው ቃሾ ኬሲ ጌልሲስ። 31 ሄሳ ጊሾ፥ ሃራ ላጌ አሳንቾቲ ሄሳ ቤዲዳ ዎዴ ዳሮ ዩሎቲዲ፥ ቢዲ ባንታ ጎዳስ ኢ አሲዳባ ኡባ አዲዶሶና።

32 «ያቲን ካዎይ ሄ አይሊያ ያጊሲዲ፥ (ሃ ኢታ አይሊያው፥ ኔኒ ታና ዎሲዳ ጊሾ ታ ኔ አጩዋ ኡባ ኔው ማራስ። 33 ያቲን፥ ታኒ ኔ አጩዋ ማሪዳይሳዳ ኔኒ ኔ ላጌ አይሊያ አጩዋ ማሪናው ኔው ቤሴኔ?) ያጊስ። 34 ሄሳ ጊሾ፥ ካዎይ ዳሮ ዩሎቲዲ፥ ኢ ባ አጩዋ ኡባ ጨጋና ጋካናው ፓፃ ካዴታና ሜላ ቃሾ ኬሳን ዮጊስ።

35 «ሄሳዳካ፥ ሂንቴ ኢሶይ ኢሶይ ሂንቴ ኢሻ ዎዛናፔ ማርና ኢዲኮ ሳሎን ዴዲያ ታ አዋይ ሂንቴና ሄሳዳ አሳና» ያጊስ።

19

ኤኮ ጌሎባ

(ማር 10:1-12)

1 ዮሱሳ ሄሳ አዲ አንጊዳፔ ጉዬ ጋሊላፔ ዴንዲዲ ዮርዳኖሴ ሻፋፔ ሄፊንሳን ዴዲያ ዩሁዳ ቤታ ቤስ። 2 ዳሮ አሳይ ኢያ ካሊዲ ቢን ኤንታ ጊዶፌ ሃርጋንቾታ ፓሲስ።

18:1 ሉቃ 22:24 18:3 ማር 10:15፤ ሉቃ 18:17 18:8 ማቶ 5:30 18:9 ማቶ 5:29 18:10 ሉቃ 19:10 \* 18:11 አሳ ናዓይ ዳይዳይሳታ አሻናው ዩስ፥ ኢሲ ኢሲ ቤኒ ማፃፋቲ ፓይዶ 11 ጉጆሶና። 18:15 ሉቃ 17:3 18:16 ዛሬ 19:15 18:18 ማቶ 16:19፤ ዮሃ 20:23 18:21 ሉቃ 17:3-4 18:22 ሜዴ 4:24

3 ፋሪሳዊቱ አያ ፓጫናው ኮይዲ አያኮ ዩዲ፡ «ኢሲ አሲ አይ ጋሶንካ ባ ማቸው ዩዲናው ቤሲ?» ያጊዲ አይቸደሶና።

4 ዩሱሲ ዛሪዲ፡ «ዶሳይ ኮይሮ አዲኔ ማጫስ አሲ ሜዲዳይሳ ሂንቱ ናባቢቤኩት? 5 «ሄሳ ጊሾ፡ ኢሲ አሲ ባ አዋኔ ባ አዩው አጊዲ ባ ማቸራ ኢሲኖ ጊዴስ፡ ናምዓይካ ኢሲ አሾ ጊደሶና።» 6 ሄሳ ጊሾ፡ ኤንቲ ኢሲ አሾ ጊደሶና፤ አቲን ናምዓ ጊደሶና። ሂዛ፡ ዶሲ ቃቸዳይሳ አሲ ሻኮፎ» ያጊስ።

7 ፋሪሳዊቱ፡ «ያቲን፡ ሙሴይ ኢሲ አሲ አንጆ ዎርቃቱ ኢሚዲ ዩዲና ሜላ አይስ ኪቲዴ?» ያጊዲ አይቸደሶና።

8 ዩሱሲ ዛሪዲ፡ «ሂንቱ፡ ሂንቱ ማቸታ ዩዲና ሜላ ሙሴይ ሂንቱና ኪቲዳይ፡ ሂንቱ ዎዛና ሚኖቴላ ጊሾ፤ አቲን ኮይሮ፤ ሄሳ ሜላ ጊዴና።

9 ታ ሂንቱው አዳይስ፤ ባ ማቸያ ላይማቶና ዴዲሺን ዩዲዲ ሃራ ኤኪያ አኒካ ላሜስ» ያጊስ።

10 አያ ታማራቲ አያኮ፡ «አዚናባይኔ ማቸባይ ሄሳ ሜላ ጊዲኮ ኤኮ ጌሎይ አቲኮ ሎዎ» ያጊደሶና።

11 ዩሱሲ ዛሪዲ፡ «ሄሳ ሜላ ቲሚርቲይ ዶሳይ ዳንዳዓ አሚዳይሳታሳፌ አቲን አሳ ኡባሳ ጊዴና። 12 ሂዛ፡ ዩሎቲሼ ሹፋ ጊዲዲ ዩሎቲዳይሳቲ ዴዎሶና፡ ቃሲ አሲ ቃራቲዳይሳቲ ዴዎሶና፡ ቃሲ ሳሎ ካዎቴላ ጊሾ ጊዲ ባንታና ሹፋይዳይሳቲ ዴዎሶና። ሄሳ ጊሾ፡ ሃይሳ ኤካናው ዳንዳዲያ አኒካ ኤኮ» ያጊስ።

**ዩሱሲ ጉሳ ናይታ አንጂስ (ማር 10:13-16፤ ሉቃ 18:15-17)**

13 ዩሱሲ ባ ኩሺያ ጉሳ ናይታ ቦላ ዎሲዲ ኤንታው ዎሳና ሜላ ኢሲ ኢሲ አሳይ ናይታ አያኮ ኤሂደሶና። ሺን አያ ታማራቲ አሳ ሃንቁቲደሶና። 14 ሺን ዩሱሲ፡ «ዶሳ ካዎቴላይ ሃይሳታ ሜላ ጊዲያ ጊሾ ጉሳ ናይቲ ታኮ ዩይሳ ዲጎፊቴ፤ ዮ ጊቱ» ያጊስ።

15 ባ ኩሺያ ኤንታ ቦላ ዎሲዳ፤ ጉዩ ሄ ቤሳፌ አጊዲ ቤስ።

**ናዓቴላ ዱሬ ኡራ (ማር 10:17-31፤ ሉቃ 18:18-30)**

16 ኢሲ ጋላስ ኢሲ ኡራይ ዩሱሳኮ ዩዲ፡ «አስታማሪያው፡ ታኒ ሜሪና ዴዎ ዴማናው አይ ሎዎባ አሶ?» ያጊስ። 17 ዩሱሲ አያኮ፡ «ሎዎባ ኔ ታና አይስ አይቻይ? ኢሲ ዶሳፌ አቲን ሃራ ሎዎይ ባዎ። ሺን ኔኒ ሜሪና ዴዎ-ዎ ኤካናው ኮይኮ ኪታታ ናጋ» ያጊስ።

18 ኡራይ ዛሪዲ፡ «አዉሳ ኪታታ» ያጊዲ አይቸስ።

ዩሱሲ ዛሪዲ፡ «ዎዲ፡ ላይማቶ፡ ካይሶቶ፡ ዎርዶ ማርካቶ፡ 19 ኔ አዋኔ ኔ አዩው ቦንቻ፡ ኔ ሾሩዎ ኔ ሁዲያሶ ዶሳ» ያጊስ።

20 ሄ ናዓቴላይ፡ «ታኒ ሃይሳታ ኡባ ናዓቴላፌ ዶማዳ ናጋስ። ያቲን፡ ሃራ ታው ፓጫናባይ አይቤ?» ያጊዲ አይቸስ።

21 ዩሱሲ ዛሪዲ፡ «ኔኒ ፖሎ ጊዳናው ኮይኮ ባዳ ኔው ዴዲያባ ባይዛዳ ማንቆታስ ኢማ፤ ኔኒ ሳሎን ዱሬታና። ያታ ሲማ ያዳ ታና ካላ» ያጊስ።

22 ሺን ሄ ናቴላ ኡራይ ዳሮ ዱሬ ጊዲያ ጊሾ ሄሳ ሲዲዳ ዎዴ አዛኒሼ አጊዲ ቤስ። 23 ሄሳፌ ጉዩ፡ ዩሱሲ ባ ታማራታ፡ «ታኒ ሂንቱው ቱማ አዳይስ፤ ዱሬይ ሳሎ ካዎቴላ ጌላናይሲ ዳሮ ሜቶ። 24 ዱሬ አሲ ዶሳ ካዎቴላ ጌላናይሳፌ ጊማሌይ ማር፤ ሉሆራ አዲይሲ ካዉዩስ» ያጊስ።

25 ዩሱሳ ታማራቲ ሄሳ ሲዲዲ ማላሉቲዲ፡ «ያቲን፡ አኒ አታናው ዳንዳዲ?» ያጊዲ አይቸደሶና።

26 ዩሱሲ ኤንታ ጫዲ ያሊዲ፡ «ሃይሲ አሳስ ዳንዳዴቴና፡ ሺን ዶሳስ ኡባይ ዳንዳዴቴስ» ያጊስ።

27 ጴጊሮሲ ዛሪዲ፡ «ኑኒ ኡባባ አጊዲ ኔና ካሊዳ። ያቲን፡ ኑኒ አይ ዴማኔ?» ያጊስ።

28 ዩሱሲ ኤንታኮ ሃይሳዳ ያጊስ፡ «ታኒ ሂንቱው ቱማ አዳይስ፤ አሳ ናዓይ ያና አላሚያን ባ ቦንቻ አራታን ኡቲያ ዎዴ ሂንቱ ታማኔ ናምዓቲ፡ ታና ካሊዳይሳቲ፡ ታማኔ ናምዑ አራታን ኡቲዲ ታማኔ ናምዑ ኢስራዴል ዜሬሳታ ቦላ ፐርዳና።

29 ታ ሱንሳ ጊሾ ኬሴ ዎይኮ ኢሻታ ዎይኮ ሚቸታ ዎይኮ አዋ ዎይኮ አዩው ዎይኮ ናይታ ዎይኮ ጋዲያ አጊዳይ አኒካ ያቲ ኩሼ ኤካና። ቃሲ ሜሪና ዴዎ-ዎ ኤካና። 30 ሺን ዳሮቲ ሃዲ ዴሳን ሲንሴ ጊዲዳይሳቲ ጉዩ ጊዳና፡ ቃሲ ጉዩ ጊዲዳይሳቲ ሲንሴ ጊዳና» ያጊስ።

20

**ዎይኒያ ጊደን አሲያ አሳንቸታ ለሚሶ**

1 «ዶሳ ካዎቴላይ ባ ዎይኒያ ጊደን አሳንቸታ ኬራ አሲሳናው ዎንታ ጉራ ኬዩዳ ኬላዎ ዳኔስ።

2 ኢ ሄ አሳንቸታስ ሃቺ ሃቺ ኢሲ ዲናሬ \* ቃንጎናው ኤንታራ ጊጊዲ፡ ኤንታ ባ ዎይኒያ ጊደ ዩዲስ።

3 «ቃሲ ዎንታፌ ሄዥ ሳቴ ጊዲሺን ኬዩዲ አሶ ዳዩዲ ጊያ ቦላ ኤቁዳ ሃራ አሳታ ዴሚስ።

4 ኢ ኤንታኮ፡ «ሂንቱካ ታ ዎይኒያ ጊደ ቤዲ አሲቴ፡ ታኒ ሂንቱው ቤሲያ ጋቲያ ቃንጎና» ያጊስ። 5 ኤንቲካ ቤደሶና፡ ቃሲካ ኢ ኡሱፑን ሳቴኔኔ ኡዱፋን ሳቴን ኬዩዲ ሄሳዳ አሲስ። 6 ታማኔ ኢሲ ሳቴ ጊዲሺን ኢ ኬያ ዎዴ ሃራቲ ያን ኤቁዳይሳታ ዴሚዲ፡ «ሂንቱ አሶ አሶና ጋላስ ኩሜሲ ሃይሳን አይስ ኤቁዲ ፔዲዴቲ?» ያጊስ።

7 «ኤንቲ ዛሪዲ፡ «ኑና ኬራ አሲሲያ አሲ ዳዩዳ ጊሾሳ» ያጊደሶና።

«ኢካ፡ «ሂንቱካ ታ ዎይኒያ ጊደ ቤዲ አሲቴ» ያጊስ።

8 «ሳዲ አማርሲን፡ ዎይኒያ ጎዳይ አሳንቸታ ሃላቃኮ፡ «አሳንቸታ ያጋዳ ወርሴሳን አሶ ጊሊዳይሳታ፤ ዶማዳ ኮይሮ ጊሊዳይሳታ ጋካናው ኤንታ ጋቲያ ቃንጎ» ያጊስ። 9 ታማኔ ኢሲ ሳቴን አሶ አይኪዳይሳቲ ዩዲ፡ ሁዲን ሁዲን ኢሲ ኢሲ ዲናሬ ኤኪደሶና። 10 ኮይሮ አሶ አይኪዳይሳቲ ዩዲ፡ ባንታው ዳሮ ኢሜታና ጊዲ ቆፐሮሶና። ሺን ኤንቲካ ሁዲን ሁዲን ኢሲ ኢሲ ዲናሬ

19:4 ሜዴ 1:27፤ 5:1 19:5 ሜዴ 2:24 19:7 ሜዴ 24:1 19:9 ማቶ 5:32፤ 1ቆሮ 7:10 19:18 ኬሳ 20:13-16፤ ዛሬ 5:17-20 19:19 ኬሳ 20:12፤ ዛሬ 5:16፤ ሌዌ 19:18 19:28 ማቶ 25:31፤ ሉቃ 22:30 19:30 ማቶ 20:16፤ ሉቃ 13:30 \* 20:2 ኢሲ ዲናሬ፡ ኢሲ አሲ ኢሲ ጋላስ አሲ ፔዲዲ ኤኪያ ሚሼ። 20:8 ሌዌ 19:13፤ ዛሬ 24:15

ከኪዳሶና።<sup>11</sup> ባንታ ሚሺያ ከኪ ሲሚዲ ከላዋ ባላ ዙዙሚዳሶና።<sup>12</sup> <ሃይሳቲ ጉዩፔ ዩዲ ኢሲ ሳቲ ሃላላ አሲዳሶና። ሺን ጋላስ ኩሜሲ አዋ ሱላን ዳቡሪዲ ፔዲዳ ኑራ ኤንቲ ዋኒዲ ኢሲኖ ጊዶና> ያጊዶሶና።

<sup>13</sup> «ዎይኒያ ኪላዋይ አሳንቾታፔ ኢሱዋኮ፣ <ታ ኢሻው፣ ታኒ ኔና ቆሃቢኬ፤ ኔ ታራ ጊጊዳይ ኢሲ ዲናሪላ ጊዴኔ? <sup>14</sup> ኔ ሚሺያ ኤካዳ ኔ ሶ ባ። ታ አማርሲ ዩዳይሳስካ ኔይሳ ሜላ ኢማናው ከያይስ። <sup>15</sup> ታኒ ታ ሚሺያን ኮዩዳባ አላናው ታው ማቲ ባዌ? ዎይኮ ታኒ ኬሃ ጊዲዳ ጊሾ ኔኒ ቃናታይ?» ያጊስ።

<sup>16</sup> «ሄሳዳ ሃዲ ዴላን ጉዩ ጊዲዳይሳቲ ሲንሳታና፣ ሲንሳቲዳይሳቲ ቃሲ ጉዩታና» ያጊስ።

**ዩሱሲ ባ ሃይቁዋባ ሄቫንሶ አዲስ**  
(ማር 10:32-34፤ ሉቃ 18:31-34)

<sup>17</sup> ዩሱሲ ዩሩሳላሜ ቢሼ፣ ታማኔ ናምዑ ታማራታ ዱማ ጋፃ ኬሲዲ ኤንታኮ ያጊስ።<sup>18</sup> «ሄኮ፣ ኑኒ ሃዲ ዩሩሳላሜ ቡሳ ባላ ዴዎስ። ያን አሳ ናዓይ ካሂኔ ሃላቃታሲኔ ሂጌ አስታማራታስ አዲ ኢሜታና። ኤንቲካ ኢያ ባላ ሃይቆ ፐርዳ ፐርዳና። <sup>19</sup> ኢያ አይሁዴ ጊዶና ዴሪያስ አሲ ኢማና። ኤንቲ ኢያ ካዉሻና፣ ጋራፋና፣ ያቲዲ ኢያ ማስቃሊያ ባላ ካቃና። ሺን ኢ ሄቫንሶ ጋላስ ሃይቆፔ ዴንዳና» ያጊስ።

**ዛብዲዮሳ ናይታ አዩ ዎሳ**  
(ማር 10:35-45)

<sup>20</sup> ሄ ዎዴ ዛብዲዮሳ ማቺያ ባ ናምዑ አዴ ናይታራ ዩሱሲኮ ያዳ፣ ኢያ ሲንሳን ጉልባታዳ ኢሲባ ኢያ ዎሳሱ።

<sup>21</sup> ዩሱሲ ኢኮ፣ «ኔ አይ ኮያይ?» ያጊስ።

ኢያ ዛራዳ፣ «ኔ ካዎቴላን ሃ ታ ናምዑ ናይቲ ኢሶይ ኔ ኡሻቻን ኢሶይ ኔ ሃዲርሳን ኡቶ ጋርኪ!» ያጋሱ።

<sup>22</sup> ሺን ዩሱሲ ናይታኮ ዛራዳ፣ «ሂንቴ አይ ዎሲያኮ ኤሬኬታ፤ ታኒ ኡያናው ዴዲያ ዋዩ ፀዓ ኡያናው ዳንዳዔቲ?» ያጊስ።

ኤንቲካ፣ «ኤ ዳንዳዎስ» ያጊዶሶና።

<sup>23</sup> ዩሱሲ፣ «ቴማካ ታኒ ኡያናው ዴዲያ ፀዓፔ ሂንቴ ኡያና። ሺን ታ ኡሻቻኒኔ ሃዲርሳን ኡታናይሳታ ዶሬይ ታና ጊዲኬ። ሄ ቤሳይ ኢሜቲይ፣ ታ አዋይ ኢማናው ጊጊሲዳ አሳታሳ» ያጊስ።

<sup>24</sup> አቲዳ ታው ኢያ ታማራቲ ሄሳ ሲዲዳ ዎዴ ናምዑ ኢሻታ ባላ ሃንቁቲዶሶና።<sup>25</sup> ሺን ዩሱሲ ኤንታ ኡባ ጸጊዲ ሃይሳዳ ያጊስ። «አይሁዴ ጊዶና አሳ ሃራይሳቲ ባንታ አሳ ባላ ጎዳቴይሳኔ ኤንታ ካሌሴይሳቲ ዎልቃን ሃራይሳ ሂንቴ ኤሬታ።<sup>26</sup> ሺን ሂንቴ ጊዶን ሄሳዳ ጊዶን። ሂንቴሬ ጊታታናው ኮያ አኒካ ሂንቴው አይሌ ጊዶ።<sup>27</sup> ሂንቴ ጊዶን ኡባሬ ባላ ጊዳናው ኮያ አኒካ ሂንቴው አይሌ ጊዳናው ቤሴስ።

<sup>28</sup> ሄሳዳካ፣ አሳ ናዓይ አሴ ሃጋዛናውኔ ዳሮ አሳ ዎዛናው ባ ሺምፑዋ ኢማናው ዩሲፔ አቲን አሳን ሃጋዜታናው ዩቤና» ያጊስ።

**ዩሱሲ ናምዑ ቆቄታ ፓሲስ**  
(ማር 10:46-52፤ ሉቃ 18:35-43)

<sup>29</sup> ሄሳሬ ጉዩ፣ ዩሱሲ ባ ታማራታራ ኢያርኮሬ ኬዩዲ ቢሺን፣ ዳሮ አሳይ ኤንታና ካሊዶሶና።<sup>30</sup> አጌ ጋፃን ኡቲዳ ናምዑ ቆቄቲ ዩሱሲ ያራ አዴይሳ ሲዲዲ፣ «ጎዳው፣ ዳዊቲ ናዓው፣ ኑስ ቃዴታርኪ» ያጊዲ ዋሲዶሶና።

<sup>31</sup> ዳሮ አሳይ ኤንታና፣ «ሃይዜቴ» ያጊዲ ካጪዶሶና። ሺን ኤንቲ፣ «ጎዳው፣ ዳዊቲ ናዓው፣ ኑስ ቃዴታርኪ» ጊዲ ጉጂ ዋሲዶሶና።

<sup>32</sup> ዩሱሲ ኤቂዲ፣ ኤንታ ጸጊዲ፣ «ታ ሂንቴው አይ አላና ሜላ ኮዩቲ?» ያጊዲ አይቺስ።

<sup>33</sup> ኤንቲካ፣ «ጎዳው፣ ኑ አይሬይ ጸላና ሜላ ኮዩስ» ያጊዶሶና።<sup>34</sup> ዩሱሲ ኤንታው ቃዴቲዲ፣ ኤንታ አይሬያ ቦቺስ። ኤሴሲዲ ኤንታ አይሬይ ጸሊስ፤ ኤንቲ ኢያ ካሊዲ ቢዶሶና።

**ዩሱሲ ጊታ ቦንቾን ዩሩሳላሜ ጌሊስ**  
(ማር 11:1-11፤ ሉቃ 19:28-40፤ ዮሃ 12:12-19)

<sup>1</sup> ዩሱሳራኔ ኢያ ታማራታራ ዩሩሳላሜ ማቲዲ፣ ሻማሆ ዴሪያ ባላ ዴዲያ ቤቴፋን ጊያ ጉታ ጋኪሼ፣ ዩሱሲ ባ ታማራታፔ ናምዓታ ባፔ ሲንሴ ያጊዲ ኪቲስ።<sup>2</sup> «ሂንቴሬ ሲንሳን ዴዲያ ጉታ ቢቴ። ያን ኢሲ ሃራይ ቃሾን ዴዲያሮ ኢ ማራራ ሂንቴ ሶሁዋራ ዴማና፣ ኤንታ ቢሊዲ ሃ ኤኪ ዩቴ።<sup>3</sup> አኒካ ሂንቴና አይቺኮ፣ <ጎዳይ ኤንታና ኮዩስ> ያጊቴ። ኢ ኤንታና ኢራካ ዩዲ አጋና» ያጊስ።

<sup>4</sup> ሄሲካ ናቤይ፣  
<sup>5</sup> «ጸዮኔ ካታማስ፣  
<ሄኮ፣ ኔ ካዎይ አሽኬ ጊዲዲ፣ ሃራ ባላኔ ሃራ ማራ ባላ ኡቲዲ፣ ኔኮ ዩስ> ያጊቴ» ያጊዲ ፃሬዳይሲ ፖሌታና ሜላ ሄሲ ሃኒስ።

<sup>6</sup> ኢያ ታማራቲ ቢዲ ዩሱሲ ኤንታ ኪቲዳይሳዳ አሲዶሶና።<sup>7</sup> ሃራዉኔ ሃራ ማራ ኤሂዲ ባላራ ማዲዳ ባንታ ማዑዋ ኤንታ ዘኮን ዩጊዶሶና። ዩሱሲ ማዎታ ባላ ኡቲስ።<sup>8</sup> ዳሮ አሳይ ባንታ ማዑዋ አጊያን ሂዲዶሶና፣ ሃራቲ ቦንጮ ታሺዲ አጊያ ባላ ዩጊዶሶና።<sup>9</sup> ዩሱሳፔ ሲንሳራ ሃሙቴይሳቲኔ ኢያፔ ጉዩራ ካሊያ ዳሮ አሳይ።

«ሆሳና! \* ዳዊቲ ናዓይ ጋላቴቶ!  
ጎዳ ሱንሳን ዩይሲ አንጄቲዳይሳ!  
ቦንቾይ ኡባሬ ዶቃ ሳሉዋን ያሳስ ጊዶ!» ያጊዲ ዋሲዶሶና።  
<sup>10</sup> ዩሱሲ ዩሩሳላሜ ካታማ ጌሊዳ ዎዴ ሄ ካታማን ዴዲያ አሳ ኡባይ፣ «ሃይሲ አኔ?» ያጊዲ ያርኪዶሶና።  
<sup>11</sup> አሳይ፣ «ሃይሲ ጋሊላን ዴዲያ ናዜሬቴ ካታማፔ ዩዳ ናቤያ ዩሱሳ» ያጊዶሶና።

**ዩሱሲ ያሳ ኬሲ ጌሊስ**  
(ማር 11:15-19፤ ሉቃ 19:45-48፤ ዮሃ 2:13-22)

<sup>12</sup> ዩሱሲ ያሳ ኬሲ ጌሊዲ፣ ያን ባይዜይሳታኔ ሻማይሳታ ኡባ ካሬ ጎዲስ። ሚሼ ላሜይሳታ

20:16 ግጥ 19:30፤ ማር 10:31፤ ሉቃ 13:30      20:26 ግጥ 23:11፤ ማር 9:35፤ ሉቃ 22:26      21:5 ዛካ 9:9  
\* 21:9 ሆሳና፣ ኢብራይስጥ ዶናን ሆሳና ጉሳይ «ኑና አሻ ጉሱ። ቃሲ አሳይ ያሳ ጋላታናው ጎዲቲያ ቃላ።      21:9 ማዝ 118:25



ገርጾዛታኔ ሆሎታ ባይዚያ አይደታ ሺሪ ዩጊስ።  
13 ኢካ ኤንታታ። «ዳላን፣ <ታ ኬላይ ያላ ዎሲያ ኬላ ጌቱታና ጌቱታ ዓፌቲስ። ሺን ሂንቱ ፓንጋቲ ቆሱቲያ ጎንጎሎ አሲዴታ» ያጊስ።

14 ዩሱሲ ያላ ኬላን ዴሲሺን ቆቁቲኔ ጉንዳቲ ኢያኮ ዩን ኤንታ ፓሲስ። 15 ሺን ካሂኔ ሃላቃቲኔ ሂጌ አስታማሬቲ ዩሱሲ አሲዳ ማላሊሲያባታ ቤዲዳይሳሲኔ ጉሳ ናይቲ ያላ ኬላን። «ዳዊቱ ናዓይ፣ ጋላቱቶ» ያጊዲ ዋሴይሳ ሲዲዲ ሃንቁቲዶሶና። 16 ኤንቲ ዩሱሳኮ። «ሃይሳቲ ጌይሳ ኔ ሲዓይ?» ያጊዶሶና።

ዩሱሲ። «ኤ ሲዓይስ፣ ያላ ቃላን፣ <ጉሳ ናይታ ዶናኔኔ ዳሚያ ናይታ ዶናን ጋላታ ዎላዳሳ ጌቱቲዲ ዓፌቲዳይሳ ሂንቱ ናባቢቤኬቲ?» ያጊስ። 17 ኤንታና ያን አጊዲ ቢታኒያ ካታማ ቢዲ አቁስ።

**ጎዳይ ባዲዳ ባላሴ ሚሲው**  
(ማር 11:12-14፣ 20-24)

18 ዩሱሲ ዎንታ ጉራ ካታማ ሲሚዲ ዩሼ ኮሻቲስ። 19 እጌ ጋዓን ኢሲ ባላሴ ሚሲ ቤዲዲ ኢኮ ቢስ። ሺን ሃይሳፌ አቲን ሃራ አይኮካ ዴሚቤና። ሄሳ ጊሾ፣ ኢዮ፣ «ሂዛፔ ናምዓንሶ አይፌ አይፎፓ!» ያጊስ። ሄ ባላሴ ሚሲያ ኤሌሳዳ ሜላ አጋሱ።

20 ኢያ ታማሬቲ ሄሳ ቤዲዲ፣ «ሃ ባላሲያ ዋናዳ ኤሌሳ ሚላዴ?» ያጊዲ ማላሌቲዶሶና።

21 ዩሱሲ ዛሪዲ፣ «ታኒ ሂንቱው ቱማ አዳይስ፤ ሂንቱው አማኖይ ዴዲኮ፣ ቃሲ ሂንቱ ሲዶና ኢዲኮ ባላሴ ቦላ ታኒ አሲዳይሳ ሜላ ዓላላ አሴኬታ፣ ሺን <ሃ ዴሪያ ሾዴታዳ አባን ዎዳ» ያጊኮ ሃናና። 22 አማኒዲ ሂንቱ ዎሲያባ አይቢባ ጊዲኮካ ሂንቱ ኤካና» ያጊስ።

**ዩሱሳ ማታይ አይሼቲስ**  
(ማር 11:27-33፣ ሉቃ 20:1-8)

23 ዩሱሲ ያላ ኬላ ጌሊዲ ታማርሲሺን፣ ካሂኔ ሃላቃቲኔ አይሁዴ ጨማቲ ኢያኮ ዩዲ፣ «ኔኒ ሃይሳ አላና ሜላ ኔው አይ ማቲ ዴዲ? ኔው ሃ ማታ ኢሚዳይ አኔ?» ያጊዲ አይቼዶሶና።

24 ዩሱሲ ኤንታታ፣ «ታኒካ ሂንቱና ኢሲባ አይቻይስ፤ ሂንቱ ታው ሄሳ ዛሪኮ፣ ታኒ አይ ማታን አሲያኮ ሂንቱው አዳና። 25 ዮሃንሲ ሃማቃና ሜላ ማታይ አዉፔ ኢሜቲዴ? ያላፌዩ አሳፔ?» ያጊስ።

ኤንቲ ባንታ ጊዶን ዞሬቲዲ፣ «ኮኒ፣ <ዎሳፌ> ጊኮ፣ ኢ ኮና፣ <ያቲን አይስ አማኒቤኬቲ?» ያጋና። 26 ኮኒ፣ <አሳፔ> ጊኮ፣ አሳ ኡባይ ዮሃንሳ ናቤ አሲ ያሊያ ጊሾ አሳ ያዮስ» ያጊዶሶና። 27 ሄሳ ጊሾ፣ «ኮኒ ኤርኮ» ያጊዲ ዛሪዶሶና።

ኢካ፣ «ሂዛ፣ ታኒካ ሃይሳ አይ ማታን አሲያኮ ሂንቱው አዲኬ» ያጊስ።

**ናምዑ ናይታ ሌሚሶ**

28 «ዩሱሲ ካሊዲካ ሃይሳዳ ያጊስ፣ ናምዑ አዴ ናይቲ ዴዲያ ኢሲ ኡራይ ዴዲስ። ሄ ኡራይ ባይራ ናዓኮ ቢዲ፣ <ታ ናዓው፣ ሃቺ ዎይኒያ ጊዶ ባዳ አላ» ያጊስ። 29 ናዓይ ዛሪዲ፣ <አቶ ቢኬ» ያጊስ። ሺን ጉዩፔ ባ ዎዛናን ቆፒ ኤኪዲ አላናው ቢስ። 30 አዋይ ባ ካሎ ናዓኮ ቢዲ፣

ባ ባይራ ናዓኮ ጊዳይሳዳ ኪቲስ። ኢካ፣ «ኤር፣ ታ አዋው» ያጊስ። ሺን ቢቤንና። 31 ሃ ናምዑ ናይታፔ ባ አዋስ ኪቱቲዳይሲ አዉሴ?» ያጊስ።

ኤንቲካ፣ «ባይራ» ያጊዶሶና።

ዩሱሲ ኤንታታ፣ «ታ ሂንቱው ቱማ አዳይስ፤ ቃራዓ ቃንጊሴይሳቲኔ ላይማቲይሳቲ ሂንቱፌ ሲንሳቲዲ ያላ ካዎቱሳ ጌላና። 32 ዓማቂያ ዮሃንሲ ሱሬ አጊያ ታማርሲሺ ዩን ኢ ጊይሳ አማኒቤኬታ። ሺን ቃራዓ ቃንጊሴይሳቲኔ ላይማቲይሳቲ አማኒዶሶና። ሂንቱ ሃሪ አቶሺን፣ ኤንታ ቤዲዲካ ሂንቱ ናጋራፔ ሲሚዲ አማኒቤኬታ» ያጊስ።

**ዎይኒያ ጊዶን አሲያ ጎሻንቾታ ሌሚሶ**  
(ማር 12:1-12፣ ሉቃ 20:9-19)

33 ቃሲካ ዩሱሲ ሃይሳዳ ያጊስ፤ «ሃራ ሌሚሶ ሲዲቱ፣ ዎይኒ ቶኪዳ ኢሲ ኡራይ ዴዲስ። ሄ ዎይኒያ ዩሹዋ ዲሪስ። ዎይኒያ ጉምዲያ አላካ ቦኪስ። ዎይኒያ ናጋናው ሻኮካ ሻኪስ። ሄሳፌ ጉዩ፣ ጋዲያ ኮሴ ኢሚዲ ሃራ ቢታ ቢስ።

34 ዎይኒ አይፊያ ማዲያ ዎዴይ ጋኪን ባና ጋኪያ ባጋ ኤኪዲ ያና ሜላ ባ አይሌታ ኤንታኮ ዩዲስ።

35 ኮሴ አዋቲ ኢያ አይሌታ አይኪዲ ኢሱዋ ዎዲዶሶና፣ ሃንኩዋ ዎዲዶሶና ቃሲ አቲዳይሳ ሹቻን ጫዲዶሶና። 36 ዎይኒ አታኪልቲያ ጎዳይ ካሴይሳታፔ ዳሪያ ሃራ አይሌታ ኪቲስ። ኮሴ አዋቲ ኤንታ ቦላካ ሃንኮይሳታ ቦላ አሲዳይሳዳ አሲዶሶና። 37 ዉርሴላን ኢ፣ <ታ ናዓ ኤንቲ ቦንቻና!» ያጊዲ ባ ናዓ ኤንታኮ ኪቲስ።

38 «ሺን ኮሴ አዋቲ ናዓ ቤዲዲ ባንታ ጊዶን <ጋዲያ ላታናይሲ ሃይሳ፣ ኢያ ዎዲዲ ጋዲያ ኮኒ ላቶስ!» ያጊዶሶና። 39 ናዓ አይኪዲ ዎይኒያ ጊዶፌ ጋዓ ኪሲዲ ዎዲዶሶና።

40 «ሂዛ፣ ዎይኒ አታኪልቲያ ጎዳይ ያ ዎዴ ሄ ኮሴ አዋታ ዋታኔ?» ያጊዲ አይቼስ።

41 ኤንቲ ዛሪዲ፣ «ኢ ሄ ኢታ አሳታ ኢታ ዎዲ ዎዲዲ፣ ዎይኒይ አይፊያ ዎዴ ኢያ ጋኪያ ባጋ ዎዴን ዎዴን ኢሚያ ሃራ ኮሴ አዋታስ ኢማና» ያጊዶሶና።

42 ዩሱሲ ዛሪዲ ኤንታታ፣ ያላ ቃላን፣ «<ጊምቤይሳቲ ቦሪዲ ኢዲዳ ሹቻይ፣ ጎዳ ዓዲዋ ሚንሲያ፣ ኡባፌ አዲያ ሹቻ ጊዲስ።

ሃይሲ ጎዳይ አሲዳባ፤ ኑ አይፊያስ ማላሊሲያባ ጌቱቲዲ ዓፌቲዳይሳ ናባቢቤኬቲ?»

43 «ሄሳ ጊሾ፣ ታኒ ሂንቱው አዳይስ፤ ያላ ካዎቱሳይ ሂንቱፌ ኤኬቲዲ ሎዎ አይፌ አይፊያ አሳታስ ኢሜታና። 44 [ሃ ሹቻ ቦላ ኩንዲያ ኡባይ ሜቁሬታና፣ ቃሲ ሄ ሹቻይ ኢያ ቦላ ዎዲያ ኡራይካ ጋጩታና]» † ያጊስ።

45 ካሂኔ ሃላቃቲኔ ፋሪሳዌቲ ዩሱሲ አዲዳ ሌሚሱዋን ባንታና አዲዳይሳ ኤሪዶሶና። 46 ኤንቲ ዩሱሳ አይካናው ኮዩዶሶና፣ ሺን አሳይ ዩሱሳ ናቤ አሲዲ ያሊያ ጊሾ አሳስ ያዩዶሶና።

21:13 ኢሳ 56:7፤ ኤር 7:11    21:21 ማቶ 17:20፤ 1ቆ 13:2    21:32 ሉቃ 3:12፤ 7:29-30    21:33 ኢሳ 5:1-2  
21:42 ማገ 118:22    † 21:44 ኢሲ ኢሲ ቤኒ ማፃፋቲ ፓይዶ 44 ጉጆሶና (ሉቃ 20:18 ያሊቱ)።

### 22

#### ያጋኖ ዓሳ ሌሚሶ (ሉቃ 14:15-24)

1 ዮሱሴ አሳስ ዛሬዲ ሃይሳዳ ያጊዲ ሌሚሶ አዲስ። 2 «ዳሳ ካዎቴሳይ ባ ናዓስ ያጋኖ ጊጊሲዳ ካወዋ ዳኔስ። 3 ሄ ካዎይ ያጋኖ ያና ሚላ አዲ ዎሲዳ አሳታ ያጋኖው ባ አይሌታ ኪቲስ። ሺን አሳቲ ያናው ኮዩቡኖ። 4 ቃሲ ሃራ አይሌታ ያጊዲ፤ ያጊቲዳ አሳታኮ ቢዲ፤ <ታኒ ታ ሳንጋታኒ ሞዲዳ ጋታርሜንጾታ ሹካስ፤ ኡባባይ ጊጊስ። ታ ያጋኑዋ ሃ ዩቲ ያጊቲ» ያጊዲ ኪቲስ። 5 ሺን ያጊቲዳይሳቲ ያሳ ኢዲዲ፤ ባንታ አሶስ አሶስ ቢደሶና። ኢሶይ ባ ጎሻስ፤ ሃንኮይ ባ ዛልዲያስ ቢስ። 6 ሃራቲ ቃሲ ካወዋ አይሌታ አይኪዲ፤ ካወሺ ዋዲዲ ዎዲደሶና።

7 «ካዎይ ዳር ዩሎቲዲ፤ ባ ዎታዳራታ ዩዲዲ ሹምፖ ዎዲዳይሳታ ዎዲሲስ፤ ኤንታ ካታማካ ፀጊስ። 8 ሄሳፌ ጉዩ፤ ባ አይሌታኮ፤ <ያጋኖይ ጊጊስ፤ ሺን ያጊቲዳይሳቲ ያጋኑዋስ ቤሲያ አሲ ጊደኮና። 9 ሄሳ ጊሾ፤ ዎጋ አጌታ ቢዲ፤ ዴሚዳ አሲ ኡባ ያጋኑዋ ያና ሚላ ያጊቲ» ያጊስ። 10 አይሌቲ አጊያ ቦላ ቢዲ ባንታ ዴሚዳ አሲ ኡባ ሎዎታኒ ኢታታ ኤሂዲ ያጋኖ ሻቃራ ጌልሲዲ ኩንሲደሶና።

11 «ሺን ካዎይ ካሳ ማናው ኡቲዳ አሳ ቤዓናው ጌሲዳ ዎዴ ያጋኖ ማጎ ማዲቦና ኢሲ አሲ ዴሚስ። 12 ኢያኮ፤ <ሳ፤ ኔ ያጋኖ ማጎ ማጎና ዋናዳ ሃይሳ ጌላዲ?» ያጊስ። ሺን ኡራይ ሲዲ ጊስ።

13 «ካዎይ ባ አይሌታኮ፤ <ሃ ኡራ ኩሺያኔ ቶሁዋ ቃቺዲ፤ ካሬ ዱማ ኬሲ ዩጊቲ። ያን ኢያው ዩሆኔ አቻ ጋርጩሲ ጊዳና» ያጊስ።

14 «ሄሳዳካ፤ ያሳ ካዎቴሳስ ያጊቲዳይሳቲ ዳር ሺን ዶራቲዳይሳቲ ጉላ» ያጊስ።

#### ጊራባ (ማር 12:13-17፤ ሉቃ 20:20-26)

15 ሄሳፌ ጉዩ፤ ፋሪሳዌቲ ቢዲ፤ ዩሱሳ ዋቲ አዳን አይካኔኮ ዞሬቲደሶና። 16 ባንታ ታማሬታኒ ሄርዲሳ ባጋታፔ ኢሶታ ኢሶታ ኪቲደሶና። ኤንቲካ፤ «አስታማሪያው፤ ኔ ቱማ አዴይሳ ኑ ኤርስ። ኔኒ አሳፔ አሴ ሻካካ፤ አሳ ዎይጋንዴስ ጋዳ አይኮካ አሳካ፤ ያሳ አጊያ ቱማቴሳን ታማርሳሳ። 17 አኔ ኑስ አዳ፤ ኑኒ ሮሜ ካወዋስ ጊራ ጊራናው ቤሲ ቤሴኔ?» ያጊደሶና።

18 ሺን ዩሱሴ ኤንታ ኢታ ቆፋ ኤሪዲ፤ «ሃ ጩቦቶ፤ ታና አይስ ፓጩቲ? 19 ጊራ ጊሪያ ሚሺያ ታና ቤሲቲ» ያጊስ። ኤንቲካ ኢያው ሳንቲሜ ኤሂደሶና። 20 ኢ፤ «ሃ ሱንሳይኔ ማላይ አዴባዬ?» ያጊስ።

21 ኤንቲ፤ «ሮሜ ካወዋይሳ» ያጊደሶና። ያቲን ዩሱሴ ኤንታኮ፤ «ሂዳ፤ ካወዋስ ቤሴይሳ ካወዋስ፤ ያሳስ ቤሴይሳ ያሳስ ኢሚቲ» ያጊስ።

22 ኤንቲ ሄሳ ሲዲዳ ዎዴ ማላሌቲዲ ኢያ ማታፔ አጊዲ ቢደሶና።

#### ሃይቆፔ ዴንዶባ (ማር 12:18-27፤ ሉቃ 20:27-40)

23 ሄ ጋላስ ሃይቆፔ ዴንዶይ ባዋ ያጊያ ሳዱቃዌቲ ዩሱሳኮ ዩዲ፤ ያጊዲ ኢያ አይቺደሶና። 24 «አስታማሪያው፤ <ሙሴይ፤ ኢሲ አሲ ናዓ ዩሎና ሃይቆኮ፤ ሄ ሃይቆዳይሳ ኢሻይ ኢያ ማቺው ኤኪዲ፤ ባ ኢሻስ ናዓ ዩሎ» ያጊዲ ኪቲስ። 25 ኑ ኤሪያ ላፑን ኢሻቲ ዴዎሶና። ባይራይ ማቾ ኤኪዲ ናዓ ዩሎና ሃይቆኮ። ኢያ ማቺው ኢያ ካሎ ኢሻይ ኤኪስ። 26 ሄሳዳካ፤ ሄ ማጫሲው ኤኪዳ ናምዓንጾይካ፤ ሄሻንጾይካ፤ ቢዲ ላፑናቲ ወራና ጋካናው ኡባይ ሃይቆደሶና። 27 ኡባፌ ጉዩ ሄ ማጫሲያ ሃይቃሱ። 28 ያቲን፤ ላፑናቲ ኡባይ ኢያ ኤኪዳ ጊሾ ሃይቆፔ ዴንዶያ ጋላስ፤ ሄ ማጫሲያ ላፑናታፔ አወሳስ ማቾ ጊዳኔ?» ያጊደሶና።

29 ዩሱሴ ዛሬዲ፤ «ሂንቲ ያሳ ቃላይ ታማርሲያባ ዎይኮ ኢያ ዎልቃ ኤርና ጊሾ ባሌታ። 30 አሳይ ሃይቆፔ ዴንዶያ ዎዴ ሳሎን ዴዲያ ኪታንቾታ ሚላ ጊዳናፔ አቲን ኤኮኮና ጌሎኮና። 31 ቃሲ ሃይቆዳ አሳቲ ሃይቆፔ ዴንዶናባ ያሳይ ሂንቲው አዲዳይሳ ናባቢቤኬቲ? 32 ያሳይ፤ <ታኒ አብራሃሜ ያሳ፤ ዩሳቃ ያሳ፤ ያይቆባ ያሳ» ያጊስ። ሄሳ ጊሾ፤ ያሳይ ፓጎ ዴዴይሳታ ያሳፌ አቲን ሃይቆዳይሳታ ያሳ ጊዴና» \* ያጊስ።

33 ዳር አሳይ ሄሳ ሲዲዲ፤ ኢያ ቲሚርቲያን ማላሌቲደሶና።

#### ኡባፌ ባይራቲያ ኪታ (ማር 12:28-34፤ ሉቃ 10:25-28)

34 ዩሱሴ ሳዱቃዌታስ ጋናባ ዳይሲዳይሳ ፋሪሳዌቲ ሲዲዳ ዎዴ ኢሲፌ ሺቂደሶና። 35 ኤንታ ጊደፌ ኢሲ ሂጌ አስታማሪዬ ዩሱሳ ፓጩ አይሾ አይቺስ። 36 «አስታማሪያው፤ ሂጌ ኡባፌ አዴይሲ አወሴ?» ያጊዲ አይቺስ።

37 ዩሱሴ ዛሬዲ፤ «<ኔ ጎዳ፤ ኔ ያሳ፤ ኔ ኩሜሳ ዎዳፔ፤ ኔ ኩሜሳ ሹምፑዎፌ፤ ኔ ኩሜሳ ቆፋፔ ደሳ። 38 ኡባፌ አዴይሲኔ ባይራ ኪታይ ሃይሳ። 39 ናምዓንጾ ኡባፌ አዴያ ኪታይ፤ አሴ ኡባ ኔ ሁዲያ ኔ ዶሴይሳዳ ደሳ» ያጊይሳ። 40 ሙሴ ሂጌይኔ ናቤታ ቲሚርቲይ ኡባይ ሃ ኪታታ ቦላ ካቶሶና» ያጊስ።

#### ኪሪስቶሳባ አይቺዳ አይሻ (ማር 12:35-37፤ ሉቃ 20:41-44)

41 ፋሪሳዌቲ ኢሲ ቦላ ሺቂዲ ዴዲሺን፤ ዩሱሴ ኤንታና፤ 42 «ኪሪስቶሳባ ሂንቲ ዎይጌቲ? ኢ አዴ ናዴ?» ያጊዲ አይቺስ።

ኤንቲ፤ «ኢ ካወዋ ዳዊቲ ናዓ» ያጊዲ ዛሪደሶና።

43 ዩሱሴ ኤንታኮ፤ «ያቲን፤ ዳዊቲይ ጌሻ አያናን ጊዲዲ ዋቲዲ ኪሪስቶሳ፤ <ጎዳ» ጊዲ ያጊ? ዳዊቲይ ጊሼ።

44 <ጎዳ ያሳይ፤ ታ ጎዳኮ፤ † ኔ ሞርኬታ ኔ ቶሆይ ዩዲያሶ አሳና ጋካናው፤ ሃይሳን ታፔ ኡሻቻ ባጋን ‡ ኡታ» ጊስ።

22:13 ማቶ 8:12፤ 25:30፤ ሉቃ 13:28      22:23 ሃ.አ 23:8      22:24 ዛሬ 25:5      \* 22:32 ያሳይ ፓጎ ዴዴይሳታ ያሳፌ አቲን ሃይቆዳይሳታ ያሳ ጊዴና፤ ዩሱሴ ሃ ቤሳን አዴይ ያሳይ ሃ ሃይቆዳ ሄሻታስ ያሴ ጊዲኮ ኤንቲ ዴዎን ዴዎና ያጊይሳ።  
 22:32 ኬሳ 3:6      22:37 ዛሬ 6:5      22:39 ሉዌ 19:18      22:40 ሉቃ 10:25-28      † 22:44 ታ ጎዳኮ፤ ሃ ቤሳን ዳዊቲይ ታ ጎዳ ጊዲ ያጊይ ኪሪስቶሳ።      22:44 ማዘ 110:1      ‡ 22:44 ኡሻቻ ባጋን፤ ማታኔ ቦንቾ ቤሲ።      22:44 ማዘ 110:1



45 ሂዳ፣ ዳዊቱይ ኪሪስቶስ ጎዳ ጊዲ ያጊኮ፣ ዋኒዲ ኪሪስቶሲ ዳዊቱ ናዓ ጊዲ?»

ያጊስ።

46 ዩሱሳስ ኢሲ ቃላ ዛራናው ዳንዳዲዳ አሲ አኒካ ባዋ። ቃሲ ሄ ጋላላፔ ዶሚዲ ሃራ አይሻ አይቻናው አኒካ ዳንዳዲቤና።

23

ሂጌ አስታማሬታኔ ፋሪሳዌታ ኢታቴሳ

(ማር 12:38-39፤ ሉቃ 11:43-46፤ 20:45-46)

1 ሄሳፌ ጉዩ፣ ዩሱሲ ሺቂዳ አሳሲኔ ባ ታማሬታስ ሃይሳዳ ያጊስ። 2 «ሂጌ አስታማሬታኔ ፋሪሳዌቲ ሙሴ ሂጊያ ቤላናው ማታራ ዴዎሶና። 3 ሄሳ ጊሾ፣ ኤንቲ ሂንቴና ኪቲያ ኡባ አሲቴኔ ናጊቴ። ሺን ኤንቲ አሴይሳዳ አሶፊቴ። አይስ ጊኮ፣ ኤንቲ አሴይሳዳ አሶኮና። 4 ኤንቲ ቶካናው ዳንዳዲቶና ቶዎ ቃቺዲ አሳ ቶሶሶና። ሺን ባንታው ሃሪ አቶሺን፣ ሄ ቶሁዋ አሳይ ቶኪያ ዎዴ ቤራዴ ያራን ቦቻናው ኮዮኮና።

5 «ሺን ኤንቲ ባንታ አሶ ኡባ አሲ ቤዓና ሜላ አሶሶና። ባንታ ሶምዎኒኔ ቄሴን ቃቺያ ማፃፋ ሂቂሴይ ዴዲያ ኪታፌ ዳልጊሶሶና፣ ባንታ ማዑዋ ማጫራካ አዱሶሶና። \* 6 ሞኪቲያ ቤሳን ቦንቾ ቤሲኔ አይሁዴ ዎሳ ኬሳታን ዳሮ ሎዲያ አይዴ ዶሶሶና። 7 አሳይ ጊያን ኤንታና ቦንቾን ሳሮሳናይሳኔ <አስታማሬያው> ጊዲ ያጋናይሳ ኮዮሶና።

8 «ሺን ሂንቴ አስታማሬይ ኢሱዋ ዓላላ ጊዲዳ ጊሾኔ ሂንቴ ኡባይ ኢሻታ ጊዲዳ ጊሾ <አስታማሬያው> ጌቲቲዲ ያጌቶፊቴ። 9 ሂንቴው ሳሎን ኢሲ አዋ ዓላሊ ዴዲያ ጊሾ ሃ ሳዓን አናካ <አዋው> ጊዲ ያጎፕቴ። 10 ሂንቴው ኢሲ ጎዳይ ኪሪስቶስ ዓላሊ ዴዲያ ጊሾ <ጎዳው> ጌቲቲ ያጌቶፊቴ። 11 ሂንቴ ጊዶን ባይራቴይ ሂንቴ አይሴ ጊዶ። 12 ባና ጊታያ አኒካ ካዉያና፤ ባና ካዉሺያ አኒካ ጊታታና።

ሂጌ አስታማሬታኔ ፋሪሳዌቲ ቦሬቲዶሶና

(ማር 12:40፤ ሉቃ 11:39-42፤ 44፤ 52፤ 20:47)

13 «ሂንቴኖ፣ ጩቦቶ፣ ሂጌ አስታማሬቶኔ ፋሪሳዌቶ፣ አሳ ሲጎሳን ሳሎ ካዎቴሳ ጎርዴይሳቶ ሂንቴና አዩ። ሂንቴ፣ ሂንቴ ሁዔን ጌሌኬታ ቃሲ ሃራታካ ጌልሴኬታ።

14 [«ሂንቴኖ ጩቦቶ፣ ሂጌ አስታማሬቶኔ፣ ፋሪሳዌቶ፣ አምዔታ ኬሳ ሂንቴ ቦንቂሼ፣ አሲ ቤዎ ጊዲ ዎሳ አዱሴታ። ሄሳ ጊሾ፣ ሂንቴና አዩ። አሰፊ አዲያ ፐርዳይ ሂንቴና ናጊስ።] †

15 «ሂንቴኖ፣ ጩቦቶ፣ ሂጌ አስታማሬቶኔ ፋሪሳዌቶ፣ ሂንቴ ኢሲ ኡራ አማንሳናው አባራኔ ሳዓራ ዩዩታ። ሺን ሂንቴ ኢያ አማንሲዳ ዎዴ ሄ ኡራ ሂንቴፊ አሲዲ ጋናሜስ ጊጌቲዳይሳ አሲያ ጊሾ ሂንቴና አዩ።

16 «አኒካ ዎሳ ኬሳን ጫቂኮ አይኮይካ ባዋ። ሺን ዎሳ ኬሳን ዴዲያ ዎርቃን ጫቂኮ፣ ሄ ጫቆይ

ኢያ ጎማና ጊያ ቆቆቶ፣ ሂንቴው ቆቂዲ ሃራታ ካሌሴይሳቶ፣ ሂንቴና አዩ። 17 ሂንቴኖ፣ ኤያቶ፣ ቆቆቶ፣ ዎርቃይ አዲዩ? ዎርቂያ ዎሳስ ዱማያ ዎሳ ኬሳይ አዲ? 18 ቃሲ <አኒካ ያርሾ ያርሺያ ቤሳን ጫቂኮ፣ አይኮይካ ባዋ። ሺን አኒካ ኢያ ቦላ ዴዲያ ያርሹዋን ጫቂኮ፣ ሄ ጫቆይ ኢያ ጎማና> ያጊዲ ታማርሴታ። 19 ሂንቴኖ፣ ቆቆቶ፣ ያርሹይ አዲዩ? ያርሹዋ ዎሳስ ዱማያ ቤሳይ አዲ? 20 ሄሳ ጊሾ፣ ያርሾ ቤሳን ጫቂያ ኡራይ፣ ሄ ያርሾ ቤሳኒኔ ኢያ ቦላ ዴዲያ ኡባባን ጫቂኮ። 21 ዎሳ ኬሳን ጫቂያ ኡራይ፣ ሄ ዎሳ ኬሳኒኔ ኢያን ዴዲያ ዎሳን ጫቂኮ። 22 ሳሎን ጫቂያ ኡራይ ዎሳ አራታኒኔ ሄ አራታ ቦላ ኡቲያ ዎሳን ጫቂኮ።

23 «ሂንቴኖ፣ ጩቦቶ፣ ሂጌ አስታማሬቶኔ ፋሪሳዌቶ፣ ሂንቴና አዩ። ሂንቴ ካሬሳ ሳዎፕ፣ ናቲሮፔኔ አካሼፕ አስራታ ኬሴታ። ሺን ሂጊያን ዴዲያ አዲ ኮሼይሳታ አጊዴታ። ሄሲካ ሱሬ ፐርዳ፣ ቃዴቴሲኔ ኡባባን አማናቴሲ፣ ሃራታካ አጎናሺን ሃይሳታ ሂንቴ አሳናው ቤሴስ። 24 ሂንቴው ቆቂዲ ሃራ አሲ ካሌሴይሳቶ፣ ሂንቴ ኡሻፊ ኡዱንዬ ኬሲዲ ጊማሌ ሚቴታ።

25 «ሂንቴኖ፣ ጩቦቶ፣ ሂጌ አስታማሬቶኔ ፋሪሳዌቶ፣ ሂንቴና አዩ። ሂንቴ ሻቲያሲኔ ኬሪያስ ቦላ ባጋ ጌሼታ። ሺን ኤንታው ጋርሳን ቦንቄይኔ ኡዜቴሲ ኩሚ ኡቲስ። 26 ኔኖ ቆቆ ፋሪሳዊያው፣ ሻቲያሲኔ ኬሪያስ ጋርሳ ካሴታዳ ጌሻ። ሄሳፌ ጉዩ፣ ቦላ ባጋይካ ጌሺ ጊዳና።

27 «ሂንቴኖ፣ ጩቦቶ፣ ሂጌ አስታማሬቶኔ ፋሪሳዌቶ፣ ሂንቴና አዩ። ካሬ ባጋራ ቃላሚ ቲዩቲዲ ሎዲዲ፣ ጊዶን ሜቆሲኔ ዎቂዳባይ ኩሚዳ ዱፎታ ዳኔታ። 28 ሄሳዳካ፣ ቦላ ባጋራ አሳስ ሎዎ ዳኔታ። ሺን ሂንቴ ጋርሳን ጩቦቴሲኔ ኢታቴሲ ኩሚስ።

29 «ሂንቴኖ፣ ጩቦቶ፣ ሂጌ አስታማሬቶኔ ፋሪሳዌቶ፣ ሂንቴና አዩ። ሂንቴ ናቤታስ ዱፎ ኬዬታ፣ ቃሲ ያሎታ ዱፋዋካ ሎይሴታ። 30 ቃሲ ሂንቴ፣ <ኦኒ ቤኒ ኑ አዋታ ዎዴ ዴዲዳባ ጊዲያኮ፣ ኤንታራ ኢሲፊ ናቤታ ሱሳ ጉሶኮሺን> ያጌታ። 31 ሄሳ ጊሾ፣ ሂንቴ ናቤታ ዎዲዳ አሳ ናይታ ጊዴይሳ ሂንቴ ሂንቴ ሁዔን ማርካቴታ። 32 ሂዳ፣ ሂንቴ አዋቲ ዶሚዳይሳ ሂንቴ ፖሊቴ።

33 «ሃ ሾሻቶ፣ ሾሻ ናይቶ፣ ሂንቴ ጋናሜ ፐርዳፊ ዋኒዲ አታኔ? 34 ሄሳ ጊሾ፣ ታ አዴይሳ ሲዲቴ፤ ታኒ ናቤታ፣ ጩንጫ አሳታኔ አስታማሬታ ሂንቴኮ ኪታና። ኤንታፊ ኢሶታ ኢሶታ ሂንቴ ዎዳናኔ ማስቃሊያ ቦላ ካቃና። ባጋታ አይሁዴ ዎሳ ኬሳታን ሊሶን ጋራፋናኔ ካታማፔ ካታማ ጎዳና። 35 ሄሳ ጊሾ፣ ያሉዋ አቤላ ዎዲዳ ዎዲያፔ ዶሚዲ፣ ዎሳ ኬሳሲኔ ያርሾ ቤሳፊ ጊዶን ሂንቴ ዎዲዳ ባራኪያ ናዓ ዛካሪያሳ ዎዴ ጋካናው ሃይቂዳ ያሉ አሳ ኡባ ጊሾ ሂንቴ ሴሬታና። 36 ታኒ ሂንቴው ቱማ አዳይስ፤ ሂንቴኔ ሂንቴ አዋቲ አሲዳ ባላስ ሃ ፐርዳ ኡባይ ሃ ዩሌቴሳ ቦላ ጋካና።

ዩሱሲ ዩሩሳላሜስ ዩኪስ (ሉቃ 13:34-35)

\* 23:5 ሶምዎኒኔ ቄሴን ቃቺያ ማፃፋ... ማዑዋ ማጫራ አዱሶሶና፣ ሄሳ ኤንቲ አሴይ ዎሳስ ታ ኢሜታስ ጊያ ማላ ቤሳናሳ (ዛሬ 15:37-41)። 23:5 ማቶ 6:1፤ ዛሬ 6:8፤ ታይ 15:38 23:11 ማቶ 20:26 23:12 ሉቃ 14:11፤ 18:14 † 23:14 ኢሲ ኢሲ ቤኒ ማፃፋቲ ፓይዶ 14 ጉጃሶና። 23:22 ኢሳ 66:1፤ ማቶ 5:34 23:23 ሴዌ 27:30 23:27 ሃ.አ 23:3 23:33 ማቶ 3:7፤ 12:34፤ ሉቃ 3:7 23:35 ሜዴ 4:8፤ 2ታሪ 24:20

37 «ዮሩሳሌም፣ ዮሩሳሌም፣ ናቤታ ወዲያሪ! ሰላይ ኔኮ ኪቲዳይሳታ ሹቻን ጫዲያሪ! ኩቶይ ባ ናይታ ባ ቁሬን ሃጺይሳዳ ታኒ ኔ አሳ ታ ቁሲያን ጌቻናው አፑን ቶሆ ኮያዲና! ሺን ታና ዲጋዳሳ። 38 ሂዳ፣ ሂንቱ ሰላ ኬሳይ ካይሲ ጊዳና። 39 ታኒ ሂንቱው አዳይስ፤ ሳዳ ሱንሳን ዮይሲ አንጄቲዳይሳ ሂንቱ ጋና ጋካናው ናምዓንሶ ታና ቤዔኬታ» ያጊስ።

24

**ዮሱሲ ሰላ ኬሳይ ላሌታናይሳ ካሴቲዲ አዲስ**  
(ማር 13:1-2፤ ሉቃ 21:5-6)

1 ዮሱሲ ሰላ ኬሳሬ ኬዬዲ ቢሺን፣ ኢያ ታማሬቲ ኢያኮ ዩዲ፣ ማላሌቲዲ ሰላ ኬሳ ጊምቢያ ቤሲዶሶና። 2 ዮሱሲ ኤንታኮ ዛሪዲ፣ «ኤ! ሃይሳ ኡባ ቤዔቲ? ታኒ ሂንቱው ቱማ አዳይስ፤ ሹቹ ሹቻ ቦላ ጊምቤቲዳ ሜላ ላሌቶና አቴና» ያጊስ።

**ሲንሳሬ ሃናናባታ**

(ማር 13:3-13፤ ሉቃ 21:7-19)

3 ዮሱሲ ሻማሆ ዴሪያ ቦላ ኡቲዳሺን፣ ኢያ ታማሬቲ ባንታርካ ኢያኮ ዩዲ፣ «ሄሲ አዉዴ ሃናኔኮ ኑስ አዳ፣ ቃሲ ኔ ዩሳሲኔ ወዲያ ዉርሴሳስ ማላታይ አይቤ?» ያጊዲ አይቺዶሶና።

4 ዮሱሲ ዛሪዲ፣ «ሂንቱና አኒካ ባሌሶና ሜላ ናጌቲቱ! 5 አይስ ጊኮ፣ ዳሮ አሳቲ ታ ሱንሳን፣ ስታኒ ኪሪስቶሳ፣ ሰላይ አሳ አሻናው ኪቲዳይሳ» ያጊሼ ዩዲ ዳሮ አሳ ባሌሶና። 6 ማታን ዴዲያ አላ ጊርሳ፣ ሃሆን ዴዲያ አላ ወሬ ሲዓናው ዴዴታ። ሄሳ ሜላባይ ሃናናው ቤሲያ ጊሾ ሂርጎሬቱ። ሺን ዉርሴሳይ ቡሮና። 7 ዴሬይ ዴሪያራ፣ ኢሲ ካዎቴሳይ ሃራ ካዎቴሳራ አሌታና፣ ኮሻይኔ ቢታ ቃይ ዩሳ ቤሳን ሃናና። 8 ሄሲ ኡባይ ዮሎ ኢቁሳስ ዞኬ ሜላ።

9 «ሄ ወዴ አሳይ ሂንቱና ዋዮስ አሲ ኢማና፣ ቃቻናኔ ወዳና፣ ታ ሱንሳ ጊሾ አሳ ኡባይ ሂንቱና ኢፃና። 10 ሄ ወዴ ዳሮቲ አማኖ አጋና፣ ባንታ ጊዶን ኢሶይ ኢሱዋ አሲዲ ኢማና፣ ኢሶይ ኢሱዋ ኢፃና። 11 ቃሲ ዳሮ ዎርዶ ናቤቲ ዴንዲዲ ዳሮታ ባሌሶና። 12 ጌላቴሲ ዳሪያ ጊሾ ዳሮ አሳ ሲቆይ ኢርፃና። 13 ሺን ዉርሴሲ ጋካናው ጌንጪያ ኡራይ አታና። 14 አሳ ኡባስ ማርካ ጊዳና ሜላ ሰላ ካዎቴሳ ዎንጊላይ ቢታ ኡባን አዴታና። ሄሳሬ ጉዮ፣ ዉርሴሳይ ያና።

**ቱና ባሻ**

(ማር 13:14-23፤ ሉቃ 21:20-24)

15 «ሄሳ ጊሾ፣ ናቢያ ዳኔሊ አዲዳ ባሻ ቱናቴሳይ ጌሻ ቤሳን ኤቁዳይሳ ሂንቱ ቤዓና። (አኬኪሶ፣ ሄሲ ወይ ጉሴኮ ናባቤይሲ አኬኮ!) 16 ሄ ወዴ ዮሁዳ ቢታን ዴዴይሳቲ ዴሪያኮ ባቃቶ። 17 ኬሳ ሁዔን ዴዲያ ኡራይ ባ ሶን ዴዲያባ ኤካናው ሶ ጌሎና ባቃቶ። 18 ጋዴን ዴዴይሲ ባ ማዑዋ ኤካናው ጉዮ ሲዋፎ። 19 ሄ ወዴ ቃንሳ ማጫሳታሲኔ ዳንሲያ ማጫሳታስ ዳሮ ኡንዓ ጊዳና። 20 ባልጎን ወይኮ ሳምባታን ሂንቱ ባቃቶይ ጊዶና ሜላ ሰላ ዎሲቱ። 21 አይስ ጊኮ፣

ሳዲ ሜዴቶሳፕ ሃቺ ጋካናው ሃናናባይ፣ ቃሲ ሲንሳሬካ ኡባራካ ሃናና ዋዮይ ሄ ወዴ ሃናና።

22 ሰላይ ሄ ጋላሳታ ታይቡዋ ጉሶናኮ አሴ ጊዲዳ አኒካ አቴና። ሺን ኢ ባ ዶራዳ አሳታ ጊሾ ሄ ጋላሳታ ታይቡዋ ጉሶና።

23 «ሄ ወዴ አኒካ ሂንቱና፣ ሄኮ፣ ኪሪስቶሲ ሃይሳን» ወይኮ ሂንቱ ዴዴስ» ያጊኮ አማኖቲቱ።

24 አይስ ጊኮ፣ ዎርዶ ኪሪስቶሳቲኔ ዎርዶ ናቤቲ ዴንዳና። ኤንታው ዳንዳዔቲኮ፣ ሃሪ አቶሺን ሰላይ ዶራዳይሳታካ ባሌሶናው ጊታ ማላታታኒ ማላሲሲያባታ አሳና። 25 አኬኪቱ፣ ታኒ ሂንቱው ሃይሳ ካሴታዳ አዳስ።

26 «ሄሳ ጊሾ፣ አሳይ ሂንቱ፣ ሄኮ፣ ኪሪስቶሲ ባዞን ዴዴስ» ጊኮ፣ ያ ቦፒቱ። ወይኮ ሂንቱ፣ ሄኮ፣ ቆልዓን ዴዴስ» ጊኮ፣ ኤንታባ አማኖቲቱ። 27 አይስ ጊኮ፣ ዎልዓንሲ ሳሎን ዎልዓሚዲ፣ ዶሎሃፕ ዉሎሃ ጋካናው ቤንቴይሳዳ፣ አሳ ናዓ ዩሳይ ሄሳዳ ሃናና።

28 «ባዉቲ ዴዲይሶን አንኮቲ ሺቃና።

**ኪሪስቶሲ ናምዓንሶ ያና**

(ማር 13:24-27፤ ሉቃ 21:25-28)

29 «ሄ ወዴ ሄ ዋዮ ጋላሳታፕ ጉዮ፣ ሶሁዋራ አዋይ ዲማና፣

አጌናይ ባ ፖዑዋ ዲጋና።

ዎሊንቶቲ ሳሎፕ ወዳና፣

ቃሲ ሳሎን ዴዲያ ዎልቃቲ ቡቁታና።

30 ሄ ወዴ አሳ ናዓ ዩሳ ማላይ ሳሎዋ ቦላ ቤንታና፣ ሳዓን ዴዲያ አሲ ኡባይ ዮካና። ቃሲ አሳ ናዓይ፣ ዎልቃራኔ ጊታ ቦንቹዋራ ሳሎዋ ሻራ ጊዶራ ዩሺን ኤንቲ ቤዓና። 31 ኢ ባ ኪታንቾታ ጊታ ፑኒያ ዋይዜራ ኪታና። ኤንቲ ሳዓ አይዱ ባጋ ቢዲ፣ ሃ ጋፃፕ ያ ጋፃ ጋካናው ዴዲያ ኢያው ዶሬቲዳይሳታ ሺሻና።

**ጎዳይ ያና ጋላሳ ማላታ**

(ማር 13:28-31፤ ሉቃ 21:29-33)

32 «ባላሴ ሚሳሬ ታማራቱ። ኢ አጪዲ ሃይዲያ ወዴ ቶርቹይ ማታቲዳይሳ ሂንቱ ኤሬታ።

33 ሄሳዳካ፣ ሂንቱ ሃ ኡባባ ቤዲያ ወዴ ዮሱሲ ማቲዲ ፔንጌን ዴዴይሳ ኤሬታ። 34 ታኒ ሂንቱው ቱማ አዳይስ፤ ሃ ኡባባይ ፖሌታና ጋካናው፣ ሃ ዮሌቴሳይ አዴና። 35 ሳሎይኔ ሳዓይ አዳና፣ ሺን ታ ቃላይ ኡባካ አዴና።

**ጎዳይ ያና ጋላሳ አኒካ ኤሬና**

(ማር 13:32-37፤ ሉቃ 17:26-30፤ 34-36)

36 «ሄ ጋላሳኔ ሄ ሳቲያ ሳሎን ዴዲያ ታ አዋፕ አቲን ሃሪ ሳሎ ኪታንቾታ ጊዲን ወይኮ ናዓ ጊዲን አኒካ ኤሬና። 37 አሳ ናዓ ዩሳይ፣ ናሄ ወዴ ሂንዳይሳ ሜላ ጊዳና። 38 ሄ ወዴ ዳዮ ሃሳይ ያናፕ ሲንሴ ናሄይ ማርካቢያን ጌሊዳ ጋላሳ ጋካናው፣ አሳይ ሚሼኔ ኡዩሼ፣ ኤኪሼኔ ጌሊሼ ጋምዲስ።

39 ባሻ ሃሳይ ዩዲ፣ ኤንታ ኡባ ዳይሳና ጋካናው አኬኪቦኮና። አሳ ናዓ ዩሳይካ ሄሳዳ ሃናና።

40 «ሄ ወዴ ናምዑ አሳቲ ጋዴን አሳና፣ ኤንታሬ ኢሶይ ኤኬታና፣ ሃንኮይ አታና።

41 ናምዑ ማጫሳቲ ኢሲሬ ጋጫና፣ ኤንታሬ ኢሲኒያ ኤኬታና ሃንኪያ አታና።

23:38 ኤር 22:5    23:39 ማዝ 118:26    24:9 ማቶ 10:22    24:13 ማቶ 10:22    24:15 ዛሬ 9:27፤ 11:31፤ 12:11    24:17 ሉቃ 17:31    24:21 ሜዴ 12:1፤ ዮቆ 7:14    24:26 ሉቃ 17:23-24    24:28 ሉቃ 17:37    24:29 ኢሳ 13:10፤ ኤር 2:10    24:30 ዛሬ 7:13፤ ዛካ 12:10    24:37 ሜዴ 6:5

42 «ሂዛ፣ ሂንቴ ጎዳይ አይ ጋላስ ያኔኮ ሂንቴ ኤሮና ጊሾ ሚኒዲ ናጊቴ። 43 ሺን ካይሶይ ቃማሬ አይ ሳቴን ያኔኮ ከሳዋይ ኤሪያኮ፣ ባ ከሳይ ቦኪቶና ሚላ ባርኪዲ ናጋናሺን። 44 ሄሳዳካ፣ አሳ ናዓይ ሂንቴ ቆፖና ሳቴን ያና ጊሾ ሂንቴካ ጊጊዲ ዴዲቴ።

**ኢታኔ ሎዎ አይሌታ ሌሚሶ (ሉቃ 12:41-48)**

45 «ያቲን፣ ባ ሶ አሳስ ካሳ ኮሺያ ዎዲያን ኢማና ሚላ ኢያ ጎዳይ ዶሪዳ አማንሴይሲኔ ዎዛናማ አይሌይ አኔ? 46 ኢ ባ ጎዳይ ኪቲዳይሳ አሲሺን ኢያ ጎዳይ ዩዲ ዴሚያ አይሌይ አንጄቲዳይሳ። 47 ታኒ ሂንቴው ቱማ አዳይስ፤ ጎዳይ ሄ አይሊያ ባባ ኡባ ቦላ ሹማና። 48 ሺን ሄ አይሌይ ኢታ ጊዲኮ፣ <ታ ጎዳይ ጋምዲያ ያና> ያጊዲ ባ ዎዛናን ቆፐዲ፣ 49 ባ ላጌ አሳንቾታ ዋዲ ዶሚኮ፣ ማሶቲይሳታራ ሚኮኔ ኡዩኮ፣ 50 ሄ አይሊያ ጎዳይ ኢ ቆፖና ጋላሲኔ ኢ ኤሮና ሳቴን፣ 51 ዩዲ ኢያ ቃንጌሬሳና። ኢያ ቃዳ ጩቦታራ አሳና። ሄ ቤሳን ኢያው ዩሆኔ አቼ ጋርጩሲ ጊዳና።

25

**ታሙ ጌላዎታ ሌሚሶ**

1 «ሄ ዎዴ ሳሎ ካዎቴሳይ ባንታ ኩራዚያ አይኪዲ፣ ማቾ ኤሃናው ቢዳ አዲያ ሞካናው ከዩዳ ታሙ ጌላዎታ ዳኔስ። 2 ኤንታሬ ኢቻሻቲ ኤያ፣ ቃሲ ኢቻሻቲ ጩንጫ። 3 ኤያቲ ኩራዜ አይኪዶሶና፣ ሺን ሃራ ላምባ አይኪቦኮና። 4 ሺን ጩንጫቲ ባንታ ኩራዚያኔ ሃራ ጉዣ ላምባ አይኪዶሶና። 5 ማቼው ኤኬይሲ ጋምዲያ፣ ሄ ጌላዎቲ ባንታና ዲስኮይ አይኪን ዲስኪዶሶና።

6 «ጊዲ ቢላሄ ጊዲያ ዎዴ <ሄኮ፣ ማቼው ኤሄይሲ ጋኪስ፣ ኢያ ሞካናው ከዩቴ> ያጊያ ጊታ ጫቦይ ሲዔቲስ።

7 «ሄ ዎዴ ሄ ጌላዎቲ ኡባይ ባርኪዲ፣ ባንታ ኩራዚያ ጊጊሲዶሶና። 8 ኤያቲ ጩንጫታኮ፣ <ኩ ኩራዜይ ቶዓና ሃኒያ ጊሾ ሂንቴ ላምባሬ ኑስ ኢሜርኩቲ> ያጊዶሶና።

9 «ሺን ጩንጫቲ ኤንታኮ ዛሪዲ፣ <አካይ፣ ኑሲኔ ሂንቴስ ጊዲያ ላምቢ ባዋ፣ ሄሳ ጊሾ፣ ሂንቴው ቢዲ ሻሚዲ ኤኪቴ> ያጊዶሶና። 10 ኤያ ጌላዎቲ ላምባ ሻማናው ቢን፣ ማቼው ኤኬይሲ ፑቱ ጊስ። ጊጌቲ ኡቲዳ ኢቻሹ ጌላዎቲ ኢያራ ኢሲሬ ያጋኖ ከሳ ጌሊዶሶና፤ ካሬይካ ጎርዴቲ አጊስ።

11 «ጉዩፕ ሃንኮ ጌላዎቲ ዩዲ፣ <ጎዳው፣ ጎዳው፣ ኑስ ዶያርኪ> ያጊዶሶና።

12 «ሺን ኢ ኤንታኮ ዛሪዲ፣ <ታኒ ሂንቴው ቱማ አዳይስ፤ ታ ሂንቴና ኤሪኪ!»

13 «ሂዛ፣ አሳ ናዓይ ያና ጋላሳ ዎይኮ ሳቲያ ሂንቴ ኤሮና ጊሾ ባርኪዲ ናጊቴ።

**ሄቾ አሳንቾታ ሌሚሶ (ሉቃ 19:11-27)**

14 «ሶሳ ካዎቴሳይ ባ አሳንቾታ ያጊዲ ባው ዴዲያባ ኤንታው ሸዲዲ አጌ ባናው ከዩዳ ኡራ ዳኔስ። 15 ኤንታው ሁዔን ሁዔን ኤንታ ዎልቃ

ሚላ ኢሱዋስ ኢቻሹ ካርባቴ ቢራ፣ ኢሱዋስ ናምቡ ካርባቴ ቢራ ቃሲ ኢሱዋስ ኢሲ ካርባቴ ቢራ ኢሚዲ ባ አጊያ ቢስ። 16 ኢቻሹ ካርባቴ ቢራ ኤኪዳ አይሌይ ሶሁዋራ ቢዲ ዛልዲዲ፣ ሃራ ኢቻሹ ካርባቴ ቢራ ዎዲሲስ። 17 ሄሳዳካ፣ ቃሲ ናምቡ ካርባቴ ቢራ ኤኪዳ አይሌይ ሃራ ናምቡ ካርባቴ ቢራ ዎዲሲስ። 18 ሺን ኢሲ ካርባቴ ቢራ ኤኪዳይሲ ቢዲ፣ አላ ቦኪዲ፣ ባ ጎዳ ሚሺያ ሞጊስ።

19 «ዳሮ ዎዴፕ ጉዩ ሄ አይሌታ ጎዳይ ዩዲ፣ ባ ሚሺያ ኤንታራ ሳላዲስ። 20 ኢቻሹ ካርባቴ ቢራ ኤኪዳ አይሌይ ዩዲ፣ ሃራ ኢቻሹ ካርባቴ ቢራ ኤሂዲ፣ <ታ ጎዳው፣ ኔኒ ታው ኢቻሹ ካርባቴ ቢራ ኢማዳሳ፣ ሺን ታኒ ሃራ ኢቻሹ ካርባቴ ቢራ ዎዲሳስ> ያጊስ። 21 ኢያ ጎዳይ፣ <ዛምቦይ! ኔኒ ሎዎኔ አማንሲያ አይሌ፤ ኔኒ ጉሳባን አማኔታዳሳ፣ ታኒ ኔና ዳሮባ ቦላ ሹማና፤ ሃ ጌላዳ ኔ ጎዳራ ኡፋይታ> ያጊስ።

22 «ቃሲ ናምቡ ካርባቴ ቢራ ኤኪዳይሲ ዩዲ፣ <ታ ጎዳው፣ ኔኒ ታው ናምቡ ካርባቴ ቢራ ኢማዳሳ፣ ሺን ታኒ ሃራ ናምቡ ካርባቴ ቢራ ዎዲሳስ> ያጊስ። 23 ኢያ ጎዳይ፣ <ዛምቦይ! ኔኒ ሎዎኔ አማንሲያ አይሌ፤ ኔኒ ጉሳባን አማኔታዳሳ፣ ታኒ ኔና ዳሮባ ቦላ ሹማና፤ ሃ ጌላዳ ኔ ጎዳራ ኡፋይታ> ያጊስ።

24 «ቃሲ ኢሲ ካርባቴ ቢራ ኤኪዳይሲ ዩዲ፣ <ታ ጎዳው፣ ኔኒ ዜሮና ቤሳሬ ጫኪይሳኔ ዳርጮና ቤሳሬ ማጊያ ኢታ አሲ ጊዴይሳ ታኒ ኤራይስ።

25 ሄሳ ጊሾ፣ ያያዳ ኔ ቢራ ቢታን ሞጋስ። ኔ ሚሺይ ሃይሲሽ> ያጊስ።

26 «ኢያ ጎዳይ ዛሪዲ፣ <ሃ ኢታ አዛላ አይሊያው፣ ታኒ ዜሮና ቤሳሬ ጫኪይሳኔ ዳርጮና ቤሳሬ ማጊያ አሲ ጊዴይሳ ኤራዳሳ።

27 ያቲን፣ ኔኒ ታ ሚሺያ ባንኪን ዎሲዳባ ጊዲያኮ፣ ታኒ ሲሚያ ዎዴ ታ ሚሺያ ዎዴ ኤካናይሳ ዲጋዳሳ። 28 ሄሳ ጊሾ፣ ሚሺያ ኢያፕ ኤኪዲ፣ ታሙ ካርባቴ ቢራ ዴዲይሳስ ኢሚቴ።

29 አይስ ጊኮ፣ ዴዲያ ኡባስ ጉገፕታናኔ ዳራና። ሺን ባይናይሳሬ ሃሪ አቶሺን፣ ሄ ኢያው ዴዲያ ጉሲያካ ኤኪታና። 30 ሃ ማዶና አይሊያ ካሬ ዲማ ከሲ ዩጊቴ። ያን ኢያው ዩሆኔ አቼ ጋርጩሲ ጊዳና> ያጊስ።

**ዎዲያ ወርሴሳን ሃናና ፐርዳ**

31 «አሳ ናዓይ፣ ኪታንቾ ኡባታራ፣ ባ ቦንቼዋራ ያ ዎዴ ኢ ባ ቦንቾ ካዎታ አራታ ቦላ ኡታና። 32 ቢታን ዴዲያ አሲ ኡባይ ኢያ ሲንሴ ሺቃና፣ ሄንሳንቾይ ዶርሳታ ዴሻታፕ ሻኪይሳዳ ኢ ሄ አሳ ናምዓን ሻካና። 33 ቃሲ ዶርሳታ ኡሻቻ ባጋራ ዴሻታ ሃዲርሳ ባጋራ ኤሳና።

34 «ሄሳሬ ጉዩ፣ ካዎይ ኡሻቻ ባጋራ ዴዲይሳታኮ ሃይሳዳ ያጋና፣ <ታ አዋይ አንጂዳይሳቶ፣ ሃ ዩዲ ሳዓይ ሜዴቲያ ዎዴ ሂንቴው ጊጊዳ ካዎቴሳ ላቲቴ። 35 አይስ ጊኮ፣ ታኒ ኮሻቲን ሙዚዴታ፣ ሳሞቲን ኡሺዴታ፣ ኤራቶና ኢማሳ አሲ ጊዳዳ ቢን ሞኪዴታ፣ 36 ካሎቲን ማይዚዴታ፣ ሃርጌቲን ሃርጊሲዴታ፣ ቃሹቲን ታና አይቼዴታ> ያጋና።

24:43 ሉቃ 12:39-40 25:1 ሉቃ 12:35 25:14 ሉቃ 19:11-27 25:29 ማቶ 13:12፤ ማር 4:25፤ ሉቃ 8:18 25:30 ማቶ 8:12፤ 22:13፤ ሉቃ 13:28 25:31 ማቶ 16:27፤ ማቶ 19:28



37 «ሄሳፌ ጉዩ፥ ዊሎቲ ዛሪዲ፥ ስዳው፥ ኔኒ ኮሻቲን አወዴ ቤዒዲ ሙዚዶ? ዎይኮ ኔኒ ሳሞቲን አወዴ ቤዒዲ ኡሺዶ? 38 ኔኒ ኢማሴ ጊዳዳ ዩን አወዴ ቤዒዲ ሞኪዶ? ዎይኮ ኔኒ ካሎቲን አወዴ ማይዚዶ? 39 ኔኒ ሃርጊን ዎይኮ ቃሼቲን ኔኮ ቢዲ ኔና አወዴ አይቺዶ?» ያጋና።  
40 ካዎይ ዛሪዲ፥ «ታኒ ሂንቴው ቱማ አዳይስ፤ ሂንቴ ታና ካሊያ ሃ ኡባፌ ጉዳይሳስ አሲዳይሳ ታው አሲዴታ» ያጋና።

41 «ሄ ዎዴ ሃዲርሳ ባጋራ ዴዔይሳታኮ፥ ሃ ቃንጌቲዳይሳቶ፥ ታ ማታፔ ሃኪቴ፥ ዓላሄሲኔ ኢያ ኪታንቶታስ ጊጊዳ ሜሪና ታማን ቢቴ።

42 አይስ ጊኮ፥ ኮሻቲን ታና ሙዚቤኬታ፤ ሳሞቲን ኡሺቤኬታ። 43 ታኒ ኢማሴ ጊዳዳ ቢን ታና ሞኪቤኬታ፥ ካሎቲን ማይዚቤኬታ፥ ሃርጊኒኔ ቃሼቲን ታና አይቺቤኬታ» ያጋና።

44 «ሄ ዎዴ ኤንቲ፥ ስዳው፥ ኔኒ ኮሻቲን ዎይኮ ሳሞቲን ዎይኮ ኢማሴ ጊዳዳ ቢን ዎይኮ ካሎቲን ዎይኮ ሃርጊን ዎይኮ ቃሼቲን ቤዒዲ ኔና አወዴ ማዶና ኢዲዶ?» ያጊዲ ዛሪና።

45 «ሄ ዎዴ ካዎይ ዛሪዲ ኤንታኮ፥ «ታኒ ሂንቴው ቱማ አዳይስ፤ ሂንቴ ታና ካሊያ ሃ ኡባፌ ጉዳይሳ ማዶና ኢዲዳይሲ፥ ታና ማዶና ኢዲዳይሳ» ያጋና። 46 ሄሳ ጊሾ፥ ሄ አሳቲ ሜሪና ፐርዳስ ቃሲ ዊሎቲ ሜሪና ዴቡሞስ ባና» ያጊሲ።

26

**ዩሱሳ ቦላ ማቄቲዶሶና**  
(ማር 14:1-2፤ ሉቃ 22:1-2፤ ዮሃ 11:45-53)

1 ዩሱሳ ሃ ቲሚርቲያ ኡባ ወርሲዳ ዎዴ ባ ታማራታኮ፥ 2 «ናምቡ ጋላሳፔ ጉዩ፥ ፓሲካ ባሌ ቦንቺያ ጋላስ ጊዴይሳ ኤሬታ። ሄ ጋላስ አሳ ናዓይ ማስቃሊያ ቦላ ካቄታናው አሳ ኩሼን አዲ ኢሜታና» ያጊሲ።

3 ሄ ዎዴ ካሂኔ ሃላቃቲኔ ጨማቲ፥ ቃያፋ ጊያ ካሂኔ ሃላቃ ኬሳን ሺቂዲ፥ 4 አሲ ኤርና ዩሱሳ አይኪዲ፥ ዎዳናው ማቄቲዶሶና። 5 ሺን ኤንቲ፥ «አሳይ አሺ ኬሶና ሜላ ጊዲ፥ ፓሲካ ቦንቺያ ጋላስ ሄሳ አሶኮ» ያጊዶሶና።

**ኢሲ ማጫሲያ ዩሱሳ ሺቶ ቲያሱ**  
(ማር 14:3-9፤ ዮሃ 12:1-8)

6 ዩሱሳ ቢታኒያ ካታማን ባር ሃርጊዳ ሲሞና ሶን ዴዔስ። 7 ዩሱሳ ኢማቱሞ ቦላ ዴዒሺን ኢሲ ማጫሲያ አልባስዲርሴ ጸልቃዊ ኩሜሳ ዳር አልዎ ሺቶ ኤካ ያዳ ዩሱሳ ሁዔን ቲጋሱ።

8 ሺን ዩሱሳ ታማራቲ ሄሳ ቤዒዲ ሃንቁቲዲ፥ «ሃ ሺቶይ ሞ ኢቴይ አይቢሴ? 9 ሃ ሺቶይ አልዎ ጋቱን ባይዘቲዲ፥ ሚሼይ ማንቆታስ ኢሜታናው ዳንዳዔቴስ» ያጊዶሶና።

10 ዩሱሳ ኤንቲ ጌይሳ ኤሪዲ፥ ኤንታኮ፥ «ሃ ማጫሲው አይስ ሞይሴቲ? ኢያ ታው ሎዎባ አሳሱ። 11 ማንቆቲ ኡባ ዎዴ ሂንቴራ ዳና። ሺን ታኒ ሂንቴራ ኡባ ዎዴ ዴዒኬ። 12 ኢያ ሃ ሺቱሞ ታ ቦላ ቲጊዳይሲ ታና ሞጋናው ጊጊሳና። 13 ታኒ ሂንቴው ቱማ አዳይስ፤ ቢታ ኡባን ሃ ዎንጌላይ ሳባኪቲያ ቤሳን አወንካ፥

አሳይ ኢዮ ሃሳያና ሜላ ኢያ አሲዳይሲ አዴታና» ያጊሲ።

**ዩሱዲ ዩሱሳ አሲዲ ኢማናው ጊጌቲስ**  
(ማር 14:10-11፤ ሉቃ 22:3-6)

14 ሄ ዎዴ ታማኔ ናምቡ ዩሱሳ ታማራታፔ ኢሶይ፥ አስቆርታ ዩሱዳ ጌቴይሲ ካሂኔ ሃላቃታኮ፥ 15 ቢዲ፥ «ታኒ ሂንቴው ዩሱሳ አሳ ኢሚኮ፥ ሂንቴ ታው አይ ኢማኔ?» ያጊዲ ኤንታ አይቺስ። ኤንቲ ዞሬቲዲ ሃስታሙ ቢራ ሳንቲሜ \*† ኢሚዶሶና። 16 ሄሳፌ ጉዩ፥ ዩሱዲ ዩሱሳ አሲዲ ኢማናው ኢንጄቲያ ዎዴ ዎቼስ።

**ዩሱሲ ፓሲካ ካሁሞ ባ ሃሞራታራ ሚስ**  
(ማር 14:12-21፤ ሉቃ 22:7-14፤ 21-23፤ ዮሃ 13:21-30)

17 ኡይሳ ባሌ ቦንቺያ ኮይር ጋላስ፥ ዩሱሳ ታማራቲ ኢያኮ ዩዲ፥ «ፓሲካ ቦንቺያ ጋላስ ኔኒ ማና ካሲ ኑኒ አወን ጊጊሲና?» ያጊዶሶና።

18 ዩሱሲ ኤንታኮ፥ «ካታማን ዴዒያ አዲያኮ ቢዲ፥ አስታማራይ፥ ታው ዎዴይ ጋኪዳ ጊሾ ታ ታማራታራ ፓሲካ ቦንቺያ ጋላሳ ኔ ሶን አሳና ያጌስ» ያጊሲ።

19 ኢያ ታማራቲ ዩሱሲ ባንታና ኪቲዳይሳዳ አሲዲ፥ ፓሲካ ባሌ ጋላስ ማና ካሳ ጊጊሲዶሶና።

20 ሳዓይ አማርሲያ ዎዴ ዩሱሲ ታማኔ ናምቡ ሃሞራታራ ካሲ ማናው ኡቲስ። 21 ኤንቲ ሚሺን፥ ዩሱሲ ኤንታኮ፥ «ታኒ ሂንቴው ቱማ አዳይስ፤ ሂንቴሌ አሲ ኡራይ ታና አሲዲ ኢማና» ያጊሲ።

22 ኤንቲ ዳር ዳጋሚዲ፥ ሁዔን ሁዔን፥ «ስዳው፥ ቱማ ታኒሻ?» ጊዲ ኢያ አይቺዶሶና።

23 ዩሱሲ ዛሪዲ፥ «ባ ኩሺያ ታራ ኢሲፌ ሻቲያን ዩዴይሲ ኢ ታና አሲዲ ኢማና። 24 አሳ ናዓይ፥ ዎሳ ቃላን ኢያው ዓፌቲዳይሳዳ ሃይቃና። ሺን አሳ ናዓ አሲዲ ኢሚያ ኡራ አዩ፤ ሄ ኡራይ ዩሌቶና አቲዳኮ ኢያው ሎዎሺን» ያጊሲ።

25 ኢያ አሲ ኢማናው ዴዒያ ዩሱዲ ዛሪዲ፥ «አስታማሪያው፥ ኔኒ ጌይ ታኔዮ?» ያጊሲ።

ዩሱሲ ዛሪዲ፥ «ኔኒ ኔ ሁዔን ጋዳሳ» ያጊሲ።

**ጎዳ ካሁሞ**

(ማር 14:22-26፤ ሉቃ 22:15-20፤ 1ቆር 11:23-25)

26 ኤንቲ ሚሺን፥ ዩሱሲ ኡይሳ ኤኪዲ ዎሳ ጋላቲስ፥ ሄ ኡይሳ ሜንሲዲ ባ ታማራታስ ኢሚዲ፥ «ሄዲቴ፥ ሚቴ፥ ሃይሲ ታ አሹሞ» ያጊሲ።

27 ፁዓ ኤኪዲ፥ ዎሳ ጋላቲስ፥ ኤንታው ኢሚዲ፥ «ኡባይ ሃይሳፌ ኡዩቴ። 28 ሃይሲ ዳር አሳ ናጋራይ አቶ ጌቴታና ሜላ ጉኪያ ታ ሱሳ፥ ሃ ሱሳይ ዎሳይ ሂንቴራ ጌሊያ ጫቁሞ ሚንሴይሳ።

29 ሺን ታኒ ሂንቴው አዳይስ፤ ታኒ ታ አሞ ካዎቴሳን አራሳ ዎይኔ ኡሻ ሂንቴራ ኡያና ጋላሳ ጋካናው ናምዓንሶ ሃ ዎይኔ ኡሻ ኡዩኬ» ያጊሲ።

30 ጋላታ ማዘሙሬ ዩዲዳይሳፌ ጉዩ ሻማሆ ዴሪያ ቢዶሶና።

25:46 ዳኔ 12:2    26:2 ኬሳ 12:1    26:7 ሉቃ 7:37    26:11 ዛሬ 15:11    26:15 ዛካ 11:12    \* 26:15 ቢራ ሳንቲሜ፥ አይኮይካ ጉጐቲቦና ጌሻ ቢራ ጉሱ።    † 26:15 ሃስታሙ ቢራ ሳንቲሜ፥ ሃስታሙ ቢራ ሳንቲሜይ ኢሲራዔል ቢታን አይሌይ ሻሜቲያይ ባይዘቲያ ጋቱ።    26:23 ማዘ 41:9    26:28 ኬሳ 24:8፤ ኤር 31:31

ዮሴፊ ጳጳሮች ካዳናይሳ ኮይሮቲዲ አዲስ (ማር 14:27-31፤ ሉቃ 22:31-34፤ ዮሃ 13:36-38)

31 ሄ ዎዴ ዮሴፊ ኤንታኮ፤ «የሳይ ሄንሳንቸዋ ሾጫና ዶርሳቲካ ላሌታና» ጌቲቲዲ ያሳ ቃላን ገፊቲዳይሳ ሜላ ሃቺ ቃማ ሂንቱ ኡባይ ታና አጊዲ ባቃታና። 32 ሺን ታኒ ሃይቆፕ ዴንዲዳፕ ጉዩ ሂንቱፊ ሲንሳታዳ ጋሊላ ባና» ያጊስ።

33 ጳጳሮሲ ዛሪዲ፤ «ኤንቲ ኡባይ ኔና አጊዲ ባቃቲኮካ፤ ታኒ ኔና አጊኬ» ያጊስ።

34 ዮሴፊ ጳጳሮሳኮ፤ «ታኒ ኔው ቱማ አዳይስ፤ ሃቺ ቃማ ኩቶይ ዋሳናፕ ሲንሴ ኔኒ ታና ሄቸ ቶሆ ካዳና» ያጊስ።

35 ጳጳሮሲ ዛሪዲ፤ «ታኒ ኔራ ኢሲፊ ሃይቆፕ አቲን ኔና ኡባካ ካዲኬ» ያጊስ።

ሃንኮ ኢያ ታማሬቲ ኡባይካ ሄሳዳ ጊዶሶና።

ዮሴፊ ጌቲሴማኔን ዎሲስ (ማር 14:32-42፤ ሉቃ 22:39-46)

36 ያቲዲ፤ ዮሴፊ ባ ታማሬታራ ጌቲሴማኔ ጊያ ቤሳ ቢዲ፤ ኤንታኮ፤ «ታኒ ሂኒ ባዳ ያሳ ዎሳሻና፤ ሂንቱ ሃይሳን ኡቲቱ» ያጊስ።

37 ጳጳሮሳኒ ዛብዲዮሳ ናይታ ናምዓታ ባራ ኤኪ ቢዲ ዳሮ አዛኖኔ ኡንዔቴሊ ዶሚስ። 38 ቃሲካ ኤንታኮ፤ «ታኒ ሃይቆስ ጋሊያ ኡንዓ ኡንዔታስ። ሃይሳን ታራ ጋምዒቱኔ ሚኒዲ ናጊቱ» ያጊስ።

39 ጉሊ ሲንሴ ቢዲ ቢታን ጉፋኒዲ፤ «ታ አዋው፤ ዳንዳዔቲያሳ ጊዲኮ ሃ ዋዩ ፀዓ ታፕ ዲጋ። ሺን ኔ ሺኔይ ሃኖፕ አቲን ታ ሺኔይ ሃኖፕ» ያጊዲ ያሳ ዎሲስ።

40 ዮሴፊ ባ ታማሬታኮ ሲሚ ዩዲ ኤንቲ ዲስኪዳሺን ዴሚስ፤ ጳጳሮሳኮ፤ «ሂንቱ ኢሲ ሳቲኮኔ ዲስኮና ታራ ሚናናው ዳንዳዒቤኩቲ?»

41 ፓጩን ሂንቱ ጌሎና ሜላ ባርኪዲ ናጊቱኔ ያሳ ዎሲቱ። ሂንቱው ሎዎ አዎይ ዴዔስ፤ ሺን ሂንቱ ዳቡራንቾ አሲ» ያጊስ።

42 ዮሴፊ ቃሲ ናምዓንሶ ቢዲ፤ «ታ አዋው፤ ታኒ ሃ ዋዩ ፀዓፕ ኡዮና ዴዒሺ አዳናው ዳንዳዔቶና ባ ጊዲኮ ኔ ሺኔይ ሃኖ» ያጊዲ ያሳ ዎሲስ። 43 ቃሲካ ሲሚ ያ ዎዴ ኢያ ታማሬታ አይፊ ዲስኮይ ንዚን፤ ዚንዒዳሺን ዴሚስ።

44 ቃሲካ ኤንታ አጊ ቢዲ፤ ካሴ ቃላ ዛሪ ሄቸንሶ ዎሲስ። 45 ሄሳፊ ጉዩ፤ ባ ታማሬታኮ ዩዲ፤ «ሃዒ ጋካናው ዲስኬቲኔ ሺምፕቲ? ሄኮ፤ አሳ ናዓይ፤ ናጋራንቾታ ኩሺን አዲ ኢሜቲያ ሳቲይ ጋኪስ። 46 ዴንዲዲ ዩዲቱ፤ ታና አሊዲ ኢሜይሲ ሃይሲሽ ጋኪስ» ያጊስ።

ዮሴፊ ባ ሞርኬታን አይኬቲስ (ማር 14:43-50፤ ሉቃ 22:47-53፤ ዮሃ 18:3-12)

47 ዮሴፊ ቡሮ ሄሳ ሃሳዩሺን፤ ታማኔ ናምዑ ታማሬታፕ ኢሶይ፤ ዩሁዲ ጋኪ ዎዲስ። ካሂኔ ሃላቃቲኔ ዴሪያ ጩማቲ ኪቲዳ ዳሮ አሳቲ ማሺኔ ሃምዓ አይኪዲ ኢያራ ኢሲፊ ዩዶሶና። 48 ዮሴፊ አሊ ኢሚያ ዩሁዲ ሄ ዳሮ አሳኮ፤ «ታኒ ዩሬይሲ

ሂንቱ ኮዩይሲ ኢያ፤ ኢያ አይኪቱ» ያጊዲ ማላ ኢሚ ዎሲስ።

49 ኢራካ ዮሴሳኮ ሺቂዲ፤ «አስታማሪያው፤ ሳሮ ዴዓይ» ያጊዲ ኢያ ዩራስ።

50 ዮሴፊ ኢያኮ፤ «ታ ሳጊያው፤ ኔኒ አሳናባ አሳ አጋ» ቶ ያጊስ።

ሄሳፊ ጉዩ፤ ሺቂዲ፤ ዮሴፊ አይኪዶሶና።

51 ዮሴሳራ ዴዔይሳታፕ ኢሶይ ባ ማሻ ሾዲዲ ካሂኔ ሃላቃ አይሊያ ሾጪዲ፤ ኢያ ሃይሳ ቃንጊዲ ዩጊስ። 52 ሺን ዮሴሲ፤ «ኔ ማሻ ጉዩ ሾሁዋን ዛራ። አይስ ጊኮ፤ ማሻ ሾዲያ ኡባይ ማሻን ሃይቃና። 53 ታ፤ ታ አዋ ዎሲያኮ ዳሮ ሙኩሉን ታይቤቲያ ኪታንቾታ ዩዳናው ዳንዳዎናባ ኔው ዳኒ? 54 ያቲን፤ ያሳ ቃላን ሄሳዳ ሃናናው ቤሴስ ጌቲቲዳይሲ ዋኒዲ ፖሌታኔ?» ያጊስ።

55 ሄ ሳቲያን፤ ዮሴሲ ሄ ሺቂዳ ዳሮ አሳኮ፤ «ታና ፓንጋ አሊዲ አይካናው ማሺኔ ሃምዓ አይኪዲ ዩዴቲ? ታኒ ያሳ ኬሳን ጋላስ ጋላስ ታማርሳሼ ሂንቱራ ዴዒያ ዎዴ ታና አይኪቤኬታ። 56 ሺን ሃይሲ ኡባይ ሃኒዳይሲ ናቤቲ ያሳ ቃላን ገፊዳይሲ ፖሌታና ሜላሳ» ያጊስ።

ሄ ዎዴ ኢያ ታማሬቲ ኡባይ ኢያ አጊዲ ባቃቲዶሶና።

ዮሴፊ ፒርዳ ሻንጎ ሲንሴ ሺቂስ

(ማር 14:53-65፤ ሉቃ 22:54-55፤ 63-71፤ ዮሃ 18:13-14፤ 19-24)

57 ዮሴፊ አይኪዳይሳቲ ካሂኔ ሃላቃ ቃያፋኮ ኢያ ኤፊዶሶና። ያን ሂኒ አስታማሬቲኔ ቢታ ጩማቲ ሺቂዲ ዴዶሶና። 58 ሺን ጳጳሮሲ ካሂኔ ሃላቃ ዛባ ጋካናው ሃሆን ኢያ ካሊስ። ኢያ ወርሴሳይ ሻኬታና ጋካናው ዛባ ጊሊዲ ናጊይሳታራ ኡቲስ።

59 ካሂኔ ሃላቃቲኔ ሺቂዳ አሳ ኡባይ ዮሴፊ ዎዳናው ኢያ ቦላ ዎርዶ ማርካ ኮዩዶሶና።

60 ዳሮቲ ዩዲ ኢያ ቦላ ዎርዶ ማርካ ማርካቲዶሶና፤ ሺን አይኮካ ዴሚቦኮና፤ ጉዩፕ ናምዑ አሳቲ ዩዲ፤ 61 «ሃ ኡራይ፤ (ታኒ ያሳ ኬሳ ላላዳ ሄቸ ጋላሳን ዛራ ኬፃናው ዳንዳዓይስ) ያጊስ» ያጊዶሶና።

62 ካሂኔታ ሃላቃይ ዴንዲ ኤቂዲ ዮሴሳኮ፤ «ሃይሳቲ ኔና ሞቲያ ሞቶዎስ ኔኒ ዛሪያባይ ባቂ?» ያጊስ። 63 ሺን ዮሴሲ ሲዒ ጊስ። ቃሲካ ካሂኔ ሃላቃይ፤ «ታኒ ኔና ዴዎ ያሳ ሱንሳን አይካይስ፤ ኔኒ ያሳ ናዓ ኪሪስቶሳ ጊዲኮ ኑስ አዳ» ያጊስ።

64 ዮሴሲ ዛሪዲ፤ «ኔኒ ኔ ሁዔንካ ጋዳሳ። ሺን ታኒ ሂንቱው አዳይስ፤ ሂዛፕ ጉዩ፤ አሳ ናዓይ ዎልቃማ ያሳ ኡሻቾ ባጋን ኡቲዳሺን፤ ቃሲ ሳሎ ሻራራ ዩሺን ሂንቱ ቤዓና» ያጊስ።

65 ሄ ዎዴ ካሂኔ ሃላቃይ ዳሮ ዩሎቲዲ ባ ማዑዎ ፕዲዲ፤ «ሃይሳ ቤዒቱ ያሳ ጫይስ! ኑና ሃራ ማርካ አይ ኮሺ? ኢ ሃዒ ጫዩዳይሳ ሂንቱ ሲዒዴታ። 66 ሂንቱ ቆፋይ አይቤ?» ያጊስ። ኤንቲካ፤ «ኢያው ሃይቆ ቤሴስ» ያጊዲ ዛሪዶሶና።

67 ያቲን፤ ኤንቲ ኢያ ሶምዎን ጩቲዲ ዴቺዶሶና። ሃራቲ ኢያ ባቂዲ፤ 68 «ኪሪስቶሳ! ኔና ዴቺዳይ አኔ? አኔ ኑስ አዳ» ያጊዶሶና።

26:31 ዛካ 13:7 26:32 ማቶ 28:16 † 26:50 ታ ሳጊያው፤ ኔኒ አሳናባ አሳ አጋ፡ ዎይኮ ሃራ ቢርሼሳይ ታ ሳጊያው፤ ኔ ሃይሳን አይ አሳይ? 26:55 ሉቃ 19:47፤ 21:37 26:61 ዮሃ 2:19 26:64 ዳኔ 7:13 26:65 ሉቃ 24:15-16 26:67 ኢሳ 50:6



**ጴጥሮስ ዮሱስ ካዲስ**  
(ማር 14: 66-72፤ ሉቃ 22: 56-62፤ ዮሃ 18: 15-18፤ 25-27)

69 ጴጥሮስ ዛባን ኡቲዳሺን፣ ኢሲ አይሊያ ኢያኮ ያዳ፣ «ኔኒ ኃሊ ዮሱሳራ ኢሲፊ ዴዓሳ» ያጋሱ።

70 ሺን ኢ ኤንታ ኡባ ሲንሳን ሄ አይሌኮ፣ «ኔኒ ጊያባይ አይሌኮ ታኒ ኤሪኬ» ያጊዲ ካዲስ።

71 ቃሲ ቢዲ ዲርሳ ፔንጌኮ ጋኪሺን ሃራ አይሊያ ኢያ ቤዓዳ፣ ያን ዴዲያ አሳኮ፣ «ሃ ኡራይ ናዚሬቴ ዮሱሳራ ዴዔስ» ያጋሱ።

72 ጴጥሮስ ናምዓንሶ ጫቂዲ፣ «ታኒ ሄ ኡራ ኤሪኬ!» ያጊስ።

73 ጉሱ ጋምዲሺን፣ ያን ኤቂዳ አሳቲ ጴጥሮስ ዮዲ፣ «ኔኒ ተማ ኤንታራ ኢሲፊ ዴዓሳ፤ ኔኒ ኔ ሃሳያን ኤራታሳ» ያጊደሶና።

74 ሄሳፊ ጉዮ፣ ጴጥሮስ፣ «ታኒ ሄ ኡራ ኤሪኬ!» ያጊዲ፣ ባና ቃንጌሲኔ ጫቆ ዶሚስ።

ሄ ዎዴ ኢራካ ኩቶይ ዋሲ አጊስ። 75 ዮሱሲ ኢያኮ፣ «ኔኒ ኩቶይ ዋሳናፔ ሲንፊ ታና ሄዥ ቶሆ ካዳና» ጊዳይሳ ጴጥሮስ አኬኪዲ፣ ካሬ ኬዬዲ ኢታ ዮሆ ዮኪስ።

27

**ዩሁዲ ባና ሱሊስ**

(ማር 15: 1፤ ሉቃ 23: 1-3፤ ዮሃ 18: 28-32)

1 ዎንታ ጉራ ካሂኔ ሃላቃቲኔ ቢታ ጨማቲ ኡባይ ዮሱሳ ዎዲሳናው ማቂቲደሶና። 2 ኤንቲ ዮሱሳ ቃቺ ኤፊዲ ዴሪያ ሃሪያ ጴጥሮስ አሲዲ ኢሚደሶና።

3 ሄ ዎዴ ዮሱሳ አይሊዳ ዩሁዲ፣ ጴጥሮስ ዮሱሳ ባላ ፒርዲዳይሳ ቤዲዲ፣ ቂርቲዲ፣ ሄ ሃስታው ቢራ ሳንቲሚያ ካሂኔ ሃላቃታሲኔ ዴሪያ ጨማታስ ጉዮ ዛሪስ። 4 «ታኒ ጊሎ አሲ ሃይቆስ አሳ ኢማዳ ናጋራ አሳስ» ያጊስ።

ሺን ኤንቲ፣ «ሄሲ ኑ ሜቶ ጊዴና ኔ ሜቶ» ያጊደሶና።

5 ዩሁዲ ሚሺያ ያሳ ኬሳን ዮጊ አጊዲ ኤንታ ማታፔ ቢዲ፣ ሱሌቲ ሃይቂስ።

6 ካሂኔ ሃላቃቲ ሚሺያ ኤኪዲ፣ «ሃ ሚሺይ ሱሳ ሚሺ ጊዲያ ጊሾ ኑኒ ያሳ ኬሳ ሚሺያራ ጋፊይሲ ዎጋ ጊዴና» ያጊደሶና። 7 ሄሳፊ ጉዮ፣ ኢሲፊ ዞሬቲዲ፣ ቤቱ አሲ ዋጋናው ማና ቢታ ሻሚደሶና። 8 ሄሳ ጊሾ፣ ሄ ጋዴይ ሃቺ ጋካናው ሱሳ ቢታ ጌቴቲ ዌጌቴስ።

9 ናቢያ ኤርሚያሲ፣ «ኢሰራዔል አሳይ ኢያው ቃንገናው ጋማቲዳ ሃስታው ቢራ ሳንቲሚ ኤኪደሶና። 10 ጎዳይ ታና ኪቲዳይሳዳ ማና ቢታ ሻማናው ኢሚደሶና» ጊዳይሲ ሄ ዎዴ ፖሌቲስ።

**ዮሱሲ ጴጥሮስ ሲንሳን**

(ማር 15: 2-5፤ ሉቃ 23: 3-5፤ ዮሃ 18: 33-38)

11 ዮሱሲ ዴሪያ ሃሪያ ጴጥሮስ ሲንፊ ሺቂን፣ ጴጥሮስ ኢያኮ፣ «ኔኒ አይሁዴ ካዎ?» ያጊዲ አይቺስ።

ዮሱሲ ዛሪዲ፣ «ኔ ጋዳሳ» ያጊስ።

12 ካሂኔ ሃላቃቲኔ ቢታ ጨማቲ ኢያ ሞቲያ ዎዴ ኤንታው አይቢ ዛሮካ ኢሚቤና።

13 ሄ ዎዴ ጴጥሮስ ዮሱሳኮ፣ «ሃይሳቲ ኔና ሞቲያ ሞቱዋ ኡባ ሲዲኪ?» ያጊስ።

14 ዮሱሲ ሃሪ አቶሺን፣ ኢሲ ቃላካ ዛሮና ኢዲን፣ ዴሪያ ሃሪይሲ ዳሮ ማላሌቲስ።

**ዮሱሳ ባላ ሃይቆ ፒርዴቲስ**

(ማር 15: 6-15፤ ሉቃ 23: 13-25፤ ዮሃ 18: 39-40፤ 19: 1-16)

15 ዴሪያ ሃሪይሲ ላይሳን ላይሳን ፓሲካ ባሌ ቦንቺያ ጋላሳን፣ አሳይ ኮያ ኢሲ አሲ ቃሾፔ ቢርሺያ ዎጊ ዴዔስ። 16 ሄ ዎዴ ኢሲ ባርባና ዮሱሳ ጊያ ዳሮ ኤሬቲዳ ኢታ አሲ ቃሾ ኬሳን ዴዔስ። 17 ሄሳ ጊሾ፣ ዳሮ አሳይ ሺቂዲ ዴዲሺን ጴጥሮስ፣ «ታኒ ሂንቴው ባርባና ዮሱሳ ቢርሾ፣ ዎይኮ ዮሱሳ ጊያ ኪሪስቶሳ ቢርሾ?» ያጊዲ አሳ አይቺስ። 18 ኢ ሄሳ ጊዳይ ኤንቲ ቃናቲዲ ዮሱሳ አይሊዳይሳ ኤሪያ ጊሾሳ።

19 ጴጥሮስ ፒርዳ ኬሳን ኡቲዳሺን፣ ኢያ ማቺያ፣ «ታኒ ሃቺ ቃማ አሙሆን ኢያባ ዳሮ ዋይታሼ አቂዳ ጊሾ ሄ ጊሎ ኡራ ባላ አይቢባካ አሶፋ» ያጋዳ ኪታሱ።

20 ሺን ካሂኔ ሃላቃቲኔ ዴሪያ ጨማቲ ጴጥሮስ ባርባና ቢርሺዲ፣ ዮሱሳ ዎዳና ሜላ፣ አሳይ ኢያ ዎሳና ሜላ፣ አሳ ጨሚደሶና።

21 ጴጥሮስ ዛሪዲ ኤንታኮ፣ «ታኒ ኤንታ ናምዓፊ ሂንቴው አና ቢላና ሜላ ኮዮቲ?» ያጊዲ አይቺስ።

ኤንቲ፣ «ባርባና ቢላና ሜላ ኮዮስ» ያጊደሶና።

22 ጴጥሮስ፣ «ያቲን፣ ዮሱሳ ጊያ ኪሪስቶሳ ዋቶ?» ያጊዲ ኤንታ አይቺስ።

ኡባይ ዛሪዲ፣ «ማስቃሊያ ባላ ኢያ ካቃ» ያጊደሶና።

23 ጴጥሮስ አሳኮ፣ «አይስ? ኢ አይ ኢታባ አሲዴ?» ያጊዲ አይቺስ።

ሺን አሳይ ካሲይሳፊ አሲዲ፣ «ማስቃሊያ ባላ ኢያ ካቃ» ጊዲ ዋሲደሶና።

24 አሺ ዴንፊሶፊ ሃራ አይቢባካ አሳናው ዳንዳዴቶናይሳ ጴጥሮስ ቤዲዲ፣ ሃፊ ኤኪዲ፣ «ሃ ኡራ ሃይቂዋን ታኒ ዴዲኬ። ሄሳ አሌይ ሂንቴና» ያጊዲ አሳ ሲንሳን ባ ኩሺያ ሜጨቲስ።

25 አሳ ኡባይ ዛሪዲ፣ «ኢያ ሱሳ ጎሜይ ኑናኔ ኑ ናይታ ጋኮ» ያጊደሶና።

26 ያቲን፣ ጴጥሮስ ባርባና ኤንታው ቢሊዲ፣ ዮሱሳ ሊሶን ጋራፊዲ፣ ማስቃሊያ ባላ ካቂቲዲ ሃይቃና ሜላ ኤንታው አሲዲ ኢሚስ።

**ዎታዳሬቲ ዮሱሳ ቄልቂሲደሶና**

(ማር 15: 16-20፤ ዮሃ 19: 2-3)

27 ሄሳፊ ጉዮ፣ ጴጥሮስ ዎታዳሬቲ ዮሱሳ ዴሪያ ሃሪይሳ ሶ ኤኪ ኤፊን፣ ዎታዳሬቲ ኡባይ ኢያ ዩሹዋን ኤቂደሶና። 28 ኢያ አፊላ ቃሪ ኤኪዲ ዞዎ አፊላ \* ማይዚደሶና። 29 ቃሲ አጉንሳ ካላቻ ጊጊሲዲ፣ ኢያ ሁዔን ዎሲደሶና። ኢያ ኡሻቻ ኩሺያን ማይሬ ገምዓ አይሊዲ፣ ኢያ ሲንሳን ጉልባቲዲ፣ «አይሁዴ ካዎ፣ ሙኩሉ ላይሊ ካዎታ!» ያጊዲ፣ ኢያ ባላ ቄልቂሲደሶና።

30 ኢያ ባላ ጨቲደሶና። ሄ ማይሬ ገምዓ ኤኪዲ፣ ኢያ ሁዔን ሾጨደሶና። 31 ኤንቲ ኢያ ባላ ቄልቂሲዳይሳፊ ጉዮ ዞዎ አፊላ ኢያፔ

27:3 ሃ.አ 1:18-19    27:9 ዛካ 11:12-13    27:24 ዛሬ 21:6    \* 27:28 ዞዎ አፊላ፣ ቤኒ ዎዴ ካዎቲ ባላራ ማዲያ አፊላ።

ቃሪ ኤኪዲ፣ ኢያ አፊላ ኢያ ማይዚዶሶና፣ ማስቃሊያ ቦላ ኢያ ካቃናው ኤኪ ኤፊዶሶና።

**ዮሴፍ ካቁቴሳ**  
(ማር 15:21-32፤ ሉቃ 23:25-43፤ ዮሃ 19:17-27)

<sup>32</sup> ኤንቲ ካሬ ኬዩዲ፣ ኢሲ ሲሞና ጊያ ቄሬና ቢታ አሲ ዴሚዲ፣ ዮሴፍ ማስቃሊያ ዎልቃን ቶሲዶሶና። <sup>33</sup> ጎልጎታ ጊያ ቤሲ ጋኪዶሶና። «ጎልጎታ» ጉሳይ «ጉጌ ቤሲ» ጉሱ። <sup>34</sup> ሄሳን ኤንቲ ጨዩ ዋላኬቲዳ ዎይኔ ኡሻ ኡዮ ጊዲ ኢያው ኢሚዶሶና። ሺን ኢ ሄሳ ጋንጊ ኤኪዲ፣ ኡዮና ኢዲስ።

<sup>35</sup> ኤንቲ ማስቃሊያ ቦላ ኢያ ካቁዳይሳፊ ጉዩ ኢያ አፊላ ሻኪዲ፣ ሳማ ዩጊዲ ኤኪዶሶና።

<sup>36</sup> ሄሳፊ ጉዩ፣ ያን ኡቲዲ ኢያ ናጊዶሶና።

<sup>37</sup> ቃሲ፣ «ሃይሲ አይሁዴ ካዉቀ ዮሴፍ» ያጊያ ሞቶ ፀፊያ ኢያ ሁዲ ሶን ዎሲዶሶና። <sup>38</sup> ዮሴፍ ሄ ዎዴ ናምዑ ፓንጋታ ኢሱዋ ኢያፕ ኡሻቻ ባጋን፣ ሃንኩዋ ኢያፕ ሃዲርሳ ባጋራ፣ ማስቃሊያ ቦላ ካቁዶሶና።

<sup>39</sup> አጊያራ አዲያ አሳይ ዮሴፍ ቦሪዲ፣ ኢያ ቦላ ጨቲሼ። <sup>40</sup> «ዶሳ ኬሳ ላላዳ ሄዥ ጋላሳ ጊዶን ኬዲይሶ፣ ኔና አሻ፣ ኔኒ ዶሳ ናዓ ጊዲኮ፣ አኔ ማስቃሊያ ቦላፊ ዎዳ» ያጊዶሶና።

<sup>41</sup> ሄሳዳካ፣ ካሂኔ ሃላቃቲ፣ ሂጌ አስታማራቲኔ ቢታ ጨማቲ ኢሲፊ ዮሴፍ ቦላ ቁልቂሲዶሶና። ሃይሳዳ ያጊዶሶና። <sup>42</sup> «ሃራታ አሺስ፣ ሺን ባና አሻናው ዳንዳቢና፣ ኢ ኢስራዲኤ ካዎ ጊዲኮ፣ አኔ ማስቃሊያ ቦላፊ ሃዲ ዎዶ፣ ኩካ ኢያ አማናና። <sup>43</sup> ዶሳን ኢ አማኔቲስ፣ ዶሳይ ኢያ አሻናው ኮይኮ አኔ አሾ፣ አይስ ጊኮ፣ ኢ ባና፣ «ታኒ ዶሳ ናዓ» ጌስ» ያጊዶሶና።

<sup>44</sup> ቃሲ ሃሪ አቶሺን፣ ኢያራ ማስቃሊያ ቦላ ካቁቴዳ ፓንጋቲካ ሄሳዳ ጊዲ ኢያ ቦላ ቁልቂሲዶሶና።

**ዮሴፍ ሃይቁዋ**  
(ማር 15:33-41፤ ሉቃ 23:44-49፤ ዮሃ 19:28-30)

<sup>45</sup> ኡሱፕን ሳቴፕ ቢዲ፣ ኡዱፋን ሳቴ ጋካናው ቢታ ኡባይ ዱሚስ። <sup>46</sup> ኡዱፋን ሳቴ ጊዲያ ዎዴ ዮሴፍ፣ «ኤሎሄ፣ ኤሎሄ፣ ሳማ ሳባቂታኒ?» ጊዲ ጊታ ዋሶ ዋሲስ። «ኤሎሄ፣ ኤሎሄ፣ ሳማ ሳባቂታኒ?» ጊይሳ ቢርሼሳይ «ታ ዶሳው፣ ታ ዶሳው፣ ታና አይስ አጋዲ?» ጉሱ።

<sup>47</sup> ሄሳን ኤቂዳ አሳፕ ኢሶቲ ኢሶቲ ሄሳ ሲዲዲ፣ «ሃ ኡራይ ኤሊያሳ ያጊስ» ያጊዶሶና።

<sup>48</sup> ኢራ ኤንታፊ ኢሶይ ዎዲ ቢዲ፣ ኢስፖንጂ ኤኪዲ፣ ጫላ ዎይኔ ኡሻ ኩንሳስ፣ ሄሳ ማይሬ ዓምዓ ያራን ዎሲዲ ኡሻናው ኢያ ዶናኮ ሺሺስ።

<sup>49</sup> ሺን ሃንኩቲ፣ «ናጋ፣ ኤሊያሲ ኢያ አሻናው ያኔኮ አኔ ቤዶስ» ያጊዶሶና። <sup>50</sup> ዮሴፍ ናምዓንሶ ጊታ ዋሶ ዋሲዲ፣ ሃይቁ አጊስ።

<sup>51</sup> ሄ ሳቴን ዶሳ ኬሳን ካቁቴዳ ማጋራጃይ ቆሞፊ ዱጌ ጋካናው ናምዑ ኬዩዲ፣ ፕዴቲ ዎዲስ። ቢታይ ቃሊስ፣ ዛላይካ ጳልቁቲስ።

<sup>52</sup> ዱፎቲ ዶዩቲን ዶሳ አሳታፕ ዳሮቲ ሃይቆፕ

ዴንዲዶሶና። <sup>53</sup> ኤንቲ ዱፎፕ ኬዩዲ፣ ዮሴፍ ሃይቆፕ ዴንዲዳይሳፊ ጉዩ ጌሻ ካታማ ቢዶሶና፣ ያን ኤንቲ ዳሮ አሳስ ቤንቲዶሶና።

<sup>54</sup> ማቶ ሃላቃይኔ ኢያራ ዮሴፍ ናጊያ ዎታዳሬቲ ቢታይ ቃሊዳይሳኔ ሄሳን ሃኒዳባ ቤዲዳ ዎዴ ዳሮ ያዩዲ «ቱማ ሃይሲ ዶሳ ናዓ» ያጊዶሶና።

<sup>55</sup> ሄሳን ዳሮ ማጫሳቲ፣ ጋሊላፕ ዶሚዲ ዮሴፍ ሃጋዚሼ ካሊዳይሳቲ ሃሆን ኤቂዲ ያሎሶና።

<sup>56</sup> ኤንታ ጊዶን ማግዴላ ማይራማ፣ † ያይቆባኔ ዮሴፍ አያ ማይራማኔ ዛብዲዮሳ ማቺያ ዴዎሶና።

**ዮሴፍ ሞጌቴሳ**  
(ማር 15:42-47፤ ሉቃ 23:50-56፤ ዮሃ 19:38-42)

<sup>57</sup> ሳዓይ አማርሲያ ዎዴ ዮሴፍ ጊያ ኢሲ ዱራ ኡራይ፣ አርማቲያሳ ካታማፕ ዩስ። ኢ ባ ሁዲንካ ዮሴፍ ካሊያ አሲ። <sup>58</sup> ዮሴፍ ጲላሶሳኮ ቢዲ፣ ዮሴፍ አሃ ኤካናው ዎሲስ። ጲላሶሲ አሃይ ዮሴፍስ ኢሜታና ሜላ ኪቲስ። <sup>59</sup> ዮሴፍ አሃ ኤኪዲ፣ ጌሻ ሞን አፊላን ያጊስ። <sup>60</sup> ባው ሞጌታናው ሹቻፊ ዎጨዳ አራሳ ጎንጎሎን ኢያ አሃ ዎሲስ። ቃሲ ሄ ጎንጎሎ-ዎ ዶናን ጊታ ሹቻ ጎንዶርሲ ዎሲዲ አጊ ቢስ። <sup>61</sup> ማግዴላ ማይራማኔ ሃንኮ ማይራማ ሄ ጎንጎሎ-ዋኮ ሲሚዲ ኡቲዶሶና።

<sup>62</sup> ዎንቴሴ ሳምባታ ጋላስ፣ ካሂኔ ሃላቃቲኔ ፋሪሳዌቲ ጲላሶሳኮ ዩዲ፣ ሃይሳዳ ያጊዶሶና። <sup>63</sup> «ጎዳው፣ ሃ ዎርዳንቾይ ፓግ ዴዲሼ፣ «ታኒ ሄዥ ጋላሳፕ ጉዩ ሃይቆፕ ዴንዳይ» ያጊዳይሲ ኩስ ሃሳዩቲስ። <sup>64</sup> ሄሳ ጊሾ፣ ኢ ሞጌቲዳ ጎንጎሎ-ዎ ሄዥ ጋላስ ጋካናው፣ ማጊሶ ናጋና ሜላ ኪታርኪ። ሄሲ ሃናና ኢዲኮ፣ ኢያ ታማራቲ ቢዲ ኢያ አሃ ካይሲ ዳይሲዲ፣ «ሃይቆፕ ዴንዲስ» ያጊዲ አሳስ አዲኮ ናምዓንሶ ባሌሶይ ኮይሮይሳፊ ኡባ ሃ ኢታና» ያጊዶሶና።

<sup>65</sup> ጲላሶሲ ኤንታኮ፣ «ሂንቴው ናጊይሳቲ ዴዎሶና፣ ቢዲ ሂንቴው ዳንዳዔቲዳ ሜላ ናጊሲቴ» ያጊስ።

<sup>66</sup> ሄሳ ጊሾ፣ ኤንቲ ቢዲ ዱፎይ ቦሼቶና ሜላ ሹቻ ቦላ ማታሜ ዎሲዲ ዎታዳሬታን ናጊሲዶሶና።

28

**ዮሴፍ ሃይቆፕ ዴንዳዎ**  
(ማር 16:1-10፤ ሉቃ 24:1-12፤ ዮሃ 20:1-10)

<sup>1</sup> ሳምባቲ አዲን ዎጋ ዎዴ ዎንታ ጉራ፣ ማግዴላ ማይራማኔ ሃንኮ ማይራማ ዮሴፍ ሞጌቲዳ ጎንጎሎ-ዎ ቤዓናው ቢዶሶና። <sup>2</sup> ቆፖና ዎልቃማ ቢታ ቃይይ ሃኒስ። ጎዳ ኪታንቾይ ሳሎፕ ዎዲዲ ዱፋ-ዎ ዶናን ዴዲያ ሹቻ ጎንዶርሲዲ ኢያ ቦላ ኡቲስ። <sup>3</sup> ኢያ ማላይ ዎልዓንሳ ዳኔስ። ኢያ ማዎይካ ሻቻዳ ቦሲ። <sup>4</sup> ናጊይሳቲ ኪታንቾዋ ቤዲዲ፣ ያሻን ኮኮሪዲ፣ ሃይቂዳ አሳዳ ሃኒዶሶና።

27:34 ማዝ 69:21 27:35 ማዝ 22:18 27:39 ማዝ 22:7፤ 109:25 27:40 ማቶ 26:61፤ ዮሃ 2:19 27:43 ማዝ 22:8 27:46 ማዝ 22:1 27:48 ማዝ 69:21 27:51 ኬሳ 26:31 27:55 ሉቃ 8:2-3 † 27:56 ማግዴላ ማይራማ፣ ጉሳይ ማግዴላ ካታማፕ ዩዳ ማይራማ ጉሱ። 27:63 ማቶ 16:21፤ 17:23፤ 20:19፤ ማር 8:31፤ 9:31፤ 10:33

5 ኪታንቾይ ማጫሳታኮ፥ «ሂንቴ ማስቃሊያ ቦላ ካቁቲዳ ዩሱሳ ኮዩይሳ ታኒ ኤሪያ ጊሾ ያዮፊቴ። 6 ኢ ካሴ አዲዳይሳ ሜላ ሃይቆፕ ዴንዲስ፤ ሃይሳን ዴና። ሃ ዩዲ ኢያ ዚንዲሲዳ ቤሳ ቤዲቴ። 7 ሂንቴ ሃዲ ኤሌሲ ቤዲ፥ ኢያ ታማሬታስ፥ <ዩሱሲ ሃይቆፕ ዴንዲስ። ቃሲ ኢ ሂንቴፊ ሲንሳቲዲ ጋሊላ ባና፤ ሂንቴ ኢያ ያን ቤዳና> ያጊዲ አዲቴ። ታኒ ሂንቴው ሃይሳ አዳናው ያስ» ያጊስ።

8 ኤንቲ ያዩሼኔ ዳሮ ኡፋይቲሼ፥ ዱፉዋ ማታፕ ኤሌሲዲ ቤዲ፥ ኢያ ታማሬታስ አዳናው ያጊዲሶና።

9 ቆፖና ዩሱሲ ኤንታራ ጋሄቲዲ ኤንታኮ፥ «ሳሮይ ሂንቴው ጊዶ» ያጊስ። ኤንቲ ኢያኮ ሺቁዲ፥ ኢያ ቶሁዋ አይኪዲ ኢያው ጎይኒዶሶና። 10 ሄ ዎዴ ዩሱሲ ኤንታኮ፥ «ያዮፊቴ፤ ቤዲ ታ ታማሬቲ ጋሊላ ባና ሜላ ኤንታው አዲቴ። ኤንቲ ያን ታና ቤዳና» ያጊስ።

11 ሄ ማጫሳቲ ቢሺን፥ ዱፉዋ ናጊያ ዎታዳሬታፕ ባጋቲ ካታማ ቤዲ፥ ሃኒዳባ ኡባ ካሂኔ ሃላቃታስ አዲዶሶና። 12 ካሂኔ ሃላቃቲኔ ጨማቲ ሺቁዲ ዞሬቲዲ፥ ዎታዳሬታስ ዳሮ ሚሼ ኢሚዲ፥ 13 «ኮኒ ዲስኪዳሺን ኢያ ታማሬቲ ቃማ ዩዲ፥ ኢያ አሃ ካይሲዶሶና» ያጊቴ። 14 ሃ አዳ ዴሪያ ሃሬይሲ ሲዲኮ፥ ሄሲ ሂንቴ ባላ ጊዶናይሳ ኮኒ ኢያ አዲ አማንሳና። ሂንቴና አይቢካ ሂርጊሶፖ» ያጊዶሶና።

15 ዎታዳሬቲ ሚሺያ ኤኪዲ፥ ኪቴቲዳይሳዳ አሲዶሶና። ሃ አዳይ አይሁዴ ማታን ሃቺ ጋካናው አዴቲሼ ዴዔስ።

**ዩሱሲ ባ ታማሬታስ ቆንጨስ**

(ማር 16:14-18፤ ሉቃ 24:36-49፤ ዮሃ 20:19-23፤ ሃ.አ 1:6-8፤ 1ቆሮ 15:3-8)

16 ታማኔ ኢሲ ኢያ ታማሬቲ ዩሱሲ ባንታና ቤቴ ጊዳ ጋሊላ ዴሪያ ቦላ ቤዶሶና። 17 ያን ኤንቲ ኢያ ቤዲዳ ዎዴ ኢያው ጎይኒዶሶና፥ ሺን ኤንታፊ ኢሶቲ ኢሶቲ ሲዲዶሶና።

18 ዩሱሲ ኤንታኮ ሺቁዲ፥ «ሳሎኒኔ ሳዳን ማቲ ኡባይ ታው ኢሜቲስ። 19 ሂዳ፥ ሂንቴ ኡባ ቤሲ ቤዲ፥ አዋ፥ ናዳ፥ ጊሻ አያና ሱንሳን አሴ ኡባ ማቁዲ ታና ካሌይሳታ አሲቴ። 20 ታኒ ሂንቴና ኪቲዳባ ኡባ ኤንቲ ናጋና ሜላ ኤንታ ታማርሲቴ። ታኒ ዎዲያ ዉርሴሳ ጋካናው ኡባ ዎዴ ሂንቴራ ዴዳይስ» ያጊስ።

### ግርቆሲ ፩ዓ ዮሱሳ ኪሪስቶሳ ዎንጌላ ጋሳ ቆፋ

ግርቆሳ ዎንጌላይ፡ «ሃይሲ ዎሳ ናዓ ዮሱስ ኪሪስቶሳ ዎንጌላ ዶሜሳ» ጊሼ ኮይሮ ዶሜስ። ሃ ዎንጌላን ዮሱሲ አሶ አሲኔ ማታ አዎ ጊዲዲ ሺቁስ። ኢያ ማታይ ኢያ ቲሚርቲያን፡ ቱና አያና ቦላ ዴዲያ ዎልቃኒኔ አሳ ናጋራፔ ማሬይሳን ቆንጨስ። ዮሱሲ፡ «ታኒ፡ አሳ ናጋራ አይሌቱሳፊ ኬሳናው ታ ዴዎ-ዎ አሳዳ ኢማናው ዩዳ አሳ ናዓ» ያጊዲ ባ ዶናን ሃሳዩስ።

ግርቆሲ ዮሱሳ ታሪኪያ ሱሬ አገኒኔ ዎልቁ ኩሚዳ አገን አዲስ። ግርቆሲ ዮሱሳ ቃላኔ ቲሚርቲያ ጊዶናሺን ኢ አሲዳ ማላሊሲያ አሶታ ባይራዩዲ አዴስ። ግርቆሲ ፩ዓቂያ ዮሃንሳ ታሪኪያ፡ ዮሱሳ ዲንቃቲያኔ ኢያ ፓጩቱሳ ቃንላን አዲ ሲሚዲ፡ ዮሱሳ ቲሚርቲያኔ ኢያ ፓሱዎ ዳልጊሲዲ አዴስ። አቁ አቁ ቢሺን ዮሱሳ ታማሬቲ ዮሱሳ ሎይሲዲ ኤሪ ኤሪ ቢዶሶና፡ ሺን ዮሱሳ ኢዳይሳቲ አሲዲ ኢዲሺ ኢዲሺ ቢዶሶና። ወርሴሳ ሺምፖቲ ዮሱሳ ዴዎን ወርሴሳ ሳሚንታን ፖሌቲዳ አሶታባ አዶሶና። ሄሳቲካ ኢያ ካቁቱሳኔ ኢያ ዴንዱዋባ አዶሶና። ግርቆሳ ዎንጌላ አይፌ ቆፋታ

ዎንጌላ ዶሜሳ 1:1-13  
ዮሱሲ ጋሊላን ባ አሱዎ አይኪዳይሳ 1:14-9:50  
ዮሱሲ ዮሩሳላሚን አሲዳ አሱዎ 10:1-52  
ወርሴሳ ሳሚንታ ዮሩሳላሚ ሄራን 11:1-15:47  
ዮሱሳ ሃይቆፔ ዴንዱዎ 16:1-8  
ሃይቆፔ ዴንዱዳ ጎዳ ቆንጨሳኔ ሳሎ ኬሳ 16:9-20

#### ፩ዓቂያ ዮሃንሲ አገ ጊጊሴስ (ግቶ 3:1-12፤ ሉቃ 3:1-18፤ ዮሃ 1:19-28)

1 ሃይሲ ዎሳ ናዓ ዮሱስ ኪሪስቶሳ ዎንጌላ ዶሜሳ። 2 ናቢያ ኢሳያሲ ፩ዓዳ ማፃፋን ዎሳይ፡ «ሄኮ፡ ታኒ ታ ኪታንቹዎ ኔፔ ሲንሴ ዮዳና። ኢ ኔ አጊያ ጊጊሳና። 3 ኢሶይ ባዞ ጊዶን ባ ቃላ ዶቁ አሲዲ፡ «ጎዳ አጊያ ጊጊሲቲ፤ ኢ ሃሙታና ሆሮጋ ኢያው ሱሪሲቲ ጊስ» ያጊስ።

4 ፩ዓቂያ ዮሃንሲ አሳ ፩ዓቂሺ፡ «ሂንቱ ናጋራፔ ሲሚዲ ፩ዓቂቲቲ፤ ዎሳይ ሂንቱ ናጋራ አቶ ጋና» ያጊዲ ቃላ አዲሽ ባዞ ቢታፌ ዩስ። 5 ዩሁዳ ቢታን ዴዲያ አሳይ አባይ ኡባይኔ ዮሩሳላሚ ካታማ አሳ አባይ ዮሃንሳኮ ዮሶና። ባንታ ናጋራ ፓዲን፡ ዮሃንሲ ኤንታ ዮርዳኖሴ ሻፋን ፩ዓቂስ። 6 ዮሃንሲ ጊማሌ ኢኪሴፔ ዳዴቲዳ አፊላ ማዴስ። ባ ዲሳን ዳሮ ዳንጨስ፤ ቃሲ ቦሌኔ ዴጌራ ኤሲ ሜስ። 7 ዮሃንሲ ቃላ አዲሽ፡ «ታፔ ጉዮራ ዳሮ ሚኔይሲ ዩስ። ሃሪ አቶሺን፡

ታኒ ኢያ ጫማ ዎዶሩዎ ሆካዳ ቢላናው ቢሲኬ። 8 ታኒ ሂንቱና ሃሳን ፩ዓቂይስ፡ ሺን ኢ ሂንቱና ጌሻ አያናን ፩ዓቂና» ያጊስ።

#### ዮሱሳ ፓጩቱሳ (ግቶ 3:13-17፤ 4:1-11፤ ሉቃ 3:21-22፤ 4:1-13)

9 ዮሱሲ ሄ ዎዴ ጋሊላ ቢታን ዴዲያ ናዞሬቲ ካታማፔ ዩን፡ ዮሃንሲ ዮርዳኖሴ ሻፋን ኢያ ፩ዓቂስ። 10 ዮሱሲ ሃሳፌ ኬያ ዎዴ ሳሎይ ዶዮቲን፡ ጌሻ አያናይ ባ ቦላ ሆሌዳ ዎዲሺን ቤዲስ። 11 ቃሲ ሳሎፔ፡ «ታኒ ዶሲያ ታ ናዓይ ኔና፤ ታ ኔናን ኡፋይታይስ» ያጊያ ቃላይ ዩስ። 12 ኢራ ጌሻ አያናይ ዮሱሳ ባዞ ቢታ ኤፊስ። 13 ዮሱሲ ባዞ ቢታን ፩ዓቂን ፓጩቲሽ አይታሙ ጋላስ ጋምዲስ። ዶዓታራ ዴዲስ፡ ሺን ኪታንቹቲ ዩዲ ኢያ ማዲዶሶና።

#### ዮሱሲ ሞሎ አይኪያ አይዱ አሳታ ያጊስ (ግቶ 4:12-22፤ ሉቃ 4:14-15፤ 5:1-11)

14 ዮሃንሲ ቃሽቲዳፔ ጉዮ ዮሱሲ ዎሳ ካዎቱሳ ዎንጌላ አዲሽ ጋሊላ ቢታ ቢስ። 15 ያን፡ «ዎዴይ ጋኪስ፤ ዎሳ ካዎቱሳይ ማታቲስ። ሂንቱ ናጋራፔ ሲሚዲ፡ ዎንጌላን አማኒቲ» ያጊስ። 16 ዮሱሲ ጋሊላ አባ ማታራ አዲሽ፡ ሞሎ አይኪያ፡ ሲሞናኔ ኢያ ኢሻ ኢንዲሪያሳ፡ ባንታ ጊቲያ አባን ዩጌይሳታ ቤዲስ። 17 ኤንታኮ፡ «ታና ካሊቲ፤ ታኒ ሂንቱና አሴ አይሱ ታማርሳና» ያጊስ። 18 ኤንቲ ሶሁዋራ ባንታ ጊቲያ ዩጊ አጊዲ ዮሱሳ ካሊዶሶና። 19 ዮሱሲ ጉሲ ሲንሴ ቢዲ፡ ናምዑ ኢሻታ ዛብዲዮሳ ናይታ፡ ያይቆባኔ ዮሃንሳ ዎንሉዎ ጊዶን ባንታ ጊቲያ ጊጊሴይሳታ ቤዲስ። 20 ኢ ኤንታ ቤዲዳ ሜላ ያጊስ። ኤንቲ ባንታ አዎ ዛብዲዮሳ፡ ኢያ አሳንቹታራ ዎንሉዎ ጊዶን ዩጊ አጊዲ ዮሱሳ ካሊዲ ቢዶሶና።

#### ቱና አያናይ አይኪዳ ኡራይ ፓዲስ (ሉቃ 4:31-37)

21 ኤንቲ ቁፊርናሆሜ ካታማ ጊሊዶሶና። ሳምባቲ ጊሊዳ ሜላ ዮሱሲ ኤሌሲዲ አይሁዴ ዎሳ ኬሲ ጊሊዲ ታማርሶ አይኪስ። 22 ማታራ ዴዲያ አሳዳ ታማርሴሴፔ አቲን ሂጌ አስታማሬታሶ ታማርሶና ጊሻ አሳይ ኢያ ቲሚርቲያን ማላሌቲዶሶና። 23 ሄ ዎዴ ቱና አያናይ አይኪዳ ኢሲ ኡራይ አይሁዴ ዎሳ ኬሲ ጊሊዲ ባ ቃላ ዶቁ አሲዲ፡ 24 «ናዞሬቲ ዮሱሳ፡ ኔኒ ኑፔ አይ ኮያይ? ኑና ዳይሳናው ያዲ? ኔኒ አኔኮ ታ ኤራይስ፤ ኔኒ ዎሳ ጌሻ ጊዲኪ?» ያጊስ። 25 ዮሱሲ ሄ ቱና አያና፡ «ሃይዛ፡ ሃ አዲያፊ ኬያ» ጊዲ ኪቲስ። 26 ቱና አያናይ ኡራ ዳፌሬሲዲ፡ ዋሲዲ ኢያፔ ኬዩስ። 27 አሳይ አባይ ማላሌቲዲ፡ «ሃይሲ አይሴ? ሃ ኡራይ ባ ማታን ሃሪ አቶሺን ቱና አያናታካ ኪቲስ። ኤንቲ ኢያው ኪቲቶሶና፤ ሃይሲ አይሴ አራሳ ቲሚርቲያ?» ጊዲ፡ ባንታ ጊዶን ኢሶይ ኢሱዎ አይቺዶሶና። 28 ዮሱሳ ሱንሳይ ኤሌሲዲ ጋሊላ ቢታን ዴዲያ ሄራ ኡባን ኬዩስ።

1:2 ሚል 3:1 1:3 ኢሳ 40:3 1:6 2ካዎ 1:8 1:11 ሜዴ 22:2፤ ማዝ 2:7፤ ኢሳ 42:1፤ ግቶ 3:17፤ 12:18፤ ግር 9:7፤ ሉቃ 3:22 1:15 ግቶ 3:2 1:22 ግቶ 7:28



**ዮሱሴ ዳር ሃርጋንቾታ ፓሲስ**  
(ግቶ 8:14-17፤ ሉቃ 4:38-41)

<sup>29</sup> ዮሱሴ አይሁዴ ዎሳ ከሳፌ ከዩዲ፣ ያይቆባራኔ የሃኒሳራ ሲሞና ሶኔ ኢንዲሪያሳ ሶ ቢስ። <sup>30</sup> ሲሞና ግቼ አያ ቆዎ ሚሻ ሃርጋዳ ዜንዲዳሮ ዮሱሴ ያ ጋኪያ ዎዴ ኢያው አዲዶሶና። <sup>31</sup> ኢ ኢኮ ሺቂዲ፣ ኢ ኩሺያ አይኪዲ፣ ኢዮ ዴንሲ ኤሲስ። ቆዎይኔ ሚሻይ አጊን ኢያ ኤንታ ሞካሱ።

<sup>32</sup> ሃርጊዳ አሳ ኡባኔ ቱና አያናቲ አይኪዳ አሳ ኡባ አማርሲ አዋይ ዉሊዳፕ ጉዬ ኢያኮ ኤሂዶሶና። <sup>33</sup> ካታማን ዴዲያ አሳ ኡባይ ሄ ኬሳ ካሬ ሺቂዶሶና። <sup>34</sup> ዮሱሴ ዱማ ዱማ ሃርጊን አይኪቲዳ ዳሮ አሳ ፓሲዲ፣ ዳሮ ቱና አያናታ ኬሲስ። ኢ አኔኮ ቱና አያናቲ ኤሪዳ ጊሾ ኤንታ አዲሶና ዲጊስ።

**ዮሱሴ ጋሊላን ታማርሲስ**  
(ሉቃ 4:42-44)

<sup>35</sup> ዮሱሴ ዎንታ ጉራ ዴንዲዲ፣ አሲ ባይና ቤሲ ቢዲ፣ ያን ዎሳ ዎሲስ። <sup>36</sup> ሲሞኒኔ ኢያራ ዴዴይሳቲ ኢያ ኮዩሼ ቢዶሶና። <sup>37</sup> ኤንቲ ኢያ ዴሚዲ፣ «አሳይ ኡባይ ኔና ኮዩስ» ያጊዶሶና።

<sup>38</sup> ዮሱሴ ቃሲ ኤንታ፣ «ሄ ሄራን ዴዲያ ሃራ ካታማታ ዮዲቱ። ታኒ ዩዳይ ዎንጊላ አዳናው ጊዲያ ጊሾ ያንካ ቃላ አዳናው ቤሴስ» ያጊስ። <sup>39</sup> አይሁዴ ዎሳ ከሳታን ቃላ አዲሼኔ ቱና አያናታ ኬሲሼ፣ ጋሊላ ቢታ ኡባን ዩዩስ።

**ዮሱሴ ባሮ ሃርጋንቾታ ፓሲስ**  
(ግቶ 8:1-4፤ ሉቃ 5:12-17)

<sup>40</sup> ባሮይ አይኪዳ ኢሲ ኡራይ ዮሱሳኮ ዩዲ፣ ኢያ ሲንሳን ጉልባቲዲ፣ «ኔኒ ኮይኮ ታና ጊሻናው ዳንዳሳ» ያጊዲ ዎሲስ።

<sup>41</sup> ዮሱሴ ኢያው ቃዴቲዲ፣ ባ ኩሺያ ዩዲዲ ኢያ ቦቼዲ፣ «ታኒ ኮያይስ፣ ጊያ» ያጊስ።

<sup>42</sup> ሰውቀራ ባሮይ ኡራ ዩዲን ኡራይ ፓዲስ።

<sup>43</sup> ዮሱሴ ኡራ ሚንሲ ናጊሲዲ ኬሲ ዩዲስ።

<sup>44</sup> ዮሱሴ ኢያ፣ «ኔና ኡራ፣ ሃይሳ አዴስካ አዶፓ። ሺን ባዳ ኔ አሳቱሳ ካሂኔ ቤሳ። ኔኒ ሃዲ ጊሺ ጊዲዳይሳ አሳ ኤሪሳናው፣ ሙሴይ ኪቲዳ ያርሹዋ ያርሻ» ያጊስ።

<sup>45</sup> ሺን ኡራይ ቢዲ፣ ጉታ ኡባን አሳ ኡባስ አዲስ። ሄሳ ጊሾ፣ ዮሱሴ ቆንጩ ከዩዲ፣ ካታማ ጊላናው ዳንዳዲቤና። ሺን አሲ ባይናሶን ጋግን ዴዲስ፤ ቃሲ አሳይ ኡባ ቤሳፌ ኢያኮ ዮሶና።

2

**ዮሱሴ ጉንዳ ኡራ ፓሲስ**  
(ግቶ 9:1-8፤ ሉቃ 5:17-26)

<sup>1</sup> ጉሳ ጋላሳፕ ጉዬ ዮሱሴ ቂፊርናሆሜ ሲሚዲ፣ ሶን ዴዴስ ጊያ አዳይ ሲዲቲስ።

<sup>2</sup> አሳ ከሳይ ኡኮና ኢዲን፣ ሃራ አቶሺን ካሬይካ ፀማና ጋካናው ዳሮ አሳይ ሺቂን፣ ዮሱሴ ቃላ ታማርሲስ። <sup>3</sup> አይዱ አሳቲ ኢሲ ጉንዳ ኡራ ቶኪዲ ኢያኮ ኤሂዶሶና። <sup>4</sup> አሳይ ዳሪዳ ጊሾ ኡራ ዮሱሳኮ ሺሻናው ኤንታው ዳንዳዲቶና ኢዲን፣ ዮሱሴ ዴዲያ ጊናራ ኬሳ ቃሪዲ፣ ካራ ቃዉዲዲ ኡራ ኢ ዜንዲዳ አልጋራ ዱጌ ዩዲዲ ዮሱሳ ሲንሳን ዎዲሲዶሶና። <sup>5</sup> ዮሱሴ ኤንታ አማኑዋ

ቤዲዲ፣ ሄ ጉንዳ ኡራ፣ «ታ ናዓው፣ ኔ ናጋራይ አቶ ጌቱቲስ» ያጊስ።

<sup>6</sup> ሂጌ አስታማሬታፕ ሄ ቤሳን ኡቲዳ ኢሶቲ ኢሶቲ ባንታ ዎዳናን፣ <sup>7</sup> «ላ ሃ ኡራይ ሃይሳ ሚላ ኢታባ ዎሳ ቦላ አይስ አይቲ? ዎሳ ሃላላፕ አቲን ሃራ ኦኒ ናጋራ አቶ ጋናው ዳንዳዲ?» ጊዲ ቆፒዶሶና።

<sup>8</sup> ኤንቲ ባንታ ዎዳናን ሄሳዳ ቆፒዳይሳ ዮሱሴ ሰውቀራ ባ አያናን ኤሪዲ፣ ኤንታኮ፣ «ሂንቱ ሂንቱ ዎዳናን አይስ ሄሳዳ ቆፒቲ?» <sup>9</sup> ጉንዳ ኡራ፣ «ኔ ናጋራይ አቶ ጌቱቲስ» ጊይሲ ማቱዬ? ዎይኮ፣ «ዴንዳ ኤቃዳ ኔ አልጋ ቶካዳ ባ» ጊይሲ ማቱ? <sup>10</sup> ሺን ታው፣ አሳ ናዓስ፣ ሳዓ ቦላ ናጋራ አቶ ጋናው ማቲ ዴዴይሳ ሂንቱ ኤራና ሜላ» ጊዲ ሄ ጉንዳ ኡራኮ፣ <sup>11</sup> «ኔና ጋይስ፣ ዴንዳ ኤቃዳ ኔ አልጋ ቶካዳ ኔ ሶ ባ» ያጊስ።

<sup>12</sup> ኡራይ ኤሴሲ ዴንዲ ኤቂዲ፣ ባ አልጋ ቶኪዲ አሳ ኡባይ ቤዲሺን ቢስ። አሳይ ኡባይ ማላሌቲዲ፣ «ኦኒ ሃይሳ ሜላ ማላሊሲያ ቤዲ ኤሮኮ» ያጊዲ ዎሳ ጋላቲዶሶና።

**ዮሱሳ ሌዌ ያጊስ**  
(ግቶ 9:9-13፤ ሉቃ 5:27-32)

<sup>13</sup> ዮሱሴ ቃሲ ጋሊላ አባ ዶና ሲሚ ቢዲ፣ ባኮ ዩዳ አሳ ኡባ ታማርሲስ። <sup>14</sup> ያራ አዲሼ፣ ኢልፊዮሳ ናዓ ሌዌ ጌቱቲይሲ ቃራግ ቃንጊሲያ ቤሳን ኡቲዳይሳ ቤዲዲ፣ «ታና ካላ» ያጊስ። ሌዌይ ዴንዲ ኤቂዲ ኢያ ካሊስ።

<sup>15</sup> ዮሱሴ ካሲ ማናው ሌዌ ሶን ኡቲስ። ኢያ ካሊያ አሳይ ዳሮ ጊዲያ ጊሾ ቃራግ ቃንጊሲያ ዳሮ አሳይኔ ናጋራንቾቲ ኢያራኔ ኢያ ታማሬታራ ኢሲፌ ኡቲዶሶና። <sup>16</sup> ሂጌ አስታማሬ ጊዲዳ ኢሲ ኢሲ ፋሪሳዌቲ ዮሱሴ ናጋራንቾታራኔ ቃራግ ቃንጊሴይሳታራ ካሲ ሚሺን ቤዲዲ፣ «ኢ አይስ ናጋራንቾታራኔ ቃራግ ቃንጊሴይሳታራ ካሲ ሚ?» ያጊዲ፣ ኢያ ታማሬታ አይቼዶሶና።

<sup>17</sup> ዮሱሴ ኤንቲ ጊይሳ ሲዲዲ፣ «ሃርጋንቾታፕ አቲን ፓግታስ አኪሜ ኮሼና። ታኒ ናጋራንቾታ ዪጋናው ያሲፕ አቲን ዪሎታ ዪጋናው ያቢኬ» ያጊዲ ኤንታው ዛሪስ።

**ዎማባ ኤራናው ሺቂዳ አይሻ**  
(ግቶ 9:14-17፤ ሉቃ 5:33-39)

<sup>18</sup> ሃማቂያ የሃኒሳ ታማሬቲኔ ፋሪሳዌቲ ዎሞሶና። ኢሲ ኢሲ አሳቲ ዮሱሳኮ ዩዲ፣ «የሃኒሳ ታማሬቲኔ ፋሪሳዌታ ታማሬቲ ዎሞሶና፣ ሺን ኔ ታማሬቲ አይስ ዎሞኮና?» ያጊዶሶና።

<sup>19</sup> ዮሱሴ ኤንታኮ፣ «ያጋኑዋ ዩዳ አሳቲ ማቼው ኤኬይሲ ኤንታራ ዴዲሺን፣ ዎማናው ዳንዳዎና? ማቼው ኤኬይሲ ኤንታራ ዴዲሺን፣ ዎማናው ዳንዳዎኮና?» <sup>20</sup> ሺን ማቼው ኤኬይሲ ኤንታ ማታፕ ኤኬታና ዎዴይ ያና፣ ኤንቲ ሄ ዎዴ ዎማና።

<sup>21</sup> «ጩጋ ማዎ ቦላ አራሳ ዎሲዲ ሲኪያ አሲ ባዋ፣ ዎሲዲ ሲኪኮ፣ አራሳይ ጩጋ ማዎ ዳኬስ፤ ዳኬሳይካ ካሴይሳፌ ዳሪስ። <sup>22</sup> ቃሲ ማልግንቶ ዎይኔ ጩጋ አጎሮን ቆሊያ አሲ ባዋ፣ ሺን ቆሊኮ፣ ሄ ዎይኔይ አጎሮ-ዋ ዳኬስ፣ ባዉካ ጉኬስ፣ አጎሮይካ ኢቲስ። ሺን ማልግንቶ ዎይኔይ አራሳ አጎሮን ቆሊቲስ» ያጊስ።

**ሳምባታባ ኤራናው ሸቂዳ አይሻ**  
(ማቶ 12:1-8፤ ሉቃ 6:1-5)

23 ዮሱሴ ኢሲ ሳምባታ ጋላስ ባንጋ ጋዴ ጊዶራ አዲሽን፤ ኢያ ታማራቲ ኢያራ ቢሼ ባንጋ ቲያ ሸርኪዲ ሞሶና። 24 ፋሪሳዌቲ ዮሱሳኮ፤ «ሄኮ፤ ኔ ታማራቲ ሳምባታ ጋላስ ዎጋ ጊዶናባ አይስ አሶና?» ያጊዶሶና።

25 ዮሱሴ ኤንታኮ፤ «ዳዊቴይ ኮሻቲዲ፤ ሚያባ ኮዬዳ ዎዴ ባራ ዴዴይሳታራ አሲዳይሳ ናባቢቤኬቲ? 26 አቢያታሪ ካሂኔ ሃላቃ ጊዲዲ ዴዲያ ዎዴ ዳዊቴይ ያሳ ኬሲ ጌሊዲ፤ ካሂኔታ ሃላሊ ማናፔ አቲን አኒካ ማናው ዎጋ ጊዶናይሳ ጎዳ ሲንሳን ዎሲዳ ዳቡዋ ሚስ፤ ባራ ዴዴይስታስካ ኢሚስ» ያጊስ።

27 ቃሲካ ዮሱሴ ኤንታኮ፤ «ሳምባቲ አሳ ናዓ ጎዓስ ሜዴቲሲፔ አቲን አሲ ሳምባታስ ሜዴቲቤና። 28 ሄሳ ጊሾ፤ አሳ ናዓይ፤ ሃሪ አቶሺን ሳምባታስካ ጎዳ» ያጊስ።

**3**

**ዮሱሴ ኩሼ ጉንዳ ኡራ ፓሲስ**  
(ማቶ 12:9-14፤ ሉቃ 6:6-11)

1 ዮሱሴ አይሁዴ ዎሳ ኬሲ ሲሚ ጌሊስ። ያን ኩሼይ ጉንዲዳ ኢሲ ኡራይ ዴዴስ። 2 ኢሲ ኢሲ አሳይ ዮሱሳ ሞታናው ኮዬዲ፤ ኩሼይ ጉንዲዳ ኡራ ሳምባታ ጋላስ ኢ ፓሲኮኔ አጊኮ ቤዓናው ኮዬዲ ሚንሲዲ ናንሶና። 3 ዮሱሴ ኩሼይ ጉንዲዳ ኡራ፤ «ዴንዳ ኤቃዳ ሃ ሲንሴ ያ» ያጊስ። 4 ሄሳፊ ጉዬ፤ አሳኮ፤ «ሳምባታ ጋላስ ሎዎባ አሴይሲ ዎጊዬ ኢታባ አሴይሲ ዎጊ? አሳ ሼምፖ አሾዬ ዎይኮ ዎዶ?» ያጊዲ አይቺስ።

5 ሺን አሳይ ሲዲ ጊስ። 6 ዮሱሴ ሃንቁቲዲ፤ ኤንታ ዩሺ አሲ ያሊዲ፤ ኤንቲ አዲን ሲዎናይሳታ ጊዲያ ጊሾ ኤንታ ቦላ ዳሮ አዛኒስ። ሄ አዲያኮ፤ «ኔ ኩሼያ ፒዲ አሳ» ያጊስ። ኡራይ ፒዲ አሲን ኢያ ኩሼይ ፓሊስ። 6 ኤሌሲዲ ፋሪሳዌቲ አይሁዴ ዎሳ ኬሳፊ ካሬ ኬዬዲ፤ ዮሱሳ ዋቲ ዎዳኔኮ ማቁታናው ሄሮዲሳ ባጋታራ ኢሲ ሶ ሸቂዶሶና።

**አሳይ ዮሱሳኮ ሸቂዶሶና**

7 ዮሱሴ ባ ታማራታራ ጋሊላ አባኮ ቢስ። ጋሊላፔኔ ዩሁዳፔ ዩዳ ዳሮ አሳይ ኢያ ካሊዶሶና። 8 ቃሲካ ዩሩሳላሜፔ፤ ኢዱሚያሳፔ፤ ዮርዳኖሴ ሻፋ ፒንሳፊ፤ ዲሮሳ ካታማፔኔ ሲዶና ካታማፔ ዮሱሴ አሲዳባ ሲዲዲ፤ ዳሮ አሳይ ኢያኮ ዩዶሶና። 9 አሳ ዳሮቴሳፊ ዴንዶይሳን ኢያ ኡንዴሶና ሜላ ኢያ ታማራቲ ዎንሎ ኢያው ጊጊሳና ሜላ ኪቲስ። 10 ዳሮ አሳ ኢ ፓሲዳ ጊሾ ሃርጊያ አሳ ኡባይ ኢያ ቦቻናው ሱጌቶሶና። 11 ቱና አያናይ አይኪዳ አሳቲ ኢያ ቤዲዳ ዎዴ ኢያ ሲንሳን ኩንዲዲ፤ ባንታ ቃላ ዶቁ አሲዲ፤ «ኔኒ ያሳ ናዓ ጊዲኪ?» ያንሶና።

12 ዮሱሴ ሄ ቱና አያናቲ ባናቴሳ አዴስካ ቆንጫሶና ሜላ ኤንታ ሚንሲዲ ሃንቁቲስ።

**ዮሱሴ ታማኔ ናምዑ ሃዋራታ ዶሪስ**  
(ማቶ 10:1-4፤ ሉቃ 6:12-16)

13 ዮሱሴ ዴሪያ ቦላ ኬዬዲ፤ ባ ኮዬዳ አሳታ ባኮ ያጊስ፤ ኤንቲካ ኢያኮ ቢዶሶና። 14 ኤንቲ ባራ ዳና ሜላኔ ቃላ ታማርሳና ሜላ ታማኔ ናምዓታ ዶሪዲ፤ ኤንታ፤ «ሃዋራታ» \* ጊዲ ሱንሲስ። 15 ቱና አያናታካ ኬሳና ሜላ ኤንታው ማታ ኢሚስ።

16 ኢ ዶሪዳ ታማኔ ናምዓቲ ሃይሳታ፤ ጳጊሮሳ ያጊዲ ሱንሲዳ ሲሞና። 17 ቦዔርጌስ (ዳዳ ዳኒያ አሳታ) ያጊዲ ሱንሲዳይሳታ፤ ዛብዲዮሳ ናይታ ያይቆባኔ ያይቆባ ኢሻ ዮሃኒሳ፤ 18 ኢንዲሪያሳ፤ ፊልጶሳ፤ ባርቶሎሚዮሳ፤ ማቶሳ፤ ቶማሳ፤ ኢልፊዮሳ ናዓ ያይቆባ፤ ታዲዮሳ፤ ባ ቢታስ ሚሼቲያ ሲሞና፤ 19 ዮሱሳ አሲ ኢሚዳ አስቆሮታ ዩሁዳ።

**ዮሱሳኔ ቢዔልዜቡላ**

(ማቶ 12:22-32፤ ሉቃ 11:14-23፤ 12:10)

20 ሄሳፊ ጉዬ፤ ዮሱሴ ሶ ቢስ። ቃሲ ዳሮ አሳይ ሸቂን፤ ኢኔ ኢያ ታማራቲ ሃሪ አቶሺን ካሲ ማናውካ ዳንዳሲባኮና። 21 አሳይ ኢያ፤ «ጎዬስ» ጊያ ጊሾ ኢያ ዳቦቲ ሄሳ ሲዲዲ ኢያ ኤካናው ቢዶሶና።

22 ሂጌ አስታማራታፔ ኢሶቲ ኢሶቲ ዩሩሳላሜፔ ዩዲ፤ «ኢያ ቦላ ቢዔልዜቡሊ ዴዴስ»፤ ኢ፤ «ግላሄይ ዎልቃን ቱና አያናታ ኬሴስ» ያጊዲ አዴቲዶሶና።

23 ዮሱሴ አሳ ባኮ ያጊዲ ሎሚሶ አዲስ። «ግላሄይ ግላሄ ዋቲ ኬሳናው ዳንዳሲ? 24 ኢሲ ካዎቴሳይ ባ ጊዶን ሻኬቲኮ ሄ ካዎቴሳይ ኤቃናው ዳንዳሲና። 25 ሄሳዳካ፤ ኢሲ ኬሳ አሳይ ባንታ ጊዶን ሻኬቲኮ ዳያናፔ አቲን ዳናው ዳንዳሲኮና። 26 ሂዛ፤ ግላሄይ ባራ ካጩቲዲ ሻኬቲኮ ዳዮፔ አቲን ዳናው ዳንዳሲና።

27 «ሺን ኮይሮቲዲ ዎልቃማ ኡራ ቃቾና ዴዲሼ ኢያ ኬሳ ጌሊዲ፤ ኢያ ሚሺያ ቦንቃናው ዳንዳሲያ አሲ ባዋ። ቃቺ ሲሚዲ ኢያ ኬሳ ቦንቃናው ዳንዳሲና።

28 «ታኒ ሂንቴው ቱማ አዳይስ፤ ያሳይ አሳ ናይታስ ናጋራ ኡባኔ ኤንቲ ጫያ ጫሼ ኡባ አቶ ጋና። 29 ሺን ጌሻ አያና ቦላ ኢታባ አዴቲያ አዴስካ ሜሪና ናጋራ ጊዳናፔ አቲን ያሳይ ኡባራካ ኢያ ማሪና» ያጊስ። 30 ዮሱሴ ሄሳ ጊዳይ፤ ኢሲ ኢሲ አሳቲ፤ «ኢያ ቦላ ቱና አያናይ ዴዴስ» ያጊዳ ጊሾሳ።

**ዮሱሳ አዩወኔ ኢያ ኢሻታ**

(ማቶ 12:46-50፤ ሉቃ 8:19-21)

31 ኢያ አያኔ ኢያ ኢሻቲ ዩዲ ካሬን ኤቁዲ፤ ኢያኮ አሴ ኪቲዲ ኢያ ያጊዶሶና። 32 ኢያ ማታን ኡቲዳ ዳሮ አሳቲ፤ «ሄኮ፤ ኔ አዮራኔ ኔ ኢሻታራ ካሬን ኤቁዲ ኔና ኮዮሶና» ያጊዶሶና።

33 ዮሱሴ ዛሪዲ፤ «ታ አያ አኔ? ቃሲ ታ ኢሻቲ አናንቱ?» ያጊስ። 34 ባ ማታን ኡቲዳ አሳ ዩሺ አሲ ያሊዲ፤ «ሄኮ፤ ታ አያአኔ ታ ኢሻቲ ሃይሳታ። 35 ያሳይ ሸኒያ አሲያ ኡባይ ታ ኢሻ፤ ታ ሚቾኔ ታ አዮ» ያጊስ።

2:23 ዛሬ 23:25 2:25 1ሳሙ 21:1-6 2:26 ሌዌ 24:9 3:9 ማር 4:1፤ ሉቃ 5:1-3 \* 3:14 ሃዋራ፡ ሃዋራ ጉሳይ ኪቱቲዳይሳ ጉሱ። 3:22 ማቶ 9:34፤ 10:25 3:29 ሉቃ 12:10

4

**ዘሬሲ ዘሪያ ኡራ ሌሚሶ**  
(ግቶ 13:1-9፤ ሉቃ 8:4-8)

1 ዮሱሲ ዛሪዲ ጋለላ አባ ማታን ታማርሴስ። ዳሮ አሳይ ኢያ ዩሹዋን ሺቂን፤ አባን ዴሲያ ዎጎሉዋ ጊዶ ጌሊዲ ኡቲስ፤ አሳ ኡባይ አባ ማታን ዴሜስ። 2 ኢ ኤንታ ዳሮባ ሌሚሶን ታማርሴስ። ታማርሴሽ ሃይሳዳ ያጊስ።

3 «ሲዲቴ! ኢሲ ኡራይ ዘሬሲ ዘራናው ከዩስ። 4 ኢ ዘሪሺን፤ ኢሲ ኢሲ ዘሬሳይ አጌ ጋገን ዎዲስ፤ ካፎቲ ዩዲ ሚዶሶና። 5 ኢሲ ኢሲ ዘሬሳይ ጋርሳን ሻሎይ ዴሲያ ቢታ ቦላ ዎዲስ። ዳሮ ቢቲ ባይና ጊሾ ሄ ዘሬሳይ ኤሌሲዲ ዶሊስ። 6 ሺን አዊ ከዩዳ ዎዴ ሹሊስ። ሎይሲዲ ጻጸ ዩዲቦና ጊሾ ኤሌሲ ሚሊስ። 7 ኢሲ ኢሲ ዘሬሳይ አጉንሳ ጊዶን ዎዲስ። ዶሊዳይሳ አጉንሳይ ዲጫዲ ጩሊዳ ጊሾ አይፌ አይፎና አቲስ። 8 ኢሲ ኢሲ ዘሬሳይ አራዳ ቢታን ዎዲዲ ዶሊስ። ዲጫዲ ኢሶይ ሃስታማ፤ ኢሶይ ኡሱፑን ታማ ኢሶይ ዪታ አይፊስ» ያጊስ። 9 «ሲዲያ ሃይሲ ዴሲያ አኒካ ሲያ» ያጊስ።

**ዮሱሲ ሌሚሶን አዲዳ ጋሱዋ**  
(ግቶ 13:10-17፤ ሉቃ 8:9-10)

10 ዮሱሲ አዲዳይሳ ሲዲዳ ኢሲ ኢሲ አሳቲኔ ታማኔ ናምቡ ታማሬቲ ዮሱሲ ባርካ ዴሚሺን፤ ኢያኮ ሺቂዲ ሄ ሌሚሱዋ ቢርሼላ አይቺዶሶና።

11 ዮሱሲ ኤንታኮ ሃይሳዳ ያጊስ። «ሂንቴው ዶሳ ካዎቴሳ ፁራ ኤሮይ ኢሜቲስ። ሺን ሃራታስ ካዎቴሳፌ ካሪን ዴሜይሳታስ ኡባባይ ሌሚሶን አዴቴስ። 12 ጋሶይካ፤

«ኤንቲ ዪሎሶና፤ ሺን ዴምኮና፤

ሲዶሶና፤ ሺን አኬኮኮና፤

ኤንቲ ዴሚያኮኔ አኬኪያኮ፤

ዶሳኮ ሲማና

ኢካ ኤንታ ማራናሺን»

ያጊስ።

**ዘሬሳ ሌሚሱዋ ቢርሼላ**  
(ግቶ 13:18-23፤ ሉቃ 8:11-15)

13 ዮሱሲ ኤንታኮ፤ «ሃ ሌሚሶይ ሂንቴው ጌሌኔ? ያቲን፤ ሌሚሶ ኡባ ሂንቴ ዋቲ አኬካኔ?

14 ዘሬሪሲ ዶሳ ቃላ ዘሬስ። 15 ቃላይ ዘሬቲያ ዎዴ አጌ ጋገን ዎዲዳይሳቲ ቃላ ሲዲዳይሳታ።

ሺን ጻላሄይ ሰሁዋራ ዩዲ፤ ኤንታ ዎዛናን ዘሬቲዳ ቃላ ማጊ ዲጌስ። 16 ሄሳዳካ፤ ጋርሳን ሻሎይ ዴሲያ ቢታን ዘሬቲዳይሲ ቃላ ሲዲዲ፤

ኤሌሲዲ ኡፋይሳን ኤኬይሳ። 17 ሺን ኤንታው ሚኖ ጻጸይ ባይና ጊሾ ሃሲሳፌ አቲን ጋምዎኮና።

ጉላ ዎዴፕ ጉዩ ቃላ ጋሶን ዋዩይ ዎይኮ ጎዲ ጋኪያ ዎዴ ኤሌሲዲ ዱቤቶሶና። 18 አጉንሳ ጊዶን ዘሬቲዳይሲ ቃላ ሲዲይሳታ። 19 ሺን ሃ ሳዳ ዴቡዋስ ሂርጎይ፤ ዱሬቴላ ዶሶይኔ ሃራባ አዋቴይሲ ኢያ ዎዛናን ጌሊዲ ቃላ ጩሊያ ጊሾ

አይፌ አይፎና አቲስ። 20 ሺን አራዳ ቢታን ዘሬቲዳይሳቲ ቃላ ሲዲዲ ኤኬይሳታ። ኤንቲ ኢሶይ ሃስታማ፤ ኢሶይ ኡሱፑን ታማ ኢሶይ ዪታ አይፊስ» ያጊስ።

**ጌማን ዴሲያ ዶምፔ**  
(ሉቃ 8:16-18)

21 ዮሱሲ ጉጂዲ፤ «ዶምፔ ኤኪዲ፤ ዳሾፌ ዎይኮ አልጋፌ ጋርሳን ዎሲያ አሲ ዴሲ? ዶቃ ቢሳን ዎሴኔዩ? 22 ሂዛ፤ ቆሴቲዳባይ ኡባይ ቆንጩ ኪያና፤ ጌሚዳባይ ኡባይ ኤሬቶና አቲና።

23 ሲዲያ ሃይሲ ዴሲያ አኒካ ሲያ» ያጊስ።

24 ቃሲ ኤንታኮ፤ «ሂንቴ ሲዲያባ አኬኪዲ ሲዲቴ! ዶሳ ቃላ ሂንቴ ሲዲይሳ ሜላ ኢ ሂንቴው አኬካ ኢማና። ኡባካ ሂንቴው ዳርሲዲ ኢማና።

25 ኢሲባይ ዴሲያ ኡራስ ጉጂ ኢሜታና፤ ባይናይሳፌ ሃሪ አቶሺን፤ ኢያው ዴሲያ ሄ ጉሲያካ ኤኬታና» ያጊስ።

**ዲጫያ ዘሬሳ ሌሚሶ**

26 ዮሱሲ ዛሪዲ፤ «ዶሳ ካዎቴሳይ ባ ጋዴን ዘሬሲ ዘሪያ አሳ ሜላ። 27 ሄ ኡራይ ቃማ ዲስኬስ፤ ዎንታ ዴንዴስ። ኢ ባ ሁዲን ዋኒያኮ ኤሮና ዴሚሺን ሄ ዘሬሳይ ዶሌሲኔ ዲጩስ። 28 ቢታይ ካሲ ባርካ ኢሜስ። ኮይሮ ዶሊዲ ዲጩስ፤ ካሊዲ አይፋናው ጋምቡዪስ፤

ዉርሴሳን ኩሜላ አይፌ አይፌስ። 29 ሺን ካሳይ ጋኪያ ዎዴ ኡራይ ሰሁዋራ ባጫራ ጌሊ አጌስ» ያጊስ።

**አይፌ ጉላ ሚሳ ሌሚሶ**

(ግቶ 13:31-34፤ ሉቃ 13:18-19)

30 ዮሱሲ፤ «ኮኒ ዶሳ ካዎቴሳ አይ ዳኔስ ጋኔ? ዎይኮ አይቢራ ሌሚሳኔ? 31 ዶሳ ካዎቴሳይ አይፌ ጉላ ሚሲ ዳኔስ። ሄ ሚሳ አይፊያ ዘሪያ ዎዴ ሳጻን ዴሲያ ሚሳ አይፌ ኡባፌ ጉዪስ። 32 ዘሪን ዶሊዲ አታኪልቲ ኡባፌ ጊታቴስ፤ ዳሮ ዳሺ ዳዩስ። ካፎቲ ኢያ ታሺያ ቦላ ኬዪዲ ኡታና ጋካናው ዳዩስ» ያጊስ።

33 ዮሱሲ ሃይሳ ሜላ ዳሮ ሌሚሶን አሳይ አኬካናው ዳንዳዴሳ ሜላ ቃላ አዲስ። 34 አሳስ ሌሚሶይ ባይና አዴና። ሺን ዮሱሲ ባ ታማሬታ ጻላላራ ዴሲያ ዎዴ ኤንታው ኡባባ ቢርሼዲ አዲስ።

**ዮሱሲ ሆቢያ ሲዲ አሲስ**

(ግቶ 8:23-27፤ ሉቃ 8:22-25)

35 ሄ ጋላስ ሳዳይ አማርሲን፤ ዮሱሲ ባ ታማሬታኮ፤ «አባፌ ሄሬንሲ ፒኖስ» ያጊስ።

36 ኢያ ታማሬቲ ዳሮ አሳ ዩጊ አጊዲ፤ ዮሱሲ ካሴ ጌሊ ኡቲዳ ዎጎሉዋን ጌሊዲ ዮሱሳ ባንታራ ኤሬዶሶና። ሃራ ዎጎሎቲካ ያን ዴዶሶና።

37 ዎልቃማ ጎቴይ ዴንዲዲ፤ ሆቢይ ዎጎሉዋ ሾጩን፤ ኩማና ጋካናው ዎጎሉዋ ጊዶ ሃሲ ጌሊስ። 38 ሄ ዎዴ ዮሱሲ ዎጎሉዋን ጉዩ ባጋራ ቦርኮቲዲ ዲስኪስ። ኢያ ታማሬቲ ኢያ ዴንሲዲ፤ «አስታማሪያው፤ ኮኒ ዳያ ዎዴ ኔ ሲዲ ጋዳ ያላይ?» ያጊዶሶና።

39 ያቲን፤ ኢ ባርኪዲ ጎቲያ፤ «ሲዲ ጋ» ጊዲ፤ አባካ፤ «ዎፑ ጋ» ጊስ። ጎቴይካ ሲዲ ጊን ኡባባይ ዎፑ ጊስ። 40 ዮሱሲ ባ ታማሬታኮ፤ «አይስ ሃይሳዳ ባቤቲ? ሂንቴው አማናይ ዋኒዲ ዳዩዴ?» ያጊስ።

41 ኤንቲ ዳሮ ባቢዲ ባንታ ጊዶን፤ «ሃይሲ ሃሪ አቶሺን፤ ጎቴይኔ አባይ ኪቴቴይሲ አኔ?» ያጊዶሶና።

4:1 ሉቃ 5:1    4:12 ኢሳ 6:9    4:21 ግቶ 5:15፤ ሉቃ 11:33    4:22 ግቶ 10:26፤ ሉቃ 12:2    4:25 ግቶ 13:12፤ 25:29፤ ሉቃ 19:26    4:29 ኢዩ 3:13



5

ቱና አያኒ አይኪዳ ኡራይ ፓጊስ  
(ግቶ 8:28-34፤ ሉቃ 8:26-39)

1 ዮሱሴኔ ኢያ ታግሬቲ አባ ፒኒዲ፣ ጌርጌሶኔ ጊያ ቢታ ጋኪዶሶና። 2 ዮሱሴ ምጎሎጥፕ ምዲያ ምዴ ቱና አያናይ አይኪዳ ኢሲ ኡራይ ዱፎፕ ኪዬዲ ኢያራ ጋሄቲስ። 3 ሄ ኡራይ ዱፋዋን አቂ ፕዲዲ ዴዴስ። ኢያ አኒካ ሳንሳላታን ቃቻናው ዳንዳዴና። 4 ኢ ዳሮ ቶሆ ዱሳኒኔ ሳንሳላታን ቃቸቲዲ ዴዴስ። ሺን ሳንሳላታ ዱሴሬሴስ፣ ዱሳ ሜንሴሬሴስ። ኢያ ቱቃናው ዳንዳዲያ አኒካ ባዋ። 5 ኢ ቃማኔ ጋላስ ሄ ዱፋዋኒኔ ዴሬ ቦላ ዋሴስ፣ ባ ቦላካ ቸቻን ጋሬስ።

6 ዮሱሳ ሃሆን ቤዲዳ ምዴ ምዲ ቢዲ ኢያ ሲንሳን ጉልባቲስ። 7 ሄ ኡራይ ባ ቃላ ዶቁ አሲዲ፣ «ኡባሬ ቦላ ምጎ ናዓው ዮሱሳ፣ ኔናኔ ታና አይቤ ጋሴይ? ታና ዳይሶና ሜላ ታኒ ኔና ምጎ ሱንሳን ምሳይስ» ያጊስ። 8 ኢ ሄሳ ጊዳይ ዮሱሴ ኢያ፣ «ላ ሃ ቱና አያናው፣ ሃ አዲያሬ ኪያ» ያጊዳ ጊሾሳ።

9 ዮሱሴ ኢያኮ፣ «ኔ ሱንሳይ አኔ?» ያጊዲ አይቺስ።

ኢ፣ «ኑኒ ዳሮ ጊዲያ ጊሾ ታ ሱንሳይ ሌጊያና» ያጊስ። 10 ቱና አያናቲ ባንታና ሄ ቢታሬ ኪሲ ዮዶና ሜላ ዮሱሳ ሚንሲዲ ምሲዶሶና።

11 ሄ ዴሬሶ ቦላ ዳሮ ጉዱንሶ ወዴይ ሃሙቱስ። 12 ቱና አያናቲ ዮሱሳኮ፣ «ኑና ሂኒ ጉዱንሶ ወዲያኮ ዮዳርኪ፣ ኤንታን ቢዲ ጌሎስ» ያጊዲ ምሲዶሶና። 13 ዮሱሴ ኤንታኮ፣ «ቢቱ» ያጊስ። ያቲን ቱና አያናቲ አዲያሬ ኪዬዲ ጉዱንሶታን ጌሊዶሶና። ናምዑ ሙኩሉ ጊዲያ ጉዱንሶ ወዴይ አፎ ዶናራ ዲርጊዲ ቢዲ አባን ጌሊዲ ሚቱቲዶሶና።

14 ጉዱንሶ ወዲያ ሄሜይሳቲ ባቃቲ ቢዲ ሃኒዳባ ካታማኒኔ ጋግሪያን አዲዶሶና። ያቲን አሳይ ሃኒዳባ ቤዓናው ኪዬዶሶና። 15 አሳይ ዮሱሳኮ ያ ምዴ ቱና አያናን አይኪቲዳ ኡራ ቤዲዶሶና። ኢ ባ ምዛናኮ ሲሚዲ፣ ማያ ማዲዲ፣ ያን ኡቲዳይሳ ቤዲዳ ምዴ ኡባይ ያዬዶሶና። 16 ሄሳ ቤዲዳ አሳቲ ቱና አያናቲ አይኪዳ ኡራ ቦላኔ ጉዱንሶታ ቦላ ሃኒዳባ ኡባ አሳስ አዲዶሶና። 17 ሄሳ ጊሾ፣ አሳይ ባንታ ቢታሬ ዮሱሴ ባና ሜላ ምሲዶሶና።

18 ዮሱሴ ምጎሎጥን ጌሊያ ምዴ ካሴ ቱና አያናይ አይኪዲ ዮዲዳ ኡራይ፣ ዮሱሳ ካላናው ኢያ ምሲስ። 19 ሺን ዮሱሴ ኢዲዲ ኢያኮ፣ «ኔ ሶ ሲማዳ፣ ጎዳይ ኔው አይ ሜላ ጊታባ አሲዳኮኔ ኔው አይ ሜላ ኪሂዳኮ ኔ ሶ አሳስ አዳ» ያጊስ።

20 ኡራይ ቢዲ ታሙ ካታማ ጊያሶን ዩዬዲ፣ ዮሱሴ ባው አይ ሜላ ጊታባ አሲዳኮ አዲስ። ኢ አዲዳይሳ ሲዲዳ አሳ ኡባይ ማላሌቲዶሶና።

ሃይቂዳ ናዒወኔ ዮሱሳ ማዑዋ ቦቺዳ ማጫሲው

(ግቶ 9:18-26፤ ሉቃ 8:40-56)

21 ዮሱሴ ሲሚዲ፣ ምጎሎጥን ጌሊዲ፣ አባ ፒኒዳፕ ጉዬ ዳሮ አሳይ አባ ጋግን ኢያ ዩቸዋን ሺቂዶሶና። 22 ኢያሮሳ ጊያ አይሁዴ ምሳ ኪሳ ሃላቃታፕ ኢሶይ፣ ዮሱሳ ቤዲዳ ምዴ ኢያኮ ዩዲ ኢያ ቶሆባ ቦላ 23 ኩንዲዲ፣ «ታ ናዒያ ሃርጋዳ ሃይቃና ሃናውሱ። ኢያ ፓግዳ ዴዓና ሜላ ያዳ ኔ

ኩሺያ ኢ ቦላ ምሳርኪ» ያጊዲ ዮሱሳ ሚንሲዲ ምሲስ።

24 ዮሱሴ ኢያሮሳራ ቢስ። ኢ ቢሺን ዳሮ አሳይ ኢያ ካሊዲ ኡንዴሲዶሶና።

25 ታማኔ ናምዑ ሳይሴ ኢ ቦላሬ ሱሴ ጎጊያ ኢሲ ማጫሲያ ዴዓውሱ። 26 ዳሮ አኪሜቲ ኢዮ አኪሚዶሶና፣ ሺን ኢያ ፓግ ካዴታሱ። ኢያ ባ ሚሺያ ኡባ ወርሲንካ ኢው ሃ ኢቲስፕ አቲን አይኮካ ማዲቤና። 27 ሄ ማጫሲያ ዮሱሳባ ሲዳዳ፣ አሳ ካንሳዳ ዮሱሳ ጉዬራ ያዳ ኢያ ማዑዋ ቦቻሱ። 28 ኢያ፣ «ታኒ ሃሪ አቶሺን ኢያ ማዑዋ ቦቺያኮ ፓግና» ጋዳ ቆፓሱ።

29 ኢፕ ጎጊያ ሱሳይ ሶሆዋራ ኤቂ አጊስ። ኢያ ባ ምያፕ ፓጊዳይሳ ባ አሳቱሳን ኡራሱ። 30 ዮሱሴ ባፕ ምልቂ ኪዬዳይሳ ባ ሁዔን ኤሪዲ፣ ኤሌሲዲ ዳሮ አሳ ጊዶን ጉዬ ሲሚዲ፣ «ታ ማዑዋ ቦቺዳይ አኔ?» ያጊስ።

31 ኢያ ታማሬቲ፣ «አሳይ ኔና ሱጌይሳ ቤዓሽ፣ «ምይጋዳ ታና አኔ ቦቺዳይ ያጋይ?»» ያጊዶሶና።

32 ዮሱሴ ሄሳ አኒ አሲዳኮ ቤዓናው ዩሺ አሲ ያሊስ። 33 ሺን ማጫሲያ ባው ሃኒዳባ ኤራዳ፣ ያሻን ኮኮራሽ ያዳ ዮሱሳ ሲንሳን ጉፋናሱ፤ ቃሲ ሃኒዳባ ኡባ ቱማ ኢያው አዳሱ። 34 ያኒን፣ ዮሱሴ ኢኮ፣ «ታ ናቱ፣ ኔና ኔ አማኖይ ፓሲስ፣ ሳሮን ባ፣ ኔ ምያፕካ ፓግ» ያጊስ።

35 ዮሱሴ ቡሮ ሄሳ አዲሺን፣ አይሁዴ ምሳ ኪሳ ሃላቃ ሶፕ ኪቱቲዳ አሳቲ ዩዲ፣ «ኔ ናዒያ ሃይቃሱ፣ አስታማሪያ አይስ ዳቡሪሳይ?» ያጊዶሶና።

36 ሺን ዮሱሴ ኤንቲ ጌይሳ ሲዲዲ፣ አይሁዴ ምሳ ኪሳ ሃላቃኮ፣ «አማኖ ሃላላ አማናፕ አቲን ባቦፋ» ያጊስ። 37 ዮሱሴ ጴዲሮሳፕ፣ ያይቆባፕኔ ያይቆባ ኢሻ ዮሃኒሳፕ ሃሪ አኒካ ባና ካሎና ሜላ ዲጊስ። 38 ኤንቲ አይሁዴ ምሳ ኪሳ ሃላቃ ሶ ጋኪያ ምዴ ዮሱሴ አሳይ ካሃ ዳዩዲ ዮኪይሳኔ ኪሌሌይሳ ቤዲስ። 39 ጌሊዲ አሳኮ፣ «አይስ ካሃ ዳዩዲ ዮኪቲ? ናዒያ ዲስካሱፕ አቲን ሃይቃቡኩ» ያጊስ።

40 አሳይ ኢያ ቦላ ሚጫሲ። ሺን አሳ ኡባ ካሬ ኪሲዲ፣ ናዒ አዋ፣ አዩወኔ ሄቸ ታማሬታ ባራ ኤኪዲ ናዒያ ዴዒያሱዋ ጌሊስ። 41 ዮሱሴ ናዒ ኩሺያ አይኪዲ፣ «ገሊታ፣ ቁሚ» (ጉላ ናቱ፣ ኔና ጋይስ ዴንዳ) ያጊስ።

42 ናዒያ ሶሆዋራ ዴንዳ ኤቃዳ ሃሙታሱ። ኢያ ታማኔ ናምዑ ሳይሳ ናዳ፣ ሄሳን አሳይ ዳሮ ማላሌቲዶሶና። 43 ዮሱሴ ሄሳ ኤንቲ አዴስካ አዶና ሜላ ኤንታ ሚንሲ ኪቲስ፣ ኤንቲ ኢው ሚያባ ኢማና ሜላ አዲስ።

6

ዮሱሴ ናዚሬቴን ኢዳቲስ  
(ግቶ 13:53-58፤ ሉቃ 4:16-30)

1 ዮሱሴ ያፕ ኪዬዲ፣ ባ ታማሬታ ካሌሲዲ፣ ባ ካታማ ናዚሬቴ ቢስ። 2 ሳምባታ ጋላስ አይሁዴ ምሳ ኪሳን ታማርሶ አይኪስ። ኢ ታማርሴይሳ ሲዲዳ ዳሮ አሳይ ማላሌቲዲ፣ «ሃይሲ ሃ ኡባ አውፕ ዴሚዴ? ሃ ጫንጫቴሳ ኢ አውፕ ኤኪዴ? ሃ ማላታታ አሲያ ማታ ኢ አውፕ ዴሚዴ? 3 ሃይሲ አናዲያ ጊዴኔ? ማይራሚ ናዳ፣ ያይቆባ፣ ዮሳ፣ ዩሁዳኔ ሲሞና ኢሻ ጊዴኔዩ?



ኢያሚኤት ኑራ ሃይሳን ዴዎኮናዮ?» ያገደደ። ኢጊያባ ኤኮና ኢጊያሶና።

4 ዮሱሲ ሄ አሳኮ። «ናቤይ ባ ቢታን፣ ባ ዳቦታኒኔ ባ ሶ አሳን ቦንቼቴናፊ አቲን ሃራታ ማታን ቦንቼቴስ» ያገደደ። 5 ኢ ሄ ቤሳን ባ ኩሺያ ጉሳ አሳ ቦላ ዎሲዲ ፓሲዳይሳፊ አቲን ሃራ ማላታታ አሳናው ዳንዳቢና። 6 አሳይ አማኒቦና ጊሾ ዳሮ ማላሌቲስ።

**ዮሱሲ ታማኔ ናምዑ ሃዋሬታ ኪቲስ**  
(ማቶ 10:5-15፤ ሉቃ 9:1-6)

ሄሳፊ ጉዮ፣ ዮሱሲ ሄ ሄራን ዴዲያ ጉታታን አሳ ታማርሴስ። 7 ዮሱሲ ታማኔ ናምዑ ታማሬታ ባኮ ዩጊዲ፣ ናምዳ ናምዳ ጋሲዲ ኪቲስ። ኤንታው ቱና አያናታ ኪሲያ ዎልቃ ኢሚስ። 8 ኤንታ፣ «አጌ ሃምዳፊ አቲን ካሲ፣ ካርጊታ፣ ሂንቴ ኪሴን ሚሼ አይቢባካ አይኮፊ። 9 ሂንቴ ቶሁዋን ጫማ አሲቴ፣ ሺን ናምዑ አፊላ አይኮፊ።» ያገደደ። 10 ቃሲካ፣ «ሂንቴና አሲ ሞኪዳ ሶ አወንካ ጊዲን ሄ ቤሳ ዮዲዲ ባና ጋካናው ሄ ኪሳን ጋምዲቴ። 11 ሂንቴና አሲ ሞኮናሱዋ ዎይኮ ሂንቴ አዲያባ ሲያናሱዋ አወን ጊዲኮካ፣ ሄ ቢታን ዴዲያ አሳስ ሄሲ ናጊሶ ማርካ ጊዳና ሚላ ሄ ቤሳፊ ኪዬሼ፣ ሂንቴ ቶሁዋና ባና ፒቴቴ» ያገደደ።

12 ታማኔ ናምዑ ታማሬቲ ቤዲ፣ አሳይ ባንታ ናጋራፔ ሲማናዳ ቃላ አዲዶሶና። 13 ኤንቲ አሳፔ ዳሮ ቱና አያናታ ኪሲዶሶና። ዳሮ ሃርጋንቾታ ዛይቴ ቲዬዲ ፓሲዶሶና።

**ግማቂያ ዮሃንሳ ሃይቁዋ**  
(ማቶ 14:1-12፤ ሉቃ 9:7-9)

14 ዮሱሳ ሱንጎይ ኡባ ቤሳን ኪዬዳ ጊሾ ካዎይ ሄሮዲሲ ኢያባ ሲዲስ። ኢሲ ኢሲ አሳይ፣ «ግማቂያ ዮሃንሲ ሃይቆፔ ዴንዲስ፣ ሄሳ ጊሾ ሃ ማላታታ አሴይ ኢያ» ያገደደሶና።

15 ባጋቲ፣ «ሃይሲ ኤሲያሳ ጊዴኔ?» ያገደደሶና።

ሃራቲ ቃሲ፣ «ሃይሲ ቤኒ ዎዴ ናቤታፕ ኢሱዋ ጊዶና አጌና» ያገደደሶና።

16 ሺን ሄሮዲሲ ሄሳ ሲዲዳ ዎዴ «ሃይሲ ታኒ ቆዲያ ቃንጊሲዳ ግማቂያ ዮሃንሳ ጊዴኔ? ኢ ሃይቆፔ ዴንዲስ» ያገደደ።

17 ሄሮዲሲ ባ ኢሻ ፊልጶሳ ማቺው ሄሮዲያዳ ኤኪዳ ጊሾ ኢ ጋሶን ዮሃንሳ አይሲዲ ቃሺሲስ።

18 ዮሃንሲ ሄሮዲሳ፣ «ኔኒ ኔ ኢሻ ማቺው ኤካናው ቤሴና» ያገደደ።

19 ሄሮዲያዳ ዮሃንሳ ባ ኡሎን ሞርካዳ ኢያ ዎዲሳናው ኮያሱ፣ ሺን ዳንዳባኩ። 20 ዮሃንሲ ዲሎኔ ጌሻ አሲ ጊዲዳይሳ ሄሮዲሲ ኤሪዳ ጊሾ ኢያው ባቢዲ ሎይሲ ናጊሴስ። ሄሮዲሲ ዮሃንሲ ጊያባ ሲዳናው ዶሲኮካ ኢ ጊያባ ሲዲያ ዎዴ ዳሮ ዳጋሜስ።

21 ሄሮዲሲ ባ ዮሌቲዳ ጋላሳ ቦንቻናው ዴሪያ ሃራይሳታስ፣ ሻላቃታሲኔ ጋሊላን ዴዲያ ጊታ አሳስ ኢማቶ ጊጊሲስ። ሄሲ ሄሮዲያዳስ ኢንጄ ጋላስ ጊዲስ። 22 ሄሮዲያዳ ናዲያ ኢማሳይ ሞኪቲያ ቤሳ ጌላ ዱራዳ፣ ሄሮዲሳኔ ኢያ ኢማሳታ ኡፋይሳሱ። ካዎይ ናዲው፣ «ኔ ኮያባ አይባ ጊዲኮካ ታና አይቻ፣ ታኒ ኔው ኢማና»

ያገደደ። 23 ቃሲ ኢው ጫቂዲ፣ «ኔኒ አይቺያባ አይባ ጊዲኮካ፣ ታኒ ኔው ኢማና። ሃሪ አቶሺን፣ ታ ካዎቴሳ ባጋ ጊዲኮካ ታኒ ኔው ኢማና» ያገደደ።

24 ናዲያ ካሬ ኪያዳ ባ አይኮ፣ «አይ ኢማ ጎ?» ጋዳ አይቻሱ።

ኢ አያ፣ «ግማቂያ ዮሃንሳ ሁዲያ ኢማ ጋ» ያጋሱ።

25 ናዲያ ኤሳሳዳ ካወዋኮ ባዳ፣ «ግማቂያ ዮሃንሳ ሁዲያ ሳኔን ዎሳዳ ሃዲ ታው ኢማና ሚላ ኮያይስ» ያጋሱ።

26 ያኒን ካዎይ ዳሮ ቂርቲስ፣ ሺን ባ ኢማላታ ጊሾ ኢው ጫቂዳ ባ ጫቂዋ ሜንሳናው ኮዬቤና።

27 ሄሳ ጊሾ፣ ኤሌሲዲ ናጌይሳ ዮሃንሳ ሁዲያ ኤሃና ሚላ ኪቲስ። ናጌይሲ ቃሾ ኪሲ ቤዲ ዮሃንሳ ቆዲያ ቃንጊሲ። 28 ሄ ቃንጊቲዳ ሁዲያ ሳኔን ዎሲ ኤሂዲ ናዴስ ኢሚስ። ናዲያ ቃሲ ባ አይኮ ኢማሱ። 29 ዮሃንሳ ታማሬቲ ሄሳ ሲዲዳ ዎዴ ቤዲ ኢያ አሃ ኤኪ ኤፊዲ ሞጊዶሶና።

**ዮሱሲ ኢቻሹ ሙኩሉ አሳ ሙዚስ**  
(ማቶ 14:13-21፤ ሉቃ 9:10-17፤ ዮሃ 6:1-14)

30 ታማኔ ናምዑ ሃዋሬቲ ሲሚ ዬዲ ኤንቲ አሲዳባኒ ታማርሲዳባ ኡባ ዮሱሳስ አዲዶሶና።

31 ኤንታኮ ያ አሳይኔ ቢያ አሳይ ዳሪዳ ጊሾ ዮሱሳኒ ኢያ ታማሬታራ፣ ሃሪ አቶሺን ካሲ ማናወካ ኤንታ ጋሶና ኢጊስ። ያኒን፣ ዮሱሲ ኤንታኮ፣ «ኑርካ ጉሲ ሽምፕ ኤካናው አሲ ባይና ቤሲ ዮዲቴ» ያገደደ። 32 ሄሳ ጊሾ፣ ኤንቲ ባንታርካ ዎንሎን ጌሲዲ አሲ ባይና ቤሲ ቢዶሶና።

33 ኤንቲ ቢሺን ዳሮ አሳይ ኤንታ ቤዲዲ ኤሪዶሶና፣ ያቲን፣ ካታማ ኡባፊ አሳይ ቶሆራ ዎዲ ቤዲ ኤንቲ ቢያሱዋ ኤንታፊ ሲንሴ ጋኪዶሶና። 34 ዮሱሲ ዎንሎዋፔ ዎዲዲ ዳሮ አሳ ቤዲስ፣ አሳይ ሄሚያ አሲ ባይና ዶርሳ ሚላ ጊዲዳይሳ ቤዲዲ ኤንታው ቃዴቲዲ ኤንታ ዳሮ ታማርሲስ።

35 ሳዳይ አማርሲያ ዎዴ ዮሱሳ ታማሬቲ ኢያኮ ዬዲ፣ «ሃይሲ ቤሳይ አሲ ባይና ቤሲ፣ ሃዲ ሳዳይካ ቃሚስ። 36 አሳይ ጉታታኒ ካታማታ ቤዲ ባንታው ሚያባ ሻማና ሚላ አሳ ዮዳ» ያገደደሶና።

37 ሺን ዮሱሲ ዛሪዲ ኤንታኮ፣ «አሳስ ሚያባ ሂንቴ ኢሚቴ» ያገደደ።

ኤንቲ፣ «ኑኒ ቤዲ ናምዑ ዌቲ ዲናሬን ኡይሱ ሻሚዲ አሳ ሙዛና ሚላ ኮያይ?» ያገደደ አይቺዶሶና።

38 ዮሱሲ ኤንታኮ፣ «ሂንቴው አፑን ኡይሲ ዴዲ? አኔ ቤዲ ቤዲቴ» ያገደደ።

ኤንቲ ቤዲዲ፣ «ኢቻሹ ኡይሱኔ ናምዑ ሞሎ» ያገደደሶና።

39 ዮሱሲ ባ ታማሬታ አሳ ኡባ ጩጋን ጩጋን ሻኪዲ ማታን ኡቲሳና ሚላ ኪቲስ።

40 አሳይ ባጋይ ዌታ፣ ባጋይ ኢሻታማ ጊዲዲ ጩጋን ጩጋን ሻኪቲዲ ኡቲዶሶና። 41 ዮሱሲ ኢቻሹ ኡይሳኔ ናምዑ ሞሎታ ኤኪዲ፣ ፑዴ ሳሎ ዌሲዲ ዎሳ ጋላቲስ። ኡይሳ ሜንሲዲ አሳስ ጊሻና ሚላ ባ ታማሬታስ ኢሚስ። ቃሲ ናምዑ ሞሎታ ኤንታ ኡባስ ሻኪስ። 42 አሳ ኡባይ ሚዲ ካሊዶሶና። 43 አቲዳ ኡይሳ ቲፊያኔ ሞሎታ

6:4 ዮሃ 4:43 6:8 ሉቃ 10:4-11 6:11 ሃ.አ 13:51 6:13 ያይ 5:14 6:14 ማቶ 16:14፤ ማር 8:28፤ ሉቃ 9:19 6:18 ሉቃ 3:19-20 6:34 ታይ 27:17፤ 1ካዎ 22:17፤ 2ታሪ 18:16፤ ሂዝ 34:5፤ ማቶ 9:36

ቲፊያ፣ ኢያ ታማሬቲ ታማኔ ናምዑ ጋይታ ኩሚሲ ዴንሲዶሶና።<sup>44</sup> ኡይሳ ሚዳ አዴ አሳ ታይቦይ ኢቻሹ ሙኩሉ።

**ዮሱሲ አባ ቦላራ ሃሙቲስ**  
(ማቶ 14: 22-33፤ ዮሃ 6: 15-21)

<sup>45</sup> ኤሌሲዲ ዮሱሲ ባ ታማሬቲ ዎጎሉዎን ጌሊዲ፣ አባሬ ሄሬንሳን ዴዲያ ቤቴሳይዳ ባፔ ሲንሳቲዲ ባና ሚላ ኪቲስ። ሺን ባው አሳ ሞይዛናው ጉዬ አቲስ።<sup>46</sup> አሳ ሞይዚዳፔ ጉዬ ያሳ ዎሳናው ዴሪያ ቦላ ኪዩስ።

<sup>47</sup> ሳዓይ ቃሚያ ዎዴ ዎጎሎይ አባ ጊዶን ዴዲስ፣ ሺን ዮሱሲ አባሬ ጋፃን ባርካ ዴዲስ።

<sup>48</sup> ጫርኮይ ኢያ ታማሬታኮ ጫርኪያ ጊሾ አባ ፒዶይ ዎይሴይሳ ዮሱሲ ቤዲስ። ዎንቲማሴ ሳዓይ ጌያና ሃኒያ ዎዴ ኢ አባ ቦላ ሃሙቲሹ ኤንታኮ ዩዲ፣ ኤንታ ዩጊዲ አዳናው ኮዩስ።<sup>49</sup> ሺን ኢ አባ ቦላ ሃሙቲሹን፣ ኤንቲ ቤዲዲ፣ ኤንታው ሞይቲሴ ዳኒን ዋሲዶሶና።<sup>50</sup> ኤንቲ ኡባይ ኢያ ቤዲዲ፣ ያሻን ኮኮሪዶሶና።

ሺን ዮሱሲ ኤሌሲዲ ኤንታኮ፣ «ታና፣ አይኮይ ባዋ፤ ያዮፊቱ» ያጊስ።<sup>51</sup> ዮሱሲ ዎጎሉዎን ጌሊዲ ኤንታራ ኢሲሬ ኡቲን ጫርኮይ ዎፔ ጊስ። ኤንቲ ዳር ማላሌቲዶሶና።<sup>52</sup> ኤንታ ዎዛናይ ዜልዑሚዳ ጊሾ ኤንቲ ኡይሳባ አኬኪቦኮና።

**ዮሱሲ ጌንሳሬዔን ሃርጋንቾታ ፓሲስ**  
(ማቶ 14: 34-36)

<sup>53</sup> ኤንቲ አባ ፒኒዲ፣ ጌንሳሬዔ ቢታ ጋኪዲ፣ ዎጎሉዎ ጋፃ ሺሺዲ ቃቺዶሶና።<sup>54</sup> ኤንቲ ዎጎሉዎፔ ዎዲያ ዎዴ አሳይ ኤሌሲዲ ዮሱሳ ኤሪዶሶና።<sup>55</sup> ኤንቲ ሄራን ዴዲያ ቢታ ኡባን ዎዔሬቲዲ ሃርጋንቾታ ሃላን ቶኪዲ፣ «ዮሱሲ ዴዲስ» ጊን ሲዲዳ ቤሳ ኤሂዶሶና።<sup>56</sup> አሳይ ኢ ቢዳ ሶ ኡባን፣ ጋፃሪያን ጊዲን፣ ካታማን፣ ዴዲያ ሃርጋንቾታ ዳባባ ኤፎሶና። ሃርጋንቾቲ ኢያ አፊላ ማጫራ ጊዲኮካ ቦቻና ሚላ አሳይ ኢያ ዎሲዶሶና። ቦቻዳ ኡባይ ፓዒስ።

7

**ቤኒ አዋታ ዎጋ**  
(ማቶ 15: 1-9)

<sup>1</sup> ዮሩሳላሜፔ ዩዳ ጉሳ ፋሪሳዌቲኔ ሂጌ አስታማሬቲ ዮሱሳ ማታን ሺቂዶሶና።<sup>2</sup> ዮሱሳ ታማሬታፔ ኢሶቲ ኢሶቲ ጌዮና ኩሺያን፣ ሄሲካ ኩሹ ሜጩቶና ካሲ ሜይሳታ ቤዲዶሶና።

<sup>3</sup> ፋሪሳዌቲኔ አይሁዴ አሳ ኡባይ ባንታ አዋታ ዎጋሶ ባንታ ኩሺያ ሜጩቶና ሞኮና።<sup>4</sup> ሄሳዳካ፣ ኤንቲ ጊያፔ ሻሜቲዳባ ሜጩና ዴዲሹ ሞኮና። ቃሲ ኤንቲ ባንታ አዋታፔ ኤኪዳ ሃራ ዳር ዎጊ ዴዲስ። ሄሲካ ሲኒያ፣ ኬሪያ፣ ቢራታ ሚሹታኔ አርሳ ሜጩያ ዎጋ ናጌይሳ።

<sup>5</sup> ፋሪሳዌቲኔ ሂጌ አስታማሬቲ ዮሱሳ፣ «ኔ ታማሬቲ አይስ አዋታ ዎጋ ሚንሲዲ ባንታ ኩሺያ ሜጩቶና ካሲ ሞና?» ያጊዲ አይቺዶሶና።

<sup>6</sup> ዮሱሲ ኤንታኮ፣ «ኢሳያሲ ሂንቲና ጩቦታ፣ ሃይሲ አሳይ ታና ባ ኢንፃርሳ ፃላላን ቦንቼስ።

<sup>7</sup> ሺን ኤንታ ዎዛናይ ታፔ ሃሆን ዴዲስ።  
<sup>7</sup> አሲ ሜዲዳ ዎጋ ያሳ ሂጌ ዳኒሲዲ ታማርሲያ ጊሾ

ኤንቲ ታና ሚላ ጎይኖሶና»  
<sup>7</sup> ዲ ዓሬዳይሲ ቱማ።

<sup>8</sup> «ሂንቲ ያሳ ኪታ አጊዲ አሳ ዎጋ ሚንሲዲ ናጌታ» ያጊስ።

<sup>9</sup> ቃሲካ ዮሱሲ፣ «ሂንቲ ሂንቲ ዎጋ ናጊዲ ያሳ ኪታ ዩጊ አጋናው ሎዎ አጌ ዴሚዴታ።

<sup>10</sup> ሙሴይ፣ «ኔ አዋኔ ኔ አዩው ቦንቻ»፣ ቃሲ «ባ አዋኔ ባ አዩው ጫዩይሲ ሃይቃናው ቤሴስ» ያጊስ።

<sup>11</sup> ሺን ኢሲ አሲ ባ አዋ ዎይኮ ባ አዩው ማዳናይሳ አጊዲ፣ «ሄሲ ያሳ ያርሾ» ጊኮ፣<sup>12</sup> ኢ ባ አዋ ዎይኮ ባ አዩው ማዶና ሚላ አሴታ።

<sup>13</sup> ሄሳዳካ፣ ሂንቲ ሃራታ ታማርሲዳ ሂንቲ ዎጋን ያሳ ቃላ ካዲዴታ። ሄሳ ሚላ ሃራ ዳርባ አሴታ» ያጊስ።

**አሴ ቱኒሲያባታ**  
(ማቶ 15: 10-20)

<sup>14</sup> ዮሱሲ ዳር አሳ ቃሲካ ባኮ ዩጊዲ፣ «ኡባይ ታኒ አዴይሳ ሲዲቲኔ አኬኪቲ።<sup>15</sup> አሳ ዎዛናፔ ኬያባይ አሴ ቱኒሲያባይ አይቢካ ባዋ።<sup>16</sup> ሲዲያ ሃይሲ ዴዲያ አኒካ ሲያ» ያጊስ።

<sup>17</sup> ዮሱሲ ዳር አሳ ዩጊ አጊዲ ሶ ጌሊን ኢያ ታማሬቲ ሄ ሎሚሱዋባ ኢያ አይቺዶሶና።

<sup>18</sup> ኢ ኤንታኮ፣ «ሂንቲዉካ ቃሲ ጌሊቤኔ? ካሬፔ አሳ ዎዛናን ጌሊያባይ አይቢካ አሴ ቱኒሳናው ዳንዳዳይሳ አኬኪቲ?»<sup>19</sup> አይስ ጊኮ፣ ካሲ ኡሎ ጊዶ ጌሊዲ ካንሲዲ አዴሲፔ አቲን አሳ ዎዛና ጊዶ ጌሴና» ያጊስ። ሄሳን ዮሱሲ ካሲ ኡባይ ጌሺ ጊዴይሳ ኤሪሲስ።

<sup>20</sup> ካሊዲካ፣ ዮሱሲ፣ «አሳ ቱኒሲያባይ አሳ ዎዛና ጊዶሬ ኬያባ።<sup>21</sup> አሳ ዎዛና ጊዶሬ ኬያባይ ኢታ ቆፋ፣ ላይማቲሲ፣ ካይሶ፣ አሴ ዎዶ፣ ላሜ፣<sup>22</sup> ኢታ አዋ፣ ኢታቲሲ፣ ጌኔ፣ ቃይዔ፣ ጩዋ፣ ቃናቲ፣ ጫሼ፣ አቶርኔ ቦዛቲሲ።<sup>23</sup> ሃ ኢታባይ ኡባይካ አሳ ዎዛና ጊዶሬ ኬዩዲ አሴ ቱኒሲስ» ያጊስ።

**ኢሲ ማጫሴ አማኑዎ**  
(ማቶ 15: 21-28)

<sup>24</sup> ዮሱሲ ያፔ ኬዩዲ፣ ጊርሳ ካታማ ማታን ዴዲያ ቢታ ቢስ። ኢ ኢሲ ኬሲ ጌሊዲ ያን ዴዲይሳ አኒካ ኤራና ሚላ ኮዩቤና። ሺን ቆሴቲዲ ጋምዳናው ዳንዳዲቤና።<sup>25</sup> ሺን ኢ ጉሳ ናዲው ቲና አያናይ አይኪዳ ኢሲ ማጫሲያ ዮሱሳባ ሲዳዳ ኤሌሳ ኢያኮ ያዳ ኢያ ቶሁዋ ቦላ ኩንዳሱ።

<sup>26</sup> ኢያ አይሁዴ ማጫሲ ጊዱኩ፤ ኢያ ዮሌቲዳይ ሲሮሬንቁ ጊያ ቢታና። ኢያ፣ ባ ናጌፔ ቱና አያና ኬሳና ሚላ ዮሱሳ ዎሳሱ።

<sup>27</sup> ሺን ዮሱሲ ዛሪዲ፣ «ናይቲ ኮይርቲዲ ካሳ ካሎ፤ ናይታ ካሳ ኤኪዲ ካናታስ ዩጌይሲ ሎዎ ጊዴና» ያጊስ።

<sup>28</sup> ማጫሲያ ዛራዳ፣ «ታ ጎዳው ሄሲ ቱማ፣ ሺን ጋይታ ማታን ዴዲያ ካናቲ ናይታፔ ዎዲያ ቲፊያ ሞሶና» ያጋሱ።

<sup>29</sup> ዮሱሲ ቃሲ ኢኮ፣ «ሃ ኔ ቃላ ጊሾ ኔ ሶ ባ፤ ቱና አያናይ ኔ ናጌፔ ኬይስ» ያጊስ።

<sup>30</sup> ማጫሲያ ባ ሶ ቢያ ዎዴ ቱና አያናይ ኢፔ ኬዩን ሂፃን ዚንዲዳር ዴማሱ።

**ዮሱሲ ቱሴኔ ሙሜ ኡራ ፓሲስ**

31 ዮሱሲ ዊርሳ ካታማፔ ከዩዲ፣ ሲዶናራኔ ታሙ ካታማታ ጊያ ቢታራ ካንሲዲ ጋሊላ አባኮ ቢስ። 32 አሳይ ቱሌኔ ዋዩዲ አዴቲያ አሲ ዮሱሳኮ ኤሂዲ፣ ባ ኩሺያ ኢያ ቦላ ዎሳና ሜላ ኢያ ዎሲዶሶና። 33 ዮሱሲ ባርካ ሄ ኡራ ዳሮ አሳፔ ጋፃ ከሲዲ፣ ባ ቢራዲያ ኢያ ሃይሳን ዮዲስ። ቃሲ ጩቹ ጩቱዲ ኢያ ኢንፃርሳ ቦቹስ። 34 ሳሎ ፑዴ ያሊዲ፣ ቶኪ ሽምፒዲ፣ «ኤፍታህ» ጊስ። ቢርሼሳይካ «ዶዮታ» ጉሱ። 35 ኡራ ሃይሳይ ኤሌሲዲ ዶዮቲስ፣ ቃሹቲዳ ኢንፃርሳይካ ቢርሼቲስ፣ ኡራይ ጊሺዲ አዴቲስ። 36 ዮሱሲ አሳኮ፣ «ሃይሳ አዴስካ አዶፒቴ» ያጊስ። ሺን ኢ ዳሮ ሚንሲዲ አዶፒቴ ጊን፣ አሳይ አዳ ያ ዳርሲስ። 37 ሄሳ ሲዲ ዳ አሳ ኡባይ ዳሮ ማላሌቲዲ፣ «ኡባባ ኢ ሎይሲ አሴስ። ሃሪ አቶሺን፣ ቱሊያ ሲሴስ፣ ሙሚያ አዲሴስ» ያጊዶሶና።

8

ዮሱሲ አይዱ ሙኩሉ አሳ ሙዚስ (ማቶ 15:32-39)

1 ጉሳ ዎዴፔ ጉዮ፣ ዳሮ አሳይ ዮሱሳኮ ሸቂዶሶና። አሳስ ሚያባይ ዳዩን ዮሱሲ ባ ታማሬታ ባኮ ያጊዲ፣ 2 «ሃ አሳይ ታራ ሄቸ ጋላስ ጋካናው ጋምዲዲ፣ አይኮካ ሚያባ ዴሚቦና ጊሾ ታና አሳይ ቃዴሴስ። 3 ታኒ አሳ ከሻራ ሶ ዮዲኮ አሳይ ቢሼ አጊን ዳቡራዲ ኩንዳና፣ ባጋ አሳይ ሃሆሶፔ ዩዶሶና» ያጊስ። 4 ዮሱሳ ታማሬቲ ዛሪዲ፣ «ሃ ባዞ ቢታን ሃ አሳ ኡባ ሙዛናው ጊዲያ ካሲ ዴማናው ዳንዳዔይ አኒ?» ያጊዶሶና። 5 ዮሱሲ ኤንታኮ፣ «ሂንቴው አፑን ኡይሲ ዴዲ?» ያጊዲ አይቹስ። ኤንቲ ዛሪዲ፣ «ላፑን ኡይሲ ዴዲስ» ያጊዶሶና። 6 ዮሱሲ አሳይ ሳፃን ኡታና ሜላ ኪቲስ። ያቲዲ፣ ላፑን ኡይሳ ኤኪዲ ያሳ ጋላቲ ሲሚዲ ሄ ኡይሳ ሜንሲዲ፣ አሳስ ጊሻና ሜላ ባ ታማሬታስ ኢሚስ። ኢያ ታማሬቲ አሳስ ጊሺዶሶና። 7 ኤንታው ቃሲ ጉሳ ሳፋ ሞሎቲ ዴዎሶና። ዮሱሲ ሄ ሞሎታ ጊሾ ያሳ ጋላቲዲ፣ አሳስ ጊሻና ሜላ ባ ታማሬታ ኪቲስ። 8 አሳይ ኡባይ ሚዲ ካሊዶሶና። ኢያ ታማሬቲ አቲዳ ቲፊያ ላፑን ጋይታ ኩሜሲ ዴንሲዶሶና። 9 ካሳ ሚዳ አሳ ታይቦይ አይዱ ሙኩሉ ጊዳና። ሄሳፊ ጉዮ፣ ዮሱሲ አሳ ዮዲስ። 10 ኢ ቃሲ ባ ታማሬታራ ኤሌሲ ዎንሎን ጊሊዲ ዳልማኮታ ጊያ ቢታ ቢስ።

ማላቲ አሴታና ሜላ አይቹዶሶና (ማቶ 16:1-4)

11 ፋሪሳዊቲ ዩዲ ዮሱሳ ፓጫናው ኮዩዲ፣ ሳሎፔ ባንታና ማላታ ቤሳና ሜላ ዮሱሳራ ፓላማ አይኪዶሶና። 12 ዮሱሲ ቶኪ ሽምፒዲ፣ «ሃ ዎዲያ አሳይ አይስ ማላታ ኮዩ? ታኒ ሂንቴው ቱማ አዳይስ፤ ሃ ዎዲያ አሳስ አይ ማላቲካ ኢሜቴና» ያጊስ። 13 ኢ ኤንታ ያን ዩጊ አጊዲ ዛሪ ዎንሎን ጊሊዲ አባፊ ሄፊንሲ ፒኒስ።

ፋሪሳዊታኔ ሄርዲሳ ኢርሹዋ (ማቶ 16:5-12)

14 ኢያ ታማሬቲ ካሲ ኤፋናይሳ ዶጊዶሶና፤ ኤንታው ዎንሎፕ ጊዶን ኢሲ ኡይሳፊ ሃሪ ባዎ። 15 ዮሱሲ ኤንታኮ፣ «ሂንቴና ኤሪቴ። ፋሪሳዊታ ኢርሹዋፊኔ ሄርዲሳ ኢርሹዋፊ ናጌቴቴ» ያጊዲ ኪቲስ። 16 ኤንቲ ባንታ ጊዶን፣ «ኢ ሃይሳ ጊይ ኑስ ኡይሲ ባይና ጊሾሳ» ያጊዶሶና። 17 ዮሱሲ ኤንቲ ጊይሳ ኤሪዲ ኤንታኮ፣ «ሂንቴው ኡይሲ ባይና ጊሾ አይስ አዴቴቲ? ሃዲካ ኤሪኬቲ? ዎይኮ አኬኪኬቲ? ሂንቴ ዎዛናይ ዶጪዴ? 18 ሂንቴው አይፊይ ዴዲሺን ቤዔኬቲ? ሃይሲ ዴዲሺን ሲዔኬቲ? ሂንቴ አኬኪኬቲ? 19 ታኒ ኢቻሹ ኡይሳ ኢቻሹ ሙኩሉ አሳስ ባሲዳ ዎዴ አፑን ጋይታ ኩሜሲ ቲፊ ዴንሲዲቴ?» ያጊስ። ኤንቲካ፣ «ታማኔ ናምዑ ጋይታ ኩሜሲ» ያጊዶሶና። 20 «ሄሳዳካ፣ ታኒ ላፑን ኡይሳ አይዱ ሙኩሉ አሳስ ባሲዳ ዎዴ አፑን ጋይታ ኩሜሳ ቲፊ ዴንሲዲቴ?» ያጊስ። ኤንቲ፣ «ላፑን ጋይታ ኩሜሲ ዴንሲዳ» ያጊዶሶና። 21 ያቲን፣ «ሃዲካ አኬኪኪኬቲ?» ያጊስ።

ዮሱሲ ቤቴሳይዳን ኢሲ ቆቂያ ፓሲስ

22 ኤንቲ ቤቴሳይዳ ካታማ ቢዶሶና። ጉሳ አሳቲ ቆቂ ኡራ ዮሱሳኮ ኤሂዲ ሄ ኡራ ቦቻና ሜላ ኢያ ዎሲዶሶና። 23 ዮሱሲ ቆቂ ኡራ ኩሺያ አይኪዲ ካታማፔ ጋፃ ከሲስ። ኢያ አይፊያን ጩቱዲ ባ ኩሺያ ኢያ ቦላ ዎሲዲ፣ «ኔው አይኮይ ቤንቲ?» ያጊዲ አይቹስ። 24 ኡራይ ዶቂ ጊዲ ያሊዲ፣ «ታው አሳይ ቤንቲስ፣ ሺን አሳይ ሃሙቲሼ ሚሲ ዳኔስ» ያጊስ። 25 ሄሳፊ ጉዮ፣ ዮሱሲ ዛሪዲ፣ ኡራ አይፊያን ባ ኩሺያ ዎሲስ። ኡራይ ሎይሲ ያሊስ፣ ኢያ አይፊይ ፓዲስ፣ ኡባባ ጊሺዲ ቤዲስ። 26 ዮሱሲ አዲያኮ፣ «ኔ ሶ ባ፣ ሺን ጉታ ጌሎፓ» ያጊዲ ኪቲስ።

ጲዊርሳ አማኑዋኔ ማርካቴሳ (ማቶ 16:13-20፤ ሉቃ 9:18-21)

27 ዮሱሲ ባ ታማሬታራ ቂሳሪያ ፊልጶሳ ማታን ዴዲያ ጉታ ቢስ። ኤንቲ ቢሺን አጌ ቦላ ዮሱሲ፣ «ታና አሳይ አና ጎና?» ያጊዲ ባ ታማሬታ አይቹስ። 28 ኢያ ታማሬቲ፣ «ኢሲ ኢሲ አሳይ ኔና፣ ጎማቂያ ዮሃኒሳ» ጎሶና፤ ሃራቲ፣ «ኤሊያሳ ጎሶና» ቃሲ ሃራቲ፣ «ናቤታፔ ኢሱዋ» ጎሶና። ያጊዶሶና። 29 ዮሱሲ ኤንታኮ፣ «ያቲን ሂንቴ ታና አና ጌቲ?» ያጊዲ አይቹስ። ጲዊርሲ፣ «ኔኒ ኪሪስቶሳ» ያጊዲ ዛሪስ። 30 ዮሱሲ፣ «ታባ አዴስካ አዶፒቴ» ያጊዲ ኤንታ ኪቲስ።

ዮሱሲ ባና ጋካና ሜቱዋኔ ዋያ አዲስ (ማቶ 16:21-28፤ ሉቃ 9:22-27)

31 ዮሱሲ ባ ታማሬታኮ፣ «አሳ ናዓይ፣ ዳሮ ሜቶ ኤካናው ቤሴስ፤ ጪማቲ፣ ካሂኔ ሃላቃቲኔ

8:11 ማቶ 12:38፤ ሉቃ 11:16      8:12 ማቶ 12:39፤ ሉቃ 11:29      8:15 ሉቃ 12:1      8:18 ኤር 5:21፤ ሂዝ 12:2፤ ማር 4:12      8:28 ማር 6:14



ሂጌ አስታማራቲ ኢያ ኢፃናው ቤሴስ። ኮንቲ ኢያ ዎዳናውኔ ሄዥ ጋላሳ፤ ጉዩ። ኢ ሃይቆፕ ዴንዳናው ቤሴስ» ያጊዲ ኮንታ ታግርሲስ።  
 32 ኢ ሄሳ ኮንታው ገሺዲ አዲስ። ጴጊርሲ ኢያ ኢሲ ባጋ ዛሪዲ ሃንቁስ።  
 33 ሺን ዩሱሲ ጉዩ ሲሚዲ፣ ባ ታማራታ ዩሊዲ፣ ጴጊርሳ ሃንቁቲዲ፣ «ሃ ፃላሂያው፣ ታፕ ሃካ። ኔኒ አሲ ዶሲያባ ቆፓሳ፤ አቲን ያሳይ ዶሲያባ ቆፓካ» ያጊስ።

**ዩሱሳ ካሎይ ባና ካዶ አይቼስ**  
 (ማቶ 10:38-39፤ 16:24-28፤ ሉቃ 9:23-27፤ 14:26-27)

34 ቃሲካ ዩሱሲ ዳር አሳኔ ባ ታማራታ ባኮ ዩጊዲ፣ «ታና ካላናው ኮያ አኒካ ባና ካዶ፤ ባ ማስቃሊያ ቶኪዲ ታና ካሎ። 35 ባ ሺምፑዎ አሻናው ኮያ ኡራይ ዳይሳና። ሺን ታ ጊሾኔ ዎንጌላ ጊሾ ባ ሺምፑዎ ዳይሲያ ኡራይ አሻና።  
 36 ኢሲ አሲ ሳፃን ዴሲያ ኡባባ ባው ሺሺዲ፣ ባ ሺምፑዎ ዳይሲኮ ኢያ አይ ማዳኔ? 37 ኢሲ አሲ ባ ሺምፑዎ ዎዛናው አይ ኢማናው ዳንዳላ? 38 ያሳ አማኖና ሃ ኢታ ዩሱሳን፣ ኢሲ አሲ ታናኒኔ ታ ቃላን ዩሳቲኮ፣ አሳ ናፃይ፣ ቃሲ ባ አዋ ቦንቾን ጌሻ ኪታንቾታራ ያ ዎዴ ኢያን ዩሳታና» ያጊስ።

9

**ዩሱሳ ማላይ ላሜቲስ**  
 (ማቶ 17:1-13፤ ሉቃ 9:28-36)

1 ዩሱሲ ኮንታኮ፣ «ታኒ ሂንቱው ቱማ አዳይስ፤ ያሳ ካዎቱሳይ ዎልቃራ ዩይሳ ቤያና ሃይቆና ኢሲ ኢሲ አሳቲ ሃይሳን ዴዎሶና» ያጊስ።  
 2 ዩሱሲ ኡሱፑን ጋላሳ፤ ጉዩ፣ ባራ ጴጊርሳ፣ ያይቆባኔ ዮሃንሳ ኤኪዲ፣ ኮንታ ፃላላ ጊታ ዴሪያ ቦላ ኬሲዲ ኮንታ ሲንሳን ላሜቲስ።  
 3 ኢያ ማገያይካ ጰሊስ፤ ሳፃን ማገ ሜጪያ አኒካ ጌሻናው ዳንዳያናይሳ ሜላ ዳር ቦጊስ። 4 ሄ ሄዥ ታማራቲ፣ ኤሊያሲኔ ሙሴይ ዩሱሳራ አዴቲሺን ቤሲዶሶና።  
 5 ጴጊርሲ ዩሱሳ፣ «አስታማሪያው፣ ኑኒ ሃይሳን ዴሜይሲ ኑስ ሎዎ፤ ኑ ሄዥ ሻቃራታ ኢሱዋ ኔው፣ ኢሱዋ ሙሴስ፣ ቃሲ ኢሱዋ ኤሊያሳን ሻቃራና» ያጊስ። 6 ኢያራኔ ሃንኮታራ ዳር ያዩዳ ጊሾ ኢ አይ ጊያኮካ ኤሪቤና።  
 7 ሄሳፊ ጉዩ፣ ሻራይ ዩዲ ኮንታ ካሚን ሻራ፤ «ሃይሲ ታ ዶሲያ፣ ታ ናፃ፣ ኢ ጌይሳ ሲሲ፤ ጊያ ቃላይ ዩስ። 8 ኤሌሲዲ ኮንቲ ዩሺ አሲ ዩሊያ ዎዴ ዩሱሳ፤ አቲን ሃራ አናካ ባንታ ማታን ቤሲባኮና።  
 9 ኮንቲ ዴሪያ፤ ዎዳሺን፣ ዩሱሲ ኮንታኮ፣ «አሳ ናፃይ፣ ሃይቆፕ ዴንዳና ጋካናው፣ ሂንቱ ቤሲዳባ አዴስካ አዶፕቲ» ያጊዲ ኪቲስ።  
 10 ኢ ኪቲዳይሳ ኮንቲ፣ «ኤር» ጊዲ፣ «ሃ ሃይቆፕ ዴንዶ ጌይሲ ዎይጉሴ» ጊዲ፣ ባንታ ጊዶን አዴቲዶሶና።  
 11 ኮንቲ ዛሪዲ፣ «ሂጌ አስታማራቲ፣ ኤሊያሲ ኮይሮቲዲ ያናው ቤሴስ» አይስ ጎና?» ያጊዲ አይቼዶሶና።  
 12 ዩሱሲ ዛሪዲ «ኤሊያሲ ኮይሮቲዲ ዩዲ፣ ኡባባ ጊጊሴስ፤ ያቲን፣ አይስ ጌሻ ማፃፋይ፣ አሳ

ናፃይ ዳር ዋዩታና ኢዲታና» ያጊ ጊዲ አይቼስ።  
 13 ሺን ታኒ ሂንቱው አዳይስ፤ ኤሊያሲ ዩስ፤ ቃሲ ኢያባይ ጌሻ ማፃፋን ፃፌቲዳይሳ፣ አሳይ ኢያ ቦላ ባንታ ኮዩዳባ አሲዶሶና» ያጊስ።

**ዩሱሲ ቱና አያናይ አይኪዳ ናፃ ፓሲስ**  
 (ማቶ 17:14-21፤ ሉቃ 9:37-43)

14 ዩሱሲ፣ ጴጊርሲ፣ ያይቆባኔ ዮሃንሲ ሃንኮ ኢያ ታማራታኮ ሲሚዲ ያ ዎዴ ዳር አሳይ ኮንታ ዩሹዋን ኤቂዳይሳታኔ ሂጌ አስታማራ ጊዲዳ ጉሳ አሳቲ ኮንታራ ፓላሜይሳ ቤሲዶሶና። 15 ሄ ዳር አሳይ ዩሱሳ ቤሲዳ ዎዴ ማላሌቲዲ፣ ኤሌሲዲ ኢያኮ ዎጊ ዩዲ፣ ኢያ ሳርሲዶሶና። 16 ዩሱሲ ባ ታማራታኮ፣ «ኮንታራ አይ ፓላሜቲ?» ያጊዲ አይቼስ።

17 ሄ ዳር አሳ ጊዶፊ ኢሲ ኡራይ ዛሪዲ፣ «አስታማሪያው፣ ታ ናፃ ቦላ አዴቲሲ ዲጊያ ቱና አያናይ ዴሲያ ጊሾ ኢያ ኔኮ ኤካዳ ያስ።  
 18 ሃ ቱና አያናይ ኢያ አይኪያ ዎዴ ኡባን፣ ኢያ ሾጪ ዩጌስ፤ ኢያ ዶናራ ጎፖንቶይ ዩስ፤ ቃሲ አቼ ጋርጪሴስ፤ አሳቱሳካ ሚኒስ። ኢያፕ ሃ ቱና አያና ኬሳና ሜላ፣ ኔ ታማራታስ አዳስ፣ ሺን ኬሳናው ዳንዳላባኮና» ያጊስ።

19 ዩሱሲ ዛሪዲ ኮንታኮ፣ «አማኖና ሃ ዎዲያ አሳው! ታኒ ሂንቱራ አወዴ ጋካናው ዳኔ? ቃሲ ሂንቱና አወዴ ጋካናው ዳንዳላ? ናፃ ታኮ ሃ ኤኪ ዩቱ» ያጊስ። 20 ኮንቲ ናፃ ኢያኮ ኤሂዶሶና፤ ሄ ቱና አያናይ ዩሱሳ ቤሲዳ ሜላ ናፃ ኮኮርሲስ፤ ናፃይ ሳፃን ኩንዲዲ፣ ዶናራ ጎፖንቶይ ቶፋ ጊሺን ጎንዶሬቲስ። 21 ዩሱሲ ሄ ናፃ አዋኮ፣ «ሃይሲ ኔ ናፃ አይኮሳፕ አይ ሜላ ዎዴ ጊዳኔ?» ያጊዲ አይቼስ።

ናፃ አዋይ፣ «ኢ ጉሳን ዴሚሺን አይኪስ።  
 22 ኢያ ዎዳናው ዳር ዎዴ ታማኒኔ ሃሳን ዩጌስ፣ ሺን ኔ ዳንዳላኮ፣ ኑስ ቃዴታርኪ፣ ኑና ማዳርኪ» ያጊስ።

23 ዩሱሲ ኢያ፣ «(ኔኒ ዳንዳላኮ ጋይ?) አማኒያ አዴስካ ኡባባይ ዳንዳላቱስ» ያጊስ።

24 ኤሌሲዲ ናፃ አዋይ ባ ቃላ ዶቁ አሲዲ፣ «ታኒ አማናይስ፣ ሺን ጉጃ አማናናዳ ታና ማዳርኪ» ያጊስ።

25 ዩሱሲ አሳይ ዳሪ ዳሪ ቤይሳ ቤሲዲ፣ ቱና አያና፣ «ሃ ቱሴኔ ሙሜ አያናው፣ ሃ ናፃፕ ኬያ ጋዳ ኔና ታ ኪታይስ፤ ቃሲ ናምፃንፖ ኢያን ጌሎፓ» ያጊስ።

26 ሄ ቱና አያናይ ዋሲዲ፣ ናፃ ዳር ኮኮርሲዲ፣ ኢያፕ ኬዩስ፣ ናፃይ ሃይቂዳ ዳኒን፣ ዳር አሳይ፣ «ናፃይ ሃይቂስ» ያጊዶሶና። 27 ሺን ዩሱሲ ናፃ ኩሺያ አይኪዲ ዴንሲን፣ ናፃይ ዴንዲ ኤቂስ።

28 ዩሱሲ ሶ ጌሊዳይሳፊ ጉዩ ኢያ ታማራቲ፣ «ኑኒ ሄ ቱና አያና ኬሳናው አይስ ዳንዳላባኮ?» ያጊዲ ዩሱሳ ዱማ አይቼዶሶና።

29 ዩሱሲ ዛሪዲ፣ «ሄሳ ሜላይ ዎሳፕኔ ምግፕ አቲን ሃራባን ኬያናው ዳንዳላና» ያጊስ።

**ዩሱሲ ባና ጋካና ሜቱዋ ዛሪ አዲስ**  
 (ማቶ 17:22-23፤ ሉቃ 9:43-45)

30 ኮንቲ ሄ ቤሳፊ ዴንዲዲ፣ ጋሊላራ አዲዲ ቤዶሶና፤ ዩሱሲ ባ ዴሲያሱዋ አኒካ ኤራና ሜላ ኮዩቤና። 31 ኢ ባ ታማራታኮ፣ «አሳ ናፃ፣ አሲ

8:34 ማቶ 10:38፤ ሉቃ 14:27      8:35 ማቶ 10:39፤ ሉቃ 17:33፤ ዮሃ 12:25      9:2 2ጴጌ 1:17-18      9:7 ማቶ 3:17፤ ግር 1:11፤ ሉቃ 3:22      9:11 ሚላ 4:5፤ ማቶ 11:14

አሳስ አሊ ኢማናኔ ዎዳና፤ ኢ ሄዡ ጋላሳ፤ ጉዩ፤ ሃይቆ፤ ዴንዳና» ያጊዲ ታማርሴስ።

<sup>32</sup> ሺን ኤንታው ኢ ጌይሲ ጌሊቤና፤ ቃሲ ኢያ አይቻናዉካ ያዩዶሶና።

**ኡባፌ አዲይ አኔ?**  
(ማቶ 18:1-5፤ ሉቃ 9:46-48)

<sup>33</sup> ኤንቲ ቂፊርናሆሜ ካታማ ቢዲ ሶ ጌሊዳይሳፌ ጉዩ ዩሱሲ ኤንታኮ፤ «አጌን አይ አዴቴቲ?» ያጊዲ አይቼሰ። <sup>34</sup> ሺን ኤንቲ፤ «ኑ ጊዶን ኡባፌ አዳናይ አኔ?» ያጊዲ ፓላሚዳ ጊሾ ሲዲ ጊዶሶና። <sup>35</sup> ዩሱሲ ኡቲዲ፤ ታማኔ ናምቡ ታማሬታ ያጊዲ፤ «አኒካ ሲንሴ አዳናው ኮይኮ፤ ኡባፌ ጉዩ አዲዲ፤ ኡባስ አይሌ ጊዳናው ቤሴስ» ያጊስ።

<sup>36</sup> ኢሲ ጉሳ ናዓ ኤኪዲ፤ ኤንታ ጊዶን ኤሲስ፤ ሄ ጉሳ ናዓ ኢዲሚዲ ኤንታኮ፤ <sup>37</sup> «ሃይሳ ሜላ ጉሳ ናይታ፤ ኢሱዋ ታ ሱንሳን ሞኪያ አኒካ ታና ሞኪስ፤ ቃሲ ታና ሞኪያ አኒካ ታና ኪቲዳይሳካ ሞኪሲ፤ አቲን ታ ዓላላ ሞኪና» ያጊስ።

**ኑና ኢያና ኡራይ ኑ ባጋ**  
(ሉቃ 9:49-50)

<sup>38</sup> ዮሃንሲ፤ «አስታማሪያው፤ ኢሲ አሲ ኔ ሱንሳን ቱና አያናታ ኪሲሺን ኑኒ ቤዲዲ፤ ኑ ባጋ ጊዶና ጊሾ ኢያ ዲጊዳ» ያጊስ።

<sup>39</sup> ሺን ዩሱሲ፤ «አኒካ ታ ሱንሳን ያሳይ አሊያ ማላታታ አሊዲ፤ ኤሌሲዲ ታ ቦላ ኢታባ አዴታናው ዳንዳዔይ ባይና ጊሾ ዲጎሬቱ። <sup>40</sup> ኑባ ኢያና ኡራይ ኑ ባጋ። <sup>41</sup> ታኒ ሂንቴው ቱማ አዳይስ፤ ሂንቴ ታይሳታ ጊዲያ ጊሾ አኒካ ሂንቴው ታ ሱንሳን ሃሎ ሃሊ ኡያናው ኢሚኮካ፤ ባ ዎይቱዋ ኤካና።

**ናጋራን ፓጩቴሊ**  
(ማቶ 18:6-9፤ ሉቃ 17:1-2)

<sup>42</sup> «ታና አማኒያ ሃ ጉሳታ፤ ኢሱዋ ባሌሊያ አኒካ፤ ጋቻ ዎጋ ዎጋ ባ ቆዴን ቃቼዲ፤ አባን ዉሊያኮ ኢያው ሎዎ። <sup>43-44</sup> ኔ ኩሼይ ኔና ባሌሊኮ፤ ቃንግ ሆላ፤ ኔኒ ናምቡ ኩሼራ ቶዎና ጋናሜ ታማን ዩጌቴይሳፌ፤ ዱግ ኩሼራ ዴቡዋ ጌሎይ ኔው ሎዎ። <sup>45-46</sup> ኔ ቶሆይ ኔና ባሌሊኮ፤ ቃንግ ሆላ፤ ኔኒ ናምቡ ቶሆራ ጋናሜ ታማን ዩጌቴይሳፌ፤ ዎቤ ጊዳዳ ዴቡዋ ጌሎይሲ ኔው ሎዎ። <sup>47</sup> ኔ አይፌይ ኔና ባሌሊኮ፤ ዎጫ ኪሳ ሆላ፤ ኔኒ ናምቡ አይፌያራ ጋናሜ ታማን ዩጌቴይሳፌ፤ ኢሲ አይፌያራ ያሳ ካዎቴሳ ጌሎይሲ ኔው ሎዎ። <sup>48</sup> ያን ኤንታ ሚያ ጉፁኔይ ሃይቆና፤ ታማይካ ቶዔና።

<sup>49</sup> «ያርሾይ ማጊኔን ጌዩይሳ ሜላ አሲ ኡባይ ታማን ሃርቂታና። <sup>50</sup> ማጊኔይ ሎዎ፤ ሺን ኢ ማልዎና ኢዲኮ፤ ዛሪዲ ዋቲ ማልዔሳኔ? ሂንቴናን ማጊኔይ ዴዎ። ያኒዲ ኢሲይ ኢሱዋራ ሳርቴሳን ዴዲቱ» ያጊስ።

**ማቶ ዩዳናው ቤሴና**  
(ማቶ 19:1-2፤ ሉቃ 16:18)

<sup>1</sup> ዩሱሲ ሄሳፌ ዴንዲዲ፤ ዩሁዳ ቢታ ቢዲ ዮርዳኖሴ ሻፋ ፒኒስ። ዳሮ አሳይ ዛሪዲ ኢያኮ ሺቂን፤ ካሴይሳዳካ ሄ አሳ ታማርሴስ።

<sup>2</sup> ኢሲ ኢሲ ፋሪሳዊቲ ፓጫናው ኮዩዲ ዩሱሳ፤ «ኢሲ አሲ ባ ማቼው ዩዳና ሜላ ሙሴ ሂጌይ ኪቲ?» ያጊዲ ኢያ አይቼዶሶና።

<sup>3</sup> ኢ ዛሪዲ፤ «ሙሴይ ሂንቴና ዎይጊዲ ኪቲዴ?» ያጊስ።

<sup>4</sup> ኤንቲ፤ «ሙሴይ፤ <ኢሲ አሲ ባ ማቼስ አንጆ ዎርቃቴ ኢሚዲ ዩዶ> ጊስ» ያጊዶሶና።

<sup>5</sup> ዩሱሲ ዛሪዲ፤ ኤንታ «ሂንቴ አዲን ሲዮይሳታ ጊዲያ ጊሾ ሙሴይ ሃ ኪታ ሂንቴው ዓሬስ።

<sup>6</sup> ሺን ያሳይ ኮይሮ ሜዲያ ዎዴ አዴኔ ማጫ አሊዲ፤ ኤንታ ሜዲስ። <sup>7</sup> ሄሳ ጊሾ፤ ኢሲ አሲ ባ አዋኔ ባ አዩው አጊዲ፤ ባ ማቼራ ኢሲፌ ዴዔስ።

<sup>8</sup> ኤንቲ ናምዓይ ኢሲ አሴ ጊዶሶና፤ ሂዛ፤ ኤንቲ ኢሲ አሴ ጊዶሶና፤ አቲን ናምቡ አሲ ጊዶኮና። <sup>9</sup> ሄሳ ጊሾ፤ ያሳይ ኢሲፌ ቃቼዳይሳ አሲ ሻኮፎ» ያጊስ።

<sup>10</sup> ኤንቲ ሶ ሲሚዳ ዎዴ ኢያ ታማሬቲ ሃ አዳባ ዩሱሳ ናምዓንሶ አይቼዶሶና። <sup>11</sup> ዩሱሲ ኤንታኮ፤ «ባ ማቼው ዩዲዲ ሃራ ኤኪያ አኒካ ላይማቴስ። <sup>12</sup> ቃሲ ማጫሲያካ ባ አዚና፤ ኪያዳ ሃራ አዚና ጌሊኮ ላይማታዉሱ» ያጊስ።

**ዩሱሲ ጉሳ ናይታ አንጂስ**  
(ማቶ 19:13-15፤ ሉቃ 18:15-17)

<sup>13</sup> ዩሱሲ ጉሳ ናይታ ቦቻና ሜላ፤ ኢሲ ኢሲ አሳይ ናይታ ኢያኮ ኤሆሶና፤ ሺን ኢያ ታማሬቲ ሄ አሳ ሃንቁቲዶሶና። <sup>14</sup> ዩሱሲ ሄሳ ቤዲዲ፤ ባ ታማሬታ ሃንቁቲዲ፤ ኤንታኮ፤ «ጉሳ ናይቲ ታኮ ዩይሳ ዲጎሬቱ፤ ያሳ ካዎቴሳይ ሃይሳታ ሜላሳ።

<sup>15</sup> ታኒ ሂንቴው ቱማ አዳይስ፤ ያሳ ካዎቴሳ ጉሳ ናዓዳ ኤኮና ኡራይ አኒካ ሄ ካዎቴሳ ኡባራካ ጌሌና» ያጊስ። <sup>16</sup> ጉሳ ናይታ ኢዲሚዲ፤ ባ ኩሺያ ኤንታ ኢሱዋ ኢሱዋ ቦላ ዎሊዲ አንጂስ።

**ሚሼ ሲቆይ ኤሂያ ሜቱዋ**  
(ማቶ 19:16-30፤ ሉቃ 18:18-30)

<sup>17</sup> ዩሱሲ ባናው ኪዩዳ ዎዴ ኢሲ ኡራይ ዎጊ ዩዲ፤ ኢያ ሲንሳን ጉልባቲዲ፤ «ኬሃ አስታማሪያው፤ ሜሪና ዴቡዋ ላታናው ታኒ አይ አሶ?» ያጊዲ አይቼሰ።

<sup>18</sup> ዩሱሲ፤ «አይስ ታና ኬሃው ጋዳ ዪጋይ? ያሳ ዓላላ፤ አቲን ሃሪ ኬሂ አኒካ ባዎ። <sup>19</sup> ያሳ ኪታ፤ ዎዶ፤ ላይማቶ፤ ካይሶቶ፤ ዎርዶ ማርካቶ፤ ኢንግርሳን ጨዋ፤ ኔ አዋኔ ኔ አዩው ቦንቻ ያጌይሳ ኤራሳ» ያጊስ።

<sup>20</sup> ኡራይ፤ «አስታማሪያው፤ ታኒ ሄሳ ኡባ ናዓቴሳፌ ዶማዳ ሃዲ ጋካናው ናጋይስ» ያጊስ።

<sup>21</sup> ዩሱሲ ኡራ ቲሺ አሊ ያሊዲ ዶሲስ፤ «ኔው ኢሲባይ ፓጩስ፤ ባዳ ኔው ዴዲያባ ኡባ ባይዛዳ፤ ሄ ሚሺያ ማንቆታስ ኢማ፤ ኔኒ ሳሎን ዱሬታና፤ ያታ ሲማዳ ታና ካላ» ያጊስ። <sup>22</sup> ሺን

9:34 ሉቃ 22:24      9:35 ማቶ 20:26      9:37 ማቶ 10:40፤ ሉቃ 10:16፤ ዮሃ 13:20      9:40 ማቶ 12:30፤ ሉቃ 11:23      9:41 ማቶ 10:42      9:43-44 ማቶ 5:30      9:47 ማቶ 5:29      9:48 ኢሳ 66:24      9:50 ማቶ 5:13፤ ሉቃ 14:34      10:4 ዛሬ 24:1      10:6 ሜዴ 1:27፤ 5:1      10:7 ሜዴ 2:24      10:11 ማቶ 5:32፤ 1ቆሮ 7:10-11      10:15 ማቶ 18:3      10:19 ኬሳ 20:12-16፤ ዛሬ 5:16-20

ኡራይ ሄሳ ሲጊዲ፤ ኢ ዳሮ ዱሬ ጊዲያ ጊሾ ባ ሰምዑ ያህል ሲሆኑ፤ ኡፋይቶና አጊዲ ቢስ።

23 ዮሱስ ባ ታማሬታ ዩሺ አሲ ያሊዲ፤ «ዱሬ አሲ ያሳ ካዎቴላ ገላናይሲ ዋኒዲ ሜታንዴሻ!» ያጊስ።

24 ኢያ ታማሬቲ ኢያ ቲጣርቲያ ሲጊዲ ማላሌቲዶሶና። ሺን ዮሱስ ቃሲካ ኤንታኮ፤ «ናይቶ፤ ያሳ ካዎቴላ ገላናይሲ ዋኒዲ ሜታንዴሻ! 25 ዱሬ አሲ ያሳ ካዎቴላ ገላናይሳ፤ ጊማሌይ ናርፔ ሉሆራ አዴይሲ ካወቁስ» ያጊስ።

26 ኢያ ታማሬቲ ማላሌቲዲ፤ «ያቲን፤ አኒ አታኔ?» ያጊዲ፤ ኢሶይ ኢሱዋ አይቺዶሶና።

27 ዮሱስ ኤንታ ቲሺ አሲ ያሊዲ፤ «ሃይሲ ያሳስ ዳንዳዌቴስ፤ አቲን አሳስ ዳንዳዌቴና፤ ያሳስ ኡባባይ ዳንዳዌቴስ» ያጊስ።

28 ጴጊሮሲ ዮሱሳኮ፤ «ሄኮ፤ ኑኒ ኑባ ኡባ አጊዲ፤ ኔና ካሊዳ» ያጊስ።

29 ዮሱስ «ታኒ ሂንቴው ቱማ አዳይስ፤ ታ ጊሾኔ ዎንጌላ ጊሾ ኬላ ዎይኮ ኢሻታ ዎይኮ ሚቼታ ዎይኮ አዋ ዎይኮ አደው ዎይኮ ማቺው ዎይኮ ናይታ ዎይኮ ጋዲያ አጊዳይ አኒካ።

30 ሃሂ ሃ ዎዲያን ዌቱ ኩሼ ኬላ፤ ኢሻታ፤ ሚቼታ፤ አዮታ፤ ናይታ፤ ጋዲያ፤ ጎዴቴላራ ኢሲፊ ኤካና። ሲንሳፊ ያና ዎዲያንካ ሜሪና ዴዑዋ ኤካና። 31 ሺን ዳሮቲ ሃሂ ዴላን ሲንሴ ጊዲዳይሳቲ ጉዮ ጊዳና፤ ቃሲ ዳሮቲ ሃሂ ጉዮ ጊዲዳይሳቲ ሲንሴ ጊዳና» ያጊስ።

**ዮሱስ ባና ጋካና ሜቱዋ ሄሻንሶ አዲስ**  
(ማቶ 20:17-19፤ ሉቃ 18:31-34)

32 ዮሱሳራኔ ኢያ ታማሬታራ ዮሩሳላሜ ቢሺን፤ ዮሱስ ባ ታማሬታ ሲንሳን ሃሙቴስ። ኤንቲ ማላሌቲዶሶና። ኢያ ካሌይሳቲካ ያዩዶሶና። ናምዳንሶ፤ ታማኔ ናምዑ ታማሬታ ጋፃ ኬሲዲ፤ ባና ጋካናባ ዱማ ኤንታው ሃይሳዳ ያጊዲ አዲስ። 33 «ሄኮ፤ ኑኒ ዮሩሳላሜ ሃሂ ኬዮስ፤ ያን አሳ ናዓይ፤ ካሂኔ ሃላቃታሲኔ ሂጌ አስታማሬታስ አሲ ኢሜታና። ኤንቲ ኢያ ባላ ሃይቆ ፐርዳ ፐርዳና፤ ቃሲ አይሁዴ ጊዶና ዴሪያስ ኢያ አሲ ኢማና። 34 ሄ አይሁዴ ጊዶና ዴሬይ ኢያ ቶቻና፤ ኢያ ባላ ጩታና፤ ሊሶን ጋራፋናና ዎዳና፤ ኢ ሄሹ ጋላሳፔ ጉዮ፤ ሃይቆፔ ዴንዳና» ያጊስ።

**ያይቆቤኔ ዮሃንሲ ዎሲዳ ዎሳ**  
(ማቶ 20:20-28)

35 ዛብዲዮሳ ናይቲ ያይቆቤኔ ዮሃንሲ ዮሱሳኮ ዩዲ፤ «አስታማሪያው፤ ኑኒ ኔና ዎሲያ ኢሲባ ኑስ አሳርኪ» ያጊዶሶና።

36 ዮሱስ ኤንታኮ፤ «ታኒ ሂንቴው አይ አሶ?» ያጊስ።

37 ኤንቲ፤ «ኔኒ ኔ ቦንቾ ካዎቴላን ኡቲያ ዎዴ ኑፔ ኢሱዋ ኡሻቻ ባጋራ ቃሲ ኢሱዋ ሃዲርሳ ባጋራ ኡቲሳርኪ» ያጊዶሶና።

38 ሺን ዮሱስ ኤንታኮ፤ «ሂንቴ አይ ዎሲያኮ ኤራኬታ፤ ታ ኡያናው ዴዲያ ፁዓ ኡያናው ዳንዳዌቲ? ቃሲ ታኒ ሃማቂታናው ዴዲያ ሂንቃቲያ ሃማቂታናው ዳንዳዌቲ?» ያጊስ።

39 ኤንቲ ዛሪዲ፤ «ኤ ዳንዳዎስ» ያጊዶሶና።

ዮሱስ ቃሲ፤ «ቱማካ ታ ኡያናው ዴዲያ ፁዓ ሂንቴ ኡያና፤ ታኒ ሃማቂታናው ዴዲያ ሂንቃቲያ ሂንቴ ሃማቂታና። 40 ሺን ታፔ ኡሻቻ ባጋራኔ ሃዲርሳ ባጋራ ኡታናይሳታ ዶራናው ታው ማቲ ባዋ፤ ሺን ሄ ቤሳይ ያሳይ ኢማናው ጊጊሲ ዎሲዳይሳታ» ያጊስ።

41 ሃንኮ ታሙ ታማሬቲ ሄሳ ሲጊዳ ዎዴ ያይቆቤኔ ዮሃንሳ ሃንቁቲዶሶና። 42 ዮሱስ ኤንታ ኡባ ባኮ ያጊዲ፤ «አይሁዴ ጊዶና አሳ ሃላቃቲ ዴሪያ ሃራይሳታ ጌቱቲዲ ያጌቱይሳኔ ሃራይሳታስ ዴሪያ ባላ ማቲ ዴዴይሳ ሂንቴ ኤራታ። 43 ሺን ሂንቴ ጊዶን ሄሳ ሜላ ጊዴና፤ ሂንቴ ጊዶን ጊታታናው ኮዩይ አኒካ ሂንቴው አይሌ ጊዳናው ቤሴስ። 44 ቃሲ ሂንቴ ጊዶን ኡባፊ ባላ ጊዳናው ኮዩይ አኒካ ሂንቴ ኡባስ አይሌ ጊዳናው ቤሴስ። 45 ሃሪ አቶሺን፤ አሳ ናዓይካ፤ አሳስ አሳናውኔ ዳሮታ ዎዛናው ባ ሼምፑዋ አሲ ኢማናው ዩሲፔ አቲን አሲ ኢያው አሳና ሜላ ዩቤና» ያጊስ።

**ዮሱስ ቆቂያ ባርጊሞሳ አይፊያ ፓሲስ**  
(ማቶ 20:29-34፤ ሉቃ 18:35-43)

46 ኤንቲ ኢያርኮ ካታማ ቢዶሶና። ዮሱስ ባ ታማሬታራኔ ዳሮ አሳራ ኢያርኮፊ ኬዩሺን፤ ጊሞሳ ናዓይ፤ ቆቂይ፤ ባርጊሞሳ ጌቱቲይሲ፤ አጌ ጋፃን ዎሲሼ ኡቲስ። 47 ባርጊሞሲ፤ ያራ አዴይ ናዘሬቴ ዮሱሳ ጊዲዳይሳ ሲጊዳ ዎዴ ባ ቃላ ጶቁ አሲዲ፤ «ዳዊቱ ናዓ ዮሱሳ፤ ታና ማራርኪ!» ያጉሱ አይኪስ።

48 ዳሮ አሳይ ኢያ፤ «ሃይዛ!» ጊዲ ሃንቁቲዶሶና።

ሺን፤ ኢ ባ ቃላ ካሴይሳፊ ዳሮ ጶቁ አሲዲ፤ «ዳዊቱ ናዓው፤ ታና ማራርኪ!» ያጊስ።

49 ዮሱስ ኤቂዲ፤ «ኢያ ሃ ያጊቴ» ያጊስ።

ኤንቲ ቆቂያኮ፤ «አይኮይ ባዋ፤ ዴንዳ ኤቃ፤ ኔና ያጌስ» ያጊዶሶና። 50 ቆቂይ ባ ማዑዋ ሆሊ ዩጊዲ፤ ጉፐ ዴንዲ ኤቂዲ፤ ዮሱሳኮ ቢስ።

51 ዮሱስ፤ «ታኒ ኔው አይ አሳና ሜላ ኮያይ?» ያጊስ።

ቆቂይ፤ «አስታማሪያው፤ ታ ያላናው ኮያይስ» ያጊስ።

52 ዮሱስ ኢያ፤ «ባ፤ ኔ አማኖይ ኔና ፓሲስ» ያጊስ። ሶሁዋራካ ኢያ አይፊይ ያሊን፤ ዮሱሳ ካሊስ።

11

**ዮሱስ ጊታ ቦንቾን ዮሩሳላሜ ጌሊስ**  
(ማቶ 21:1-11፤ ሉቃ 19:28-40፤ ዮሃ 12:12-19)

1 ኤንቲ ዮሩሳላሜ ማቲሼ፤ ሻማሆ ዴሪያ ማታን ዴዲያ ቤቴፋጌኔ ቢታኒያ ካታማታ ጋኪዶሶና። ዮሱስ ባ ታማሬታፔ ናምዳታ ሲንሴ ኪቲዲ፤ 2 «ሂንቴፊ ሲንሳን ዴዲያ ጉታ ቤቲ፤ ያ ጌሊዳ ሜላ አኒካ ቶጊቦና ቃሾን ዴዲያ ሃራ ማሪ ሂንቴ ዴማና፤ ኢያ ቢሊዲ፤ ሃ ኤኪ ዩቱ።

3 አኒካ ሂንቴና፤ ሃይሳ አይስ አሴቲ?» ያጊዲ አይቺኮ፤ ሃይሳ ኢያ ኮዩስ፤ ኤሌሲዲ ሃ ዩዳና ያጊቴ» ያጊስ።

4 ኤንቲ ቢዲ፤ ሃራ ማሪ ካሬ ባላ አጌ ማታን ቃሼቲዲ ዴዴይሳ ዴሚዲ ቢሊዶሶና። 5 ሄ ቤሳን



ከቂዳ ኢሲ ኢሲ አሳቲ ኤንታታ። «ሃሬ ማራ ዋታናው ቢሌቲ?» ያጊደሶና።<sup>6</sup> ኢያ ታማሬቲ ዮሱሲ ባንታና ኪቲዳይሳ አዲን። አሳቲ ዮዲ አጊደሶና።<sup>7</sup> ኤንቲ ሃሬ ማራ ዮሱሳኮ ኤሂዲ። ባንታ ማዑዋ ኢያ ዘኮን ሂጊን ዮሱሲ ሄ ሃሬ ማራ ቶጊስ።<sup>8</sup> ዳሮ አሳይ ባንታ ማዑዋ አጊያን ሂጊደሶና፤ ቃሲ ሃራቲ ሚሳ ታሼ ታሼዲ። አጊን ሂጊደሶና።<sup>9</sup> ዮሱሳፔ ሲንሳራ ሃሙቲያ አሳይኔ ኢያ ካሊያ አሳይ ባንታ ቃላ ዶቁ አሲዲ።

«ሆሳና! \* ዳሳይ ጋላቴቶ!  
 ጎዳ ሱንሳን ዮይሲ አንጄቲዳይሳ።  
 10 ጎዳ ሱንሳን ያ ኑ አዋ  
 ዳዊቴ ካዎቴሳይ አንጄቲዳይሳ።  
 ኡባሬ ቦላ ሳሉዋን  
 ዴዲያ ዳሳይ ጋላቴቶ»

ያጊደሶና።  
 11 ዮሱሲ ዮሩሳላሜ ቢዲ። ዳሳ ኬላ ጌሊስ። ቃሲ ኡባባ ዩዩ ያሊዳፔ ጉዮ። ሳዓይ ቃሚያ ጊሾ ታማኔ ናምዑ ታማሬታራ ቢታኒያ ካታማ ቢስ።

**ዮሱሲ ቃንጊዳ ባላሴ ሚሲው**  
 (ማቶ 21:18-19)

12 ዎንቴሳ ጋላስ ኤንቲ ቢታኒያፔ ኬዬዲ ቢሺን። ዮሱሲ ኮሻቲስ።<sup>13</sup> ሃሆን ኢሲ ባላሴ ሚሲው ሃይላ ሃላላ ማዓ ኡቲዳሮ ቤዲዲ። ኢ ቦላ አይፌይ ቤቲኮ ጊዲ። ቤዓናው ኢኮ ቢስ። ሺን ኢኮ ኢ ቢያ ዎዴ ሃይላ ሃላላፔ አቲን ኢሲ አይፌካ ዴሚቤና፤ አይስ ጊኮ። ባላሴይ አይፌያ ዎዴይ ጋኪቤና።<sup>14</sup> ዮሱሲ ሄ ባላሴው። «ሂዛ። ኔፔ ሜሪናው አሲ አይፌ ሞፖ» ያጊስ። ኢያ ታማሬቲ ኢ ጌይሳ ሲዲደሶና።

**ዮሱሲ ዳሳ ኬላን ዛላዲይሳታ ኬሲስ**  
 (ማቶ 21:12-17፤ ሉቃ 19:45-48፤ ዮሃ 2:13-22)

15 ኤንቲ ዮሩሳላሜ ቢደሶና፤ ዮሱሲ ዳሳ ኬላ ጌሊዲ። ያን ባይዘይሳታኔ ሻሜይሳታ ካሬ ጎዶ አይኪስ፤ ቃሲ ሚሼ ላሚይሳታ ሃርጳዛኔ ሆሌ ባይዘይሳታ አይዲያ አሲ ዮጊዲ።<sup>16</sup> አሲ አይቢባካ ቶኪዲ። ዳሳ ኬላ ጊዶራ አዶና ሜላ ዲጊስ።<sup>17</sup> ዮሱሲ አሳ ሃይላዳ ያጊዲ ታማርሲስ። «ጊሻ ማዓን። ስታ ኬላይ አሲ ኡባይ ዳሳ ዎሲያ ኬሲ ጊዳና፤ ጌቴቲዲ ሃሬቲስ። ሺን ሂንቲ ኢያ ፓንጋቲ ቆሴቲያ ጎንጎሎ አሲዴታ» ያጊስ።

18 ካሂኔ ሃላቃቲኔ ሂጌ አስታማሬቲ ሄሳ ሲዲዲ። ኢያ ዎዳናው አጌ ኮሺ አይኪደሶና። ሺን ዳሮ አሳይ ኢያ ቲሚርቲያን ማላሌቲያ ጊሾ ኢያው ያዩደሶና።

19 ሳዓይ አማርሲያ ዎዴ ዮሱሲኔ ኢያ ታማሬቲ ካታማፔ ጋዓ ኬዩደሶና።

**ባላሴ ሚሲያ ሚላሱ**  
 (ማቶ 21:20-22)

20 ኤንቲ ዎንቴሳ ጋላስ ሄ አጊያራ አዲሼ። ሄ ባላሲያ ሃጳራ ሜሊዳሮ ቤዲደሶና።<sup>21</sup> ጳጊሮሲ አክኪዲ። «አስታማሪያው። ሄኮ። ኔኔ ቃንጊዳ ባላሲያ ሚላሱ» ያጊስ።

22 ዮሱሲ ዛሬዲ። «ዳሳ አማኒቲ።<sup>23</sup> ታኒ ሂንቲው ቱማ አዳይስ፤ አኒካ ባ ዎዛናን ሲዶና

ጊዳባይ ሃናናይሳ አማኒዲ። ሃ ዴሪያ። ስንዳዳ አባን ኩንዳ» ያጊኮ ኢያው ሃናና።<sup>24</sup> ሄሳ ጊሾ። ታኒ ሂንቲው አዳይስ፤ ዳሳ ሂንቲ ዎሲያባኔ አይቺያባ አይባ ጊዲኮካ ኤኪዳዳ አማኒቲ። ሂንቲ ኤካና።<sup>25</sup> ዳሳ ዎሳናው ሂንቲ ኤቂያ ዎዴ ሳሎን ዴዲያ ሂንቲ አዋይ ሂንቲ ናጋራ አቶ ጋና ሜላ። አኒካ ሂንቲና ናቂዳባይ ዴዲኮ። ኢያው አቶ ጊቴ።<sup>26</sup> ሺን አሳ ናጋራ ሂንቲ አቶ ጎና ኢዲኮ። ሳሎን ዴዲያ ሂንቲ አዋይካ ሂንቲ ናጋራ ሂንቲው አቶ ጌና» ያጊስ።

**ዮሱሲ አይቢ ማታን አሲያኮ አይሼቲስ**  
 (ማቶ 21:23-27፤ ሉቃ 20:1-8)

27 ኤንቲ ዛሬዲ ዮሩሳላሜ ቢደሶና። ዮሱሲ ዳሳ ኬላን ሃሙቲሺን። ካሂኔ ሃላቃቲ። ሂጌ አስታማሬቲኔ ጪማቲ ኢያኮ ዩዲ።<sup>28</sup> «ኔኒ ሃይሳ አሳናው ኔው አይ ማቲ ዴዲ? ዎይኮ ኔው ሃ ማታ ኢሚዳይ አኔ?» ያጊደሶና።

29 ዮሱሲ ዛሬዲ ኤንታታ። «ታ ሂንቲና ኢሲባ አይቻና። ታው አዲቴ። ታ ቃሲ ሃይሳ አይ ማታን አሲያኮ። ሂንቲው አዳና።<sup>30</sup> ዮሃኒሳ ሂንታቄይ ዳሳፌዮ ዎይኮ አሳፔ? ታው አዲቴ» ያጊስ።

31 ኤንቲ ባንታ ጊደን ፓላማ ዶሚዲ። «ኑኒ። ስላፌ» ጊኮ። ኢ ኑኮ። ስቲን። ዮሃኒሲ አዲዳይሳ አይስ አማኒቤኬቲ?» ያጋና።<sup>32</sup> «አሳፔ ጊኮ» አሳ አባይ ዮሃኒሲ ናቤ ጊዴይሳ ኤሮሶና።» ያኒያ ጊሾ አሳስ ያዩደሶና።<sup>33</sup> ሄሳ ጊሾ። ኤንቲ ዮሱሳኮ። «ኑኒ ኤሮኮ» ያጊዲ ዛሬደሶና፤

ዮሱሲ። «ታኒካ ሃይሳ አይ ማታን አሲያኮ። ሂንቲው አዲኬ» ያጊስ።

12

**ዎይኔ ቶኪያ ጎሻንቾታ ሌሚሶ**  
 (ማቶ 21:33-46፤ ሉቃ 20:9-19)

1 ዮሱሲ ኤንታው ሌሚሶን ያጊዲ አዲስ፤ «ኢሲ ኡራይ ዎይኔ አታኪልቲ ቶኪዲ። ዩሺ አሲዲ ዲርሲ ዲሪስ። ቃሲ ሄ ዎይኒያ ጉምዲያ አላካ ቦኪስ። ኢያ ናጋናው አዱሳ ሻኮ ሻኪስ። ሄሳፌ ጉዮ። ኮሴ አሲያ አሳስ ኢሚዲ። ሃራ ቢታ ቢስ።<sup>2</sup> ዎይኔ አይፌያ ማጊያ ዎዴይ ጋኪን። ባና ጋኪይሳ ኤኪዲ ያና ሜላ። ኢሲ ባ አይሊያ ኮሴ አዋታኮ ኪቲስ።<sup>3</sup> ኮሴ አዋቲ ኢያ አይሊያ አይኪዲ ዋዲዲ። ሜላ ኩሼ ዮዲደሶና።<sup>4</sup> ናምዓንሶ ሃራ አይሌ ኤንታኮ ኪቲን። ኤንቲ ሄ አይሊያስ ሁዲያ ቆዲዲ ካወሺዲ ዮዲደሶና።<sup>5</sup> ዎይኔ አታኪልቲያ ጎዳይ ቃሲካ ሃራ አይሌ ኪቲስ። ሄ አይሊያ ዎዲደሶና። ቃሲ ሃራ ዳርታ ሄሳዳ አሲደሶና። ኢሶታ ኢሶታ ዋዲዲ። ሃራታ ዎዲደሶና።

6 «ዎይኔ አታኪልቲያ ጎዳስ ኪታናው ኡባፌ ወርሴሳን ኢ ዳሮ ዶሲያ ባ ናዓ ሃላሊ አቲስ። ኢ። «ኤንቲ ታ ናዓ ቦንቾና አጎኮና» ጊዲ። ባ ናዓ ኤንታኮ ኪቲስ።

7 «ሺን ኮሴ አዋቲ ባንታ ጊደን። ላታናይሲ ሃይሳ፤ ዮዲቴ ኢያ ዎዶስ፤ ኢያ ላታይ ኑባ ጊዳና!» ያጊደሶና።<sup>8</sup> ናዓ አይኪዲ ዎዲዲ። ኢያ አሃ ዎይኔ አታኪልቲያ ጊደፌ ጋዓ ኬሲ ሆሊደሶና።

\* 11:9 ሆሳና። ማቶ 21:9 ቤዲቴ። 11:9 ማዝ 118:25 11:17 ኢሳ 56:7፤ ኤር 7:11 11:23 ማቶ 17:20፤ 14ሮ 13:2 12:1 ኢሳ 5:1

9 «ሂዛ፣ ወይን አታከፈ፣ ጎዳይ ዋታኔ? ዩዲ ሄ ኮሴ አዋታ ወዲ አንገዲ፣ ወይን ኮሴ አሲያ ሃራ አሳስ ኢማና።»

10-11 «ገምቤይሳቲ ቦሪዲ ኢዲዳ ሹቻይ ጎዳ ዓጹዋ ሚንሲያ፣ ኡባሬ አዲያ ሹቹ ጊዲስ።»

ሃይሲ ጎዳይ አሲዳባ፣ ቃሲ ኑ አይፊያስካ ማላሲያባ) ያጌይሳ ጌሻ ማፃፍ፣ ናባቢቤኬቲ?» ያጊስ።

12 ካሂኔ ሃለቃቲ፣ ሂጌ አስታማራቲኔ ጨማቲ ዩሱሲ ሄ ሌሚሱዋ ባንታ ቦሳ ሌሚሲዳይሳ ኤሪዳ ጊሾ ኢያ አይካናው ኮዩዶሶና፣ ሺን አሳስ ያዩዲ፣ አገ ቢዶሶና።

**ገራ ገሮባ**  
(ማቶ 22:15-22፤ ሉቃ 20:20-26)

13 ቃሲ ኢያ አዳፍ ባላ ደሚዲ፣ ኢያ አይካና ሜላ፣ ፋሪሳዊታ፣ ሄሮዲሳ ባጋታ፣ ጉሳ አሳታ ኢያኮ ኪቲዶሶና። 14 ኤንቲ ኢያኮ ዩዲ፣ «አስታማሪያው፣ ኔኒ ቱማ አደቴይሳኔ አሳፍ አሴ ሻኮናይሳ ኑኒ ኤሮስ። ኔኒ አሴ ዱማያካ፣ ቃሲ ያሳ አገያ ቱማቴላን ታማርሳሳ። ኑኒ ሮሜ ቢታ ካወዋ ቄሳሬስ ገራ ገራይሲ ወጌዬ ወጋ ጊዴኔ? ገራ ገራኔ አጋኔ?» ያጊዶሶና።

15 ሺን ኤንታ ጩባቴላ ዩሱሲ ኤሪዲ፣ «ታና አይስ ፓጩቲ? አኔ ኢሲ ሳንቲሜ ታና ቤሲቴ» ያጊስ። 16 ኤንቲ ኢያው ኤሂዶሶና፣ «ሃ ማላይኔ ሱንሳይ አዴይሴ?» ያጊዲ ኤንታ አይቺስ።

ኤንቲ፣ «ሮማ ካወዋ ቄሳሬይሳ» ያጊዶሶና።

17 ዩሱሲ ዛሪዲ፣ «ያቲኮ፣ ቄሳሬይሳ ቄሳሬስ፣ ያሳይሳ ያሳስ ኢሚቴ» ያጊን ኤንቲ ኢያባ ማላሌቲዶሶና።

**ሃይቆፕ ዴንዶባ**  
(ማቶ 22:23-33፤ ሉቃ 20:27-40)

18 ሃይቂዳ አሲ ዴንዴና ጊያ ሳዱቃዊታ፣ ኢሲ ኢሲ አሳቲ ዩሱሳኮ ዩዲ፣ ሃይሳዳ ያጊዲ፣ ኢያ አይቺዶሶና። 19 «አስታማሪያው፣ ሙሴይ ኑስ ሂጊያ ዓሬሼ፣ «ማቾ ኤኪዳ አሲ ናዓ ዩሎና ሃይቂኮ፣ ሄ ሃይቂዳይሳ ኢሻይ ኢያ ማቺው ኤኪዲ፣ ባ ኢሻስ ናዓ ዩላናው ቤሴስ» ያጌይሳ ዓሬስ። 20 ቤኒ ወዴ ላፑን ኢሻቲ ዴዔይሳታ፣ ባይራይ ማቾ ኤኪዲ፣ ናዓ ዩሎና ሃይቂስ። 21 ናምዓንሶይ ኢዮ ኤኪስ፣ ኢካ ናዓ ዩሎና ሃይቂስ። ሄሻንሶይካ ሄሳዳ ሃኒስ። 22 ላፑናቲካ ሄሳሶ ኢዮ ኤኪዲ፣ ናዓ ዩሎና ሃይቂዶሶና፣ ኡባሬ ጉዩ፣ ቃሲ ሄ ማጫሲያ ሃይቃሱ። 23 ያቲን፣ ላፑናቲ ኢዮ ኤኪዳ ጊሾ ሃይቂዳ አሳይ ሃይቆፕ ዴንዲያ ጋሳስ፣ ኢያ ኤንታሬ አወሳስ ማቾ ጊዳኔ?» ያጊዶሶና።

24 ዩሱሲ ዛሪዲ፣ «ሂንቴ ባሌይ፣ ጌሻ ማፃፍታ ወይኮ ያሳ ወልቃ ኤሮና ጊሾሳ! 25 ሃይቂዳ አሳይ ሃይቆፕ ዴንዲያ ጋሳስ፣ ሳሎን ዴዲያ ኪታንቾታ ሚላ ጊዳና፣ አቲን አዴ አሳይ ኤኮኮና፣ ማጫ አሳይ ጌሌኮና። 26 ሺን ሃይቂዳይሳታ ዴንዱዋባ ጊዲኮ፣ ሙሴ ማፃፍን ዓሬቲዳ ፀጌቲያ ቡሪያባ አዲያ ቤሳን፣ ያሳይ ሙሴኮ፣ «ታኒ፣ አብራሃሜ ያሳ፣ ዩሳቃ ያሳ፣ ያይቆባ ያሳ» ጊዳይሳ ናባቢቤኬቲ? 27 ሄሳ ጊሾ፣ ኢ፣ ፓዓ ዴዔይሳታ

ያሳሬ አቲን ሃይቂዳይሳታ ያሴ ጊዴና። ሂንቴ ዳሮ ባሊዴታ» ያጊስ።

**ኡባሬ አዲያ ኪታ**  
(ማቶ 22:34-40፤ ሉቃ 10:25-28)

28 ሂጌ አስታማራታ፣ ኢሶይ ኤንቲ ፓላሜይሳ ሺቂዲ ሲዲስ። ቃሲ ዩሱሲ ኤንታው ሎይሲ ዛሪዳይሳ ሲዲዲ፣ «ኪታ ኡባሬ አዲያ ኪታይ አወሴ?» ያጊዲ ዩሱሳ አይቺስ።

29 ዩሱሲ ዛሪዲ፣ ኢያ ሃይሳዳ ያጊስ፣ «ኪታ ኡባሬ አዲያ ኪታ ሲዲቴ፣ «ኢስራዔል አሳው፣ ጎዳይ ኑ ያሳይ ኢሲ ጎዳ። 30 ኔ ጎዳ ኔ ያሳ ኔ ኩሜሳ ወዛና፣ ኔ ኩሜሳ ሽምፑዋሬ፣ ኔ ኩሜሳ ቆፋ፣ ኔ ኩሜሳ ወልቃሬ ዶሳ» ያጊስ። 31 ቃሲ ኪታ ኡባሬ አዲያ ናምዓንሶ ኪታይ ሃይሳ፣ «አሴ አባ ኔ ሁዲያዳ ዶሳ» ያጌይሳ፣ ሃይሳታ፣ አዲያ ሃራ ኪቲ ባዋ» ያጊስ።

32 ሂጌ አስታማሪይ ዩሱሳኮ፣ «አስታማሪያው፣ ቱማ ጋዳሳ፣ ኔኒ «ያሳይ ኢሲ ያሳ ዓላላ፣ ኢያ፣ አቲን ሃራ ባዋ» ጊዳይሲ ቱማ። 33 ያሳ ኩሜሳ ወዛና፣ ኩሜሳ ቆፋ፣ ኩሜሳ ወልቃሬ ዶሴይሲኔ ቃሲ አሴ ኡባ ባ ሁዲያዳ ዶሴይሲ፣ ፀጊያ ያርሹዋሬኔ ሃራ ያርሾ ኡባሬ አዲስ» ያጊስ።

34 ዩሱሲ ሂጌ አስታማሪያ ዛሪይ አዲዳ ኤሪንቾ አሳ ዛሮ ጊዲዳይሳ ቤዲዲ፣ «ኔኒ ያሳ ካዎቴላሬ ሃካባካ» ያጊስ፣ ሄሳሬ ጉዩ፣ ዩሱሳ ሃራባ አይቻናው አኒካ ሚኒቤና።

**ኪሪስቶሲ አዴ ናዔ**  
(ማቶ 22:41-46፤ ሉቃ 20:41-46)

35 ዩሱሲ ያሳ ኬሳን ታማርሲሼ፣ ሃይሳዳ ያጊስ፣ «ሂጌ አስታማራቲ ኪሪስቶሳ ወይጊዲ ዳዊቴ ናዓ ጎና? 36 ዳዊቴይ ጌሻ አያናን ኩሚዲ፣ «ጎዳይ፣ ታ ጎዳ፣ «ታኒ ኔ ሞርኪታ ኔ ቶሆይ ዩዲያሶ አሳና ጋካናው፣ ሃይሳን ታ፣ ኡሻቻ ባጋራ ኡታ» ጊስ» ያጊስ። 37 ዳዊቴይ ባ ሁዔን ኪሪስቶሳ፣ «ጎዳ» ጊዲ ያጊስ፣ ያቲን፣ ኪሪስቶሲ ዋኒዲ፣ ዳዊቴ ናዓ ጊዲ» ያጊስ።

ዳሮ አሳይ ዩሱሲ ጌይሳ ኡፋይሳን ሲዲዶሶና።

**ዩሱሲ ሂጌ አስታማራታኔ ፋሪሳዊታ ቦሪስ**  
(ማቶ 23:1-36፤ ሉቃ 20:45-47)

38 ዩሱሲ ታማርሲሼ፣ ሃይሳዳ ያጊስ፣ «ሂጌ አስታማራታ፣ ናጌቲቴ፣ ኤንቲ አዱሳ ማዖ ማዲዲ ዩዩይሳኔ ጊያንካ አሳይ ኤንታ ቦንቺዲ ሳርጴይሳ ዶሶሶና። 39 ኤንቲ አይሁዴ ወሳ ኬሳታን ዳሮ ሎዖ አይዴ ዶሶሶና፣ ቃሲ አሲ ባንታና ሞኪያ ቤሳን ቦንቾ ቤሲ ዶሶሶና። 40 ኤንቲ አምዔታ ኬሳ ቦንቂዲ፣ ባንታው ሎዖ ዳናናው ወሳ አዱሶሶና፣ ኤንቲ ኡባሬ አዲያ ፒርዳ ኤካና» ያጊስ።

**አምዔ ሙዓታ**  
(ሉቃ 21:1-4)

41 ዩሱሲ ያሳ ኬሳን ሙዓታ ዩጊያ ሳዲኒያ ማታን ኡቲዲ፣ አሳይ ባ ሚሺያ ሄ ሳዲኒያን ዩጊይሳ ቤዲስ፣ ዳሮ ዱሬ አሳይ ዳሮ ሚሺያ ሄ ሳዲኒያን ዩጎሶና። 42 ኢሲ ማንቆ አምዲያ ያዳ፣

12:10-11 ማገ 118:22-23 12:18 ሃ.አ 23:8 12:19 ዛሬ 25:5 12:26 ኪሳ 3:6 12:28 ሉቃ 10:25-28  
12:29 ዛሬ 6:4-5 12:31 ሌዌ 19:18 12:32 ዛሬ 4:35 12:33 ሆሴ 6:6 12:34 ሉቃ 10:25-28 12:36  
ማገ 110:1

ናምዑ ባካናታ ሄ ሳላኒያን ዩጋሱ። 43 ዩሱሲ ባ ታማሬታ ያገደ። «ታኒ ሂንቴው ተማ አዳይስ፤ ሙፃታ ሳላኒያን ዩጋሱ አሳ አብሬ ሃ ማንቆ አምዲያ ዳርሳዳ ዩጋሱ። 44 አይስ ጊኮ፣ ሃራቲ አብይ ባንታው ፓላሂዳ ሚሺያፕ ዩጊዶሶና። ሺን ኢያ ባ ፓጩያሬ፣ ባው ደዲያ አቁዋ ኩሜሲ ኢማሱ» ያገደ።

13

ዩሱሲ ያሳ ከላይ ላሌታናይሳ ኮይርቲዲ አዲስ

(ማቶ 24:1-2፤ ሉቃ 21:5-6)

1 ዩሱሲ ያሳ ከላሬ ከዩሺን፣ ኢያ ታማሬታ፤ «አስታማሪያው፣ ሃ ሎፖ ሹቻኔ ሃ ሎፖ ሹቻ ከላ ቤዓይ!» ያገደ።

2 ዩሱሲ ዛሪዲ፣ «ሃ ጊታ ሹቻ ከላ ቤዓይ? ሃ ከላይ ሹቻ ሹቻ ባላ ጊምቤቲዳ ሜላ ላሌቶና አቴና፤ ኢሲ ሹቻካ አቶና አብይ ላሌታና» ያገደ።

ጎዳይ ያናፕ ኮይርቲዲ ጋካና ጎዳኔ ዋያ (ማቶ 24:3-14፤ ሉቃ 21:7-19)

3 ዩሱሲ ያሳ ከላሬ ሂኒ ባጋራ ሻማሆ ደሪያ ባላ አቲዳሺን፣ ጴጊርሲ፣ ያይቆቤ፣ ዮሃንሲኔ ኢንዲሪያሲ ባንታርካ ኢያኮ ዩዲ፣ 4 «ሃይሲ አዉዴ ሃናኒኮ፣ ኑስ አዳ፤ ሃ አብይ ፖሌታና ዋዲያ ኤሪሲያ ማላታይ አይቤ?» ያገደ አይቻዶሶና።

5 ዩሱሲ ቃሲ ኤንታው ሃይሳዳ ያገደ አዲስ፣ «ሂንቴና አኒካ ባሌሶና ሜላ ናጌቲቴ። 6 ዳር አሳቲ ታ ሱንሳን፣ «ታኒ ኪሪስቶስ» ያገደ ታማርሲሽ ዩዲ፣ ዳር አሳ ባሌሳና። 7 ማታን ደዲያ አላኒ ሃሆን ደዲያ አላ ዋሬ ሂንቴ ሲዲያ ዋዴ ሂርጎሬቴ። ሄሳ ሜላባይ ሃናናው ቤሴስ፣ ሺን ወርሴላይ ቡሮና። 8 ኢሲ ቢታ አሳይ ሃራ ቢታ አሳራ አሌታና፤ ቃሲ ኢሲ ካዎቴላይ ሃራ ካዎቴላታራ አሌታና፤ ቢታ ቃዶይ አብ ቤሳን ሃናና፤ ኮሻይ ዳና፣ ሺን ሄሲ አብይ ዩሎ ኢቁላስ ዞኪ ሜላ።

9 «ሺን ሂንቴ፣ ሂንቴ ሁዔን ናጌቲቴ። አይስ ጊኮ፣ አሲ ሂንቴና አይኪዲ፣ ፐርዳ ከላስ አሲ ኢማና፤ ቃሲ አይሁዴ ዎሳ ከላታንካ ሂንቴና ሊሶን ጋራፋና፤ ደሪያ ሃሬይሳታ ሲንሳኒኔ ካዎታ ሲንሳን ታ ጊሾ ሂንቴ ማርካታናው ኤቃና።

10 ወርሴላይ ጋካናፕ ሲንሴ ዎንጌላይ ኮይር ደሬ አብስ አይታናው ቤሴስ። 11 ኤንቲ ሂንቴና ፐርዳ ከሲ ኤሂያ ዎዴኔ አሲ ኢሚያ ዎዴ ዎይጊዲ አዳኒኮ ኮይር ሂርጎሬቴ፤ ሄ ሳቲያን ያሳይ ሂንቴው ኢሚያባ አዲቴ። ሂንቴናን ጊሻ አያናይ አይቴሲፕ አቲን ሂንቴና ጊዴኪታ።

12 «ኢሻይ ባ ኢሻ፣ አዋይ ባ ናዓ ዎዲሳና። ናይቲ ባንታና ዩሊዳይሳታ ባላ ደንዲዲ፣ ኤንታ ዎዲሳና። 13 አሳይ አብይ ሂንቴና ታ ሱንሳ ጊሾ ኢፃና፣ ሺን ወርሴሲ ጋካናው ሚኒዳይ አታና።

ዩሩሳሌም ጋካና ኢታ ሜቱዋ (ማቶ 24:15-28፤ ሉቃ 21:20-24)

14 «ሺን ባሻ ቴናቴላይ ኤቃናው ቤሶና ቤሳን ኤቁዳሺን ሂንቴ ቤዓና።» (አኬኪሶ፣ ሄሲ ዎይ ጉሴኮ ናባቤይሲ አኬኮ!) «ዩሁዳ ቢታን ሄ ዎዴ ደዴይሳቲ ደሪያኮ ባቃቶ። 15 ከላ ሁዔን ደዲያ አራይካ ኢሲባ ኤካናው ዱጊ ዎዲዲ፣ ባ ሶ ጌሎፖ። 16 ጋዴን ደዴይሲ ባ ማዑዋ ኤካናው ጉዩ ሲሞፎ። 17 ሄ ዎዴ ቃንሳቲዳ ማጫሳታሲኔ ዳንሲያ ማጫሳታስ ዳር አንዓ ጊዳና። 18 ሺን ሃይሲ አብይ ሃኒያ ዎዴይ ባልጎ ጊዶና ሜላ፣ ያሳ ዎሲቴ። 19 አይስ ጊኮ፣ ያሳይ አላሚያ ሜዲዳ ዎዲያፕ ዶሚዲ፣ ሃሲ ጋካናው ሃኒሶና ሜቶይኔ ሲንሳሬካ ሃናና ሜቶይ አሳ ባላ ሄ ዎዴ ሃናና።

20 ጎዳይ ሄ ጋላሳታ ታይቡዋ ጉሶናኮ፣ አሴ ጊዲዳይ አኒካ አቴና። ሺን ኢ ባ ዶሪዳ አሳ ጊሾ ሄ ጋላሳታ ታይቡዋ ጉሴስ።

21 «ሄ ዎዴ አኒካ ሂንቴና፣ «ሄኮ፣ ኪሪስቶሲ ሃይሳን ደዴስ ዎይኮ ኪሪስቶሲ ሂኒን ደዴስ» ያገደ። ሄሳ አማኖፕቴ። 22 ዎርዳንቾ ኪሪስቶሳቲኔ ዎርዶ ናቤቲ ደንዲዲ ባንታው ዳንዳዳቲኮ፣ ሃሪ አቶሺን ያሳይ ዶሪዳይሳታካ ባሌሳናው ማላታታኔ ማላሲሲያባታ ቤሳና።

23 ሺን ሂንቴ ናጌቲቴ፤ ታኒ ሂንቴው አብባ ካሴታዳ አዳስ።

ኪሪስቶስ ናምዓንሶ ዩሳ

(ማቶ 24:29-31፤ ሉቃ 21:25-28)

24 «ሺን ሄ ዎዴ ሄ ዋያፕ ጉዩ፣ አዋይ ዲማና፤

አገናይ ፖዑዋ አጋና፤

25 ያሊንቶቲ ሳሎፕ ኩንዳና፤ ቃሲ ሳሎን ደዲያ ዎልቃቲካ ቃዓና።

26 ሄ ዎዴ አሳ ናዓይ፣ ጊታ ዎልቃራኔ ቦንቹዋራ ሻራ ጊዶራ ዩሺን ኤንቲ ቤዓና። 27 ሄ ዎዴ ታኒ ኪታንቾታ ሳዓ አይዱ ባጋ ኪታና፤ ሳዓ ጋፃፕ ሳሎዋ ጋፃ ጋካናው፣ ያሳይ ዶሪዳ አሳ ሺሻና።

ዎዴይ ጋኪዳይሳ ኤሪሲያ ባላሴ ሚሲው (ማቶ 24:32-35፤ ሉቃ 21:29-33)

28 «ሎሚሱዋ ባላሴ ሚሳሬ አኬኪቴ፤ ባላሲያ አጩያ ዎዴኔ ኢ ሃይላይ ጩልዲያ ዎዴ ቶርቼይ ማታቲዳይሳ ሂንቴ ኤሬታ። 29 ሄሳዳካ፣ ሂንቴ ሄ አብባይ ሃይሳ ቤዲያ ዎዴ ኢ ማቲዲ ፔንጌ ጋኪዳይሳ ኤሪቴ። 30 ታኒ ሂንቴው ተማ አዳይስ፤ ሃ አብባይ ሃናና ጋካናው ሃይሳን ደዲያ አሳ አብይ ሃይቁና። 31 ሳሎይኔ ሳዓይ አዳና፣ ሺን ታ ቃላይ አብራካ አዴና።

ጎዳይ ያና ጋላሳኔ ሳቲያ አኒካ ኤሬና (ማቶ 24:36-44)

32 «ሺን ሄ ጋላሳኔ ሄ ሳቲያ አዋ ዓላላፕ አቲን ሃሪ አቶሺን ሳሎን ደዲያ ኪታንቾታ ጊዲን ዎይኮ ናዓ ጊዲን አኒካ ኤሬይ ባዋ። 33 ሄ ዎዴይ አዉዴ ጊዳኒኮ፣ ሂንቴ ኤሮና ጊሾ ናጌቲቴኔ ሚኒቴ። 34 ታ ዩሳይ ባ ከላ አጊዲ፣ አኔ ቢያ አራ ሜላ። አራይ ባ አይሌታ ሁዔን ሁዔን አሱዋ ኢሚዲ ኤንታ ባ አሱዋስ አዋ አሲስ፤ ቃሲ ናጌይሲካ ሚንሲዲ ናጋና ሜላ ኪቲስ።

35 «ሄሳ ጊሾ፣ ሚኒቴ። አይስ ጊኮ፣ ከላዋይ አማርሲ ጊዲን ዎይኮ ጊዲ ቢላሄ ጊዲን ዎይኮ

13:9 ማቶ 10:17-20፤ ሉቃ 12:11-12 13:13 ማቶ 10:22 13:14 ዛሬ 9:27፤ 11:31፤ 12:11 13:15 ሉቃ 17:31 13:19 ዛሬ 12:1፤ ዮቆ 7:14 13:24 ኢሳ 13:10፤ ኤር 2:10 13:25 ኢሳ 34:4፤ ዮቆ 6:13፤ ኤር 2:10 13:26 ዛሬ 7:13፤ ዮቆ 1:7 13:32 ማቶ 24:36 13:34 ሉቃ 12:36



ኩቶ ዋሶ ጊዲን ወይኮ ወንታ ጉራ ጊዲን አወዴ ያኔኮ፣ ሂንቱ ኤሬኬታ።<sup>36</sup> ሂንቱ አኬኮና ኢ ዱዲ ሂንቱና ዲስኪዲ ዴዲሺን ዴዋና ሜላ ሚኒቱ።<sup>37</sup> ታኒ ሂንቱው አዴይሳ አሳ ኡባስ አዳይስ፤ ሚኒቱ» ያጊስ።

14

ኪሪስቶስ ቦላ ማቄቲዶሶና

(ማቶ 26:1-5፤ ሉቃ 22:1-2፤ ዮሃ 11:45-

53)

<sup>1</sup> ፓሲካ ባሌ ቦንቺያ ጋላሳይኔ ኡይሳ ባሌ ቦንቺያ ጋላሳይ ጋካናው ናምዑ ጋላሲ አቲስ። ካሂኔ ሃላቃቲኔ ሂኔ አስታማሬቲ አሲ ኤሮና ዮሱሳ አይኪዲ ወዲያ አጌ ኮዮሶና።<sup>2</sup> «አሳይ አሺ ኬሶና ሜላ ፓሲካ ቦንቺያ ጋላሳን ሄሳ አሶኮ» ያጊዶሶና።

ዮሱሳ ሺቱዋ ቲዱዳ ማጫሲው

(ማቶ 26:6-13፤ ዮሃ 12:1-8)

<sup>3</sup> ዮሱሳ ቢታኒያ ካታማን ባሮ ሃርጋንቺዋ ሲሞና ሶን ጊቢራ ቦላ ኡቲዳሺን፣ ኢሲ ማጫሲያ አልባስዲሮሴ ጊያ ሹቻሬ አሴቲዳ ጲልቃዬ ኩሜሳ ናርዶሴ ጊያ ዳሮ አልዎ ሺቶ ኤካዳ ያሱ። ሄ ጲልቃዲያ ሜንሳዳ ሺቱዋ ዮሱሳ ሁዲያን ቲጋሱ።<sup>4</sup> ሄ ቤሳን ዴዲያ አሳፕ ኢሶይ ኢሶይ ሃንቄቲዲ፣ «ሃ ሺቶይ ሜላ ሮ ኢቱይ አይቢሴ? ሃ ሺቱዋ ሄኹ ዪቱ ዲናሬን \* ባይዚዲ፣ ሚሺያ ማንቆታስ ኢማናው ዳንዳዬቱስ» ያጊዲ ባንታ ጊዶን አዴቲዶሶና። ያቲዲ፣ ሄ ማጫሲው ዳሮ ቦሪዶሶና።

<sup>6</sup> ሺን ዮሱሳ «ሃ ማጫሲው አይኮካ ኅፒቱ፤ ኢዮ አይስ ዋይሴቲ? ኢያ ታው ሎዎባ አሳሱ።

<sup>7</sup> ማንቆቲ ኡባ ዎዴ ሂንቱራ ዴዎሶና። ሂንቱ ኮዮዳ ዎዴ አወዴካ ሂንቱ ኤንታ ማዳናው ዳንዳዬታ፣ ሺን ታኒ ኡባ ዎዴ ሂንቱራ ዴዲኬ።

<sup>8</sup> ኢያ ባ ዳንዳዲዳይሳ አሳሱ፤ ቃሲ ታና ሞንስ ጊጊሳናው ካሴታዳ ሺቶ ቲያሱ።<sup>9</sup> ታኒ ሂንቱው ቱማ አዳይስ፤ ሳዓ ኡባን ዎንጌላ አዲያሶን አወንካ፣ አሳይ ኢዮ አኬካና ሜላ ሃ ኢያ አሲዳይሲ አዴታና» ያጊስ።

ዮሱሳ ዮሱሳ አሲዲ ኢማናው ዞሬቲስ

(ማቶ 26:14-16፤ ሉቃ 22:3-6)

<sup>10</sup> ታማኔ ናምዑ ታማሬታፕ ኢሶይ አስቆሮታ ዮሱሳ ጌቱቱይሲ ዮሱሳ ካሂኔ ሃላቃታስ አሲ ኢማናው ኤንታኮ ቢስ።<sup>11</sup> ኤንቲ ሄሳ ሲዲዳ ዎዴ ኡፋይቲዲ፣ «ኑኒ ኔው ሚሺ ኢማና» ያጊዶሶና፤ ዮሱሳ ዮሱሳ አሲ ኢማናው ኢንጄ ዎዴ ኮዮስ።

ዮሱሳ ባ ታማሬታራ ፓሲካ ሚስ

(ማቶ 26:17-25፤ ሉቃ 22:7-14፤ 21-23፤

ዮሃ 13:21-30)

<sup>12</sup> ኡይሳ ባሌይ ቦንቺቲያ ኮይሮ ጋላስ፣ ፓሲካ ካሳ ማናው ማራዜ ሹኪያ ዎዴ ዮሱሳ ታማሬቲ ኢያኮ፣ «ፓሲካ ቦንቺያ ጋላስ ኔኒ ማና ካሳ ኑኒ አው ቢዲ ጊጊሲኖ?» ጊዲ አይቺዶሶና።

<sup>13</sup> ዮሱሳ ባ ታማሬታፕ ናምዳታ ሃይሳዳ ያጊዲ ኪቲስ፤ «ካታማ ቢቱ፤ ሂንቱ ቢሺን፣

አቶራ ሃሴ ቶኪዳ ኢሲ ኡራይ ሂንቱራ ጋሄታና፤ ኢያ ካሊቱ።<sup>14</sup> ኢ ቢዲ ጌሊያ ኬሳዋ፣ «አስታማሬይ ኔኮ፣ «ታኒ ታ ታማሬታራ ፓሲካ ማናው ኢማሳ ኪሬሴይ አወኔ?» ያጊስ» ያጊቱ።<sup>15</sup> ኬሳዋይ ሂንቱና ፖቂያ ቦላ ዴዲያ ጊጊ ኡቲዳ ዳልጋ ኪሬሴ ቤሳና፤ ሄሳን ጊጊሲቱ» ያጊስ።

<sup>16</sup> ሄ ናምዑ ታማሬቲ ኬዱዲ፣ ካታማ ቢዶሶና፤ ዮሱሳ ኤንታው አዲዳይሳዳ ዴሚዲ፣ ፓሲካ ካሳ ጊጊሲዶሶና።

<sup>17</sup> ሳዓይ አማርሲያ ዎዴ ዮሱሳ ታማኔ ናምዑ ታማሬታራ ያ ቢስ።<sup>18</sup> ኤንቲ ኡቲዲ ካሲ ሚሺን፣ ዮሱሳ ኤንታኮ፣ «ታኒ ሂንቱው ቱማ አዳይስ፤ ሂንቱሬ ኢሶይ ታራ ሜይሲ፣ ታና አሲ ኢማና» ያጊስ።

<sup>19</sup> ኢያ ታማሬቲ ዳጋሚዲ፣ ባንታ ሁዲን ሁዲን፣ «ቱማ ታኔሻ?» ያጊዲ ኢያ አይቺዶሶና።

<sup>20</sup> ዮሱሳ ዛሪዲ፣ «ሄ ኡራይ ሂንቱ ታማኔ ናምዳታፕ ኢሱዋ፤ ኢ ታራ ኢሲሬ ቱሻናው ባ ኡይሳ ሻቲያን ዮዴይሳ።<sup>21</sup> አሳ ናዓይ፣ ጌሻ ማፃፋይ ሃይቃና ጊዳይሳዳ ሃይቃና፣ ሺን አሳ ናዓ፣ አሲ ኢሚያ ኡራ አዮ። ሄ ኡራይ ዮሴቶና አቲዳኮ ኢያው ሎዎሺን» ያጊስ።

ጎዳ ካሁዋ

(ማቶ 26:26-30፤ ሉቃ 22:14-20፤ 1ቆሮ

11:23-25)

<sup>22</sup> ኤንቲ ሚሺን፣ ዮሱሳ ኡይሳ ኤኪዲ፣ ያሳ ጋላቲስ፤ ሄ ኡይሳ ሜንሲዲ፣ ባ ታማሬታስ ኢሚሼ፣ «ሄዲቱ፣ ሃይሲ ታ አሹዋ» ያጊስ።

<sup>23</sup> ፀዓ ኤኪዲ፣ ያሳ ጋላቲዲ፣ ኤንታው ኢሚን ኡባይካ ሄ ፀዓፕ ኡዩዶሶና።<sup>24</sup> ዮሱሳ፣ «ሃይሲ አራሳ ጫቁዋን ዳሮ አሳ ጊሻ ጉኪያ ታ ሱሳ።<sup>25</sup> ታኒ ሂንቱው ቱማ አዳይስ፤ ታኒ ያሳ ካዎቱላን አራሳ ዎይኒያ ኡያና ጋላሳይ ጋካናው ዛራዳ ሃ ዎይኒያፕ ኡዩኬ» ያጊስ።

<sup>26</sup> ማዘሙሬ ዮዲዳፕ ጉዬ ሻማሆ ዴሪያ ቦላ ቢዶሶና።

ጴጊሮሲ ካዳናይሳ ዮሱሳ ኮይሮቲዲ አዲስ

(ማቶ 26:31-35፤ ሉቃ 22:31-34፤ ዮሃ

13:36-38)

<sup>27</sup> ዮሱሳ ኤንታኮ፣ «ሂንቱ ኡባይ ታና ዮጊ አጊዲ ባቃታና፤ ጌሻ ማፃፋይ፣ «ያሳይ ዶርሳ ሄሜይሳ ዎዳና፣ ዶርሳቲ ኡባይ ላሌታና» ያጊስ።<sup>28</sup> ሺን ታኒ ሃይቆፕ ዴንዲዳፕ ጉዬ ሂንቱሬ ካሴታዳ ጋሊላ ባና» ያጊስ።

<sup>29</sup> ጴጊሮሲ ዛሪዲ፣ «ኤንቲ ኡባይ ኔና ዮጊ አጊዲ ባቃቲኮካ፣ ታ ኔና አጊኬ» ያጊስ።

<sup>30</sup> ዮሱሳ ጴጊሮሳኮ፣ «ታኒ ኔው ቱማ አዳይስ፤ ሃቺ ቃማ ኩቶይ ናምዑ ቶሆ ዋሳናፕ ሲንፌ ኔኒ ታና ሄኹ ቶሆ ካዳና» ያጊስ።

<sup>31</sup> ሺን ጴጊሮሲ ካሴይሳሬ ሚንሲዲ፣ «ታኒ ሃሪ አቶሺን፣ ኔራ ኢሲሬ ሃይቂያኮካ፣ ኔና ካዲኬ» ያጊስ። ቃሲ ሃራቲ ኡባቲካ ሄሳዳ ጊዶሶና።

ዮሱሳ ጌቱሴማኔን ዎሲስ

(ማቶ 26:36-46፤ ሉቃ 22:39-46)

14:1 ኬሳ 12:1 14:3 ሉቃ 7:37 \* 14:5 ሄኹ ዪቱ ዲናሬ፣ ኢሲ አሳስ ላይሳን ጨጌቲያ ሎዎ ዳሞዜፕ ቦላ ጊዲያ ሚሼ። 14:7 ዛሬ 15:11 14:18 ማዘ 41:9 14:27 ዛካ 13:7 14:28 ማቶ 28:16

32 ጌቴሴማኔ ጊያ ቤሳ ቢደሶና፤ ዩሱሲ ባ ታማሬታኮ፡ «ታኒ ያሳ ዎሳዳ ሲማና ጋካናው ሂንቴ ሃይሳን ኡቴሺቴ» ያጊስ።

33 ዩሱሲ ጳጊሮሳ፡ ያይቆባኔ ዮሃንሳ ባራ ኤኪዲ ቢስ፤ ዳሮ ዋዩቴሲኔ ኡንዔቴስ። 34 ቃሲ ኤንታኮ፡ «ታኒ ሃይቃና ጋካናው አዛናስ፡ ሃይሳን ጋምዲሺቴ፤ ጳስኮሬቴ» ያጊስ።

35 ጉሳ ሲንሴ ሺቂዲ፡ ሳዓን ጉፋኒዲ፡ ዳንዳዔቴያ ባ ጊዲኮ፡ ሄ ዋያ ሳቴይ ባፔ አዳና ሜላ፡ ያሳ ዎሲስ። 36 ቃሲ፡ «አባ፡ ታ አዋው፡ ኡባባይ ኔው ዳንዳዔቴስ፡ ሃ ዋዩ ፁዓ ታፔ ዲጋ። ሺን ኔ ሼኔይ ሃኖፔ አቴን ታ ሼኔይ ሃኖፓ» ያጊስ።

37 ዩሱሲ ባ ታማሬታኮ ሲሚ ዩዲ፡ ኤንቲ ጳስኪዳሺን ዴሚዲ፡ ጳጊሮሳኮ፡ «ሲዋና፡ ጳስኪዳ? ኔኒ ኢሲ ሳቴካ ባርካዳ ናጋናው ዳንዳዓቢኪ? 38 ፓጩን ሂንቴ ጌሎና ሜላ ባርኪዲ ናጊቴኔ ያሳ ዎሲቴ። ሂንቴው ሎዎ አዋይ ዴዔስ፡ ሺን ሂንቴ ዳቡራንቾ አሲ» ያጊስ።

39 ቃሲካ ቢዲ ካሴይሳዳካ ያሳ ዎሲስ። 40 ባ ታማሬታኮ ጉዩ ሲሚዲ ያ ዎዴ ጳስኪዳሺን ዴሚስ፡ ኤንታ አይፊያ ጳስኮይ ጎዚ ዎሲዳ ጊሾ ኢያኮ አይ አይቴያኮካ ኤሮኮና።

41 ሄቫንሶ ኤንታኮ ዩዲ፡ «ሃዲ ጋካናውካ ጳስኪቴኔ ሽምፔቴ? ሂዛ፡ ጊዳና፤ ሳቴይ ጋኪስ፤ ቤዲቴ! አሳ ናዓይ፡ ናጋራንቾ አሳታስ አዲ ኢሜታና ዎዴይ ጋኪስ። 42 ዴንዲዲ ዩዲቴ፤ ቤዲቴ፡ ታና አሲ ኢማናይሲ ጋኪስ» ያጊስ።

**ዩሱሲ ባ ሞርኬታ ኩሺን አይኬቴስ**  
(ግቶ 26:47-56፤ ሉቃ 22:47-53፤ ዮሃ 18:3-12)

43 ዩሱሲ ሄሳ ቡሮ አዲሺን፡ ታማኔ ናምቡ ኢያ ታማሬታፔ ኢሶይ፡ ዩሁዲ፡ ኤሱሲዲ ጋኪ ዎዲስ። ቃሲ ካሂኔ ሃላቃቴ፡ ሂን አስታማሬቴኔ ጨማቴ ኪቴን፡ ማሼኔ ፃምዓ አይኪዳ ዳሮ አሳይ ኢያራ ኢሲፊ ዩደሶና። 44 ዩሱሳ አሲ ኢማናይሲ ሄ ዳሮ አሳስ፡ «ታኒ ዩሬይ ኢያ፤ ኢያ አይኪዲ፡ ሎይሲ ናጊዲ፡ ኤኪ ኤፊቴ» ያጊዲ ማላ አዲ ዎሲስ።

45 ዩሁዲ ጋኪ ዎዲዳ ሜላ ዩሱሳኮ ሺቂዲ፡ «አስታማሬያው» ያጊዲ ዩሱሳ ዩራ ኤኪስ። 46 ሄ ዳሮ አሳይ ዩሱሳ አይኪደሶና። 47 ሺን ማታን ኤቂዳይሳታፔ ኢሶይ ባ ማሻ ሾዲዲ ካሂኔ ሃላቃ አይሊያ ሾጪዲ፡ ኢያ ሃይሳ ቃንጊዲ ሆሊስ።

48 ዩሱሲ ዛሪዲ፡ ሄ ሺቂዳ ዳሮ አሳኮ፡ «ታና ፓንጋ ኬሲዲ፡ ፓንጋ አይኬይሳዳ አይካናው ማሼኔ ፃምዓ አይኪዲ ዩዴቴ? 49 ታኒ ያሳ ኬሳን ታማርሳሺ፡ ጋላስ ጋላስ ሂንቴራ ዴዲያ ዎዴ ታና አይኪቤኬታ፡ ሺን ጌሻ ማፃፋይ ጊዳይሲ ፖሌታናው ቤሴስ» ያጊስ።

50 ኢያ ታማሬቴ ኡባይ ኢያ ዩጊ አጊዲ ባቃቴደሶና።

51 ላፃና ፃላላ ማዲዳ ኢሲ ናቴላ ኡራይ ዩሱሳ ካሴይሳ አሳይ አይኪስ። 52 ሺን ሄ ኡራይ ላፃና ዩጊ አጊዲ፡ ጊሬ ካሎ ባቃቴስ።

**ዩሱሳ ፒርዳ ሻንጎ ሲንሴ ኤፊደሶና**  
(ግቶ 26:57-68፤ ሉቃ 22:54-55፤ 63-71፤ ዮሃ 18:13-14፤ 19-24)

53 አሳይ ዩሱሳ ካሂኔ ሃላቃ ሶ ኤፊደሶና። ያን ካሂኔ ሃላቃቴ፡ ጨማቴኔ ሂን አስታማሬቴ ሺቂዲ ዴደሶና። 54 ጳጊሮሲ ካሂኔ ሃላቃ ዛባ ጋካናው ሃሆን ኢያ ካሊ ቢዲ ያን ናጌይሳታራ ኡቴዲ ታማ ካዩስ።

55 ካሂኔ ሃላቃቴኔ ሺቂዳ አሳ ኡባይ ዩሱሳ ዎዳናው ኢያ ባላ ማርካ ኮዩደሶና፡ ሺን አይኮካ ዴሚሶኮና። 56 ዳሮ አሳቴ ኢያ ባላ ዎርዶ ማርካቴደሶና፡ ሺን ኤንታ ማርካቴሳይ ኢሲኖ ጊዴና።

57-58 ኢሲ ኢሲ አሳቴ ዴንዲ ኤቂዲ ዩሱሳ ባላ፡ «ኢ፡ (ታኒ አሲ ኬዲዳ ሃ ያሳ ኬሳ ላላዳ፡ አሳ ኩሺን ኬዲቴባና ሃራ ያሳ ኬሳ ሄቸ ጋላሳ ጊዶን ኬፃና) ጊሺን ኮኒ ሲዲዳ» ያጊዲ ዎርዶ ማርካቴደሶና። 59 ጊዶሺን፡ ኤንታ ማርካቴሳይ ሄሳንካ ኢሲኖ ጊዴና።

60 ካሂኔ ሃላቃይ አሳ ኡባ ሲንሳን ዴንዲ ኤቂዲ፡ «ሃይሳቴ ኔና ሞቴያ ሞቴዎስ ኔ ዛሪያባይ ባዌ?» ያጊዲ ዩሱሳ አይቸስ። 61 ሺን ዩሱሲ ሲዲ ጊስ፤ አይኮካ ዛሪቤና። ካሂኔ ሃላቃይ፡ «አንጄቴዳ ያሳ ናዓይ፡ ኪሪስቶሲ ኔኔዩ?» ያጊዲ ዛሪ አይቸስ።

62 ዩሱሲ ዛሪዲ፡ «ኤ ታና፡ ሂንቴ አሳ ናዓይ፡ ዎልቃማ ያሳፊ ኡቫቻ ባጋራ ኡቴዳሺን ቃሲ ሳሉዋ ሻራራ ዩሺን ቤዓና» ያጊስ።

63 ካሂኔ ሃላቃይ ባ ማዑዋ ፔዲዲ፡ «ኑና ሃራ ማርካ አይ ኮሺ? 64 ሂንቴ ኢያ ጫሻ ሲዲዴታ፤ ሂንቴ ቆፋይ አይቤ?» ያጊስ። ኤንቲ ኡባይ፡ «ኢ ሃይቃናው ቤሴስ» ያጊዲ ኢያ ባላ ፒርዲደሶና።

65 ኤንታፊ ኢሶቴ ኢሶቴ ኢያ ባላ ጩቴሲ አይኪደሶና። ኢያ አይፊያ ጎዚዲ ባቂሺ፡ «ኔና ዴቸዳይ አኔ? አኔ ኑስ አዳ!» ያጊደሶና። ናጌይሳቴ ኢያ ኤኪ ኤፊዲ ጋራፊደሶና።

**ጳጊሮሲ ዩሱሳ ካዲስ**  
(ግቶ 26:69-75፤ ሉቃ 22:56-62፤ ዮሃ 18:15-18፤ 25-27)

66 ጳጊሮሲ ካሂኔ ሃላቃ ዛባን ጋርሳ ባጋራ ዴዲሺን፡ ካሂኔ ሃላቃ ማጫ አይሌታፔ ኢሲኒያ ያ ያሱ። 67 ጳጊሮሲ ታማ ካዩይሳ ቤዓዳ፡ ቴሺ አሳ ያላዳ፡ «ኔኒካ ናዚሬቴ ዩሱሳራ ዴዓሳ» ያጋሱ።

68 ሺን ጳጊሮሲ፡ «ኔ ጌይሲ አይቤኮ ታ ኤሪኬ፡ ታው አኬኬቴና» ያጊዲ ካዲስ። ያጊ ሲሚዲ ዛን ኬያ ዎዴ ሶሁዋራ ኩቶይ ዋሲስ።

69 ሄ አይሊያ ጳጊሮሳ ቤዓዳ፡ ኢያ ማታን ኤቂዳ አሳታኮ፡ «ሃ ኡራይካ ኤንታራ ዴዔስ» ጋዳ ዛራ አዳሱ። 70 ሺን ጳጊሮሲ ቃሲካ ካዲስ።

ጉሳ ጋምዲሺን፡ ማታን ኤቂዳ አሳቴ ናምዓንሶ ጳጊሮሳኮ፡ «ኔኒ ጋሊላ ቢታ አሲ ጊዲያ ጊሾ ቴማ ኤንታራ ዴዓሳ» ያጊደሶና።

71 ሺን ጳጊሮሲ፡ «ታኒ ሂንቴ ጊያ ኡራ ኤሪኬ!» ያጊዲ ባና ቃንጌሲኔ ጫቆ አይኪስ።

72 ሶሁዋራ ኩቶይ ናምዓንሶ ዋሲ አጊስ። ጳጊሮሲ ዩሱሲ ኢያኮ፡ «ኔኒ ኩቶይ ናምቡ ቶሆ ዋሳናፔ ሲንሴ ሄቸ ቶሆ ታና ካዳና» ኢያኮ ጊዳይሳ አኬኪዲ ዳሮ ዩኪስ።

15

ዮሴፍ ጳጳሳዊ ክፍሎች

(ማቶ 27:1-2፤ 11-14፤ ሉቃ 23:1-5፤ ዮሃ 18:28-38)

1 ዎንታ ጉራ ኤሌሲዲ ካሂኔ ሃላቃቲ፥ ጨማቲ፥ ሂጌ አስታማሬቲኔ አይሁዴ ሻንጎቲ ኡባይ ሸቂዲ ማቅቲዶሶና፥ ኤንቲ ዮሴፍ ቃቺ ኤፊዲ ጳጳሳዊ አሲ ኢሚዶሶና።

2 ጳጳሳዊ ኢያኮ፥ «ኔኒ አይሁዴታ ካዎ?» ያጊዲ አይቺስ።

ዮሴፍ ዛሪዲ፥ «ኔ ጋዳሳ» ያጊስ።

3 ካሂኔ ሃላቃቲ ዮሴፍ ዳርባን ሞቲዶሶና።

4 ሺን ጳጳሳዊ ዛሪዲ ዮሴፍ፥ «ኔው ዛሪያባይ ባዌ? ኤንቲ ኔ ቦላ አይ ሜላ ሞቱዋ ኤሂያኮ ቤዒኪ?» ያጊስ።

5 ሺን ዮሴፍ ሃራባ ዛርና ኢዲን፥ ጳጳሳዊ ማላቲስ።

ዮሴፍ ሃይቆ ጊዲ ፒርዲዶሶና

(ማቶ 27:15-26፤ ሉቃ 23:13-25፤ ዮሃ 18:39-40፤ 19:1-16)

6 ጳጳሳዊ ፓሲካ ባሌ ቦንቺያ ጋላሳን አሳይ ኮያ ኢሲ ኡራ ቃሾፕ ቢሊያ ሜዜይ ዴዒስ። 7 ሄ ዎዴ ኢሲ ባርባና ጊያ ኡራይ አሾ ኬሲዲ ሺምፖ ዎዲዳ አሳታራ ኢሲፊ ቃሾ ኬሳን ዴዒስ።

8 ሸቂዳ ዳሮ አሳይ ጳጳሳዊ ካሴይሳዳ አሳና ሜላ ኢያ አይቺዶሶና። 9 ጳጳሳዊ አሳ ዛሪዲ፥ «ታኒ ሂንቴው አይሁዴታ ካወዋ ቢላናይሳ ኮቡቲ?» ያጊዲ አይቺስ። 10 ሄሳ ኢ ጊዳይ፥ ካሂኔ ሃላቃቲ ዮሴፍ ቃናቲዲ አሲ ኢሚዳይሳ ኤሪያ ጊሾሳ።

11 ሺን ካሂኔ ሃላቃቲ ዮሴፍ ጊሾ ባርባና ቢላናዳ፥ ሄ ሸቂዳ አሳይ ጳጳሳዊ ዎሳና ሜላ አሳ ማቅቲዶሶና። 12 ጳጳሳዊ ዛሪዲ፥ «ያቲን፥ ሃ ሂንቴ አይሁዴ ካዎ ጌይሳ ዋቶ?» ያጊስ።

13 አሳይ ጳጳሳዊ ቦላ ዋሲዲ፥ «ማስቃሊያ ቦላ ኢያ ካቃ» ያጊዶሶና።

14 ጳጳሳዊ አሳኮ፥ «አይስ? ኢ አይ ኢታባ አሲዴ?» ያጊስ።

ሺን አሳይ ካሴይሳፊ ጉጂ ዋሲዲ፥ «ማስቃሊያ ቦላ ኢያ ካቃ» ያጊዶሶና።

15 ጳጳሳዊ አሳ ኡፋይሳናው ኮቡዲ፥ ባርባና አሳስ ቢሊስ፤ ያቲዲ ሊሶን ዮሴፍ ጋራፊዲ፥ ማስቃሊያ ቦላ ካቃና ሜላ ኤንታው አሲ ኢሚስ።

ዎታዳሬቲ ዮሴፍ ቶቺዶሶና

(ማቶ 27:27-31፤ ዮሃ 19:2-3)

16 ሄሳፊ ጉቡ፥ ዎታዳሬቲ ዮሴፍ ዴሪያ ሃሪይሳ አሶ ኬሳ ኤኪ ኤፊዲ፥ ሃራ ዎታዳሬታ ኡባ ኢሲፊ ዪጊዶሶና። 17 ቃሲ ዘዎ አፊላ ኢያ ማይዚዶሶና፤ አጉንሳ ካላቻ ጊጊሲዲ፥ ኢያ ሁዒን ዎሲዶሶና። 18 ሄሳፊ ጉቡ፥ ኢያኮ፥ «አይሁዴታ ካወዋው ሚሪናው ካዎ?» ያጊዲ፥ «ኢያው ዚጊዶሶና። 19 ኢያ ሁዒያ ምዓን ሾጠዶሶና፤ ቃሲ ኢያ ቦላ ጨቲዶሶና፤ ጉልባቲዲ ኢያው ጎይኒዶሶና። 20 ኢያ ቶቺዳይሳፊ ጉቡ ዘዎ አፊላ ኢያፕ ቃሪ ኤኪዲ፥ ኢያ አፊላ ኢያ ማይዚዲ ማስቃሊያ ቦላ ኢያ ካቃናው ኤኪ ኤፊዶሶና።

ዮሴፍ ካቂዶሶና

(ማቶ 27:32-44፤ ሉቃ 23:26-43፤ ዮሃ 19:17-27)

21 ኤንቲ ቢሼ፥ ኢስኪንዲሬኔ ሩፎሳ አዋ፥ ሲሞና ጊያ ቂሬና ቢታ አሲ፥ ጋዳሬፕ ካታማ ዮይሳራ ጋሄቲዲ፥ ዮሴፍ ማስቃሊያ ዎልቃን ቶሲዶሶና። 22 ያቲዲ ጎልጎታ ጊያ ቤሳ ዮሴፍ ኤፊዶሶና። «ጎልጎታ» ጉሳይ «ሁዒ ጉጌ» ጉሱ። 23 ሳኮይ ሲዒቶና ሜላ ካርቤ ጊያ ዳሌይ ዋሳኬቲዳ ዎይኔ ኡቶ ጊዲ ኢያው ኢሚዶሶና። ሺን ኢ ኡቶና ኢዲስ። 24 ኤንቲ ማስቃሊያ ቦላ ኢያ ካቂዶሶና፥ እና አይቤ ጋካኔኮ ጊዲ ኢያ አፊላ ሻኪዲ ሳማ ዮጊዶሶና።

25 ኤንቲ ማስቃሊያ ቦላ ኢያ ካቂያ ዎዴ ዎንታፊ ሄዥ ሳቲ። 26 ኤንቲ፥ «አይሁዴታ ካወዋ» ያጊዲ ኢያ ሞቲያ ፀፊ ዓፊዲ ዎሲዶሶና። 27 ዮሴፍ ናምቡ ፓንጋታ ኢሱዋ ኢያፕ ኡሻቻ ባጋራ ሃንኩዋ ኢያፕ ሃዲርሳ ባጋራ ማስቃሊያ ቦላ ካቂዶሶና። 28 ጊሻ ማግፋይ፥ «ኢታባ አሲዳ አሳታራ ኢ ፓይዴቲስ» ጌቲቲዳይሲ ፖሌቲስ።

29 አጊያራ አዲያ አሳይ ዮሴፍ ካዲዲ፥ ባንታ ሁዒያ ቃሲዲ ጫዶዶሶና፤ «ሄኮ! ዎሳ ኬሳ ላላዳ ሄዥ ጋላሳ ጊዶን ኬዪይሶ፥ ኔ ሁዒያ አሻ፤ 30 አኔ ማስቃሊያ ቦላፊ ዎዳ» ያጊዶሶና።

31 ሄሳዳካ፥ ካሂኔ ሃላቃቲ ሂጊያ ታማርቤይሳታራ ኢሲፊ ዮሴፍ ቶቺዲ፥ «ሃራታ አሺስ፥ ሺን ባና አሻናው ዳንዳዒና፤ 32 ኑኒ ቤዒዲ አማናና ሜላ ኪሪስቶሲ፥ ኢስራዒሌ ካዎይ፥ አኔ ማስቃሊያ ቦላፊ ሃዒ ዎዶ» ያጊዶሶና። ቃሲ ሃሪ አቶሺን፥ ኢያራ ማስቃሊያ ቦላ ካቂቲዳይሳቲካ ኢያ ቶቺዶሶና።

ዮሴፍ ሃይቂስ

(ማቶ 27:45-56፤ ሉቃ 23:44-49፤ ዮሃ 19:28-30)

33 ኡሱፕን ሳቲፕ ዶሚዲ፥ ኡዱፉን ሳቲ ጋካናው ቢታ ኡባይ ዲሚስ። 34 ኡዱፉን ሳቲያን ዮሴፍ ባ ቃላ ጶቂ አሲዲ፥ «ኤሎሄ፥ ኤሎሄ፥ ላማ ሳባቂታኒ?» ያጊስ። ሄሳ ጉሳይ፥ «ታ ዎሳው፥ ታ ዎሳው፥ ታና አይስ አጋዲ?» ጉሱ።

35 ሄሳን ኤቂዳ አሳፕ ኢሶይ ኢሶይ ሄሳ ሲዒዲ፥ «ሄኮ፥ ኤሊያሳ ዪጌስ» ያጊስ። 36 ሄ አሳፕ ኢሶይ ዎዲዲ፥ ኢስፖንጂን ጫላ ዎይኔ ኩንሲስ፤ ሄሳ ምዓ ዪራን ዎሲዲ፥ «ናጊቲ፤ ኤሊያሲ ማስቃሊያፕ ኢያ ዎዲሳናው ያኔኮ አኔ ቤዎስ» ያጊዲ ዮሴፍ ዶናኮ ኡሻናው ሺሺስ።

37 ዮሴፍ ባ ቃላ ጶቂ አሲ ዋሲዲ፥ ሃይቂስ።

38 ዎሳ ኬሳን ካቂቲዳ ማጋራጆይ ቆሞፊ ዱጌ ጋካናው፥ ናምቡ ኬይዲ ዳኬቲ ዎዲስ።

39 ማስቃሊያፕ ሲንሳ ባጋራ ያን ኤቂዳ ኢሲ ማቶ ሃላቃይ፥ ዮሴፍ ዋንዲ ሃይቂዳኮ ቤዒዳ ዎዴ «ሃ ኡራይ ቱማ ዎሳ ና» ያጊስ።

40 ሄሳ ሃሆን ኤቂዲ ቤዒያ ጉሳ ማጫሳቲ ዴዎሶና። ኤንታ ጊዶን ማግዴላ ማይራማ፥ ካሉዋ ያይቆባኔ ዮሳ አያ ማይራማኔ ሳሎማ ዴዎሶና። 41 ሄ ማጫ አሳቲ ዮሴፍ ጋሊሳን ዴዒያ ዎዴ ኢያ ካሊዳይሳታኔ ኢያ ሞኪዳይሳታ ቃሲ

15:21 ሮሜ 16:13 15:28 ኢሳ 53:12 15:29 ማዝ 22:7፤ 109:25፤ ማር 14:58፤ ዮሃ 2:19 15:34 ማዝ 22:1 15:36 ማዝ 69:21 15:38 ኬሳ 26:31 15:41 ሉቃ 8:2-3



ዮሴፍ ኢሲፌ ዮሩሳላሜ ቢዳ ሃራ ዳር ማጫ አሳቲ ያን ዴዎሶና።

**ዮሴፍ ሞጌቲስ**  
(ማቶ 27:57-61፤ ሉቃ 23:50-56፤ ዮሃ 19:38-42)

<sup>42-43</sup> ሳዓይ አማርሲዳ ዎዴ ሺቂዳ አሳን ቦንቼቲዳ አይሁዴ ሻንጎታፔ ኢሶይ፤ ዮሴፍ ጊያ ኡራይ፤ ያሳ ካዎቱሳይ ያናይሳ ናጊሼ ዴዔይሲ፤ አርማቲያሳ ካታማ አሲ ዴዔይሲ ዩስ። ዎንቼሴ ሳምባታስ ጊጌቲያ ጋላስ ጊዲዳ ጊሾ ዮሴፍ ማላሌቲስ፤ ማቶ ሃላቃ ያጊዲ፤ «ኢ ሃይቂዲ ጋምዲዴ?» ያጊዲ አይቺስ። <sup>45</sup> ጳላሶሲ ዮሴፍ ሃይቂዳይሳ ማቶ ሃላቃፔ ሲዲዲ ኢያ አሃ ዮሴፍስ ኢሚስ። <sup>46</sup> ዮሴፍ ሞጎ አፊላ ሻሚስ፤ ዮሴፍ አሃ ማስቃሊያፔ ዎሲዲ፤ አፊላን ሃጊዲ፤ ሹቻፌ ዎጩቲዳ ዱፎ ጊዶን ኢያ አሃ ሞጊስ። ቃሲ ሄ ዱፋዎ ዶናን ጊታ ሹቹ ጎንዶርሲዲ ዎሲስ። <sup>47</sup> ማግዴላ ማይራማኔ ዮሳ አያ ማይራማ ዮሴፍ አሃ ኤንቲ አዉን ዎሲያኮ ቤዎሶና።

16

**ዮሴፍ ሃይቆፔ ዴንዲስ**  
(ማቶ 28:1-8፤ ሉቃ 24:1-12፤ ዮሃ 20:1-10)

<sup>1</sup> ሳምባታይ አዲዳፔ ጉዬ ማግዴላ ማይራማ፤ ያይቆባ አያ ማይራማኔ ሳሎማ ቢዲ፤ ዮሴፍ አሃ ቲያናው ሺቶ ሻሚዶሶና። <sup>2</sup> ዎጋ ዎዴ ዎንታ ዳር ጉራ ሃልቂይ ጫርሺን፤ ዱፋዎ ቢዶሶና። <sup>3</sup> ኤንቲ ባንታ ጊዶን ኢሶይ ኢሱዎራ፤ «ዱፋዎ ዶናፔ ኑስ ሹቻ ኦኔ ጎንዶርሲዲ ዲጋናይ?» ያጊዲ አዴቲዶሶና። <sup>4</sup> ኤንቲ ያሊያ ዎዴ ሄ ዳር ጊታ ሹቻይ ጎንዶራቲዲ ኪቺዳይሳ ቤዲዶሶና። <sup>5</sup> ዮሴፍ ሞጌቲዳ ዱፋዎ ጊዶ ጌሊያ ዎዴ ኢሲ ፓንሳ አዴይ ቦሳ ማዎ ማዲዲ፤ ኡሻቻ ባጋራ ኡቲዳይሳ ቤዲዲ ዳጋሚዶሶና። <sup>6</sup> ሺን ኢ ኤንታኮ፤ «ዳጋሞፊቲ፤ ማስቃሊያ ቦሳ ካቂቲዳ፤ ናዚሬቲ ዮሴፍ ሂንቲ ኮዬይሳ ታኒ ኤራይስ። ኢ ሃይሳን ዴና፤ ሃይቆፔ ዴንዲስ። ኤንቲ ኢያ ሞጊዳ ቤሳ ሃይሳ ቤዲቲ። <sup>7</sup> ሃዲ ቢዲ ዮሴፍ ታማሬታሲኔ ጳዲሮሳስ፤ «ዮሴፍ ሂንቲፌ ሲንሳቲዲ ጋሊላ ቤስ። ኢ ሂንቲው አዲዳይሳዳ ሂንቲ ኢያ ያን ቤዳና» ያጊዲ አዲቲ» ያጊስ። <sup>8</sup> ማጫሳቲ ያሻን ኮኮሪሼ ዱፋዎፔ ኬዬዲ ባቃቲዶሶና። ቃሲ ኤንቲ ያዬዳ ጊሾ ሄሳ አዴስካ አይኮካ አዲቦኮና። \*

**ዮሴፍ ማግዴላ ማይራሚስ ቤንቲስ**  
(ማቶ 28:9-10፤ ዮሃ 20:11-18)

<sup>9</sup> ዮሴፍ ሃይቆፔ ዴንዲዳፔ ጉዬ ዎጋ ጋላስ ዎንታ፤ ላፑን ቱና አያናታ ኬሲዳ ማግዴላ ማይራሚስ ኮይሮቲዲ ቤንቲስ። <sup>10</sup> ኢያ ባዳ ካሴ ኢያራ ዴዔይሳታስ፤ ኤንቲ አዛኒሼኔ ዮኪሼ ዴዲሺን አዳሱ። <sup>11</sup> ሺን ዮሴፍ ፓፃ ዴዔይሳኔ

ኢው ቤንቲዳይሳ ኤንቲ ሲዲዳ ዎዴ ኢያ ጌይሳ አማኒቦኮና።

**ዮሴፍ ናምዑ ባ ታማሬታስ ቤንቲስ**  
(ሉቃ 24:13-35)

<sup>12</sup> ሄሳፌ ጉዬ፤ ኤንታፌ ናምዓቲ ካታማፔ ኬዬዲ ቢሺን፤ አጌ ቦላ ዮሴፍ ካሴይሳፌ ዱማቲዲ ኤንታው ቤንቲስ። <sup>13</sup> ኤንቲ ጉዬ ሲሚዲ፤ ሃራታስ አዲዶሶና፤ ሺን ሃራቲካ ኤንታ አዳ ቱማ ጊቦኮና።

**ዮሴፍ ታማኔ ኢሲ ባ ታማሬታስ ቤንቲስ**  
(ማቶ 28:16-20፤ ሉቃ 24:36-49፤ ዮሃ 20:19-23፤ ሃ.አ 1:6-8)

<sup>14</sup> ጉዬፔ ታማኔ ኢሲ ኢያ ታማሬቲ ካሲ ሚሺን፤ ዮሴፍ ኤንታው ቤንቲስ። ኤንታው አማኖይ ባይና ጊሾኔ ሃይቆፔ ኢ ዴንዲዳይሳ ቤዲዳ አሳይ አዲን ኤንቲ አማኖና ኢዲዳ ጊሾ ኢ ኤንታ ቦሪስ።

<sup>15</sup> ኢ ኤንታኮ፤ «ቢታ ኡባ ቢዲ አሳ ኡባስ ዎንጌላ አዲቲ። <sup>16</sup> አማኔይኔ ሃማቂቲይ አታና፤ ሺን አማኖናይ ፐርዴታና። <sup>17</sup> አማኔይሳታስ ሃ ማላታቲ ኢሜታና። ኤንቲ ታ ሱንሳን ቱና አያናታ ኬሳና፤ አራሳ ዶናን አዴታና። <sup>18</sup> ኤንቲ ሹሹ አይኪኮካ ዎይኮ ዎዲያባ ኡዬኮካ ኤንታ ቆሄና። ቃሲ ኤንቲ ባንታ ኩሺያ ሃርጋንቾታ ቦላ ዎሲዲ ኤንታ ፓሳና» ያጊስ።

**ዮሴፍ ፑዴ ሳሎ ኬዬስ**  
(ሉቃ 24:50-53፤ ሃ.አ 1:9-11)

<sup>19</sup> ሳዳይ ዮሴፍ ታማሬታራ አዴቲዳፔ ጉዬ ፑዴ ሳሎ ኬዬስ፤ ያሳፌ ኡሻቻ ባጋራ ኡቲስ። <sup>20</sup> ኢያ ታማሬቲ ቤዳሶ ኡባን ቃላ አዲዶሶና። ጎዳይካ ኤንታራ ኢሲፌ አሴስ። ኤንቲ አዲያ ቃላይ ቱማ ጊዲዳይሳ ያሳይ ኤንታው ኢሚያ ማላታታን ኤሪሲስ።

16:7 ማቶ 26:32፤ ግር 14:28 \* 16:8 ኢሲ ኢሲ ቤኒ ማፃፋቲ ግርቆሳ ዎንጌላ ፓይዶ 8 ቦላ ኤሶሶና፤ ቃሲ ኢሲ ኢሲ ማፃፋቲ ፓይዶ 9-20 ጋካናው ዴዲያ ቆፋ ጉጃኮና። ጊዶሺን፤ ፓይዶ 8 ካሊዲ ዴዲያ ጉጃሶና። ሄሲካ [ማጫሳቲ ቢዲ፤ ኪታንቾይ አዲዳባ ኡባ ጳዲሮሳስኔ ኢያራ ዴዔይሳታስ ቃንሳን አዲዶሶና። ሄሳፌ ጉዬ፤ ዮሴፍ ባ ታማሬታ ጊሼኔ ሜሪና አቶቱሳ ዎንጌላ ኪታ ዶሎሃፔ ዉሎሃ ጋካናው ኪቲስ።] 16:15 ሃ.አ 1:8 16:19 ሃ.አ 1:9

### ሉቃስ 9፡፩ ዓፊ ዓብይ ከራሳቸው ለሌሎች ጋራ ቆሩ

ዮሴፍ ደራሳ ታማኝ ናምዑ ሃዋርያት ጊደን ሉቃስ ይኖሩ። ሉቃስ ምንገላይ፣ ዮሴፍ ከይሮ ናቤታ ደናን ያና ጌቱቲዲ አዲሱዳይ፣ ኢስራኤልቲ ካሴፕ ናጊሼ ዲዲዳ «ከራሳቸው» ጊደይሳኔ አሳ ዜሬሲ ኡባ አሽይሳ ጊደይሳ ቆንጨሴስ። ሉቃስ፣ ባ ማፃፋን ዮሴፍ፣ «ማንቆታስ ምንገላ ሳባካናው» ባ አዋፕ ከቴቲዳይሳ ጊደይሳኔ ሄ ምንገላይ አሳስ ዲዲያ ዱማ ዱማ ሜቱዋፕ ኬሴይሳ ጊደይሳ አይስ። ሉቃስ ምንገላ ጊደን፣ ዮሴፍ ዩሳባ አዲያ ከይሮ ሼምፖታኒኔ ዮሴፍ ፑዴ ሳሎ ከዩዳይሳ አዲያ ወርሴሳ ሼምፖታን ቆንጨዲ አዲሱዳይ ኡፋይሳባ፣ ዮሴፍ ሳሎ ከዩዳፕ ጉዩ አማያይ ዋኒዲ ዲጨዳኮኒ ዳልጊዳኮ አዲያ ታሪኪያ ሃ ምንገላ ዓፊይ ሃዋርያት አሶ ማፃፋን ዓፊስ።

ከታንቸታ ማዘመራያባ፣ ዮሴፍ ዮሴቲዳ ምዴ ሄንሳቸቲ ቢዲ ቤዲዳይሳ አዲያ ታሪኪይ፣ ዮሴፍ ናግቴሳን ያሳ ኬሲ ቢዳይሳ፣ ቃዴቲያ ሳማሬ አዲያባኔ ዳዩዲ ቤንቲዳ ናግባ አዲያ ታሪኪይ፣ ሉቃስ ምንገላ ዓላላን ቤንቲያ ታሪኪይ። ሉቃስ ምንገላን ጋፃፕ ጋፃ ጋካናው ዲዲያ ዋና ቆፋቲ ምሳባ፣ ጌሻ አያናባ፣ ዮሴፍ አሱዋ ጊደን ማጫሳታስ ዲዲያ ቤሳኔ ያሳይ ናጋራ ማሬይሳ። ሉቃስ ምንገላ አይፌ ቆፋታ

- 2ሎ ቆፋ 1:1-4
- 9ማቂያ ዮሃንሳኔ ዮሴፍ ዮሴቲሳ 1:5-2:52
- 9ማቂያ ዮሃንሳ አሱዋ 3:1-20
- ዮሴፍ ሂንቃቲያኒ ፓጩቴሳ 3:21-4:13
- ዮሴፍ ጋሊላን አሲዳ አሱዋ 4:14-9:50
- ጋሊላፕ ዮሩሳላሜ ጋካናው 9:51-19:27
- ወርሴሳ ሳሚንታ ዮሩሳላሜ ሄራን 19:28-23:56
- ሃይቆፕ ዴንዶ፣ ቆንጨሳኔ ሳሎ ኬሳ 24:1-53

1 ቦንቸ ቴዎሬሎሳ፣ ኑ ጊደን ፖሌቲዳባስ ዳሮቲ፣ ባንታው ዳንዳዴቲዳ ሜላ ዓፊዶሶና።  
 2 ሄ ታሪኪያ ኤንቲ ዓፊዳይ ከይሮፕ ደሚዲ አይፌ ማርካቲኔ ቃላ ሃጋዜይሳቲ ኑስ አዲዳይሳ።  
 3 ታካ ታ ባጋራ ከይሮፕ አኬካ ያሊዳፕ ጉዩ ሄ ታሪኪያ ሃኖታ ማራያዳ ኔው ዓፊይ ታው ሎዎ ጊዲ ቤንቲስ።  
 4 ሄሲካ፣ ኔ ታማሪዳባይ ቱማ ጊደይሳ ኤሪሳናሳ።

**9ማቂያ ዮሃንሳ ዮሴቲሳ**  
 5 ዩሁዳ ካዉዋ ሄሮዲዳ ምዴ አቢያ ያራፕ ጊዲዳ ዛካሪያሳ ጊያ አይሁዴ ካሂኔይ ዴዴስ። ኢያ ማቸያካ አሮና ሼሻፕ። ኢ ሱንሳይካ ኤላሳባይ።  
 6 ናምዳይካ ጎዳ ምጋኔ ከታ ኡባ ናጊዲ ቦሬይ ባይና ያሳ ሲንሳን ያሎቴሳን ዴዲዶሶና።  
 7 ሃኖፕ አቲን ኤላሳባይ ማይንሲ ጊዲዳ ጊሾ ኤንታው ናዲ ባዋ። ናምዳይካ ቃሲ ጨሚዶሶና።

1:5 1ታሪ 24:10 1:15 ታይ 6:3 1:17 ሚል 4:5-6 1:21 1:32 2ሳው 7:12-13፣ 16፣ ኢሳ 9:7

8 ኢሲ ጋላስ ዛካሪያሲ ባ ጊሹዋ ማራን ያሳ ሲንሳን ካሂኔቴሳን ሃጋዜስ።  
 9 ካሂኔቴሳ ምጋን ያሳ ኬሲ ጌሊዲ አፃኔ ጨዩሳናው ኢያ ሳሚ ጋኪስ።  
 10 ኢፃኔይ ጨያ ምዴ አሳይ ካሬን ምሴስ።

11 ጎዳ ከታንቸይ ያርሹዋ ያርሹያ ቤሳፌ ኡሻቻ ባጋራ ኤቂዲ ቤንቲስ።  
 12 ዛካሪያሲ ኢያ ቤዲዳ ምዴ ዳጋሚዲ ዳሮ ያዩስ።  
 13 ሺን ከታንቸይ ኢያኮ፣ «ዛካሪያሳ ያዮፋ፣ ኔ ምሳይ ሲዴቲስ። ኔ ማቸያ ኤላሳባይ አዴ ናግ ዩላና፣ ኢያ ዮሃንሳ ጋዳ ኔ ሱንሳና።  
 14 ኢ ኔው ኢንጄኔ ኡፋይሲ ጊዳና፣ ዳሮቲ ኢያ ዮሴቲሳን ኡፋይታና።  
 15 ጎዳ ሲንሳን ኢ ጊታ ጊዳና፣ ምይኔ ኡሻ ጊዲን ሃራ ማሶያ ኡሻ ኡዩና። ባ አዩ ኡሎን ዴዲሼ ጌሻ አያናን ኩማና።

16 ኢስራኤል አሳታፕ ዳሮታ ባንታ ጎዳ፣ ያሳኮ ዛራና።  
 17 አዋታ ምዛና ናይታኮ ዛራና፣ ከቴቶናይሳታ ያሎታ ጨንጫቴሳኮ ዛራና ሜላ፣ ጎዳስ ቤሲያ ዴሬ ጊጊሳናው ኤሊያሳ አያናኒኔ ምልቃን ጎዳ ሲንሳን ባና» ያጊስ።

18 ዛካሪያሲ ከታንቸዋኮ፣ «ታ ሄሳ አይቢን ኤራኔ? ታራኔ ታ ማቸራ ጨሚዳ» ያጊስ።  
 19 ከታንቸይ ዛሪዲ፣ «ታኒ ያሳ ሲንሳን ኤቂያ ጋብሬሌ። ሃ ሚሺራቸዋ ኔው አዳናው ያሳፌ ከቴታስ።  
 20 ሄኮ፣ ምዲያ ናጊዲ ፖሌቲያ ታ ቃላ ኔ አማኖና ኢዲዳ ጊሾ ሃይሲ ፖሌታና ጋካናው ኔኒ ሙሜ ጊዳና፣ አዴታናዉካ ዳንዳዳካ» ያጊስ።

21 ሄ ምዴ ዛካሪያሲ ያሳ ኬሲ ጌሊዲ ጋምዲዳ ጊሾ አይቢ ሃኒዴ ጊዲ አሳይ ካሬን ናጊሼ ጋምዲስ።  
 22 ኢ ካሬ ከዩዲ ኤንታና አዲሳናው ዳንዳዳይና፣ ማሊ ቤሶፕ አቲን አዴታናው ዳንዳዳይሳ ቤዲዳ ምዴ ቆንጨሳ ቤዲዳይሳ ኤሪዶሶና።

23 ዛካሪያሲ ሃጋዘ ምዲያ ፖሊዲ ባ ሶ ሲሚስ።  
 24 ሄሳፌ ጉዩ፣ ኢያ ማቸያ ኤላሳባይ ቃንሳታሱ። ኢቻሹ አጌና ኩሜሲ ባና ጌንሳዳ ጋምዳስ።  
 25 ኢያ፣ «ጎዳይ ባ ማሮታን ታ ቦሪያ አሳ ጊደፌ ዲጋናው ቤዲዲ ሃ ምዲያን ሃይሳ አሲስ» ያጋሱ።

**ዮሴፍ ዮሴቲሳይ ከይሮቲዲ አዴቲስ**  
 26 ኤላሳባይ ቃንሳቲን ኡሱፕንሳ አጌናን፣ ያሳይ ከታንቸዋ ጋብሬሌ ጋሊላ ቤታን ዴዲያ ናዚሬቴ ካታማ ከቲስ።  
 27 ካዉዋ ዳዊቱ ሼሻፕ ጊዲዳ ዮሴፋ ጊያ ኡራስ አይሹቲዳ ጌላዴኮ ከቲስ። ሄ ጌላዲያ ማይራዋ ጌቱታውሱ።  
 28 ከታንቸይ ኢኮ ቢዲ፣ «ዳሮ ዶሴቲዳሬ፣ ሳሮይ ኔው ጊዶ፣ ያሳይ ኔራ ዴዴስ» ያጊስ።

29 ማይራማ ኢያ አዳን ዳሮ ዳጋማዳ፣ «ሃይሲ አይቢ ሳሮሶ» ጋዳ ሄታሱ።  
 30 ከታንቸይ ዛሪዲ፣ «ማይራሜ፣ ባቦፋ፣ ኔኒ ያሳ ሲንሳን ሳባ ዴማዳሳ።  
 31 ሄኮ ኔኒ ቃንሳታና አዴ ናግ ዩላና፣ ኢያ ሱንሳካ ዮሴፍ ጋዳ ሱንሳና።  
 32 ኢ ጊታ ጊዳና፣ ኡባፌ ቦላ ያሳ ናግ ጌቱቲ ዩጌታና። ጎዳ ያሳይ ኢያ አዋ ዳዊቱ አራታ ኢያው ኢማና።  
 33 ኢ ያይቆባ ሼሻ ቦላ ሜሪናው ካዎታና፣ ኢያ ካዎቲሳስ ዛዊ ባዋ» ያጊስ።

34 ማይራማ ከታንቸዋኮ፣ «ሄሲ ዋኒዲ ሃናኔ? ታ አዴ ኤሪኬ» ያጋሱ።  
 35 ከታንቸይ ዛሪዲ፣ «ጌሻ አያናይ ኔ ቦላ ምዳና፣ ኡባፌ ቦላ ያሳ ምልቃይ ኔ ቦላ ኩያታና።

1:19 ዳኔ 8:16፣ 9:21 1:27 ማቶ 1:18 1:31 ማቶ

ሄሳ ጊሾ፣ ዩሌቲያ ጊሻ ናዓይ ያሳ ናዓ ጌቱታና።  
36 ሄኮ፣ ኔ ዳቢያ ኤልሳቤፃ ባ ጨማቴሳ ላይሳን አዴ ናዓ ቃንሳታሱ። ኢያ ማይንሲ ጌቱቲዳሮ፣ ሺን ሃሲ ኡሱፕንሳ አጌና አይካሱ። 37 ያሳ ያጊያባይ ባዋ» ያጊስ።

38 ማይራማ፣ «ሄኮ፣ ታኒ ጎዳ አይሊው፣ ኔ ቃላዳ ታው ሃኖ» ያጋሱ። ሄሳፊ ጉዩ፣ ኪታንቾይ ኢፔ ሻኬቲስ።

39 ማይራማ ሄ ሳሚንታን ዴንዳዳ ዩሁዳ ቢታን ዴዲያ ኢሲ ጌዜ ካታማ ባሱ። 40 ዛካርያሳ ሶ ጌላዳ ኤልሳቤፃ ሳሮሳሱ። 41 ኤልሳቤፃ ማይራማ ሳሮሱዋ ሲዲዳ ዎዴ ኢ ኡሉዋን ዴዲያ ናዓይ ኡፋይሳን ጉፒስ። ኤልሳቤፃ ጊሻ አያናን ኩማዳ፣ 42 ባ ቃላ ዶቁ አሳዳ፣ «ኔኒ ማጫሳ ጊዶፊ አንጄቲዳሮ፣ ኔ ቃንሳቲዳ ናዓይካ አንጄቲዳሮ፣ 43 ሃኖሺን፣ ታ ጎዳ አዩ፣ ኔኒ ታኮ ያና ሜላ ታኒ አኔ? 44 ሄኮ ኔ ሳሮሱዋ ታ ሲዲዳ ዎዴ ታ ኡሉዋን ዴዲያ ናዓይ ኡፋይሳን ጉፒስ። 45 ጎዳይ ፖላኖ ጊዲ ኢሚዳ ቃላ አማኒዳሮ፣ ኢያ አንጄቲዳሮ» ያጋሱ።

**ማይራማ ማዘሙሪያ**

46 ማይራማ ሃይሳዳ ያጋሱ፣  
«ታ ሼምፒያ ጎዳ ቦንቻውሱ፣

47 ታ አያናይ ዳሊያ ያሳን ኡፋይቲስ።

48 ኢ ባ አይሌ ካወሻቴሳ ቤዲስ።  
ሃፔፊ ዶሚዲ ዩሌቴሳ ኡባይ ታና አንጄቲዳሮ ጋና።

49 አይስ ጊኮ፣ ዎልቃማ ጊዲዳ ኢ፣ ታው ጊታባ አሲስ።

ኢያ ሱንሳይ ጊሻ።

50 ኢያ ቦንቼይሳታ ቦላ፣

ኢያ ማሮቴሳይ ሜሪናፔ ሜሪና ጋካናሳ።

51 ባ ቁሲያን ሚኖባ አሲስ፣

ባንታ ዎዛናን አቶርቴይሳታ ላሊስ።

52 ዎልቃማ ካዎታ አራታፔ ካወሺስ፤

ባንታና ካወሺዳይሳታ ካቦይስ።

53 ኮሻቲዳይሳታ ሎዎባን ካልሲስ፣

ሺን ዱሬታ ሜላ ኩሼ ዩዲስ።

54 ባ ማሮታ ቆፒዲ፣

ባ አይሊያ ኢስራዴል ማዲስ።

55 ሄሲካ ኑ አዋታስ አዲዳ ቃላ፣

አብራሃሜሲኔ ኢያ ሼሻስ ጊዳይሳ ሜሪናው ፖላናሳ»

ያጋሱ።  
56 ማይራማ ኤልሳቤፃ ማታን ሄቩ አጌና ሜላ ጋምዳዳ ባ ሶ ሲማሱ።

**ፃማቂያ ዮሃንሳ ዩሌቴሳ**

57 ኤልሳቤፃን ዩሎ ቃማይ ጋኪን አዴ ናዓ ዩላሱ። 58 ኢ ሾሮቲኔ ኢ ዳቦቲ ጎዳይ ጊታ ማሮታ አሲዳይሳ ሲዲዲ፣ ኢራ ኢሲፊ ኡፋይቲዶሶና። 59 ሆስፑንሳ ጋላሳን ዮጋ ናዓ ቃፃራናው ዩዶሶና። ኢያ አዋ ሱንሳን ዛካርያሳ ጊዲ ሱንሳናው ኮዩዶሶና። 60 ሺን አያ፣ «አካይ፣ ዮሃንሳ ጌቱታናው ቤሴስ» ያጋሱ። 61 ኤንቲካ፣ «ኔ ዳቦታፔ ሃ ሱንሳን ያጌቲዳይ አኒካ ባዋ» ያጊዶሶና። 62 ኢያ አዋይ አና ጊዲ ሱንሳኔኮ ኤራናው ኮዩዲ ኢያ ማላ አይቺዶሶና። 63 ኢ ፃፊያባ አይቺ ኤኪዲ፣ «ኢያ ሱንሳይ

ዮሃንሳ» ጊዲ ፃፊስ። ኡባይ ኢ ፃፊዳይሳ ቤዲዲ ማላሌቲዶሶና። 64 ኢራ ዛካርያሳ ኢንፃርሳይ ቢሌቲስ፣ ያሳ ጋላቲሼ አዴቴሲ አይኪስ። 65 ሾሮቲ ኡባይ ያሻን ኩሚዶሶና። ሃ ሃኒዳባይ ጌዜ ዩሁዳ ቢታን አዴቲስ። 66 ሄሳ ሲዲዳ ኡባይ፣ «ሃ ናዓይ አይ ሃናንዴሻ» ጊዲ ባንታ ጊዶን አዴቲዶሶና። ጎዳ ኩሼይ ኢያራ ዴዴስ።

**ዛካርያሳ ማዘሙሪያ**

67 ዮሃንሳ አዋይ ዛካርያሳ ጊሻ አያናን ኩሚዲ ሃይሳዳ ያጊዲ ቲንቢቴ አዲስ።

68 «ኢስራዴሊያ ጎዳይ ጋላቴቶ፣  
ዩዲ ባ አሳ ዎዚስ።

69 ባ አይሊያ ዳዊቴ ኬላን

አቶቴሳ ካጨያ ዴንሳስ።

70 ሄሲካ ቤኒ ዎዴ ጊሻ ናቤታ ዶናን አዴቲዳይሳ ሜላ፣

71 ኢያ አሾይ ኑ ዋርኬታፔኔ  
ኑራ ኤቁቲያ ኡባ ኩሼያፔ።

72 ሄሳ ኢ አሲዳይ ኑ አዋታስ ባ ማሮታ ቤሳናሲኔ፣

ባ ጊሻ ጫቁዋ ናጋናሳ።

73 ኑ አዋ አብራሃሜስ ጫቁዳ  
ጫቁዋ ቆፓናሲኔ

74 ኑ ዋርኬታ ኩሼፔ ኬሲዲ

ያሺ ባይና ኢያ ሃጋዛና ሜላሳ።

75 ኑ ላይሳ ኡባን ጊሻቴሳኒኔ ዒሎቴላን  
ባ ሲንሳን ኑና ኤሳናሳ።

76 ቃሲ ላ ናዓው፣ ኔኒ ኡባፊ ቦላ ያሳ ናቤ ጌቱታና።

ጎዳ አጊያ ሎይሳናው ኔ ኢያ ሲንሳን ባና።

77 ኤንታ ናጋራይ ቁሼቲን፣  
ኤንቲ አቶቴሲ ዴማናይሳ ኔ ጎዳ ዴሪያስ አዳና።

78 ኑ ያሳ ሎዎ ማሮቴሳፊ ዴንዶይሳን  
ዎንታ ፃልቁይ ኑስ ሳሉዋፔ ኬዩስ።

79 ሄሲካ ዱማኒኔ፣  
ሃይቆ ኩያ ጋርሳን ዴዲይሳታስ ፖዲሳናሳ፣  
ኑ ቶሁዋካ ሳሮ አጊያኮ ዛራናሳ»

ያጊስ።

80 ናዓይ ዲጨስ፣ አያናን ሚኒስ፣ ኢስራዴል አሳስ ቆንጫና ጋካናው ባዞ ቢታን ዴዲስ።

2

**ዩሱሳ ዩሌቴሳ (ማቶ 1:18-25)**

1 ሄ ዎዴ ሮሜ ቢታን ዴዲያ አሳ ኡባይ ታይቤታና ሜላኔ ሱንሳይ ፃፊታና ሜላ ካዎይ አወጊስቦሲ ኪቲስ። 2 ሄሲካ ቁሬኖሲ ሶሬ ቢታ አይሲያ ዎዴ አሴቲዳ ኮይሮ ታይቡዋ። 3 ሄሳ ጊሾ፣ ኢሲ ኢሲ አሲ ባ ሱንሳ ፃፊታናው ባ ዩሌቲዳ ቢታ ቢስ።

4 ዮሴፊካ ዳዊቴ ኬሳፊኔ ያራፔ ጊዲዳ ጊሻ ጋሊላ ናዘሬቴ ካታማፔ ዴንዲዲ ዳዊቴ ካታማ ጊዲዳ ዩሁዳ ቤቴሌሜ ቢስ። 5 ቢሼ፣ ዩላናው ዎዴይ ወሪዳ ኢ አይቺ ዎሲዳ፣ ማይራማራ ዎላ ፃፊታናው ቢስ። 6 ኤንቲ ያን ዴዲሺን ኢው ዩሎ ዎዴይ ጋኪስ። 7 ባ ባይራ ናዓ ዩላሱ። ጨርቃራ

1:37 ሜዴ 18:14 1:46 1ሳሙ 2:1-10 1:48 1ሳሙ 1:11 1:52 ኢዮ 5:11፤ 12:19 1:55 1ሳሙ 2:1-10 1:55 ሜዴ 17:7 1:59 ሌዌ 12:3 1:76 ሚላ 3:1 1:79 ኢሳ 9:2



፻፶፯ አ.ማሴ አቂያዮን ቤሲ ዳዩዳ ጊሾ ዳራን ሜሄ ሙዚያ ጎንጌን ዜንዲሳሱ።

**ሄንሳንቸታ ኪታንቸታ**

8 ሄ ጋዲያን ቃማ ዶርሳ ወዲያ ናጊሼ ካራን አቂያ ሄንሳንቸታ ዴቦሶና። 9 ጎዳ ኪታንቸታ ሃሳዮና ዩዲ ኤንታ ማታን ኤቂስ። ጎዳ ቦንቸይ ኤንታ ዩሹዋን ፖሊስ፤ ኤንቲካ ዎልቃማ ያሺ ያዩዶሶና። 10 ሺን ኪታንቸታ፡ «ያዮሬቴ! ሄኮ፡ አሳ ኡባስ ጊዲያ ጊታ ኡፋይሳ ሚሺራቸዋ ኤካዳ ያስ። 11 ሄሲካ፡ ዳዊቱ ካታማን አሽይሲ ሂንቴው ሃቺ ዩሉቲስ። ኢ ጎዳ ኪሪስቶሳ። 12 ዞቃሌ ናዳይ ጩርቃራ ፃፂቲዲ ጎንጌን ዜንዲዳይሳ ሂንቴ ዴማና፤ ሄሲካ ሂንቴው ማላ ጊዶ» ያጊስ።

13 ቆፖና ዳሮ ሳሎ ኪታንቸታ ኪታንቸውራ ኢሲፌ ቆንጨዲ፤

14 «ቦንቸይ ያሳስ ጶቃ ሳሎዋን፤ ሳሮይ ቢታ ቦላ ያሳይ ዶሲያ አሳስ ጊዶ» ያጊዲ ጋላቲዶሶና።

15 ኪታንቸታ ኤንታፌ ሻኬቲዲ ሳሎዋ ኪዩዳፕ ጉዩ ሄንሳንቸታ፡ «አኔ ጎዳይ ኑስ ቆንጨሲዳባኔ ሃኒዳባ ቤዓናው ቤቴሌሜ ቦስ» ያጊዶሶና።

16 ኤንቲካ ኤሌሲዲ ቢዶሶና። ማይራዎ፡ ዮሴፉኔ ዞቃሌ ናዳ ጎንጌን ዜንዲዳይሳ ቤዲዶሶና።

17 ቤዲ ሲሚዲ ናዳባ ኤንታው አዴቶይሳ፡ ቆንጨሲዲ ሄ ቤሳን ዴዲያ አሳስ ማርካቲዶሶና።

18 ሄሳ ሲዲዳ ኡባይ ሄንሳንቸታ አዲዳይሳን ማላሌቲዶሶና። 19 ማይራማ ሃኒዳባ ኡባ ባ ዎዛናን ቆፓሽ ዴዳሱ። 20 ሄንሳንቸታ ኤንታው አዴቲዳይሳ ሃኒን ቤዲዶሶና። ሄሳ ጊሾ፡ ባንታ ሲዲዳባሲኔ ቤዲዳባ ኡባስ ያሳ ቦንቸሼኔ ጋላቲሼ ሲሚዶሶና።

**ዮሱሲ ያሳ ኬሲ ኤፊዶሶና**

21 ሆስፑንሳ ቃማን፡ ቃፃሮ ዎዴይ ጋኪን፡ ኢ ቃንሳታናፕ ሲንሴ ኪታንቸታ ዎሲዳ ሱንሳን ዮሱሳ ጌቲቲስ። 22 ሙሴ ዎጋ ሜላ ኤንታ ጌሻቴላ ዎዴይ ፖሌቲዳፕ ጉዩ ዮሴፉራኔ ማይራሚራ ዮጋ ናዳ ባንታ ጎዳስ ኢማናው ዮሩሳላሜ ቢዶሶና። 23 ሄሲካ፡ ጎዳ ዎጋን፡ «አዴ ጊዲዳ ባይራ ናዲ ኡባይ ጎዳስ ዱማቲዳይሳ ጊዶ» ጌቲቲዲ ፃፊቲዳይሳ ፖላናሳ። 24 ቃሲ ጎዳ ዎጋን፡ ናምዑ ኩራቾ ዎይኮ ሆሌ ያርሻናው ኤፊዶሶና። 25 ሄ ዎዴ ጌሺኔ አማኖራ ሚኖ ጊዲዳ ሲሞና ጌቲቲያ አሲ ዮሩሳላሜን ዴዴስ። ኢ ኢስራዬሌታ አቶቴላ ናጊሼ ዴዴስ። ጌሻ አያናይካ ኢያ ቦላ ዴዴስ። 26 ቃሲ ኪሪስቶሳ ቤያና ሃይቆናይሳ ጌሻ አያናይ ኢያው ቆንጨሲን ኤሪዲ ዴዴስ። 27 ኢ ሄ ጋላስ አያናይ ካሌሲን ያሳ ኬሲ ቢስ። ናዳ አዩራኔ አዋራ ዎጋ ፖላናው ዮጋ ናዳ ዮሱሳ ኤኪዲ ጌሊዳ ዎዴ 28 ሲሞኒ ሞኪ ኤኪዲ ናዳ ኢዲሚዲ፤

29 «ጎዳው ኔ ታው ጌሊዳ ቃላ ሜላ፤ ሃዲ ኔ አይሊያ ሳሮን ሞይዛ።

30 ታ አይፌይ አሳ ኡባ ሲንሳን ኔ ጊጊሲዳ፤

31 ኔ አሹዋ ቤዲስ።

32 ሄሲካ ካዎቴላታ ኡባስ፡

ያሳ አጊያ ቆንጨሲያ ፖዶ፤

ኔ አሳ ኢስራዬሌስካ ቦንቸ»

ያጊዲ ያሳ ጋላቲስ።

33 ዮሴፉራኔ ማይራሚራ ኢያው አዴቲዳባን ማላሌቲዶሶና። 34 ሲሞኒ ኤንታ አንጂስ። አዩ ማይራሚኮ፡ «ሄኮ ዳሮ አሳ ዎዛና ቆፋይ ቆንጫና ሜላ፤ ኢስራዬሌን ዴዲያ ዳሮታስ ኤንታ ኩንዴሳሲኔ ዴንዱዋስ ያሳን ዶራቲስ። 35 ቃሲ ኤቁቴይሳታስ ማላ ጊዳና። ኔ ሼምፑዋራካ ቃሲ ማሺ አዳና» ያጊስ። 36 ቃሲ አሴራ ያራፕ ጊዲዳ ፋኑዴላ ናዲያ ሃና ጌቲቲያ ናቤይ ዴዳውሱ። ኢያ ዳሮ ጨማሱ፤ ኢያ ባ ኮይሮ አዚናራ ላፑን ላይሲ ዴዳሱ። 37 ኢ አዚናይ ሃይቂን ሆስፑን ታማኔ አይዱ ላይሲ ጊዳና ጋካናው ቃማኔ ጋላስ ፓጩይ ባይና ዎሳኒኔ ዎማን ያሳ ኬሳን ሃጋዛሱ።

38 ኢያ ሄ ሳቲያን ባዳ ያሳ ጋላታሱ፤ ዮሩሳላሜ ዎዜቴላ ናጊያ ኡባስ ዮጋ ናዳባ ማርካታሱ።

39 ዮሴፉራኔ ማይራሚራ ጎዳ ሂጊያን ኪቲቲዳ ዎጋ ኡባ ፖሊዳፕ ጉዩ ጋሊላ ቤታን ዴዲያ ባንታ ካታማ ናዚሬቴ ሲሚዶሶና። 40 ናዳይ ዲጨሼኔ ሚኒሽ ቢስ። ጨንጫቴላን ኩሚስ፤ ያሳ አዶ ኬሃቴላይ ኢያ ቦላ ዴዴስ።

**ዮሱሲ ያሳ ኬሲ ቢስ**

41 ዮሴፉራኔ ማይራሚራ ፋሲካ ባሌ ቦንቻናው ላይሳን ላይሳን ዮሩሳላሜ ቦሶና።

42 ዮሱሳስ ታማኔ ናምዑ ላይሲ ጊዲያ ዎዴ ካሴ ሜዜቲዳይሳባ ባሊያ ቦንቻናው ቢዶሶና።

43 ባሊያ ቦንቸዳፕ ጉዩ ሶ ሲሚያ ዎዴ ናዳይ ዮሱሲ ዮሩሳላሜን አቲስ። ሺን ዮሴፉራኔ ማይራሚራ ኢ ዮሩሳላሜን አቶይሳ ኤሪቦኮና።

44 ኢ ሶ ሲሚያ አሳራ ዎላ ዴዲያ ዳኒን ኤንቲ ኢሲ ጋላሳ አጌ ቢዶሶና። ኢ ባይናይሳ ኤሪዳፕ ጉዩ ባንታ ዳቦታኔ ላጌታ ማታን ኮዩዶሶና።

45 ኢ ያን ዳዩን ኮዩሼ ጉዩ ዮሩሳላሜ ጋካናው ቢዶሶና።

46 ሄቸ ጋላሳፕ ጉዩ ያሳ ኬሳን አስታማሬታ ጊዶን ኡቲዲ ኤንታባ ሲዲሼኔ ኤንታ አይቺሼ ዴዲሺን ዴሚዶሶና። 47 ኢያ ሲዲያ ኡባይ ኢያ አኬካኒኔ ዛናዋን ማላሌቲዶሶና።

48 ሶ አሳይ ኢያ ዴሚዳ ዎዴ ማላሌቲዶሶና። ኢያ አያካ፡ «ታ ናዳው፡ አይስ ኑና ሃይሳዳ አሳዲ? ኔ አዋራኔ ታራ ኔና ኮዩሼ ኡንዴቲዳ» ያጋሱ።

49 ዮሱሲ ኤንታኮ፡ «ታና አይስ ኮዩቲ? ታ፡ ታ አዋ ኬሳን ዳናው ቤሴይሳ ኤሪኬቲ» ያጊስ። 50 ሺን ኢ ኤንታኮ ጊዳባ ኤንቲ አኬኪቦኮና።

51 ሄሳፌ ጉዩ፡ ኤንታራ ኢሲፌ ናዚሬቴ ካታማ ቢስ። ኤንታው ኪቲቲሼ ዴዴስ። ኢያ አያ ሄ ኡባ ባ ዎዛናን ዎላዳ ናጋሱ። 52 ዮሱሲ፡ ጨንጫቴላን፡ ጌሳኒኔ ቴማን ያሳ ሲንሳኒኔ አሳ ሲንሳን ዲጨስ።

3

**ፃግቂያ ዮሃንሳ ቲሚርቲያ (ማቶ 3:1-12፤ ማር 1:1-8፤ ዮሃ 1:19-28)**

1 ካዎይ ዲባርዮሲ ሮሜ ቢታን ካዎቲን፡ ታማኔ ኢቻሻንሶ ላይሳን፡ ጳንፃ ጳሊዮሲ ዩሁዳ ሃሪያ ዎዴ ሄሮዲሲ ጋሊላ ሃሪያ ዎዴ ኢያ ኢሻ ፊልጶሲ ኢፁሪያሳኔ ዲራኮንዶሳ ሃሪያ ዎዴ ሊሳኒዮሲ አብላኒሳ ሃሪያ ዎዴ 2 ሃናራኔ ቃያፋራ

2:21 ሌዌ 12:3፤ ሉቃ 1:3 2:22 ሌዌ 12:6-8 2:23 ኬሳ 13:2፤ 12 2:32 ኢሳ 42:6፤ 49:6፤ 52:10 2:39 ማቶ 2:23 2:41 ኬሳ 12:1-27፤ ዛሬ 16:1-8 2:52 1ሳሙ 2:26፤ ሌሚ 3:4

ካሂኔ ሃላቃ ጊዲ ዴዲሺን፤ ያሳ ቃላይ ዛካሪያሳ ናዓ የሃኒሳኮ ባዞ ቢታ ዩስ። <sup>3</sup> የሃኒሳ፤ «ሂንቴ ናጋራፔ ሲሚቴኔ ማግቂቲቴ። ያሳይ ሂንቴ ናጋራ ኦቶ ጋና» ያጊዲ ታማርሲሼ የርዳኖሴ ሻፋ ሄራን ዴዲያ ቢታ ኡባ ቢስ። <sup>4</sup> ሄሲካ ናቤይ ኢሳያሲ ባ ማፃፋን፤

«ባዞ ጊደን ባ ቃላ ጶቁ አሲዲ፤

ዋሲያ ኡራ ቃላይ፤

ጎዳ አጊያ ጊጊሲቴ፤

ሆሮጋካ ፒዲ አሲቴ።

<sup>5</sup> አፎ ኡባይ ኩማና፤

ዙማይኔ ዴሬይ ዜቂ ጋና።

ዎቤ አጌይ ሉላና፤

ጊጎና ሆሮጋይ ቂንጊ ጋና።

<sup>6</sup> አሾ ማዲዳ ኡባይ፤

ያሳ አሹዋ ቤዓና»

ጊዲ ገሬዳይሳዳ ሃኒስ።

<sup>7</sup> የሃኒሳ፤ ባ ኩሼን ማግቂታናው ዩዳ አሳኮ፤ «ሂንቴና፤ ሾሻ ናይቶ ያናው ዴዲያ ሃንቁዋሬ አታና ሚላ ሂንቴና ዞሪዳይ ኦኔ? <sup>8</sup> ሂዛ፤ ሂንቴ ሲሙዋ ቆንጨሲያ ሎዎ አሶ አሲቴ፤ ሂንቴ ዎዛናን፤ ጎስ፤ ኑ አዋይ አብራሃሜይ ዴዴስ ጊዲ ጨቁቶሬቴ።» ሃ ሲዲቴ፤ ሃ ሹቻታፔ ያሳይ አብራሃሜስ ናዓ ኬሳናው ዳንዳዔስ። <sup>9</sup> ሄኮ፤ ቤዴይ ሚላ ገጸን ዴዴስ። ሂዛ፤ ሎዎ አይሬ አይፎና ሚላ ኡባይ ቃንጌቲዲ ታማን ዩጌታና» ያጊስ።

<sup>10</sup> አሳይ፤ «ያቲን ኑኒ አይ አሲኖ?» ያጊዲ አይቺዶሶና።

<sup>11</sup> የሃኒሳ ዛሪዲ፤ «ናምቡ አሬሲ ዴዲያ አሲ ባይናይሳስ ኢሞ። ካሲ ዴዴይሲ ባይናይሳስ ኢሞ» ያጊስ።

<sup>12</sup> ቃራፃ ቃንጊሴይሳቲ ማግቂታናው ዩዲ፤ «አስታማሪያው፤ ኑኒ አይ አሲኖ?» ያጊዶሶና።

<sup>13</sup> ኢ ዛሪዲ፤ «ሂንቴ ቃንጊሳናው ኪቴቶይሳሬ አሲዲ ኤኮሬቴ» ያጊስ። <sup>14</sup> ቃሲ ዎታዳሬቲ ዩዲ፤ «ኑኒ አይ አሲኖ» ያጊዲ አይቺዶሶና።

የሃኒሳ፤ «አዴባካ ዎልቃን ዳሬዲ ኤኮሬቴ፤ አናካ ዎርዶን ሞቶፒቴ፤ ሂንቴ ዳሞዜይ ሂንቴው ጊደ፤ ኡፋይቲዲ ዴዲቴ» ያጊስ።

<sup>15</sup> አሳይ ኪሪስቶሳ ናጊሼ ዴዲያ ጊሾ የሃኒሳ፤ «ኢ ኪሪስቶሳ ጊዳንዴሻ?» ጊዲ ቆፒዶሶና።

<sup>16</sup> የሃኒሳ ኡባስ ዛሪዲ፤ «ታኒ ሂንቴና ሃሳን ማግቃይስ፤ ሺን ታፔ አዲዲ ዎልቃሜይሲ ያና። ታኒ ኢያ ጫማ ዎዶሩዋ ቢላናው ቤሶና አሲ። ኢ ሂንቴና ጌሻ አያናኒኔ ታማን ማግቃና።

<sup>17</sup> ወዳማን ዴዲያ ካሳ ፖሎ ጊሻናው ፒሴይ ኢያ ኩሼን ዴዴስ። ጌሻ ካሳ ባ ሻሊያን ቆላና፤ ካሊያ ዳዮና ታማን ፀጋና» ያጊስ።

<sup>18</sup> ቃሲ የሃኒሳ አሳ ዳሮ ዞሬ ዞሪዲ ዎንጌላ \* አዲስ።

<sup>19</sup> ሺን የሃኒሳ ሄሮዲሲ ባ ኢሻ ማቺው፤ ሄሮዲያዳ፤ ኤኪዳ ጊሾኔ ሃራ ኢታ አሶታ ጊሾ ካጨዳ ዎዴ <sup>20</sup> ሄሮዲሲ ካሴይሳ ቦላ ሃራባ ኡባ ጉጂዲ የሃኒሳ ዎይኔ ጌልሲስ።

ዩሱሳ ማግቂቲሳ

(ማቶ 1:1-17፤ 3:13-17፤ ማር 1:9-11)

<sup>21</sup> የሃኒሳ ቃሼታናፔ ሲንሴ አሳ ኡባ ማግቂዲ ሲሚን፤ ዩሱሲካ ቃሲ ማግቂቲስ። ኢ ዎሲሺን ሳሎይ ዶዩቲስ። <sup>22</sup> ጌሻ አያናይ ሆሴዳ ቤንቲሼ ኢያ ቦላ ኡቲስ። ሳሎፔ «ታኒ ዶሲያ ናዓይ ኔና፤ ኔ ታና ኡፋይሳሳ ያጊያ» ቃላይ ዩስ።

<sup>23</sup> ዩሱሲ ታማርሶ አይኪያ ዎዴ ኢያው ሃስታሙ ላይሲ ጊዲሺን፤ አሳይ ኢያ የሴፋ ናዓ ጊዲ ቆፒስ።

ዮሴሬ ኤሴ ናዓ፤ <sup>24</sup> ኤሴይ ማቴ ናዓ፤

ማቴይ ሴዌ ናዓ፤ ሴዌይ ማልካ ናዓ፤

ማልኬይ ዮና ናዓ፤ ዮኒ ዮሴፋ ናዓ፤

<sup>25</sup> ዮሴሬ ማታቴ ናዓ፤ ማታቴይ አሞዌ ናዓ፤

አሞዌይ ናሆሜ ናዓ፤ ናሆሜይ አሲሊሜ ናዓ፤

አሲሊሜይ ናጌ ናዓ፤ <sup>26</sup> ናጌይ ማዓቴ ናዓ፤

ማዓቴይ ማታቲዬ ናዓ፤ ማታቲዬይ ሳማዬ ናዓ፤

<sup>27</sup> ሳማዬይ ዩሁዳ ናዓ፤ ዩሁዲ ዮናኔ ናዓ፤

ዮናኔይ ራሴ ናዓ፤

ራሴይ ዜሩባቤላ ናዓ፤ ዜሩባቤሴይ ሳላቲያሌ ናዓ፤

ሳላቲያሌይ ኔሬ ናዓ፤ <sup>28</sup> ኔሬይ ማልካ ናዓ፤

ማልኬይ ሃዴ ናዓ፤ ሃዴይ ቆሳሜ ናዓ፤

ቆሳሜይ ኤልሞዳኔ ናዓ፤ ኤልሞዳኔይ ኤሬ ናዓ፤

<sup>29</sup> ኤሬይ ዮሴዔ ናዓ፤ ዮሴዔይ አላዛራ ናዓ፤

አላዛሪ ዮራሜ ናዓ፤ ዮራሜይ ማቴ ናዓ፤

ማቴይ ሴዌ ናዓ፤ <sup>30</sup> ሴዌይ ሲሞና ናዓ፤

ሲሞኒ ዩሁዳ ናዓ፤ ዩሁዲ ዮሴፋ ናዓ፤

ዮሴሬ ዮናኔ ናዓ፤ ዮናኔይ ኤሊያቆሜ ናዓ፤

<sup>31</sup> ኤሊያቆሜይ ማሊዬ ናዓ፤ ማሊዬይ ማይናኔ ናዓ፤

ማይናኔይ ማቴ ናዓ፤ ማቴይ ናታኔ ናዓ፤

ናታኔይ ዳዊቴ ናዓ፤ <sup>32</sup> ዳዊቴይ ኢሴዬ ናዓ፤

ኢሴዬይ ኢዮቤዴ ናዓ፤ ኢዮቤዴይ ቦዔዛ ናዓ፤

ቦዔዜ ሳልሞና ናዓ፤ ሳልሞኔይ ናዓሶና ናዓ፤

<sup>33</sup> ናዓሶኔይ አሚናዳቤ ናዓ፤ አሚናዳቤይ ራሜ ናዓ፤ ራሜይ አርኔ ናዓ፤

አርኔይ አስሮሜ ናዓ፤ <sup>34</sup> አስሮሜይ ፋሬሴ ናዓ፤

ፋሬሴይ ዩሁዳ ናዓ፤

ዩሁዲ ያይቆባ ናዓ፤

ያይቆቢ ዩሳቃ ናዓ፤ ዩሳቂ አብራሃሜ ናዓ፤

አብራሃሜይ ታራ ናዓ፤ <sup>35</sup> ታራ ናኮሬ ናዓ፤

ናኮሬይ ሳሩጌ ናዓ፤ ሳሩጌይ ሬሁ ናዓ፤

ሬሁይ ፋሌቁ ናዓ፤ ፋሌቁይ ኤቤራ ናዓ፤

ኤቤሮይ ሴላ ናዓ፤ <sup>36</sup> ሴሊ ቃይናሜ ናዓ፤

ቃይናሜይ አርፋኪሳዳ ናዓ፤ አርፋኪሳዴይ ሴሜ ናዓ፤

ሴሜይ ኖሄ ናዓ፤ ኖሄይ ላሜሄ ናዓ፤

<sup>37</sup> ላሜሄይ ማቲሳላ ናዓ፤ ማቲሳሊ ሄኖኬ ናዓ፤

ሄኖኬይ ያሬዴ ናዓ፤ ያሬዴይ ማላልዔላ ናዓ፤

ማላልዔሊ ቃይናኔ ናዓ፤ <sup>38</sup> ቃይናኔይ ሄኖሳ ናዓ፤

ሄኖሴይ ሴታ ናዓ፤ ሴቴይ አዳሜ ናዓ፤

አዳሜይ ያሳ ናዓ።

3:4 ኢሳ 40:3-5 3:7 ማቶ 12:34፤ 23:33 3:8 ዮሃ 8:33 3:9 ማቶ 7:19 3:12 ሉቃ 7:29 \* 3:18 ዎንጌላ፤ ጊሪኬ ዶናን ዎንጌላ ጊያ ቃላይ ዳሮ ኡፋይሲያ አዳ ዎይኮ ሚሸራቾ ጉሱ። ሄ ሚሸራቾይካ ኪሪስቶሲ አሳ ዜሬሲ ኡባ ሜሪና ፒርዳሬ አሻናው ኪቴቲዲ ዩዳ ጊታ ኡፋይሳ (ሉቃ 1:19፤ 2:10)። 3:19 ማቶ 14:3-4፤ ማር 6:17-18 3:22 ሜዴ 22:2፤ ማክ 2:7፤ ኢሳ 42:1፤ ማቶ 3:17፤ ማር 1:11፤ ሉቃ 9:35

4

**ዮሴፊ ፓጠቲስ**  
(ማቶ 4:1-11፤ ማር 1:12-13)

1 ዮሴፊ ጌሻ አያናን ኩሚዲ ዮርዳኖስ ሻፋፕ ሲሚዳ ሜላ አያናይ ኢያ ባዞ ኤፊስ። 2 ያን አይታው ጋላስኔ ቃማ ዓላሄን ፓጠቲስ። ሄ ጋላሳታን አይኮካ ሞና ጋምዲዳ ጊሾ ወርሴላን ኮሻቲስ።

3 ዓላሄይ ኢያኮ፡ «ኔኒ ያሳ ናዓ ጊዲኮ አኔ ሃይሲ ሹቻይ ኡይሉ ጊዶ ጋዳ ኪታ» ያገሰ።

4 ዮሴፊ ዛሪዲ፡ «አሲ ኡይላ ዓላላን ዴና ጌቲቲዲ ዓፌቲስ» ያገሰ።

5 ሄሳፌ ጉዮ፡ ዓላሄይ ዮሴፊ አዱሳ ዴሬ ቦላ ኬሲዲ ሃ አላሚያ ካዎቴሳታ አይፌ ቁጺ ዛሪናው ቤሲስ። 6 ዓላሄይ፡ «ሃ ኡባስ ማታይኔ ቦንቾይ ታው ኢሜቲስ። ታኒ ዶሲዳ አይሰካ ኢሚያ ጊሾ ኔው ኢማና። 7 ሄሳ ጊሾ፡ ኔኒ ታው ጎይኒኮ ኡባይ ኔው ጊዳና» ያገሰ።

8 ዮሴፊ ዛሪዲ፡ «ኔ ጎዳ፡ ኔ ያሳ፡ ኢያ ዓላላ ጎይና ጌቲቲዲ ዓፌቲስ» ያገሰ።

9 ወርሴላን ዓላሄይ ዮሴፊ ዮሩሳላሜ ኤፊዲ ያሳ ኬሳስ ሁዲያ ቦላ ኤሲዲ፡ «ኔኒ ያሳ ናዓ ጊዲኮ አኔ ዱጌ ሳንን ኔና ዮጋ። 10 አይስ ጊኮ፡ «ኔና ናጊያ ኪታንቾታ

ያሳይ ኔ ጊሾ ኪታና። 11 ኤንቲ ኔ ቶሆይ ሹቻን ዱቤቶና ሜላ፡ ባንታ ኩሺያን ዶቁ አሲዲ ኔና ዴንላና) ጌቲቲዲ ዓፌቲስ»

ያገሰ። 12 ዮሴፊ ዛሪዲ፡ «ኔ ጎዳ ያሳ ፓጮፋ ጌቲቲዲ ዓፌቲስ» ያገሰ።

13 ዓላሄይ ዮሴፊ ፓጠቲ ወርሴዳፕ ጉዮ ሃራ ኢንጄ ዎዴ ዴማና ጋካናው ኢያፕ ሻኬቲስ።

**ዮሴፊ ጋሊላን ታማርሶ አይኪስ**  
(ማቶ 4:12-17፤ ማር 1:14-15)

14 ዮሴፊ አያና ዎልቃን ኩሚዲ ጋሊላ ሲሚስ። ኢያ ሱንሳይ ሄራን ዴዲያ ቢታ ኡባን ኬዩስ። 15 ኢ አይሁዴ ዎሳ ኬሲ ጌሊዲ ታማርሲስ፤ አሳ ኡባይ ኢያ ጋላቲዶሶና።

16 ያፕ ኢ ዲጩዳ ካታማ ናዘሬቴ ዩስ። ካሴ ሜዜቲዳይሳዳ ሳምባታ ጋላስ አይሁዴ ዎሳ ኬሲ ጌሊስ። ናባባናውካ ዴንዲ ኤቁስ። 17 ናቢያ ኢሳያሳ ማፃፋይ ኢያው ኢሜቲን፡ ዶዩዲ፡ ሃይሳዳ ያጊዲ ዓፌቲዳይሳ ዴሚስ።

18 «ጎዳ አያናይ ታ ቦላ ዴዴስ፡ ማንቆታስ ዎንጌላ አዳና ሜላ ያሳይ ታና ዶሪስ።

ቃሼቲዳይሳታስ ቢሌቴላ፡ ቆቁዳይሳታ ያሊሳናሲኔ

ኡንዔቲዳይሳታ ቢርሻና ሜላ፡ 19 ያሳይ ኬሃናው ቆፒዳ ላይላ አዳና ሜላ ታና ኪቲስ»

ያገሰ። 20 ሄሳፌ ጉዮ፡ ማፃፋ ዓፂዲ ሃጋዜይሳስ ኢሚዲ ታማርሳናው ኡቲስ። አይሁዴ ዎሳ ኬሳን ዴዲያ አሳቲ ኡባይ ጫዲ ያሎሶና። 21 ኢ፡ «ሃይሲ ሃንቲ ሃይሳን ሃንቲ ሲዲያ ሃ ማፃፋ ቃላይ ሃቺ ፖሌቲስ» ያገሰ።

22 ኡባይ ኢያባ ዳርሲዲ አዴቶሶና። ቃሲ ኢያ ዶናፕ ኬያ አዶ ኬሃቴላን ኩሚዳ ቃላን ማላሌቲሼ፡ «ሃይሲ ዮሴፋ ናዓ ጊዴኔዮ?» ያገሰዶሶና።

23 ኢ፡ «ኔኖ ዳሌ አዎው ኔና አሻ፡ ቁፊርናሆሜን ኔ አሲዳባ ኑ ሲያይሳ ቃሲ ሃይሳን ኔ ካታማን አላ) ያጊያ ሌሚሱዎን ሃንቲ ታና ጋናይሳስ ሲዴይ ባዎ» ያገሰ። 24 ቃሲ፡ «ቱማ አዳይስ፤ ናቤይ ባ ዮሌቲዳ ቢታን ቦንቾቴና።

25 «ታ ሃንቲው ቱማ አዳይስ፤ ሳሎይ ሄቾ ላይሲኔ ባጋ ጎርዴቲን ሚኖ ኮሺ ቢታ ኡባን ዴዲያ ኤሊያሳ ዎዴ ዳሮ አምዔቲ ኢስራዔልን ዴዶሶና። 26 ኤሊያሲ ኤንታፌ ኢሲኔኮካ ኪቲቲቤና። ሺን ሳራፕታን ዴዲያ አምዔኮ ኪቲቲስ። 27 ናቢያ ኤልሳዔ ዎዴ ኢስራዔልን ዳሮ ባሮ ሃርጋንቾቲ ዴዶሶና። ሺን ሶሬ ኡራ ኒዲማኔፕ አቲን አኒካ ፓዲቤና» ያገሰ።

28 አይሁዴ ዎሳ ኬሳን ዴዲያ አሳ ኡባይ ሄሳ ሲዲዳ ዎዴ ዳሮ ዩሎቲዶሶና። 29 ባንታ ኡቲዳ ቤሳፌ ዴንዲዲ ዙማ ቦላ ኬዲቲዳ ካታማፕ ጋዓ ኬሲዲ ሱጊ ዮዳናው አፎ ዶና ኤፊዶሶና። 30 ሺን ኢ ኤንታ ጊዶራ ካንሲዲ አዲስ።

**ዮሴፊ ቱና አያና ኬሲስ**  
(ማር 1:21-28)

31 ያፕ ጋሊላ ቢታን ዴዲያ ቁፊርናሆሜ ካታማ ቢስ። ያን ሳምባታ ጋላስ አሳ ታማርሲስ።

32 ኢ ታማርሲይ ማታራ ጊዲያ ጊሾ ኡባይ ኢያ ቲሚርቲያን ማላሌቲዶሶና።

33 አይሁዴ ዎሳ ኬሳን ቱና አያናይ አይኪዳ ኡራይ ዴዴስ። 34 ኢ፡ «ናዘሬቴ ዮሴፊ ኑና አይስ ዋይሳይ ኑፕ ሃካ፤ ኔኒ ዩዳይ ኑና ዳይሳናሴዮ? ኔኒ አኔኮ ታኒ ኤራይስ። ኔኒ ያሳፌ ዩዳ ጌሻ» ያገሰዲ ዋሲስ።

35 ዮሴፊ ቱና አያና፡ «ሲዲ ጋዳ ሃ ኡራፕ ኬያ» ያገሰዲ ሃንቁስ። ቱና አያናይ ኡራ አሳ ኡባ ሲንሳን ሆሊ ዩጊዲ አይኮካ ቆሆና ዩዲዲ ኬዩስ።

36 አሳ ኡባይ ማላሌቲዶሶና፡ ዎሊኮ፡ «ሃኖስ፡ ሃይሲ አይቢ ቲሚርቲ? ቱና አያናታ ማታኒኔ ዎልቃን ኪቲስ፤ ኤንቲካ ኬዮሶና» ያገሰዶሶና።

37 ኢያ ሱንሳይ ሄራ ኡባን ኬዩስ።

**ዮሴፊ ዳሮ ሃርጋንቾታ ፓሊስ**  
(ማቶ 8:14-17፤ ማር 1:29-34)

38 ሄሳፌ ጉዮ፡ ዮሴፊ አይሁዴ ዎሳ ኬሳፌ ኬዩዲ ሲሞና ሶ ጌሊስ። ሲሞና ማቼ አያ ሚኖ ቆዎ ሚሻ ሃርጊን ሳኬታሱ። ኢያ ፓላና ሜላ ዮሴፊ ዎሲዶሶና። 39 ኢ ሃካኮ ሺቁ ሆኪዲ ኢ ሃርጊያ ሃንቁስ። ሚሻይ አጊን ኤሌሳ ዴንዳዳ ኤንታ ሞካሱ።

40 አዎይ ወላና ሃኒሺን ዱማ ዱማ ሃርጊያን አይኬቲዳ አሳ ኢያኮ ኤሂዶሶና። ኢ ኢሱዋ ኢሱዋ ቦላ ባ ኩሺያ ዎሊዲ ፓሊስ። 41 ቱና አያናቲ ቃሲ፡ «ኔኒ፡ ያሳ ናዓ» ጊዲ ዋሲሼ ዳሮ አሳፕ ኬዩዶሶና። ሺን ኢ ኤንታና ሃንቁስ። ኢ ኪሪስቶሳ ጊዴይሳ ኤንቲ ኤሪያ ጊሾ ኢሲባካ አዴቶና ሜላ ዲጊስ።

42 ቡሮ ዎንቲያ ዎዴ ዮሴፊ ኢሲ ጌማ ቤሲ ቢስ። አሳይ ኮዩሼ ኢ ዴዲያ ቤሳ ዩዶሶና። ኤንታፌ ኢ ሻኬቲዲ ቦና ሜላ ቡቴቲዶሶና።

4:4 ዛሬ 8:3    4:8 ዛሬ 6:13    4:10 ማዝ 91:11-12    4:12 ዛሬ 6:16    4:18 ኢሳ 61:1-2    4:24 ዮሃ 4:44  
4:25 1ካዎ 17:1    4:26 1ካዎ 17:8-16    4:27 2ካዎ 5:1-14    4:32 ማቶ 7:28-29፤ ማዝ 91:11-12



43 ሺን ኢ፡ «ታኒ ሃራ ካታማታ ባዳ ያሳ ካዎቴሳ ዎንጌላ ማርካታናው ቤሴስ፡ ታ ኪቴቲዳይ ሄሳሳ» ያጊስ። 44 ዩሁዳ ቢታን ዴዲያ አይሁዴ ዎሳ ኬሳን ሳባኪስ።

5

**ዩሱሲ ዶሪዳ ኮይሮ ታማሬታ**  
(ማቶ 4:18-22፤ ማር 1:16-20)

1 ኢሲ ጋላስ ዩሱሲ ጌንሳሬዔ አባ ማታን ኤቁዳሺን ዳሮ አሳይ ኢያ ዩሹዎ ኡንዔሲዲ፡ ኢ ታማርሲያ ያሳ ቃላ ሲዎሶና። 2 ያን ሃሳ ጋግን ዴዲያ ናምዑ ዎንሎታ ቤዒስ። ሞሎ አይኪያ አሳቲ ዎንሎታቴ ዎዲዲ ባንታ ጊቲያ ሜጮሶና። 3 ሄ ዎንሎታቴ ሲሞናይሳን ጌሊዲ ቢታፌ ጉሲ ጊዶ ሺሻና ሜላ አይቺስ። ያቲዲ፡ ሄ ዎንሎታ ሰላ ኡቲዲ አሳ ታማርሲስ።

4 ባ ታማርሲያ አንጊዳቴ ጉዩ ሲሞናኮ፡ «ጌዴ ጨሙዎኮ ሺሻዳ ሞሎታ አይካናው ሂንቴ ጊቲያ ዩጊቱ» ያጊስ።

5 ሲሞን ዛሪዲ፡ «አስታማሪያው፡ ቃማ ኩሜሳ ዳቡሪሼ አቁዲ አይኮካ አይኪሶኮ፡ ሺን ኔ ጊኮ ጊቲያ ዩጋና» ያጊስ።

6 ኤንቲ ጊቲያ ዩጊዳ ዎዴ ጊቲይ ዳኪታና ጋካናው ዳሮ ሞሎ አይኪዶሶና። 7 ሃራ ዎንሎታን ዴዲያ ባንታ ላጌቲ ዩዲ፡ ባንታና ማዳና ሜላ ዉቲዲ ዩጊዶሶና። ኤንቲ ዩዲ ናምዑ ዎንሎታ፡ ሃሳን ሚቲታና ጋካናው ሞሎን ኩንሲዶሶና።

8 ሲሞን ጲዲሮሲ ሄሳ ቤዒዳ ዎዴ ዩሱሳ ሲንሳን ኩንዲዲ፡ «ጎዳው፡ ታኒ ናጋራንቾ አሲ ጊዲያ ጊሾ ታቴ ሻኬታ» ያጊስ። 9 ሄሳ ኢ ጊዳይ ኢኔ ኢያ ዴዴይሳቲ አይኪዳ ሞሎታ ዳሮቴሳን ማላሌቲዳ ጊሾሳ። 10 ቃሲ ሲሞና ላጌ ጊዲዳ ዛብዲያሳ ናይቲ ያይቆባራኔ ዮሃኒሳራ ማላሌቲዶሶና። ዩሱሲ ሲሞናኮ፡ «ባቦፋ! ሂዛቴ ኔኒ አሴ አይኪያ አሲ ጊዳና» ያጊስ። 11 ኤንቲ ዎንሎታ ጋግ ሺሺዳቴ ጉዩ ኡባ አጊዲ ዩሱሳ ካሊዶሶና።

**ዩሱሲ ባሮ ሃርጋንቾዎ ፓሲስ**  
(ማቶ 8:1-4፤ ማር 1:40-45)

12 ዩሱሲ ካታማታቴ ኢሱዎን ዴዲሺን ኢሲ ባሮ ሃርጊን \* አይኪቲዳ አሲ ሄ ካታማን ዴዴስ። ሄ ኡራይ ዩሱሳ ቤዒዲ ኢያ ሲንሳን ጉፋኒዲ፡ «ጎዳው፡ ኔ ሼኔ ጊዲኮ ታና ጊሻናው ዳንዳግሳ» ጊዲ ዎሲስ።

13 ዩሱሲ ባ ኩሺያ ዩዲ ቦቺዲ፡ «ኤ፡ ታ ሼኔ፤ ጌያ» ያጊስ። ኢራ ባሮ ሃርጊይ ኡራቴ ኪቺስ።

14 ዩሱሲ፡ «ሃይሳ አደስካ አዶፓ፡ ሺን ባዳ ኔናቴሳ አይሁዴ ካሂኒያ ቤሳ። ኔ ጌዩዳይሳስ ማርካ ጊዳና ሜላ ሙሴይ ኪቲዳ ያርሹዎ ያርሻ» ጊዲ ኪቲስ።

15 ጊዶሺን፡ ኢያ ሱንሳይ ካሴቴ አዲዲ ዳልጊሼ ቤስ። ዳሮ አሳይ ኢ አዲያባ ሲግናውኔ ባንታ ሃርጊያፌ ፓግናው ዮሶና። 16 ሺን ዩሱሲ ዳሮ ዎዴ ጌማ ቤሲ ቢዲ ዎሴስ።

**ዩሱሲ ጉንዳ ፓሲስ**  
(ማቶ 9:1-8፤ ማር 2:1-12)

17 ኢሲ ጋላስ ዩሱሲ ታማርሲሺን ጋሊላፔኔ ዩሁዳ ሄራ ኡባፌ ቃሲ ዩሩሳላሜቴካ ዩዳ ፋሪሳዌቲኔ ሂጌ አስታማሬቲ ያን ኡቲዶሶና። አሳ ፓሲያ ጎዳ ዎልቃይካ ኢያራ ዴዴስ። 18 ሄ ዎዴ አሳይ ኢሲ ጉንዳ አሲ ሃላራ ቶኪዲ ኤሂዶሶና። ሶ ጌልሲዲ ኢያ ሲንሳን ዎሳናው ቆፒዶሶና። 19 ሺን አሳ ዳሮቴሳፌ ዴንዶይሳን ሶ ጌልሳናው ያኔቲዲ ኬሳ ባላ ኪዩዲ፡ ካራ ቃዉዲዲ፡ ሃርጋንቾዎ ሃላራ አሳ ሻኪዲ ዩሱሳ ሲንሳን ዩጊዶሶና።

20 ዩሱሲ ኤንታ አማኑዎ ቤዒዲ፡ «ላ አዲያው፡ ኔ ናጋራይ ቁሼቲስ» ያጊስ።

21 ሂጌ አስታማሬቲኔ ፋሪሳዌቲ፡ «ሃይሲ ያሳ ባላ ያጊዲ አዴቴይ አኔ? ኢሲ ያሳፌ አቲን ሃሪ ናጋራ ቁቻናው ዳንዳዔይ አኔ?» ያጊዲ ቆፒዶሶና።

22 ዩሱሲ ኤንታ ቆፋ ኤሪዳ ጊሾ ኤንታኮ፡ «ሂንቴ ዎዛናን ሄሳሶ አይስ ቆፔቲ? 23 «ኔ ናጋራይ ቁሼቲስ ጌይሳፌኔ ዴንዳዳ ባ ጌይሳፌ አዉሲ ካዉዴ?» 24 ሺን ታ ሄሳ ጊዳይ አሳ ናዳይ ሳዳ ባላ ናጋራ ቁቻናው ማቲ ዴዴይሳ ሂንቴ ኤራና ሜላሳ።» ሄሳፌ ካሊዲ፡ ጉንዳ ኡራኮ፡ «ዴንዳ፤ ኔ አልጋ ቶካዳ ኔ ሶ ባ» ያጊስ። 25 ኢ ኤሌሲ ዴንዲዲ ኤንታ ሲንሳን ኤቁስ፤ ኢ ቶኬቲዲ ዩዳ አልጋ ቶኪዲ ያሳ ጋላቲሼ ባ ሶ ቢስ። 26 ሄ ዎዴ ኡባይካ ማላሌቲዶሶና። ያሳ ጋላቲሼ፡ «ሃቺ ጊታ ማላታ ቤዒዳ» ያጊዲ ያሹቲዶሶና።

**ዩሱሲ ሌዌ ዩጊስ**  
(ማቶ 9:9-13፤ ማር 2:13-17)

27 ሄሳፌ ጉዩ፡ ዩሱሲ ያፔ ኪዩዲ ቢስ። ሌዌ ጌቲቲያ ኢሲ ቃራግ ቃንዲሴይሲ ቃራግ ቃንዲሲያ ቤሳን ኡቲዳይሳ ቤዒዲ፡ «ታና ካላ» ያጊስ።

28 ኢ ኡባባ አጊ ዴንዲዲ ኢያ ካሊስ።

29 ሄ ሌዌይ ባ ሶን ጊታ ጊቢራ ጊጊሲስ። ዳሮ ቃራግ ቃንዲሴይሳቲኔ ሃራ አሳቲ ካሳ ማናው ኡቲዶሶና። 30 ፋሪሳዌቲኔ ሂጌ አስታማሬቲ፡ «ቃራግ ቃንዲሴይሳታራኔ ናጋራንቾታራ አይስ ሜቲኔ ኡዩቲ?» ያጊዲ ዩሱሳ ታማሬታ ባላ ዙዙሚዶሶና።

31 ዩሱሲ ኤንታኮ፡ «ሃርጋንቾታሳፌ አቲን ፓግታስ አኪሜ ኮሼና። 32 ታኒ ናጋራንቾታ ማርታኮ ዛራናሳፌ አቲን ጌሻታ ዩጋናው ያቢኬ» ያጊዲ ዛሪስ።

33 ኤንቲ ዩሱሳኮ፡ «ዮሃኒሳ ታማሬቲ ዳሮ ዎዴ ያሞሶና፡ ዎሶሶና፤ ቃሲ ፋሪሳዌታ ታማሬቲካ ሄሳሶ አሶሶና። ሺን ኔይሳቲ ኡባ ዎዴ ዎሶናኔ ኡዮሶና» ያጊዶሶና።

34 ዩሱሲ ኤንታኮ፡ «ሙሹራይ ኤንታራ ዴዲሺን ዩጌቲዳ አሳይ ያማና ሜላ አሳናው ዳንዳዎቲ? 35 ሺን ሙሹራይ ኤንታፌ ሻኬታና ጋላሳይ ያና፡ ሄ ዎዴ ኤንቲ ያማና።»

36 ቃሲ ያጊዲ ሌሚሶ አዲስ፤ «አራሳ ማዎቴ ፔዲዲ ጋልዳ ማዎ ባላ ሲኪይ አኒካ ባዎ። ሄሳሶ አሲኮ አራሳ ማዎቴ ፔዲስ፡ አራሳይ ጋልዳስ ጊጌና። 37 ማልዳንቶ ዎይኒያ ጋልዳ አጎሮን ቆሊያ አኒካ ባዎ። ሄሳ አሲኮ፡ አራሳ ዎይኒይ ጋልዳ አጎራዎ ዱሴስ፤ ዎይኒይ ጉኪስ አጎሮይካ ማዶናባ ጊዴስ። 38 ሄሳ ጊሾ፡ አራሳ ዎይኒይ አራሳ አጎሮን ቆሌታናው ቤሴስ። 39 ሂዛ፡ ጫላይ ሎዎ ጊያ ጊሾ

5:1 ማቶ 13:1-2፤ ማር 3:9-10፤ 4:1 5:5 ዮሃ 21:3 5:6 ዮሃ 21:6 \* 5:12 ባሮ ሃርጊ፡ ባሮ ሃርጊይ አሳ ጋልባ ባላ ኪያ ሃርጊ፡ ኢስራዔል ቢታን ባሮ ሃርጋንቾቲ ሃራ አሳቴ ዱማቲዲ ዴዎሶናቴ አቲን አሳራ ጋሄቶና። 5:14 ሌዌ 14:1-32 5:30 ሉቃ 15:1-2

ጫላ ወይኔ ኡዩ ሲሚዲ ማልዓንቶ ኮዩይ ኦኒካ ባዋ» ያጊስ።

6

ዮሱሴ ሳምባታባ አይሼቲስ (ማቶ 12:1-8፤ ማር 2:23-28)

1 ኢሲ ሳምባታ ጋላስ ዮሱሴ ጊስቲ ጋዴ ጊዶራ አደስ። ዮሱሳ ታማሬቲ ቲያ ባንጋ ዱሲዲ ባንታ ኩሼን ሺርኪዲ ሞሶና። 2 ሺን ፋሪሳዌታ ጊዶሬ ኢሶቲ ኢሶቲ፤ «ሳምባታ ጋላስ አላናው ቤሶናባ አይስ አሴቲ?» ያጊደሶና።

3 ዮሱሴ ኤንታኮ ዛሪዲ፤ «ዳዊቴይ ኮሻቲዳ ዎዴ ባራ ዴዌሳታራ ኢሲሬ አሶይሳ ናባቢቤኬቲ? 4 ያሳ ኬሲ ጊሊዲ አይሁዴ ካሂኔታ ሃላላስ ቤሲያ ዳቡዋ ሚስ፤ ባራ ዴዌሳታስካ ኢሚስ» ያጊስ። 5 ቃሲ ዮሱሴ፤ «አሳ ናዓይ ሳምባታ ጎዳ» ያጊስ።

6 ሃራ ሳምባታ ጋላስ ዮሱሴ አይሁዴ ዎሳ ኬሲ ጊሊዲ ታማርሴስ። ሄ ቤሳን ኡሻቻ ኩሼይ ጉንዲዳ ኢሲ አሲ ዴዌስ። 7 ሂጊ አስታማሬቲኔ ፋሪሳዌቲ ኢያ ሞታናው ጋሶ ኮዩዲ ሳምባታ ጋላስ ፓሲኮ ቤዓና ጊዲ ናጎሶና። 8 ሺን ዮሱሴ ኤንታ ቆፋ ኤሪዲ ኩሼይ ጉንዲዳ ኡራኮ፤ «ዴንዳዳ አሳ ጊዳዋን ኤቃ» ያጊስ። ኡራይካ ዴንዲ ኤቂስ።

9 ዮሱሴ፤ «አኔ ታ ሂንቴና ኢሲባ አይቻይስ፤ ሳምባታ ጋላስ አላናው ቤሴይ ሎዎባዩዩ ኢታባዩ? ሽምጋ አሾዩ ዎይኮ ዳይሶ?» ያጊስ።

10 ቃሲ ዮሱሴ ኢያ ዩሹዋን ዴዲያ አሳ ዩሺ ያሊዲ ኡራኮ፤ «ኔ ኩሺያ ፒዲ አላ» ያጊስ። ኡራይካ ኢ ጊዳይሳዳ አሴን ኩሼይ ፓሂስ። 11 ሺን ሂጊ አስታማሬቲኔ ፋሪሳዌቲ ዳሮ ዩሎቲደሶና። ዮሱሳ ባላ አይ አሴና ጊዲ ባንታ ጊደን ማቂቲደሶና።

ዮሱሴ ታማኔ ናምዑ ሃዋሬታ ዶሪስ (ማቶ 10:1-4፤ ማር 3:13-19)

12 ሄ ዎዴ ጋላሳታፕ ኢሱዋን ዮሱሴ ዎሳናው ዴሪያ ባላ ኬዩስ። ቃማ ኩሜሳ ያሳ ዎሲሼ አቂስ። 13 ዎንቴሴ ባ ታማሬታ ያጊዲ ኤንታ ጊደሬ ታማኔ ናምዓታ ዶሪዲ፤ ኤንታና፤ «ሃዋሬታ» ጊዲ ሱንሲስ። 14 ኤንቲካ፤ ጴጊሮሳ ጊዲ ሱንሲዳ ሲሞና፤ ኢያ ኢሻ ኢንዲሪያሳ፤ ያይቆባ፤ ዮሂሂሳ፤ ፊልጶሳ፤ ባርቶሎሚያሳ፤ 15 ማቶሳ፤ ቶማሳ፤ ኢልፊዮሳ ናዓ ያይቆባ፤ ባ ቢታስ ሚሼቲያ ሲሞና፤ 16 ያይቆባ ናዓ ዩሁዳኔ ዮሱሳ አሴ ኢሚዳ አስቆሮታ ዩሁዳ።

17 ዮሱሴ ኤንታራ ኢሲሬ ዴሪያፕ ዎዲዲ ዴንባ ቤሳን ኤቂስ። ኢያ ታማሬታፕ ዳሮቲ ሄ ቤሳን ዴዎሶና ዩሁዳ ቢታ ኡባሬ ዩሩሳላሜፕ፤ ጊሮሳፕኔ ሲዶና አባ ጋዎፕ ዩዳ ዳሮ አሳይ ዴዌስ። 18 ኤንቲ ዩዳይ ኢ ታማርሲያባ ሲዳናውኔ ባንታ ሃርጊያሬ ፓዓናሳ፤ ቱና አያናን ዋዩቲያ አሳቲካ ፓሂደሶና። 19 ዎልቃይ ኢያፕ ኬዩዲ አሳ ኡባ ፓሲያ ጊሾ አሳይ ኢያ ቦቻናው ኮዩሶና።

20 ባ ታማሬታኮ ያሊዲ ሃይሳዳ ያጊስ። «ሂንቴና፤ ማንቆቶ፤ ሂንቴ አንጄቲዳይሳታ፤ ያሳ ካዎቴሳይ ሂንቴሳ።

21 ሂንቴ ሃዲ ኮሻቲይሳቲ አንጄቲዳይሳታ፤ ሂንቴ ካላና።

ሂንቴ ሃዲ ዩኬይሳቲ አንጄቲዳይሳታ ሂንቴ ሚጫና።

22 አሳይ ሂንቴና አሳ ናዓ ጊሾ ኢዲያ ዎዴ ሂንቴና ሂሊያ ዎዴ ሂንቴና ኤንቲ ቶቺያ ዎዴኔ፤ ኢታ ሱንሲ ኤንቲ ሂንቴው ኢሚያ ዎዴ ሂንቴ አንጄቲዳይሳታ።

23 «ሄኮ፤ ሂንቴ ዎይቶይ ሳሎን ጊታ ጊዲያ ጊሾ ሄ ዎዴ ኡፋይሳን ጉፒቴ። አይስ ጊኮ፤ ቤኔ ኤንታ አዋቲ ናቤታ ባላ ሄሳዳ አሲደሶና።»

24 «ሺን ዱሬቶ ሂንቴና አዩ፤ ሂንቴ ሃዲ ሎዎ ዱሳ ኤኪዴታ።

25 ሃዲ ካሊዳይሳቶ ሂንቴና አዩ፤ ሂንቴ ኮሻታና።

ሃዲ ሚጫይሳቶ ሂንቴና፤ ሂንቴ ካዮታናኔ ዩካና።

26 አሲ ኡባይ ሂንቴ ሎዎቴሳ ሃላላ አዲያ ዎዴ ሂንቴና አዩ።

ኤንታ አዋቲ ቤኔ ዎርዳንቾ ናቤታ ባላ ሄሳዳ አሲደሶና።

ሂንቴ ሞርኬታ ሲቂቲ (ማቶ 5:38-48፤ 7:12)

27 «ሺን ታና ሲዲያ ሂንቴስ ታ አዳይስ፤ ሂንቴ ሞርኬታ ሲቂቲ፤ ሂንቴና ኢዲይሳታስ ሎዎባ አሲቴ። 28 ሂንቴና ቃንጌይሳታ አንጄቲ፤ ሂንቴና ናቂይሳታስ ዎሲቴ። 29 ኢሲ ባጋ ሻካላ ባቂይሳስ ሃንኮ ባጋካ ቤሳ። ኔ ላዓና ኤካና ጌይሳስ ኔ ሻሚዚያካ ጉቾዳ ኢማ። 30 ኔና ዎሲያ ኡባስ ኢማ፤ ኔፕ ኤኪዳ አናካ ዛሮ ጋዳ አይቾፋ። 31 አሳይ ሂንቴው አላና ሚላ ሂንቴ ኮያባ ኡባ ሂንቴካ አሳስ አሲቴ።

32 «ሂንቴ ሂንቴና ዶሲያ አሳታ ሃላላ ዶሲኮ፤ አይ ጋላቲ ሂንቴው ዴዲ? ሃሪ አቶሺን፤ ናጋራንቾቲካ ባንታና ሲቂይሳታ ሲቆሶና። 33 ሂንቴው ሎዎባ አሴይሳታ ሃላላስ ሎዎባ አሲኮ ሂንቴው አይ ጋላቲ ዴዲ? ናጋራንቾቲካ ሄሳዳ አሶሶና። 34 ታልዔ ዛራና አሳ ሃላላስ ሂንቴ ታልዒኮ አይ ዱማ ጋላቴቲ? ናጋራንቾቲካ ጉዩ ዛራና አሲ ቤዲዲ ታልዎሶና።»

ሃራታ ባላ ፐርዶሬቲ

35 «ሺን ሂንቴ ሞርኬታ ሲቂቲ፤ ኤንታው ሎዎባ አሲቴ። ጉዩ ኤካናው ቆፖና ታልዒቴ። ሄሳን ሂንቴ ኤካና ዎይቶይ ጊታ ጊዳና። ሂንቴ ኡባሬ ባላ ያሳ ናይታ ጊዳና። ኢ ባና ጋላቶናይሳታሲኔ ኢታታስ ኬሃ። 36 ሂንቴ አዋይ ኬሃ ጊደይሳዳ ሂንቴካ ኬሃ ጊዲቴ።

37 «አሳ ባላ ፐርዶሬቲ፤ ሂንቴ ባላ ፐርዶሬቲና። ሂንቴ ቦሬቶና ሚላ አናካ ቦሮፒቴ። አቶ ጊቲ፤ ያሳይ ሂንቴው አቶ ጋና። 38 ኢሚቲ፤ ሂንቴው ኢሚታና። ሂንቴ ማኪዳባን ሂንቴው ዛሪ ማኬታና፤ ኡባራካ ሎዎ ማኪያባን ባቂዲ፤ ሱዲ ኩንሲዲ፤ ላሌታና ጋካናው ሂንቴው ማኬቲ ኢሚታና» ያጊስ።

39 ቃሲካ ዮሱሴ ያጊዲ ኤንታው ሎሚሶ አዲስ፤ «ቆቂይ ቆቂ ካሌላናው ዳንዳዲ? ካሌሊኮ

6:1 ዛሬ 23:25 6:3 1ሳው 21:1-6 6:4 ሌዌ 24:9 6:22 ሌሚ 4:14 6:23 2ታሪ 36:16፤ ሃ.አ 7:52 6:31 ማቶ 7:17 6:39 ማቶ 15:14 6:40 ማቶ 10:24-25፤ ዮሃ 13:16፤ 15:20

ናምዓይካ ወሊ ከኪዳ አፎን ወሎኮናዮ?  
40 ታማሪይ አስታማሪቴ አዴና። ሺን ሎይሲ  
ታማሪዳ ኡራይ ባ አስታማሪያላ ሃኔስ።

41 «ኔ ኢሻ አይፊያን ዴዲያ ቡሪያ አይስ  
ቤዓይ? ኔ አይፊያን ዴዲያ ቱሲ ዳኔይሳ አይስ  
ቤዲኪ? 42 ኔ አይፊያን ዴዲያ ቱሲ ዳኔይሳ ቤያና  
ኔ ኢሻኮ። <ታ ኢሻው ኔ አይፊያን ዴዲያ ቡሪያ  
ኬሶ> ጋናው ዋና ዳንዳዓይ? ኔኖ ጩቡዋው።  
ከይርታዳ ኔ አይፊያን ዴዲያ ቱሲ ዳኔይሳ ኬሳ።  
ሄሳፌ ጉዮ። ኔ ኢሻ አይፊያን ዴዲያ ቡሪያ  
ኬሳናው ጌሻዳ ያላና።

**ሚሳኔ ኢያ አይፊያ**

43 «ሎፖ ሚሲ ኢታ አይፌ አይፌና፤ ሄሳዳካ  
ኢታ ሚሲ ሎፖ አይፌ አይፌና። 44 አይፌ  
አይፊያ ሚሲ ኡባይ ባ አይፊያን ኤሬቴስ።  
አጉንሳፌ ባላሴ ሚሳ አይፌይ ማጭና ቃሲ  
ላይቴ ወይኔ አይፌይ ማጭና። 45 ሎፖ አሲ ባ  
ዎዛናን ኩሚዳ ሎፖባቴ ሎፖባ ኬሴስ። ኢታ አሲ  
ባ ዎዛናን ኩሚዳ ኢታባቴ ኢታባ ኬሴስ። አሲ  
ባ ዎዛናን ኩሚዳ ፓላሂዳባቴ ባ ዶናን ሃሳዮስ።

**ኬሴ ኬዲያ ናምዑ አሳታ  
(ማቶ 7:24-27)**

46 «ታ ጌይሳ አሴኪታ። ሺን ያቲን አይስ  
ታና። <ጎዳው፣ ጎዳው፣ ጌቲ?> 47 ታኮ ዩይኔ  
ታ ቃላ ሲዲዲ ፖሊያ ኡባይ እና ዳኔያኮ  
ታ ሂንቴና ቤሳና። 48 ኢ ኬሴ ኬዳናው ዙቂ  
አሴ። አላ ቦኪዲ። ጋርሳን ዴዲያ ዛላ ቦላ ኬሳ  
ኤሲዳ ጩንጫ ኡራ ዳኔስ። ዲያይ ዲዲዲ ሄ  
ኬሳ ሱጊስ። ሺን ሚንሲዲ ኬዲዳ ጊሾ ቃዳናው  
ዳንዳዲቤና። 49 ሺን ታ ቃላ ሲዲዲ አሶናይ ባ  
ኬሳ ሻፌ ቤታ ቦላ ኬዲዳ ኡራ ዳኔስ። ዲያይ  
ዲዲዲ ሄ ኬሳ ሱጊዳ ዎዴ ኤሴሲዲ ኩንዲስ።  
ሄ ኬሳይ ዎልቃማ ኩንዴሲ ኩንዲስ» ያጊስ።

**7**

**ማቶ ሃላቃ አማኑዎ  
(ማቶ 8:5-13፤ ዮሃ 4:43-54)**

1 ዩሱሲ ሄሳ ኡባ አሳ ሲንሳን ታማርሲዲ  
አንጊዳቴ ጉዮ። ቂፊርናሆሜ ካታማ ቢስ። 2 ሄ  
ቤሳን ኢሲ ማቶ ሃላቃይ ዴዴስ። ኢ ዳር ዶሲያ  
አይሌይ ሃርጌቲዲ ሃይቆስ ጋኪስ። 3 ኢ ዩሱሳባ  
ሲዲዳ ዎዴ ባ አይሊያ ፓላና ሚላ ኢያ ዎሶ ጊዲ  
ኢሲ ኢሲ አይሁዴ ጩማታ ዩሱሳኮ ኪቲስ።  
4 ኪቲቲዳይሳቲ፣ ዩሱሳኮ ቢዲ፣ «ኔ ኢያው  
ሃይሳ አላናው ቤሴስ። 5 አይስ ጊኮ፣ ሃ ኡራይ  
ኑ አሳ ዶሴስ፣ አይሁዴ ዎሳ ኬሳካ ኬዲስ» ጊዲ  
ሚንሲ ዎሲዶሶና 6 ዩሱሲካ ኤንታራ ቢስ።

ማቶ ሃላቃ ሶኮ ማቲያ ዎዴ ባ ላጌታ ኢያኮ  
ኪቲዲ፣ «ጎዳው፣ ታ ካራቴ ጋርሳን ኔ ጌላናው  
ታ ቤሶና ጊሾ ዳቡርፓ። 7 ታካ ታና ኔ ሲንሴ  
ሺቃናው ቤሲያ አሲ ጋዳ ቆፒኬ። ሺን ኔ ኢሲ  
ቃላ አዳ፤ ታ አይሌይ ፓፃና። 8 ታው ታቴ  
ቦላራ ሃላቃይ ዴዴስ፣ ታቴ ጋርሳን ታ ኪቲያ  
ዎታዳሬቲ ዴዎሶና። ኢሱዋ፣ <ባ ጊኮ ቤስ፣  
ሃንኩዋ፣ <ሃያ> ጊኮ ዩስ። ታ አይሊያኮ፣ <ሃኖ  
አሳ> ጊኮ አሴስ» ያጊስ።

9 ዩሱሲ ሄሳ ሲዲዳ ዎዴ ማላሌቲስ። ጉዮ  
ሲሚዲ ባራ ያ አሳኮ፣ «ታኔ ሂንቴው ቱማ

አዳይስ፤ ሃሪ አቶሺን ኢስራዴሌንካ ሃይሳ ሚላ  
ጊታ አማኖ ዴማቢኬ» ያጊስ። 10 ኪቲቲዳይሳቲ  
ሶ ሲሚያ ዎዴ አይሌይ ፓፃን ዴሚዶሶና።

**አምዔ ናዓ**

11 ጉላ ዎዴቴ ጉዮ ዩሱሲ ናይኔ ካታማ  
ቢስ። ኢያ ታማራታራኔ ሃራ ዳር አሳቲ ኢያራ  
ቢዶሶና። 12 ኢ ካታማ ጌላና ሃኒያ ዎዴ አሃ  
ቶኪዳ ዳር አሳቲ ካታማቴ ኬዮሶና። ሃይቂዳ  
ናዓይ ባ አዩስ ኢሱዋ፣ ኢያካ አምፖ ጊዳዳ  
ዳዓውሱ። ካታማ አሳቴ ዳርቲ ኢራ ዴዎሶና።  
13 ጎዳይ ኢዮ ቤዲዳ ዎዴ ቃዴቲዲ፣ «ዩኮፋ»  
ያጊስ።

14 ሺቂዲ ሃላ ቦቺን ቶኪዳ አሳቲ  
ኤቂዶሶና፣ ዩሱሲ፣ «ላ፣ ያላጋው ዴንዳ» ያጊስ።  
15 ሃይቂዳይሲ ዴንዲ ኡቲዲ አዳ አይኪስ።  
ዩሱሲ ናዓ ኤኪዲ አዩስ ኢሚስ።  
16 አሳ ኡባይ ያሹቲዲ፣ «ጊታ ናቤይ ኑ  
ጊዶን ዴንዲስ፤ ዎሳይ ባ አሳ ቤዲስ» ያጊዲ ዎሳ  
ጋላቲዶሶና። 17 ኢያ ሱንሳይ ዩሁዳኒኔ ሄ ሄራን  
ዴዲያ ቢታ ኡባን ሲዔቲስ።

**ዩሱሳኔ ማጭና ዮሃኒሳ**

18 ማጭና ዮሃኒሳ ታማራቲ ሄሳ ኡባ ዮሃኒሳስ  
አዲዶሶና። ኢ ኤንታ ጊዶፌ ናምዓታ ያጊዲ፣  
19 «ያና ጌቲቲዳይ ኔኔዩ? ዎይኮ ሃራ ናጊኖ?»  
ያጊዲ አይቺቲ ጊዲ ጎዳኮ ኪቲስ።

20 አሳቲ ዩሱሳኮ ቢዲ፣ ማጭና ዮሃኒሳ፣ «ያና  
ጌቲቲዳይ ኔኔዩ? ዎይኮ ሃራ ናጊኖ?» ጌቲ ጊዲ  
ኑና ኔኮ ኪቲስ ያጊዶሶና።

21 ሄ ሳቴንካ ዩሱሲ ዳር አሳ ሃርጊያፌ  
ፓላስ። ቱና አያናታ ኬሲስ፣ ቆቂዳ  
አይፊያካ ያሊሲስ። 22 ዮሃኒሳ ማታቴ ኪቲቲዲ  
ዩዳይሳታኮ፣ «ቢዲ ሂንቴ ቤዲዳይሳኔ ሲዲዳይሳ  
ዮሃኒሳስ አዲቴ። አይፌ ቆቂቲ ያሎሶና፣  
ጉንዳቲ ቢርሼቲዲ ሃሙቶሶና፣ ባር ሃርጋንቾቲ  
ጌዮሶና፣ ቱሌቲ ሲዎሶና፣ ሃይቂዳይሳቲ ሃይቆቴ  
ዴንዶሶና፣ ማንቆታስ ዎንጌላይ ሳባኪቲስ።  
23 ታናን ዱቤቶና አኒካ አንጄቲዳይሳ።»

24 ዮሃኒሳ ኪቲዳይሳቲ ቢዳቴ ጉዮ ዩሱሲ  
አሳስ ዮሃኒሳባ ያጊዲ አዲስ፣ «ሂንቴ አይ  
ቤዓናው ባዞ ቢታ ኬዩዴቲ? ጫርኮይ ቃሲያ  
ማታ ቤዓናሴዩ? 25 ያቲን፣ አይ ቤዓናው  
ኬዩዴቲ? ኮይሴ ማፖ ማዲዳ አሳ ቤዓናሴዩ?  
ኮይሴ ማፖ ማዲዳይሳቲኔ ሳዲ ኢንጄቲዳ አሳይ  
ካዎ ኬሳን ዴዎሶና። 26 ያቲን፣ አይ ቤዓናው  
ኬዩዴቲ? ናቢያ ቤዓናሴዩ? ኡ፣ ታ ያጋይስ፣  
ሂንቴ ቤዓናው ኬዩዳይ ናቤቴ አዴይሳ።

27 <ኔ አጊያ ኔ ሲንሳን ጊጊሲያ  
ታ ኪታንቾዋ ኔቴ ሲንሴ ታ ኪታና>  
ጌቲቲዲ ሃፌቲዳይ ኢያሳ። 28 ታ ሂንቴው  
አዳይስ፤ ማጫሳቴ ዩሌቲዳይሳታ ጊዶፌ  
ዮሃኒሳቴ አዴይ ባዋ። ዎሳ ካዎቲሳን ኡባፌ  
ጉዲይሲ፣ ኢ ኡባፌ ጊታ ጊዳና» ያጊስ።

29 ሃሪ አቶሺን፣ ዩሱሳ ቃላ ሲዲዳ ቃራዓ  
ቃንጊሴይሳቲ ኡባይ ዮሃኒሳ ኩሺን ማጭናዲ  
ዎሳይ ያሎ ጊዴይሳ ቆንጨሲዶሶና። 30 ሺን  
ፋሪሳዌቲኔ ሂጌ አስታማራቲ ዮሃኒሳ ኩሺን  
ማጭቶና ኢዲዲ ዎሳ ዞሪያ ሌቂሲዶሶና።

31 ዩሱሲ ካሊዲ ሃይሳዳ ያጊስ፣ «ሂዛ፣ ሃ  
ዎዲያ ዩሌቲሳ አይቢራ ዳኒሶ? ኤንቲካ አና



ዳኖና? <sup>32</sup> ጊያ ጊደን ኡቲዲ ዎሊ ዩጊዲ፥  
 ሱ ሂንቴው ሱሱልዔ ፑኒን፥ ሂንቴ ዩዩኪታ።  
 ኑ ሳቢዲ ዜሌሊን፥ ሂንቴ ዩኪኪታ) ያጊያ  
 ናይታ ዳኖሶና። <sup>33</sup> ግማቂያ ዮሃንሲ ሞናኔ ኡዮና  
 ዩን፥ (ኢታ አያናራ ዴዔስ ጊዴታ።) <sup>34</sup> አሳ  
 ናዓይ ሚሼኔ ኡዩሼ ዩን፥ (ያራምባኔ ኡሻንቾ፥  
 ቃራፃ ቃንጊሴይሳታኔ ናጋራንቾታ ዳቦ) ጊዴታ።  
<sup>35</sup> ሂዛ፥ ጨንጫቴሳ ቱማቴሳይ ኢያ ናይታ ኡባ  
 ማታን ኤሬቲስ» ያጊስ።

**ኢሲ ማጫሲያ ዩሱሳ ሺቶ ቲያሱ**

<sup>36</sup> ኢሲ ፋሪሳዊይ ዩሱሳ ካሲ ሙዛናው ባ ሶ  
 ዩጊስ። ኢ ፋሪሳዊያ ሶ ቢዲ ጋይታ ቦላ ኡቲስ።  
<sup>37</sup> ሄ ካታማን ኢሲ ናጋራንቾ ማጫሲ ዴዒያራ  
 ዩሱሳ ፋሪሳዊያ ሶን ጊቢራ ቦላ ዴዒይሳ ሲዒዳ  
 ዎዴ ዳሮ አልዎ ጳልቃዒ ሺቶ ኤካዳ ያሱ።  
<sup>38</sup> ዩሱሳስ ጉዩ ባጋራ፥ ኢያ ቶሁዎ ማታን ኤቃዳ  
 ዩካሼ ኢያ ቶሁዎ ባ አፋሳራ ላኪሳውሱ። ባ  
 ቢናናራ ኢያ ቶሁዎ ቁቻሼኔ ዩራሼ ሺቶ ቲያሱ።  
<sup>39</sup> ጊቢራ ጊጊሲዳ ፋሪሳዊይ ሄሳ ቢዒዳ ዎዴ  
 ባ ዎዛናን፥ «ሃይሲ ናቤ ጊዲያኮ ሃ ማጫሲያ ኢያ  
 ቦቺያራ አኔኮ ቃሲ ኢያ ናጋራንቾ ጊዴይሳካ ኢ  
 ኤራናሺን» ያጊስ።

<sup>40</sup> ዩሱሳ፥ «ሲሞና፥ ታ ኔው አዲያባይ  
 ዴዒስ» ያጊስ።

ኢ፥ «አስታማሪያው፥ ታው አዳ» ያጊስ።

<sup>41</sup> ዩሱሳ ኢያኮ፥ «ናምዑ አሳቲ ኢሲ ኡራፔ  
 ሚሼ ታልዒዶሶና። ኢሶይ ኢቻሹ ዩቱ ቢራ  
 ሃንኮይ ቃሲ ኢሻታሙ ቢራ ታልዒዶሶና።

<sup>42</sup> ናምዓይካ ታልዒያ ጨጋናው ዎኔቲን፥  
 ናምዓታስካ ታልዒያ ማሪስ። ሂዛ፥ ሃ ናምዓታፔ  
 ሄ ኡራ ዳሮ ዶሳናይ ኔው አውሳ ዳኒ» ያጊስ።

<sup>43</sup> ሲሞና፥ «ዳሮ አጮይ ማራቲዳ ኡራይ ዳሮ  
 ዶሳና ዳኔስ» ያጊስ። ዩሱሳ፥ «ኔ ቱማ ፐርዳዳሳ»  
 ያጊስ። <sup>44</sup> ሄሳፌ ጉዩ፥ ዩሱሳ ማጫሲኮ ሲሚ  
 ዩሊዲ፥ ሲሞናኮ፥ «ሃኖ ማጫሲው ቤዓይ? ታኒ  
 ኔ ሶ ጊሊን ሃሪ አቲን ኔ ታው ቶሆ ሃሴ ኢማባካ፥  
 ሺን ኢያ ታ ቶሁዎ ባ አፋሳን ላኮሳዳ ባ ቢናናን  
 ቁቻሱ። <sup>45</sup> ኔኒ ታና ዩራ ኤካባካ፥ ሺን ኢያ ታ  
 ኔ ሶ ጊሎፔፔ ዶማዳ ታ ቶሁዎ ዩሮ አጋቡኩ።  
<sup>46</sup> ኔኒ ታ ሁዒያን ዛይቱ ቲያባካ፥ ሺን ኢያ ታ  
 ቶሁዎ ሺቶ ቲያውሱ። <sup>47</sup> ኢያ ታና ዳሮ ዶሲዳ  
 ጊሾ ኢ ዳሮ ናጋራይ አቶ ጌቱቲስ። ኢያ ጉሳ  
 ናጋራይ አቶ ጌቱቲዳይ ጉሳራ ዶሴስ።»

<sup>48</sup> ዩሱሳ ማጫሲኮ፥ «ኔ ናጋራይ አቶ  
 ጌቱቲስ» ያጊስ።

<sup>49</sup> ኢያራ ኢሲፌ ጋይታን ኡቲዲ ሚያ  
 ኢማሳቲ፥ «ናጋራ አቶ ያጌይ፥ ኢ ሃይሲ አኔ?»  
 ያጊዲ ባንታ ዎዛናን ቆፐዶሶና።

<sup>50</sup> ዩሱሳ ማጫሲኮ፥ «ኔ አማኖይ ኔና አሺስ፤  
 ሳሮ ባ» ያጊስ።

**8**

**ዩሱሳ ሞኪዳ ማጫሳታ**

<sup>1</sup> ሄሳፌ ጉዩ፥ ዩሱሳ ያሳ ካዎቴሳ ዎንጊላ  
 ሳባኪሼ ካታማራኔ ጉታራ አዲስ። ሄ ዎዴ ታማኔ  
 ናምዑ ሃዋራቲ ኢያራ ዴዎሶና። <sup>2</sup> ቃሲ ቱና  
 አያናፔኔ ዱማ ዱማ ሃርጊያፌ ፓዒዳ ኢሲ ኢሲ  
 ማጫሳቲ ኢያራ ዴዎሶና። ኤንቲካ፥ ላፑን ቱና

አያናቲ ኪዩዳ ማግዴላ ማይራሞ፥ <sup>3</sup> ሄሮዲሳ  
 ሹማ ኩዛ ማቺው ዮሃና፥ ሶሲናራኔ ቃሲ ሃራ  
 ዳሮቲ ኤንታና ሚሼን ማዴይሳቲ ዴዎሶና።

<sup>4</sup> ዳሮ አሳይ ዱማ ዱማ ካታማፔ ኢያኮ ሺቂን  
 ሌሚሶን ኤንታው አዲስ። <sup>5</sup> «ኢሲ ጎሻንቾይ  
 ዜሬሳ ዜራናው ኪዩስ። ኢ ዜሪሺን ኢሲ ኢሲ  
 ዜሬሳይ አጌ ጋፃን ዎዲዲ ዩዴቲስ፥ ሳሞ ካፎቲ  
 ማግዶሶና። <sup>6</sup> ሃራቲ ሻሎይ ጋርሳን ዴዒያ ቢታ  
 ቦላ ዎዲዶሶና። ቡሮ ዶሲዳ ሚላ ቢታን ላሆይ  
 ባይና ጊሾ ሚጨዶሶና። <sup>7</sup> ሃራ ዜሬሳይ ቃሲ  
 አጉንሳ ጊደን ዎዲስ። አጉንሳራ ዎላ ዲጨዳ  
 ጊሾ አጉንሳይ ጨሊዲ ቤሳን አሺስ። <sup>8</sup> ሃራቲ  
 ሎዎ ቢታ ቦላ ዎዲዶሶና። ዶሊዳ ዎዴ ዩቱ  
 ኩሼ አይፊዶሶና።» ሄሳ አዲ አንጊዲ፥ ባ ቃላ  
 ጶቁ አሲዲ፥ «ሲዒያ ሃይሳ ዴዒያ ኡባይ ሲዎ»  
 ያጊስ።

<sup>9</sup> ኢያ ታማራቲ፥ «ሃ ሌሚሱዎ ቢርሼሳይ  
 አይቤ?» ያጊዲ አይቺዶሶና <sup>10</sup> ኢ፥ «ዎሳ ካዎቴሳ  
 ፀራ ኤራና ሚላ ሂንቴው ኢሜቲስ። ሺን ሃራቲ  
 ቢዒሼ ዴሞና ሚላ፥ ሲዒሼ አኪኮና ሚላ  
 ሌሚሶን አዳይስ።

<sup>11</sup> «ሂዛ፥ ሃ ሌሚሱዎ ቢርሼሳይ ሃይሳ፥ ዜሬሳ  
 ያጌቲዳይ ያሳ ቃላ። <sup>12</sup> አጌ ጋፃን ዎዲዳ ዜሬሳይ  
 ቃላ ሲዒይሳታ። ጊደሺን፥ ኤንቲ አማኒዲ አቶና  
 ሚላ ፃላሄይ ቃላ ኤንታ ዎዛናፔ ማግ ዲጌስ።  
<sup>13</sup> ሻሎይ ጋርሳን ዴዒያ ቢታ ቦላ ዎዲዳ ዜሬሳይ  
 ቃላ ሲዒዲ ኡፋይሳን ኤኪይሳታ። ኤንቲ ሃዒስ  
 አማኖሶናፔ አቲን ፃጶይ ባይና ጊሾ ፓጩይ  
 ጋኪያ ዎዴ ኤሌሲዲ ካዶሶና። <sup>14</sup> አጉንሳ ጊደን  
 ዜሬቲዳይሳቲ ቃላ ሲዒይሳታ። ኤንቲካ አላሚያ  
 ቆፋን፥ ዱሬቴሳኒኔ ሳዓ ዱሳ ሚኮቴሳን ጨሌቲዲ  
 ቤሴይሳዳ አይፊቦኮና። <sup>15</sup> ሎዎ ቢታን ዎዲዳ  
 ዜሬሳይ ሎዎ ዎዛናን ቃላ ሲዒዲ ናጌይሳታኔ  
 ዳንዳዓን ሚኒዲ አይፌ አይፌይሳታ።

<sup>16</sup> «ዎምፔ ዎምፐዲ፥ ዳቾ ካሚይ ዎይኮ  
 አርሳፌ ጋርሳን ዎሴይ ዴና። ጊሊያ አሲ ቤዓና  
 ሚላ ጶቃ ቤሳን ዎሴስ።

<sup>17</sup> «ሄሳ ጊሾ፥ ቆንጩ ኪዮና ቆሴቲዲ  
 አቲያባይ፥ ኤራቶና ጌሚዲ አቲያባይ ዴና።

<sup>18</sup> «ሂዛ፥ ሂንቴ ቃላ ዋቲ ሲዒያኮ አኪኪቱ።  
 ዴዒያ ኡባስ ጉገቴቲዲ ኢሜታና፥ ባይናይሳስ ሃሪ  
 አቶሺን ኢያው ዴዒያ ጉሊያካ ኢያፔ ኤኪታና»  
 ያጊስ።

**ዩሱሳ አዩራኔ ኢሻታራ**

(ማቶ 12:46-50፤ ማር 3:31-35)

<sup>19</sup> ዩሱሳ አዩራኔ ኢሻታራ ኢያኮ ዩዶሶና።  
 ሺን አሳ ዳሮቴሳፌ ዴንዶይሳን ኢያ ዴማናው  
 ዳንዳዒቦኮና። <sup>20</sup> ኢሲ አሲ ዩሱሳኮ፥ «ኔ አዩራኔ  
 ኔ ኢሻታራ ኔና ኮዩዲ ካሬን ናንሶና» ያጊስ።

<sup>21</sup> ዩሱሳ ዛሪዲ፥ «ዎሳ ቃላ ሲዒዲ አሶን  
 ፔሼይሳቲ ኡባይ ታው አዮኔ ታው ኢሻ» ያጊስ።

**ዩሱሳ ሃሳ ዙሊያ ሴሪስ**

(ማቶ 8:23-27፤ ማር 4:35-41)

<sup>22</sup> ኢሲ ጋላስ ዩሱሳራኔ ኢያ ታማራታራ  
 ኢሲፌ ዎንሎን ጊሊዲ፥ «አባ ፐኖስ» ያጊስ።  
 ኤንቲካ ባናው ዴንዲዶሶና። <sup>23</sup> አባ ቦላራ ኤንቲ  
 ፐናናው ቢሺን ዩሱሳ ዲስኪስ። ቆፖና ሚኖ  
 ጫርኮይ አባ ቦላ ዴንዲስ። ሃሳይ ዎንሎን

7:37 ማቶ 26:7፤ ማር 14:3፤ ዮሃ 12:3      8:2 ማቶ 27:55-56፤ ማር 15:40-41፤ ሉቃ 23:49      8:10 ኢሳ 6:9  
 8:16 ማቶ 5:15፤ ሉቃ 11:33      8:17 ማቶ 10:26፤ ሉቃ 12:2      8:18 ማቶ 25:29፤ ሉቃ 19:26

ጌሊን ዎንሎይ ሚቴቴላ ኦይኪያ ዎዴ ኡባይ ባቢዶሶና።

24 ኢያ ታማሬቲ ኢያኮ ሸቂዲ፡ «ኑ ጎዳው፡ ኑ ጎዳው፡ ኑ ዳዮስ ያጊዲ» ዮሱሳ ዴንሳዶሶና። ዮሱሳ ዴንዲዲ ጫርኩዋኔ ጎቲያ ሴሪስ። ኤሌሲዲ ጫርኩይኔ ጎቲይ ዎፑ ጊስ። ሳሮቴሳይካ ሲሚስ። 25 ዮሱሳ ባ ታማሬታኮ፡ «ሂንቴ ኣማኖይ ኣወኔ» ያጊስ። ኤንቲካ፡ ያዩሸኔ ማላሌቲሽ ኢሶይ ኢሱዋኮ፡ «ጫርኩይኔ ሃሳይ ኪቴቴሪሲ፡ ኢ ሃይሲ ኣኔ» ያጊዶሶና።

**ቱና ኣያናፕ ዮዴቲዳ ኡራ**  
(ማቶ 8:28-34፤ ማር 5:1-20)

26 ኣባ ፒኒዲ ጋሊላ ባጋራ ዴዲያ ጌርጌሶኔ ቢታ ጋኪዶሶና። 27 ዮሱሳ ዎንሎዎፕ ኬዬዲ ሳግን ዎዲሸን ቱና ኣያናን ኣይኬቲዳ ኡራይ ካታማፕ ኬዬዲ ኢያራ ጋሄቲስ። ዳሮ ላይሳ ኣፊሊ ማዎና ካሎ ዱፎን ዴዲሲፕ ኣቲን ሶ ጌሌና። 28 ዮሱሳ ቤዲዳ ዎዴ ኢያ ሲንሳን ጉፋኒዲ፡ ባ ቃላ ዶቁ ኣሲዲ፡ «ኡባፌ ቦላ ዎሳ ናግው ዮሱሳ ኔራ ታው ኣይቢ ኢሲፌቴላ ዴዲ? ሃያና ታና ሃዲ ኡንዲሶፋርኪ» ያጊስ። 29 ሄሳ ኢ ጊዳይ፡ ቱና ኣያናይ ኡራፕ ኬያና ሜላ ዮሱሳ ሃንቁቲዳ ጊሾሳ። ዳሮ ዎዴ ቱና ኣያናይ ኢያ ሃሪዳ ጊሾ ሳንሳላታኒኔ ቶሆ ቃቺያ ቢራታን ቃሽቲዲ ናጌቴስ። ሸን ቃሹዋ ዱሲዲ ቱና ኣያናን ላጌቲዲ ባዞ ጌሊስ።

30 ዮሱሳ፡ «ኔ ሱንሳይ ኣኔ» ያጊዲ ኣይቺስ። ኢ፡ ዳሮ ቱና ኣያናቲ ኢያ ኣይኪዲ ጊሾ ባና፡ «ሌጊዮና» ጊስ። 31 ቱና ኣያናቲ ባንታና ሲዎሌ ኪቶና ሜላ ዎሲዶሶና።

32 ሄ ቤሳን ዞዜ ቦላ ሚያ ጉዱንሶ ወዴይ ሃሙቴስ። ሂኒ ጉዱንሶታን ጌሊኖ ጊዲ ዎሲዶሶና፡ ኢካ «ጌሊቴ» ጊስ። 33 ቱና ኣያናቲ ኡራፕ ኬዬዲ ጉዱንሶታን ጌሊዶሶና። ወዴይ ዴሪያፕ ዱጌ ጉርጉዲ ኣባን ጌሊስ።

34 ሄንሳንቾቲ ሃኒዳይሳ ቤዲዳ ዎዴ ዎዲ ቢዲ፡ ካታማኒኔ ጉታ ኡባን ኣዲዶሶና። 35 ኣሳይ ሃኒዳባ ቤዳናው ኬዬዲ ዮሱሳኮ ዩዶሶና። ቱና ኣያናይ ኬዬዳ ኡራይ ማዎ ማዲዲ፡ ኢያ ዎዛናይ ሲሚን፡ ዮሱሳ ቶሆ ማታን ኡቲዳይሳ ዴሚዲ ያዩዶሶና። 36 ኢያ ቤዲዳ ኣሳይ ቱና ኣያናን ኣይኬቲዳ ኡራይ ዋኒዲ ፓዲዳኮ ኣዲዶሶና። 37 ጌርጌሶኔ ዩሹዋን ዴዲያ ኣሳይ ጊታ ያሽ ያሽቲዲ ዮሱሳ ባንታ ማታፕ ባና ሜላ ዎሲዶሶና። ኢ ዎንሎዎን ጌሊዲ ጉዬ ሲሚስ።

38 ቱና ኣያናይ ኬዬዳ ኡራይ ዮሱሳራ ዳናው ዎሲስ። 39 ሸን ዮሱሳ ኢያኮ፡ «ኔ ሶ ሲማ፡ ያሳይ ኣይ ሜላ ጊታባ ኔው ኣሲዳኮ ኣዳ» ያጊዲ ዋይዚስ። ኡራይካ ዮሱሳ ኣይ ሜላ ጊታባ ኢያው ኣሲዳኮ ካታማ ኡባን ማርካቲሽ ቢስ።

**ሃይቂዳ ናዲወኔ ዮሱሳ ማዕዋ ቦቺዳ ማጫሲው**

(ማቶ 9:18-26፤ ማር 5:21-43)

40 ኣሳይ ናጊዲ ጋምዲዳ ጊሾ ዮሱሳ ሲሚያ ዎዴ ዋኪ ኤኪዶሶና። 41 ኣይሁዴ ዎሳ ኬላ ሃላቃ ጊዲዳ ኢያሮሳ ጊያ ኡራይ ባ ሶ ያና ሜላ ዮሱሳ ቶሆ ቦላ ዎዲዲ ዎሲስ። 42 ኢያው ታማኔ ናምዑ ላይሳ ጊዲዳ ማጫ ናግ ዴዲያራ ሳኬታዳ ሃይቆስ ጋካዳ ዴዳውሱ። ዮሱሳ ቢያ ዎዴ ኣሳይ

ኢያ ኡንዲሴስ። 43 ታማኔ ናምዑ ላይሳ ሱሳ ጎጊሽ ጋምዲዳ ማጫሲ ዴዲያራ ዴዳውሱ። ኢያ ባው ዴዲያ ሚሸያ ኣኪሜታስ ኢማዳ ኣንጋሱ። ሸን ፓዳናው ዳንዳዓቡኩ። 44 ኢያ ዮሱሳስ ጉዬ ባጋራ ሸቃዳ፡ ኢያ ኣፊላ ማጫራ ቦቻሱ፡ ሶሁዋራ ጎጊያ ሱሳይ ኤቂ ኣጊስ።

45 ዮሱሳ፡ «ታና ቦቺዳይ ኣኔ?» ያጊስ። ኡባይ «ኑ ቦቺቦኮ» ያጊን፡ ዲዲሮሲ፡ «ኣስታማሪያው፡ ዳሮ ኣሳይ ካሊሸኒኔ ኡንዲሴሽን ቤዳሽ ዋናዳ፡ «ታና ቦቺዳይ ኣኔ?» ጋይ» ያጊስ።

46 ሸን ዮሱሳ፡ «ኢሲ ኣሲ ታና ቦቺስ፤ ኣይስ ጊኮ፡ ዎልቂ ታፕ ኬዮይሲ ታው ኤፊቴስ» ያጊስ።

47 ማጫሲያ፡ ኢባይ ቆንጫዳይሳ ኤሪዳ ዎዴ ኮኮራሽ ያዳ ዮሱሳ ቶሆ ቦላ ኩንዳሱ። ኣይስ ቦቺዳኮኔ ዋናዳ ኤሌሳዳ ፓዲዳኮ ኣሳ ኡባ ሲንሳን ማርካታሱ። 48 ኢ፡ «ታ ናቴ፡ ኔ ኣማኖይ ኔና ፓሲስ፤ ሳሮን ባ» ያጊስ።

49 ዮሱሳ ኣዳ ኣንጎና ዴዲሸን፡ ኣይሁዴ ዎሳ ኬላ ሃላቃ፡ ኢያሮሳ ሶፕ ኢሲ ኣሲ ዩዲ፡ «ኢያሮሳ፡ ኔ ናዲያ ሃይቃሱ፤ ኣስታማሪያ ሜላ ዳቡሪሶፋ» ያጊስ።

50 ሸን ዮሱሳ ሄሳ ሲዲዲ ኢያሮሳኮ፡ «ባቦፋ! ኣማና፡ ኔ ናዲያ ፓዳና» ያጊስ።

51 ዮሱሳ ኢያሮሳ ሶ ጋኪዳ ዎዴ ዲዲሮሳ፡ ዮሃኒሳ፡ ያይቆባ፡ ናዲ ኣዋፕኔ ኣዬፕ ኣቲን ሃሪ ጌላና ሜላ ኮዩቤና። 52 ሄ ቤሳን ዴዲያ ኣሳ ኡባይ ናዲስ ሚሽቲዲ ዮኪሸን፡ ዮሱሳ፡ «ዮኮፊቴ! ናዲያ ዲስካሱፕ ኣቲን ሃይቃሱኩ» ያጊስ።

53 ኣሳይ ናዲያ ሃይቂዳይሳ ኤሪያ ጊሾ ኢያ ኣዳ ሌቂዲ ሚጫዶሶና። 54 ሸን ዮሱሳ ናዲ ኩሸያ ኣይኪዲ፡ «ናቴ ዴንዳ» ያጊስ። 55 ናዲስ ሸምፖይ ሲሚን ዴንዳ ኤቃሱ። ዮሱሳ ኤንታኮ፡ «ኢወ ሚያባ ኢሚቴ» ያጊስ። 56 ናዲ ኣዋራኔ ኣዬራ ማላሌቲዶሶና። ሸን ዮሱሳ ሃይሳ፡ «ኣዴስካ ኣዶፒቴ» ያጊስ።

9

**ዮሱሳ ታማኔ ናምዑ ሃዋሬታ ኪቲስ**  
(ማቶ 10:5-15፤ ማር 6:7-13)

1 ዮሱሳ ታማኔ ናምዑ ሃዋሬታ ባኮ ዩጊዲ፡ ቱና ኣያናታ ኬሳና ሜላኔ ሃርጌ ኡባ ፓሳና ሜላ ዎልቃኔ ማታ ኢሚስ። 2 ዎሳ ካዎቴሳባ ማርካታናዳኔ ሃርጋንቾታ ፓሳናዳ ኪቲስ። 3 ኢ ኤንታኮ፡ «ግምዳ ጊዲን ኣጎር ጊዲን ካሲ ጊዲን ሚሽ ጊዲን ሳሚ ማዲያ ኣፊላ ጊዲን ኣጌስ ጊዲ ኣይኮካ ኣይኮፊቴ። 4 ሄ ካታማፕ ሂንቴ ኬያና ጋካናው ኢማሳቴሳን ሂንቴ ጌሊዳሱዋን ጋምዲቴ። 5 ኣኒካ ሂንቴና ዋኮና ኢዲኮ ሄ ካታማፕ ኬዬሽ ኤንታው ማርካ ጊዳና ሜላ ሂንቴ ቶሆዋን ዴዲያ ባና ፒቲዲ ኬዬቴ።» 6 ኤንቲካ ኪቴቲዳይሳዳ ኬዬዲ ዎንጌላ ኣዲሸኔ ዱማ ዱማ ጉታታን ሃርጋንቾታ ፓሲሽ ኣዲዶሶና።

7 ጋሊላ ቢታ ሃሪያ ሄሮዲሲ ዮሱሳ ኣሲዳካ ኡባ ሲዲዳ ዎዴ ዳጋሚስ። ኣይስ ጊኮ፡ ኢሲ ኢሲ ኣሳቲ ዮሃኒሲ ሃይቆፕ ዴንዶና ኣጌና ያጎሶና። 8 ባጋቲ፡ «ኤሊያሲ ቆንጫስ» ጎሶና፤ ሃራቲ ቃሲ፡ «ቤኒ ናቤታፕ ኢሶይ ሃይቆፕ ዴንዲስ» ያጊዲ ኣዴቶሶና። 9 ሸን ሄሮዲሲ፡

«የሃረሳ ቆይታ ታ ቃንገሳዳ ዎዳስ። ያቲን፣ ሃይሳሶ ያጌቲዲ ኢያባ አዴቴይ፣ ኢ አኔ?» ያጌዲ ባ አይፌን ቤዓናው ኮዩስ።

**ዮሱሲ ኢቻሹ ሙኩሉ አሳ ሙዚስ**  
(ማቶ 14:13-21፤ ማር 6:30-44፤ ዮሃ 6:1-14)

10 ታማኔ ናምዑ ሃዋሬቲ ጉዩ ሲሚ ዩዲ፣ ኤንቲ አሲዳባ ኡባ ዮሱሳስ አዲዶሶና። ኢ ኤንታና ኤኪዲ ቤቴሳይዳ ካታማፔ ጋፃ ኤፊስ።

11 ሺን ዳሮ አሳይ ዮሱሳ ጊዴይሳ ኤሪዲ ኢያ ካሊዶሶና። ኢ ኤንታ ሞኪ ኤኪዲ ያሳ ካዎቴሳባ ታማርሲስ፤ ፓፃናው ኮዩይሳታካ ፓሲስ።

12 ሳዒ አማርሲያ ዎዴ ታማኔ ናምዑ ሃዋሬቲ ኢያኮ ሸቂዲ፣ «ኑ ዴዔይ ባዞ ቢታ ጊዲያ ጊሾ አሳይ ዳማ ዳማ ጉታታኔ ካታማታ ቢዲ፣ ካሲኔ አቂያሶ ኮያና ሜላ አሳ ሞይዛ» ያጌዶሶና።

13 ሺን ኢ፣ «ኤንታው ሚያባ ሂንቴ ኢሚቴ» ያጌስ።

ኤንቲ፣ «ኑስ ዴዔይ ኢቻሹ ኡይሳኔ ናምዑ ሞሎ ጊዲያ ጊሾ ሃ አሳስ ጊዲያ ካሲ ኑኔ ቢዲ ሻሞና ኢዳኮ ጊዴና» ያጌዶሶና። 14 ሄ ቤሳን ኢቻሹ ሙኩሉ ጊዲያ አዴቴ ዴዶሶና።

ዮሱሲ ባ ታማሬታኮ፣ «ኢሻታማን ኢሻታማን ሻኪ ሻኪ አሳ ኡቴሲቴ» ያጌስ።

15 ኢያ ታማሬቲ፣ ኢ ኪቲዳይሳዳ አሳ ኡቴሲዶሶና። 16 ኢ ኢቻሹ ኡይሳኔ ናምዑ ሞሎታ ኤኪዲ፣ ሳሎ ያሊዲ፣ ያሳ ጋላቲዲ፣ ሜንሲዲ አሳ ኡባ ጋላና ሜላ ባ ታማሬታስ ኢሚስ። 17 ኡባይ ሚዲ ካሊዶሶና። ኤንታፊ አቲዳ ቴፊይ ታማኔ ናምዑ ጋይታ ኩሜሲ ጊዲስ።

**ጴጌሮሲ፣ ዮሱሲ አኔኮ ማርካቲስ**  
(ማቶ 16:13-19፤ ማር 8:27-29)

18 ዮሱሲ ባ ሃላላ ዎሲሺን፣ ኢያ ታማሬቲ ኢያኮ ዩዶሶና። ኢ፣ «አሳይ ታና አና ጎና?» ጊዲ አይቺስ።

19 ኤንቲ ዛሪዲ «ኢሶቲ ኢሶቲ፣ ሳማቂያ የሃረሳ፣ ባጋቲ ኤሊያሳ፣ ሃራቲ ቃሲ፣ ቤኔ ናቤታፔ ኢሶይ ሃይቆፔ ዴንዲስ» ያጎሶና።

20 ኢ ዛሪዲ፣ «ያቲን ሂንቴ ታና አና ጌቲ» ያጌስ። ጴጌሮሲ፣ «ኔኔ ያሳፊ ኪቴቲዳ ኪሪስቶሳ» ያጌዲ ዛሪስ።

21 ዮሱሲ ሃይሳ አዴስካ አዶፒቴ ጊዲ ሚንሲዲ አዲስ። 22 ቃሲካ ዮሱሲ፣ «አሳ ናዓይ ዳሮ ሜቱዎ ኤካና፣ ቢታ ጨማታን፣ ካሂኔ ሃላቃታን፣ ሂጌ አስታማሬታን አዲ ኢሜታና። ኤንቲ ኢያ ዎዳና፣ ሺን ኢ ሄዳንሶ ጋላስ ሃይቆፔ ዴንዳና» ያጌስ።

23 ዮሱሲ አሳ ኡባኮ፣ «ታና ካላናው ኮዩይ አኔካ ዴዒኮ ባና ካዶ፣ ባ ማስቃሊያ ጋላስ ጋላስ ቶኪዲ ታና ካሎ። 24 ባ ሺምፒው አሻናው ኮያ ኡባይ ኢያ ዳይሴስ፣ ባ ሺምፒው ታ ጊሾ ጊዲ ዳይሴያ አኔካ ኢዮ አሺስ። 25 አሲ አላሜ ኡባ ሃሪዲ፣ ጊዶሺን ባ ሺምፒው ዳይሴያ ዎይኮ ቆሂያባ ጊዲኮ ኢያ አይ ማዲ? 26 አኔካ ታናኔኔ ታ ቃላን ዮላቲኮ አሳ ናዓይ ባ ቦንቹዎራ ሄሳዳካ

አዎ ቦንቹዎራኔ ጊሻ ኪታንቾታ ቦንቹዎራ ያ ዎዴ ኢያን ዮላታና። 27 ታ ሂንቴው ቱማ አዳይስ፤ ሃይሳን ኤቂዳይሳታ ጊዶፊ ያሳ ካዎቴሳ ቤያናሺን ሃይቆና አሳቲ ዴዶሶና» ያጌስ።

**ዮሱሳ ማላይ ላሜቲስ**  
(ማቶ 17:1-8፤ ማር 9:2-8)

28 ዮሱሲ ሄ አዳ አዲን፣ ሆስፑን ጋላሳፔ ጉዩ ጴጌሮሳ፣ ያይቆባኔ የሃረሳ ባራ ኤኪዲ ዎሳናው ዴሪያ ቦላ ኬዩስ። 29 ኢ ዎሳ ቦላ ዴዒሺን ኢያ አይፊ ካሬይ ላሜቲስ፤ አፊላይካ አዎ ሜላ ጳሊዲ ቦሊስ። 30 ናምዑ አሳቲ፣ ኤንቲካ ሙሴራኔ ኤሊያሳራ ቦንቾን ቆንጨዲ፣

31 ዮሱሳላሜን ፖሌታናው ዴዒያባ፣ ሄሲካ፣ ኢ ሃ አላሚያፔ ሻኬታናባ ኢያራ አዴቶሶና።

32 ጴጌሮሳኔ ኢያራ ዴዒይሳታ ዲስኮይ ኤፊን፣ ኤንቲ ዲስኮፊ ባርኪያ ዎዴ ኢያ ቦንቹዎኔ ኢያራ ኤቂዳ ናምዑ አሳታ ቤዒዶሶና። 33 አሳቲ ዮሱሳፔ ሻኬቲዲ ባና ሃረሺን፣ ጴጌሮሲ ዮሱሳኮ፣

«ጎዳው፣ ሃይሳን ጊዴይሲ ኑስ አይ ሜላ ሎዎ! ኢሲኖ ኔው፣ ኢሲኖ ሙሴስ፣ ኢሲኖ ኤሊያሳስ አሲዲ ሄዱ ሻቃራ ሻቃሮስ» ያጌስ። ሺን ኢ አይ ጊዳኮ ኤፊና።

34 ኢ ያጌዲ አዴቴሺን ሻራይ ዩዲ ኤንታና ካሚስ፣ ኤንቲ ሄ ሻራ ጊዶ ጌሊሼ ባቢዶሶና።

35 ሻራ ጊዶፊ፣ «ታ ዶሪዳ ናዓይ ሃይሳ ኢያ ሲዒቴ» ያጌያ ቃላይ ሲዔቲስ። 36 ሄ ቃላይ ሲዔቲዳፔ ጉዩ ዮሱሲ ባርካ ዴዒሼ ቤንቲስ። ሄ ዎዴ ኤንቲ ቤዒዳባ አዴስካ አዶና፣ ባንታ ዎዳናን አይኪዲ ሲዒ ጊዶሶና።

**ዮሱሲ ቱና አያና ኢሲ ናዓፔ ኬሲስ**  
(ማቶ 17:14-18፤ ማር 9:14-27)

37 ዎንቴሴ ኤንቲ ዴሪያፔ ዎዲያ ዎዴ ዳሮ አሳይ ዩዲ ኢያራ ጋሄቲዶሶና። 38 ሄ ዎዴ አሳ ጊዶፊ ኢሲ አሲ፣ «አስታማሪያው፣ ታ ኢሲ ናዓ ያዳ ቤዓርኪ። 39 ቱና አያናይ ቆፖና አይኪዲ ዋሲሴስ፤ ጎፖንቶ ዮጊሲዲ ቃኬሬሴስ፣ አሳቴሳ ቆሂዲ ኡንዔሲዲ ዮዴስ። 40 ኔ ታማሬቲ ኬሳና ሜላ ዎሳስ፣ ሺን ኤንቲ ዳንዳዒቡካና» ያጌዲ ዎሲስ።

41 ዮሱሲ፣ «አማኖይ ባይና ጌላ ዮሌቴሳቶ፣ አዉዴ ጋካናው ታ ሂንቴራ ዳኔ፣ ሂንቴና ዳንዳዳኔ? ኔ ናዓ ባዳ ሃ ኤካያ» ያጌስ።

42 ናዓ ኤኪዲ ያ ዎዴ ቱና አያናይ ሳዓን ሆሊ ዮጊዲ ኮኮርሲስ። ሺን ዮሱሲ ቱና አያና ሃንቂዲ ናዓፔ ኬሲስ። ናዓካ ናዓ አዎስ ኢሚስ። 43 አሳይ ኡባይ ያሳ ጊታ ዎልቃን ማላሌቲዶሶና። ኤንቲ ኢ አሲዳባን ማላሌቲሺን፣ ዮሱሲ ባ ታማሬታኮ፣

44 «ሃይሳ ታ ሂንቴው አዴይሳ ሎይሲ ሲዒቴ፤ አሳ ናዓይ ሞርኪታ ኩሺን አዲ ኢሜታና» ያጌስ። 45 ሺን ኢ ጊዳባይ ኤንታፊ ጊሚዳ ጊሾ አኬኪቡካና። ሄሳ ጊሾ፣ ዛሪዲ አይቻናው ባቢዶሶና።

**ኡባፊ ጊታ ጊዳናይ አኔ?**  
(ማቶ 18:1-5፤ ማር 9:33-37)

46 ዮሱሳ ታማሬቲ፣ «ኑ ጊዶን ጊታ ጊዳናይ አኔ?» ጊዲ ፓላማ አይኪዶሶና። 47 ዮሱሲ ኤንታ

9:19 ማቶ 14:1፣ 2፤ ማር 6:14-15፤ ሉቃ 9:7-8 9:20 ዮሃ 16:20-28፤ ማር 8:30-9:1 9:23 ማቶ 10:38፤ ሉቃ 14:27 9:24 ማቶ 10:39፤ ሉቃ 17:33፤ ዮሃ 12:25 9:28 2ጴጌ 1:17-18 9:35 ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22 9:46 ሉቃ 22:24



ዎዛና ቆፋ ኤሪዲ ዮጋ ናዓ ባ ማታን ኤሲዲ፤  
48 «ሃ ዮጋ ናዓ ታ ሱንሳን ሞኪያ እኒካ ታና ሞኪስ፤ ታና ሞኪይ ታና ኪቲዳይሳ ሞኪስ፤ ሂንቱ ኡባሬ ጉዳይሲ፤ ኢ ጊታ ጊዳና» ያጊስ።

49 ዮሃንሲ፤ «ጎዳው፤ ኢሲ አሲ ኔ ሱንሳን ቱና አያናታ ኬሲሺን ቤዲዲ ኢ ኑራ ጊዶና ጊሾ ዲጊዳ» ያጊስ።

50 ዮሱሲ ዛሪዲ፤ «ሂንቴራ ኤቁቶናይሲ፤ ኢ ሂንቴ ባጋ፤ ሄሳ ጊሾ፤ ኢያ ዲጎሬቴ» ያጊስ።

**ሳማሬ አሳይ ዮሱሳ አጊዶሶና**

51 ዮሱሲ ሳሎ ቢያ ዎዴይ ማታቲዳ ጊሾ ዮሱሳላሜ ባናው ቃንጊዲ ዴንዲስ። 52 ሳማሬ ቢታን ዴዲያ ኢሲ ጉታ ቢዲ፤ ኡባባ ኢያው ጊጊሳና ሜላ አሴ ያ ኪቲስ። 53 ሺን ኢ ቤይ ዮሱሳላሜ ጊዲያ ጊሾ ኤንቲ ኢያ ሞኪ ኤኪቡኮና። 54 ዮሱሳ ታማሬቲ ያይቆባራኔ ዮሃንሳራ ሄሳ ቤዲዲ፤ «ጎዳው፤ ሳሎቴ ታሚ ዎዲዲ ኤንታ ሞ ጋና ሜላ ኔ ኮያይ» ያጊዶሶና።

55 ሺን ዮሱሲ ጉዬ ሲሚ ኤንታ ሃንቁቲዲ፤ «ሂንቴ ጋርሳን አይቢ አያኒ ዴዲያኮ ሂንቴ ኤሬኬታ። አሳ ናዓይ አሴ አሻናው ዮሲቴ አቲን ዳይሳናሳ ጊዴና» ያጊስ። 56 ያጥ ዴንዲዲ ሃራ ጉታ ቢዶሶና።

**ዮሱሳ ካሎይ ጨጊሲያ ጋቲያ**

(ማቶ 8:19-22)

57 ኤንቲ አጊያራ ቢሺን፤ ኢሲ አሲ፤ «ኔ ቢያሶ ኡባ ታ ካላና» ያጊስ።

58 ዮሱሲ ዛሪዲ፤ «ዎርካናታስ አሊ፤ ሳሎ ካፎታስ ኬሳ ዴዴስ፤ ሺን አሳ ናዓይ ባ ሁዲያ ሺምፒሲያሶይ ባዎ» ያጊስ።

59 ሃንኩዋኮ፤ «ኔኒ ታና ካላ» ያጊስ። ሺን ኡራይ፤ «ጎዳው፤ ኮይሮታዳ ታ አዎ ሞጋዳ ያና» ያጊስ።

60 ሺን ዮሱሲ፤ «ሃይቁዳይሳቲ ሃይቁዳይሳታ ሞጋና ሜላ ኤንታው አጋጋ፤ ኔኒ ባዳ ያሳ ካዎቴሳ ሳባካ» ያጊስ።

61 ቃሲ ሃራ አሲ፤ «ጎዳው፤ ታ ኔና ካላና፤ ሺን ኮይሮታዳ ታ ሶ አሳ ሳሮሳዳ ያና» ያጊስ።

62 ዮሱሲ ዛሪዲ፤ «ኮዪ አይኪዲ ጉዬ ዪሊያ እኒካ ያሳ ካዎቴሳስ ቤሴና» ያጊስ።

10

**ዮሱሲ ላፑን ታማኔ ናምዓቲ ታማሬታ ኪቲስ**

1 ሄሳሬ ጉዬ፤ ጎዳይ ሃራ ላፑን ታማኔ ናምዓቲ

\* አሳታ ዶሪስ። ኢ ባናው ቆፒዳ ካታማኔ ጉታ ኡባ ሲንሳቲዲ ባናዳ ናምዓ ናምዓ አሲዲ ኪቲስ።

2 ዮሱሲ ኤንታኮ፤ «ሄኮ ሺቃና ካሳይ ዳሮ ሺን አሳንቾቲ ጉሳ፤ ያኒያ ጊሾ፤ ካሳ ጎዳይ አሳንቾታ ኪታና ሜላ ዎሲቴ። 3 ሂዛ፤ ቤቱ፤ ዶርሳታዳ ሱዲሜታ ጊዶ ሂንቴና ታኒ ዮዳና። 4 ሂንቴ ቢያ አጊያስ አይኮካ አይኮሬቴ፤ ሚሺ ጊዲን ካሲ ጊዲን ጫማ አይኮሬቴ። አጌ ቦላ አናካ ሳሮሶሬቴ። 5 ሂንቴ ጌሊያ ኬሳ ኡባ ኮይሮቲዲ፤ ሳሮይ ሃ

ኬሳስ ጊዶ» ያጊቴ። 6 ሳሮ ዶሲያ አሲ ሄ ቤሳን ዴዲኮ፤ ሂንቴ ሳሮይ ያን ሺምፓና፤ ኢጎስ ጊኮ ሂንቴ ሳሮይ ሂንቴው ሲማና። 7 አሳንቾስ ዳምዜ ቤሲያ ጊሾ ሂንቴ ጌሊዳ ኬሳን ሂንቴው ሺሺዳባ ኡባ ሚሺኔ ኡዩሺ ያን ጋምዲቴ። ኢሱዋ ሶፔ ኢሱዋ ሶ ዩዮፒቴ። 8 አይ ካታማካ ሂንቴ ጌሊያ ዎዴ አሳይ ሂንቴና ሞኪዲ፤ ሂንቴው ሺሺዳባ ኡባ ሚቴ። 9 ሄ ካታማን ዴዲያ ሃርጋንቾታ ፓሳሺ፤ (ያሳ ካዎቴሳይ ሂንቴኮ ማቲስ) ያጊዲ አዲቴ። 10 ሺን ኢሲ ካታማ ጌሊያ ዎዴ አሳይ ሂንቴና ሞኮና ኢዲኮ ዳባባ ኬዩዲ ሃይሳዳ ጊቴ።

11 (ኑ ቶሁዋ ቦላ ዴዲያ ሂንቴ ካታማ ባና ፒቶስ፤ ሺን ያሳ ካዎቴሳይ ሂንቴኮ ማታቲዳይሳ ኤሪቴ።) 12 ፒርዳ ጋላሳን ሃ ካታማፔ ሶዶሜ ካታማስ ፒርዳይ ካዉሺ ጊዳናይሳ ታ ሂንቴው አዳይስ» ያጊስ።

**አማናና ጊሾ ቦሬቲዳ ካታማታ**

(ማቶ 11:20-24)

13 ካሊዲካ፤ ዮሱሲ፤ «ኔኖ ኮራዚኔ፤ ኔኖ ቤቱሳይዳ፤ አዬ፤ ሂንቴናን አሴቲዳ ማላታቲ ሂሮሳኒኔ ሲዶናን አሴቲዳኮ ያን ዴዲያ አሳይ ካሌ ማዲዲ፤ ቢዲንሳ ቦላ ኡቲዲ ቤኒ ማሮታን ጌሊ አጋናሺን። 14 ሄሳ ጊሾ፤ ሂንቴሬ አሲዲ ሂሮሳሲኔ ሲዶናስ ያሳ ፒርዳይ ካዉያና። 15 ኔካ ቂሬርናሆሜ፤ ሳሎ ጋካናው ኔና ዶቁ አሳናው ኮያይ? ኔ ዱጌ ሲያሌ ሆሌታና» ያጊስ።

16 ቃሲካ ዮሱሲ ባ ታማሬታኮ፤ «ሂንቴና ሲዴይ ታና ሲዴስ፤ ሂንቴና ኤኮናይ ታና ኤኬና፤ ታና ኤኮናይ ታና ኪቲዳይሳ ኤኬና» ያጊስ።

**ላፑን ታማኔ ናምዓቲ ሲሚዶሶና**

17 ላፑን ታማኔ ናምዓቲ ታማሬቲ ኪቲቲዳ ቤሳሬ ኬሂ ኡፋይቲሺ ሲሚዶሶና። ዮሱሳኮ ሺቁዲ፤ «ጎዳው፤ ኔ ሱንሳን ቱና አያናቲካ ኑስ ኪቲቲዶሶና» ያጊዶሶና።

18 ዮሱሲ ኤንታኮ፤ «ግላሄይ ሳሎፔ ዎልዓንሳዳ ዎዲሺን ታ ቤዓስ። 19 ሄኮ፤ ሾሻኔ ኮርኔ ዮዳና ሚላኔ ሞርኪያ ዎልቃ ዛራና ሜላ ማታ ሂንቴው ኢማስ። ሂንቴና ቆሃናባይ አይኮይካ ዴና። 20 ጊዶሺን፤ ሂንቴ ሱንሳይ ሳሎ ማዝጋባን ግሬቲዳ ጊሾ ኡፋይቲቴፔ አቲን ቱና አያናቲ ኪቲቲዳ ጊሾ ኡፋይቶሬቴ» ያጊስ።

**ዮሱሲ ባ ኡፋይሳ ቆንጨሲስ**

(ማቶ 11:25-27፤ 13:16-17)

21 ሄ ዎዴ ዮሱሲ ጌሻ አያናን ኡፋይቲዲ፤ «ሳሎ ሳዓ ጎዳው፤ ሃይሳ ጨንጫታፔኔ ኤራንቾታፔ ጌንሳዳ ያላጋታስ ቆንጨሲዳ ጊሾ ጋላቲታ። ኤ ታ አዎው፤ ሄሳ ኔ አሳናው ሎዎ ሽኔ ጊዲስ።

22 «ኡባባይ ታ አዎፔ ታው ኢሜቲስ። ናዓይ አኔኮ አዎፔ አቲን ሃሪ ዎይኮ ናዓይ ቆንጨሳናው ኮዩይሳሬ ሃሪ እኒካ አዎ ኤሬይ ባዎ» ያጊስ።

23 ካሊዲካ፤ ዮሱሲ ዱማ ባ ታማሬታኮ፤ «ሂንቴ ቤዴይሳ ቤዴይሳቲ አንጄቲዳይሳታ።

9:48 ማቶ 10:40፤ ሉቃ 10:16፤ ዮሃ 13:20 9:54 2ካዎ 1:9-16 9:61 1ካዎ 19:20 \* 10:1 ላፑን ታማኔ ናምዓቲ፤ ኢሲ ኢሲ ማገፋቲ ላፑን ታማ ጎሶና፤ ቃሲ ፓይዶ 17 ሃላ። 10:2 ማቶ 9:37-38 10:3 ማቶ 10:16 10:4 ማቶ 10:7-14፤ ማር 6:8-11፤ ሉቃ 9:3-5 10:7 1ቆሮ 9:14፤ 1ጊዎ 5:8 10:10 ሃ.አ 13:51 10:11 ማቶ 10:7-14፤ ማር 6:8-11፤ ሉቃ 9:3-5 10:12 ሜዴ 19:24-28፤ ማቶ 10:15፤ 11:24 10:13 ኢሳ 23:1-18፤ ሂዝ 26:1-21፤ ኢዩ 3:4-8፤ አዎ 1:9-10፤ ዛካ 9:2-4 10:15 ኢሳ 14:13-15 10:16 ማቶ 10:40፤ ማር 9:37፤ ሉቃ 9:48፤ ዮሃ 13:20 10:19 ማዝ 19:13 10:22 ዮሃ 3:35፤ 10:15

24 ቱማ ዳር ናቤቲኔ ካዎቲ ሂንቱ ቤዔይሳኔ ሲዔይሳ ቤዓናዉኔ ሲዓናው ኣሞቲዶሶና፤ ሺን ቤዒቦኮና፤ ሲዒቦኮና» ያጊስ።

**ቱማ ሲቆ**

25 ሄኮ፤ ኢሲ ጋላስ ሙሴ ዎጋ ኮሪያ ኢሲ ኡራይ ዴንዲዲ ዮሱሳ ያጊዲ ፓጩ ኣይሾ ኣይቺስ። «ኣስታማሪያው፤ ሜሪና ዴቦብ ላታናው ታኒ ኣይ ኣሶ?» ያጊስ።

26 ዮሱሲ፤ «ሙሴ ማፃፋን ፃፌቲዳይ ዎይጊ? ኔ ዋታ ናባባይ?» ያጊስ።

27 ኣዴይ ዛሪዲ፤ «**«ኔ ጎዳ ኔ ያሳ፤ ኔ ኩሜሳ ዎዛና፤ ኔ ኩሜሳ ሽምፑዎ፤ ኔ ኩሜሳ ዎልቃፊኔ ኔ ኩሜሳ ቆፋፕ ዶሳ። ቃሲ ኣሴ ኔ ሾሩዎ ኔ ሁዒያዳ ዶሳ»** ያጊስ።

28 ዮሱሲ ኢያኮ፤ «ኔኒ ሊኬ ዛራዳሳ፤ ኔካ ሄሳዳ ኣሳ። ኔኒ ሜሪናው ዴዎን ዳና» ያጊስ።

29 ሺን ኡራይ ባና ዒሎ ኣሳናው ኮዩዲ፤ «ሃኖስ ኢ ታ ሾሮይ ኣኔ?» ያጊስ።

30 ኢያ ኣይሻስ ዮሱሲ ያጊዲ ዛር ኢሚስ፤ «ኢሲ ኣሴ ዴዔይሲ ዮሩሳላሜ ካታማፕ ዱጌ ኢያርኮ ካታማ ቢሺን ኣጌ ቦላ ፓንጋቲ ኬዩዲ ሾጩዶሶና፤ ኢያ ማዕብ ቃሪ ኤኪዲ ሃይቆፕኔ ፓፕፕ ጊዶን ዩጊዲ ቢዶሶና። 31 ጉዮፕ፤ ኣይሁዴ ካሂኔ ኢሶይ ሄ ኣጊያራ ባ ቡሱ ቢሽ ኡራ ቤዒዲ ዴሺ ጊዲ ኣዲስ። 32 ቃሲ ኢሲ ሴዌ ዴዔይሲ ሄ ቤሳ ጋኪሽ ኡራ ቤዒዲ ሃራሶራ ኣዲዲ ቢስ። 33 ሺን፤ ኢሲ ሳማራ ቢታ ኣሴ ዴዔይሲ ሄ ኣጊያራ ዩሽ ኡራ ቤዒዲ ኢያው ቃዴቲስ 34 ኢያኮ ሺቂዲ፤ ኢያ ማዳንሳ ቦላ ዛይቱኔ ዎይኔ ቲጊዲ ቃቺስ። ባ ሃሪያ ቦላ ኡቲሲዲ ኢማሊ ኣቂያ ኬሊ ኤፊስ። ሄ ቤሳን ኢያው ኮሺያባ ኡባ ኣሊስ። 35 ዎንቴሴ ናምዑ ዲናሪ ኬሲዲ ኢማላ ኬሳዎስ ኢሚዲ፤ ሃያና ሃ ኡራ ሎይሳ ዒላ። ታኒ ኔው ኢሚዳይሳፊ ቦላራ ኔ ኬሲያባ ኡባ ታ ኔው ጨጋና» ያጊስ።

36 «ሂዛ፤ ሃ ሄኹ ኣሳታፕ ፓንጋቲ ሾጩዳ ኡራስ ሾሮቱይ ኔው ኣና ዳኒ?»

37 ኡራይ ዛሪዲ፤ «ኢያው ቃዴቲዳይሳካ» ያጊስ።

ዮሱሲ፤ «ኔካ ባዳ ሄሳዳ ኣሳ» ያጊስ።

**ዮሱሲ ማርታኔ ማይራሚ ሶን**

38 ዮሱሲ ባ ታማራታራ ኣጌ ቢሽ ኢሲ ጉታ ጋኪስ። ያን ማርታ ጌቱቲያ ኢሲ ማጫሲያ ኢያ ባ ሶን ሞካሱ። 39 ኢዉካ ማይራሚ ጊያ ሚቺያ ዴዓዉሱ፤ ማይራማ ቃላ ሲዓሽ ጎዳ ቶሁዎ ማታን ኡታሱ። 40 ሺን ማርታ ዳር ኦሶን ኡንዔታዳ ዮሱሳኮ ሺቃዳ፤ «ጎዳው፤ ታ ሚቺያ ኣሱዎ ታ ፃላላስ ዮጋዳ ኡታ ኣጊን ታ ዳቡሪያ ዎዴ ኔኒ ቤዓሽ ሲዒ ጋይ? ኢያ ታና ማዳና ሜላ ኣዲኪ» ያጋሱ።

41 ሺን ጎዳይ ሃይሳዳ ጊዲ ዛሪስ፤ «ማርታ፤ ማርታ፤ ኔኒ ዳርባን ኡንዔታሳኔ ሜቶታሳ።

42 ጊዶሺን፤ ኮዩቱይ ኢሲባ ፃላላ። ማይራማ ሎዎባ ዶራሱ፤ ሄሲካ ኢፕ ኤኬቴና» ያጊስ።

**11**

**ዮሱሲ ዎሳባ ታማርሲስ**  
(ማቶ 6:9-13፤ 7:7-11)

1 ኢሲ ጋላስ ዮሱሲ ኢሲ ቤሳን ዎሴስ። ዎሳ ዉርሲዳ ዎዴ ኢያ ታማራታፕ ኢሶይ፤ «ጎዳው፤ ዮሃኒሲ ባ ታማራታ ዎሳ ታማርሲዳ ሜላ ኔካ ኑና ዎሳ ታማርሳ» ያጊስ።

2 ዮሱሲ፤ «ሃይሳዳ ያጊዲ ዎሲቱ፤ ሳሉዎን ዴዒያ ኑ ኣዎው ኔ ጌሻ ሱንሳይ ኣንጄቶ፤ ኔ ካዎቴሳይ ዮ።

3 ኑ ጋላሳ ካሳ ሃቺ ሃቺ ኑስ ኢማ።

4 ኑና ቆሄይሳታ ኑኒ ኣቶ ጊይሳዳ፤ ኑ ናጋራ ኣቶ ጋ፤ ፓጩን ኑና ጌልሶፋ» ያጊስ።

5 ካሊዲካ፤ ዮሱሲ ባ ታማራታኮ ያጊስ፤ «ሌሚሶስ ሂንቴፊ ኢሱዎስ ላጌይ ዴዔስ። ኢ ጊዲ ቢላሄ ባ ላጊያ ሶ ቢዲ፤ ስታ ላጊያው፤ ሄኹ ሶሎ ታው ታልዓርኪ። 6 ታው ላጌ ጊዲዳ ኢሲ ኣሲ ኣጌፕ ዩን፤ ኢያው ኣሊያባ ዳያስ» ያጊስ።

7 «ኢያ ላጌይ ኬሳ ጊዶን ጊዲዲ፤ ሃያና ታና ዎይሶፓ፤ ዉላይ ጎርዴቲስ። ታ ናይቲካ ታራ ኣርሳ ቦላ ዜንዒዶሶና። ያኒያ ጊሾ፤ ዴንዳዳ ኔ ኮያባ ኢማናው ዳንዳዒኬ» ያጊስ። 8 ታ ሂንቴው ኣዳይስ፤ ላጌቱሳ ጊሾ ዴንዳዲ ኢማናው ኮዮና ኢዒኮካ ዎሳን ሳሌሲዳ ጊሾ ዴንዳዲ ኮሺያባ ኡባ ኢሚስ።

9 «ሄሳ ጊሾ፤ ታኒ ሂንቴው ኣዳይስ፤ ዎሲቱ ሂንቴው ኢሜታና፤ ኮዩቱ ሂንቴ ዴማና፤ ካሬ ዩዲ ዌጊቱ ሂንቴው ዶዩታና። 10 ጋሶይካ ዎሲያ ኡባይ ኤኬስ፤ ኮዩይ ዴሜስ፤ ካሬ ዩዲ ዌጌይሳስ ዶዩቱስ።

11 «ሂንቴና፤ ኣዎቶ ሂንቴ ጊዶፊ ናዒ ኡይሲ ዎሲን ሹቺ ኢሜይ ኣኔ? ሞሎ ዎሲን ሾሺ ኢሜይ ኣኔ? 12 ዎይኮ ጳጳሌ ዎሲኮ ኮርኔ ኢሚ? 13 ሂንቴ ኢታታ ጊዲሽ ሂንቴ ናይታስ ሎዎባ ኢሞ ኤሪኮ፤ ሳሎን ዴዒያ ሂንቴ ኣዎይ ዎሴይሳታስ ጌሻ ኣያና ዋቲ ኣሊ ኢሜኔ?» ያጊስ።

**ዮሱሳኔ ቢዔልዜቡላ**

14 ኢሲ ጋላስ ዮሱሲ ዶና ሙሚሲዳ ቱና ኣያና ኢሲ ኡራፕ ኬሲስ። ቱና ኣያናይ ኬዩዳ ሜላ ሙሜ ኡራይ ኣዴቲስ። ኣሳይካ ማላሌቲስ።

15 ሺን ኢሶቲ ኢሶቲ፤ «ቱና ኣያና ሃላቃ፤ ቢዔልዜቡላ ዎልቃን ቱና ኣያናታ ኬሴስ» ያጊዶሶና። 16 ሃራቲ ቃሲ ፓጩስ ሳሎፕ ማላ ቤሳና ሜላ ኮዩዶሶና።

17 ሺን ዮሱሲ ኤንታ ቆፋ ኤሪዲ ኤንታኮ፤ «ዎሊ ጊዶን ሻኬቲያ ካዎቴሊ ኡባይ ዳዩስ፤ ዎሊ ጊዶን ሻኬቲያ ኬሊ ኩንዴስ። 18 ፃላሄይ ዎሊ ጊዶን ሻኬቲኮ ኢያ ካዎቴሳይ ዋኒዲ ሚኒዲ ኤቃኔ? ሂንቴ ታና፤ ስታ ቱና ኣያናታ ቢዔልዜቡላ ዎልቃን ኬሴስ» ያጊታ። 19 ሂዛ፤ ታኒ ቱና ኣያና ቢዔልዜቡላ ዎልቃን ኬሲያባ ጊዲኮ ሂንቴ ናይቲ ኣዴ ዎልቃን ኬሶናሻ? ሄሳ ጊሾ፤ ኤንቴ ሂንቴ ቦላ ፐርዴይሳታ ጊዳና። 20 ሺን ታኒ ቱና ኣያናታ ዎሳ ቢራዴን ኬሲያባ ጊዲኮ ሂዛ ዎሳ ካዎቴሳይ ሂንቴኮ ማቲዳይሳ ኤሪቱ።

10:25 ማቶ 22:35-40፤ ማር 12:28-34 10:27 ሌዌ 19:18፤ ዛሬ 6:5 10:28 ሌዌ 18:5 10:33 2ታሪ 28:15 10:38 ዮሃ 11:1 11:15 ማቶ 9:34፤ 10:25 11:16 ማቶ 12:38፤ 16:1፤ ማር 8:11

21 «ሚኖ አሲ ዳንጩቲዲ ባ ኬላ ናጊያባ ጊዲኮ፣ ኢያ ሻሎይ ቦሼቴና። 22 ሃኖሺን፣ ኢያፕ አዲ ሚኖ ጊዲዳ አሲ ዩዲ፣ ኢያ ቆሂዲ ዶኒኮ አማኔቲዲ ዳንጩዳ ዳንጩዋ ቢሊሲዲ፣ ኢያ ሻሎዋ ቦንቁዲ ሃራስ ሻኬስ።

23 «ታራ ጊዶናይሲ ታና ኢዳስ፤ ታራ ሺሾናይሲካ ላሌስ።

24 «ቱና አያናይ አሳፕ ኬዩዳ ዎዴ ሸምፕያሶ ኮዩዲ ሃሲ ባይናራራ ዩዩስ። ሸምፕያሶ ዳዩዳ ዎዴ (ታ ኬዩዳሱዋ ሲማና) ያጊስ። 25 ኢ ሲሚያ ዎዴ ኬላይ ፕቴቲዲ ሎዲዲ ዴዲሺን ዴሚስ።

26 ሄሳፌ ጉዩ፣ ቢዲ ኢያፕ አዲዲ ኢቲዳ ሃራ ላፕን ቱና አያናታ ኤኪዲ ዩስ። ኢያን ጌሊዲ ዱሱ አይኬስ። ሄ ኡራስ ኮይሮይሳፌ ጉዩይሲ አዲዲ ኢታ ጊዴስ» ያጊስ።

27 ዩሱሲ ሄሳ አዳ ቦላ ዴዲሺን ኢሲ ማጫሲ አሳ ጋሳፌ ዴንዳዳ፣ ባ ቃላ ዶቁ አሳዳ፣ «ኔና ቶኪዳ ኡሎይኔ ኔኔ ዳሚዳ ዳንሳቲ አንጄቲዶሶና» ያጋሱ።

28 ሺን ኢ፣ «አንጄቲዳይሳቲ ዶላ ቃላ ሲዲዲ ኪቴቲይሳታ» ያጊስ።

**ዮናሳ ማላ**

29 ዳሮ አሳይ ሸቂዳ ዎዴ ዩሱሲ፣ «ሃ ዩሎቴሳይ ኢታ፤ አራሳ ማላ ኮዩስ። ሺን ዮናሳ ማላታፕ አቲን ሃሪ ኤንታው ኢሜቴና። 30 ዮናሲ ናናዌ አሳስ ማላ ጊዲዳ ሜላ አሳ ናናይካ ሃ ዩሎቴሳስ ማላ ጊዳና። 31 ዱጌሃ ካዊያ ፐርዳ ጋላስ ሃ ዩሎቴሳራ ዴንዳዳ ፐርዳና። ጋሶይካ፣ ኢያ ሶሎሞኔ ጩንጫቴሳ ሲዳናው ቢታ ጋፃፕ ዴንዳዳ ያሱ። ሄኮ ሶሎሞኔፕ አዴይሲ ሃይሳን ዴዴስ 32 ናናዌ አሳቲ ፐርዳ ጋላስ ሃ ዩሎቴሳራ ዴንዲዲ ኤንታ ቦላ ፐርዳና። ጋሶይካ ዮናሳ ሲብካቲያን ማርታ ጌሊዶሶና። ሄኮ፣ ዮናሳፕ አዴይ ሃይሳን ዴዴስ» ያጊስ።

**አሳቴሳ ፖዎ**

33 «ዎምፕ ዎምፕዲ ቆላ ቤሳን ዎይኮ አቶ ጊዶን ዎሲያ አሲ ዴና። አሲ ፖዑዋ ቤዳና ሜላ ዶቃ ቤሳን ዎሴስ። 34 ኔ አሳቴሳስ ፖዎይ ኔ አይፊያ። ኔ አይፊይ ሎዎ ጊዲኮ፣ ኔ ኩሜሳ አሳቴሳይ ፖዴስ። ኔና አይፊይ ሳኪኮ ኔ አሳቴሳይ ኡባይ ዱሜስ። 35 ሄሳ ጊሾ፣ ኔ ጋርሳን ዴዲያ ፖዎይ ዱሞና ሜላ ናጌታ። 36 ሂዛ፣ ኔ ኩሜሳ አሳቴሳይ ፖዎ ጊዲኮ፣ ኔ አሳቴሳንካ ሃሪ ዱማ ቤሲ ዳዩኮ፣ ኔ አሳቴሳ ኩሜሳይ ዎሊሌ ፖዎ ሜላ ጊዴስ» ያጊስ።

**ኡሱፕን አዩታ**

(ማቶ 23:1-36፤ ማር 12:38-40)

37 ዩሱሲ ባ አዳ አንጊዳ ሜላ ኢሲ ፋሪሳዌይ ባራ ካሲ ማና ሜላ ያጊስ። ኢ ኢያራ ኢሲፌ ጌሊዲ ጊቢራ ቦላ ኡቲስ። 38 ፋሪሳዌይ ዩሱሲ ካሲ ማናፕ ሲንሴ ኩሼ ሜጮናይሳ ቤዲዲ ማላሌቲስ።

39 ጎዳይ ኢያኮ፣ «ሂንቴ ፋሪሳዌቲ ቁሊያኔ ሻቲያ ቦላ ባጋ ሜጩታ። ሺን ሂንቴ ጋሳይ ኡዜቴሳኔ ኢታቴሳን ኩሚስ። 40 ሂንቴኖ፣ ኤያቶ፣ ካሬ ባጋ ሜዲዳይሲ ጋሳ ሜዲዳይ

ኢያ ጊዴይዩ? 41 ሺን ቁሊያኔ ሻቲያን ዴዴይሳ ማንቆታስ ኢሚቴ። ሄ ዎዴ ሂንቴው ኡባባይ ጌሺ ጊዳና።

42 «ፋሪሳዌቶ ሂንቴና አዩ፣ ሳዎፕ፣ ፃሎፕ፣ ሄሳ ሜላባፕ አስራታ ኬሴታ። ሺን ጊሎቴሊኔ ዶሳ ዶሶይ ሂንቴናን ባዋ። ሃራታ አጎና ሃይሳታካ አሳናው ቤሴስ፣ ሺን አጊዴታ።

43 «ፋሪሳዌቶ ሂንቴና አዩ፣ አይሁዴ ዎሳ ኬሳን ቦንቾ አይዴ፣ ጊያ ጊዶን ቦንቾ ሳሮሶ ዶሴታ።

44 «ማላይ ዳዩን አሳይ ኤሮና ቦላራ ቢያ ዱፎ ዳኔይሳቶ ሂንቴና አዩ» ያጊስ።

45 ሂጌ አስታማሬይ ዛሪዲ፣ «አስታማሬው፣ ኔ ሄሳ ጋሼ ኑና ጫያሳ» ያጊስ።

46 ዩሱሲ፣ «ሂንቴኖ፣ ሂጌ አስታማሬቶ፣ ሂንቴናካ አዩ፣ አሳይ ቶካናው ዳንዳያና ዴዎ ቶሆ ቶሴታ፣ ሺን ሂንቴ ሂንቴ ሁዴስ ሃሪ አቶሺን ቢራዴ ያራንካ ቦቼኬታ።

47 «ሂንቴ አዋቲ ዎዲዳ ናቤታ ዱፋዋ ሂንቴ ጊጊሲያ ጊሾ ሂንቴና አዩ። 48 ሂዛ፣ ሂንቴ አዋታ አሱዋ ሚንሳናው ኤንቲ ዎዲዳ ናቤታ ዱፋዋ ሂንቴ ሎይሲያ ጊሾ ኤንታ ኢታ አሱዋስ ሂንቴ ማርካ። 49 ሄሳ ጊሾ፣ ዶሳይ ባ ጩንጫቴሳን፣ (ናቤታኔ ሃዋሬታ ታ ሂንቴው ኪታና፣ ሺን ሂንቴ ባጋታ ዎዳና፣ ሃራታ ጎዳና) ያጊስ። 50 ሄሳ ጊሾ፣ ሃ ዩሎቴሳይ አሳሜይ ሜዴቶሳፕ ሃኖ ጋካናው ጉኪዳ ናቤታ ኡባ ሱሳስ አይሼታና። 51 አቢላፕ ዶሚዲ ያርሾ ቤሳሲኔ ዶሳ ኬሳፌ ጊዱዋን ጉኪዳ ዛካሪያሳ ሱሳ ጊሾ ሃ ዩሎቴሳይ አይሼታና።

52 «ሂጌ አስታማሬቶ፣ ሂንቴና አዩ፣ ኤራቴሳ ቁልፕያ ሂንቴ ኩሼን አይኪዴታ፣ ሺን ሂንቴው ጌሊኬታ ሃራታካ ጌልሴኬታ» ያጊስ።

53 ዩሱሲ ያፕ ባናው ኬያ ዎዴ ሂጌ አስታማሬቲኔ ፋሪሳዌቲ ኢያራ ኤቁቲዲ አይሾን ዎይሶሶና። 54 ኢያ ዶናፕ ኬያ ቃላን ኢያ አይካናው ኮዩዲ ሄሳ አሲዶሶና።

12

**አያና ሚንሴሶ (ማቶ 10:26-27)**

1 ሄ ዎዴ ዳሮ ሙኩሉን ታይቤቲያ አሳይ ዎሊ ቦላ ዩዴታና ጋካናው አሲ አሳ ቦላ ሸቂዲ ዴዲሺን፣ ዩሱሲ ባ ታማሬታኮ፣ «ፋሪሳዌታ ኢርሹዋሬ ናጌቲቴ። ሄሲካ ኤንታ ጩቦቴሳ። 2 ቆንጮና ቆሴቲዲ፣ ኤሬቶና ጌሚዲ አቲያባይ አይኮይካ ባዋ። 3 ሂዛ፣ ሂንቴ ዱማን አዲዳባይ ኡባይ ፖዎን ሲዴታና፣ ቆልዓ ጋሳን ካልካሺዳባይ ዳባባን አዴታና።

4 «ታ ባጋቶ፣ ታ አዴይሳ ሲዲቴ፤ አሹዋ ዎዶሶናፕ አቲን ሃራ አይኮካ አሳናው ዳንዳያይሳታስ ባቦሬቴ። 5 ሃኖሺን፣ ሂንቴ ባባናው ቤሴይሳ ታ ሂንቴው ቆንጩሳና። ሄሲካ ዎዲዳፕ ጉዩ ጋናሜን ዩጋናው ዎልቃይ ዴዴይሳስ ኢያው ባቢቴ። ኤ፣ ቱማ ጋይስ፤ ኢያው ባቢቴ። 6 ኢቻሹ ቡቤቲ ኢሲ ሳንቲሜስ ባይዜቶኮናዩ? ሃኖፕ አቲን ኤንታፌ ኢሲናካ ዶሳ ሲንሳን ዶጌቲኮ። 7 ሃሪ አቶሺን፣ ሂንቴ ሁዴ

11:23 ማር 9:40 11:29 ማቶ 16:4፤ ማር 8:12 11:30 ዮሃ 3:4 11:31 1ካዎ 10:1-10፤ 2ታሪ 9:1-12 11:32 ዮሃ 3:5 11:33 ማቶ 5:15፤ ማር 4:21፤ ሉቃ 8:16 11:42 ሌዌ 27:30 11:51 ሜዴ 4:8፤ 2ታሪ 24:20-21 12:1 ማቶ 16:6፤ ማር 8:15 12:2 ማር 4:22፤ ሉቃ 8:17



በናናይካ ፓይዴቲዲ ደዴስ። ሂዛ፣ ባቦሬቴ፤ ዳሮ ቡቤታ፤ ሂንቴ አዴታ።

8 «ታ አዴይሳ ሲዲቴ፤ አሳ ሲንሳን ታው ማርካቲያ ኡባስ አሳ ናዓይ ያሳ ኪታንቾታ ሲንሳን ማርካታና። 9 አሳ ሲንሳን ታና ካዴይሳስ ያሳ ኪታንቾታ ሲንሳን ታ ኢያ ካዳና። 10 አሳ ናዓ ቦላ ካዴ ቃላ ሃሳያ ኡባይ ማሮታ ደማና፣ ሺን ጌሻ አያና ቦላ ካዴ ቃላ አዴቴይሲ ማሬቴና።

11 «አሲ ሂንቴና አይኪዲ አይሁዴ ያሳ ኪሳን፣ ዳይናታ ሲንሳንኔ ካዎታ ሲንሳን ንሹቺያ ዎዴ አይ አዳኔኮኔ ዎይጊ ዛራኔኮ ሂርጎሬቴ።

12 ሄ ዎዴ ሂንቴ አዳናባ ጌሻ አያናይ ሂንቴና ታማርሳና» ያጊስ።

**ዱሬ ኡራ ኤያቴላ**

13 አሳ ጊዴሬ አሲ አሲ ዩሱሳኮ ዩዲ፣ «ታ ኢሻይ ታው ኑ አዎ ላታ፤ ሻካና ሜላ ኢያው አዳ» ያጊስ።

14 ዩሱሲ ዛሪዲ፣ «ላ አዲያው፣ ሂንቴ ቦላ ታና ዳይናኔ ላታ ሻኪያ ጨማ አሲዳይ አኔ?» ያጊስ።

15 ቃሲካ ዩሱሲ፣ «አሳ ዴዎይ ሻሎ ዳሮቴላን ጊዴና ጊሾ ያሬ አጊዲ ሚንሲዲ ሂንቴና ናጊቴ» ያጊስ።

16 ካሊዲካ ሌሚሶን፣ «ጋዴይ ዳሮ ካሲ ኢሚያ አሲ ዱሬ ኡራይ ደዴስ። 17 ሄ ኡራይ፣ <ታ ካሳ ታኔ ሺሻናው ቤሲ ጉዲዳ ጊሾ አይ አሉ?» ያጊዲ ባ ዎዛናን ቆጥስ። 18 ሂዛ፤ ያታና፤ ካሲ ዴዲያ ሻሌታ ላላዳ ሃራ ዳልጋ ሻሌታ ኪዓና። ካሳኔ ታው ዴዲያባ ኡባ ኢያን ጉራታ።

19 ባ ሺምፔኮ፣ <ታ ሺምፔቴ፣ ዳሮ ሳይሳስ ኔው ጊዲያ ሻሎ ሺሻስ። ሂዛ፣ ሺምፓዳ ማ፣ ኡያ፣ ኡፋይታ» ያጋና።

20 «ሺን ያሳይ፣ <ላ፣ ኤያ አዲያው፣ ሃቺ ቃማ ኔ ሺምፔያ ኔ፤ ኤኪታውሱ። ሂዛ፣ ኔ ሺሺዳባይ አዴስ ጊዳኔ?» ያጊስ።

21 «ሄሳ ጊሾ፣ ባው ዱሬቴሲ ሳዓን ሺሺያ አሳስ፣ ያሳ ማታን ዱሬ ጊዴና አሳስ ዉርሴሳይ ሃ ኡራይሳ ሜላ» ያጊስ።

**ኡንዴቶሬቴ**

(ማቶ 6:25-34)

22 ሄሳሬ ጉዩ፣ ዩሱሲ ባ ታማሬታኮ፣ «ሂዛ፣ ታ አዲያባ ሲዲቴ፣ ሂንቴ ሺምፔቀስ አይ ሚኖ ሂንቴ ቦላስ አይ ማዲኖ ያጊዲ ኡንዴቶሬቴ።

23 ሺምፓይ ካሳሬ ቦሊ አፊላ፤ አዴስ። 24 ካፎታ ቤዲቴ ዜሮኮና፣ ኪሾኮና፣ ኤሌይካ ሻሌይካ ባዎ። ሺን ያሳይ ኤንታና ሙዜስ። ሂንቴ ካፎታ፤ ዳሮ አዴታ። 25 ሃኖሺን፣ ሂንቴሬ ኡንዴቲዲ ባ ሳይሳ ቦላ ኢሲ ቃማ ጉጃናው ዳንዳይ አኔ? 26 ሂዛ፣ ሃ ጉሳባ አሳናው ዳንዳያና ሂንቴ ሃራባስ አይስ ኡንዴቲ፣ 27 አኔ ጨሻቲ ዋኒዲ ዲጨያኮ ቤዲቴ። ዋኮኮናኔ ሱቆኮና። ሃሪ አቶሺን፣ ሶሎሞኔይ ባ ዴዲያ ቦንቾ ኡባን ኤንታሬ ኢሱዋ ሚላካ ማዲቤና። 28 ሂንቴኖ፣ አማኖይ ፓጨዳይሳቶ፣ ሂዛ፣ ያሳይ ሃቺ ቤንቴዲ ዎንቶ ታማን ዩጌታና ጨሻታ ሃይሳዳ ማይዚኮ፣ ሂንቴና ዋቲ አሲ ማይዜኔ? 29 ሄሳ ጊሾ፣ አይ ሚኖ ዎይኮ አይ ኡዩኖ ጊዲ ኡንዴቶሬቴ። 30 ሄ ኡባስ ያሳ አማኖና አሳቲ ኡንዴቶሶና። ሺን ሂንቴ

አዎይ ያሳይ ሄሲ ኡባይ ሂንቴው ኮሺይሳ ኤሬስ። 31 ኡባሬ አሲዲ ያሳ ካዎቴላ ኮዩቴ ሄሲ ኡባይ ሂንቴው ጉጂ ኢሜታና።

32 «ሂንቴኖ፣ ጉሳ ዴሬቶ፣ ያኖሬቴ፤ ሂንቴ አዎ ያሳይ ካዎቴላ ሂንቴው ኢማናው ኡፋይቴስ።

33 ሂንቴው ዴዲያባ ባይዚዲ ማንቆታስ ኢሚቴ። ካይሶይ ኤኮናሶን፣ ቢሊ ሞናሶን፣ ጨሞና ካርቂታን፣ ዉሮና ሻሎዋ ሳሎዋን ሺሺቴ።

34 ሂንቴ ዎዛናይ ሂንቴ ሻሎይ ዴዲያሱዋን ጊዳና።

**ባርኪዲ ናጎ**

35 «ቃንሳን ዳንጨዲ ጊጌቲቴ፤ ሂንቴ ያምፔይ ፖዲዳይሳ ጊዴ። 36 ባንታ ንዳይ ያጋኖ፤ ሲማና ጋካናው ባርኪዲ ናጌይሳታዳ፣ ንዳይ ዩዲ ዌጊያ ዎዴ ኤሌሲዲ ዶያናው ጊጊዳ አሳታ ዳኒቴ። 37 ባንታ ንዳይ ሲሚያ ዎዴ ዲስኮና ዴዲሼ ናጌይሳቲ አንጄቲዳይሳታ። ቱማ ጋይስ፤ ንዳይ ቃንሳን ዳንጨዲ ጋይታ ዩሹዋን ኡቲሲዲ ሞኪስ። 38 ንዳይ ላዴ ጊዲን ጊዲ ቢላሄ ጊዲን ዎይኮ ዎንቲማሴ ጊዲን ዩዲ፣ ሄሳ ሜላ ዲስኮና ናጊሺን ዴሚያ ሄ አይሌቲ አንጄቲዳይሳታ።

39 ሺን ሃይሳ ኤሪቴ፤ ካይሶይ አዉዴ ያኔኮ ኪሳዋይ ኤሪያኮ ኪሳይ ቦኪቴያ ዎዴ ሲዲ ጊዲ ቤዴና። 40 ሂንቴካ ጊጊዲ ናጊቴ፤ አሳ ናዓይ ሂንቴ ቆፖና ዎዴ ያና» ያጊስ።

41 ጴጊሮሲካ፣ «ንዳው ሃ ሌሚሱዋ ኑ ዓላላስ አዳዩ ዎይኮ አሳ ኡባሴ?» ያጊስ።

42 ንዳይ ዛሪዲ፣ «ሂዛ፣ ካሳ ሙዛናው ቤሲያ ዎዲያን ኢማና ሜላ ንዳይ ባ አይሌታ ቦላ ሹሚዳ አማንሴይሲኔ ዎዛናማ ሃላቃይ አኔ? 43 ንዳይ ሲሚያ ዎዴ ሄሳ ሜላ አሲሼ ቤንቴያ አይሌይ ኢ አንጄቲዳይሳ 44 ታ ሂንቴው ቱማ አዳይስ፤ ባ ንዳስ ዴዲያ ሻሎ ኡባ ቦላ ኢ ሹሜታና። 45 ሺን ሄ አይሌይ፣ <ታ ንዳይ ኤሌ ዩና» ያጊዲ ባ ዎዛናን ቆጥዲ፣ ማጫ አይሌታኔ አይ አይሌታ ዋዲኮ፣ ቃሲ ባው ኮዩዳ ሜላ ሚሼኔ ኡዩሼ ማሶቲኮ፣ 46 ሄ አይሊያ ንዳይ ኢ ቆፖና ጋላሳኔ ሂርጎና ዎዴ ያና። ዩዲ ኢያ ቃንዌሬሲዲ፣ ኢያ ቃዳ አማኖና አሳታራ አሳና።

47 «ንዳ ሺኒያዳ ጊጎናይሲኔ ኢያ ንዳይ አይ ዶሲያኮ ኤሪሼ አሶና አይሌይ ዳሮ ጋራሬታና። 48 ሺን ባ ንዳ ሺኒያ ኤሮና አቲዲ ጋራሬታናው ቤሴይሳ አሲዳይ ጉሳራ ጋራሬታና። ጋሶይካ ዳሮ ኢሜቲዳይሳሬ ዳሮ ኮዩቴስ፣ ዳሮ ሃዳራ ኤኪዳይሳሬካ ዳሮ ኢማና ጊዲ ናጌቴስ።

**ሳሮቴላስ ጊዴናሺን ሻኪቴላሳ**

(ማቶ 10:34-36)

49 «ታኒ ዩዳይ ቢታ ቦላ ታማ አይሳናሳ። ሃዲ ታማይ አይኪያኮ ታና ዋቲ ኡፋይሳንዴሻ! 50 ሃኖሺን፣ ታ ሃዲ ዓማቂቲያ ዒንቃቃይ ደዴስ። ኢ ፖሌታና ጋካናው ታ ዳሮ ኡንዴታይስ።

51 ሳዓ ቦላ ሳሮቴሲ ኤሃናው ዩዳ ሂንቴው ዳኒ? ጊዴና፣ ታ ዩዳይ ሻካናሳ። 52 ሃዲሬ ዶሚዲ ዎሊ ጊዴን ሻኪቴዳ ኢቻሹ ኪሳ አሳቲ ኢሲሬ ዴዎሶና። ናምዓቲ ሄቫታ ቦላ፣ ሄቫቲካ ናምዓታ ቦላ፣ ዴንዲዲ ሻኪቶሶና። 53 አዎይ ናዓ ቦላ፣ ናዓይካ አዎ ቦላ፣ አያ ናዔ ቦላ፣ ናዓይ አዩ ቦላ፣

12:10 ማቶ 12:32፤ ማር 3:29 12:11 ማቶ 10:19-20፤ ማር 13:11፤ ሉቃ 21:14-15 12:27 1ካዎ 10:4-7፤ 2ታሪ 9:3-6 12:35 ማቶ 25:1-13 12:36 ማር 13:34-36 12:39 ማቶ 24:23-44 12:50 ማር 10:38 12:53 ሚክ 7:6

አዚና አያ ናዓ ማቼ ቦላ፥ ናዓ ማቼያ አዚና አዩ ቦላ፥ ዴንዲዲ ሻኬታና።»

**ላይሳታ ማሎ**  
(ማቶ 16:2-3)

<sup>54</sup> ቃሲካ አሳኮ፥ «ወሎሃ ባጋራ ሳሎይ ሻራቲያ ዎዴ ቤዲዲ፥ ኤሌሲዲ፥ (ኢሪ ያና) ያጌታ፥ ሄሳዳካ ሃኔስ። <sup>55</sup> ዱጌሃ ጫርኮይ ጫርኪያ ዎዴ (ሳዓይ አዋና) ያጌታ፥ ሄሳዳካ ሃኔስ» ያጌሰ። <sup>56</sup> ሂንቴኖ፥ ጩቦቶ፥ ሳሎባኔ ሳዓባ ሻኪ ኤሬታሺን ሃ ዎዲያ ሻኪ ኤርይ ሂንቴና ዋኒዲ ያኒዴ?»

<sup>57</sup> «ያቲን፥ ሂንቴ ሁዔስ አይስ ቱማ ፐርዴኬቲ?» <sup>58</sup> ኔ ሞርኪያራ ዎላ ዳይና ሲንላን ኤቃናው ባሽ አጌ ቦላ ጊጋናው ኮያ፥ ኔ ጊጎና ኢዲኮ ጎሽቺዲ ዳይና ሲንላ ኔና ኤፋና፥ ዳይናይ ኔና ፖሊሴስ አላ ኢማና፥ ኢ ኔና ዎይኔን ዩጋና። <sup>59</sup> ሲዲቴ፥ ኢሲ ባካኒ አቶና ጨጋ አንጋና ጋካናው ኔ ያፔ ኬዮናይሳ ኤራ» ያጌሰ።

13

**ናጋራፔ ሲሞ**

<sup>1</sup> ሄ ዎዴ ዩሱሳኮ አሳይ ዩዲ ጲላዎሲ ዎዲዲ ኤንታ ሱሳራ ኤንታ ያርሹዋ ዋላኪዳ ጋሊላ አሳባ አዲዳ አሳቲ ሄ ቤሳን ዴዎሶና። <sup>2</sup> ኢ ሃይሳዳ ያጌዲ ዛሪስ፤ «ያቲን ሄ ጋሊላ አሳቲ ሄ ኢታ ሃይቆ ሃይቂዳ ጊሾ ጋሊላን ዴዲያ አሳ ኡባፌ አዲዳ ናጋራንቾ ዳኖና? <sup>3</sup> ጊዴና! ጊዴሺን፥ ሂንቴካ ማርታን ሲሞና ኢዲኮ፥ አባይ ሄሳዳ ዳያና። <sup>4</sup> ዎይኮ ቃሲ ሳሊሆሜ ጊያ ቤሳን ጊምቤይ ዎዲዲ ዎዲዳ ታማኔ ሆስፑን አሳይ ዩሩሳላሜን ዴዲያ አሳ ኡባፌ አዲዳ ናጋራንቾ ዳኖና? <sup>5</sup> ጊዴና! ሺን ሂንቴካ ማርታን ሲሞና ኢዲኮ አባይ ሄሳዳ ዳያና።»

<sup>6</sup> ቃሲካ ዩሱሲ ሃይሳዳ ጊዲ ሴሚሶ አዲስ፥ «ኢሲ ኡራስ ዎይኔ ጋዴን ቶኬቲዳ ባላሴ ሚሊያ ዴዓወሱ። ኢ ኢፔ አይፌ ኮዩ ዩዲ አይኮካ ዴሚቤና። <sup>7</sup> ጋዲያ ጎዳይ ዎይኔ አሳንቺዋኮ፥ (አይፌ ዴማናው ኮዩዳ ሂቹ ላይሲ ሲሜሬታዳ አይኮካ ዴማቤኪ። ሄሳ ጊሾ፥ ቃንጎ ዲጋ፤ አይስ ቤታ ሚሊሳይ?) ያጌሰ።

<sup>8</sup> «ሺን አሳንቾይ፥ (ጎዳው፥ ኢ ዩሹዋ አሳዳ አሻ ዩጋና ጋካናው ሃ ላይሳስ አጋርኪ። <sup>9</sup> ሃ ላይሲ አይፊኮ ሎዎ፥ ኢዲኮ ቃንጎ አጋ)» ያጌዲ ዛሪስ።

**ዞኮ ኩኒዳ ማጫሲያ ፓግሱ**

<sup>10</sup> ዩሱሲ ሳምባታ ጋላስ አይሁዴ ዎሳ ኬላን ታማርሴስ። <sup>11</sup> ሄ ቤሳን ታማኔ ሆስፑን ላይሲ ቱና አያኒ ዞኮ ኩኒሲዳ ኢሲ ማጫሲያ ዴዓወሱ። ኢያ ኩናፔ ዴንዶይሳን ሱሬ ኤቃናው ዳንዳዑኩ።

<sup>12</sup> ዩሱሲ ኢዮ ቤዲዳ ዎዴ ያጌዲ፥ «ሃ ማጫሴቲ፥ ኔ ሃርጊያፌ ፓግዳሳ» ያጌሰ። <sup>13</sup> ባ ኩሺያ ኢ ቦላ ዎሊን፥ ኢያ ሶሁዋራ ሱራዳ ኤቃሱ። ያሳካ ጋላታሱ።

<sup>14</sup> ሺን አይሁዴ ዎሳ ኬላ ሃላቃይ ዩሎቲዲ አሳኮ፥ «አሶ አላያ ኡሱፑን ጋላሳቲ ዴዎሶና። ሄሳ ጊሾ፥ ሄ ጋላሳታን ዩዲ ፓጊቴፔ አቲን ሳምባታ ጋላስ ጊዴና» ያጌሰ።

<sup>15</sup> ጎዳይ፥ «ጩቦቶ፥ ሂንቴ ጊዴፌ ቦሪ ዎይኮ ሃሬ ሳምባታ ጋላስ ዛዳሎፔ ቢሊዲ ሃሴ ኡሻናው

ኤፎናይ አኔ? <sup>16</sup> ያቲን፥ ሃ ማጫሲያ አብራሃሜ ናዓ ጊዳሽ ዓላሄን ቃሽታዳ ታማኔ ሆስፑን ላይሲ ኩሜሲ ዴዲዳሪስ ሳምባታ ጋላስ ቢርሼቴሲ ኮሽኔ?» ያጌዲ አይቺስ።

<sup>17</sup> ኢ ሄሳ አዲዳ ዎዴ ኤቁቴይሳቲ ኡባይ ዩላቲዶሶና። ሺን አሳ ኡባይ ኢ አላዳ ማላሊሲያ አሶ ኡባን ኡፋይቲዶሶና።

<sup>18</sup> ሄሳፌ ጉዩ፥ ዩሱሲ ሃይሳዳ ያጌሰ፥ «ዎሳ ካዎቴሳይ አይ ዳኒ? ኢያ አይቤራ ዳኒሶ? <sup>19</sup> ዎሳ ካዎቴሳይ ኢሲ አሲ ባ ጎሻን ቶኪዳ ዎላ አይፌ ሜላ። ኢ ዲጨዲ ሚሊ ጊዲስ። ሳሎ ካፎቲ ኢያ ታሺያ ቦላ ሽምፒዶሶና።

<sup>20</sup> ቃሲ፥ «ዎሳ ካዎቴሳ አይቤራ ዳኒሶ? <sup>21</sup> ኢሲ ማጫሲያ ዳሮ ዲሌራ ዋላካዳ ሙኑቂዳ ጉሳ ኢርሾ ዳኔስ» ያጌሰ።

**ፁንሳ ወላ**

<sup>22</sup> ሄሳፌ ጉዩ፥ ዩሱሲ ዩሩሳላሜ ቢሽ ኢ ካንሲያ አጊያን ዴዲያ ካታማታኒኔ ጉታታን ታማርሲሽ አዲስ። <sup>23</sup> ኢሲ አሲ ዩሱሳኮ፥ «ጎዳው፥ አታናይ ጉሳ አሳ ዓላሴ?» ያጌዲ አይቺስ።

ዩሱሲ ኤንታኮ፥ <sup>24</sup> «ሲዲቴ፥ ፁንሳ ወላራ ጌላናው ባዌቲቴ። ዳሮቲ ጌላናው ኮዮሶና ሺን ኤንታው ሃኔና። <sup>25</sup> ኬላዎይ ዴንዲዲ ወላ ጎርዲዳፔ ጉዩ (ኑስ ዶያርኪ) ያጌሽ ካሬን ኤቂዲ ሄሲ አይኬታ። ሺን ኢ፥ (ሂንቴ አኔከኔ አወፔ ዩዳኮ ታ ኤሪኪ) ጊዲ ዛራና። <sup>26</sup> ሄ ዎዴ ሂንቴ፥ (ኔራ ዎላ ሚዳ፥ ኡዩዳ፥ ኑ ዳባባንካ ታማርሳዳሳ) ያጋና።

<sup>27</sup> «ኢ ዛሪዲ፥ (ሂንቴ አኔከኔ አወፔ ዩዳኮ ኤሪኪ። ሂንቴኖ፥ ጌላቶ ታፔ ሃኪቴ) ያጋና።

<sup>28</sup> አብራሃሜ፥ ዩሳቃ፥ ያይቆባኔ ናቤታ ኡባ ዎሳ ካዎቴሳን ቤዓና፥ ሺን ሂንቴ ካሬን ዎዲዲ አቲያ ዎዴ ሂንቴው ዩሆኔ አቺ ጋርጨላ ጊዳና። <sup>29</sup> አሳይ ዶሎሃፔ፥ ወሎሃፔ፥ ፑዴሃፔኔ ዱጌሃፔ ዩዲ ዎሳ ካዎቴሳን ጊቤራ ቦላ ኡታና።

<sup>30</sup> ሄሳ ጊሾ፥ ሃዲ ዴሳን ጉዩ ጊዲዳይሳታፔ ሲንሴ ጊዳናይሳቲ፥ ሲንሴ ጊዲዳይሳታፔ ጉዩ ጊዳናይሳቲ ዴዎሶና» ያጌሰ።

**ዩሱሲ ዩሩሳላሜስ ዩኪስ**  
(ማቶ 23:37-39)

<sup>31</sup> ሄ ዎዴ ፋሪሳዌታፔ ኢሶቲ ኢሶቲ ዩዲ፥ «ሄሮዲሲ ኔና ዎዳናው ኮያ ጊሾ ሃ ቤሳፌ ዴንዳዳ ባ ጊዶሶና።

<sup>32</sup> ኢ ዛሪዲ፥ «ቢዲ፥ ሄ ዎርካናስ ሄኮ፥ ሃቺኔ ዎንቶ ቱና አያናታ ኬሳና፥ ሃርጋንቾታ ፓላና፥ ሄቫንሶ ጋላሳን ኩሻ ቦላ ጋካና» ያጌሰ ጊቴ። <sup>33</sup> ሃኖፔ አቲን፥ ናቤይ ዩሩሳላሜፔ ካሬን ሃይቃናው ቤሴና፥ ሄሳ ጊሾ፥ ሃቺ፥ ዎንቶኔ ዎንቲ ፔዲን ሄ ቤሳ ባናው ዴንዳስ።

<sup>34</sup> «ዩሩሳላሜ፥ ዩሩሳላሜ፥ ናቤታ ዎዲያሬ፥ ኔኮ ኪቴቲዳይሳታ ሹቻን ጫዲያሬ፥ ኩቶይ ባ ናይታ ባ ቁፊያፔ ጋርሳን አፑን ቶሆ ሺሻናው ኮያዲና፥ ሺን ሂንቴ ኢግስ ጊዴታ። <sup>35</sup> ታ ሂንቴው አዳይስ፤ ሂንቴ ኬሳይ ካይሳታና። ጎዳ ሱንላን ዩይሲ አንጄቲዳይሳ ሂንቴ ጋና ጋካናው ታና ዴሜኬታ» ያጌሰ።

13:14 ኬሳ 20:9-10፤ ዛሬ 5:13-14 13:27 ማዝ 6:8 13:29 ማቶ 8:11-12፤ 22:13፤ 25:30 13:30 ማቶ 19:30፤ 20:16፤ ማር 10:31 13:35 ማዝ 118:26፤ ኤር 22:5

14

ዮሴፊ ፋሪሳዊያ ሰን

1 ኢሲ ሳምባታ ጋላስ ዮሴፊ ኢሲ ፋሪሳዊታ ሃላቃ ሶ ካሲ ማናው ጌሊያ ዎዴ አሳይ ጫዲ ዪሎሶና። 2 ሄ ቤሳን ሻወሄ ሃርጌን ዋዩቲያ ኢሲ አሲ ኢያው ሲንሳ ባጋራ ዜንዲስ። 3 ዮሴፊ ፋሪሳዊታኮኔ ሂጌ አስታማሬታኮ። «ሳምባታ ጋላስ ሃርጋንቾ ፓሶይ ዎጌዬ ዎጋ ጊዴኔ?» ያጊዲ አይቺስ። 4 ኤንቲ ሲዲ ጊዶሶና። ዮሴፊ ሃርጌቲያ ኡራ ቦቺ ፓሲዲ ዋይዚስ።

5 «ቃሲካ ሂንቴፊ ኢሱዋስ ናዲ ዎይኮ ቦሪ ሳምባታ ጋላስ አፎን ወሊኮ ኤሌሲዲ ኬሶናይ አኔ?» ያጊዲ አይቺስ። 6 ኤንቲ ኢሲባካ ዛራናው ዳንዳዲቦኮና።

7 ዮሴፊ ኢማቱዋስ ዪጌቲዳይሳቲ ቦንቾ ቤሲ ዶሪሽን ቤዲዲ። ሃ ሌሚሱዋ አዲስ። 8 «ኢሲ አሲ አና ያጋኖ ዪጌኮ ቦንቾ ቤሳን ኡቶፋ። ኔፕ አዲ ቦንቾቲያ አሲ ዪጌታናው ዳንዳዲስ።

9 ሂንቴና ናምዓታካ ዪጌዳይሲ ዩዲ። «ኔ ቤሳ ሃ ኢማላስ ዩዳ» ያጊዲ ዎዴ ኔኔ ዩላታሼ ዜቃ ቤሲ ዎዳሳ። 10 ጊዶሽን፣ ኔ ዪጌቲዳ ዎዴ ኮይሮታዳ ዜቃ ቤሲ ቤዓዳ ኡታ። ዪንይሲ ዩዲ። «ታ ላጊያው፣ ሃ ቦንቾ ቤሳን ኡታ» ያጋና። ሄ ዎዴ ኔራ ኢሲፊ ዪጌቲዳ አሳ ኡባ ሲንሳን ኔ ቦንቾታና። 11 ባና ዶቁ ዶቁ አሲያ ኡባይ ካወያና፤ ባና ዚቂ ዚቂ አሲያ ኡባይ ዶቁ ዶቁ ጋና።»

12 ቃሲ ዮሴፊ ኢያ ሞኪዳ ኬሳ አዋኮ። «ቂማ ዎይኮ ካሆ ኢማቶ ዪጊያ ዎዴ ኔኔ ኩሼ ዛሮ ዪንና ሚላ ኔ ላጌታ ዎይኮ ኔ ኢሻታ ዎይኮ ኔ ዳቦታ ዎይኮ ኔ ዱሬ ሾሮታ ኢማቶ ዪንፓ።

13 ጊዶሽን፣ ኔ ኢማቶ ጊጊሲዳ ዎዴ ማንቆታ፣ ዎቤታ፣ ጉንዳታኔ ቆቂታ ዪጋ፤ ኔኔ አንጄታና።

14 ሃይሳቲ ኩሼ ዛራናው ዳንዳዳና ጊሾ ኩሼ ዛሮይ ጌሻታ ዴንዶ ጋላሳን ኔው ሲማና» ያጊስ።

ጊታ ኢማቱዋ (ማቶ 22:1-10)

15 ዮሴፊ ሃላ ሲዲ ዎላ ኢማቶ ቦላ ኡቶይሳታ ጊዶፊ ኢሶይ ሄሳ ሲዲዲ። «ዎላ ካዎቴሳን ኢማቶ ቦላ ኡቶይሲ አንጄቲዳይሳ» ያጊስ።

16 ዮሴፊ፣ «ኢሲ አሲ ጊታ ኢማቶ ጊጊሲዲ ዳሮ አሳታ ዪጊስ። 17 ኢማቶይ ሞኬቲያ ሳቴይ ጋኪያ ዎዴ ዪጌቲዳ ኢማሳታ፣ «ሄኮ ኡባባይ ጊጊስ፣ ሃ ዩቴ» ያጊዲ ዪጋናዳ ባ አይሊያ ኪቲስ።

18 «ሺን ኡባይካ ባንታ ጋሶ ጋሶ ሜዲዶሶና። ኢሶይ፣ «ሃዲ ቡሮ ጋዴ ሻሚዳ ጊሾ ባዳ ቤዓናው ኮሽስ ሃያና ታና አጋርኪ ያጋ» ያጊስ። 19 ሃንኮይ፣ «ኢቻሹ ዋሳ ቦሪ ሻማስ ኤንታና ዋዩ ቤዓና ጊሾ ሃያና ታና ላንጮፋ» ያጊስ። 20 ቃሲ ሃራይ፣ «ታኔ ቡሮ ሜዳን ዴዲያ ጊሾ ያናው ዳንዳዲኬ» ያጊስ።

21 «አይሌይ ሲሚ ዩዲ ሄ ኡባ ባ ጎዳስ አዲስ። ሄ ዎዴ ያጋና አዋይ ሃንቁቲዲ አይሊያኮ። «ኤሌሳዳ ካታማን ዴዲያ ዎጋ ኦጌታኔ ዳጋላታ ባዳ፣ ማንቆታ፣ ዎቤታ፣ ቆቂታኔ ጉንዳታ ሃ ኤሃ» ያጊስ።

22 «አይሌይ፣ «ታ ጎዳው፣ ኔ ኪቲዳይሲ ኡባይ ፖሌቲስ፣ ሺን ሃዲካ ቤሲ ዴዲስ» ያጊስ።

23 «ጎዳይ አይሊያኮ፣ «ሆሮጋታ ቦላኔ፣ ጋዴ ጊዶ አጌታ ኬያ፣ ታ ኬሳይ ኩማና ጋካናው ዴሚዳ ኡባ ያና ሜላ አሳ። 24 ታ ሂንቴው አዳይስ፤ ኢማቶቲዳይሳታፕ አኒካ ታ ጊቢራፕ ሞናይሳ ኡራቴ» ጊስ» ያጊስ።

ጎዳ ካሎይ ያርሺሴስ

25 ዳሮ አሳይ ኢያራ ዎላ ቢሺን ዮሴፊ ኤንታኮ ጉዩ ሲሚዲ። 26 «ታኮ ያ ኡባይ ባ አዋኔ ባ አይው፣ ባ ማቺወኔ ባ ናይታ፣ ባ ኢሻታኔ ባ ሚቼታ፣ ሃሪ አቶሺን ባ ዴቡዋ ኢያናይ ታ ታማሬ ጊዳናው ዳንዳዲና። 27 ባ ማስቃሊያ ቶኪዲ ታና ካሎናይ ታ ታማሬ ጊዳናው ዳንዳዲና።

28 «ሂንቴፊ ኢሲ አሲ ሹቻ ኬሲ ኬፃናው ኮይኮ፣ ኬሳ ኬዪዲ አንጋናው አይ ሚላ ሚሼ ኮሺያኮ ኮይሮቲዲ ኡራናው ቆፒ ቤያናይ አኔ? 29 ሄሳ ጊዶና ኢዪኮ፣ ሃ ኡራይ ባሶ ሹቻ ሂጊን ቁስቴሲ ዶኒኮ፣ 30 ቤዲያ ኡባይ፣ «ሃ ኡራይ ጊምቤሲ አይኪን ቁስታናው ኢያ ዶኒስ» ያጊዲ ቦሮሶና።

31 «ዎይኮ ኢሲ ካዎይ ሃራ ካዎራ አሌታናው ዴንዲሼ ላታሙ ሙኩሉ አላንቾታ ኤኪ ያ ካወዋራ ታሙ ሙኩሉ አላንቾታራ ኤቁታናው ዳንዳዳናይሳኔ ዳንዳዳናይሳ ኡቲዲ ዘሬቶናይ አኔ?

32 ኤቁታናው ዳንዳዲቶና ባ ጊዲኮ፣ ሄ ሃራ ካወዋራ ሃሆን ዴዲሺን ጊጋናው ኮይሮቲዲ ጨማ ዩዲዲ አይቺስ። 33 ሄሳዳካ፣ ሂንቴፊ አኒካ ባው ዴዲያ ባ ኡባ አጎና ኢዪኮ ታ ታማሬ ጊዳናው ዳንዳዲና።

34 «ማጊኔይ ሎዶ፣ ሺን ማጊኔይ ባ ማላቡዋ አጊኮ፣ ዋኒዲ ማጊኔ ጌቲታናው ዳንዳዲ?»

35 ቢታቴላስካ አራዳቴላስካ ማዶና ባ ጊዲያ ጊሾ ዎራ ዩጌቲስ። ሂዛ፣ ሲዲያ ሃይሲ ዴዲያ አሲ ሲዎ» ያጊስ።

15

ዳዩዳ ዶርሳ (ማቶ 18:12-14)

1 ኢሲ ጋላስ ቃራፃ ቃንዪይሳቲኔ ናጋራንቾቲ ዮሴፊ ቲሚርቲያ ሲዳናው ኢያ ዩቹዋን ሺቂዶሶና። 2 ሺን ፋሪሳዊቲኔ ሂጌ አስታማሬቲ፣ «ሃይሲ ኡራይ ናጋራንቾታ ሺሺዲ ኤኬስ፣ ኤንታራ ኢሲፊ ሜስ» ያጊዲ ዙዙሚዶሶና።

3 ዮሴፊ ያጊዲ ሃይሳ ሌሚሶ ኤንታው አዲስ።

4 «ሂንቴ ጊዶፊ ኢሱዋስ ዪቱ ዶርሳቲ ዴዲያ ባ ጊዲኮ ኤንታፊ ኢሶይ ዳዩኮ ኡዱፋን ታማኔ ኡዱፋናታ ባዞን አጊዲ ዳዩይሳ ዴማና ጋካናው ኮፍናይ አኔ? 5 ዴሚዳ ዎዴ ኡፋይቲዲ ባ ጋናን ቶኪዲ፣ 6 ባ ሶ ሲሜስ። ባ ላጌታኔ ሾሮታ ኢሲፊ ዪጊዲ፣ «ዳዩዳ ታ ዶርሳ ዴማስ፣ ታራ ኢሲፊ ኡፋይቲቴ» ያጊስ። 7 ሄሳዳካ፣ ማሮቲ ኮሾና ኡዱፋን ታማኔ ኡዱፋን ዪሎታፕ አሲዲ ማሮታን ጌሊያ ኢሲ ናጋራንቾታ ጋሶን ሳሎን ጊታ ኡፋይሲ ጊዴስ።

8 «ዎይኮ ታሙ ቢሪ ዴዲያ ኢሲ ማጫሲያ ታማሬ ኢሲያ ዳዩኮ ዴማና ጋካናው ዎምፕ አይሳዳ ኬሳ ፒታዳ ሚንሳ ኮፍናራ አኔ? 9 ዴሚዳ ዎዴ ባ ላጌታኔ ባ ሾሮታ ዪጋዳ «ዳዩዳ ታ ኢሲ



ቢራ ዴሚያ ጊሾ ታራ ኡፋይቲቴ» ያጋወሱ።  
10 ሲረቱ፤ ሄሳ ሜላ ኢሲ ማሮቴሳን ጌሊያ ናጋራንቸዋን ያሳ ኪታንቸታ ሲንሳን ኡፋይሲ ጊዴስ» ያጊስ።

**ዳዩዳ ናዓ**

11 ዛሬዲ ዮሱሲ፤ «ኢሲ ኡራስ ናምዑ ናይቲ ዴዎሶና። 12 ኤንታፌ ካሎ ናዓይ ባ አዋኮ፤ <ታ አዋው፤ ኔ ሻሉዋቴ ታ ጊሹዋ ታው ኢማ» ያጊስ። አዋይ ባ ሻሉዋ ባ ናይታስ ሻኪስ። 13 ጉሳ ጋላሳፕ ጉዬ ካሎ ናዓይ ባ ጊሹዋ ኡባ ቃቺ ኤኪዲ ሃሆ ቢታ ቢስ። ያን አልታጫን ሻሉዋ ቆቺዲ አንጊስ። 14 ኢ ባው ዴሚያባ ኡባ ወርሲዳፕ ጉዬ ሄ ቢታ ኡባን ሚኖ ኮሺ ኪዩን ሜቶቲስ። 15 ሄሳ ጊሾ፤ ሄ ቢታ አሳፕ ኢሱዋ ሶ ጋታ ጌሊስ። ኡራይ ኢያ ጉዳንሶ ሄማና ሜላ ባ ሞሳ ዮዲስ። 16 ጉዳንሶቲ ሚያ ሃርቁፊ ማናው አዋቲስ። ሺን ኢያካ ኢያው ኢሚያ አሲ ቤንቲቤና። 17 ዎዛኒ ሲሚን፤ <አፕን ታ አዋ አይሌታስ ካሲ ዎራ ዎዲን ታ ሃይሳን ኮሻራ ሃይቃናው ጋካዲና?» 18 ዴንዳዳ ታ አዋኮ ባዳ፤ <ታ አዋው፤ ሳሎን ያሳ፤ ሳዓን ኔና ቆሃስ። 19 ሂዛፕ ኔ ናዓ ጌቱታዳ ዩጊታናው ታው ቤሶና ጊሾ ኔ ሶን ዴሚያ አይሌታፕ ኢሱዋዳ ታና ፓይዳ» ያጋና» ያጊስ። 20 ሄሳ ጊሾ፤ ዴንዳዲ ባ አዋኮ ቢስ።

«ሃኖሺን፤ ኢ ቡሮ ሃሆን ዴሚሺን አዋይ ቃዴቲዲ፤ ኢያኮ ዎዲ ቢዲ ኢዲሚዲ ዮሪስ። 21 ናዓይካ፤ <ታ አዋው ሳሎን ያሳ፤ ሳዓን ኔና ታ ቆሃስ። ሂዛፕ ኔ ናዓ ጌቱታዳ ዩጊታናው ቤሲኪ» ያጊስ።

22 «ኢያ አዋይ አይሌታ ዩጊዲ፤ <ኤሌሲዲ ኡባፌ ሎዎ ጊዲዳ ማዎ ኤሂዲ ኢያ ማይዚቴ፤ ኢያ ቢራዴን ሳጋፕ፤ ኢያ ቶሁዋን ጫማ አሲቴ። 23 ሞዶ ጋታርሜንሶ ኤሂዲ ሹኪቴ፤ ሞስ፤ ኡፋይቶስ። 24 ታ ናዓይ ሃይሲ ሃይቁስ፤ ሺን ሃሳ ፓሂስ፤ ዳይስ፤ ሺን ቤንቲስ» ያጊስ። ሄሳፌ ጉዬ፤ ኡፋይቲሊ አይኪዶሶና።

25 «ሄ ዎዴ ባይራ ናዓይ ጎሻ ጋዴን ዴዔስ። ያፕ ዩሺ ሶ ማቲሺን ዮሲኔ ጉፋ ጊርሲ ሲዲስ። 26 ኢ፤ አይሌታፕ ኢሱዋ ዩጊዲ ሃኒያባይ አይሌኮ ኤራናው አይቺስ። 27 አይሌይ፤ <ኔ ኢሻይ ባሮ ዩዳ ጊሾ ኔ አዋይ ሞዶ ጋታርሜንሶ ኢያው ሹኪስ» ያጊስ።

28 «ባይራ ኢሻይ ዩሎቲዲ ሶ ጌላናወካ ኮዩቤና። አዋይ ካሬ ኪዩዲ ሶ ጌላና ሜላ ኢያ ዎሲስ። 29 ሺን ኢ ባ አዋኮ፤ <ሄኮ፤ ሃይሳ ሜላ ላይሊ ታ ኔው አይሌታዳ ኔ ኪታፕ ኢሱዋካ ፓጪሶና ኔው ኪቱቲን ታ ታ ላጌታራ ኡፋይታና ሜላ ሃሪ አቶሺን ኢሲ ላቃ ዴሼ ኢማባካ። 30 ሃኖሺን፤ ሃይሲ ኔ ናዓይ ኔ ሻሉዋ ላይማታራ ዶሚሲዲ ዩን ሞዶ ጋታርሜንሶ ሹካዳሳ» ያጊስ።

31 «አዋይካ፤ <ታ ናዓው፤ ኔኔ ኡባ ዎዴ ታራ ዴዓሳ፤ ታባይ ኡባይ ኔሳ። 32 ሃይሲ ኔ ኢሻይ ሃይቁስ፤ ሺን ፓሂስ፤ ዳይስ፤ ሺን ቤንቲስ። ሄሳ ጊሾ፤ ዳሮ ኡፋይታናው ቤሲስ» ያጋና» ያጊስ።

1 ዮሱሲ ባ ታማሬታኮ፤ «ኢሲ ዱሬ ኡራስ ኢያፕ ጋርሳራ ኢሲ ሹማይ ዴዔስ። ሄ ሹማይ ባ ጎዳ ሻሉዋ ቆቺስ ያጊያ ዎሬይ ኪላዋ ጋኪስ። 2 ኪላዋይ ሹማ ዩጊሲዲ፤ <ታኔ ዎይጊያባ ሲዳዲና? ሂዛፕ ኔኔ ታ ኪላስ ሹማ ጊዳዳ አሳናው ዳንዳዎና ጊሾ ታ ሻሉዋ ታው ሹዳ» ያጊስ።

3 «ሄ ሹማይካ ባ ዎዛናን ሃይሳዳ ያጊዲ ቆፒስ። <ታ ጎዳይ ታና ሹማቴሳፌ ዎላና ሃኔስ፤ ጎያ አቃናው ዎልቂ ባዋ፤ ዎሳ ማናው ዮላዮስ፤ ያቲን ታ ዎኖ? 4 ሹማቴሳፌ ታ ዎዲያ ዎዴ አሳይ ታና ሞካና ሜላ አሳናባ ታ ኤራይስ» ያጊስ።

5 «ሄሳ ጊሾ፤ ኢያ ጎዳ አጮይ ዴሚያ አሳ ኢሱዋ ኢሱዋ ዩጊ ኤሂዲ ኮይሮ ኡራኮ፤ <ኔ ቦላ ታ ጎዳ አጮይ አይ ሜሊ ዴዲ?» ያጊዲ አይቺስ።

6 «ኢ፤ <ላታሙ ባርሜሌ ዛይቴ አጮይ ዴዔስ» ያጊስ። «ሹማይ፤ <ወሌ ዋርቃቲያ ሄዔ፤ ኤሌሳዳ፤ ታሙ ባርሜሌ ዛይቴ አጮይ ዴዔስ ጋዳ ዓፋ» ያጊስ።

7 «ሄሳፌ ካሊዲ ናምዓንሉዋኮ፤ <ኔው አፕኔ ዴዲ?» ያጊስ።

«ኢ፤ <370 ኩንታሌ ጊስቴ አጮይ ዴዔስ» ያጊስ።

«ሹማይ፤ <ኔ ወሌ ዋርቃቲያ ሄዔ፤ ኤሌሳዳ፤ 296 ኩንታሌ ያጋዳ ዓፋ» ያጊስ። 8 ኪላዋይ አማኔቲቦና ሹማ ኢያ ቢላማቴሳስ ናሺስ። ሃ አላሚያ ናይቲ አሴ አይላን ፖዎ ናይታፕ አዲዳ ዎዛናማታ።

9 «ሄሳ ጊሾ፤ ታ ሂንቱው አዳይስ፤ ሃ አላሚያ ሚሼይ ወሪያ ዎዴ ሜሪና ኪሳን ሞኪታና ሜላ ሃ ሚሹያራ ሂንቱው ላጌታ ሻሚቴ። 10 ኡባፌ ጉሳባን አማኔቲዳይ ዳሮባን አማኔቲዳይሳ ጊዴስ። ቃሲ ኡባፌ ጉሳባን አማኔቲዳይሲ ዳሮባን አማኔቲና። 11 ሂዛ፤ ሃ አላሚያ ሚሼን ሂንቱ አማኔቲና ኢዲኮ ቱማ ሚሼ ሂንቱው ኦኒ ሃዳራ ኢማይ? 12 ሂንቱ ሃራ አሳ ሚሼን አማኔቲና ኢዲኮ፤ ሂንቱ ቡዞ ሚሼ ሂንቱው ኦኒ ኢማይ?»

13 «ኢሲ አይሌይ ናምዑ ጎዳታስ ሃራታናው ዳንዳዔና። ኢሱዋ ኢዲኮ ሃንኩዋ ዶሴስ ዎይኮ ኢሱዋኮ ሺቂኮ ሃንኩዋ ካዴስ። ሄሳዳካ፤ ሂንቱ ያሳሲ ኔ ሚሼስ ሃራታናው ዳንዳዔኪታ።»

14 ሚሼ ዶሲያ ፋሪሳዌቲ ሄሳ ሲዲዳ ዎዴ ዮሱሳ ቆልቂሲዶሶና። 15 ኢ፤ «ሂንቱ ሂንቱና አሳ ሲንሳን ዩሊሴታ፤ ሺን ያሳይ ሂንቱ ዎዛና ኤራስ። አሳ ሲንሳን ቦንቸቲዳይሲ ያሳ ሲንሳን ቦሬቲዳይሳ።

16 «ሙሴ ሂንይኔ ናቤታ ኪታይ ዮሃንሳ ጋካናው ሂንቱው አዴቲሼ ጋምዲስ። ሄሳፌ ጉዬ፤ ያሳ ካዎቴሳ ዎንጊላይ ሳባኪቲሼ ጋምዲስ። አሲ ኡባይ ያ ጌላናው ዳፌቴስ። 17 ጊዶሺን፤ ሂጊያፌ ኢሲ ላፋ ፒዳሌይ አታናፕ ሳሎይ ናዓይ አዴይሲ ካወዮስ።

18 «ባ ማቺው ዮዲዲ ሃራ ኤኪያ ኡባይ ላሜስ። ባ አዚናፕ አንጄቲዳሮ ኤኪይሲካ ላሜስ» ያጊስ።

**ዱሬ ኡራኔ አላዛራ**

19 «አልዎኔ አሌቆ አፊላ ማዲያ፤ ሳዲ ኢንጄቲን ጋላስ ጋላስ ኡፋይሳን ዴሚያ ኢሲ ዱሬ አሲ ዴዔስ። 20 ሃሪ ቃሲ አሳቴሳይ ኩሜሊ

ማዳንጊዳ ኢሲ አላዛራ ጌቲቲያ ማንቆይ ሄ ዱሬ ኡራ ካሬን ዩጌቲዲ አቲዳይሲ ዴዔስ።<sup>21</sup> ኮሻፕ ዴንዶይሳን ዱሬ ኡራ ጋይታፔ ዎዲያ ቲሬያ ማናው አዋቲሼ ዴዔስ። ሃሪ አቶሺን፣ ካናቲ ዩዲ ኢያ ማዳንጊሳ ሳጮሶና።

<sup>22</sup> «ሄ ማንቆይ ሃይቂስ፤ ኪታንቾቲ ኢያ አብራሃሜ ኪዑዋ ኤሬዶሶና። ቃሲ ዱሬ ኡራይካ ሃይቂዲ ዋጌቲስ።<sup>23</sup> ሲዎሌን ኡንዔቲዲ ዴዔሽ ጶቁ ጊዲ ሃሆን አብራሃሜ ኢያ ኪዎን ዴዔያ አላዛራ ቤዒስ።<sup>24</sup> ኢ፣ <አዋው አብራሃሜ፣ ታው ቃዴታርኪ፤ ሃ ሳጮ ታማን ኡንዔታዳ ዴዔያ ጊሾ አላዛሪ ባ ቢራዲያ ሃሳን ዩዲዲ ታ ኢንግርሳ ላኮሳና ሜላ ሃያና ኢያ ዩዳርኪ» ያጊዲ ዋሲስ።

<sup>25</sup> «ሺን አብራሃሜይ ኢያኮ፣ <ታ ናዓው፣ ኔ ሳግን ዴዔያ ዎዴ ሎዎባታ ኤኪዳይሳ፣ ቃሲ አላዛሪ ኢታባታ ኤኪዳይሳ አኬካ። ሺን ሃዒ ኢ ሃይሳን ኡፋይቴስ፣ ቃሲ ኔኒ ዋዩታሼ ዴዓሳ» ያጊስ።<sup>26</sup> ሃ ኡባሬ አዲዲ፣ <ሃፔ ሂንቴኮ፣ ሂንፔ ሃ ኑኮ አዳናው ኮዩይሳቲ ፒናና ሜላ ኑሲኔ ሂንቴስ ጊዶን ጊታ አፎይ ዴዔስ» ያጊስ።

<sup>27</sup> «ዱሬ ኡራይ፣ <አዋው፣ ያኮ አላዛራ ታ አዋ ሶ ኪታና ሜላ ታ ኔና ዎሳይስ።<sup>28</sup> ታው ኢቻሹ ኢሻቲ ዴዔዶሶና፣ ኤንቴካ ሃ ዋዩ ቤሳ ዮና ሜላ ኤንታው ቤዲ ማርካቶ» ያጊስ።

<sup>29</sup> «ሺን አብራሃሜይ፣ <ኤንታው ሙሴራኔ ናቤታራ ዴዎሶና፤ ኤንቴ አዲያባ ሲዎና» ያጊስ።

<sup>30</sup> «ዱሬ ኡራይ፣ <አዋው አብራሃሜ፣ ሄሳሶ ጊዴና፤ ኢሲ አሲ ሃይቆፔ ዴንዲዲ ቤኮ ኤንቴ ማርታን ጌላና» ያጊስ።

<sup>31</sup> «አብራሃሜይ፣ <ሙሴኔ ናቤታ ሲዎና ኢዲኮ፣ ሃሪ አቶሺን ሃይቆፔ ኢሲ አሲ ዴንዲ አዲኮካ አማናኮና» ያጊስ።»

17

አይሺሲያ አዋቲሳ

<sup>1</sup> ዩሱሲ ባ ታማራታኮ፣ «አሴ ዱቤሲዲ ናጋራን ጌልሲያባይ ዮና አጌና። ጊዶሺን፣ ናጋራን ጌላና ሜላ አሲያ ኡራ አዩ» ያጊስ።<sup>2</sup> ሄ ኡራይ ካሎታፔ ኢሱዋ ባሌሳናፔ ዎፃ ባ ቆዴን ቃቺዲ አባን ዉሊኮ ኢያው ሎዎ።<sup>3</sup> ሄሳ ጊሾ ናጌቲቴ።

«ኔ ኢሻይ ናጋራ አሲኮ ሃንቄታ፤ ቂርቲዲ ማርቲሳን ሲሚኮ፣ ኢያው አቶ ያጋ።<sup>4</sup> ኢሲ ጋላሳን ላፑን ቶሆ ቆሂዲ፣ ላፑን ቶሆ፣ <ታኒ ታ ባላ ኤራስ ታና ማራ» ያጊዲ ኔኮ ዩኮ ኢያው አቶ ጋ።»

<sup>5</sup> ሃዋራቲ ጎዳኮ፣ «አማኖ ኑስ ጉጃርኪ» ያጊዶሶና።

<sup>6</sup> ጎዳይ፣ «ጋሼ አይሬ ሜላ አማኖይ ሂንቴው ዴዔኮ <ሃይሳ ዎላ ሾዴታዳ አባ ጊዶን ቶኬታ» ያጊኮ ሂንቴው ኪቴታና» ያጊስ።

<sup>7</sup> ጉጃዲካ ዩሱሲ፣ «ሂንቴ ጊዶሬ ኢሱዋስ ጎሻንቾይ ዎይኮ ዶርሴ ሄሚያ አይሌይ ዴዔኮ አሶ ጋይፔ ዎይኮ ዉዴፔ ሶ ሲሚያ ዎዴ <ኤሌ ሃያዳ ካሲ ማናው ኡታ» ያጊይ ዴዒ? <sup>8</sup> ዴና፣ <ታው ካሆ ጊጊሳ፤ ታኒ ማዳ፣ ኡያዳ አጋና

ጋካናው ኤቃዳ ሙዛ። ሄሳሬ ጉዩ፣ ኔኒ ቃሲ ማሳኔ ኡያሳ» ያጊኔዩ? <sup>9</sup> ሂዛ፣ ጎዳይ፣ አይሌይ ኪታ ፖሊዳ ጊሾ አንጃዩ? <sup>10</sup> ሄሳ ጊሾ፣ ሂንቴካ ኪቴቶይሳ ኡባ ፖሊዳ ዎዴ <ኑ ፓሶና አይሌታ፤ አሳናው ቤሲያ አሱዋ ፖሊዳ» ያጊቴ» ያጊስ።

ባር ሃርጊያሬ ጌዩዳ ታሙ አሳታ

<sup>11</sup> ዩሱሲ ዩሩሳላሜ ቢሼ ሳማሪሲኔ ጋሊላ ቤታስ ጊዶራ ካንሲዲ አዲስ።<sup>12</sup> ኢሲ ጉታ ጌሊያ ዎዴ ባር ሃርጊን አይኬቲዳ ታሙ አሳቲ ኢያ ዴሚዶሶና። ኤንቴካ ሃሆን ኤቂዲ፣<sup>13</sup> «ጎዳ ዩሱሳ፣ ኑስ ቃዴታርኪ» ያጊዲ ዋሲዶሶና።

<sup>14</sup> ኢ ኤንታ ቤዒዳ ዎዴ «ቢዲ ሂንቴናቴሳ አይሁዴ ካሂኔ ቤሲቴ» ያጊስ። ኤንቴ አጊያ ቦላ ቢሼ ፓዲዶሶና።

<sup>15</sup> ኤንታሬ ኢሶይ ባ ፓፁዋ ቤዒዳ ዎዴ ጶቁ ጊዳ ቃላን ዎሳ ቦንቺሼ ዩሱሳኮ ሲሚስ።<sup>16</sup> ኢ ሳማሪ ቤታ አሲ፣ ሺን ዩሱሳ ቶሁዋ ቦላ ጉፋኒዲ ኢያ ጋላቲስ።

<sup>17</sup> ዩሱሲ፣ «ፓዲዳይ ታሙ አሳታ ጊዶኮናዩ? ያቲን፣ ኡዱፋናቲ አው ቢዶና? <sup>18</sup> ሃ አላጋ ኡራፔ \* አቲን ሃሪ ሲሚዲ ዎሳ ጋላቲይ ዴና ጉሴዩ?» ያጊዲ አይቺስ።<sup>19</sup> ኡራኮ፣ «ኔ አማኖይ ኔና ፓሲስ፤ ዴንዳዳ ባ» ያጊስ።

ዎሳ ካዎቲሳ ዩሳ

(ማቶ 24:23-28፣ 37-41)

<sup>20</sup> ፋሪሳዌቲ፣ «ዎሳ ካዎቲሳይ አውዴ ዩኔ?» ጊዲ ዩሱሳ አይቺዶሶና። ኢ፣ «ዎሳ ካዎቲሳይ ቤንቴያ ማላን ዩና።<sup>21</sup> ቃሲካ ኢዮ፣ <ሃኒና ዎይኮ ሂንና ያጋናው ዳንዳዔና፣ አይስ ጊኮ፣ ዎሳ ካዎቲሳይ ሂንቴ ጊዶን ዴዔስ» ያጊዲ ዛሪስ።

<sup>22</sup> ዩሱሲ ባ ታማራታኮ፣ «አሳ ናዓ ጋላሳታፔ ኢሱዋ ቤዓናው ሂንቴ አዋቲያ ዎዴይ ያና፣ ሺን ሂንቴ ቤዔኬታ።<sup>23</sup> አሳይ፣ <ኢ ያን ዴዔስ» ዎይኮ፣ <ሃይሳን ዴዔስ» ያጋና፣ ሺን ኤንታና ካሊዲ ቦፒቴ።<sup>24</sup> ዎልዓንሲ ዎልዓሚዲ ሳሉዋ ጋፃፔ ጋፃ ፖዒሲያ ሜላ አሳ ናዓ ዩሳ ጋላሳይ ሄሳዳ ሃናና።<sup>25</sup> ሺን ሄሲ ሃናናፔ ሲንሴ አሳ ናዓይ ዳሮ ዋያናውኔ ሃ ዩሌቲሳን ኢዲታናው ቤሴስ።<sup>26</sup> ኖሄ ዎዴ ሃኒዳይሳ ሜላ አሳ ናዓ ዎዲያንካ ሄሳዳ ሃናና።<sup>27</sup> ኖሄይ ማርካቢያን ጌሊዳ ቃማ ጋካናው አሳይ ሚሼኔ ኡዩሼ፣ ኤኪሼኔ ጌሊሼ ዴዔሺን ጳዮ ሃሳይ ዩዲ ኡባ ጳይሲስ።<sup>28</sup> ሎዒ ሳይሳንካ ሄሳሶ ሃኒስ። አሳይ ሚሼኔ ኡዩሼ፣ ሻሚሼኔ ባይዚሼ፣ ቶኪሼኔ ኬዲሼ፣ ጋምዒዶሶና።<sup>29</sup> ሎዒይ ሶዶሜፔ ኬዩዳ ጋላስ ዲኔ ጌቲቲያ ፁጊያባይ ሳሎፔ ቡኪዲ ኡባ ጳይሲስ።<sup>30</sup> አሳ ናዓይ ቆንጨያ ዎዴካ ሄሳዳ ሃናና።

<sup>31</sup> «ሄ ጋላሳን አኒካ ካሬን ዴዔይ ኬሳ ጊዶን ዴዔያባ ኤካናው ሶ ጌሎፖ። ሄሳዳካ፣ ጋዴን ዴዔያ አሲ አይኮስካ ሶ ሲሞፎ።<sup>32</sup> ሎዒ ማቺው አኬኪቴ፤<sup>33</sup> ባ ሽምፒው አሻናው ኮያ አሲ አኒካ ጳይሳና፤ ባ ሽምፒው አሲ ኢሚያ አኒካ ኢ አሻና።<sup>34</sup> ታ ሂንቴው አዳይስ፤ ሄ ጋላሳን ናምዑ አሳቲ ኢሲ አርሳን ዜንዓና። ኢሶይ ኤኬታና፣ ሃንኮይ አታና።<sup>35</sup> ናምዑ ማጫሳቲ

17:3 ማቶ 18:15 17:14 ሌዌ 14:1-32 \* 17:18 ሃ አላጋ ኡራፔ፣ ባር ሃርጊያሬ ፓዲዳ ኡራይ አላጋ ጌቲቲዳይ ኢ አይሁዴ ጊዶና ጊሾሳ። 17:26 ሜዴ 6:5-8 17:27 ሜዴ 7:6-24 17:28 ሜዴ 18:20-19:25 17:31 ማቶ 24:17-18፤ ማር 13:15-16 17:32 ሜዴ 19:26 17:33 ማቶ 10:39፤ 16:25፤ ማር 8:35፤ ሉቃ 9:24፤ ዮሃ 12:25

ዎላ ጋጩሽን ኢሲያ ኤኬታና፥ ሃንኪያ አታና።  
36 ናምዑ አሳቲ ዎላ ጋዴን ጎዩይሳታ፤ ኢሶይ ኤኬታና፥ ሃንኪያ አታና» ተያረገ።

37 ኤንቲ፥ «ጎዳው አው ኤኬታኔ?» ያጊዲ አይቺዶሶና።

ኢ፥ «ባጠቲ ዴዲያ ቤሳን አንኮቲ ሺቆሶና» ያጊሰ።

18

ሚኒዲ ዎሳና ሜላ ታማርሲስ

1 ዮሱሲ ባ ታማሬታ አዛሎና ኡባ ዎዴ ዎሳና ሜላ ታማርሳናው ኮዩዲ ያጊዲ ሌሚሶ አዲስ።  
2 «ኢሲ ካታማን ዎሳስ ያሼቶና አሳስካ ዮሳቶና ኢሲ ዳይኒ ዴዴስ 3 ሄ ካታማን ኢሲ አምዲያ ዳዓውሱ። ኢያካ፥ «ታውኔ ታ ሞርኪያስ ጊዶን ዴዲያ ሞቱዋ ፐርዳ» ያጋዳ ኡባ ዎዴ ሄ ዳይናኮ ሲሜሬታውሱ። 4 ዳይናይ ጉሳ ዎዴስ ኢ አዳ ሲያና ኢዲስ፥ ሺን ጉዩፔ ባ ዎዳናን፥ «ታኒ ዎሳስ ያዮና፥ አሳስ ዮሳቶና ኢዲካ፥ 5 ሃ አምዲያ ታና ዋይሲያ ጊሾ ኢው ፐርዳና፥ ያቶና ኢዲኮ ኡባ ዎዴ ያዳ ታና ሳሌሳና» ያጊዲ ቆፐስ» ያጊሰ።

6 ጎዳይካ፥ «ጌላ ዳይናይ ጊዳይሳ ሲዲዴታ፤ 7 ዎሳይ ቃማኔ ጋላስ ኢያኮ ዋሲያ ባ ዶሪዳይሳታስ ፐርዴኔዩ? ኤንታና ማዳናው ጋምዲዩ? 8 ታ ሂንቴው አዴይሳ ሲዲቴ፥ ኤሌሲዲ ፐርዳና፥ ጊዶሺን፥ አሳ ናዳይ ያ ዎዴ ሳዓ ቦላ አማኖ ዴማንዴሻ?» ያጊሰ።

ፋሪሳዊያኔ ቃራፃ ቃንጊሴይሳ

9 ቃሲ ዛሪዲ፥ ዮሱሲ፥ ባንታና ጊሎ አሳዳ አሲዲ ጩቁቴይሳታሲኔ ሃራታ ካዴይሳታስ ሃይሳዳ ያጊዲ ሌሚሶ አዲስ። 10 «ናምዑ አሳቲ ዎሳናው ዎሳ ኬሲ ቢዶሶና። ኢሶይ ፋሪሳዊ ሃንኪያ ቃሲ ቃራፃ ቃንጊሴያ አሲ። 11 ፋሪሳዊይ ኤቁዲ ባው ዎሲሼ፥ «ዎሳው ታኒ ሃራታ ሜላ ቦንቃንቾ፥ ጌላኔ ሳይማቲያ አሲ፥ አዲዳ ቃሲ ሃ ቃራፃ ቃንጊሴያ ኡራ ሜላ ጊዶና ጊሾ ኔና ጋላታይስ። 12 ሳሚንታሬ ናምዑ ቶሆ ያማይስ፥ ታ ዴሚያባ ኡባሬ አሲራታ ኬሳይስ» ያጊሰ።

13 «ሺን ቃራፃ ቃንጊሴይሲ ቃሲ ሃሆን ኤቁዲ ሃሪ አቶሺን ሳሎ ዶቁ ጊዲ ያላናወካ ያዩዲ ባ ቲራ ኢጨሼ (ዎሳው፥ ታና ናጋራንቾዋ ማራርኪ) ጊዲ ዎሲስ። 14 ታ ሂንቴው አዴይሳ ሲዲቴ፤ ፋሪሳዊያፔ ሃይሲ ቃራፃ ቃንጊሴይሲ ዎሳ ሲንሳን ጊሎ ጊዲዲ ባ ሶ ሲሚስ። አይስ ጊኮ፥ ባና ዶቁ ዶቁ አሊያ አሲ ካወያና፥ ባና ካወሺያ አሲ ዶቁ ዶቁ ጋና» ያጊሰ።

ዮሱሳኔ ዮጋ ናይታ

(ማቶ 19:13-30፤ ማር 10:13-31)

15 ዮሱሲ ዮጋ ናይታ ቦላ ባ ኩሺያ ዎሲዲ አንጃና ሜላ አሳይ ኢያኮ ኤሆሶና። ዮሱሳ ታማሬቲ ሄሳ ቤዲዲ አይስ ዮሱሳኮ ኤሄቲ ያጊዲ ካጨዶሶና። 16 ሺን ዮሱሲ ናይታ ባኮ ያጊዲ፥ «ዮጋ ናይቲ ታኮ ያናይሳ ዲጎሬቴ፤ ዮ ጊቴ። አይስ ጊኮ፥ ዎሳ ካዎቴሳይ ኤንታዳ ሃኒዳይሳታ። 17 ታኒ ሂንቴው ቱማ አዳይስ፤ ዎሳ ካዎቴሳ ዮጋ ናይታሶ ኤኮናይ አኒካ ያ ጌሌና» ያጊሰ።

ዱሬ ኡራ አይሻ

(ማቶ 19:16-30፤ ማር 10:17-31)

18 አይሁዴ ሃላቃታፔ ኢሶይ፥ «ኬሃ አስታማሪያው፥ ሜሪና ዴዑዋ ዴማናው አይ አሶ?» ያጊዲ አይቺስ።

19 ዮሱሲ ኢያኮ፥ «አይስ ታና ኬሃው ያጋዳ ያጋይ? ኢሲ ዎሳሬ አቲን ሃሪ ኬሂ ባዋ። 20 ላሞፋ፥ ዎዶፓ፥ ካይሶቶፓ፥ ዎርዶ ማርካቶፋ፥ ኔ አዋኔ ኔ አዩው ቦንቻ ያጊያ ኪታ ኤራይ» ያጊዲ አይቺስ።

21 ኡራይካ፥ «ሄሳታ ኡባ ታኒ ናዓቴሳሬ ዶማዳ ናጋሼ ጋምዳስ» ያጊሰ።

22 ዮሱሲ ሄሳ ሲዲዳ ዎዴ «ሂዛ፥ ኔው ኢሲባይ ፓጩስ፤ ኔው ዴዲያባ ኡባ ባይዛዳ ማንቆታስ ኢማ፤ ሳሎን ኔና ሻሎይ ናጌስ። ያታ ሲማዳ ታና ካላ» ያጊሰ። 23 ሺን ኡራይ ሄሳ ሲዲዳ ዎዴ ኢያው ዳሮ ሻሎይ ዴዲያ ጊሾ ዳሮ ቁሮቲስ።

24 ዮሱሲ ኡራ ቤዲዲ፥ «ዱሬ አሳስ ዎሳ ካዎቴሳ ጌሎይ ዋኒዲ ኡንግንዴሻ? 25 ዱሬይ ዎሳ ካዎቴሳ ጌላናይሳሬ ጊማሌይ ናርፔ ሉሆራ ካንሌይሲ ካወዮስ» ያጊሰ።

26 ሄሳ ሲዲዳ አሳይ፥ «ሄሳ ጊዲኮ አኒ አታኔ?» ያጊዶሶና።

27 ዮሱሲ፥ «አሳስ ዳንዳዔቶናባይ ዎሳስ ዳንዳዔቴስ» ያጊሰ።

28 ሴዊሮሲ፥ «ሄኮ ኑኒ ኑባ ኡባ አጊዲ ኔና ካሊዳ» ያጊሰ።

29 «ዮሱሲ ቱማ ታ ሂንቴው አዳይስ፤ ዎሳ ካዎቴሳስ ጊዲ ባ ኬሳ ዎይኮ ባ ማቺው ዎይኮ ባ ኢሻታ ዎይኮ ባ አዋኔ ባ አዩው ዎይኮ ባ ናይታ አጊዳይ፤ 30 ሃ ዎዲያን ዳኮ ዳሮ፥ ያና አላሚያን ሜሪና ዴዑዋ ኤኮናይ አኒካ ባዋ» ያጊሰ።

ዮሱሲ ባ ሃይቁዋባ ዛሪ አዲስ

(ማቶ 20:17-19፤ ማር 10:32-34)

31 ዮሱሲ ታማኔ ናምዳታ ባኮ ያጊዲ፥ «አኔ ዮሩሳላሜ ቦስ፥ ናቤቲ አሳ ናዓባ ገሬዳባ ኡባይ ያን ፖሌታና። 32 ኢ አይሁዴ ጊዶና አሳስ አዲዲ ኢሜታና። ኤንቲ ኢያ ቶቻና፥ ጫያና ኢያ ቦላ ጩታና። 33 ኢያ ጋራሬዳፔ ጉዩ ዎዳና፥ ሺን ሄሻንሶ ጋላሳን ኢ ሃይቁፔ ዴንዳና» ያጊሰ።

34 ሺን ኢያ ታማሬቲ ሄሳ ኡባሬ ኢሲባካ አኬኪቦኮና። ኢያ ፀራይ ኤንታው ቆሴቲዳ ጊሾ ኢ ዎይጊዳኮ ኤሪቦኮና።

ቆቁ ኡራይ ያሊስ

(ማቶ 20:29-34፤ ማር 10:46-52)

35 ዮሱሲ ኢያርኮ ማታቲያ ዎዴ ኢሲ ቆቁ ኡራይ አጌ ጋፃን ኡቲዲ ዎሲስ። 36 ቆቁ ኡራይ አሳይ ሄ ቤሳራ አዲሺን ሲዲዲ፥ «ኢ አይቤ?» ጊዲ አይቺስ። 37 ኤንቲ፥ «ናዚሬቴ ዮሱሲ ሃይሳራ አዴስ» ያጊዶሶና።

38 ኢ፥ «ዳዊቴ ናዓው፥ ዮሱሳ፥ ታና ማራርኪ» ያጊዲ ዋሲስ።

39 ሲንሌ ሲንሌ ቢያ አሳቲ፥ «ሲዲ ጋ» ጊዲ ሃንቁቲዶሶና። ሺን ኢ፥ «ዳዊቴ ናዓው፥ ታና ማራ» ያጊዲ ዳርሲ ዋሲስ።

40 ዮሱሲ ኤቁዲ ኡራ ባኮ ኤሃና ሜላ ኪቲስ፥ ኡራይካ፥ ኢያኮ ሺቁን፥ 41 «ታ ኔው አይ አሳና ሜላ ኮያይ?» ያጊዲ አይቺስ።

† 17:36 ኢሲ ኢሲ ማፃፋታን ፓይዶ 36 ዴና። 18:14 ማቶ 23:12፤ ሉቃ 14:11 18:20 ኬሳ 20:12-16፤ ዛሬ 5:16-20



ቆይታ። «ጎዳው ታ ያላናው ኮያይስ» ያገለገለ።  
 42 ዮሱስ። «ዳላ፤ ኔ አማኖይ ኔና ፓሲስ» ያገለገለ።  
 43 ኡራይ ሶሁዋራ ያሊ አገረ። ያሳ ሰንቸሽ ዮሱስ ካሊስ። አሳ ኡባይ ሄሳ ቤዲዲ ያሳ ጋላቲዶሶና።

19

ቃራፃ ቃንጊሲያ ዛኪዮሳ

1 ዮሱስ ኢያርኮ ጌሊዲ አደሰ። 2 ያን ዛኪዮሳ ጌቴቲያ ቃራፃ ቃንጊሲይሳታ ሃላቃይ ዴዴስ። ኢ ዳሮ ዱሬ። 3 ኢ ዮሱስ አኔኮ ቤዓናው ኮዮስ። ኢ ቃንጊሲ ጊዲያ ጊሾ አሳ ዳሮቴሳፌ ዴንዶይሳን ዮሱስ ቤዓናው ዳንዳዲቤና። 4 ዮሱስ ቤዓናው ኮዮዲ ኢ ቢያ አገረሰ ሲንጅ ዎጊ ቤዲ ኢሲ ቦባ ሚሳ ቦላ ኬዩስ።

5 ዮሱስ ሄ ቤሳ ጋኪሽ ዶቁ ጊዲ ቤዲዲ፤ «ዛኪዮሳ፤ ሃቺ ታ ኔ ሶን ፔዓናው ቤሲያ ጊሾ ኤሌ ዎዳ» ያገለገለ። 6 ኢ ኤሌሲ ዎዳዲ ኡፋይሳን ዮሱስ ሞኪስ።

7 ሄ ቤሳን ዴዲያ አሳ ኡባይ ሄሳ ቤዲዲ፤ «ናጋራንቸዋ ሶ ጌሊዲ ሞኪታንው ሃኔስ» ያገለገለ ዙዙሚዶሶና። 8 ጊዶሺን፤ ዛኪዮሲ ኤቂዲ ጎዳኮ፤ «ጎዳው፤ ሄኮ ታው ዴዲያ ሻሎ ኡባፌ ባጋ ማንቆታስ ኢማና። አሳፕ አይባካ ዎርዶን ባሌሳዳ ኤኪዳባ ጊዲኮ አይዱ ኩሽ ዛራና» ያገለገለ።

9 ዮሱስ ቃሲ፤ «ሃ ኡራይ አብራሃሜ ናዓ ጊዲዳ ጊሾ ሃቺ አቶቴሳይ ሃ ሶ ዩስ። 10 አሳ ናዓይ ዩዳይ ዳዩዳይሳ ኮያናሳኔ አሻናሳ» ያገለገለ።

ታሙ ሚናኔታ ሌሚሱዋ

(ማቶ 25:14-30)

11 አሳይ ሄሳ ሲዲያ ዎዴ ዮሱስ ዩሩሳላሜ ማታቲዳ ጊሾኔ ያሳ ካዎቴሳይ ሃዲ ማታራ ቆንጫና ዳኒዳ ጊሾ ኤንታው ሌሚሶ አዲስ።

12 ሄሳ ጊሾ፤ ዮሱስ፤ «ኢሲ ጊታ አሲ ዴዴይሲ ባው ካዎቴሲ ኤኪዲ ያናው ሃራ ቢታ ቢስ። 13 ኢያው አሲያ አይሌታፔ ታማታ ያገለገለ ኢሱዋስ ኢሱዋስ ታሙ ሚናኔ \* ኢሚዲ ታ ሲማዳ ያና ጋካናው ሃ ሚሺያራ ዛልዲቴ» ያገለገለ።

14 «ሄ ቢታ አሳይ ኢያ ኢዲያ ጊሾ ሃ ኡራይ ኑ ቦላ ካዎታና ሜላ ኑ ኮዮኮ ያገለገለ አሴ ኢያ ጉዩራ ኪቲዶሶና።

15 «ጊዶሺን፤ ሄ ኡራይ ካዎ ጊዲዲ ባ ቢታ ሲሚስ። ሄ ታሙ አይሌቲ ኢ ኢሚዳ ሚሺያን አይ ሜላ ዛልዲዲ ዎዳሲዳኮ ኤራናው ኮዩዲ ኤንታና ያገለገለ።

16 «ኮይሮይሲ ዩዲ፤ ጎዳው፤ ኔ ታው ኢሚዳ ሚሺይ ሃራ ታማ ዎዳስ» ያገለገለ።

17 «ኢያ ጎዳይ፤ ጎኖ አማኔቲዳ አይሊያው ሎዎ አሳዳሳ። ኔኔ ጉሳባን አማኔቲዳ ጊሾ ኔው ታሙ ካታማታ ቦላ ማታ ኢማስ» ያገለገለ።

18 «ናምዓንሶይካ ዩዲ፤ ጎዳው፤ ኔ ታው ኢሚዳ ሚሺይ ሃራ ኢቻሻ ዎዳስ» ያገለገለ።

19 «ጎዳይ ኢያኮ፤ ጎኖካ ቃሲ ኢቻሹ ካታማታ ቦላ ማታ ኢማስ» ያገለገለ።

20 «ሄኮ ሄቫንሶይ ዩዲ፤ ጎዳው፤ ታ ጩርቃን ዓዓዳ ናጊዳ ኔ ሚሺያ ሃናሹ። 21 አይስ ጊኮ፤ ኔኔ

ኔባ ጊዶናባ ኤኪይሳኔ ኔ ዜሮናባ ቡጩያ ኢታ አሲ ጊዲያ ጊሾ ኔው ያያስ» ያገለገለ።

22 «ኢያ ጎዳይ ዛሪዲ፤ ጎኖ ኢታ አይሊያው ኔ ዶናሶ ታ ኔና ፕርዳና። ታ ዎሶናባ ኤኪይሳኔ ዜሮናባ ቡጩያ አሲ ጊዴይሳ ኔ ኤሪኮ፤ 23 ታ ያዳ ታ ሚሺያ ዎዴራ ኤካና ሜላ ዛልዲያ አሳስ አይስ ኢማቢኪ?»

24 «ኢያ ጎዳይ ሄ ቤሳን ኤቂዳይሳታኮ፤ «ኢያራ ዴዲያ ሚሺያ ኤኪዲ ታማ ዎዳሲዳይሳስ ኢሚቴ» ያገለገለ።

25 «ኤንቲ፤ ጎዳው፤ ኢያው ካሴካ ታሙ ሚናኔይ ዴዴስ» ያገለገለ።

26 «ጎዳይ፤ ታ ሂንቲው አዳይስ፤ «ዴዲያ ኡባስ ሃሪ ጉገፔታና፤ ሺን ባይናይሳፌ ሃራይ አቶ ኢያው ዴዲያራካ ኤኪታና። 27 ጊዶሺን፤ ታ ኤንታ ቦላ ካዎቶና ሜላ ኮዩዳይሳታ ሄ ታ ሞርኬታ ሃ ታ ሲንጅ ኤሂዲ ጎይራቴ» ያገለገለ።

ዮሱስ ጊታ ቦንቾን ዩሩሳላሜ ጌሊስ

(ማቶ 21:1-11፤ ማር 11:1-11፤ ዮሃ 12:12-19)

28 ዮሱስ ሄሳ አዲዳይሳፌ ጉዩ ኤንታፌ ሲንጅ አዲ ሃሙቲዲ ዩሩሳላሜ ቢስ። 29 ሻማሆ ዴሪያ ሰ ቦላ ዴዲያ ቤቴፋጊኔ ቢታኒያ ማታቲዳ ዎዴ ባ ታማሬታፔ ናምዓታ ያገለገለ ኪቲስ። 30 «ሂንቲ ሲንሳን ዴዲያ ጉታ ቤቴ፤ ሂንቲ ያ ጋኪያ ዎዴ አኒካ ቶጎና ቃሺቲዲ ዴዲያ ሃሪ ማሪ ዴማና፤ ኢያ ቢሊዲ ሃ ኤኪ ዩቴ። 31 አኒካ፤ «አይስ ቢሌቲ?» ጊዲ አይቺኮ፤ «ጎዳይ ኢያ ኮዩስ» ያገለገለ።

32 ኪቴቲዳይሳቲ ቢዲ ኢ ጊዳይሳዳ ሃኒን ቤዲዶሶና። 33 ኤንቲ ሃሪ ማራ ቢሊሺን ጎዳቲ ቤዲዲ፤ «ሃሪ ማራ አይስ ቢሌቲ?» ያገለገለ።

34 ኤንቲ ዛሪዲ፤ «ጎዳይ ኢያ ኮዩስ» ያገለገለ።

35 ያፔ ሃሪ ማራ ዮሱሳኮ ኤሂዶሶና። ባንታ ማዑዋ ሃሪ ማራ ዙን ዮጊዲ ዮሱሳ ሃሪ ማራ ቦላ ኡቲሲዶሶና። 36 አሳይካ ኢ ቢያ አገረ ቦላ ባንታ ማዑዋ ሂዲዶሶና።

37 ሻማሆ ዴሪያ ዱጊሳ ዎዳሲያ አገረኮ ማቲያ ዎዴ ታይቦን ኬሂ ዳሮ አሳይ ኤንቲ ቤዲዳ ማላሊሲያባን ኡፋይቲዲ ባንታ ቃላ ዶቁ አሲዲ፤

38 «ጎዳ ሱንሳን ያ ካዎይ አንጄቲዳይሳ ሳሉዋን ሳሮይ ኡባፌ ዶቃ ሳሉዋን ቦንቾይ ያሳስ ጊዶ።» ያገለገለ ያሳ ጋላቲዶሶና።

39 አሳ ጊዶፌ ኢሲ ኢሲ ፋሪሳዌቲ ዮሱሳኮ፤ «አስታማሪያው፤ ኔ ታማሬታ ሃይዜቴ ጋዳ ሃንቁታ» ያገለገለ።

40 ኢ ኤንታኮ፤ «ኤንቲ ሲዲ ጊኮ ሹቻቲ ዋሳና» ያገለገለ።

41 ዮሱስ ዩሩሳላሜ ማቲሽ ካታማ ቤዲዲ ኢያው ዩኪስ። 42 «ኔው ሳሮ ጊዳናይሳ ሃቺ ኔ ኤሪዳባ ጊዲያኮሺን፤ ሃዲ ኔ አይፊያፔ ጌሚስ። 43 ኔ ሞርኬቲ ኔ ዩሹዋ ዲሪዲ ዱማ ዱማ አገረራ ኔና ቴቂዲ ኡንዴሲያ ዎዴይ ያና። 44 ኔና ኔ ኔ

19:10 ማቶ 18:10 19:11 ማቶ 25:14-30 \* 19:13 ሚናኔ፤ ሚናኔይ ጊሪኬ ዶና። ኢሲ ሚናኔይ ኢሲ ጋላሳ አሳንቾስ ሄሹ አገና ዳሞዜ ጊዴስ። 19:26 ማቶ 13:12፤ ማር 4:25፤ ሉቃ 8:18 19:27 ማቶ 25:14-30 † 19:29 ሻማሆ ዴሪያ፤ ሻማሆይ ዳሮ ዶሊያ ዴሬ ጉሱ። 19:38 ማኸ 118:26

ዲርሳ ጋርሳን ደዲያ ኔ ናይታ ዳይሳና። ኢሲ ኢሲ ሹቹ ደንሲዲ ላላና፤ አይስ ጊኮ ያሳይ ኔና አሻናው ያ ዎዲያ ኤራባካ» ያጊዲ ኢው ዩኪስ።  
 45 ሄሳፊ ጉዩ፤ ዩሱሲ ያሳ ኬሳ ጊሊዲ ዛልዲይሳታ ያፕ ጎዲስ። 46 ቃሲ፤ «(ታ ኬሳይ ያሳ ዎሲያ ኬሳ ጊዳና) ጊዲ ዓፌቲስ፤ ሺን ሂንቱ ታ ኬሳ ፓንጋታ ጎንጎሎ አሲዴታ» ያጊስ።  
 47 ጋላስ ጋላስ ያሳ ኬሳን ታማርሴስ፤ ካሂኔታ ሃላቃቲ፤ ሂጌ አስታማሬቲኔ ዴሪያ ጨማቲ ኢያ ዎዳናው አጌ ኮዮሶና። 48 ጊዶሺን፤ አሳ ኡባይ ኢያ ቲማርቲያ ባንታ ዎዛና ዩጊዲ ሲዲያ ጊሾ ኤንታው አሳናባይ ዳይስ።

20

ዩሱሲ ማታይ አይሁዴታስ አይሾ ጊዲስ (ማቶ 21:23-27፤ ማር 11:27-33)

1 ኢሲ ጋላስ ዩሱሲ ያሳ ኬሳን አሳ ታማርሴሺኔኔ ዎንጌላ ማርካቲሺን፤ ካሂኔ ሃላቃቲ፤ ሂጌ አስታማሬቲኔ ዴሪያ ጨማቲ ኢሲፊ ኢያኮ ዩዲ፤ 2 «ኔኒ ሃይሳታ አይቢ ማታን አሲያኮ ኑስ አዳ፤ ሃ ማታ ኔው ኢሚዳይ አኔ?» ያጊዲ አይቹዶሶና።  
 3 ኢ ኤንታኮ፤ «ታካ ሂንቱና ኢሲባ አይቻና፤ አኔ ታው ዛሪቱ። 4 ዓማቂያ ዮሃንሳ ጊንቃቱይ ያሳፊዩ አሳፕ?» ያጊስ።  
 5 ኤንቲ ዎሊ ጊዶን ያጊዲ ዞሬቲዶሶና፤ «ያሳፊ ጊኮ ያቲን፤ አይስ አማኒቤኬቲ?» ያጋና።  
 6 «አሳፕ ጊኮ፤ አሳ ኡባይ ዮሃንሲ ናቤ ጊዴይሳ አማኒያ ጊሾ ኑና ሹቻን ጫዳና።»  
 7 ያኒያ ጊሾ፤ «አጤፕኮ ኑ ኤሮኮ» ያጊዲ ዛሪዶሶና።  
 8 ዩሱሲ ዛሪዲ፤ «ሂዛ፤ ታካ አይ ማታን ሃይሳታ አሲያኮ ሂንቱው አዲኬ» ያጊስ።

ጎሻንቾታ ሌሚሱዎ (ማቶ 21:33-46፤ ማር 12:1-12)

9 ሄሳፊ ጉዩ፤ ዩሱሲ ያጊዲ ሃ ሌሚሱዎ አሳስ አዲስ፤ «ኢሲ አሲ ዎይኔ ቶኪስ፤ ጎሻንቾታስ ኬራ ኢሚዲ ዳሮ ዎዴ ጋምዲዲ ያናው ሃራ ቢታ ቢስ። 10 ዎይኔ አይፊያ ማጊያ ዎዴይ ጋኪን ዎይኒያ አይፊያፕ ኢያው ዩዳና ሜላ ጎሻንቾታኮ ባ አይሊያ ኪቲስ፤ ሺን ጎሻንቾቲ ሄ አይሊያ አይኪዲ ዋዲዲ ሜላ ኩሼ ዩዲዶሶና። 11 ካሊዲካ ሃራ አይሊያ ኪቲስ፤ ቃሲ ጎሻንቾቲ ኢያ ዋዲዲ፤ ካወሺዲ ሜላ ኩሼ ዩዲዶሶና። 12 ሃሊካ ዛሪዲ ሄሻንሶ አይሊያ ኪቲስ፤ ጎሻንቾቲ ኢያካ ማዱንጊሲዲ ዎይኒያ ጊዶፊ ጋዓ ኬሲዲ ዩጊዶሶና።  
 13 «ዎይኒያ ጎዳይ፤ (ያቲን ታ አይ አሶ? አኔ ቃሲ ታ ዶሲያ ታ ናዓ ዩዳና፤ አኔ ኤሪ ኤንቲ ኢያ ቦንቾና አጎኮና) ያጊስ።  
 14 «ሺን ጎሻንቾቲ ኡራ ናዓ ቤዲዳ ዎዴ (ሃይሲ ኢያ ላቲይሳ፤ ሃ ዩቱ ኢያ ዎዳና፤ ያቲኮ ላታይ ኑስ ጊዳና) ያጊዲ ዞሬቲዶሶና። 15 ዎይኒያ ጊዶፊ ጋዓ ኬሲዲ ዎዲዶሶና።  
 «ያቲን፤ ዎይኒያ ጎዳይ ሄ አሳታ ዋታኔ? 16 ዩዲ ሄ ጎሻንቾታ ዳይሳና፤ ዎይኒያ ቤሳ ሃራ አሳታስ ኢማና፤ አሳይ ሄሳ ሲዲዳ ዎዴ (ሺንቻሌ ሄሳ ሜላባ ኤሆፕ) ያጊዶሶና።

17 ዩሱሲ ኤንታ ጫዲ ዩሊዲ፤ «ያቲን (ጊምቤ ኬዲያ አሳቲ ቦሪዳ ሹቻይ፤ ኬሳስ ማላኔ ሚኖቲሲ ኢሚያ ኡባፊ አዲያ ሹቹ ጊዲስ) ጌቲቲዲ ዓፌቲዳይሳ ቢርሼሳይ አይቤ? 18 ሄ ሹቻ ቦላ ኩንዲያ ኡባይ ቆዴታና፤ ሹቻይ ኢያ ቦላ ዎዲያ ኡባይ ሊቃና» ያጊስ።  
 19 ሂጌ አስታማሬቲኔ ካሂኔ ሃላቃቲ ሃ ሌሚሱይ አይዲዳይ ኤንታ ቦላ ጊዴይሳ ኤሪዲ ሄ ዎዴ ኢያ አይካናው ኮዩዶሶና፤ ሺን አሳስ ባቢዶሶና።

ጊራባ (ማቶ 22:15-22፤ ማር 12:13-17)

20 ሄሳ ጊሾ፤ ዩሱሳ ዴሪያ ሃሪያ ሮሜ ካወዋ ማታስ አሲ ኢማናው ኮዩዲ ኢያ ዶናፕ ባላ ቃላ ናጎሶና። ሄሳ ፖሊሳናው ዒሎ ዳኒዲ ጨሚያ አሳታ ኢያኮ ኪቲዶሶና። 21 ኪቲቲዲ ቢዳ አሳቲ፤ «አስታማሪያው፤ ኔኒ አዴይሲኔ ታማርሴይሲ ሊኬ ጊዴይሳ፤ ቃሲ ያሳ አጊያ ቱማቲሳን ታማርሴይሳኔ አናካ ሻኮናይሳ ኑ ኤሮስ። 22 ሃኖሺን፤ ሮሜ ካወዋስ ጊራ ጊራናው ቤሲ ቤሴኔ?» ያጊዲ ኢያ አይቹዶሶና።  
 23 ሺን ኢ ኤንታ ዎዛና ኢታቲሳ ኤሪዳ ጊሾ 24 «አኔ ታና ኢሲ ሳንቲሜ ቤሲቱ፤ ኢያ ቦላ ዴዲያ ሚሲሌይኔ ሱንሳይ አዴባዩ?» ያጊስ።  
 ኤንቲ ዛሪዲ፤ «ሮሜ ካወዋ ቁሳሬይሳ» ያጊዶሶና።  
 25 ኢ ዛሪዲ፤ «ያቲኮ፤ ቁሳሬይሳ ቁሳሬስ፤ ያሳይሳ ያሳስ ኢሚቱ» ያጊስ።  
 26 ሄሳ ጊሾ፤ ኢ ዛሪዳ ዛሩዋን አሳ ሲንሳን ባላ ዴማናው ዳንዳሲቦኮና። ኢያ ዛሩዋን ማላሌቲዲ ሲዲ ጊዶሶና።

ሃይቆፕ ዴንዶባ (ማቶ 22:23-33፤ ማር 12:18-27)

27 ሃይቆፕ ዴንዶይ ባዎ ያጊያ ሳዱቃዌታፕ ኢሶቲ ኢሶቲ ዩሱሳኮ ዩዲ፤ 28 «አስታማሪያው፤ ኢሲ አሲ ማቾ ኤኪዲ ናዓ ዩሎና ሃይቂኮ፤ ኢያ ኢሻይ ሄ ማጫሲው ኤኪዲ ናይታ ዩሊዲ ባ ኢሻስ ዜሬሲ አሻና ሜላ ሙሴይ ዓፊስ። 29 ሄኮ ላፑን ኢሻቲ ዴዶሶና። ኮይሮይሲ ማቾ ኤኪዲ ናዓ ዩሎና ሃይቂኮ። 30 ናምዓንሶይ ኢዮ ኤኪዲ ናዓ ዩሎና ሃይቂኮ። 31 ሄሻንሶይካ ሄሳሳ ሃኒስ፤ ላፑናቲ ኡባይ ሄሳዳ ሃኒዲ ኢዮ ኤኪዶሶና፤ ሺን ናዓ ዩሎና ሃይቂዶሶና። 32 ወርሴሳን ማጫሲያ ሃይቃሱ። 33 ሂዛ፤ ላፑን አዴይ ኢዮ ኤኪዳ ጊሾ ሃይቆፕ ዴንዶይ ዎዴ ኢያ አዴ ማቾ ጊዳኔ?» ያጊዲ አይቹዶሶና።  
 34 ዩሱሲ ዛሪዲ፤ «አሳይ ሃ ዎዲያን ኤኮሶናኔ ጌሎሶና። 35 ሺን ሃይቆፕ ዴንዶይ ያና አሳሚያን ዳናው ቤሴይሳቲ ኤኮኮናኔ ጌሎኮና። 36 ኤንቲ ኪታንቾ ሜላ ጊዲያ ጊሾ ሲንሳፊ ሃይቆኮና። ሃይቆፕ ዴንዶይ ጊሾ ኤንቲ ያሳ ናይታ። 37 ሙሴይ ጎዳ፤ (አብራሃሜ ጎዳ፤ ዩሳቃ ጎዳ፤ ያይቆባ ጎዳ) ጊዲ ቱሺያ ጊዶን ፀጌቲያ ታማ ታሪኪያ ዓፌዳይሳን ሃይቂዳ አሳይ ዴንዶይሳ ቤሴስ። 38 ኡባይ ኢያው ዴዶን ዴዴይሳታ ጊዲያ ጊሾ ኢ ዴዶን ዴዴይሳታ ጎዳፕ አቲን ሃይቂዳይሳታ ጎዳ ጊዴና» ያጊዲ ዛሪስ።

19:46 ኢሳ 56:7፤ ኤር 7:11 19:47 ሉቃ 21:37 20:9 ኢሳ 5:1 20:17 ማዝ 118:22 20:27 ሃ.አ 23:8 20:28 ዛሬ 25:5 20:37 ኬሳ 3:6

39 ሂን አስታማራታ፤ ኢሶቲ ኢሶቲ፤ «አስታማሪያው፤ ሎዎባ አዳዳሳ» ያጊደሰና።  
40 ሄሳፊ ጉዩ፤ ሃራ አይሾ አይቻናው ያደደሰና።

**ኪሪስቶስ አዲ ናዔ**

(ማቶ 22:41-46፤ ማር 12:35-37)

41 ኢያፕ ካሊዲ ዩሱሲ ኤንታኮ፤ «አሳይ ኪሪስቶስ ዋቲዲ ዳዊቲ ናዓ ያጎና? 42-43 አይስ ጊኮ፤ ዳዊቲይ ባ ሁዔን ባ ማፃፋን፤

«የሳይ ታ ጎዳኮ «ታ ኔ ሞርኬታ

ኔ ቶሆይ ዩዲያሶ አላና ጋካናው

ታፕ ኡሻቻ ባጋን ኡታ» ጊስ) ያጊስ።

44 «ሂዛ፤ ዳዊቲይ ኪሪስቶሳ፤ «ጎዳ ጊዲ ዌጊሼ ኢያው ናዓ ዋኒዲ ጊዲ?» » ያጊስ።

45 ዴሬይ ኡባይ ሲዲሺን ባ ታማራታኮ፤

46 «አዱሳ ማፕ ማዲዲ ዩሼ ዶሴይሳታ፤ ጊያን ቦንቾ ሳርሶ፤ አይሁዴ ዎሳ ኬሳን ቦንቾ አይዴ፤ ሞኪቲያ ሶንካ ቦንቾ ቤሲ ኮያ ሂን አስታማራታ፤ ናጌቲቲ፤ 47 ኤንቲ አምዔታ ኬሳ ካሎዮሶና፤ ሂሎ አሲ ዳኒዲ ዎሳ አዱሶሶና፤ ኤንቲ ኢታ ፒርዳ ኤካና» ያጊስ።

21

**አምዔ ሙፃታ**

(ማር 12:41-44)

1 ዱሬ አሳይ ዎሳ ኬሳን ሙፃታ ሳባኒያን ዩጊሺን ዩሱሲ ዶቁ ጊዲ አሳ ቤዲስ። 2 ቃሲ ኢሲ ማንቆ አምዲያ ናምዑ ሲኪና ዩጊሺን ቤዲዲ፤ 3 «ታ ሂንቲው ቱማ አዳይስ፤ ሃ ማንቆ አምዲያ ኡባሬ አሳዳ ኢማሱ። 4 አይስ ጊኮ፤ ሃ አሳ ኡባይ ባንታው ዴዲያባፕ ኢሚዶሶና፤ ሺን ኢያ ባ ፓጩያ፤ ባው ዴዲያ አቁዋ ኡባ ኢማሱ» ያጊስ።

**ወርሴሳ ዎዲያ ማላታታ**

(ማቶ 24:3-14፤ ማር 13:3-23)

5 ዩሱሳ ታማራታ፤ ኢሶቲ ኢሶቲ ዎሳ ኬሳይ ዳር ሎዲያ ሹቻኒኒ አሳይ ዎሳስ ኢሚዳ ኢሞታን ሎዲዳይሳ አዴቶሶና። 6 ሺን ዩሱሲ፤ «ሃ ሂንቲ ቤዲያባይ ኡባይ ላሌቶና፤ ሹቹ ሹቻ ቦላ ጊምቤቲዳ ሜላ አቶና ዎዴይ ያና» ያጊስ።

7 ኤንቲካ፤ «አስታማሪያው፤ ሃ ኡባይ ሃናናይ አወዴ? ቃሲ ሃይሲ ሃናናይሳስ ማላታይ አይቤ?» ያጊዲ አይቹዶሶና።

8 ዩሱሲ ያጊዲ ኤንታው ዛሮ ኢሚስ፤ «ባሌቶና ሜላ ናጌቲቲ፤ ዳርቲ፤ «ታኒ ኪሪስቶሳ፤ ዎዴይ ማታቲስ) ያጊሼ ታ ሱንሳን ያና፤ ሺን ሂንቲ ኤንታ ካሎሬቲ። 9 ሂንቲ አላባኒ አሳ ጌላቲሳ ሲዲያ ዎዴ ዳጋሞሬቲ። ሄሲ ሲንሳቲዲ ሃናናይሲ አቶናባ ጊዲያ ጊሾ ዎዲያ ወርሴሳይ ኤሌሲዲ ዩና» ያጊስ።

10 ካሊዲካ፤ «ዴሬይ ዴሪያ ቦላ፤ ካዎቴሳይ ካዎቴሳ ቦላ ዴንዳና። 11 ጊታ ቢታ ቃይሃ ሃናና፤ ኮሻይኒ ጋዶይ ዱማ ዱማ ቤሳን ዳራና፤ ያሺያባይኒ ጊታ ማላታቲ ሳሎፕ ቆንጫና። 12 ሺን ሃ ኡባይ ሃናና፤ ሲንሴ ታ ሱንሳ ጊሾ ጊዲ አሳይ ሂንቲና ጎዳናኒ አይካና። አይሁዴ ዎሳ ኬሳኒኒ ቃሾ ኬሳን ሂንቲና ዩጋና። ካዎታ ሲንሴኒ ዴሪያ ሃሬይሳታ ሲንሴ ሂንቲና ኤፋና።

13 ሄሲካ ታባ ሂንቲ ኤንታው ማርካታናው ሎዎ አጌ ጊዳና። 14 ሄሳ ጊሾ፤ ሂንቲ አይሼቲያ ዎዴ ዎይጊዲ ዛሮ ኢማኒ ጊዲ ሂንቲ ዎዛናን ኡንዔቶና ሜላ አኬኪቲ። 15 አይስ ጊኮ፤ ሂንቲ ሞርኬቲ ሂንቲራ ኤቁታናውኒ ፓላማናው ዳንዳዎና ዶናኒ ጫንጫቴሲ ታ ሂንቲው ኢማና።

16 ሃሪ አቶሺን፤ ሂንቲና ዩሊዳይሳቲ፤ ሂንቲ ኢሻቲ፤ ሂንቲ ዳቦቲኒ ሳጌቲ ሂንቲና አሲ ኢማና። ሂንቲ ጊዶሬ ኢሶታ ኢሶታ ዎዳና።

17 ታ ሱንሳ ጊሾ አሳ ኡባ ሲንሳን ሂንቲ ኢዌቲዳይሳታ ጊዳና። 18 ሺን ሃሪ አቶሺን፤ ሂንቲ ቢናና፤ ኢሶይካ ዳይና። 19 ፖሎ ዳንዳዎን ሂንቲ፤ ሂንቲ ሽምፑዋ አሻና።»

20 «ዩሩሳላሜ ካታማይ ዎታዳሬን ዲሬቲዲ ኡቲዳሺን ሂንቲ ቤዲኮ ኢያው ዳዮይ ማታቲዳይሳ ኤሪቲ። 21 ሄ ዎዴ ዩሁዳን ዴዲያ ኡባይ ዴሪያኮ ባቃቶ፤ ካታማን ዴዲይሳቲ ያፕ ኬዮ፤ ጋፃሪያን ዴዲይሳቲ ካታማ ጌሎ። 22 አይስ ጊኮ፤ ሃ ፃሬቲዳባይ ፖሌታና ሜላ ሄሲ ዎሳይ ኩሼ ዛሪያ ዎዴ። 23 ሳዓ ቦላ ጊታ ሜቶይ ያና፤ ሄሳንካ አሳ ቦላ ዎሳ ሃንቆይ ያና። ሄሳ ጊሾ፤ ቃንሳቲዳይሳታኒ ዳንሴይሳታ አዩ። 24 ኤንቲ ማሻን ሃይቃና፤ አሳ ኡባይ አላጋ ቢታ ዲዔታና፤ አይሁዴ ጊዶና አሳ ዎዴይ ፖሌታና ጋካናው ዩሩሳላሜ ኤንታናን ዩዴቲዳይሳ ጊዳና።

25 «አዎን፤ አጌናኒኒ፤ ያሊንቶታ ቦላ ማላታቲ ሃኒዲ ቤንታና። አባሬኒ ዙሊያ ዴሹዋፕ ዴንዶይሳን ቢታን ዴዲያ አሳይ ኡንዔታናኒ ያርካና። 26 ሳሎዋ ዎልቃቲ ቡቁታና ጊሾ አሳይ ያሻኒኒ ቢታ ቦላ አይቤ ሃናንዴሻ ጊዲ ናንን ባንታና ባሌታና። 27 ሄ ዎዴ አሳ ናዓይ ዎልቃኒኒ ጊታ ቦንቹዋን ሻራራ ዩሺን ኤንቲ ቤዳና። 28 ሂንቲ አቶቴሳይ ማታቲዳ ጊሾ ሃ ሃናቲ ፖሌቲሲ አይኪያ ዎዴ ጊጌቲ ኤቁቲ፤ ሂንቲ ሁዲያ ዶቁ አሲዲ ዌሊቲ» ያጊስ።

29 ካሊዲካ፤ ሃይሳዳ ጊዲ ሌሚሶ አዲስ፤ «ባላሴ ሚሳኒ ሃራ ሚሳታ ኡባ ቤዲቲ። 30 ኤንቲ አጩ ዎዴ ቶርቼይ ማታቲዳይሳ ሂንቲ ኤሬታ። 31 ሄሳዳ ሃ ሃናቲ ፖሌቲሺን ሂንቲ ቤዲኮ ዎሳ ካዎቴሳይ ማታቲዳይሳ ኤሪቲ።

32 «ታ ሂንቲው ቱማ አዳይስ፤ ሃ ኡባይ ፖሌታና ጋካናው ሃ ዩሎቴሳይ አዴና። 33 ሳሎይኒ ሳዓይ አዳና፤ ሺን ታ ቃላይ አዴና።

34 «ሂዛ፤ ዳሲ ባይና ዴዎን፤ ኡሻ ዳርኒኒ ዱሳባስ ኡንዔቲሳን ሂንቲ ዎዛናይ አይኬቶና ሜላኒ ሄ ቃማይ አኬኮና ሂሄዳ ሂንቲ ቦላ ጋኮና ሜላ ናጌቲቲ። 35 ሄ ቃማይ ቢታ ኩሜሳን ዴዲያ ኡባ ቦላ ጋካና። 36 ሄሳ ጊሾ፤ ያ ኢታፕ አታናውኒ አሳ ናዓ ሲንሳን ኤቃናው ዳንዳዎና ሜላ ኡባ ዎዴ ሚኒዲ ዎሲቲ» ያጊስ።

37 ጋላስ ጋላስ ዩሱሲ ዎሳ ኬሳን ታማርሲሼ፤ ቃማ ቃማ ሻማሆ ዴሪያ ቦላ ኬዩዲ አቁስ።

38 አሳይ ኡባይ ኢያ ሲዳናው ዎንታ ጉራ ኢያኮ ዎሳ ኬሲ ዮሶና።

20:42-43 ማዘ 110:1 21:14 ሉቃ 12:11-12 21:22 ሆሴ 9:7 21:25 ኢሳ 13:10፤ ሂዘ 32:7፤ ኤር 2:31፤ ዮቆ 6:12 21:27 ዳኔ 7:13፤ ዮቆ 1:7 21:37 ሉቃ 19:47 22:1 ኬሳ 12:1



22

ዩሁዲ ዩሱፊ አሲ ኢጣናው ማቄቲስ

(ማቶ 26:1-5፤ 14፤ 16፤ ማር 14:1-2፤ 10-11፤ ዮሃ 11:45-53)

1 ሄ ዎዴ <ፋሲካ> ያጊያ ኡይሳ ባሌይ ማቄቲስ።  
2 ካሂኔ ሃላቃቲኔ ሂጌ አስታማሬቲ አሳስ ያዩዳ ጊሾ ዋቲዲ ዩሱፊ ባንታ ጊዶሬ ዳይሳኒኮ ኦጌ ኮዮሶና። 3 ዓላሄይ ታማኔ ናምዓታፕ ኢሱዋ ጊዲዳ አስቆሮታ ዩሁዳ ጌቴይሳ ጊዶ ጌሊስ። 4 ዩሁዲ ካሂኔ ሃላቃታኮኔ ያሳ ኬሳ ናጌይሳታ ሃላቃታኮ ቢዲ ዩሱፊ ዋቲ አሲ ኢጣኔኮ ኤንታራ ማቄቲስ። 5 ኤንቲካ ሄሳን ኡፋይቲዲ ሚሼ ኢጣናው ኢያራ ዞሬቲዶሶና። 6 ኢካ ዞሬቲሳን ጊጊስ። አሲ ኤንታው ኢጣናው አሲ ባይና ኢንጄ ዎዴ ናጊሼ ዴዔስ።

ወርሴሳ ካሁዋ

(ማቶ 26:17-25፤ ማር 14:12-21፤ ዮሃ 13:21-30)

7 ሄሳሬ ጉዩ፣ ፋሲካ ዶርሳይ ሹኪቲያ ኡይሳ ባሌይ ጋኪስ። 8 ዩሱሲ፣ «ፋሲካ ካሁዋ ማና ሜላ ቢዲ ኦስ ጊጊሲቱ» ያጊዲ ጳጊሮሳኔ ዮሃንሳ ኪቲስ። 9 ኤንቲ፣ «ኮ አዉን ጊጊሳና ሜላ ኔ ኮያይ» ያጊዲ አይቺዶሶና። 10 ኢ ኤንታኮ፣ «ሄኮ ሂንቱ ካታማ ጌሊሺን ሃሳ ኦቶ ቶኪዳ አዴይ ሂንቱራ ጋሄታና። ኢ ቢዲ ጌሊያ ኬሳ ኢያ ካሊዲ ጌሊቱ። 11 ኬሳዋኮ አስታማሬይ፣ <ታ ታ ታማሬታራ ዎላ ፋሲካ ካሁዋ ማናው ኢጣላ ኬሲ አዉኔ?> ያጊስ» ጊቱ። 12 ኢ ፖቂያ ቦላ ሂዳቲዲ ጊጊዲ ዴዒያ ዳልጋ ኪሬሌ ሂንቱና ቤሳና፣ ያን ጊጊሲቱ» ያጊስ። 13 ኤንቲ ቢዲ ዩሱሲ ጊዳይሳዳ ሃንን ዴሚዶሶና። ፋሲካ ባሌ ካሁዋ ያን ጊጊሲዶሶና።

14 ሳቲይካ ጋኪዳ ዎዴ ዩሱሲ ሃዋሬታራ ዎላ ካሁዋ ቦላ ኡቲስ። 15 ኢ ኤንታኮ፣ «ታ ዋዩ ኤካናፕ ሲንሴ ሃ ካሁዋ ሂንቱራ ማናው ዳሮ አዎታስ። 16 ሂዳ፣ ሲዲቲ! ያሳ ካዎቲሳን ሃይሳስ ቢርሼሳይ ፖሌታና ጋካናው ሃ ካሁዋ ዛራዳ ሚኬ» ያጊስ። 17 ኡሻ ኤኪዲ ጋላቲ ሲሚዲ፣ «ሄዲቱ ሃይሳ ሂንቱ ጊዶን ሻኪቲቱ። 18 ሲዲቲ! ያሳ ካዎቲሳይ ያና ጋካናው ሃቺሬ ዶማዳ ሃ ዎይኔ ኡሻሬ ዛራዳ ኡዩኬ» ያጊስ።

19 ኡይሳ ኤኪዲ፣ ጋላቲ ሲሚዲ፣ «ሃይሲ ሂንቱው ኢጣቲያ ታ አሹዋ። ሃይሳ አሲሼ ታና ቆፕቱ» ያጊዲ ሜንሲዲ ኤንታው ኢጣስ።

20 ሄሳዳካ፣ ካሁዋፕ ጉዩ ኡሻ ኤኪዲ፣ «ሃ ኡሻይ ሂንቱው ጉኪዳ ታ ሱሳን ጊዲያ አራሳ ጫቁዋ። 21 ጊዶሺን፣ ታና አሲ ኢጣና ኡራ ኩሼይ ታራ ኢሲሬ ጋይታና። 22 አሳ ናዓይ ኢያው ጌቱቶይሳ ሜላ ሃይቃናው ዴዔስ፣ ሺን ኢያ አሲ ኢጣያ ኡራ አዩ» ያጊስ። 23 ኤንቲ ባንታ ጊዶን፣ «ሃይሳ ኦኒ አሳኔ» ጊዲ ዎሊ አይቺዶሶና።

24 ቃሲ ኤንታ ጊዶን ጊታ ጊዳናይ አኔ ጊያ ፓላሚ ሜዴቲስ። 25 ዩሱሲ ኤንታኮ፣ «ዴሪያ ካዎቲ ባንታ አሳ ዎልቃን ሃሮሶና፤ ባንታ ዴሪያ ቦላ ጎዳቲይሳታስካ ባንታና፣ <ሎዎ አሌይሳታ> ያጊዲ ዩጎሶና። 26 ሺን ሂንቱ ጊዶን

ሄሳ ሜላ ጊዶፓ። ሂንቱ ጊዶን ባይራቲይ ካሎዳ ሃና፤ ካሌሴይሲ ካሌይሳዳ ሃና። 27 ሃናሺን፣ ሞኬይሳሬኔ ሞኬቲይሳሬ አዉሲ አዲ? ሞኬቲይሳ ጊዴኔዩ? ሺን ታኒ ሂንቱ ጊዶን ሞኬይሳ ሜላ።

28 «ሂንቱካ ታ ሜቱዋን ታፕ ሻኪቶና ታራ ሚኒዲ ኤቂዳይሳታ። 29-30 ሂንቱ ታ ጋይታፕ ማና ሜላ፣ ኡያና ሜላኔ አራታታ ቦላ ኡቲዲ ታማኔ ናምዑ ኢስራዔሌ ሺሻታ ቦላ ፒርዳና ሜላ ታ አዋይ ታና ሹሚዳይሳዳ ታካ ሂንቱና ታ ካዎቲሳን ሹማና» ያጊስ።

31 ካሊዲካ ዩሱሲ፣ «ሲሞና፣ ሲሞና፣ ዓላሄይ ሂንቱና ጊስቲዳ ሃርቃናው ዎሲስ። 32 ሺን ታኒ ኔ አማናይ ዳዮና ሜላ ኔው ጋናታስ። ኔካ ሲሚዳ ዎዴ ኔ ኢሻታ ሚንሳ» ያጊስ።

33 ሲሞኒ፣ «ጎዳው፣ ታኒ ኔራ ቃሼታናዉኔ ሃይቃናው ጊጌታስ» ያጊስ።

34 ዩሱሲ ጳጊሮሳኮ፣ «ታ ኔው አዳይስ፤ ሃቺ ኩቶይ ዋሳናፕ ሲንሴ ኔ ታና ሄሹ ቶዎ ካዳና» ያጊስ። 35 ካሊዲካ፣ ዩሱሲ ኤንታኮ፣ «ታኒ ሂንቱና ኮሮጆይ፣ ካርጊቲይኔ ጫሚ ባይና ኪቲዳ ዎዴ ሂንቱው ፓጩዳባይ ዴዒ?» ያጊዲ አይቺስ።

ኤንቲ ዛሪዲ፣ «አይኮይካ ፓጩቤና» ያጊዶሶና።

36 ኢ ኤንታኮ፣ «ሃዲ ኮሮጆይኔ ካርጊቲይ ዴዒይ አይኮ፤ ማሺ ባይናይ ባ አሬላ ባይዚዲ ማሻ ሻዎ። 37 ሃ ሲዲቲ! <ጌላታራ ታይቤቲስ> ጌቲቲዲ ዓሬቲዳይሲ ታናን ፖሌታናው ቤሴስ። ኤ፣ ታ ጊሾ ዓሬቲዳባይ ፖሌቲይሲ ቱማቲስ» ያጊስ።

38 ኢያ ታማሬቲ፣ «ጎዳው ሃይሳን ናምዑ ማሺ ዴዒስ» ያጊዶሶና።

ኢ፣ «ጊዳና» ያጊስ።

ዩሱሲ ሻማሆ ዴሪያ ቦላ ዎሲስ  
(ማቶ 26:36-46፤ ማር 14:32-42)

39 ዩሱሲ ካሌ ሜዜቲዳይሳዳ ዴንዲዲ ሻማሆ ዴሪያ ቦላ ኬዩስ። ኢያ ታማሬቲ ኢያ ካሊዶሶና።

40 ሄ ቤሳ ጋኪዳ ዎዴ «ፓጩን ጌሎና ሜላ ዎሲቱ» ያጊስ። 41 ኤንታሬ ሹቺ ሆሊን ጋኪያ ሶ ሜላ ሃኪዲ ጉልባቲዲ ዎሲስ። 42 «ታ አዎው፣ ኔ ሼኔ ጊዲኮ ሃ ሜቱዋ ታፕ አሳ። ሺን ታ ሼኔ ጊዶፓ ኔ ሼኔይ ሃና» ያጊዲ ዎሲስ። 43 ኪታንቾይ ሳሎፕ ቆንጩዲ ሚንሲስ። 44 ዳሮ ኡንዔቲዲ ሚንሲዲ ዎሲስ። ኢያ ጫዋይካ ሱሲ ያኪያዳ ሳዓን ያኪስ።

45 ዩሱሲ ዎላ ወርሲዲ ባ ታማሬታኮ ዩስ። ኤንቲ፣ አዛንያፕ ዴንዶይሳን ዳቡሪዲ ዲስኪዳሺን ዴሚዲ፣ 46 «አይስ ዲስኬቲ? ፓጩን ጌሎና ሜላ ዴንዲዲ ዎሲቱ» ያጊስ።

ዩሱሲ አይኬቲስ

(ማቶ 26:47-56፤ ማር 14:43-50፤ ዮሃ 18:3-11)

47 ኢ ቡሮ አዳ ቦላ ዴዒሺን ዳሮ አሳቲ ዩዶሶና። ታማኔ ናምዓታፕ ኢሶይ ዩሁዳ ጌቲቲይሲ ኤንታና ካሌሴስ። ኢ ዩሱሳ ዩራናው

22:20 ኤር 31:31 22:21 ማዝ 41:9 22:24 ማቶ 18:1፤ ማር 9:34፤ ሉቃ 9:46 22:25 ማቶ 20:25-27፤ ማር 10:42-44 22:26 ማቶ 23:11፤ ማር 9:35 22:27 ዮቆ 13:12 22:29-30 ማቶ 19:28 22:35 ማቶ 10:9-10፤ ማር 6:8-9፤ ሉቃ 9:3 22:37 ኢሳ 53:12

ማቲ ሸቂስ።<sup>48</sup> ሺን ዮሱሴ፤ «ዮሁዳ፤ አሳ ናዓ ዮራዳ አሳ ኢማኔ?» ያገለገሉ።

<sup>49</sup> ዮሱሳ ታማራቲ ሄ ሃኑዋ ቤዲዲ፤ «ጎዳው ማሻን ሾጠኛ?» ያገለገሉ።<sup>50</sup> ኤንታ ጊዶሬ ኢሶይ ካሂኔ ሃላቃ አሳንቸዋ ሾጠዲ ኡሻቻ ሃይሳ ቃንጊዲ ዮገሰ።

<sup>51</sup> ሺን ዮሱሴ፤ «አጋ! ዲጎሬቱ» \* ያገለገሉ። ኡራ ሃይሳ ቦቹዲ ፓሲስ።

<sup>52</sup> ሄሳሬ ጉዮ፤ ዮሱሴ ባና አይካናው ዩዳ ካሂኔ ሃላቃታኮ፤ ዮሳ ኬሳ ናጊይሳታ ሹማታኮኔ ጠማታኮ፤ «ፓኖ አይኪያ አሳዳ ማሸኔ ፃምዓ አይኪዲ ዩዴቲ?»<sup>53</sup> ኡባ ጋላስ ዮሳ ኬሳን ታ ሂንቴራ ዴዲያ ዎዴ ታ ቦላ ኩሼ ዎሲቤኬታ። ሺን ሃይሴ ዲማ ካዎቴሳይ ሃሪዳ ዎዴኔ ሂንቴ ዎዴ» ያገለገሉ።

**ጳውሎስ ዮሱሳ ካዲስ**

(ማቶ 26:57-58፤ 67-75፤ ማር 14:53-54፤ 66-72፤ ዮሃ 18:12-18፤ 25-27)

<sup>54</sup> ሄሳሬ ጉዮ፤ ዮሱሳ አይኪዲ ካሂኔ ሃላቃ ዛባ ኤሬዶሶና። ጳውሎስ ሃሆን ዮሱሳ ካሴስ።

<sup>55</sup> አሳቲ ካሂኔ ሃላቃ ዛባን ታማ ኤሲዲ ዎላ ኡቲዳሺን ጳውሎስ ኤንታራ ኢሴሬ ኡቲስ።

<sup>56</sup> ኢሴ አይሊያ ጳውሎስ ታማ ማታን ኡቲዳይሳ ጫዳ ያላዳ፤ «ሃ ኡራይ ኢያራ ዴዴስ» ያጋሱ።

<sup>57</sup> ሺን ጳውሎስ፤ «ሃ ማጫሴቱ ታ ሄ ኡራ ኤሪኬ» ያገለገሉ ካዲስ።

<sup>58</sup> ጉሳ ዎዴፕ ጉዮ ኢሴ ሃራ አዴይ ኢያ ቤዲዲ፤ «ኔካ ኤንታሬ ኢሱዋ» ያገለገሉ።

ሺን ጳውሎስ፤ «ሃ አዲያው ታና ጊዲኬ» ያገለገሉ።

<sup>59</sup> ኢሴ ሳቲ ሜላ ጋምዲዳፕ ጉዮ ኢሴ ሃራ አዴይ ቲሊሲዲ፤ «ሃ ኡራይ ጋሊላፕ ጊዲያ ጊሾ ሲዴይ ባይና ኢያራ ዴዴስ» ያገለገሉ።

<sup>60</sup> ሺን ጳውሎስ፤ «ሃ አዲያው፤ ኔ ጊይሳ ታ ኤሪኬ» ያገለገሉ። ኢ ሄ አዳ አንጎና ዴዲሺን ኩቶይ ዋሲስ።

<sup>61</sup> ጎዳይ ጉዮ ሲሚዲ ጳውሎስ ያሊስ። ጳውሎስ፤ «ሃቺ ኩቶይ ዋሳናፕ ሲንጴ ኔ ታና ሄቸ ቶሆ ካዳና» ያገለገሉ። ጎዳይ አዲዳ ቃላ አኬኪስ።

<sup>62</sup> ጳውሎስ ካሬ ኬዩዲ ዳር ኮኮሪዲ ዮኪስ።

<sup>63</sup> ዮሱሳ ናጊያ አሳቲ ኢያ ሌቀሶኔ ዴሼሲ አይኪዶሶና።<sup>64</sup> ኢያ አይሬያ ጎዚዲ «አኔ ቲንቢቱ አዳ፤ ኔና ዴቺዳይ አኔ?» ያገለገሉ አይቾሶና።<sup>65</sup> ሃራ ዳር ጫሼ ጫዩዲ ካዉሾሶና።

**ዮሱሴ ጳውሎስ ሲንጴኔ ሄሮዲሳ ሲንጴ ሸቂስ**

(ማቶ 26:59-66፤ ማር 14:55-64፤ ዮሃ 18:19-24)

<sup>66</sup> ሳዲ ዎንቲያ ዎዴ አይሁዴ ቢታ ጠማቲ፤ ካሂኔ ሃላቃቲኔ ሂጌ አስታማራቲ ሸቂዲ፤ ዮሱሳ ባንታ ሲንጴ ሸሸዶሶና።<sup>67</sup> ኤንቲ፤ «ኔኔ ኪሪስቶስ? አኔ ኑስ አዳ?» ያገለገሉ አይቺዶሶና።

ዮሱሴ፤ «ታ አዲያኮ አማኔኬታ።<sup>68</sup> ታ አይቺያኮ ዛሬኬታ።<sup>69</sup> ሺን አሳ ናዓይ ሃይሳሬ ጌዴ ባጋን ዎልቃማ ዮሳ ኡሻቻ ባጋን ኡታና» ያገለገሉ።

<sup>70</sup> ሄ ዎዴ ኡባይ፤ «ያቲን፤ ኔኔ ዮሳ ናዔ?» ያገለገሉ።

ኢ፤ «ታ ዮሳ ናዓ ጊዴይሳ ሂንቴ ጊዴታ» ያገለገሉ።

<sup>71</sup> ኤንቲ፤ «ሂዳ፤ ሃራ ማርካ አይ ኮሺ? ኢ ባ ኢንፃርሳን አዲሺን ኑ ሲዲዳ» ያገለገሉ።

23

**ዮሱሴ ጳውሎስ ሲንጴን**

(ማቶ 27:1-2፤ 11-14፤ ማር 15:1-5፤ ዮሃ 18:28-38)

<sup>1</sup> ሄ ቤሳን ሸቂዳ ሻንጎቲ ኡባይ ዴንዲዲ ዮሱሳ ጳውሎስ ኤሬዶሶና።<sup>2</sup> «ሃ ኡራይ ኑ አሳ ባሌሲሺን፤ ካዉዋስ ጊራ ጊርና ሜላ ዲጊሺኔኔ ቃሲ፤ «ታኔ ኪሪስቶስ ሂንቴ ካዉዋ» ያገለገሉ ዴሚዳ» ያገለገሉ ሞቲዶሶና።

<sup>3</sup> ጳውሎስ ዮሱሳ፤ «ኔኔ አይሁዴታ ካዎዮ?» ያገለገሉ አይቺስ።

ዮሱሴ፤ «ኤ፤ ኔ ጊዳይሳ ሜላ» ያገለገሉ።

<sup>4</sup> ጳውሎስ ካሂኔ ሃላቃታኮኔ አሳኮ፤ «ሃ ኡራ ቦላ ታኔ ኢሴ ባላካ ዴማቢኬ» ያገለገሉ።<sup>5</sup> ሺን ኤንቲ፤ «ሃ ኡራይ ጋሊላፕ ዶሚዲ ሃይሳ ጋካናው ዮሁዳ ኩሜሳ ኢታባስ ዴንጴሴስ» ያገለገሉ አይዶሶና።

<sup>6</sup> ጳውሎስ ሄሳ ሲዲዳ ዎዴ ዮሱሴ ጋሊላ አሴኮ ኤራናው ኮዩዲ ኢያ አይቺስ።<sup>7</sup> ዮሱሴ ሄሮዲሳ ቢታሬ ዩዳ አሲ ጊዴይሳ ጳውሎስ ኤሪዳ ዎዴ ሄሮዲሴ ሄ ዎዴ ዮሩሳላሜን ዴዲያ ጊሾ ኢያኮ ዮዲስ።

<sup>8</sup> ሄሮዲሴ ዮሱሳ ቤዓናው ዳር ዎዴፕ ኮዩሼ ዴዲያ ጊሾ ኢያ ቤዲዳ ዎዴ ዳር ኡፋይቲስ። አይስ ጊኮ፤ ኢያባ ሲዲዳ ጊሾ ማላሊያባ አሲን ቤዓናው አሞቲሼ ዴዴስ።<sup>9</sup> ሄሮዲሴ ዮሱሳ ዳር አይሾታ አይቺስ፤ ሺን ኢ አይኮካ ዛሪቤና።

<sup>10</sup> ካሂኔታ ሃላቃቲኔ ሂጌ አስታማራቲ ያን ኤቂዲ ሚንሲዲ ኢያ ሞቶሶና።<sup>11</sup> ሄሮዲሳራኔ ኢያ ዎታዳሬታራ ዮሱሳ ካዲዶሶና ኤቂሲዶሶና።

<sup>12</sup> ሄሮዲሳራኔ ጳውሎስ ካሴ ሞርኬሺን ሄ ጋላስ ዎላ ጊጊዶሶና።

<sup>13</sup> ጳውሎስ ካሂኔ ሃላቃታ፤ አሳ ሃራይሳታኔ አሳ ያጊዲ፤<sup>14</sup> «ሃ ኡራይ አሳ ጌላቴሳስ ዴንጴሴስ» ጊዲ ታኮ ኤሂዴታ። ታካ ሂንቴ ሲንጴን ፐልጋዳ ሂንቴ ሸሸዳ ሞቲዎስ አይቢ ባላካ ዴማቢኬ።

<sup>15</sup> ሄሮዲሴ፤ ሄሳሶ አይቢ ባላካ ኢያ ቦላ ዴሚባና ጊሾ ኑኮ ዮዲስ። ቱማካ ሃ ኡራይ ሃይቆስ ጋሊያ አይቢ ባላካ አሲቤና።<sup>16</sup> ሄሳ ጊሾ፤ ኢያ ጋራፋዳ ቢላ ዮዳና» ያገለገሉ።<sup>17</sup> ሄሳ ኢ ጊዳይ ፋሲካ ባሌ ዎዴ ኢሴ አሲ ኤንታው ቢላናይሴ ኢያው አቶናባ ጊዲያ ጊሾሳ።

<sup>18</sup> ዴሬይ ኡባይ ኢሴ ቦላ፤ «ሃ ኡራ ጌዴ ዲጋ፤ ኑስ ባርባና ቢላ» ያገለገሉ ዋሲዶሶና።

<sup>19</sup> ባርባኒ ካታማ ጊዶን አሳ ኢታባስ ዴንጴሴዲ አሴ ዎዲዲ ቃሼቲዳ አሲ።

<sup>20</sup> ጳውሎስ ዮሱሳ ቢላናው ኮዩዲ አሳስ ዛሪ አዲስ።<sup>21</sup> ጊዶሺን፤ አሳይ፤ «ካቃ! ካቃ!» ያገለገሉ ዋሲዶሶና።<sup>22</sup> ጳውሎስ ሄቫን፤ «ሃ ኡራይ ቆሂዳባይ አይቤ? ዎዶስ ጋሊያ ባላ ታ ዴማቢኬ። ሄሳ ጊሾ፤ ጋራፋዳ ዮዳ አጋና» ያገለገሉ።

\* 22:51 አጋ! ዲጎሬቱ፡ ዮሱሴ ሃ ቤሳን አጋ ያገለገሉ ኢያ አሻናው ጊዲ አሳቲ ኡራ ሃይሳ ቃንጊዳ አጋ ቃንጊዳ ጊዳይሳኔ፤ ሃራቲ ኢያ አይካናው ዩዳይሳታ ዲጎሬቱ ሃዲ ኤንታ ዎዴ ያገለገሉ ናምዑ ቆፋታ ዎሊ ጋሊዲ አይኪስ። 22:53 ሉቃ 19:47፤ 21:37

23 ከንቲባ ባንታ ቃላ ጵቁ አሲዲ፡ «ካቂታናው ቤሴስ» ጊዲ ሚንሲ ዋሲደሶና። ከንታ ዋሶይካ ያኒስ። 24 ከንታ አይሻ ጊሾ ጊዲ ጳላዎሲ ኢያ ቦላ ፐርዲስ። 25 አሳ ኢታባስ ዴንሴሴይሳኔ አሴ ዎዲዲ ቃሼቲዳይሳ ቢላና ሜላ ዎሲዳ፡ ሄ ኡራ ከንታው ቢሊስ። ሺን ዮሱሳ ከንቲ ኮዬዳባ አሳና ሜላ ከንታው አሲ ኢሚስ።

ዮሱሳ ካቂደሶና (ማቶ 27:31-44፤ ማር 15:21-32፤ ዮሃ 19:17-27)

26 ዮሱሳ አይኪዲ ኤፊሺን ሲሞና ጊያ ቂሬና ቢታ አዴይ ጋግሬፔ ዩሺን፡ ዴሚዲ ማስቃሊያ ቶሲዲ ዮሱሳ ካሊዲ ባና ሜላ ኡንዲሲደሶና። 27 ዳሮ አሳይኔ ባንታ ቲራ ኢጨሽ ዮኪያ ማጫሳቲ ኢያ ጉዩያራ ካሎሶና።

28 ሺን ዮሱሳ ከንታኮ ጉዩ ሲሚዲ፡ «ሂንቴና፡ ዮሩሳላሜ ማጫሳቶ፡ ሂንቴ ሁዔሲኔ ሂንቴ ናይታስ ዮኪቴፔ አቲን ታው ዮኮሬቴ።

29 «ሄኮ ማይንሳቲ፡ ዮሎና ኡሎቲኔ ዳንሶና ዳንሳቲ አንጄቲደሶና» ሂንቴ ያጋና ጋላሳይ ያና። 30 ሄ ዎዴ ዴሬታ፡ «ኮ ቦላ ኩንዲቴ»፡ ዙማታካ፡ «ኮና ካሚቴ» ያጋና። 31 ሂዛ፡ ቃዬ ሚላ ሄሳሶ አሲኮ ሚላ ሚላ ዋታንዴሻ?» ያኒስ።

32 ኢያራ ዎዳናው ሃራ ናምዑ ዎራንቸታ ኤፊደሶና። 33 ቂራኒዮ \* ጌቴቲያ ቤሳ ጋሲዲ ካቂደሶና። ዎራንቸታፔ ኢሱዋ ኡሻቻ ባጋራ ሃንኩዋ ሃዲርሳ ባጋራ ካቂደሶና። 34 ዮሱሳ፡ «ታ አዋው፡ ከንቲ አይ አሲያኮ ኤሮና ጊሾ ኔኔ ከንታው አቶ ያጋ» ያኒስ።

ከንቲ ኢያ አፊላ ቦላ ሳማ ዮጊዲ ሻኬቲዲ ኤኪደሶና።

35 አሳይ ኤቂዲ ያሎሶና፡ ሺን ዴሪያ ሃራይሳቲ፡ «ሃራታ አሸስ፤ ያሳይ ዶሪዳ ኪሪስቶሲ ኢያ ጊዲኮ አኔ ባና አሾ» ያኒዲ ሌቂሲደሶና። 36 ዎታዳሬቲ ኢያኮ ሸቂዲ፡ ሜላ ዎይኔ ኡሻ ኢሚደሶና። 37 ያቲዲ፡ «ኔኔ አይሁዴታ ካዎ ጊዲኮ ኔ ሁዲያ አሻ» ያኒዲ ሌቂሲደሶና።

38 ኢያው ሁዔ ባጋራ፡ «ሃይሲ አይሁዴታ ካዎ» ያኒያ ፀፊይ ዴዔስ። 39 ካቂቲዳ ዎራንቸታፔ ኢሶይ ሜሽ ሳዓራ ጎቺሼ፡ «አኔ ኔኔ ኪሪስቶሳ ጊዲኮ፡ ኔናካ ኑናካ አሻ» ያኒስ።

40 ሺን ሃንኮ ዎራንቸይ፡ «ኔኔ ሃይሳ ሜላ ፐርዳን ዴዓሽ ሃሪ አቶሺን፡ ያሳስ ያዩኪ?» 41 ኩኔ ኑ ባላስ ቤሲያ ፐርዳ ኤኮስ፡ ሺን ሃ ኡራይ ኢሲ ኢታባካ አሲቤና» ያኒዲ ሃንቂቲስ።

42 ቃሲካ፡ «ዮሱሳ፡ ኔ ኔ ካዎቴሳራ ያ ዎዴ ታና ቆፓ» ያኒስ።

43 ዮሱሳ፡ «ታ ኔው ቴማ አዳይስ፤ ሃቺ ኔኔ ታራ ጋናቴን ጊዳና» ያኒስ።

44-45 ሄ ጋላስ ኡሱፔን ሳቴፔ ቢዲ ኡዱፉን ሳቴ ጋካናው አዋይ ፖዑዋ ዲጊዳ ጊሾ ቢታ ኡባ ቦላ ዱማ ጊዲስ። ያሳ ኬላ ማጋራጀይ ዳኬቲዲ ናምዓን ሻኬቲስ። 46 ዮሱሳ፡ ቃላ ጵቁ አሲዲ፡

«ታ አዋው፡ ታ ታ ሽምፐው ኔ ኩሼን ሽዳይስ» ያኒዲ ሃይቂስ።

47 ማቶ ሃላቃይ፡ ሃኒዳይሳ ቤዲዲ፡ «ሃይሲ ኡራይ ቴማካ ዊሎ» ያኒዲ ያሳ ጋላቲስ። 48 ሃ ሃኒያባ ቤዓናው ሄ ቤሳ ሸቂዳ አሳ ኡባይ ሃኒዳባ ቤዲዳ ዎዴ ባንታ ቲራ ኢጨሽ ባንታ ሶ ሲሚደሶና። 49 ጊደሺን፡ ዮሱሳ ማታን ኤሪያ አሳ ኡባይ፡ ሄሳዳካ ጋሊላፔ ካሊዲ ዩዳ ማጫሳቲ ሄሳ ቤዲሽ ሃሆን ኤቂደሶና።

50-51 አይሁዴ ሻንጎታፔ ኢሶይ፡ ዮሴፋ ጌቴቲያ ኡራይ ዴዔስ። ኢ አርማቲያሳ ጌቴቲያ ዩሁዳ ካታማፔ ዩስ። ኢ ሎዶኔ ዊሎ አሲ ጊዲያ ጊሾ ያሳ ካዎቴሳ ዩሳ ናጌስ። ሻንጎታፔ ኢሱዋ ጊዲሽ ከንታ ዞሬቴሳኔኔ አሱዋን ዴና። 52 ሄ ኡራይ ጳላዎሳኮ ቢዲ፡ ዮሱሳ አሃ ሞጋናው ታው ኢማ ጊዲ ዎሲስ። 53 ጳላዎሲ ኤካ ያጊን፡ ዮሱሳ አሃ ዎዲሲዲ አፊላራ ዓሊስ። ዛላፌ ዎጪዲ ኬሲዳ ሃራ አሲ ሞጌቶና አራሳ ዱፎን ዎሲስ። 54 ሳምባቲ ጌላና ሃኒያ ጊሾ ሄ ጋላሳይ ጊጌቴሳ ቃማ።

55 ጋሊላፔ ዴንዲዲ ዮሱሳ ካሊዲ ዩዳ ማጫሳቲ ዮሴፋራ ቢዲ ኢያ አሃ ዋቲ ሞጊያኮ ዱፉዋ አኬኪዲ ቤዲደሶና። 56 ያፔ ሲሚዲ ሺቶኔ ቂባቲያ ጊጊሲደሶና። ሂጌይ ኪቴይሳ ሜላ ሳምባታ ጋላስ ሽምፐ ፔዲደሶና።

24

ዮሱሳ ሃይቆፔ ዴንዲስ (ማቶ 28:1-10፤ ማር 16:1-8፤ ዮሃ 20:1-10)

1 ሳሚንታፌ ኮይሮ ጋላስ፡ ዎጋ ዎዴ ዎንታ ዳሮ ጉራ፡ ማጫሳቲ ባንታ ጊጊሲዳ ሸቂዋ ኤኪዲ ዱፉዋ ቤደሶና። 2 ከንቲ ያ ጋኪያ ዎዴ ዱፉዋ ዶናን ዴዲያ ሹቻይ ጎንዴሬቲዲ ኪቾይሳ ሲሚደሶና። 3 ከንቲ ዱፉዋ ጋሊ ጌሊደሶና፡ ሺን ጎዳ ዮሱሳ አሃ ዴሚሶኮና። 4 ከንቲ ያን ኤቂዲ አይቤ ሃኒዴ ጊዲ ቆፐሺን አኬኮና ዳሮ ጳሊያ አፊላ ማዲዳ ናምዑ አሳቲ ከንታ ማታን ኤቂደሶና። 5 ማጫሳቲ ያሽቲዲ ባንታ ሁዲያ ሳዓን ዜቂ አሲዲ ዴዲሺን፡ አሳቲ ከንታኮ፡ «ዴዎን ዴዔይሳ ሃይቆታ ጊደን አይስ ኮዩቲ? 6-7 ኢ ሃይሳን ዴና፤ ሃይቆፔ ዴንዲስ፡ «አሳ ናዓይ ናጋራንቸታ ኩሼን አዲ ኢሚታና፤ ከንቲካ ኢያ ካቃና። ኢ ሄሻንሶ ቃማን ሃይቆፔ ዴንዳና» ያኒዲ፡ ኢ ሂንቴራ ጋሊላን ዴዲሽ ሂንቴው አዲዳ ቃላ ቆፐፔ» ያኒስ።

8 ማጫሳቲ ሄ ዎዴ ኢያ ቃላ ቆፐደሶና።

9 ማጫሳቲ ዱፉዋፔ ሲሚዲ ሃኒዳባ ኡባ ታማኔ ኢሶታሲኔ ሃራታሲካ አዲደሶና። 10 ሄሳ ሃዋሬታስ አዲዳይ ማግዴላ ማይራሞ፡ ዮሃና፡ ያይቆባ አዩው ማይራሞኔ ከንታራ ዴዲያ ሃራ ማጫሳታ። 11 ሺን ከንታው ማጫሳቲ አዲዳይሲ ኤልሞ ዳኒን አማኒሶኮና። 12 ሺን ጲዲሮሲ ዴንዲ ዎዲዲ ዱፎ ቤስ። ሄ ቤሳ ጋኪዲ ሆኪ ጋሊ ያሊያ ዎዴ ሞጎ አፊላ ዓላላ ቤዲስ። ሃኒዳባን ማላሌቲሽ ባ ሶ ሲሚስ።

23:30 ሆሴ 10:8፤ ዮቆ 6:16 \* 23:33 ቂራኒዮ፡ ቂራኒዮ ጌሴ ጊሪኬ ዶና፡ አራማይኬ ዶናን «ጎልጎታ» ዎይኮ «ሁዔ ጉጌ» ጉሱ፡ ቂራኒዮ ጊያ ሱንሳይ ኢሜቲዳይ ዮሱሳ ካቂቲዳይ አሳ ሁዔ ጉጌ ዳኒያ ቤሳን ጊዲያ ጊሾሳ። ሄ ቤሳይ ሮሜ ካዎቴሳይ ዎራንቸታ ካቂያ ቤሲ። (ማቶ 27: 33፤ ማር 15:22፤ ዮሃ 19:17) 23:34 ማዝ 22:18 23:35 ማዝ 22:18፤ ማዝ 22:7 23:36 ማዝ 69:21 23:44-45 ኬሳ 26:31 23:46 ማዝ 31:5 23:49 ሉቃ 8:2 23:56 ኬሳ 20:10፤ ዛሬ 5:14 24:6-7 ማቶ 16:21፤ 17:22-23፤ 20:18-19፤ ማር 8:31፤ 9:31፤ 10:33-34፤ ሉቃ 9:22፤ 18:31-33



**ኤማሁሴ አጊያ ቦላ**  
(ማር 16:12-13)

13 ሄ ጋላስ ካሊያ ታማራታፔ ናምዓቲ ዩሩሳሌም ላይ ታማኔ ኢሲ ኪሎ ሚቲሬ ሃኪያ ኤማሁሴ ጉታ ቦሶና። 14 ኤንቲ ዎላ ሃኒዳባ ኡባ አዴቶሶና። 15 ኤንቲ ሄ ሃኖታባ ቆፒሼኔ አዴቲሼ ቢያ ዎዴ ዩሱሲ ባ ሁዔን ሺቂዲ ኤንታራ ቤስ። 16 ሃኖሺን፣ ኤንቲ ኢያ ኤሮና ሜላ ኤንታ አይፌይ አይኬቲስ።

17 ኢ፣ «ሂንቲ ዎላ አጌ ቦላ ዴዲሼ አዴቲይሲ አይቤ?» ያጊስ።

ኤንቲ አዛኒዲ ሲዲ ጊዲ ኤቂዶሶና።

18 ኤንታፌ ኢሶይ ቂሊዮጳ ጌቲቲይሲ፣ «ሃ ቃማታ ጊዶን ዩሩሳሌምን ሃኒዳባ ኤሮናይሲ፣ ኔ ቢታስ ኢማሴዬ?» ያጊስ።

19 ኢ ዛሬዲ፣ «ኢ ሃኒዳይሲ አይቤ?» ያጊዲ አይቺስ።

ኤንቲ፣ «ዎላ ሲንሳኒኔ አሳ ሲንሳን አሰኒኔ አዳን ሚኖ ናቤ ጊዲዳ ናዘሬቲ ዩሱሳባ። 20 ኢያ ካሂኔ ሃላቃቲኔ ኑና ሃሬይሳቲ ሃይቆ ፒርዳስ አሲ ኢሚዲ፣ ካቂዶሶና። 21 ኑኒ ኢስራዔል አሳ ዎዛንዴ ጊዲ ኡፋይቲዲ ናጊዳሺን ሃይሲ ሃኒን ሃቺ ሄኻንሶ ቃማ። 22 ቃሲ ኑ ጊዶፌ ኢሲ ኢሲ ማጫሳቲ ኑና ማላሊሲዶሶና። ኤንቲ ሃቺ ዎንታ ጉራ ዱፋዎ ቢዶሶና። 23 ኢያ አሃ ዳዩዳ ዎዴ ሲሚ ዩዲ፣ «ኢ ፓፃ ዴዲስ» ያጊያ ኪታንቾቲ ቆንጫን ቤዲዳ ያጊዲ አዲዶሶና። 24 ኑ ጊዶፌካ ኢሶቲ ኢሶቲ ዱፋዎ ቢዲ ማጫሳቲ አዲዳይሳሶ ሃኒን ቤዲዶሶና፣ ሺን ኢያ ቤዲቦኮና» ያጊስ።

25 ኢ ኤንታኮ፣ «ሂንቲኖ፣ አኬኮና አሳው፣ ሂንቲ ዎዛናይ ናቤቲ አዲዳባ ኡባ አማናናው ጋምዲይሳቶ፣ 26 ኪሪስቶሲ ሃ ሜቱዎ ኤካናውኔ ባ ቦንቹዎን ጌላናው ቤሴኔ?» ያጊስ። 27 ሙሴፔኔ ናቤታ ኡባሬ ዴንዲዲ ጌሻ ማፍን ኢያባይ ፃፌቲዳይሳ ኡባ ኤንታው ቆንጫሲስ።

28 ኤንቲ ቢያ ጉታኮ ማታቲዳ ዎዴ ዩሱሲ አዲዲ ሃሆ ሶ ቢያ ዳኒን፣ 29 ኤንቲ፣ «ሳዓይ ቃሚዳ ጊሾ ኑራ አቃ» ያጊዲ ሚንሲዲ ዎሲዶሶና። ሄሳ ጊሾ፣ ኤንታራ አቃናው ጌሊስ።

30 ኤንታራ ኢሲፌ ጋይታ ቦላ ኡቲዲ፣ ኡይሳ ዴንሲዲ፣ ሜንሲ አንጂዲ ኤንታው ኢሚስ።

31 ሄ ዎዴ ኤንቲ ኤራና ሜላ ኤንታ አይፌይ ዶዩቲስ። ኤንቲካ ኤሪዶሶና። ሺን ኢ ኤንታፌ ጌሚስ። 32 ኤንቲ፣ «ኑ አጊያ ቦላ ዴዲሺን ኢ ኑስ ጌሻ ማፍ ቢርሺሺኒኔ ኑና ሃሳዩሲሺን ኑ ዎዛናይ ፀጌቲቤኔ?» ያጊዶሶና። 33 ሄ ዎዴ ዴንዲዲ ጉዩ ዩሩሳሌም ዩዶሶና። ታማኔ ኢሶቲኔ ሃራቲ ኢሲ ቦላ ሺቂዲ ዴዲሺን ዴሚዶሶና።

34 ኤንቲ፣ «ጎዳይ ቱማ ዴንዲስ፤ ሲሞናስ ቆንጫስ» ያጊዶሶና።

35 ሄ ናምዑ ታማራቲ ኤማሁሴ አጊያ ቦላ ዴዲሺን ሃኒዳይሳኔ ኡይሳ ሜንሲዳ ዎዴ ዋቲ ኢያ ኤሪዳኮ ኤንታው አዲዶሶና።

**ዩሱሲ ባ ታማራታስ ቆንጫስ**  
(ማቶ 28:16-20፤ ማር 16:14-18፤ ዮሃ 20:19-23፤ ሃ.አ 1:6-8)

36 ናምዑ ታማራቲ ሄሳ አዳ ቦላ ዴዲሺን፣ ዩሱሲ ኤንታ ጊዶን ኤቂዲ፣ «ሳሮይ ሂንቲው ጊዶ» ያጊስ።

37 ጊዶሺን፣ ኤንቲ ዳጋሚዲ፣ ሞይቲሌ ቤዲዳ ዳኒን ያዩዶሶና።

38 ኢ ኤንታኮ፣ «አይስ ባቢዴቲ? አይስ ሲዴይ ሂንቲ ዎዛናን ጌሊዴ? 39 ታ ኩሺያኔ ታ ቶሁዎ ቤዲቲ፤ ታኒ ታና። ቃሲ አይኪዲ ቤዲቲ፤ ታናን ሂንቲ ቤዴይሳዳ፣ ሞይቲሌስ አሾይኔ ሜቄሲ ባዎ» ያጊስ። 40 ያጊዲ፣ ባ ቶሁዎኔ ባ ኩሺያ ኤንታ ቤሲስ። 41 ኤንቲ ኡፋይሳፌ ዴንዶይሳን አማኖና ማላሌቲሳን ዴዲሺን፣ ዩሱሲ ኤንታኮ፣ «ሃይሳን ሂንቲው ሚያባይ ዴዲ?» ያጊስ። 42 ኤንቲ ኢሲ ጫጩቲዳ ሞሎ ኢያው ኢሚዶሶና። 43 ኢ ኤኪዲ ኤንታ ሲንሳን ሚስ።

44 ኢ፣ «ታ ሂንቲራ ጋምዲዳ ዎዴ ኡባን ሙሴ ማፍታን፣ ናቤታ ማፍታኒኔ ማዘሙሬ ማፍታን፣ ታ ጊሾ ፃፌቲዳባይ ኡባይ ፖሌታናው ቤሴስ ያጋዳ ታ ሂንቲው አዲዳ ቃላይ ሃይሳ» ያጊስ።

45 ሄ ዎዴ ጌሻ ማፍታ አኬካና ሜላ ዎዛና ኤንታ ዶዩስ። 46 ሄሳዳካ፣ «ኪሪስቶሲ ዋዩ ኤካና፣ ሄኻንሶ ቃማን ሃይቆፔ ዴንዳና ያጊዲ ፃፌቲስ። 47 ዩሩሳሌም ዴንዲዲ አሳ ኡባስ ናጋራፔ ማሮቲሳይኔ አቶቲሳይ ኢያ ሱንሳን ማርካታና። 48 ሂንቲ ሄሳስ ማርካታ። 49 ሄኮ፣ ታካ ታ አዋይ ኢሚዳ ኡፋይሳ ሂንቲው ዩዳና፣ ሂንቲ ሳሎፔ ዎልቃ ማፍና ጋካናው ዩሩሳሌም ካታማን ጋምዲቲ» ያጊስ።

**ዩሱሲ ዴንዲስ**  
(ማር 16:19-20፤ ሃ.አ 1:9-11)

50 ሄሳፌ ጉዩ፣ ቢታኒያ ካታማ ኤንታና ኤኪዲ ቤስ። ባ ኩሺያ ዴንሲዲ አንጂስ። 51 ኤንታና አንጂሼ ኤንታፌ ሻኬቲዲ ፑዴ ሳሎ ኤኬቲስ። 52 ኤንቲ ዘጊ ጎይኒዲ ዳሮ ኡፋይሳን ዩሩሳሌም ሲሚዶሶና። 53 ዶሳ ኡባ ዎዴ ጋላቲሼ ዶሳ ኪሳን ጋምዲዶሶና።

24:49 ሃ.አ 1:4      24:50 ሃ.አ 1:9-11

### ዮሐንስ ፩ኛው ክፍል የሱስ ኪሪስቶስ ዎንጌላ ጋሳ ቆፋ

ዮሐንስ የሱስ ፡ «አሴ ጊዲዲ አሳ ጊደን ቤንቲዳ ያሳ ቃላ» ያጊዲ ቆንጨሴስ። ሃ ዎንጌላይ ፩ፊቲዳይ፡ ኢያ ናባቢያ አሳይ የሱሲ አሳ አሽይሳ ጊዲዲ ያና ጌቲቲዳ ያሳ ናዓ ጊዴይሳ አማናና ሜላኔ ኢያን አማኔይሳታስ ሜሪና ዴይይ ዴይይሳ ኤንቲ ኤሪና ሜላሳ (20:31)።

ዎንጌላስ ኮይሮ ኪፊሌይ ሜሪናባ ጊዲዳ ያሳ ቃላይኔ የሱሲ ኢሶ ጊዴይሳ አዲ ሲሚዲ፡ የሱሲ አሽይሳ ጊዲዲ ያና ጊዳ ያሳ ናዓ ጊዴይሳ ቤሲያ ዱማ ዱማ ማላታታ ቆንጨሴስ። ፩ፊይ፡ የሱስ ኪሪስቶሲ ባ ሁዔን ቱማ ያሳ ናዓኔ ያሳ አዋራ ኢሶ ጊዴይሳ (1:1) ባላ ቆንጨሴስ። የሱሲ ባ ሁዔን ታ አብራሃሜፕ ካሴ ዴዓይስ (8:58) ያጊስ። ወርሴሳን ቶማሲ፡ «ታ ጎዳው፡ ታ ያሳው» ያጊዲ ያጊስ (20:28)። ሄሳፊ ካሊዲ ቃሲ ሃ ማላታታ ቤንቲዳ አይፊያ አዲያ ታሪኬቲ ካሎሶና። ሃ ኪፊሌይ ኢሲ ኢሲ አሳይ የሱሳ አማኔዲ ኢያ ካሌይሳታ ጊዲዳይሳ አይስ፤ ቃሲ ሃራቲ ኢያራ ዋኒዲ ኤቁቲዳኮኔ ዋኒዲ አማናና ኢዲዳኮ አይሶና። ሽምፖ 13-17 ጋካናው የሱሲ አይኬቲዳ አማርሲ ኢያው፡ ኢያ ታማሬታራ አይ ሜላ ሚኖ ጋሄቲሊ ዴዒያኮ፡ ቃሲ ዎንጌላ ጋላስ ካቁታናፕ ሲንሴ ጊጌቲሳ ቃላኔ ሚንሴሶ ቃላ ኤንታው አዲዳይሳ ቆንጨሴስ። ወርሴሳ ሽምፖቲ የሱሲ አይኬቲዳባፍ ፐርዳስ ሸቂዳባ፡ ኢያ ካቁቲሳኔ ኢያ ዴንዱዋ፡ ሄሳዳካ ዴንዱዋፊ ጉዬ ባ ታማሬታስ ኢ ቆንጨዳ ቆንጨሳባ አይሶና።

ዮሐንስ ዎንጌላ አይፊ ቆፋታ

ጌሎ ቆፋ 1:1-18

ፃማቂያ ዮሐንሳኔ የሱሳ ኮይሮ ታማሬታ 1:19-

51

የሱሲ ቆንጨን አሶ አይኮይሳ 2:1-12:50

ወርሴሳ ቃማታ የሱሳላሜ ሄራን 13:1-19:42

ጎዳ ዴንዱዋኔ ቆንጨሳ 20:1-31

ኩሻ ቆፋ፡ ጋሊሳን ዛሪዲ ባ ታማሬታስ ቆንጨይሳ 21:1-25

#### ዴይ ቃላ

1 ቃላይ ኮይሮ ዴይስ። ቃላይካ ያሳራ ዴይስ፤ ሄ ቃላይ ያሳ። 2 ኮይሮፕ ቃላይ ያሳራ ዴይስ። 3 ያሳይ ኡባባ ቃላ ባጋራ ሜዲስ። ሜዴቲዳባፕ ኢሶይካ ኢያ ባጋራ ሜዴቶናባይ ባዋ። 4 ኢያን ዴይይ ዴይስ፤ ሄ ዴይይ አሳስ ፖዎ። 5 ፖዎይ ዱማን ፖዎስ፤ ዱማይ ፖዎታ ያኒቤና።

6 ያሳይ ኪቲዳ፡ ኢሲ ዮሐንሳ ጊያ አሲ ዴይስ።

7 አሳ ኡባይ ፖዎታን አማናና ሜላ ኢ ፖዎስ ማርካ ጊዲዲ ዩስ። 8 ኢ ፖዎታ ማርካታናው ዩሲፕ አቲን ባ ሁዔን ፖዎ ጊዴና። 9 አሳ ኡባስ ፖዲሲያ ቱማ ፖዎይ አላሚያ ዩስ።

10 ቃላይ አላሜን ዴይስ። ያሳይ ቃላን አላሚያ ሜዲስ፡ ሺን አላሜይ ኢያ ኤሪቤና። 11 ኢ

ባይሳታኮ ዩስ፡ ሺን ኢያይሳቲ ኢያ ኤኪቦኮና። 12 ሺን ኢ ባና ኤኪዳይሳታሲኔ ኢያ ሱንሳን አማኔይሳታስ ያሳ ናይታ ጊዳና ሜላ ማታ ኢሚስ። 13 ኤንቲ ያሳፊ የሌቲዶሶናፕ አቲን አሲ የሌቲያ ዎጋን ዎይኮ አዴ ሽኔን ዎይኮ አሳ አዋን የሌቲቦኮና። ያሳይ ኢ ኤንታ አዋ።

14 ቃላይ አሴ ጊዲስ፤ አዶ ኬሃቲሳኔ ቱማ ኩሚዲ ኑ ጊደን ዴይስ። ኢ አዋስ ኢሲ ናዓ ጊዲዲ ኤኪዳ ኢያ ቦንቹዋ ኑኔ ቤዒዳ።

15 ዮሐንሲ ኢያባ ማርካቲስ። ባ ቃላ ዶቁ አሲዲ፡ «ታኒ፡ ታፕ ጉዬራ የይሲ ታፕ ካሴ ዴዒያ ጊሾ ታፕ አዴስ» ጋዳ ማርካቲዳይሲ ሃይሳ» ያጊስ።

16 ኑኔ ኡባይ ኢያ አዶ ኬሃቲሳ ኩሜሳፊ አንጆ ባላ አንጆ ኤኪዳ። 17 ያሳይ ሂጊያ ሙሴ ባጋራ ኢሚስ፡ ሺን አዶ ኬሃቲሳይኔ ቱማቲሳይ የሱስ ኪሪስቶሳ ባጋራ ዩስ። 18 ያሳ ቤዒዳ አሲ አኔካ ባዋ፤ ባ አዋ ማታን ዴዒያ ኢሲ ናዓ ያላሊ ባው ዮሴ ጊዲዳይሲ ኢያ ቆንጨሴስ።

#### ፃማቂያ ዮሐንሳ ማርካቲሳ

(ማቶ 3:1-12፤ ማር 1:1-8፤ ሉቃ 3:1-8)

19 የሱሳላሜን ዴይያ አይሁዴ ሃላቃቲ፡ ካሄኔታኔ ሌዌታ፡ «ኔኔ አኔ?» ጊዲ፡ ዮሐንሳ አይቻና ሜላ ኢያኮ ኪቲን፡ ዮሐንሲ ኤንታው ማርካቲዳ ማርካቲሳይ ሃይሳ።

20 ዮሐንሲ፡ «ታኔ ኪሪስቶሳ ጊዲኬ» ያጊዲ፡ ጌሺዲ ማርካቲሲፕ አቲን ካይቤና።

21 ኤንቲ፡ «ያቲን፡ ኔኔ አኔ? ኔኔ ኤሊያሴዬ?» ያጊዲ አይቹዶሶና።

ዮሐንሲ፡ «አካይ ጊዲኬ» ያጊስ።

ቃሲ ኤንቲ፡ «ኔኔ ያና ጌቲቲዳ ናቢያዬ?»

ያጊዲ አይቹዶሶና።

ዮሐንሲ፡ «አካይ» ጊዲ ዛሪስ።

22 ያቲን፡ «ኔኔ አኔ? ኑኔ ኑና ኪቲዳይሳታስ አዳና ሜላ ኔኔ ኔና አና ጋይ?» ያጊዶሶና።

23 ዮሐንሲ ዛሪዲ፡ «ናቢያ ኢሳያሲ ጊዳይሳዳ፡ ሳዳ አጊያ ሱሪሲፕ!»

ጊዲ ባዞ ቢታን ዋሲያ ኡራ ቃላይ ታና»

ያጊስ።

24 ቃሲ ፋሪሳዌቲ ኪቲዳ አሳቲ 25 ዮሐንሳኮ፡ «ኔኔ ኪሪስቶሳ ዎይኮ ኤሊያሳ ዎይኮ ናቤ ጊዶና ኢዲኮ፡ ያቲን አይስ ፃማቃይ?» ጊዲ አይቹዶሶና።

26 ዮሐንሲ ዛሪዲ፡ «ታኔ ሃሳን ፃማቃይስ፡ ሺን ሂንቲ ኤርና አሲ ሂንቲ ጊደን ኤቁስ። 27 ኢ ታፕ ጉዬራ ዩስ። ታኔ ሃሪ አቶሺን ኢያ ጫማ ዎዶሩዋ ቢሳናው ቤሲኬ» ያጊስ።

28 ሄሲ ኡባይ ዮርዳኖሴ ሻፋፕ ሄፊንሳን፡ ቤታኒያ ካታማን፡ ዮሐንሲ ፃማቂያ ቤሳን ሃኒስ።

#### ያሳ ዶርሳ

29 ዮሐንሲ ዎንጌላ ጋላስ የሱሲ ባኮ ዩሺን ቤዒዲ፡ «አላሚያ ናጋራ ቁቹያ ያሳ ዶርሳይ ሃይሳ! 30 ታኒ፡ ታፕ ጉዬራ ኢሲ አሲ ያና። ኢ ታፕ ካሴ ዴዒያ ጊሾ ታፕ አዴስ» ጋዳ አዲዳይሲ ሃይሳ። 31 ኢ አኔኮ ታኔ ኤሪኬ። ሺን ኢስራዔሌ አሳስ ኢያ ቆንጨሳናው ሃሳን ፃማቃሽ ያስ» ያጊስ።

32 ዮሐንሲ ሃይሳዳ ያጊዲ ማርካቲስ፡ «ጌሻ አያናይ ሳሎፕ ሆሌዳ ዎዲሺኒኔ ኢያራ ዴዒሺን ቤዓስ። 33 ሄሲ ሃናፕ ካሴ ታኔ ኢያ ኤሪኬ። ሺን

ሃሳን ገማቃናው ታና ኪቲዳ ያሳይ፤ <ገሻ አያናይ ወዲዲ ኢያራ ዳዲሽን ነኔ ቤዓናይሲኔ ገሻ አያናን ገማቃናይሲ ኢያ> ያጊዲ ታው አዲስ።<sup>34</sup> ታኒ ሄሲ ሃኒሽን ቤዓዳ፤ ኢ ያሳ ናዓ ጊዲዳይሳ ማርካታይስ» ያጊስ።

**ዮሱሳ ካሊዳ ኮይሮ ታማራታ**

<sup>35</sup> ቃሲ ዎንቴሳ ጋላስ ጥሃኒሲ ባ ታማራታፕ ናምዓታራ ኢሲፌ ኤቁስ። <sup>36</sup> ዮሱሲ አዲሽን ጥሃኒሲ ቤዓዲ፤ «ያሳ ዶርሳይ ሃይሲሽ!» ያጊስ።

<sup>37</sup> ናምዑ ጥሃኒሳ ታማራቲ ጥሃኒሲ ጌይሳ ሲዒዲ ዮሱሳ ካሊዶሶና። <sup>38</sup> ዮሱሲ ባና ካሌይሳታ ጉዬ ሲሚ ቤዓዲ፤ «አይ ኮይቲ?» ያጊዲ አይቺስ።

ኤንቲ ዛሪዲ፤ «አስታማሪያው፤ ነኔ አውን ዴዓይ?» ያጊዶሶና።

<sup>39</sup> ዮሱሲ ኤንታኮ፤ «ሃ ዩዲ ቤዓቲ» ያጊስ። ኤንቲ ቤዲ ኢ ዴዒያሱዋ ቤዒዶሶና። ሄ ጋላስ ሳዓይ ታሙ ሳቲ ሄራ ጊዲያ ጊሾ ኢያ ማታን ፕዒዶሶና።

<sup>40</sup> ጥሃኒሲ ጊዳይሳ ሲዒዲ፤ ዮሱሳ ካሊዳ ናምዑ ታማራታፕ ኢሶይ፤ ሲሞን ጳዒሮሳ ኢሻ ኢንዲሪያሳ። <sup>41</sup> ኢንዲሪያሲ ኮይሮ ባ ኢሻ ሲሞናራ ጋሄቲዲ፤ «ኮኒ ኪሪስቶሳ ዴሚዳ» ያጊስ። <sup>42</sup> ኢንዲሪያሲ ሲሞና ዮሱሳኮ ኤሂስ።

ዮሱሲ ሲሞና ቤዓዲ፤ «ኔኒ ዮና ናዓ ሲሞና፤ ኔ ሱንሳይ ኬፋ \* ጊዲ ዌጌታና» ያጊስ።

**ዮሱሲ ፊልጶስ ናቲናዒላ ዌጊስ**

<sup>43</sup> ዎንቴሳ ጋላስ ዮሱሲ ጋሊላ ቤታ ባናው ቆፋ ቃቺስ። ኢ ፊልጶስ ጋሄቲዲ፤ «ታና ካላ!» ያጊስ። <sup>44</sup> ፊልጶስ፤ ኢንዲሪያሲኔ ጳዒሮሲ ዴዒዳ ቤቴሳይዳ ካታማፕ ዩዳ አሴ።

<sup>45</sup> ፊልጶስ ናቲናዒላራ ጋሄቲዲ፤ «ሙሴይ ሂጌ ማጻፋን፤ ቃሲ ናቤቲካ ኢያባ ጻፊዳ ዮሴፋ ናዓ ናዘራቲ ዮሱሳ ኮኒ ዴሚዳ» ያጊስ።

<sup>46</sup> ናቲናዒላ ዛሪዲ፤ «ናዘራቲ ካታማፕ ሎዶባይ ኬያናው ዳንዳዒ?» ያጊስ።

ፊልጶስ፤ «ያዳ ቤዓ» ያጊስ።

<sup>47</sup> ናቲናዒላ ባኮ ዩይሳ ዮሱሲ ቤዓዲ፤ «ጌኔይ ባይና ቱማ ኢስራዔል አሲ ሃይሳ!» ያጊስ።

<sup>48</sup> ናቲናዒላ ዮሱሳኮ፤ «ኔኒ ታና አውን ኤራይ?» ያጊስ።

ዮሱሲ ዛሪዲ፤ «ፊልጶስ ኔና ዌጋናፕ ሲንሴ፤ ኔኒ ባላሴ ሚሳ ጋርሳን ዴዲሽን ታኒ ኔና ቤዓስ» ያጊስ።

<sup>49</sup> ናቲናዒላ ዛሪዲ፤ «አስታማሪያው፤ ኔኒ ያሳ ናዓ! ኔኒ ኢስራዔል ካዎ!» ያጊስ።

<sup>50</sup> ዮሱሲ ኢያኮ፤ «ታኒ ኔና ባላሴ ሚሳ ጋርሳን ቤዓስ ጊዳ ጊሾ አማናይ? ኔኒ ሃይሳፌ አዲያ ቤዓና!» ያጊስ። <sup>51</sup> ቃሲ ዮሱሲ፤ «ታኒ ሂንቴው ቱማ አዳይስ፤ ሳሎይ ዶይቲን፤ ያሳ ኪታንቾቲ አሳ ናዓ ቦላ ኬዩሺኔኔ ዎዲሽን ሂንቴ ቤዓና» ያጊስ።

**2**

**ዮሱሲ ያጋኖ ቤሳን**

<sup>1</sup> ሄሻንሶ ጋላስ ጋሊላ ቤታን ቃና ካታማን ያጋኖይ ያጋኔቲስ። ዮሱሳ አያ ሄ ያጋኑዋን

ዴዓውሱ። <sup>2</sup> ዮሱሲካ ባ ታማራታራ ኢሲፌ ሄ ያጋኑዋ ዌጌቲስ። <sup>3</sup> ዎይኔ ኡሻይ ወሪን፤ ዮሱሳ አያ ዮሱሳኮ፤ «ኤንታው ዎይኔ ኡሻይ ወሪስ» ያጋሱ።

<sup>4</sup> ዮሱሲ ዛሪዲ፤ «ታ አዩ፤ ኔ ሃይሳን ጌሎፓ? ታ ዎይይ ቡሮ ጋኪቤና» ያጊስ።

<sup>5</sup> ዮሱሳ አያ አሳንቾታኮ፤ «ኢ ሂንቴው አዲያባ አይቤባ ጊዲኮካ አሲቲ» ያጋሱ።

<sup>6</sup> አይሁዴቲ ባንታ ጌሾ ዎጋስ ጎሄቲያ ኡሱፑን ሹቻ ባላቲ ሄ ቤሳን ዴዶሶና፤ ኢሲ ኢሲ ባላይ ናምዑ ዎይኮ ሄሹ ፀጋ አይኪስ። <sup>7</sup> ዮሱሲ አሳንቾታኮ፤ «ባላታን ሃሴ ኩንሲቲ» ያጊስ። ኤንቲ ባላታስ ዶና ጋካናው ሃሴ ኩንሲዶሶና።

<sup>8</sup> ዮሱሲ ኤንታኮ፤ «ሃዒ ዱቂዲ ያጋኑዋ አዋቴሳን ፖሊሴይሳስ ኢሚቲ» ያጊስ። ኤንቲ ኢያው ኤፊዲ ኢሚዶሶና።

<sup>9</sup> ያጋኑዋ አዋቴሳን ፖሊሴይሲ ዎይኔ ኡሺ ላሜቲዳ ሃሳ ጋንጊ ኤኪዲ አውፕ ዩዳኮ ኤሪቤና፤ ሺን ሃሳ ኩንሲዳ አሳንቾቲ ኤሮሶና። ያጋኑዋ አዋቴሳን ፖሊሴይሲ ማቺው ኤኪይሳ ዌጊዲ። <sup>10</sup> «አኒካ ሎዶ ዎይኔ ኡሻ አሳ ኮይሮቲዲ ኡሺስ። ያቲዲ አሳይ ኡዩ ካሊዳፕ ጉዩ ቂራሪያ ኢሜስ። ሺን ኔኒ ሎዶ ዎይኔ ኡሻ ሃኖ ጋካናው ዎሳ አጋዳሳ» ያጊስ።

<sup>11</sup> ዮሱሲ ሃ ኮይሮ ማላታ ጋሊላ ቤታን ቃና ካታማን አሲስ፤ ሄሳን ባ ጊታቴሳ ቤሲስ። ኢያ ታማራቲ ኢያ አማኒዶሶና።

<sup>12</sup> ሄሳፌ ጉዩ፤ ዮሱሲ ባ አዩራ፤ ባ ኢሻታራ ኔ ባ ታማራታራ ኢሲፌ ቂራርናሆሜ ካታማ ቤዲ ጉሳ ጋላስ ጋምዒስ።

**ዮሱሲ ያሳ ኬሳፌ ዛልዒይሳታ ኬሲስ**

(ማቶ 21:12-13፤ ማር 11:15-17፤ ሉቃ 19:45-46)

<sup>13</sup> አይሁዴቲ ቦንቺያ ፓሲካ ባሌ ጋላሳይ ማታቲን ዮሱሲ ዩሩሳላሜ ቢስ። <sup>14</sup> ቤዲ ያሳ ኬሳን ቦራታ፤ ሚዛታ፤ ዶርሳታኔ ሆሌታ ባይዜይሳታኔ ባንታ አይዲያን ኡቲዲ ሚሽ ላሜይሳታ ዴሚስ። <sup>15</sup> ኢ ፀርቃፌ ዶቂዲ አሳ ኡባ ኤንታ ሚሄታራ ያሳ ኬሳፌ ጎዲዲ ካሬ ኬሲስ። ሚሽ ላሜይሳታ ጻርጳዛታካ አሲ ዩጊዲ ኤንታ ሚሺያ ላሊስ። <sup>16</sup> ሆሌ ባይዜይሳታ፤ «ሃ ሆሌታ ሃይሳፌ ኬሲቲ፤ ታ አዋ ኬሳ ጊያ አሶፊቲ» ያጊስ።

<sup>17</sup> ኢያ ታማራቲ ጌሻ ማጻፋን፤ «ታኒ ኔ ኬሳስ ሚሽቲያ ሚሻይ ታና ታማዳ ፀጌስ» ጌቲቲዲ ጻፌቲዳይሳ አኪኪዶሶና።

<sup>18</sup> ሄሳፌ ጉዩ፤ አይሁዴቲ ዛሪዲ፤ «ኔ ሃይሳ አሳናው ኔው ማቲ ዴዔይሳስ ኮና አይ ማላታ አሳዳ ቤሳኔ?» ያጊዶሶና።

<sup>19</sup> ዮሱሲ፤ «ሃ ያሳ ኬሳ ላሊቲ፤ ታኒ ሄሹ ጋላሳን ዛራዳ ኬፃና» ያጊስ።

<sup>20</sup> ቃሲካ አይሁዴቲ፤ «ሃ ያሳ ኬሳ ኬፃናው አይታማኔ ኡሱፑን ሳይሲ ኤኪስ፤ ሺን ኔኒ ሄሹ ጋላሳን ኬፃኔ?» ያጊዶሶና።

<sup>21</sup> ሺን ዮሱሲ አዲያ ያሳ ኬሳይ ባ አሳቴሳባ።

<sup>22</sup> ሄሳ ጊሾ፤ ዮሱሲ ሃይቆፕ ዴንዲዳፕ ጉዩ ኢያ ታማራቲ ኢ ሄሳ ጊዳይሳ አኪኪዶሶና። ቃሲ

\* 1:42 ኬፋ፡ ጊያ ቃላይ አራማይኬ ዶና ጊዲሽን፤ ጊሪኬ ዶናን ቢርሽላይ ጳዒሮሳ ዎይኮ ዛላ ጉሱ። 1:51 ሜዴ 28:12 2:12 ማቶ 4:13 2:13 ኬሳ 12:1-27 2:17 ማዘ 69:9 2:19 ማቶ 26:61፤ 27:40፤ ማር 14:58፤ 15:29



ኤንቲ ጌሻ ማፃፍን ገፌቲዳይሳኔ ዩሱሲ አዲዳይሳ አማኒዶሶና።

23 ዩሱሲ ፓሲካ ቦንቺያ ቤሳን ዩሩሳላሜን ዴቢሺን፣ ኢ አሲዳ ማላታታ ቤቢዲ ዳሮ አሳይ ኢያ አማኒዶሶና። 24 ሺን ዩሱሲ አሳ ኡባ ኤሪያ ጊሾ ኤንታ አማኒቤና። 25 አሳ ዎዛናን ዴቢያባ ኢ ባ ሁዔን ኤሪያ ጊሾ አሳባ አኒካ ኢያው አዳና ሜላ ኮሺቤና።

3

ዩሱሳኔ ኒቆዲሞሳ

1 ፋሪሳዊታ ያራፔ ጊዲዳ፣ አይሁዴታ ሃላቃይ፣ ኒቆዲሞሳ ጊያ ኢሲ አዴይ ዴዔስ። 2 ኒቆዲሞሲ ቃማ ዩሱሳክ ዩዲ፣ «አስታማሪያው፣ ኔኒ ያሳይ ኪቲዳ አስታማሪ ጊዴይሳ ኑኒ ኤሮስ። አይስ ጊኮ፣ ያሳይ ኢያራ ዶና ኢዲኮ ሃ ኔኒ አሲያ ማላታ አሳናው ዳንዳዲያ አሲ ባዎ» ያጊስ።

3 ዩሱሲ ዛሪዲ፣ «ታኒ ኔው ቱማ አዳይስ፤ አኒካ ዛሪ ዩሌቶና ኢዲኮ ያሳ ካዎቴላ ቤዓናው ዳንዳዲያ» ያጊስ።

4 ኒቆዲሞሲ፣ «ጩጋ አሲ ዋኒዲ ዛሪ ዩሌታናው ዳንዳዲ? ባ አዩ ኡሎ ሲሚ ጌሊዲ ዛሪ ዩሌታናው ዳንዳዲ?» ያጊስ።

5 ዩሱሲ ዛሪዲ፣ «ታኒ ኔው ቱማ አዳይስ፤ አኒካ ሃሳፌኔ ጊሻ አያና፤ ዩሌቶና ኢዲኮ፣ ያሳ ካዎቴላ ጌላናው ዳንዳዲና። 6 አሾ ናዓቴሲ አወፔኔ አዩፔ ዩሱ፤ ያሳ ናዓቴሲ ጊሻ አያና፤ ኢሜቴስ። 7 ታኒ፣ «ሂንቴ ዛሪ ዩሌታናው ቤሴስ» ጋዳ ሂንቴው አዲዳ ጊሾ ኔኒ ማላሌቶ።

8 ጫርኮይ ባ ኮዩዳ ቤሲ ጫርኮስ። ኔኒ ኢያ ኮሺንቻ ሲዓሳፕ አቲን ኢ አወፔ ያኮ ዎይኮ አው ቢያኮ ኤራካ። አያና፤ ዩሌቲዳ ኡባይ ሄሳ ሜላ» ያጊስ።

9 ያቲን ኒቆዲሞሲ፣ «ሄሲ ዋኒዲ ሃናናው ዳንዳዲ?» ያጊስ አይቺስ።

10 ዩሱሲ ዛሪዲ፣ «ኔኒ ኢስራዔላታ አስታማሪ ጊዳሽ ሃይሳ ኤሪኪ? 11 ታኒ ኔው ቱማ አዳይስ፤ ኑ ኤሪያባ አዶሲኔ ቤዒዳባ ማርካቶስ፣ ሺን ኑ ማርካቶሳ ሂንቴ ኤኬኬታ። 12 ታኒ ሂንቴው ሳዓባ አዲን ሂንቴ አማናባ ጊዲኮ ሳሎባ አዲን ዋቲ አማና? 13 ሳሎፔ ዎዲዳ አሳ ናዓፔ አቲን ሳሎ ኬዩዳይ አኒካ ባዎ፤ [ሳሎን ዴቢያ አሳ ናዓይ ታና]» ያጊስ።

14-15 ሙሴይ ባዞ ቢታን ቢራታ ሾሺ ከቂዳይሳዳ ታና አማኒዳ ኡባይ ሜሪና ዴዐ-ዎ ኤካና ሜላ አሳ ናዓይ ዶቁ ጋናው ቤሴስ።

16 ያሳ ናዓ አማኒያ ኡባይ ሜሪና ዴዐ-ዎ ላታና፤ አቲን ዳዮና ሜላ ያሳይ ሃ አላሚያ ዳሮ ዶሲዳ ጊሾ ባ ኢሲ ናዓ ኢሚስ። 17 ያሳይ ባ ናዓ ሃ አላሚያ ኪቲዳይ አላሚያ ፐርዳናው ጊዶናሺን አላሚያ ኢያ ባጋራ አሻና።

18 ናዓ አማኒያ አኒካ ፐርዴቴና፣ ሺን ናዓ አማናና አኒካ ኢሲ ያሳ ናዓ አማኒቦና ጊሾ ሃዒ ፐርዴቴስ። 19 ፐርዳይካ ሃይሳ፣ ፖይይ አላሚያ ዩስ፣ ሺን አሳ አሶይ ኢታ ጊዲያ ጊሾ አሳይ ፖዑዋፔ አሲዲ ዲማ ዶሴስ። 20 ኢታባ አሲያ

አኒካ ፖዎ ኢደስ። አይስ ጊኮ፣ ባ አሶይ ቆንጮና ሜላ ፖዑዋኮ ዩና። 21 ሺን ቱማ አሲያ አኒካ ያሳይ ኪቲዳይሳዳ ኢ አሲዳይሳ ፖይይ ቆንጮሳና ሜላ ፖዑዋኮ ዩስ።

ዩሱሳኔ ማጭያ የሃኒሳ

22 ሄሳፌ ጉዩ፣ ዩሱሳኔ ኢያ ታማራቲ ዩሁዳ ቢታ ቢዶሶና። ዩሱሲ ያን ማጭሽ ኤንታራ ጉሳ ዎዴ ኡቲስ።

23 ቃሲ የሃኒሲ ሳሌሜ ማታን ዴቢያ ሄኖና ጊያሶን ጊዲያ ሃሲ ዴቢያ ጊሾ አሳ ያን ማጭስ። አሳይካ ያ ቢዲ ማጭቶሶና። 24 ሄ ዎዴ የሃኒሲ ቡሮ ቃሽቲቤና።

25 ሄሳፌ ጉዩ፣ የሃኒሳ ታማራቲኔ ኢሲ አይሁዴ አዴይ † ጌሾ ዎጋባ ፓላሚዶሶና።

26 ኤንቲ የሃኒሳኮ ቤዲ፣ «አስታማሪያው፣ ዮርዳኖሴ ሻፋፔ ሄሬንሳን ኔራ ዴዔይሲ፣ ኔኒ ኢያባ ማርካቶዳይሲ፣ ሄኮ ማጭስ። አሳይ ኡባይካ ኢያኮ ቦሶና» ያጊዶሶና።

27 የሃኒሲ ዛሪዲ፣ «ያሳይ ኢሞና አሲ አይቢባካ ኤካናው ዳንዳዲና። 28 «ታኒ ኪሪስቶሳ ጊዲኬ፣ ሺን ኢያፔ ሲንሴ ኪቲታስ» ጊዳይሳስ ሂንቴ፣ ሂንቴ ሁዔን ታው ማርካ። 29 ጌሎስ ጊጊዳራ ኤኬናው ጊጊዳይሳሳ፣ ኤኬይሳ ላጌይ ኢያ ማታን ኤቂዲ ኢ ጌይሳ ሲዲያ ዎዴ ዳሮ ኡፋይቴስ። ሄሳ ጊሾ፣ ሃይሲ ታ ኡፋይሳይ ፖሌቲስ። 30 ኢ ጊታታናው ታኒ ጉፃናው ቤሴስ» ያጊስ።

31 ቦላፌ ዩይሲ ኡባፌ ቦላ፣ ሳዓፔ ቤንቲዳይሲ ሳዓባ። ኢ ሳዓባ አዴስ። ሳሎፔ ዩይሲ ኡባፌ ቦላ፣ 32 ኢ ባ ቤዒዳባኔ ሲዲዳባ ማርካቶስ፣ ሺን ኢያ ማርካቶሳ ኤኬይ ባዎ። 33 ኢያ ማርካቶሳ ኤኬያ አኒካ ያሳይ ቱማ ጊዴይሳ ቆንጮሴስ። 34 ያሳይ ባ ጌሻ አያና ኢያው ኩሜሲ ኢሚያ ጊሾ ያሳይ ኪቲዳይሲ ያሳ ቃላ አዴስ። 35 አዎይ ባ ናዓ ዶሲዲ ኡባባ ኢያ ኩሼን ዎሲስ። 36 ናዓ አማኒያ ኡራስ ሜሪና ዴይይ ዴዔስ። ሺን ናዓ አማናናይሳ ቦላ ያሳ ሃንቆይ ዴዔሲፔ አቲን ኢ ዴይ ዴሜና።

4

ዩሱሳኔ ሳማራ ማጫሲው

1 ዩሱሲ የሃኒሳይሳፌ ዳሪያ ካሌይሳታ ባኮ ሺሼይሳኔ ማጭይሳ ፋሪሳዊቲ ሲዲዶሶና።

2 ጊዲኮካ ዩሱሳ ታማራቲ ማጭዶሶና፤ አቲን ዩሱሲ አናካ ማጭቤና። 3 ዩሱሲ አሳይ ኢያባ ጌይሳ ሲዲ ዳ ዎዴ ዩሁዳፔ ዴንዲዲ ጋሊላ ቢስ።

4 ጋሊላ ቢሼ ሳማራራ አዳናይሲ ኢያው አቶናባ ጊዲስ።

5 ሄሳ ጊሾ፣ ያይቆቢ ባ ናዓ ዮሴፋስ ኢሚዳ ጋዲያ ማታን ዴቢያ ሲካሬ ጊያ ሳማራ ካታማ ቢስ። 6 ሄ ቤሳን ያይቆባ ሃሳ አላይ ዴዔስ። ዩሱሲ ሃሙሳን ዳቡራዲ ሄ ሃሳ አላ ማታን ኡቲስ። ሄ ዎዴ ሳዓይ ኡሱፑን ሳቴ ሄራ።

7 ኢሲ ሳማራ ካታማ ማጫስ ሄ አላፌ ሃሴ ቲካናው ያሱ። ዩሱሲ ሄ ማጫሴኮ፣ «ታና ሃሴ ኡሻርኪ» ያጊስ። 8 ሄ ዎዴ ዩሱሳ ታማራቲ ካሲ ሻማናው ካታማ ቢዶሶናሺን።

\* 3:13 ሳሎን ዴቢያ አሳ ናዓይ ታና፣ ኢሲ ኢሲ ቤኔ ማፃፍቲ ጉጆሶና። 3:14-15 ታይ 21:9 3:24 ማቶ 14:3፤ ማር 6:17፤ ሉቃ 3:19-20 † 3:25 ኢሲ አይሁዴ አዴይ፣ ኢሲ ኢሲ ማፃፍቲ «ጉሳ አይሁዴ አሳቲ» ያጎሶና። 3:28 የሃ 1:20 3:35 ማቶ 11:27፤ ሉቃ 10:22 4:5 ሜዴ 33:19፤ ኢያ 24:32

9 ሄ ማጫሲያ ዛራዳ፥ «ኔኒ አይሁዴ አሴ ጊዳሼ፥ ሳማሬ ማጫስ ጊዲያ ታና ዋናዳ ሃሴ ኡሻ ጋይ?» ያጋሱ። ሄሳ ኢያ ጊዳይ አይሁዴቲ ሳማሬታራ ጋሄቶና ጊሾሳ።

10 ዮሱሲ ዛራዳ፥ «ኔኒ ያሳ ኢሞታኔ ሃሴ ታና ኡሻ ጊይሲ አኔኮ ኮሪዳባ ጊዲያኮ ኢያ ኔ ያሳና፤ ኢካ ኔው ዴያ ኢሚያ ሃሴ ኢማናሺን» ያጊስ።

11 ማጫሲያ ዛራዳ፥ «ጎዳው፥ ኔው ዱቂያባይ ባዋ፤ አላይካ ዜቃ። ያቲን፥ ዴያ ኢሚያ ሃሴ ኔ አወፕ ኤካኔ? 12 ኑስ ሃ ሃሳ አላ ኢሚያ ኑ አዋ ያይቆባፕ ኔኒ አዳይ? ኢ፥ ኢያ ናይቲኔ ኢያ ሜሄይ ሃ አላፌ ኡዩዶሶና» ያጋሱ።

13 ዮሱሲ፥ «ሃ ሃሳፌ ኡዩዳ አኒካ ዛሪ ሳሞታና። 14 ሺን ታኒ ኢማና ሃሳ ኡያ አኒካ ኡባካ ሳሞቲና። ታኒ ኢማና ሃሳይ ኢያ ጊዶን ሜሪና ዴያ ኢሚያ ጎጊያ ፑልቶ ጊዳና» ያጊስ።

15 ማጫሲያ ዛራዳ፥ «ጎዳው፥ ታኒ ሳሞቶና ሜላኔ ሃሴ ቲካናው ሃ ቤሳ ዮና ሜላ ታው ሄ ሃሳ ኢማ» ያጋሱ።

16 ዮሱሲ ኢኮ፥ «ባዳ ኔ አዚና ዪጋዳ ያ» ያጊስ።

17 ማጫሲያ ዛራዳ፥ «ታው አዚኒ ባዋ» ያጋሱ።

ዮሱሲ ኢኮ፥ «ታው አዚኒ ባዋ ጉሳን ባላባካ።

18 ኔው ካሴ ኢቻሾ አዚናቲ ዴያሶና። ሃዲ ኔራ ዴዲያ አይይ ኔ አዚና ጊዴና። ኔኒ ሃዲ ቱማ አዳዳሳ» ያጊስ።

19 ማጫሲያ ዛራዳ፥ «ጎዳው፥ ኔኒ ናቤ ጊዴይሳ ታኒ ኤራስ። 20 ኑ አዋቲ ሃ ዴሪያ ቦላ ያሳ ጎይኒዶሶና። ሺን ሂንቱ አይሁዴቲ አሲ ያሴ ጎይናናው ቤሲያ ቤሳይ ዮሩሳላሜና ጊታ» ያጋሱ።

21 ዮሱሲ፥ «ሃ ማጫሴቱ ታና አማና፤ ሃ ዴሪያ ቦላ ያይኮ ዮሩሳላሜን አዋ ሂንቱ ጎይናና ያዴይ ያና። 22 ሂንቱ ሳማሬቲ ኤርናይሳ ጎይታ። ሺን ኑኒ አቶቲሳይ አይሁዴፕ ያ ጊሾ ኑ ኤራይሳ ጎይናስ። 23 ሺን አዋ ቱማን ጎይኒይሳቲ አያናኒኔ ቱማቲሳን ጎይናና ያዴይ ማታቲስ፤ ሃዲካ ጋኪስ። ሂዛ፥ አዋይ ኮዩይ ሃይሳ ሜላ አጊያን ጎይኒይሳታ። 24 ያሳይ አያና፤ ኢያው ጎይኒይሳቲ አያናኒኔ ቱማቲሳን ጎይናናው ቤሴስ» ያጊስ።

25 ማጫሲያ ዛራዳ፥ «ኪሪስቶሲ ያናይሳ ታኒ ኤራይስ። ኢ ያ ያዴ ኑስ ኡባባ አዳና» ያጋሱ።

26 ዮሱሲ፥ «ሃ ኔራ አዴቲይ ታኒ ኢያ» ያጊስ።

27 ኤንቲ አዴቲሺን፥ ዮሱሳ ታማሬቲ ቤዳ ቤሳፌ ሲሚዶሶና። ዮሱሲ ማጫሳራ አዴቲሺን ኤንቲ ቤዲዲ ዳሮ ማላሌቲዶሶና። ሺን ማጫሴኮ፥ «አይ ኮያይ?» ያደኮ ዮሱሳኮ፥ «ኢራ አይስ አዴታይ?» ጊዳይ አኒካ ባዋ።

28 ሄሳፌ ጉዩ፥ ማጫሲያ ባ ሃሳ አቱዋ አጋዳ ጉዩ ካታማ ባዳ አሳኮ፥ 29 «ታኒ አሲዳባ ኡባ ታው አዲዳ አዲያ ቤዳናው ዮዲቱ። ኢ ኪሪስቶሳ ጊዳንዴሻ?» ያጋሱ። 30 አሳይ ካታማፕ ኬዩዲ ዮሱሳኮ ቢዶሶና።

31 ሄሲ ሃኒሺን፥ ኢያ ታማሬቲ ዮሱሳኮ፥ «ጉሳባ ማርኪ» ያጊዲ ያሲዶሶና።

32 ሺን ኢ፥ «ታው ሂንቱ ኤርና ካሲ ታ ሜይሲ ዴዔስ» ያጊስ።

33 ሄሳ ጊሾ፥ ኢያ ታማሬቲ ባንታ ጊዶን፥ «ኢያው ሚያባ አሲ ኤሆና አጊና?» ያጊዶሶና።

34 ዮሱሲ ኤንታኮ፥ «ታ ካሳይ ታና ኪቲዳይሳ ሼኒያ አሳናይሳኔ ኢያ አሱዋ ፖላናይሳ።

35 ሂንቱ፥ «አይዱ አጊናፕ ጉዩ ካሳይ ጫኪታና» ጊኬቲዩ? ሺን ታኒ ሂንቱው አዳይስ፤ ካሳይ ካሂዲ ሺሾስ ጋኪዳይሳ ሎይሲ ዪሊቱ። 36 ዜራይሲኔ ጫኪይሲ ኢሲፌ ኡፋይታና ሜላ ጫኪይሲ ዳሞዜ ኤኬስ ቃሲ ካሳ ሜሪና ዴያስ ሺሾስ።

37 ሂዛ፥ «ኢሶይ ዜራስ፤ ሃንኮይ ቃሲ ጫኪስ» ጊያ አዳይ ቱማ። 38 ሂንቱ ዳቡሪቦናይሳ ሺሻና ሜላ ታኒ ሂንቱና ኪታስ። ሃራቲ አሲ ዳቡሪዳሱዋን ጊሊዲ ሂንቱ ኤንታ ዳቡራ አይፊያ ኤኪዴታ» ያጊስ።

39 ማጫሲያ፥ «ኢ፥ ታኒ አሲዳ ኡባባ አዲስ» ጋዳ ማርካቲዳ ጊሾ ሄ ካታማን ዴዲያ ሳማሬ አሳፕ ዳርቲ ዮሱሳ አማኒዶሶና። 40 ሳማሬ አሳይ ዮሱሳኮ ዩዲ፥ ባንታ ማታን ጋምዳና ሜላ ዮሱሳ ያሲን ኢ ያን ናምዑ ጋላስ ኡቲስ።

41 ኢ አዲያ ቃላ ጊሾ ካሴይሳፌ ዳሮ አሳይ አማኒዶሶና። 42 ቃሲ ኤንቲ ማጫሴኮ፥ «ሃዲ ኑ አማኒይ ኑ ሁዔን ኢ ጊይሳ ሲዲዳ ጊሾሳፌ አቲን ኔኒ ማርካቲዳ ጊሾሳ ጊዴና። ቃሲ ኢ ቱማ ሃ አላሚያ አሼይሳ ጊዴይሳ ኑኒ ኤራዳ» ያጊዶሶና።

**ዮሱሲ ኢሲ ሹማ ናዓ ፓሲስ**

43 ናምዑ ጋላሳፕ ጉዩ፥ ዮሱሲ ያፕ ኬዩዲ ጋሊላ ቢታ ቢስ። 44 ዮሱሲ ባ ሁዔን፥ «ናቤይ ባ ቢታን ቦንቼቱና» ያጊዲ ካሴቲዲ አዲስ።

45 ዮሱሲ ጋሊላ ጋኪዳ ያዴ ጋሊላ አሳይ ኢያ ሞኪዶሶና። አይስ ጊኮ፥ ፓሲካ ባሌ ቦንቼያ ጋላስ ኤንቲ ዮሩሳላሜን ዴዲያ ጊሾ ኢ አሲዳባ ኡባ ቤዲዶሶና።

46 ዮሱሲ ሃሳ ያይኔ ኡሺ ላሚዳ ቤሳ፥ ጋሊላን ዴዲያ ቃና ካታማ ቢስ። ቂሬርናሆሜን ካዎ ኬሳን አሲያ ኢሲ ሹማስ ናዩ ሃርጊቲስ።

47 ዮሱሲ ዩሁዳፕ ጋሊላ ዩዳይሳ ሄ ሹማይ ሲዲዲ ኢያኮ ዩስ። ሃይቃናው ማቲዳ ባ ናዓ ቢዲ ፓሳና ሜላ ዮሱሳ ያሲስ።

48 ዮሱሲ ሹማኮ፥ «ያሳይ አሲያ ማላታታኔ አራሳባታ ቤዶና ዴዲሼ ሂንቱ ኡባራካ አማኒኪታ» ያጊስ።

49 ሹማይ ዛራዳ፥ «ጎዳው፥ ታ ናዓይ ሃይቆና ዴዲሺን ታራ ዮዳርኪ» ያጊስ።

50 ዮሱሲ፥ «ኔ ሶ ባ፤ ኔ ናዓይ ፓግና» ያጊስ። ሄ ሹማይ ዮሱሲ ጊዳይሳ አማኒዲ ባ ሶ ቢስ።

51 ኢ ባ ሶ ቢሺን ኢያ አይሌቲ ኢያኮ ዩሼ ኢያራ አጊን ጋሄቲዲ፥ «ኔ ናዓይ ፓግስ» ጊዶሶና።

52 ኢ ባ አይሌታ ባ ናዓስ አይ ሳቲን ሎዲዳኮ አይቺስ። ኤንቲ ዛራዳ፥ «ዚኔ ላፑን ሳቲን ሚሻይ አጊስ» ያጊዶሶና። 53 ናዓ አዋይ ዮሱሲ ባኮ፥ «ኔ ናዓይ ፓግና» ጊዳይ ሄ ሳቲያን ጊዴይሳ አኬኪስ። ሄሳ ጊሾ፥ ኢኔ ኢያ ሶ አሳ ኡባይ አማኒዶሶና።

54 ሄሲ ዮሱሲ ዩሁዳፕ ጋሊላ ዩዲ አሲዳ ናምዳንሶ ማላታ።

**5**

**ዮሱሲ ኢሲ ጉንዳ አዲያ ፓሲስ**

1 ሄሳፌ ጉዩ፥ ዮሱሲ አይሁዴቲ ቦንቼያ ባሊያስ ዮሩሳላሜ ቢስ። 2 ዮሩሳላሜን ዶርሳ ፔንጊያ ማታን ኢብራይስጫ ዶናን ቤቴሳይዳ ጊያ ቱቄቲዳ ሃሲ ዴዔስ። ሄ ቱቄቲ ኡቲዳ ሃሳ

ማታን ኢቻሹ ሽምፒያ ቤሳቲ ደቦሶና።<sup>3</sup> [ሄሳን ሃሳይ ቃገናይሳ ናጊያ] ዳሮ ሃርጋንቸቲ፣ ቆቂቲ፣ ዎቤቲኔ ጉንዳቲ ዜንዲዶሶና።<sup>4</sup> [አይስ ጊኮ፣ ኢሲ ኢሲ ቶሆ ጎዳ ኪታንቸይ ቱቁቲዳ ሃሳን ዎዲዲ ሃሳ ቃሴስ። ሃሳይ ቃጊያ ዎዴ ኮይሮ ጌሊዳ ኡራይ ባና አይኪዳ አይ ሃርጌሬካ ፓዲስ።]<sup>5</sup> ሄ ቤሳን ሃስታማኔ ሆስፑን ላይሲ ሃርጌቲዳ ኢሲ አዴይ ዴዴስ።<sup>6</sup> ዩሱሲ ያን ዜንዲዳ አዲያ ቤዲዲ፣ ቃሲ ዳሮ ዎዴ ሃርጌቲዳይሳ ኤራዲ አዲያኮ፣ «ፓገናው ኮያይ?» ያጊስ።

<sup>7</sup> ሃርጋንቸይ ዛሪዲ፣ «ጎዳው፣ ሃሳይ ቃጊያ ዎዴ ታና ሃሳን ዩጊያ አሲ ባዎ፣ ታኒ ጌላና ሃኒያ ዎዴ ሃራይ ታፔ ሲንሳቲዲ ጌሊ ኪቸስ» ያጊስ።

<sup>8</sup> ዩሱሲ ኢያኮ፣ «ዴንዳ ኤቃ፤ ኔ አልጋ ቶካዳ ባ» ያጊስ።<sup>9</sup> አዴይ ሶሁዋራካ ፓዲስ፤ ባ አልጋ ቶኪዲ ቤስ።

ሄሲ ሳምባታ ጋላሳን ሃኒስ።<sup>10</sup> ሄሳ ጊሾ፣ አይሁዴቲ ፓዲዳ አዲያኮ፣ «ሃቺ ሳዓይ ሳምባታ፤ ኔኒ ኔ አልጋ ቶኪይሲ ዎጋ ጊዴና» ያጊዶሶና።

<sup>11</sup> ሺን አዴይ፣ «ታና ፓሲዳይሲ፣ ኔ አልጋ ቶካዳ ባ ጊስ» ያጊዲ ዛሪስ።

<sup>12</sup> ኤንቲ ኢያኮ፣ «ኔና፣ ኔ አልጋ ቶካዳ ባ ጊዳይ ኢ አኒ?» ያጊዲ አይቺዶሶና።

<sup>13</sup> ሺን ዩሱሲ ሄ ቤሳን ዳሮ አሳ ጊዶራ ኤሪሶና ካንሲዲ ቤዳ ጊሾ አዴይ ባና ፓሲዳይ አኔኮ ኤራና።<sup>14</sup> ዩሱሲ ጉዩፔ ሄ አዲያ ያሳ ኪሳን ዴሚዲ፣ «ሄኮ፣ ኔኒ ፓገዳሳ፤ ሃይሳሬ ኢታባይ ኔና ጋኮና ሜላ ዛራዳ ናጋራ አሶፋ» ያጊስ።

<sup>15</sup> ሄሳሬ ጉዩ፣ አዴይ ቤዲ ባና ፓሲዳይሲ ዩሱሳ ጊዲዳይሳ አይሁዴታስ አዲስ።

<sup>16</sup> ዩሱሲ ሄሳ ሳምባታ ጋላስ አሲዳ ጊሾ አይሁዴቲ ዩሱሳ ጎዳ አይኪዶሶና።<sup>17</sup> ዩሱሲ ዛሪዲ፣ «ታ አዎይ ኡባ ዎዴ አሴስ፤ ታካ አሳናው ቤሴስ» ያጊስ።

<sup>18</sup> ዩሱሲ ሳምባታ ቦንቸና ጊሾ ገላላስ ጊዶናሺን ያሳይ ባ አዎ ጊዲ ባና ያሳራ ጊጊሲዳ ጊሾ አይሁዴቲ ኢያ ዎዳናው ካሴፔ ሚንሲዲ ኮዩዶሶና።

**ያሳ ናዓ ማታ**

<sup>19</sup> ዩሱሲ ዛሪዲ፣ «ታኒ ሂንቱው ቱማ አዳይስ፤ ናዓይ ባርካ አይኮካ አሳናው ዳንዳዴና። ኢ ባ አዎይ አሲሺን ቤዶይሳ ገላላ አሴስ። አዎይ አሴይሳ ናዓይካ አሴስ።<sup>20</sup> አዎይ ባ ናዓ ዶሲያ ጊሾ ኢ አሲያ አሶ ኡባ ባ ናዓ ቤሴስ። ሂንቱ ማላቤታና ሜላ ኢ ሃይሳሬ አዲያ አሶ ባ ናዓ ቤሳና።<sup>21</sup> አዎይ ሃይቂዳይሳታ ሃይቆፔ ዴንሲዲ ኤንታው ዴዎ ኢሜይሳዳ ናዓይካ ባ ኮዩይሳታስ ዴዎ ኢሜስ።<sup>22</sup> አዎይ ናዓስ ፒርዳ ማታ ኡባ ኢሚስፔ አቲን ኢ አናካ ፒርዴና።<sup>23</sup> አሳይ ኡባይ አዎ ቦንቸይሳዳ ናዓካ ቦንቸና። ናዓ ቦንቸና አኒካ ናዓ ኪቲዳ አዎካ ቦንቸና።

<sup>24</sup> «ታኒ ሂንቱው ቱማ አዳይስ፤ ታ ቃላ ሲዔይሳሲኔ ታና ኪቲዳይሳ አማኔይሳስ ሜሪና ዴዎይ ዴዴስ። ኢ ሃይቆፔ ዴዎን ፒኒዳ ጊሾ ፒርዴቱና።<sup>25</sup> ታኒ ሂንቱው ቱማ አዳይስ፤ ሃይቂዳ አሳይ ያሳ ናዓ ቃላ ሲዲያ ዎዴይ ያና፤

ሄሲካ ሃዲ። ሄ ቃላ ሲዔይ ዴዎን ዳና።<sup>26</sup> አዎይ ዴዎስ ፑልቶ ጊዲዳይሳዳ ናዓካ ዴዎስ ፑልቶ አሲስ።<sup>27</sup> ናዓይ አሳ ናዓ ጊዲያ ጊሾ አዎይ ናዓስ ፒርዳ ማታ ኢሚስ።

<sup>28</sup> «ዱፎን ዴዔይሳቲ ኢያ ቃላ ሲዲዲ ዴንዲያ ዎዴይ ያና ጊሾ ሃይሳን ማላቤቶሬቱ።<sup>29</sup> ሎዎ አሲዳይሳቲ ዴዎን ዳናው ቃሲ ኢታ አሲዳይሳቲ ፒርዳ ኤካናው ዱፎፔ ዴንዳና።

**ዩሱሳስ ማርካቲዳ አሳታ**

<sup>30</sup> «ታኒ ታ ማታን አይቢባካ አሳናው ዳንዳዲኬ። ያሳይ ታው አዲዳይሳዳ ፒርዳይስ። ታኒ ታና ኪቲዳይሲ ኮያባ አሳይሲፔ አቲን ታ ኮያባ አሶና ጊሾ ታ ፒርዳይ ቱማ።

<sup>31</sup> «ታኒ ታባ ማርካቲኮ ታ ማርካቲሳይ ቱማ ጊዴና።<sup>32</sup> ታባ ማርካቲያ ሃሪ ዴዴስ፤ ኢ ታባ ማርካቲይሲ ቱማ ጊዴይሳ ታኒ ኤራይስ።

<sup>33</sup> «ሂንቱ ጥሃረሳኮ አሴ ኪቲን ኢ ቱማስ ማርካቲስ።<sup>34</sup> ታኒ ሄሳ ሂንቱው አዴይ፣ ሂንቱ አታና ሜላ ጋዳፔ አቲን አሳ ማርካቲሲ ታው ኮሺን ጊዴና።<sup>35</sup> ጥሃረሲ ሙቃዳዳ ኤዲሼ ፖሲስ። ሂንቱ ጉሳ ዎዴ ኢያ ፖዑዋን ኡፋይቲዴታ።

<sup>36</sup> «ሺን ታው ጥሃረሳፔ አዲያ ማርኪ ዴዴስ። ታኒ አሳና ሜላ ታ አዎይ ታው ኢሚዳ አሶቲ ታባ ማርካቶሶና፤ አዎይ ታና ኪቲዳይሳ ቆንጨሶሶና።

<sup>37</sup> «ቃሲ ታና ኪቲዳ አዎይካ ባ ሁዔን ታባ ማርካቲስ። ሂንቱ ኢያ ቃላ ኡባራካ ሲዲቤኬታ ዎይኮ ኢያ ማላ ቤዲቤኬታ።<sup>38</sup> ኢ ኪቲዳይሳ ሂንቱ አማናና ጊሾ ኢያ ቃላይ ሂንቱ ዎዳናን ባዎ።

<sup>39</sup> «ጌሻ ማገፋታፔ ሜሪና ዴዎ ዴማናባ ሂንቱው ዳኒን ኤንታ ፒልጌታ፤ ኤንቲ ታባ ማርካቶሶና።<sup>40</sup> ሺን ሂንቱ ዴዎ ዴማናው ታኮ ያናው ኮዩኬታ።

<sup>41</sup> «አሳፔ ታኒ ቦንቸ ኮዩኬ።<sup>42</sup> ሺን ታኒ ሂንቱ ዎዳናን ያሳ ሲቆይ ባይናይሳ ኤራይስ።<sup>43</sup> ታኒ ታ አዎ ማታን ያስ፣ ሺን ታና ሞኪቤኬታ። ሃራይ ባ ማታን ያ ዎዴ ኢያ ሞኪታ።<sup>44</sup> ሂንቱ ኢሶይ ኢሱዋሬ ቦንቸ ኮዩይሳቲ፣ ኢሲ ያሳሬ ያ ጋላታ ኤካናው ኮዩናይሳቲ፣ ዋኒዲ ታና አማናናው ዳንዳዴቲ?»

<sup>45</sup> «ታኒ ታ አዎ ሲንሳን ሂንቱና ሞቲያባ ሂንቱው ዳናፖ። ሂንቱና ሞታናይ ሂንቱ ኡፋይሳን ናጊያ ሙሴ።<sup>46</sup> ሂንቱ ሙሴ አማኒዳባ ጊዲያኮ ኢ ታባ ገሬዳ ጊሾ ታናካ አማናናሺን።<sup>47</sup> ሺን ሂንቱ ኢ ገሬዳይሳ አማናና ኢዲኮ ታ ቃላ ዋቲዲ አማናኒ?» ያጊስ።

**6**

**ዩሱሲ ኢቻሹ ሙኩሉ አሳ ሙዚስ**  
(ማቶ 14:13-21፤ ማር 6:30-44፤ ሉቃ 9:10-17)

<sup>1</sup> ሄሳሬ ጉዩ፣ ዩሱሲ ያባርዮሳ ጊያ ጋሊላ አባሬ ሄሬንሲ ፒኒስ።<sup>2</sup> ኢ ሃርጋንቸታ ፓሶን አሲዳ ማላታ ቤዲዳ ጊሾ ዳሮ አሳይ ኢያ ካሊዶሶና።<sup>3</sup> ዩሱሲ ዴሪያ ቦላ ኪዩዲ፣ ያን ባ ታማሬታራ ኢሲሬ ኡቲስ።<sup>4</sup> አይሁዴቲ ቦንቸያ ፓሲካ ባሌ ጋላሳይ ጋኪስ።<sup>5</sup> ዩሱሲ

\* 5:4 ኢሲ ኢሲ ቤኒ ማገፋቲ ፓይዶ ሄሻስ ኮይሮ ባጋጌ ፓይዶ አይዳ ጉጃኮና። 5:10 ናህ 13:19፤ ኤር 17:21 5:29 ዳኔ 12:2 5:33 ጥሃ 1:19-27፤ 3:27-30 5:37 ማቶ 3:17፤ ማር 1:11፤ ሉቃ 3:22



ዳር አሳይ ባኮ ዩይሳ ቤዒዲ ፊልጶስ፡ «ሃ አሳ ኡባ ሙዛናው ጊዲያ ካሊ አውፔ ሻማኔ?» ያጊስ።

6 ኢ ሄሳ ፊልጶስ ፓጫናው ጊሲፔ አቲን ኢ ባ ሁዒን አይ አሳኔኮ ኤሬስ።

7 ፊልጶስ ዛሪዲ ዩሱሳኮ፡ «ሃሪ አቶሺን፡ ሁዒን ሁዒን፡ ኢሲ ኢሲ ባርሲ ጋሳናው፡ ናምዑ ዌቱ ዲናሬን \* ኡይሱ ሻሚንካ ጊዴና» ያጊስ።

8 ቃሲ ዩሱሳ ስማሬታፔ ኢሶይ፡ ሲሞን ጴጊርሳ ኢሻይ ኢንዲሪያሲ፡ 9 «ኢቻሹ ባንጋ ሶሎኔ ናምዑ ሞሎ አይኪዳ ኢሲ ናዓይ ሃይሳን ዴዔስ፡ ሺን ሃ አሳ ኡባስ ሄሲ አይ ማዳኔ?» ያጊስ።

10 ዩሱሲ ባ ስማሬታኮ፡ «አሳ ኡቲሲቴ» ያጊስ። ሄ ቤሳን ዳር ማቲ ዴዔስ፤ አሳ ኡባይ ኡቲስ። አዴ አሳ ታይቦይ ኢቻሹ ሙኩሱ ጊዳና።

11 ዩሱሲ ኡይሳ ኤኪዲ ያሳ ጋሳቲ ሲሚዲ ያን ኡቲዳ አሳስ ጊሺስ። ሞሉዋካ ኤኪዲ ሄሳዳ አሲዲ ኢሚን፡ አሳይ ባ ኮዩዳይሳ ሜላ ሚስ።

12 ኤንቲ ኡባይ ካሊዳፔ ጉዩ ዩሱሲ ባ ስማሬታኮ፡ «ኢሲባይካ ኢቶና ሜላ አቲዳ ቲፊያ ሺሺቴ» ያጊስ። 13 ሄሳ ጊሾ፡ ኤንቲ ኡባ ሺሺዶሶና፡ አሳይ ሚን አቲዳ ባንጋ ሶሎ ቲፊያ ሺሺዲ ታማኔ ናምዑ ጋይታ ኩንሲዶሶና።

14 አሳይ ዩሱሲ አሲዳ ማላታታ ቤዒዳ ዎዴ «ሃይሲ ቱማ ሃ አላሚያ ያና ጌቱቲዳ ናቢያ» ያጊዶሶና።

15 ዩሱሲ ኤንቲ ኢያ አይኪዲ ዎልቃን ካዎ አሳናው ሃኔይሳ ኤሪዲ፡ ባርካ ዴሪያ ቦሳ ዛሪ ኬዩስ።

**ዩሱሲ አባ ቦላራ ሃሙቲስ (ማቶ 14፡22-33፤ ማር 6፡45-52)**

16 ሳዓይ አማርሲዳ ዎዴ ዩሱሳ ስማሬቲ አባኮ ዎዲዶሶና። 17 ሳዓይ ቃሚዳ ጊሾኔ ዩሱሲ ቡሮ ኤንታኮ ዩቦና ጊሾ ኢያ ስማሬቲ ዎንሎን ጌሊዲ አባ ፒኒዲ ቂሬርናሆሜ ባናው ዴንዲዶሶና።

18 ዎልቃማ ጫርኮይ ጫርኪዳ ጊሾ አባይ ቃዲስ።

19 ኢቻሹ ዎይኮ ኡሱፑን ኪሎ ሚቲሬ ጊዴይሳ ሜላ ኤንቲ አባ ፒዲዲ ቢዳፔ ጉዩ ዩሱሲ አባ ቦላራ ሃሙቲሼ ዩይሳ ቤዒዲ ያዩዶሶና።

20 ሺን ኢ፡ «ባቦሬቱ፡ ታና» ያጊስ። 21 ኤንቲ ኡፋይቲዲ ኢያ ዎንሎን ጌልሲዶሶና፤ ኢራካ ዎንሎይ ኤንቲ ቢያ አባ ጋፃ ጋኪስ።

**ዩሱሲ ዴዎ ኡይሳ**

22 ዎንቱሳ ጋላስ አባሬ ሄሬንሳን አቲዳ ዳር አሳይ ኢሲ ዎንሎ ፃላሊ ዴዔይሳ ቤዒዶሶና። ዩሱሲ ባ ስማሬታራ ዎንሎን ጌሊዲ፡ ኤንታራ ቦናይሳኔ ኤንቲ ባንታርካ ቢዳይሳ አኪኪዶሶና።

23 ሺን ጊባርዮሳፔ ሃራ ዎንሎቲ ዩሱሲ ያሳ ጋላቲን፡ አሳይ ኡይሳ ሚዳ ቤሳ ዩዶሶና።

24 አሳይ ዩሱሲ ዎይኮ ኢያ ስማሬቲ ያን ባይናይሳ ቤዒዲ፡ ዩሱሳ ኮያናው ዎንሎታን ጌሊዲ ቂሬርናሆሜ ቢዶሶና።

25 አሳይ ዩሱሳ አባሬ ሄሬንሳን ዴሚዳ ዎዴ «አስታማሪያው፡ ሃ አውዴ ያዲ?» ያጊስ።

26 ዩሱሲ ዛሪዲ፡ «ታኒ ሂንቱው ቱማ አዳይስ፤ ሂንቱ ታና ኮዩይ ኡይሲ ሚዲ ካሊዳ ጊሾሳሬ አቲን ማላታ ቤዒዳ ጊሾሳ ጊዴና።

27 ሳሚያ ካሳስ አሶሬቱ፡ ሺን ሜሪና ዴዎ ኢሚያ ካሳስ አሲቴ። ያሳ አዋይ ኢ አሳና ሜላ ኢያው

ማታ ኢሚዳ ጊሾ ሄ ካሳ አሳ ናዓይ ሂንቱው ኢማና» ያጊስ።

28 ያቲን ኤንቲ፡ «ኮኒ ያሳ አሱዋ አሳናው አይ አሳኔ?» ያጊዲ ዩሱሳ አይቼዶሶና።

29 ዩሱሲ ዛሪዲ፡ «ሂንቱ አሳና ሜላ ያሳይ ኮያ አሶይ ሃይሳ፡ ኢ ኪቲዳይሳ አማኒቴ» ያጊስ።

30 ኤንቲ ዛሪዲ፡ «ኮኒ ቤዒዲ፡ ኔና አማናና ሜላ አይ ማላታ ኔ ቤሳኔ? 31 ጌሻ ማፃፋን፡ (ኤንቲ ማና ሜላ ኡይሱ ሳሎፔ ኢሚስ) ጌቱቲ ፃሬቲዳይሳዳ ኑ አዋቲ ባዞ ቢታን ማና ሚዶሶና» ያጊዶሶና።

32 ዩሱሲ፡ «ታኒ ሂንቱው ቱማ አዳይስ፤ ሂንቱው ሳሎፔ ቱማ ኡይሳ ኢሚዳይ ታ አዋፔ አቲን ሙሴ ጊዴና። 33 ሂዛ፡ ያሳይ ኢሚያ ኡይሳይ ሳሎፔ ዎዲዳይሲ አላሚያስ ዴዎ ኢሜይሳ» ያጊስ።

34 ኤንቲ ዛሪዲ፡ «ጎዳው፡ ኮስ ሄ ኡይሳ ኡባ ዎዴ ኢማ» ያጊዶሶና።

35 ዩሱሲ፡ «ታኒ ዴዎ ኢሚያ ኡይሳ፤ ታኮ ያ አኒካ ኡባራካ ኮሻቴና። ቃሲ ታና አማኒያ ኡራይ ኡባራካ ሳሞቱና። 36 ሺን ታኒ ሂንቱው አዳስ፤ ሂንቱ ታና ቤዒዴታ፡ ሺን አማኒኬታ።

37 ታ አዋይ ታው ኢሚያ ኡባይ ታኮ ያና፤ ቃሲ ታኮ ያ አናካ ካሬ ዩዲኬ። 38 ታኒ ታ ኮያባ አሳናው ጊዶናሺን ታና ኪቲዳይሲ ኮያባ አሳናው ሳሎፔ ያስ። 39 ታና ኪቲዳይሲ ኮዩይ ሃይሳ፡ ታኒ ኢ ታው ኢሚዳ ኡባታካ ዉርሴሳ ጋላስ ሃይቆፔ ዴንሳና ሜላፔ አቲን ኢሱዋካ ዳይሳና ሜላ ኮዩና። 40 ሂዛ፡ ታ አዋይ ኮዩይ ሄሳ፡ ናዓ ቤዒዲ አማኒያ ኡባይ ሜሪና ዴዎ ሎዎ ኤካና፤ ታኒ ሄ ኡባ ዉርሴሳ ጋላስ ሜሪና ዴዎ ሃይቆፔ ዴንሳና» ያጊስ።

41 ዩሱሲ፡ «ታኒ ሳሎፔ ዎዲዳ ኡይሳ» ጊዳ ጊሾ አይሁዴቲ ኢያ ቦሳ ዙዙሚዶሶና።

42 ኤንቲ፡ «ሃይሲ ኮኒ ኢያ አዋኔ ኢያ አዩው ኤሪያ ዮሴፋ ናዓ ዩሱሳ ጊዴኔ? ያቲን፡ ኢ ዋኒዲ፡ (ታኒ ሳሎፔ ዎዳስ) ጋናው ዳንዳዒ?» ያጊዶሶና።

43 ዩሱሲ ዛሪዲ፡ «ኢሶይ ኢሱዋራ ዙዙሜይሳ አጊቴ። 44 ታና ኪቲዳ ታ አዋይ ታኮ ኤሂያ አሳፔ አቲን ታኮ ያናው ዳንዳዒያ አኒካ ባዋ። ታኒ ዉርሴሳ ጋላስ ኢያ ሜሪና ዴዎስ ሃይቆፔ ዴንሳና። 45 ናቤቲ፡ (ያሳይ አሳ ኡባ ስማርሳና) ያጊዲ ፃሬዶሶና። አዋ ሲዔይሲኔ ኢያፔ ታማሪያ አኒካ ታኮ ዩስ። 46 ያሳ ማታፔ ዩዳይሳሬ አቲን አዋ ቤዒዳይ አኒካ ባዋ፤ ኢያ ፃላሊ አዋ ቤዒስ።

47 «ታኒ ሂንቱው ቱማ አዳይስ፤ ታና አማኒያ አዴስካ ሜሪና ዴዎይ ዴዔስ። 48 ታኒ ዴዎ ኢሚያ ኡይሳ። 49 ሂንቱ አዋቲ ባዞን ማና ሚዶሶና፡ ሺን ሃይቂዶሶና። 50 ሳሎፔ ያ ኡይሳይ ሃይሳ፤ ሄ ኡይሳ ሚያ አኒካ ሃይቆፔ። 51 ሳሎፔ ዩዳ ዴዎ ኡይሳይ ታና፡ አኒካ ሃ ኡይሳ ሚኮ ሜሪናው ዳና፡ ቃሲ ሃ አላሜይ ዴዎን ዳና ሜላ ታኒ ሂንቱው ኢማና ኡይሳይ ታ አሹዋ» ያጊስ።

52 አይሁዴቲ፡ «ሃ አዴይ ባ አሹዋ ኑ ማና ሜላ ኮስ ዋቲዲ ኢማናው ዳንዳዒ?» ያጊዲ ባንታ ጊዶን ፓላሚዶሶና።

53 ሄሳ ጊሾ፡ ዩሱሲ ኤንታኮ፡ «ታኒ ሂንቱው ቱማ አዳይስ፤ አሳ ናዓ አሹዋ፡ ሂንቱ ሞና

\* 6:7 ዲናሬ፡ ኢሲ ዲናሬይ ኢሲ አሲ ኢሲ ጋላስ አሊ ፔዒዲ ኤኪያ ሚሼ። ናምዑ ዌቱ ዲናሬይ ኢሲ አሲ ሳይሳ ባጋ አሊዲ ኤኪያ ሚሼ ከና። (ማቶ 20፡2) ዌሊቴ። 6:31 ኬሳ 6:4፤ 15፤ ማዘ 78:24 6:45 ኢሳ 54:13

ኢሂኮ፣ ቃሲ ኢያ ሱላ ሂንቴ ኡዮና ኢሂኮ፣ ሂንቴው ደዎይ ባዋ። 54 ታ አሹዋ ሚያ ኡራሲኔ ታ ሱላ ኡያ ኡራሲ ሜሪና ደዎይ ደዎይ። ታኒ ወርሱላ ጋላስ ኢያ ሃይቆፕ ደዎይ። 55 ታ አሹዋ ተማ ካሲ፣ ታ ሱላይካ ተማ ኡሹ። 56 ታ አሹዋ ሚያ ኡራይኔ ታ ሱላ ኡያ ኡራይ ታናን ደዎይ፤ ታካ ኢያን ደዎይ። 57 ደዎ አዋይ ታና ኪቲን፣ ታኒ ኢያ ባጋራ ደዎን ደዎይሳ፣ ታና ሚያ ኡራይካ ታ ጋሶን ደዎን ዳና። 58 ሳሎፕ ዎዲዳ ኡይሳይ ሃይሳ፣ ሂንቴ አዋቲ ሚዲ ሃይቂዳ ማና ሜላ ጊደና፤ ሃ ኡይሳ ሚያ ኡራይ ሜሪናው ዳና» ያጊሰ።

59 ዮሱሲ ቂሬርናሆሜ ካታማን አይሁዴ ዎሳ ኬላን ሃይሳ ታማርሲስ።

**ሜሪና ደዎ ቃላ**

60 ዮሱሳ ታማራታፕ ዳሪያ ባጋይ ሄሳ ሲዲዳ ዎዴ «ሃይሲ ጌሎና ቲሚርቲ፤ ሃይሲ አዴስ ጌሊ?» ያጊደሰና።

61 ዮሱሲ ባ ታማራቲ ሄሳስ ዙዙሚዳይሳ ኤሪዲ፣ «ሃይሲ ሂንቴና ዳቢ? 62 ያቲን፣ አሳ ናዳይ ካሴ ደዲያሱዋ ፑዴ ኬዩሺን ሂንቴ ቤዲዲ ዎይጋንደቲ? 63 ጌሻ አያናይ ደዎ ኢሜስ፤ አሳ ዎልቂ አይኮካ ማዴና። ታ ሂንቴው አዲያ ቃላይ ደዎ ኢሚያ ጌሻ አያናፕ ዮስ። 64 ሺን ሂንቴ ጊደን አማናይሳቲ ደዎሶና» ያጊሰ። አማናይሳቲ አናንቴኮ ዮሱሲ ኮይርፕ ደሚዲ ኤሪስ። ቃሲ ባና አሲ ኢማናይ አኒኮ ኤሪስ። 65 ቃሲካ ዮሱሲ፣ «አዋይ ባ ጎና አኒካ ታኮ ያናው ዳንዳዔና ጋዳ ታኒ አዲዳይ ሄሳ ጊሾላ» ያጊሰ።

66 ሄሳ ጋሶን፣ ዮሱሳ ካሌይሳታፕ ዳርቲ ኢያ አጊዲ ጉዬ ሲሚደሶና፤ ዛሪ ኢያ ካሊቡኮና።

67 ዮሱሲ ታማኔ ናምዑ ባ ታማራታ፣ «ሂንቴካ አጊዲ ባናው ኮይቲ?» ያጊዲ አይቼስ።

68 ሲሞን ጴጊርሲ ዛሪዲ፣ «ጎዳው፣ ኑኒ አዴኮ ባኔ? ኔው ሜሪና ደዎ ኢሚያ ቃላይ ደዎይ።

69 ኔኒ ዎሳ ጌሻ ጊደይሳ ኑኒ አማናሲኔ ኤርስ» ያጊሰ።

70 ዮሱሲ ኤንታኮ፣ «ታኒ ሂንቴና ታማኔ ናምጋታ ዶራቢኪና? ሺን ሂንቴፊ ኢሶይ ሃላሄ» ያጊሰ። 71 ዮሱሲ ሄሳ ጊዳይ ሲሞና ናዳ አስቆርታ ዩሁዳሳ። ዩሁዲ ዮሱሳ አሲ ኢማናው ደዲያ ታማኔ ናምዑ ታማራታፕ ኢሱዋ።

**7**

**ዮሱሳራኔ ኢያ ኢሻታራ**

1 ሄሳፊ ጉዬ፣ አይሁዴቲ ዮሱሳ ዎዳናው ኮያ ጊሾ ኢ ዩሁዳ አጊዲ ጋሊላን ሲሜራቲስ።

2 አይሁዴቲ ቦንቼያ ሻቃራ ባሌይ ቦንቼታናው ማቲስ። 3 ሄሳ ጊሾ፣ ዮሱሳ ኢሻቲ፣ «ኔ ታማራቲ ኔኒ አሲያ ማላታታ ቤዳና ሜላ ሃይሳፊ ደዎንዳዳ ዩሁዳ ቢታ ባ። 4 ባው ኤራታናው ኮያ አሲ አኒካ ባ አሱዋ ጌንሴና። ኔኒ ሃይሳታ አሳዳ ኔባ አሳሚያ ኤሪሳ» ያጊደሰና። 5 ኢያ ኢሻቲ ሄሳ ጊዳይ ኢያን አማኒቦና ጊሾላ።

6 ዮሱሲ ኤንታኮ፣ «ታው ኢንጄ ዎዴይ ጋኪቤና፣ ሺን ሂንቴው ኡባ ዎዴይ ኢንጄቲስ።

7 አላሜይ ሂንቴና ኢጻናው ዳንዳዔና፣ ሺን ታኒ አላሚያ አሶይ ኢታ ጊደይሳ ማርካቲያ ጊሾ ታና

ኢዴስ። 8 ሂንቴ ባሊያ ቢቴ፤ ታ ዎዴይ ጋኪቦና ጊሾ ታኒ ባሊያ ቢኬ» ያጊሰ። 9 ኢ ሄሳ ጊዲ ጋሊላን አቲስ።

**ዮሱሲ ባሊያ ቦንቻናው ቢስ**

10 ኢያ ኢሻቲ ባሊያ ቦንቻናው ቢዳፕ ጉዬ ዮሱሲ አናካ ኤሪሶና ቆሳን ሄ ቤሳ ቢስ።

11 አይሁዴቲ ባሊያ ቦንቼያ ቤሳን፣ «ኢ አወን ደዲ?» ያጊዲ ኢያ ኮዩዶሶና።

12 አሳይ ካልካሺዲ ኢያባ አዴቶሶና። ባጋይ፣ «ኢ ሎዎ አሲ» ጊያ ዎዴ ሃራቲ ቃሲ፣ «አካይ፣ ኢ አሳ ባሌሴስ» ያጎሶና። 13 ሺን አይሁዴ ሃላቃታስ ያዩዳ ጊሾ አኒካ ኢያባ ቆንጩን አዴቴና።

14 ባሊያ ቦንቼዲ ጊዶ ጋሲያ ዎዴ ዮሱሲ ዎሳ ኬሲ ቢዲ ታማርሶ አይኪስ። 15 አይሁዴቲ፣ «ሃ አዴይ ቲሚርቲ ታማርና ሃይሳ ኡባ ዋቲ ኤሪዴ?» ያጊዲ ማላሌቲዶሶና።

16 ዮሱሲ ዛሪዲ፣ «ታ ታማርሲያ ቲሚርቲይ ታና ኪቲዳ ዎሳ ማታፕ ያ ቲሚርቲፊ አቲን ታባ ጊደና። 17 ዎሳ ሺኒያ አሳናው ኮያ አኒካ ሃ ቲሚርቲይ ዎሳ ማታፕ ዩያኮኔ ዎይኮ ታኒ ታፕ አዲያኮ ኤራና። 18 ባባ አዲያ አኒካ ባ ሁዔ ቦንቹ ኮይስ። ሺን ባና ኪቲዳይሳ ቦንቹዋ ኮያ አኒካ ኢ ተማንቹ፤ ኢያን ዎርዶይ ባዋ። 19 ሙሴይ ሂንቴው ሂጊያ ኢሚስ፣ ሺን ሂንቴፊ አኒካ ሂጊያ ናጊቤና። ያቲን አይስ ታና ዎዳናው ኮይቲ?» ያጊሰ።

20 አሳይ ዛሪዲ፣ «ኔና ሃላሄይ አይኪስ፤ ኔና ዎዳናው አኔ ኮይይ?» ያጊደሰና።

21 ዮሱሲ፣ «ታኒ ኢሲ ማላታ አሲን ሂንቴ ኡባይ ማላሌቲዶታ። 22 ሂንቴ፣ ሂንቴ ናይታ ቃጻራና ሜላ ሙሴይ ኪቲስ። ሺን ቃጻር ሂንቴ ማይዛቲ ደሚደሶናፕ አቲን ሙሴ ጊደና። ሄሳ ጊሾ፣ ሂንቴ ሳምባታ ጋላስ አዴ ናይታ ቃጻሬታ።

23 ሙሴ ሂጊይ ኪቲዳ ጊሾ ሂንቴ ሳምባታ ጋላስ ቃጻሪያባ ጊዲኮ፣ ታኒ ኢሲ አሳ ኩሜሳ አሳቴሳ ፓሲዳ ጊሾ ታራ አይስ ካጩቲ? 24 ተማ ፐርዳ ፐርዲቴፕ አቲን አሳ ሶምዎ ቤዲዲ ፐርዶፊፕ» ያጊሰ።

**ዮሱሲ፣ ኢ ኪሪስቶስ?**

25 ዮሩሳላሜ አሳፕ ኢሶቲ ኢሶቲ፣ «ኤንቲ ዎዳናው ኮያ ኡራይ ሃይሳ ጊዴኔ? 26 ሄኮ፣ ኢ ቆንጩን አዴስ፤ ኤንቲ ኢያ አይኮካ ጎኮና። ኢ ኪሪስቶሳ ጊደይሳ አይሁዴ ሃላቃቲ ተማ ኤሪዶናሻ? 27 ኪሪስቶሲ ያ ዎዴ ኢ አወፕ ያኮ አኒካ ኤራና፣ ሺን ኢ አወፕ ዩዳኮ ኑ ኤርስ» ያጊደሰና።

28 ዮሱሲ ዎሳ ኬላን ታማርሲሺ ባ ቃላ ዶቁ አሲዲ፣ «ተማ ሂንቴ ታኒ አኒኮኔ ታ አወፕ ዩዳኮ ኤራቲ? ታኒ ታ ማታን ያቢኬ፣ ሺን ታና ኪቲዳይሲ ተማንቹ፤ ሂንቴ ኢያ ኤራኬታ። 29 ሺን ታኒ ኢ ኪቲን ኢያ ማታፕ ዩዳ ጊሾ ኢያ ኤራይስ» ያጊሰ።

30 ሄሳ ጊሾ፣ ኤንቲ ኢያ አይካናው ኮዩዶሶና። ሺን ኢያ ዎዴይ ቡር ጋኪቦና ጊሾ አኒካ ኢያ ቦላ ኩሼ ዎሲቤና። 31 ሺን ዳር አሳይ ዮሱሳ አማኒዲ፣ «ኪሪስቶሲ ያ ዎዴ ሃ ኡራይ አሲዳ ማላታታፕ ዳሪያ ማላታ አሳኔዩ?» ያጊደሰና።

**ዮሴፍ አይካናው ዎታዳሬቲ ኪቴቲዶሶና**  
 32 ፋሪሳዊቲ ዳሮ አሳይ ዮሴፍን ካልካሸይሳ ሲሂዶሶና። ካሂኔ ሃላቃቲኔ ፋሪሳዊቲ ኢያ አይሊዲ ቃሺሳናው ዶሳ ኬሴ ናጌይሳታ ኪቴቲዶሶና።

33 ዮሴፍ ፡ «ታኒ ሂንቴራ ጉሳ ዎዴ ጋምዓና፤ ሄሳፌ ጉዬ ታና ኪቴዳይሳኮ ባና። 34 ሂንቴ ታና ኮያና፤ ሺን ዴሜኬታ። ታኒ ዴዲያሱዋ ሂንቴ ያናው ዳንዳዔኬታ» ያገረሰ።

35 አይሁዴቲ ኢሶይ ኢሱዋራ፡ «ሃይሲ ኑኒ ዴሞናሶ አው ባና ሃኒ? ገሪኬ ካታማን ዴዲያ አይሁዴታኮ ቢዲ ገሪኬታ ታማርሳናው ሃኒዬ?»

36 «ሂንቴ ታና ኮያና፤ ሺን ዴሜኬታ» ቃሲ፡ «ታኒ ዴዲያሱዋ ሂንቴ ያናው ዳንዳዔኬታ» ጉሳይ አይ ጉሴ?» ያገረሰና።

**ዴዎ ሃሳ**

37 ባለያ ቦንቺያ ጋላሳታፕ ዎልቃማኔ ወርሴሳ ጋላሳን ዮሴፍ ዴንዲዲ፡ ባ ቃሳ ጵቁ አሊዲ፡ «ሳሞቲዳ አኒካ ታኮ ዩዲ ኡዮ። 38 ታና አማኒያ አኒካ ጌሻ ማፍፋይ ጊዳይሳዳ ዴዎ ኢሚያ ፕልቶ ሃሳይ ኢያፕ ጎጋና» ያገረሰ። 39 ኢ ሃሳ ጊዳይ ኢያ አማኒዳይሳቲ ኤካናው ዴዲያ ጌሻ አያናባ። ዮሴፍ ቡሮ ቦንቺቲቦና ጊሾ ሄ ዎዴ ጌሻ አያናይ ኢሜቲቤና።

**አሳ ጊዶን ሻኬቴሲ ሜዴቲስ**

40 ሄ አሳፕ ዳሮቲ ኢ ጌይሳ ሲዲዲ፡ «ቱማ ሃይሲ ናቢያ» \* ያገረሰና።

41 ሃራቲ ቃሲ፡ «ሃይሲ ኪሪስቶሳ» ያገረሰና።

ሺን ሃራቲ ቃሲ፡ «ኪሪስቶሲ ጋሊላፕ ዋኒዲ ኪዩ?» 42 ጌሻ ማፍፋይ፡ «ኪሪስቶሲ ዳዊቱ ሺሻፕ ዳዊቱይ ዴዲያ ቤቴሌሜ ካታማፕ ያና» ያገረሰና። 43 ሃሳ ጊሾ፡ ዮሴፍ ጋሶን አሳይ ባንታ ጊዶን ሻኬቲዶሶና። 44 ሄ አሳፕ ኢሶቲ ኢሶቲ ኢያ አይካናው ኮዩዶሶና፡ ሺን አኒካ ኢያ ቦላ ኩሼ ዎሊቤና።

**አይሁዴ ሃላቃቲ አማኒቦኮና**

45 ዶሳ ኬሳ ናጌይሳቲ ካሂኔ ሃላቃታኮ ፋሪሳዊታኮ ጉዬ ሲሚ ዩን ኤንቴ፡ «አይስ ኢያ ኤሂቤኬቲ?» ያገረዲ አይቺዶሶና።

46 ዶሳ ኬሳ ናጌይሳቲ ኤንታኮ፡ «ሃ አዴይ አይቴይሳሶ አኒካ አዴቴና» ያገረዲ ዛሪዶሶና።

47 ፋሪሳዊቲ ዛሪዲ፡ «ኢ ሂንቴናካ ባሌሲዴ?»

48 አይሁዴ ሃላቃታፕ ዎይኮ ፋሪሳዊቱፕ ኢያ አማኒዳ አሲ ዴዲ? 49 ሙሴ ሂጊያ ኤሮና ሃ አሳይ ቃንጌቲዳባ» ያገረሰና።

50 ፋሪሳዊታፕ ኢሶይ ቃማ ዮሴፍኮ ቢዳ ኒቆዲሞሲ ኤንታኮ፡ 51 «ኢሲ አሲ ጊያባ ሲያና ዎይኮ ኢ አይ አሊዳኮ ኤሮና ዴዲሼ ኮይሮቲዲ ኢያ ቦላ ፕርዴይሲ ኑ ሂጊያን ዴዲ?» ያገረሰ።

52 ኤንቴ ዛሪዲ፡ «ኔኒካ ቃሲ ጋሊላ ቢታ አሴ? ጋሊላ ቢታፌ ናቤይ ኬዮናይሳ ጌሻ ማፍፋፕ ፕልጋዳ ዴማ» ያገረሰና።

**8**

**ላይማቴሳን አይኬቲዳ ማጫሲው**

1 ኢሶይ ኢሶይ አጊዲ ባ ሶ ባ ሶ ቢስ፡ ሺን ዮሴፍ ሻማሆ ዴሪያ ቦላ ቢስ። 2 ቃሲ ዎንቴሳ ጋላስ ጉራ ዶሳ ኬሴ ሲሚስ። ዳሮ አሳይ ኢያኮ ዩን ኡቲዲ ኤንታ ታማርሲስ። 3 ሂጊ አስታማሬቲኔ ፋሪሳዊቲ ላይማቲሺን አይኪዳ ኢሲ ማጫሲው ኢያኮ ኤሂዶሶና። ኤንቴ አሳ ኡባ ሲንሳን ኢዮ ኤሲዲ፡ 4 «አስታማሪያው፡ ሃ ማጫሲያ ላይማቲሺን ኑ አይኪዳ። 5 ሙሴ ሂጊይ ሃኒ ሜላ ማጫሲ ሹቻን ጫዴታ ሃይቃና ሜላ ኪቴስ። ያቲን፡ ኔኒ ዎይጋይ?» ያገረሰና።

6 ኤንቴ ሄሳ ጊዳይ ዮሴፍ ፓጩዲ ኢያ ሞቲያባ ዴማናሳ። ሺን ዮሴፍ ሆኪዲ ባ ቢራዴን ቢታ ቦላ ፃፊስ። 7 ኤንቴ ኢያ ዛሪ ዛሪ አይቺዲ አጎና ኢዲን፡ ፑዴ ጵቁ ጊዲ፡ «ሂንቴ ጊዶን ናጋራ አሊቦና አሲ ኮይሮቲዲ ኢያ ሹቻን ጫዴ» ያገረሰ። 8 ቃሲካ ሆኪዲ ቢታ ቦላ ፃፊስ።

9 ኤንቴ ሄሳ ሲዲዳ ዎዴ ጨማታፕ ዶሚዲ ኢሶይ ኢሶይ ኬዩሼ ወሪዶሶና። ዮሴፍ ፃላሊ ሄ ቤሳን ኤቂዳ ማጫሴራ አቲስ። 10 ኢ ፑዴ ጵቁ ጊዲ ማጫሴኮ፡ «ማጫሴቴ፡ አሳቲ አው ቢዶና? ኔ ቦላ ፕርዲዳይ አኒካ ባዌ?» ያገረሰ።

11 ማጫሲያ፡ «ጎዳው፡ አኒካ ባዌ?» ያጋሱ።

ዮሴፍ ዛሪዲ፡ «ታኒካ ኔ ቦላ ፕርዲኬ። ባ፤ ዛራዳ ናጋራ አሶፋ» ያገረሰ።

**ዮሴፍ አላሚያስ ፖዎ**

12 ቃሲካ ዮሴፍ አሳኮ፡ «ታኒ አላሚያስ ፖዎ። ታና ካሊያ አኒካ ዴዎ ኢሚያ ፖዑዋ ኤካናፕ አቲን ጳማን ሲሜሬቴና» ያገረዲ አዲስ።

13 ፋሪሳዊቲ፡ «ኔ ኔባ ማርካታሳ፡ ሺን ኔ ማርካቴሳይ ቱማ ጊዴና» ያገረሰና።

14 ዮሴፍ ዛሪዲ፡ «ታኒ ታባ ማርካቲካ ታ ማርካቴሳይ ቱማ። አይስ ጊኮ፡ ታኒ አዉፕ ዩዳኮ ቃሲ አው ቢያኮ ኤራይስ፡ ሺን ሂንቴ ኤሬኬታ። 15 ሂንቴ አሳ ቆፋን ፕርዴታ፤ ታኒ ኢሲ አሳ ቦላካ ፕርዲኬ። 16 ታኒ ፕርዲያባ ጊዲኮካ ታ ፕርዳይ ቱማ። አይስ ጊኮ፡ ታና ኪቴዳ ታ አዋይ ታራ ዴዲሲፕ አቲን ታኒ ታርካ ዴዲኬ። 17 ናምዑ አሳ ማርካቴሲ ቱማ ጊዴይሲ ሂንቴ ሂጊያን ፃፊቲስ። 18 ታኒ ታባ ታ ሁዔን ማርካታይስ፤ ቃሲ ታና ኪቴዳ ታ አዋይካ ታባ ማርካቴስ» ያገረሰ።

19 ኤንቴ፡ «ኔ አዋይ አዉን ዴዲ?» ያገረዲ ኢያ አይቺዶሶና።

ዮሴፍ ዛሪዲ፡ «ሂንቴ ታና ዎይኮ ታ አዋ ኤሬኬታ። ታና ኤሪዳባ ጊዲያኮ፡ ሂንቴ ታ አዋካ ኤራናሺን» ያገረሰ።

20 ዮሴፍ ዶሳ ኬሳን ሙፃታ ሚሺያ ዩጊያ ሳፂይይ ዴዲያ ቤሳን ሄሳ ታማርሲስ። ኢያ ቃማይ ቡሮ ጋኪቦና ጊሾ አኒካ ኢያ አይኪቤና።

21 ቃሲካ ዮሴፍ ኤንታኮ፡ «ታኒ ባና፤ ሂንቴ ታና ኮያና፤ ሺን ሂንቴ አቶቴሲ ዴሞና ሂንቴ ናጋራን ሃይቃና። ታኒ ቢያሱዋ ባናው ሂንቴ ዳንዳዔኬታ» ያገረሰ።

22 አይሁዴ ሃላቃቲ፡ «ኢ፡ «ታኒ ቢያሱዋ ሂንቴ ባናው ዳንዳዔኬታ» ያገረሰ። ኢ ባና ባርካ ዎዳኔዮ?» ያገረሰና።

7:37 ሌዌ 23:36 7:38 ሂገ 47:1፤ ዛካ 14:8 \* 7:40 ናቢያ፡ ሃ ቤሳን ናቢያ ጌቲዳይ ያና ጊዲ ኤንቴ ናጊያ ናቢያ ቆንጨሴስ። (ዮሃ 1:21 ያሊቴ።) 7:42 2ሳሙ 7:12፤ ሚካ 5:2 7:50 ዮሃ 3:1፤ 2 8:5 ሌዌ 20:10፤ ዛሬ 22:22-24 8:12 ማቶ 5:14፤ ዮሃ 9:5 8:13 ዮሃ 5:31 8:17 ዛሬ 19:15



23 ዮሱሲ ዛሬዲ፡ «ሂንቴ ጋርሳፌ፤ ታኒ ባላፌ። ሂንቴ ሃ አላሚያ፤ ታኒ ሃ አላሚያ፤ ጊዲኬ። 24 ሂንቴ አቶቴሲ ዴሞና ሂንቴ ናጋራን ሃይቃና ጋዳ ታኒ ሂንቴው አዲዳይ ሄሳሳ። ታኒ ታና ጊዴይሳ ሂንቴ አማኖና ኢዲኮ ሂንቴ አቶቴሲ ዴሞና ሂንቴ ናጋራን ሃይቃና» ያጊስ።

25 ኤንቴ፡ «ኔኒ አኔ?» ያጊዲ አይቺዶሶና።

ዮሱሲ ዛሬዲ፡ «ታኒ፡ ኮይሮ፤ ሂንቴው አዲዳይ ታና። 26 ታኒ ሂንቴባ አዳዳ ፐርዲያባይ ዳሮባይ ዴዴስ። ሺን ታና ኪቲዳይሲ ቱማንቸ፤ ቃሲ ታኒ ኢያ፤ ሲዲ ዳይሳ ሃላላ አላሚያስ አዳይስ» ያጊስ።

27 ዮሱሲ ባ አዋባ አዴይሳ ኤንቴ አኬኪቡኖና።

28 ሄሳ ጊሾ፡ ዮሱሲ ኤንጋታ፡ «ሂንቴ አሳ ናዓ ፑዴ ዶቁ አሲያ ዎዴ ታኒ ታና ጊዴይሳ ሂንቴ ኤራና። ቃሲካ ታኒ ታ ማታን አይኮካ አሳናይሳኒ ታ አዋይ ታና ታማርሲዳይሳ አዴይሳ ሂንቴ ኤራና። 29 ታና ኪቲዳይሲ ታራ ዴዴስ። ታኒ ኡባ ዎዴ ኢያ ኡፋይሲያባ አሲያ ጊሾ ኢ ታና ታ ሃላላ አጊቤና» ያጊስ።

30 ዮሱሲ ሄሳ አዲሺን ሲዲዳ ዳሮ አሳይ ኢያ አማኒዶሶና።

**ናጋራ አይሌቴሳፌ ኬሲ**

31 ዮሱሲ ባና አማኒዳ አሳታኮ፡ «ሂንቴ ታ ቲሚርቲያስ ኪቲቲኮ ቱማ ታና ካሌይሳታ።

32 ሂንቴ ቱማ ኡራና፤ ቱማይካ ሂንቴና አይሌቴሳፌ ኬሳና» ያጊስ።

33 ኤንቴ ዛሬዲ፡ «ኑኒ አብራሃሜ ሸሺ፤ ኑኒ አዴስካ አይሌቴቡኮ። ኔኒ ዎይጋዳ፡ «ሂንቴ አይሌቴሳፌ ኬያና» ጋይ?» ያጊዶሶና።

34 ዮሱሲ ዛሬዲ፡ «ታኒ ሂንቴው ቱማ አዳይስ፤ ናጋራ አሲያ አኒካ ናጋራ አይሌ።

35 አይሌይ ሜሪናው ሶ አሳራ ዴና፡ ሺን ናዓይ ሜሪናው ሶ አሳራ ዴዴስ። 36 ናዓይ ሂንቴና አይሌቴሳፌ ኬሲኮ ሂንቴ አይሌቴሳፌ ቱማ ኬያና። 37 ሂንቴ አብራሃሜ ሸሺ ጊዴይሳ ታኒ ኤራይስ። ሺን ታ ቃላይ ሂንቴ ዎዳናን ባይና ጊሾ ታና ዎዳናው ኮዩታ። 38 ታኒ ታ አዋይ ታና ቤሲዳይሳ አዳይስ፡ ሺን ሂንቴካ ሂንቴ አዋ፤ ሲዲ ዳይሳ አሌታ» ያጊስ።

39 ኤንቴ ዛሬዲ፡ «ኑ አዋይ አብራሃሜ» ያጊዶሶና።

ዮሱሲ ኤንጋታ፡ «ሂንቴ አብራሃሜ ናይታ ጊዲያኮ ኢ አሲዳይሳ አሳና። 40 ሺን ያሳፌ ሲዲዳ ቱማ አዲዳ ታና ሂንቴ ዎዳናው ኮዩታ። አብራሃሜይ ሄሳዳ አሲቤና። 41 ሂንቴ፡ ሂንቴ አዋይ አሲዳይሳ አሌታ» ያጊስ።

ኤንቴ ዛሬዲ፡ «ኑኒ ቱማ ያሳ ናይታ፤ ኑስ ኢሲ አዋይ ያሳ ሃላሊ ዴዴስ» ያጊዶሶና።

42 ዮሱሲ ኤንጋታ፡ «ያይ ቱማ ሂንቴ አዋ ጊዲያኮ ሂንቴ ታና ዶሳና፤ አይስ ጊኮ፡ ታኒ ያሳ ማታ፤ ያዳ ሃይሳን ዴዳይስ። ታና ኢ ኪቲስ፤ አቲን ታኒ ታ ማታን ያቢኬ። 43 ታኒ ጌይሳ ሂንቴ ሲዳናው ኮዩና ጊሾ ታ ጊያባይ ሂንቴው ጌሌና። 44 ሂንቴ፡ ሂንቴ አዋ ሃላሄ ናይታ። ቃሲ ሂንቴ፡ ሂንቴ አዋይ አዋቲያባ አሳናው ኮዩታ። ኢ ኮይሮ፤ ዶሚይ ሸምፖ ዎዴይሳ፡ ቱሚ ኢያን ባይና ጊሾ ኢ ቱማ ኢዳስ። ዎርዶይ ኢያው ሜዶ ጊዲዳ ጊሾኔ ኢ ዎርዶ አዋ ጊዲያ ጊሾ ዎርዶ አዴቴሼ ባ፤ አዴቴስ። 45 ታኒ ቱማ ሃሳያይስ፡ ሺን ሂንቴ ታና አማኒኬታ። 46 ሂንቴፌ፡ «ኔኒ

ናጋራ አሲሺን ታ ቤዓስ» ጋናው ዳንዳዴይ አኔ? ታኒ ቱማ አዴቴያባ ጊዲኮ ታና አይስ አማኒኬቲ? 47 ያሳ አሲ ያሳይ ጊያባ ሲዴስ። ሂንቴ ያሳ አሲ ጊዶና ጊሾ ያሳይ ጊያባ ሲዴኬታ» ያጊስ።

**ዮሱሲ አብራሃሜ፤ ሲንሌ**

48 አይሁዴቲ ዛሬዲ፡ «*«ኔኒ ሳማሬ አሲ፤ ኔናን ቱና አያናይ ዴዴስ» ጊሼ ሊኬ ጊዶኮ?»* ያጊዶሶና።

49 ዮሱሲ ኤንጋታ «ታ ባላ ቱና አያኒ ባዋ። ታኒ ታ አዋ ቦንቻይስ፡ ሺን ሂንቴ ታና ካወሼታ። 50 ታኒ ታ ሁዴ ቦንቻ ኮዩኬ፤ ታኒ ቦንቻታና ሜላ ኮዩይሲኔ ታው ፐርዴይሲ ዴዴስ። 51 ታኒ ሂንቴው ቱማ አዳይስ፤ ታ ቃላ ናጊያ አኒካ ሃይቁና» ያጊስ።

52 አይሁዴቲ ዛሬዲ፡ «ኔ ባላ ቱና አያናይ ዴዴይሳ ኑኒ ሃዲ ኤሪዳ። አብራሃሜይ ሃይቁስ፤ ናቤቲካ ሃይቁዶሶና። ሺን ኔኒ፡ «ታ ቃላ ናጊያ አኒካ ሃይቁና» ያጋሳ። 53 ኔኒ ሃይቁዳ ኑ አዋ አብራሃሜ፤ አዳይ? ናቤቲካ ቃሲ ሃይቁዶሶና። ኔኒ ኔና አና ጋዳ ቆፓይ?» ያጊዶሶና።

54 ዮሱሲ፡ «ታኒ ታና ቦንቻኮ ታ ቦንቻይ ሃዳ። ሂንቴ፡ «ኑ ያሳ» ጊያ ታ አዋይ ኢ ታና ቦንቻስ። 55 ሂንቴ ኢያ ኤሮና ኢዲኮ ታኒ ኢያ ኤራይስ። ታኒ ኢያ ኤሪኬ ጊኮ ሂንቴ ሜላ ዎርዶታይስ። ሺን ታኒ ኢያ ኤራይስ፤ ቃሲ ኢያ ቃላካ ናጋይስ። 56 ሂንቴ አዋይ አብራሃሜይ ታ ዩሳ ጋላሳ ቤዲዲ ኡፋይታናው አዋቲስ፤ ቤዲዲካ ኡፋይቲስ» ያጊስ።

57 አይሁዴቲ ዛሬዲ፡ «ሃሪ አቶሺን፤ ኔው ኢሻታው ላይሊ ኩሚቤናሺን ዋናዳ አብራሃሜ ቤዓስ ጋይ?» ያጊዶሶና።

58 ዮሱሲ ኤንጋታ፡ «ታኒ ሂንቴው ቱማ አዳይስ፤ አብራሃሜይ ዮሌታና፤ ካሴ ታኒ ታና » ያጊስ።

59 ሄሳ ጊሾ፡ ኤንቴ ዮሱሳ ሜዳናው ሹቺ ኤኪዶሶና። ሺን ዮሱሲ ኤንጋፌ ጊሚዲ ያሳ ኬሳፌ ኬዩዲ ቢስ።

**9**

**ዮሱሲ ቆቁ ጊዲዲ ዮሌቲዳ አዲያ ፓሲስ**

1 ዮሱሲ ቢሼ ዮሌቶሳ፤ ቆቁ ጊዲዲ ዴዴያ ኢሲ አዲያ ቤዲስ። 2 ኢያ ታማሬቲ፡ «አስታማሪያው፡ ሃ አዴይ ቆቁ ጊዲዲ ዮሌታና ሜላ ናጋራ አሲዳይ አኔ? ኢ አሲዴዮ ዎይኮ ኢያ ዮሊዳይሳቲ አሲዶና?» ያጊዲ አይቺዶሶና።

3 ዮሱሲ፡ «ያሳ አሶይ ኢያ ባላ ቆንጫና ሜላ፤ አቲን ኢ ዎይኮ ኢያ ዮሊዳይሳቲ ናጋራ አሲዳ ጊሾ ጊዴና። 4 ሳዲ ጋላስ ዴዲሺን ታና ኪቲዳይሳ አሱዋ ኑ አሳናው ቤሴስ። አኒካ አሳናው ዳንዳዳና ቃማይ ዮስ። 5 ታኒ አላሚያን ዴዳሼ አላሚያስ ፖ» ያጊስ።

6 ዮሱሲ ሄሳ ጊዲ ሳዓን ጩቲስ። ባ ጩቻን ጉሳ ቢታ ላኮሲዲ ሄ ኡርቃን ቆቁ አዲያ አይፊያ ቲዩስ። 7 ያቲዲ፡ «ባዳ ሳሊሆሜ (ሳሊሆሜ ጉሳይ ኪቲቲዳይሳ ጉሱ) ጊያ ቱቁቲዳ ሃሳን ኔ አይፊያ ሜጩታ» ያጊስ። ሄሳ ጊሾ፡ አዴይ ቢዲ ባ አይፊያ ሜጩቲዲ ያሊሼ ሲሚስ።

8 አዲያ ሾሮቲኔ አዴይ ካሴ ዎሲሺን ቤዒዳ አሳይ፡ «ሃይሲ ኡቲዲ ዎሲያ አዲያ ጊዴኔዮ?» ያጊዶሶና።

9 ኢሲ ኢሲ አሳይ፡ «ሃይሲ ኢያ» ያጊዶሶና። ሃራቲ ቃሲ፡ «አካይ፡ ሃይሲ ኢያ ዳኔሲ፡ፕ አቲን ኢያ ጊዴና» ያጊዶሶና።

10 ሺን አዴይ፡ «ኡ፡ ታና» ያጊሰ። 10 ኡንቲ ኢያኮ፡ «ያቲን ኔ አይፊይ ዋኒዲ ዪሊዴ?» ያጊዲ አይቺዶሶና።

11 ኢ ዛሪዲ፡ «ዮሱሳ ጊያ አዴይ ጉሳ ኡርቃ ላኮሲዲ ታ አይፊያ ቲዩዲ፡ ሳሊሆሜ ባዳ ኔ አይፊያ ሜጩታ» ያጊን፡ ታኒ ባዳ ሜጩታዳ ዪሳ አጋስ» ያጊሰ።

12 ኡንቲ ኢያኮ፡ «ኢ አዉን ዴዒ?» ያጊዲ አይቺዶሶና።

አዴይ፡ «ታኒ ኡሪኬ» ያጊሰ።

**ፋሪሳዌቲ ሃኒዳባ ኡሪናው ኮዩዶሶና**

13 ኡንቲ ካሴ ቆቄ፡ ሺን ሃዒ ዪሊዳ አዲያ ፋሪሳዌታኮ ኡፊዶሶና። 14 ዮሱሲ ኡርቃ ላኮሲዲ አዲያ አይፊያ ፓሲዳ ጋላሳይ ሳምባታ ጋላስ።

15 ሄሳ ጊሾ፡ አዴይ ዋኒዲ ዪሊዳኮ ፋሪሳዌቲ ኢያ ዛሪ አይቺዶሶና። አዴይ ኡንታኮ፡ «ኢ ታ አይፊያን ጉሳ ኡርቃ ቲዩሲ፡ ታ አይፊያ ሜጩታዳ ሃዒ ዪሳይስ» ያጊሰ።

16 ፋሪሳዌታፕ ኢሶቲ ኢሶቲ፡ «ሃይሳ አሲዳ አዴይ ሳምባታ ሂጊያ ናጎና ጊሾ ያሳ ማታፕ ዩቤና» ያጊዶሶና።

ሺን ሃራቲ፡ «ናጋራንቾ አሲ ሃይሳ ሜላ ማላታ ዋቲ አላናው ዳንዳዒ?» ያጊዲ ባንታ ጊዶን ቫኬቲዶሶና።

17 ሄሳ ጊሾ፡ ፋሪሳዌቲ አዲያኮ፡ «ኢ ኔ አይፊያ ዪሊሲዳ ጊሾ ኔ ኢያባ ዎይጋይ?» ያጊዶሶና።

አዴይ፡ «ኢ ናቤ» ያጊሰ።

18 አይሁዴ ሃላቃቲ፡ ኢያ አዩዉኔ አዋ ዪጊዲ አይቻና ጋካናው፡ አዴይ ካሴ ቆቄ ጊዲዳይሳኔ ሃዒ ኢ ዪሴይሳ አማኒቦኮና። 19 ኡንቲ ኢያ አዩዉኔ ኢያ አዋኮ፡ «ሂንቲ ቆቄ ጊዲዲ ዩሴቲስ» ጊያ ሂንቲ ናዓይ ሃይሴ? ያቲን፡ ሃዒ ዋኒዲ ዪሊዴ?» ያጊዲ አይቺዶሶና።

20 ኢያ ዩሊዳይሳቲ፡ «ሃይሲ ኑ ናዓ ጊዲዳይሳኔ ቆቄ ጊዲዲ ኢ ዩሴቲዳይሳ ኑ ኡሮስ። 21 ሺን ሃዒ ኢ ዋኒዲ ዪሊዳኮ ቃሲ ኢያ አይፊያ አኒ ፓሲዳኮ ኑኒ ኡሮኮ። ኢያ አይቺቲ። ኢ ባና ኡሪዳ አሲ ጊዲያ ጊሾ ባባ አዳናው ዳንዳዒስ» ያጊዶሶና። 22 ኢያ ዩሊዳይሳቲ ሄሳ ጊዳይ አይሁዴታስ ያዩዳ ጊሾሳ። አይስ ጊኮ፡ አይሁዴቲ፡ ዮሱሲ ኢ ኪሪስቶሳ ያጊዲ ማርካቲያ አሲ ዴዒኮ ሄ ኡራ አይሁዴ ዎሳ ኪሳፊ ሂላናው ኮይሮቲዲ ዞሬ ቃቺዶሶና። 23 ኢያ ዩሊዳይሳቲ፡ «ኢ ባና ኡሪዳ አሲ፤ ኢያ አይቺቲ» ያጊዳይ ሄሳሳ።

24 ሄሳ ጊሾ፡ ቆቄ ጊዲዲ ዩሴቲዳ አዲያ ኡንቲ ዛሪ ዪጊዲ፡ «ቱማ አዳናው ያሳን ጫቃ፤ ሃ አዴይ ናጋራንቾ ጊዴይሳ ኑ ኡሮስ» ያጊዶሶና።

25 አዴይ ዛሪዲ፡ «ኢ ናጋራንቾ ጊዲን፡ ጊዶና ኢዪን ታ ኡሪኬ። ታኒ ቆቄ ጊዴይሳኔ ሃዒ ዪሴይሳ ሄ ኢሲባ ኡሪይስ» ያጊሰ።

26 ኡንቲ ዛሪዲ፡ «ኢ ኔው አይ አሲዴ? ኢ ኔ አይፊያ ዋቲ ፓሲዴ?» ያጊዶሶና።

27 ኢ ኡንታኮ፡ «ታኒ ሂንቲው አዳስ፡ ሺን ሲዒቤኬታ። አይስ ዛሪ ሲዓናው ኮዩቲ? ሂንቲካ ኢያ ታማሬ ጊዳናው ኮዩቲዮ?» ያጊሰ።

28 ኡንቲ ኢያ ጫዩዲ፡ «ኔ ሄ ኡራ ታማሬ ጊዳ፤ ኑኒ ሙሴ ታማሬ። 29 ያሳይ ሙሴስ አዲዳይሳ ኑኒ ኡሮስ፡ ሺን ሃ ኡራይ ኢ አዉፕ ዩዳካ ኑ ኡሮኮ» ያጊዶሶና።

30 አዴይ ኡንታኮ፡ «ኢ አዉፕ ዩዳካ ሂንቲ ኡሮናይሲ ማላሊሲያባ፡ ሺን ኢ ታ አይፊያ ፓሲስ። 31 ያሳ ቦንቼይሳኔ ኢ ኮያባ አሲያ ኡራ ያሳይ ሲዒቤፕ አቲን ናጋራንቾታ ሲዒና።

32 ሳሎይ ሳዒ ሜዴቶሳፕ ቆቄ ጊዲዲ ዩሴቲዳ አሳ አይፊያ ፓሲዳይ አኒካ ባዋ። 33 ሃ አዴይ ያሳፊ ኪቲቲቦናባ ጊዲያኮ ኢሲባካ አላናው ዳንዳዒና» ያጊሰ።

34 ኡንቲ ዛሪዲ፡ «ኔኒ ናጋራን ዩሴታዳ ዲጩዳይሲ ኑና ታማርሳናው ኮያይ?» ያጊዶሶና። ኢያ አይሁዴ ዎሳ ኪሳፊ ሂሊዶሶና።

**ዎዛና ቆቄቴሳ**

35 ዮሱሲ ኡንቲ አዲያ ኪሲዳይሳ ሲዒዳ ዎዴ ኢያ ዴሚዲ፡ «አሳ ናዓ አማናይ?» ያጊዲ አይቺስ።

36 አዴይ ዮሱሳኮ፡ «ጎዳው፡ ታኒ ኢያ አማናና ሜላ ኢ አኔ? ታው አዳርኪ?» ያጊሰ።

37 ዮሱሲ አዲያኮ፡ «ኔኒ ኢያ ቤዓዳሳ፤ ሃ ኔራ አዴቴይሲ ኢያ» ያጊሰ።

38 አዴይ ዛሪዲ፡ «ጎዳው፡ አማናይስ» ያጊዲ ዮሱሳስ ጎይኒስ።

39 ዮሱሲ፡ «ቆቄቲ ዪላና ሜላኔ ዪሴይሳቲ ቆቃና ሜላ ታኒ ፒርዳናው ሃ አላሚያ ያስ» ያጊሰ።

40 ኢያራ ዴዒያ ጉሳ ፋሪሳዌቲ ሄሳ ሲዒዲ፡ «ኑ ቆቄዮ?» ያጊዲ አይቺዶሶና።

41 ዮሱሲ፡ «ሂንቲ ቆቄ ጊዲያኮ ሂንቲው ናጋራ ጊዴና። ሺን ሃዒ ሂንቲ ዪሎስ ጊያ ጊሾ ሂንቲ፡ ሂንቲ ናጋራን ዴዒታ» ያጊሰ።

**10**

**ዮሱሲ ሎዎ ሄንሳንቾ**

1 ዮሱሲ፡ «ታኒ ሂንቲው ቱማ አዳይስ፤ ዶርሳ ጊርቤ ጊዶ ፕንጊራ ጊዶና ሃራሶራ ጊሊያ አኒካ ካይሶኔ ፓንጋ። 2 ሺን ፕንጊራ ጊሊይሲ ዶርሳታ ሄሜይሳ። 3 ፕንጊያ ናጊይሲ ኢያው ፕንጊያ ዶዩስ፤ ዶርሳቲካ ኢያ ቃላ ሲዶሶና። ኢ ባ ዶርሳታ ኡንታ ሱንሳን ሱንሳን ዪጊስ፤ ኡንታ ካሌሲዲ ካሬ ኪሴስ። 4 ኢ ባይሳታ ካሬ ኪሲዳፕ ጉዩ ኡንታ ሲንሳን ሃሙቴስ። ኡንቲ ኢያ ቃላ ኡሪያ ጊሾ ኢያ ካሎሶና። 5 ሃራ ኡራ ቃላ ኡንቲ ኡሮና ጊሾ ኢያፕ ባቃቶሶናፕ አቲን ኢያ ጌዶ ካሎኮና» ያጊሰ።

6 ዮሱሲ ኡንታው ሃ ሎሚሱዋ አዲስ፡ ሺን ኢ አይ ጊዳኮ ኡንቲ አኬኪቦኮና።

7 ዛሪዲ ዮሱሲ ኡንታኮ፡ «ታኒ ሂንቲው ቱማ አዳይስ፤ ታኒ ዶርሳታስ ፕንጊ። 8 ታፕ ሲንሴ ዩዳ ኡባይ ካይሶኔ ፓንጋ፤ ሺን ዶርሳቲ ኡንታ ሲዒቦኮና። 9 ፕንጊይ ታና፤ ታ ባጋራ ጊሊያ አኒካ አታና። ኢ ታ ባጋራ ጊላናኔ ኪያና፤ ሎዎ ሄሜቲያ ቤሲ ዴማና። 10 ካይሶይ ካይሶታናው፡ ሹካናዉኔ ዳይሳናው ዩሴፕ አቲን ሃራባስ ዩና። ታኒ ኡንታው ዴዎይ ዳና ሜላኔ ኩሚዲ ፓላሃና ሜላ ያስ።

11 «ታኒ ሎዎ ሄንሳንቶ፤ ሎዎ ሄንሳንቶይ ባ ደርሳታ ጊሾ ባ ሽምጥዎ አሲ ኢሜስ። 12 ኬራ ሄሚያ አሲ ደርሳታ ጎዳኔ ሄንሳንቶ ጊደና ጊሾ ሱዳሜይ ያ ዎዴ ቤዲዲ ደርሳታ አጊዲ ቤስ። ሄሳ ጊሾ፣ ሱዳሜይ ደርሳታ አይኪዲ ላሌስ። 13 ኬራ ሄሚይሲ ሚሼስ ሄሚያ ጊሾኔ ደርሳታባይ ኢያ ቆራሶና ጊሾ ደርሳታ አጊዲ ባቃቱስ።

14-15 «ታኒ ሎዎ ሄንሳንቶ። ታ አዋይ ታና ኤራይሳታ ታኒካ ታ አዋ ኤራይስ። ሄሳዳካ፣ ታኒ ታ ደርሳታ ኤራይስ፤ ታ ደርሳቲካ ታና ኤሮሶና። ታኒ ታ ደርሳታ ጊሾ ታ ሽምጥዎ አሳ ኢማይስ።

16 ሃ ወዲያን ባይና ሃራ ደርሳቲ ታው ዴዎሶና። ታኒ ኤንታካ ኤሃናው ቤሴስ። ኤንቲ ታ ቃላ ሲዓና፤ ኤንቲ ኢሲ ወዴ ጊዳና፤ ሄንሳንቶይካ ኢሱዋ።

17 «ታኒ ታ ሽምጥዎ አሳ ኢማዳ ዛራ ኤኪያ ጊሾ ታ አዋይ ታና ዶሴስ። 18 ታ ዶሳዳ ታ ሽምጥዎ አሳ ኢማይሲ፤ አቲን ታፔ አኒካ ኤኪና። ታ ታ ሽምጥዎ አሳ ኢማናወኔ ዛራ ኤካናው ማቲ ታው ዴዔስ። ታኒ አሳና ሜላ ታ አዋይ ታና ኪቲዳይሲ ሃይሳ» ያጊስ።

19 ሄሳ ኢ ጊዳ ጊሾ አይሁዴታ ጊደን ቃሲካ ቫኬቴሲ ሚዴቲስ። 20 ኤንታፊ ዳሪያ ባጋይ፣ «ኢያን ቱና አያኒ ዴዔስ! ኢ ጎዩስ! ኢ ጊያባ አይስ ሲዔቲ?» ያጊደሶና።

21 ሃራቲ ቃሲ፣ «ግላሄይ አይኪዳ አሲ ሃይሳዳ አዴቴና። ቱና አያኒ ቆቄ አይፊ ዩሲሳናው ዳንዳዲዮ?» ያጊደሶና።

**ዩሱሲ አሳ ናዓ**

22 ዩሱሳላሜን ያሳ ኬሳ አንጂሲዳ ጋላሳታ ቦንቺያ ባሌይ ጋኪስ፤ ሄ ዎዴ ሳዒ ባልጎ።

23 ዩሱሲ ያሳ ኬሳን ሶሎሞኔ ባራንዳን ሲሜራቴስ። 24 አይሁዴቲ ዩሱሳ ዩሾን ሸቂ ኤቂዲ፣ «ኔኒ ኑና አወዴ ጋካናው ሲዴራ ዎሳኔ? ኔኒ ኪሪስቶሳ ጊዲኮ አኔ ኑስ ጌሻዳ አዳ» ያጊደሶና።

25 ዩሱሲ ዛሪዲ ኤንታኮ፣ «ታኒ ሂንቴው አዳስ፤ ሺን ታና አማኔኬታ። ታኒ ታ አዋይ ታው ኢሚዳ ማታን አሲያ አሶይ ታባ ማርካቴስ።

26 ሺን ታኒ ሂንቴው አዲዳይሳዳ ሂንቴ ታ ደርሴ ጊደና ጊሾ አማኔኬታ። 27 ታ ደርሳቲ ታ ቃላ ሲዎሶና። ታኒ ኤንታ ኤራይስ፤ ኤንቲካ ታና ካሎሶና። 28 ታኒ ኤንታው ሜሪና ዴዎ-ዋ ኢማይስ፤ ኤንቲ ኡባራካ ዳዮኮና። አኒካ ታ ኩሼ፤ ኤንታ ቦንቂ ኤካናው ዳንዳዲና። 29 ኤንታ ታው ኢሚዳ ታ አዋይ ኡባፊ አዴስ \* አኒካ ታ አዋ ኩሼ፤ ኤንታ ቦንቂ ኤካናው ዳንዳዲና። 30 ታኒ ታ አዋይ ኢሲና» ያጊስ።

31 አይሁዴቲ ዩሱሳ ጫዳናው ቃሲካ ሹቺ ዴንሲደሶና። 32 ዩሱሲ ኤንታኮ፣ «ታኒ አሳና ሜላ ታ አዋይ ታው ኢሚዳ ዳሮ ሎዎ አሶታ ሂንቴና አሳ ቤሳስ። ሄሳታፔ አወሳ ጊሾ ታና ሹቻን ጫዳናው ኮዩቲ?» ያጊስ።

33 አይሁዴቲ ዛሪዲ፣ «ኑኒ ኔና ኔ ሎዎ አሶ ጊሾ ሹቻን ጫዳናው ኮዩኮ። ሺን ኔኒ ያሳ ጫያ ጊሾኔ አሴ ጊዳሼ ኔ ኔና ዶሴ ጊያ ጊሾሳ» ያጊደሶና።

34 ዩሱሲ ዛሪዲ፣ «ጌሻ ማግፋን ያሳይ፣ ሂንቴ ያሳታ» ጊዳይሲ ገፊቲቤኔ? 35 ጌሻ ማግፋይ ሜሪናው ላሜቴና። ያሳይ ባ ቃላ ኢሚዳ አሳታ፣ ለሳታ» ጊዲ ዩጊኮ። 36 አዋይ ዶሪዲ ሃ አላሚያ ኪቲዳ ታና ያሳ ናዓ ዋቲዲ ለሳ ጫያሳ» ያጊቲ።

37 ታኒ ታ አዋይ አሴይሳ አሶና ኢዲኮ ታና አማና፤ 38 ሺን ታኒ አሴያባ ጊዲኮ ሂንቴ ታና አማና ኢዲኮካ፣ ታ አዋይ ታናን ዴዔይሳኔ ታካ ታ አዋን ዴዔይሳ ሂንቴ ኤራና ሜላ ታ አሱዋ አማኒቴ» ያጊስ።

39 ቃሲካ ኤንቲ ኢያ አይካናው ኮዩደሶና፣ ሺን ኢ ኤንታፊ ኬሲ ኤኪስ።

40 ጥሃኒሲ ካሴ ግማቂያ ቤሳ፣ ዮርዳኖሴ ሻፋፔ ሄፊንሴ ዩሱሲ ፒኒዲ ያን ዴዒስ። 41 ዳሮ አሳይ ዩሱሳኮ ዩዲ፣ «ጥሃኒሲ ማላታ አሲቤና፣ ሺን ኢ ሃ አዲያባ አዲዳባይ ኡባይ ቱማ» ያጊደሶና። 42 ያን ዳሮ አሳይ ዩሱሳ አማኒደሶና።

11

**አላዛራ ሃይቁዋ**

1 ቢታኒያ ጉታን አላዛራ ጊያ ኢሲ አዴይ ሃርጌቲስ። ቢታኔይ ማይራማኔ ኢ ሚቺያ ማርታ ዴዒያ ጉታ። 2 ማይራማ ጎዳ ቶሁዋ ሺቶ ቲያዳ ባ ቢናናን ኢያ ቶሁዋ ቁቺዳሮ። ሃርጌቲዳይ ኢ ኢሻ አላዛራ። 3 ሄሳ ጊሾ፣ ሚቺቲ፣ «ጎዳው፣ ኔ ዶሴይሲ ሃርጌቲስ» ጊዲ ዩሱሳኮ ኪቲደሶና።

4 ዩሱሲ ሄሳ ሲዒዳ ዎዴ «ሃ ሃርጌይ፣ ያሳይ ኢያ ናዓይ ቦንቺታና ሜላፔ አቲን ሃይቆስ ጋሲያ ሃርጌ ጊዴና» ያጊስ።

5 ዩሱሲ ማርታ፣ ኢ ሚቺወኔ አላዛራ ዶሴስ። 6 ሺን አላዛራ ሃርጌዳይሳ ዩሱሲ ሲዒዲ ባ ዴዒያ ቤሳን ናምዑ ጋላስ ጋምዒስ። 7 ሄሳፊ ጉዩ፣ ዩሱሲ ባ ታማራታኮ፣ «ዛሪዲ ዩሁዳ ቢታ ቦስ» ያጊስ።

8 ኢያ ታማራቲ ዛሪዲ፣ «አስታማሪያው፣ ጉሳ ዎዴ፤ ካሴ አይሁዴቲ ኔና ሹቻን ጫዲዲ ዎዳናው ኮዩደሶና፤ ሃዒካ ያ ባኔ?» ያጊደሶና።

9 ዩሱሲ፣ «ኢሲ ጋላሳን ታማኔ ናምዑ ሳቴይ ዴዔስ ጊዴኔዩ? ጋላስ ሃሙቲያ አሲ ሃ አላሚያ ፖዑዋ ቤዲያ ጊሾ ዳቤቴና። 10 ሺን ቃማ ሃሙቲያ አኒካ ፖይ ባይና ጊሾ ዳቤቴስ» ያጊስ። 11 ዩሱሲ ሄሳ ጊዳፔ ጉዩ ኤንታኮ፣ «ኑ ዶሴያ አላዛራ ዲስኪስ፣ ሺን ኢያ ዴንሳናው ታኒ ባና» ያጊስ።

12 ኢያ ታማራቲ ዛሪዲ፣ «ጎዳው፣ ኢ ዲስኪዳባ ጊዲኮ ኢያው ሎዓና» ያጊደሶና።

13 ዩሱሲ አላዛራ ሃይቁዳይሳ አዲስ፣ ሺን ኤንታው ጮ ዲስኮ ዳኒስ። 14 ሄሳ ጊሾ፣ ዩሱሲ ጌሺዲ ኤንታኮ፣ «አላዛራ ሃይቁስ። 15 ሂንቴ አማናና ሜላ ታኒ ሄ ቤሳን ዴዎናይሳስ ሂንቴ ጊሾ ኡፋይታይስ። አኔ ዩዲቲ፤ ኢያኮ ቦስ» ያጊስ።

16 ሄሳፊ ጉዩ፣ ዲዲሞሳ \* ጌቲቲያ ቶማሲ ባ ላጌ ታማራታኮ፣ «አስታማሪያራ ሃይቃናው ኑካ ቦስ» ያጊስ።

**ዩሱሲ ዴንዶኔ ዴዎ**

17 ዩሱሲ ጋኪያ ዎዴ አላዛራ ሞጌቲን አይዱ ጋላስ ጊዲስ። 18 ቢታኔይ ዩሱሳላሜፔ ሄቩ ኪሎ

10:14-15 ማቶ 11:27፤ ሉቃ 10:22 \* 10:29 ታ አዋይ ኡባፊ አዴስ፣ ኢሲ ኢሲ ቤኒ ማግፋቲ፣ «ታ አዋይ ታው ኢሚዳ ኤንቲ ኡባፊ አዴሶና» ያጊሶና። 10:33 ሉቁ 24:16 10:34 ማገ 82:6 10:40 ዮሃ 1:28 11:1 ሉቃ 10:38-39 11:2 ዮሃ 12:3 \* 11:16 ዲዲሞሳ፣ ጉሳይ ሜንቴ ጉሱ።



ሚቲሬ ሜላ ሃኪስ። 19 ዳሮ አይሁዴቲ ማርታኔ ማይራሞ ኤንታ ኢሻይ ሃይቁዳይሳስ ሚንጴላናው ዩዶሶና።

20 ማርታ ዩሱሲ ዩዳይሳ ሲዓዳ ኢያ ሞካናው ከያሱ። ሺን ማይራማ ሶን አታሱ። 21 ማርታ ዩሱሳኮ። «ጎዳው፤ ኔኒ ሃይሳን ዴዲዳባ ጊዲያኮ ታ ኢሻይ ሃይቁና። 22 ሺን ሃዲ ጊዲኮካ ኔኒ ዎሲያባ ያሳይ ኔው ኢማናይሳ ታኒ ኤራይስ» ያጋሱ።

23 ዩሱሲ። «ኔ ኢሻይ ሃይቁፕ ዴንዳና» ያጊስ።

24 ማርታ ኢያኮ። «ወርሴላ ጋላስ ኢ ሃይቁፕ ዴንዳናይሳ ኤራይስ» ያጋሱ።

25 ዩሱሲ ኢኮ። «ታኒ ዴንዶኔ ዴያ፤ ታና አማኒያ አኒካ ሃይቁኮካ ዴያን ዳና። 26 ቃሲ ዴያን ዴዴይኔ ታና አማኒያ አኒካ ሃይቁና። ሄሳ ኔኒ አማናይ?» ያጊስ።

27 ማርታ ዛራዳ። «ጎዳው፤ ኤ ታኒ አማናይስ! ኔኒ ያሳ ናዓ፤ አላሚያ ያናው ዴዲያ ኪሪስቶሳ ጊዴይሳ ታኒ አማናይስ» ያጋሱ።

28 ማርታ ሄሳ ጊዳፕ ጉዩ፤ ባዳ ባ ሚቺው ጊማን ዪጋዳ። «አስታማሬይ ዩዲ ኔና ኮዩስ» ያጋሱ። 29 ማይራማ ሄሳ ሲዲዳ ዎዴ ኤሴሳ ዴንዳ ኤቃዳ ዩሱሳኮ ባሱ። 30 ሄ ዎዴ ዩሱሲ ማርታራ ጋሄቲዳ ቤሳን ዴዴስ፤ ቡሮ ጉታ ጋኪቤና። 31 ማይራሞ ሚንጴላሽ ኢራ ሶን ዴዲያ አይሁዴቲ፤ ኢያ ዴንዳ ኤቃዳ ኤሴሳዳ ካሬ ከዩዳይሳ ቤዲዲ፤ ዱፎ ባዳ ዩካናው ሃኒያ ዳኒን ኢዮ ካሊዲ ከዩዶሶና።

32 ማይራማ ዩሱሲ ዴዲያሱዋ ባዳ ኢያ ቤዲዳ ዎዴ ኢያ ቶሁዋ ቦላ ኩንዳዳ። «ጎዳው፤ ኔኒ ሃይሳን ዴዲዳባ ጊዲያኮ ታ ኢሻይ ሃይቁናሺን?» ያጋሱ።

33 ዩሱሲ ማይራማኔ ኢራ ዴዲያ፤ አይሁዴቲ ዩከይሳ ቤዲዲ፤ ባ ዎዳናን ዳሮ ሴሴቲዲ፤ 34 «አውን ሞጊዴቲ?» ያጊዲ አይቺን፤ «ጎዳው፤ ያዳ ቤዳ» ያጊዲ ዛሪዶሶና።

35 ዩሱሲ አፉዲስ። 36 ሄሳ ጊሾ፤ አይሁዴቲ፤ «ኢ አላዛራ አይ ሜላ ዶሲያኮ ቤዲቴ» ያጊዶሶና።

37 ሺን ኤንታሬ ኢሶቲ ኢሶቲ፤ «ሃይሲ ቆቂያ ያሲሲዳይሲ ሃ አዴይ ሃይቁና ሜላ አላናው ዳንዳዴኔሺን?» ያጊዶሶና።

**ዩሱሲ አላዛራ ሃይቁፕ ዴንጴስ**

38 ቃሲካ ዩሱሲ ሴሴቲዲ፤ አላዛሪ ሞጌቲዳ ዱፉዋ ቤስ። ሄ ዱፎይ ሹቻን ጎርዴቲዳ ጎንጎሎ።

39 ዩሱሲ። «ሹቻ ዴንጴቴ» ያጊዲ ኪቲስ። ማርታ። «ጎዳው፤ ኢ ሃይቆሳፕ አይዱ ጋላስ ጊዲዳ ጊሾ ሃዲ ዪንቃና» ያጋሱ።

40 ዩሱሲ ማርታኮ። «ኔ አማኒያባ ጊዲኮ ያሳ ቦንቺዋ ቤዳናይሳ ታኒ ኔው አዳቢኪና?» ያጊስ።

41 ኤንቲ ሹቻ ዴንጴን ዩሱሲ ሳሎ ፑዴ ያሊዲ፤ «አዋው፤ ታና ኔ ሲዲዳ ጊሾ ኔና ጋላታይስ።

42 ኔ ኡባ ዎዴ ታና ሲዲይሳ ታኒ ኤራይስ። ሺን ሃይሳን ኤቁዳ አሳይ ኔኒ ታና ኪቲዳይሳ አማናና ሜላ ታኒ ኤንታ ጊሾ ሃይሳ ጋይስ» ያጊስ።

43 ዩሱሲ ሄሳ ጊዳፕ ጉዩ፤ ባ ቃላ ዶቁ አሊዲ፤ «አላዛራ፤ ሃ ከያ!» ያጊስ። 44 ሃይቁዳ አዴይ ዚዴቲዳ ሜላ ኩሼይኔ ቶሆይ ሻሎን ቃሼቲዲ ዴዲሺን ኢያ አይሬ ካሬይ ጎዜቲዳ

ሜላ ዱፉዋፕ ከዩስ። ዩሱሲ ኤንታ። «ቢርሺቴ! ቦ ጊቲ!» ያጊስ።

**ኪሪስቶሳ ቦላ ማቁቲዶሶና**

(ማቶ 26:1-5፤ ማር 14:1-2፤ ሉቃ 22:1-2)

45 ሄሳ ጊሾ፤ ማይራሚኮ ዩዳ አይሁዴታፕ ዳሮቲ ዩሱሲ አሊዳይሳ ቤዲዲ ኢያ አማኒዶሶና።

46 ሺን ኤንታሬ ኢሶቲ ኢሶቲ ፋሪሳዌታኮ ቤዲ ዩሱሲ አሊዳይሳ ኤንታው አዲዶሶና። 47 ሄሳሬ ጉዩ፤ ካሂኔ ሃላቃቲኔ ፋሪሳዌቲ ሻንጉዋ ሺሺዲ፤ «ሃ አዴይ ዳሮ ማላታታ አሊያ ጊሾ ኑ አይ አሊያ? 48 ኑኒ ኢያ ሲዲ ጊዲ አጊኮ አሳ ኡባይ ኢያ አማናና። ቃሲ ሮሜ ቤታ አሳቲ ዩዲ ኑ ያሳ ከላኔ ኑ ዴሪያ ዳይሳና» ያጊዶሶና።

49 ኤንታሬ ኢሶይ ቃያፋ ጌይሲ፤ ሄ ላይሲ ካሂኔ ሃላቃ ጊዲዳይሲ፤ «ሂንቴ አይኮካ ኤሬኬታ!

50 አሳይ ኡባይ ዳዩይሳሬ አሳ ኡባ ጊሾ ኢሲ አሲ ሃይቁይሲ ሎዎ ጊዴይሳ ኤሬኬቲ?» ያጊስ። 51 ኢ ሄሳ ባፕ ጊቤና። ሺን ሄ ላይሲ ካሂኔ ሃላቃ ጊዲያ ጊሾ ዩሱሲ አይሁዴ አሳ ጊሾ ሃይቃናው ቤሴይሳ ቲንቢቴ አዲስ። 52 ቃሲ ዩሱሲ አይሁዴ አሳ ያላላስ ጊዶናሺን ላሴቲዲ ዴዲያ ያሳ አሳ ኡባ ኢሲሬ ሺሻናውኔ ኢሲ አሲ አላናው ሃይቃና።

53 ሄ ጋላሳፕ ዶሚዲ ኤንቲ ኢያ ዎዳናው ማቁቲዶሶና። 54 ሄሳ ጊሾ፤ ዩሱሲ አይሁዴታ ጊዶን ቆንጩን ሲሜሬቲቤና። ሺን ባዞ ቤታ ሚታን ዴዲያ ኤፍሬሜ ጉታ ቤስ። ባ ታማሬታራ ሄ ቤሳን ጋምዲስ።

55 አይሁዴቲ ቦንቺያ ፓሲካ ጋላሳይ ማቲስ። ቃሲ ዳሮ አሳይ ባንታና ጊሻናው ፓሲካ ቦንቺያ ጋላሳይ ጋካናፕ ሲንጴ ሄ ቤታሬ ዩሩሳላሚ ቢዶሶና። 56 ኤንቲ ያሳ ከላን ኤቁዲ ዩሱሳ ዩሳ ናጊያ ጊሾ «አይ ቆፕቲ? ዩሱሲ ባሊያ ቦንቻናው ዩኔ?» ያጊዲ ኢሶይ ኢሱዋ አይቺዶሶና። 57 ካሂኔ ሃላቃቲኔ ፋሪሳዌቲ ዩሱሳ አይካናው፤ ኢ ዴዲያሱዋ ኤሪያ አኒካ ባንታው አዳና ሜላ ኪቲዶሶና።

12

**ዩሱሳ ሺቶ ቲዩዳ ማጫሲው**

(ማቶ 26:6-13፤ ማር 14:3-9)

1 ፓሲካ ቦንቺያ ጋላሳፕ ኡሱፑን ጋላስ ሲንሳቲዲ፤ ዩሱሲ ሃይቁፕ ዴንጴዳ አላዛሪ ዴዲያ ጉታ፤ ቤታኒያ ቤስ። 2 ሄ ቤሳን ኤንቲ ኢያው ካሆ ጊጊሲዶሶና። አላዛሪ ዩሱሳራ ኢሲሬ ጋይታ ቦላ ኡቲዳሺን ማርታ ኤንታና ሞካውሱ።

3 ማይራማ ናርዶሴ ጊያ ዳሮ አልዎ ጊሻ ሺቶ ኤሃዳ ዩሱሳ ቶሁዋ ቲያሱ። ባ ቤናናን ኢያ ቶሁዋ ቁቻሱ፤ ከሳ ኡባይ ሺቶ ሳዎን ቶንጉ ጊስ።

4 ሺን ዩሱሳ ታማሬታፕ ኢሶይ፤ ዩሱሳ አሊ ኢማናይሲ፤ አስቆሮታ ዩሁዲ፤ 5 «አይስ ሃ ሺቶይ ሄዙ ያቲ ዲናሬን ባይዜቲዲ፤ ሚሺይ ማንቆታስ ኢሜቴኔ?» ያጊስ። 6 ኢ ካይሶ ጊዲዳ ጊሾ ሄሳ ጊሲፕ አቲን ማንቆታስ ቃዴቲዲ ጊቤና። ኢ ሚሺ ካርጊታ አይከይሳ ጊዲያ ጊሾ ኡባ ዎዴ ኢያፕ ባው ኤኪስ።

7 ዩሱሲ፤ «ኢያ ባው ዴዲያባ ታ ሞጎ ጋላሳስ ሚንጄዳ ጊሾ ኢዮ አጋጊቴ። 8 ማንቆቲ ኡባ ዎዴ ሂንቴራ ዳና፤ ሺን ታኒ ኡባ ዎዴ ሂንቴራ ዴዲኬ» ያጊስ።

9 ሄ ወደ ዳር አሳይ ዮሱሴ ቢታኒያን ዴዲይሳ ሲዲዲ ያ ቢደሰና። ኤንቲ ዮሱሳ ሃላላ ጊደናሺን ኢ ሃይቆፕ ዴንሲዳ አላዛራካ ቤዓናው ቢደሰና።  
 10 ሄሳ ጊሾ፣ ካሂኔ ሃላቃቲ አላዛራካ ቃሲ ወዳናው ማቆቲደሶና። 11 አይስ ጊኮ፣ አላዛራ ጋሶን ዳር አይሁዴቲ ኤንታና ኢዲዲ ዮሱሳ አማናሶና።

**ዮሱሴ በንቶን ዮሩሳላሜ ጌሊስ**  
 (ማቶ 21:1-11፤ ማር 11:1-11፤ ሉቃ 19:28-40)

12 ዎንቴሳ ጋላስ ፓሲካ በንቶያ ቤሳ ዴዳ ዳር አሳይ ዮሱሴ ዮሩሳላሜ ቤይሳ ሲዲዲ፣ 13 ዛምባ ሃይሲ ኤኪዲ ኢያ ሞካናው ኬዩደሶና። ባንታ ቃላ ጵቁ አሲዲ፣

«ሆሳና! ሶሳይ ጋላቲቶ!  
 ጎዳ ሱንሳን ዮይሲ አንጄቶ!  
 ሶሳይ ኢስራዴል ካወቀ አንጀ!»  
 ያጊደሶና።

14-15 ጊሻ ማፋና፣  
 «ዲዮኔ ካታማው፣ ባቦፋ!  
 ሄኮ፣ ኔ ካዎይ ሃራ ማራ ቦላ ኡቲዲ ዮስ»  
 ጌቴቲዳይሳዳ ዮሱሴ ሃራ ማሪ ዴሚዲ ኢያ ቶጊስ።

16 ዮሱሳ ታማሬቲ ሄሳ ካሴ አኬኪቦኮና። ሺን ዮሱሴ በንቶቲዳፕ ጉዬ ኤንቲ ሄሳ ኡባ አኬኪደሶና። ሄሲ ኡባይ ጊሻ ማፋይ ጊዳይሳዳ ሃኒስ።

17 ዮሱሴ አላዛራ ዱፎፕ ዩጊዲ፣ ሃይቆፕ ዴንሲዳ ወደ ኢያራ ዴዲያ ዳር አሳይ ዮሱሳ ማርካቲደሶና። 18 ዳር አሳይ ኢያ ሞካናው ኬዩዳይ፣ ኢ ሄ ማላታታ አሲዳይስሳ ሲዲዳ ጊሾሳ። 19 ሄሳ ጊሾ፣ ፋሪሳቄቲ ኢሶይ ኢሱዋኮ፣ «ኑ አይኮካ አሳናው ዳንዳዎናይሳ ቤዲቴ፤ ዴሬ ኡባይ ኢያ ካሴስ» ያጊደሶና።

20 ፓሲካ በንቶያ ጋላስ ጎይናናው ዮሩሳላሜ ቢዳይሳታ ጊደን ኢሲ ኢሲ ጊሪኬ አሳቲ ዴደሶና። 21 ኤንቲ ጋሊላ ቢታን ቤቴሳይዳ ካታማፕ ዩዳ ፊልጶሳኮ ቢዲ፣ «ጎዳው፣ ኑኒ ዮሱሳ ቤዓናው ኮዮስ» ያጊዲ ዎሲደሶና። 22 ፊልጶስ ቢዲ ኢንዲሪያሳስ አዲን ናምዓይ ቢዲ፣ ዮሱሳስ አዲደሶና።

23 ዮሱሴ ኤንታኮ፣ «አሳ ናዓይ፣ በንቶቲያ ወደይ ጋኪስ። 24 ታኒ ሂንቴው ቱማ አዳይስ፤ ኢሲ ጊስቴ አይፌይ ቢታን ወዲዲ ወቆና ኢዲኮ ባርካ አቴስ። ሺን ሄ ጊስቴ አይፌይ ወቂኮ ዳር አይፌ አይፌስ። 25 ባ ሼምፑዋ ደሲያ አኒካ ዳይሴስ፤ ባ ሼምፑዋ ሃ አላሚያን ኢዲያ አኒካ ሜሪና ዴደስ አሼስ። 26 ታኒ ዴዲያሱዋን ታራ ዳና ሜላ ታው አሳናው ኮያ አኒካ ታና ካላናው ቤሴስ። ታው አሲያ አናካ ታ አዋይ በንቶና።

**ዮሱሴ ባ ሃይቆዋባ ሲንሳቲዲ አዲስ**  
 27 «ሃዲ ታ ሼምፓይ ዳር ኡንዔቲስ፤ ያቲን ወይጎ? (ታ አዋው፣ ታና ሃ ሳቴፕ አሻርኪ) ያጎ? አካይ፣ ታኒ ዩዳይ ዋዬ ኤካናሳ። 28 ታ አዋው፣ ኔ ሱንሳ በንቶ» ያጊስ።

ሄ ወደ ሳሎፕ፣ «ታኒ ታ ሱንሳ በንቶስ፤ ዛራዳካ በንቶና» ያጊያ ቃላይ ዩስ።

29 ሄ ቤሳን ኤቂዳ ዳር አሳይ ሄ ቃላ ሲዲዲ፣ «ሄሲ ዳዳ» ያጊደሶና።

ሃራቲ ቃሲ፣ «ኪታንቾይ ኢያው አዲስ» ያጊደሶና።

30 ዮሱሴ ዛሪዲ ኤንታኮ፣ «ሃ ቃላይ ሂንቴ ጊሾ ዩሲፕ አቲን ታ ጊሾ ጊዴና። 31 ሃ አላሜይ ፕርዴቲያ ወደይ ሃዲ፤ ሃ አላሚያ ሃራይሲ ሃዲ ካራ ሆሌታና። 32 ቃሲ ታኒ ሳዓፕ ጵቁ አሴቲዳ ወደ አሳ ኡባ ታኮ ኤሃና» ያጊስ። 33 ኢ ሄሳ ጊዳይ አይ ሜላ ሃይቆ ሃይቃኒኮ ኤንታው ቆንጨሳናሳ።

34 ዳር አሳይ ዛሪዲ፣ «ኑ ሂንይ ኪሪስቶሲ ሜሪናው ዴዲይሳ አዴስ። ያቲን፣ ኔኒ ወይጋዳ፣ (አሳ ናዓይ ጵቁ ጋናው ቤሴስ) ጋይ? (ኢ፣ አሳ ናዓይ አኔ?) » ያጊደሶና።

35 ዮሱሴ፣ «ፖይ ሂንቴራ ጉሳ ወደ ጋምዓና፣ ሂንቴው ጵሞና ሜላ ፖይ ዴዲሺን፣ ፖዑዋን ሃሙቲቴ። ጵማን ሃሙቲያ አሲ አው ቢያኮ ኤሬና። 36 ፖይ ናይታ ጊዳና ሜላ ፖይ ዴዲሺን ፖዑዋ አማኒቴ» ያጊስ።

**አይሁዴቲ አማኒቦኮና**

ዮሱሴ ሄሳ አዲዳፕ ጉዬ ቢዲ ኤንታፌ ጌሚስ። 37 ኢ ሄሳ ሜላ ማላታታ ኤንታ ሲንሳን አሲንካ አማኒቦኮና። 38 ናቢያ ኢሳያሲ፣

«ጎዳው፣ ኑ ማርካቲሳ አኒ አማኒዴ?  
 ጎዳይ ባ ወልቃ አዴስ ቆንጨሲዴ?»  
 ጊዳይሲ ቱማ ጊዳና ሜላ ኤንቲ ኢያ አማኒቦኮና።

39-40 ቃሲካ ኢሳያሲ፣  
 «ኤንታ አይፌይ ዩሎና ሜላ፣  
 ኤንታ ወዛናይ አኬኮና ሜላ፣  
 ኤንቲ ዎሳኮ ሲሚን፣ ኢ ኤንታ ፓሶና ሜላ፣  
 ሶሳይ ኤንታ አይፌያ ቆቂሲስ።

ኤንታ ወዛና ሚንሲስ»  
 ጊዳ ጊሾ ኤንቲ አማናናው ዳንዳዎኮኮና።

41 ኢሳያሲ ሄሳ ጊዳይ፣ ዮሱሳ በንቶዋ ቤዲዳ ጊሾኔ ኢያባ አዲዳ ጊሾሳ።

42 ጊዲኮካ፣ አይሁዴታ ሃላቃታፕካ ዳርቲ ዮሱሳ አማኒደሶና። ሺን ፋሪሳቄቲ ባንታና አይሁዴታ ዎሳ ኬሳፌ ኬሶሶና ጊዲ ያዩዳ ጊሾ አማኒዳ ጊዲ ቆንጨን ማርካቲቦኮና። 43 ሄሳ ኤንቲ አሲዳይ፣ ሶሳን ኤሬታናይሳፌ አሲዲ አሳን ኤሬታናይሳ ደሲዳ ጊሾሳ።

44 ዮሱሴ ባ ቃላ ጵቁ አሲዲ፣ «ታና አማኒያ አኒካ ታና ኪቲዳይሳካ አማኒስፕ አቲን ታ ሃላላ አማኒና። 45 ታና ቤዲያ አኒካ ታና ኪቲዳይሳካ ቤዴስ። 46 ታና አማኒያ ኡባይ ጵማን ዶና ሜላ ታኒ ፖይ ጊዳዳ አላሚያ ያስ። 47 ታ ቃላ ሲዲዲ ኪቲቶና አናካ ታኒ ፕርዲኬ። አይስ ጊኮ፣ ታኒ አላሚያ አሻናው ያሲፕ አቲን ፕርዳናው ያቢኬ። 48 ታና ኢዲይሳኔ ታ ቃላ ኤኮና አናካ ፕርዴይሲ ዴዴስ። ታኒ አዲዳ ቃላይ ወርሴሳ ጋላስ ሄ ኡራ ፕርዳና። 49 አይስ ጊኮ፣ ታኒ ሄሳ ታፕ አዲኬ፣ ሺን ታና ኪቲዳ ታ አዋይ ታኒ ጋናይሳኔ አዳናይሳ ኪቲስ። 50 ቃሲ ኢያ ኪታይ ሜሪና ዴደ ጊዴይሳ ታኒ ኤሬይስ። ሄሳ ጊሾ፣ ታኒ አዴይሲ ታ አዋይ ታና አዳ ጊዳይሳ» ያጊስ።

12:13 ማገ 118:25-26 12:14-15 ዛካ 9:9 12:25 ማቶ 10:39፤ 16:25፤ ማር 8:35፤ ሉቃ 9:24፤ 17:33 12:34 ማገ 110:4፤ ኢሳ 9:7፤ ሂዝ 37:25፤ ዳኔ 7:14 12:38 ኢሳ 53:1 12:39-40 ኢሳ 6:10

13

ዮሱሴ ባ ታማራታ ቶሁዋ ሜጪስ

1 ፓሲካ ቦንቺያ ጋላሳይ ጋካናፔ ሲንሳቲዲ ሃ አላሚያ አጊዲ አዋኮ ቢያ ዎዴይ ጋኪዳይሳ ዮሱሴ ኤሪስ። ሃ አላሚያን ዴዲያ ባይሳታ ኡባ ዎዴ ያሲስ፤ ወርሴሴ ጋካናወካ ኤንታ ያሲስ።

2 ዮሱሳራኔ ኢያ ታማራታራ ኢሲፌ ካሆ ሞሶና። ሄሳፌ ካሴ ሃላሄይ ሲሞና ናዓ አስቆሮታ ዩሁዲ ዮሱሳ አሴ ኢማናዳ ኢያ ዎዛናን ኢታ ቆፋ ዎሴስ። 3 ዮሱሴ አዋይ ኡባባ ኢያ ኩሼን ዎሴዳይሳ፤ ኢ ያሳ ማታፔ ዩዳይሳኔ ሲሚዲ ኢያኮ ባናይሳ ኤሪስ። 4 ዮሱሴ ጋይታ ቦላፌ ዴንዲዲ ቦላ ባጋ ማዑዋ ቃሪ ዎሴዲ፤ ፖፃ ኤኪዲ ባ ያሳን ማርፃፌስ። 5 ሄሳፌ ጉዩ፤ ሃሴ ሜቻ ሚሼን ቲጊዲ፤ ባ ታማራታ ቶሁዋ ሜጪስ፤ ቃሲ ባ ያሳን ዳንጫዳ ፖፃን ቁቺስ።

6 ዮሱሴ ሲሞን ጴጊሮሳኮ ያ ዎዴ ጴጊሮሴ፤ «ጎዳው፤ ኔ ታ ቶሁዋ ሜጫኔ?» ያጊስ።

7 ዮሱሴ ዛሪዲ ኢያኮ፤ «ታኒ አሴይሳ ኔ ሃዲ ኤራካ፤ ሺን ጉዩፔ አኬካና» ያጊስ።

8 ያቲን፤ ጴጊሮሴ፤ «ኔ ታ ቶሁዋ ኡባራካ ሜጫካ» ያጊስ።

ዮሱሴ ኢያኮ፤ «ታኒ ኔ ቶሁዋ ሜጫና ኢዲኮ ኔወኔ ታው ኢሲፌቴሴ ባዋ» ያጊስ።

9 ጴጊሮሴ ዮሱሳኮ፤ «ጎዳው፤ ያቲኮ፤ ታ ቶሁዋ ሃላላ ጊዶናሺን ታ ኩሺያኔ ታ ሁዲያ ሜጫ» ያጊስ።

10 ዮሱሴ ዛሪዲ፤ «ቦላ ሜጫቲዳ አኒካ ቶሆፔ ሃራባ ሜጫታናው ኩሼና፤ ኢያው ኡባሶይ ጊሺ። ሂንቱ ጊሺ፤ ሺን ኡባይ ጊሺ ጊዴኬታ» ያጊስ።

11 ዮሱሴ ባና አሴ ኢማና ኡራይ አኔኮ ኤሪያ ጊሾ «ሂንቱ ኡባይ ጊሺ ጊዴኬታ» ያጊስ።

12 ኤንታ ቶሁዋ ሜጪዳፔ ጉዩ ዮሱሴ ባ ማዑዋ ዛሪ ማዲስ። ሲሚ ጋይታ ቦላ ኡቲዲ ኤንታኮ፤ «ታኒ ሂንቱው አሴዳይሳ አኬኬቲ?»

13 ሂንቱ ታና አስታማሬ ንዳ ጌታ፤ ታኒ ሂንቱ ጌይሳ ጊዲያ ጊሾ ሎዎ ጊዴታ። 14 ታኒ ሂንቱው ጎዳኔ አስታማሬ ጊዳሼ ሂንቱ ቶሁዋ ሜጪኮ ሂንቱካ ኢሶይ ኢሱዋስ ሄሳዳ አሳናው ቤሴስ።

15 ሂዛ፤ ታኒ ሂንቱው አሴዳይሳ ሂንቱካ አሳና ሜላ ሂንቱው ሌሚሶ ጊዳስ። 16 ታኒ ሂንቱው ቱማ አዳይስ፤ አይሌይ ባ ጎዳፔ፤ ኪቲቲዳይሴ ኪቲዳይሳፌ አዴና። 17 ሂንቱ ሄሳ ኤሪዲ አሴያባ ጊዲኮ አንጄቲዳይሳታ።

18 «ታኒ ሂንቱና ኡባ ጊኬ፤ ታኒ ዶሪዳይሳታ ኤራይስ። ሺን ጊሻ ማፃፋን፤ ታ ባርሲዳይሴ ታ ኩሺያ ሳዲስ» ጌቲዳይሴ ቱማ ጊዳናው ቤሴስ።

19 ታኒ ታና ጊዴይሳ ሂንቱ አማናና ሜላ ሄሴ ሃናናፔ ሲንሳታዳ ሂንቱው አዳይስ። 20 ታኒ ሂንቱው ቱማ አዳይስ፤ ታኒ ኪቲዳ አናካ ሞኪያ ኡራይ ታና ሞኪስ። ታና ሞኪያ አኒካ ታና ኪቲዳይሳ ሞኪስ» ያጊስ።

ዮሱሴ ባና አሴ ኢማናይ አኔኮ ኮይሮቲዲ አዲስ

(ማቶ 26:20-25፤ ማር 14:17-21፤ ሉቃ 22:21-23)

21 ዮሱሴ ሄሳ አዲዳፔ ጉዩ ባ ዎዛናን ዳሮ ኡንዔቲዲ፤ «ታኒ ሂንቱው ቱማ አዳይስ፤ ታና

ሂንቱፌ ኢሶይ አሴ ኢማና» ጊዲ ቆንጫሲዲ አዲስ።

22 ኢ አዴባ አዲያኮ ኢያ ታማራታስ ኤሬቶና ኢዲን ኢሶይ ኢሱዋ ሄሊዶሶና። 23 ኢያ ታማራታፔ ኢሶይ፤ ዮሱሴ ዶሴይሴ፤ ዮሱሳ ማታን ኡቲስ። 24 ሄሳ ጊሾ፤ ሲሞን ጴጊሮሴ ኢያ ቃምዶቲዲ፤ «ኢ አና ጊያኮ አኔ አይቻ» ያጊስ።

25 ሄሳ ጊሾ፤ ሄ ታማራይ ዮሱሳኮ ሺቂዲ ሃይሳን፤ «ጎዳው፤ ኢ አኔ?» ያጊስ።

26 ዮሱሴ ዛሪዲ፤ «ታኒ ኡይሳ ዎዴን ቱሻዳ ባርሴይሳ» ያጊስ። ቃሲ ኡይሳ ሜንሴ ኤኪዲ፤ ዎዴን ቱሺዲ፤ ሲሞና ናዓ አስቆሮታ ዩሁዳ ባርሲስ። 27 ዩሁዲ ኡይሳ ባሪዳፔ ጉዩ ሃላሄይ ሶሁዋራ ዩሁዳን ጊሲስ። ዮሱሴ ኢያኮ፤ «ኔኒ አሳናው ቆፐዳባ ኤሴሳዳ አሳ» ያጊስ። 28 ሺን ጋይታ ቦላ ኡቲዳይሳታፔ አኒካ ዮሱሴ ሄሳ አይስ ኢያኮ ጊዳኮ ኤሪሴና። 29 ዩሁዲ ሚሼ አይኪያ ጊሾ ኢያ ታማራታፔ ኢሶቲ ኢሶቲ ዮሱሴ ኢያ፤ «ፓሲካ ቦንቺያ ጋላሳስ ባንታው ኮሺያባ ሻማ ዎይኮ ማንቆታስ ሙፃታ ኢማ ጊስ» ያጊዲ ቆፐዶሶና።

30 ዩሁዲ ኡይሳ ባሪዳ ሜላ ሶሁዋራ ካሬ ኬዩስ። ሄ ዎዴ ሳዲ ቃማ።

አራሳ ኪታ

31 ዩሁዲ ካሬ ኬዩዳፔ ጉዩ፤ ዮሱሴ፤ «ሃዲ አሳ ናዓይ ቦንቺቲስ፤ ያሳይካ ኢያ ባጋራ ቦንቺቲስ። 32 ያሳይ ኢያ ባጋራ ቦንቺቲኮ ኢ ባ ሁዔን አሳ ናዓ ቦንቻና፤ ቃሲ ኢ ሄሳ ኤሴሲዲ አሳና። 33 ታ ናይቶ፤ ታኒ ሂንቱራ ዳሮ ዎዴ ጋምዲኬ። ሂንቱ ታና ኮያና፤ ሺን ታኒ አይሁዴታስ አዲዳይሳ ሜላ፤ ሂንቱ ታኒ ቢያሱዋ ባናው ዳንዳዲኬታ።» 34 ታኒ ሂንቱው ኢሚያ አራሳ ኪታይ ሃይሳ፤ ኢሶይ ኢሱዋ ዶሴቴ። ታኒ ሂንቱና ዶሴዳይሳ ሂንቱ ኢሶይ ኢሱዋ ዶሳናው ቤሴስ። 35 ሂንቱ ኢሶይ ኢሱዋራ ዶሴቲኮ ሂንቱ ታ ታማራ ጊዴይሳ አሳ ኡባይ ኤራና» ያጊስ።

ጴጊሮሴ ካዳናይሳ ዮሱሴ ኮይሮቲዲ አዲስ

(ማቶ 26:31-35፤ ማር 14:27-31፤ ሉቃ 22:31-34)

36 ሲሞን ጴጊሮሴ ዮሱሳኮ፤ «ጎዳው፤ ኔኒ አው ባይ?» ያጊስ።

ዮሱሴ ዛሪዲ፤ «ታኒ ቢያሱዋ ኔኒ ሃዲ ካላናው ዳንዳዳካ፤ ሺን ጉዩፔ ታና ካላና» ያጊስ።

37 ጴጊሮሴ፤ «ጎዳው፤ ታኒ ኔና ሃዲ ካላናው አይስ ዳንዳዲኬና? ታኒ ኔ ጊሾ ሃይቃናወካ ጊጋ ኡታስ» ያጊስ።

38 ዮሱሴ ዛሪዲ፤ «ታ ጊሾ ሃይቃናው ቱማ ጊጋ ኡታዲ? ታኒ ኔው ቱማ አዳይስ፤ ኩቶይ ዋሳናፔ ሲንፌ ኔኒ ታና ሄዡ ቶሆ ካዳና» ያጊስ።

14

ዮሱሴ አዋኮ ኤፊያ አጌ

1 ዮሱሴ ባ ታማራታኮ፤ «ሂንቱ ዎዛናይ ኡንዔቶሮ፤ ያሳ አማኒቱ፤ ታናካ አማኒቱ። 2 ታ አዋ ኬሳን ዳሮ ቤሴ ዴዔስ። ታኒ ሂንቱው ቤሴ

13:12 ሉቃ 22:27 13:16 ማቶ 10:24፤ ሉቃ 6:40፤ ዮሐ 15:20 13:18 ማዝ 41:9 13:20 ማቶ 10:40፤ ማር 9:37፤ ሉቃ 9:48፤ 10:16 13:33 ዮሐ 7:34 13:34 ዮሐ 15:12፤ 17፤ 1ዮሐ 3:23፤ 2ዮሐ 5



ጊጊሳናው ባይስ። ሄሳ ጊደናኮ ታኒ ሂንቴው አዲኬሽን።<sup>3</sup> ታኒ ባዳ ቤሴ ጊጊሳና ጉዩ ታኒ ዴዲያሱዋን ሂንቴ ዳና ሜላ ሲማ ያዳ ሂንቴና ታኮ ኤፋና።<sup>4</sup> ሂንቴ ታኒ ቢያሱዋ ኤፊያ አጊያ ኤሬታ» ያጊስ።

<sup>5</sup> ያቴን፣ ቶማሲ፣ «ጎዳው፣ ነኒ ቢያሱዋ ኮኒ ኤርኮ፤ አጊያ ዋቲዲ ኤራናው ዳንዳዳ?» ያጊስ።

<sup>6</sup> ዩሱሲ ዛሪዲ፣ «አጊይ፣ ቱማይኔ ዴዎይ ታና። ታ ባጋራ ጊደና ኢዲኮ አኒካ ታ አዋኮ ባናው ዳንዳዳና።<sup>7</sup> ሂንቴ ታና ኤሪያባ ጊዲያኮ፣ ታ አዋካ ኤራና። ሺን ሂዛፔ ዶሚዲ ሂንቴ ኢያ ኤሬታኒ ኢያ ቤዲዴታ» ያጊስ።

<sup>8</sup> ፊልጶሲ ዩሱሳኮ፣ «ጎዳው፣ አዋ ኑና ቤሳ፤ ሄሲ ኑስ ጊዳና» ያጊስ።

<sup>9</sup> ዩሱሲ ዛሪዲ፣ «ታኒ ሃይሳ ሜላ ዎዴ ሂንቴራ ዴዲንካ ታና ኤሪኪ? ታና ቤዲዳ ኡራይ አዋካ ቤዲስ። ያቴን፣ ነኒ ዎይጋዳ፣ «አዋ ኑና ቤሳ» ጋይ? <sup>10</sup> ታኒ አዋራ ኢሲኖ ጊዴይሳኔ አዋይካ ታራ ኢሲኖ ጊዴይሳኔ ነኒ አማኒኪዬ? ታኒ ሂንቴው አዲያ ቃላ ታኒ ታፔ አዲኬ፣ ሺን ታናን ዴዲያ አዋይ ባ አሱዋ አሴስ። <sup>11</sup> ታኒ አዋን ዴዲይሳኔ አዋይካ ታናን ዴዲይሳ አማኒቴ። ሄሳ አማናና ኢዲኮ ታ አሲያባታን ታና አማኒቴ።

<sup>12</sup> «ታኒ ሂንቴው ቱማ አዳይስ፤ ታና አማኒያ ኡራይ ታኒ አሲያ አሱዋፔ አዲያ አሶ አሳና። ታኒ አዋኮ ቢያ ጊሾ ታና አማኒያ አኒካ ሃይሳፊ አዲያ አሶ አሳና። <sup>13</sup> አዋይ ናባ ባጋራ ቦንቼታና ሜላ ታ ሱንሳን ሂንቴ ዎሲያ ኡባ ታ ሂንቴው አሳና። <sup>14</sup> ታ ሱንሳን አይቢባካ ሂንቴ አይቼኮ ታ ሂንቴው አሳና።

**ዩሱሲ ጊሻ አያና ኢማናው ቃላ ጊሊስ**

<sup>15</sup> «ሂንቴ ታና ዶሲኮ ታ ኪታ ናጋና። <sup>16</sup> ታኒ አዋ ዎሳና፤ ሂንቴራ ሜሪናው ዳና ሜላ ሚንሴሴይሳ ሂንቴው ኢማና። <sup>17</sup> ሄ አያናይ ዎሳ ቱማ ቆንጨሴስ። ሃ አላሚያ አሳይ ኢያ ቤዎና ጊሾኔ ኤርና ጊሾ ኢያ ኤካናው ዳንዳዎኮና። ሺን ኢ ሂንቴራ ዴዲያ ጊሾኔ ሂንቴ ጊደን ዳና ጊሾ ሂንቴ ኢያ ኤሬታ።

<sup>18</sup> «ታኒ ሂንቴና አያ አዉ ባይና ናዓዳ ሂንቴ 9ላላ አጊኬ፤ ሲማዳ ሂንቴኮ ያና። <sup>19</sup> ጉሳ ዎዴፔ ጉዩ አላሜይ ታና ዛሪ ቤዲና፣ ሺን ሂንቴ ቤዳና። ታኒ ዴዎን ዴዲያ ጊሾ ሂንቴካ ዴዎን ዴዳና። <sup>20</sup> ታኒ ታ አዋን፣ ሂንቴ ታናን፣ ቃሲ ታኒ ሂንቴናን ዴዲይሳ ሂንቴ ሄ ጋላስ ኤራና።

<sup>21</sup> «ታ ኪታ ኤኪዲ ናጌይ ታና ዶሴስ። ታና ዶሴይሳ ታ አዋይካ ዶሴስ፤ ታኒካ ኢያ ዶሳይስ፤ ታኒ ኢያው ቆንጫና» ያጊስ።

<sup>22</sup> አስቆሮታ ዩሁዳ ጊደና ዩሁዲ ዩሱሳኮ፣ «ጎዳው፣ ነኒ ዋታዳ አላሚያስ ጊደናሺን ኑስ ኔና ቆንጨሳ?» ያጊስ።

<sup>23</sup> ዩሱሲ ዛሪዲ፣ «ታና ዶሲያ አኒካ ታ ቃላስ ኪቱታና። ታ አዋይ ኢያ ዶሳና። ቃሲ ታ አዋይኔ ታኒ ኢያኮ ዩዲ ኢያራ ዳና። <sup>24</sup> ታና ዶሶና አኒካ ታ ቃላስ ኪቱቱና። ሂንቴ ሲዲያ ቃላይ ታና ኪቲዳ አዋባፔ አቲን ታባ ጊዴና።

<sup>25</sup> «ታኒ ሂንቴራ ሃዲ ዴዳሼ ሄሳ ሂንቴው አዳስ። <sup>26</sup> ሺን አዋይ ታ ሱንሳን ኪታና ሚንሴሴያ ጊሻ አያናይ፣ ሂንቴና ኡባባ ታማርሳና። ታኒ ሂንቴው አዲዳ ኡባ ኢ ሂንቴና ሃሳዩሳና።

<sup>27</sup> «ሳሮቴሲ ሂንቴው ኢማና። ታኒ ታ ሳሮቴሳ ሂንቴው ኢማና። ታ ኢሚያ ሳሮቴሳይ አላሜይ ኢሚያ ሳሮቴሳ ሜላ ጊዴና። ሄሳ ጊሾ፣ ኡንዲቶሬቴ፣ ያዮሬቴ። <sup>28</sup> «ታኒ ባና፣ ሺን ሲማዳ ሂንቴኮ ያና» ጊዳይሳ ሲዲዴታ። ሂንቴ ታና ቱማ ዶሲያባ ጊዲያኮ ታ አዋይ ታፔ አዲያ ጊሾ ታኒ ኢያኮ ቤይሳን ሂንቴ ኡፋይታና። <sup>29</sup> ሄሲ ሃኒያ ዎዴ ሂንቴ አማናና ሜላ ሄሲ ሃናና ዴዲሺን ሲንሳታዳ ታኒ ሂንቴው አዳስ።

<sup>30</sup> «ሃ አላሚያ ሃሬይሲ ያ ጊሾ ሂዛፔ ጉዩ ሂንቴራ ዳሮ አዴቴኬ። ታና ኢ አይኮካ አሳናው ዳንዳዳና። <sup>31</sup> ሺን ታኒ አዋ ዶሴይሳ አላሜይ ኤራና ሜላ ታ አዋይ ታና ኪቲዳይሳ ኡባ አሳይስ። ዴንዲቴ፤ ሃይሳፊ ቦስ።

15

**ዎይኒያ ቱማ ኡባይ ዩሱሳ**

<sup>1</sup> «ታኒ ዎይኒያ ቱማ ኡባ፣ ጎሻንቾይ ታ አዋ። <sup>2</sup> ታ ቦላ ዴዲያ አይፊ አይፎና ታሺያ ኡባ ኢ ካሬስ። አይፊያ ታሺያ ካሴይሳፊ አዲ አይፋና ሜላ ሄ ታሺያ ኢ ጊጊሳና። <sup>3</sup> ታኒ ሂንቴው አዲዳ ቃላ ጊሾ ሂንቴ ጊሺ። <sup>4</sup> ታናን ዴዲቴ፤ ታኒካ ሂንቴናን ዴዳና። ዎይኒያ ታሼይ ኡባራ ዴዎና ኢዲኮ ሄ ታሼይ ባርካ አይፊ አይፋናው ዳንዳዳና። ሄሳዳካ፣ ሂንቴካ ታናን ዴዎና ኢዲኮ አይፊ አይፋናው ዳንዳዳኬታ።

<sup>5</sup> «ታኒ ዎይኒያ ኡባ፤ ሂንቴ ታሼታ። ታናን ዴዲይሲኔ ታኒ ኢያን ዴዲይሲ፣ ኢ ዳሮ አይፊ አይፋና። ታ ባይና ሂንቴ 9ላላ አይኮካ አሳናው ዳንዳዳኬታ። <sup>6</sup> ታናን ዶና ኡራይ ታሼዳ ካሬን ዩጊቲዲ ሜላና። ሄሳ ሜላ ታሼቲ ሸቂዲ ታማን ዩጊታና፣ ፀጌታና። <sup>7</sup> ሂንቴ ታናን ዴዲኮ፣ ታ ቃላይካ ሂንቴናን ዴዲኮ፣ ሂንቴ ኮያባይ አይባ ጊዲኮካ ዎሲቴ፤ ሂንቴ ኤካና። <sup>8</sup> ሂንቴ ዳሮ አይፊ አይፊያ ታ ታማሬ ጊዲኮ፣ ሄሳን ታ አዋይ ቦንቼታና። <sup>9</sup> አዋይ ታና ዶሴይሳዳ ታኒካ ሂንቴና ዶሳይስ፤ ታ ሲቁዋን ዴዲቴ። <sup>10</sup> ታኒ ታ አዋ ኪታ ናጋዳ ኢያ ሲቁዋን ዴዲዳይሳዳ ሂንቴካ ታ ኪታ ናጊኮ ታ ሲቁዋን ዳና።

<sup>11</sup> «ታ ኡፋይሳይ ሂንቴናን ጊዳና ሜላኒ ሂንቴ ኡፋይሳይ ፖሎ ጊዳና ሜላ ታኒ ሂንቴው ሄሳ አዳስ። <sup>12</sup> ታ ኪታይ ሃይሳ፤ ታኒ ሂንቴና ዶሴይሳዳ ሂንቴካ ኢሶይ ኢሱዋ ዶሴቴ። <sup>13</sup> ባ ሺምፔዋ ባ ላጊያስ አሲዲ ኢሜይሳፊ አዲያ ጊታ ሲቆይ ባዋ። <sup>14</sup> ታኒ ሂንቴና ኪቲዳባ ኡባ አሲኮ ሂንቴ ዶሴቲዳይሳታ።

<sup>15</sup> «አይሌይ ባ ጎዳይ አሲያባ ኤርና ጊሾ ታኒ ሂንቴና ሂዛፔ ጉዩ አይሌታ ጊኬ። ሺን ታ አዋፔ ሲዲዳ ኡባ ታኒ ሂንቴው አዲዳ ጊሾ ሂንቴና ዶሴቲዳይሳታ ጋስ። <sup>16</sup> ታኒ ሂንቴና ዶራሲፔ አቲን ሂንቴ ታና ዶሪቤኬታ። ሂንቴ ቢዲ ዳዮና አይፊ አይፋና ሜላ ታኒ ሂንቴና ሹማስ። ያኒኮ ታ አዋይ ሂንቴ ታ ሱንሳን ዎሲዳባ ኡባ ኢማና። <sup>17</sup> ታ ኪታይ ሃይሳ፣ ኢሶይ ኢሱዋ ዶሴቴ።

**ዩሱሲ አላሜይ ኢዳናይሳ አዲስ**

<sup>18</sup> «አላሜይ ሂንቴና ኢዲኮ ኮይሮቲዲ ታና ኢዲዳይሳ አኪኪቴ። <sup>19</sup> ሂንቴ አላሚያባ ጊዲያኮ አላሜይ ባባዳ ሂንቴና ዶሳና። ሺን ታኒ ሂንቴና አላሜፔ ዶሪዳ ጊሾኔ ሂንቴ አላሚያባ ጊደና ጊሾ

15:12 ጥሃ 13:34፣ 15:17፣ 1ጥሃ 3:23፣ 2ጥሃ 5

አላሜይ ሂንቴና ኢዲስ። <sup>20</sup> <አይሌይ ባ ጎዳፕ አዲና> ጋዳ ታኒ ሂንቴው አዲዳይሳ አከኪቴ። ኤንቴ ታና ጎዲዳባ ጊዲኮ ሂንቴናካ ጎዳና። ኤንቴ ታ ቃላ ናጊዳባ ጊዲኮ ሂንቴ ቃላካ ናጋና። <sup>21</sup> ሺን ኤንቴ ታና ኪቴዳይሳ ኤርና ጊሾ ሃ ኡባ ታ ጋሶን ሂንቴ ቦላ አላና። <sup>22</sup> ታኒ ያዳ አድናባ ጊዲያኮ ኤንጋው ናጋራ ጊዲና። ሺን ሃዲ ኤንቴ አሲዳ ናጋራስ ጋሶያባይ ባዋ። <sup>23</sup> ታና ኢዲይሲ ታ አዋካ ኢዲስ። <sup>24</sup> አኒካ አሲባና አሶ ታ ኤንጋ ጊዲን አሳቦናባ ጊዲያኮ ኤንጋው ናጋራ ጊዲና አታና። ሺን ሃዲ ኤንቴ ታኒ አሲዳ አሱዋ ቤዲዲ ታናካ ታ አዋካ ኢዲደሶና። <sup>25</sup> ሺን ኤንጋ ሂንጊያን። <ታና ሙ ኢዲደሶና> ጌቴቴዲ ሃፌቴዳይሲ ፖሌታና ሜላ ሄሲ ሃኒስ። <sup>26</sup> «አዋፕ ያ ቱማ ቆንጨሲያ አያና ታ ሂንቴው ኪታና። ኢ ሂንቴና ሚንጮላና፤ ታባ ማርካታና። <sup>27</sup> ሂንቴካ ኮይሮፕ ዶሚዲ ታራ ዴዲያ ጊሾ ታባ ማርካታና።

16

<sup>1</sup> «ታኒ ሄሳ ሂንቴ አማኖይ ጳዮና ሜላ ሂንቴው አዳስ። <sup>2</sup> ኤንቴ ሂንቴና አይሁዴ ዎሳ ኬሳታፕ ኬሲ ዩዳና። ሄሳዳካ፤ ሂንቴና ዎዲያ አኒካ ያሲ ኮያባ አሲያ ዳኒያ ዎዴይ ያና። <sup>3</sup> ኤንቴ ሄሳ ሂንቴ ቦላ አሴይ ታና ዎይኮ አዋ ኤርና ጊሾሳ። <sup>4</sup> ሺን ኤንቴ ሄሳ ሂንቴ ቦላ አሲያ ዎዴይ ጋኪያ ዎዴ ታኒ ሂንቴው አዲዳይሳ ሂንቴ አከካና ሜላ ታኒ ሂንቴው ሃይሳ አዳስ።

ጊሻ አያና አሱዋ

«ሲንሳታዳ ታኒ ሃይሳ ሂንቴው አድና ጋምዲዳይ ታ ሂንቴራ ዴዲያ ጊሾሳ። <sup>5</sup> ሺን ሃዲ ታኒ ታና ኪቴዳይሳኮ ባይስ፤ ሂንቴፌ አኒካ፤ <አጢ ባይ?> ጊዲ ታና አይቼይ ባዋ። <sup>6</sup> ሺን ታኒ ሄሳ አዲዳ ጊሾ ሂንቴ ዎዳናን ዳር አዛኖይ ዴዴስ። <sup>7</sup> ሺን ታኒ ሂንቴው ቱማ አዳይስ፤ ታኒ ቢኮ ሂንቴው ሎዎ። አይስ ጊኮ፤ ታኒ ቦና ኢዲኮ ሚንጮሴይሲ ሂንቴኮ ዩና። ሺን ታኒ ቢኮ ኢያ ሂንቴኮ ዩናና። <sup>8</sup> ሚንጮሴይሲ ዩዲ፤ ናጋራባ፤ ጊሎቴሳባኔ ፐርዳባ ሃ አላሚያ አሳ ኤሪሳና። <sup>9</sup> ናጋራባይ፤ አሳይ ታና አማኖና ጊሾሳ። <sup>10</sup> ጊሎቴሳባይ፤ ታኒ አዋኮ ቢያ ጊሾኔ ሂንቴ ታና ዛሪ ቤያና ጊሾሳ። <sup>11</sup> ፐርዳባይ፤ ቃሲ አላሚያ ሃራይሲ ፐርዴቴዳ ጊሾሳ።

<sup>12</sup> «ታኒ ሂንቴው አዲያባይ ዳርባይ ዴዴስ፤ ሺን ሃዲ ሂንቴው ጌሌና። <sup>13</sup> ቱማ አያናይ ያ ዎዴ ሂንቴና ቱማቴሳ ኡባኮ ካሌላና። ኢ ሲዲዳባ አዴሲፕ አቴን ባፕ አይቢባካ አዴና። ቃሲ ሲንሳፌ ያናባ ሂንቴው ኢ አዳና። <sup>14</sup> ኢ ታው ዴዴይሳፌ ኤኪዲ ሂንቴው አዲያ ጊሾ ኢ ታና ቦንቻና። <sup>15</sup> አዋስ ዴዲያባ ኡባይ ታባ፤ <ሚንጮሴይሲ ታው ዴዴይሳፌ ኤኪዲ ሂንቴው አዳና> ታኒ ጊዳይ ሄሳሳ።

ሂንቴ አዛኖይ ኡፋይሳን ላሚታና

<sup>16</sup> «ጉሳ ዎዴፕ ጉዩ ታና ቤዴኬታ፤ ቃሲ ጉሳ ዎዴፕ ጉዩ ሂንቴ ታና ቤዳና» ያጊስ።

<sup>17</sup> ኢያ ታማሬታፕ ኢሶቲ ኢሶቲ ባንታ ጊደን፤ «ጉሳ ዎዴፕ ጉዩ ሂንቴ ታና ቤዴኬታ፤ ቃሲ ጉሳ ዎዴፕ ጉዩ ሂንቴ ታና ቤዳና፤ ቃሲካ

ታኒ አዋኮ ባይስ ጉሳይ ዎይ ጉሴ?» ያጊደሶና። <sup>18</sup> «ጉሳ ዎዴፕ ጉዩ ጌይሲ ዎይ ጉሴ? ኢ አይ አዴቴያኮ ኑስ ኤሬቴና» ያጊደሶና።

<sup>19</sup> ኤንቴ ባና አይቻናው ኮዩይሳ ዩሱሲ ኤሪዲ፤ «ታኒ፤ <ጉሳ ዎዴፕ ጉዩ ታና ቤዴኬታ፤ ቃሲ ጉሳ ዎዴፕ ጉዩ ሂንቴ ታና ቤዳና> ጊዳይሳስ ሂንቴ ኢሶይ ኢሱዋ አይቼቴ? <sup>20</sup> ታኒ ሂንቴው ቱማ አዳይስ፤ ሂንቴ ዩካናኔ አፋዳና፤ ሺን ሃ አላሜይ ኡፋይሳና። ሃዲ ሂንቴ አዛኖና፤ ሺን ሂንቴ አዛኖይ ኡፋይሳን ላሚታና። <sup>21</sup> ኢሲ ማጫሲያ ናዓ ዩላና ሃኒያ ዎዴ ባ ዩሎ ዎዴይ ጋኪዳ ጊሾ ሂርጋጋሱ። ሺን ናዓ ዩሲዳፕ ጉዩ ናዲ ሃ አላሚያን ዩሎቴዳ ኡፋይሳ ጊሾ ባ ኡንዓ ዶጋጋሱ። <sup>22</sup> ሄሳዳካ፤ ሂንቴካ ሂንቴ ዎዳናን አዛኔታ፤ ሺን ታኒ ሂንቴና ዛራዳ ቤዳና። ሂንቴ ዎዳናይ ዳር ኡፋይሳና፤ ሄ ኡፋይሳ አኒካ ሂንቴፌ ኤኬና።

<sup>23</sup> «ሄ ጋላስ ሂንቴ ታና አይቢባካ ዎሴኬታ። ታኒ ሂንቴው ቱማ አዳይስ፤ ሂንቴ ታ ሱንሳን ዎሲያባ ኡባ አዋይ ሂንቴው ኢማና። <sup>24</sup> ሃዲ ጋካናው ታ ሱንሳን አይቢባካ ዎሲኬታ። ሂንቴ ኡፋይሳይ ፖሎ ጊዳና ሜላ ያሳ ዎሲቴ፤ ሂንቴ ኤካና።

<sup>25</sup> «ታኒ ሃዲ ጋካናው ሂንቴው ሌሚሶን አዳስ፤ ሂዋፕ ታኒ ሌሚሶን አድና ዎዴይ ያና። ሺን አዋባ ታኒ ሂንቴው ቆንጨን አዳና። <sup>26</sup> ሄ ጋላስ ሂንቴ ታ ሱንሳን አዋ ዎሳና፤ ሂንቴ ጊሾ ታኒ አዋ ዎሲኬ። <sup>27</sup> አይስ ጊኮ፤ አዋይ ባ ሁዴን ሂንቴና ዶሴስ። ሂንቴ ታና ዶሴያ ጊሾኔ ታኒ አዋ ማታፕ ዩዳይሳ አማኒዳ ጊሾ ኢ ሂንቴና ዶሴስ። <sup>28</sup> ታኒ አዋ ማታፕ ሃ አላሚያ ያስ፤ ቃሲ አላሚያ አጋዳ አዋኮ ባና» ያጊስ።

<sup>29</sup> ኢያ ታማሬቲ ዛሪዲ፤ «ሄኮ፤ ሃዲ ኔኒ ቆንጨን አዳሳ፤ ሌሚሶን አይኮካ አዳካ። <sup>30</sup> ኔኒ ኡባባ ኤሪይሳ ኑኒ ሃዲ ኤርስ፤ ቃሲ ኔና አኒካ አይቻና ሜላ ኔኒ ኮያካ። ሄሲ ኑና ኔኒ ያሳፌ ኪቴቴዳይሳ አማንጮስ» ያጊደሶና።

<sup>31</sup> ያቴን፤ ዩሱሲ ዛሪዲ ኤንታኮ፤ «ሃዲ አማኔቴ? <sup>32</sup> ሄኮ፤ ሂንቴ፤ ሂንቴ ሶ ሂንቴ ሶ ላሌቴያ ዎዴይኔ ታ ሃላላ ዩጊ አጊዲ ባቃቴያ ዎዴይ ያና፤ ሃዲካ ዩኪቸስ። ሺን አዋይ ታራ ዴዲያ ጊሾ ታ ታ ሃላላ ጊዲኬ። <sup>33</sup> ሂንቴ ታራ ዴዲሼ ሳርይ ሂንቴው ዳና ሜላ ታኒ ሄሳ አዳስ። አላሜን ዴዲሼ ሂንቴ ዋዩታና። ሺን ሚኒቴ፤ ታኒ አላሚያ ያናስ» ያጊስ።

17

ዩሱሳ ዎሳ

<sup>1</sup> ዩሱሲ ሄሳ አዲዳፕ ጉዩ ፕዴ ሳሎ ዩሲዲ፤ ሃይሳዳ ያጊስ። «አዋው፤ ሳቴይ ጋኪስ፤ ኔ ናዳይ ኔና ቦንቻና ሜላ ኔኒ ኔ ናዳ ቦንቻ። <sup>2</sup> ኔኒ ኢያው ኢሚዳ ኡባስ ኢ ሜሪና ዴዑዋ ኢማና ሜላ አሳ ኡባ ቦላ ኢያው ማታ ኢማዳሳ። <sup>3</sup> ሜሪና ዴዳይ፤ ኔና፤ ኢሲ ቱማ ያሳኔ ኔ ኪቴዳ ዩሱስ ኪሪስቶሳ ኤር። <sup>4</sup> ኔኒ ታ አላና ሜላ ኢሚዳ አሱዋ ፖላዳ ኔና ሳዳን ቦንቻስ። <sup>5</sup> ሃዲካ፤ አዋው፤ አላሜይ ሜዴታናፕ ሲንጮ ኔ ማታን ታው ዴዲያ ቦንቻዋን ታና ቦንቻ።

<sup>6</sup> «አላሚያ አሳፕ ኔኒ ታው ኢሚዳይሳታ ኔና ኤሪሳስ። ኤንቴ ኔይሳታ፤ ኔኒ ኤንታ ታው

ኢጣዳሳ። ኤንቲ ኔ ቃላስካ ኪቴቲዶሶና። 7 ኔኒ ታው ኢጣዳ ኡባባይ ኔፔ ዩዳይሳ ኤንቲ ሃሲ ኤሮሶና። 8 ኔኒ ታው ኢጣዳ ቃላ ታኒ ኤንታው ኢጣስ፤ ኤንቲካ ሄ ቃላ ኤኪዶሶና። ታኒ ኔ ማታፔ ዩዳይሲ ቱማ ጊዴይሳ ኤሪዲ ኔኒ ታና ኪቴዳይሳካ አማኒዶሶና።

9 «ታኒ ኤንታው ዎሳይስ። ኤንቲ ኔይሳታ ጊዲያ ጊሾ ኔኒ ታው ኢጣዳ አሳስ ዎሳይሲ፤ ኦቲን አላጣይስ ዎሲኬ። 10 ታው ዴዲያ ኡባባይ ኔባ፤ ኔው ዴዲያ ኡባይካ ታባ። ታኒ ኤንታ ባጋራ ቦንቼታስ። 11 ታኒ ሂዛፔ ጉዩ አላጣይን ዴዲኬ፤ ኤንቲ አላጣይን ዴዶሶና። ታኒ ሃሲ ኔኮ ባይስ። ጊሻ አዋው፣ ሃ ኔኒ ታው ኢጣዳይሳቲ ኔራኔ ታራ ኢሲኖ ጊዲዳይሳዳ ኤንቲ ኢሲኖ ጊዳና ሜላ ኤንታ ኔ ታው ኢጣዳ ኔ ሱንሳን ናጋ። 12 ታኒ ኤንታራ ሳግን ዴግሼ፣ ኔ ታው ኢጣዳ ኔ ሱንሳ ዎልቃን ኤንታ ናጋስ። ጊሻ ማፃፋይ ጊዳይሲ ፖሌታና ሜላ ዳዮይ ቤሲያ ኡራፔ አቲን ኤንታፊ ሃሪ አኒካ ዳዩቤና።

13 «ሃሲ ታኒ ኔኮ ባይስ። ታ ኡፋይሳይ ኤንታ ዎዛናን ፖሎ ጊዳና ሜላ ሃይሳ ታኒ አላጣይን ዴግሼ አዳይስ። 14 ታኒ ኤንታው ኔ ቃላ ኢጣስ። ታኒ አላጣይ ጊዶናይሳዳ፣ ኤንቲካ አላጣይ ጊዶና ጊሾ አላጣይ ኤንታ ኢዲስ። 15 ኔኒ ፃላሄፔ ኤንታ ናጋና ሜላ፤ አቲን አላጣይ ኬሳና ሜላ ዎሲኬ። 16 ታኒ አላጣይ ጊዶናይሳዳ ኤንቲካ አላጣይ ጊዶና። 17 ኔኒ ኔ ቱማቴሳን ኤንታ ኔባ አሳ፤ ኔ ቃላይካ ቱማ። 18 ኔኒ ታና አላጣይ ኪቴዳይሳዳ ታኒካ ኤንታ አላጣይ ኪታስ። 19 ቃሲ ኤንቲ ቱማ ኔባ ጊዳና ሜላ ኤንታ ጊሾ ታኒ ታ ሁዲያ ኔው ኢጣይስ።

20 «ታኒ ኤንታ ፃላሳስ ጊዶናሺን ኤንቲ ቃላ አዲን፣ ታና አማናይሳታስካ ዎሳይስ። 21 ኤንቲ ኡባይ ኢሲኖ ጊዳና ሜላ ታኒ ዎሳይስ። አዋው፣ ኔ ታናን ዴዲይሳዳ፣ ቃሲ ታ ኔናን ዴዲይሳዳ ኤንቲ ኑናን ዳና ሜላ ዎሳይስ። ሄ ዎዴ ኔኒ ታና ኪቴዳይሳ አላጣይ አማናና። 22 ኔኒኔ ታኒ ኢሲኖ ጊዴይሳዳ፣ ኤንቲ ኢሲኖ ጊዳና ሜላ፣ ኔኒ ታና ቦንቼዳይሳዳ፣ ታኒካ ኤንታ ቦንቻስ። 23 ታኒ ኤንታን፣ ኔኒ ታናን ዴዲይሳዳ ኤንቲ ፖሎ ኢሲኖ ጊዳና ሜላ ኔና ዎሳይስ። ሄሲካ፣ ኔ ታና ኪቴዳይሳኔ ኔ ታና ዶሲዳ ዶሱዋን ኤንታ ዶሲዳይሳ አላጣይ ኤራን ሜላሳ።

24 «አዋው፣ ኔኒ ታው ኢጣዳይሳቲ ታኒ ዴዲያሱዋን ታራ ዳና ሜላ ኮያይስ። አላጣይ ሜዴታናፔ ሲንሴ ኔኒ ታና ዶሲዳ ጊሾ ታው ኢጣዳ ታ ቦንቼዋ ኤንቲ ቤዓና።

25 «ጊሻ አዋው፣ አላጣይ ኔና ኤራና፣ ሺን ታኒ ኤራይስ። ቃሲ ኔኒ ታና ኪቴዳይሳ ሃይሳቲ ኤሮሶና። 26 ኔኒ ታና ሲቂዳ ሲቆይ ኤንታናን ዳና ሜላ፣ ቃሲ ታኒ ኤንታናን ጊዳና ሜላ፣ ታኒ ኔ ሱንሳ ኤንታ ኤሪሳስ፤ ሲንሳስካ ኤሪሳና» ያጊስ።

18

ዩሱሳ አይኪቴሳ (ማቶ 26:47-56፤ ማር 14:43-50፤ ሉቃ 22:47-53)

1 ዩሱሲ ዎሳ አንጊዳፔ ጉዩ ባ ታማሬታራ ቁዲሮና ዛንጋራ ፒኒዲ፣ ሄ ቤሳን ዴዲያ

አታኪልቲያ ጊዶ ጌሊዶሶና። 2 ዩሱሲ ኡባ ዎዴ ባ ታማሬታራ ያን ሺቂያ ጊሾ ዩሱሳ አሲ ኢጣዳ ዩሁዲ ሄ ቤሳ ኤራስ። 3 ሄሳ ጊሾ፣ ዩሁዲ ፓኖሴ፣ ዎምፔ፣ ቶራኔ ጎንዳሌ አይኪዳ ዳሮ ዎታዳሬታ፣ ካሂኔ ሃላቃቲኔ ፋሪሳዌቲ ኪቴዳ ዎሳ ኬሳ ናጊያ ፖሊሴታ ካሌሲ ኤኪዲ፣ ሄ ቤሳ ቤስ።

4 ዩሱሲ ባና ጋካና ሃኒያባ ኡባ ኤራዲ፣ ጋፃ ኬዩዲ፣ «አና ኮዩቲ?» ያጊስ።

5 ኤንቲ ዛሪዲ፣ «ናዚሬቴ ዩሱሳ ኮዮስ» ያጊዶሶና።

ኢ ዛሪዲ፣ «ታኒ ዩሱሳ» ያጊስ። ዩሱሳ አሲ ኢጣዳ ዩሁዲ ያን ኤንታራ ኤቂስ። 6 ኢ፣ «ታኒ ዩሱሳ» ጊዳ ዎዴ ኤንቲ ጉዩ ሺቂዲ፣ ሳግን ኩንዲዶሶና። 7 ዩሱሲ ቃሲካ፣ «አና ኮዩቲ?» ያጊዲ አይቺስ።

ኤንቲ፣ «ናዚሬቴ ዩሱሳ ኮዮስ» ያጊዶሶና።

8 ኢ ዛሪዲ፣ «ታኒ ዩሱሳ ጊዴይሳ ሂንቴው አዳስ። ሂዛ፣ ሂንቴ ታና ኮያባ ጊዲኮ ሃይሳታ ዩዲቴ» ያጊስ። 9 ኢ ሄሳ ጊዳይ፣ «አዋው፣ ኔኒ ታው ኢጣዳይሳታፔ ሃሪ አቶሺን ኢሱዋካ ዳይሳቢኬ» ጊዳይሲ ፖሌታና ሜላሳ።

10 ሲዋን ጳዲሮሳስ ማሺ ዴዲስ። ኢ ሄ ማሻ ሾዲዲ ካሂኔ ሃላቃ አይሊያስ ኡሻቻ ሃይሳ ሾጪዲ፣ ቃንፂ ዩጊስ። ሄ አይሊያ ሱንሳይ ማልኮሳ። 11 ዩሱሲ ጳዲሮሳኮ፣ «ኔ ማሻ ሾሁዋን ዛራ፣ ታ አዋይ ታው ኢጣዳ ፀዓፔ ታኒ ኡዮናባ ኔው ዳኒ?» ያጊስ።

ዩሱሲ ሃና ሲንሴ ሺቂስ (ማቶ 26:57-58፤ ማር 14:53-54፤ ሉቃ 22:54)

12 ሮሜ ዎታዳሬቲኔ ኤንታ ሃላቃይ ዎሳ ኬሳ ናጊያ ፖሊሴታራ ኢሲፌ ዩሱሳ አይኪዲ ቃቺዶሶና። 13 ኮይሮ ዩሱሳ ሃናኮ ኤፊዶሶና፣ ሃኒ ሄ ላይሲ ካሂኔ ሃላቃ ጊዲያ ቃያፋ ቦሎ። 14 ቃያፊ፣ «አሳ ኡባ ጊሾ ኢሲ አሲ ሃይቂኮ ሎዎ» ጊዲ ካሴ አይሁዴታ ዞሪዳይሳ።

ጳዲሮሲ ዩሱሳ ካዲስ (ማቶ 26:69-70፤ ማር 14:66-68፤ ሉቃ 22:55-57)

15 ሲዋን ጳዲሮሲኔ ሃራ ኢሲ ታማሬይ ዩሱሳ ካሊዲ ቢዶሶና፣ ካሂኔ ሃላቃይ ሄ ሃራ ታማሬያ ሎይሲ ኤራስ። ሄሳ ጊሾ፣ ኢ ዩሱሳራ ካሂኔ ሃላቃ ዛባ ጌሊስ። 16 ሺን ጳዲሮሲ ካራራ ዲሮሳ ፔንጊን ኤቂስ። ካሂኔ ሃላቃይ ኤሪያ ሃራ ታማሬይ ካራ ኬዩዲ፣ ፔንጊያ ናጊያ ናዴስ አዲዲ፣ ጳዲሮሳ ጋሲ ጌልሲስ። 17 ፔንጊያ ናጊያ ናዲያ ጳዲሮሳኮ፣ «ኔኒ፣ ሄ አዲያ ታማሬታፔ ኢሱዋ ጊዲኪ?» ያጋሱ።

ጳዲሮሲ ዛሪዲ፣ «አካይ፣ ታኒ ጊዲኬ» ያጊስ።

18 ሳግይ ሜጊያ ጊሾ አይሌቲኔ ናጌይሳቲ ጊፋ ታማ ኤሲዲ፣ ዩዩ አዲ ኤቂዲ ካዮሶና። ጳዲሮሲካ ኤንታራ ኤቂዲ ታማ ካዮስ።

ካሂኔ ሃላቃይ ዩሱሳ አይቺስ (ማቶ 26:59-66፤ ማር 14:55-64፤ ሉቃ 22:66-71)

19 ካሂኔ ሃላቃይ ዩሱሳ፣ ኢያ ታማሬታባኔ ኢያ ቲሚርቲያባ አይቺስ። 20 ዩሱሲ ዛሪዲ፣ «ታኒ አሳ ኡባስ ቆንጩን አዳስ። ታኒ አይሁዴ



ኡባይ ሺቂያ አይሁዴ ዎሳ ኪሳኒኔ ዎሳ ኪሳን ኡባ ዎዴ ታማርሳስ። ጌማን አይኮካ ኦዳቢኬ።

21 ያቲን፣ ኔኒ ታና አይስ አይቻይ? ታ አዲሺን ሲዲዳ አሳ አይቻ። ሄ አሳይ ታኒ አዲዲዳይሳ ኤርሶና» ያጊስ።

22 ዮሱሲ ሄሳ ጊዳ ዎዴ ሄ ቤሳን ኡቂዳ ዎታዳሬታፕ ኢሶይ ዮሱሳ ባቂዲ፣ «ካሂኔ ሃላቃስ ሃይሳዳ ዛሬይ?» ያጊስ።

23 ዮሱሲ ዛሬዲ፣ «ታኒ ኢታባ አዲዳባ ጊዲኮ ሃይሳን ዴዲያ አሳ ኡባ ሲንሳን ኦዳ። ሺን ታኒ ቱማ አዲዳባ ጊዲኮ ታና አይስ ባቃይ?» ያጊስ።

24 ሄሳ ጊሾ፣ ሃኒ፣ ዮሱሲ ቃሼቲዳ ሜላ ካሂኔ ሃላቃ ቃያፋኮ ዮዲስ።

**ጳጊሮሲ ዮሱሳ ዛሬ ካዲስ**

(ማቶ 26: 71-75፤ ማር 14: 69-72፤ ሉቃ 22: 58-62)

25 ጳጊሮሲ ያን ኡቂዲ፣ ታማ ካዩሺን፣ ሃራቲ ኢያኮ፣ «ኔኒ ሃ አዲያ ታማሬታፕ ኢሱዋ ጊዲኪ?» ያጊስ።

ጳጊሮሲ ዛሬዲ፣ «አካይ፣ ታኒ ጊዲኬ» ያጊዲ ካዲስ።

26 ካሂኔ ሃላቃ አይሌታፕ ኢሶይ፣ ጳጊሮሲ ሃይሳ ቃንጊዳ አዲያ ዳቦይ፣ ጳጊሮሳኮ፣ «ታኒ ኔና ኢያራ አታኪልቲያ ጊዶን ቤዓቢኪና?» ያጊዲ አይቺስ።

27 ጳጊሮሲ ቃሲካ ካዲስ፣ ሶሁዋራ ኩቶይ ዋሲ አጊስ።

**ዮሱሲ ጳላዎሳ ሲንሳን**

(ማቶ 27: 1-2፤ 11-14፤ ማር 15: 1-5፤ ሉቃ 23: 1-5)

28 ዎንታ ጉራ፣ ኤንቲ ዮሱሳ ቃያፋ ሶፕ ዴሪያ ሃራይሳ አሶ ኬሲ ኤፊዶሶና። አይሁዴቲ ፓሲካ ባሌ ካሳ ማናው ባንታና ቱኒሶና ሜላ ዴሪያ ሃራይሳ አሶ ኬሳ ጊሊቦኮና። 29 ሄሳ ጊሾ፣ ጳላዎሲ ኤንታኮ ካሬ ኬዬዲ፣ «ሃ አዲያ አይስ ሞቱቲ?» ያጊስ።

30 ኤንቲ፣ «ኢ ኢታ አሶናባ ጊዲያኮ ኑኒ ኢያ ኔኮ ኤሆኮ» ያጊዶሶና።

31 ጳላዎሲ ዛሬዲ፣ «ሂንቲ ኢያ ኤኪ ኤፊዲ፣ ሂንቲ ሂንቲ ጊይሳዳ ኢያ ቦላ ፐርዲቲ» ያጊስ።

አይሁዴቲ፣ «አናካ ዎዲያ ማቲ ኑስ ባዋ» ያጊዶሶና። 32 ሄሲ ሃኒዳይ ዮሱሲ አይ ሜላ ሃይቆ ሃይቃኔኮ ኤሪሳናው አዲዳይሲ ፖሌታናሳ።

33 ጳላዎሲ ባ አሶ ኬሳ ዛሬ ጊሊዲ፣ ዮሱሳ ዩጊዲ፣ «ኔኒ አይሁዴ ካዎ?» ያጊዲ አይቺስ።

34 ዮሱሲ ጳላዎሳ፣ «ሃ አይሻ ኔኒ ኔፕ አይቻዬ ዎይኮ ሃራ አሲ ኔው ታባ አዲዴ?» ያጊስ።

35 ጳላዎሲ ዛሬዲ፣ «ታ አይሁዴ አሴ? ኔ አሳይኔ ካሂኔ ሃላቃቲ ኔና ታው አሲ ኢሚዶሶና። ኔ አይ አሳዲ?» ያጊስ።

36 ዮሱሲ፣ «ታ ካዎቱሳይ ሃ አላሚያና ጊዴና። ኢ ሃይሳን ጊዲያኮ ታ አይሁዴታ ሃላቃታስ አዳ ኢሜቶና ሜላ ታ አይሌቲ ታው አሌታና። ሺን ታ ካዎቱሳይ ሃ አላሚያና ጊዴና» ያጊስ።

37 ሄሳ ጊሾ፣ ጳላዎሲ ዮሱሳኮ፣ «ያቲን፣ ኔኒ ካዎዬ?» ያጊዲ አይቺስ።

ዮሱሲ ዛሬዲ፣ «ቱማ ታ ካዎ ጊዴይሳ ኔ ጋዳሳ። ታኒ ዮሌቲዳይኔ ሃ አላሚያ ዮዳይ

ቱማቱሳስ ማርካታናሳ። ቱማ ባጋ ጊዲዳ አኒካ ታኒ ጊይሳ ሲዴስ» ያጊስ።

38 ጳላዎሲ፣ «ቱሚ አይቤ?» ያጊስ።

ጳላዎሲ ሄሳ ጊዳፕ ጉዬ አይሁዴታኮ ካሬ ኬዬዲ፣ «ታኒ ኢያፕ አይ ኢታካ ዴማቢኬ።

39 ሺን ፓሲካ ባሌ ጋላስ፣ ኢሲ አሴ ሂንቲው ቃሾፕ ቢሊያ ሜዜይ ዴዴስ። ታኒ ሂንቲው አይሁዴታ ካወዋ ቢላና ሜላ ኮዬቲ?» ያጊስ።

40 ኤንቲ ዛሬዲ፣ ባንታ ቃላ ጅቁ አሲዲ፣ «ባርባና ቢላሬ አቲን ኢያ ጊዴና» ያጊዶሶና። ሺን ባርባኒ ፓንጋ።

19

**ዎታዳሬቲ ዮሱሳ ቶቺዶሶና**

(ማቶ 27: 27-32፤ ማር 15: 15-21)

1 ሄሳሬ ጉዬ፣ ጳላዎሲ ዮሱሳ ጋራሬሲስ።

2 ዎታዳሬቲ አጉንሳ ካላቻ ሚዲዲ ኢያ ሁዴን ዎሲዶሶና። ቃሲ ዞዎ ማዎ ኢያ ማይዚዶሶና።

3 ኢያኮ ሺቂዲ፣ «አይሁዴ ካወዋው፣ ሜሪናው ካዎታ» ያጊዲ ኢያ ባቂዶሶና።

4 ጳላዎሲ ቃሲካ ካሬ ኬዬዲ፣ አይሁዴታኮ፣ «ሄኮ፣ ታኒ ኢያፕ አይ ኢታካ ዴማቦናይሳ ሂንቲ ኤራና ሜላ ኢያ ሂንቲኮ ካሬ ኬሳና» ያጊስ።

5 ሄሳሬ ጉዬ፣ ዮሱሲ አጉንሳ ካላቻ ባ ሁዴን ዎሲዲ፣ ዞዎ ማዎ ማዲዲ፣ ካሬ ኬዬስ። ጳላዎሲ አይሁዴታኮ፣ «ኡራ ሃይሳ ቤዒቲ» ያጊስ።

6 ካሂኔ ሃላቃቲኔ ዎሳ ኬሳ ናጌይሳቲ ኢያ ቤዒዳ ዎዴ ባንታ ቃላ ጅቁ አሲዲ፣ «ማስቃሊያ ቦላ ካቃ! ካቃ!» ያጊዶሶና።

ጳላዎሲ ኤንታኮ፣ «ሂንቲ ኢያ ኤፊዲ፣ ማስቃሊያ ቦላ ካቂቲ። ታኒ ኢያፕ አይ ኢታካ ዴማቢኬ» ያጊስ።

7 አይሁዴቲ ዛሬዲ፣ «ኑስ ሂንቲ ዴዴስ። ኢ ባና ዎሳ ናዓ አሲዳ ጊሾ ኑ ሂንዶሶ ኢ ሃይቃናው ቤሴስ» ያጊዶሶና።

8 ጳላዎሲ ሄሳ ሲዲዳ ዎዴ ካሴይሳሬ ዳሮ ያዩስ። 9 ቃሲካ ጳላዎሲ ባ አሶ ኬሲ ሲሚ ጊሊዲ ዮሱሳኮ፣ «ኔኒ አወፕ ያዲ?» ያጊዲ አይቺስ።

ሺን ዮሱሲ ኢያው አይኮካ ዛሬቤና። 10 ሄሳ ጊሾ፣ ጳላዎሲ፣ «ታው አዲኪ? ኔና ቢላናው ዎይኮ ማስቃሊያ ቦላ ካቃናው ታው ማቲ ዴዴይሳ ኤሪኪ?» ያጊስ።

11 ዮሱሲ፣ «ዎሳይ ኔው ማታ ኢሚቦናባ ጊዲያኮ ታ ቦላ ማቲ ኔው ዴናሺን። ሄሳ ጊሾ፣ ታና ኔው አሲ ኢሚዳይስ አዲያ ናጋራ አሲስ» ያጊስ።

**ዮሱሳ ቦላ ሃይቆ ፐርዲዶሶና**

(ማቶ 27: 15-31፤ ማር 15: 6-20፤ ሉቃ 23: 13-25)

12 ጳላዎሲ ሄሳ ሲዲዳ ዎዴ ዮሱሳ ቢላናው አጌ ኮዩስ። ሺን አይሁዴቲ ባንታ ቃላ ጅቁ አሲዲ፣ «ኔኒ ኢያ ቢሊያባ ጊዲኮ ካወዋ ቄሳሬ ባጋ ጊዳካ። ባና ካዎ ጊያ አኒካ ቄሳሬ ሞርኬ» ያጊዶሶና።

13 ጳላዎሲ ሄሳ ሲዲዲ ዮሱሳ ካሬ ኬሲስ። ያቲዲ፣ «ሎቼ ሹቼ» ጊያሶን ፐርዳ አይዲያን ኡቲስ። ኢብራይስጭ ቃላን ሄ ቤሳይ «ጋባታ» ጉሱ። 14 ሄ ጋላሳይ ፓሲካ ባሌ ቦንቻናው ጊጌቱሳ ጋላስ። ሄ ዎዴ ሳዒ ኡሱፑን ሳቲ ሄራ። ጳላዎሲ

አይሁዴታኮ። «ሂንቴ ካዉዋ ሃይሳ ቤዒቴ» ያጊስ።

15 አይሁዴታ ባንታ ቃላ ጶቁ አሲዲ። «ዲጋ! ዲጋ! ማስቃሊያ ቦላ ካቃ» ያጊደሰና።

ጲላዎሲ ዛሪዲ። «ሂንቴ ካዉዋ ታኒ ማስቃሊያ ቦላ ካቃናይሳ ኮዩቲ?» ያጊዲ አይቺስ።

ካሂኔ ሃላቃቲ። «ቁሳሬፔ ሃራ ካዎይ ኑስ ባዋ» ያጊደሰና።

16 ሄሳፌ ጉዩ። ኤንቲ ዩሱሳ ማስቃሊያ ቦላ ካቃና ሜላ ጲላዎሲ ኤንታው አሲ ኢሚስ።

**ዩሱሲ ካቁቲስ**

(ማቶ 27:32-44፤ ማር 15:21-32፤ ሉቃ 23:26-43)

ኤንቲ ዩሱሳ አይኪዲ ኤፊዶሶና። 17 ዩሱሲ ባ ማስቃሊያ ቶኪዲ። «ሁዔ ጉጌ» ጊያ ቤሳ ቢስ።

«ሁዔ ጉጌ» ጉሳይ ኢብራይስጭ ቃላን «ጎልጎታ» ጉሱ። 18 ኤንቲ ሄ ቤሳን ማስቃሊያ ቦላ ዩሱሳ ካቁዶሶና።

ቃሲ ኢያራ ሃራ ናምዑ አሳታ። ኢሱዋ ያ ባጋራ ሃንኩዋ ሃ ባጋራ ማስቃሊያ ቦላ ካቁዶሶና።

19 ጲላዎሲ። «አይሁዴታ ካዉዋ። ናዘሬቴ ዩሱሳ» ያጊያ ፀፌ ዓፌዲ ማስቃሊያ ቦላ ዎሲስ።

20 ዩሱሲ ማስቃሊያ ቦላ ካቁቲዳ ቤሳይ ካታማስ ማታን ዴዒያ ጊሾ ዳሮ አይሁዴታ ሄ ፀፊያ ናባቢዶሶና።

ፀፊይ ዓፌቲዳይ ኢብራይስጭ ዶናን። ላቲኔ ዶናኒኔ ጊሪኬ ዶናና። 21 ሄሳ ጊሾ። ካሂኔ ሃላቃቲ ጲላዎሲ።

«ሃ አዴይ ባና አይሁዴ ካዎ ያጊስ» ጋዳ ዓፋፔ አቲን «አይሁዴ ካዎ» ጋዳ ዓፋፔ» ያጊደሰና።

22 ያቲን። ጲላዎሲ። «ታ ዓፊዳይሳ ዓፋስ» ያጊዲ ዛሪስ።

23 ዎታዳሬቲ ማስቃሊያ ቦላ ኢያ ካቁዳፔ ጉዩ ኢያ ማዑዋ ኤኪዲ።

አይዱ ቤሳን ሻኪዲ። ኢሶ ኢሶ ኤኪዶሶና። ዩዳ ማዔቲያ ኢያ አዱሳ ማዑዋ ኤኪዶሶና።

24 ዎታዳሬቲ። «አና ጋካኒኮ። ሳማ ዩጋናፔ አቲን ማዑዋ ፔዶኮ» ያጊደሰና። ሄሲ ሃኒዳይ ጌሻ ማፃፋን።

«ታ ማዑዋ ሻኪ ኤኪዶሶና፤ ታ አዱሳ ማዑዋ ቦላካ ሳማ ዩጊዶሶና»

ጌቲቲዳይሲ ፖሌታና ሜላሳ። ሄሳ ጊሾ። ዎታዳሬቲ ሄሳ አሲዶሶና።

25 ሺን ዩሱሳ ማስቃሊያ ማታን ኢያ አያ። ኢያ አዩ ሚቺያ።

ቁሊዮጴ ማቺያ ማይራማኔ ማግዴላ ማይራማ ኤቁዶሶና። 26 ዩሱሲ ባ አዩሬኔ ኢ ዶሲያ ታማሬይ ያን ኤቁዳይሳታ ቤዒዲ።

ባ አዩኮ። «ታ አዩ። ኔ ናሳ ሃይሳ ቤዓ» ያጊስ።

27 ሄሳፌ ጉዩ። ሄ ታማሪያኮ። «ኔ አዩው ሃና ቤዓ» ያጊስ። ሄ ታማሪይ ኢዮ ሄ ዎዴፔ ዶሚዲ ባራ ዳና ሜላ ሶ ኤፊስ።

**ዩሱሲ ሃይቆፔ**

(ማቶ 27:45-56፤ ማር 15:33-41፤ ሉቃ 23:44-49)

28 ሄሳፌ ጉዩ። ዩሱሲ ኡባይ ሃሲ ፖሌቲዳይሳ ኤሪዲ።

ጌሻ ማፃፋን ዓፊቲዳይሲ ፖሌታና ሜላ «ታና ሳሜስ» ያጊስ።

29 ሄ ቤሳን ኢሲ ፀጋ ኩሜሳ ጫላ ዎይኔይ ዴዔስ።

ኤንቲ ኢሲፖንጂ ሄ ዎይኒያን ዩጊዲ። ሂሶጴ ሚሳ ዔራን ዎሲዲ። ዩሱሳ ዶናኮ

ሺሺዶሶና። 30 ዩሱሲ ዎይኒያ ጋንቧ ቤዒዲ። «ፖሌቲስ» ያጊስ።

ሄሳፌ ጉዩ። ባ ሁዒያ ዘቂ አሲዲ ባ ሼምፑዋ ኢሚስ።

**ዩሱሳ ሚያ ቶራን ጫዲዶሶና**

31 ሄ ጋላሳይ ጊጌቴሳ ጋላስ ጊዲያ ጊሾኔ ዎንቴሳ ጋላሳይ ቦንቾ ሳምባታ ጊዲያ ጊሾ አሳታ

አሃይ ማስቃሊያ ቦላ ሳምባታ ጋላስ ፔዎና ሜላ ኤንታ ቶሁዋ ሜንሲዲ።

ማስቃሊያፔ ዎዲሳና ሜላ አይሁዴታ ጲላዎሳ ዎሲዶሶና። 32 ሄሳ ጊሾ።

ዎታዳሬቲ ቤዲ። ዩሱሳራ ካቁቲዳ ናምዑ አሳታ ቶሁዋ ሜንሲዶሶና።

33 ሺን ዩሱሳኮ ዩዳ ዎዴ ኢ ሃይቁዳይሳ ቤዒዲ። ኢያ ቶሁዋ ሜንሲዶሶና።

34 ሺን ዎታዳሬታፔ ኢሶይ ኢያ ሚያ ቶራን ጫዲን ሶሁዋራ ሱሲኔ ሃሲ ጎጊስ።

35 ሂንቴ አማናና ሜላ ሄሳ ቤዒዳይሲ ማርካቲስ። ኢያ ማርካቴሳይካ ቱማ።

ቃሲ ኢ አዴይሲ ቱማ ጊዴይሳ ኤሬስ። 36 ሄሲ ሃኒዳይ ጌሻ ማፃፋይ።

«ኢያ ሜቁሳታፔ ኢሶይካ ሜቁና» ጊዳይሲ ፖሌታና ሜላሳ። 37 ቃሲካ ጌሻ ማፃፋይ ሃራ ቤሳን።

«ኤንቲ ባንታ ጫዲዳይሳ ቤዓና» ያጊስ።

**ዩሱሲ ሞጌቲስ**

(ማቶ 27:57-61፤ ማር 15:42-47፤ ሉቃ 23:50-56)

38 ሄሳፌ ጉዩ። አርማቲያሳ ካታማፔ ዩዳ ዮሴፊ ዩሱሳ አሃ ኤካናው ጲላዎሳ ዎሲስ።

ዮሴፊ አይሁዴታስ ያዩዳ ጊሾ ቆሳን ዩሱሳ ካሌይሳ። ጲላዎሲ።

«ኤካ» ያጊስ። ሄሳ ጊሾ። ዮሴፊ ቤዲ ዩሱሳ አሃ ኤኪስ።

39 ቃሲ ጌቆዲሞሲ። ሃይሳፌ ካሴ ዩሱሳኮ ቃማ ዩዳይሲ። ካርቤኔ ጎዳሬ ኡሳራ

ዋላኬቲዳ ሃስታማኔ ኢሲ ኪሎ ጊራማ ጊዲያ ሺቶ ኤኪዲ ዮሴፋራ ዩስ። 40 ሄ ናምዑ

አሳቲ ዩሱሳ አሃ ኤኪዲ። አይሁዴታ አሃ ዓፂያ ማራን።

ሺቶራ። ሞጎ አፊላን ዓፂዶሶና። 41 ዩሱሲ ማስቃሊያ ቦላ ካቁቲዳ ቤሳን ዳሮ

አታኪልቲይ ዴዔስ። ሄ አታኪልቲያ ጊዶን ሹቻሬ ዎጮቲዲ

አሴቲዳ ቡሮ አኒካ ሞጌቲስና አራሳ ዱፎይ ዴዔስ። 42 ሄ ጎንጎሎፕ ማታን ዴዒያ

ጊሾኔ አይሁዴታ ሳምባታስ ጊጌቲያ ጋላስ ጊዲያ ጊሾ ዩሱሳ አሃ ያን ሞጊዶሶና።

20

**ዩሱሲ ሃይቆፔ ዴንዲስ**

(ማቶ 28:1-8፤ ማር 16:1-8፤ ሉቃ 24:1-12)

1 ዎጋ ዎዴ ዎንታ ቡሮ ጊዮና ዴዒሺን። ማግዴላ ማይራማ።

ዩሱሲ ሞጌቲዳ ዱፋዋ ባዳ ሹቻይ ሄ ዱፋዋ ዶናፔ ዴንዲዳይሳ ቤዓሱ።

2 ሲሞን ጴጊሮሳኮኔ ዩሱሲ ዶሲያ ሃንኮ ታማሪያኮ ዎፃ ባዳ።

«ዱፋዋፔ ጎዳ ኤፊዶሶና፤ ኢያ አዉን ዎሲዳኮ ኑ ኤሮኮ» ያጋሱ።

3 ሄሳ ጊሾ። ጴጊሮሲኔ ሃንኮ ታማሪይ ኬዩዲ ዱፋዋ ቢዶሶና።

4 ናምዓይካ ኢሲፌ ዎፂዶሶና። ሺን ሃንኮ ታማሪይ ጴጊሮሳፔ አዲዲ ሲንሳቲዲ

ዱፋዋ ጋኪስ። 5 ሄ ታማሪይ ሆኪዲ። ሞጎ አፊላ ቤዒስ።

ሺን ዱፋዋን ዎዲቤና። 6 ሲሞን ጴጊሮሲ ኢያ ካሊ ዩዲ።

ዱፋዋን ዎዲዲ ሞጎ አፊላይ ያን ዴዔይሳ ቤዒስ። 7 ቃሲ ዩሱሳ ሁዒን ዓፂቲዳ

19:24 ማዝ 22:18 19:28 ማዝ 69:21፤ 22:15 19:36 ኬላ 12:46፤ ታይ 9:12፤ ማዝ 34:20 19:37 ዛካ 12:10፤ ዮቆ 1:7 19:39 ዮሃ 3:1-2

አፊላይ የጌቲዳ ሜላ ዱማ ኢሲ ቤሳን ዴዴይሳ ቤዲስ። ሄ አፊላይ ዱማ ዴዴይሲ፤ አቲን ሞጎ አፊላራ ኢሲፊ ዴና።<sup>8</sup> ሄ ዎዴ ሲንሳቲዲ ዱፉዋ ጋኪዳ ሃንኮ ታማሬይ ገሊ ቤዲዲ አማኒስ።<sup>9</sup> ዮሱሲ ሃይቆፕ ዴንዳናው ቤሴይሳ አዲያ ገሻ ማፃፋ ቃላ ኤንቲ ቡሮ አኬኪቦኮና።<sup>10</sup> ሄሳፊ ጉዩ፣ ኢያ ታማሬቲ ባንታ ሶ ሲሚዲ ቢዶሶና።

**ዮሱሲ ማግዴላ ማይራሚስ ቤንቲስ**  
(ማቶ 28:9-10፤ ማር 16:9-11)

<sup>11</sup> ሺን ማይራማ ሄ ዱፉዋ ዶናን ኤቃዳ ዮካሼ ሆካዳ ዱፉዋ ጊዶ ያላሱ።<sup>12</sup> ቦሳ ማፆ ማዲዳ ናምቡ ኪታንቾቲ ዮሱሳ አሃይ ዜንዲዳሱዋን ኢሶይ ሁዴሶራ ሃንኮይ ቶሆሶራ ኡቲዳሺን ቤዳሱ።<sup>13</sup> ኤንቲ ኢኮ፣ «ማጫሴቴ፣ አይስ ዮካይ?» ያጊዲ አይቺዶሶና።

ኢያ፣ «ኤንቲ ታ ጎዳ ኤፊዶሶና፤ ኤንቲ አወን ዎሲዳኮ ታኒ ኤሪኬ» ያጋሱ።

<sup>14</sup> ሄሳ ጊዳፕ ጉዩ፣ ኢያ ጉዩ ሲማ ያሊያ ዎዴ ዮሱሲ ያን ኤቂዳይሳ ቤዳሱ። ሺን ኢ ዮሱሳ ጊዲዳይሳ ኤራቡኩ።<sup>15</sup> ዮሱሲ ኢኮ፣ «ማጫሴቴ፣ አይስ ዮካይ? አና ኮያይ?» ያጊዲ አይቺስ።

ማይራማ አታኪልቲ አሳንቸዋ ዳኒን፣ «ጎዳው፣ ኔ ኤኪዳባ ጊዲኮ፣ ኢያ አወን ዎሲዳኮ ታው አዳርኪ። ታኒ ኢያ ኤካና» ያጋሱ።

<sup>16</sup> ዮሱሲ ኢኮ፣ «ማይራሚ» ያጊስ።

ኢያ ኢያኮ ሲማዳ፣ ኢብራይስጭ ዶናን «ሬቡኒ» ያጋሱ። ሄሳስ ቢርሼሳይ «አስታማሪያው» ጉሱ።

<sup>17</sup> ዮሱሲ ኢኮ፣ «ታኒ ቡሮ ታ አዋኮ ቦና ጊሾ ታና አይካዳ አሻናው ኮዮፓ። ሺን ታ ኢሻታኮ ባዳ፣ <ታኒ ታ አዋኮኔ ሂንቲ አዋኮ፣ ታ ያሳኮኔ ሂንቲ ያሳኮ፣ ሲማና ጊስ> ጋዳ ኤንታው አዳ» ያጊስ።

<sup>18</sup> ማግዴላ ማይራማ ጎዳ ቤዲዳይሳኔ ኢው ሄሳ ኢ አዲዲዳይሳ ባዳ ኢያ ታማሬታስ አዳሱ።

**ዮሱሲ ባ ታማሬታስ ቆንጨስ**

(ማቶ 28:16-20፤ ማር 16:14-18፤ ሉቃ 24:36-49)

<sup>19</sup> ዎጋ ዎዴ አማርሲ፣ ኢያ ታማሬቲ አይሁዴታስ ያዩዲ ካሪያ ጎርዲዲ ሺቂ ኡቲዳሺን፣ ዮሱሲ ዩዲ፣ ኤንታ ጊዶን ኤቂዳ፣ «ሳሮይ ሂንቲው ጊዶ» ያጊስ።<sup>20</sup> ሄሳ ጊዲ ሲሚዲ ባ ኩሺያኔ ባ ሚያ ኤንታ ቤሲስ። ኢያ ታማሬቲ ጎዳ ቤዲዳ ዎዴ ዳሮ ኡፋይቲዶሶና።<sup>21</sup> ዮሱሲ ዛሪዲ ኤንታኮ፣ «ሳሮይ ሂንቲው ጊዶ፤ ታ አዋይ ታና ኪቲዳይሳዳ ታኒካ ሂንቲና ኪታይስ» ያጊስ።

<sup>22</sup> ሄሳ ጊዳፕ ጉዩ፣ ኤንታ ቦላ ኡፋ ጊዲ ፑኒስ። ቃሲ፣ «ገሻ አያና ኤኪቴ።<sup>23</sup> ሂንቲ አቶ ጊዳ አሳ ናጋራይ አቶ ጌቲታና። ሂንቲ አቶ ጎናይሳታ ናጋራይ አቶ ጌቲታና» ያጊስ።

**ዮሱሳኔ ቶማሳ**

<sup>24</sup> ሺን ታማኔ ናምቡ ታማሬታፕ ኢሶይ፣ ዲዲሞሳ \* ጌቲቲያ ቶማሲ፣ ዮሱሲ ዩዳ ዎዴ ኤንታራ ዴና።<sup>25</sup> ሄሳ ጊሾ፣ ሃንኮ ኢያ ታማሬቲ ቶማሳኮ፣ «ኑኒ ጎዳ ቤዲዳ» ያጊዶሶና።

ሺን ቶማሲ ኤንታኮ፣ «ሚሲማሬን ኢ ጫዴቲዳ ኢያ ኩሺያን ዴዲያ ቤታ ቤዶናኔ ሄ

ቤታ ታ ቢራዴን ቦቾና፣ ቃሲ ታ ኩሺያ ኢያ ሚያን ዩዳ ቤዶና አማኒኬ» ያጊስ።

<sup>26</sup> ሳሚንታፊ ጉዩ፣ ዮሱሳ ታማሬቲ ቃሲካ ሶን ሺቂዲ ኡቲዶሶና፤ ቶማሲካ ኤንታራ ዴዴስ። ካሬይ ጎርዴቲዲ ዴዲሺን ዮሱሲ ዩዲ፣ ኤንታ ጊዶን ኤቂዳ፣ «ሳሮይ ሂንቲው ጊዶ» ያጊስ።

<sup>27</sup> ሄሳፊ ጉዩ፣ ዮሱሲ ቶማሳኮ፣ «ታ ኩሺያ ኔ ቢራዲያን ቦቾዳ ቤዳ። ቃሲ ኔ ኩሺያ ታ ሚያን ዩዳዳ ቤዳ፤ ሲዲፓ፣ አማና» ያጊስ።

<sup>28</sup> ቶማሲ ዛሪዲ፣ «ታ ጎዳው፣ ታ ያሳው» ያጊስ።

<sup>29</sup> ያቲን ዮሱሲ፣ «ኔኒ ታና ቤዲዳ ጊሾ አማናዳሳ፣ ሺን ታና ቤዶና አማኒዳይሳቲ አንጄቲዳይሳታ» ያጊስ።

**ሃ ማፃፋ ቆፋ**

<sup>30</sup> ዮሱሲ ሃ ማፃፋን የፊቲቦና ሃራ ዳሮ ማላታታ ባ ታማሬታ ሲንሳን አሲስ።<sup>31</sup> ሺን ዮሱሲ ኢ ኪሪስቶሳ፣ ያሳ ናዓ ጊዴይሳ ሂንቲ አማናና ሜላኔ አማኒዲ ኢያ ሱንሳን ዴዶ ዴማና ሜላ ሄሲ የፊቲስ።

21

**ዮሱሲ ላፑን ባ ታማሬታስ ቆንጨስ**

<sup>1</sup> ሄሳፊ ጉዩ፣ ዮሱሲ ዲባርዮሳ አባ ማታን ባ ታማሬታስ ዛሪ ቆንጨስ። ኢ ኤንታው ሃይሳፊ ካሊዲ ዴዲያ ሃናታን ቆንጨስ።<sup>2</sup> ሲሞን ጴጊሮሲ፣ ሜንቴ ጌቲቲያ ቶማሲ፣ ቃና ጋሊላፕ ዩዳ ናቲናሜሊ፣ ዛብዲዮሳ ናይቲኔ ዮሱሳ ታማሬታፕ ሃራ ናምዓቲ ኢሲፊ ዴዶሶና።

<sup>3</sup> ሲሞን ጴጊሮሲ ኤንታኮ፣ «ታኒ ሞሎ አይካናው ባይስ» ያጊስ።

ኤንቲ፣ «ኑካ ኔራ ባና» ያጊዲ፣ ዎጎሉዋ ጊዶ ጌሊዶሶና። ሺን ኤንቲ ሄ ቃማን አይቢ ሞሎካ አይኪቦኮና።

<sup>4</sup> ዎንታ ጉራ የልቂይ ዶላናፕ ሲንሴ፣ ዮሱሲ አባ ጋፃን ኤቂስ፣ ሺን ኢያ ታማሬቲ ዮሱሳ ጊዲዳይሳ ኤርቦኮና።<sup>5</sup> ዮሱሲ ኤንታኮ፣ «ታ ላፕቶ፣ ሞሎ አይኪቤኬቲ?» ያጊስ።

ኤንቲ ዛሪዲ፣ «አይኮካ አይኪቦኮ» ያጊዶሶና።

<sup>6</sup> ኢ ዛሪዲ፣ «ሂንቲ ጊቲያ ዎጎሉዋፕ ኡሻቻ ባጋራ ዩጊቲ፤ ጉሳ ሞሎ ሂንቲ አይካና» ያጊስ። ሄሳ ጊሾ፣ ጊቲያ ኡሻቻ ባጋራ ዩጊዶሶና። ሞሎይ ዳሪዳ ጊሾ ጎቺዲ ኬሳናው ያኔቲዶሶና።

<sup>7</sup> ዮሱሲ ዶሲያ ታማሬይ ጴጊሮሳኮ፣ «ሃይሲ ጎዳ!» ያጊስ። ሲሞን ጴጊሮሲ ኢ ጎዳ ጊዳይሳ ሲዲዳ ዎዴ ካሎ ዴዲያ ጊሾ ባ ማዑዋ ማዲዲ አባ ጊዶ ጉፒ ጌሊስ።<sup>8</sup> ሺን ዎጎሉዋን አቲዳ ሃንኮ ታማሬቲ ሞሎይ ኩሚዳ ጊቲያ ጎቺዲ፣ አባፊ ጋፃ ኬዩዶሶና። ኤንቲ አባፊ ናምቡ ያቲ ዋዳ ሜላ ሃኮሶና።<sup>9</sup> ኤንቲ አባፊ ጋፃ ኬዩዳ ዎዴ ዲፋ ቦንቆን ሞሎይ ዴዴይሳኔ ኡይሲ ቤዲዶሶና።

<sup>10</sup> ዮሱሲ ኤንታኮ፣ «ሃዲ ሂንቲ አይኪዳ ሞሎዋፕ ጉሳራ ሃሚቴ» ያጊስ።

<sup>11</sup> ሲሞን ጴጊሮሲ ዎጎሉዋን ጌሊዲ፣ ያታኔ ኢሻታማኔ ሄቸ ዎጋ ሞሎቲ ኩሚዳ ጊቲያ ጎቺዲ አባፊ ጋፃ ኬሲስ። ሞሎይ ሄሳ ሜላ ዳሮ ጊዲን ጊቲይ ዳኬቲቤና።

<sup>12</sup> ዮሱሲ ኤንታኮ፣ «ሃ ዩዲ ሚቴ» ያጊስ። ኢ ጎዳ ጊዴይሳ ኤንቲ ኤሪዳ ጊሾ ኢያ ታማሬታፕ

20:23 ማቶ 16:19፤ 18:18 \* 20:24 ዲዲሞሳ ጊይሳ ቢርሼሳ ዮሃ 11:16 ያሊቴ። 21:3 ሉቃ 5:5 21:6 ሉቃ 5:6



ኢሶይካ፣ «ኔኒ አኔ?» ጊዲ ኢያ አይቻናው ሚኒዳይ ባዋ።<sup>13</sup> ዮሱሲ ዩዲ፣ ኡይሳ ኤኪዲ ኤንታው ኢሚስ፤ ሞሉዋካ ሄሳዳ ኢሚስ።

<sup>14</sup> ዮሱሲ ሃይቆፕ ዴንዲዲ ባ ታማሬታስ ቆንጨሺን ሃይሲ ሄኻንሶ።

**ዮሱሳኔ ጳጊሮሳ**

<sup>15</sup> ኤንቲ ሚዳፔ ጉዮ፣ ዮሱሲ ሲሞን ጳጊሮሳኮ፣ «ዮና \* ናዓው ሲሞና፣ ታና ሃይሳታፔ አሳዳ ዶሳይ?» ያጊስ።

ሲሞን ጳጊሮሲ፣ «ኤ ጎዳው፣ ታኒ ኔና ዶሴይሳ ኔ ኤራሳ» ያጊስ።

ዮሱሲ ኢያኮ፣ «ታ ዶርሳ ማራታ ሄማ» ያጊስ።

<sup>16</sup> ዮሱሲ ቃሲካ፣ «ዮና ናዓው ሲሞና፣ ታና ዶሳይ?» ያጊስ።

ሲሞን ጳጊሮሲ፣ «ኤ ጎዳው፣ ታኒ ኔና ዶሴይሳ ኔ ኤራሳ» ያጊስ።

ዮሱሲ፣ «ታ ዶርሳታ ሄማ» ያጊስ።

<sup>17</sup> ዮሱሲ ሄኻንሶ፣ «ዮና ናዓው ሲሞና፣ ታና ዶሳይ?» ያጊስ።

ዮሱሲ ሄኻንሶ ሲሞን ጳጊሮሳኮ፣ «ታና ዶሳይ?» ያጊዲ አይቸዳ ጊሾ ጳጊሮሲ አዛኒዲ፣ «ጎዳው፣ ኔኒ ኡባባ ኤራሳ፤ ታኒ ኔና ዶሴይሳ ኔ ኤራሳ» ያጊስ።

ዮሱሲ፣ «ታ ዶርሳታ ሄማ።<sup>18</sup> ታኒ ኔው ቱማ አዳይስ፤ ኔኒ ናዓቱሳን ዴዲያ ዎዴ ኔርካ ዳንጩታዳ፣ ኔ ኮዬዳ ሶ ባሳ። ሺን ኔ ጨሚዳ ዎዴ ኔ ኩሺያ ሚጫ ቤሳና። ሃሪ ዳንጩሳና፤ ኔ ዶሶና ሶ ኤፋና» ያጊስ።<sup>19</sup> ዮሱሲ ሄሳ ጳጊሮሲ አይ ሜላ ሃይቆ ሃይቂዲ፣ ዎሳ ቦንቸሳኔኮ ኤሪሳናው ጊስ። ሄሳ ጊዳፔ ጉዮ፣ ዮሱሲ ጳጊሮሳኮ፣ «ታና ካላ» ያጊስ።

**ዮሱሳኔ ሃንኮ ታማሪያ**

<sup>20</sup> ጳጊሮሲ ጉዮ ሲሚዲ፣ ዮሱሲ ዶሲያ ታማሪይ ባፔ ጉዮራ ዮይሳ ቤዲስ። ሄ ታማሪይ፣ ካሆ ሚያሶን ዮሱሳኮ ሺቂዲ፣ «ጎዳው፣ ኔና አሲ ኢማናይ አኔ?» ጊዳይሳ።<sup>21</sup> ጳጊሮሲ ሄ ታማሪያ ቤዲዲ፣ «ጎዳው፣ ሃ አዴይ ቃሲ ዋናኔ?» ያጊዲ ዮሱሳ አይቸስ።

<sup>22</sup> ዮሱሲ ኢያኮ፣ «ታኒ ያና ጋካናው ኢ ዳና ሜላ ታኒ ኮይኮ፣ ሄሲ ኔና አይ ሜቲዴ? ኔኒ ታና ካላ» ያጊስ።

<sup>23</sup> ሄሳ ጊሾ፣ ሄ ታማሪይ ሃይቂና ጊያ አዳይ ኢሻታ ኡባ ጋኪስ። ሺን ዮሱሲ፣ «ታኒ ያና ጋካናው፣ ኢ ዳና ሜላ ታኒ ኮይኮ ኔና አይ ሜቲዴ?» ያጊሲፔ አቲን «ሃይቂና» ጊቤና።

<sup>24</sup> ሃ አዳባ ማርካቲዳይኔ ሃይሳ ሃፊዳይ ሄ ታማሪያ። ኢያ ማርካቲዳይ ቱማ ጊዴይሳ ኑኒ ኤሮስ።

<sup>25</sup> ዮሱሲ አሲዳ ሃራ ዳሮባይ ዴዴስ። ታ ቆፒን፣ ኡባባይ ሁዔን ሁዔን ሃፊቲዳኮ፣ ሃፊቲያ ማፃፋታስ ኩሜሳ አላሜይ ዎሳንው ጊዳናባ ዳኔና።

\* 21:15 ዮና፣ ጊሪኬ ዶናን ዮና ጊያ ሱንሳይ ዮሀንሳ ጊያ ሱንሳስ ሳጶሶ ሱንሱ። 21:20 ዮሃ 13:25

### ሃዋራታ አሱዋ ጋሳ ቆፋ

ሃዋራታ አሱ ማፍሩይ፣ ሉቃስ ምንጌላ ካሊዲ ፃፊት ማፍሩይ፣ ማፍሩይን ደዲያ ሞና ቆፋይ ከይሮ ዩሱፍ ካሊዲ አሳቲ ጌሻ አያናይ ካሌሲን፣ ኢያባ አዲያ ቃላ፣ «ዩሱፍ ማፍሩይን፣ ዩሱፍ ቢታ ኡባን፣ ሳማራን፣ ሳፃ ጋፃ፣ ጋፃ ጋካናው» (1:8) ምንጌላ ቢታ ኡባ ሞቲ ጋሊዲክ አዳናሳ። ማፍሩይ፣ አማኖይ አይሁዴ አሳታ ጊደን ዶሜቲዲ፣ ኩሜሳ አሳሜን ደዲያ አሳ ኡባ አማኖ ጊዳና ጋካናው ሞኒዲ ዳልጊዳክ አዲያ ታሪኬ። ሃ ማፍሩይ ፃፊይ፣ አማኒያ አሳቲ ሮሜ ካዎቴሳ ኩንዲሳናው ጋርሳራ ማቄቲያ ለሲ ጊደናይሳኔ አማኖይ አይሁዴታ ሃይማኖቱ ፖሎ አሊይሳ ጊዴይሳ ኤሪሳናው ኬሂ ዳቡሪዲ አሊስ።

ሃዋራታ አሱ ማፍሩን ዩሱፍን አዲያ ምንጌላይ ጋኪያ ቤሳይ ምዴን ምዴን ዳልጊ ዳልጊ ቤይሳኔ ምሳ ኬሊ ኤቁዳይሳ ቆንጨሲያ ሄዡ አይፊ ኪፊሌታን ሻካናው ዳንዳዔቴስ።

1. አማኖይ ዩሱሲ ሳሎ ኬዩ ሲሚን ዶሜቲዳይሳ።
2. አማኖይ ኢስራዔል ቢታ ኡባ ጋኪዳይሳ።
3. ሮሜ ጉጂዲ ሜዲቲራኔ አባ ዩሹዋን ደዲያ ቢታ ኡባን ዳልጊዳይሳ ቤሲስ።

ሃዋራታ አሱ ማፍሩን አዲዲ ቤንቴይ ጌሻ አያና አሱ ጊዲሺን፣ ጴንዩቆስዩ ጋላስ ዩሱፍን ደዲያ አማኒይሳታ ቦላ ምልቃራ ምዲዳይሳ አዴስ። ሄሳዳካ፣ ማፍሩ ጊደን ቆንጨዳ አሱታ ኡባን ቤንቴዳይሳ ጌሻ አያናይ ምሳ ኬሳኔ ምሳ ኬሳ አይሴይሳታ ካሌሊዳይሳኔ ሚንጩሳይሳ ጉጂዲ አዴስ። ቤኒ ምዴ ኢሜቲያ አማኖ ኪታይ ዱማ ዱማ አዴቲዳ ቃላ፣ ኬሶን ኬሶን ኤኬቲስ። ሃዋራታ አሱዋ ጊደን አሴቲዳ አሱታ ኪታይ አማኒያ አሳ ዴዎኒኔ ምሳ ኬሳ ኢሲፊቴሳን ደዲያ ምልቃይ አይ ሚሳ ጊቴኮ ቤሲስ።

ሃዋራታ አሱዋ አይፊ ቆፋታ ማርካቴሳስ ጊጌቱላ 1:1-26

- 1) ዩሱፍ ወርሴሳ ኪታኔ ኢሚዳ ኡፋይሳ 1:1-14
  - 2) ዩሱፍ ቤሳን ሃራ ዶሩዋ 1:15-26
- ዩሱፍን ማርካቴላ 2:1-8:3  
 ዩሱፍን ሳማራን ማርካቴላ 8:4-12:25  
 ጳውሎስ ሃዋራቴሳ አሱዋ 13:1-28:31
- 1) ኮይሮ ሃዋራቴሳ ቡሳ 13:1-14:28
  - 2) ዩሱፍ ሸቁዋ 15:1-35
  - 3) ናምዓንጾ ሃዋራቴሳ ቡሳ 15:36-18:22
  - 4) ሄቫንጾ ሃዋራቴሳ ቡሳ 18:23-21:16
  - 5) ጳውሎስ ዩሱፍን፣ ቂሳሪያኒኔ ሮሜን ቃሼቴሳ 21:17-28:31

1-2 ቴዎሬሎሳ፣ ዩሱሲ ባ አሱዋ አይኪዳ ምዴ፣ ሳሎ ቢዳ ጋላሳ ጋካናው፣ አሊዳባኔ ታማርሲዳባ ኡባ ታኒ ታ ኮይሮ ማፍሩን ፃፋስ። ሳሎ ባና፣ ሲንጬ ኢ ባ ዶሪዳ ሃዋራታ ጌሻ አያናን ኪቲስ። <sup>3</sup> ኢ ባ ዋያ፣ ጉዩ ሃይቆፎ ዴንዲዳይሳ

ሲዴይ ባይና ቆንጨሲዲ ኤንታው ባና ቤሲስ። አይታው ጋላስ ኤንታው ቆንጨዲ ምሳ ካዎቴሳባ ኤንታ ታማርሲስ። <sup>4</sup> ኢሲ ምዴ ኤንታራ ኢሲፊ ሚሼ ኤንታ ሃይሳዳ ያጊዲ ኪቲስ። «ታ ሂንቴው አዲዳ፣ ታ አዋይ ኢማና ጊዳ ኡፋይሳ ቃላ ናጊቴ፣ አቲን ዩሱፍን ስራ ስራ ስራ፣ <sup>5</sup> አይስ ጊኮ፣ ዮሃንሲ ሃሳን ፃማቂስ፣ ሺን ጉሳ ምዴ፣ ጉዩ ጌሻ አያናን ሂንቴ ፃማቂታና» ያጊስ።

<sup>6</sup> ሃዋራቲ ዩሱሳራ ጋሄቲዳ ምዴ ኢያኮ፣ «ጎዳው፣ ኢስራዔሌታስ ኔ ካዎቴሳ ዛራና ምዴይ ሃይሴ?» ያጊዲ አይቺዶሶና።

<sup>7</sup> ዩሱሲ ኤንታኮ፣ «ታ አዋይ ባ ማታን አሊያ ምዴያኔ ላይሳ ሂንቴ ኤራናው ዳንዳዔኬታ። <sup>8</sup> ሺን ጌሻ አያናይ ሂንቴ ቦላ ምዴያ ምዴ ሂንቴ ምልቃን ኩማና፣ ያኒ ሲሚዲ፣ ዩሱፍን፣ ዩሱፍ ቢታ ኡባን፣ ሳማራኒኔ ሳፃ ጋፃ ጋካናው ታው ማርካታ ጊዳና» ያጊስ።

<sup>9</sup> ሄሳ ጊዳይሳፊ ጉዩ ኤንቴ ዩሊሺን፣ ዶቁ ዶቁ ጊዲ፣ ሳሎ ቢን ሻራይካ ኢያ ኤንታ አይፊያ፣ ጌንሲስ።

<sup>10</sup> ዩሱሲ ቢያ ምዴ ኤንቴ ሳሎ ቲሺ አሊዲ ዩሊሺን፣ ቦላ ማፃ ማሚዳ ናምዑ አሳቲ አኬኮና ኤንታ ማታን ኤቁዲ፣ <sup>11</sup> «ጋሊሳ አሳው፣ ሳሎ ዩሊሼ፣ ሂንቴ አይስ ኤቁዴቲ? ሃ ሂንቴ ቤሳሺን ሳሎ ቢዳ ዩሱሲ ሄሳዳካ ሲሚዲ ያና» ያጊደሶና።

#### ዩሱፍ ቤሳን ማቲያሲ ዶሬቲስ (ማቶ 27:3-10)

<sup>12</sup> ሄሳፊ ጉዩ፣ ሃዋራቲ ሻማሆ ዴሪያ፣ ዩሱፍን ሲሚደሶና። ሻማሆ ዴሪይ ዩሱፍን ማታን ዴዔስ። <sup>13</sup> ኤንቴ ዩሱፍን ጊሊዲ፣ ባንታ ዴዲያ ቤሳ ፖቂያ ቦላ ኬዩዶሶና። ኤንቴካ፣ ጳዊሮሳ፣ ዮሃንሳ፣ ያይቆባ፣ ኢንዲሪያሳ፣ ፊልጶሳ፣ ቶማሳ፣ ባርቶሎሚያሳ፣ ማቶሳ፣ ኢልፊሶሳ ናፃ ያይቆባ፣ ባ ቢታስ ሚሼቲያ ሲሞናኔ ያይቆባ ናፃ ዩሱዳ። <sup>14</sup> ሃይሳቲ ኡባይ ማጫሳታራ፣ ዩሱፍን አዩ ማይራሚራኔ ዩሱፍን ኢሻታራ ኡባይ ኢሲ ምዳናን ጊዲዲ ሚንጩዲ ምሶሶና።

<sup>15</sup> ሄ ምዴ ጳዊሮሲ ዩታኔ ሳታማ ጊዲያ አማኒያ አሳይ ሸቁዳ ቤሳን ዴንዲ ኤቁዲ፣ ሃይሳዳ ያጊስ። <sup>16</sup> «አሳው፣ ዩሱፍን አይኪዳይሳታ ካሌሊዳ ዩሱዳባ ጌሻ አያናይ ካሴ ዳዊቲ ዶናን አዲዳ ምሳ ቃላይ ፖሌታናው ቤሲስ። <sup>17</sup> ዩሱዲ ኑራ ኢሲፊ ሃ አሱዋ አሳናው ዶሬቲዳ አሊ።» <sup>18</sup> ሺን ዩሱዲ ባ ኢታ አሱዋን ዴሚዳ ሚሼን ጋዴ ሻሚስ። ኢ ጉፋኒዲ ኩንዲን፣ ኢያ ኡሎይ ዳኬቲስ፤ ኢያ ማራጩይ ኡባይ ካሬ ኬዩስ። <sup>19</sup> ዩሱዳ ቦላ ሃንዳባ ዩሱፍን ዴዲያ አሳ ኡባይ ሲዲስ። ሄሳ ጊሾ፣ ሄ ጋዲያ ባንታ ቃላን አኬልዳማ (ሱሳ ጋዴ) ጊዲ ዩጊደሶና።

<sup>20</sup> «ሄሲካ ማዝሙራ ማፍሩን፣ ሲያ ኬሳይ ካሎ አቶ፤ አኒካ ኢያን ዴዎ። ቃሲ ኢያ ሹማቲሳ ሃሪ ኤኮ» ጌቲቲ ፃፊቲስ።

<sup>21</sup> «ሄሳ ጊሾ፣ ጎዳ ዩሱሲ ኑ ጊደን ሲሜሬቲዳ ምዴ ኡባን ኑራ ዴዲያታ፣ <sup>22</sup> ቃሲ ፃማቂያ ዮሃንሳ ምዴያ፣ ዶሚዲ ጎዳ ዩሱሲ ሳሎ ቢዳ

1:1-2 ሉቃ 1:1-4 1:4 ሉቃ 24:49 1:5 ማቶ 3:11፤ ማር 1:8፤ ሉቃ 3:16፤ ዮሃ 1:33 1:8 ማቶ 28:19፤ ማር 16:15፤ ሉቃ 24:47-48 1:9 ማር 16:19፤ ሉቃ 24:50-51 1:13 ማቶ 10:2-4፤ ማር 3:16-19፤ ሉቃ 6:14-16 1:20 ማዝ 69:25፤ 109:8 1:22 ማቶ 3:16፤ ማር 1:9፤ ሉቃ 3:21

ጋላስ ጋካናው ኑራ ዴዴሳታ፤ ኢሲ ኦሲ ኢያ ዴንዱዋስ ኑራ ማርካ ጊዳናው ቤሴስ» ያገለገሉ።

23 ሄሳ ጊሾ፣ አሳይ ዶሩዋስ ዮስቦሳ ጊያ ባርሳባሳ ጌቱቲያ ዮሴፍኔ ማቲያሳ ናምዓ ሺሺዶሶና። 24 ሄሳፊ ጉዬ፣ ዶሳ ዎሲሼ፣ «አሳ ኡባ ዎዛና ኤሪያ ጎዳው፣ ሃ ናምዓታ፤ ኔ ኦና ዶሪዳኮ ኑና ቤሳ። 25 ዩሁዲ ባ ቤሳ ቢዲ፣ አጊዳ አሱዋኔ ሃዋራቴሳ አሱዋ ኤካና ሜላ ሃይሳታ፤ ኑስ ቆንጨሳ» ያገለገሉና። 26 ኤንታ ቦላ ሳማ ዩጊዶሶና፣ ሳማይ ማቲያሳ ቦላ ዎዲን ማቲያሲ ታማኔ ኢሲ ሃዋራታ ቦላ ጉገፍቲስ።

2

ጌሻ አያና ዩሳ

1 ጴንዩቆስዜ ጊያ ጋላሳይ ጋኪዳ ዎዴ አማኒያ አሳ ኡባይ ኢሲፊ ኢሲ ቤሳን ሺቂዲ ዴዎሶና።

2 ቆፖና ዎልቃማ ጎቴዳ ጉሚያ ጉንሳይ አኪኮና ሳሎ፤ ዩዲ ኤንቲ ዴዲያ ኬሳ ኩሚስ። 3 ቃሲ ታማ ላጮ ዳኒያ ኢንፃርሳቲ ኤንታው ቤንቲሼ፣ ሻኬቲ ሻኬቲ ኤንታ ኡባ ቦላ ዎዲዶሶና። 4 ኤንቲ ኡባይ ጌሻ አያናን ኩሚዲ ዱማ ዱማ ዶናን አዴታና ሜላ ጌሻ አያናይ ኤንታ ዳንዳዲሲን ሃሳያ ዶሚዶሶና።

5 ሄ ዎዴ ቢታ ኡባፊ ዩዳ ዶሳ ያያ አይሁዴቲ ዩሩሳላሜን ዴዎሶና። 6 ሄ ጉንሳ ሲዲዳ ዎዴ ዳሮ አሳይ ሺቂዶሶና። አማኒያ አሳይ ኤንታ ቃላን አዴቲሺን ሲዲዳ ጊሾ 7 ማላሌቲዲ፣ «ሃ አዴቲያ አሳ ኡባይ ጋሊላ አሴ ጊዶኮናዩ? 8 ያቲን፣ ኑኒ፣ ኑ ዩሌቲዳ ቢታ ዶናን ኤንቲ አዴቲሺን ዋኒዲ ሲዳናው ዳንዳዲዶ? 9 ኑኒ ጳርዪን፣ ሜዶናን፣ ኤላሜን፣ ናምቡ ሻፋታ፤ ጊዶን ዴዴሳሳቲ፣ ዩሁዳን፣ ቃጳዶቂያን፣ ጳንዶሳን፣ ኢሲያን፣ 10 ጳርጊን፣ ጳንፊሌን፣ ጊብዪን፣ ቃሬና ማታን ዴዲያ ሲቢያን ዴዴሳሳታ። ኑ፤ ባጋቲካ ሮሜ፤ ዩዳ አሳታ። 11 አይሁዴቲኔ አይሁዴቴሳ አማና ጊሲዳ አሳቲ፣ ቃርዪሳኔ አራቤ አሳቲ፣ ዶሳይ አሲዳ ጊታ አሱዋ ኑ ቃላን አዴቲሺን ሲያሲ» ያገለገሉና። 12 ኡባይ ማላሌቲዲ፣ ጋናባ ጳዩዲ ዎሲኮ፣ «ላ ሃይሲ አይ ጉሴ?» ያገለገሉና። 13 ሺን ሃራቲ፣ «ሃይሳቲ ኡዩዲ ማላሌቲዶሶና» ያገለገሉ ቁልቂሲዶሶና።

ጴዲሮሳ ሃሳያ

14 ሺን ጴዲሮሲ፣ ታማኔ ኢሲ ሃዋራታራ ዴንዲ ኤቂዲ፣ ባ ቃላ ዶቁ አሲዲ፣ ኤንታው ሃይሳዳ ያገለገሉ አዲስ፣ «አይሁዴቶ፣ ዩሩሳላሜን ዴዲያ ኡባቶ፣ ታኒ አዴይሳ ሲዲቲ። 15 ዎንታፊ ሄኹ ሳቲ ጊዲያ ጊሾ ሂንቲ ቆፕይሳዳ ሃ አሳቲ ማላሌቲዶሶና፤ ሄሲ ሂንቲው ኤሬቶ። 16 ሺን ሃይሲ ሃኒዳይ ናቢያ ኢዩዌሊ አዲዳይሲ ፖሌታና ሜላሳ።

17 «**ሰሳይ፣ ዎዲያ ዉርሴሳን ሃይሳዳ ሃናና ያገለገሉ።**

ታኒ አሳ ኡባ ቦላ ታ አያና ጉሳና። ሂንቲ አዴ ናይቲኔ ማጫ ናይቲ፣ ቲንቤቲ አዳና። ሂንቲ ያላጋቲ ቆንጨሳ ቤዳና፤ ሂንቲ ጨማቲ አሙሆ አሙሃና።

18 ሄ ጋላሳታን ታና አማኒያ አዴ አይሌታ ቦላይ ማጫ አይሌታ ቦላ ታኒ ታ አያና ጉሳና፤ ኤንቲ ቲንቤቲ አዳና።

19 ቃሲ ታኒ ቦላ ሳሉዋን አራሳባ፣ ጋርሳ ሳዓንካ ማላ ቤሳና።

ሱሲ፣ ታማኔ ዎልቃማ ጫጋኒ ቤንታና። 20 ጊታኔ ቦንቾ ጊዲዳ ጎዳ ጋላሳይ ጋካና፤ ሲንሴ አዋይ ዲማና፤ አገናይካ ሱሲ ዳናና።

21 ሄ ዎዴ ሄሳዳ ሃናና፤ ጎዳ ሱንሳ ዪጊያ አኒካ አታና» ያገለገሉ።

22 «ኢስራዌሌ አሳው፣ ሃ ቃላ ሲዲቲ፣ ናዚሬቴ ዩሱሳ አናቴሳይ፣ ዶሳይ ሂንቲ ጊዶን አሲዳ ዎልቃማ አሱዋኒኔ ማላታታን ሂንቲው ቆንጨይሳ ሂንቲ፣ ሂንቲ ሁዌን ኤሬታ። 23 ዶሳ ካሴ ኤራኒኔ ኢያ ሺኒያን ዩሱሲ ሂንቲው አዲ ኢሜቲስ፣ ሂንቲ ኢያ ናጋራንቾቲ ማስቃሊያ ቦላ ካቂዲ ዎዳና ሜላ አሲ ኢሚዴታ። 24 ሺን ዶሳይ ሃይቆ ዎልቃ ዲጊዲ ኢያ ዴንሳስ። ሄሳ ጊሾ፣ ሃይቆይ ኢያ አይካናው ዳንዳዲቤና። 25 ዳዊቲይ ኢያላ አዲሼ።

26 ሄሳ ጊሾ፣ ታ ዎዛናይ ኡፋይቲስ፤ ታ ኢንፃርሳን ኡፋይሲ ኩሚስ፤ ሃይቂያ ታ አሳቴሳይ ኡፋይሳን ዳና።

27 አይስ ጊኮ፣ ታ ሺምፕዋ ሲዎሌን አጋካ። ቃሲ ኔ ጌሻ ናዓ አሃ ዎቂሳካ።

28 ኔኒ ታና ዴዎ አጊያ ኤሪሳዳ፤ ኔኒ ታራ ዴዴሳሳን ታ ኡፋይሳይ ኩሜሊ ጊዴስ» ያገለገሉ።

29 «አሳው፣ ኑ አዋ ዳዊቲባ ታ ሂንቲው ጌሻዳ አዳና። ዳዊቲይ ሃይቂዲ ሞጊቲስ፤ ኢያ ዱፎይ ሃቺ ጋካናው ኑ ማታን ዴዴስ። 30 ዳዊቲይ ናቤ ጊዲዳ ጊሾ ዶሳይ ኢያ ሺሻ፤ ኢሱዋ ኢያ ካዎቴሳ አራታ ቦላ ኡቲሳናው ኢያው ጫቂዳ ጫቂዋ ኤሬስ። 31 ሄሳ ጊሾ፣ ኪሪስቶሳ ዴንዱዋ ሲንሴ ዪሊዲ፣ «ኢያ ሺምፖይ ሲዎሌን አቲቤና፤ ኢያ አሳቴሳይካ ዎቂቤና» ጊዲ አዲስ።

32 «ዶሳይ፣ ሃ ዩሱሳ ሃይቂዋ፤ ዴንሲዳይሳስ ኑኒ ኡባይ ማርካ። 33 ሄሳ ጊሾ፣ ዶሳይ ባራ ሃራና ሜላ ባፕ ኡሻቻ ባጋራ ኢያ ዶቁ ዶቁ አሲዲ፣ ኢያው ኢማና ጌቲቲዳ ጌሻ አያና ኤኪዲ፣ ሃይሳ ሂንቲ ሃዲ ቤዴይሳኔ ሲዴይሳ ኑ ቦላ ጉሲስ።

34-35 ጋሶይካ፣ ዳዊቲይ ባ ሁዌን ሳሎ ቤቤናሺን ያገለገሉ።

36 «ሃሳ ጊሾ፣ ሃ ሂንቲ ማስቃሊያ ቦላ ካቂዳ ዩሱሳ፣ ዶሳይ ጎዳኔ ኪሪስቶሳ አሲዳይሳ ኢስራዌሌ አሳ ኡባይ ቱማ ኤሮ» ያገለገሉ።

37 አሳይ ጴዲሮሲ ጊዳይሳ ሲዲዳ ዎዴ ባንታ ዎዛናን ቦሼቲዲ ጴዲሮሳኔ ሃንኮ ሃዋራታኮ፣ «ኢሻቶ፣ ያቲን ኑኒ አይ አሲና?» ያገለገሉና።

2:1 ሌዌ 23:15-21፤ ዛሬ 16:9-11 2:17 ኢዩ 2:28-32 2:23 ማቶ 27:35፤ ማር 15:24፤ ሉቃ 23:33፤ ዮሃ 19:18 2:24 ማቶ 28:5-6፤ ማር 16:6፤ ሉቃ 24:5 2:28 ማዘ 16:8-1 2:30 ማዘ 132:11፤ 2ሳሙ 7:12-13 2:34-35 ማዘ 110:1



38 ጴጊሮሲ ኤንታኮ፡ «ሂንቴ ናጋራይ አቶ ጌቴታና ሜላ ናጋራፔ ሲሚዲ፡ ሂንቴ ኢሶይ ኢሶይ ዩሱስ ኪሪስቶስ ሱንላን ምቅቲ፡፡ ሰሳይ ኢሚያ ገሻ አያና ሂንቴ ኤካና፡፡ 39 ጋሶይካ ሰሳይ ኢማና ጊዳ ኡፋይሳ ቃሳይ ሂንቴስ፡ ሂንቴ ናይታሲኔ ጎዳይ ኑ ሰሳይ ባኮ ያጊያ ሃምን ዴዲያ ኡባሳ» ያጊስ፡፡

40 ጴጊሮሲ ኤንታው ሃራ ቃላካ ጉጂ ማርካቲዲ፡ «ሃ ዎዲያ ጌላ አሳ ቦላ ያናው ዴዲያ ፐርዳፌ ሂንቴ ሁዲያ አሺቴ» ያጊዲ ዞሪስ፡፡

41 ጴጊሮሲ አዲዳይሳ ኤኪዳይሳቲ ምቅቲዶሶና፡፡ ሄ ጋላስ ሄዡ ሙኩሉ ጊዲያ አሳይ አማኒዶሶና፡፡

42 ኤንቲ ሃዋሬታ ቲሚርቲያን፡ ኢሲፌቴላን፡ ኡይሳ ሙሳኒኔ ሰሳ ዎሳን ሚናሶና፡፡

**አማኒያ አሳ ኢሲፌቴላ ዴዑዋ**

43 ሃዋሬታ ኩሼን ዳሮ አራሳባይኔ ማላቲ አሴቲያ ጊሾ አሳ ኡባይ ያዩዶሶና፡፡ 44 አማኒዳ ኡባይ ኢሲፌ ዴዶሶና፤ ባንታው ዴዲያባ ኡባ ኢሲፌ ሻኬቶሶና፡፡ 45 ኤንቲ ባንታው ዴዲያባ ባይዚዲ ሚሺያ ኢሱዋስ ኢሱዋስ ኮሺዳ ሜላ ሻኮሶና፡፡ 46 ኡባ ጋላስ ኢሲ ዎዛናን ጊዲዲ ሰሳ ኬላን ሺቆሶና፡፡ ባንታ ኬላን ኢሶይ ኢሱዋ ያጊዲ ኡፋይሳኒኔ አሽኬ ዎዛናን ካሳ ሞሶና፡፡ 47 ሰሳ ጋላቲሼ አሳ ኡባን ሳቤቲዶሶና፡ ጎዳይ አቴይሳታ ጋላስ ጋላስ ኤንታ ቦላ ጉጂስ፡፡

**3**

**ዎቤ አዴይ ፓዲስ**

1 ኢሲ ጋላስ ጴጊሮሲኔ ዮሃኒሲ ሰሳ ዎሳናው ኡዱፉን ሳቲን ሰሳ ኬላ ቢዶሶና፡፡ 2 ዩሱቶሶፔ ዶሚዲ ዎቤ ጊዲዳ ኢሲ አዴይ ሰሳ ኬላ ጌሊያ አሳፔ ሚሼ ዎሳና ሜላ ኡባ ዎዴ ሎዎ ጊያ ሰሳ ኬላ ፔንጊያን ኤሂዲ ዎሶሶና፡፡ 3 ሄ ዎቤ አዴይ ጴጊሮሲኔ ዮሃኒሲ ሰሳ ኬላ ጌላና ሃኒሺን ቤዲዲ ኤንታ ሚሼ ዎሶስ፡፡

4 ኤንቲካ ኢያ ጫዲ ያሊዲ፡ «ኑኮ ሃ ያላ» ያጊዶሶና፡፡ 5 ዎቤ አዴይ ኤንታፌ አይኮ ኤካና ዳኒን ኤንታኮ ያሊስ፡፡ 6 ሺን ጴጊሮሲ ኢያኮ፡ «ታው ሚሼይ ባዋ፡ ሺን ታው ዴዲያባ ታኒ ኔው ኢማና፡፡ ናዚሬቴ ዩሱስ ኪሪስቶስ ሱንላን ዴንዳዳ ሃሙታ» ያጊስ፡፡

7 ሄሳፌ ጉዩ፡ ዎቤ አዲያ ኡሻቻ ኩሺያ አይኪዲ ዴንሳስ፡፡ ኤሌሲዲ ኢያ ቶዎይኔ ቂንጫፊሌይ ሚኒ አጊስ፡፡ 8 አዴይ ጉፐዲ ዴንዲ ኤቂስ፡፡ ጌዴኔ ሃ ሃሙሲ ዶሚስ፡፡ ሄሳፌ ጉዩ፡ ሃሙቲሼ፡ ጉፐሼኔ ሰሳ ጋላቲሼ ኤንታራ ኢሲፌ ሰሳ ኬላ ጌሊስ፡፡

9 ኢ ሃሙቲሺኒኔ ሰሳ ጋላቲሼን አሳ ኡባይ ኢያ ቤዲዶሶና፡፡ 10 ቤዲዳ ኡባይ ሚሼ ዎሳናው ሎዎ ጊያ ሰሳ ኬላ ፔንጊን ኡቲዳይሲ ኢያ ጊዲዳይሳ ኤሪዶሶና፤ ኢ ሃኒዳባ ቤዲዲ ማላቲዶሶና፡፡

**ጴጊሮሲ ሰሳ ኬላን ሃሳዱዳ ሃሳያ**

11 አዴይ ጴጊሮሳፔኔ ዮሃኒሳፔ ዱዲኬ ጊዲ አይኪዲ ዴዲሺን አሳ ኡባይ ማላቲዲ፡ ሶሎሞኔ ባራንዳ ጊያሶን ኢሲፌ ኤንታኮ ዎዲዶሶና፡፡ 12 ጴጊሮሲ አሳ ቤዲዳ ዎዴ አሳኮ፡፡

«ኢስራዔል አሳው፡ አይስ ሃይሳን ማላቲቴ? ዎይኮ አይስ ኑና ጫዲ ያሌቲ? ኑኒ ኑ ዎልቃን ዎይኮ ኑ ጊሎቴላን ሃ አዲያ ሃሙሲዳባ ሂንቴው ዳኒ? 13 አብራሃሜ፡ ዩሳቃ፡ ያይቆባ ሰሳይ፡ ኑ አዋታ ሰሳይ፡ ባ ናዓ ዩሱሳ ቦንቺስ፡፡ ሺን ሂንቴ ሃይቆስ አሲ ኢሚዳይሳ ጲላዎሲ ቢላናው ኮዩንካ ሂንቴ ኢያ ሲንላን፡ «ኑኒ ኢያ ኤሮኮ» ያጊዴታ፡፡

14 ሂንቴ ገሻኔ ያሉዋ፡ «ኑኒ ኢያ ኤሮኮ» ጊዲ፡ ሺምፖ ዎዲዳይሳ ሂንቴው ቢላና ሜላ ጲላዎሳ ዎሲዴታ፡፡ 15 ዴዑዋ ኢሜይሳ ሂንቴ ዎዲዴታ፡፡ ሺን ሰሳይ ሃይቆፔ ኢያ ዴንሳስ፡፡ ሄሳስ ኑኒ ማርካ፡፡ 16 ሃ ሂንቴ ቤዴይሲኔ ኤሪያ አዴይ ፓዲዲ ሚኒዳይ ዩሱሳ ሱንላን አማኒዳይሳና፡፡ ሃ ሂንቴ ኡባ ሲንላን ኢያ ሃይሳዳ ፓሲዳይ ኢ ዩሱሳ አማኒዳ ጊሻሳ፡፡

17 «ሃዲካ ታ ኢሻቶ፡ ሂንቴካ ሂንቴና ካሌሴይሳታዳ፡ ኤሮና አሲዳይሳ ታኒ ኤራይስ፡፡ 18 ሺን ሰሳይ ቤኒ ናቤታ ኡባ ዶናን፡ «ኪሪስቶሲ ዋዩ ኤካናው ቤሴስ» ያጊዳይሲ ሃይሳዳ ፖሎታና ሜላ አሲስ፡፡ 19 ሂዛ፡ ሰሳይ ሂንቴ ናጋራ አቶ ጋና ሜላ ጎዳኮ ሲሚቴ፡፡ 20 ጎዳ ማታፔ ሚንሴላ ዎዴይ ሂንቴው ያና፡፡ ሰሳይ ኪሪስቶስ ጊዳና ሜላ ሲንላቲዲ ዶሪዳ ዩሱሳ ሂንቴው ዩዳና፡፡ 21 ሰሳይ ባ ጊሻ ናቤታ ዶናን ቤኒ አዲዳይሳ ሜላ ኡባባይ አራዲያ ዎዴይ ጋካናው ዩሱሲ ሳሎን ጋምዓናው ቤሴስ፡፡ 22 ሙሴይ፡ «ጎዳ ሰሳይ ታና ዴንሳዳይሳ ሜላ ሂንቴ ጊዶፌ ሂንቴው ናቤ ዴንላና፡፡ ሂንቴ ኢ ጌይሳ ኡባ ሲዲቴ፡፡ 23 ሄ ናቤይ አዴይሳ ሲዶና አሲ አኒካ አሳ ጊዶፌ ሻኬቲዲ ዳዮ» ያጊስ፡፡

17 «ሃዲካ ታ ኢሻቶ፡ ሂንቴካ ሂንቴና ካሌሴይሳታዳ፡ ኤሮና አሲዳይሳ ታኒ ኤራይስ፡፡

18 ሺን ሰሳይ ቤኒ ናቤታ ኡባ ዶናን፡ «ኪሪስቶሲ ዋዩ ኤካናው ቤሴስ» ያጊዳይሲ ሃይሳዳ ፖሎታና ሜላ አሲስ፡፡ 19 ሂዛ፡ ሰሳይ ሂንቴ ናጋራ አቶ ጋና ሜላ ጎዳኮ ሲሚቴ፡፡ 20 ጎዳ ማታፔ ሚንሴላ ዎዴይ ሂንቴው ያና፡፡ ሰሳይ ኪሪስቶስ ጊዳና ሜላ ሲንላቲዲ ዶሪዳ ዩሱሳ ሂንቴው ዩዳና፡፡ 21 ሰሳይ ባ ጊሻ ናቤታ ዶናን ቤኒ አዲዳይሳ ሜላ ኡባባይ አራዲያ ዎዴይ ጋካናው ዩሱሲ ሳሎን ጋምዓናው ቤሴስ፡፡ 22 ሙሴይ፡ «ጎዳ ሰሳይ ታና ዴንሳዳይሳ ሜላ ሂንቴ ጊዶፌ ሂንቴው ናቤ ዴንላና፡፡ ሂንቴ ኢ ጌይሳ ኡባ ሲዲቴ፡፡ 23 ሄ ናቤይ አዴይሳ ሲዶና አሲ አኒካ አሳ ጊዶፌ ሻኬቲዲ ዳዮ» ያጊስ፡፡

24 «ቃሲ ሳሙዔላፔ ዶሚዲ ዴዲያ ናቤቲ ኡባይ ሃ ዎዲያባ አዲዶሶና፡፡ 25 ሂንቴ ናቤታ ናይታ፤ ቃሲ ሰሳይ አብራሃሜስ፡ «ሳዓን ዴዲያ አሳ ኡባ ታኒ ኔ ሸሻ ባጋራ አንጃና» ያጊዲ ኑ አዋታስ ጌሊዳ ቃላ ላቲያ ናይታ፡፡ 26 ሰሳይ ሂንቴና ኡባ ሂንቴ ኢታ አጊያፔ ዛሪዲ አንጃና ሜላ ባ ናዓ ዴንሳዲ ሂንቴው ኮይሮ ዩዲስ» ያጊስ፡፡

**4**

**ጴጊሮሲኔ ዮሃኒሲ አይሁዴ ሻንጎ ሲንላን**

1 ጴጊሮሲኔ ዮሃኒሲ አሳስ አዲሺን ካሂኔ ሃላቃቲ፡ ሰሳ ኬላ ናጌይሳታ ሃላቃይኔ ሳዱቃዌቲ ኤንታኮ ዩዶሶና፡፡ 2 ኤንቲ ዩሱሲ ሃይቆፔ ዴንዶይሳኒ ኢያ ጋሶን ሃይቆፔ ዴንዶይ ዴዴይሳ አሳ ታማርሲዳ ጊሾ ዩሎቲዶሶና፡፡ 3 ሄሳ ጊሾ፡ ኤንታ አይኪዲ ሳዓይ አማርሲዳ ጊሾ ዎንታና ጋካናው ቃሾ ኬላ ጌልሲዶሶና፡፡ 4 ሺን ቃላ ሲዲዳይሳታፔ ዳሮቲ አማኒዶሶና፡፡ አማኒዳ አዴ አሳ ታይቦይ ኢቻሹ ሙኩሉኮ ቢስ፡፡

5 ዎንቴላ ጋላስ ዴሪያ ሃራይሳቲ፡ ጨማቲኔ፡ ሂጌ አስታማሬቲ ዩሩሳላሜን ሸቂዶሶና፡፡ 6 ሄ አሳ ጊዶን ካሂኔ ሃላቃይ ሃኒ፡ ቃያፌ፡ ዮሃኒሲ፡ ኢስኪንዲሬይኔ ካሂኔ ሃላቃ ሶ አሳቲ ኡባይ ዴዶሶና፡፡ 7 ሃዋሬታ ባንታ ሲንላን ኤሲዲ፡ «አይቤ ዎልቃን ዎይኮ አዴ ሱንላን ሃይሳ ሂንቴ አሲዴቲ?» ያጊዲ አይቺዶሶና፡፡

8 ሄ ዎዴ ጴጊሮሲ ጊሻ አያናን ኩሚዲ፡ «ዴሪያ ሃራይሳቶ፡ ጨማቶ፡፡ 9 ሃቺ ሃ ዎቤ

2:44 ሃ.አ 4:32-35 3:13 ኬሳ 3:15 3:14 ማቶ 27:15-23፤ ማር 15:6-14፤ ሉቃ 23:13-23፤ ዮሃ 19:12-15 3:22 ዛሬ 18:15፤ 18 3:23 ዛሬ 18:19 3:25 ሜዴ 22:18

አዲያስ አሴቲዳ ሎዎ አሱዋሲኔ ኢ ዋኒዲ ፓዲዳኮ ሂንቴ ኑና አይቺኮ። 10 ማስቃሊያ ቦላ ሂንቴ ካቂን። ያሳይ ሃይቆፕ ዴንሲዳ ናዘራቴ ዩሱስ ኪሪስቶስ ሱንሳን ሃ አዴይ ፓዲዲ ሂንቴ ሲንሳን ኤቂዳይሲ ሂንቴዉኔ ኢስራዔል አሳ ኡባስ ኤሬቶ።

11 <ጊምቤይሳቲ ቦሪዲ ኢዲዳ ሹቻይ፤ ጎዳ ገጹዋ ማንሲያ፤ ኡባሬ አዲያ ሹቹ ጊዲስ፤ ሄ ሹቻይ ዩሱሳ።>

12 ሄሳ ጊሾ፣ አቶቴሲ ኢያ ባጋራፕ አቲን ሃራ አዴ ባጋራካ ባዋ። ኑኒ ኢያ ሱንሳን አታና ማላ አሳ ኡባስ ያሳይ ሳሎፕ ጋርሳን ኢሚዳ ሃራ ሱንሲ ባዋ» ያጊሰ።

13 ሺቂዳ አሳይ ጳዊሮሲኔ ዮሃንሲ ሚኒዳ ሚኖቴሳ ቤዲዳ ዎዴ ኤንቲ ታማሪቦና ጮ አሲ ጊዲዳይሳ አክኪዲ ማላሌቲዶሶና፤ ኤንቲ ዩሱሳራ ዴዲይሳ ኤሪዶሶና። 14 ቃሲ ፓዲዳ አዴይ ጳዊሮሳራኔ ዮሃንሳራ ኤቂዳይሳ አሳይ ቤዲዲ ጊያባ ዳዩዶሶና። 15 ሺን ጳዊሮሳኔ ዮሃንሳ ካሬ ኬያና ማላ አሲዲ ባንታ ጊዶን። 16 «ሃ አሳታ ኑ አይ አሲያ? ኤንታ ኩሼን አሴቲዳ ጊታ ማላታይ ዩሩሳላሜን ዴዲያ ኡባስ ቤንቴስ። ኑኒ ሄሳ ኤሮኮ ጋናው ዳንዳዎኮ። 17 ሺን ሃ አዳይ አሳ ጊዶን ሳሌቶና ማላ ሂዛፕ ጉዩ ሃ አሳቲ ዩሱሳ ሱንሳን አዴስካ አዶና ማላ ሚንሲዲ ናጊሳና» ያጊዲ ዞሬቲዶሶና።

18 ኤንታ ያጊዲ፣ ዩሱሳ ሱንሳን ሂዛፕ አዶና ማላ ዎይኮ ታማሪቦና ማላ ኪቲዶሶና። 19 ሺን ጳዊሮሲኔ ዮሃንሲ ኤንታኮ ዛሪዲ፣ «ዶሳስ ኪቲታናይሳፌኔ ሂንቴው ኪቲታናይሳፌ ያሳ ሲንሳን አዉሲ ሎዎኮ አኔ ሂንቴ ፐርዲቴ። 20 ኑኒ ቤዲዳባኔ ሲዲዳባ አዶና አጋናው ዳንዳዎኮ» ያጊዶሶና።

21 ቤታ ጨማቲኔ ዴሪያ ሃሬይሳቲ ካሴፕ ሚንሲ ናጊሲዲ ኤንታ ዩዲ አጊዶሶና። አሳይ ሃኒዳባስ ያሳ ጋላቲያ ጊሾ ኤንታ ሴራናው ዳንዳዲቦኮና። 22 ሄ ማላታን ሃርጊያሬ ፓሲዳ አዲያስ ሳይሳይ አይታማፕ አዲስ።

**አማኒያ አሳ ዎሳ**

23 ጳዊሮሲኔ ዮሃንሲ ቢርሼቲዲ ባንታ ዳቦታኮ ቢዲ፣ ካሂኔ ሃላቃቲኔ ጨማቲ ባንታኮ ጊዳባ ኡባ ኤንታው አዲዶሶና። 24 ኤንቲ ሄሳ ሲዲዳ ዎዴ ኢሲ ዎዛናን ጊዲዲ ያሳ ሃይሳዳ ያጊዲ ዎሲዶሶና። «ኡባ ሃሪያ ጎዳው፣ ሳሉዋ፣ ሳዓ፣ አባኔ ኤንታ ጊዶን ዴዲያ ኡባባ ሜዲዳይሶ። 25 ኔኒ ኔ አይሊያ፣ ኑ አዋ ዳዊቴ ዶናን ጊሻ አያናን።

<ዴሬይ አይስ ዩሎቲዶና?

አሳይ አይስ ጮ ማቂቲዶና?

26 ሳዓ ካዎቲኔ ዴሪያ ሃሬይሳቲ ኢሲሬ ጎዳ ቦላኔ ኪሪስቶስ ቦላ ዴንዲዶሶና» ያጋዳሳ።

27 «ቱማካ፣ ሄሮዲሲኔ ጳንጻ ጲላዎሲ አይሁዴ ጊዶና አሳራኔ ኢስራዔል አሳራ ኔ ዶሪዳ ኔ ጊሻ ናዓ ዩሱሳ ቦላ ዴንዳናው ሃ ካታማን ሺቂዶሶና።

28 ቃሲ ኔኒ ኔ ዎልቃኒኔ ኔ ሺኒያን አሳና ጋዳ ቆፓ ኡቲዳባ ኡባ ፖሊዶሶና። 29 ሃዲካ ጎዳው፣ ኤንታ ማንዴሳ ቤዳ፤ ኑኒ ኔ አይሌቲ ኔ ቃላ ኩሜሳ

ዎዛናን አዳና ሜላ ኑና ዳንዳዲሳ። 30 ኔ ጊሻ ናዓ ዩሱሳ ሱንሳን ሃርጋንቾታ ፓሳናው፣ አራሳባይኔ ማላታቲ አሴታና ሜላ ኔ ኩሺያ ሚጫ» ጊዲ ዎሲዶሶና።

31 ኤንቲ ያሳ ዎሲዳፕ ጉዩ ሄ ኤንቲ ሺቂዳሶይ ቃዲስ። ኤንታ ኡባን ጊሻ አያኒ ኩሚን ያሳ ቃላ ሚኖቴሳን አዲዶሶና።

**ኮይሮ አማኒዳ አሳ ኢሲሬቴሳ**

32 አማኒይሳቲ ኡባይ ቆፋኒኔ ዎዛናን ኢሲኖ ጊዲዶሶና። ኤንቲ ባንታው ዴዲያባ ታባ ጎናሺን ኢሲሬ ሻኬቶሶና። 33 ሃዋርቲ ጎዳ ዩሱሲ ሃይቆፕ ዴንዲዳይሳ ጊታ ዎልቃን ማርካቶሶና። ያሳይ ኤንታ ኡባስ አዶ ኬሃቴሳ ዳርሲዲ ኢሚስ። 34 ቢቲ ዎይኮ ኬሲ ዴዲይሳቲ ኡባይ ባይዘ ኤኪዳ ሚሺያ ኤሂያ ጊሾ አማኒይሳታ ጊዶን ሜቶታንቾይ ኢሶይካ ባዋ። 35 ሚሺያ ኤሂዲ ሃዋራታስ ኢሞሶና፤ ሄ ሚሺያ ኢሱዋስ ኢሱዋስ ኮሼይሳዳ ሻኪ ሻኪ ኢሜስ።

36 ቆጲሮሳ ጊያ ቤሳን ዩሌቲዳ ዮሴፋ ጊያ ሌዌ ሺሻፕ ጊዲዳ ኢሶይ ዴዲስ። ኢያ ሱንሳ ሃዋራቲ ባርናባሳ (ሚንሴሶ ናዓ) ጊዶሶና። 37 ባርናባሲ ባው ዴዲያ ቤታ ባይዘዲ ሚሺያ ኤሂዲ ሃዋራታስ ኢሚስ።

**5**

**ሃናኒያኔ ኢያ ማቺው ሳጲሮ**

1 ኢሲ ሃናኒያ ጊያ አዴይ ባ ማቺ ሳጲሪራ ጋዴ ባይዘስ። 2 ሄ ባይዘዳ ሚሺያፕ ባ ማቺያ ኤሪሺን ባጋ አሺዲ፣ አቲዳይሳ ኤሂዲ ሃዋራታስ ኢሚስ።

3 ሺን ጳዊሮሲ ሃናኒያኮ፣ «ኔኒ ጊሻ አያና ጨማና ሜላኔ ጋዲያ ባይዘዳ ሚሺያፕ ሻካዳ አሻና ሜላ ገላሄይ ኔ ዎዛናን አይስ ጊሊዴ? 4 ኔኒ ባይዛናፕ ካሴ ጋዴይ ኔባ ጊዴኔዩ? ቃሲ ኔኒ ባይዛ ሲሚንካ ሚሼይ ኔባ ጊዴኔዩ? ያቲን፣ ሄሳ ሜላባ አሳናው አይስ ኔ ዎዛናን ቆፓዲ? ኔኒ ያሳ ቦላ ዎርዶታዳሳፕ አቲን አሳ ቦላ ዎርዶታባካ» ያጊስ።

5 ሃናኒይ ሄ ቃላ ሲዲዳ ማላ ኩንዲዲ ሃይቂስ፤ ሄሳ ሲዲዳ ኡባይ ዳሮ ያዩስ። 6 ናዓቴሳ አሳቲ ሶ ጊሊዲ ኢያ አሃ ገዲዲ ኤሬዲ ሞጊዶሶና።

7 ሄሹ ሳቴፕ ጉዩ ሃናኒያ ማቺያ ሄሳ ኤሮና ዴዳሼ ጳዊሮሲ ዴዲያሱዋ ጊሳሱ። 8 ጳዊሮሲ ኢኮ፣ «ሂንቴ ጋዲያ ሃይሳ ማላ ሚሼስ ባይዘዴቲ? አኔ ታው አዳ» ያጊስ።

ኢያካ፣ «ኤ፣ ሃይሳ ማላ ሚሼስ ባይዘዳ» ያጋሱ።

9 ጳዊሮሲ ማጫሲው፣ «ኔራኔ ኔ አዘናራ ጎዳ አያና ፓጫናው አይስ ዞሬቲዴቲ? ሄኮ፣ ኔ አዘና ሞጊዳ አሳቲ ካሬን ዴዎሶና፤ ኔናካ ኤንቲ ካሬ ኬሳና» ያጊስ።

10 ማጫሲያ ኢራካ ጳዊሮሳ ቶሁዋ ማታን ኩንዳዳ ሃይቃ አጋሱ፤ ናዓቴሳቲ ጊሊያ ዎዴ ሃይቂዳሮ ዴሚዲ ካሬ ኬሲዲ፣ ኢ አዘና ማታን ሞጊዶሶና። 11 ኩሜሳ ዎሳ ኬሳይኔ ሄሳ ሲዲዳ ሃራ አሳ ኡባይ ዳሮ ያዩዶሶና።

**አራሳባታኔ ማላሊሲያባታ**

12 ሃዋራቲ ዳሮ ማላታታኔ አራሳባታ አሳ ጊዶን አሶሶና። አማኒያ ኡባይ ሶሎሞኔ ባራንዳን ኢሲሬ

4:11 ማዘ 118:22 4:24 ኬሳ 20:11፤ ናህ 9:6፤ ማዘ 146:6 4:25 ማዘ 2:1-2 4:27 ማቶ 27:1-2፤ ማር 15:1፤ ሉቃ 23:1፤ 7-11፤ ዮሃ 18:28-29 4:32 ሃ.አ 2:44-45

ሺቆሶና።<sup>13</sup> ሃራ አሳፔ ኤንታራ ጋሄታናው ኢሲ አሲካ ሚኒቤና፤ ሺን አሳይ ኤንታ ቦንቼስ።<sup>14</sup> አማኒያ አዴታይ ማጫሳታ ታይቦይ ካሴይሳፊ ዳሪሼ ቢስ።<sup>15</sup> ሄሳ ጊሾ፤ አሳይ ሃርጋንቾታ ሃላኒኔ አልጋን ቶኪዲ ጴጊሮሲ አዲያ ዎዴ ኢያ ኩያይ ኤንታፊ ኢሶታ ኢሶታ ቦላ ሽምጋና ሜላ አጌ ዶናን ኬሲዲ ዎሶሶና።<sup>16</sup> ቃሲ ዳሮ አሳይ ዩሩሳላሜ ማታን ዴዲያ ካታማታፔ ሃርጋንቾታኔ ቱና አያኒ ዎይሲያ አሳታ ኤኪዲ ዮሶና፤ ኡባይካ ፓጊዶሶና።

**ሃዋራታ ቦላ ጎዲ ዴንዲስ**

<sup>17</sup> ካሂኔ ሃላቃይኔ ኢያራ ዴዲያ ሳዱቃዌት ኡባይ ቃናቴን ኩሚዲ ሃዋራታ ቦላ ዴንዲዶሶና።<sup>18</sup> ሃዋራታ አይኪዲ ዴሪያ ቃሾ ኬሳን ዩጊዶሶና።<sup>19</sup> ሺን ጎዳ ኪታንቾይ ቃማ ቃሾ ኬሳ ፔንጊያ ዶዶዲ ሃዋራታ ካሪ ኬሲዲ፤<sup>20</sup> «ቢዲ፤ ሶሳ ኬሳን ኤቂዲ ሃ ኦራሳ ዴያ ቃላ አሳ ኡባስ አዲቴ» ያጊስ።<sup>21</sup> ሃዋራቲ ሄሳ ሲዲዳ ዎዴ ዎንታ ጉራ ሶሳ ኬሳ ጌሊዲ ታማርሶ ዶሚዶሶና።

ካሂኔታ ሃላቃይኔ ኢያራ ዴዲያሳቲ ዩዲ፤ ኢስራዬል ጨማታ ኡባ ዌጊ ሺሺዲ ሃዋራታ ባንታ ሲንሴ ኤሃና ሜላ ዎታዳሬታ ቃሾ ኬሳ ኪቲዶሶና።<sup>22</sup> ሺን ዎታዳሬቲ ቃሾ ኬሳ ቢዲ ሃዋራታ ዴሚቦኮና። ጉዬ ሲሚ ዩዲ ዴሪያስ፤<sup>23</sup> «ኦኒ ቢያ ዎዴ ቃሾ ኬሳ ፔንጊይ ሚንሳ ጎርዴቲን፤ ናጌይሳቲ ፔንጊን ኤቂዳይሳታ ዴሚዳ። ሺን ኦኒ ካሪያ ዶያ ዎዴ ጊዶን ሃሪ አቶሺን ኢሲ አሲካ ባዋ» ያጊዶሶና።<sup>24</sup> ሄሳ ጊሾ፤ ሶሳ ኬሳ ዎታዳሬታ ኪቲይሲኔ ካሂኔ ሃላቃቲ ሄሳ ሲዲዳ ዎዴ «ሃዋራታ ቦላ አይቢ ሃኒዴ?» ያጊዲ ሂርጊዶሶና።

<sup>25</sup> ሄ ዎዴ ኢሲ አዴይ ኤንታኮ ዩዲ፤ «ሄኮ፤ ቃሾ ኬሳ ሂንቴ ጌልሲዳ አሳቲ ሶሳ ኬሳን ኤቂዲ አሳ ታማርሶሶና» ያጊዲ ኤንታው አዲስ።<sup>26</sup> ሶሳ ኬሳ ዎታዳሬታ ኪቲይሲ ባ ዎታዳሬታራ ቢዲ ሃዋራታ ኤሂስ። ሺን ኤንቲ ባንታና አሳይ ሹቻን ጫዳና ጊዲ ያዩዳ ጊሾ ኤንታ አዳሺዲ ኤሂዶሶና።

<sup>27</sup> ኤንቲ ሃዋራታ ኤሂዲ፤ ሺቂዳ ሻንጉዋ ሲንሳን ኤሲን ካሂኔ ሃላቃይ ኤንታኮ፤<sup>28</sup> «ሂንቴና ኦኒ ሄ ኡራ ሱንሳን ታማርሶና ሜላ ሚንሳዲ ኪቲቦኮ? ሄኮ፤ ሂንቴ ቲሚርቲያ ዩሩሳላሜ ካታማ ኡባ ጋሊዴታ። ሄ ኡራ ሽምጋዎስ ኦና አይሳናው ቆፔቲ?» ያጊዲ አይቼስ።

<sup>29</sup> ጴጊሮሳራኔ ሃንኮ ሃዋራታራ ኤንታው ዛሪሼ፤ «ኦኒ አሳስ ኪቲታናፔ ሶሳስ ኪቲታናው ቤሴስ።<sup>30</sup> ማስቃሊያ ቦላ ሂንቴ ካቂዲ ዎዲዳ ዩሱሳ ኦ አዋታ ሶሳይ ሃይቆፔ ዴንሳስ።<sup>31</sup> ኢስራዬላቲ ናጋራፔ ሲማና ሚላኔ ኤንታ ናጋራይ አቶ ጌቲታና ሜላ ሶሳይ ዩሱሳ ሃራይሳኔ አሽይሳ አሊዲ ቦንቾን ባፔ ኡሻቻ ባጋን ኡቲሲስ።<sup>32</sup> ሄሳስ ኦኒ ማርካ፤ ቃሲ ሶሳይ ባና አማኔይሳታስ ኢሚዳ ጌሻ አያናይካ ማርካ» ያጊዶሶና።

<sup>33</sup> ሺቂዳ አሳይ ሄሳ ሲዲዳ ዎዴ ዳሮ ዩሎቲዲ፤ ሃዋራታ ዎዳናው ቆፒዶሶና።<sup>34</sup> ሺን አሳ ኡባን ዳሮ ቦንቼቲዳ፤ ሂጌ አስታማሪይ፤ ጋማሊያሌ ጊያ ኢሲ ፋሪሳዌይ ዴንዲ ኤቂዲ ሃዋራታ ጉሳ ዎዴስ ካሪ ኬሳና ሜላ ኪቲስ።<sup>35</sup> ሄሳፊ ጉዬ፤ ሺቂዳ አሳኮ፤ «ኢስራዬላ

አሳው፤ ሃ አሳታ ቦላ ሂንቴ አሳናው ቆፒያባፔ ናጌቲቲ።<sup>36</sup> አይስ ጊኮ፤ ሃይሳፊ ካሴ ቴዎዳሲ ባና፤ (ታኒ ጊታ) ጊዲ ዴንዲን፤ አይዱ ዌቱ ጊዲያ አሳቲ ኢያራ ኢሲፊዶሶና። ሺን ኢያ ዎዲን ኢያ ካሊዳ ኡባይ ላሌቲን ፓሶና አሲ ጊዲዲ አቲዶሶና።<sup>37</sup> ሄሳፊ ጉዬ፤ አሳይ ታይቤቲያ ዎዴ ጋሊላ ዩሁዲ ዴንዲዲ ዳሮ አሳ ፓንጋዩዲ ካሌሲስ፤ ሺን ኢያካ ዎዲን ኢያ ካሊዳ አሳ ኡባይ ላሌቲስ።<sup>38</sup> ሃሚካ ታ ሂንቴው አዳይስ፤ ሃ አሳታፔ ሻኪቲቲ፤ ኤንታ ቦቾሬቲ። አይስ ጊኮ፤ ሃ ቆፋኔ ሃ ኦሎዋ አሲ አሊያባ ጊዲኮ ዳያና።<sup>39</sup> ሺን ሃ ቆፋይኔ ሃ ኦሎይ ሶሳፊ ዩዳባ ጊዲኮ፤ ሂንቴ ኤንታ ዳይሳናው ዳንዳዴኪታ። ጌላዳ ያኒሼ ሂንቴ ሶሳራ ካጩታና» ያጊዲ አዲስ። ሄሳ ጊሾ፤ ሺቂዳ አሳይ ጋማሊያሌ ዞሪያ ኤኪዶሶና።

<sup>40</sup> ሃዋራታ ሶ ዌጊዲ ሊሶን ጋራፊሲስ። ሄሳፊ ጉዬ፤ ኤንታኮ፤ «ዩሱሳ ሱንሳ ናምግንሶ ዴንሶሬቲ» ጊዲ ቢርሺ ዩዲዶሶና።<sup>41</sup> ዩሱሳ ሱንሳ ጊሾ ኤንቲ ካዉያናይሲ ቤሲያባ ጊዴይሳ ኤሪዳ ጊሾ ሻንጉዋ ሲንሳፊ ኡፋይቲሼ ኬዩዶሶና።<sup>42</sup> ኤንቲ ኡባ ዎዴ ሶሳ ኬሳኒኔ አሳ ሶን ዩሱሲ ኢ ኪሪስቶሳ ጊዴይሳ ታማርሶኔ ሳባኮ አጊቦኮና።

**6**

**ላፑን አሳታ ዶሬቲሳ**

<sup>1</sup> ሄ ዎዴ ካሌይሳታ ታይቦይ ዳሪ ዳሪ ቢሺን፤ ጊሪኬ ዶና አዴቲያ አይሁዴቲ ዩሁዳን ዩሎቲዲ ዴዲያ አይሁዴታ ቦላ ዙዙሚዶሶና። አይስ ጊኮ፤ ጊሪኬ ዶና አዴቲያ አይሁዴቲ፤ «ጋላስ ጋላስ ኢሜቲያ ካሳን ኦ አምዴቲ ናቆቶሶና» ያጊዶሶና።<sup>2</sup> ታማኔ ናምዑ ሃዋራቲ ሶሳ ኬሳ አሳ ኡባ ዌጊዲ፤ «ኦኒ ሶሳ ቃላ አዴይሳ አጊዲ ካሊ ጊሻናው ኦስ ቤሴና።<sup>3</sup> ሂዳ፤ ኢሻቶ፤ ሎዎ አሳታ፤ ጌሻ አያናኒኔ ጨንጫቴሳን ኩሚዳ ላፑን አሳታ ሂንቴ ጊዶፊ ዶሪቲ፤ ኦኒ ኤንታ ሃ ኦሎዋስ ሹማና።<sup>4</sup> ሺን ኦኒ፤ ኦ ኩሜሳ ዎዲያ ሶሳ ዎሳኒኔ ቃላ ታማርሶን ፔሻና» ያጊዶሶና።

<sup>5</sup> ሃዋራቲ አዲዳ አዳይ አሳ ኡባ ኡፋይሲስ። ሄሳ ጊሾ፤ አማኖይኔ ጌሻ አያኒ ኩሚዳ ኢስጊፋኖሴ፤ ፊልጶሳ፤ ጲሮኮሮሳ፤ ኒቃሮኔ፤ ጊሞና፤ ጳርሜናኔ አይሁዴ አማኖ ጌሊ ሲሚዳ አንዎኪያ ኒቆሳዎሳ ዶሪዶሶና።<sup>6</sup> ኤንታ ሃዋራታ ሲንሳን ኤሲን፤ ሃዋራቲ ኤንታ ቦላ ኩሼ ዎሊዲ ሶሳ ዎሲዶሶና።

<sup>7</sup> ሶሳ ቃላይ ዳልጊ ዳልጊ ቢስ። ዩሩሳላሜን ዴዲያ አማኔይሳታ ታይቦይ ዳሪ ዳሪ ቢስ፤ ዳሮ ካሂኔቲካ አማኒዶሶና።

**ኢስጊፋኖሴይ አይኬቲስ**

<sup>8</sup> ኢስጊፋኖሴይ አዶ ኬሃቴሳኒኔ ዎልቃን ኩሚዲ አሳ ጊዶን ኦራሳባታኔ ማላታታ አሴስ።<sup>9</sup> አይሌቴሳፊ ኬዩዳ አይሁዴ ዎሳ ኬሳ አሳይ ቁሪናፔኔ ኢስኪንዲሪያፔ ኪልቂያፊኔ ኢሲያፔ ዩዳ ኢሲ ኢሲ አሳቲ ዴንዲዲ ኢስጊፋኖሴራ ፓላሚዶሶና።<sup>10</sup> ሺን ኢስጊፋኖሴይ አያና ዎልቃን አዴቲያ ጨንጫቴሳ ኤንቲ ኤቂታናው ዳንዳዴቦኮና።

<sup>11</sup> ሄ ዎዴ ኤንቲ፤ «ሙሴኔ ሶሳ ኢ ጫዩሺን ሲዲዳ» ጊያ ዎርዶ አሳታ ሻሚዶሶና።<sup>12</sup> ሄሳዳ



አሲዲ ቢታ ጨማታኔ ሂጌ አስታማሬታ ኢያ ቦላ ዴንሲዶሶና። ኢስጊፋኖሴ አይኪዲ ሻንጉዋ ሲንሴ ኤፊዶሶና።<sup>13</sup> ኢያ ቦላ ፓይዲዳ ዎርዶ ማርካቲ። «ሃ አራይ ሃ ያሳ ኬሳኔ ሙሴ ሂጊያ ዛሪ ዛሪ ጫዩስ።<sup>14</sup> ኢ፣ ሃይሲ ናዘሬቴ ዩሱሲ፣ ሃ ያሳ ኬሳ ላላና፤ ቃሲ ሙሴይ ኑስ ኢሚዳ ሂጊያ ላማና) ያጊሺን ኑኒ ሲዲዳ) ያጊዶሶና።

<sup>15</sup> ሻንጉ ሺቆን ኡቲዳ አሳ ኡባይ ኢስጊፋኖሴ ሎይሲዲ ያሊያ ዎዴ ኢያ ሶምዶይ ኪታንቾ ሶምዶ ዳኔስ።

7

ኢስጊፋኖሴ ሃሳያ

<sup>1</sup> ካሂኔታ ሃላቃይ ኢስጊፋኖሴኮ፣ «ሃይሲ ቱሜ?» ያጊዲ አይቺስ።

<sup>2</sup> ኢስጊፋኖሴይ፣ «ታ ኢሻቶ፣ ታ አዋቶ፣ ሲዲቴ! ኑ አዋ አብራሃሜይ ካራኔን ዳናው ባናፔ ሲንሴ ማሴዶሚያን ዴዲሺን፣ ቦንቾ ያሳይ ኢያው ቆንጨዲ።<sup>3</sup> «ኔ ቢታፊኔ ኔ ዳቦታፔ ሻኬታዳ ታኒ ኔና ቤሲያ ቤታ ባ) ያጊስ።<sup>4</sup> ሄ ዎዴ አብራሃሜይ ካልዳዌታ ቢታፊ ኬዩዲ ካራኔን ዳናው ቤስ። ኢያ አዋይ ሃይቂዳፔ ጉዩ ያሳይ ኢያ ሃ ቤታ ሃዲ ሂንቴ ዴዲያ ቤሳ ኤሂስ።

<sup>5</sup> ኢ ሃ ቤታፊ ሃሪ አቶሺን ቶሆይ ዩዲያ ቤሲካ አብራሃሜስ ኢሚቤና። ሺን ናዲ ኢያው ባይና ዎዴ ያሳይ ሃ ቤታ ኢያውኔ ኢያ ሺሻስ ላታ አሲዲ ኢማናይሳ ቃላ ጊሊስ።<sup>6</sup> ያሳይ አብራሃሜኮ፣ «ኔ ሺሻይ ሃራ ቤታን ኢማላቴሳን ዳና፣ ያን አይዱ ያቱ ላይሲ ኤንቲ አይሌቴሳን ሃራታና።<sup>7</sup> ሺን ታኒ ኔ ሺሻ ሃሪያ ዴሪያ ቦላ ፐርዳና። ሄሳፊ ጉዩ፣ ኤንቲ ሄ ቤታፊ ኬዩዲ ሃይሳን ታው ሳይናና) ያጊስ።<sup>8</sup> ያሳይ አብራሃሜ ሺሻይ ቃፃራታና ሜላ ኢያራ ጫቂን፣ ዩሳቂ ዩሌቲዳ ሆስፑንሳ ጋላሳን ቃፃሪስ። ዩሳቂ ያይቆባ ቃፃሪስ፤ ቃሲ ያይቆቢ ታማኔ ናምዑ ባ ናይታ፣ ኑ አዋታ ማይዛታ ቃፃሪስ።

<sup>9</sup> «ያይቆባ ናይቲ ዮሴፋ ቃናቲዲ ጊብዔ ቤታን አይሌቴሳስ ባይዚዶሶና፣ ሺን ያሳይ ኢያራ ዴዴስ።<sup>10</sup> ኢያ፣ ኢያ ዋዩ አባፊ ኬሲስ። ጊብዔ ካዉዋ ሲንሳን ሳባኔ ጨንጫቴሲ ኢያው ኢሚስ። ጊብዔ ካዎይ ዮሴፋስ ጊብዔ ቤታኔ ባ ኬሳ ኡባ አይሳናዳ ሃላቃቴሲ ኢሚስ።

<sup>11</sup> «ጊብዔ ቤታኔኔ ካናኔ ቤታ ኡባን ኮሺ ጊሊዲ ዳሮ አሳ ኡንዴሲስ። ሄ ዎዴ ኑ ማይዛቲ ካሲ ዴማናው ዳንዳዲቦኮና።<sup>12</sup> ያይቆቢ ጊብዔ ቤታን ካሲ ዴዴሳ ሲዲዲ ኑ አዋታ ኮይሮ ያ ዩዲስ።<sup>13</sup> ናምዳንሶ ቡሳን ዮሴፊ ባ ኢሻታስ ባናቴሳ ኤሪሲስ። ጊብዔ ካዎይካ ዮሴፋ ሺሻ ኤሪስ።<sup>14</sup> ዮሴፊ ባ አዋ ያይቆባኔ ባ ዳቦ ኡባ፣ ላፑን ታማኔ ኢቻሹ አሳ ባኮ ያና ሜላ ኪቲዲ ኤሂሲስ።<sup>15</sup> ያይቆቢ ጊብዔ ቤታ ዎዲስ፤ ኢኔ ኢያ ናይቲ ያን ሃይቂዶሶና።<sup>16</sup> ኤንታ አሃይ ሄ ቤሳፊ ሴኬሜ ቤታ ቶኬቲዲ ቤዲ፣ ያን

አብራሃሜይ ሃዋሪ ናይታፔ ዳሮ ቢራን ሻሚዳ ዱፎን ሞጌቲስ።

<sup>17</sup> «ሺን ያሳይ አብራሃሜስ ኢማና ጊዳይሳ ፖሊያ ዎዴይ ጋካናው ማቲዳ ዎዴ ጊብዔ ቤታን ዴዲያ ኑ አሳይ ዳሪ ዳሪ ቤስ።<sup>18</sup> ሄሳፊ ጉዩ፣ ዮሴፋ ኤሮና ሃራ ካዎይ ጊብዔ ቤታን ካዎቲስ።<sup>19</sup> ሄ ካዎይ ኑ ዜሬሳ ጌኒዲ ጉሳ ናይቲ ሃይቃና ሜላ ኤንታ ካሬ ኬሲ ዩጋና ሜላ ኑ አዋታ ኡንዴሲስ።

<sup>20</sup> «ሄ ዎዴ ሙሴይ ዩሌቲስ፤ ኢ ያሳ ሲንሳን ዳሮ ሎዎ ናና። ባ አዋ ኬሳን ሄሹ አጌና ጋካናው ዲጨስ።<sup>21</sup> ሙሴይ ዎራ ሆሌቲዳ ዎዴ ጊብዔ ካዉዋ ናዲያ ዴማ ኤካዳ ባ ናና አሳዳ ኢያ ዲቻሱ።<sup>22</sup> ሙሴይ ጊብዔታ ጨንጫቴሳ ኡባ ታማሪዲ አዳኒኔ አሶን ሚኖ አሲ ጊዲስ።

<sup>23</sup> «ሙሴስ ላይሳይ አይታማ ኩሚዳ ዎዴ ባ ኢሻታ፣ ኢስራዴሌታ ቤናናው ባ ዎዛናን ቆፕርስ።

<sup>24</sup> ኢስራዴሌታፔ ኢሱዋ ጊብዔ ኢሶይ ቆሂሺን ቤዲዲ ሄ ኢስራዴሌ ኡራ ማዲዲ፣ ሄ ቆሂዳ ጊብዔ ኡራ ዎዲዲ ኩሼ ዛሪስ።<sup>25</sup> ሙሴይ ባ ኢሻታ ባ ባጋራ ያሳይ አሻናው ሃይይሳ ኤንቲ አኬካና ጊዲ ቆፕርስ፣ ሺን ኤንቲ አኬኪቦኮና።

<sup>26</sup> «ዎንቴሳ ጋላስ ናምዑ ኢስራዴሌ አሳቲ ኢሶይ ኢሱዋራ ዋዴቲሺን ዴሚዲ ኤንታ ሲጌሳናው ኮዩዲ፣ «አሳቶ፣ ሂንቴ ኢሻንታ፤ አይስ ኢሶይ ኢሱዋ ቆሄቲ?» ያጊስ።

<sup>27</sup> «ሺን ባ ላጊያ ቆሄይሲ ሙሴኮ፣ «ኔና ኑ ቦላ ሃራይሳኔ ዳይና አሲዳይ አኔ?»<sup>28</sup> ኔኒ ዘኔ ጊብዔ ኡራ ዎዲዳይሳዳ ታና ዎዳናው ኮይያ?» ያጊዲ ሙሴ ሱጊ ዩዲስ።<sup>29</sup> ሙሴይ ሄሳ ሲዲዳ ዎዴ ጊብዔፊ ቤቲዲ ሚዲያሜ ቤታን ቤቲ አሲ ጊዲዲ ዴዲሼ ናምዑ አዴ ናይታ ዩሊስ።

<sup>30</sup> «ጎዳ ኪታንቾይ አይታሙ ላይሳፊ ጉዩ ሲና ዴሪያ ማታን ዴዲያ ባዞ ቱሺያ ጊዶን ኤዲያ ታማ ላጮ ጊዶን ሙሴስ ቤንቲስ።<sup>31</sup> ሙሴይ ባ ቤዲዳይሳን ማላሌቲዲ፣ ሎይሲ ቤናናው ቱሺያ ማቲ ሺቂዲ ዴዲሺን፣ ጎዳ ቃላይ፣<sup>32</sup> «ታኒ ኔ አዋታ፣ አብራሃሜ ያሳ፣ ዩሳቂ ያይቆባ ያሳ) ያጊሺ ሙሴኮ ዩስ። ሙሴይ ያሻን ኮኮሪዲ ያላናው ዳንዳዲቤና።

<sup>33</sup> «ጎዳይ ሙሴኮ፣ «ኔኒ ኤቂዳ ቤታይ ጊሺ ጊዲያ ጊሾ ኔ ቶሁዋን ዴዲያ ጫማ ኬሳ።<sup>34</sup> ታኒ ጊብዔን ዴዲያ ታ አሳ ኡንዴሲስ ቤሳስ። ኤንታ ዋሱዋ ሲዳዳ ኤንታ አሻናው ዎዳስ። ሃዲ ሃያ! ታኒ ኔና ጊብዔ ኪታና) ያጊስ።

<sup>35</sup> «ኢስራዴሌቲ ሙሴ፣ «ኔና ኑና ሃራይሳኔ ዳይና አሲዳይ አኔ?» ያጊዲ ኢዲዳይሳ ቱሺያ ጊዶን ኢያው ቤንቲዳ ኪታንቾዋ ባጋራ ሃራይሳኔ አሺይሳ አሲዲ ያሳይ ኪቲስ።<sup>36</sup> ሙሴይ ኢስራዴሌታ ጊብዔፊ ኬሲዲ ማላሊሲያባታኔ አራሳባታ ጊብዔ ቤታኒኔ ዞዎ አባን አሲዲ ኤንታ አይታሙ ላይሲ ባዞ ቤታን ካሌሲስ።

<sup>37</sup> «ኢስራዴሌ አሳኮ፣ «ያሳይ ታና ዴንሲዳይሳዳ ሂንቴ ሺሻ ጊዶፊ ታ ሜላ ናቤ ሂንቴው ዴንሳና) ያጊዳይ ሄ ሙሴ።<sup>38</sup> ባዞ

7:2 ሜዴ 12:1 7:4 ሜዴ 11:31፤ 12:4 7:5 ሜዴ 12:7፤ 13:15፤ 15:18፤ 17:8 7:6 ሜዴ 15:13-14 7:7 ኬሳ 3:12 7:8 ሜዴ 17:10-14፤ 21:2-4፤ 25፤ 26፤ 29:31-35 7:9 ሜዴ 37:11፤ 28፤ 39:2፤ 21 7:10 ሜዴ 41:39-41 7:11 ሜዴ 42:1-2 7:13 ሜዴ 45:1፤ 16 7:14 ሜዴ 45:9-10፤ 17-18፤ 46:27 7:15 ሜዴ 46:1-7፤ 49:33 7:16 ሜዴ 23:3-16፤ 33:19፤ 50:7-13፤ ኢያ 24:32 7:17 ኬሳ 1:7-8 7:19 ኬሳ 1:10-11፤ 22 7:20 ኬሳ 2:2 7:21 ኬሳ 2:3-10 7:23 ኬሳ 2:11-15 7:29 ኬሳ 18:3-4 7:30 ኬሳ 3:1-10 7:35 ኬሳ 2:14 7:36 ኬሳ 7:5፤ 14:21፤ ታይ 14:33 7:37 ዛሬ 18:15፤ 18

ቢታን ሸቂዳ ኢስራዔል አሳራ ዴዲዳይሲ፥ ኑ አዋታራኔ ሲና ዴሪያ ቦላ ኢያው አዲዳ ኪታንቸዋራ ዴዲዳ ሙሴይ ኢያ። ያቲዳ፥ ያሳ ዴያ ቃላ ኑስ ኢማናው ኤኪስ።

39 «ሺን ኑ ማይዛቲ ሙሴስ ኪቱታናው ዶሲቦኮና፤ ኢያ ኢዲዳ ጉዩ ጊብዔ ሲማናው አዋቲዶሶና። 40 ቃሲ አሮናኮ፥ <ኑና ካሌሲያ ያሳታ ኑስ አሳ፥ አይስ ጊኮ፥ ሃይሲ ኑና ጊብዔፊ ኤሂዳ ሙሴይ፥ ዋኒዳኮ ኑኒ ኤሮኮ» ያጊዶሶና።

41 ሄ ዎዴ ማሪ ዳኒሲዳ ኤቃ አሲዶሶና። ሄ ኤቃስ ያርሾ ያርሺዳ ባንታ ኩሼን አሲዳ አሱዋን አፋይቲዶሶና። 42 ሺን ያሳይ ኤንታው ዞኮ ዛሪስ፥ ኤንቲ ሳሎ ያሊንቶታ ጎይናና ሜላ ኤንታ ዩጊ አጊስ። ናቤታ ማፃፋን፥

<ኢስራዔል አሳው፥ አይታሙ ላይሲ ኩሜሲ ባዞ ቢታን ሹኪዳ ሜሂያኔ ያርሺዳ ያርሹዋ ታው ያርሺዴቲ?

43 ሂንቱ፥ ሂንቱው ጎይናናው ኬሲዳ ኤቃኔ ሞሎኬ ዱንካኒያ ፊፋና ጊያ ሂንቱ ያሳ ያሊንቶ ሚሲሊያ ቶኪዴታ።

ታኒ ሂንቱና ባቢሎኔፕ ሂኒ ባጋ ዩዳና) ጌቱቲዳ ፃፌቲስ።

44 «ኑ አዋታስ ባዞ ቢታን ማርካ ዱንካኒይ ዴዴስ። ኢያኮ ያሳይ ሙሴ ኪቲዳይሳዳኔ ኢያ ቤሲዳይሳዳ አሲስ። 45 ቃሲ ኑ አዋቲ ሄ ዱንካኒያ ባንታ አዋታፔ ኤኪዳ ያሳይ ካሴ ዩዴሲዳ አይሁዴ ጊዶና አሳ ቢታ አይኪዳ ዎዴ ኢያሱራ ያ ኤኪዳ ጊሊዶሶና። ሄ ዱንካኒይ ዳዊቱ ዎዴ ጋካናዉካ ሄ ቤሳን ዴዲስ። 46 ዳዊቱይ ያሳን ሳቤቲስ። ቃሲ ያይቆባ ጎዳይ ዴዳና ኬሳ ኬፃናው ያሳ ዎሲስ። 47 ሺን ኢያው ኬሳ ኬዲዳይ ሶሎሞኔ።

48 «ሃኖሺን፥ አባፊ ቦላ ያሳይ አሲ ኬዲዳ ኬሳን ዴና። ናቤይ ጊዳይሳ ሜላ፥

49 <ሳሎይ ታ አራታ፥ ሳዳይካ ታ ቶሆይ ዩዲያሶ።

ያቲን፥ ታው ሂንቱ አይ ሜላ ኬሲ ኬፃኔ? ዎይኮ ታኒ ሹምፒያሶይ አዉኔ? 50 ሃ አባ ታ ኩሼያን አሳቢኪና?» ያጊስ ጎዳይ።

51 «ሂንቱ ዋኒዳ ሲያና አሴ? ሂንቱ ዎዛናይ ያሳ ቃላ ኤካናው አይስ ኢዲዴ? ሂንቱ ሃይሳይ አይስ ቱሊዴ? ሂንቱ፥ ሂንቱ አዋታሶ አባ ዎዴ ጌሻ አያናራ ኤቁቱታ። 52 ናቤታ ጊዶፊ ሂንቱ አዋቲ ጎዶናይ አኔ? ያሳ ናዳይ፥ ጊሎይ ያናይሳ ካሴቲዳ አዲዳይሳታ ዎዲዶሶና። ሃዲ ሂንቱ ኢያ አሲ ኢሚዳ ዎዲዴታ። 53 ሂንቱ ኪታንቸዋ ኩሼፔ ያሳ ሂጊያ ኤኪዴታ፥ ሺን ኪቱቲቤኬታ» ያጊስ።

**ኢስጊፋናሴይ ሹቻን ጫዴቲስ**

54 ኤንቲ ሄሳ ሲዲዳ ዎዴ ባንታ ዎዛናን ኢስጊፋናሴይ ቦላ ዳሮ ዩሎቲዳ፥ ባንታ ሜቲርሻ ሳዲ ማንዲዶሶና። 55 ሺን ኢስጊፋናሴይ ጌሻ አያናን ኩሚዳ፥ ሳሎ ፑዴ ያሊዳ፥ ያሳ ቦንቸዋኔ ዩሱሳ ያሳ አሻቻ ባጋን ኤቁዳይሳ ቤዲስ። 56 «ሄኮ፥ ታኒ ሳሎይ ዶዩቲን፥ አሳ ናዳይ፥ ያሳ አሻቻ ባጋን ኤቁዳይሳ ቤዳይስ» ያጊስ።

57 ቃላ ዶቁ አሲዳ ዋሲሼ፥ ባንታ ሃይሳ አይኪዳ ኢሲፊ ኢያኮ ዎዲዶሶና 58 ኢያ ካታማፔ ጋፃ ኬሲዳ፥ ሹቻን ጫዴዶሶና። ማርካቲ ባንታ ማዑዋ ኢሲ ሳሳ ጊያ ናዳቴሳ ማታን ዎሲዶሶና።

59 ኢስጊፋናሴይ፥ «ታ ጎዳ ዩሱሳ፥ ታ ሹምፑዋ ኤካ» ያጊዳ ያጊሺን ኤንቲ ኢያ ሹቻን ጫዴዶሶና። 60 ጉልባቲዳ፥ ባ ቃላ ዶቁ አሲዳ፥ «ታ ጎዳው፥ ሃ ናጋራ ኤንታው አቶ ጋ» ያጊስ። ሄሳ ያጊዳ ሲሚዳ ሜላ ሃይቂ አጊስ።

**8**

**ሳዎሊ አማኒያ አሳ ጎዲስ**

1 ሳዎሊ ኢስጊፋናሴይ ሃይቁዋን አፋይቲስ። ሄ ጋላስ ዩሩሳላሜን ዴዲያ ዎሳ ኬሳን ጊታ ጎዲ ዴንዲስ። ሃዋራቲ አቲን አማኒይሳቲ አባይ ዩሁዳ ቢታኒኔ ሳማራ ቢታን ላሌቲዶሶና። 2 ኢሲ ኢሲ ያሳ አሳቲ ኢስጊፋናሴይ ሞጊዶሶና፤ ቃሲ ኢያው ዳሮ ዩኪዶሶና። 3 ሺን ሳዎሊ ዎሳ ኬሳ ዳይሳናው ኮዩስ። ሶ ሶ ዩዩ ጊሊዳ፥ አማኒያ አዴታኔ ማጫሳታ ጎቺ ጎቺ ኬሲዳ ቃሾ ኬሲ ጌልሴስ።

**ዎንጌላይ ሳማራን ሳባኬቲስ**

4 ላሌቲዳ አማኒይሳቲ ቢዳ ቤሳ አባን ቃላ አዲዶሶና። 5 ፊልጶሲ ሳማራ ካታማ ቢዳ ኪሪስቶሳባ አሳስ አዲስ። 6 ዳሮ አሳይ ፊልጶሲ ጊዳይሳ ሲዲዳ ዎዴኔ ኢ አሲያ ማላታታ ቤዲዳ ዎዴ ኢያ አኬኪዳ ሲዲዶሶና። 7 ቱና አያናቲ ዋሲዳ ዳሮ አሳፔ ኬዩዶሶና፤ ቃሲ ዳሮ ጉንዳቲኔ ዎቤቲ ቤሌቲዶሶና። 8 ሄ ካታማን ዴዲያ አሳይ ዳሮ አፋይቲዶሶና።

9 ሺን ሲሞና ጊያ ኢሲ አራይ ሄ ካታማን ዴዴስ። ኢ፥ <ባና ጊታ» ጊዳ ሳማራ አሳ ማሮቲሳን ማላሊሲሼ ጋምዲስ። 10 ጉሳፊ ጊታ ጋካናው ዴዲያ አሳ አባይ፥ «ጊታ ያሳ ዎልቃይ ሃይሳ» ጊዳ ኢያባ ሲዶሶና። 11 ዳሮ ዎዴፔ ዶሚዳ ማሮቲሼ ሳማራ አሳ ማላሊሲዳ ጊሾ አሳይ ኢያባ ሲዶሶና። 12 ሺን ፊልጶሲ ያሳ ካዎቱሳባኔ ዩሱስ ኪሪስቶሳ ሱንሳባ አዴታሲኔ ማጫታስ አዲን፥ ኤንቲ ኢያባ አማኒዳ ፃማቁቲዶሶና። 13 ቃሲ ሲሞኒካ ባ ሁዔን አማኒዳ ፃማቁቲስ። ፊልጶሳራ ኢሲፊ ቤዳ ቤሳ አባን አሴቲያ ጊታ ማላታታ ቤዲዳ ማላሌቲስ።

14 ዩሩሳላሜን ዴዲያ ሃዋራቲ ሳማራ አሳይ ያሳ ቃላ ኤኪዳይሳ ሲዲዳ ዎዴ ጳዊሮሳኔ ዮሃንሳ ኤንታኮ ዩዲዶሶና። 15 ጳዊሮሳኔ ዮሃንሲ ቤዳ፥ አማኒይሳቲ ጌሻ አያና ኤካና ሜላ ኤንታው ያሳ ዎሲዶሶና። 16 አይስ ጊኮ፥ ሳማራ አሳቲ ጎዳ ዩሱሳ ሱንሳ ፃላላን ፃማቁቲዶሶናፔ አቲን ኤንታፊ ኢሱዋ ቦላካ ጌሻ አያኒ ዎዲቤና። 17 ሄ ዎዴ ጳዊሮሳኔ ዮሃንሲ ባንታ ኩሼያ ኤንታ ቦላ ዎሲን፥ ኤንቲ ጌሻ አያና ኤኪዶሶና።

18 ሃዋራቲ ባንታ ኩሼያ ኤንታ ቦላ ዎሲን፥ ኤንታው ጌሻ አያናይ ኢሜቲዳይሳ ሲሞኒ ቤዲዳ ዎዴ ጳዊሮሳኔ ዮሃንሳስ ሚሼ ኤሂዳ፥ 19 «ታኒካ ታ ኩሼያ ዎሲያ አባይ ጌሻ አያና ኤካና ሜላ ሃ ማታ ታዉካ ኢሜርኬቲ» ያጊስ።

7:38 ኬሳ 19:1-20:17፤ ዛሬ 5:1-33 7:40 ኬሳ 32:1 7:41 ኬሳ 32:2-6 7:42 አዎ 5:25-27 7:44 ኬሳ 25:9፤ 40 7:45 ኢያ 3:14-17 7:46 2ሳሙ 7:1-16፤ 1ታሪ 17:1-14 7:47 1ከዎ 6:1-38፤ 2ታሪ 3:1-17 7:49 ኢሳ 66:1-2 7:51 ኢሳ 63:10 8:3 ሃ.አ 22:4-5፤ 26:9-11

20 ሺን ጳውሎስ አያቱ፡ «ኔን ሦሳ አሞታ ሚሽን ሻማናው ቆፒዳ ጊሾ ኔ ሚሽይ ኔራ ጳዮ።  
 21 ኔ ዎዛናይ ሦሳ ሲንሳን ሱራ ጊዶና ጊሾ ኔው ሃይሳን ጊሾይ ዎይኮ ቃዲ ባዎ። 22 ሂዛ፡ ሃ ኔ ዎዛና አታቴላ ጊሾ ናጋራቴ ሲማ። ኔ ዎዛናን ዴዲያ አታ ቆፋ ሦሳይ አቶ ጋና ሜላ ሦሳ ዎሳ።  
 23 ጋሶይካ፡ ኔኔ አታ ቃናቴኔ ናጋራ ቃሹዋን ዴዲያሳ ታኔ ቤዓይስ» ያጊስ።  
 24 ሲሞኒ ዛሪዲ፡ «ሂንቴ ጊዳይሳፌ አሶይካ ታና ጋኮና ሜላ ታው ሦሳ ዎሲቴ» ያጊስ።  
 25 ጳውሎስ ነ ሶሃኒሲ ማርካቴዳቴኔ ጎዳ ቃላ አዲዳቴ ጉዬ ዩሩሳላሜ ሲሚዶሶና፡ ሳማሬን ዴዲያ ዳሮ ጉታታን ዎንጌላ አዲዶሶና።

**ፊልጶስ ቶጲያ ሞሪና ማግቂስ**

26 ጎዳ ኪታንቶይ ፊልጶስ፡ «ዴንዳዳ ዩሩሳላሜቴ ጋዛ ኤፊያ ባዞ ቢታ አጊያኮ ባ። ሄ አጊይ ዱጌሃ ባጋራ ዴዲስ» ያጊስ። 27 ፊልጶስ ዴንዲዲ ቢስ። ሂንዴኬ ጊያ ቶጲያ ካዌስ አሚሽ ኡባ ናጊያ ቶጲያ አሲ ዴዲስ። አካ ጎይናው ዩሩሳላሜ ቢስ። 28 ፓራ ጋሪያን ኡቴዲ፡ ዩሩሳላሜቴ ባ ቢታ ሲሚሽ ናቢያ አሳያሳ ማግፋ ናባቤስ።  
 29 ጊሻ አያናይ ፊልጶስ፡ «ሄ ጋሪያኮ ባዳ አያ ማቴ ሺቃ» ያጊስ።  
 30 ያቴን ፊልጶስ ዎዲ ቢዲ ጋኪያ ዎዴ ሞሪናይ ናቢያ አሳያሳ ማግፋቴ ናባቢሺን ሲዲዲ፡ «ኔ ናባቤያሲ ኔው ጌሊ?» ያጊስ።  
 31 ሞሪናይ፡ «ታው አዲ ጌልሲያ አሲ ባይና ዋኒዲ ጌላኔ?» ያጊስ። ባራ ጋሪያን ኬዩዲ ኡታና ሜላ ፊልጶስ ዎሲስ። 32 ሞሪናይ ናባቢያ ማግፋ ኪፊሌይ፡

«አ ዶርሳዳ ሹኪታናው ላጌቴስ፤  
 ዶርሳ ማሪ ባ አኪሲያ ሜዴይሳታ ሲንሳን ሲዲ ጌይሳዳ፤  
 አካ ባ ዶና ዶዩቤና።

33 አ ካወደስ፤ አያው ዲሎ ፐርዲ ጳይስ።  
 አያ ዴዶይ ሃ ሳዓቴ ቃንዲቲዳ ጊሾ  
 አያ ሽሻባ አኔ አዳናይ?» ያጊስ።

34 ሞሪናይ ዛሪዲ ፊልጶስ፡ «ናቤይ አዴባ አዲ? ባባ አዲዬ ዎይኮ ሃራ አሳባ አዲ? ታው አዳርኪ» ያጊስ። 35 ፊልጶስ ዛሪዲ፡ ሦሳ ቃላ ሄ ቤሳፌ ዶሚዲ፡ ዩሱሳባ አዲያ ዎንጌላ አያው አዲስ።

36 ኤንቴ ቢሽ ሃሲ ዴዲያሶ ጋኪዶሶና። ሞሪናይ፡ «ሃሴ ሃይሳ ቤዓ፤ ታ ማግቆቶና ሜላ አይቢ ዲጊ?» ያጊስ።

37 ፊልጶስ አያቱ፡ «ኔኔ ኔ ኩሜላ ዎዛናቴ አማኒኮ ዳንዳዳ» ያጊስ።

አ ዛሪዲ፡ «ዩሱስ ኪሪስቶሲ ሦሳ ናዓ ጊዴይሳ ታኔ አማናይስ» ያጊስ።

38 ጋራይ ኤቃና ሜላ ሞሪናይ ኪቲን፡ ናምዓይ ዎዲዲ ሃሳን ጌሊዶሶና፤ ፊልጶስ አያ ማግቂስ።

39 ኤንቴ ሃሳፌ ጋዓ ኬዩዳ ዎዴ ጎዳ አያናይ ፊልጶስ ቆፖና ኤኪስ። ናምዓንሶ ሞሪናይ ፊልጶስ ቤዳቤና፡ ሺን ባ አጊያ ኡፋይቴሽ ቢስ።

40 ፊልጶስ አዛዎናን ባና ዴሚስ። ቃሲ ቂሳሪያ ያና ጋካናው ካታማታን ዩዩዲ ዎንጌላ ማርካቴስ።

9

**ሳዖሊ ኪሪስቶሳ አማኒስ (ሃ.አ 22:6-16፤ 26:12-18)**

1 ሄ ዎዴ ሳዖሊ ጎዳ ካሌይሳታ ዎዳናው ማንዲዲ ካሂኔ ሃላቃኮ ቢስ። 2 ጎዳ አጊያ ካሊያ አዴታኔ ማጫታ ዴሚኮ፡ ቃቺሽ ዩሩሳላሜ ኤሃናው፡ ዳማስቆን ዴዲያ አይሁዴ ዎሳ ኬላታስ ዳብዳቤይ ሃፌታና ሜላ አያ ዎሲስ።

3 አ ቢዲ፡ ዳማስቆ ካታማ ጋካናው ማቴሺን፡ ቆፖና ሳሎቴ ዎልቃማ ፖዶይ አያ ዩሹዋን ፖዲስ። 4 አ ሳዓን ኩንዲዳሺን፡ «ሳዖላ፡ ሳዖላ፡ አይስ ታና ጎዳይ?» ጊያ ቃላ ሲዲስ።

5 ሳዖላ፡ «ጎዳው፡ ኔኔ አኔ?» ያጊዲ አይቺስ። «ታኔ፡ ኔኔ ጎዲያ ዩሱሳ» ያጊስ።

6 ሺን ሳዖሊ ኮኮሪሽኔ ማላሌቴሽ፡ «ጎዳው፡ ታኔ አይ አሳና ሜላ ኮያይ?» ያጊስ።

ጎዳይ አያቱ፡ «ዴንዳዳ ካታማ ጌላ፤ ኔኔ አሳናው ቤሲያባይ ያን ኔው አዴታና» ያጊስ።

7 ሳዖላራ አጊያ ቢያ አሳቴ አይኮካ አዴቶና ኤቂ አቴዶሶና። ቃላ ሲዶሶና፡ ሺን አናካ ቤዲቦኮና። 8 ሳዖሊ ኩንዲዳ ቤሳፌ ዴንዲዲ ጌሊያ ዎዴ አያ አይፌይ ዴዎና አሊዲስ። ሄሳ ጊሾ፡ ኤንቴ አያ ኩሺያ አይኪዲ ካሌሲዲ ዳማስቆ ጌልሲዶሶና። 9 ሄሹ ጋላስ ጋካናው አሊ ጌላናው ዳንዳዲቤና፤ አይኮካ ሚቤና፤ ኡዩቤና።

10 ዳማስቆን አሲ ሃናኒያ ጊያ ዩሱሳ ታማሬይ ዴዲስ። ጎዳይ ቆንጩሳን፡ «ሃናኒያ» ያጊዲ ያጊስ። ሃናኒይ ዛሪዲ፡ «ታ ጎዳው፡ ሃይሳን ዴዳይስ» ያጊስ።

11 ጎዳይ አያቱ፡ «ዴንዳዳ ሱራ ጌቴቲያ አጊያ ባዳ፡ ዩሁዳ ሶን ሳዖላ ጊያ ቴርሴሴቴ ዩዳ ኡራ ኮያ፤ ሳዖሊ ዎሴስ። 12 ቃሲ ሃናኒይ ጌሊዲ፡ ሳዖሊ ናምዓንሶ ጌላና ሜላ ባ ኩሺያ አያ ቦላ ዎሲሺን ቆንጩሳን ቤዲስ» ያጊስ።

13 ሃናኒይ ዛሪዲ፡ «ጎዳው፡ ዩሩሳላሜን ኔ ጊሻ አሳ ቦላ ሄ ኡራይ አይ ሜላ አታባ አሊዳኮ ታኔ ዳሮ አሳቴ ሲዓስ። 14 ቃሲ ዳማስቆን ኔ ሱንሳ ጌይይሳታ ኡባ ቃቻናው፡ ካሂኔ ሃላቃቲ አያው ማታ አሚዶሶና» ያጊስ።

15 ሺን ጎዳይ አያቱ፡ «ሳዖሊ አይሁዴ ጊዶና አሳ ሲንሳን፡ ካዎታ ሲንሳኔኔ ኢስራዴል አሳ ሲንሳን፡ ታ ሱንሳ ኤሪሳናውኔ ታው አሳናው ዶሬቲዳ ሚሽ ጊዲያ ጊሾ ኔኔ አያኮ ባ። 16 አይስ ጊኮ፡ ታ ሱንሳ ጊሾ አ አይ ሜላ ዋዩ ኤካናው ቤሲያኮ ታኔ አያ ቤሳና» ያጊስ።

17 ሃናኒይ ቢዲ፡ ሶ ጌሊዲ፡ ባ ኩሺያ ሳዖላ ቦላ ዎሲዲ፡ «ታ ኢሻ ሳዖላ፡ ኔኔ ያ አጊያን ኔው ቤንቴዳ ጎዳ ዩሱሲ፡ ኔኔ ጌላና ሚላኔ ጊሻ አያናን ኩማና ሜላ ታና ኪቲስ» ያጊስ።

18 ኤሌሲዲ፡ ሳዖላ አይፊያቴ አሲ ፖቆ ሜላባይ ዎዲን፡ ሳዖሊ ናምዓንሶ ጌሊስ። ቃሲ ዴንዲዲ ማግቆቲስ። 19 ካሲ ሚዲ ሃሊዲ፡ ዳማስቆን ዴዲያ አማኒይሳታራ ጉላ ጋላስ ጋምዲስ።

**ሳዖሊ ዳማስቆን ታማርሲስ**

20 ኤሌሲዲ ሳዖላ፡ «ዩሱሲ ሦሳ ናዓ» ያጊዲ ዳማስቆን ዴዲያ አይሁዴ ዎሳ ኬላታን ቃላ ታማርሲስ።



21 ሄሳ ሲዲዳ ኡባይ ማላሌቲዳ፡ «ሃይሲ ዩሩሳላሜን ዩሱሳ ሱንሳ ዩጌይሳታ ቃቺይሳ ጊዴይዩ? ቃሲ ሃ ዩዳይ ኤንታ ቃቺዳ፡ ካሂኔ ሃላቃታ ሲንሴ ኤፋናሳ ጊዴይ?» ያጊደሶና።

22 ሺን ሳዖሊ ቃላ አዶን ሚኒ ሚኒ ቢስ። ዩሱሲ፡ ኢ ኪሪስቶሳ ጊዴይሳ ቆንጨሲዳ አዲዳ ጊሾ ዳማስቆን ዴዲያ አይሁዴቲ ኢያው ዛሪያባ ዳዩደሶና።

23 ዳሮ ጋላሳፔ ጉዩ አይሁዴቲ ሸቂዳ፡ ሳዖላ ዎዳናው ዘሬቲደሶና። 24 ሺን አይሁዴቲ ባና ዎዳናው ቆፐዳይሳ ሳዖሊ ሲዲስ፡ ኤንቲ ኢያ ዎዳናው ቃማኔ ጋላስ ካታማ ፔንጊያን ናጎሶና።

25 ሺን ኢያ ታማሬቲ ኢያ ቃማ ኤፊዳ፡ ጊምቤ ዲርሳ ማስኮቲያራ ዳቾራ ዎዲሲደሶና።

**ሳዖሊ ዩሩሳላሜን ታማርሲስ**

26 ሳዖሊ ዩሩሳላሜ ጋኪዳ ዎዴ አማኔይሳታራ ጋሄታናው ኮዩስ። ሺን ኢ ኪሪስቶሳ አማኔይሳይሲ ኤንታው ቱማ ዳናና ኢዲን ኢያው ያዩደሶና።

27 ሺን ባርናባሲ ሳዖላ ሃዋራታኮ ኤፊስ፡ አጌን ጎዳይ ዋኒዳ ቆንጨዳኮኔ ሃሳዩሲዳኮ፡ ቃሲ ሳዖሊ ዳማስቆን ዩሱሳ ሱንሳን ያዮና ዋቲዳ ቃላ አዲዳኮ ኤንታው ጊሺዳ አዲስ። 28 ሳዖሊ ዩሩሳላሜን ዩዩዳ ጎዳ ሱንሳን ያዮና ቃላ አዲሼ፡ ሃዋራታራ ኢሲፊ ዴዲስ። 29 ቃሲ ሳዖሊ ጊሪኬ ቃላ ሃሳዩ አይሁዴታራ አይቲሼ ፓላሜስ። ሺን ኤንቲ ኢያ ዎዳናው ኮዩደሶና። 30 አማኒያ አሳቲ ሄሳ ሲዲዳ፡ ሳዖላ ቂሳሪያ ኤፊዳ ቴርሴሴ ዩዲደሶና።

31 ዩሁዳን፡ ጋሊሳኒኔ ሳማራ ኡባን ዴዲያ ዎሳ ኬላቲ ሳርቴላን ዴዲደሶና። ቃሲ ሚኒደሶና፤ ጎዳስ ያዩሼ ጊሻ አያና ሚንሴሱዋን ዳሪ ዳሪ ቢደሶና።

**ጳውሎስ ሊዳኒኔ ዮጴን ታማርሲስ**

32 ጳውሎስ ቢታ ኡባ ዩዩሼ ሊዳን ዴዲያ አማኒያ አሳታኮ ጋኪስ። 33 ያን ሆስፕን ሳይሴ ኩሚሴ ጉንዲዳ አርሳን ዜንዲዳ ዴዲያ ኤኒያ ጊያ አዲያ ዴዲስ። 34 ጳውሎስ፡ «ኤኒያ፡ ዩሱስ ኪሪስቶሲ ኔና ፓላና፤ ዴንዳዳ ኔ ሂፃ ዴንሳ» ያጊስ። ኢካ ኤሴሲዳ ዴንዳ ኤቂስ። 35 ሊዳኒኔ ሳርናን ዴዲያ አሳ ኡባይ ኤኒያ ቤዲዳ፡ ጎዳኮ ሲሚደሶና።

36 ዮጴ ካታማን ኢሲ ፃቢቶ ጊያ አማኒያራ ዴዳውሱ። (ፃቢቶ ጉሳይ ጌንጫ ጉሱ) ኢያ ባ ዴዲዳ ዎዴ ኡባን ሎዖባ አላሼኔ ማንቆታ ማዳሼ ዴዳሱ። 37 ሄ ዎዴ ኢያ ሃርጋዳ ሃይቂን፡ አሳይ ኢ አሃ ሜጨዳ፡ ፖቂያ ባላ ኬሲዳ ዜንዲሲደሶና። 38 ሲዳ ዮጴስ ማታ፡ አማኔይሳቲ ጳውሎስ ሊዳን ዴዲይሳ ሲዲዳ፡ «ሃያና ኑኮ ኤሴሳዳ ያ» ያጊያ ኪታ ናምዑ አሳታ ባላ ኢያኮ ኪቲደሶና።

39 ሄሳ ጊሾ፡ ጳውሎስ ዴንዳዳ፡ ኤንታራ ቢስ። ያ ጋኪን፡ ፖቂያ ባላ ዴዲያ ኪፊሊያ ኢያ ጌልሲደሶና። አምጫቲ ጳውሎስ ዩሹዋን ኤቂዳ ዩኪሼ ዶርቃ ኤንታራ ፓፃ ዴዳሼ አሲዳ ቃሚሴታኔ አፊላታ ኡባ ጳውሎስ ቤሲደሶና።

40 ጳውሎስ ኤንታ ኡባ ካሬ ኬሲዳ፡ ጉልባቲዳ ዎሳ ዎሲስ። ቃሲ አሃኮ ሲሚዳ፡ «ፃቢቴ፡ ዴንዳ» ያጊስ። ፃቢታ ባ አይፊያ ዶያዳ ጳውሎስ ቤዳዳ፡ ዴንዳ ኡታሱ። 41 ጳውሎስ ኢያ ባ

ኩሺያን ማዲዳ ዴንሴ ኤሲስ። ሄሳፊ ጉዩ፡ አማኔይሳታኔ አምጫታ ዩጊዳ፡ ዴንዳዳሮ ኤንታ ሲንሴ ሺሺስ።

42 ሃ አዳይ ዮጴ ካታማ ኡባ ጋኪስ። ዳሮ አሳይ ጎዳ አማኒደሶና። 43 ጳውሎስ ዮጴን ሲሞና ጊያ ጋልባ ሃሼይሳ ሶን ዳሮ ጋላስ ጋምዲስ።

**10**

**ጳውሎስ ቆርኔሊዮሳ**

1 ቂሳሪያን፡ «ፃሌ አላ አሳታ» ጌቲቲያ አላንቾታ ጊደን ኢሲ ቆርኔሊዮሳ ጌቲቲያ ማቶ ሃላቃይ ዴዲስ። 2 ቆርኔሊዮሲ ባ ሶ አሳራ ዎሳ ሚንሴ አማኒያ አሲኔ ዎሳ ጎይኒያ አሲ። አይሁዴ ማንቆታካ ዳሮ ማዴስ፡ ቃሲ ዎሳ ኡባ ዎዴ ዎሴስ። 3 ኢሲ ጋላስ ኡዱፋን ሳቴ ሄራን ዎሳ ኪታንቾይ ኢያኮ ዩዳ፡ «ቆርኔሊዮሳ» ጊዳ ዩጊሺን ኢ ቆንጨሳን ጊሺዳ ቤዲስ።

4 ቆርኔሊዮሲ ዳጋሚዳ ኪታንቾዋ ቲሺ አሲ ዩሊዳ፡ «ጎዳው፡ ኢ አይቤ?» ያጊስ። ኪታንቾይ ዛሪዳ፡ «ኔ ዎሳይኔ ማንቆታ ኔ ማዴይሲ ዎሳ ሲንሳን ሃሳዩቲስ። 5 ሃዲ ዮጴ አሴ ኪታዳ፡ ጳውሎስ ጊያ ሲሞና ኤሂሳ። 6 ጳውሎስ አሳ ዶናን ጋልባ ሃሼያ ሲሞና ሶን ኢማላቴሴ ሲራቲስ» ያጊስ።

7 ቆርኔሊዮሲ ባው አዲዳ ኪታንቾይ ቢን፡ ባ አይሌታፔ ናምግታኔ ዎሳ ጎይኒያ ባ ማታ ዎታዳሬታፔ ኢሱዋ ዩጊዳ፡ 8 ኤንታው ኡባባ አዲዳ ዮጴ ኪቲስ።

9 ዎንቴላ ጋላስ ኤንቲ ቢዳ፡ ዮጴ ካታማ ማቲሺን ኡሱፕን ሳቴ ሄራን ዎሳ ዎሳናው ጳውሎስ ፖቂ ባላ ኬይስ። 10 ኢ ኮሻቲዳ ካሲ ማናው ኮዩስ፡ ሺን ካሲ ካጊሺን ኢ ቆንጨሴ ቤዲስ። 11 ሳሎይ ዶዩቲን፡ ጊታ አፊላ ዳኒያባይ አይዱ ባጋራ አይኬቲዳ ዎዲሺን ኢ ቤዲስ።

12 ኢያን አይዱ ቶሆራ ዴዲያ ሜሄቲ፡ ዎራ ጌዳቲ፡ ኡሎራ ጎሼቲያ ሜጴቴላቲኔ ሳሎ ካፎቲ ኡባይ ዴዲስ። 13 ሄ ዎዴ «ጳውሎስ፡ ዴንዳ ኤቃዳ ሹካዳ ማ» ጊያ ቃሊ ኢያኮ ዩስ።

14 ሺን ጳውሎስ፡ «ጎዳው፡ አካይ! ታ ቱናባ ኡባራካ ማ ኤሪኬ» ያጊስ።

15 ቃሲ፡ «ዎሳይ ጊሺዳይሳ ኔኔ ቱና ጎፓ» ጊያ ቃሊ ናምግንሶ ኢያኮ ዩስ። 16 ሄሲካ፡ ሄዙ ቶሆ ሃኒዳፔ ጉዩ ሄ ጊታ አፊላ ዳይይሲ ኤሴሲዳ ፕዴ ሳሎ ኤኬቲስ።

17 ጳውሎስ ባ ቤዲዳ ቆንጨሳ ቢርሼሳይ፡ «አይ ጊዳንዴሻ?» ጊዳ ባ ዎዳናን ቆፐሺን፡ ቆርኔሊዮሲ ኪቲዳ አሳቲ ሲሞና ሶ አይቺ ዴዲያ ካሬን ኤቂደሶና። 18 ባንታ ቃላ ጶቂ አሲዳ፡ «ጳውሎስ ጊያ ሲሞኒ ኢማላቴላን ዴዲያ ሃይሳኔ?» ያጊዳ አይቺደሶና።

19 ጳውሎስ ቆንጨሳን ቤዲዳባ ቆፋ ባላ ዴዲሺን፡ ጊሻ አያኒ ኢያኮ፡ «ሄኮ፡ ሄዙ አሳቲ ኔና ኮዮሶና። 20 ዴንዳዳ ዎዳ፡ ታኒ ኤንታ ኪቲዳ ጊሾ ሲጶና ኤንታራ ባ» ያጊስ።

21 ጳውሎስ አሳታኮ ዎዲዳ፡ «ሂንቲ ኮዩይ ታና፤ አይስ ዩዴቲ?» ያጊስ።

22 ኤንቲ ዛሪዳ፡ «ኑና ማቶ ሃላቃይ ቆርኔሊዮሲ ኪቲስ። ኢ ያሎ፡ ዎሳ ጎይኒያ አሲኔ አይሁዴ አሳ ኡባን ዳሮ ቦንቼቲዳ አሲ። ቆርኔሊዮሲ፡ ኔና ባ ሶ ኤሂሲዳ ቃላ ኔፔ ሲዳና

ሜላ ጌሻ ኪታንቾይ ኢያው አዲስ» ያጊደሰና።  
23 ጳጳሮች አሳታ ሶ ጌልሲዲ ሞከሱ።

ዎንቴሳ ጋላስ፣ ዴንዲዲ ኤንታራ ቢስ፣ ዮጴ ካታማን ዴዲያ አማኔይሳታ፤ ኢሶቲ ኢሶቲ ኢያራ ኢሲፌ ቢደሰና። 24 ዎንቴሳ ጋላስ፣ ቂሳሪያ ጋኪደሰና። ቆርኔሊዮሲ ባ ዳቦታኔ ባ ማታ ላጌታ ኢሲፌ ዩጊ ሺሺዲ፣ ጳጳሮሳ ናጌስ። 25 ጳጳሮሲ ሶ ጌላና ሃጊሺን፣ ቆርኔሊዮሲ ኢያራ ጋሄቲዲ ኢያ ሲንሳን ኩንዲዲ ኢያው ጎይናናው ኩዩስ። 26 ሺን ጳጳሮሲ፣ «ዴንዲ፣ ታካ ታ ሁዌን ኔ ሜላ አሴ» ያጊዲ ኢያ ዴንሳስ።

27 ጳጳሮሲ ቆርኔሊዮሳራ አዴቲሽ ሶ ጌሊያ ዎዴ ዳሮ አሳይ ሸቂዳይሳ ዴሚስ። 28 ኢ አሳኮ፣ «አይሁዴ አሲ ሃራ ዴሬራ ኢሲፋናው ዎይኮ ጋሄታናው ዎጋ ጊደናይሳ ሂንቴ ኤሬታ። ሺን ታኒ አናካ ቱና ዎይኮ ጊሺ ጊዴና ጎና ሜላ ዳሳይ ታና ቤሲስ። 29 ሄሳ ጊሾ፣ ሂንቴ ታኮ ኪቲን ኢያይ ባይና ያስ። ሃሳ ታና አይስ ዩጊሲዳኮ ታው አዲቴ» ያጊስ።

30 ቆርኔሊዮሲ፣ «ታኒ ሃቺ አይዱ ጋላሳ፤ ካሴ ሃናዴ ኡዱፋን ሳቲ ዎሳ ዎሲሺን፣ ጳሊያ ማዎ ማሂዳ አሲ ታ ሲንሳን ኤቂስ። 31 ኢ ታኮ፣ «ቆርኔሊዮሳ፣ ዳሳይ ኔ ዎሳ ሲዲስ፣ ኔኒ ማንቆታ ማዲዳይሳካ ሃሳይስ። 32 ሂዛ፣ አሴ ዮጴ ኪታዳ፣ ሲሞን ጳጳሮሳ ጌይሳ ዩጊሳ። ኢ፣ ሲሞና ጊያ ጋልባ ሃሺያ ኡራ ሶን አባ ዶናን ሲራቲስ» ያጊስ። 33 ሄሳ ጊሾ፣ ታኒ ኔኮ ኤሌሳዳ ኪታስ፤ ኔ ሎዎ ያዳሳ፣ ሂዛ፣ ዳሳይ ኔና ኪቲዳባ ኡባ ሲጎናው ሃሳ ኩኒ ኡባይ ሃይሳን ጎዳ ሲንሳን ዴዎስ» ያጊስ።

**ጳጳሮሳ ሃሳያ**

34 ካሊዲካ፣ ጳጳሮሲ፣ «ዳሳይ አሳ ሶምዎ ቤዲዲ አሴ አሳ፤ ሻኪና። 35 ሺን አሴ ኡባ አና ጊዲኮካ ባው ያዩይሳኔ ያሎ አሶ አይይሳን ዳሳይ ኡፋይቲይሳ ታኒ ቱማ አኬካስ። 36 ዳሳይ፣ ኡባ ጎዳ ጊዲዳ ዩሱስ ኪሪስቶሳ ባጋራ ሳሮቴሳ አዲሼ ሃ ዎንጌላ ኢስራዌሌ አሳስ ኪቲዳይሳ ሂንቴ ኤሬታ። 37 ዮሃንሲ ዩንቃቲባ ጋሊሳን ሳባኪዳ ዎዲያ፤ ዶሚዲ ዩሁዳ ቢታ ኡባ ጋካናው ሃኒዳባ ሂንቴ ኤሬታ። 38 ዳሳይ ናዘሬቲ ዩሱሳስ ጌሻ አያና ነ ዎልቃ ኢሚስ። ዳሳይ ኢያራ ዴዲያ ጊሾ ሎዎባ ኢ አሲሽ 9ላሄ ኩሼን ሃሬቲዳ ኡባ ፓሊሽ ዩዩስ።

39 «አይሁዴ ቢታኒኔ ዩሩሳላሜን ኢ አሲዳ ኡባባስ ኩኒ ማርካታ። ኤንቴ ማስቃሊያ ቦላ ካቂዲ ኢያ ዎዲደሰና። 40 ሺን ዳሳይ ሄሻንሶ ጋላሳን ሃይቆፕ ኢያ ዴንሳዲ አሳስ ቆንጫና ሜላ አሲስ። 41 ሄ ቆንጫሳይ ዳሳይ ኮይሮ ዶሪዳ ማርካታሳሬ አቲን አሳ ኡባስ ጊዴና። ኢ ሃይቆፕ ዴንዲዳ፤ ጉዩ ኢያራ ሚዳኔ ኡዩዳ። 42 ኩኒ ዎንጌላ አሳስ አዳና ሜላኔ ፓዓ ዴዲይሳታ ቦላኔ ሃይቂዳይሳታ ቦላ ፐርዳናው ዳሳይ ሹሚዳይ ዩሱሳ ጊዴይሳ ማርካታና ሜላ ኑና ኪቲስ። 43 ዳሳይ ኢያ አማኒያ ኡባ ናጋራይ፣ ኢያ ሱንሳን አቶ ጌቲይሳ ናቤቲ ማርካቶሶና» ያጊስ።

**አይሁዴ ጊደና አሳቲ አማኒዲ ጌሻ አያና ኤኪደሶና**

44 ጳጳሮሲ ቡሮ ሄ አዳ አንጎናሺን ቃላ ሲዲያ ኡባ ቦላ ጌሻ አያኒ ዎዲስ። 45 ጳጳሮሳራ ዮጴሬ ዩዳ አማኒያ ቃግሬቲዳ አይሁዴ ኡባይ፣

አይሁዴ ጊደናይሳታ ቦላ ጌሻ አያኒ ጉኪዳ ጊሾ ማላሌቲደሰና። 46 ጋሶይካ፣ ኤንቴ ዱማ ዱማ ዶናን ሃሳዩሺኒኔ ዳሳ ጊታቴሳ ሳቢሺን ሲዲደሰና።

ሄ ዎዴ ጳጳሮሲ ዛሪዲ፣ 47 «ሃይሳቲ ቃሲ ኑ ሜላ ጌሻ አያና ኤኪዳይሳቲ ማግቆቶና ሜላ ሃሴ ዲጋናይ አኔ?» ያጊስ። 48 ኤንቴ ዩሱስ ኪሪስቶሳ ሱንሳን ማግቆታና ሜላ ኤንታ ኪቲስ። ሄሳሬ ጉዩ፣ ኤንቴ ባንታራ ጉሳ ጋላስ ኡታና ሜላ ጳጳሮሳ ዎሲደሰና።

**11**

**ጳጳሮሲ ባ አሲዳባ ዩሩሳላሜ ዎሳ ኪሳስ አዲስ**

1 ሃዋራቲኔ ዩሁዳ ኡባን ዴዲያ አማኔይሳቲ፣ አይሁዴ ጊደናይሳቲካ ዳሳ ቃላ ኤኪዳይሳ ሲዲደሰና። 2 ጳጳሮሲ ዩሩሳላሜ ቢዳ ዎዴ ቃግሬቲዳ አማኔይሳቲ፣ 3 ኢያኮ፣ «ኔኒ ቃግሬቲቦናይሳታኮ ጌላዳ ኤንታራ ካሲ አይስ ማዲ?» ያጊደሰና።

4 ሺን ጳጳሮሲ ሃኒዳባ ኮይሮፕ ዶሚዲ ማሪን ማራን አዲስ። 5 «ታኒ ዮጴ ካታማን ዳሳ ዎሳሽ ቆንጫሲ ቤዓስ። ጊታ አፊላ ዳኒያባይ አይዱ ባጋራ አይኬቲዲ ሳሎፕ ዎዲሽ ታኮ ዩስ። 6 ታኒ ቲሺ አሳ ኢያ ጊዶ ዩሊያ ዎዴ አይዱ ቶሆራ ዴዲያ ሜሄታ፣ ዎራ ዶዓታ፣ ኡሎራ ጎሽቲያ ሜዴቴሳታኔ ሳሎ ካፎታ ቤዓስ። 7 «ጳጳሮሳ፣ ዴንዲ፣ ሹካዳ ማ» ጊያ ቃላ ሲዓስ።

8 «ሺን ታኒ፣ ጎዳው፣ አካይ፣ ቱናባይ ዎይኮ ጌዮናባይ ኡባካ ታ ዶናኮ ሸቂ ኤሬና» ያጋስ።

9 ««ዳሳይ ጌሺዳይሳ ኔኒ ቱና ጎፓ» ያጊያ ቃሊ ናምዓንሶ ሳሎፕ ዩስ።

10 «ሄሲ ሄሹ ቶሆ ሃኒን፣ ወርሴሳን ኡባባይ ሳሎ ፑዴ ኤኪቲስ። 11 ሄ ሳቲንካ ሄሹ አሳቲ ቂሳሪያ፤ ታኮ ኪቲቲዲ ታኒ ዴዲያ ኪሳ ጋኪ አጊደሰና። 12 ሲዶና ኤንታራ ባና ሜላ አያናኢ ታው አዲስ። ቃሲ ሃ ኡሱፕን ኢሻቲ ዮጴሬ ታራ ቂሳሪያ ቢዳይሳታራ ቆርኔሊዮሳ ሶ ጌሊዳ። 13 ኪታንቾይ ኢያ ሶን ኤቂዲ፣ «ዮጴ ኪታዳ ጳጳሮሳ ጌቲቲያ ሲሞና ዩጊሳ። 14 ኔና ኔ ሶ አሳ ኡባ አሺያ ቃላ ኢ ኔው አዳና» ጊዳይሳ ቆርኔሊዮስ ኑስ አዲስ።

15 «ታኒ ሃሳያ ዶሚያ ዎዴ ጌሻ አያናይ ኮይሮ ኑ ቦላ ዎዲዳይሳዳ ኤንታ ቦላካ ዎዲ አጊስ። 16 ሄ ዎዴ «ዮሃንሲ ሃሳን ማግቂስ፣ ሺን ሂንቴ ጌሻ አያናን ማግቆታና» ያጊዳ ጎዳ ቃላይ ታው ቆሬቲስ። 17 ዳሳይ ኑስ ጎዳ ዩሱስ ኪሪስቶሳ አማኒዳይሳታስ ኢሚዳ ኢሞታ አይሁዴ ጊደናይሳታስካ ኢሚኮ፣ ያቲን ዳሳ ዲጋናው ታኒ አኔ?» ያጊስ።

18 ኤንቴ ሄሳ ሲዲዳ ዎዴ ባንታ ፓላማ አጊዲ፣ «ሄሳ ጊዲኮ፣ ዳሳይ አይሁዴ ጊደናይሳቲካ ናጋራ፤ ሲሚዲ ዴዎን ዳናዳ ቃዳ ኢሚስ» ያጊዲ ዳሳ ጋላቲደሰና።

**አንዎኪያ ዎሳ ኪሳ**

19 ኢስጊፋናሴ ሃይቆስ ጋሊዳ ጎዳ ጋሶን ላሌቲዳ አማኔይሳቲ ቃላ አይሁዴታ 9ላላስ አዲሽ ሲሮሬንቁ፣ ቆጲሮሳኔ አንዎኪያ ጋካናው ዩዩደሰና። 20 ሺን ቆጲሮሳ፤ ቁሬና፤ ዩዳ ኢሲ

ኢሲ አማኒያ አሳቲ አንጾኪያ ቢዲ፥ ጎዳ ዩሱሳ ዎንጌላ ጊሪኬ አሳሰካ አዲዶሶና።<sup>21</sup> ጎዳ ዎልቃይ ኤንታራ ዴዔስ፤ ቃሲ ዳሮ አሳይ አማኒያ ጎዳኮ ሲሚዶሶና።

<sup>22</sup> ሄ አዳ ዩሩሳላሜን ዴዲያ ዎሳ ኬሳይ ሲዲ ዳ ጊሾ ባርናባሳ አንጾኪያ ኪቲስ።<sup>23</sup> ባርናባሲ አንጾኪያ ቢዳ ዎዴ ዎሳ አጅ ኬሃቴሳ አሱዋ ቤዲዲ አሩፋይቲስ። ኤንቲ አባይ ባንታ ኩሜሳ ዎዛናን ጎዳን ሚኒዲ ዳና ሚላ ኤንታ ዞሪስ።

<sup>24</sup> ባርናባሲ ጌሻ አያናይኔ አማኖይ ኩሚዳ ሎዎ አሲ ጊዲያ ጊሾ ዳሮ አሳይ ጎዳ አማኒያሶና።

<sup>25</sup> ሄሳፊ ጉዩ፥ ባርናባሲ ሳዎላ ኮያናው ቴርሴሴ ቢስ።<sup>26</sup> ያን ሳዎላ ዴሚዳ ዎዴ አንጾኪያ ኤኪዲ ዩስ። ባርናባሲኔ ሳዎላ ዎሳ ኪሳ አሳራ ላይሴ ኩሜሴ አቲዲ ዳሮ አሳ ታማርሲዶሶና። አማኔይሳቲ አንጾኪያን «ኪሪስታኔ» ጌቱቲዲ ኮይሮ ዌጌቲዶሶና።

<sup>27</sup> ሄ ዎዴ ኢሲ ኢሲ ናቤቲ ዩሩሳላሜ፤ አንጾኪያ ዎዲዶሶና።<sup>28</sup> ኤንታ ጊዶፊ አጋቦሳ ጌይሲ ዴንዲዲ ቢታ አባን ጊታ ኮሺ ኬያናይሳ አያና ዎልቃን ቲንቢቱ አዲስ። ሄሲ ሃኒዳይ ሮሜ ካወዋ ቃላወዲዮሳ ዎዴና።<sup>29</sup> አማኔይሳቲ ሁዔን ሁዔን ባንታ ዎልቃ ሚላ ሚሼ ኬሲዲ ዩሁዳን ዴዲያ አማኔይሳታስ ማዴ ዩዳናው ቆፋ ቃቺዶሶና።<sup>30</sup> ኤንቲ ሄሳዳ አሲዲ፥ ሚሺያ ባርናባሳ ቦላኔ ሳዎላ ቦላ ዎሳ ኬሳ ጨማታስ ዩዲዶሶና።

12

ዎሳ ኬሳ ቦላ ዎልቃማ ጎዲ ጋኪስ

<sup>1</sup> ሄ ዎዴ ካዎይ ሄሮዲሲ \* ዎሳ ኬሳ አሳፕ ባጋ ጎዳ ዶሚስ።<sup>2</sup> ዮሃንሳ ኢሻ ያይቆባ ማሻን ዎዲሲስ።<sup>3</sup> ሄሲ አይሁዴታ አሩፋይሲዳይሳ ቤዲዲ፥ ጉጂዲ ጴጊሮሳካ አይሴስ። ሄሲ ሃኒዳይ ፓሲካ ባሌ ቦንቺያ ጋላሳታና።<sup>4</sup> ጴጊሮሳ አይኪዲ ቃቺስ። ፓሲካ ቦንቺያ ጋላሳታ፤ ጉዩ ዴሪያ ሲንሴ አሳናው ቆፒዲ፥ አይዱ አይዱ ዎታዳራቲ ኢያ ናጋና ሚላ ታማኔ አሱቸን ዎታዳራታስ አሲ ኢሚስ።<sup>5</sup> ሄሳ ጊሾ፥ ጴጊሮሲ ቃሾ ኬሳን ናጌቲስ። ሺን ዎሳ ኬሳ አሳይ ኢያው ሚንሴዲ ዎሳ ዎሶሶና።

ኪታንቾይ ጴጊሮሳ ቃሾ ኬሳፊ ኬሲስ

<sup>6</sup> ሄሮዲሲ ጴጊሮሳ አሳ ሲንሴ ሸሻና፤ ካሴ ቃማ ጴጊሮሲ ናምቡ ባጋራ ናምቡ ዎታዳራታራ ሳንሳላታን ቃሼቲዲ ኤንታ ጊዶን ዲስኪስ። ናጌይሳቲ ቃሾ ኬሳ ፔንጌታን ኤቂዲ ናጎሶና።<sup>7</sup> አኪኮና ዴዲሺን ጎዳ ኪታንቾይ ቆንጨስ። ቃሾ ኬሳን ፖዶይ ፖዲስ። ኪታንቾይ ጴጊሮሳ ሚያ ቦቺ ባርኪሲዲ፥ «ኤሌ ዴንዳ» ያጊስ። ኢራካ ሳንሳላታይ ኢያ ኩሺያ፤ ዎዲ አጊስ።<sup>8</sup> ኪታንቾይ ኢያኮ፥ «ኔ ማዑ ማዳ፥ ኔ ጫማካ አሳ» ያጊስ። ጴጊሮሲ ሄሳዳ አሲስ፤ ኪታንቾይ፥ «ኔ ላዓና ማዳዳ ታና ካላ» ያጊስ።<sup>9</sup> ጴጊሮሲ ቃሾ ኬሳፊ ኬዩዲ ኪታንቾዋ ካሲስ። ኢያው ቆንጨሴ ቤዲያባ ዳኒሲ፤ አቲን ኪታንቾይ አሲያባይ ቱማ ዳኒቤና።<sup>10</sup> ኪታንቾይኔ ጴጊሮሲ ኮይሩዋኔ ናምዓንሶ ዎታዳሪያ አዲዲ ካታማ ኤፊያ ቢራታ ፔንጊያኮ

ጋኪዶሶና። ፔንጌይ ኤንታው ባርካ ዶዩቲ አጊስ። ኤንቲ ኬዩዲ ኢሲ አጊያራ ቢሺን ኪታንቾይ አኪኮና ጴጊሮሳ፤ ሻኬቲ አጊስ።

<sup>11</sup> ጴጊሮሳስ ዎዛኒ ሲሚን፥ «ታና ጎዳይ ባ ኪታንቾዋ ኪቲዲ፥ ሄሮዲሳ ኩሼ፤ ናጊዲ አቲዳ አይሁዴ አሳ አባፊ አሺዳይሳ ሃዲ ቱማ ኤራስ» ያጊስ።

<sup>12</sup> ኢ ሄሳ አኪኪዳ ዎዴ ዳሮ አሳይ ኢሲፊ ሸቂዲ ዎሳ ዎሲያ ቤሳ፥ ማርቆሳ ጊያ ዮሃንሳ አዩ ማይራሚ ሶ ቢስ።<sup>13</sup> ያን ካሬን ኤቂዲ ዌጊስ። ኢሲ ሮዳ ጊያ አሳንቺያ ፔንጊያ ዶያናው ያሱ።<sup>14</sup> ሮዳ ጴጊሮሳ ቃላ ጊዲዳይሳ ኤሪዳ ዎዴ አሩፋይሳን ኩማዳ ካሪያ ዶዩና ጉዩ ዎፃ ባዳ፥ «ጴጊሮሲ ካሬን ኤቂስ» ያጋዳ አሳስ አዳሱ።

<sup>15</sup> አሳይ ኢኮ፥ «ኔኒ ጎያይ!» ያጊዶሶና። ሮዳ ጴጊሮሳ ጊዲዳይሳ ጌሻዳ አዳሱ። ኤንቲ፥ «ሄሲ ኢያ ናጊያ ኪታንቾዋ» ያጊዶሶና።

<sup>16</sup> ሺን ጴጊሮሲ ካሬን ኤቂዲ ዌጊዲ አጎና ኢዲን አሳይ ካሪያ ዶዩዲ ኢያ ቤዲዲ ማላሌቲዶሶና።<sup>17</sup> ሺን ኤንቲ ሲዲ ጋና ሚላ ጴጊሮሲ ባ ኩሺያን ማሊዲ ጎዳይ ቃሾ ኬሳፊ ኢያ ዋቲ ኬሲዳኮ ኤንታው ቆንጨሲ አዲዲ፥ «ሃይሳ ያይቆባሲኔ አማኒያ አሳታስ አዲቴ» ጊዲ ያፔ ኬዩዲ ሃራሶ ቢስ።

<sup>18</sup> ሳዲ ዎንቲያ ዎዴ «ጴጊሮሲ አው ቢዴ» ጊዲ ዎታዳራቲ ዎሊ ጊዶን ዳሮ ካጨዶሶና።

<sup>19</sup> ሄሮዲሲ ጴጊሮሳ ኮዩሲን፥ ኢ ዳዩዳ ዎዴ ናጌይሳታ ቆሪዲ፥ ኤንታ ዎዳና ሚላ ኪቲስ። ሄሳፊ ጉዩ፥ ሄሮዲሲ ዩሁዳ፤ ቂሳሪያ ዎዲዲ ያን ጉሳ ዎዴ አቲስ።

ሄሮዲሳ ሃይቁዋ

<sup>20</sup> ሄሮዲሲ ሂሮሳ አሳ ቦላኔ ሲዶና አሳ ቦላ ዳሮ ሃንቁቲስ። ኤንታ ቢታይ ካሴ ሄሮዲሳ ቢታፊ ዴሚያ ጊሾ ኤንቲ ኢሲፊ ጊዲዲ ኢያ ዋሪና ቢላስዎሳ ባንታው ጨማ አሲዲ ጊጋናው ሄሮዲሳኮ ቢዶሶና።

<sup>21</sup> ሄሮዲሲ ሱንሴዳ ጋላሳን ባ ካዎቴሳ አፊላ ማዲዲ፥ አራታ ቦላ አቲዲ አሳስ አዲስ።

<sup>22</sup> አሳይ፥ «ሄሲ ዎሳ ቃላ፥ አሳ ቃላ ጊዴና» ያጊዲ ዋሲዶሶና።<sup>23</sup> ሄሮዲሲ ዎሳ ቦንቺቦና ጊሾ ኢራካ ጎዳ ኪታንቾይ ኢያ ዴቺን ጉፁኔን ሚቱቲዲ ሃይቁስ።

<sup>24</sup> ሺን ዎሳ ቃላይ ዲጨሼኔ ዳልጊሼ ቤስ።

<sup>25</sup> ባርናባሲኔ ሳዎላ ባንታ አሱዋ ፖሲዲ ማርቆሳ ጊያ ዮሃንሳ ባንታራ ኤኪዲ ዩሩሳላሜ፤ ሲሚዶሶና።

13

ባርናባሲኔ ሳዎላ ኪቱቲዶሶና

<sup>1</sup> አንጾኪያን ዴዲያ ዎሳ ኬሳን ናቤቲኔ አስታማሬቲ ዴዎሶና። ኤንቲ ባርናባሳ፥ ካሬሴ ጌቱቲያ ሲዋና፥ ቁሬና፤ ዩዳ ሉኪዮሳ፥ ካወዋ ሄሮዲሳራ ዲጨዳ ሚናሄኔ ሳዎላ።<sup>2</sup> ኤንቲ ጎዳ ጎይኒሺኒኔ ዎሚሺን ጌሻ አያናይ፥ «ታኒ ዌጊዳ አሱዋስ ባርናባሳኔ ሳዎላ ታው ዱማዩቱ» ያጊስ።<sup>3</sup> ሄሳ ጊሾ፥ ኤንቲ ዎሚዳ፤ ዎሲዳ፤ ጉዩ ባንታ ኩሺያ ኤንታ ቦላ ዎሲዲ ዩዲዶሶና።

ባርናባሲኔ ሳዎላ ቆጲሮሳ ቢዶሶና

11:28 ሃ.አ 21:10 \* 12:1 ካዎይ ሄሮዲሲ፥ ሃይሲ ካዎይ ሄሮዲሲ፥ ሄሮዲሳ አጊርጳ ጊያ ኮይሩዋ። ኢ፥ 37-44 ማርቆሳ ላይሳ ጋካናው ሃሪስ። ኢ ካወዋ ሄሮዲሳስ ናፃ ናፃ 12:4 ኬሳ 12:1-27



4 ሄሳ ጊሾ፣ ጌሻ አያኒ ከንታ ከቲስ። ሴሌውቄ ቢደሰና፤ ያፔ ማርካቤን ጌሊዲ ቆጶሮሳ ሃሳን ቱቁቲዳ ቢታ ቢደሰና። 5 ከንቲ ሲልማና ጋኪዲ አይሁዴ ዎሳ ከሳታን ያሳ ቃላ አዲደሰና። የሃሂሲ \* ማዲሼ ከንታራ ዴዔስ።

6 ከንቲ ቆጶሮሳ ሃሳን ቱቁቲዳ ቢታ ካንሲዲ ጳፉ ጋኪያ ዎዴ ኢሲ ዎርዳንቸ ናቢያ ባር-ዮሱሳ ጊያ አይሁዴ ማሩዋ ዴሚደሰና። 7 ሄ ማሮይ ዴሪያ አይሲያ ሳርጊዮስ ጳውሎሳ ጊያ አኬካንቸ አዲያራ ዴዔስ። ሳርጊዮስ ጳውሎሲ ባርናባሳኔ ሳሳ ባኮ ያጊዲ ያሳ ቃላ ሲዓናው ኮዩስ። 8 ሺን ጊሪኬ ዶናን ማሩዋ ሱንሳይ «ኤልማሳ» ጌቱቲስ። ኢ ዴሪያ ሃራይሲ አማኖና ሜላ ዲጋናው ኮዩዲ ባርናባሳኔ ጳውሎሳራ ኤቁቲስ።

9 ሺን ጳውሎሳ ጊያ ሳሞሊ ጌሻ አያናን ኩሚዲ ማሩዋ ጫዲ ያሊዲ፣ 10 «ላ፣ ሃላሄ ናዓው፣ ኢታቱሲ ኡባይ ኩሚዳይሶ፣ ሂሎቱሳ ኡባስ ሞርኪያው፣ ሱሬ ጎዳ አጊያ ሚርቁይሳ አጊኪ? 11 ሄኮ፣ ሃሂ ጎዳ ኩሼይ ኔ ቦላ ዴዔስ። ኔኒ ቆቄ ጊዳና፤ ጉሳ ዎዴስ አዋ ፖሪ ቤዓካ» ያጊስ። አራ ጫጋናይኔ ዲማይ ኢያ አይፊያ ጎዢን፣ ባ ኩሺያ አይኪዲ ካሌሲያ አሲ ኮዩሼ ዩዩስ። 12 ዴሪያ ሃራይሲ ሄሳ ቤዒዳ ዎዴ ጎዳባ ታማርሴይሳን ማላሌቲዲ አማኒስ።

**ባርናባሳኔ ጳውሎሲ ጲሲዲያ አንዎኪያ ቢደሰና**

13 ጳውሎሲኔ ኢያራ ዴዔይሳቲ ጳፉፕ ዴንዲዲ፣ ጲንፊሊያን ዴዒያ ጴርጌ ማርካቤራ ቢደሰና። የሃሂሲ ከንታፊ ሻኬቲዲ ዩሩሳላሜ ሲሚስ። 14 ሺን ከንቲ ጴርጌፊ አዲዲ ጲሲዲያን ዴዒያ አንዎኪያ ጋኪደሰና። ሳምባታ ጋላስ አይሁዴ ዎሳ ከሲ ጌሊዲ ኡቲደሰና። 15 ሙሴ ሂጊይኔ ናቤታ ማፃፍይ ናባቤቲዳፕ ጉዩ አይሁዴ ዎሳ ከሳ ሃላቃቲ፣ «ኑ ኢሻቶ፣ አሳ ሚንጩሲያ ቃሊ ሂንቱው ዴዒያኮ አሳስ ኦዴርኬቲ» ያጊዲ ከንታኮ ከቲደሰና።

16 ጳውሎሲ ዴንዲ ኤቁዲ ባ ኩሼ ማሊዲ፣ «ኢስራዔል አሳታው፣ ቃሲ ያሳ ጎይኒያ አይሁዴ ጊዶና አሳው፣ ሲዒቱ። 17 ሃ ኢስራዔል አሳ ያሳይ፣ ኑ ማይዛታ ዶሪስ። ጊብዔ ቢታን ኢማላቱሳን ከንቲ ዴዒሺን፣ ከንታ ዳርሲዲ ባ ጊታ ዎልቃን ጊብዔ ቢታፊ ከንታ ከሲስ።

18 ባዞ ቢታን አይታሙ ላይሳ ሜላ ከንታ ዳንዳዒስ። 19 ካናኔ ቢታን አይሁዴ ጊዶና ሳፑን ካዎቱሳታ ዲጊዲ ከንታ ቢታ ባ አሳ ላቲሲስ።

20 ሄሳፊ ጉዩ፣ ናቢያ ሳሙዔላ ዎዴ ጋካናው አይዱ ያታኔ ኢሻታሙ ላይሳ ሜላ አይሲያ ዳይናታ ከንታው ኢሚስ። 21 ሄሳፊ ጉዩ፣ ከንቲ ባንታው ካዎ ኢማና ሜላ ዎሲን፣ ያሳይ ቢኒያሜ ሼሻፕ ቁሴ ናዓ፣ ሳሳ አይታሙ ላይሲ ካዎታና ሜላ ከንታው ኢሚስ። 22 ያሳይ ሳሳ ሻሪዳፕ ጉዩ ከንታ ቦላ ዳዊቱ ካዎሲስ። ያሳይ ዳዊቱባ ማርካቲሼ፣ «ታኒ ኮዩ ኡባ ታ ዎዛና ሜላ አሲያ ኢሴዩ ናዓ ዳዊቱ ዴማስ» ያጊስ።

23 «ዶሳይ፣ «ታኒ ዳዊቱ ሼሻፕ ኢስራዔል ዴሪያ አሼይሳ ኤሃና» ጊዳይሳ ሜላ ዩሱሳ ኤሂስ።

24 ዩሱሲ ያናፕ ሲንጩ ኢስራዔል አሳ ኡባይ ባንታ ናጋራፕ ሲሚዲ ሃማቁታና ሜላ የሃሂሲ ቃላ አዲስ። 25 ቃሲ የሃሂሲ ባ አሱዋ ዉርሳና ሃሂሼ አሳኮ፣ «ታና አና ጊዲ ቆፕቲ? ታኒ ሂንቱ ናጊያ ኪሪስቶሳ ጊዲኬ፣ ሺን ታኒ ኢያ ጫማ ቢርሻናው ታው ቤሶናይሲ ታፕ ጉዩራ ዩስ» ያጊስ።

26 «ኢሻቶ፣ አብራሃሜ ሼሻቶ፣ ቃሲ ሃይሳን አይሁዴ ጊዶናሺን ያሳስ ያዩይሳቶ፣ ሃ አቶቱሳ ቃላይ ኑስ ከቱቲስ። 27 አይስ ጊኮ፣ ዩሩሳላሜን ዴዒያ አሳይኔ ከንታ ሃላቃቲ ዩሱሳ ኤሪቦኮና፣ ሳምባታ ኡባን ናባቤቲያ ናቤታ ቃላ አኬኪቦና ጊሾ ኢያ ቦላ ፐርዲዲ ናቤቲ አዲዳ ቃላ ፖሊደሰና። 28 ዩሱሳ ዎዲሳናው ኢሲ ጋሶይካ ዳዩን ጲላዎሲ ኢያ ዎዳና ሜላ ዎሲደሰና።

29 ከንቲ ዩሱሳባይ ጌሻ ማፃፍን ሃፊቲዳባ ኡባ ፖሊዳ ዎዴ ማስቃሊያፕ ኢያ ዎዲሲዲ ሞጊደሰና። 30 ሺን ያሳይ ሃይቆፕ ዩሱሳ ዴንጳስ። 31 ሄሳፊ ጉዩ፣ ኢ ባራ ጋሊላፕ ዩሩሳላሜ ዩዳይሳታስ ዳሮ ቶሆ ቤንቲስ። ከንቲ ሃሂ ኢያባ አሳስ ማርካቶሶና።

32 «ዶሳይ ኑ አዋታስ ኢማና ጊዳ ዎንጊላ ኑኒ ሂንቱው አዶስ። 33 ዳዊቱይ ባ ማዝሙሬ ማፃፍን ናምዓንሶ ሼምፑዋን፣

«ኔኒ፣ ታ ናዓ፣ ታኒ ሃሻ ኔና ዩላስ»

ጌቱቲዲ ሃፊቲዳ ዩሱሳ፣ ያሳይ ሃይቆፕ ዴንጳዲ ኑ ማይዛታስ ኢማና ጊዳይሳ ኑስ ከንታ ናይታስ ፖሊስ። 34 ኢ ዎቆና ሜላ ያሳይ ሃይቆፕ ኢያ ዴንጳን ኤሪሳናው፣

«ታኒ ዳዊቱስ ኢማና ጊዳ አማኔቲዳ ጌሻ አንጃዋ ሂንቱው ኢማና» ያጊዲ አዲስ።

35 ሄሳ ጊሾ፣ ማዝሙሬ ማፃፍን ሃራሶን ቃሲ፣ «ኔ ጌሻ ናዓ አሃ ዎቁሳካ» ያጊስ።

36 «ዳዊቱይ ባ ዎዴ ያሳ ቆፋ ፖሊዳፕ ጉዩ ሃይቁዲ ባ አዋታራ ሞጌቲዲ ዎቁስ። 37 ሺን ያሳይ ሃይቆፕ ዴንጳዳይሲ ዎቁቤና።

38 «ሄሳ ጊሾ፣ ታ ኢሻቶ፣ ናጋራ አቶቱሳይ ዩሱሳ ባጋራ ካሴቲዲ ሂንቱው አዴቲዳይሳ ኤሪቱ። ሙሴ ሂጊይ ናጋራፕ ሂሊሳናው ዳንዳዔና። 39 ሺን ዩሱሳ አማኒያ ኡባይ ናጋራፕ ሂሌስ። 40 ሄሳ ጊሾ፣ ናቤቲ ጊዳይሲ ሂንቱ ቦላ ጋኮና ሜላ ናጌቱቱ።

41 «ዶሳይ ጊዳባ ሌቁሴይሳቶ! ቤዒቱ! ማላሌቲቱ! ዳዩቱ!

አኒካ አዲን፣ ሂንቱ አማኖና አሱዋ ታኒ ሂንቱ ዎዲያን አሳና» ያጊስ።

42 ጳውሎሲኔ ባርናባሳኔ አይሁዴ ዎሳ ከሳፊ ከዩሺን፣ ካሊያ ሳምባታን ሄሳ ጉጂዲ አዳና ሜላ አሳይ ከንታና ዎሲደሰና። 43 ሺቆይ ላሌቲዳፕ ጉዩ ዳሮ አይሁዴቲኔ አይሁዴታ አማኑዋን ጌሊዲ ያሳ ጎይኒያ ዳሮቲ ጳውሎሳኔ ባርናባሳ

\* 13:5 የሃሂሲ፣ ሃ ቤሳን ሃፊቲዳ የሃሂሲ፣ ሃዋሪያ የሃሂሳ ጊዶናሺን የሃሂስ ማርቆሳ ጌቱቲያ ማርቆሳ ዎንጊላ ሃፊዳይሳ፣ 13:17 ከሳ 1:7፤ ከሳ 12:51 13:18 ታይ 14:34፤ ዛሬ 1:31 13:19 ዛሬ 7:1፤ ኢያ 14:1 13:20 ዛሬ 2:16፤ 1ሳሙ 3:20 13:21 1ሳሙ 8:5፤ 10:21 13:22 1ሳሙ 13:14፤ 16:12፤ ማዝ 89:20 13:24 ማር 1:4፤ ሉቃ 3:3 13:25 ማቶ 3:11፤ ማር 1:7፤ ሉቃ 3:16፤ ዮሃ 1:20፤ 27 13:28 ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15 13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42 13:31 ሃ.አ 1:3 13:33 ማዝ 2:7 13:34 ኢሳ 55:3 13:35 ማዝ 16:10 13:41 ኢብ 1:5

ካሊዶሶና። አማኒዳይሳቲ ያሳ አዶ ኬሃቴሳን ሚኒዲ ዳና ሜላ ኤንታ ዘሪዶሶና።

44 ካሊዶ ሳምባታን ካታማን ዴዲያ አሳፔ ዳሮቲ ያሳ ቃላ ሲዓናው ሸቂዶሶና። 45 ሺን አይሁዴቲ ዳሮ አሳ ቤዲዳ ዎዴ ጳውሎሳ ቃናቲዲ ኢያ ሃሳያ ኢዲዲ ኢያ ጫዬዶሶና።

46 ጳውሎሲኔ ባርናባሲ ያዮና። «ያሳ ቃላይ ኮይሮቲዲ ሂንቴው አይታናው ኮሸስ። ሺን ሂንቴ ቃላ ኢዲዲ ሜሪና ዴዎታ ኤካናው ኮስ ቤሴና ጊዲ ሂንቴ። ሂንቴ ሁዲን ፐርዲዳ ጊሾ ሂዛ ኮኒ አይሁዴ ጊዶናይሳታኮ ሲሞስ። 47 ጋሶይካ ጎዳይ።

«አላሜ ኩሜሳይ ኔ ባጋራ አታና ሜላ። ታኒ ኔና አይሁዴ ጊዶና ዴሪያስ ፖዎ አሳስ» ያጊዶሶና።

48 አይሁዴ ጊዶናይሳቲ ሄሳ ሲዲዳ ዎዴ ኡፋይቲዲ ያሳ ቃላ ቦንቸዶሶና። ቃሲ ሜሪና ዴዎታስ ዶሬቲዳ ኡባይ አማኒዶሶና።

49 ጎዳ ቃላይ ሄ ቤታ ኡባ ጋኪስ። 50 ሺን አይሁዴቲ። አይሁዴ ጊዶና ዎሴ ጎይኒያ ዱሬ ማጫሳታኒ ካታማን ዴዲያ ጊታ አሳታ ጳውሎሳ ቦላኔ ባርናባሳ ቦላ ዴንጅሲዶሶና። ሄ አሳቲ ኤንታ ጎዳ ዶሚዲ ባንታ ቤታሬ ኬሲዶሶና። 51 ሺን ጳውሎሳራኔ ባርናባሳራ ኢዲይሳታስ ማላ ጊዳና ሜላ ባንታ ቶሁሞፔ ባና ፐቲዲ ኢቆኒዮኔ ካታማ ቢዶሶና። 52 ቃሲ አንዎኪያን ዴዲያ አማኒይሳቲ ጌሻ አያናኒኔ ኡፋይሳን ኩሚዶሶና።

14

ጳውሎሲኔ ባርናባሲ ኢቆኒዮኔ ቢዶሶና

1 ካሴይሳዳካ። ጳውሎሲኔ ባርናባሲ ኢቆኒዮኔን አይሁዴታ ዎሳ ኬሲ ጌሲዲ ዳሮ አይሁዴቲኔ አይሁዴ ጊዶናይሳቲ አማናና ጋካናው ቃላ አዲዶሶና። 2 ሺን አማኒቦና አይሁዴቲ። አይሁዴ ጊዶናይሳታ ዎዛና ላሚዲ ኢሻታ ቦላ ዴንጅሲዶሶና። 3 ሃዋራቲ ያን ዳሮ ዎዴ ጋምዲዶሶና። ኤንቲ ያዮና ጎዳባ አዲዶሶና። ጎዳይ ማላታታኔ አራሳባ ኤንቲ አሳና ሜላ ኤንታው ማታ ኢሚዲ ባ አዶ ኬሃቴሳ ቃላይ ቱማ ጊዴይሳ ቆንጨሲስ። 4 ሺን ሄ ካታማ አሳይ ሻኬቲዲ። ባጋይ አይሁዴታራ ባጋይ ቃሲ ሃዋራታራ ጊዲስ።

5 አይሁዴ ጊዶናይሳቲኔ አይሁዴቲ ባንታ ሃላቃታራ ኢሲሬ ጊዲዲ ሃዋራታ ቆሃናውኔ ሹቻን ጫዳናው ኮዬዶሶና። 6 ሃዋራቲ ሄሳ ኤሪዲ። ሊስዲራኔ ዳርቤ ጊያ ሊቃዎኒያ ካታማታኔ ኤንታ ሄራን ዴዲያ ቢታ ባቃቲዶሶና። 7 ያን ዎንጌላ አዲዶሶና።

ጳውሎሲኔ ባርናባሲ ሊስዲራኒኔ ዳርቤን

8 ዬሌቶሳፔ ዶሚዲ ናምዑ ቶሆይ ዎቢን ሃሙቲ ኤሮና ኢሲ አዴይ ሊስዲራን ዴዴስ። 9 ሄ አዴይ ጳውሎሲ አዲሺን ኡቲዲ ሲዴስ። ጳውሎሲ ኢያ ጫዲዲ ዪሊያ ዎዴ ፓዳናው ኢያው አማኖይ ዴዴይሳ ቤዲዲ። 10 ባ ቃላ ዶቁ አሲዲ። «ሲቲ ጋዳ ኔ ቶሁሞን ኤቃ» ያጊስ። ያቲን። ጉፐ ዴንዲ ኤቁዲ ሃሙሲ ዶሚስ።

11 ጳውሎሲ አሲዳይሳ አሳይ ቤዲዲ ባንታ ቃላ ዶቁ አሲዲ ሊቃዎኒያ ዶናን። «ያሳቲ አሴ ዳኒዲ

ኮኮ ዎዲዶሶና» ያጊዶሶና። 12 ባርናባሳ። «ዲያ» ጊዲ። ጳውሎሲ ሃሳያን ዋናቲያ ጊሾ ኢያ። «ሄርሜሳ» ጊዲ ሱንሲዶሶና። 13 ካታማፔ ጋዳን ዴዲያ ኤቃ ዲያ ኬሳ ካሂኔይኔ አሳይ ኮርማታኔ አሌቆ ጨሻታ ሃዋራታስ ያርሻናው ኮዬዲ ካታማ ፔንጌ ኤሂዶሶና።

14 ሺን ባርናባሲኔ ጳውሎሲ ሄሳ ሲዲዳ ዎዴ ኤንቲ አሳናው ቆፐዳይሳ ኢዲዲ ባንታ ማዑሞ ፔዲዶሶና። አሳ ጊዶ ዎዲ ጌሲዲ። 15 ባንታ ቃላ ዶቁ አሲዲ። «አሳው። ሃይሳ አይስ አሴቲ? ኮካ ሂንቴ ሜላ አሴ። ሃ ፓሶናባፔ ሳሉሞኔ ሳዓ። አባኔ ኤንታ ጊዶን ዴዲያ ኡባባ ሜዲዳ ዴዎ ያሳኮ ሂንቴ ሲማና ሜላ ሂንቴው ኮኒ ዎንጌላ አዶስ።

16 ኢ ቤኒ አሳ ባንታ አጊያ ባና ሜላ ዬዲ አጊስ። 17 ሺን ኢራ ሳሉሞፔ ቡኪሲስ። ካሳካ ዎዴን ዎዴን ኢሚስ። ካሲ ኢሚዲ ሂንቴና ዳሮ ኡፋይሲስ። ያቲዲ ሂንቴው ሎዎባ አሲዲ ባው ማርካ ዳይሲቤና» ያጊዶሶና። 18 ሃዋራቲ ሄሳ ጊዲ ባንታው አሳይ ያርሾና ሜላ ዋዬዲ ዲጊዶሶና።

19 አንዎኪያፔኔ ኢቆኒዮኔፔ ዬዳ አይሁዴቲ። አሳ ባንታ ባጋ ዛሪዲ ሹቻን ጳውሎሳ ጫዲዶሶና። ኤንታው ኢ ሃይቁዳባ ዳኒን ካታማፔ ጋዳ ጎቺ ኤሬዲ ዬጊዶሶና። 20 ሺን አማኒይሳቲ ዬዲ። ኢያ ዩሹሞን ኤቁዳሺን ኢ ዴንዲዲ ካታማ ጌሊስ። ዎንቴላ ጋሳስ ባርናባሳራ ኢሲሬ ዳርቤ ቢስ።

ጳውሎሲኔ ባርናባሲ ሶሪያ አንዎኪያ ሲሚዶሶና

21 ኤንቲ ዳርቤ ካታማን ዎንጌላ አዲዲ ዳሮታ አማንሲዳፔ ጉዬ ሊስዲራ። ኢቆኒዮኔኔ ጲሲዲያ አንዎኪያ ሲሚዶሶና። 22 ያን አማኒይሳታ ሚንጅሲሸኔ ኤንቲ አማኖን ሚኒዲ ዴዳና ሜላ ዘሪሸ። «ያሳ ካዎቴላ ጌላናው ኮኒ ዳሮ ዋዬ ኤካናው ቤሴስ» ያጊዲ ታማርሲዶሶና። 23 ቃሲ ዎሳ ኬሳታስ ሁዲን ሁዲን ጨማታ ዶሪዶሶና። ያሚዳፔኔ ዎሲዳፔ ጉዬ ኤንቲ አማኒዳ ጎዳስ ኤንታ ሃዳራ ኢሚዶሶና።

24 ጲሲዲያ ቢታ ካንሲዲ አዲዲ ጲንሬሊያ ቢዶሶና። 25 ጴርጌን ቃላ አዲዳፔ ጉዬ አፃሊያ ቢዶሶና። 26 ያፔ ኤንቲ ባንታ ፖሊዳ አሱሞስ ያሳ አዶ ኬሃቴሳስ ኤንታ ሃዳራ ኢሚዳ አንዎኪያ ማርካቤራ ሲሚዶሶና።

27 አንዎኪያ ጋኪዳ ዎዴ ዎሳ ኬሳ አሳ ሸሺዲ ያሳይ ኤንታራ አሲዳ አሱሞ ኡባኔ አይሁዴ ጊዶና አሳይ አማናና ሜላ ኤንታው ዋቲ ፔንጌ ዶዬዳኮ አዲዶሶና። 28 ሄሳን አማኒይሳታራ ዳሮ ዎዴ ጋምዲዶሶና።

15

ዮሩሳላሜ ሸቂዋ

1 ኢሲ ኢሲ አሳቲ ዬሁዳፔ አንዎኪያ ቢዲ። «ሙሴ ዎጋሶ ሂንቴ ቃፃሬቶና ኢዲኮ አታናው ዳንዳዴኬታ» ጊዲ አማኒይሳታ ታማርሶ ዶሚዶሶና። 2 ሄሲ ጳውሎሳኔ ባርናባሳ ኤንታራ ዳሮ ፓላማናዳኔ ካጫዳዳ አሲስ። ሄሳ ጊሾ። አንዎኪያን ዴዲያ ኢሲ ኢሲ አሳቲ ጳውሎሳራኔ ባርናባሳራ ዮሩሳላሜ ቢዲ ሃዋራታራኔ ጨማታራ ጋሄቲዲ ሄ አዳ ቢላና ሜላ ቆፋ ቃቺዶሶና።

3 ዎሳ ኬሳይ ኤንታ ኪቲን ቢዶሶና። ኤንቲ ሲርሬንቁ ሳማራራ አዲሼ አይሁዴ ጊዶናይሳቲ

13:47 ኢሳ 42:6፤ 49:6 13:51 ማቶ 10:14፤ ማር 6:11፤ ሉቃ 9:5፤ 10:11 14:15 ኬሳ 20:11፤ ማዝ 146:6 15:1 ሌቁ 12:3

የሳኮ ዋኒዲ ሲሚዳኮ አዲዶሶና። ሄሲ አማኔይሳታ ኡባ ዳሮ ኡፋይሲስ።<sup>4</sup> ኤንቲ ዩሩሳላሜ ጋኪዳ ዎዴ ዎሳ ኬሳይ። ሃዋራቲኔ ጨማቲ ኤንታ ሞኪዶሶና። ያሳይ ባንታራ አሲዳባ ኡባ አዲዶሶና።<sup>5</sup> ሺን ፋሪሳዌታ ባጋፌ አማኒዳ ኢሲ ኢሲ አሳቲ ዴንዲ ኤቂዲ። «አይሁዴ ጊዶናሺን አማኒዳ አሳቲ ቃፃፊታናውኔ ሙሴ ሂጊያ ናጋናው ቤሴስ» ያጊዶሶና።

<sup>6</sup> ሃዋራቲኔ ጨማቲ ሄሳ ዞሬታናው ሸቂዶሶና።  
<sup>7</sup> ዳሮ ሃሳዩዳፍ ጉዩ። ጳጊሮሲ ዴንዲ ኤቂዲ። «ታ ኢሻቶ። አይሁዴ ጊዶናይሳቲ ዎንጌላ ቃላ ታ ዶናፍ ሲዲዲ አማናና ሜላ ካሴቲዲ ታና ያሳይ ሂንቱ ጊዶፌ ዶሪዳይሳ ሂንቱ ኤሬታ።

<sup>8</sup> አሳ ዎዛና ኤሪያ ያሳይ ጊሻ አያና ኑስ ኢሚዳይሳዳ ኤንታውካ ኢሚዲ ቱማይስ።

<sup>9</sup> አማናን ኤንታ ዎዛና ጊሻዳ ጊሻ ኑ ጊዶኒኔ ኤንታ ጊዶን ዱማቴሲ ዎሲቤና።<sup>10</sup> ሄሳ ጊሻ። ኑ አዎቲኔ ኑኒ ቶካናው ዳንዳዲቦና ቃምባራ አማኔይሳታ ሞርጌን ዎሲዲ ሃዲ አይስ ያሳ ፓጩቲ?<sup>11</sup> ጎዳ ዩሱስ ኪሪስቶሳ አዶ ኬሃቴሳን ኤንቲ አቲዳይሳዳ ኑካ አቲዳይሳ አማናስ» ያጊስ።

<sup>12</sup> አሳይ ሲዲ ጊዲ። ባርናባሲኔ ጳውሎሲ አይሁዴ ጊዶና አሳ ጊዶን ባንታ ባጋራ ያሳይ አሲዳ ማላታታኔ አራሳባ ኡባ አዲሺን ሲዶሶና።

<sup>13</sup> ኤንቲ ሃሳዩ አንጊዳፍ ጉዩ ያይቆቤ። «ኢሻቶ። ታ ጌይሳ ሲዲቴ።<sup>14</sup> ያሳይ አይሁዴ ጊዶናይሳታ ጊዶፌ ባ አሴ ዶራናው ኮዩዲ ኤንታና ኮይሮ ዋቲዲ ቆፒዳኮ ሲሞኒ አዲስ።<sup>15</sup> ናቤታ ቃላይ ሃይሳራ ጊኔስ። ጊሻ ማፃፋን።

<sup>16</sup> ሃይሳፌ ጉዩ። ታኒ ሲማና።  
 ኩንዲዳ ዳዊቱ ካዎቴሳ ዴንሳና።  
 ሳሌቲዳ ኬሳካ ዛራ ኤሳና።

<sup>17</sup> አቲዳ አሳ ኡባይ ታኮ ያና።  
 ታኒ ዌጊዳ አይሁዴ ጊዶና አሳ ኡባይ ታና ኮያና።<sup>18</sup> ቤኒፕ ዶማዳ ሄሲ ኤሬታና ሜላ አሲዳ  
 ያሳይ። ታኒ ያጋይስ» ያጊስ።

<sup>19</sup> «ሄሳ ጊሻ። ታ ቆፋይ ያሳኮ ሲሚያ አይሁዴ ጊዶናይሳታ ኑኒ ዎይሶናኮ ሎዎ።<sup>20</sup> ሺን ኤንቲ ኤቃስ ያርሼቲዲ ቱኒዳባ ሞና ሜላ። ሳይማቶና ሜላ። ባወታ ሞና ሜላኔ ሱሲ ኡዮና ሜላ ኤንታው ኑኒ ዳብዳቤ ፃፋናው ኮሼስ።

<sup>21</sup> ሙሴ ሂጊይ ቤኒፕ ዶማዲ ሳምባታን ሳምባታን አይሁዴ ዎሳ ኬሳታን ናባቤቲሼ ካታማ ኡባን ሳባኬቴስ» ያጊስ።

<sup>22</sup> ሄሳፌ ጉዩ። ሃዋራቲኔ ጨማቲ ዎሳ ኬሳ አሳ ኡባራ ኢሲፌ ባንታ ጊዶፌ ጉሳ አሳታ ዶሪዲ ጳውሎሳራኔ ባርናባራ አንዎኪያ ዩዳናው ቆፋ ቃቺዶሶና። ኤንቲ ዳሮ ቦንቼቲዳ ናምቡ አሳታ ባርሳባሳ ጌቲቲያ ዩሁዳኔ ሲላሴ ዶሪዶሶና።  
<sup>23</sup> ሃይሳዳ ጌቲቲ ያፌቲዳ ዳብዳቤያ ኤንታ ቦላ ዩዲዶሶና። «ኑኒ ሃዋራቲኔ ጨማቲ ሂንቱ ኢሻቲ። አንዎኪያን። ሶሪያኒኔ ኪልቂያን ዴዲያ አይሁዴ ጊዶና ኢሻታስ ኑ ሳርሱዋ ኪቶስ።

<sup>24</sup> «ኑኒ ኪቶና አሳቲ ኑ ጊዶፌ ቤዲ። ሂንቱ ቃፃፊታናውኔ ሂጊያ ናጋናው ቤሴስ» ጊዲ። ሂንቱና ዎይሲዳይሳኔ ዩሎዩዳይሳ ሲዲዳ።  
<sup>25</sup> ኑኒ ዶሲያ ባርናባሳኔ ጳውሎሳ ዶራቲዳ አሳታራ ኢሲፌ ሂንቱኮ ኪታናው ኢሲ ዎዛናን ኑ ቆፋ

ቃቺዳ።<sup>26</sup> ኤንቲ ኑ ጎዳ ዩሱስ ኪሪስቶሳ ጊሻ ባንታ ዴቡዋ አሲ ኢሚዶሶና።<sup>27</sup> ሄሳ ጊሻ። ኑኒ ፃፊዳይሳ ኤንቲ ባንታ ዶናን ጉጂዲ ሂንቱው አዳና ሜላ ዩሁዳኔ ሲላሴ ኪቲዳ።

<sup>28</sup> «ሃ ኮሼይሳታፍ አቲን ሃራ ቶሆ ሂንቱና ቶሶና ሜላ ኑኒ ጊሻ አያናይ አዳ ቃቺዳ።<sup>29</sup> ኤቃስ ያርሼቲዲ ቱኒዳባ ሞፒቲ። ሱሱ ኡዮፒቲ። ሂንቱ ሞፒቲ። ሳይማቶፒቲ። ሃ ኡባፌ ሂንቱ። ሂንቱ ሁዲያ ናጊኮ ሎዎባ አሴታ» ያጊዶሶና።

<sup>30</sup> ሄሳ ጊሻ። ኪቲቲዳይሳቲ ሞይዜቲዲ አንዎኪያ ቤዲ አማኒያ አሳ ሸሺዲ። ዳብዳቤ ኢሚዶሶና።<sup>31</sup> ኤንቲ ሄ ሚንሴሲያ ዳብዳቤ ናባቤዳ ዎዴ ኡፋይቲዶሶና።<sup>32</sup> ቃሲ ዩሁዲኔ ሲላሴይ ባንታ ሁዲን ናቤ ጊዲያ ጊሻ አማኔይሳታ ሎይሲ ዞሪዲ ሚንሴሲዶሶና።  
<sup>33</sup> ኤንቲ አንዎኪያን ጉሳ ጋላስ ኡቲዳፍ ጉዩ ኢሻቲ ሎዎራ ሞይዜን ባንታና ኪቲዳይሳታኮ ሲሚዶሶና።<sup>34</sup> \* [ሺን ሲላሴይ ያን አታናው ኮዩስ።]

<sup>35</sup> ቃሲ ጳውሎሲኔ ባርናባሲ ሃራ ዳሮ አሳታራ ኢሲፌ ጎዳ ቃላ ታማርሲሼኔ ዎንጌላ አዲሼ አንዎኪያን ጋምዲዶሶና።

**ጳውሎሲኔ ባርናባሲ ሻኬቲዶሶና**

<sup>36</sup> ጉሳ ጋላሳፍ ጉዩ ጳውሎሲ ባርናባሳኮ። «ኑኒ ጎዳ ቃላ አዲዳ ካታማ ኡባን አማኔይሳቲ ዋኒዲ ዴዲያኮ ጉዩ ሲሚሼ ዎሞሳና» ያጊስ።  
<sup>37</sup> ባርናባሲ ማርቆሳ ጌቲቲያ ዮሃንሳ ባንታራ ኤፋናው ኮዩስ።<sup>38</sup> ሺን ጳውሎሲ ማርቆሳ ባንታራ ኤፋናው ኮዩና። ጋሶይካ። ኢ ጲንፊሊያን ሻኬቲዲ ኤንታራ አሳናው ቤቤና።  
<sup>39</sup> ኤንታ ጊዶን ኢታ አሺ ኬዩን ኢሶይ ኢሱዋፌ ሻኬቲዶሶና። ባርናባሲ ማርቆሳ ኤኪዲ ማርካቤራ ቆጲሮሳ ቤስ።<sup>40</sup> ሺን ጳውሎሲ ሲላሴ ዶሪስ፤ አማኔይሳቲ ጳውሎሳ ያሳ አዶ ኬሃቴሳስ ሃዳራ ኢሚዳፍ ጉዩ ኢ ኬዩዲ ቤስ።<sup>41</sup> ያቲዲ። ዎሳ ኬሳታ ሚንሴሲሼ ሶሪያራኔ ኪልቂያራ አዲስ።

16

**ዲሞቲዮሲ ጳውሎሳራኔ ሲላሴራ ጋሄቲስ**

<sup>1</sup> ጳውሎሲ ዳርቤኔ ሊስዲራ ቤስ። ያን ዲሞቲዮሳ ጊያ አማኒያ አሲ ዴዴስ። ኢያ አያ አማኒያ አይሁዴ ማጫስ። ኢያ አዋይ ጊሪኬ አሲ።<sup>2</sup> ሊስዲራኒኔ ኢቆኒዮኔን ዴዲያ አማኔይሳቲ ዲሞቲዮሳ ሎይሲዲ ማርካቲዶሶና።  
<sup>3</sup> ጳውሎሲ ዲሞቲዮሳ ባራ ኤፋናው ኮዩዲ። ኢያ አዋይ ጊሪኬ አሲ ጊዲዳይሳ ሄ ቤሳን ዴዲያ አይሁዴ ኡባይ ኤሪያ ጊሻ ኢያ ቃፃሪስ።<sup>4</sup> ኤንቲ ካታማታራ ቢሼ ዩሩሳላሜን ዴዲያ ሃዋራቲኔ ጨማቲ ዎሲዳ ሂጊያ አማኔይሳቲ ናጋና ሜላ ኤንታው አዲሼ አዲዶሶና።<sup>5</sup> ሄሳ ጊሻ። ዎሳ ኬሳቲ አማናን ሚኒሼ። ታይቦንካ ጋላስ ጋላስ ዳሪ ዳሪ ቤዶሶና።

**ጳውሎሲ ማቆዶኒያ ባናዳ ዌጌቲስ**

<sup>6</sup> ኢሲያን ቃላ አዶና ሜላ ጊሻ አያናይ ኤንታ ዲጊዳ ጊሻ ጲርጌራኔ ጋላቲያ ቤታራ አዲዶሶና።  
<sup>7</sup> ኤንቲ ሚሲያ ዛዋ ጋኪዳ ዎዴ ቤቲኒያ ባናው ኮዩዶሶና። ሺን ዩሱሳ አያናይ ኤንታ ዲጊስ።

15:7 ሃ.አ 10:1-43 15:8 ሃ.አ 2:4፤ 10:44 15:16 አዎ 9:11-12 15:20 ኬሳ 34:15-17፤ ሌዌ 17:10-16፤ 18:6-23 \* 15:34 ኢሲ ኢሲ ማፃፋታን ፓይዶ 34 ባዋ። 15:38 ሃ.አ 13:13



8 ሄሳ ጊሾ፣ ኤንቲ ሚሲያ ማታራ አዲሽ ሂሮዓዳ ዎዲዶሶና።<sup>9</sup> ጳውሎሲ ቃማ ቆንጩሳን ኢሲ ማቆደኒያ አሲ ባኮ፣ «ማቆደኒያ ፒናዳ ኑና ማዳርኪ» ያጊሼ ኤቁዲ ዎሲሺን ቤዒስ።<sup>10</sup> ቆንጩሳ ኢ ቤዒዳፕ ጉዬ ኤሌሲዲ ኑኒ ማቆደኒያ ባናው ኮዬዳ። ሄሲካ፣ ዎንጌላ ያን ዴዒያ አሳስ አዳናው ያሳይ ኑና ዩጊዳይሳ ኤሪዳ ጊሾሳ።

**ሊዲያ ኪሪስቶሳ አማናሱ**

<sup>11</sup> ሂሮዓዳፕ ዴንዲዲ ማርካቢን ጌሊዲ ሳሞቲራቁ ቤዳ፣ ዎንቴሳ ጋላስ ናጵሌ ቤዳ።<sup>12</sup> ያፕ ዴንዲዲ ማቆደኒያ ቤታን ዴዒያ ፊልጲሲዩሳ ጊያ ኮይሮ ካታማ ቤዳ። ቃሲ ፊልጲሲዩሲ ሮሜ አሳይ ዴዒያ ካታማ። ኑኒ ሄ ካታማን ጉሳ ጋላስ ኡቲዳ።<sup>13</sup> ሳምባታ ጋላስ ካታማፕ ጋዋን ሸፍ ዶናን አይሁዴቲ ያሳ ዎሲያ ቤሲ ዴዔይሳ ኤሪዲ ያ ቤዳ። ሄ ቤሳን ሸቂዳ ማጫሳስ ቃላ አዲዳ።<sup>14</sup> ኑና ሲዒያ አሳፕ ኢሲ ሊዲያ ጌቲቲያ ቲያቲሮና ካታማፕ ዩዳ፣ ያሳ አማኒዳ ዞዎ አፊላ ዛልዒያ፣ ማጫሲያ ዴዓዉሱ። ጳውሎሲ አዴይሳ ኢያ ሲዓና ሜላ ያሳይ ኢ ዎዛና ዶዩስ።<sup>15</sup> ሊዲያ ባ ሶ አሳራ ኢሲፊ ማጭቲዳፕ ጉዬ ኑኮ፣ «ሂንቴ ታና ጎዳ ቱማ አማናሱ ጊኮ ታ ሶ ዩዲቴ» ጋዳ ሚንሳዳ ዎሳሱ።

**ጳውሎሲኔ ሲላሲ ቃሼቲዶሶና**

<sup>16</sup> ኑኒ ያሳ ዎሲያ ቤሳ ቢሺን ኢታ አያኒ ኢ ቦላ ዴዒዲ ካይሲያ ኢሲ ጌላዎ አይሌይ ኑራ ጋሄታሱ። ኢያ ካያዳ ዳሮ ሚሼ ባ ጎዳታስ ኤሃዉሱ።<sup>17</sup> ጳውሎሲኔ ኑና ካሳዳ፣ «ሃይሳቲ ኡባሬ ቦላ ያሳ አይሌታ! ኤንቲ ሂንቴ አታና አጊያ አዴይሳታ» ጋዳ ዎሳሱ።<sup>18</sup> ኡባ ጋላስ ሄሳዳ ጋዉሱ። ሺን ጳውሎሲ ዩሎቲዲ ጉዬ ሲሚዲ፣ ሄ አያና፣ «ዩሱስ ኪሪስቶሳ ሱንሳን ኢፕ ኬያ» ጊዲ ኪቲስ። ኢራካ ኢታ አያናይ ኢፕ ኬዩ አጊስ።<sup>19</sup> ሺን ኢ ጎዳቲ ባንታው ሚሼ ዴሚያ አጊይ ጳዩዳይሳ ቤዒዲ፣ ጳውሎሲኔ ሲላሲ አይኪዲ፣ ዳባባ ዳይናታ ሲንሴ ጎቼ ኤፊዶሶና።<sup>20</sup> ዳይናታ ሲንሴ ኤንታ ኤፊዲ፣ «ሃይሳቲ አይሁዴ አሲ ጊዲሼ ኑ ካታማ አሳ ዳሮ ዎይሶሶና።<sup>21</sup> ኑኒ ሮሜ ቤታ አሲ ጊዲሼ ኤካናዉኔ አሳናው ዎጋ ጊዶናባ ታማርሶሶና» ያጊዶሶና።

<sup>22</sup> አሳይ ኢሲ ባጋ ጊዲዲ፣ ጳውሎሳ ቦላኔ ሲላሲ ቦላ ዴንዲዶሶና። ዳይናቲ ኤንታ ማዑዎ ቃሪዲ ምዓንን ኤንታ ሾጫና ሜላ ኪቲዶሶና።

<sup>23</sup> ኤንታ ዳሮ ዎዲዳፕ ጉዬ ቃሾ ኬሳ ጌልሲዶሶና። ቃሾ ኬሳ ናጌይሲ ኤንታ ሚንሴ ናጋና ሜላ ኪቲዶሶና።<sup>24</sup> ቃሾ ኬሳ ናጌይሲ ሄ ኪታ ኤኪዲ፣ ጳውሎሲኔ ሲላሲ ቃሾ ኬሳስ ቆልዓ ጌልሲስ። ኤንታ ቶሁዎ ዱዒስ

<sup>25</sup> ሺን ጊዲ ቢላሄ ጊዲያ ዎዴ ጳውሎሳራኔ ሲላሲዬ ዎሲሼኔ ማዘሙራ ዩዒሼ ያሳ ጋላቶሶና። ቃሾ ኬሳን ዴዒያ ሃራ አሳቲካ ኤንቲ ጊያባ ሲዶሶና።<sup>26</sup> ቆፖና ቃሾ ኬሳ ባሶይ ቃዋና ጋካናው ቤታ ቃዎይ ሃኒስ። ሄ ሳቲንካ ፕንጌ ኡባይ ዶዩቲ አጊስ፤ ቃሼቲዳ አሳ ኡባ ሳንሳላታይ ቢርሼቲ ዎዲስ።<sup>27</sup> ቃሾ ኬሳ ናጌይሲ ዲስኮሬ ባርኪዳ

ዎዴ ቃሾ ኬሳ ፕንጌ ኡባይ ዶዩቲዳይሳ ቤዒዲ ቃሾ አሳይ ኬሲ ኤኪ ቢዳባ ዳኒን ባና ዎዳናው ማሼ ኤኪስ።<sup>28</sup> ሺን ጳውሎሲ ቃላ ጴቁ አሲዲ «ኑ ኡባይ ሃይሳን ዴዒያ ጊሾ ኔኒ ኔና ቆሆፓ» ያጊስ።

<sup>29</sup> ቃሾ ኬሳ ናጌይሲ ያምፕ ዎሲ ኤኪዲ ኤሌሲዲ ጋሲ ዎዲስ። ኮኮሪሼ ጳውሎሳ ሲንሳኒኔ ሲላሲ ሲንሳን ጉፋኒስ።<sup>30</sup> ኤንታ ካሬ ኬሲዲ፣ «ታ ጎዳቶ፣ ታኒ አታናው አይ አሳናው ቤሲ?» ያጊስ።

<sup>31</sup> ጳውሎሳራኔ ሲላሲራ ኢያኮ፣ «ጎዳ ዩሱስ ኪሪስቶሳ አማና፤ ኔራኔ ኔ ሶ አሳራ አታና» ያጊዶሶና።<sup>32</sup> ኤንቲ ኢያሲኔ ኢያ ሶን ዴዒያ ኡባስ ጎዳ ቃላ አዲዶሶና።<sup>33</sup> ቃማ ሄ ሳቲንካ ቃሾ ኬሳ ናጌይሲ ኤንታ ኤፊዲ ኤንታ ማዱንሳ ሜጪስ። ኤሌሲዲ ባ ሶ አሳ ኡባራ ማጭቲስ።<sup>34</sup> ጳውሎሳኔ ሲላሲ ባ ሶ ኤፊዲ ኤንታው ካሲ አሲስ። ኢ ባ ሶ አሳ ኡባራ ያሳ አማኒዳ ጊሾ ኡፋይቲስ።

<sup>35</sup> ሳዓይ ዎንቲን ዳይናቲ፣ «ሄ አሳታ ቢላ» ያጊዲ ፖሊሴ ሃላቃታ ኢያኮ ኪቲዶሶና።<sup>36</sup> ቃሾ ኬሳ ናጌይሲ፣ «ሂንቴ ቢሌታና ሜላ ዳይናቲ ኪቲዶሶና። ሂዛ፣ ኬዩዲ ሳሮ ቤቴ» ያጊዲ ሄ ኪታ ጳውሎሳስ አዲስ።

<sup>37</sup> ሺን ጳውሎሲ ሄ ፖሊሴ ሃላቃታ፣ «ኑኒ ሮሜ አሲ \* ጊዲሺን ኤንቲ ኑና ፐርዲ ባይና አሳ ሲንሳን ዎዲዲ፣ ቃሾ ኬሳን ዩጊዶሶና። ሃራ ኑና ጌማን ኬዩዲ ቦ ጎና? ሃኔና፣ ኤንቲ ባንታ ሁዔን ዩዲ ኑና ኬሶ» ያጊስ።

<sup>38</sup> ፖሊሴ ሃላቃቲ ዳይናታስ ሄሳ አዲን፣ ጳውሎሳራኔ ሲላሲራ ሮሜ ቤታ አሲ ጊዲዳይሳ ሲዒዳ ዎዴ ያዩዶሶና።<sup>39</sup> ሄሳ ጊሾ፣ ዳይናቲ ዩዲ ኤንታ፣ «ኑኒ ሂንቴና ቆሂዳ» ጊዶሶና። ቃሾ ኬሳሬ ካሬ ኤንታ ኬሲዲ፣ ካታማፕ ኬዩዲ ባና ሜላ ዎሲዶሶና።<sup>40</sup> ጳውሎሳራኔ ሲላሲራ ቃሾ ኬሳሬ ኬዩዲ ሊዲያ ሶ ቢዶሶና። ያን አማኒይሳታራ ጋሄቲዲ ኤንታ ሚንሴሲዲ ኬዩዲ ቢዶሶና።

17

**ጳውሎሲ ቴሴሎንቄን ታማርሲስ**

<sup>1</sup> ጳውሎሳራኔ ሲላሲራ አምሬጶሊሳራኔ አጳሎኒያራ አዲዲ ቴሴሎንቄ ቢዶሶና። ያን አይሁዴ ዎሳ ኬሳ ዴዔስ።<sup>2</sup> ጳውሎሲ ካሴይሳዳ ያ ጌሊስ። ያን ሄዥ ሳሚንታ ያሳ ቃላፕ አሳስ አዲስ።<sup>3</sup> ኪሪስቶሲ ዎዩ ኤካናዉኔ ሃይቆፕ ዴንዳናው ቤሴይሳ ኤንታው ቆንጪሲዲ አዲሼ፣ «ዩሱሲ ሃ ታኒ ሂንቴው አዴይሲ ኪሪስቶሳ» ያጊስ።<sup>4</sup> ኤንታሬ ኢሶቲ ኢሶቲ አዳይ ቱማ ጊዴይሳ ማዒዲ ጳውሎሳራኔ ሲላሲራ ኢሲፊዶሶና። ሄሳዳካ፣ ያሳ ጎይኒያ ዳሮ ጊሪኬ አሳይኔ ዳሮ ቦንፔቲዳ ማጫሳቲካ ኤንታራ ኢሲፊዶሶና።

<sup>5</sup> ሺን አይሁዴቲ ቃናቲዲ ኢሲ ኢሲ አሶይ ባይና ኢታ አሳታ አጌፕ ሺሺዶሶና። ካታማን ቡቁሲ ኬሲዶሶና፤ ጳውሎሳኔ ሲላሲ አሳስ አሲ ኢማናው ኮዩዲ ያሶና ኬሳ ቱቁዶሶና።<sup>6</sup> ጳውሎሲኔ ሲላሲ ኤንታው ቤንቶና ኢዒን፣ ያሶናኔ ኢሲ ኢሲ አማኒይሳታ ካታማ ሃላቃታኮ

\* 16:37 ሮሜ አሲ፡ ጳውሎሲ ሮሜ አሲ ያጊዲ ባና ዩጊዳይ ሄ ዎዴ አይሁዴ ቤታ ሃራይ ሮሜ ካዎቱሳ ጊዲዳ ጊሾሳ። ሄ ዎዴ ሮሜ ቤታን ዴዒያ አሳይ ፐርዲ ባይና ጋራፊቶኮና።

ጎቼ ኤፌዴ፣ «ሃይሳቲ ቢታ ኡባ ቡቁይሳቲ ሃሲ ኑኮ ዩዶሶና። 7 ያሶኒ ኤንታ ባ ሶን ዎሲስ። ሃይሳቲ፣ «ዩሱሳ ጊያ ሃራ ካዎይ ዴዔስ» ጊዲ ቆሳሬ ኪታ ሜንሶሶና» ያጊዲ ጶቁ ጊዳ ቃላን ኦዲዶሶና።

8 ሺቂዳ አሳይኔ ካታማ ሃላቃቲ ሄሳ ሲዲዲ ሃናናባ ዳዩዶሶና። 9 ሃላቃቲ ያሶናኔ ሃራታ ዋሴን ቢርሺዶሶና።

**ጳውሎሲ ቤሪያን ታማርሲስ**

10 አማኔይሳቲ ጳውሎሳኔ ሲላሴ ቃማራ ቤሪያ ዩዲዶሶና። ቤሪያ ጋኪዲ፣ አይሁዴ ዎሳ ኬሲ ጌሊዶሶና። 11 ቤሪያ አሳቲ ቴሴሎንቄ አሳታፔ አዲዳ ሱሬታ። ኤንቲ ቃላ ኩሜሳ ዎዛናፔ ኤኪዶሶና፤ ጳውሎሲ ጊዳይሲ ቱማ ጊዴይሳ ሻኪ ኤራናው ጋላስ ጋላስ ጌሻ ማፃፋታ ሃናዶሶና። 12 ሄሳ ጊሾ፣ ኤንታፌ ዳሮቲ፣ ጊሪኬታፔካ ቦንቼቲዳ ዳሮ ማጫሳቲኔ ዳሮ አዴቲ አማኒዶሶና።

13 ሺን ቴሴሎንቄን ዴዲያ አይሁዴቲ ጳውሎሲ ያሳ ቃላ ቤሪያንካ አዲዳይሳ ሲዲዳ ዎዴ ቤሪያ ዩዲ አሳ ቡቁዶሶና። 14 ሄሳፌ ጉዩ፣ አማኔይሳቲ ኤሴሲዲ ጳውሎሳ አባ ማቲ ዩዲዶሶና። ሺን ሲላሴይኔ ሂዎቲዮሲ ቤሪያን አቲዶሶና። 15 ጳውሎሳ ሞይዚዳ አሳቲ አቴና ጋሲዶሶና። ሄ አሳቲ ሲላሴይኔ ሂዎቲዮሲ ባንታው ዳንዳዔቲዳ ሜላ ኤሴሲዲ ባኮ ያና ሜላ ጳውሎሲ ኪቲዳ ኪታ ኤኪዲ ቤሪያ ሲሚዶሶና።

**ጳውሎሲ አቴና ቢስ**

16 ጳውሎሲ አቴናን ሲላሴይኔ ሂዎቲዮሳ ናጊሼ፣ ካታማን ኤቂ ኩሚዳይሳ ቤዲዲ ዩሎቲስ። 17 ሄሳ ጊሾ፣ አይሁዴ ዎሳ ኬሳን አይሁዴታራኔ ያሳ ጎይኒያ አይሁዴ ጊዶና አሳታራ ቃሲ ባራ ጋሄቲያ አሳታራ ኡባ ዎዴ ጋሃሚስ። 18 ኤጲቆሮሳኔ ኢስቶይኬ ጌቲቲያ ጩጋታፔ ኢሲ ኢሲ ኤራንቶቲ ጳውሎሳራ ፓላሚዶሶና። ኤንታፌ ኢሶቲ ኢሶቲ፣ «ሃ ዮያማይ አይ አዳናው ኮዩ?» ያጊዶሶና።

ሃራቲ ጳውሎሲ ዩሱሳባኔ ሃይቆፔ ኢ ዴንዲዳይሳ ባንታው አዲዳ ጊሾ «አራሳ ያሳታባ አዲያ ዳኔስ» ያጊዶሶና።

19 ጳውሎሳ አይኪዲ አርዮስፓጎሳ ጊያ ሺቆ ቤሳ ኤፌዴ፣ «ሃ ኔኒ ታማርሲያ አራሳባይ አይቤኮ ኑና ኤሪሲኪ? 20 አይስ ጊኮ፣ ኔኒ ኑስ አራሳባ አዳሳ፤ ሂዛ ሄሲ አይቤኮ ኑኒ ኤራናው ኮዮስ» ያጊዶሶና። 21 አቴና አሳ ኡባይኔ ያን ዴዲያ ኢማሳቲ አራሳባ አዴቶናኔ ሲያና ፔዎኮና።

22 ጳውሎሲ አርዮስፓጎሳን ሺቂዳ አሳ ሲንሳን ኤቂዲ፣ «አቴና አሳው፣ ሂንቲ ያሳታስ ኡባባን ዳሮ ያዩይሳ ታኒ ቤዳይስ። 23 ታኒ ሂንቲ ካታማራ ዩያሼ ሂንቲ ጎይኒያ ቤሳታ ቤዲያ ዎዴ «ኤሬቶና ያሳስ» ጌቲቲ ሃፌቲዳ ያርሾ ቤሳ ዴማስ። ሃ ሂንቲ ኤሮናሺን ጎይኒይሳ ታኒ ሂንቲው አዳይስ። 24 ሳዓኔ ሳዓን ዴዲያ ኡባባ ሜዲዳ ያሳይ፣ ሳሎዋኔ ሳዓ ጎዳይ፣ አሲ ኬዲዳ ኬሳን ዴና።

25 ኢ ዴያ፣ ሽዎፖኔ ኡባባ አሳ ኡባስ ኢሚያ ጊሾ ፓጩ ዴዲያ አሳዳ አሳ ማዴ ኮዩና። 26 ያሳይ አሳ ዜሬሲ ኡባ ኢሲ አዲያፌ ሜዲዲ ቢታ ኡባን ዎሲስ። ያቲዲ ኤንቲ ዴዳና ዎዲያሲኔ ቤሳስ ዛዎ ኢሚስ። 27 ኢ ሄሳ አሲዳይ

አሲ ኢያ ኮያና ሜላኔ ፒልጊዲ ዴማና ሜላሳ። ሃኒኮካ ኢ ኑፔ ጌሚቤና። 28 ሂንቲፌ ኢሲ ኢሲ ዩዲይሳቲ፣ «ኑኒ ኢያ ናይታ» ጊዳይሳዳ፣ «ኑኒ ኢያን ፓፃ ዴዎስ፣ ቃዎስ።» 29 ሂዛ፣ ኑኒ ያሳ ናይታ ጊዲያ ጊሾ «ያሳይ አሳ ሂላቴሳኒኔ ቆፋን ዎርቃፌ ዎይኮ ቤራፔ ዎይኮ ሹቻፌ አሴቲዳባ ዳኔስ» ያጊዲ ቆፓናው ቤሴና። 30 ሄሳ ጊሾ፣ ያሳይ ካሴ ዎዴ አሳይ ኤሮና አሲዳይሳ አጊዲ አዲስ፣ ሺን ሃሲ ኡባሶን ዴዲያ አሲ ኡባይ ናጋራፔ ሲማና ሜላ ኪቲስ። 31 አይስ ጊኮ፣ ያሳይ ባ ዶሪዳ አዲያን ሳዓን ዴዲያ አሳ ኡባ ቦላ ሂሎ ፒርዳ ፒርዳናው ቃማ ጊጊሲ ዎሲስ። ኢያ ሃይቆፔ ዴንሲዲ ሄሳ አሳ ኡባስ ቱማዩስ» ያጊስ።

32 ኤንታፌ ኢሲ ኢሲ አሳቲ ሃይቆፔ ዴንዶባ ጳውሎሳፔ ሲዲዲ፣ ኢያ ቦላ ቁልቁሲዶሶና። ሺን ሃራቲ፣ «ኑኒ ሄሳ ኔፔ ጉጂዲ ሲዓናው ኮዮስ» ያጊዶሶና። 33 ሄሳ ጊሾ፣ ጳውሎሲ ኤንታ ጊዶፌ ኬዩስ። 34 ሺን ኢሲ ኢሲ አዴቲ ጳውሎሳራ ጋሄቲዲ አማኒዶሶና። ኤንታ ጊዶፌ አርዮስፓጎሳን ሺቂዎን ዴዲያ ዲዮናስዮሳ ጊያ አዴይ፣ ዳማርሶ ጊያ ኢሲ ማጫሲያኔ ሃራቲ ዴዎሶና።

18

**ጳውሎሲ ቆሮንቶሳ ቢስ**

1 ሄሳፌ ጉዩ፣ ጳውሎሲ አቴናፔ ኪዩዲ፣ ቆሮንቶሳ ቢስ። 2 ያን አቁላ ጊያ ጳንዶሳን ዩሴቲዳ ኢሲ አይሁዴ አሲ ዴሚስ። አይሁዴ አሳ ኡባይ ሮሜፔ ኬያና ሜላ ካዎይ ቃላውዲዮሲ ኪቲዳ ጊሾ ጉሳ ዎዴፔ ካሴ ኢ ባ ማቼ ጲሪስቁላራ ሃሴፔ ዩስ። ጳውሎሲ ኤንታራ ጋሄታናው ቢስ። 3 ኢያ አሶይ ኤንታይሳዳ ዱንካኔ ሲኮ ጊዲያ ጊሾ ኤንታራ ኡቲዲ ኢሲፌ አሲስ። 4 ጳውሎሲ ሳምባታ ኡባን አይሁዴታኔ ጊሪኬታ አማንሳናው አይሁዴ ዎሳ ኬሳን ፓላሚስ።

5 ሲላሴይኔ ሂዎቲዮሲ ማቆዶኒያፔ ዩዳ ዎዴ ጳውሎሲ ባ ኩሜሳ ዎዲያ ኢሚዲ አይሁዴታስ ዩሱሲ ኢ፣ ኪሪስቶሳ ጊዲ ቃላ አዲስ። 6 ሺን ኤንቲ ጳውሎሳ ኢዲዲ ኢያ ጫዩን ጳውሎሲ ባ ማዑዋፔ ባና ቆቆፌሼ፣ «ሂንቲ ጎሜይ ሂንቲና አይኮ፤ ታኒ ሄሳን ዴዲያ፤ ሂዛፔ ጉዩ፣ ታኒ አይሁዴ ጊዶና አሳኮ ባይስ» ያጊስ።

7 ያፔ ኪዩዲ ያሳ ጎይኒያ ቲቶስ ዮስዶሳ ጊያ ኡራ ሶ ቢስ። ዮስዶሳ ኬሳይ አይሁዴ ዎሳ ኬሳ ማታን ዴዔስ። 8 አይሁዴ ዎሳ ኬሳ ሃላቃይ ቃሪስጶሲ ባ ሶ አሳ ኡባራ ጎዳ አማኒስ። ቆሮንቶሳ አሳታፔካ ዳሮቲ ያሳ ቃላ ሲዲዳ ዎዴ አማኒዲ ሃማቂቲዶሶና።

9 ጎዳይ ኢሲ ቃማ ጳውሎሳስ ቆንጩዲ፣ «ያዮፋ፤ አዳ፣ ሲዲ ጎፓ።» 10 ታኒ ኔራ ዴዳይስ። ታው ሃ ካታማን ዳሮ አሲ ዴዲያ ጊሾ ኔና ቆሂዲ ኢታባን ዩጋና አሲ አኒካ ባዎ» ያጊስ። 11 ሄሳ ጊሾ፣ ጳውሎሲ ያሳ ቃላ አሳ ታማርሲሼ ኢሲ ሳይሲኔ ኡሱፔን አጌና ኤንታራ ኡቲስ።

12 ጋሊዮሲ አካያ ቢታ ኤሴሲያ ዎዴ አይሁዴቲ ኢሲፌ ጳውሎሳ ቦላ ዴንዲዲ ፒርዳ ኬሲ ኢያ ኤፌዴ፣ 13 «ሃ አዴይ ሂጊያ ኢዲዲ፣ አሳይ ያሳ ጎይናና ሜላ አሴስ» ያጊዶሶና።

17:24 1ካዎ 8:27፤ ኢሳ 42:5፤ ሃ.አ 7:48

14 ጳውሎስ ሃሳያና ሃኒሺን፥ ጋሊዮሲ አይሁዴታኮ፥ «አይሁዴቶ፥ ሄሲ ኢታ አሶ ዎይኮ ናቆ ጊዲያኮ ታኒ ሂንቴባ ዳንዳዳ ሲዓናው ቤሴስ። 15 ሺን ቃላስ፥ ሱንሳሲኔ ሂንቴ ሂንጊስ ሂንቴ ፓላሚያባ ጊዲኮ ሂንቴ፥ ሂንቴው ቤሊቴ፤ ሄሳ ታኒ ፐርዲኬ» ያጊስ። 16 ያቲዲ፥ ኤንታ ፐርዲ ኬሳፊ ካሬ ኬሲስ። 17 ሄሳፊ ጉዩ፥ ጊሪኬ አሳ ኡባይ አይሁዴ ዎሳ ኬሳ ሃላቃ ሶስቴኒሳ አይኪዲ ፐርዲ ኬሳ ሲንሳን ዋዲዶሶና። ሺን ጋሊዮሲ ሄሳ ፓሃባ ጊቤና።

**ጳውሎስ አንዎኪያ ቤስ**

18 ጳውሎስ ዳሮ ጋላስ ቆሮንቶሳን ኡቲዳፕ ጉዩ አማኒያ አሳ ሳሮሲዲ፥ ጳሪስቂሊራኔ አቁላራ ማርካቤራ ሶሪያ ቤስ። ሺን ኢ ባናፕ ሲንሴ ባው ጋሶይ ዴዲያ ጊሾ ኪንኪሪያ ካታማን ባ ሁዲያ ቡሉሴቲስ። 19 ኤንቲ ኤፊሶና ጋኪዳ ዎዴ ጳውሎስ ጳሪስቂሊራኔ አቁላ ያን አጊስ። ሺን ባው አይሁዴ ዎሳ ኬሲ ጊሊዲ አይሁዴታራ አዴቲስ። 20 ኤንቲ ባንታራ ዳሮ ዎዴ ኡታና ሜላ ጳውሎሳ ዎሲዶሶና ሺን ኢ ኢዲስ። 21 ኤንታፊ ሻኬቲሼ፥ «ታኒ ያ ባሊያ ዩሩሳላሜን ቦንቻናው ቤሴስ። ሺን ያሲ ጊኮ ሂንቴኮ ሲማዳ ያና» ያጊዲ ኤፊሶናፕ ማርካቤራ ቤስ። 22 ቂሳሪያ ጋኪዳ ዎዴ ዩሩሳላሜ ቤዲ ዎሳ ኬሳ አሳ ሳሮሲዲ ጉዩ አንዎኪያ ቤስ። 23 ያን ጉሳ ዎዴ ጋምዲዳፕ ጉዩ አማኒያ አሳታ ኡባ ሚንሴሲሼ ጋላቲያራኔ ጳርጌራ አዲስ።

**አጲሎስ ኤፊሶናኒኔ ቆሮንቶሳን**

24 ኢስኪንዲሪያን ዩሴቲዳ ኢሲ አጲሎሳ ጊያ አይሁዴ አሲ ኤፊሶና ቤስ። ኢ አዳ ኤሪያ አሲኔ ያሳ ቃላ ዳሮ ኤሪያ አሲ። 25 ኢ ጎዳ አጊያ ታማሪዲ፥ አያናን ፀጌቲዲ ዩሱሳባ ሱሬ ታማርሴስ። ጊዶሺን፥ ዮሃንሳ ሂንቃቲያ ያላላ ኤሬስ። 26 ኢ አይሁዴ ዎሳ ኬሳን ያዮና ታማርሴስ። ጳሪስቂሊኔ አቁሊ ኢ አዴይሳ ሲዲዳ ዎዴ ኢያ ባንታራ ሶ ኤፊዲ ያሳ አጊያ ካሴይሳፊ ጊሺዲ ኢያው አዲዶሶና።

27 አጲሎስ አካያ ባናው ኮዩን ኤፊሶናን ዴዲያ አማኒያ አሳይ ኢያ ቆፋ ኤኪዲ አካያን ዴዲያ አማኒያሳቲ ኢያ ሞካና ሜላ ኤንታው ዳብዳቤ ያፊዶሶና። ኢ ያ ጋኪዳ ዎዴ ያሳ አፉ ኬሃቴሳ ባጋራ ዩሱስ ኪሪስቶሳ አማኒያሳታ ዳሮ ማዲስ። 28 አይስ ጊኮ፥ ዩሱሲ ኢ ኪሪስቶሳ ጊዴይሳ አይሁዴታስ ያሳ ቃላፕ ቆንጨሲዲ ዴሪያ ሲንሳን ሚንሴ አዲዲ ኤንታ ላሲስ።

19

**ጳውሎስ ኤፊሶና ቤስ**

1 አጲሎስ ቆሮንቶሳን ዴዲሺን፥ ጳውሎስ ቆሞ ባጋራ አዲዲ ኤፊሶና ቤስ። ያን ኢሲ ኢሲ አማኒያ አሳታ ዴሚስ። 2 ኤንታኮ፥ «ሂንቴ አማኒያ ዎዴ ጊሻ አያና ኤኪዴቲ?» ያጊዲ አይቸስ።

ኤንቲ፥ «አካይ፥ ኤኪቦኮ፤ ሃሪ አቶሺን፥ ጊሻ አያኒ ዴዲያባካ ሲዲቦኮ» ያጊዶሶና።

3 ጳውሎስ ኤንታኮ፥ «ያቲን፥ አይቤን ማቆቲዴቲ?» ያጊስ።

ኤንቲ፥ «ኑኒ ዮሃንሳ ሂንቃቲያን ማቆቲዳ» ያጊዲ ዛሪዶሶና።

4 ጳውሎስ፥ «ዮሃንሲ ባፕ ጉዩራ ያ ዩሱስ ኪሪስቶሳን አሳይ አማናና ሜላ አሳስ አዲሼ፥ ናጋራፕ ሲሞ ቤሲያ ሂንቃቲያን ማቆቲዳ» ያጊስ።

5 ኤንቲ ሄሳ ሲዲዳ ዎዴ ጎዳ ዩሱስ ኪሪስቶሳ ታማራ ጊዳናው ማቆቲዶሶና። 6 ጳውሎስ ባ ኩሺያ ኤንታ ቦላ ዎሲዳ ዎዴ ጊሻ አያኒ ኤንታ ቦላ ዎዲን፥ ዳማ ዳማ ዶናን አዴቲዶሶና፤ ቃሲ ቲንቢቴ አዲዶሶና። 7 ሄ ቤሳን ታማኔ ናምዓ ጊዲያ አሳቲ ዴዶሶና።

8 ጳውሎስ አይሁዴ ዎሳ ኬሳ ጊሊዲ፥ ያሳ ካዎቴሳባ ያዮና ፓላሚሼኔ ሎይሲ ቆንጨሲሼ ኤንታራ ሄሹ አጌና ጋካናው ጋምዲስ። 9 ሺን ኤንታፊ ኢሶቲ ኢሶቲ ዱቤ ጊዲዲ ዳሮ አሳ ሲንሳን ጎዳ አጊያ ጫዩዲ አማናና ኢዲዶሶና። ጳውሎስ አማኒያሳታ ኤንታፊ ሻኪ ኤኪዲ ሂራኖሳ ጊያ ቲሚርቴ ኬሳን ኡባ ዎዴ ኤንታ ታማርሴስ። 10 ጳውሎስ ናምዑ ላይሲ ጋካናው ቃላ አዲስ። ሄሳ ጊሾ፥ ኢሲያን ዴዲያ አሳ ኡባይ፥ አይሁዴቲኔ አይሁዴ ጊዶናይሳቲ ጎዳ ቃላ ሲዲዶሶና።

**ዶሳይ ጳውሎሳ ኩሼን አሲዳ ማላታታ**

11 ዶሳይ ጳውሎሳ ኩሼን ዎልቃማ ማላታታ አሲስ። 12 ሄሳ ጊሾ፥ አሳይ ኢያ ቦላ ቦቺዳ ማራቢያ ዎይኮ ማዑዋ ሃርጋንቾታስ ኤፎሶና። ኤንቲካ ፓዶሶና፤ ቱና አያናቲካ ኤንታፊ ኪዮሶና።

13 ቱና አያናታ ኬሲሼ ዩያ አይሁዴታፕ ኢሶቲ ኢሶቲ፥ «ጳውሎስ ሳባኪያ ዩሱሳ ሱንሳን ኬዩቴ ጊዲ ሂንቴና ኪቶስ» ያጊዲ፥ ቱና አያናቲ አይኪዳ አሳታ ቦላ ጎዳ ዩሱሳ ሱንሳ ያጊዶሶና 14 ካሂኔ ሃላቃ አስቁዌ ጊያ ኢሲ አይሁዴ አዲያስ ሄሳ አሲያ ላፕን ናይቲ ዴዶሶና።

15 ሺን ቱና አያናይ ኤንታኮ፥ «ታኒ ዩሱሳካ ጳውሎሳካ ኤራይስ፥ ሺን ሂንቴ አናንቴ?» ያጊስ።

16 ቱና አያናይ አይኪዳ አዴይ ኤንታ ቦላ ጉፐ ዎዲዲ፥ ኤንታ ማዳንዲሲዲ፥ ሄ ኬሳፊ ካሎ ባቃታና ጋካናው ዎልቃሚስ። 17 ኤፊሶናን ዴዲያ አይሁዴቲኔ አይሁዴ ጊዶናይሳቲ ኡባይ ሄሳ ሲዲዲ ዳሮ ያዩዶሶና። ጎዳ ዩሱሳ ሱንሳይ ዳሮ ቦንቸቲስ። 18 አማኒያሳታፕ ዳሮቲ ባንታ አሲዳ ኢታ ኦሎዎ ፓሂሼኔ ቆንጨን አዲሼ ዮሶና። 19 ቤቴይሳታፕ ዳሮቲ ባንታ ማፃፋታ ሺሺዲ አሳ ኡባ ሲንሳን ፀጌዶሶና። ሄ ማፃፋታ ጋቲያ ቆዳይ ኢሻታሙ ሙኩሉ ቤራ ሳንቲሜ \* ጊዲስ። 20 ሄሳዳ ሃኒዲ ያሳ ቃላይ ዲጨሼኔ ዳልጊሼ ቤስ።

**ኤፊሶና ካታማን አሺ ዴንዲስ**

21 ሄሲ ፖሎቲዳፕ ጉዩ ጳውሎስ፥ «ታኒ ዩሩሳላሜ ባ ሲማዳ ሮሜካ ባናው ቤሴስ» ያጊዲ ማቆዶኒያራኔ አካያራ አዲዲ ዩሩሳላሜ ባናው ቆፋ ቃቸስ። 22 ቃሲ ባና ማዴይሳታፕ ናምዓታ ሂሞቲዮሳኒ ኤራስዶሳ ማቆዶኒያ ኪቲዲ፥ ባው ኢሲያን ጉሳ ዎዴ ጋምዲስ።

23 ሄ ዎዴ ጎዳ አጊያ ጊሾ ኤፊሶናን ዎልቃማ ካቺ ኬዩስ። 24 ኢሲ ቤራ አሲያ ዲሜሂሮሳ ጊያ ኡራይ አርፄሚሲ ኤቃ ኬሳ ሚሲሊያ ቤራፕ አሲዲ ዳሮ ዎዴ ዴሜስ። 25 ሄሳ ጊሾ፥ ሄሳ

18:18 ታይ 6:18 19:4 ማቶ 3:11፤ ማር 1:4፣ 7-8፤ ሉቃ 3:4፣ 16፤ ዮሃ 1:26-27 \* 19:19 ቤራ ሳንቲሜ፡ ማቶ 4 26:15 ሄሊቴ።



ሜላ አሶ አሴይሳታ ኢሲፌ ሸሺዲ፣ «አሳው፣ ኑ ዱሬቴላይ ሃ አሱዋን ጊዴይሳ ሂንቴ ኤሬታ።<sup>26</sup> ሃይሲ ጳውሎሲ፣ «አሳ ኩሼን አሴቴዳይሳቲ ያሳታ ጊዴይሳ» ያጊዲ፣ ኤሬሶናኒኔ ጉሳ ቢታታ፣ አቲን ኩሜላ ኢሲያ ኡባን ዴዲያ ዳሮ አሳ አዲ አማንሲዳይሳኔ ባሌሲዳይሳ ሂንቴ ቤዲዴታኔ ሲዲዴታ።<sup>27</sup> ሜቶ ጊዲዳይ፣ ኑ አሶይ ካዴቴይሳ ሃላላ ጊዴያሺን ኢሲያኒኔ ቢታ ኡባን ዴዲያ አሲ ጎይኒያ ጊታ ያሴ አርዳሚሲ ኬላይ ቦንቼቶና አቴይሳኔ ኢ ጊታቴላይካ ኩንዳናይሳ» ያጊሰ።

<sup>28</sup> አሳይ ሄሳ ሲዲዳ ዎዴ ሸኔን ፀጉቲዳ፣ «ኤሬሶና አርዳሚሳ ጊታ» ያጊዲ ዋሲዶሶና።<sup>29</sup> ሄ ዋሶይ ካታማ ኡባ ጋኪስ። ጳውሎሳራ ሃሙቲያ ማቄዶኒያ አሳታ፣ ጋሶሳኔ አርስባሮኮሳ አይኪዲ ጎቻሽ ካሳ ቤሳ ዎሊዶሶና።<sup>30</sup> ጳውሎሲካ አሳይ ሸቄዳሱዋ ጌላናው ኮዩስ፣ ሸን አማኔይሳቲ ኢያ ዲጊዶሶና።<sup>31</sup> ኢሲያ ቢታ ሃላቃታ፣ ጳውሎሳ ላን ጊዲዳ ኢሶቲ ኢሶቲ ጳውሎሳኮ ኪቲዲ፣ «ካሳ ቤሳ ቆንጮን ኬያዳ ቤንቶፋ» ጊዲ ኢያ ዎሲዶሶና።

<sup>32</sup> ሸቄዳ አሳስ ሃናናባይ ዳይስ፤ ዳሪያ ባጋ አሳይ ሃሪ አቶሺን አይስ ሸቄዳኮ ኤሮና ጊሾ ኢሶይ ኢሲባስ ዋሲያ ዎዴ ሃንኮይ ሃራባስ ዋሴስ።<sup>33</sup> አይሁዴቲ ኢስኪንዲሬ ጊያ አዲያ አሲ ቤሲን፣ ኢሲ ኢሲ አሳይ ኢ ጋናባ አዲዲ ኢያ ሲንሴ አሲዶሶና። ኢ አሳይ ሲዲ ጋና ሜላ ባ ኩሺያን ማሊ ቤሲዲ፣ አሳስ ሞቴታናው ኤቁስ።<sup>34</sup> ሸን ኢስኪንዲሬይ አይሁዴ አሲ ጊዲዳይሳ አሳይ ኤሪዳ ዎዴ ናምቡ ሳቴ ጊዳናይሳ ሜላ ኡባይ ኢሲ ቃሳን፣ «ኤሬሶና አርዳሚሳ ጊታ» ያጊዲ ዋሲዶሶና።

<sup>35</sup> ወርሴላን ካታማ ሃፌይ አሳ ሲዲ አሲዲ፣ «ኤሬሶና አሳው! ኤሬሶና ካታማይ ጊታ አርዳሚሲ ኤቃ ኬላኔ ሳሎፔ ዎዲዳ፣ ኢ ሹቻ ሚሲሊያ ናጊይሳ ጊዴይሳ ኤሮና አሲ ባዋ።<sup>36</sup> ሃይሳ ካሺ ጊያ አሲ ባይና ጊሾ ሂንቴ ሲዲ ጋናወኔ ዲርጊዲ አይኮ አሶና አጋናው ቤሴስ።<sup>37</sup> ሂንቴ ሃ አሳታ፣ ኤቃ ኬላ ሚሽ ካይሶቲቦናይሳታኔ ኑ ያሳታ ጫይቦናይሳታ ኤሂዴታ።<sup>38</sup> ሄሳ ጊሾ፣ ዲሜሂርሲኔ ኢያራ ዴዲያ አሳንቸቲ አሳ ሞታናው ኮይኮ፣ ፐርዳ ኬላይ ዶያ ዴዴስ፤ ዳይናቲካ ዴዶሶና፤ ኤንቲ ሞታናው ዳንዳሶሶና።<sup>39</sup> ሸን ሂንቴ ሃራ አዳ ኮይኮ፣ ሻንጎ ሸቆን አዳይ ቤዴቶ።<sup>40</sup> ሄሳ ጊዶና ኢዲኮ ሃቺ ሃንዳባስ ሮሜ ካዎቴላይ ኑና አይቻና። ሃ ቡቁላስ ጋሶይ ባይና ጊሾ ኑኒ ጋሶ አዳናው ዳንዳሶኮ»<sup>41</sup> ያጊዲ ሸቄዋ ላሊስ።

20

**ጳውሎሲ ማቄዶኒያኔ ጊሪኬ ቢስ**

<sup>1</sup> ዋሶይ ዴጫዳፔ ጉዬ ጳውሎሲ አማኒያ አሳታ ሄጊሲዲ ኤንታ ዞሪዳፔ ጉዬ ሳሮሲዲ ማቄዶኒያ ባናው ኬዩስ።<sup>2</sup> ኢ አዲያ ቢታታን ዴዲያ አማኒያ አሳ ቃላ አዲዲ ሚንሴሲዳፔ ጉዬ ጊሪኬ ቢታ ቢስ።<sup>3</sup> ኢ ያን ሄቸ አጊና ኡቲዲ፣ ማርካቤራ ሶሪያ ባናው ቆፒዲ ዴዲሺን፣ አይሁዴቲ ባና ዎዳናው ኮዩይሳ ኤሪዲ ማቄዶኒያራ ጉዬ ሰማናው ኮዩስ።

<sup>4</sup> ጳውሎሳ ሞይኪዳይሳቲ ቤሪያፔ ጳርሁሳ ናና ሶጳሂርሳ፣ ቴሴሎንቄሬ አርስባሮኮሳኔ

ሲኮንዱሳ፣ ዴርቤሬ ጋሶሳ፣ ኢሲያፔ ቲኪቆሳ፣ ሂሮሬሞሳኔ ሂሞቲሶሳ።<sup>5</sup> ሄሳቲ ሲንሴ ቢዲ ኑና ሂሮዳዳን ናጎሶና።<sup>6</sup> ኑኒ ኡይሳ ባሊያ ቦንቼዳፔ ጉዬ ፊልጲሲዩሳፔ ማርካቤራ ዴንዲዲ፣ ኢቻሻንሶ ጋላሳን ኤንታ ሂሮዳዳን ጋኪዲ ያን ላፑን ጋላስ ጋምዲዳ።

**ጳውሎሲ ሂሮዳዳን**

<sup>7</sup> ሳሚንታሬ ኮይሮ ጋላሳን ኑኒ ኡይሳ ሜንሳናው ሸቄዲ ዴዲሺን፣ ጳውሎሲ ሞንቴሴ ባናው ቆፒዳ ጊሾ ኤንታው ቃላ አዲሽ ጊዲ ቢላሄ ጋካናው አዳ አዱሲስ።<sup>8</sup> ኑኒ ሸቄዲ ኡቲዳ ፖቂያን ዳሮ ፖሶይ ዴዴስ።<sup>9</sup> ኤወዲኮሳ ጊያ ኢሲ ናዓቴላይ ማስኮቴ ቦላ ኡቲዲ፣ ባና ዶጊዲ ዲስኪስ። ጳውሎሲ አዳ አዱሲዳ ዎዴ ኤወዲኮሲ ዲስኮ ኤዩዲ ሄቻንሶ ፖቂያፔ ኩንዲዲ ሃይቂዳይሳ አሳይ ዴንሴስ።<sup>10</sup> ሸን ጳውሎሲ ዎዲዲ፣ ኢያ ቦላ ጉፋኒስ። ኢያ ኢዲሚዲ፣ «ኢ ሃይቂቤና፣ ሂርጎሬቴ» ያጊሰ።<sup>11</sup> ሄሳሬ ጉዬ፣ ፑዴ ፖቂያ ቦላ ኬዩዲ ኡይሳ ሜንሲዲ ሚስ። ሳዲ ሞንታና ጋካናው አሳስ አዲዳፔ ጉዬ ዴንዲዲ ቢስ።<sup>12</sup> ሄ ፓዲዳ ናቴላ ሶ ኤሬዲ ዳሮ ኡፋይቲዶሶና።

**ጳውሎሲ ሂሮዳዳፔ ሚሊዲ ቢስ**

<sup>13</sup> ሸን ጳውሎሲ ባና ያፔ ሞካና ሜላ ኑስ አዲዳ ጊሾ ካሴቲዲ ማርካቢያኮ ቢዲ፣ አሶሳ ባናው ዴንዲዳ። አይስ ጊኮ፣ ኢ ቶሆን ባናው ቆፒዳ ጊሾ ኑና ሄሳሶ ኪቲስ።<sup>14</sup> ኢ ኑራ አሶሳን ጋሄቲን ማርካቢያን ኢያ ኤኪዲ ሚሊዲ ቢዳ።<sup>15</sup> ሞንቴላ ጋላስ ያፔ ዴንዲዲ ማርካቤራ ኪዩሳ ሲንሴን ዴዲያ ቤሳ ጋኪዳ፤ ቃሲ ሞንቴላ ጋላስ ሳሞሳ ፒኒዲ ካሊያ ጋላስ ሚሊዲ ጋኪዳ።<sup>16</sup> ጳውሎሲ ኢሲያን ዳሮ ጋምሶና ኤሬሶና ማታራ አዳናው ቆፒስ። ባው ዳንዳዴቲኮ ጴንዩቆስዩ ባሊያ ጋላስ ዩሩሳላሚ ጋካናው ኤሶቴስ።

**ጳውሎሲ ኤሬሶና ጫማታ ዞሪስ**

<sup>17</sup> ጳውሎሲ ሚሊዲፔ ኤሬሶና ኪቲዲ ዎሳ ኬላ ጫማታ ሄጊሲስ።<sup>18</sup> ዎሳ ኬላ ጫማቲ ኢያኮ ዩን፣ ኤንታኮ ሃይሳዳ ያጊስ። «ታኒ ኢሲያ ጌሊዳ ኮይሮ ጋላሳፔ ዶሚዳ ሂንቴራ ዴዲዳ ዎዴ ኡባን ዋና ዴዲዳኮ ሂንቴ ኤሬታ።<sup>19</sup> አይሁዴቲ ዱላቲዲ ታ ቦላ ሜቶ ጋሲኮካ ታኒ አሽኬቴላኒኔ ዳሮ አፋላን ጎዳስ አሳስ።<sup>20</sup> ዳባባንካ ሂንቴ ኬላን ኬላን ሂንቴና ታማርሲሽ ሂንቴና ማዲያባፔ ኢሲባካ ፓጫሳቢኬ።<sup>21</sup> ታኒ አይሁዴታሲኔ አይሁዴ ጊዴናይሳታስ ናጋራፔ ያሳኮ ሲማና ሜላኔ ኑ ጎዳ ዩሱሳ አማናና ሜላ ማርካታስ።

<sup>22</sup> «ያን ታና አይቤ ጋካኒኮ ኤሪኬ፣ ሸን ሃዲ ታኒ ጌሻ አያናስ ኪቲታዳ ዩሩሳላሚ ባይስ።<sup>23</sup> ጌሻ አያናይ ቃሾይኔ ዋዩይ ታና ናጊይሳ ካታማ ኡባን ታው ማርካቲስ።<sup>24</sup> ሸን ታ ዎሳ ፖላናወኔ ጎዳ ዩሱስ ኪሪስቶሳፔ ኤኪዳ አሱዋ፣ ያሳ አዶ ኬሃቴላ ሞንጌላ ማርካቲይሳ ፖላናው ታ ሽምፒው ፓሶናባዳ ቆዳይስ።

<sup>25</sup> «ታኒ ሃዲካ ያሳ ካዎቴላ ማርካታሽ ሂንቴ ኡባ ጊዶን ዩያስ። ሂዛፔ ጉዬ ሂንቴሬ አኒካ ታና ቤዎናይሳ ኤራይስ።<sup>26</sup> ሄሳ ጊሾ፣ ሂንቴሬ ኢሲ ኡራይ ዳዩኮካ ታ አይሹቶናይሳ ሃቺ ሂንቴው

ጌሻዳ አዳይስ። 27 አይስ ጊኮ፣ ያሳይ አሳናው ቆጥረዳ ቡባ ሂንቴው አይቢባካ አሾና አዳስ።

28 «ባ ናዓ ሱሳን ወዘዳ ያሳ ወሳ ኬሳ ናጊቴ። ጌሻ አያናይ ሂንቴና ሃላቃ አሲዲ ዶሪዳ ወዲያሲኔ ሂንቴ ሁዲያስ ናጊቴ።» 29 ታኒ ቢዳፍ ጉዩ፣ ወዲያስ ቃዴቶና ኢታ ሱዱሜቲ ሂንቴ ጊዶ ጌላናይሳ ታ ኤራይስ። 30 አማኔይሳታ ባንታ ጊዶ ካሌላናው ዎርዶ ታማርሲያ አሳቲ ሂንቴ ጊዶፊ ዴንዳና። 31 ሄሳ ጊሾ፣ ታኒ ሄዥ ላይሲ ቃማኔ ጋላስ አፉሳን ሂንቴና ሁዱን ሁዱን ሚንሴሲዳይሳ ቆጥሮ ናጊቴ።

32 «ሃዲካ ሂንቴና ሚንሳናውኔ ጌሻ አሳራ ላቲሳናው ዳንዳዲያ ያሳሲኔ ኢያ አዶ ኬሃቴሳ ቃላስ ሂንቴና ሃዳራ ኢማይስ።

33 «ታኒ አፍካ ቢራ ዎይኮ ዎርቃ ዎይኮ አፊላ አምታቢኬ።» 34 ታኒ ታ ኩሼን አሳዳ ታናኔ ታራ ዴዴይሳታ ኮሺዳባ ማዲዳይሳ ሂንቴ፣ ሂንቴ ሁዱን ኤሬታ። 35 ሂንቴ ሃይሳዳ ዳቡሪዳ አሲሼ ዳቡሪንቾታ ማዳናይሳ ጎዳ ዩሱሲ፣ «ኤኬይሳፊ ኢሜይሲ አንጄቲዳይሳ» ጊዳ ቃላ ሂንቴ ቆጥናው ቤሴይሳ ታኒ ሂንቴና ኡባባን ቤሳስ» ያጊስ።

36 ጳውሎሲ ሄሳ አዲ አንጊዲ ኤንታ ኡባራ ጉልባቲዲ ያሳ ዎሲስ። 37 ኤንቲ ኡባይካ ጳውሎሳ ኢዲሚዲ ዩኪዲ ዩሪዶሶና። 38 ኢ ዛሪዲ፣ «ታና ቤዴኬታ» ያጊዳ ቃላይ ኤንታ ዳሮ አዛንሴስ። ኤንቲ ማርካቢያ ጋካናው ኢያ ሞይዚዶሶና።

21

ጳውሎሲ ዩሩሳላሜ ቢስ

1 ኑኒ ኤፌሶና ጨማታፍ ሻኬቲዳ ሜላ ቆሴ ቢዳ። ዎንቴሳ ጋላስ ሮዳ ጋኪዲ ያፍ ጳጎራ ቢዳ። 2 ሲሮሬንቄ ፒኒያ ማርካቤ ዴሚዲ ኢያን ጌሊዲ ባናው ዴንዲዳ። 3 ኑኒ ቆጲሮሳ ቤዳናው ዳንዳዲያ ሶ ዩዲ፣ ቆጲሮሳ ሃዲርሳ ባጋ አጊዲ ሶሪያ ቢዳ። ማርካቤይ ባ ጫና ያን ዎሳናው ኮዩዳ ጊሾ ሂሮሳ ቢዳ። 4 ያን አማኒያ አሳታ ዴሚዲ ኤንታራ ላፑን ጋላስ ኡቲዳ። ጳውሎሲ ዩሩሳላሜ ቦና ሜላ ኤንቲ ኢያው አያናን አዲዶሶና። 5 ኑኒ ኤንታራ ኡቲያ ዎይዶ ወራን ኬዩዲ ቢዳ። ኤንቲ ኡባይ ባንታ ማጫሳታራኔ ባንታ ናይታራ ኢሲፊ ካታማፍ ካሬ ኬሲዲ ኑና ሞይዚዶሶና። ኑኒ አባ ዶናን ጉልባቲዲ ያሳ ዎሲዳ። 6 ሄሳፊ ጉዩ፣ ዎሊ ሳሮሲዲ ኑ ማርካቢያን ጌሊዳ፤ ኤንቲ ባንታ ሶ ሲሚዶሶና።

7 ኑኒ አባ አጊያ አንጊዲ፣ ሂሮሳፍ ጳዴሌማይሳ ጋኪዳ። ያን አማኒያ አሳታ ሳሮሲዲ፣ ኤንታ ማታን ኢሲ ጋላስ ፔዲዳ። 8 ዎንቴሳ ጋላስ ኬዩዲ፣ ቁሳሪያ ቢዳ፣ ሳባኪያ ፊልጶሳ ሶ ጋኪዲ ኢያ ማታን ኡቲዳ። ኢ ዩሩሳላሜን ካሴ ዶራቲዳ ላፑናታፍ ኢሱዎ። 9 ፊልጶሳስ ናቤ ጊዲዳ አይዱ ጌላዎ ናይቲ ዴዎሶና።

10 ኑኒ ኡንዴና ጋላስ ያን ኡቲዲ ዴዲሺን አጋቦሳ ጊያ ናቤይ ዩሁዳፍ ቁሳሪያ ዩስ። 11 ኑኮ ዩዲ ጳውሎሳ ሳቂያ ኤኪዲ ባ ኩሼያኔ ባ ቶሁዎ ቃቸዲ፣ «ጊሻ አያናይ ሃ ሳቂያ ጎዳ፣ ዩሩሳላሜን አይሁዴቲ ሃይሳዳ ቃቸዲ፣ አይሁዴ ጊዶና አሳስ አሲዲ ኢማና ያጊስ» ያጊስ።

12 ኑኒ ሄሳ ሲዲዳ ዎይ ኑኒ ያን ዴዲያ አሳቲ ጳውሎሲ ዩሩሳላሜ ቦና ሜላ ዎሲዳ። 13 ሺን

ጳውሎሲ ዛሪዲ፣ «ሂንቴ ሃይሳዳ ዩኪሼ አይስ ታ ዎዛና ሹጊሴቲ? ታኒ፣ ጎዳ ዩሱሳ ሱንሳ ጊሾ ቃሼቴሳ ሃላላ ጊዶናሺን ዩሩሳላሜን ሃይቃናውካ ጊጌታስ» ያጊስ።

14 ኑ ዞሪያ ኢ ኤኮና ኢዲን፣ «ጎዳ ሼኔይ ሃኖ» ያጊዲ ሲዲ ጊዳ።

15 ያን ጉሳ ዎይ ጋምዲዳፍ ጉዩ ጊጌቲዲ ዩሩሳላሜ ባናው ኬዩዳ። 16 ቁሳሪያን ዴዲያ አማኒያ አሳታፍ ጉሳቲ ኑራ ቢዶሶና። ኤንቲ ኑኒ ሼምፓናሱዎ ሚናሶና ጊያ ቆጲሮሳ አዲያ ሶ ኤፊዶሶና። ሚናሶኒ ኮይሮ አማኒዳ አሳፍ ኢሱዎ።

ጳውሎሲ ዩሩሳላሜ ጋኪስ

17 ኑኒ ዩሩሳላሜ ጋኪዳ ዎይ አማኒያ አሳቲ ኑና ኡፋይሳን ሞኪዶሶና። 18 ዎንቴሳ ጋላስ ጳውሎሲኔ ኑኒ ያይቆባራ ጋሄታናው ቢዳ። ዎሳ ኬሳ ጨማቲ ኡባቲካ ያን ዴዎሶና። 19 ጳውሎሲ ኤንታ ሳሮሲዳፍ ጉዩ አይሁዴ ጊዶና አሳ ጊዶን ባ ባጋራ ያሳይ አሲዳባ ኡባ ኤንታው አዲስ።

20 ኤንቲ ሄሳ ሲዲዳ ዎይ ዎሳ ጋላቲዲ ጳውሎሳኮ ሃይሳዳ ያጊዶሶና፣ «ኑ ኢሻው፣ አይሁዴታ ጊዶን አፑን ሙኩላቲ ያሳ አማኒዳኮ ኔ ቤዳሳ፤ ኤንቲ ኡባይካ ሂጊያ ሚንሴ ናጎሶና። 21 ኔኒ አይሁዴ ጊዶናይሳታ ቢታን ዴዲያ አይሁዴ ኡባይ ባንታ ናይታ ቃግሮና ሜላ፣ አይሁዴታ ዎጋ ካሎና ሜላኔ ሙሴ ሂጊያ ኢዳና ሜላ ኔኒ ታማርሴይሳ ዩሩሳላሜን ዴዲያ አይሁዴቲ ሲዲዶሶና። 22 ያቲን አይቢ ሎዎ? ኔኒ ዩዳይሳ ዳሮቲ ሲዳና።

23 «ሄሳ ጊሾ፣ ኑኒ ኔው አይዴሳ ሲዳ፤ ጋሶይ ዴዲያ አይዱ አሳቲ ኑ ማታን ዴዎሶና። 24 ኤንታ ኤካዳ ኤንታራ ጌያ፤ ቃሲ ኤንቲ ባንታ ሁዲያ ሜዴታና ሜላ ኤንታው ሚሼ ኢማ። ኤንቲ ካሴ ኔባ ሲዲዳይሲ ቱማ ጊዶናይሳኔ ኔኒ ኔ ሁዱንካ ሂጌ ናጊያ አሲ ጊዴይሳ ኡባይ ኤራና።

25 «ሺን አማኒዳ አይሁዴ ጊዶና አሳታ ጊዲኮ፣ ኤንቲ ኤቃስ ያርሼቲዳባ ሞና ሜላ፣ ሱሱ ኡዮና ሜላ፣ ባውታ ሞና ሜላኔ ላይማቶና ሜላ፣ ኑኒ አዳ ቃቸዲ፣ ኤንታው ዳብዳቤ ሃፊዳ» ያጊዶሶና።

26 ሄሳፊ ጉዩ፣ ጳውሎሲ ዎንቴሳ ጋላስ አሳታ ኤኪዲ፣ ኤንታራ ጌዩስ። ኢ ባንታ ጌያ ጋላሳይ አወዴ ፖሌቲያኮ ኤሪሳናውኔ ባንታ ያርሹዎ አወዴ ያርሻኔኮ ኤሪሳናው ያሳ ኬሲ ጌሊስ።

ጳውሎሲ አይኬቲስ

27 ላፑን ጋላሳይ ወራና ሃኒሺን፣ ኢሲያፍ ዩዳ አይሁዴቲ ያሳ ኬሳን ጳውሎሳ ቤዲዲ፣ አሳ ኡባ ዴንሴሲዲ ጳውሎሳ አይኪዶሶና።

28 «ኢስራዴል አሳው፣ ኑና ማዲቴ፤ ሃ ኡራይ፣ ኑ ዴሪያ፣ ኑ ሂጊያኔ ሃ ያሳ ኬሳ ኢዳና ሜላ አሳ ኡባ ታማርሴስ። ሄሲካ ጊዶና ኢዲን አይሁዴ ጊዶናይሳታ ያሳ ኬሲ ጌልሲዲ፣ ሃ ጌሻ ቤሳ ቱኒሲስ» ያጊዲ ዋሲዶሶና። 29 ኤንቲ ሄሳ ጊዳይ ካሴ ኤፌሶና ሂሮሬሞሳ ጳውሎሳራ ካታማን ቤዲዳ ጊሾ ሃዲ ጳውሎሲ ያሳ ኬሲ ኢያ ኤኪ ጌሊዳባ ኤንታው ዳኒስ።

30 ካታማ ኡባይ ቡቁቲስ፤ አሳ ኡባይ ሺቁዲ ጳውሎሳ አይኪዲ ያሳ ኬሳፊ ካሬ ጎቺዶሶና። ያሳ ኬሳ ፔንጌቲ ኤሴሲዲ ጎርዴቲዶሶና። 31 አሳይ ጳውሎሳ ዎዳና ሃኒሺን፣ «ዩሩሳላሜ ካታማይ

ኩሜሊ ቡቁቲስ» ጊያ አዳይ ሮሜ ሻላቃኮ ጋኪስ።  
32 ሻላቃይ ዎታዳሬታኔ ማቶ ሃላቃታ ኤኪዲ ዎሂሼ ዩስ። አሳይ ሻላቃኔ ዎታዳሬታ ቤዒዳ ዎዴ ጳውሎሳ ዋዴይሳ አጋጊዶሶና።

33 ሄ ዎዴ ሻላቃይ ሸቂቂ፤ ጳውሎሳ አይኪዲ፤ ናምዑ ሳንሳላታን ቃሼታና ሜላ ኪቲስ። ያቲዲ፤ ኢ ኦኔኮኔ አይ አሲዳኮ አሳ አይቺስ። 34 አሳፕ ባጋይ ኢሲባ ጊዲ ዋሲያ ዎዴ ሃራቲ ሃራባ ጊዲ ዋሲስ። ዋሶይ ዳሪዳ ጊሾ ሻላቃይ ቱማ ሻካንው ዳንዳዳቶና ኢዲን፤ ዎታዳሬቲ ጳውሎሳ ባንታ ዴዲያሶ ኤፋና ሜላ ኪቲስ። 35 ጳውሎሲ ዩዲ ኬያ ዴሳ ጋኪያ ዎዴ አሳ ሱጊሳ ጊሾ ዎታዳሬቲ ኢያ ቶኪዶሶና።

36 ዳሮ አሳይ፤ «ኢ ሃይቆ!» ያጊዲ ዋሲሼ ካሎሶና።

**ጳውሎሲ ሞቱዋስ ዛሮ ኢሚስ**

37 ዎታዳሬቲ ጳውሎሳ ባንታ ዴዲያሶዋ ጌልሳና ሃንሺን፤ ጳውሎሲ ሻላቃኮ፤ «ታኔ ኔው ኢሲባ አዶ?» ያጊስ።

ኢ ጳውሎሳኮ፤ «ኔኔ ጊሪኬ ዶና ኤራይ? 38 ኔኔ ሃይሳፌ ሲንሴ ቡቁሲ ሜዲዲ ሽምፖ ዎዲዳ አይዱ ሙኩሉ አሳታ ኤኪዲ ባዞ ጌሊዳ ጊብዔ ኡራ ጊዲኪ?» ያጊስ።

39 ሺን ጳውሎሲ፤ «ታኔ፤ ኪልቂያን ዴዲያ ኤራቲዳ ቱርሴሴ ካታማን ዩሌቲዳ አይሁዴ አሲ። ሃያና ታና አዲሳርኪ?» ያጊስ።

40 ሻላቃይ ኢያኮ፤ «አዳ» ያጊን ጳውሎሲ ዴሳ ቦላ ኤቂዲ፤ አሳይ ሲዒ ጋና ሜላ ባ ኩሺያን ማሊስ። አሳይ ሲዒ ጊን ኢብራይስዔ ዶናን ሃይሳዳ ያጊስ።

**22**

1 «ታ ኢሻቶ፤ ታ አዋቶ፤ ታኔ ሃዒ ሂንቴው ኢሚያ ዛሩዋ ሲዒ ቴ።» 2 ጳውሎሲ ኤንታው ኢብራይስዔ ዶናን አዴይሳ ሲዒዲ ካሴይሳፌ አሲዲ ሲዒ ጊዶሶና። ኢ ካሊዲ፤

3 «ታኔ ኪልቂያን ዴዲያ ቱርሴሴን ዩሌታዳ ሃ ካታማን ዲጫስ። ታ አስታማሬይካ ጋማሊያሌ፤ ታኔ ኑ አዋታ ሂጊያ ሚንሳ ታማሪዳ፤ ሃቺ ሂንቴ ኡባይ ሃኔይሳዳ ያሳስ ሚሼቲያ አይሁዴ አሲ። 4 ታኔ ሃ አጊያ ካሊያ ማጫታኔ አዴታ አይካዳ ቃሾ ኬሳን ዩጋሼን ኤንታ ዎዲሳና ጋካናው ዋዩ ቤሲዳ አሲ። 5 ሄሳዳካ፤ ካሂኔ ሃላቃይኔ ሻንጎ ኡባይ ታባ ማርካታናው ዳንዳዴስ። ታኔ ዳማስቆን ዴዲያ ኤንታ ኢሻታስ ኤንታፌ ዳብዳቤ ኤካዳ ያን ዴዲያ አሳቲ ቃሼቲዲ ሴሬታና ሜላ ዩሩሳላሜ ኤንታ ኤሃናው ያ ባስ።

6 «ታኔ ባዳ ዳማስቆ ማቲዳ ዎዴ ሴታ ጋላስ ቆፖና ሳሎፕ ጊታ ፖዶይ ታ ዩሹዋን ፖራስ። 7 ታኔ ሳዳን ኩንዳ ዴዲሺን፤ ሳዶላ፤ ሳዶላ፤ ታና አይስ ጎዳይ?» ጊያ ቃላ ሲዓስ። 8 ታኔ ዛራዳ፤ ሳዳው፤ ኔኔ አኔ?» ያጋስ።

ኢ ዛሪዲ፤ «ታኔ፤ ኔኔ ጎዲያ ናዘሬቴ ዩሱሳ» ያጊስ። 9 ታራ ዴዲይሳቲ ፖዑዋ ቤዒዶሶናፕ አቲን ታው አዴይሳ ቃላ አኬኪቡና።

10 «ታኔ፤ ሳዳው፤ ታ አይ አሉ?» ያጋስ።

«ጎዳይ ታኮ፤ ሳንዳዳ ዳማስቆ ባ። ኔኔ አሳና ሜላ ያሳይ ቆፒዳባ ኡባይ ያን ኔው አዴታና» ያጊስ። 11 ሄ ዎልቃማ ፖዑዋ ጋሶን ታ አይፌይ ቆቂን፤ ታራ ዴዲያ አሳቲ ታ ኩሺያ አይኪዲ፤ ታና ጎቺን ዳማስቆ ጋካስ።

12 «ዳማስቆን ዴዲያ አይሁዴ ኡባይ ዳሮ ቦንቺያ ኢሲ ሃናኒያ ጊያ አዴይ፤ ኑ ሂጊያ ቦንቺይሲኔ ያሳ ሚንሳ ዎሴይሲ ዴዴስ። 13 ሃናኔይ ታኮ ዩዲ፤ ታ ማታን ኤቂዲ፤ ሳ ኢሻው ሳዶላ፤ ዩላ» ያጊስ። ኤሌሳዳ ታኔ ኢያ ዩላ አጋስ።

14 «ኢ ታኮ፤ ሳ አዋታ ያሳይ ኔኔ ኢያ ሼኒያ ኤራና ሜላ፤ ኢያ ዲሎ ናዓ ቤዓና ሜላኔ ኢያ ዶናፕ ቃላ ሲዓና ሜላ ካሴቲዲ ኔና ዶሪስ። 15 ኔኔ ቤዒዳባኔ ሲዒዳባ አሳ ኡባ ሲንሳን ኢያው ማርካታና። 16 ሃዒ አይስ ጋምዳይ? ዴንዳዳ ዓማቂታ፤ ኢያ ሱንሳ ዩጋዳ ኔ ናጋራፕ ሜጩታ» ያጊስ።

17 «ታኔ ጉዩ ዩሩሳላሜ ሲማዳ ያሳ ኬሳን ዎሲሺን፤ ታው ቆንጩሲ ቤንቲስ። 18 ቆንጩሳን ጎዳይ ታኮ፤ ሳ ታው ማርካቲያ ማርካቲሳ አሳይ ኤኮና ጊሾ ኤሌሳዳ ዩሩሳላሜፕ ኬያ» ያጊሺን ቤዓስ።

19 «ታኔ፤ ሳዳው፤ አይሁዴ ዎሳ ኬሳ ኡባን ኔና አማኔይሳታ አይካዳ ዎዲዳይሳኔ ቃሾ ኬሳን ዩጊዳይሳ ኤንቲ ኤሮሶና። 20 ኤንቲ ኔ ማርካ ኢስዒፋናሴ ዎዲያ ዎዴ ታኔ ሄ አዳን ኢሲፋስ። ቃሲ ኤንታ ማታን ኤቃዳ ኢያ ዎዴይሳታ ማዑዋ ናጋይስ» ያጊስ።

21 «ጎዳይ ታኮ፤ ሳኔ ኔና አይሁዴ ጊዶና አሳኮ ሃሆሶ ኪቲያ ጊሾ ዴንዳዳ ባ» ያጊስ።

**ጳውሎሲ ሮሜ አሲ ጊዴይሳ ቆንጩሲስ**

22 ጳውሎሲ ሄ ቃላ አዲዲ አንጋና ጋካናው አሳይ ኢ ጊይሳ ሲዶሶና። ሄሳፌ ጉዩ፤ ባንታ ቃላ ጶቁ አሲዲ፤ «ሃይሳ ቢታፌ ዳይሳ! ኢ ዳናው ቤሴና» ያጊዶሶና።

23 ኤንቲ ዎጫሚሺን፤ ባንታ ማዑዋ ቦላ ሆሊሺኒኔ ባና ቦላ ላሊሺን፤ 24 ሻላቃይ ቤዒዲ ዎታዳሬቲ ጳውሎሳ ባንታ ዴዲያሶዋ ኤፋና ሜላ ኪቲስ። ቃሲ አሳይ አይስ ሄሳዳ ዎጫሚዳኮ ኤራናው ኮዩዲ ጳውሎሳ ሊሶን ጋራፊዲ ፒልጋና ሜላ ኤንታ ኪቲስ። 25 ሺን ዎታዳሬቲ ጳውሎሳ ዳፎን ሚንሳ ቃቺዲ ጋራፋና ሃኒያ ዎዴ ጳውሎሲ ባ ማታን ኤቂዳ ማቶ ሃላቃኮ፤ «ሮሜ አሲ \* ፒርዲ ባይና ጋራፌይሲ ሂንቴው ዎጊ?» ያጊስ።

26 ማቶ ሃላቃይ ሄሳ ሲዒዳ ዎዴ ሻላቃኮ ቤዲ፤ «ሃ አዴይ ሮሜ አሲ። ኔኔ አይ አሳናው ቆፓይ?» ያጊዲ አይቺስ።

27 ሻላቃይ ጳውሎሳኮ ሸቂቂ፤ «ኔኔ ሮሜ አሲ? አኔ ታው አዳ» ያጊስ።

ጳውሎሲ፤ «ኤ» ያጊስ። 28 ሻላቃይ ዛሪዲ፤ «ታኔ ሃ ጋዴቴሳ ዳሮ ሚሼን ሻማስ» ያጊስ።

ሺን ጳውሎሲ፤ «ታ ሃ ጋዴቴሳ ዩሌቴሳን ዴማ ኤካስ» ያጊስ።

29 ሄሳ ጊሾ፤ ጳውሎሳ ፒልጋናው ቆፒዳይሳቲ ኢራ ኢያፕ ሻኬቲዶሶና። ሻላቃይ ሮሜ አሲ ሳንሳላታን ቃቺዳይሳ ኤሪዳ ዎዴ ያዩስ።

**ጳውሎሲ አይሁዴ ሻንጎ ሲንሴ ሸቂስ**

22:3 ሃ.አ 5:34-39 22:4 ሃ.አ 8:3፤ 26:9-11 22:20 ሃ.አ 7:58 \* 22:25 ሮሜ አሲ፡ 16:37 ያሊቴ።



30 ዎንቴሳ ጋላስ ሻላቃይ፥ አይሁዴቲ ጳውሎሳ አይስ ሞቲዳኮ ገሺ ኤራናው ኮዩስ፥ ካሂኔ ሃላቃቲኔ ሻንጎ ኡባይ ሺቃና ሜላ ኪቲስ፤ ቃሲ ጳውሎሳ ቃሾፕ ቢሲሲዲ ኤንታ ሲንሳን ኤሲስ።

23

1 ጳውሎሲ ሺቁዋ ጫዲ ያሊዲ፥ «ታ ኢሻቶ፥ ታኒ ሃቺ ጋካናው ያሳ ሲንሳን ታ ዴዎ ኡባን ሎዎ ዎዛናን ዴዓስ» ያጊስ። 2 ካሂኔ ሃላቃይ ሃናኔይ፥ ጳውሎሳ ዶናን ባቃና ሜላ ኢያ ማታን ኤቁዳይሳታ ኪቲስ። 3 ሄ ዎዴ ጳውሎሲ ኢያኮ፥ «ላ ኔ ባቂንቴ ቲዩዳ ጎዳ ዳኔይሶ፥ ያሳይ ኔና ባቃና፥ ኔኒ ታ ቦላ ሂጊያሶ ፐርዳናው ኡታዳ ዴዓሽ ሂጊይ ባይና ታና ባቃና ሜላ ኪታይ?» ያጊስ።

4 ጳውሎሳ ማታን ኤቁዳይሳቲ ኢያኮ፥ «ኔ ያሳ ካሂኔ ሃላቃ ጫያይ?» ያጊደሶና።

5 ጳውሎሲ፥ «ታ ኢሻቶ፥ ኢ ካሂኔ ሃላቃ ጊዲዳይሳ ታኒ ኤራቢኬ፤ አይስ ጊኮ ያሳ ቃላን፥ «ኔ ዴሪያ አይሴይሳ ቦላ ኢታ ቃላ ሃሳዮፓ» ጌቴቲ ያፌቲስ» ያጊስ።

6 ሺን ጳውሎሲ ሄ ቤሳን ዴዒያ አሳፕ ባጋቲ ሳዱቃዌታ፥ ባጋቲ ፋሪሳዌታ ጊዴይሳ ቤዒዲ፥ «ታ ኢሻቶ፥ ታኒ ፋሪሳዌኔ ፋሪሳዌ ናዓ፤ «ሃይቁዳይሳቲ ሃይቆፕ ዴንዳና» ጋዳ ታኒ ኡፋይሳን ናጊያ ጊሾ ኤንቲ ታ ቦላ ፐርዶሶና» ያጊዲ አዲስ።

7 ጳውሎሲ ሄሳ ጊዳ ዎዴ ፋሪሳዌታ ጊደኔኔ ሳዱቃዌታ ጊደን አሺ ኬዩን ሻኬቲዶሶና።

8 አይስ ጊኮ፥ ሳዱቃዌቲ፥ «ሃይቁዳ አሲ ዴንዴና፤ ኪታንቾይካ አያኒካ ባዋ» ያጎሶና። ሺን ፋሪሳዌቲ ናምዳይካ ዴዒይሳ አማኖሶና።

9 ጊታ ካቺ ኬዩስ፤ ፋሪሳዌታ ባጋ ጊዲዳ ሂጊ አስታማሬቲ ዴንዲ ኤቁዲ፥ «ሃ ኡራ ቦላ አይቢ ባላካ ዴሚቦኮ፤ ኢያው አያኒ ዎይኮ ኪታንቾይ ሃሳዮና አጊና» ያጊዲ ፓላሚዶሶና።

10 አሻይ ዳሪን አሳይ ጳውሎሳ ሻቁራሶና ሜላ ጊዲ፥ ሻላቃይ ባ ዎታዳሬቲ ዎዲዲ ኤንታ ጊዶሬ ኢያ ኤሴሲ ኬሲዲ ባንታ ዴዒያሱዎ ኤፋና ሜላ ኪቲስ።

11 ሄ ቃማ ጎዳይ ጳውሎሳ ማታን ኤቁዲ፥ «ጳውሎሳ፥ ኔኒ ታው ዩሩሳላሜን ማርካቲዳይሳዳ ሮሜንካ ማርካታናው ቤሴስ፤ ሚና፤ አይኮይ ባዋ» ያጊስ።

ጳውሎሳ ዎዳናው ማቁቲዶሶና

12 ዎንቴሳ ጋላስ አይሁዴቲ፥ «ጳውሎሳ ዎዶና ዴዒሽ ሞኮ ኡዮኮ» ጊዲ ጫቁዶሶና። 13 ጳውሎሳ ቦላ ሄሳ ማቁቲዳ አሳቲ አይታማፕ ዳሮሶና።

14 ኤንቲ ካሂኔ ሃላቃታኒ ዴሪያ ጨማታኮ ቢዲ፥ «ኦኒ ጳውሎሳ ዎዶና ዴዒሽ ካሲ ጊያባ ሞኮ ጊዲ ጫቁዳ። 15 ሂዛ፥ ሂንቴኔ ሻንጎይ ኢያባ ገሺዲ ፐላጊያባይ ዴዒያ ዳኒሲዲ፥ ጳውሎሳ ሂንቴኮ ኤሃና ሜላ ሻላቃ አይቺቴ። ኦኒ ኢ ሃ ሺቁዋ ጋካናፕ ሲንሴ ኢያ ዎዳናው ጊጊዲ ኡቲዳ» ያጊደሶና።

16 ሺን ጳውሎሳ ሚቼ ናዓይ ሄ ማቁዋ ሲዒዳ ዎዴ ቢዲ ዎታዳሬቲ ዴዒያሱዎ ገሊዲ፥ ጳውሎሳስ አዲስ። 17 ጳውሎሲ ማቶ ሃላቃታፕ

ኢሱዋ ያጊዲ፥ «ሃ ናዓይ ሻላቃስ አዲያባይ ዴዒያ ጊሾ ኢያ ሻላቃኮ ኤፋ» ያጊስ።

18 ማቶ ሃላቃይ ናዓ ሻላቃኮ ኤፊዲ፥ «ቃሾ ኪሳን ዴዒያ ጳውሎሲ ታና ባኮ ያጊዲ፥ ሃ ናዓይ ኔው አዲያባይ ዴዒያ ጊሾ ኢያ ኔኮ ኤሃና ሜላ ታና ዎሲስ» ያጊስ።

19 ሻላቃይ ናዓ ኩሺያ አይኪዲ፥ ዱማ ካሬ ኬሲዲ፥ «ኔኒ ታው አዳናባይ አይቤ?» ያጊዲ አይቺስ።

20 ናዓይ ሻላቃኮ፥ «አይሁዴቲ ጳውሎሳባ ካሴፕ ሚንሴ ፐላጋናው ኮዩዳባ ዳኒሲዲ ኔኒ ዎንቶ ኢያ ሺቁዋ ኤሃና ሜላ ኔና ዎሳናው ዞሬታ ቃቺዶሶና። 21 ሺን ኔኒ ኤንቲ ጊያባ ሲዎፓ፥ አይስ ጊኮ፥ አይታማፕ ዳሪያ አሳቲ ጳውሎሳ ዎዶና ዴዒሽ «ካሲ ሞኮ፥ ሃሴ ኡዮኮ» ጊዲ ጫቁዲ፥ ቆሴቲዲ ኢያ ናጎሶና። ሃዒ ኔ ጊያባ ያላላ ሲዓናው ናጎሶና» ያጊስ።

22 ሻላቃይ ዛሪዲ፥ «ሃ አዳ ኔ ታው አዲዳይሳ ሃራ አዴስካ አዶፓ» ያጊዲ ናዓ ጉዩ ዩዲስ።

ጳውሎሲ ዴሪያ አይሲያ ፊልኪሳ ሲንሴ ሺቁስ

23 ሻላቃይ ማቶ ሃላቃታፕ ናምዓታ ያጊዲ፥ «ቃማሬ ሄኹ ሳቴን ቁሳሪያ ባናው፥ ናምዑ ያቲ ዎታዳሬታ፥ ላፑን ታው ፓራ አሳታኔ ናምዑ ያቲ ቶራንቾታ ጊጊሲቴ። 24 ዴሪያ አይሲያ ፊልኪሳኮ ጳውሎሳ ሳሮ ጋሳናው ቶጋ ሜሄ ጊጊሲቴ» ያጊዲ ኤንታ ኪቲስ። 25 ሻላቃይ ፊልኪሳስ ሃይሳዳ ጊያ ዳብዳቤ ያፊስ።

26 «ቃላሚዳዮሳ ሉሲዮሳፕ ዴሪያ አይሲያ ቦንቾ ፊልኪሳስ፥ ሳሮይ ኔው ጊዶ። 27 አይሁዴቲ ሃ ኡራ አይኪዲ ዎዳና ሃኒሺን፥ ኢ ሮሜ ቢታ አሲ ጊደይሳ ኤራዳ ዎታዳሬታራ ጋካዳ ኢያ አሻስ። 28 ኤንቲ ኢያ አይስ ሞቲያኮ ኤራናው ኮዩዳ ኤንታ ሺቁዋን ኢያ ሺሻስ። 29 ኤንቲ ባንታ ሂጊያስ ኢያ ሞቲዳይሳሬ አቲን ኢያ ዎዲሲያባ ዎይኮ ቃሺሲያባ ጊደናይሳ ታ ዴማስ። 30 ኤንቲ ሃ ኡራ ቦላ ማቁቲዳ ዘጊርሳይ ታና ጋኪን፥ ታኒ ኤሴሳዳ ኢያ ኔኮ ዩዳስ። ኢያ ሞቲይሳቲ ኔ ሲንሳን ቢዲ ሞታና ሜላ ኪታስ» ያጊስ።

31 ሄሳ ጊሾ፥ ዎታዳሬቲ ኪቴቲዳይሳዳ ጳውሎሳ ኤኪዲ፥ ቃማ አንቲዳሂሪሳ ጋሲዶሶና።

32 ዎንቴሳ ጋላስ ፓራ አሳቲ ኢያራ ባና ሜላ አሲዲ ቶሆ አሳቲ ጉዩ ሲሚዶሶና። 33 ቶጋይ ቁሳሪያ ጋኪዲ ዳብዳቤያ ዴሪያ አይሴይሳስ ኢሚዲ፥ ጳውሎሳ ኢያ ሲንሴ አሲዶሶና።

34 ዴሪያ አይሴይሲ ዳብዳቤያ ናባቢዳፕ ጉዩ «ጳውሎሳ፥ ኔ አው አውራጃ አሴ?» ጊዲ ኢያ አይቺስ። ኢ ኪልቂያ አሲ ጊደይሳ ኤራዳ ዎዴ

35 «ታኒ ኔባ ኔና ሞቲይሳቲ ያ ዎዴ ሲዓና» ያጊስ። ዎታዳሬቲ ጳውሎሳ ሄሮዲሳ ኬሳን ናጋና ሜላ ኪቲስ።

24

ጳውሎሳ አይሁዴቲ ሞቲዶሶና

1 ኢቻሾ ጋላሳፕ ጉዩ ካሂኔ ሃላቃይ፥ ሃናኔይ፥ ጨማታራኔ ዪርዪሱሳ ጊያ ኢሲ ያባቃራ ቁሳሪያ ቢስ። ኤንቲ ዴሪያ አይሴይሳ ቦላ ጳውሎሳ ሞቲዶሶና። 2 ጳውሎሲ ያጌቲዲ ገሊዳ ዎዴ ዪርዪሱሲ ኢያ ሃይሳዳ ያጊዲ ሞቲስ።

23:3 ማቶ 23:27-28    23:5 ኬሳ 22:28    23:6 ሃ.አ 26:5፤ ፊል 3:5    23:8 ማቶ 22:23፤ ማር 12:18፤ ሉቃ 20:27

«ቦንቾ ፊልኪሳ፣ ኩኒ ኔ ባጋራ ዳሮ ሳሮቴሳ ደሚዳ፣ ኔ ሎዎ አይሱዋን ኑ ቢታይ ዳሮ ላሜቲስ።<sup>3</sup> ቦንቾ ፊልኪሳ፣ ኩኒ አወንካ አወዴ ጊዲን ዳሮ ጋላታን ሄሳ ኤኮስ።<sup>4</sup> ታኒ ኔና ጋምሲሶናሽን ኔኒ ኔ ኬሃቴሳን ኑባ ቃንሳን ሲግና ሜላ ኔና ዎሳይስ።<sup>5</sup> ሃ ኡራይ ዱቤ ጊዲዲ ቢታ ኡባን ደዲያ አይሁዴታ ጊደን ቡቁሲ ሜዲዲ ናዚራዌታ ባጋ አሳ ካሌሴይሳ ጊደይሳ ኤሪዳ።<sup>6</sup> ሃሪ አቶሽን፣ ዎሳ ኬሳ ቱኒሳና ሃኒሽን ኩኒ ኢያ አይኪዳ፤ ኑ ሂጊያዳ ኢያ ቦላ ፎርዳናው ቆፒዳ።<sup>7</sup> ሽን ሻላቃ ሉሲዮሲ ዩዲ፣ ዎልቃን ኑ ኩሼፕ ኢያ ዎሲ ኤኪስ።<sup>8</sup> ኢያ ሞቴይሳቲካ ኔኮ ያና ሜላ ኪቲስ። ኔኒ ኔ ሁዴን ሃ ኡራ ፎልጋዳ ኩኒ ኢያ ሞቴያ ሞቴዋ ኡባ ኤራናው ዳንዳግሳ» ያጊስ።

<sup>9</sup> አይሁዴቲካ፣ «ሃ አዳይ ቱማ» ጊዲ ኢያ ቆፋ ማሲደሶና።

**ጳውሎስ ሞቴዎስ ዛሮ ኢሚስ**

<sup>10</sup> ዴሪያ አይሴይሲ ጳውሎስ አዳ ጊዲ ማሊስ። ጳውሎስ ሃይሳዳ ጊዲ ዛሪስ፡ «ኔኒ ዳሮ ዎዴፕ ዶማዳ፣ ሃ አሳስ ፎርዳሽ ዴዴይሳ ኤራዳ ታ አዳስ ኡፋይሳን ዛሮ ኢማይስ።<sup>11</sup> ታኒ ጎይናናው ዩሩሳላሜ ኬዩን ታማኔ ናምዑ ጋላሳፕ አድናይሳ ኔኒ ኔ ሁዴን ኤራናው ዳንዳግሳ።<sup>12</sup> አይሁዴቲ ታና ዎሳ ኬሳን ጊዲን አይሁዴ ዎሳ ኬሳን ጊዲን ካታማን ጊዲን አይሁዴ ካ ፓላሚሽን ዎይኮ አሴ ሽሻዳ ማቂሽን ኢሲ አሲካ ዴሚቢና።<sup>13</sup> ሃዲካ ኤንቲ ታና ሞቴያባስ ማርካ ዴማናው ዳንዳግሶና።

<sup>14</sup> «ሽን ታኒ ኢሲባ አማናይስ፤ ታኒ ሂጊን ዴዲያባኔ ናቤቲ ገሬዳ ኡባባ አማናዳ፣ ኑ አዋታ ዎሳ፣ ኤንቲ ዎርዶ ጊያ አጊያን ጎይናይስ።<sup>15</sup> ኤንቲ ባንታ ሁዴን አማኔይሳ ሜላ ጊሎቲኔ ናጋራንቾቲ ሃይቆፕ ዴንዳናይሳ ታካ አማናይስ።<sup>16</sup> ሄሳ ጊሾ፣ ታኒ ዎሳ ሲንሳኒኔ አሳ ሲንሳን ኡባ ዎዴ ሎዎ ካሂ ታው ዳና ሜላ ሚናይስ።

<sup>17</sup> «ታኒ ዩሩሳላሜፕ ኬዮሳፕ ዳሮ ላይሳፌ ጉዬ ታ ቢታ ማንቆታስ ማዴ ኢማናወኔ ያርሾ ያርሻናው ዩሩሳላሜ ባስ።<sup>18</sup> ታኒ ዎሳ ኬሳን ሄሳ አሳዳ ጌሻ ዎጋ ፖላ ሲሚን ታና ዴሚዶሶና። ሄ ዎዴ ታራ አሲ ባዋ፣ አሽካ ኬዩቤና።<sup>19</sup> ሽን ኢሲያፕ ዩዳ ኢሲ ኢሲ አይሁዴቲ ያን ዴዎሶና፤ ኤንቲ ታ ቦላ አዳ ኮይኮ ዩዲ ታና ኔ ቦላ ሞታናው ዳንዳግሶና።<sup>20</sup> ዎይኮ ታኒ ሻንጉዋ ሲንሴ ሽቂዳ ዎዴ አሲዳ ባሊ ዴዲኮ ሃይሳቲ ኔ ሲንሳን ዴዴይሳቲ አዶና።<sup>21</sup> ታኒ ኤንታ ጊደን ኤቃዳ፣ ሃይቆዳይሳቲ ዴንዳና ጋዳ ዎሳዳ አዲዳ ጊሾ ሃቼ ሂንቲ ሲንሳን ታ ቦላ ፎርዶሶና» ጋስ፤ ሄሳፌ ሃራባ አሳቢኬ» ያጊስ።

<sup>22</sup> ሽን ፊልኪሲ ዎሳ አጊያባ ጌሽ ኤሪዳ ጊሾ «ታኒ ሂንቲ አዳ ሻላቃ ሉሲዮሲ ያ ዎዴ ፎርዳና» ያጊዲ ሞይዚስ።<sup>23</sup> ፊልኪሲ ቃሲ ጳውሎስ ቃቾና ናጋና ሜላኔ ኢያ ዳቦታፕ አኒካ ኢያ አይቻናው ዩሽን ዲጎና ሜላ ማቶ ሃላቃስ አዲስ።

**ጳውሎስ ፊልኪሳ ሲንሴኔ ዲሩሲላ ሲንሴ ሽቂስ**

<sup>24</sup> ጉሳ ጋላሳፕ ጉዬ፣ ፊልኪሲ አይሁዴ ባጋ ጊዲዳ ባ ማቼ ዲሩሲላራ ዩዲ ጳውሎስ ኪቲ ኤሂሲዲ ዩሱስ ኪሪስቶስን አማናባ ኢያፕ

ሲዲስ።<sup>25</sup> ጳውሎስ ጊሎቴሳባ፣ ባ ሁዴ ሃሮባኔ ያናው ዴዲያ ፎርዳባ አዲሽን፣ ፊልኪሲ ያዩዲ፣ «ኔኒ ሃዲስ ባ፤ ታው ኢንጄቲዳ ዎዴ ኔና ሂጊሳና» ያጊስ።<sup>26</sup> ሄ ዎዴ ጳውሎስፕ ጉቦ ኤካናው ቆፒዲ ኢያ ዛሪ ዛሪ ሂጊሲዲ ኢያራ አዴቴስ።

<sup>27</sup> ናምዑ ላይሳፌ ጉዬ፣ ፊልኪሳ ቤሳ ጳርቂዮስ ፊስዎሲ ኤኪስ። ፊልኪሲ አይሁዴታ ኡፋይሳናው ኮዩዲ ጳውሎስ ቢሎና አጋጊስ።

25

**ጳውሎስ ሮሜ ካወዋስ አቤት ጊስ**

<sup>1</sup> ፊስዎሲ ካዎቲዳ ሄቸ ጋላሳፕ ጉዬ ቂሳሪያፕ ዩሩሳላሜ ቢስ።<sup>2</sup> ያን ካሂኔ ሃላቃቲኔ አይሁዴታ ካሌሴይሳቲ ጳውሎስ ሞቴዶሶና።<sup>3</sup> ጳውሎስ ዩሩሳላሜ ኤሂሽን አጊን ቆሴቲዲ ኢያ ዎዳናው ኤንታው ኢንጄታና ሚላ ባንታና ማዶ ጊዲ ፊስዎሳ ዎሲዶሶና።<sup>4</sup> ፊስዎሲ ኤንታኮ፣ «ጳውሎስ፣ ቂሳሪያን ቃሾ ኬሳን ዴዴስ፤ ታኒ ታ ሁዴንካ ኤሌሳዳ ጉዬ ሲማና ሃናይስ።<sup>5</sup> ኢ ባሊዳባይ ዴዲኮ ሂንቲ ጊደን አዋቴይሳቲ ታራ ቂሳሪያ ቢዲ ኢያ ሞቶና» ያጊዲ ዛሪስ።

<sup>6</sup> ፊስዎሲ ኤንታ ማታን ሆስፕን ዎይኮ ታው ጋላሳ ሜላ ጋምሲዳፕ ጉዬ ቂሳሪያ ቢስ። ዎንቲሳ ጋላስ ፎርዳ አይዲያን ኡቲዲ ጳውሎስ ኤሃና ሜላ ኪቲስ።<sup>7</sup> ኢ ዩን ዩሩሳላሜፕ ዩዳ አይሁዴቲ ኢያ ዩሾዋን ኤቂዲ ኤንቲ ላሳናው ዳንዳግሶና ዳሮ ዴዎ ሞቶ ኢያ ቦላ ሽሽዶሶና።<sup>8</sup> ጳውሎስ ዛሪዲ፣ «ታኒ አይሁዴ ሂጊያ ጊዲን ዎሳ ኬሳ ዎይኮ ሮሜ ካወዋ ቂሳሬ ናቃቢኬ» ያጊስ።

<sup>9</sup> ሽን ፊስዎሲ አይሁዴታ ኡፋይሳናው ኮዩዲ ጳውሎስ፣ «ዩሩሳላሜ ባዳ ሃ ሞቴዋባ ያን ታ ሲንሳን ፎርዶታናው ኮያይ?» ያጊዲ አይቼስ።

<sup>10</sup> ሽን ጳውሎስ፣ «ታኒ ፎርዶታናው ቤሲያ ቂሳሬ ፎርዳ ኬሳን ኤቃ ኪቻስ። ኔኒ ሎይሳ ኤራይሳዳ ታኒ አይሁዴታ አይቢንካ ናቃቢኬ።<sup>11</sup> ሂዛ፣ ታኒ ናቂዳባይ ዎይኮ ሃይቆስ ጋሊያባ አሲዳባ ጊዲኮ ሃይቆፕ ታና አሻ ጊኬ። ሽን ኤንቲ ታና ሞቴያ ሞቶይ ሮሜ ጊዳፕ ጉዬ አኒካ ታና ኤንታው አሲ ኢማናው ዳንዳግሶና። ቂሳሬይ ታባ ፎርዶ ጋዳ አይቻይስ» ያጊስ።

<sup>12</sup> ሄ ዎዴ ፊስዎሲ ባ ዞራንቾታራ ዞሬቲዲ፣ «ኔኒ ቂሳሬይ ታባ ፎርዶ ጋዳ አይቻዳሳ፤ ቂሳሬኮ ባሳ» ያጊዲ ዛሪስ።

**ጳውሎስ አጊርጳ ሲንሴኔ ባርኒቁ ሲንሴ ሽቂስ**

<sup>13</sup> ጉሳ ጋላሳፕ ጉዬ ካዎይ አጊርጳኔ ባርኒቁይ ፊስዎሳ ሳርሳናው ቂሳሪያ ቢዶሶና።<sup>14</sup> ያን ኤንቲ ዳሮ ጋላስ ጋምሲን፣ ፊስዎሲ ካወዋስ ጳውሎስ ባ ሃይሳዳ ያጊዲ አዲስ፤ «ፊልኪሲ ቢሎና አጊዲ ቢዳ ኢሲ አዴይ ሃይሳን ዴዴስ።<sup>15</sup> ታኒ ዩሩሳላሜ ቢዳ ዎዴ ካሂኔ ሃላቃቲኔ አይሁዴ ጨማቲ ኢያ ቦላ ፎርዳና ሜላ ታና ዎሲዲ ኢያባ ታው አዲዶሶና።<sup>16</sup> ታኒ፣ ሞቴቲዳ ኡራይ ባና ሞቴይሳታ ሲንሳን ኤቂዲ ባ ሞቴዳባስ ዛሮ ኢሞናሽን፣ አና ጊዲኮካ አዲዲ ኢሜቴይሲ ሮሜ ሂጊ ጊዴና» ያጋዳ ኤንታው ዛራስ።

<sup>17</sup> «ሄሳ ጊሾ፣ ኤንቲ ሃይሳን ሽቂዳ ዎዴ ታኒ ጋምዶና ዎንቲሳ ጋላስ ፎርዳ ኬሳ ጌላዳ

24:17 ሃ.አ 21:17-28      24:21 ሃ.አ 23:6

ጳውሎስን ከሃና ሜላ ኪታስ። 18 ኢየሱስ ሞትደሳቲ ኢየሱስ ማታን ከቁዳ፤ ኢታባን ኢየሱስ ሞቶና አጎቱና ጋዳ ታኒ ቆፒዳይሳ ሜላ ኢየሱስ ሞቲቦኮና። 19 ሺን ኤንቲ ባንታ አማኖባኔ ጳውሎስ፤ <ፓፃ ዴዔስ> ጊያ ኢሲ ሃይቁዳ ዮሱሳ ጌቴቲያ አዲያባ ኢየሱስ ፓላሞሶና። 20 ሃ አዳይ ታና ሻካናው ሜቲዳ ጊሾ ጳውሎስ ዮሩሳላሜ ቢዲ፤ ያን ፒርዴታናው ኮያኮ ጋዳ ኢየሱስ አይቻስ። 21 ሺን ጳውሎስ ባ አዳ ቁሳሬይ ቤዓና ጋካናው ቃሾ ኪሳን ጋምዓናው አይቻስ። ታኒ ኢየሱስ ቁሳሬኮ ዮዳና ጋካናው ኢ ቃሾታና ሜላ ኪታስ» ያጊስ።

22 ሄሳ ጊሾ፤ አጊርጲ ፊስቦሳኮ፤ «ታኒ ታ ሁዔንካ ሄ ኡራይ ጊያባ ሲዓናው ኮያይስ» ያጊስ። ፊስቦሲ ኢያኮ፤ «ኔኒ ምንቶ ኢ ጊያባ ሲዓና» ያጊስ።

23 ምንቴላ ጋላስ አጊርጲኔ ባርኒቁይ ጊታ ቦንቾን ሻላቃታራኔ ካታማን ዴዒያ ጊታ አሳታራ ዩዲ ፒርዳ ኪሲ ጌሊዶሶና፤ ፊስቦሲ ጳውሎስ ግጊሲዲ ኤሂስ። 24 ፊስቦሲ፤ «ካዋው አጊርጲ፤ ሃይሳን ኑራ ዴዒያ አሳው፤ አይሁዴቲ ዮሩሳላሜንካ ሃይሳንካ ዋሲዲ፤ <ኢ ሂዛፕ ጉዬ ፓፃ ዳናው ቤሴና> ያጊዲ፤ ታና ዎሲዳ ኡራ ሃይሳ ቤዔታ። 25 ሺን ኢየሱስ ሃይቆስ ጋሊያባ አይቢባካ ታኒ ዴማቢኬ። ኢ ባ ሁዔን፤ <ቁሳሬይ ታባ ፒርዴ ያጋዳ አይቻይስ> ጊዳ ጊሾ ቁሳሬኮ ኢየሱስ ዮዳናው ቆፋ ቃቻስ። 26 ታኒ ኢየሱስ ታ ጎዳ ቁሳሬስ ፃፋናው ጊዲያ ጋሶይ አይቢካ ባዋ። ሄሳ ጊሾ፤ ኢየሱስ ሂንቴ ቤዒኮ ታ ፃፊያባይ ቤንታኔኮ ጋዳ ሂንቴ ሲንሴ ኡባራካ ካዋው፤ አጊርጲ፤ ኔ ሲንሴ ኢየሱስ ኤሃስ። 27 አይስ ጊኮ፤ ቃሾቲዳ አሲ ቦላ ዳይናስ አሊያ ዎዴ ኢ አይስ ሞቲቲዳኮ ቆንጨሶና አጌይሲ ታው ኤያቴሲ ዳኔስ» ያጊስ።

26

ጳውሎስ አጊርጲ ሲንሳን ዛሪዳ ዛሩዋ

1 አጊርጲ ጳውሎስ፤ «ኔኒ ኔባ አዳናው ዳንዳዓሳ» ያጊስ። ሄ ዎዴ ጳውሎስ ባ ኩሺያ ዴንሴዲ ሃይሳዳ ያጊስ።

2 «ካዋው፤ አጊርጲ፤ አይሁዴቲ ታና ሞቲዳባስ ዛሩ ኢማናው ሃቺ ኔ ሲንሳን ኤቃሼ ታ ቃዳይ ሎዎ ጋዳ ቆፓይስ። 3 ኔኒ አይሁዴ ዎጋኔ ፓላማ ሎይሳዳ ኤሪያ ጊሾ ታና ሳሌቶና ሲዓና ሜላ ዎሳይስ።

4 «ታኒ ናዓቴሳፊ ዶማዳ ታ አሳ ጊዶኔኔ ዮሩሳላሜን ዴዒዳ ታ ዴዑዋ አይሁዴ ኡባይ ኤሮሶና። 5 ታኒ ኮይሮፕ ዶማዳ፤ ኑ አማኖ ሂጊያ ሚንሴዲ ናጊያ ፋሪሳዌታ ያራፕ ጊዴይሳ ኤንቲ ማርካታናው ኮይኮ ኤሮሶና። 6 ሃዒካ ታኒ ዎሳይ ኑ አዋታስ ኢማና ጊዳ ኡፋይሳ ናጊያ ጊሾ ሞቲታዳ ሃይሳን ኤቃስ። 7 ቃሲ ታማኔ ናምዑ ኑ አዋታ ሼሻይ ዎሳ ቃማኔ ጋላስ ሚንሴዲ ጎይኒሼ ዎሳይ ኢማና ጊዳይሳ ኤካናው ኡፋይሳን ናጎሶና። ካዋው አጊርጲ፤ አይሁዴቲ ታና ሞቲይ ታኒ ኡፋይሳን ሄሳ ናጊያ ጊሾ። 8 አይሁዴቶ፤ ዎሳይ ሃይቁዳይሳታ ዴንሴይሳ አይስ አማኔኬቲ?»

9 «ካሴ ታኒ ታ ሁዔንካ ናዘሬቴ ዮሱሳ ሱንሳ ቴቃናው ዳንዳዔቲዳባ ኡባ አሳናው ቤሴስ ጋዳ ቆፓስ። 10 ታኒ ዮሩሳላሜን አሊዳይ ሃይሳ፤ ካሂኔ ሃላቃታፕ ማታ ኤካዳ ዎሳ አሳታፕ ዳሮታ

ቃሺሳስ። ኤንታ ዎዲያ ዎዴካ ኤንታ ሃይቁዋ ደሳስ። 11 ዳሮ ዎዴ አይሁዴ ዎሳ ኪሳ ኡባን ኤንቲ ሴሬታና ሜላኔ ዮሱሳ ጫዩዲ ካዳና ሜላ ኡንዔሳስ። ታኒ ዎጊ ባይና ኤንታ ሃንቁታዳ ሃሪ አቶሺን፤ ሃራ ቢታ ካታማታ ጋካናው ኤንታ ጎዳስ።

12 «ታኒ ሃ አዳስ ካሂኔ ሃላቃታፕ ማታኔ ኪታ ኤካዳ ዳማስቆ ባይስ። 13 ካዋው፤ ታኒ ሴታ ጋላስ አጊያን ዴዒሺን አዋ ፖፕፕ ዳሮ አዲያ ፖፖይ ታ ዩሹዋኒኔ ታራ ቤይሳታ ዩሹዋን ሳሎፕ ፖዒስ። 14 ኑኒ ኡባይካ ሳዓን ኩንዲዳ ዎዴ ኢብራይስጭ ዶናን፤ <ሳዎላ፤ ሳዎላ፤ ታና አይስ ጎዳይ? ኔኒ ኔና ጫዲያ ፃምዓ ቃኪኮ ኔና ቆሃላ> ያጊዲ ታው አዲሺን ሲዓስ።

15 «ታኒ፤ <ጎዳው፤ ኔኒ ኦኔ?> ያጋስ።

«ጎዳይ፤ <ታኒ፤ ኔኒ ጎዲያ ዮሱሳ፤ 16 ሺን ዴንዳ ኤቃ። ሃቺ ኔኒ ታና ቤዒዳይሳኒኔ ሲንሳፊ ታ ኔና ቤሳንሳ ሃራታስ ማርካታና ሜላ ታ አሳንቾ አሳዳ ኔና ሹማናው ኔው ቤንታስ። 17 ኢስራዔል አሳታፕኔ ታኒ ኔና ኤንታኮ ኪቲያ አይሁዴ ጊዶናይሳታፕ ኔና አሻና። 18 ኔኒ ኤንታ አይፊያ ዶያና፤ ዲማፕ ፖፖኮ፤ ፃላሄ ኩሼፕ ዎሳኮ ኤንታ ዛራና፤ ኤንቲ ታናን አማኒዲ ናጋራ አቶቴሳ ኤካና። ዎሳይ ዶሪዳ አሳ ጊዶን ባንታ ላታ ዴማና» ያጊስ።

19 «ካዋው አጊርጲ፤ ሄሳ ጊሾ፤ ታው ሳሎፕ ቤንቲዳ ቆንጨሳስ ኪቴታናይሳ ኢፃቢኬ።

20 ሺን ታኒ ኮይሮታዳ ዳማስቆን ሄሳፊ ጉዬ ዮሩሳላሜኒኔ ዮሁዳ ቢታ ኡባን ዴዒይሳቲኔ አይሁዴ ጊዶናይሳቲ ባንታ ናጋራፕ ዎሳኮ ሲማና ሜላኔ ናጋራፕ ሲሙዋ ቤሲያ አሶ አሳና ሜላ ቃላ አዳስ። 21 ሄሳ ጊሾ፤ አይሁዴቲ ታና ዎሳ ኪሳን አይኪዲ ዎዳናው ኮዩዶሶና። 22 ሃቺ ጋካናው ዎሳ ማዴይ ታፕ ሻኬቲቤና፤ ያኒያ ጊሾ፤ ጉሳሲኔ ጊታስ ማርካታሼ ሃይሳን ኤቃስ። ናቤቲኔ ሙሴይ ሃናና ጊዲ አዲዳይሳፊ ሃራ ኢሲባካ ታኒ አዲዳይሳ ባዋ። 23 ሄሲካ፤ <ኪሪስቶሲ ዋዩ ኤካናው ቤሴስ፤ ቃሲ ሃይቆፕ ኮይሮ ዴንዲዲ አይሁዴታሲኔ አይሁዴ ጊዶናይሳታስ አቶቴሳ ፖፖ አዳናው ቤሴስ> ጊዳይሳ» ያጊስ።

24 ጳውሎስ ሄሳ ያጊዲ ዛሪሺን፤ ፊስቦሲ ባ ቃላ ዶቁ አሊዲ፤ «ጳውሎስ፤ ኔ ጎያዳሳ፤ ኔ ዳሮ ቲሚርቴይ ኔና ጎሻስ ጋሊስ» ያጊስ።

25 ሺን ጳውሎስ፤ «ቦንቾ ፊስቦሳ፤ ታኒ ቴማባኔ ቤሲያባ አዳይሲፕ አቲን ጎያቢኬ። 26 ታኒ ቆንጨን አዲያ አዳ ካዎይ ኤሬስ። ሃ አዳይ ጌማን አሴቲቦና ጊሾ ኢሶይካ ኢያፕ ጌሞናይሳ ታኒ ጌሻዳ ኤራይስ።

27 «ካዋው አጊርጲ፤ ኔኒ ናቤታ አማናሳ ጊዲኪ? ኔኒ አማኔይሳ ታኒ ኤራይስ» ያጊስ።

28 ካዎይ አጊርጲ፤ ጳውሎስ፤ «ሃ ጉሳ ሳቴን ታና አማንሳናው ኮያይ?» ያጊስ።

29 ጳውሎስ፤ «ዳሮ ዎዴ ጊዲን ጉሳ ዎዴ ኔ ፃላላ ጊዶናሺን ሃቺ ታና ሲዒያ ኡባይ ሃ ቃሹዋፕ አቲን ታ ሜላ ጊዳና ሜላ ዎሳ ዎሳይስ» ያጊስ።

30 ሄሳፊ ጉዬ፤ ካዎይ ፊስቦሲ፤ ባርኒቁይኔ ኤንታራ ኡቲዳ ኡባይካ ዴንዲዶሶና። 31 ያፕ ኪዩዲ ቢሼ ኢሶይ ኢሱዋራ፤ «ሃ ኡራይ ሃይቆስ ዎይኮ ቃሾስ ጋሊያባ አይኮካ አሊቤና» ያጊዲ አዴቲዶሶና። 32 አጊርጲ ፊስቦሳኮ፤ «ሃ ኡራይ

26:5 ሃ.አ 23:6፤ ሬላ 3:5 26:9 ሃ.አ 8:3፤ 22:4-5 26:20 ሃ.አ 9:20፤ 28-29 26:23 1ቆሮ 15:20፤ ኢሳ 42:6፤ 49:6



«ቀሳፊይ ታባ ፎርዶ» ጎናኮ ቢሌታናው ዳንዳዔስ፤ ሺን አቲስ» ያጊስ።

27

ጳውሎስ ሮሜ ቢስ

1 ኑኒ ማርካቤራ ገሌ ባናው ቃቺዳ ዎዴ አወጊስዎሳ ዎታዳሬታ ጌቱቴይሳታ፤ ኢሲ ዩሊዮሳ ጊያ ማቶ ሃላቃስ ጳውሎሳኔ ሃራ ጉሳ ቃሾ አሳታ ኢሚዶሶና። 2 ኢሲያ ጋፃን ዴዲያ ቢታታ ቢያ አዲራሚጊዮኔ ማርካቤን ጌሊዲ ዴንዲዳ። ማቆዶኒያ አሲ ጊዲዳ ቴሌሎንቁ አርስጊርኮሲ ኑራ ዴዔስ።

3 ዎንቴሳ ጋላስ ኑኒ ሲዶና ጋኪሺን፤ ዩሊዮሲ ጳውሎሳስ ኬሂዲ ባ ሳጌታኮ ቢዲ ኮሺያባን ማዴታና ሜላ ኤንታኮ ዩዲስ። 4 ያፔ ዴንዲዲ ሲንሳራ ኑ ቦላ ጫርኪያ ጊሾ ሃሳን ቴቁቲዳ ቢታ፤ ቆጲሮሳን ዜምፒዲ አዲዳ። 5 ኪልቁያኔ ጲንፊሊያ ማታን ዴዲያ አባ ፒኒዲ ሊቁያን ዴዲያ ሙራ ጋኪዳ። 6 ያን ማቶ ሃላቃይ ገሌ ቢያ ኢስኪንዲሪያ ማርካቤ ዴሚዲ፤ ኢያን ኑና ጌላሲስ።

7 ኑኒ ዳሮ ጋላስ ሎዳራ ቢዲ፤ ዳሮ ሜቶን ቃንዶሳ ካታማ ማታ ጋኪዳ። ያራ ባናው ኑና ጫርኮይ ዲጊን ሳልሞናራ አዲዲ ሃሳን ቴቁቲዳ ቢታ፤ ቃርቂሳን ዜምፒዲ አዲዳ። 8 ዳሮ ሜቶን ጋፃ ጋፃ አይኪዲ ላሲያ ካታማ ማታን ዴዲያ አባ ዶናን «ማርካቤይ ዎፑ ጊዲ ሽምፒያሶ» ጊያ ቤሳ ጋኪዳ።

9 ኑኒ ያን ዳሮ ዎዴያ ጋምዲያ፤ ጉዬ ዎሚ ቢሌቲን፤ ማርካቤራ ቡሲ ሜቲያ ጊሾ ጳውሎሲ ኤንታ ዞሪስ። 10 «አሳው፤ ኑ ቡሳን ጊታ ቦሺኔ ዳሮ ቆሆይ ዴዔይሲ ታው ቤንቴስ፤ ቆሆይ ጫና ቦላኔ ማርካቤያ ቦላ ገላላ ጊዶናሺን ኑ ዴዑዎ ቦላካ ጋካና» ያጊስ። 11 ሺን ማቶ ሃላቃይ ጳውሎሲ ጊዳይሳፊ አሲዲ ማርካቤያ ላጌይሲኔ ማርካቤያ ጎዳይ ጌይሳ አማኒስ። 12 ሄ አባ ዶናን ዴዲያ ካታማይ ባልጎ አጌና አሳናው ኤንታው ኢንጅቶና ጊሾ ዳሪያ አሳቲ ባንታው ዳንዳዔቲኮ ፊንቁ ካታማ ጋኪዲ ባልጎ አጌና ያን አሳናው ዞራቲዶሶና። ፊንቁይ ፑዴሃ-ወሎሃፔኔ ዱጊሃ-ወሎሃፔ ጊዶን አባ ዶናን ዴዲያ ካታማ።

አባ ቦላ ጎቴይ ዴንዲስ

13 ካወሻ ዱጊሃ ጫርኮይ ሎዳራ ጫርኪዳ ዎዴ ባንታ ቆፒዳይሳዳ ሃኒዳባ ዳኒን ዴንዲዲ፤ ማርካቤይ ቃያና ሜላ አይኪያ ቢራታ ፑዴ ኤኪዲ ቃርቂሳ ማታራ አዲዶሶና። 14 ሺን ዳሮ ጋምዶና «አወራቁስ» ጊያ ዎልቃማ ጎቴይ ሃሳን ቴቁቲዳ ቢታፊ ዱጌ ኤንታ ቦላ ዴንዲስ። 15 ሄ ጎቴይ ማርካቤያ ሱጊዲ ኤፎና ዲጊዳ ጊሾ ጫርኮይ ማርካቤያ ባ ዶሲዳ ሶ ኤፊስ።

16 ኑኒ ቁዳ ጊያ ሃሳን ቴቁቲዳ ቢታ ዜምፒዲ ቢሽ ዳሮ ሜቶቴቲዲ ማርካቤያ ዎንሎዎ አሻናው ዳንዳዲዳ። 17 ኤንቲ ዎንሎዎ ፑዴ ኬሲዳ፤ ጉዬ ዎዶሩዎን ማርካቤያ ቦላ ፃፂዲ፤ ሚንሲ ቃቺዶሶና። ሱርቲሳ ጊያ ሻፊያን ባንታና ዶምዔሳና ጊዲ ሂርጊዲ፤ ማርካቤያ ሻራ ዎዲሲዲ ማርካቤያ ሞ ዩዲ አጊዶሶና።

18 ጎቴይ ዎልቃሚሽ ቢን ዎንቴሳ ጋላስ ጫና፤ ባጋ አባን ሆሎ አይኪዶሶና። 19 ሄቫንጎ ጋላስ ማርካቤያ ሚሺያ ኤኪዲ ባንታ ኩሺን ሆሊዶሶና። 20 ኑኒ ዳሮ ጋላስ አዎ አይፊኔ

ዎሊንቶ ቤያና ጊሾኔ ዎልቃማ ኡሾይ ኑ ቦላ ኡሺዳ ጊሾ ሲንሳፊ ሽምፖራ አታና ጊዲ ቆፒቦኮ።

21 ሄ ዎዴ ኤንቲ ዳሮ ጋላስ ካሲ ሞና ጋምዲዳ ጊሾ ጳውሎሲ ኤንታ ጊዶን ዴንዲ ኤቁዲ፤ «አሳው፤ ሂንቱ ታ ዞሪያ ኤኪዲ ቃርቂሳ፤ ዴንዶና አጊዳኮ ሃ ሜቶይኔ ቆሆይ ኑና ጋኪና።

22 ሺን ታኒ ሂንቲና ያዮፊቱ ጋዳ ዞራይስ፤ አይስ ጊኮ፤ ሃ ማርካቤይ ዳያና፤ አቲን ሂንቱፊ ኢሲ አሳ ሽምፖይካ ዳዮና። 23 ዘኔ ቃማ ታ ኢያባ ጊዲዳይሲኔ ታ ጎይኒያ ዶሳይ ኪቲዳ ኪታንቾይ ታ ማታን ኤቁዲ፤ 24 «ጳውሎሳ፤ ያዮፋ፤ ኒኒ ሮሜ ካወዎ ቁሳፊ ሲንሳን ኤቃናው ቤሴስ። ሄኮ ዶሳይ ኔ ጊሾ ኔራ ቢያ አሳ ኡባ ሽምፑዎ አሺስ» ያጊስ። 25 ሄሳ ጊሾ፤ አሳው፤ ያዮፊቱ። ሄ ኪታንቾይ ታው አዲዳይሲ ሃናናይሳ ታኒ አማናይስ። 26 ሺን ጫርኮይ ኑና ኤፊዲ ኢሲ ሃሳን ቴቁቲዳ ቢታ ጋፃን ሆላና» ያጊስ።

27 ታማኔ አይዳንጎ ቃማን ሜዲቲራኔ አባን ኑና ጫርኮይ ጌዴኔ ሃ ሱጊሺን፤ ጊዲ ቢላሄ ጊዲያ ዎዴ ማርካቤያን አሴይሳታስ ቢታኮ ማቲዳባ ዳኒስ። 28 ኤንቲ ጨሞቴሳ ኤራናው ኮይዲ ዎዶሮ ዩራን ዴዲያባ ቃቺዲ አባን ዩጊን፤ አባይ ሆስፑን ታሙ ዎዳ ጊዲስ። ጉሲ ጋምዲዲ፤ ዛሪ ዩጊን ኡሱፑን ታሙ ዎዳ ጊዲስ። 29 ኤንቲ አባ ጋፃን ዴዲያ ሹቻን ዶምዔቶና ሚላ ያዩዲ፤ ማርካቤይ ቦና ሚላ አይኪያ አይዱ ቢራታታ ማርካቤያ፤ ጉዬራ አባን ዩጊዲ፤ ሳባይ ዎንታና ሚላ ዶሳ ዎሶሶና። 30 ማርካቤያን አሴይሳቲ ማርካቤያ፤ ባቃታናው ኮይዲ፤ ማርካቤይ ቦና ሚላ አይኪያ ቢራታታ ማርካቤያ፤ ሲንሳ ባጋራ አባን ዩጊያ ዳኒን ዎንሎዎ አባን ዩጊዶሶና። 31 ጳውሎሲ ማቶ ሃላቃኑኔ ዎታዳሬታኮ፤ «ሃይሳቲ ማርካቤያን ሽምፒ ኡቶና ኢዲኮ ሂንቱ አታናው ዳንዳዔኬታ» ያጊስ። 32 ሄሳ ጊሾ፤ ዎታዳሬቲ ዎንሎይ ቃሽቲዳ ዎዶሩዎ ቃንዲዲ ዩዲ አጊዶሶና።

33 ሳዲ ዎንታና ሃኒሺን ኡባይ ካሲ ማና ሚላ ጳውሎሲ አሳኮ፤ «ሂንቱ ካሲ ሞና ናጊሽ ሃቺራ ታማኔ አይዱ ጋላስ ጋምዲዴታ። 34 ሄሳ ጊሾ፤ ታሳ ካሲ ሂንቱ ማና ሚላ ታኒ ሂንቲና ዎሳይስ። ሂንቱ ጋሽታና ሚላ ጉሳ ካሲ ማናው ኮሺስ፤ ሃሪ አቶሺን ሂንቱ ሁዔ ቢናና፤ ኢሶይካ ዳዮና» ያጊስ። 35 ጳውሎሲ ሄሳ ጊዲ ኡይሲ ኤኪዲ ኡባ ሲንሳን ዶሳ ጋላቲስ፤ ኡይሳ ሚንሲዲ ሙሱ ዶሚስ። 36 ኡባይ ሚኔቲዲ ባንታው ካሲ ኤኪዲ ሚዶሶና። 37 ኑኒ ማርካቤያን ዴዔይሳቲ ናምዑ ዩታኔ ላፑን ታማኔ ኡሱፑና። 38 ኤንቲ ሚዲ ካሊዳ ዎዴ ጫና ጊስቲያ አባን ዩጊዲ ማርካቤያ ዴፀዎ ካወሺዶሶና።

ማርካቤይ ሜዲስ

39 ሳዲ ዎንቲዳ ዎዴ ማርካቤያ አሳንቾቲ አው ቢታ ጋኪዳኮ ኤሮናሺን፤ አባ ጋፃን ዴዲያ ሻፊኔ ሲሊሞ ቤዲዶሶና። ባንታው ዳንዳዔቲኮ ማርካቤያ ሄ ሻፊያኮ ሺሻናው ቆፒዶሶና።

40 ያቲዲ፤ ማርካቤይ ቦና ሚላ አይኪያ ቢራታታ ቢርሺዲ አባን ዩጊዶሶና። ሄ ዎዴ ላጊያ ሚሳ ቃቺያ ዎዶሩዎ ቢርሺዶሶና። ሄሳፊ ጉዬ፤ ጫርኮይ ማርካቤያ ሲንሴ ሱጋና ሚላ ማርካቤያ ኤፊያ ሻራ ሲንሳ ባጋራ ዶቁ አሲዲ ቡሱ ዶሚዶሶና። 41 ሺን ማርካቤይ ሻፊ ዶራን

ደምዔቲዳ ሚቴቲስ። ማርካቢያስ ሲንሳ ባጋይ ፀጉንዲ ሻፊያ ጫዳ አይኪዳ ቃያና ኢጊን፣ ጉዬ ባጋይ ዙሊያ ሱጊላን ሜቄራቴሲ አይኪስ።

42 ዎታዳሬቲ ቃሾ አሳፔ ኢሶይካ ሃሳ ዋዲዳ ኬሲ ኤኮና ሜላ ኤንታ ዎዳናው ዞሬቲዶሶና።

43 ሺን ማቶ ሃላቃይ ጳውሎሳ አሻናው ኮዬዳ ዎታዳሬታ ዞሬታ ኢጊስ። ሃሴ ዋዶ ኤሪያ ኡባይ ማርካቢያፔ ሃሳን ጉፒ ጉፒ ዎዲዳ ካሴቲዳ ጋፃ ኬያና ሜላ ኪቲስ። 44 አቲዳይሳቲ ሳንቃ ቦላኔ፣ ማርካቢያ ሜዑዋ ቦላ ኬያና ሜላ ኪቲስ። ሄሳዳ ሃኒዳ ኡባይ ጋፃ ሳርራ ኬዬዶሶና።

28

ጳውሎሲ ማልታ ጊያ ሃሳን ቴቄቲዳ ቢታ ቢስ

1 ኑኒ ጋፃ ሳር ኬዬዳ ዎዶ ጋኪዳ ሃሳን ቴቄቲዳ ቢታይ ማልታ ጌቱቱይሳ ኤሪዳ። 2 ማልታ አሳይ ኑስ ዳሮ ኬሃ ኬሂዶሶና። ኢሪ ቡኪያ ጊሾኔ ሜጊያ ጊሾ ታማ ኤሲዳ ኑና ኡባ ሞኪዶሶና።

3 ጳውሎሲ ዳሮ አፊራ ሺሺዳ ታማን ዎሲሺን፣ ሾሺ ሴላ ጊሾ ኬዬዳ ኢያ ኩሺያ ቦላ ፃፃቲዳ ኢያ ዳኪስ። 4 ማልታ አሳይ ሾሺ ጳውሎሳ ኩሺን ፃፃቲዳይሳ ቤዒዳ ዎዶ ኢሶይ ኢሱዋኮ፣ «ቱማ ሃ ኡራይ ሽምፖ ዎዲዳ አሲ፤ ሃሪ አቶሺን አባፌ ኢ አቲንካ ዶሳ ፒርዳፌ \* አቲዳ ፓፃ ዳናው ዳንዳሲቤና» ያጊዶሶና።

5 ሺን ጳውሎሲ ባ ኩሺያፔ ሾሻ ወፃርኪዳ፣ ታማን ዩጊስ፤ ኢያ አይኮካ ቆሂቤና። 6 ኤንቲ፣ «ኢያ አሳቴሳይ ኪዳስ፣ ዎይኮ አኬኮና ኩንዲዳ ሃይቄስ» ጊዳ ናጎሶና። ሺን ዳሮ ዎዶ ናጊዳ ኢያ አሳቴሳን አይቤካ ዳማቲዳባይ ዳዬን፣ «ሃይሲ ዎሴ» ያጊዳ ባንታ ቆፋ ላሚዶሶና።

7 ሄ ሄራን ሃሳን ቴቄቲዳ ቢታ ሃላቃ፣ ፑፕሊዮሳ ጌይሳስ ጋዴይ ዴዔስ፤ ሄሹ ጋላስ ጋካናው ኢ ኑና ሲቆን ሞኪስ።

8 ፑፕሊዮሳ አዋይ ቆዖ፣ ሚሻኔ ኡሎ ኡቲሶን ሃርጌቲዳ ዚንጊዳ ዴዔስ። ጳውሎሲ ኢያ ሶ ጌሊዳ ኢያው ዶሳ ዎሲስ፤ ባ ኩሺያ ኢያ ቦላ ዎሲዳ ፓሲስ። 9 ሄሳፌ ጉዬ፣ ማልታን ዴዒያ ሃርጊያ ሃራ አሳቲካ ዩዳ ፓፃዶሶና። 10 ኤንቲ ኑና ዳሮ ቦንቺዶሶና፤ ኑኒ ማርካቢራ ባናው ዴንዲዳ ዎዶ አጌስ ኮሺያባ ኑስ ኢሚዶሶና።

ጳውሎሲ ማልታፌ ሮሜ ቢስ

11 ሄሹ አጌናፔ ጉዬ፣ ማልታን ባልጎ አሲዳ ኢስኪንዲሪያ ማርካቢራ ባናው ዴንዲዳ። ሄ ማርካቢያ ቦላ ዲዮስቆሮሳ ጊያ ሜንቴ ኤቃታ ሚሲሴይ ዴዔስ። 12 ሲራኩሴ ካታማ ጌሊዳ ያን ሄሹ ጋላስ ኡቲዳ። 13 ያፔ ዴንዲዳ ሬጊዬሜ ካታማ ጋኪዳ። ኢሲ ጋላሳፔ ጉዬ፣ ዱጌሃ ባጋ ጫርኮይ ጫርኪን፣ ዎንቴሳ ጋላስ ፑቲዮሴ ካታማ ጋኪዳ። 14 ያን ኑኒ ኢሲ ኢሲ አማኒያ አሳታ ዴሚን፣ ባንታራ ሳሚንታ ጋምዓና ሜላ ኑና ዎሲዶሶና። ሄሳፌ ጉዬ፣ ሮሜ ቢዳ።

15 ሮሜን ዴዒያ አማኒያ አሳቲ ኑባ ሲዒዳ፣ አፊዮሳ ጊያን፣ ሄሹ አቄዶሶ ጊያ ቤሳ ጋካናው ኑና ሞካናው ዩዶሶና። ጳውሎሲ ኤንታ ቤዒዳ ዎዶ ዶሳ ጋላቲዳ ሚኔቲስ።

ጳውሎሲ ሮሜን

16 ኑኒ ሮሜ ጌሊዳ ዎዶ ጳውሎሲ ባና ናጊያ ዎታዳሪያራ ባርካ ዴዎ ጌቱቲስ።

17 ሄሹ ጋላሳፔ ጉዬ፣ ጳውሎሲ አይሁዴታ ሃላቃታ ባኮ ፃጊሲስ። ኤንቲ ሺቄዳ ዎዶ ኤንታኮ፣ «ታ ኢሻቶ፣ ታኒ ኑ አሳ ዎይኮ ኑ አዋታ ዎጋ ቦላ አይቤ ቆሆካ አሳቢኪ፣ ሺን ታና ዩሩሳላሜን ቃቺዳ ሮሜ አሳስ አሲዳ ኢሚዶሶና። 18 ኤንቲ ታ ሞቱዋ ቤዒዳ ሃይቆስ ጋሲያባ ታ ቦላ አይቤባካ ዴሚቦና ጊሾ ታና ቢሳናው ቆፒዶሶና። 19 ሺን አይሁዴቲ ሄሳ ኢጊዳ ዎዶ (ታባ ቄሳሬይ ፒርዶ) ያጋሲፔ አቲን ታኒ ታ ዴሪያ ሞቲያባይ ዴዒን ጊዴና። 20 ታኒ ሂንቴና ፃጊሲዳይ ሂንቴና ቤዓናወኔ ሂንቴው ሃይሳ አዳናሳ። ታኒ ሃ ሳንሳላታን ቃሹቲዳይ ኢስራዔሌ አሳይ ናጊያ ኡፋይሳ ጊሾሳ» ያጊስ።

21 አይሁዴ ሃላቃቲ ጳውሎሳኮ፣ «ኑስ ዩሁዳፔ ኔባ ፃፊቲዳ ዳብዳቤይ ጋኪቤና። ያፔ ዩዳ አሳታፊ ኢሶይካ ኔባ ኢታ አዲዳ ባዋ። 22 ሺን ሃ ኔ ካሊያ አማኑዋ ዱማ ዱማ ቤሳን አሳይ ኢዴይሳ ኑኒ ኤሪያ ጊሾ ኔ ቆፋ ሲዓናው ኮዮስ» ያጊዶሶና።

23 ኤንቲ ባንታ ያና ጋላስ ጳውሎሳስ ቃፃሪዳ፣ ሄ ጋላስ ዳሪዳ ኢ ዴዒያሱዋ ዩዶሶና። ኢ ዎንታፊ አማርሲ ጋካናው ዶሳ ካዎቱሳባ ኤንታው ማርካቲስ። ቃሲ ኤንቲ ዩሱሳባ አማናና ሜላ ሙሴ ሂጊያፌኔ ናቤታ ማፃፍፔ ቆንጨሲዳ ኤንታ ታማርሲስ። 24 ኢሶቲ ኢሶቲ ጳውሎሲ ጊዳይሳ አማኒዶሶና፣ ሺን ሃራቲ አማኒቦኮና።

25 ኤንቲ ባንታ ጊዶን አዳ ማዖና ኢጊዳ ዎዶ ጳውሎሲ ኢሲባ ጊዳፔ ጉዬ ቤዶሶና። ኢ ሃይሳዳ ያጊስ፣ «ጌሻ አያናይ ኑ አዋታስ ናቤያ ኢሳያሳ ዶናን አዲዳይሲ ቱማ።

26 «ኔኒ ሄ አሳኮ ባዳ፣ ሂንቴ ሲሳ ሲዒታ፣ ሺን ሂንቴው ጌሴና፤ ሂንቴ ቤዎ ቤዒታ፣ ሺን ዴሜኬታ። 27 ሃ አሳ ዎዛናይ ሙሚስ፤ ኤንታ ሃይሳይ ቱሊስ፤ ኤንታ አይፌይካ ጎዜቲስ። ሄሲ ባይኔኮ፣ ኤንቲ ባንታ አይፌያን ቤዒዳ፣ ባንታ ሃይሳን ሲዒዳ፣ ባንታ ዎዛናን አኬኪዳ፣ ኤንቲ ታኮ ሲማና፤ ታካ ኤንታ ፓሳናሺን) ያጋ» ያጊስ።

28 «ሂዛ፣ ሃይሲ ዶሳ አቶቴሳ ኪታይ አይሁዴ ጊዶናይሳታስ ጊዴይሳ ኤሬታ። ኤንቲካ ሲዓና» ያጊስ።

29 ጳውሎሲ ሄሳ ጊዳፔ ጉዬ አይሁዴቲ ባንታ ጊዶን ዳሮ ፓላሚሽ ኬዬዳ ቤዶሶና።

30 ጳውሎሲ ኬራ ኬሳን ናምዑ ሳይሲ ኩሜሲ ዴዒስ፤ ያን ዴዒሼ ባኮ ያ ኡባ ሞኬስ። 31 ያሺ ባይናኔ ኦኒካ ዲጎናሺን ዶሳ ካዎቱሳባ ሳባኪስ፤ ጎዳ ዩሱስ ኪሪስቶሳባ ቆንጨሲዳ ታማርሴስ።

\* 28:4 ዶሳ ፒርዳፌ፣ ሄ ዎዶ ሄ ቢታን ዱማ ዱማ ማጫ ዶሳቲ ዴዎሶና። ኤንታፌ ኢሲኒያ ኢታ አሲያ አሳ ፒርዳዶ። ኢያ ፒርዳ ዶሲ ጌቱታ ጌጌታሱ። 28:19 ሃ.አ 25:11 28:26 ኢሳ 6:9-10

### ጳውሎስ ሮሜ አሳስ ገፊዳ ኪታ ጋሳ ቆፋ

ሃዋሪያ ጳውሎስ ኪታይ ሮሜ አሳስ ገፊዳይ፣ ጳውሎስ ሮሜን ዴሲያ ዎሳ ኬሳ ቤዓናው ቆፒዳ ጊሾ ኢ ቢያ ዎዴ ኤንቲ ጊጊዲ ናጋና ሜላ አሳናሳ። ጳውሎስ ቆፋይ ሮሜን ዴሲያ አማኔይሳታራ ጉሳ ዎዴ አሲዳ፤ ጉዩ ኤንቲ ኢያ ማዲን ኢስፔኔ ባናሳ። አማኖባ ኢ ኤሪዳይሳኔ አማኒያ አሳይ ሄ ቲሚርቲያ አሶን ፔሻና ሜላ ቆንጨሲዲ ገፊስ። ሃ ማግፋን ጳውሎስ ኩሜሳ ኪታይ ሃ ቆፋ አይኬስ።

ጳውሎስ ሮሜን ዴሲያ አማኒያ አሳታ ኮይሮ ሳሮሲ ሲሚዲ፣ ካሊዲ ኤንታው ዎሴይሳ አዲዳ፤ ጉዩ ባ ኪታስ ጉልዓ ቆፋ። «ዎንጌላን ዎሳ ጊሎቴሳይ ቆንጨስ፤ ሄ ጊሎቴሳይ ኮይሮ፤ ወርሴሳ ጋካናው አማኖን ቆንጨስ» ጊዲ አዴስ (1:17)።

ሄሳፊ ጉዩ፣ ሄ ቆፋ ዳልጊሲዲ ገፊስ። አይሁዴታ ጊዲን አይሁዴ ጊዴና አሳ ጊዲን ኡባይ ናጋራስ ሃራቲዳይሳታ ጊዲያ ጊሾ ኤንቲ ዎሳራ ሲጌታናው ኮሼስ። አሳይ ዎሳራ ሲጌታናው ዳንዳዔይ ዩሱስ ኪሪስቶሳ አማኖና። ኤንቲ ዎሳራ ሜዲያ ሃ አራሳ ጋሄቴሳ አይፌይ፣ አራሳ ዴያ ጊዴይሳ ጳውሎስ ዳልጊሲዲ አዴስ። አማኒያ አሲ ዎሳራ ሳሮ ዴዔስ፤ ቃሲ ዎሳ አያና ባጋራ ናጋራፔኔ ሃይቆ ዎልቃፊ ኬሲ ኤኬስ። ሼምፖ 5-8 ጋካናው ጳውሎስ ዎሳ ሂይይኔ አማኒያ አሳ ዴያን አሲያ ዎሳ አያና ዎልቃ ቆፋይ አይቤኮ አዴስ። ሄሳፊ ካሊዲ፣ ጳውሎስ፣ «ዎሳይ አሳ ናይታስ ቆፒዳ ቆፋ ጊዴን አይሁዴቲኔ አይሁዴ ጊዴና አሳይ ዋኒዲ ኢሲፊ ዋጊታናው ዳንዳዔ?» ያጊያ አይሻስ ዛሮ ኢማናው ባጌቲስ።

ቃሲ አይሁዴቲ ዩሱሳ ኤኮና ኢጊዳይ ዎሳ ቆፋ ጊዴይሳ አዴስ። ሄሲ ሃኒዳይ ዩሱስ ኪሪስቶሳ ባጋራ ቆንጨሲዳ አጾ ኬሃቴሳ ጊዴን አሳ ዛሬ ኡባ ሃጳና ሜላሳ። ጊዴሺን፣ አይሁዴቲ ዩሱሳ ኤኮና ዎዴይ ያናይሳ ጳውሎስ አማኒስ። ወርሴሳን ጳውሎስ አማኖ ዴያ ዋኒዲ ዳናው ቤሲያኮ አዴስ። ዎሳስ አሳናባ፣ አማኒያ አሳቲ ባንታ ቤታሲኔ ባንታ ጊዴን ኢሶይ ኢሱዋስ አዋቴሳን አሳናባኔ ካሃ ጋሶን ሜዴቲያ አይሼታባ ቆንጨሲዲ አዴስ።

ሮሜ ኪታ አይፊ ቆፋታ

- ጌሎ ቆፋ 1:1-15
- ሮሜ ኪታ ሁዔ ቆፋ 1:16-17
- አሳ ናዓስ አቶቴሲ ኮሼይሳ 1:18-3:20
- ዎሳይ አሴ አሺያ አጊያ 3:21-4:25
- ኪሪስቶሳን ቤንቲያ አራሳ ዴዐዋ 5:1-8:39
- ኢስራዔሌስ ዎሳ ቆፋ 9:1-11:36
- አማኒያ አሳ ዱሳ 12:1-15:13
- ኩሻ ቆፋኔ ሳሮሶ 15:14-16:27

1 ዩሱስ ኪሪስቶሳ አይሌ ጊዲዳ፣ ሃዋሬ ጊዳና ሜላ ጌጌቲዳይሳፊኔ ዎሳ ዎንጌላ ሳባካና ሜላ ዶሬቲዳ ጳውሎስ ኪቲዳ ኪታ።

2 ዎሳይ ዳሮ ዎዴፔ ሲንሴ ባ ናቤታ ባጋራ ኢማና ያጊዳ ዎሳ ዎንጌላይ ጊሻ ማግፋታን ገፊቲስ። 3 ሄ ዎንጌላይ አሾን ዳቂቴ ሼሻፔ ዩሌቲዳ፣ ዎሳ ናዓ፣ ኑ ጎዳ ዩሱስ ኪሪስቶሳባ። 4 ቃሲ ኢ ባ ጊሻ አያናን ሃይቆፔ ዴንዲዲ፣ ዎሳ ናዓ ጊዴይሳ ጊታ ዎልቃን ቤሲስ። 5 ኢያ ባጋራ አይሁዴ ጊዴና አሳ ኡባይ፣ አማኒዲ ኪቲታና ሜላ ኪሪስቶሳ ሱንሳ ጊሾ ዎሳይ አጾ ኬሃቴሲኔ ሃዋራቴሳ ማታ ኑስ ኢሚስ። 6 ዩሱስ ኪሪስቶሳስ ጊዳና ሜላ ጌጌቲዳ አሳታፔ ባጋቲ ሂንቴና።

7 ሮሜን ዴሲያ፣ ዎሳይ ሲቆይሳታሲኔ ኢያ ጊሻ ዴሬ ጊዳና ሜላ ዶሪዳይሳታስ።

ዎሳ ኑ አዋፔኔ ጎዳ ዩሱስ ኪሪስቶሳፔ አጾ ኬሃቴሳይኔ ሳሮቴሳይ ሂንቴው ጊዴ።

#### ጋሳታ ዎሳ

8 ኡባፊ ኮይሮታዳ፣ ሂንቴ አማኖይ ቤታ ኡባን ሲዔቲዳ ጊሾ ዩሱስ ኪሪስቶሳ ባጋራ ሂንቴ ጊሾ ታ ዎሳ ጋላታይስ። 9 ታኒ ኢያ ናዓ ዎንጌላባ ኩሜሳ ዎዛናን አዲያ ዎሳይ፣ ታኒ ታ ዎሳን ኡባ ዎዴ ሂንቴና ቆፔይሳስ ኢ ማርካ። 10 ወርሴሳን፣ ዎሳ ሼኔ ጊዲኮ፣ ታኒ ሂንቴኮ ባናው አጌይ ታው ኢንጄታና ሜላ ኡባ ዎዴ ዎሳይስ። 11 ታኒ ሂንቴው አያና ኢሙዋ ሻካናውኔ ሂንቴና ቤዓናው ላዎታይስ። 12 ሄሲካ፣ ታኒ ሂንቴ አማኑዋን፣ ቃሲ ሂንቴ ታ አማኑዋን ሚኔታና ሜላሳ።

13 ታ ኢሻቶ፣ ታኒ አይሁዴ ጊዴና አሳፔ አይፊ ዴሚዳይሳዳ፣ ሂንቴፊካ አይፊ ዴማናው ሂንቴኮ ባናው ቆፓስ፣ ሺን ዲጌታስ።

14 ታማሪዳ አሳሲኔ ታማሪሶና አሳስ ቃሲ ጨንጫታሲኔ ኤያታስ ታው አሮይ ዴዔስ።

15 ሄሳ ጊሾ፣ ሮሜን ዴሲያ ሂንቴውካ ዎንጌላ አዳናው አዎታይስ።

#### ዎንጌላይ ዎሳ ዎልቃ

16 ኢያ አማኒያ ኡባ፣ ኮይሮቲዲ አይሁዴታ፣ ካሊዲ አይሁዴ ጊዴናይሳታ አሻናው ዎንጌላይ ዎሳ ዎልቃ ጊዲያ ጊሾ ታ ዎንጌላን ዩላቲኬ።

17 ጊሎይ አማኖን ዴያን ዳና ጌቴቲዲ ጊሻ ማግፋን ገፊቲስ። ዎንጌላን ዎሳ ጊሎቴሳይ ቆንጨስ፤ ኮይሮፔ ወርሴሳ ጋካናው አሳይ ጊሌይ አማኖና።

#### አሳ ኢታቴሲ

18 ቱማይ ኤሬቶና ሜላ ባንታ ኢታ አሶን ካሚያ አሳ ቦላኔ ናጋራ ኡባ ቦላ፣ ዎሳ ሃንቆይ ሳሎፔ ዎዴስ። 19 ዎሳይ ኤንታው ቆንጫናው ቤሲያባ ቆንጨሲዳ ጊሾ ኤንቲ ዎሳባ ኤሮሶና።

20 አሳሜይ ሜዴቶሳፔ ዶሚዲ፣ አሳስ ቤንቶና ዎሳ ካንዶይ፣ ሄሲካ ኢያ ሜሪና ዎልቃይኔ ዎሳቴሳይ ኢያ ሜዴቴሳን ቆንጨዲ ዴሲያ ጊሾ አሳይ ባንታ ኢታቴሳስ ጋሶያባይ ባዋ።

21 ኤንቲ ዎሳ ኤሪሼ፣ ኢያ ቦንቺቦኮናኔ ጋላቲቦኮና። ኤንታ ቆፋይ ማዶናባ ጊዲስ፤ ኤንታ አኪኮና ዎዛናይ ዱሚስ። 22 ኤንቲ ባንታና ጨንጫታ ጎሶና፣ ሺን ኤያታ። 23 ኤንቲ ሃይቆና ዎሳ ጎይናናይሳ አጊዲ፣ ሃይቂያ አሳ ሜዶን፣ ካፎታ ሜዶን፣ ዶዓታ ሜዶኒኔ ኡሎራ ጎሼቲያባታ ዳኒሲዲ አሲዳ ሚሲሌታ ጎይኒዶሶና።



24 ሄሳ ጊሾ፣ ኤንቲ ኢሶይ ኢሱዋራ ቦርሶባ አሲዲ፣ ባንታ አሳቴላ ካወሻና ሜላ ያሳይ ኤንታ ዎዛናይ አዎቲያ ቱና አሶስ ኤንታ ዩጊ አጊስ።  
 25 ሄሲ ሃኒዳይ ኤንቲ ያሳ ቱማ ዎርዶን ላሚዳ ጊሾኔ ሜዲዳ ያሳ አጊዲ፣ ሜዴቴላ ጎይኒዳ ጊሾሳ። ያሳይ ሜሪናው ጋላቴቲዳይሳ። አሚንጊ።

26 ሄሳ ጊሾ፣ ያሳይ ኤንታና ኤንታ ቦርሶ አውዋስ ዩጊ አጊስ። ኤንታ ማጫሳይ ባንታው ቤሲያ አዴራ ጋሄቴላ አጊዲ፣ ቤሶናባ ሃኒዲ ማጫሲ ማጫሳራ ጋሄቴዶሶና። 27 ሄሳዳካ፣ አዴቲ ባንታው ቤሲያ ማጫሳራ ጋይቴላ አጊዲ፣ አዴይ አዴራ ጋሄቴዶሶና። አዴቲ ኢሶይ ኢሱዋራ አዎን ፀጌቲዲ፣ ቦርሶባ አሲዲሶና። ባንታ አሲዳ ባላስ ቤሲያ ፕርዳ ኤኪዶሶና።

28 ኤንቲ ያሳ ኤሪሾ፣ ሃሪ አቶሺን ኢያባ ቆጋናው ኮዮና ኢዲዳ ጊሾ ቤሶናባ አሳና ሜላ ያሳይ ኤንታና ፓሶና ቆፋስ አሲ ኢሚስ።  
 29 ኤንታን ጊላቴላ፣ ኢታቴላ፣ ዩቁይ፣ ጌይይ፣ ቃናቴይ፣ ሽምጋ ዎዲይ፣ ፓላሚ፣ ጨዋይኔ ኢታ አዎይ ኩሚስ። ኤንቲ ዜጊሬይሳታ፣ 30 አሳ ሱንላ ኢሴይሳታ፣ ያሳ ኢዲይሳታ፣ ጫይይሳታ፣ አቶሬይሳታ፣ ጨቁቴይሳታ፣ ኢታባ አሳናው ኮይይሳታ ከባንታ አዩሲኔ አዋስ ኪቴቶናይሳታ፣ 31 አኪኮናይሳታ፣ ጫቆ ሚንሴይሳታ፣ ሲቆይ ባይናይሳታ፣ ቃዴይ ባይናይሳታ። 32 ሃይሳታ ሜላ አሴይሳታስ ሃይቆይ ቤሴስ ጊያ ያሳ ሂጊያ ኤሪሾ፣ ሃይሳታ አሶሶና። ኤንቲ ባንታው አሶ ሃላላ ጊዶናሺን አሲያ ሃራታካ ናሾሶና።

2

ያሳ ሂሎ ፕርዳ

1 ሄሳ ጊሾ፣ ኔኖ ሃራታ ቦላ ፕርዴይሶ፣ ኔኔ ጋሶያባይ ባዋ። ኔኔ ሃራታ ቦላ ፕርዳሼ፣ ሄ ኔኔ ፕርዲያ ኡራ ሜላ አሲኮ፣ ኔ፣ ኔ ቦላ ፕርዳሳ።

2 ሄሳ ሜላ አሶ አሴይሳታ ቦላ ያሳይ ሂሎ ፕርዳ ፕርዴይሳ ጉ ኤሮስ። 3 ኔኖ፣ ሄሳ ሜላ አሶ አሴይሳታ ቦላ ፕርዴይሶ፣ ኤንቲ አሴይሳ ሜላ አሴይሶ፣ ኔኔ ያሳ ፕርዳፌ አታናባ ዳኒ? 4 ዎይኮ ያሳ ኪሃቴላ፣ ጌንጫኔ ዳንዳዳ ዳርቴላ ካዳዩ? ያሳይ ኔው ኪሃዳይ ኔና ናጋራፕ ዛራናው ጊዴይሳ ኤሪኪዩ?

5 ሺን ሂንቴው ሹቻ ዎዛኔ ሲያና ሃይላ ዴዴስ። ሄሳ ጊሾ፣ ያሳ ሃንቆይኔ ሂሎ ፕርዳይ ቆንጨያ ጋላስ፣ ኔ ቦላ ፕርዳይ ዳራና ሜላ አሳሳ። 6 ያሳይ ኢሱዋስ ኢሱዋስ ኢያ አሱዋ ሜላ ኢማና። 7 ሎዎ አሶን ሚኒዲ፣ ጋላታ፣ ቦንቾኔ ዳዮና ዴዑዋ ኮይይሳታስ ያሳይ ሜሪና ዴዑዋ ኢማና። 8 ሺን ባንታና ሲቆይሳታ፣ ቱማ ኢዲይሳታኔ ኢታባ አሳናው ኮይይሳታ ቦላ ያሳ ሃንቆይኔ ፕርዳይ ያና። 9 ኢታባ አሲያ አሳ ኡባ፣ ኮይርቲዲ አይሁዴታ፣ ካሊዲ አይሁዴ ጊዶና አሳ ሜቶይኔ ዋይይ ጋካና። 10 ሺን ያሳይ ሎዎ አሶ አሲያ ኡባስ፣ ኮይርቲዲ አይሁዴታስ፣ ካሊዲ አይሁዴ ጊዶናይሳታስ ጋላታ፣ ቦንቾኔ ሳርቴላ ኢማና። 11 ያሳይ ሶምዎ ቤዲዲ አሴ ሻኪና።

12 ሂጊይ ባይና ናጋራ አሲዳ ኡባይ ሂጊይ ባይና ዳያና። ሂጊይ ዴዲሺን፣ ናጋራ አሲዳ

ኡባይ ሂጊን ፕርዴይታና። 13 ያሳ ሲንሳን ሂሎይሳቲ ሂጊ ናጌይሳታፕ አቲን ሂጊ ሲሳ ሃላላ ሲዔይሳታ ጊዶኮና። 14 ሂጊይ ባይና አይሁዴ ጊዶና አሳይ ሜዲን ሂጊይ ኪቴይሳ አሶሶና። ኤንታው ሃፌቲዳ ሂጊይ ባይና ኢዲኮካ ኤንቲ ባንታ ዎዛናን ሂጊያ ኤሮሶና። 15 ኤንታ ሃኖታይ፣ ሂጊ ኪታይ ኤንታ ዎዛናን ሃፌቲዳይሳ ቤሴስ። ቃሲ ኤንታ ካሃይ ኤንታ ቦላ ማርካቴስ። ኤንታ ቆፋይ ኢሲ ኢሲ ቶሆ ኤንታና ባላ ጊስ፤ ኢሲ ኢሲ ቶሆ ኤንታና ሊኬ ጊስ። 16 ታ ታማርሲዳ ዎንጊላ ሜላ ያሳይ ዩሱስ ኪሪስቶሳ ባጋራ አሳ ዎዛናን ጌሚዳ ቆፋ ፕርዲያ ዎዴ ሄሲ ኤሬታና።

አይሁዴታኔ ኤንታ ሂጊያ

17 ሺን ኔ ኔና አይሁዴ ጋሳ፤ ሂጊን ዜምጋሳ፤ ያሳን ጨቃሳ። 18 ኔ አሳና ሜላ ያሳይ ኮያባይ አይቤኮ ኤራሳ። ሂጊያ ታማሪዳ ጊሾ ቱማ ጊዲያባ ዶራናው ኤራሳ። 19 ኔኔ ቆቁታ ካሌሴይሳ፣ ቃሲ ዲማን ዴዴይሳታስ ፖዎ ጊዴይሳ ሻካ ኤራሳ። 20 ኔኔ ሂጊያፌ ዴሚዳ ኡራቴሳኒኔ ቱማቴሳን ኤያታ ኤሪሴይሳኔ ዮጋታ ታማርሴይሳ ጊዴይሳ ኤራሳ። 21 ያቲን፣ ኔ ሃራታ ታማርሴይሴ ኔ ኔና አይስ ታማርሲኪ? ኔኔ፣ «ካይሶቶጋ» ጋሼ፣ ኔኔ ኔ ሁዔን ካይሶታዬ? 22 ኔኔ፣ «ላሞፋ» ጋሼ፣ ኔኔ ኔ ሁዔን ላማዬ? ኔኔ ኤቃ ኢግሼ፣ ኤቃይ ዴዲያ ኪሳ ቦንቃዬ? 23 ኔኔ ያሳ ሂጊያን ጨቁታሳ፣ ሺን ሂጊያስ ኪቴቶና ኢዳዳ ያሳ ዩላያይ? 24 ጊሻ ማግፋን፣ «ሂንቴ ጋሶን ያሳ ሱንሳይ አይሁዴ ጊዶና አሳታን ጫይቴስ» ጌቴቲዲ ሃፌቲስ።

25 ኔ ሂጊስ ኪቴቲኮ፣ ኔ ቃግሬቴሳስ ማዴይ ዴዴስ፣ ሺን ኔኔ ሂጊያስ ኪቴቶና ኢዲኮ ኔ ቃግሬቴሳይ ቃግሬቲቦና ሜላ ጊዴስ። 26 አይሁዴ ጊዶና አሲ ቃግሬቶና ዴዲሼ፣ ሂጊያስ ኪቴቲኮ፣ ያሳይ ኢያ ቃግሬቲዳ ሜላ ታይቤኔ? 27 ሂንቴ፣ አይሁዴ አሳቲ፣ ሂንቴው ሃፌቲዳ ሂጊይኔ ቃግሮ ዴዲሺን፣ ሂንቴ ሂጊስ ኪቴቶና ኢዲኮ፣ አይሁዴ ጊዶና አሳይ ቃግሬቶና ኢዲኮካ ሂጊስ ኪቴቲዲ፣ ሂንቴ ቦላ ፕርዳና። \*

28 ሂዛ፣ ሱንሳን አይሁዴ ጊዲዳ ኡባይ ቱማ አይሁዴ ጊዴና። ቃሲ ካሬ አሳቴላ ቃግሮ ቱማ ቃግሮ ጊዴና። 29 ሺን ቱማ አይሁዴቴላ ጋሳ ባጋን አይሁዴ ጊዴይሳ። ቱማ ቃግሬቴላ ያሳ አያናን አሴቲያ ዎዛና ቃግሬቴሳፌ አቲን ሃፌቲዳ ሂጊያን አሴቲያ አሳቴላ ቃግሮ ጊዴና። ሄ ኡራይ ጋላታ ያሳፌ ኤኪሴፕ አቲን አሳፕ ጊዴና።

3

አይሁዴታ አማኖና ኢያ

1 ያቲን፣ አይሁዴ ጊዶን አይ ዱማቴላ ዴዲ? ዎይኮ ቃግሬቴሳን አይ ማዴይ ዴዲ? 2 ቱማካ አይሁዴ ጊዶይ ዳር አጌራ ማዴስ። ኡባፌ ሲንሴ ያሳይ ባ ቃላ ሃዳራ አይሁዴታስ ኢሚስ።

3 ያቲን፣ ኤንታፌ ኢሶቲ ኢሶቲ ቃላ አማኖና ኢዲኮ፣ ኤንታ ኢይይ ያሳ አማኔቴላ ዲጊዬ? 4 ዲጊና! አሳ ኡባይ ዎርዳንቾ ጊዲኮካ ያሳይ ቱማ ጊዶ። ጊሻ ማግፋን፣

«ኔ ቃላን ኔ ሂላሳ፤ ኔና ሞቴይሳ ፕርዳን ላሳሳ»

2:1 ማቶ 7:1፤ ሉቃ 6:37    2:6 ማገ 62:12፤ ሌሚ 24:12    2:11 ዛሬ 10:17    2:24 ኢሳ 52:5    \* 2:27 ሂንቴ ቦላ ፕርዳና፣ ኤንታ ሃኖታይ ዎይኮ ኤንታ ኪቴቴሳይ ሂንቴ ቦላ ፕርዳና።    2:29 ዛሬ 30:6    3:4 ማገ 51:4

ጌቴቴዲ ገፌቴስ።

5 ያቴን፣ ኑ ናጋራይ ያሳይ ጊሎ ጊዴይሳ ቤሲያባ ጊዲኮ፣ ኑ ወይጋኔ? ያሳይ ኑ ናጋራ ጊሾ ኑ ቦላ ፐርዲኮ፣ ሊኬ ጊዴኔዮ? ሃይሳ ታኒ አሳ ቆፋሶ ጋይስ። 6 ሄሲ ኡባራካ ሃኔና። ሄሳዳ ሃኒኮ፣ ያሳይ ሃ አላጊያ ቦላ ዋቲ ፐርዳኔ?

7 ሺን ታ ወርዶቴሳይ ያሳ ቱማ ቆንጨሲዲ፣ ኢያ ቦንቹዋ ዳርሲ ቤሲያባ ጊዲኮ፣ ያቴን፣ አይስ ታ ቦላ ናጋራንቶጃ ፐርዴቴ? 8 ኢሲ ኢሲ አሳይ፣ «ሎይይ ያና ሜላ ኢታ አሶስ» ያጊዲ ታማርሲያዳ አሲዲ ታና ሞቶሶና። ሄሳ ሜላ አሳ ቦላ ያ ያሳ ፐርዳይ ሊኬ።

**አሲ ኡባይ ናጋራንቶ**

9 ያቴን፣ ኑኒ ወይጋኔ? ኑ አይሁዴቴ፣ አይሁዴ ጊዶናይሳታፕ አዶናዮ? ጊዴና! አይሁዴ ጊዲን፣ አይሁዴ ጊዶና ኢዲን ኡባይ ናጋራንቶ ጊዴይሳ ታኒ ካሴታዳ ሂንቴው አዳስ።

10 ጊሻ ማግፋን፣

«ጊሎ አሲ አሶይካ ባዋ።

11 አኬኪያ አሲ ባዋ፣

ያሳ ኮያ አኒካ ባዋ።

12 አሳ ኡባይ ያሳስ ዞኮ ዛሪዶሶና፤

ኡባይ ኢሲፌ ፓሶናባ ጊዲዶሶና።

ሎዶ አሲያ አኒካ ባዋ፤

ኢሲ አሲካ ባዋ።

13 ኤንታ ዶናፕ ኬያ ቃላይ፣

ዶዩቲዳ ዱፎፕ ኬያ ጊንቆ ሜላ፤

ባንታ ኢንግርሳን ጨሞሶና።

ኤንታ ዶናፕ አሴ ወዲያ፣

ሾሻ ማርዜይ ኬዮስ።

14 ኤንታ ዶናን ጫሞ አዳይኔ ባዴሲ ኩሚስ።

15 ኤንቲ ሱሴ ጉሳናው ኤሌሶሶና።

16 ኤንታ አጊያን ዳዮይኔ ቆሆይ ዴዔስ።

17 ኤንቲ ሳሮቴሳ አጊያ ኤሮኮና።

18 ባንታ ዴቦዋን ያሳስ ያዮኮና»

ጌቴቴዲ ገፌቴስ።

19 አሴ ኡባ ዶና አይሳናውኔ ኩሜሳ አላጊያ ያሳ ፐርዳፌ ጋርሳን ሺሻናው፣ ሂይይ ኢሜቴዳይ ሂይፌ ጋርሳን አቆይሳታስ ጊዴይሳ ኑ ኤሮስ።

20 ሄሳ ጊሾ፣ አኒካ ሂይስ ኪቴቴዲ ያሳ ሲንሳን ጊሳናው ዳንዳዔና። ሂይይ አሲ ኡባይ ናጋራንቶ ጊዴይሳ ቤሴስ።

**ጊሎቴሳ አማና**

21 ሺን ሃዲ ያሳይ አሲ ሂይይ ባይናሺን ጊሊያ አጌ ቆንጨሲስ። ሄ አጊያ ሙሴ ሂይይኔ ናቤቲ ማርካቲዶሶና። 22 ሃ ጊሎቴሳ፣ ያሳይ ዮሱስ ኪሪስቶሳ ባጋራ አሳ ኡባስ ሻኮይ ባይና ኢሜስ።

23 አሳ ኡባይ ናጋራ አሲዶሶና፤ ያሳይ ኤንታው ኢሚዳ ቦንቹዋፌ ሃኪዲ አቲዶሶና።

24 ሺን ኤንቲ ያሳ አዶ ኬሃቴሳን፣ ወዚያ ኪሪስቶስ ዮሱሳ ባጋራ ጮ ጊሊዶሶና። 25 ያሳይ ዮሱስ ኪሪስቶሳ ያርሾ አሲዲ ኢሚዳይ፣ ኢያ አማኒያ ኡባይ ኢያ ሱሳን ናጋራ ማሮቴሳ ዴማና ሜላሳ። ያሳይ ሄሳ አሲዳይ ባ ዳንዳዎን ካሴ ናጋራ ታይቦና አጊዲ፣ ባ ጊሎቴሳ ቤሳናሳ። 26 ሃዲ ወዲያን ዮሱሳ አማኒያ ኡባ ጊሊሲዲ፣ ያሳይ ባ ሁዔን ጊሎ ጊዴይሳ ቤሴስ።

27 ያቴን፣ ኑ ጨቁቲያባይ አይቤ ዴዒ? አይቤካ ባዋ። ኑኒ ጨቁቲይ ሂይስ ኪቴቴያ ጊሾዮ? አካይ! አማና ጊሾሳ። 28 ያሳይ አሴ ጊሊሴይ አማናፕ አቲን ሂይስ ኪቴቴሳን ጊዶናይሳ ኑ አኬኮስ።

29 ወይኮ ያሳይ አይሁዴታ ገላላ ያሴዮ? አይሁዴ ጊዶናይሳታስ ያሴ ጊዴኔዮ? ቱማ፣ አይሁዴ ጊዶናይሳታስካ ኢ ያሴ። 30 ያሳይ ኢሶ፤ አይሁዴታኔ አይሁዴ ጊዶናይሳታ አማናን ጊሊሴይ ኢያ። 31 ያቴን፣ ኑኒ ሂይያ አማና ጊሾ ሻሮስ ጉሴዮ? ጊዴና! ሂይያ ሚንሶሲፕ አቲን።

**4**

**አብራሃሜይ አማናን ጊሊስ**

1 ያቴን፣ ኑ ማይዛይ አብራሃሜይ አይ ዴሚዴ? 2 አብራሃሜይ አሶን ጊሊዳባ ጊዲያኮ፣ ኢ ጨቁቲያባይ ዴዔስ፣ ጊዶሺን፣ ያሳ ሲንሳን ጨቁታናው ዳንዳዔና። 3 ጊሻ ማግፋይ፣ «አብራሃሜይ ያሳ አማኒስ፤ ያሳይ ሄሳ ኢያው ጊሎቴሳ አሲዲ ኤኪስ» ያጌስ።

4 አሲያ ኡራይ ኤኪያ ዳሞዜይ፣ ኢያ አሶ ወልቃስ ጨጌቲያ ጋቴፕ አቲን ኢያው ኢሞታ ጊዴና። 5 ሺን አሶ አሶና አኒካ ናጋራንቹዋ ጊሊሲያ ያሳ አማኒኮ፣ ኢያ አማናይ ኢያው ጊሎቴሳ ጊዲዲ ታይቤቴስ። 6 ጊሻ ማግፋን ዳዊቲይ፣ አሶይ ባይና ያሳይ ጊሊሲያ አሳቲ አይ ሜላ አንጄቲዳኮ ሃይሳዳ ያጊዲ ቆንጨሴስ።

7 «ኤንታ ባላይ አቶ ጌቴቴዳይሳቲኔ ኤንታ ናጋራይ ካሜቴዳይሳቲ አንጄቲዳይሳታ።

8 ጎዳይ ኢያ ናጋራ ታይቦና አሲ አንጄቲዳይሳ» ያጌስ።

9 ያቴን፣ ዳዊቲይ አዲዳ አንጄይ ቃግሬቲዳ አሳ ገላላሴዮ? ወይኮ ቃግሬቲቦና አሳሴ? ኑኒ፣ «ጊሻ ማግፋይ፣ «አብራሃሜይ ያሳ አማኒስ፤ ያሳይ ሄሳ ኢያው ጊሎቴሳ አሲዲ ኤኪስ» ያጌስ» ጊዳ። 10 ያቴን፣ ሄሲ አዉዴ ሃኒዴ? አብራሃሜይ ቃግሬቲኔዮ? ወይኮ ቃግሬቶና ዴዒሺኔ? ቃግሬታናፕ ሲንሴ ሃኒሲፕ አቲን ጉዮ ጊዴና።

11 አብራሃሜይ ቃግሬታናፕ ሲንሴ ኢያ አማናይ ኢያው ጊሎቴሳ ጊዲዲ ታይቤቴዳይሳ ኤሪሳናው፣ ኢያ ቃግርይ ማላታ ጊዲስ። ሄሳ ጊሾ፣ አብራሃሜይ ቃግሬቶና አማኒይሳታሲኔ አማናን ጊሴይሳታ ኡባስ አዋ ጊዲስ። 12 ኢ ቃግሬቲዳይሳታስካ አዋ። አብራሃሜይ ኤንታው አዋ ጊዲዳይ ኤንቲ ቃግሬቲዳ ጊሾ ገላላስ ጊዶናሺን ኢ ቃግሬታናፕ ሲንሴ አማኒዳ አማኑዋ ኤንቲ ካሊዳ ጊሾሳ።

**ያሳ ኡፋይሳይ አማናን ኤኬቴስ**

13 አብራሃሜሲኔ ኢያ ሺሻስ፣ «አላጊያ ታ ሂንቴው ኢማና» ያጊዳ ኡፋይሳይ፣ አብራሃሜይ አማናን ጊሊዳ ጊሾሳፌ አቲን ሂይ ናጊዲ ፖሊዳ ጊሾ ጊዴና። 14 ሂይስ ኪቴቴዳይሳቲ ያሳይ ኢማና ጊዳ ኡፋይሳ ሳታኤይሳታ ጊዲኮ፣ አሳ አማናይ ማዴና፤ ያሳ ኡፋይሳይካ ሃዳ ጊዲስ።

3:10 ማዘ 14:1-3፤ 53:1-3 3:13 ማዘ 5:9፤ 140:3 3:14 ማዘ 10:7 3:15 ኢሳ 59:7-8 3:18 ማዘ 36:1 3:20 ማዘ 143:2፤ ጋላ 2:16 3:30 ዛሬ 6:4፤ ጋላ 3:20 4:3 ሜዴ 15:6፤ ጋላ 3:6 4:7 ማዘ 32:1-2 4:11 ሜዴ 17:10 4:13 ሜዴ 17:4-6፤ 22:17-18፤ ጋላ 3:29 4:14 ጋላ 3:18

15 ሂይ ሜንሶይ ያሳ ሃንቆ ኤሄስ፣ ሺን ሂይይ ባይናሶን ሂይ ሜንሶይ ባዋ።

16 ሄሳ ጊሾ፣ ያሳይ ኢሚዳ ኡፋይሳይ አማኖን ኤኬቱስ። ሃ ኡፋይሳይ አብራሃሜ ሺሻ ኡባስ ያሳ አዶ ኬሃቴሳ ባጋራ ኢሜቲዳይሳ ቆንጨሴስ። ሄሲካ ሂይ ናይይሳታ ሃላላስ ጊዶናሺን አብራሃሜዳ አማኒዳ ኡባሳ። አብራሃሜይ ኑ ኡባስ አዋ። 17 ጊሻ ማፃፋን፣ «ታ ኔና ዳሮ ካዎቴሳታስ አዋ አላስ» ጊቴቲዲ አብራሃሜ ጊሾ ሃፌቲስ። ሃ ኡፋይሳይ አብራሃሜስ ኢሜቲዳይ ሃይቂዳይሳታስ ዴዎ ኢሜይሲኔ ኦራሳሳ አሲያ ያሳይ ኢያ ጊዴይሳ ኢ አማኒዳ ጊሾሳ።

18 ያሳይ አብራሃሜስ ዳሮ ዜሬሲ ኢማናይሳ ጫቂስ። ኡፋይሲ አላናው አይኮካ ዳንዳዔቶና ዎዴ አብራሃሜይ ያሳን አማኒዳ ጊሾኔ ኡፋይሲ አሲዳ ጊሾ ዳሮ ካዎቴሳታስ አዋ ጊዲስ።

19 አብራሃሜስ ዪቱ ላይሲ ኩማና ሃንኮካ፣ ባ ዳቡሪዳ አሳቴሳኔ ሳራ ናዓ ዩላናው ዳንዳዎናይሳ ኤሪሼ ባ አማኑዋን ዳቡሪቤና።

20 ጊዶሺን፣ ኢ ባ አማኑዋን ሚኒዲ ያሳስ ቦንቾ ኢሚስ፤ አቲን ያሳይ ኢሚዳ ኡፋይሳ አማኖና ኢዲዲ፣ ሲዲቤና። 21 አብራሃሜይ፣ ያሳይ ጫቂዳ ጫቂዋ ፖላናይሳ ባ ኩሜሳ ዎዛናን አማኒስ። 22 ሄሳ ጊሾ፣ ያሳይ ኢያ አማኑዋ ሂሎቴሳን ታይቢስ።

23 ሺን፣ «ኢያው ሂሎቴሳን ታይቢስ» ጊያ ቃላይ አብራሃሜ ሃላላስ ሃፌቲቤና። 24 ሄ ቃላይ ኑ ጎዳ ዩሱሳ ሃይቆፔ ዴንሲዳ ያሳ አማኒያ ኑስካ ኑ አማኖይ ሂሎቴሳን ታይቢታና ሚላ ሃፌቲስ።

25 ያሳይ ኢያ ኑ ናጋራ ጊሾ ሃይቆስ አሲዲ ኢሚስ፤ ኢ ኑና ሂሊሳናው ሃይቆፔ ዴንዲስ።

5

ያሳን ዴዲያ ሳሮቴሳ

1 ሂዛ፣ ኑ አማኖን ሂሊዳ ጊሾ ኑ ጎዳ ዩሱስ ኪሪስቶሳ ባጋራ ያሳራ ኑስ ሳሮቴሳ ዴዲስ። 2 ኑኒ ኢያ ባጋራ ሃዲ ኑ ኤቂዳ አዶ ኬሃቴሳ ጊዶ አማኖን ጌሊዳ። ሄሳ ጊሾ፣ ኑ ያሳ ቦንቾዋ ሻኬታናው ዴዲያ ኡፋይሳን ጩቁቶስ።

3 ሄሳ ሃላላ ጊዶናሺን ሜቶይ ዳንዳዓ ኤሄይሳ ኑ ኤሪያ ጊሾ ኑ ሜቱዋንካ ጩቁቶስ። 4 ቃሲ ዳንዳዓይ ጊንጫ፣ ጊንጫይ ኡፋይሲ ኢሜይሳ ኑ ኤሮስ። 5 ኑስ ኢሚዳ ጊሻ አያና ባጋራ ያሳይ ባ ሲቁዋ ኑ ዎዛናን ጉሲዳ ጊሾ ሄ ኡፋይሳይ ኑና ዩላዩና።

6 ኑኒ ቡሮ ዳቡራንቾታ ጊዲዲ ዴዲሺን፣ ያሳ ዎዴይ ጋኪን፣ ኪሪስቶሲ ናጋራንቾታ ጊሾ ሃይቂስ። 7 ሂሎ አሳ ጊሾ ሃይቃና አሲ ዴማናይሲ ዳሮ ሜቶ፣ ሺን ኬሃ አሳ ጊሾ ሃይቃና አሲ ኦኒ ኤሪ ቤንቶና አጊና። 8 ሺን ኑኒ ቡሮ ናጋራንቾ ጊዲዲ ዴዲሺን፣ ኪሪስቶሲ ኑ ጊሾ ሃይቂስ። ሄሲ ያሳይ ኑና አይ ሚላ ሲቁዎኮ ኢያ ሲቁዋ ቤሴስ። 9 ሂዛ፣ ኑኒ ኪሪስቶሳ ቡሳን ሂሊዳባ ጊዲኮ፣ ኡባሬ አሲዲ ኢያ ባጋራ ያሳ ሃንቁዋሬ አታና። 10 ኑኒ ያሳራ ካሴ ዋርኬ፣ ሺን ኢያ ናዓ ሃይቁዋን ኢያራ ሲጌቲዳ፣ ሄሳሬ አሲዲ፣ ሃዲ ኑኒ ያሳራ ሲጌቲዳ፣ ጉዩ ኢያ ናዓ ዴቡዋ ጋሶን ኑኒ አታና። 11 ሄሳ ሃላላ ጊዶናሺን ሃዲ ኑና ያሳራ

ሲጌሲዳ ኑ ጎዳ ዩሱስ ኪሪስቶሳ ባጋራ ኑ ያሳን ጩቁቶስ።

አዳሜኔ ኪሪስቶሳ

12 አዳሜ ባጋራ ናጋሪ ሃ አላሚያ ጌሊስ። ሄ ናጋራ ባጋራ ሃይቆይ ዩስ። አሲ ኡባይ ናጋራ አሲዳ ጊሾ ሃይቆይ አሳ ዛሬ ኡባ ጋኪስ። 13 ሂይይ ኢሜታናፔ ሲንሴ አላሜን ናጋሪ ዴዲስ፣ ሺን ሂይይ ባይና ዎዴ ናጋሪ ናጋራ ጊዲዲ ታይቤቴና። 14 ሺን አዳሜፔ ሙሴ ጋካናው ሃይቆይ አሳ ኡባ ሃሪስ። ሃሪ አቶሺን፣ አዳሜዳ ሂጌስ ኪቴቶና ኢዲዲ፣ ናጋራ አሲባናይሳታ ቦላካ ሃይቆይ ካዎቲስ።

አዳሜይ ያና ዩሱሳስ ለሚሶ። 15 ሺን ያሳ አዶ ኬሃቴሳይ አዳሜ ናጋራ ሚላ ጊዴና። ኢሲ አሳ ናጋራ ባጋራ ዳሮ አሳይ ሃይቂስ። ሺን ዩሱስ ኪሪስቶሳ ባጋራ ያሳ አዶ ኬሃቴሳይ አሳ ኡባስ ዳሪዲ ኢሜቲስ። 16 አዳሜ ናጋራ ጊዶኒኔ ያሳ ኢዋታ ጊዶን ዳሮ ዱማቴሲ ዴዲስ። ኢሲ አሳ ናጋራ ጋሶን ያሳይ ኢያ ቦላ ፐርዲስ። ሺን አሳይ ዳሮ ናጋራ አሲንካ ያሳ አዶ ኬሃቴሳይ ሂሎቴሳ ኤሂስ። 17 ኢሲ አሳ ናጋራ ጋሶን ሃይቆይ አሳ ኡባ ቦላ ካዎቲስ። ሺን ዩሱስ ኪሪስቶሳ ባጋራ ያሳ አዶ ኬሃቴሳይ ሂሎቴሳ ኢዋታ ኤኪያ ኡባይ፣ ያሮ ዴዎን ዴዎሶና።

18 ሂዛ፣ ኢሲ አሲ ናጋራ አሲዳ ጋሶን አሳ ኡባ ቦላ ፐርዲ ዩዳይሳዳ ኢሲ አሲ ሂሎ አሲዳ ጋሶን፣ ያሳይ አሴ ኡባ ሂሊሲዲ ኤንታው ዴዎ ኢሜስ። 19 ኢሲ አሲ ኪቴቶና ኢዲዳ ጋሶን፣ ዳሮ አሳይ ናጋራንቾ ጊዲዳይሳዳ ኢሲ አሳ ኪቴቴሳን ዳሮ አሳይ ሂላና።

20 አሳይ ናጋራ ዎልቃ ኡራና ሚላ ሂይይ ዩስ፣ ሺን ናጋራ ዎልቃይ ዳሪዳ ዎዴ ያሳ አዶ ኬሃቴሳይ አዲዲ ዳሪስ። 21 ናጋሪ ሃይቆ ዎልቃን ካዎቲዳይሳ ሚላ ያሳ አዶ ኬሃቴሳይ ሂሎቴሳ ዎልቃን ካዎቲዲ፣ ኑ ጎዳ ዩሱስ ኪሪስቶሳ ባጋራ ኑና ሜሪና ዴቡዋኮ ካሌሴስ።

6

ናጋራስ ሃይቂዲ ኪሪስቶሳን ዴዎ

1 ያቲን፣ ኑኒ ዎይጋኔ? ያሳ አዶ ኬሃቴሳይ ዳራና ሚላ ናጋራን ሚኒዲ ዴዲያ? 2 አካይ፣ ኑኒ ናጋራስ ሃይቂዳባ ጊዲኮ፣ ያቲን፣ ኑኒ ሂዛፔ ዋኒዲ ናጋራን ዳኔ? 3 ኑ ኡባይ ኪሪስቶስ ዩሱሳራ ኢሲፋናው ሃማቂቲዳ ዎዴ ኢያ ሃይቁዋን ኢያራ ኢሲፋናው ሃማቂቲዳይሳ ኤሪኬቲዩ? 4 ኑ ሃማቂቲዳ ዎዴ ኪሪስቶሳራ ሃይቂዳኔ ዋጌቲዳ። ኪሪስቶሲ ያሳ አዋ ቦንቾ ዎልቃን ሃይቆፔ ዴንዲዳይሳ ሚላ ኑካ ኦራሳ ዴዎን ዳና።

5 ኑ ኢያ ሃይቁዋን ኢያራ ኢሲኖ ጊዲኮ፣ ሄሳዳካ፣ ኢያ ዴንዱዋን ኢያራ ኢሲኖ ጊዳና። 6 ኑ ሂዛፔ ናጋራስ አይሌ ጊዶና ሚላኔ ኑ ናጋራንቾ አሳቴሳ ዎልቃይ ዳያና ሚላ ኑ ጨማ አሳቴሳይ ኪሪስቶሳራ ካቂቲዳይሳ ኤሮስ። 7 ኢሲ አሲ ኪሪስቶሳን ሃይቂዳባ ጊዲኮ፣ ኢ ናጋራ ዎልቃሬ ላዓ ኬዩስ። 8 ኑኒ ኪሪስቶሳራ ሃይቂኮ፣ ኢያራ ዴዎን ዳናይሳ አማኖስ። 9 ኪሪስቶሲ ሃይቆፔ ዴንዲዳ ጊሾ ዛሬ ኢ ሃይቆናይሳኔ ሃይቆይ ሲንሳሬ ኢያ ሃርናይሳ ኑ ኤሮስ። 10 ኢ ሃይቂዳ ዎዴ ናጋራስ ኢሲ ቶሆ ወርሴሲ

4:16 ጋላ 3:7 4:17 ሜዴ 17:5 4:18 ሜዴ 15:5 4:19 ሜዴ 17:17 4:25 ኢሳ 53:4-5 5:12 ሜዴ 3:6 6:4 ቆላ 2:12



ጋካናው ሃይቂስ፤ ሺን ሃላ ዴዎን ያሳስ ዴዴስ።  
11 ሄሳዳካ፤ ሂንቴ ናጋራስ ሃይቂዲ፤ ጎዳ ኪሪስቶስ ዩሱሳ ባጋራ ያሳስ ዴዎን ዴዴይሳ ቆፒቴ።

12 ሄሳ ጊሾ፤ ሂንቴ፤ ሂንቴ አሳቴሳ አሙዋስ ኪቴቶና ሜላ ሃይቂያ ሂንቴ አሳቴሳ ናጋሪ ሃርፖ።

13 ቃሲ ሂንቴ አሳቴሳ ናጋራ አሳናው ጌላቴሳ ሚሼ አሲዲ ኢዋፊቴ። ሺን ሂንቴ ሃይቆፕ ዴንዲዲ፤ ዴዎን ዴዲያ አሳዳ ሂንቴ አሳቴሳ ያሳስ ኢሚቴ። ቃሲ ሂንቴ ኩሜሳ አሳቴሳ ሂሎ አሶ አሳናው ያሳስ አሲ ኢሚቴ። 14 ሂንቴ ያሳ አጅ ኬሃቴሳ ጋርሳን ዴዴታፕ አቴን ሂንጌ ጋርሳን ዴዎና ጊሾ ናጋሪ ሂንቴና ሃራናው ቤሴና።

**ጊሎቴሳ አይሌ**

15 ያቴን፤ ኑ ዎይጋኔ? ሂንጌ ጋርሳን ጊደናሺን ያሳ አጅ ኬሃቴሳ ጋርሳን ዴዲያ ጊሾ ናጋራ አሳኔዬ? አካይ! 16 ሂንቴ ኢሲ አሳስ ኪቴታናው ሂንቴና አይሌ አሲዲ ኢሚያ ዎዴ ሄ ሂንቴ ኪቴቲይሳስ አይሌ ጊዴይሳ ኤሬታ። ሄሳዳካ፤ ሂንቴ ናጋራስ ኪቴቲኮ፤ ሂንቴው ሃይቆ ኤሂያ ናጋራስ አይሌ ጊዴታ። ዎይኮ ሂንቴ ያሳስ ኪቴቲኮ ሂሎቴሳ ኤሂያ ያሳስ አይሌ ጊዴታ።

17 ካሴ ሂንቴ ናጋራስ አይሌ፤ ሺን ሃላ ሂንቴ ኤኪዳ ቱማ ቲሚርቲያስ ኩሜሳ ዎዛናፕ ኪቴቲዳ ጊሾ ያሳስ ጋላቲ ጊደ። 18 ሂንቴ ናጋራ አይሌቴሳ ቃሾፕ ቤሌቲዲ ጊሎቴሳ አይሌ ጊዲዴታ።

19 ሂንቴ ሂንቴ ቆፋን ዳቡራንቾ ጊዲያ ጊሾ ታኒ አዴስካ ጌሊያ አጌን አዳይስ። ካሴ ሂንቴ፤ ሂንቴ አሳቴሳ ቱናኔ ኢታባ አሳናው አይሌ አሲዲ ኢሚዳይሳ ሜላ ሃላ ሂንቴ አሳቴሳ ጌሺ ጊዳና ሜላ ጊሎቴሳ አይሌ አሲዲ ኢሚቴ።

20 ሂንቴ ናጋራስ አይሌቲዲ ዴዲያ ዎዴ ጊሎቴሳስ ሃራቴኪታ። 21 ሂንቴና ሃላ ዩላያ ቤኒ ሂንቴ ኢታ አሱዋፕ አይ ማዴ ዴሚዴቲ? ሄ አሶታ ዉርሴሳይ ሃይቆ። 22 ሺን ሂንቴ ናጋራ አይሌቴሳ ቃሾፕ ቤሌቲዲ፤ ያሳስ አይሌ ጊዲዴታ። ሄሲ ሂንቴና ጌሺ አሲዲ ሜሪና ዴዎዋኮ ካሌሴስ። 23 ናጋራ ጋቴይ ሃይቆ። ሺን ያሳይ፤ ኑ ጎዳ ኪሪስቶስ ዩሱሳ ባጋራ ኢሚያ ኢዋታይ ሜሪና ዴዎ።

**7**

**ኤኮ ጌሎ ሌሚሶ**

1 ታ ኢሻቶ፤ ታኒ አዴይ ሂን ኤሪያ አሳታሳ። ሂንጌ ኢሲ አሲ ፓዓ ዴዲያ ዎዴ ኡባን ኢያ ሃራስ። 2 ሌሚሶስ፤ አዚና ጌሊዳ ማጫሲያ ኢ አዚናይ ፓዓ ዴዲያ ዎዴ ሂንጌ ኢያራ ቃሼታሱ። ሺን ኢ አዚናይ ሃይቂኮ ኢያራ ኢያ ጫቂዳ ጫቆይ ኢዮ ሃራና። 3 ሄሳ ጊሾ፤ ኢያ ባ አዚናይ ፓዓ ዴዲያሺን፤ ሃራ አዴ ጌሊኮ፤ ኢያ ላሚዳሮ ጌቲታዉሱ። ሺን ኢ አዚናይ ሃይቂኮ፤ ጫቆይ ኢዮ ሃርና ጊሾ ኢያ ሃራ አዚና ጌሊኮ፤ ኢያ ላሚዳሮ ጌቲቲ።

4 ሄሳ ጊሾ፤ ታ ኢሻቶ፤ ሂንቴ ኪሪስቶሳ አሳቴሳ ባጋራ ሂን ዎልቃስ ሃይቂዲ፤ ያሳስ አይፌ አይፋናው ሃይቆፕ ዴንዲዳ ኪሪስቶሳስ ጊዲዴታ። 5 ኑ አሾ አዋይ ኑና ሃሪን፤ ኑ ዴዲያ ዎዴ ሂንጌ ጉጂ ናጋራ አሳና ሜላ ኑና ዴንጌሴስ። ኑ አሳቴሳ ጊደን ኢታ አዋቴሳ ዴዲያ ጊሾ ኑኒ ሃይቆ አይፌ አይፋና ሜላ አሲስ። 6 ሺን ሃላ

ኑኒ ኑና ቃሾዳ ሂንጌ ሃይቂዳ ጊሾ ኑኒ ሂን ቃሾፕ ቤሌቲዳ። ሄሳ ጊሾ፤ ጌሻ አያና አጌን ያሳስ ኪቴቶሲፕ አቴን ገፌቲዳ ጫማ ሂንጌስ ኪቴቶኮ።

**ሂንጌ ናጋራ**

7 ያቴን፤ ኑኒ ዎይጋኔ? ሂንጌ ባ ሁዴን ናጋራ? ጊዴና! ሺን ሂንጌ ናጋሪ አይቤኮ ታና ኤሪሲስ። ሂንጌ፤ «አዋቶፋ» ጎናኮ፤ አዋቴሳ አይቤኮ ታኒ ኤሪኬ። 8 ሺን ታ ኡባባ አዋታና ሜላ ናጋሪ ሂን ባጋራ ታናን አጌ ዴሚስ። ሂንጌ ባይኔኮ ናጋሪ ሃይቂዳይሳ።

9 ካሴ ሂንጌ ባይና ዎዴ ታ ፓዓ፤ ሺን ሂንጌ ኢሜቲዳ ዎዴ ናጋሪ ፓዒን ታ ቃሲ ሃይቃስ። 10 ታኒ ዴዎን ዳና ሜላ ያሳይ ኢሚዳ ሂንጌ ታው ሃይቆ ኤሂስ። 11 ናጋሪ ሂን ባጋራ ታና ጫሚያ አጌ ዴሚዲ፤ ዎዲስ።

12 ሄሳ ጊሾ፤ ሂንጌ ጌሺ፤ ኢያን ገፌቲዳ ኪታይካ ጌሺ፤ ጊሎኔ ሎዎ።

13 ያቴን፤ ሎዎ ጊዲዳባይ ታ ቦላ ሃይቆ ኤሂዴዬ? ጊዴና! ሺን ናጋሪ ናጋራ ጊዴይሲ ቆንጫና ሜላ ሎዎባን ማዴቲዲ ታው ሃይቆ ኤሂስ። ሄሳ ጊሾ፤ ናጋራ ናጋራቴሳይ ሂን ባጋራ አዲዲ ኤራቲስ።

14 ኑኒ ሂንጌ አያናባ ጊዴይሳ ኤሮስ። ሺን ታኒ ናጋራስ ባይዜቲዳ አሾ አሲ። 15 ታኒ አሲያባ አኪኪኪ፤ ታኒ ዶሲያባ አሳናይሳ አጋዳ ታ ኢሂያባ አሳይስ። 16 ታኒ ኢሂያባ አሲያባ ጊዲኮ፤ ሂንጌ ሎዎ ጊዴይሳ ማዳይስ። 17 ሄሳ ጊዲኮ፤ ሄ አሱዋ ታናን ዴዲያ ናጋራይ አሳይሲፕ አቴን ታ አሲኬ።

18 ታናን፤ ሄሲካ ታ አሾዋን ሎዎባይ ባይናይሳ ኤራይስ። ሎዎባ አሲያ አዋቴሳ ታናን ዴዴስ፤ ሺን ሎዎባ አሳናው ዳንዳዲኬ። 19 ታኒ ኢሂያ ኢታባ አሳይሲፕ አቴን ታ ዶሲያ ሎዎባ አሲኬ። 20 ታኒ ኢሂያባ አሲያባ ጊዲኮ፤ ሄሳ ታናን ዴዲያ ናጋራይ አሴሲፕ አቴን አሴይ ታና ጊዲኬ።

21 ሂዛ፤ ታ ሎዎባ አሳናው ዶሲሺን፤ ኢታባ አሶይ ዎጋ ጊዴይሳ ዴሚስ። 22 ታኒ ታ ዎዛናን ያሳ ሂንጌን ኡፋይታይስ። 23 ሺን ታ አሳቴሳ ጊደን ዴዲያ ታ ቆፋ ሂንጌራ አሌቲያ ዱማ ሂን ቤዳይስ። ሄ ሂንጌ ታ አሳቴሳ ጊደን አሲያ ናጋራ ሂንጌስ ታና አይሌ አሲዲ ኢሚስ። 24 ታኒ ዋንዳ ዩባታ አሴ? ሃይቆስ ኤሬያ ሃ አሳቴሳፌ ታና አሻናይ አኔ? 25 ኑ ጎዳ ዩሱስ ኪሪስቶሳ ባጋራ ታና አሺያ ያሳስ ጋላቲ ጊደ።

ሂዛ፤ ታኒ ታ ቆፋን ያሳ ሂንጌን ሃራታይስ፤ ሺን ታ አሳቴሳን ታና ናጋራ አሲሲያ ሂንጌስ ሃራታይስ።

**8**

**ጌሻ አያናን ዴዎ**

1 ሄሳ ጊሾ፤ ኪሪስቶስ ዩሱሳን ዴዴይሳቲ ሃላ ፒርዴቶኮና። 2 ኪሪስቶስ ዩሱሳ ባጋራ ኑስ ዴዎ ኢሚያ ጌሻ አያና ሂንጌ፤ ታና ናጋራኔ ሃይቆ ሂን አይሌቴሳፌ ኬሲስ። 3 ኑ ናጋራ አሳቴሳ ጋሶን፤ ሂንጌ ዳቡራንቾ ጊዲያ ጊሾ ኑና አሻናው ዳንዳዲቤና። ያሳይ ባ ናዓ ናጋራንቾ አሳ ሌሚሶን ናጋራስ ያርሾ ጊዳና ሜላ ኪቴዲ ሄሳ አሲስ። ያቴዲ፤ ያሳይ ኪሪስቶሳ አሾዋ ባጋራ ናጋራ፤

ናጋራንቸ አሳ ጊደን ፐርዲስ። 4 ሰላይ ሄሳ አሲዳይ፤ ኑ አሾ አሞይ ኮዬይሳዳ ጊደናሺን ጌሻ አያናይ ኮዬይሳዳ ዴዲያ ኑ ቦላ ሂጊያ ያሎ ኪታይ ፖሌታና ሜላሳ።

5 ባንታ አሾ አሙዋ ካሊዲ ዴዲይሳቲ ባንታና ኡፋይሲያባ ቆፖሶና። ሺን ጌሻ አያና ሸኔን ዴዲይሳቲ ጌሻ አያና ኡፋይሲያባ ቆፖሶና። 6 ኑ ቆፋይ አሾ አሞስ ሃሬቲኮ ሃይቆ ኤሄስ። ሺን አያና አሞስ ሃሬቲኮ ዴዲይሳቲ ሳርቴሲ ኤሄስ። 7 አሾ አሞስ ሃሬቲያ አሲ ሰላ ሂጊያስ ኪታታናው ኮዮና ጊሾኔ ኪታታናው ዳንዳዎና ጊሾ ሰላራ ሞርኬ። 8 ባንታ አሾ አሙዋስ ሃሬቲይሳቲ ሰላ ኡፋይሳናው ዳንዳዎና።

9 ሺን ሰላ አያናይ ሂንቴናን ዴዲይሳቲ ሂንቴና ሃሪኮ፤ ሂንቴ አያና ሸኔን ዴዲይሳቲ አቲን ሂንቴ አሾ አሙዋስ ሃሬቲኬታ። ኪሪስቶሳ አያናይ ባይና አኒካ ኪሪስቶሳባ ጊዴና። 10 ሺን ኪሪስቶሳ ሂንቴናን ዴዲይሳቲ፤ ሂንቴ አሳቴሳይ ናጋራ ጋሶን ሃይቂዳይሳ። ሺን ሂንቴ አያናይ ያሎቴሳ ጋሶን ዴዲይሳቲ። 11 ሺን ዩሱሳ ሃይቆፕ ዴዲይሳቲ ሰላ አያናይ ሂንቴናን ዴዲይሳቲ፤ ኪሪስቶሳ ሃይቆፕ ዴዲይሳቲ ሰላይ፤ ሂንቴናን ዴዲይሳቲ ባ ጌሻ አያናን ሃይቂያ ሂንቴ አሳቴሳስ ዴዲይሳቲ።

12 ሂዛ፤ ታ ኢሻቶ፤ ኑኒ ኑ አሾ አሙዋ ካሊዲ ዳናው ቤሴና። 13 ሂንቴ፤ ሂንቴ አሾ አሙዋስ ዴዲይሳቲ ሃይቂያ፤ ሺን ጌሻ አያና ዎልቃን ናጋራ አሱዋ ዎዲኮ ሂንቴ ዴዲይሳቲ ዳና። 14 ሰላ አያናይ ካሌሲያ ኡባይ ሰላ ናይታ። 15 ኑኒ፤ «አባ፤ ታ አሞው» ያጊዲ ያጊያ፤ ሰላ ናይታ አሲያ ጌሻ አያና ኤኪዳፕ አቲን ዛሪዲ ያሻን ዳናው አይሌ አሲያ አያና ኤኪቦኮ። 16 ሰላ አያናይ ኑ አያናይ ጊዲዲ ኑኒ ሰላ ናይታ ጊዴይሳ ማርካቴስ። 17 ኑኒ ኢያ ናይታ ጊዲኮ ሰላ አንጃዋ ላታና፤ ኪሪስቶሳራ ዎላ ሄ አንጃዋ ላታና። ቃሲ ኑኒ ኪሪስቶሳራ ሜቱዋ ኤኪኮ ኢያራ ዎላ ኢያ ቦንቹዋን ሻኬታና።

**ያና ቦንቹዋ**

18 ኑኒ ሃዲ ዋዩቲያ ዋያ፤ ሲንሳፌ ኑስ ቆንጫና ቦንቹዋራ ጋሲ ቤዲኮ፤ ጊኒሳናው ዳንዳዎቴና ጋዳ ቆፓይስ። 19 ሜዴቴሳ ኡባይ ሰላ ናይታ ቆንጫሳ ዳር ላሞቲዲ ናጎሶና። 20 ሜዴቴሳ ኡባይ ሃዳ ጊዲስ፤ ሄሲካ፤ ሜዴቴሳ ዶሮን ጊደናሺን ኡፋይሳን ናጎና ሜላ አሲያ ሰላ ሸኔን ሃኒስ። 21 ሜዴቴሳይ ባ ሁዔን ዳዮ አይሌቴሳፌ ዎዜቲዲ፤ ሰላ ናይታራ ዎላ ቦንቹ ላዓ ሻኬታና። 22 ሜዴቴሳይ ኢሲፌ ሃኖ ጋካናው ሚያይ አይኪዳ ማጫሳዳ አሌኒኔ ኡንዓን ዴዲይሳ ኑ ኤሮስ። 23 ቃሲ ሄሳ ሜዴቴሳ ዓላ ጊደናሺን ጌሻ አያና ባይራ ኢሞታዳ ኤኪዳ ኑኒ፤ ኑ ሁዔን ኑ አሳቴሳስ ዎዞ ጊዲዳ ሰላ ናይታ ጊዳና ኡፋይሳ ናጊሼ ኑ አሳቴሳን አሎስ። 24 ሃ ኡፋይሳን ኑኒ አቲዳ፤ ሺን ኑኒ ኡፋይሲ አሲያባይ ቤንቲያ ጊዲኮ ሄሳ አኒ ኡፋይሲ አሲ? 25 ሺን ኑ ቤዎባ ዴዲይሳ ጊዲ ኡፋይሳን ናጊኮ ሄሳ ዳንዳዎን ናጎና። 26 ሄሳሳ ጌሻ አያና ኑ ዳቡራን ማዴስ፤ ኑኒ ሰላ ዋቲ ዎሻው ቤሲያኮ ኤሮኮ፤ ሺን ጌሻ አያናይ ባ ሁዔን፤ አሲ አዳናው ዳንዳዎቶና ቃላን ኑስ ጋናቴስ። 27 ቃሲ አሳ ዎዛና ኤሪያ ሰላይ ጌሻ

አያና ቆፋይ አይቤኮ ኤሬስ። ጌሻ አያናይ ሰላ ሸኔያዳ ጌሻታስ ጋናቴስ።

28 ሰላ ሲቁይሳታሲኔ ኢያ ሸኔያዳ ያጊቲዳይሳታስ ሰላይ ኡባ ሎዎስ አሌይሳ ኤሮስ። 29 ሰላይ ኮይሮቲዲ ኤሪዳይሳቲ ባ ናዓ ዳናና ሜላኔ ናዓይካ አማኔይሳታ ጊደን ባይራ ጊዳና ሜላ ኤንታ ዱማዩዲ ዎሲስ። 30 ሰላይ ኮይሮቲዲ ዱማዩዳይሳታ ያጊስ፤ ሄ ያጊዳይሳታ ሂሊሲስ፤ ሄ ሂሊሲዳይሳታ ቃሲ ቦንቹስ።

**ሰላ ሲቁዋ**

31 ያቲን፤ ኑ ሃ ኡባስ ዎይጋኔ? ሰላይ ኑ ባጋ ጊዲኮ ኑራ አኔ ኤቁታናይ? 32 ኢ ሃሪ አቶሺን፤ ባ ናዓስ ቃዴቶናሺን፤ ኑ ጊሾ አሲ ኢሚስ። ያቲን፤ ባ ናዓ ኑስ አሲ ኢሚዳይሲ ዋንዲ ኡባባ ሎ ኢሜኔ?

33 ሰላይ ኤንታና ሂሊሲዳ ጊሾ ኢ ዶሪዳይሳታ አኔ ሞታናይ? 34 ያቲን፤ ኤንታ ቦላ ፐርዳናው ዳንዳዎይ አኔ? አኒካ ባዋ። ሃይቆፕ ዴዲይሳ ሰላ ኡሻቻን ኡቲዳ፤ ኪሪስቶስ ዩሱሲ፤ ኢ ኑስ ጋናቴስ።

35 ሂዛ፤ ኑና ኪሪስቶሳ ሲቁዋፕ ሻካናይ አኔ? ዋዩዩ ዎይኮ ሜቶዩ ዎይኮ ጎዴዩ ዎይኮ ኮሼዩ ዎይኮ ካሎቴሴዩ ዎይኮ ያሼዩ ዎይኮ አሌዩ? 36 ጌሻ ማፃፋን፤

«ኑኒ ኔ ጊሾ ጋላሳ ኩሜሳ ሃይቆስ፤ ሹካስ ኤሬያ ዶርሳዳ ታይቤቲዳ»  
ኔቴቲዲ ዓፌቲዳይሳ ሜላ ጊዲስ።

37 ሺን ኑኒ፤ ኑና ሲቁዳ ኪሪስቶሳን ሃ ኡባ ፖሎ ያኖስ።

38 ሄሳ ጊሾ፤ ሃይቆ ጊዲን ዴዲይሳ ኪታንቸታ ጊዲን ሃሬይሳታ ጊዲን ሃዲ ዴዲይሳ ጊዲን ሲንሳፌ ያናይሳ ጊዲን ዎልቃማታ ጊዲን። 39 ሳሎ ዎልቃ ጊዲን ሳዓ ዎልቃ ጊዲን አይ ሜዴቴሲ ጊዲን ኑ ጎዳ፤ ኪሪስቶስ ዩሱሳን ዴዲይሳ ሰላ ሲቁዋፕ ኑና ሻካናው ዳንዳዎናይሳ ታኒ ኤራስ።

**9**

**ኢስራዔሌታ ዶራቴሳ**

1 ታኒ ኪሪስቶሳን ቱማ አዳይስ፤ ዎርዶቲኬ። ጌሻ አያናይ ካሌሲያ ታ ካሃይ ታኒ ዎርዶቶናይሳ ታው ማርካቴስ። 2 ታ ዎዛናን ኢስራዔሌታስ ዳር ቃዴታይሲኔ ቃማ ጋላስ ቆፓይስ። 3 ታኒ፤ ታ ኢሻታ ጊሾ ኪሪስቶሳፕ ሻኬታዳ ሰላ ቃንጊሳፌ ጋርሳን ዴዲይሳ ዶሳይሲሺን። 4 ኤንቲ ኢስራዔሌታ፤ ሰላይ ኤንታ ባ ናይታ አሲስ፤ ባ ቦንቹዋ ኤንታው ቆንጫሲስ። ኤንታራ ጫቂስ፤ ሂጊያ ኤንታው ኢሚስ። ኤንቲ ሰላ ጎይናና ቱማ አጊያ ቤሲስ፤ ሰላይ ኡፋይሳ ቃላ ኤንታው ኢሚስ። 5 ኤንቲ ዩሌቴሳን ማይዛታ ዛሬ፤ ቃሲ ኪሪስቶሲ አሾን ኤንታ ዛሬ ጊዲዲ ዩስ። ኡባፌ ቦላ ጊዲዳ ሰላይ ሜሪናው ጋላቴቶ። አሚንዲ!

6 ጊደሺን፤ ሰላይ ጌሊዳ ቃላይ ፖሎቶና አቲስ ጉሱ ጊዴና፤ ኢስራዔሌ አሳ ኡባይ ሰላ አሲ ጊዶኮና። 7 ቃሲ አብራሃሜ ዛሬ ኡባይ አብራሃሜ ናይታ ጊዶኮና፤ ሰላይ አብራሃሜስ፤ «ኔ ዜሬሳይ ዩሳቃ ባጋራ ያጊታና» ያጊስ። 8 ሄሳ ጉሳይ አሾን ዩሌቲዳ ናይቲ ኡባይ ሰላ ናይታ ጊዶኮና። ሺን

8:11 1ቆሮ 3:16      8:15 ማር 14:36፤ ጋላ 4:6      8:20 ሜዴ 3:17-19      8:23 2ቆሮ 5:2-4      8:36 ማዝ 44:2  
9:4 ኬሳ 4:22      9:7 ሜዴ 21:12

ቱማ ኢስራኤል ናይቲ ያሳይ አብራሃሜስ ጌሊዳ ቃላዳ ዮሌቲዳ ናይታ።<sup>9</sup> ያሳይ ኢማና ጊዲ ጌሊዳ ቃላይ። «ታኒ ዎንቶ ላይሲ ሃኖዴ ያና፤ ሳራካ አዴ ናዓ ዮላና» ያጌይሳ።

<sup>10</sup> ሄሳ ሃላላ ጊደናሺን ኢርቢቂኔ ዮሳቂ ዮሊዳ ሜንቴ አዴ ናይታባ አኬኪቱ።<sup>11</sup> ኤንቲ ዮሌታናፕ ዎይኮ ኢታ ዎይኮ ሎዎ አሳናፕ ሲንሴ ያሳ ዶሮይ አሶን ጊደናሺን ያሳን ጊዴይሳ ቆንጨሳናው።<sup>12</sup> «ባይራይ ካሎብስ ኪቱታና» ያጊዲ ጎዳይ ኢርቢቃስ አዲስ።<sup>13</sup> ሄሲካ ጌሻ ማፃፋን። «ያይቆባ ዶሳስ፤ ኤሳዌ ኢፃስ» ጌቱቲዲ ፃፌቲስ።

<sup>14</sup> ያቲን፤ ኑኒ ዎይጋኔ? ያሳይ አሴ አሳፕ ሻኪዮ? ጊደና።<sup>15</sup> ጎዳይ ሙሴኮ፤ «ታ ማራናው ኮዬዳይሳታ ማራና፤

ታ ቃዴታናው ኮዬዳይሳታስ ቃዴታና» ያጊስ።<sup>16</sup> ሂዛ፤ ያሳ ዶሮይ አሳ ሽኔን ዎይኮ አሶን ጊደናሺን ኢያ ማሮቴሳና።

<sup>17</sup> ጌሻ ማፃፋን፤ ጊብዔ ካዉዋኮ። «ታኒ፤ ታ ዎልቃ ኔናን ቤሳናዉኔ ታ ሱንሳይ አላሜ ኡባን ኤሬታና ሜላ ሄሳስ ኔና ካዎሳስ» ጌቱቲዲ ፃፌቲስ።<sup>18</sup> ሂዛ፤ ያሳይ ማራናው ኮዬይሳ ማሬስ፤ ዎዛና ሙሚሳናው ኮዬይሳ ዎዛና ሙሚሴስ።

**ያሳ ሃንቁዋኔ ማሮቴሳ**

<sup>19</sup> ሂንቱፌ ኢሶይ፤ «ያቲን፤ ያሳይ አሴ ኢታ አሶ ጊሾ አይስ ቦሪ? ያሳ ሽኔያ ኢፃስ ጋናይ አኔ?» ያጊዲ አይቻናው ዳንዳኔስ።

<sup>20</sup> ሺን ታ ኢሻው፤ ያሳራ ፓላማናው ኔኒ አኔ? ኡርቃፌ ሜዴቲዳ ሚሼይ ባና ሜዲዳይሳ፤ «ታና ሃይሳዳ አሳዳ አይስ ሜዳዲ?» ጊዲ አይቻናው ዳንዳኒ? <sup>21</sup> ዎይኮ ኡርቃ ሜዴይሲ ኢሲ ኡርቃፌ ኢሱዋ ቦንቾ ሚሼ፤ ሃንኩዋ ቃሲ ቶሼ ሚሼ አሲዲ ሜዳናው ማቲ ባዌ?

<sup>22</sup> ያሳይ ባ ሃንቁዋ ቤሳናዉኔ ባ ዎልቃ ኤሪሳናው ኮዬዲ፤ ፐርዳስ ጊጊዳ ሃንቆ ናይታ ዳሮ ጌንጫን ዳንዳኒዳኮ ኔ አይ ኤራይ? <sup>23</sup> ሄሳ ኢ አሲዳይ ኮይሮቲዲ ቦንቾስ ጊጊሲዳ፤ ባ ዶሪዳ ናይታስ ባ ቦንቾዋ ቆንጨሳናሳ።<sup>24</sup> አይሁዴ ጊዲን፤ ዎይኮ አይሁዴ ጊደና አሳ ኡባይ ያሳን ዶሬቲዳ።

<sup>25</sup> ናቢያ ሆሴዔ ማፃፋን፤ «ታ አሴ ጊደናይሳታ፤ «ታ አሴ» ጋዳ ዪጋና፤ ታ ሲቃቦና ዴሪያ፤ «ሲቁቲዳይሳታ» ጋዳ ዪጋና።

<sup>26</sup> ኤንቲ፤ «ታ አሴ ጊዴኬታ» ጌቱቲ ዪጌቲዳ ቤሳን፤ «ዴዎ ያሳ ናይታ» ጌቱቲዲ ዪጌታና» ያጊስ።

<sup>27</sup> ናቢያ ኢሳያሲ ኢስራኤል አሳባ፤ «ኢስራኤል አሳይ አባ ጋፃን ዴዲያ ሻፊያዳ ዳሪኮካ፤ ኤንታፌ ጉሳ አሳ ሃላሊ አታና።

<sup>28</sup> ጎዳይ አላሚያ ኡባ ቦላ ኤሴሲዲ ፖሎ ፐርዳዳ ፐርዳና።<sup>29</sup> ቃሲካ ኢሳያሲ፤ «ኡባፌ ዎልቃማ ጎዳይ ኑስ ጉሳ ዜሬሲ አሾናባ ጊዲያኮ፤ ኑኒ ሶዶሜኔ ጋዎራ ካታማዳ ዳያናሺን» ያጊዲ ኮይሮቲዲ አዲስ።

<sup>30</sup> ያቲን፤ ኑ ዎይጋኔ? ሂሎቴሳ ኮዬቦና አይሁዴ ጊደና አሳይ አማኖን ሂሎቴሲ ዴሚዶሶና።<sup>31</sup> ሺን ሂሎቴሳኮ ጋሲያ ሂጌይ ዴዲያ ኢስራኤል አሳይ ሂሎቴሲ ዴሚቦኮና።<sup>32</sup> አይስ ዴሚቦኮና? ኤንቲ ሂሎቴሳ አማኖን ጊደናሺን አሶን ኤካናው ኮዬዳ ጊሾሳ። ያኒያ ጊሾ፤ ኤንቲ፤ «ዱቢያ ሹቻን» ዱቤቲዶሶና።<sup>33</sup> ጌሻ ማፃፋን፤

«ታኒ ሂኖኔን ዱቢ ኩንዲሲያ ሹቻ ዎሳና፤ ኢያን አማኒያ አኒካ ዮላቴና» ጌቱቲዲ ፃፌቲስ።

**10**

<sup>1</sup> ታ ኢሻቶ፤ ታ ኩሜሳ ዎዛናን ታ አዎቴይኔ ያሳ ዎሴይ ኢስራኤላይ አታና ሜላሳ።<sup>2</sup> ኤንቲ ያሳስ ሚሼቶሶናሺን፤ ቱማ ኤራቴሳን ሚሼቶናይሳ ታ ማርካታይስ።<sup>3</sup> ኤንቲ ያሳ ሂሎቴሳ አጊያ ኤሮና ኢዲዲ፤ ባንታ ሁዔ ሂሎቴሳ ካሊዶሶናፕ አቲን ያሳ ሂሎቴሳ ኮዬቦኮና።<sup>4</sup> አሲ ኡባይ አማኖን ሂላና ሜላ ኪሪስቶሲ ሂጊያ ፖሊስ።

**አቶቴሳይ ኡባሳ**

<sup>5</sup> አሲ ሂጌ ናጊዲ ኤኪያ ሂሎቴሳባ ሙሴይ ፃፌሼ፤ «ሂጌ ናጊያ አኒካ ሄ ሂጊያ ናጊዳ ሜላ ዴዲስ» ያጊስ።<sup>6</sup> ሺን አማኖን ኤኪያ ሂሎቴሳባ ጌቱቲዳይ ሃይሳ፤ «ኔ ዎዛናን፤ «አኒ ሳሎ ኬያኔ?» ያጎፓ፤ ሄሲ ኪሪስቶሳ ዎዲሳናሳ።<sup>7</sup> ዎይኮ፤ «ዱጌ ሳዓ ጋርሲ ዎዳናይ አኔ?» ጎፓ፤ ሄሲ ኪሪስቶሳ ዱፎፕ ኬሳናሳ።<sup>8</sup> ሺን ያጊዲ ፃፌቲስ፤ «የሳ ቃላይ ኔ ማታና፤ ኔ ዶናኒኔ ኔ ዎዛናን ዴዲስ» ኑኒ ሂንቴው አዲያ አማኖ ቃላይ ሃይሳ።

<sup>9</sup> «ዮሱሲ ጎዳ» ጋዳ ኔ ዶናን ማርካቲኮኔ ያሳይ ኢያ ሃይቆፕ ዴንሲዳይሳ ኔ ዎዛናን አማኒኮ፤ ኔ አታና።<sup>10</sup> አሲ ባ ዎዛናን አማኒዲ ሂሎስ፤ ባ ዶናን ማርካቲዲ አቲስ።<sup>11</sup> ጌሻ ማፃፋይ፤ «ኢያን አማኒያ አኒካ ዮላቴና» ያጊስ።<sup>12</sup> ኢሲ ያሳይ ኡባ ጎዳ ጊዲያ ጊሾ አይሁዴታ ጊዶኒኔ አይሁዴ ጊደና አሳ ጊዶን ዱማቴሲ ባዋ። ኢ ባና ያጊያ ኡባስ ዳሮ ኬሃ።<sup>13</sup> ጌሻ ማፃፋይ፤ «ጎዳ ሱንሳ ያጊያ አኒካ አታና» ያጊስ።

<sup>14</sup> ያቲን፤ ኤንቲ አማኖና ዴዲሼ ዋኒዲ ኢያ ዪጋናው ዳንዳኖና? ኤንቲ ኢያባ ሲዎና ዴዲሼ ዋቲዲ ኢያ አማናናው ዳንዳኖና? ቃሲ ኤንታው ቃላ አዲያ አሲ ባይና ዴዲሺን፤ ዋኒዲ ሲዓናው ዳንዳኖና? <sup>15</sup> ኪቱቲዳ አሲ ባይና ዴዲሺን፤ ቃላይ ዋኒዲ አይታናው ዳንዳኒ? ጌሻ ማፃፋን፤ «ኡፋይሳ ዎንጌላ አዲያ አሳ ቶሆቲ ዋኒዲ ሎዎና!» ያጊዲ ፃፌቲስ።

<sup>16</sup> ሺን ኢሳያሲ፤ «ጎዳው፤ ኑ ማርካቴሳ አኒ አማኒዴ?» ያጊዳይሳዳ፤ ኡባይ ዎንጌላ አማኒቦኮና።<sup>17</sup> ሄሳ ጊሾ፤ አማኖይ ሲሳፌ ዮስ፤ ሲሲ ኪሪስቶሳ ቃላፕ ዮስ።

<sup>18</sup> ጊዶሺን፤ ኢስራኤል አሳይ ቃላ ሲዲቦኮና ጉሴዮ? አካይ ሲዲዶሶና። ጌሻ ማፃፋን፤ «ኤንታ ቃላይ ቢታ ኡባን ሲዔቲስ፤

9:9 ሜዴ 18:10 9:12 ሜዴ 25:23 9:13 ሚላ 1:2 9:15 ኬሳ 33:19 9:17 ኬሳ 9:16 9:20 ኢሳ 29:16፤ 45:9 9:25 ሆሴ 2:23 9:26 ሆሴ 1:10 9:27 ኢሳ 10:22-23 9:29 ኢሳ 1:9 9:33 ኢሳ 28:16 10:5 ሌዌ 18:5 10:6 ዛሬ 30:12-14 10:11 ኢሳ 28:16 10:13 ኢዩ 2:32 10:15 ኢሳ 52:7 10:16 ኢሳ 53:1 10:18 ማዝ 19:4



ከንታ አዳይ ሳግ ጋግ ጋኪስ» ያጌቲስ።  
 19 ሺን ኢስራዔል አሳይ ኤሪቦኮና ጉሴዬ? ሙሴይ ካሴ።  
 «ታኒ ሂንቴና ሌቄቲዳ አሳን ቂሮይሳና፤ ቃሲ ኤያ አሳን ሂንቴና ዩሎያና» ያጌስ።  
 20 ቃሲ ኢሳያሲ።  
 «ታና ኮዩቦና አሳስ ቤንታስ፤ ታና አይቺቦና አሳስ ቆንጫስ» ያጌሲ ያዩና አዳስ።  
 21 ሺን ኢሳያሲ ኢስራዔሌታባ አዳሼ።  
 «ኡባ ዎዴ ኪቴቶና አሳሲኔ ታና ኢዲያ አሳስ ታ ኩሺያ ሚጫስ» ያጌስ።

11

የሳይ ኢስራዔሌታ አጊቤና

1 አኔ ታ አይቻይስ። ያቲን፣ የሳይ ባ አሳ አጊዴዬ? አጊቤና! ታኒ ታ ሁዔን ኢስራዔሌ፤ አብራሃሜ ሸሺ፤ ቢኒያሜ ዛሬ። 2 የሳይ ኮይሮ ዶሪዳ ባ አሳታ ዩጌና። ጌሻ ማግፋን፣ ኤሊያሲ ኢስራዔሌታ የሳ ሲንሳን ሞቲ ሞቲዳኮ፣ ሂንቴ ኤሬኬቲ? 3 ኤሊያሲ፣ «ጎዳው፣ ኤንቲ ኔ ናቤታ ዎዲዶሶና፣ ኔ ያርሾ ቤሳካ ላሊዶሶና። ታ ታርካ አታስ፤ ኤንቲ ታናካ ዎዳናው ኮዮሶና» ያጌስ።  
 4 የሳይ ኢያው ዎይጊ ዛሪዴ? «ባዓሌ ኤቃስ ጎይኒቦና ላፕን ሙኩሉ አሳ ታው አሻስ» ያጌስ።  
 5 ሄሳዳካ፣ ሃ ዎዲያን የሳይ ባ አዶ ኬሃቴላን ዶሪዳ ጉላ ኢስራዔሌቲ ዴዎሶና። 6 ኢ ኤንታ ዶሪዳይ ባ አዶ ኬሃቴላና፤ አቲን ኤንታ አሶን ጊዴና። ዶሮይ አሶን ጊዴኮ፣ ኢያ አዶ ኬሃቴላይ ቱማ አዶ ኬሃቴሲ ጊዴና።  
 7 ያቲን፣ ዋኒዴ? ኢስራዔሌቲ ባንታ ኮያባ ዴሚቦኮና፣ ሺን የሳይ ዶሪዳ ጉላቲ ዴሚዶሶና። አቲዳይሳቲ ባንታ ዎዛና ሙሚሲዶሶና። 8 ሄሲካ፣ ጌሻ ማግፋን።  
 «ኤንቲ ባንታ አይፊያን ቤዎናዳ ባንታ ሃይሳን ሲዎናዳ፣ ሃኖ ጋካናው ኤንታው የሳይ አዛላ አያና ኢሚስ»  
 ጌቲቲዲ ገሬቲዳይሳዳ ሃኒስ። 9 ቃሲ ዳዊቲይ፣ «ኤንቲ ሚያ ጋይታይ ኤንታ ግሄዳ አይኮ፤ ኤንታ ጉፋንሲያ አፎ ጊዶ፤ ኤንታ ኢታቴላይ ኤንታ ቦላ ጋኮ።  
 10 ኤንቲ ዪሎናዳ ኤንታ አይፊይ ጎዜቶ፤ ኡባ ዎዴ ሜቶን ኤንቲ ኩኒዲ ዴዎ» ያጌስ።  
 11 ያቲን፣ አይሁዴቲ ዛሪ ዴንዶና ሜላ ኩንዲዶናዬ? ጊዴና! ኤንታ ኩንዴሳይ አይሁዴ ጊዶና አሳይ አታና ሜላ ጋሶ ጊዴስ። ሄሲካ አይሁዴቲ ኤንታ ቦላ ቃናታናዳ አሲስ።  
 12 አይሁዴታ ናጋራይ አላሚያስ ዳሮ አንጆ ኤሂስ፤ ቃሲ ኤንታ ኩንዴሳይ አይሁዴ ጊዶና አሳስ ዳሮ አንጆ ጊዴስ። ያቲን፣ ዶሬቲዳ አይሁዴቲ ኩሜሲ አቲያ ዎዴ አንጆይ አይ ሜላ ዳራንዴሻ!  
 13 ታኒ፣ ሃዲ ሂንቴው አይሁዴ ጊዶና አሳስ አዳይስ። አይሁዴ ጊዶና አሳስ ሃዋሬ ጊዳዳ አሴይሳን ታኒ ዳሮ ጨቄታይስ። 14 ታ ሄሳ አሲዳይ ታው አሻን ዛሬ ጊዴዳ ኢስራዔሌታ ቂሮያዳ ኤንታፊ ጉላታ አሻናሳ። 15 የሳይ ኤንታ

ዩጊዳ ዎዴ ሃ አላሜይ የሳራ ሲጌቲስ። የሳይ ኤንታ ሺሺ ኤኪያ ዎዴ ሃይቄዳ አሲ ሃይቆፕ ዴንዲዳ ሜላ ጊዴስ።  
 16 ኮይሮ ሜንሲዳ ባሶ ኡይሳይ የሳስ ያርሼቲዲ ጌሺ ጊዴኮ፣ ሙሜ ኡይሳይካ ጌሺ። ሚሳስ ግጾይ ጌሺ ጊዴኮ፣ ታሼይካ ጌሺ። 17 ጋዴን ቶኪዳ ሻማሆ ታሼ ጊዴዳ አይሁዴቲ ካሬቲን፣ ሂንቴ ባዞን ዶሊዳ ሻማሆ ታሼ ጊዴዳ አይሁዴ ጊዶናይሳቲ ኤንታ ቤሳን ዳንጌቲዲ ኤንታ አንጃዋኔ ዱሬቴላ ሻኬቲዴታ። 18 ሂዛ፣ ሂንቴ ታሼዳ ካሬቲ ዎዲዳ አይሁዴታ ቦላ አቶርቶሬቴ። ሂንቴ አቶርቲያባ ጊዴኮ፣ ግጾይ ሂንቴና ቶኪሲፕ አቲን ሂንቴ ግጾዋ ቶኮናይሳ አኬኪቴ።  
 19 ኔኒ፣ «ሄ ታሼቲ ካሬቲዳይ፣ ታ ኤንታ ቤሳን ዳንጌታና ሜላሳ» ጋናው ዳንዳሳ። 20 ሄሲ ቱማ። ኤንቲ አማኒቦና ጊሾ ካሬቲዶሶና፣ ኔኒ አማኒዳ ጊሾ ሄ ቤሳን ኤቃዳሳ። ኔኒ ያያናው ቤሴስፕ አቲን አቶራናው ቤሴና። 21 የሳይ ሚዶን ታሼ ጊዴዳ አይሁዴታስ ቃዴቶና ኢዲኮ ሂንቴውካ ቃዴቴና።  
 22 ሂዛ፣ የሳይ አይ ሜላ ኬሃኮኔ አይ ሜላ ያሺያኮ ቤዓ። ኢ ያሼይ ኪቴቶናይሳታ፣ ቃሲ ኢ ኬሃይ ኢያ አማኒዲ ሚኒዲ ኤቄዳይሳታ። ሚኒዲ ኤቆና ኢዲኮ ሂንቴካ ካሬታና። 23 አይሁዴቲ አማኒኮ፣ ካሴ ኤንቲ ዴዲያ ቤሳ ሲማና፣ የሳይ ኤንታ ዛሪዴ፣ ዎሳናው ዳንዳሴስ። 24 ሂንቴና ባዞን ዴዲያ ሻማሆ ጊዴዳ አይሁዴ ጊዶናይሳታ ቃንግዲ፣ ጋዴን ቶኪቲዳ ሻማሆ ቦላ ሂንቴና ቶኪኮ፣ ሜዶን ጋዴ ሻማሆ ጊዴዳ አይሁዴታ ባንታ ኮይሮ ቤሳን ዛሪ ቶካናው ዋኒዲ ዳንዳዔቴኔ?

**የሳ ማርቲሳይ ኡባሳ**  
 25 ታ ኢሻቶ፣ ሂንቴ ሂንቴና ኤራንቾ ጊዲ ጨቄቶሬቴ። ታ ሂንቴው አዲያ ኢሲ ፀራ ዴዴስ። ሄሲካ ኢስራዔሌታፕ ባጋይ ሲዎና ኢዲዳይ ዉርሴሲ ጋካናው ጊዶናሺን አታናው ዴዲያ አይሁዴ ጊዶና አሳይ ኩሜሲ የሳኮ ያና ጋካናሳ። 26 ሄሳዳካ፣ ኢስራዔሌ አሳ ኡባይ አታና። ጌሻ ማግፋን።  
 «ኑና አሼይሲ ዪዮኔፕ ያና፤ ያይቆባ ዜሬሳፊ ኢታ ኡባ ዲጋና።  
 27 ታኒ ኤንታ ናጋራ አቶ ጊያ ዎዴ ኤንታራ ጫቃና ጫቆይ ሃይሳ»  
 ጌቲቲዲ ገሬቲስ።  
 28 አይሁዴቲ ዎንጊላ ኤኮና ኢዲዲ፣ ሂንቴ ጊሾ የሳራ ሞርኬ ጊዲዶሶና። ጊዶሺን፣ ሃዲካ ኤንቲ ዶሬቲዳይሳታ፣ የሳይ ኤንታ አዋታ ጊሾ ኤንታ ዶሴስ። 29 የሳይ ባ ኢሙዋኒኔ ባ ዪሳን ቂሮቴና። 30 ሂንቴ አይሁዴ ጊዶናይሳቲ ካሴ የሳስ ኪቴቲቤኬታ። ሺን ሃዲ አይሁዴቲ ኪቴቶና ኢዲን፣ ሂንቴ የሳ ማርቲሳ ኤኪዴታ።  
 31 ሄሳዳካ፣ ሂንቴ ኤኪዳ ማርቲሳ አይሁዴቲ ኤካና ሜላ ሃዲ የሳስ ኪቴቶና ኢዲዶሶና።  
 32 የሳይ አሳ ኡባ ባ ማርቲሳ ቤሳናው ኮዩዲ፣ አሲ ኡባይ ኪቴቶና ኢዲያ ሜላ አሲስ።  
 33 የሳ ዱሬቴላ፣ ጨንጫቴላኔ ኤራቴላ አኬኪዲ አዳናይ አኔ? ኢያ ፐርዳይ ፐልጌቴና፣ ኢያ አጌይ ኤሬቴና። 34 ጌሻ ማግፋን።

10:19 ዛሬ 32:21 10:20 ኢሳ 65:1 10:21 ኢሳ 65:2 11:1 ፊል 3:5 11:3 1ካዎ 19:10፣ 14 11:4 1ካዎ 19:18 11:8 ዛሬ 29:4፣ ኢሳ 29:10 11:9 ግዝ 69:22-23 11:26 ኢሳ 59:20-21 11:27 ኢሳ 27:9 11:33 ኢሳ 55:8 11:34 ኢሳ 40:13

«ጎዳ ቆፋ ከሬይ አኔ?  
ኢያ ዞራናው ዳንዳዔይ አኔ?

35 ያሳስ ታልዔይኔ  
ታልዔያ ዛሪዔ ኤኬይ አኔ?»  
ያጌስ።

36 ኡባ ኢ ሜዲስ፤ ኡባይ ኢያን ዴዔስ፤  
ኡባይ ኢያ ቦንቾሳ። ያሳስ ሜሪናው ቦንቾይ  
ጊዶ። አሚንዒ።

### 12

#### ኪሪስቶስን አራሳ ዴዎ

1 ሂዛ፣ ታ ኢሻቶ፣ ሂንቴ፣ ሂንቴ አሳቴሳ ያሳ  
ኡፋይሲያ፣ ዴዎይ ጊሻ ያርሾ አሲዲ፣ ኢማና  
ሜላ ታኒ ሂንቴና ያሳ ማርቴሳን ያሳይስ። ያሳ  
ሂንቴ ጎይናናው ቤሲያ ቱማ ኦጌይ ሄሳ። 2 ሎዎ፣  
ኡፋይሲይሳኔ ፖሎ ጊዲዳ ያሳ ሸኒያ ሂንቴ ሻኪ  
ኤራናው ሂንቴ ቆፋን ላሜቲቴቴ አቲን ሃ አላሚያ  
ዳኖፕቴ።

3 ያሳይ ሂንቴ ኢሱዋስ ኢሱዋስ ኢሚዳ  
አማኑዋ ሜላ ዎዛናማ አሳዳ ቆፕቴ። ቆፕናው  
ቤሴይሳፊ አሲዲ ሂንቴና ዳማዬዲ፣ አቶሮን  
ቆፖፊቴ ጋዳ ታው ኢሜቲዳ አዶ ኬሃቴሳን  
ሂንቴው አዳይስ። 4 ኦ ኢሲ አሳቴሳ ጊዶን ዳማ  
ዳማ ኪፊሌቲ ዴዎሶና፤ ሄ ዳማ ዳማ ኪፊሌታስ  
ዳማ ዳማ አሶይ ዴዔስ። 5 ሄሳዳ፣ ኦኒ ዳሮ  
አሲ ጊዲኮካ ኪሪስቶስን ኢሲ አሳቴሲ ጊዲዳ።  
ኦኒ ኢሲ አሳቴሲ ጊዲዲ ዳማ ዳማ ኪፊሌቲ  
ኢሶይ ኢሱዋራ አይኬቲዳ። 6 ኦስ ኢሜቲዳ  
አዶ ኬሃቴሳን ዳማ ዳማ ኢሞታቲ ዴዎሶና።  
ኦ ኢሞይ ቲንቢት አዶ ጊዲኮ፣ ኦስ ዴዔያ  
አማኑዋ ሜላ አዳናው ቤሴስ። 7 ኦ ኢሞይ  
ሃራታ ማሪ ጊዲኮ፣ ሄ አሱዋን ሚናናው ቤሴስ፤  
ታማርሶ ጊዲኮ፣ ሄ ታማርሱዋን ሚናናው ቤሴስ።  
8 ኦ ኢሞይ ሃራታ ሚንሴሶ ጊዲኮ፣ ሚኒዲ  
ሚንሴሳናው ቤሴስ። ኦ ኢሞይ ኦስ ዴዔያባፕ  
ሃራታስ ኢሞ ጊዲኮ፣ ዎዛናፕ ኢማናው ቤሴስ።  
ኦ ኢሞይ አይሶ ጊዲኮ፣ ሚኒዲ አይሳናው  
ቤሴስ። ኦ ኢሞይ ሃራታስ ኬሆ ጊዲኮ፣  
ኡፋይሳን ኬሃናው ቤሴስ።

9 ሂንቴ ሲቆይ ቆዴፕ ቆሞን ጊዳናው ቤሴና።  
ኢታባ ኢዲቴ፤ ሎዎ ሚንሴዲ አይኪቴ።

10 ኢሶይ ኢሱዋራ ኢሻዳ ሲቁቲቴ፤ አሶይ  
ኢሱዋ ቦንቾቴ። 11 አዛሎፊቴ፤ ሂንቴ ኢያናን  
ሚኒዲ ጎዳስ አሲቴ። 12 ያሳይ ኢሚዳ ኡፋይሳን  
ኡፋይቲቴ፤ ሜቱዋ ዳንዳዔቴ፤ ኡባ ዎዴ ያሳ  
ዎሲቴ። 13 አሚያ ጊሻታ ኮሺያባን ማዲቴ፤  
ኢማሳታ ሞኪቴ።

14 ሂንቴና ጎዴይሳታ አንጂቴ፤ አንጂቴፕ  
አቲን ባዶፊቴ። 15 ኡፋይቲሳታራ ኡፋይቲቴ፤  
ዩኬይሳታራ ዩኪቴ። 16 ኢሶይ ኢሱዋራ ኢሲ  
ቆፋን ዴዔቴ። አቶሮ ቆፋ አጊዲ፣ ሂንቴና  
ካወሺዲ፣ ካወሻ አሶ አሲቴ። ሂንቴ ሂንቴና  
ጨንጫ ጊዲ ቆፖፊቴ።

17 አኒካ ሂንቴው ኢታባ አሲቴ፣ ሄ ኡራስ  
ኢታ ዛሮፕቴ። አሳ ኡባ ሲንሳን ናሺሲያ ሎዎ  
አሶ አሲቴ። 18 አሳ ኡባራ ሳሮን ዳናው ሂንቴው

ዳንዳዔቲያ ኡባ አሲቴ። 19 ታ ኢሻቶ፣ ሂንቴ፣  
ሂንቴ ሁዔን አሳስ ሃሎ ኬዮፕቴ። ያሳይ ሃሎ  
ኬያና ሜላ ኢያው አጋጊቴ። ጊሻ ማፃፋን፣

«ታኒ ሃሎ ኬያና፤  
ታኒ ኩሼ ዛራና»  
ያጌስ ጎዳይ፣ ጌቲቲዲ ፃፌቲስ።

20 ሺን ጊሻ ማፃፋን፣  
«ኔ ሞርኬይ ኮሻቲኮ ሙዛ፤  
ኢ ሳሞቲኮ ኡሻ።

ኔኒ ሄሳ አሲቴ ኢያ ሁዔን  
ዩላ ታማ ቦንቆ ቆላሳ»  
ጌቲቲዲ ፃፌቲስ።

21 ኢታ ሎዎን ያናፕ አቲን ኢታን ዶኔቶ።

### 13

#### ዴሪያ አይሴይሳታስ ኪቲቴሲ

1 ያሳ ሸኒ ጊዶናሺን ማቲ ኢሜቶና ጊሾኔ ሃዒ  
ዴዔያ ሹማቲካ ያሳ ሸኒን ሹሜቲዳ ጊሾ አሲ  
ኡባይ ዴሪያ አይሴይሳታስ ኪቲታናው ቤሴስ።  
2 ሄሳ ጊሾ፣ ማታራ ዴዔይሳታስ ኪቲቶና ኢዲያ  
አኒካ ያሳ ኪታ ኢዲስ። ኪቲቶና ኢዲያ አኒካ ባ  
ቦላ ፐርዳ ኤሄስ። 3 አይሴይሳቲ ኢታ አይሴይሳታፕ  
አቲን ሎዎ አይሴይሳታ ያሾኮና። አይሴይሳታስ  
ያዮና አጋናው ኮያይ? ያኮ ሎዎ አሳ፤ ኤንቲ ኔና  
ጋላታና። 4 ኤንቲ ኔው ሎዎ አሳናው ሹሜቲዳ  
ያሳ አይሴ። ሺን ኔኒ ኢታባ አሲቴ፣ ኤንቲ ኢታባ  
አሲዳይሳ ሴሪያ ጊሾ ኢያው ያያ። ኤንቲ ኢታ  
አይሴይሳታ ሴሪዲ፣ ያሳ ሃንቁዋ ቆንጨሲያ ያሳ  
አይሴ። 5 ሄሳ ጊሾ፣ ያሳ ሃንቁዋ ፃላላስ ጊዶናሺን  
ሂንቴ ካሃይ ማርካቲያ ጊሾ ዴሪያ አይሴይሳታስ  
ኪቲታናው ቤሴስ።

6 ሂንቴ ጊራ ጊራይካ ሄሳሳ፣ ዴሪያ አይሴይሳቲ  
ሄ አሱዋ አይሴ፣ ኤንቲ ያሳ አይሴታ ጊዲዳ  
ጊሾሳ። 7 ኢሱዋስ ኢሱዋስ ቤሴይሳ ኢሚቴ።  
ጊራ ጊራናው ቤሴይሳስ ጊራቴ፤ ቃራፃ ቃንፃናው  
ቤሴይሳስ ቃራፃ ቃንፃቴ፤ ያያናው ቤሴይሳስ  
ያዩቴ፤ ቦንቾይ ቤሴይሳ ቦንቾቴ።

#### ሲቁቲቴ

8 ኢሶይ ኢሱዋራ ሲቁቲቴ። ሲቆ አጮፕ  
አቲን ሂንቴ ቦላ ሃራ አጮይ ዶፖ። አሴ  
ሲቁያ አኒካ ሂጌይ ጌይሳ ፖሊስ። 9 «ላሞፋ፤  
ዎዶፓ፤ ካይሶቶፓ፤ አሞቶፋ» ጊያ ኪታይኔ ሃራ  
ኪታ ኡባይ፣ «አሴ ኔ ሁዔዳ ዶሳ» ጊያ ኪታን  
ቃሼቲስ። 10 አሴ ሲቁያ አኒካ ኢያ ቦላ ኢታባ  
አሴና። ሄሳ ጊሾ፣ አሴ ሲቁይሲ ሂጌ ኪታ  
ፖሊስ።

11 ዲስኮፊ ሂንቴ ባርኪያ ዎዴይ ሃዒ ጊዴይሳ  
አኬኪዲ ሄሳ አሲቴ። ኦ አታና ዎዴይ ኮይሮ  
ኦ አማኒዳ ዎዲያፕ ሃዒ ኦኮ ማቲስ። 12 ዳማ  
ዎዴይ አዳናው ሃኔስ፤ ዎንታይ ማቲስ። ሂዛ፣ ኦኒ  
ዳማ አሶ አጊዲ ፖዎ አሳ ሚሼ አይኮስ። 13 አኒ  
ጋላስ ፖዎን ዴዔያ አሳዳ ማራን ዴዎስ። ማሶኒኔ  
ላይማቴሳራ ጋሄቲያ ዳማ ዳማ ቱና አሶታን፣

\* ፓላማኒኔ ቃናቴን ጊዶፖ። 14 ጎዳ ዩሱስ

11:35 ኢዮ 41:11 11:36 1ቆሮ 8:6 12:4 1ቆሮ 12:12 12:6 1ቆሮ 12:4-11 12:14 ማቶ 5:44፤ ሉቃ 6:28  
12:16 ሌጫ 3:7 12:19 ዛሬ 32:35 12:20 ሌጫ 25:21 13:6 ማቶ 22:21፤ ማር 12:17፤ ሉቃ 20:25 13:9  
ኪሳ 20:13-17፤ ዛሬ 5:17-19፤ ሌዌ 19:18 \* 13:13 ላይማቴሳራ ጋሄቲያ ዳማ ዳማ ቱና አሶታን፣ ዎይኮ ዩሳን፣ ማሶን፣  
ላይማቴን፣ ቃይዲን ጊዶፖ ጊዲ ቢላናው ዳንዳዔቴስ፤ ላይማቴሳራ ጋሄቲያ ዳማ ዳማ ቱና አሶቲ አሲ ያሳ ሃሮፕ ካሬ ኬዬዲ ዶዳ  
ካንዶ ኤኪዲ ፖሊያ አሶ ጎሱ።

ኪሪስቶስ ካንዱዋ ማራቴ፤ ሂንቴ ናጋራንቾ አሳቴሳይ ባ አሙዋ ፖላና ሜላ ኢያው ቆፖፊቴ።

14

አሳ ቦላ ፐርዶፊቴ

1 አማኖን ዳቡሪዳ አናካ ሺሺ ኤኪቴፍ አቲን ኢያ ቆፋ ቦላ ፐርዶፊቴ። 2 ሌሚሶስ፣ አማኖን ሚኒዳ ኢሲ አሲ አይ ካሲካ ማናው ዳንዳዔስ። ሺን አማኖን ዳቡሪዳ አሲ አታኪልቴ ሃላላ ሜስ። 3 ኡባባ ሚያ አሲ ሞና ኡራ ካዶፖ። ኡባባ ሞና አሲ ሚያ ኡራ ቦላ ፐርዶፊቴ። ያሳይ ኡባ ሚያ ኡራ ሺሺ ኤኪስ። 4 ሃራ አሳ አይሌ ቦላ ፐርዶፊቴ ነኒ ኦኔ? ኢ ዳቡሪን ወይኮ ሚኒን ባ ጎዳሳ። ጎዳይ ኢያ ኤሳናው ዳንዳዔያ ጊሾ ኢ ሚኒዳ ኤቃና።

5 ቃሲ «ኢሲ ጋላሳይ ሃራ ጋላሳፕ አደስ» ያጊዳ ቆፐያ አሲ ደዔስ። ሃራይ ቃሲ፣ «ጋላሳቴ ኡባይ ኢሲ ሜላ» ጊዳ ቆፐስ። ሺን ኢሶይ ኢሶይ ባ ቆፋ አከኪዳ ቃቾ። 6 ኢሲ ጋላሳ ሃራ ጋላሳፕቴ አሲዳ ቦንቺያ አኒካ ጎዳ ቦንቾስ ጊዳ አሴስ። ኡባ ካሲ ሚያ አሲ ጎዳ ቦንቾስ ጊዳ ሜስ። ኢ ሚያ ሄ ካሳ ጊሾ ያሳ ጋላቴስ። ኡባ ካሲ ሞና አሲ ጎዳ ቦንቾስ ሞና አጊስ፤ ቃሲ ሞና አጎን ያሳ ጋላቴስ። 7 ኑፔ አኒካ ባው ደና፤ ቃሲ ኑ ጊደፊ አኒካ ባው ሃይቄና። 8 ኑ ደዎን ደዒኮ ጎዳስ ደዎስ፤ ቃሲ ሃይቄኮካ ጎዳስ ሃይቆስ። ሂዛ፣ ኑ ደዎን ደዒን ወይኮ ሃይቄን ጎዳሳ።

9 ኪሪስቶሲ ሃይቄዲ ሃይቆፕ ደንዲዳይ፣ ደዎን ደዒይሳታሲኔ ሃይቄዳይሳታስ ጎዳ ጊዳናሳ። 10 ያቴን፣ ነኒ ኔ ኢሻ ቦላ አይስ ፐርዳይ? ወይኮ ነኒ ኔ ኢሻ አይስ ካዳይ? ኑኒ ኡባይ ያሳ ፐርዳ አራታ ሲንሳን ኤቃና።

11 ጊሻ ማፃፋን ጎዳይ፣ «ታኒ ደዎን ደዳይስ፤ አሳ ኡባይ ታ ሲንሳን ጉልባታና፤ ታኒ ያሴ ጊደይሳ ማርካታና» ያጊስ። 12 ሂዛ፣ ኑ አሲዳባስ ኑ ሁዔን ሁዔን ያሳ ሲንሳን ሺቄዲ ዛሮ ኢማና።

ሃራ አሲ ዱቤሶፋ

13 ሄሳ ጊሾ፣ ኑኒ ኢሶይ ኢሱዋ ቦላ ፐርዶፊቴ አጎስ። ሺን ሂንቴ ኢሻ ዱብሲዲ ወይኮ ቃፂዲ ናጋራን ገልሲያባ አሶናዳ ናጌቴቴ። 14 ጎዳ ዩሱሳ አማኒያ አሳዳ፣ ባ ሁዔን ቴና ጊዳዳ ካሲ ባይናይሳ ታኒ ጊሻዳ ኤራይስ። ሺን ኢሲ አሲ ኢሲባ ቴና ጊዳ ቆፐኮ ሄሲ ኢያው ቴና ጊደስ። 15 ኔ ሚያ ካሳ ጊሾ ኔ ኢሻ ዱቤያባ ጊዳኮ፣ ኪሪስቶሳን ደዒያ ኔ ኢሻ ሲቃካ። ኪሪስቶሲ ኢያ ጊሾ ሃይቄዳ ኡራ ኔ ሚያ ካሳን ኢያ አያና ደዐው ዳይሶፋ። 16 ሂዛ፣ ሂንቴው ደዒያ ሳፃቴሳ ሃራቴ ቦራና ሜላ አሶፊቴ። 17 ያሳ ካዎቴሳይ ጊሻ አያናን ቤንቴያ ጊሎቴሲ፣ ሳሮቴሲኔ ቴማ ኡፋይሲፊ አቲን ሙሳባኔ ኡሻባ ጊደና። 18 ሄሳዳ ኪሪስቶሳስ አሲያ አሲ ያሳ ኡፋይሲስ፤ አሳንካ አንጄቴስ።

19 ሄሳ ጊሾ፣ አኔ ኑኒ ሳሮቴሲ ቤንቴያ አጊያኔ ኢሱዋ ኢሱዋ አማኖን ሚንሲያ አጊያ ኮዮስ። 20 ካሳ ጊሾ ጋዳ ያሳ አሱዋ ዳይስሶፋ። ኡባ ካሲ ሜቴቴስ፣ ሺን ሃራ አሲ ናጋራን ዱብሲያ ካሲ ሙሲ አታ። 21 ኔ ኢሻይ ዱቤቶና ሜላ አሾ ሞና

ወይኮ ኡሹ ኡዮና ወይኮ ኔ ኢሻ ዱቤያ ሃራባ አሶና አጎይ ሎዎ።

22 ሂዛ፣ ሃ ኔ አማኑዋ ኔ ጊዶኒኔ ኔ ያሳ ጊደን ናጋ። ሲኬ ጊዳ ቆፐዳባ አሲያ ወይኮ ኢያ ካሃይ ሞቶና ኡራይ አንጄቴዳይሳ። 23 ሺን ሲዲሺ ሚያ ኡራስ ኢያ ሙሳይ አማኖን ጊደና ጊሾ ፐርዶፊቴ። አማኖይ ባይና አሴቴዳ አሶ ኡባይ ናጋራ።

15

ሃራታ ኡፋይሳናው ቤሴስ

1 ኑኒ አማኖን ሚኒዳይሳቴ ዳቡሪንቾታ ቶሁዋ ቶካናው ቤሴስ። ኑኒ ኑኒ ኡፋይሳናው ቤሴና። 2 ኑኒ ኑ ኢሻ አማኖን ሚንሳናው ኢያ ማዳናውኔ ኡፋይሳናው ቤሴስ። 3 ኪሪስቶሲ ባና ኡፋይሲቤና። ሺን ጊሻ ማፃፋን፣ «አሳይ ኔና ጫዴዳ ጫሻይ ታና ጋኪስ» ጌቴቴ ሃፌቴዳይሳዳ ሃኒስ። 4 ጊሻ ማፃፋይ ኢሚያ ጌንጫኒኔ ሚንሴሱዋን ኑ ኡፋይሳ ኤካና ሜላ ጊሻ ማፃፋን ሃፌቴዳ ኡባይ ኑና ታማርሳናው ሃፌቴስ።

5 ጌንጫኔ ሚኖቴሲ ኢሚያ ጎዳይ ሂንቴ ኪሪስቶስ ዩሱሳ ካሲያ ወይኮ ኢሲፊፊቴሲ ሂንቴው ኢዋ። 6 ሄሲካ፣ ኑ ጎዳ ዩሱስ ኪሪስቶሳ አዋ፣ ያሳ፣ ኢሲ ወዛናኒኔ ኢሲ ቃላን ሂንቴ ቦንቻና ሜላሳ።

ዎንጌላይ አሳ ኡባሳ

7 ኪሪስቶሲ ሂንቴና ኤኪዳይሳዳ ያሳ ቦንቾስ ኢሶይ ኢሱዋ ኤኪቴ። 8 ያሳይ ቤኒ አዋታስ ኢሚዳ ኡፋይሳይ ፖሌታና ሜላኔ ኢያ ቴማቴሳይ ኤራታና ሜላ ኪሪስቶሲ አይሁዴታ አይሌ ጊዳዲ ዩዳይሳ ታ ሂንቴው አዳይስ። 9 ኪሪስቶሲ አይሁዴታ አይሌ ጊዳዳ ሃራ ጋሶይ ቃሲ አይሁዴ ጊደና አሳቴ ያሳ ኢያ ማርቴሳ ጊሾ ጋላታና ሜላሳ። ጊሻ ማፃፋን፣ «ታ ኔና አይሁዴ ጊደና አሳ ጊደን ጋላታና፤ ኔ ሱንሳ ሳባና»

ጌቴቴዲ ሃፌቴዳይሳዳ ሃኒስ። 10 ቃሲ፣ «አይሁዴ ጊደና አሳው፣ ያሳ ደዐሪያራ ኡፋይቴቴ» ያጌቴስ።

11 ቃሲ ዛሪዲ፣ «አይሁዴ ጊደና አሳው፣ ጎዳ ጋላቴቴ፤ ካዎቴሳ ኡባይ ኢያ ሳቤቴ» ያጌቴስ። 12 ሄሳዳ ኢሳያሲ፣ «ኢሴዩ ዛሪፕ ዩሌቴያ ኢሶይ ያና፤ ኢ ካዎቴሳ ኡባ ሃራና፤ ኤንቴ ባንታ ኡፋይሳ ኢያ ቦላ ዎሳና» ያጌቴስ።

13 ጊሻ አያና ዎልቃን ሂንቴ ዲጫና ሜላ ኡፋይሲ ኢሚያ ያሳይ፣ ሂንቴ አማኑዋ ጋሶን ሂንቴው ኡፋይሲኔ ሳሮቴሲ ኩሜሲ ኢዋ።

ዳዉሎሲ ሃፊዳ ጋሱዋ

14 ታ ኢሻቶ፣ ሂንቴናን ሎዎቴሲኔ ኤራቴሲ ኩሚዳይሳ ቃሲ ኢሶይ ኢሱዋ ዞራናው ዳንዳዔይሳ ታ ጊሻዳ ኤራይስ። 15 ታኒ ሂንቴና

14:1 ቆላ 2:16 14:10 2ቆሮ 5:10 14:11 ኢሳ 45:23 15:3 ማዝ 69:9 15:9 2ሳሙ 22:50፤ ማዝ 18:49 15:10 ዛሬ 32:43 15:11 ማዝ 117:1 15:12 ኢሳ 11:10



ኢሲ ኢሲባ ጉጃ አኪኪሳናው ኮያዳ ያዮና ሃ ዳብዳቤያ ሂንቴው 9ፋስ። 16 ታኒ ኪሪስቶስ ዮሱሳ አይሌ ጊዳዳ፣ አይሁዴ ጊዶና አሳስ ካሂኔዳ አሳዳ፣ ዎንጌላ አዳና ሜላ ያሳይ ታው አዶ ኪሃቴላ ኢሚስ። አይሁዴ ጊዶና አሳይ ጌሻ አያናን ጌዶዲ፣ ያሳ ኡፋይሲያ ያርሾ ጊዳና ሜላ ያሳይ ሄሳ አሲስ።

17 ታኒ ኪሪስቶስ ዮሱሳን ጊዳዳ ያሳስ አሲያ አሱዋን ጨቁታይስ። 18 አይሁዴ ጊዶና አሳይ ያሳስ ኪቴታናዳ፣ ኪሪስቶሲ ታ ቃላኔ ታ አሱዋ ባጋራ አሲዳ አሱዋፕ አቲን ሃሪ ታ ጨቁቲያባይ ባዋ። 19 ያሳይ ሄሳ ማላታኒኔ ጌሻ አያና ዎልቃን ዋቲ አሲዳኮ ታ ሂንቴው አዳና። ታኒ ዮሩሳላሜፕ ዶማዳ፣ ኢሊዋርቆኔ ጋካናው ኪሪስቶሳ ዎንጌላ ሳባካስ። 20 ታኒ ሃራ አሲ ባሲዳ ቤሳን ኪፃናው ኮዩኪ። ኪሪስቶሳ ሱንሳይ ዌጌቲቦና ቤሳን ዎንጌላ አዳናው አዎታይስ። 21 ጌሻ ማፃፋን፣

«ኢያባይ አዴቲቦና አሳቲ ኢያ ቤዓና፤

ኢያባ ሲዲቦና አሳቲ አኪካና»

ጌቴቲዲ ፃፌቲስ።

**ጳውሎሲ ሮጫ ባናው ቆፒስ**

22 ሄሳ ጋሶን፣ ታኒ ሂንቴኮ ያናው ዳንዳባቢኪ።

23 ሺን ታኒ ሃዲ ሃ ሄራን ታ አሱዋ አንጊዳ ጊሾኒ ዳር ሳይሳፌ ዶማዳ ሂንቴና ቤዓናው ላዎቲዳ ጊሾ

24 ታኒ ኢስፔኔ ባሺ ሂንቴና ቤዓናው ቆፓስ። ቃሲ ጉሳ ዎዴ ሂንቴራ ኡፋይቲዳፕ ጉዬ ኢስፔኔ ቢያ ዎዴ ሂንቴ ታ አጊያስ ታና ማዳና ሜላ ኮያይስ።

25 ሺን ሃዲ ታኒ ያሳ አሳታ ማዳናው ዮሩሳላሜ ባይስ። 26 ማቆዶኒያኔ አካያን ዴዲያ ያሳ አሳቲ፣ ዮሩሳላሜን ዴዲያ ማንቆታ ሚሼን ማዳናው ኮዩዳ ጊሾሳ። 27 ኤንቲ ማንቆታ ማዳናይሲ ኤንታው አቶናባ ጊዲዳ ጊሾ ባንታ ሁዲን ሄሳ አሳናው ቆፋ ቃቺዶሶና። አይሁዴቲ አይሁዴ ጊዶናይሳታራ አያና አንጃዋ ሻኪቲኮ፣ ኤንቲ ቃሲ ባንታው ዴዲያባን አይሁዴታ ማዳናው ቤሴስ። 28 ሄሳ ጊሾ፣ ታኒ ሄ ሺቂዳ ሚሼያ ኤንታው ኢሚዳፕ ጉዬ ኢስፔኔ ባሺ ሂንቴ ማታራ አዳና። 29 ታኒ ሂንቴኮ ቢያ ዎዴ ኪሪስቶሳ አንጃዋን ኩማዳ ባናይሳ ኤራይስ።

30 ታ ኢሻቶ፣ ታው ያሳ ዎሲሼ ታ ባዲያን ታራ ኤቃና ሜላ ጎዳ ዮሱስ ኪሪስቶሳኒኔ ጌሻ አያና ሲቁዋን ሂንቴና ዎሳይስ። 31 ያሳይ ታና ዮሁዳን ዴዲያ አማናና አሳታፕ አሻናዳኔ ዮሩሳላሜን ታ አሳና አሶይ ያሳ አሳታ ማታን ኤኬታና ሜላ ታው ዎሲቴ። 32 ቃሲ ዎሲ ጊኮ፣ ታኒ ሂንቴኮ ባዳ ኡፋይሳን ሂንቴራ ሽምፓና ሜላ ታው ዎሲቴ። 33 ሳርቴሳ ያሳይ ሂንቴ ኡባራ ጊዶ። አሚንዲ።

16

**ሳርሶ**

1 ኪንኪሪያ ካታማን ዴዲያ ዎሳ ኪላን አሲያ ኑ ሚቺያ ፌባ ሎዎ ማጫስ ጊዴይሳ ሂንቴ ኤራና ሜላ ኮያይስ። 2 ሂንቴ ኢዮ አማኒያ አሳቲ ጎዳ ሱንሳን ሞካናው ቤሲያ አማኒያ አሳታፕ ኢሱዋዳ ሞኪቴ። ኢያ ሂንቴፌ ኮያባ ኡባ ኢዮ ማዲቴ።

ኢያ ባ ሁዲን ዳር አሳ ማዳሱ፤ ቃሲ ታና ታ ሁዲንካ ዳር ማዳሱ።

3 ኪሪስቶስ ዮሱሳ አሱዋ ታራ ኢሲፌ አሲያ ጲሪስቂላኔ አቂሳ ሳር ጊቴ። 4 ኤንቲ ታ ጊሾ ባንታ ሽምፕዋ አሲ ኢሚዶሶና። ታ ፃላላ ጊዶናሺን አይሁዴ ጊዶና አሳ ዎሳ ኪላ ኡባይ ኤንታ ጋላቴስ። 5 ኤንታ ሶን ሺቂያ አማኒያ አሳ ሳር ጊቴ።

ኢሲያ ቢታን ኪሪስቶሳ ኮይር አማኒያ፣ ታ ዶሲያ ኤጳኔዎሳስ ታ ሳርሱዋ አዲቴ።

6 ሂንቴ ጊሾ አሶን ዳር ዳቡሪዳ ማይራዎ ሳር ጊቴ። 7 ታራ ቃሾ ኪላን አሲዳ ታ አይሁዴ ላጌታ አንዲርኒቆሳኔ ዩኒያሳ ሳር ጊቴ። ኤንቲ ዮሱሳ ሃዋሬታ ጊዶን ኤሬቲዳይሳታ። ቃሲ ኤንቲ ኪሪስቶሳ ታፕ ሲንሴ አማኒዶሶና።

8 ጎዳን አማኒያ ታ ሲቆ ላጊያ፣ አምጲሊያዎሳ ሳር ጊቴ። 9 ኪሪስቶሳ አሱዋ ኑራ ኢሲፌ አሲያ ኡርባኖሴኔ ታ ዶሲያ ኢስታኩሳ ሳር ጊቴ። 10 ኪሪስቶሳን አማንሲያ አይሊያ አጳሊሳስ ታ ሳርሱዋ አዲቴ። አርስዎሎሳ ሶ አሳስ ታ ሳርሱዋ አዲቴ። 11 ታ አይሁዴ ላጊያ ሄርዲዮና ሳር ጊቴ።

ናርሲሳኔ ኢያ ሶ አሳፕ ኪሪስቶሳ አማኒዳይሳታ ሳር ጊቴ።

12 ጎዳ አሱዋን ዳቡሪያ ቲሩፋይናኔ ቲሩፎሳ ሳር ጊቴ። ቃሲ ጎዳስ ዳር ዳቡራዳ አሲያ፣ ታ ዶሲያ ጴርሲሶ ሳር ጊቴ። 13 ጎዳ አሱዋን ዳር ኤሬቲዳ ሩፎሳሲኔ ታና ባ ናዳዳ ቤዲያ ኢያ አዮስ ታ ሳርሱዋ አዲቴ። 14 አሲኒኪርቶሳስ፣ ሬሎንናስ፣ ሄርሜሳስ፣ ፓቲሮባሳሲኔ ኤንታራ ዴዲያ አማኒያ ኢሻታ ኡባስ ታ ሳርሱዋ አዲቴ። 15 ሬሎሎጉሳ፣ ዩሊያ፣ ኔሪያ፣ ኢያ ሚቺው፣ አሎምፖሳኔ ኤንታራ ዴዲያ አማኒያ አሳ ኡባ ሳር ጊቴ።

16 ጌሻ ዮሬቴሲ ዮሬቴሼ፣ ኢሶይ ኢሱዋ ሳርሲቴ። ኪሪስቶሳ ዎሳ ኪላ ኡባይ ሂንቴና ሳር ያጎሶና።

**ወርሴሳ ዞሬ**

17 ታ ኢሻቶ፣ ሂንቴ ታማሪዳ ቲሚርቲያ ኢዲዲ፣ ሂንቴ ጊዶን ሻኪቴሴኔ ሜቶ ሜዲያ አሳታፕ ናጌቲቴ። ኤንታፌ ሃኪቴ። 18 ሄሳ ሜላ አሳቲ ባንታው አሶሶናፕ አቲን ኑ ጎዳ ኪሪስቶሳስ አሶኮና። ባንታ ማልዲያ ዶናኒኔ ሳጳሲያ ቃላን አይኮ ኤሮና አሳ ዎካና ባሌሶሶና። 19 ዎንጌላስ ሂንቴ ኪቴቲዳይሳ አሳ ኡባይ ሲዲዳይሲ ታና ኡፋይሴስ። ሺን ሂንቴ ሎዎባ ኤራና ሜላኔ ኢታባፕ ሃካና ሜላ ታ ኮያይስ። 20 ሳርቴሳ ያሳይ ፃላሂያ ሂንቴ ቶሁዋፕ ጋርሳን ጋጩ ዮጋና።

ኑ ጎዳ ዮሱስ ኪሪስቶሳ አዶ ኪሃቴሳይ ሂንቴራ ጊዶ።

21 ታራ አሲያ ዊሞቲዮሲ ሂንቴና ሳር ያጌስ። ሄሳዳካ፣ ታ ዳቦቲ ሉቂዮሲ፣ ያሶኒኔ ሶስጳዊሮሲ ሂንቴና ሳር ያጎሶና።

22 ሃ ዳብዳቤያ ጳውሎሳስ ፃፊዳ ታኒ፣ ፃርዊዮሲ፣ ሂንቴና ጎዳ ሱንሳን ሳር ያጋይስ።

23 ታና ሞኪዳይኔ ዎሳ ኪላ ኡባይ ኢያ ሶን ሺቂያ ጋዮሲ፣ ሂንቴና ሳር ያጌስ። ካታማ ሚሼያ አይኪያ ኤራሰዎሲኔ ኑ ኢሻ ቃርዎሲ ሂንቴና

15:21 ኢሳ 52:15 15:22 ሮጫ 1:13 15:26 1ቆሮ 16:1-4 15:27 1ቆሮ 9:11 16:3 ሃ.አ 18:2 16:13 ማር 15:21 16:21 ሃ.አ 16:1 16:23 ሃ.አ 19:29፤ 1ቆሮ 1:14፤ 2ዊሞ 4:20 \* 16:24 ቤኒ ኮይር ማፃፋታን ፓዶዶ 24 ዴና።

ሳሮ ያጎሶና። [ <sup>24</sup>ኑ ጎዳ ዩሱስ ኪሪስቶስ አዶ ኬሃቴላይ ሂንቴ ኡባራ ጊዶ። አሚንዲ። ]\*

<sup>25</sup> ያሳስ ጋላቲ ጊዶ። ታኒ፣ ዩሱስ ኪሪስቶስን አዲያ ዎንጌላ ቃላኒኔ ዳሮ ዎዴፔ ቆሴቲዲ ጋምዲዳ ቱማቴላን፣ ያሳይ ሂንቴና አማኖን ሚንሲዲ ኤሳናው ዳንዳዴስ። <sup>26</sup> ሺን ሃዲ ሄ ቱማይ ቆንጨስ። ካዎቴላ ኡባይ አማኒዲ ኪቴታና ሜላ ሜሪና ያሳ ኪታን ናቤቲ ሄ ቱማባ ያፊዶሶና።

<sup>27</sup> ዩሱስ ኪሪስቶስ ባጋራ ጨንጫቴላ ኢያ ያላላስ ደዲያ፣ ኢሲ ያሳስ ሜሪናው ቦንቾይ ጊዶ። አሚንዲ።

### ጳውሎሲ ቆሮንቶሳ አሳስ ገፊዳ ኮይሮ ኪታ ጋሳ ቆፋ

ጳውሎሲ ቆሮንቶሳ አሳስ ገፊዳ ኮይሮ ኪታይ ገፊቲዳይ፣ ጳውሎሲ ቆሮንቶሳን ኤሲዳ ምሳ ኬሳን አማኒያ አሳ ዴዎኒኔ አማኖ ቦላ ዴንዲዳ ሜቱዋስ ዛሮ ኢማናሳ። ሄ ምዴ ቆሮንቶሳ ካታማይ ቢታን ዴዲያ ዱማ ዱማ አሳይ ዴዲያ ጊሪኬ ካታማኔ አካያ ጊያ ሮሜ አውራጃስ ዋና ካታማ። ሄ ካታማይ ዛልዔን ኤሬቲዳ፣ ምጋን ሚኒዳ፣ ዱማ ዱማ ኢታ ዴዎን ዳልጊዳይሳኔ ሃይማኖቱ ዳሮቱላን ኤሬቲዳይሳ።

ሃዋሬይ ሚንሲዲ አዳናው ኮይዳይ፣ ሄ ምሳ ኬሳ ጊዶን ሜዴቲዳ ሻሆቱላ፣ ዱማ ዱማ ኢታ ዴዎባ፣ ላይማቴላባ፣ ኤኮ ጊሎባ፣ ምሳ ኬሳ ምጋባ፣ ጊሻ አያና ኢሞታታባኔ ሃይቆፕ ዴንዲዳ። ምንጊላይ ሃ አይሻታ ዋቲ ዛሪያኮ ሃዋሬይ ናጊዲ አዴስ።

ሲቆይ ያሳይ ባ አሳስ ኢሚዳ አዶ ኢሞታ ጊዴይሳ ሼምፖ ታማኔ ሄቫይ ቆንጨሴስ፤ ቃሲ ሼምፖ ታማኔ ሄቫይ ሃ ማፃፋን ዳሮ ኤሬቲዳ ኪሬሴ ጌቱቲዲ ኤሬቲስ።

1 ቆሮንቶሳ ኪታ አይፌ ቆፋታ

ጊሎ ቆፋ 1:1-9

አማኒያ አሳ ጊዶን ሜዴቲዳ ሻሆቱላ 1:9-4:21

ላይማቴላኔ ሶ አሳ ዴዎ ምጋ 5:1-7:40

አማኒያ አሳኔ አማኖና አሳ 8:1-11:1

ምሳ ኬሳኔ ጎይኖ ምጋ 11:2-14:40

ኪሪስቶሳ ዴንዲዳ ሃይማኒያ አሳ ዴንዲዳ 15:1-58

ዩሁዳን ዴዲያ ሜቶቱቲዳ አማኒያ አሳስ ማዶ 16:1-4

ኩሻ ቆፋ 16:5-24

1 ምሳ ሼኒያን ዩሱስ ኪሪስቶሳ ሃዋሬ ጊዳናው ዩጌቲዳ ጳውሎሲኔ፣ ኑ ኢሻ ሶስቲኒሲ፣  
2 ቆሮንቶሳን ዴዲያ ምሳ ምሳ ኬሳስ፣ ዩሱስ ኪሪስቶሳን ጊዩዳይሳታሲኔ ጊሺ ጊዳና ሜላ ዩጌቲዳይሳታስ፤ ቃሲ ኤንታሲኔ ኑስ ጎዳ ጊዲያ ኑ ጎዳ ዩሱስ ኪሪስቶሳ ሱንላ ኡባ ቤሳን ዩጊያ ኡባስ፤

3 ያሳይ፣ ኑ አዋይኔ ጎዳይ ዩሱስ ኪሪስቶሲ ሂንቴው አዶ ኬሃቴሳኔ ሳሮቱላ ኢሞ።

ጳውሎሲ ምሳ ጋላቲስ

4 ያሳይ ኪሪስቶስ ዩሱሳ ባጋራ ሂንቴው ኢሚዳ አዶ ኬሃቴላ ጊሾ ታኒ ኡባ ምዴ ምሳ ጋላታይስ። 5 ኢያን አዳኒኔ ኤሬቱላ ኡባን ሂንቴ ዱሬቲዴታ። 6 ታኒ ኪሪስቶሳባ ማርካቲዳይሲ ቱማ ጊዴይሳ ሄሲ ቆንጨሴስ። 7 ሄሳ ጊሾ፣ ሂንቴ ኑ ጎዳ ዩሱስ ኪሪስቶሳ ዩሳ ናጊሼ ዴዲያ። አይ አያና ኢሞይካ ሂንቴው ፓጩና። 8 ኑ ጎዳ ዩሱስ ኪሪስቶሲ ሲሚያ ምዴ ሂንቴ ቦሬቶናይሳታ ጊዳና ሜላ ኢ ወርሴሲ ጋካናው ሂንቴና ሚንሳና። 9 ባ ናዳ፣ ኑ ጎዳ ዩሱስ ኪሪስቶሳራ ኢሲፌቱላይ ዳና ሜላ ሂንቴና ዩጊዳ ያሳይ አማኔቲዳይሳ።

### ምሳ ኬሳን ዴዲያ ሻሆ

10 ታ ኢሻቶ፣ ሂንቴ ጊዶን ሻኬቴሲ ዶናዳ ሂንቴ ኢሲ ምዳናኒኔ ኢሲ ቆፋን ኢሶ ጊዲዲ፣ ዳና ሜላ ኑ ጎዳ ዩሱስ ኪሪስቶሳ ሱንላን ታ ሂንቴና ምሳይስ። 11 ታ ኢሻቶ፣ ቁሎዔ ሶ አሳይ ሂንቴ ጊዶን አሺ ዴዲያ ታው አዲዶሶና። 12 ሂንቴፌ ኢሶቲ ኢሶቲ፣ «ታኒ ጳውሎሳሳ፤ ታኒ አጲሎሳሳ፤ ታኒ ጳዊርሳሳ፤ ታኒ ኪሪስቶሳሳ» ያጌታ። 13 ኪሪስቶሲ ሻኬቲዴይ? ሂንቴ ጊሾ ማስቃሊያ ቦላ ካቱቲዳይ ጳውሎሴይ? ምይኮ ሂንቴ ጳውሎሳ ሱንላን ማቁቲዴቲዩ?

14 ታኒ ቃሪስጳሲኔ ጋዮሲ አቲን ሂንቴፌ አናካ ማቃቦና ጊሾ ምሳ ጋላታይስ። 15 ሄሳ ጊሾ፣ አኒካ ሂንቴና ታ ሱንላን ማቁቲዴታ ጋናው ዳንዳዳና። [ 16 ቃሲ ኢስጊፋኖሴ ሶ አሳካ ታ ማቁቲዳይሳ አኬካይስ፣ ሺን ሃራ አና ማቁቲዳኮ ሃሳይኬ።] 17 ኪሪስቶሲ ታና ኪቲዳይ ምንጊላ አዳና ሜላሳፌ አቲን ማቃና ሜላ ጊዴና። ኪሪስቶሲ ማስቃሊያ ቦላ ሃይቆዳይሲ ሃዳ ጊዶና ሜላ ታኒ አሳ ጨንጫቴላ ቃላን አዲኬ።

### ኪሪስቶሲ ምሳ ምልቃኔ ጨንጫቴላ

18 ኪሪስቶሲ ማስቃሊያ ቦላ ሃይቆዳይሳ አዲያ ቃላይ ዳዩይሳታስ ኤያቴሲ፣ ሺን ኑስ አቴይሳታስ ምሳ ምልቃ። 19 ጊሻ ማፃፋን፣

«ታኒ ጨንጫታ ጨንጫቴላ ዳይሳና፤

አኬካንቾታ አኬካ ባሌላና»

ያጌስ።

20 ያቲን፣ ጨንጫ አውን ዴዲ? ሂጊ አስታማሬይ አውን ዴዲ? ምይኮ ሃ ሳዓ ኤራንቾይ አውን ዴዲ? ያሳይ ሃ ሳዓ ጨንጫቴላ ኤያቴሲ አሲቤኔ?

21 ሃ ሳዓ አሳይ ባንታ ጨንጫቴላን ምሳ ኤሮና ሜላ ባ ጨንጫቴላን ዲጊዲ፣ ኤያቴላን ታይቤቲያ፣ ኑኒ አዲያ ቃላን አማኔይሳታ አሻናው ምሳ ሼኔ ጊዲስ። 22 አይሁራቲ ማላታ ቤዓናው ኮዮሶና፤ ቃሲ ጊሪኬቲ ጨንጫቴሲ ኮዮሶና። 23 ሺን ኑኒ ማስቃሊያ ቦላ ካቱቲዳ ኪሪስቶሳ ሳባኮስ። ሄሲ አይሁዳን ዳይሳታስ፣ ቃሲ ጊሪኬታስ ኤያቴሲ። 24 ሺን ያሳይ ማስቃሊያ ታስ፣ አይሁራ ጊዲን፣ ጊሪኬ ጊዲን ኪሪስቶሲ ምሳ ምልቃኔ ኢያ ጨንጫቴላ። 25 ምሳ ኤያቴላይ አሳ ጨንጫቴላፌ አዴስ፤ ቃሲ ምሳ ዳቡራይ አሳ ሚኖቴላፌ ሚኔስ።

26 ሂዛ፣ ታ ኢሻቶ፣ ምሳይ ሂንቴና ዩጊያ ምዴ ሂንቴ አይ ሜላ አሴኮ ቆፒቲ። አሳ ቆፋን ሂንቴ ጊዶን ጨንጫቲ፣ ምልቃማቲኔ ዶቃ ዛሬቲ ዶኮና። 27 ሺን ምሳይ ጨንጫታ ዩላያናው አላሜን ዴዲያ ኤያታ ዶሪስ፤ ቃሲ ሚኖታ ዩላያናው አላሜን ዴዲያ ዳቡራንቾታ ዶሪስ። 28 ምሳይ ሃ አላሚያን ጊታ ጌቱቲዳባ ዳይሳናው፣ ሃ ሳዓ ካወሻባ፣ ካዴቲዳባ ፓሶናባ ዶሪስ። 29 አኒካ ምሳ ሲንላን ጨቆቶና ሜላ ሄሳ አሲስ። 30 ሺን ምሳይ ሂንቴው ኪሪስቶስ ዩሱሳራ ኢሲፌቱሲ ዳና ሜላ አሲስ። ኢ ኑስ ምሳፌ ጨንጫቴሲ፣ ዩሎቴሲ፣ ጊሻቴሲኔ አቶቴሲ ጊዲስ። 31 ሄሳ ጊሾ፣ ጊሻ ማፃፋን፣ «ጨቆቲያ አኒካ ጎዳን ጨቆ» ያጌስ።

1:2 ሃ.አ 18:1    1:12 ሃ.አ 18:24    1:14 ሃ.አ 18:8፤ ሃ.አ 19:29፤ ሮሜ 16:23    1:16 1ቆሮ 16:15    1:19 ኢሳ 29:14    1:20 ኢዮ 12:17፤ ኢሳ 19:12፤ 33:18፤ 44:25    1:31 ኤር 9:24



2

ኪሪስቶስ ካቁቴላ

1 ታ ኢሻቶ፣ ታኒ ኮይሮ ያሳ ቃላ ሂንቴው አዳሼ ዩዳ ዎዴ ዶና ቢላቴላኒኔ ጨንጫቴላን ያቢኬ። 2 ታኒ ሂንቴራ ዴዲያ ዎዴ ማስቃሊያ ቦላ ካቁቴላ ዩሱስ ኪሪስቶሳፕ አቲን ሃራባ ኤራናው ኮዩኬ ጋዳ ታ ቆፋ ቃቻስ። 3 ታ ሂንቴራ ዴዲያ ዎዴ ዳቡራን፣ ያሻኒኔ ዳሮ ኮኮርሳን ዴዳስ። 4 ታ ኪታይኔ ታ ቲሚርቴይ ዶና ቢላቴላኒኔ ጨንጫቴላን ጊዶናሺን ጌሻ አያና ዎልቃ ቆንጨሴላና። 5 ሄሲካ፣ ሂንቴ አማኖይ ያሳ ዎልቃናፕ አቲን አሳ ጨንጫቴላን ዜምፖና ሜላሳ።

የሳ ጨንጫቴላ

6 አያና ዴዎን ዲጨዳይሳታስ ኑኒ ጨንጫቴላ ቃላን አዶስ። ሺን ሄ ጨንጫቴላይ፣ ሃ ሳዓ ጨንጫቴላ ዎይኮ ዳያናው ዴዲያ ሃ ሳዓ ሃራይሳታ ጨንጫቴላ ጊዶና። 7 ሺን ኑኒ አዲያ ጨንጫቴላይ፣ ዳሮ ዎዴፕ ሲንሴ ያሳይ ኑ ቦንቸዋስ ጊጊሲዳይሳኔ ጊሚዲ ዴዲያ ፀራ ጨንጫቴላ። 8 ሃ ሳዓ ሃራይሳታፕ አኒካ ሃ ጨንጫቴላ ኤሪቤና። ኤንቲ ኤሪዳባ ጊዲያኮ፣ ቦንቸ ጎዳ ማስቃሊያ ቦላ ካቆኮና። 9 ሺን ጌሻ ማፃፋን፣

«አይፌይ ቤዲቦናባ፣ ሃይሲ ሲዲቦናባ፣ ዎዛኒ ቆፒቦናባ፣

የሳይ ባና ሲቁይሳታስ ጊጊሲስ» ያጌስ።

10 የሳይ ባ ፀራ ባ አያና ባጋራ ኑስ ቆንጨሲስ። ጌሻ አያናይ ሃሪ አቶሺን ጊሚዳ ያሳ ፀራ ኡባ ፒልጌስ። 11 አሳን ዴዲያ አሳ አያናፕ አቲን አሳባ አኒካ ኤሬና። ሄሳዳካ፣ ያሳባ ያሳ አያናፕ አቲን አኒካ ኤሬና። 12 የሳይ ኑስ ጮ አሚዳባ ኑ ኤራና ሜላ ያሳ አያና ኤኪዳፕ አቲን ሃ ሳዓ አያና ኤኪቦኮ።

13 ኑኒ አያናባ፣ አያና አሳታስ አሳ ጨንጫቴላን ጊዶናሺን ያሳ አያናይ አሚያ ጨንጫቴላን ታማርሶስ። 14 ሺን ጌሻ አያናይ ባይና አሲ ያሳ አያና አሚታታ ኤኬና። ሄሲ አያው ኤያቴሲ፣ ኡባይ ጌሻ አያናን ፒልጌቲያ ጊሾ ኢ ኤራናው ዳንዳዔና። 15 ሺን ጌሻ አያኒ ዴዲያ አሲ ኡባባ ፒልጌስ፣ ሺን አያ አኒካ ፒልጌና። 16 ጌሻ ማፃፋን፣

«ጎዳ ዎዛና ኤሬይ አኔ?»

ኢያ ዙራናው ዳንዳዔይ አኔ?»  
ጌቴቲዲ ዓፌቲዳይሳ ሜላ። ሺን ኑስ ኪሪስቶስ ዎዛኒ ዴዴስ።

3

የሳ አሳንቾታ

1 ታ ኢሻቶ፣ ሂንቴ ኪሪስቶሳን ቡሮ ዮጋኔ አማኖና አሳሳ ዴዲያ ጊሾ ታኒ አያናባ ሂንቴው አዳናው ዳንዳዓቢኬ። 2 ሂንቴ ሚኖ ካሲ ማናው ዳንዳዒቦና ጊሾ ታኒ ሂንቴና ማሲ ፓሃስ፤ ሃዒካ ዳንዳዒቤኪታ። 3 ሃዒካ ሂንቴ አማኖና አሳዳ ዴዴታ። ሂንቴ ጊዶን ዴዲያ ቃናቴይኔ ፓላማይ ሂንቴ አማኖና አሳዳ ዴዴይሳ ኤሪሴኔ? ሂንቴ

አማኖና አሳዳ ሃኔታ። 4 ሂንቴፌ ኢሶይ፣ «ታኒ ጳውሎሳሳ» ሃራይ ቃሲ፣ «ታኒ አጲሎሳሳ» ጊኮ፣ አማኖና አሳ ሜላ ጊዴኬቲ?

5 ያቲን፣ አጲሎሲ አኔ? ጳውሎሲ አኔ? ኑኒ ሂንቴና አማንሲዳ ያሳ አሳንቾታ። ያሳይ ኢሱዋስ ኢሱዋስ አሚዳ አሱዋ ሜላ አሲያ አሳንቾታ ጊዶኮናይ? 6 ታ ቶካስ፤ አጲሎሲ ሃሴ ኡሺስ፣ ሺን ዲቼይ ያሳ። 7 ሄሳ ጊሾ፣ ዲቼዳ ያሳፌ አቲን ሃኬይካ ሃሴ ኡሺይካ አይኮካ ጊዶና። 8 ቶኬይኔ ሃሴ ኡሺይ ዎሊ ሜላ፣ ሺን ኢሶይ ኢሶይ ባ አሱዋ ሜላ ያሳይ አሚያ ዎይቴዎ ኤካና። 9 ኑኒ ኢሲፌ ያሳስ አሲያ ኢያ አሳንቾታ ጊዲያ ጊሾ ሂንቴ ያሳ ሾቃ፤ ያሳ ኬሲ። 10 ያሳይ ታው አሚዳ አይ ኬሃቴላ ሜላ ሂሳንቾ አናዔዳ ባሱዋ ዩጋስ። ሃራ ኡራይ ኢያ ቦላ ኬዔስ። ሺን ኢያ ቦላ ኬዒያ አኒካ ዋቲዲ ኬዒያኮ፣ ባው ናጌቶ። 11 ኢሲ ቶሆ ዩጌቲዳ ባሱዋፕ ሃራ ባሶ ዩጋናው አኒካ ዳንዳዔና። ሄ ባሶይካ ዩሱስ ኪሪስቶሳ። 12 ሺን ሃ ባሱዋ ቦላ አኒካ ዎርቃን ዎይኮ ቢራን ጊዲን፣ አልዎ ሹቻን ዎይኮ ሚላን ጊዲን፣ ማታን ዎይኮ ማቃን ኬዒኮ። 13 ኢሲ ኢሲ አሲ ሄ ባሱዋ ቦላ አይቢን ኬዒዳኮ ፒርዳ ጋላስ ታማን ፓጩቲዲ ቆንጫና። 14 አኒካ ሄ ባሱዋ ቦላ ኬዒዳ ኬላይ ታማን ፀጌቶና አቲኮ፣ ባ ዎይቴዎ ኤካና። 15 ሺን አይ አሶይካ ታማን ፀጌቲኮ፣ ሄ ኡራስ ዎይቶይ ባዎ። ጊዶሺን፣ ኢ ባ ሁዔን ታማፕ ኬሲ ኤኪዳ አሳዳ አታና።

16 ሂንቴ ያሳ ኬሲ ጊዴይሳኔ ያሳ አያናይ ሂንቴናን ዴዴይሳ ኤሬኬቲ? 17 አኒካ ያሳ ኬሲ ላሊኮ፣ ያሳይካ ኢያ ላላና። ያሳ ኬላይ ጌሺ፤ ሄ ኬላይካ ሂንቴና።

18 አኒካ ባና ጨዋፎ። ሃ ሳዓ ጨንጫቴላን ባና ጨንጫ አሲዲ ኤኪያ አኒካ ያሳ ሲንሳን ጨንጫ ጊዳናው ኤያ ጊዶ። 19 ሃ ሳዓ ጨንጫቴላይ ያሳ ሲንሳን ኤያቴሲ። ጌሻ ማፃፋን፣

«የሳይ ጨንጫታ ኤንታ ጌኔ ቆፋን አይኬስ» ያጌስ።

20 ቃሲ፣ «ጨንጫታ ቆፋይ ማዶናባ ጊዴይሳ ጎዳይ ኤሬስ» ያጌስ።

21 ሄሳ ጊሾ፣ ኡባይ ሂንቴላ ጊዲያ ጊሾ አኒካ አሳን ጨቆቶፎ። 22 ጳውሎሲ፣ አጲሎሲኔ ጳዒሮሲ፣ ሃ አሳሜይ፣ ዴዎይ፣ ሃይቆይ፣ ሃዒ ዴዴይ፣ ሲንሳፌ ያናይሲ፣ ኡባይ ሂንቴሳ። 23 ሂንቴ ኪሪስቶሳሳ፤ ኪሪስቶሲ ያሳሳ።

4

ኪሪስቶስ ሃዋሬታ

1 አሳይ ኑና ኪሪስቶስ አይሌዳኔ ያሳ ፀራ ቆንጨሳናው ሃዳሪ አሚቲዳ አሳዳ አሲዲ ቆፖ። 2 ሄ ሃዳሪ ኤኪዳ አሳቲ ባንታ ጎዳስ አማኔቲዳይሳታ ጊዳናው ቤሴስ። 3 ሺን ሂንቴ ዎይኮ ሃራይ ታና ፒርዲኮ፣ ታው አይኮካ ጊዴና። ሃራይ አቶ፣ ታካ ታ ቦላ ፒርዲኬ። 4 ታ ካሃይ ጌሺ፣ ሺን ሄሲ ታ ፖሎ ዒሎ ጊዴይሳ ቤሴና። ታ ቦላ ፒርዳናይ ጎዳ ዓላላ። 5 ሄሳ ጊሾ፣ ዎዴይ ጋኮና፣ ጎዳይ ዮና አይ ቦላካ ፒርዶፊቴ። ኢ ዲማን ጊሚዳባ ፖዎ ኬሴና፤ አሳ ዎዛናን ቆሴቲዳ

2:3 ሃ.አ 18:9 2:9 ኢ.ሳ 64:4 2:16 ኢ.ሳ 40:13 3:2 ኢ.ብ 5:12-13 3:4 1ቆሮ 1:12 3:6 ሃ.አ 18:4-11፤ 24-28 3:16 1ቆሮ 6:19፤ 2ቆሮ 6:16 3:19 ኢ.ዮ 5:13 3:20 ማዘ 94:11

ቆፋ ቆንጩሳና። ሄ ዎዴ ኢሶይ ኢሶይ ያሳፊ ጋላታ ኤካና።

6 ታ ኢሻቶ፣ ሂንቴ ጊሾ አጲሎሳኔ ታና ሌሚሶ አሳዳ ሂንቴው አዳስ። ሄሳ ታ አሲዳይ፣ «ፃፊቴዳይሳፊ አጲፋ» ያጊያ ዞሪያ ሂንቴ ኑፔ ታማራና ሜላሳ። ሄሳ ጊሾ፣ አኒካ ኢሱዋ ሳቢዲ ሃንኩዋ ካዳናው ቤሴና። 7 ኔ ሃራታፔ አይቢን አዳይ? ኔኔ ኤካቦናባይ አይቢ ዴዲ? ያቲን፣ ኔኔ ኤኪዳባ ሃራ አሳፔ ኤኪዳ ጊዲኮ፣ ኤኪቦና አሳዳ አይስ ጩቁታይ?

8 ሃዲ ሂንቴ ካሊዴታ። ሃዲ ሂንቴ ዱሬቲዴታ። ኑኒ ባይና ሂንቴ ፃላላ ካዎቲዴታ። ሂንቴ ቱማ ካዎቲዳባ ጊዲያኮ፣ ኑካ ሂንቴራ ካዎታናሺን። 9 ያሳይ ኑና ሃዎሬታ፣ ሃይቆ ፐርዴቲዳ አሳዳ አሳ ኡባፊ ኑና ጉዬ አሲዳ ታው ዳኔስ። ኑኒ ሃ አላሚያስ፣ ኪታንቾታሲኔ አሳስ ካሳባ ጊዲዳ።

10 ኑኒ ኪሪስቶሳ ጊሾ ኤያ ጊዲዳ፣ ሺን ሂንቴ ኪሪስቶሳን ጩንጫታ ጊዲዴታ። ኑኒ ዳቡራንቾ፣ ሺን ሂንቴ ሚኖ ጊዲዴታ። ሂንቴ ቦንቼቲዴታ፣ ሺን ኑኒ ቶሽቲዳ። 11 ሃዲ ጋካናው ኑ ኮሻቶስ፣ ሳዎቶስ፣ ካሎቶስ፣ ዋዴቶስ፣ ዳና ሶ ዳዩዲ ቶይላቶስ። 12 ኑኒ ኑ ኩሺን አሲ አቆስ። ኑና አሲ ባዲያ ዎዴ አንጆስ፣ ኑና ጎዲያ ዎዴ ዳንዳቦስ።

13 ኑ ቦላ ኢታባ አዴቲያ ዎዴ ሎዎ ቃላ ዛርስ። ኑ ሃዲ ጋካናው ሃ አላሚያ ፒቶኔ ዎራ ዩጌቲያ ቡሬ ጊዲዳ።

14 ታኒ ሄሳ ፃፊዳይ፣ ታ ሲቂያ ናይታዳ፣ ሂንቴና ዞራናው ፃፋሲፔ አቲን ዩላያናው ጊዴና።

15 ኪሪስቶሳን ሂንቴና ዲቺያ ታይቦፔ ቦላ ጊዲዳ ካሌሴይሳቲ ዴዲኮካ፣ ሂንቴው ኢሲ አዉ ዴዲስ። ታ ሂንቴና ኪሪስቶስ ዩሱሳ ዎንጌላን ዩላስ። 16 ሂዛ፣ ሂንቴ ታና ሌሚሶ አሲዳ ካላና ሜላ ሂንቴና ዎሳይስ። 17 ሄሳ ጊሾ፣ አማኔቲዳ፣ ታ ሲቂያ፣ ጎዳን ታ ናዳ፣ ጊዎቲዮሳ ሂንቴኮ ኪታስ። ኢ ዱማ ዱማ ቤሳን ዴዲያ ዎሳ ኬላን ታ ታማርሲዳ፣ ኪሪስቶሳ ዩሱሳን ዴዲያ ታ አጊያ ሂንቴና ሃሳዩሳና።

18 ታኒ ሂንቴኮ ዮናባ ዳኒን፣ አቶሪያ ኢሲ ኢሲ አሳቲ ዴዎሶና። 19 ሺን ጎዳይ ጊኮ፣ ማታ ዎዴ ታኒ ሂንቴኮ ባና። ሄ ዎዴ አቶሪንቾታ አዳ ፃላላ ጊዴናሺን ኤንታ ዎልቃካ ኤራና። 20 ያሳ ካዎቲሳይ አዳ ጊዴናሺን ዎልቃ። 21 ታኒ ሂንቴኮ ፃምዓራ ቦዬ ዎይኮ ሲቆራኔ አሽኬ አያናራ ቦ? አዉሳ ዶሬቲ?

5

አማኒያ አሳ ጊዶን ዴዲያ ዩላያ አሶ

1 ሂንቴ ጊዶን ላይማቴሲ ዴዲይሲ ዚጊሬቲስ። ሄሳ ሜላ ላይማቴሲ ሃሪ አቶሺን፣ አማኖና አሳይካ አሶኮና። ሂንቴ ጊዶን ባ አዎ ማቼራ ቱኒዳ አሲ ዴዲስ። 2 ሄሳን ሂንቴ ቂርታናዉኔ ዩላታናው ቤሴኔ፣ ሺን አቶርቲዴታ። ሄሳ ሜላ ቦርሶባ አሲዳ ኡራ ሂንቴ ጊዶፊ ኬሳናው ቤሴኔ?

3 ታኒ አሾን ሂንቴራ ዶና ኢዲካ አያናን ታ ሂንቴራ ዴዲይስ። ታኒ ሂንቴራ ዴዲያ አሳዳ ሃናዳ ሄሳ ሜላ አሱዋ አሲዳ ኡራ ቦላ ፐርዳስ። 4 ኑ ጎዳ ዩሱስ ኪሪስቶሳ ሱንሳን ሂንቴ ሺቂያ

ዎዴ ታኒ አያናን ሂንቴራ ዳና። ሄሳን ጎዳ ዩሱስ ኪሪስቶሳ ዎልቃይ ሂንቴራ ጊዳና። 5 ሄ ኡራ ናጋራ አሾይ \* ዳዩዲ፣ ኢያ አያናይ ጎዳ ዩሱሳ ፐርዳ ጋላሳን አታና ሜላ ኢ ፃላሄስ አዲ ኢሜቶ።

6 ሂንቴ ጩቆይ ሎዎ ጊዴና። ጉሳ ኢርሾይ ሙኑቃ ኡባ ዴንሴይሳ ኤሬኬቲዬ? 7 ሂንቴ ሃዲ ኢርሾይ ባይና ሙኑቃ ጊዳና ሜላ፣ ናጋራ ኢርሾዋ ሂንቴፊ ኬሲቴ። ኑስ ፓሲካ ዶርሳ ጊዲዳ ኪሪስቶሲ ያርሼቲስ። 8 ሄሳ ጊሾ፣ ጌኔይኔ ኢታቴሲ ዴዲያ ኢርሾዋራ ጊዴናሺን ቱማቴሲኔ ጌሻቴሲ ዴዲያ ኡይላራ ኑ ባሊያ ቦንቾስ።

9 ታ ካሴ ፃፊዳ ዳብዳቢያን ሂንቴ ላይማቲያ አሳራ ጋሄቶና ሜላ ሂንቴው አዳስ። 10 ሄሳ ጉሳይ ሃ አላሚያን ዴዲያ ላይማቴይሳታራ ዎይኮ ኡዜታራ ዎይኮ ካይሶታራ ዎይኮ ኤቃ ጎይኔይሳታራ ፖሎ ጋሄቶሬቲ ጉሱ ጊዴና። ሄሳ ጊዲኮ፣ ሃ አላሚያፔ ሂንቴ ኬያናው ቤሴስ ሺን አቲስ። 11 ሺን አማኖይስ ያጊሼ ላይማቴይሳታራ ዎይኮ ኡዜታራ ዎይኮ ኤቃ ጎይኔይሳታራ ዎይኮ ጫዩይሳታራ ዎይኮ ማሶቴይሳታራ ዎይኮ ካይሶታራ ጋሄቶሬቲ ጋዳ ሂንቴው አዳይስ። ሄሳ ሜላ አሳራ ሃሪ አቶሺን፣ ካሲካ ሞጉቲ።

12 ዎሳ ኬላፊ ካሬራ ዴዲይሳታ ቦላ ፐርዳናው ታና አይቤ ጋሴይ? ዎሳ ኬላን ዴዲይሳታ ቦላ ሂንቴ ፐርዴኬቲዬ? 13 ሺን ካሬራ ዴዲይሳታ ቦላ ያሳይ ፐርዳና። ሄ ኢታባ አሲያ ኡራ ሂንቴ ጊዶፊ ኬሲቴ።

6

አማኒያ አሳ ጊዶን ዴዲያ ሞቶ

1 ሂንቴ ጊዶፊ ኢሶይ ኢሱዋራ ሞቶይ ዴዲኮ፣ ሄሳ አማኒያ አሳ ሲንሳን ፐርዴታናይሳ አጊዲ አማኖና አሳ ሲንሳን ፐርዴታናው ዋኒዲ ቤ? 2 ጌሻቲ አላሚያ ቦላ ፐርዳናይሳ ሂንቴ ኤሬኬቲ? ያቲን፣ ሂንቴ አላሚያ ቦላ ፐርዲያባ ጊዲኮ፣ ሃይሳ ሜላ ጉሳባ ፐርዳናው ዋኒዲ ዳንዳዴኬቲ? 3 ኑኒ ኪታንቾታ ቦላ ፐርዳናይሳ ኤሬኬቲ? ያቲን፣ ሃ ሳዳ ዳሳባ ቦላ ፐርዳናይሲ ሂንቴና ዋኒዲ ያኒ? 4 ያቲን፣ ሄሳ ሜላ ሜቶይ ሂንቴ ጊዶን ሜዴቲኮ፣ ዎሳ ኬላ አይፊን ካዴቲዳ አሳ ሲንሳን ፐርዴታናው ዋቲ ኤፊቲ? 5 ታኒ ሂንቴና ዩላያናው ሄሳ ጋይስ። ሂንቴ ጊዶን ካጩቲዳ አሳታ ሲጌላናው ዳንዳዲያ አኬካ አሲ ባዌ? 6 ያቲን፣ ኢሲ አማኔይሲ ሃንኮ አማኔይሳ ፐርዳ ኬላን አማኖና አሳ ሲንሳን ሞታናው ቤሲ?

7 ሂዛ፣ ሂንቴ ኢሶይ ኢሱዋ ሞቲያባ ጊዲኮ ሄሲ ሂንቴ ኩንዴሳ ቤሴስ። ሄሳፊ ሂንቴ ቆሄቲኮኔ ጩሜቲኮ ኬሄኔ? 8 ሺን ሂንቴ ዎሲ ጊዶን አማኔይሳቲ ኢሶይ ኢሱዋ ቆሄታኔ ጩሜታ።

9 ጌላቲ ያሳ ካዎቲሳ ላቶናይሳ ሂንቴ ኤሬኬቲ? ሂንቴና ጩሞሬቲ፣ ላይማቴይሳቲ ዎይኮ ኤቃ ጎይኔይሳቲ ዎይኮ ቃይዲይሳቲ ዎይኮ አዴራ አዴራ ጋሄቲይሳቲ፣ 10 ዎይኮ ካይሶቲ ዎይኮ ኡዜቲ ዎይኮ ማሶቴይሳቲ ዎይኮ ጫዩይሳቲ ዎይኮ ቦንቆይሳቲ ያሳ ካዎቲሳ ላቶኮና። 11 ሂንቴፊ ኢሲ ኢሲ አሳቲ ካሴ ሄሳ ሜላ። ሺን ሂንቴ ሃዲ ጎዳ ዩሱስ ኪሪስቶሳ

4:12 ሃ.አ 18:3 4:16 1ቆር 11:1፤ ፊል 3:17 5:1 ዛሬ 22:30 \* 5:5 ናጋራ አሾይ፣ ናጋራ ሜዶይ ዎይኮ ናጋራ አሳቴሳይ። 5:6 ጋላ 5:9 5:7 ኬሳ 12:5 5:8 ኬሳ 13:7፤ ዛሬ 16:3 5:13 ዛሬ 13:5፤ 17:7

ሱንሳኒኔ ያሳ አያናን ሜጠቱደታ፤ ገደደታ፤ ጊሊደታ።

**ሂንቴ አሳቴሳን ያሳ ቦንቺቴ**

12 ሂንቴ፡ «ኑ ኮዩዳባ አሳናው ዳንዳዎስ» ያጌታ። ሺን ኡባይ ሂንቴና ማደና። ታኒ ኮዩዳባ ኡባ አሳናው ዳንዳዎስ። ሺን አይቢካ ታና ሃሬና። 13 ሂንቴ፡ «ካሲ ኡሎሳ፤ ኡሎይካ ካሳ» ያጌታ። ሺን ያሳይ ኡሎዋካ ካሳካ ዳይሳናይሳ ታ ሂንቴው አዳይስ። ኑ አሳቴሳይ ጎዳሳፌ አቲን ሳይማቴሳ ጊደና። ጎዳይካ ኑ አሳቴሳ። 14 ያሳይ ጎዳ ሃይቆፕ ደንሲዳይሳ፣ ኑናካ ሃይቆፕ ባ ዎልቃን ደንሳና።

15 ሂንቴ አሳቴሳይ ኪሪስቶሳ አሳቴሳፌ ባጋ ጊደይሳ ኤሬኬቴ? ያቲን፣ ታኒ ኪሪስቶሳ አሳቴሳፌ ባጋ ኡፋዳ ሳይማቴሳ አሳቴሳ ጊዳና ሜላ አሳ? ሃኔና! 16 ሳይማቴያ ኡራይ ኢ ጋሄቴያ አሴራ ኢሲ አሳቴሳ ጊደይሳ ኤሬኬቴ? ጌሻ ማፃፋን፣ «ኤንቲ ናምዓይ ኢሲ አሳቴሳ ጊዳና» ጌቴቲዲ ሃሬቴስ። 17 ሺን ጎዳራ ኢሲፊያ ኡራይ ኢያራ አያናን ኢሶ ጊደስ።

18 ሳይማቴሳፌ ሃኪቴ። ኢሲ ኡራይ አሲያ ሃራ ናጋራይ ኢያ አሳቴሳፌ ካሬራ አሴቴስ። ሺን ሳይማቴያ አሲ ባ አሳቴሳ ቦላ ናጋራ አሴስ። 19 ሂንቴ አሳቴሳይ ያሳይ ሂንቴው ኢሚዳ ሂንቴናን ደዲያ ጌሻ አያና ኬሲ ጊደይሳ ኤሬኬቴ? ሂንቴ ሂንቴባ ጊደኬታ። 20 ያሳይ ሂንቴና ጋቴን ሻሚስ። ሄሳ ጊሾ፣ ሂንቴ አሳቴሳን ያሳ ቦንቺቴ።

**7**

**ኤኮ ጌሎባ**

1 ሂንቴ ታው ሃሬዳ ዳብዳቢያስ ዛርይ ሃይሳ። ኢሲ አሲ ማቾና ደዲኮ ሎዎ። 2 ሺን ሳይማቴሳፌ አታናው ኢሲ ኢሲ አዴይ ማቾ ኤኮ፤ ቃሲ ኢሲ ኢሲ ማጫሳስ አዘኒ ደዎ።

3 አዘኒያ ባ ማቼስ፣ ቃሲ ማቼያ ባ አዘኒያስ ቤሲያባ ኩንሶ። 4 ማቼስ ባ አሳቴሳ ቦላ ኢው ማቲ ባዋ፣ ሺን ማታይ ኢ አዘኒያ፣ ሄሳዳካ፣ አዘኒያስ ኢያ አሳቴሳ ቦላ ማቲ ባዋ፣ ሺን ማታይ ማቼሳ። 5 ሂንቴ ዎሳን ጉሳ ዎዴ ጋምዓናው ዞሬቴሳን ጊደና ኢዲኮ፣ ኢሶይ ኢሱዋ ዲጎሬቴ። ሄሳ ጋሶን ሂንቴናቴሳ ሃራናው ያኔቴን፣ ሃላሄይ ሂንቴና ፓጮና ሜላ ኢሲፌ ደዲቴ። 6 ሺን ታኒ ሂንቴና ዞራናው ሃይሳ ጋይሲፕ አቲን ኪታ ጊደና። 7 አሲ ኡባይ ታዳ ማቾ ኤኮና ደዲያኮ ዶሳይስ። ሺን ያሳይ ኢሱዋስ ኢሱዋስ ኢሚዳ ዱማ ኢሞቲ ደዲስ። ኢሱዋስ ሃይሳ ሜላ ሃንኩዋስ ሄሳ ሜላ ኢሞቲ ደዲስ።

8 ማቾ ኤኪቦናይሳታሲኔ አዘኒያ ጌሊቦናይሳታስ ቃሲ አምዴታስ ታኒ ጌይ፣ ታዳ ኤኮና ዎይኮ ጌሎና ደዲቴ ጋዳ ዞራይስ። 9 ሺን አሞን ፀጌቴይሳፌ ኤኬይሲኔ ጌሌይሲ ሎዎ ጊዲያ ጊሾ ኤንቲ ባንታና ሃራናው ዳንዳዎና ኢዲኮ፣ ኤኮኔ ጌሎ።

10 ታኒ ኤኪዳይሳታኔ ጌሊዳይሳታ ሃይሳዳ ጋዳ ዞራይስ፤ ታና ጊዲኬ ጎዳይ ኪቴስ፤ ማቼያ ባ አዘኒያ ሻኬቶ። 11 ሺን ሻኬቴኮ ሃራ አዘኒያ ጌሎና ባርካ ደዎ ዎይኮ ባ አዘኒያራ ጊጎ። አዘኒያ ባ ማቼው ቢሎ።

12 ሺን ሃራታስ ጎዳ ጊደናሺን ታኒ ሃይሳዳ ጋይስ። አማኖና ማቾ ደዲያ አማኒያ አዘኒ ደዲኮ፣ ኢያ ማቼያ ኢያራ ኢሲፌ ዳናው ኮይኮ ኢዮ ቢሎ። 13 ቃሲ አማኖና አዘኒ ደዲያ አማኒያ ማቾ ደዲኮ፣ ኢ አዘኒያ ኢራ ኢሲፌ ዳናው ኮይኮ ኢያፕ ቢሎቶ። 14 አማኖና አዘኒያ ባ አማኒያ ማቼ ባጋራ ጌዩስ፤ ቃሲ አማኖና ማቼያ ባ አማኒያ አዘኒያ ባጋራ ጌያጤስ። ሄሲ ባይኔኮ፣ ሂንቴ ናይቲ ቴና ጊደሶና፣ ሺን ሃዲ ኤንቲ ጌሺ። 15 ሺን አማኖና አዘኒያ ዎይኮ ማቼያ ቢላናው ኮይኮ ቢሎ። አማኒያ ማቼያ ዎይኮ አዘኒያ ሄሳ ሜላባን ቃሼቶኮና፣ ያሳይ ኑና ሳርቴሳን ዳና ሜላ ያጊስ። 16 አማኒያ ማቼቴ፣ ኔኒ አማኖና ኔ አዘኒያ አሻኔኮ አይ ኤራይ? ዎይኮ አማኒያ አዘኒያው፣ ኔኒ አማኖና ኔ ማቼው አሻኔኮ አይ ኤራይ?

**ያሳይ ሂንቴና ዩጊዳይሳዳ ደዲቴ**

17 ኢሲ ኢሲ አሲ ጎዳይ ኢያው ኢሚዳ ኢሞታዳኔ ያሳይ ኢያ ዩጊዳይሳዳ ደዎ። ዎሳ ኬሳ ኡባን ታኒ ታማርሲዳ ዎጋይ ሃይሳ። 18 አኒካ ቃፃራቴዲ አማኒዳባ ጊዲኮ፣ ቃፃራቶና ሃኖፖ። ቃፃራቶና አማኒዳ አኒካ ደዲኮ፣ ቃፃራታናው ኮዮፖ። 19 ያሳ ኪታ ፖላናው ቤሴስፕ አቲን ቃፃራቴን ቃፃራቶና አጊን አይኮካ ማደና።

20 ኢሲ ኢሲ አሲ ያሳይ ባና ያጊያ ዎዴ ደዲይሳዳ ደዎ። 21 ያሳይ ኔና ያጊያ ዎዴ ኔኒ አይሎ? አይኮይ ባዋ ሄሳስ ኡንዲቶፋ። ሺን ኔኒ አይሎቴሳፌ ላዓ ኬያናው ዳንዳዊኮ ዩዳ ኬያ። 22 አይሎ ጊዲ ደዲሺ ጎዳን ዩጌቲዳ አሲ ጎዳን አይሎቴሳፌ ላዓ ኬዩስ። ሄሳዳካ፣ አይሎ ጊደና ደዲሺ። ጎዳን ዩጌቲዳ አሲ ኪሪስቶሳ አይሎ። 23 ያሳይ ሂንቴና ጋቴን ሻሚዳ ጊሾ አሳ አይሎ ጊደፕቴ። 24 ታ ኢሻቶ፣ ሂንቴ ኢሶይ ኢሶይ ዩጌቲያ ዎዴ ደዲያ ደዎዋን ያሳራ ኢሲፌ ደዲቴ።

**ኤኪቦና፣ ጌሊቦና አሳባኔ አምዴታባ**

25 ጌላዎታባ ጎዳይ ታና ኪቲዳባይ ባዋ። ሺን ጎዳይ ታው ኢሚዳ ማርቴሳ ሜላ ታኒ ሂንቴና ዞራይስ። 26 ሂዛ፣ ሃዲ ሜቱዋ ጊሾ ኤኮና ዎይኮ ጌሎና ዱሲ ታው ሎዎ ዳኔስ። 27 ኔ ማቾ ኤኪዳባ ጊዲኮ፣ ቢላናው ኮዮፖ። ኔ ማቾ ኤኪቦናባ ጊዲኮ፣ ኤካናው ኮዮፖ። 28 ሺን ኔ ማቾ ኤኪኮ ናጋሪ ባዋ፣ ሄሳዳ ጌላዲያካ አዘኒያ ጌሊኮ ናጋሪ ባዋ። ሺን ኤኪያ ጌሊያ አሳስ ሃ ሳዓን ዳር ሜቶይ ደዲያ ጊሾ ሂንቴ ሄሳፌ አታና ሜላ ታ ኮያይስ።

29 ታ ኢሻቶ፣ ታ ጌይ ሄሳ፤ ዎዴይ ወሪስ። ሂዛፕ ሲንሴ ማቾ ደዲይሲ ማቾ ኤኮናይሳዳ ደዎ። 30 ዩኬይሳቲ ዩኮናዳ፣ ኡፋይቴይሳቲ ኡፋይቶናዳ፣ ሻሚይሳቲ አይኮይካ ባይናዳ ባንታና ታይቦ። 31 ሃ ሳዓ ሻሎዋን ማዴቴይሳቲ ማዴቴቦናዳ ሃኖ። ሃ አላሚያ ማላይ አዳና።

32 ሂንቴ ሂርጊ ባይና ዳና ሜላ ታ ዶሳይስ። ማቾ ኤኪቦናይሲ ጎዳ ኡፋይሳናው ኮያ ጊሾ ጎዳባ ቆፕስ። 33 ሺን ማቾ ኤኪዳይሲ ባ ማቼው ኡፋይሳናው ኮያ ጊሾ ሃ ሳዓባ ቆፕስ። 34 ኢያ ቆፋይ ናምዓን ሻኬቴስ። አዘኒያ ጌላቦና ጌላዲያ ባ አሳቴሳኒኔ ባ ሺምፕዋን ጌያዳ ጎዳ ኡፋይሳናው

6:12 1ቆር 10:23 6:16 ሜዴ 2:24 6:19 1ቆር 3:16፤ 2ቆር 6:16 7:10 ማቶ 5:32፤ 19:9፤ ማር 10:11-12፤ ሉቃ 16:18



ኮያ ጊሾ ጎዳባ ቆጥረው። ሺን አዘና ጌሊዳራ ባ አዘና ኡፋይሳናው ኮያ ጊሾ ሳግባ ቆጥረው።

35 ታኒ ሄሳ ሂንቴው አደይ፣ ሂንቴ ማዴታና ማላሳፊ አቲን ሂንቴና ኡንዔሳናው ጊዴና። ሺን ሂንቴ ቆፋይ ሻኪቶና ማራን ዴዲዲ ጎዳ ኡፋይሲያባ ሂንቴ አሳና ማላ ታኒ አዳይስ።

36 አኒካ ባ አይቺዳ ጌላዔስ ጌሎ ዎዴይ አዲስ ጊዲ ኢዮ አጋናው ቆጥሮ፣ ሄሲ ቃሲ ኢው ሎዎ ጊዴናይሲ ኢያው ሲዔቲኮ፣ ባ ኮዩዳይሳ አሶ፣ ኤንቲ ኤኬቶ፣ ጌሎቶ፣ ሄሳን ናጋሪ ባዎ።

37 ሺን ኢሲ አሲ ኡንዔሲያባይ ዳዩን፣ ባ ዎዛናን ማኒዲ፣ ባና ሃሪዲ፣ ባ አይቺዳ ጌላዲው ኤኮና አጋናው ከይኮ ሎይሲስ። 38 ሄሳ ጊሾ፣ ጌላዲው ኤኪያ ኡራይ ሎይሲስ፣ ቃሲ ኤኮና ኡራይ ዳሮ ሎይሲስ።

39 ማቺያ ባ አዘናይ ፓፃ ዴዲያ ዎዴ ኡባን ኢያራ ቃሺታሱ። ሺን ኢ አዘናይ ሃይቂኮ፣ ባ ዶሲዳ አዘና ጌላናው ዳንዳግው። ጊዶሺን፣ ኢያ ጌሊያ አዴይ አማኒያ አሲ ጊዳናው ቤሴስ።

40 ታ ቆፋን ጊዲኮ፣ ኢያ ጌሎና ዴዲኮ ኡፋይሳን ዳና። ቃሲ ታው፣ ታ ቦላ ዶሳ አያኒ ዴዲያ ዳኔስ።

8

ኤቃስ ያርሼቲዳ ካሳባ

1 ኤቃስ ያርሼቲዳ ካሳባ ጊዲኮ ኮ ኡባይ ኤሮስ። ኤራቴሲ አቶሮሴስ፣ ሺን ሲቆይ ዲቼስ።

2 አኒካ ባና ኤራይስ ጊዲ ቆጥሮ፣ ኢ ቡሮ ኤራናው ቤሴይሳ ኤሪቤና። 3 ሺን አኒካ ዶሳ ሲቂኮ ኢ ዶሳ ማታን ኤራቴዳይሳ።

4 ሄሳ ጊሾ፣ ኤቃስ ያርሼቲዳ ካሲ ሙሳባ ጊዲኮ ሃ አላሚያን ጎዲ ኢሲ ዶሳፊ አቲን ሃሪ ባይና ጊሾ ኤቂ ፓሶናባ ጊዴይሳ ኮኒ ኤሮስ። 5 ዶሴ ጊዴናሺን ሳሎኒኔ ሳግን ዶሴ ጌቴቲ ዌጌቲያ ዳሮ ዶሳቲኔ ጎዳቲ ዴዲኮካ፣ 6 ኡባባ ሜዲዳ፣ ኮ ኢያባ ጊዲዳ፣ ኢሲ ዶሳይ፣ አዎይ፣ ኮስ ዴዴስ። ኡባይ ኢያ ባጋራ ሜዴቲዳ፣ ኮካ ኢያ ባጋራ ዴዎ ዴሚዳ ኢሲ ጎዳይ፣ ዩሱስ ኪሪስቶሲ ኮስ ዴዴስ።

7 ሺን ሃይሳ ኤራይ ኡባ ጊዴና፣ ኢሲ ኢሲ አሳይ ኤቃ ጎይኖራ ሜዜቲዳ ጊሾ ካሲ ሚያ ዎዴ ኤቃስ ያርሼቲዳባ አሲዲ ኤኮሶና። ሄ ዎዴ ኤንታ ካሃይ ዳቡራ ጊዲያ ጊሾ ቱኔስ። 8 ሺን ካሲ ኮና ዶሳራ ዳቦዩና። ኮ ዎና አጊዲ አይኮካ ቆሄቶኮ፣ ቃሲ ሚዲ ዱማ ጎዴቶኮ።

9 ሺን ሂንቴ ኮዩዳባ ማናው ላዓቴሲ ሂንቴው ዴዲኮካ ሄሲ አማኖን ሚኖናይሳታ ዱቦና ማላ ናጌቲቴ። 10 ኔኒ ኔና ኤራንቾ ጋዳ ኤቃስ ያርሼቲዳ ካሲ ማናው ኤቃ ኬሳን ኡቲዳሺን፣ አማኖን ሚኖናይሲ ኔና ቤዲኮ ሄሲ ኢያ ኤቃስ ያርሼቲዳ ካሲ ማና ማላ ዴንሴሴኔዩ? 11 ሂዛ፣ ኔ ኤራቴሳ ጋሶን ኪሪስቶሲ ኢያ ጊሾ ሃይቂዳ፣ አማኖን ሚኖና ኔ ኢሻይ፣ ዳይስ። 12 ሄሳዳ አሲዲ፣ አማኖን ሚኖና ሂንቴ ኢሻታ ቆሃሼኔ ኤንታ ካሃ ማዱንጊሲሼ ኪሪስቶሳ ቆሄታ። 13 ሄሳ ጊሾ፣ ካሲ ታ ኢሻ ዱቤያባ ጊዲኮ፣ ኢ ዱቤቶና ማላ አሾ ኡባራካ ሚኪ።

9

ሃዋራታ ማታ

1 ታኒ ዩዳ ዴዲያ አሲ ጊዲኪና? ታ ሃዋራ ጊዲኪና? ታኒ ኮ ጎዳ ዩሱስ ኪሪስቶሳ ቤዓቢኪና? ሂንቴ ጎዳን ታ ዳቡራ አይፊ ጊዴኬቲ? 2 ሂንቴ ጎዳባ ጊዲያ ጊሾ ታ ሃራታስ ሃዋራ ጊዴና ኢዲኮካ፣ ሂንቴው ሃዋራ ጊዴይሳስ ሂንቴ ማርካ።

3 ታና ሃዋራ ጊዴና ጌይሳታስ ታ ኢሚያ ዛርይ ሃይሳ። 4 ኮ ሂንቴፊ ማናው ኡያናው ቱማ ኮስ ማቲ ባዎ? 5 ሃንኮ ሃዋራታዳ፣ ጎዳ ኢሻታዳኔ ዲዲሮሳዳ፣ አማኒያ ኮ ማቼታ ኤኪ ሃሙታናው ኮስ ማቲ ባዎ? 6 ዎይኮ አሲዲ ማናው ቤሴይ ታራኔ ባርናባሳ ፃላሌ? 7 ባ ሚሼን ዎታዳራታሲ አሴይ አኔ? ዎይኮ ዎይኔ ቶኪዲ፣ ኢያፕ አይፊ ዎናይ አኔ? ዎይኮ ወዴ ሄሚሼ፣ ሄ ወዲያፕ ማሲ ኡዮናይ አኔ?

8 ታኒ ሄሳ አሳ ቆፋሶ ጋይናዩ? ሂንይ ሄሳ ጌኔ? 9 ሙሴ ሂጊያን፣ «ወዱማን ካሳ ዩዲያ ቦራ ዶና ቃሾፋ» ጌቴቲዲ ፃፊቲስ። ያቲን ዶሳይ ሄሳ ቦራስ ቆጥዲ ጊዴ? 10 ዶሳይ ሄሳ ጊዳይ ኮስ ቆጥዲ ጊዴኔ? ኤ ኮ ጊሾሳ፣ ጎዩይሲካ፣ ካሳ ጌሼይሲካ ባና ጋኬይሳ ኤካና ጊዲ ኡፋይሳን አሳናው ቤሴስ ጌቴቲዲ ቱማ ኮ ጊሾ ፃፊቲስ። 11 ኮኒ ሂንቴ ጊዴን አያና ዜሬሲ ዜሪዳ ጊዲኮ አሾስ ኮሺያባ ኮ ሂንቴፊ ኤኪኮ፣ ሄሲ ጊታባዩ? 12 ሃራቲ ሄሳ ሂንቴፊ ኤካናው ኤንታው ማቲ ዴዲኮ፣ ኮስ ኤንታይሳፊ አዲያ ማቲ ዴዴስ።

ሺን ኮኒ ኪሪስቶሳ ዎንጌላስ ዱቤ ጊዴና ማላ፣ ኡባ ጌንጮሲፕ አቲን ሄ ማታን ጎዴቲቦኮ።

13 ዶሳ ኬሳን አሲያ አሳቲ ባንታ ካሳ ዶሳ ኬሳፊ ኤኬይሳ ኤራኬቲ? ቃሲ ያርሾ ቤሳን አሴይሳቲ ያርሾዎፊ ኤኬይሳ ኤራኬቲ? 14 ሄሳዳካ፣ ዎንጌላ ማርካቴይሳቲ ዱሳስ ኮሺያባ ዎንጌላፕ ኤካና ማላ ጎዳይ ኪቲስ።

15 ሺን ታኒ ሃ ማታ ኡባን አይኮካ ጎዴታቢኪ። ታኒ ሃይሳ ፃፊዳይ ታ ማታ ቦንቺሳናው ኮያዳ ጊዴና። አኒካ ታ ጩቁዎ ሃዳ አሳናፕ ሃይቆይ ታው ሎዎ። 16 ታኒ ዎንጌላ አዴይ ኪቴቲዳ ጊሾሳፊ አቲን ታና ጩቁሲያባ ጊዴና። ዎንጌላ አዶና ኢዲኮ፣ ታና አዩ። 17 ታኒ ዎንጌላ ዶሳዳ ሳባኪኮ ታው ዎይቶይ ዴዴስ። ሺን ታኒ ዎንጌላ ዶሶና ኪቴታዳ ሳባኪያባ ጊዲኮ ሄሳ ዶሳይ ታው ሃዳራ ኢሚስ። 18 ያቲን፣ ታ ዎይቶይ አይቤ? ታኒ ዎንጌላ ሳባኪያ ዎዴ ታ ማታን ጎዴቶና ዎንጌላ ጮ ሳባኪይሲ ታው ዎይቶ።

19 ታኒ አዴስካ አይሌ ጊዲኬ፣ ሺን ዳሮታ አሻናው ኡባስ አይሌ ጊዳስ። 20 ታኒ አይሁዴታ አሻናው ኤንታራ ኤንታ ጊዳስ። ታ ሁዔን ሂንፊ ጋርሳን ዴዲኬ፣ ሺን ሂንፊ ጋርሳን ዴዲይሳታ አሻናው ሂንፊ ጋርሳን ዴዲያ አሲ ጊዳስ። 21 ዶሳ ሂጊያፊ ካሬ ኬዮና፣ ኪሪስቶሳ ሂጊያስ ኪቴታሼ፣ ሂንይ ባይናይሳታ አሻናው ሂንይ ባይና አሳዳ ጊዳስ። 22 ታኒ ዳቡራንቾታ አሻናው ዳቡራንቾ ጊዳስ። ታኒ ጉሳታ አሻናው ኡባራ ኡባ ሃናስ። 23 ታኒ ዎንጌላ አንጃዎ ሻኪታናው፣ ሃ ኡባ ዎንጌላ ጊሾ ሃናስ።

24 ዎሳን ጋዴቲያ ኡባይ ዎዴስ፣ ሺን ኢሱዋ ፃላሊ ዎይቶ ኤኬይሳ ኤራኬቲ? ሄሳዳ ሂንቴካ ዎይቱዎ ኤካናው ዎዲቱ። 25 ጋዴቲያ አሳ ኡባይ

ኡባባን ባንታና ሃሬስ። ኤንቲ ሄሳ ዳቡሬይ ዳያ ካላቻ ወይቶ ኤካናሳ። ሺን ኑኒ ዳቡሬይ ሜሪና ካላቻ ወይቱዋ ኤካናሳ። 26 ሄሳ ጊሾ፣ ታኒ ቆሬ ባይና አሳዳ ወላኪ። ጫርኮ ዩምፒያ አሳዳ ጮ ኩሼ ዩዲኬ። 27 ሺን ታኒ ሃራታስ ወንጌላ ሳባኪዳፕ ጉዩ ታ ሁዔን ዩጌቲዳ አሲ ጊዶና ሜላ ታ አሳቴሳ ወልቃን ሃራዳ ታው ኪቴታና ሜላ አሳይስ።

10

ኤቃ ጎይኖሬቲ

1 ታ ኢሻቶ፣ ታኒ ሂንቴ ሃይሳ አኬካና ሜላ ኮያይስ። ኑ አዋቲ ኡባይ ሻራፕ ጋርሳራ ሃሙቲዶሶና፤ ኡባይ አባ ፒኒዶሶና። 2 ኤንቲ ሙሴራ ኢሲፋናው ሻራኒኒ አባን ማጭቲዶሶና። 3 ኤንቲ ኡባይ ኢሲ አያና ካሳ ሚዶሶና። 4 ቃሲ ኡባይ ኢሲ አያና ኡሻ ኡዩዶሶና። ኤንቲ ባንታና ካሲያ አያና ዛላፌ ፑልቲዳ ኡሻ ኡዩዶሶና፤ ሄ ዛላይካ ኪሪስቶሳ። 5 ሺን ያሳይ ኤንታፌ ዳርታን ኡፋይቲቦና ጊሾ ኤንታ አሃይ ባዞ ቢታን ወዲዲ አቲስ።

6 ኤንቲ ኢታባ አሞቲዳይሳዳ፣ ኑካ ኢታባ አሞቶና ሜላ ሄሲ ኡባይ ኑስ ሌሚሶ ጊዲስ። 7 ጌሻ ማግፋን፣ «አሳይ ማናውኔ ኡዩናው ኡቲዶሶና፤ ቃሲ ዩፃናው ዴንዲዶሶና» ጌቲቲዳይሳዳ ኤንታፌ ኢሶቲ ኢሶቲ ኤቃ ጎይኒዳይሳ ሜላ ሂንቴ ኤቃ ጎይኖሬቲ።

8 ኤንታፌ ኢሶቲ ኢሶቲ ላይማቲዳይሳዳ ኑ ላይማታናው ቤሴና። ሄሳ ጋሶን ኤንታፌ ኢሲ ጋለስ ላታማኔ ሄዡ ሙኩሉ አሲ ሃይቂስ።

9 ኤንታፌ ኢሶቲ ኢሶቲ ጎዳ ፓጫዲ ሾሻን ዱኬቲዲ ሃይቂዳይሳዳ ኑ ጎዳ ፓጫናው ቤሴና።

10 ኤንታፌ ኢሶቲ ኢሶቲ ዙዙሚዲ ሃይቆ ኤሂያ ኪታንቼዋን ዳዩዳይሳዳ ሂንቴካ ዙዙሞሬቲ።

11 ሃ ኤንታ ቦላ ጋኪዳ ኡባይ ኑ ናጌታና ሜላ ኑስ ሌሚሶ ጊዲስ። ቃሲ ወደ ወርሴሳ ቦላ ዴዲያ ኑስ ቲሚርቲ ጊዳና ሜላ ሃ ኡባይ ፃፌቲስ።

12 ሄሳ ጊሾ፣ ታ ኤቃስ ጊያ አኒካ ኩንዶና ሜላ ባና ናጎ። 13 አሴ ኡባ ጋኪያ ፓጩፕ አቲን ዱማ ፓጩይ ሂንቴና ጋኪቤና። ሂንቴ ወልቃይ ዳንዳዔይሳፌ አዲያ ፓጩን ሂንቴ ፓጩቶና ሜላ አሲ ኢሞና ያሳይ አማኔቲዳይሳ። ሂንቴና ፓጩይ ጋኪያ ወደ ሄ ፓጩያ ኢ ሂንቴና ዳንዳዲሳና። ቃሲ ሄ ፓጩያፕ ሂንቴ ኬያና አጊያ ኢ ጊጊሳና።

14 ሂዛ፣ ታ አልዎ ኢሻቶ፣ ኤቃ ጎይኖሬ ሃኪቴ። 15 ሂንቴ ወዛናማ አሲ ጊዲዳ ጊሾ ታ ሃይሳ አዳይስ። ታኒ ጌይሲ ቱማ ጊዴይሳ ሂንቴ ሂንቴ ሁዔን ፕርዲቲ። 16 ኑኒ ያሳ ጋላቲዲ ሻኬቲያ አንጆ ፁዓይ ኪሪስቶሳ ሱሳራ ኢሲፌቲሲ ዴዲይሳ ጊዴይዩ? ቃሲ ኑኒ ባሲያ ኡይሳይ ኪሪስቶሳ አሹዋራ ኢሲፌቲሲ ዴዲይሳ ጊዴይዩ? 17 ኑኒ ዳር ጊዲኮካ ኡይሳይ ኢሲኖ፣ ኑ ሄ ኢሲ ኡይሳ ሻኬቲያ ጊሾ ኢሲ አሳቴሲ።

18 አኔ ኢስራዔል አሳይ አሲዳይሳ አኬኪቴ። ያርሼቲዳ ያርሹዋ ሜይሳታስ ያርሾ ቤሳራ

ኢሲፌቲሲ ባዌዩ? 19 ታኒ አይ ጋናው ኮያዳ ጋይና? ኤቃስ ያርሼቲዳ ካሳይ ወይኮ ኤቃይ ፓሲያባ ጊዴና። 20 ኤንቲ ያርሼይ ያሳስ ጊዶናሺን ቱና አያናታሳ። ሄሳ ጊሾ፣ ሂንቴው ቱና አያናታራ ኢሲፌቲሲ ዳና ሜላ ኮዩኬ።

21 ሂንቴ ጎዳ ፁዓፕ ኡዩሼ፣ ቃሲ ቱና አያናታ ፁዓፕ ኡያናው ዳንዳዔኬታ። ጎዳ ጋይታፕ ሚሼ ቃሲ ቱና አያናታ ጋይታፕ ማናው ዳንዳዔኬታ።

22 ኑ ሄሳ አሲዲ ጎዳ ዩሎይና? ኑ ኢያፕ አዲያ ሚኖዩ?

23 ሂንቴ፣ «ኡባባ አሶና ሜላ ዲጊያባይ ባዋ» ጌታ፣ ሺን ኡባይ ማዴና። ሂንቴ፣ «ኡባባ አሶና ሜላ ዲጊያባይ ባዋ» ጌታ፣ ሺን ኡባባይ ዲቼና።

24 ኢሲ ኢሲ አሲ፣ ሃራ አሲ ማዲያባ ቆፓናው ቤሴሲፕ አቲን ባና ማዲያባ ፃላላ ቆፓፎ።

25 ሂንቴ ካሃ ሲዴን ጌልሲያ አይሻ ዴንፖና ጊያን ባይዜቲያ አሹዋ ጮ ሚቴ። 26 አይስ ጊኮ፣ «ሳዲኔ ሳዳን ዴዲያ ኡባይ ጎዳሳ።»

27 ኢሲ አማኖና አሲ ሂንቴና ኢማታናው ኮዩዲ ያጊኮ ባናው ኮይኮ ቤቴ። ሂንቴ ካሃን ሜዴቲያ አይሻን ሲዶና ሂንቴ ሲንሴ አሲያባ ኡባ ሚቴ። 28 ሺን ኢሲ አሲ፣ «ሃይሲ ኤቃስ ያርሼቲዳባ» ጊኮ፣ ሄ ሂንቴው አዲዳ አዲያ ጊሾኔ ሂንቴ ካሃ ጊሾ ሄ ካሳ ሞፒቴ። 29 ታኒ፣ ካሃ ጊሾ ጌይ ሄ ሂንቴው አዲዳ ኡራ ካሃ ጉሱሬ አቲን ሂንቴ ካሃ ጊዴና።

ሃራ አሳ ካሃ ጊሾ ጋዳ ታኒ ታ ላዓቴሳ ቦላ አይስ ፕርዶ? 30 ታኒ ሚያ ካሳ ያሳ ጋላታዳ ሚኮ ባሊዳዳ አይስ ቦሬቲያና?

31 ሂዛ፣ ሂንቴ አይ ሚኮ አይ ኡዩኮ፣ ወይኮ አይ አሲኮካ ኡባባ ያሳ ቦንቾስ አሲቴ።

32 አይሁዴታ ጊዲን ጊሪኬታ ጊዲን ወይኮ ያሳ ወሳ ኬሲ ጊዲን አዴስካ ዳቤ ጊዶፒቴ። 33 ታኒ ኡባ ወደ ዳርታ አሻናው ኤንቲ ማዴቲያ አጌ ኮያይሲፕ አቲን ታና ማዲያ አጌ ኮዩኬ።

11

1 ታኒ ኪሪስቶሳ ሌሚሱዋ ካሌይሳዳ፣ ሂንቴካ ታና ካሊቴ።

ጎይኖ ማራ

2 ሂንቴ ኡባባን ታና ቆፒያ ጊሾኔ ታ ታማርሲዳ ቲሚርቲያ ሚንሲዲ ናጊዳ ጊሾ ታ ሂንቴና ጋላታይስ። 3 ሺን ኪሪስቶሲ አዴ ኡባስ ሁዔ፣ አዴይ ማጫሳስ ሁዔ፣ ቃሲ ያሳይ ኪሪስቶሳስ ሁዔ ጊዴይሳ ሂንቴ ኤራና ሜላ ታ ኮያይስ። 4 ባ ሁዒያ ጉሉንቲዲ ያሳ ወሲያ ወይኮ ቲንቢቴ አዲያ አዴ ኡባይ ሁዔ ጊዲዳ ኪሪስቶሳ ቶቼስ። 5 ባ ሁዒያ ቃጮና ያሳ ወሲያ ወይኮ ቲንቢቴ አዲያ ማጫሲያ ሁዔ ጊዲዳ ባ አዚና ቶቻውሱ። ባ ሁዒያ ቃጮና ማጫሲያ ባ ሁዒያ ሜዴቲዳ ማጫሳ ሚላ።

6 ማጫሲ ባ ሁዒያ ቃጮና ኢዲኮ፣ ባ ሁዒያ ቃንዲቶ። ሺን ኢው ሁዒያ ቃንዶይ ወይኮ ሜዶይ ቦርሶ ጊዲኮ ባ ሁዒያ ቃጮ። 7 አዴይ ያሳ ሌሚሶኔ ያሳ ቦንቾ ጊዲያ ጊሾ

10:1 ኬሳ 13:21-22፤ 14:22-29 10:3 ኬሳ 16:35 10:4 ኬሳ 17:6፤ ታይ 20:11 10:5 ታይ 14:29-30 10:6 ታይ 11:4 10:7 ኬሳ 32:6 10:8 ታይ 25:1-18 10:9 ታይ 21:5-6 10:10 ታይ 16:41-49 10:16 ማቶ 26:26-28፤ ማር 14:22-24፤ ሱቃ 22:19-20 10:18 ሌዌ 7:6 10:20 ዛሬ 32:17 10:22 ዛሬ 32:21 10:23 1ቆሮ 6:12 10:26 ማዘ 24:1 11:1 1ቆሮ 4:16፤ ፊል 3:17 11:7 ሜዴ 1:26-27 11:8 ሜዴ 2:18-23





አሳቴሳ ቢሊቴቲ ኑስ አዲዲ ኮሾሶና። 23 ቦንቾ ኮሾና ጊዲ ኑ ቆፒያ ኑ ቢሊቴታፕ ባጋታ ዳሮ ቦንቾስ። ቃሲ ኑ ቦርሴቲያ ኑ አሳቴሳ ቢሊቴታ አሲ ቦንቾዲ ናጎስ። 24 ኑ ቤዲን ቦርሶና አሳቴሳ ቢሊቴታስ ቦንቾ ኮሾና። ሺን ያሳይ ኑ አሳቴሳ ቢሊቴታ ያሊራ ጋሴሲዲ ቦርሶያ ቢሊቴታስ አዲያ ቦንቾ ኢሚስ። 25 አሳቴሳ ቢሊቴቲ ኢሶይ ኢሶፕራ ሻኮ ሜዶና ያሊስ ቆፓና ሜላ አሲዲ ሜዲስ። 26 አሳቴሳ ቢሊቴታፕ ኢሶይ ሳኬቲኮ ቢሊቴቲ ኡባይ ኢያራ ሳኬቶሶና። አሳቴሳ ቢሊቴታፕ ኢሶይ ቦንቾቲኮ ቢሊቴቲ ኡባይ ኢያራ ኡፋይቶሶና።

27 ሂንቴ ኡባይ ኪሪስቶሳ አሳቴሲ፤ ቃሲ ሂንቴ ኢሶይ ኢሶይ ኢያ ቢሊቴታ። 28 ያሳ ኬላን ያሳይ፣ ኮይሮ ሃዋሬታ፣ ናምዓንሳ ናቤታ፣ ሄቫንሳ አስታማሬታ፣ ካሊዲ ማላታ አሴይሳታ፣ ፓሴይሳታ፣ ሃራታ ማዴይሳታ፣ ያሳ ኬላ አይሴይሳታ፣ ዱማ ዱማ ዶናን ሃሳይይሳታ ያሲስ።

29 ኡባይ ሃዋሬ? ኡባይ ናቤ? ኡባይ አስታማሬ? ኡባይ ማላታ አሲ? 30 ኡባይ ፓሴይ? ኡባይ ዱማ ዱማ ዶናን አዴቲ? ኡባይ ዱማ ዱማ ዶናን አዴቶይሳ ቢርሺ? 31 ሺን ኡባሬ አዲያ ኢሞታ ሚንሲዲ ኮይቴ።

ቃሲ ኡባሬ አዲያ ኦጊያ ታ ሂንቴና ቤሳና።

13

ቱማ ሲቆ

1 ታኒ አሳ ቃላኒ ኪታንቾ ቃላ አዴታናው ዳንዳሊኮካ፣ ታው ሲቆይ ዳይኮ፣ ጮ ጊሪያ ዳላ ሜላ። 2 ቲንቢቴ አዲያ ኢሞይ ታው ዴዲኮካ፣ ፀራ ኡባ ኤሪኮካ፣ ኤራቴሲ ኡባይ ዴዲኮካ፣ ቃሲ ዴሪያ ዴንሲዲ ሃራሶ ኤፊያ አማኖይ ታው ዴዲኮካ፣ ሲቆይ ዳይኮ፣ ታ አይኮካ ጊዲኬ።

3 ታው ዴዲያባ ኡባ ማንቆታስ ኢሚኮካ፣ ሃሪ አቶሺን፣ ታና ታማስ አሳ ኢሚኮካ፣ ሲቆይ ዳይኮ ታና አይኮካ ማዴና።

4 ሲቆይ ዳንዳዓንቾ። ሲቆይ ኬሃ። ሲቆይ ቃናቴና። ሲቆይ ጩቄቴና። ሲቆይ አቶሬና።

5 ሲቆይ ቤሶናባ አሴና። ሲቆይ ኡዜቴና። ሲቆይ ዩሎቴና። ሲቆይ ባ ቆሆ ፓይዴና። 6 ሲቆይ ቱማን ኡፋይቴሲፕ አቲን ዎርዶን ኡፋይቴና። 7 ሲቆይ ኡባ ዳንዳዔስ፤ ኡባ አማኒስ፤ ሎዎባይ ሃና ጊዲ፣ ኡፋይሳን ናጌስ፤ ኡባ ጌንጩስ።

8 ሲቆይ ዉርሴሲ ጋካናው ዳይና። ሺን ቲንቢቴይ አታና፤ ዱማ ዱማ ዶናን አዴቴይሲ አታና፤ ኤራቴሲካ አዳና። 9 ኑ ኤራቴሳሬ ጉሲ ኤርስ፤ ቲንቢቴያፕ ባጋ አዶስ። 10 ሺን ፖሎ ጊዲዳይሲ ያ ዎዴ ፖሎ ጊዶናይሲ አታና።

11 ታኒ ናዓ ዴዲያ ዎዴ ናዓዓ ሃሳይስ፤ ናዓዓ ቆፓይስ፤ ናዓዓ አኬካይስ። ታ ካሃሚዳ ዎዴ ናዓቴሳ ሃኑዎ አጋስ። 12 ሃዲ ፖይይ ባይናሶን ማስቶቴን ቤዔይሳዳ ቤዎስ፣ ሺን ሄ ዎዴ ኑ ቆንጩን ቤዓና። ሃዲ ኑ ኤራቴሳሬ ጉሳ ኤርስ፣ ሺን ሄ ዎዴ ያሳይ ኑና ኤራይሳዳ ፖሎ ኤራና።

13 ሂዛ፣ አማኖይ፣ ኡፋይሲኒ ሲቆይ፣ ሃ ሄቫቲ ኤቂዲ ዳና። ሺን ሃይሳታፕ አዴይ ሲቆ።

14

ቲንቢቴኔ ዱማ ዱማ ዶና

1 ሲቆ ካሊቴ። አያና ኢሞታታ ሚንሲዲ ኮይቴ፤ ኡባሬ አሲዲ፣ ቲንቢቴ ኢሞታ ሚንሲዲ ኮይቴ። 2 ዱማ ዱማ ዶናን አዴቲያ አሲ ያሳስ አዴሲፕ አቲን አሳስ አዴና። ሺን አሳስ ቆንጩቦና ፀራ አያና ዎልቃን አዴቲያ ጊሾ አኒካ ኢ አዴቴይሳ አኬኬና። 3 ሺን ቲንቢቴ አዴይሳቲ አሲ ዲቻናው፣ ሚንሴላናዉኒ ሚንሳናው አሳስ አዴስ። 4 ዱማ ዱማ ዶናን አዴያ አሲ ባና ዲቼስ። ሺን ቲንቢቴ አዴያ አሲ ዎሳ ኬላ ዲቼስ።

5 ሂንቴ ኡባይ ዱማ ዱማ ዶናን አዴቲያኮ ታ ዶሳይስ፣ ሺን ቲንቢቴ አዳናይሳ አሳዳ ዶሳይስ። ዱማ ዱማ ዶናን አዴቴይሳ ዎሳ ኬሲ ዲቻናው ቢርሺያ አሲ ዳይኮ፣ ዱማ ዱማ ዶናን አዴቴያሳሬ ቲንቢቴ አዴይሲ አዴስ።

6 ሺን ታ ኢሻቶ፣ ታኒ ሂንቴኮ ባዳ ቆንጩላን ዎይኮ ኤራቴላን ዎይኮ ቲንቢቴ አዶን ዎይኮ ቲሚርቴን ጊዶናሺን ዱማ ዱማ ዶናን አዴቲኮ ሂንቴና አይ ማዳኒ? 7 ዱማ ዱማ ዩሳ ሚሼታስ ኢሲ ቆሞ ጊርሲ ዴዲኮ፣ ሱሱልዔ ጊርሲኒ ዲሳ ጊርሲ ዋቲዲ ሻኪ ኤራኒ? 8 ቃሲ ሞይዜ ፑኖይ ጌይዲ ኤሬቶና ኢዲኮ አሳስ ጊጌቴይ አኒ? 9 ሄሳዳካ፣ ዱማ ዱማ ዶናን ሂንቴ አዴቴይሲ ቆንጩ ጊዶና ኢዲኮ ሂንቴ አዴይሳ አኒ ኤራኒ? ሄሲ ጫርኮስ አዴያ ሜላ።

10 ሃ አላሚያን ዳሮ ዶናቲ ዴዎሶና፤ ሄ ኡባስ ቢርሼሲ ዴዔስ። 11 ሺን ኢሲ አሲ አዴቲያ ዶና ታኒ ኤርና ኢዲኮ ኢ ታው ኢማሴ ጊዴስ፤ ታካ ኢያው ኢማሴ ጊዳይስ። 12 ሄሳዳካ፣ ጌሻ አያና ኢሞታ ሂንቴ ኤካናው ሚንሲዲ ኮይኮ፣ ዎሳ ኬሲ ዲቻናው ኡባሬ አዲያ ኢሞታ ኮይቴ።

13 ዱማ ዱማ ዶናን አዴቲያ አሲ ባ አዳ ቢርሻናው ቢርሼላ ኢሞታይ ኢሜታና ሜላ ያሳ ዎሶ። 14 ታኒ ዱማ ዱማ ዶናን ያሳ ዎሲኮ፣ ታ አያናይ ዎሴስ፣ ሺን ታ ዎዛናይ አይኮካ ጎዔቴና። 15 ያቲን፣ ታ አይ አሳናው ኮሺ? ታኒ ታ አያናን ዎሳይስ፤ ታ ዎዛናካ ዎሳይስ። ታኒ ታ አያናን ዩግይስ፤ ታ ዎዛናካ ዩግይስ። 16 ሄሳ ጊዶና ኢዲኮ ኒኒ ኒ አያናን ያሳ ጋላቲያ ዎዴ ሄ ቤሳን ኒኒ ጌይሳ ኤርና አሲ ኒ ጋላቴይሳ ዎይጊዲ፣ «አሚንዲ» ጋኒ? 17 ኒኒ ያሳ ጋላቴይሲ ሎዎ፣ ሺን ሃራ አሲ ማዴና።

18 ታ ሂንቴ ኡባሬ አሳዳ ዱማ ዱማ ዶናን አዴቲያ ጊሾ ያሳ ጋላታይስ። 19 ሺን ታኒ ዎሳ ኬላን ሃራታ ታማርሳናው ዱማ ዱማ ዶናን ታሙ ሙኩሎ ቃላ አዴታናፕ ኤራቴያ ዶናን ኢቻሹ ቃላ አዴታናው ዶሳይስ።

20 ታ ኢሻቶ፣ ሂንቴ ቆፋን ናይታዳ ሃኖፒቴ። ሂንቴ ኢታባስ ናይታዳ ሃኒቴ ኡቲን ሂንቴ ቆፋን ካሃማታ ጊዲቴ። 21 ጎዳይ፣ ጌሻ ማግፋን፣ «ታኒ ሃ አሳስ፣

ዱማ ዱማ ዶናን አዴቲያ አሳኒኒ ኢማላ ኢንግርሳን አዴቲያ አሳን አዳና። ሺን ሄሲ ሃኒኒካ ታና ሲዎኮና» ያጌስ።

22 ሂዛ፣ ዱማ ዱማ ዶናን ሃሳይ፣ አማኖና አሳስ ማላ ጊዴሲፕ አቲን አማኒያ አሳሳ ጊዴና።

ቲንቢቴይ አማኒያ አሳስ ማላ ጊደሲፔ አቲን አማኖና አሳሳ ጊደና።

23 ዎሳ ኬሳ አሳይ ኢሲፌ ሺቂያ ዎዴ ኡባይ ዱማ ዱማ ዶናን ኦዴቲኮ ኤሮና ዎይኮ አማኖና አሳይ ሂንቴ ሺቂዋ ዩዲ። «ሃይሳቲ ጎዮሶና» ጎኮናዮ? 24 ሺን ኤሮና ዎይኮ አማኖና አሳይ ዎሳ ኬሳ ያ ዎዴ አሳይ ቲንቢቴ አዲሺን፣ ሲዲኮ ባ ናጋራ አኬካና፤ ቃሲ ኢ ሲዲዳ ቃላን ፐርዴታና። 25 ኤንቲ ኢያ ዎዛናን ጊሚዳ ቆፋ ቆንጨሳና። ሄሳዳካ፣ «ቲማ ያሳይ ሂንቴ ጊዶን ዴዴስ» ያጊዲ ማርካቲዲ፣ ጉፋኒዲ ያሳስ ጎይናና።

**ጎይኖ ማራ**

26 ታ ኢሻቶ፣ ኑ ዎይጊኖ? ሂንቴ ኢሲፌ ሺቂያ ዎዴ ኢሱቀስ ማዝሙራይ ዴዴስ፤ ኢሱቀስ ታማርሶ ኢሞቲ ዴዴስ፤ ኢሱቀስ ቆንጨፍላ ዴዴስ፤ ኢሱቀስ ዱማ ዱማ ዶናን ሃሳዮይ ዴዴስ፤ ኢሱቀስ ቢርሼላ ኢሞቲ ዴዴስ። ሄ ኡባይ ዎሳ ኬሳ ዲቺያባ ጊዳናው ቤሴስ። 27 ዱማ ዱማ ዶናን ኦዴቲያ አሳቲ ዴዴስ፣ ናምዓ ዎይኮ ዳሪኮ ሄሻ ጊዲዲ ማራን ማራን ሃሳያናው ቤሴስ። ኤንቲ ኦዴቲይሳ ሃራ አሲ ቢርሾ። 28 ሺን ቢርሼያ አሲ ዳይኮ፣ ዱማ ዱማ ዶናን ኦዴቲይሲ ዎሳ ኬሳን ሲዲ ጎ። ባወኔ ባ ያሳስ አዶ።

29 ቲንቢቴ ኦዴይሳቲ ናምዓ ዎይኮ ሄሻ ጊዲዲ አዶ። ቃሲ ሃራቲ ኤንቲ ጊያባ ፐርዶና። 30 ሄ ሺቂዋን ዴዴያ ሃራ አሳስ ኢሲባይ ቆንጨኮ ካሴ ኦዴቲይሲ ሲዲ ጎ። 31 ኡባይ ታማራና ሜላኔ ኡባይ ሚናና ሜላ ማራን ማራን ቲንቢቴ አዳናው ዳንዳዴታ። 32 ናቤታ አያናይ ናቤታስ ኪቴቲስ። 33 ጊሻታ ዎሳ ኬሳ ኡባይ ሜዜቲዳይሳዳ ያሳይ ሳርቴሳ ያሳፌ አቲን ጫቦ ያሲ ጊደና።

34 ማጫሲ ዎሳ ኬሳን ሲዲ ጎ። ሙሴ ሂጊይ ጊይሳዳ ኤንቲ ሃራቶፌ አቲን ዎሳ ኬሳን አዳናው ኤንታው ማቲ ባዎ። 35 ማጫሲ ዎሳ ኬሳን ሃሳዮይ ቦርሶ ጊዲያ ጊሾ ኢሲባ ኤራናው ኮይኮ ሶን ባንታ አዜናታ አይቾና።

36 ዎሳ ቃላ ኮይሮ ሂንቴ ኤሂዴቲ? ዎይኮ ዎሳ ቃላይ ሂንቴ ዓላላኮ ዩዴ? 37 አኒካ ባና ናቤ ዎይኮ ባና ያሳ አሲ ጊዲ ቆፐኮ፣ ታኒ ሂንቴው ዓፌይሲ ጎዳ ኪታ ጊዴይሳ አኬኮ። 38 ሺን አኒካ አኬኮና ኢዲኮ ኢካ አኬኬቶ።

39 ሄሳ ጊሾ፣ ታ ኢሻቶ፣ ቲንቢቴ አዳናው ሚንሲዲ አሞቲቴ፤ ቃሲ ዱማ ዱማ ዶናን ኦዴቲይሳካ ዲጎሬቴ። 40 ሺን ኡባይካ ዎጋኒኔ ማራን ጊዶ።

15

**ኪሪስቶሳ ሃይቆፔ ዴንዱዋ**

1 ታ ኢሻቶ፣ ታ ሂንቴው ማርካቲዳ ዎንጊላ ሂንቴ ኤኪዳይሳኔ ሂንቴ አማኖይ ኢያን ኤቂዳይሳ ሂንቴ አኬካና ሜላ ኮያይስ። 2 ታ ታማርሲዳ ዎንጊላ ሚንሲዲ አይኪኮ ሂንቴ ኢያን አታና። ሄሲ ሃኖና ኢዲኮ ሂንቴ አማናአይ ሃዳ ጊዳና።

3 ታኒ ኤኪዳ ኡባፌ አዲያ ኪታ ካሴታዳ ሂንቴው ኢማስ። ሄሲካ፣ ጊሻ ማፃፋይ ጊይሳዳ፣ ኪሪስቶሲ ኑ ናጋራ ጊሾ ሃይቂስ። 4 ሞጌቲስ፤

ጊሻ ማፃፋይ ጊይሳዳ፣ ሄሻንሶ ጋላሳን ሃይቆፔ ዴንዲስ። 5 ጴጊሮሳስ ቆንጨስ። ሄሳፌ ጉዮ፣ ታማኔ ናምዑ ሃሞራታስ ቆንጨስ። 6 ሄሳፌ ጉዮ፣ ኢቻሹ ዪታፔ ዳሪያ አሳስ ኢሲ ቶሆ ቆንጨስ። ኤንታፌ ዳሪያ ባጋይ ሃዲ ጋካናው ፓፃ ዴዎሶና፣ ሺን ጉላቲ ሃይቂዶሶና። 7 ሄሳፌ ጉዮ፣ ያይቆባስ ቆንጨስ፤ ጉዮፔ ባ ሃሞራታ ኡባስ ቆንጨስ።

8 ቃሲ ዉርሴላን አዉጫያ ሜላ ጊዲዳ ታው ቆንጨስ። 9 ታኒ ዮሱሳ ሃሞራታ ኡባፌ ላፋ። ታኒ ያሳ ዎሳ ኬሳ ጎዲዳ ጊሾ ዮሱሳ ሃሞራ ጌቲታዳ ዪጌታናው ቤሶናይሳ። 10 ሺን ያሳ አዶ ኬሃቴሳን ታ ሃዲ ጊዲዳይሳ ጊዳስ፤ ኢ ታው ኢሚዳ አዶ ኬሃቴሳይ ሜላ አቲቤና። ታኒ ሃንኮ ሃሞራታፔ አሳዳ ዳቡራስ። ሺን ታራ ዴዲያ ያሳ አዶ ኬሃቴሳይ አሲስፔ አቲን ታና ጊዲኬ። 11 ሂዛ፣ ታና ጊዲን ኤንቲ፣ ኑ ኡባይ ታማርሴይ ሄሳ፤ ሂንቴካ ሄ ኪታ አማኒዴታ።

**ሃቆፔ ዴንዶ**

12 ኪሪስቶሲ ሃይቆፔ ዴንዲዳይሳ ኑ ሳባኪያ ዎዴ ሂንቴፌ ኢሶቲ ኢሶቲ ያቲን፣ ዎይጊዲ፣ «ሃይቆፔ ዴንዶይ ባዎ» ያጎና? 13 ሃይቆፔ ዴንዶይ ባይናባ ጊዲኮ ኪሪስቶሲ ሃይቆፔ ዴንዲቤና ጉሱ። 14 ኪሪስቶሲ ሃይቆፔ ዴንዲቦናባ ጊዲኮ ኑ ቲሚርቴይ ቃሲ ሂንቴ አማኖይካ ሃዳ። 15 ሃይቆፔ ዴንዶይ ባይናሺን፣ ኑኒ ያሳይ፣ «ኪሪስቶሳ ሃይቆፔ ዴንሲስ» ያጊዲ ሳባኪሼ ያሳ ዎርዳንቾ ማርካታ ጊዲዳ ጉሱ። 16 ሃይቂዳ አሳይ ሃይቆፔ ዴንዲቦናባ ጊዲኮ ሂዛ፣ ኪሪስቶሲ ሃይቆፔ ዴንዲቤና። 17 ኪሪስቶሲ ሃይቆፔ ዴንዶናባ ጊዲኮ፣ ሂንቴ አማኖይ ሃዳ፤ ቃሲ ሂንቴ ሃዲ ጋካናው ሂንቴ ናጋራን ዴዴታ። 18 ሂዛ፣ ኪሪስቶሳ አማኒዲ ሃይቂዳይሳቲካ ዳይዶሶና ጉሱ። 19 ኑኒ ሃ አላሚያ ዴዎዋ ዓላላስ ኪሪስቶሳን ኡፋይሲ አሲዳባ ጊዲኮ፣ ሃ ሳፃን ዴዲያ አሳ ኡባፌ ኑባይ አዲዳ ዩባታ።

20 ሺን ኪሪስቶሲ ሃይቂዳይሳታስ ሃይቆፔ ዴንዶን ባይራ ጊዲዲ ቲማ ዴንዲስ። 21 ሃይቆይ ኢሲ አሳ ባጋራ ሃ አላሚያ ዩዳይሳዳ ሃይቆፔ ዴንዶይ ኢሲ አሳ ባጋራ ዩስ። 22 አዳሜ ባጋራ አሳ ኡባይ ሃይቂዳይሳዳ ኪሪስቶሳ ባጋራ አሳ ኡባይ ዴዎን ዳና። 23 ሺን ኢሶይ ኢሶይ ባ ማራን ማራን ዴንዳና። ኪሪስቶሲ ኡባፌ ካሴቲዲ ዴንዲስ፤ ሄሳፌ ጉዮ፣ ኪሪስቶሳይሳቲ ኢ ያ ዎዴ ዴንዳና።

24 ሄሳፌ ጉዮ፣ ኪሪስቶሲ ሃራይሳ፣ ማታኔ ዎልቃ ኡባ ዳይሲዲ፣ ካዎቴሳ ያሳ አሞስ ኢሚያ ዎዴ ዎዲያ ዉርሴላይ ያና። 25 ያሳይ ኢያ ሞርኬታ ኡባ ኢያ ቶሁዋፔ ጋርሳን ዎሳና ጋካናው ኪሪስቶሲ ሃራናው ቤሴስ። 26 ዉርሴላን ኢ ዳይሳናው ዴዲያ ሞርኬይ ሃይቆ። 27 ጊሻ ማፃፋን፣ «ያሳይ ኡባባ ኢያ ማታፔ ጋርሳን ሃራሲስ» ጌቲቲዲ ዓፌቲስ። ሺን ኡባ ኢያ ማታፔ ጋርሳን ሃራሲስ ጊይሲ፣ ኡባባ ኢያ ማታፔ ጋርሳን ሃራሲዳ ያሳ ጉጄና። 28 ኡባባይ ኪሪስቶሳ ማታፔ ጋርሳን ሃራቲዳፔ ጉዮ ኪሪስቶሲ ቃሲ ባ ሁዔን ኡባባ ባው ሃራሲዳ ያሳስ ሃራታና። ሄ ዎዴ ያሳይ ባ ዓላላ ኡባ ሃራና።

15:3 ኢሳ 53:5-12 15:4 ማዝ 16:8-10፤ ማቶ 12:40፤ ሃ.አ 2:24-32 15:5 ማቶ 28:16-17፤ ማር 16:14፤ ሉቃ 24:34፤ 36፤ ዮሃ 20:19 15:8 ሃ.አ 9:3-6 15:9 ሃ.አ 8:3 15:25 ማዝ 110:1 15:27 ማዝ 8:6

29 ሃይቂዳይሳቲ ዴንዶናባ ጊዲኮ ኤንታ ጊሾ አሳስ አይቢ ዎዴይ ዴዲ? ሃይቂዳይሳቲ ዴንዶናባ ጊዲኮ ያቲን፣ አይስ፣ አሳይ ሃይቂዳይሳታ ጊሾ ማቂቶና?

30 ያቲን፣ ኑኒ አይስ ኡባ ዎዴ ኑናቴላ ሜቶስ አሲ ኢሞና? 31 ታ ኢሻቶ፣ ታ ጋላስ ጋላስ ሃይቆስ አዳዳ ኢሜታይስ። ሄሲካ፣ ጎዳ ኪሪስቶስ ዩሱሳን ዴዲያ ዴዴቶ ኢሲፊቴላን ሂንቴናን ጩቂያ ጊሾሳ። 32 አሳ ቆፋሶ ጊዲኮ፣ ታኒ ኤፊሶናን ዶዳራ ቡቴቲዳይሲ ታና አይ ማዲ? ሃይቂዳይሳቲ ሃይቆፕ ዴንዶናባ ጊዲኮ፣ «ዎንቶ ኑ ሃይቂያ ጊሾ ሃቺ ማና ኡያና» ያጊያ አሳ ሜላ ጊዶስ።

33 ጨሜቶፊቱ! ኢታ ላጌቴሲ ሎዎ አማሊያ ኢሴስ። 34 ሂንቴ አኬካኮ ሲሚቴ። ናጋራ አሶፊቴ። ሂንቴፊ ኢሲ ኢሲ አሳይ ያሳ ኤሮኮና። ታኒ ሂንቴና ዩላያናው ሄሳ ጋይስ።

**ዴንዶ አሳቴሲ**

35 ኢሲ አሲ፣ «ሃይቂዳ አሳይ ዋኒዲ ዴንዳይ? ኤንቲ አይ ሜላ አሳቴላራ ያኔ?» ያጎና አጌና። 36 ኔኖ ኤያው፣ ኔኒ ቢታን ዜሪያ ዜሪሳይ ሃይቆና ዶሌና። 37 ኔኒ ዜሪይ ጊስቴ ጊዲን ዎይኮ ሃራ ካሳ ቆሞ አይፊ ሃሳሳ ዜሪሳፕ አቲን ዶሊዳ ዶላ ጊዶና። 38 ሺን ያሳይ ዜሪሳስ ባ ዶሊዳ ሜላ ሜዴቴሲ ኢሜስ። ዱማ ዱማ ዜሪሳስ ዱማ ዱማ አሳቴሲ ኢሜስ። 39 ሜዴቴላ ኡባ አሾይ ኢሶ ጊዶና። ሺን አሳ አሾይ ኢሱዋ፤ ሜሄ አሾይ ዱማ፤ ካፎታ አሾይ ዱማ፤ ቃሲ ሞሎ አሾይ ዱማ።

40 ሳሎ አሳቴሲ ዴዴስ፤ ቃሲ ሳዓ አሳቴሲ ዴዴስ። ሺን ሳሎ አሳቴላ ቦንቾይ ዱማ፤ ቃሲ ሳዓ አሳቴላ ቦንቾይ ዱማ። 41 አዋ ቦንቾይ ዱማ፤ አጌና ቦንቾይ ዱማ፤ ያሊንቶታ ቦንቾይ ዱማ፤ ኢሲ ያሊንቶይ ሃንኮ ያሊንቶዋፊ ቦንቾን ዱማቴስ።

42 ሃይቂዳይሳቲ ሃይቆፕ ዴንዲያ ዎዴ ሄሳዳ ሃናና። ሃይቂያ አሳቴላይ ዜራቴስ፤ ሃይቆና አሳቴሲ ጊዲዲ ዴንዶስ። 43 ቶሺን ዜራቴዲ፣ ቦንቾን ዴንዳና፤ ዳቡራን ዜራቴዲ፣ ዎልቃን ዴንዳና። 44 ሜዴቴላ አሳቴላይ ዜራቴዲ፣ አያና አሳቴሲ ጊዲዲ ዴንዳና። ሜዴታ አሳቴሲ ዴዲኮ፣ አያና አሳቴሲ \* ዴዴስ።

45 ሄሳዳካ፣ ጌሻ ማፋን፣ «ኮይሮ አይይ፣ አዳሜይ፣ ፓፃ ዴዲያ አሴ ጊዲዲ ሜዴቴስ» ያጌስ። ሺን ወርሴላ አዳሜይ፣ ኪሪስቶሲ፣ ዴዎ ኢሚያ አያና ጊዲስ። 46 ሺን ሜዴታ አሲ ኮይሮ ዩን፣ ጉዩፕ አያና አሲ ዩሲፕ አቲን አያና አሲ ኮይሮ ዩሴና። 47 ኮይሮ አዳሜይ ቢታፊ ሜዴቴዳ ቢታ አሲ፤ ናምዓንሶ አዳሜይ ሳሎፕ ዩዳ ሳሎ አሲ። 48 ቢታፊ ሜዴቴዳይሳቲ ቢታፊ ሜዴቴዳይሳ ዳኖሶና። ሳሎይሳቲ ሳሎፕ ዩዳይሳ ዳኖሶና። 49 ኑኒ ቢታፊ ሜዴቴዳ አዲያ ዳኔይሳ ሜላ ሳሎፕ ዩዳ አዲያ ዳኖና።

50 ታ ኢሻቶ፣ ታ ጌይሲ ሄሳ፤ ሃዲ ኑ ማዲዳ አሳቴላይ ያሳ ካዎቴላ ሳታናው ዳንዳዴና። ዎቂያ አሳቴላይ ዎቆና አሳቴላ ሳቴና።

51 ታ ሂንቴው ኢሲ ፀራ አዳና። ኑ ኡባይ ሃይቆኮ፣ ሺን ወርሴላን ኡባይ ላሜታና።

52 ሞይዜይ ፕኔቲያ ዎዴ አይፊይ ቂጲ ሃላናው ሃላኖና ላሜታና። ሃይቂዳ አሳይ ዎቆና አሲ ጊዲዲ ዴንዳና፤ ኑካ ላሜታና። 53 ሃይሲ ዎቆይሲ ዎቆናይሳ፣ ሃይሲ ሃይቂይሲ ሃይቆናይሳ ማናው ቤሴስ።

54 ሃይሲ ዎቆይሲ ዎቆናይሳ፣ ቃሲ ሃይሲ ሃይቂይሲ ሃይቆናይሳ ማዲያ ዎዴ ጌሻ ማፋን፣ «ሃይቆይ ያኖን ሚቴቲስ» ጊያ ቃላይ ፖሌታና።

55 ሄሳዳካ፣ «ሃይቆ፣ ኔ ያኖይ አዉን ዴዲ? ሃይቆ፣ ኔ ቆሂያ ዎልቃይ አዉን ዴዲ?»

ጊዳ ቃላይ ፖሌታና። 56 ሃይቆይ ዱኪያ ዎልቃይ ናጋራ፤ ቃሲ ናጋራ ዎልቃይ ሂጌ። 57 ሺን ኑ ጎዳ ዩሱስ ኪሪስቶሳ ባጋራ ኑስ ያኖ ኢሚያ ያሳ ጋላቲ ጋኮ።

58 ሄሳ ጊሾ፣ ታ ሲቆ ኢሻቶ፣ ቃያና ሚኒዲ ኤቂቴ። ጎዳ አሱዋን ሂንቴ ዳቡራይሲ ጮ ጊዶናይሳ ኤሪዲ ኡባ ዎዴ ጎዳ አሱዋ አዛሎና አሲቴ።

16

**አማኒያ አሳስ ሺቂዳ ማዱዎ**

1 አማኒያ አሳስ ሚሼ ሺሾባ ጋላቲያ ዎሳ ኬላታስ ታኒ ኪቲዳይሳዳ ሂንቴካ አሲቴ። 2 ሚሼያ ሺሾይ ታ ሂንቴኮ ቢያ ዎዴ ጊዶና ሜላ ኢሶይ ኢሶይ ሳሚንታፊ ኮይሮ ጋላስ፣ ዎጋ ዎዴ ዎጋ ዎዴ ባ ዴሜይሳፊ ኬሲዲ ባ ሶን ዳጋዮ። 3 ታኒ ያ ቢዳ ዎዴ ሚሼያ ዩሩሳላሜ ጋላና ሜላ ሂንቴ ዶሪያ አሳስ ዳብዳቤ ኢማዳ ኤንታ ዩሩሳላሜ ኪታና። 4 ኤንታራ ታ ቡሳይ ኮሺያባ ጊዲኮ ኤንቲ ታራ ባናው ዳንዳዶሶና።

**ጳውሎሳ ቆፋ**

5 ታኒ ማቂዶኒያራ አዳናው ቆፒዳ ጊሾ ያ ባዳ ሂንቴኮ ያና። 6 ታ ቢያሶ አው ጊዲኮካ፣ ታ ቡሳን ሂንቴ ታና ማዳና ሜላ ሂንቴ ማታን ጉሳ ዎዴ ጋምዎና አጊኬ። ባልጎ አጊናታ ሂንቴ ማታን አሶና ዎያ አጋና። 7 ታኒ ኦጌራ አዳሼ ሂንቴና ቤዓናው ኮይኬ። ጎዳይ ጊኮ፣ ሂንቴ ማታን ጉሳ ዎዴ ታካናው ቆፓይስ።

8 ሺን ታኒ ጳንጌቆስጌ ባሌይ ጋካናው ኤፊሶናን ጋምዓና። 9 ታው አሶይ ኩሚዳ ዳልጋ ፕንጊይ ዶዩቴስ፣ ሺን ዳሮ ኤቂቴያ ሞርኬቲ ዴዎሶና።

10 ኢ ታ ሜላ ጎዳ አሶ አሲያ አሲ ጊዲያ ጊሾ ጊሞቲዮሲ ሂንቴኮ ቢኮ፣ ሂንቴ ማታን ኢ ሂርጎና ዳና ሜላ አሲቴ። 11 አኒካ ኢያ ካዶፓ። ኢ ታኮ ሳሮ ሲማና ሜላ ኢያ ማዲዲ ሞይዜቴ። ታኒ ኢ ሃንኮ አማኔይሳታራ ሲማናይሳ ናጋይስ።

12 ኑ ኢሻ አጲሎሲ ሃንኮ አማኔይሳታራ ሂንቴኮ ባና ሜላ ታ ኢያ ሚንሳ ዎሳስ። ሃዲ ሂንቴኮ ባናው ኮይቤና፣ ሺን ኢያው ኢንጂቲያ ዎዴ ሂንቴኮ ባና።

**ወርሴላ ዞሬኔ ሳሮሶ**

13 ባርኪቴ፤ አማኖን ኤቂቴ፤ ሃሊቴ፤ ሚኒቴ። 14 አሶ ኡባ ሲቆን አሲቴ።

15:32 ኢሳ 22:13 \* 15:44 አያና አሳቴሲ፣ ጌሻ አያናይ ሃሪዳ ዎይኮ ጌሻ አያናይ ዴዎ ኢሚዳ አሳቴሲ ጉሱ። 15:45 ሜዴ 2:7 15:52 1ቴሴ 4:15-17 15:54 ኢሳ 25:8 15:55 ሆሴ 13:14 16:1 ሮሜ 15:25-26 16:5 ሃ.አ 19:21 16:9 ሌዌ 23:15-21፤ ዛሬ 16:9-11፤ ሃ.አ 19:8-10 16:10 1ቆሮ 4:17



15 ታ ኢሻቶ፥ ኢስጊፋኖሴይኔ ኢያ ሶ አሳይ አካያን ኤንቲ ኮይሮ አማኒዳይሳታ ጊዴይሳኔ አማኔይሳታ ማዳናው ባንታና አሲ ኢሚዳይሳ ሂንቱ ኤሬታ። 16 ሂንቱካ ኤንታ ሜላ አሳሲኔ፥ ኤንታራ አሶን ዳቡሪያ ኡባስ ኪቴታና ሜላ ታ ሂንቱና ዎሳይስ።

17 ኢስጊፋኖሴይ፥ ፎርቹናሲኔ አካይቆሲ ታኮ ዩዳይሲ ታና ኡፋይሲስ። ሂንቱ ባይና ቤሳን ኤንቲ ሂንቱና ጊዲዲ ታ ፓጫ ኩንሲዶሶና።

18 ኤንቲ ሂንቱና ኡፋይሲዳይሳዳ ታናካ ኡፋይሲዶሶና። ሄሳ ሜላ አሳታ ዶጎፒቴ።

19 ኢሲያ ዎሳ ኬላ አሳይ ሂንቱና ሳሮ ጎሶና። አቂሲኔ ጲሪስቂላ ባንታ ሶን ሺቂያ ዎሳ ኬላ አሳራ ኢሲፌ ሂንቱና ጎዳ ሱንሳን ዎዛናፕ ሳሮሶሶና። 20 አማኒያ ኢሻቲ ኡባይ ሂንቱና ሳሮ ያጎሶና።

21 ታኒ፥ ጳዉሎሲ፥ ሃ ሳሮሱዋ ታ ኩሼን ፃፋስ።

22 ጎዳ ዶሶና አሲ ዴዲኮ፥ ቃንጌቲዳይሳ ጊዶ። ኑ ጎዳው፥ ሃያ!

23 ጎዳ ዩሱስ ኪሪስቶሳ አዶ ኬሃቴሳይ ሂንቱራ ጊዶ።

24 ታ ሲቆይ ኪሪስቶስ ዩሱሳን ዴዲያ ሂንቱ ኡባራ ጊዶ። አሚንዲ።

### ጳውሎስ ቆሮንቶሳ አሳስ ገፊዳ ናምዓንሉ ኪታ ጋሳ ቆፋ

ጳውሎስ ቆሮንቶሳ አሳስ ገፊዳ ናምዓንሉ ኪታይ ገፊቲዳይ፣ ኢያው ቆሮንቶሳ ዎሳ ኬሳራ ዴዲያ ጋሄቲሳይ ዳሮ ሜቶ ጊዶ ጊሊዲ ዴዲያ ዎዴና። ኢሲ ኢሲ ዎሳ ኬሳ አሳቲ ጳውሎሳ ኢታ ቦሬ ቦሪኮካ ጳውሎስ ሲጋ ሜዳናው ኢያው አዎይ ዴዴይሳ ቤሲስ። ሄሲ ሃኒያ ዎዴ ጊታ ኡፋይሳ ኡፋይታናው ዳንዳዴይሳ ቆንጨሲስ።

ጳውሎስ ባ ኪታን ኮይሮ ኪፊሊያን፣ ቆሮንቶሳ ዎሳ ኬሳራ ኢያው ዴዲያ ጋሄቲሳ ቆንጨሲዲ፣ ዎሳ ኬሳን ሜዴቲዳ ቦሪያሲኔ ኢፀዋስ አይስ ሚኖ ዛሮ ኢሚዳኮ አዴስ። ሄሳራ ጋሲዲ ኢያ ሴራይ ኤንታ ናጋራፔ ዛሪዲ ሲጋን ጋሲዳ ጊሾ ኢ ኡፋይቲዳ ኡፋይሳ ኤንታው ቆንጨሲስ። ካሊዲካ፣ ዩሁዳን ዴዲያ አማኒያ አሳ ማዳናው ባንታው ዴዲያባፔ ጮ ኢማና ሜላ ሃሳይሲስ። ወርሴሳ ሽምፖታን ጳውሎስ ባ ሃዋሬቲሳ ቦላ ዴንዲዳ ሞቱዋስ ዛሮ ኢሜስ። ጋሶይካ፣ ቆሮንቶሳ ዎሳ ኬሳን ዴዲያ ኢሲ ኢሲ አሳቲ ባንታና፣ «ቱማ ሃዋሬ» አሲዲ፣ «ጳውሎሳ ዎርዳንቾ ሃዋሬ» አሲዲ ሞቶሶና።

#### 2 ቆሮንቶሳ ኪታ አይፌ ቆፋታ

ጌሎ ቆፋ 1:1-11

ጳውሎስ ቆሮንቶሳ ዎሳ ኬሳ 1:12-7:16

ዩሁዳን ዴዲያ አማኒያ አሳ ማዴ 8:1-9:15

ጳውሎስ ባ ሃዋሬቲሳ ማታስ ኢሚዳ ዛሮ

10:1-13:10

ኩሻ ቆፋ 13:11-14

1 ዎሳ ሽኔን ዩሱስ ኪሪስቶሳ ሃዋሬ ጊዲዳ ጳውሎስ፣ ኩ ኢሻ ጊሞቲዮሲ፣

ቆሮንቶሳን ዴዲያ ዎሳ ዎሳ ኬሳሲኔ አካያ ቢታን ዴዲያ ዎሳ አሳ ኡባስ ገፊዳ ኪታ።

2 ዎሳ ኩ አዋፔኔ ጎዳ ዩሱስ ኪሪስቶሳ፣ አዶ ኬሃቲሳይኔ ሳሮቲሳይ ሂንቲው ጊዶ።

#### ጳውሎስ ዎሳ ጋላቲስ

3 ማሮቲሳ አዋስ፣ ኡባ ዎዴ ኩና ሚንፎሴያ ዎሳስ፣ ኩ ጎዳ ዩሱስ ኪሪስቶሳ አዋስ ጋላቲ ጊዶ። 4 ዎሳይ ኩስ ኢሚዳ ሚንፎሴያን፣ ሜቶን ዴዴይሳታ ኩ ሚንፎሴሳና ሜላ ዎሳይ ኩና ኩ ሜቶ ኡባን ሚንፎሴስ። 5 ኩስ ኪሪስቶሳ ዳሮ ዋያ ሻኬቲዳይሳዳ ቃሲ ኩስ ኢያ ዳሮ ሚንፎሴያን ሚናና። 6 ኩስ ዋዩቲኮ ሄሲ ሂንቲና ሚንፎሴሳናሳኔ ሂንቲና አሻናሳ። ቃሲ ኩስ ሚኔቲኮ ኩስ ጊንጨዳ ዋያ ሜላ ሂንቲካ ጊንጨዲ፣ ዎሳይ ሂንቲው ኢሚያ ሚንፎሴያን ሚናና። 7 ሂንቲ ኩ ኤኪዳ ሜቲዋ ሜላ ኤኪዲ፣ ኩ ሚንፎሴያን ሻኬታናይሳ ኩ ኤሪያ ጊሾ ኩ ኡፋይሳይ ሂንቲናን ሚና።

8 ኩ ኢሻቶ፣ ኢሲያ ቢታን ኩና ጋኪዳ ሜቲዋ ሂንቲ ኤራና ሜላ ኮዮስ። ሄ ኩና ጋኪዳ ሜቶይ ኩ ዎልቃፊ ዳሪን፣ ሃይቆና አቶኮ ጊዲ ኡፋይሲ ቃንጊዳሺን። 9 ኩስ ኩ ቦላ ሃይቆ ፐርዲ ፐርዴቲዳ ሜላ ቆፐዳ። ሺን ኩስ ኩ ሁዔን ጊዶናሺን፣ ሃይቆዳይሳታ ዴንጊያ ዎሳን አማኔታና ሜላ ሄሲ ሃኒስ። 10 ዎሳይ ሄሳ ሜላ ኢታ ሃይቆፔ ኩና

አሺስ፤ ሃዲካ አሻና፤ ሲንሳፊካ ኢ ኩና አሻና ጊዲ ኢያን ኡፋይሲ ዎሳስ። 11 ዎሳን ኩና ማዲቲ። ዳሮ ዎሳ ጋሶን ዎሳ ማዱዋ ኩ ዴሚያ ዎዴ ዳሮ አሳይ ኩ ጊሾ ዎሳ ጋላቶሶና።

#### ጳውሎስ ባናው ቆፐዳ ቆፋ ላሚስ

12 ኩስ ኩ ጊሻ ካሃን ጨቁቶስ። ኩስ ሃ አላሚያን ዴዲዳ ዴዴዋን ኡባራካ ኩ ዴዲዳ ዴዴዋን ቱማቲሳኒኔ ሱሬቲሳን ሂንቲራ ዴዲዳ። ሄሲካ፣ ሃ አላሚያ ጨንጫቲሳን ጊዶናሺን ዎሳ አዶ ኬሃቲሳና። 13 ኩ ሂንቲው ገፊዳ ዳብዳቤይ ሂንቲ ናባባናውኔ አኪካናው ዳንዳዲያባፔ አቲን ሃራ ጊዶና። ሂንቲ ኢያ አኪካናው ዳንዳዴይሳ ታ አማናይስ። 14 ሃዲ ሂንቲ ኩና ሃኒዳ ኬና ኤፊታ፣ ሺን ሲንሳፊ ኩሜሲ ኤራናይሳ ታ አማኔታይስ። ኩ ጎዳ ዩሱስ ሲሚያ ዎዴ ኩስ ሂንቲናን ጨቁቲዳይሳዳ ሂንቲካ ኩናን ጨቁታና።

15 ሄሳ ታኒ ሎይሳ ኤሪዳ ጊሾ ሂንቲ ናምዓንሉ ጎዴታና ሜላ ካሴታዳ ሂንቲኮ ባናው ቆፋ ቃቻስ።

16 ታኒ ማቆዶኒያ ባሽኔ ያፔ ሲማሼ ሂንቲና ቤዓና። ታኒ ያፔ ዩሁዳ ቢያ ዎዴ ሂንቲ ታና ታ አጊያን ማዳና ጋዳ ቆፓስ። 17 ታኒ ሄሳ ጋሼ አይ አሳናው ቤሲያኮ ኤሮና አሲ ዳናይና? ዎይኮ ታኒ ታ ቆፋ ቃቻያ ዎዴ አሳ ቆፋዳ፣ ኢሲ ቶሆ «ኤ» ቃሲ ኢሲ ቶሆ «አካይ» ጊያ አሳ ሜሴዮ።

18 ሺን ዎሳይ አማኔቲይሳ ጊዲያ ጊሾ ኩ ሂንቲው አዲያ ቃላይ «ኤ» ዎይኮ «አካይ» ጊይሳ ጊዶና። 19 ታኒ፣ ሲላሴይኔ ጊሞቲዮሲ ሂንቲው ማርካቲዳ ዎሳ ናዓይ፣ ዩሱስ ኪሪስቶሲ ኡባ ዎዴ «ኤፔ» አቲን «ኤ» ኔ «አካይ» ጊዶና። 20 ዎሳይ ኢማና ጊዳ ኡባይ ኪሪስቶሳ ባጋራ «ኤ» ጊዶስ። ኩስ ኪሪስቶሳ ባጋራ ዎሳ ቦንቾስ፣ «አሚንዲ» ጊይ ሄሳ ጊሾሳ። 21 ኩስ ሂንቲ ኪሪስቶሳን ሚኒዲ ኤቃና ሜላ አሲዳይኔ ባ አሱዋስ ዶሪዳይ ዎሳ። 22 ኩስ ኢያባ ጊዶይሳ ኤሪሳናው ባ ማታሚያ ኩ ቦላ ዎሳስ፤ ቃሲ ባ ጊሻ አያና አይሲ አሲዲ ኩ ዎዛናን ዎሳስ።

23 ታኒ ቆሮንቶሳ ቦና አጊዳይ ሂንቲ አዛኖና አታና ሜላሳ፤ ሄሲ ዎርዶ ጊዲኮ ዎሳይ ታ ሽምፑዋ ታፔ ኤኮ። 24 ሂንቲ፣ ሂንቲ አማኑዋን ሚኒዲ ዴዲያ ጊሾ ኩ ሂንቲና ኡፋይሳናው ሂንቲራ ኢሲፌ አሴይሳታፔ አቲን ሂንቲና ዎልቃን አማንፎይሳታ ጊዶኮ።

## 2

1 ታኒ ናምዓንሉ ሂንቲኮ ቢኬ ጋዳ ቆፋ ቃቻዳይ ሂንቲና አዛንሶና አጋናሳ። 2 ታኒ ሂንቲና አዛንሲኮካ ታ አዛንሲዳ ሂንቲፌ ሃሪ ታና ኡፋይሳናው ዴዴይ አኔ? 3 ታኒ ሂንቲው ሄ ዳብዳቤያ ገፊዳይ፣ ታ ሂንቲና ቤዓናው ቢያ ዎዴ ታና ኡፋይሳናው ቤሲያ አሳን ታ አዛናናው ኮዮና ጊሾሳ። ታ ኡፋይቲያ ዎዴ ሂንቲ ኡባይካ ኡፋይታናይሳ ታ አማናይስ። 4 ታኒ ዳሮ ዋዩኒኔ ኡንዓን ቃሲ ዳሮ አፋሳን ገፊዳይ፣ ሂንቲና አዛንሶናሳ ጊዶናሺን ታኒ ሂንቲና ኡባ አይ ሜላ ዶሲያኮ ሂንቲና ኤሪሳና ሜላሳ።

#### ቆሂዳይሳ ማሮባ

5 አሴ አዛንሲዳ አኒካ ዴዲኮ ታ ኢያ ባላ ዳርሳናው ኮዩኬፌ አቲን ታና ጊዶናሺን ሂንቲፌ

ዳርታ አዛንሰሰ። 6 ሂንቴፌ ዳሪያ አሳይ ሄ ኡራ ሴሪዳ ሴራይ ኢያው ጊዳና። 7 ሄሳ ጊሾ፣ ሄ ኡራይ ዳር አዛንዲ፣ ኡፋይሲ ቃንጾና ሜላ ሂንቴ ኢያ ማራናውኔ ሚንሴሳናው ቤሴስ። 8 ሂንቴ ኢያ ሲቄይሳ ዛሪ ኢያው ቆንጨሳና ሜላ ታ ሂንቴና ያሳይስ። 9 ታ ሄ ዳብዳቢያ ሂንቴው ዓፊዳይ፣ ሂንቴ ፓጩቴዲ፣ ኡባባን ታው ኪቴቴይሳ ኤራናው ኮዩዳ ጊሾሳ። 10 ሂንቴ ማሪያ ኡራ ታካ ማራና። ታኒ ማራናባይ አይቢ ዴሲኮካ፣ ኪሪስቶሳ ሲንሳን ሂንቴ ጊሾ ጋዳ ማራስ። 11 ታኒ ሄሳ አሲዳይ ዓላሂያ ጨዋ አሱዋ ኑ ኤሪያ ጊሾ ዓላሄን ጨሜቶና አታና ሜላሳ።

**ደርዳዳን ጳውሎሳ ኡንዔቴሳ**

12 ታኒ ኪሪስቶሳ ዎንጌላ ሳባካናው ደርዳዳ ቢዳ ዎዴ ጎዳይ ያን ታው አሶ አጌ ጊጊሲዲ ዎሲስ። 13 ሺን ታኒ ታ ኢሻ ቴቶ ያን ዴማቦና ጊሾ ታ ዎዛናይ ሽምጢቤና። ሄሳ ጊሾ፣ ያን ዴሲያ አሳ ሳርሳዳ ኢያ ኮያናው ማቄድኒያ ባስ።

14 ሺን ኪሪስቶሳ ባጋራ ኡባ ዎዴ ኑና ያኖን ካሌሲያኔ ሺቶ ሜላ ሳዊያ ኪሪስቶሳባ ኑ ኤሪያ ቴሚርቴያ ኡባ ቤሲ ጋሳና ሜላ አሲያ ያሳ ጋላቴ ጋኮ። 15 ኑኒ አቴያ አሳ ጊዶኒኔ ዳያ አሳ ጊዶን ኪሪስቶሳ ባጋራ ያሳስ ኢሜቴዳ ሳዊያ ሺቶ ሜላ። 16 ዳያ አሳስ ሃይቆኮ ኤፊያ ሃይቆ ፔኖ፣ ቃሲ አቴያ አሳስ ዴዎኮ ኤፊያ ዴዎ ሳዎ፣ ያቴን፣ ሄሳ ሜላ አሱዋስ ጊዳናይ አኔ? 17 ኑኒ ያሳ ቃላ ዎዴ ዴማናው ኮዩዲ ዋላኪዲ ዛልዲያ ዳር አሳ ሜላ ጊዶኮ። ሺን ያሳይ ኪቴዳ ሱሬ አሳታ ሜላ ኪሪስቶሳን ዴሲዲ ያሳ ሲንሳን ቃላ አዶስ።

**3**

**አራሳ ጫቁዋ አሳንቾታ**

1 ኑኒ ዛሪይ ኑና ሳቢኖዬ? ዎይኮ ሃራ አሳዳ፣ ሳባ ዳብዳቢያ ሂንቴው ዩዳናው ዎይኮ ሂንቴፌ ኤካናው ኑና ኮሺዬ? 2 አሲ ኡባይ ሂንቴና ኡራና ሜላኔ ናባባና ሜላ ሂንቴ ኑ ዎዛናን ዓፊቴዲ ዴሲያ ኑ ዳብዳቢ። 3 ሂንቴ ቃላሜን ጊዶናሺን ዴዎ ያሳ አያናን፣ ሹቻ ባላ ጊዶናሺን አሳ ዎዛናን ዓፊቴዳይሳታኔ ኑናን ሃጋዜቴዳ ኪሪስቶሳ ዳብዳቢ ጊዴይሳ ቤሲዴታ።

4 ኑ ሄሳ ጊዳይ፣ ኪሪስቶሳ ባጋራ ያሳን አማኖይ ኑስ ዴሲያ ጊሾሳ። 5 ኑ ሄሳ አሳናው ዳንዳሲዳይ ያሳ ዎልቃናፔ አቴን ኑኒ ኑ ዎልቃን አይኮካ አሳናው ዳንዳዎኮ። 6 ኑ አራሳ ጫቁዋ አሳንቾታ ጊዳና ሜላ ያሳይ ኑና ዳንዳሲሲስ። ሄ አራሳ ጫቁይ ጊሻ አያናን ቤንቴዳይሳፌ አቴን ዓፊቴዳ ሂንጌ ጊዴና። ሂጌይ ዎዴስ፣ ሺን ጊሻ አያናይ ዴዎ ኢሜስ።

7 ሹቻ ባላ ዓፊቴዳ ሂጌይ ኢሜቴያ ዎዴ ያሳ ቦንቾይ ቆንጨስ። ሙሴ ሶምዑዋን ዴሲያ ቦንቾይ ዳዩሼ ቢያባ ጊዳኮካ፣ ኢስራዔል አሳይ ኢያ ሶምዑዋ ቴሺ አሲዲ ያላናው ዳንዳሲባኮና። ሂዛ፣ ሃይቆ ኤሂያ ሂጌይ ሄሳ ሜላ ቦንቾን ቆንጨኮ፣ 8 ያቴን፣ ጊሻ አያናን አሴቴያ አሱዋ ቦንቾይ ዋኒዲ አዴኔ? 9 አሳ ባላ ፒርዳ ኤሂያ ሂጌይ ቦንቾ ጊዳኮ ያቴን፣ አሴ ያሊሲያ አራሳ

አጌይ ዋኒዲ አዴዲ ቦንቾቴኔ? 10 ካሴ ቦንቾ ጊዳይሳ ሃሲ አዴያ ቦንቾይ ዴዔይሳራ ጋሲ ቤዲያ ዎዴ ቦንቾይ ባይናባ ጊዳስ። 11 ጉሳ ዎዴስ ቆንጨዲ ጉዩፔ ዳይዳይሲ ሃይሳዳ ቦንቾቴኮ፣ ሜሪናው ዴዔይሲ ዋኒዲ አዴዲ ቦንቾቴኔ?

12 ኑስ ሃይሳ ሜላ ኡፋይሳይ ዴሲያ ጊሾ ዩላቶና አዴቶስ። 13 ኑኒ፣ ኢስራዔል አሳይ ዳዩሼ ቢያ ቦንቾዋ ወርሴሳ ቤዎና ሜላ ባ ሶምዑዋ ካሚዳ ሙሴ ሜላ ጊዶኮ። 14 ሺን ኤንታ ዎዛናይ ዶጨስ። ሃቺ ጋካናው ኤንቲ ጋልዓ ጫቁዋ ናባቢያ ዎዴ ኤንታ ዎዛናይ ሄ ካማን ካሜቴ ዴዔስ። ሄ ካማይ ኪሪስቶሳ ዓላላን ቃሬቴስ። 15 ሺን ሃቺ ጋካናው ኤንቲ ሙሴ ማፃፋ ናባቢያ ዎዴ ኡባን ሄ ካማይ ኤንታ ዎዛና ካሜስ። 16 ሺን አኒካ ጎዳኮ ሲሚያ ዎዴ አወዴካ ሄ ካማይ ቃሬቴስ። 17 ጎዳይ አያና፣ ጎዳ አያናይ ዴሲያ ቤሳን ላዓቴሲ ዴዔስ። 18 ኑኒ ኡባይ ካሜቴቦና ሶምዎን ጎዳ ቦንቾዋ ቤዓና። \* ኑኒ አያና ጊዳዳ ጎዳ ማላ ዳናናው ቦንቾፌ ቦንቾን ላሜታና።

**4**

**ቴማ ሃዋራቴሳ አሱዋ**

1 ሂዛ፣ ያሳይ ባ ማራቴሳን ሃ አሱዋ ኑስ ኢሚዳ ጊሾ ኑኒ ኡፋይሲ ቃንጾኮ። 2 ኑኒ ዩላያ ጌማ አሶ ኡባ አጊዳ፣ ጌኔ አሶ አሶኮ፣ ያሳ ቃላ ዎርዶራ ዋላኮኮ። ቴማ ቆንጨን ሃሳዩሼ፣ አሳ ኡባ ካሃይ ኑና ኤካና ሜላ ያሳ ሲንሳን ኑና ሺሾስ።

3 ኑ አዲያ ዎንጌላይ ጌሚዳባ ጊዳኮካ፣ ጌሚዳይ ዳዩ አጌን ዴሲያ አሳሳ። 4 ሃ አሳሚያ ሃሪያ ያሳይ አማኖና አሳ ዎዛና ጎዜስ። ኤንቲ ያሳ ማላን ቆንጨዳ ኪሪስቶሳ ቦንቾ ዎንጌላ ፖዑዋ ቤዎና ሜላ ዲጊስ። 5 ኑኒ፣ ዩሱስ ኪሪስቶሲ ጎዳ ጊዴይሳኔ ኑ ኢያ ጊሾ ሂንቴ አሳንቾ ጊዴይሳ አዶሲፔ አቴን ኑባ አዶኮ። 6 «ዳማን ፖዶይ ፖዶ» ጊዳ ያሳይ፣ ኪሪስቶሳ ሶምዑዋን ፖሲያ ያሳ ቦንቾዋ ኤራ ፖዑዋ ኢማናው ባ ፖዑዋ ኑ ዎዛናን ፖሲሲስ።

7 ሺን ኡባፌ አዲያ ዎልቃይ ኑባ ጊዶናሺን ያሳባ ጊዴይሳ ቤሳናው ሃ ቦንቾ ሻሎይ ሜቃ ሚሼ \* ጊዳዳ ኑ አሳቴሳን ዴዔስ።

8 ኑ ኡባ ባጋራካ ዋዩቴዳ፣ ሺን ሜቄሬቴቦኮ። ኑስ ሃዲርሲ ጊዳስ፣ ሺን ኡፋይሲ ቃንጊቦኮ። 9 ኑ፣ ሞርኬታን ጎዴቴዳ፣ ሺን ላጌ ዳዩቦኮ። ኑ ሞርኬታን ሾጩቴዲ ኩንዲዳ፣ ሺን ዳዩቦኮ። 10 ዩሱሳ ዴዎይ ኑ አሳቴሳን ቆንጨና ሜላ ኢያ ሃይቁዋ ኡባ ዎዴ ኑ አሳቴሳን ቶኪዲ ዩዮስ። 11 ዩሱሳ ዴዎይ ሃይቁያ ኑ አሳቴሳን ቆንጨና ሜላ ፓፃ ዴሲያ ኑኒ ኢያ ጊሾ ኡባ ዎዴ ሃይቆስ አዴዲ ኢሜቶስ። 12 ሂዛ፣ ሃይቆይ ኑናን አሲያ ዎዴ ዴዎይ ሂንቴናን አሴስ።

13 ጊሻ ማፃፋን፣ «ታ አማናስ፣ ሄሳ ጊሾ ሃሳያስ» ያጌቴስ። ሄሳ ሜላ አማኖይ ኑስ ዴሲያ ጊሾ ሃሳዮስ። 14 ጎዳ ዩሱሳ ሃይቆፔ ዴንሲዳ ያሳይ፣ ኑናካ ዩሱሳራ ሃይቆፔ ዴንሳናይሳኔ ሂንቴራ ኢሲፌ ባ ሲንሴ ሺሻናይሳ ኤርስ።

2:12 ሃ.አ 20:1 3:3 ኪሳ 24:12፤ ኤር 31:33፤ ሂዝ 11:19፤ 36:26 3:6 ኤር 31:31 3:7 ኪሳ 34:29 3:13 ኪሳ 34:33 3:16 ኪሳ 34:34 \* 3:18 ቤዓና፣ ማስቶቴዳ ዛሪዲ ጳሊሳና ጌቴቴ ቢርሼታናው ዳንዳዔስ። 4:6 ሜዴ 1:3 \* 4:7 ሜቃ ሚሼ፣ ሃ ቤሳን ሜቃ ሚሼ ጌቴቴዳይ ቢታፌ አሴቴዳ ሚሼታ ቤሳናሳ - አቶ፣ ሻቴ፣ ቤሼ... 4:13 ማዝ 116:10



15 ሄሲ ኡባይ ሃኒዳይ ሂንቴ ጊሾሳ። ያሳ አዶ ኬሃቴሳይ ዳሮ አሳ ጋኪያ ዎዴ አሳይ ያሳ ቦንቹዋስ ዳሮ ጋላታ ኢጣና።

**አጣጥን ዴያ**

16 ሄሳ ጊሾ፣ ኑኒ ኡፋይሲ ቃንዎኮ። ኑ ቤንቲያ አሳቴሳይ ዳቡሪሼ ቢያባ ጊዲኮካ፣ ኑ አያና አሳቴሳይ ጋላስ ጋላስ አራዪስ። 17 ሃሂስ ኑኒ ዋዩቲያ ሃ ካዉሻ ዋዩይ፣ ኡባፌ ኬሂ ጊታቲያ ሜሪና ቦንቹዋ ኑስ ኢሚሳና። 18 ኑኒ ቤንቲያባ ጊዶናሺን ቤንቶናባ ያሎስ። ቤንቲያባይ ሃሂሳ፣ ሺን ቤንቶናባይ ሜሪናሳ።

**5**

1 ሃሂ ኑ ዴሂያ ዱንካኔ ዳኒያ ሃ ሳዓ አሳቴሳይ ላሌቲኮካ፣ አሲ ኬዲቦና፣ ያሳይ ኬዲዳ ሜሪና ኬሳይ ኑስ ሳሎን ዴዔይሳ ኤሮስ። 2 ሳሎ አሳቴሳ ማዓናው አሞቲሼ ሃሂ ሃ ሳዓን ዴሂሼ አሎስ። 3 ኑኒ ሄሳ ማሂያ ዎዴ ካሎቶኮ። 4 ዱንካኔ ዳኒያ ሃ ሳዓ አሳቴሳን ኑ ዴሂሼ ዴዔቲዲ አሎስ። ሃይቂያ ኑ አሳቴሳይ ዴያን ላሜታና ሜላ ሳሎ አሳቴሳ ማዓናው ኮሮሲፕ አቲን አሹዋፕ ሻኬታናው ኮዩዲ ጊዴና። 5 ኑና ሃይሳስ ጊጊሲዳይ ያሳ። ቃሲ ሲንሳፌ ያናባስ አይሌ አሊዲ ባ አያና ኑስ ኢሚስ።

6 ሄሳ ጊሾ፣ ኑኒ ሃ ሳዓ አሳቴሳን ዴሂያ ዎዴ ኡባን ጎዳፕ ሃኪዲ ዴዔይሳ ኤሪኮካ ኡባ ዎዴ አማኔቲዲ ዴያስ። 7 ኑኒ ዴዔይ አማኖናፕ አቲን ቤሂያባን ጊዴና። 8 ኑ ሃ ሳዓ አሳቴሳፌ ሻኬቲዲ፣ ኑ ሶ ቢዲ ጎዳራ ኢሲፌ ዳናው አሞቲያ ጊሾ አማኔቲዲ ዴያስ። 9 ሄሳ ጊሾ፣ ኑ ሃ አሳቴሳን ዴሂን ዎይኮ ሃ አሳቴሳፌ ሻኬቲን፣ ኑ አሞይ ኢያ ኡፋይሳናይሳ። 10 ኑኒ ኢሶይ ኢሶይ ሃ ሳዓን ዴሂሼ ሎዎ ጊዲን ዎይኮ ኢታ ጊዲን፣ አሊዳ አሱዋስ ቤሲያ ፒርዳ ኤካናው ኪሪስቶሳ ፒርዳ አራታ ሲንሳን ሺቃና።

**አሴ ያሳራ ሲጌሶ**

11 ሂዛ፣ ኑኒ ጎዳ ቦንቹይሲ አይ ጉሴኮ ኤሪያ ጊሾ አሳይ ኑ አዴይሳ ኤካና ሜላ ዞሮስ። ያሳይ፣ ኑኒ አኔኮ ኑና ኤሬስ፤ ቃሲ ሂንቴካ ሂንቴ ካሃን ኑ አኔኮ ኤሪታ ያጋዳ ቆፓይስ። 12 ዎዛናን ጊዶናሺን ማላን ጩቁቲያ አሳ ዶና አይሳናው ሂንቴ ኑናን ጩቁታና ሜላ ሂንቴው ጋሶ ጊዳናው ኮሮሲፕ አቲን ኑ ኑና ዛሪዲ ናሻናው ኮሮኮ። 13 ኑ ጎሺ ጊዲኮ ያሳ ቦንቹሳ፤ ዎዛና ጊዲኮ ሂንቴሳ። 14 ኢሶይ ኡባስ ሃይቂዳይሳኔ ኡባይ ቃሲ ኢያራ ሃይቂዳይሳ ኑ ኤሪያ ጊሾ ኪሪስቶሳ ሲቆይ ኑና ሃሬስ። 15 ዴያን ዴዔይሳቲ ሂዛፕ ጉዬ ባንታው ጊዶናሺን ኤንታው ሃይቂዳይሳሲኔ ሃይቆፕ ዴንዲዳይሳስ ዳና ሜላ ኪሪስቶሲ አሳ ኡባ ጊሾ ሃይቂስ።

16 ሂዛፕ ጉዬ፣ ኑኒ እናካ አሳ ቆፋን ፒርዶኮ። ሃይሳፌ ካሴ ኑኒ ኪሪስቶሳካ አሳ ቆፋን ፒርዲዳባ ጊዲኮካ፣ ሂዛፕ ሄሳዳ ፒርዶኮ። 17 ሄሳ ጊሾ፣ አኒካ ኪሪስቶሳን ዴሂኮ አራሳ ሜዴቴሌ፤ ጋልዓ ሜዴቴሳይ አዲስ፤ ኡባይካ አራሊ ጊዲስ። 18 ሄሳ ኡባ ያሳይ አሊስ። ኢ ኪሪስቶሳ ባጋራ ኑና ባራ ሲጌሊስ። ቃሲ ሃራታ ባራ ሲጌላና ሜላ ኑስ

ሲጌሶ አሶ ኢሚስ። 19 ያሳይ ኪሪስቶሳ ባጋራ አሳ ኡባ ባራ ሲጌሊስ። ኤንታ ናጋራ ታይቤቤና፤ ቃሲ አሳ ባራ ሲጌሊያ ቃላ ኑስ ኢሚስ።

20 ያሳይ አሳ ኑ ባጋራ ያጊያ ጊሾ ኑ ኪሪስቶሳን ኪቴቲዲ አሳ ያሳራ ሲጌቲቴ ጊዲ ኪሪስቶሳ ጊሾ ዎሶስ። 21 ኑኒ ያሳ ዲሎቴሳ ኪሪስቶሳ ባጋራ ኤካና ሜላ፣ ናጋራ ኤሮና ኪሪስቶሳ ኑ ጊሾ ናጋራንቾ አሳዳ አሊስ።\*

**6**

1 ኑኒ ያሳራ ኢሲፌ አሊያ አሲ ጊዴይሳዳ፣ ሂንቴ ኤኪዳ አዶ ኬሃቴሳ ሃዳ አሶና ሜላ ኑ ሂንቴና ዎሶስ። 2 ያሳይ፣

«ታ ኔና ሲዓና ዎዴን ሲዓስ፤ አቶቴሳ ጋላሳን ኔና ማዳስ» ያጌስ። ሄኮ፣ ታ ሲዲያ ዎዴይ ሃሂ፤ አቶቴሳ ጋላሳይ ሃቺ።

3 አኒካ ኑ አሱዋ ቦራና ሜላኔ ኑናን ዱቤታና ሜላ ኮሮኮ። 4 ጊዶሺን፣ ኑ ቱማ ያሳ አሳንቾታ ጊዴይሳ ኑ አሊያ ኡባባን ቤሲዳ። ዳሮ ጌንጫን፣ ዎዩን፣ ሜቶን፣ ኡንዓን፣ 5 ጋራፌቴሳን፣ ቃሾን፣ ኢያን ኩሚዳ ዎጫማን፣ ዳቡራን፣ ዲስኮ ዳሞን፣ ዎማን፣ 6 ጊሻቴሳን፣ ኤራቴሳን፣ ዳንዳዓን፣ ኬሃቴሳን፣ ጊሻ አያናን፣ ቱማ ሲቆን፣ 7 ቱማ ሃሳያኒኔ ያሳ ዎልቃን ኑኒ ኢያ አሳንቾታ ጊዴይሳ ቤሲዳ። ቃሲ ዲሎቴሳይ ኑስ ቶራኔ ጎንዳሌ። 8 ኑኒ ቦንቹቲዳኔ ቶሼቲዳ፤ ጫይቲዳኔ ጋላቴቲዳ። ቱማ ሃሳዮስ፣ ሺን አሳይ ኑና ዎርዳንቾ ጊዶሶና። 9 ኑ አሳን ኤሬቲዳ አሲ፣ ሺን ኤሬቶና አሳ ሜላ ጊዲዳ። ሃይቂዶሶና ያጌቲዳ፣ ሺን ፓዓ ዴያስ፤ ሾጩቲዳ፣ ሺን ሃይቂሶኮ። 10 ኑኒ አዛኒኮካ ኡባ ዎዴ ኡፋይቶስ። ኑ ማንቆ ዳናስ፣ ሺን ዳሮ አሳ ዱራዮስ። ቃሲ አይኮይካ ባይና አሲ ዳናስ፣ ሺን ኡባይ ኑባ።

11 ቆሮንቶሳ አሳው፣ ኑ ሂንቴው ቆንጩን አዲዳ፤ ኑ ኡሎዋ ሂንቴና ቤሲዳ። 12 ሂንቴ ኑና ሂንቴ ሲቁዋ ቤሶና ዲጊዴታፕ አቲን ኑ ኑ ሲቁዋ ሂንቴና ዲጊሶኮ። 13 አዉ ባ ናይታስ አዴይሳዳ ታ ሂንቴው አዳይስ፤ ኑ ሂንቴና ኑ ኡሎዋ ቤሲዳይሳዳ፣ ሂንቴካ ሂንቴ ኡሎዋ ኑና ቤሲቴ።

**አማኖና አሳራ ዴሂያ ኢሲፌቴሳ አጎ**

14 አማኖና አሳራ ቤሶና አጌን ዋዩቶፊቴ። ዲሎቴሳሲኔ ናጋራስ አይቤ ጋሄቴሊ ዴዒ? ፖሶኒኔ ዱማስ አይቤ ኢሲፌቴሊ ዴዒ? 15 ኪሪስቶሳኔ ሃላሄ ኢሲፌ ጋሊያባይ አይቤ? ቃሲ አማኔይሲኔ አማኖናይሲ ኢሲፌ ኮዲያባይ አይቤ? 16 ያሳ ኬሳስ ኤቃታራ አይቤ ኢሲፌቴሊ ዴዒ? ያሳይ፣

«ታኒ ኤንታ ጊዶን ዴዓና፣ ኤንታ ጊዶን ሃውታና፣ ታኒ ኤንታ ያሳ ጊዳና፣ ኤንቲካ ታ አሴ ጊዳና» ጊዳይሳዳ፣ ኑኒ ዴያ ያሳ ኬሊ። 17 ሄሳዳካ፣ ጎዳይ፣ «ኤንታ ጊዶፌ ሻኬቲዲ ኬዩቴ፤ ቱና ጊዲዳባ ቦቾፊቴ፤

5:10 ሮሜ 14:10 \* 5:21 ናጋራንቾቾ አሳዳ፣ ናጋራ ያሮሾ አሊስ። 6:2 ኢሳ 49:8 6:5 ሃ.አ 16:23 6:16 ሉዌ 26:12፤ ሂዛ 37:27፤ 1ቆሮ 3:16፤ 6:19 6:17 ኢሳ 52:11

ታ ሂንቴና ኤካና።  
 18 ታ ሂንቴው አዋ ጊዳና፤  
 ሂንቴ ታው አዴ ናይታኔ ማጫ ናይታ  
 ጊዳና፤  
 ያጌስ ኡባፌ ዎልቃማ ጎዳይ» ያጊስ።

7

1 ሂዛ፣ ታ ሲቆቶ፣ ሃ ኡፋይሳይ ኑስ ዴዲያ  
 ጊሾ ኑ አሹዋኔ ኑ ሽምጥ ቱኒሲያባ ኡባፌ ኑና  
 ጊሾስ። ያሳስ ያዩዲ ኑ ጊሻቴላ ፖሎ አሶስ።

ጳውሎስ ኡፋይሳ

2 ሂንቴ ኡሎዋ ኑና ቤሲቴ። ኑኒ አናካ ናቂቦኮ፤  
 አናካ ቆሂቦኮ፤ አናካ ጨሚቦኮ። 3 ታኒ ሄሳ ሂንቴ  
 ቦላ ፐርዳናው ጊኬ። ሃይሳፌ ካሴ ታ ሂንቴው  
 አዲዳይሳዳ፣ ሂንቴ ኑ ዎዛናን ዴዴታ፤ ኑ ፓዓ  
 ዴዲንካ ሃይቂንካ ሂንቴፌ ሻኪቶኮ። 4 ታ አዲያባ  
 ሂንቴፌ ቆቲኬ፤ ታ ሂንቴናን ጨቂታይስ፤ ኑ  
 ዋዩ ኡባን ሚኔታይስ፤ ቃሲ ጊታ ኡፋይሲ  
 ኡፋይታይስ።

5 ኑኒ ማቅደኒያ ቢዳ ዎዴ ኡባ ባጋራ  
 ዋዩቲዳፕ አቲን ሽምጥቦኮ። ካሬራ ሞርኬታን፣  
 ኑ ጋላን ያሻን ኡንዔቲዳ። 6 ሺን አዛኒዳይሳታ  
 ሚንፊሴያ ያሳይ፣ ቲቶ ዩሳን ኑና ሚንፊሴስ።  
 7 ኑና ሚንፊሴዳይ ቲቶ ዩሳ 9ላላ ጊዶናሺን  
 ሂንቴካ ኢያ ሚንፊሴዳይሳና። ሂንቴ ታና  
 ላሞቲይሳ፣ ታው አዛኔይሳኔ ታው ቆፕይሳ ታ  
 ሲዲዳ ዎዴ ታና ዳሮ ኡፋይሲስ።

8 ታ ዳብዳቤይ ሂንቴና አዛንሲኮካ አይስ  
 9ፋዲናሻ ጋዳ ቂሮቲኬ። ታ ቂሮቲዳይ ታ 9ፊዳ  
 ዳብዳቤይ ሂንቴና ጉሳ ዎዴስ አዛንሲዳ ጊሾሳ።  
 9 ሃዲ ታኒ ኡፋይቲዳይ፣ ታ ሂንቴና አዛንሲዳ  
 ጊሾ ጊዶናሺን ሂንቴ አዛኖይ ሂንቴና ሂንቴ  
 ናጋራፕ ዛሬዳ ጊሾሳ። ያሳይ ባ ሽኒያዳ ሂንቴና  
 አዛንሲሴፕ አቲን ኑ ሂንቴና አይቤንካ ቆሂቦኮ።  
 10 ያሳይ ኮያ አዛኖይ፣ አቶቴሳኮ ጋሲያ ናጋራፕ  
 ሲሞ ኤሄስ፤ ኢያን ቂሮያባይ ባሞ። ሺን ሃ  
 ሳዓ አዛኖይ ሃይቆ ኤሄስ። 11 ሂንቴ አዛኖይ  
 ሂንቴናን አይፊሲዳ አይፊያ ቤዲቴ። ሄ አዛኖይ  
 ሂንቴና አይ ሜላ ዴንፊሴዳኮ፣ አይ ሜላ ዛሮ  
 ኢማናዳ ጊጊሲዳኮ፣ ሄ ኡራ ቦላ አይ ሜላ  
 ሃንቂሲዳኮ፣ አይ ሜላ ታው ያያና ሜላ አሲዳኮ፣  
 አይ ሜላ አሞዩዳኮ፣ ሄ ኡራ ሴራናው አይ ሜላ  
 ጊጊዳኮ ቤዲቴ። ሃ ኡባባን ሂንቴ ጊሺ ጊዴይሳ  
 ማርካዩዴታ።

12 ሄሳ ጊሾ፣ ታኒ ሃ ዳብዳቤያ ሂንቴው  
 9ፊዳይ፣ ናቂዳ ኡራ ዎይኮ ናቂቲዳ ኡራ ጊሾ  
 ጊዴና። ሺን ሂንቴ ኑስ አይ ሜላ ቆፐያኮ ያሳ  
 ሲንሳን ሂንቴ፣ ሂንቴና ቤዓና ሜላ 9ፋስ። 13 ኑኒ  
 ኡፋይቲዳይ ሄሳ ጊሾሳ፣ ኑ ኡፋይሳፌ አዲዲ ኑና  
 ዳሮ ኡፋይሲዳይ፣ ሂንቴ ቲቶ ኡፋይሲዳይሳኔ  
 ኢያ ዎዛና ሽምጥሲዳይሳ። 14 ታኒ ሂንቴና ናሻዳ  
 ኢያው አዲን ሂንቴ ታና ዩላዩቤኬታ። ሺን ኑኒ  
 ኡባ ዎዴ ሂንቴው ቱማ አዲዳ፤ ሄሳዳካ ኑኒ  
 ቲቶ ሲንሳን ሂንቴና ናሽዳይሲ ቱማ ጊዲስ።  
 15 ሂንቴ ኢያው ያሻን ኮኮሪዲ፣ ኢያ ሞኪዳይሳ  
 ቃሲ ኢያው አይ ሜላ ኪቴቲዳኮ ኢ ቆፐያ ዎዴ  
 ሂንቴው ዴዲያ ሲቆይ ሚኒሽ ቤስ። 16 ታኒ  
 ኡባባን ሂንቴናን አማኔቲያ ጊሾ ኡፋይታይስ።

8

ኢሞባ

1 ኑ ኢሻቶ፣ ያሳይ ማቅደኒያን ዴዲያ ዎሳ  
 ኪሳታስ ኢሚዳ አዶ ኪሃቴሳ ሂንቴ ኤራና ሜላ ኑ  
 ኮዮስ። 2 ኤንቲ ጊታ ሜቶን ፓጩቲዶሶና፣ ሺን  
 ኤንታ ኡፋይሳይ ዎልቃማ። ኤንታ ማንቆቴሳስ  
 ዛዊ ባሞ፣ ሺን ባንታ ኢሙዋን ዳሮ ኪሂዶሶና።  
 3 ኤንቲ ባንታ ዎልቃ ሜላኔ ባንታ ዎልቃፌ  
 አዴይሳ ዶሲዲ ኢሚዳይሳስ ታ ማርካ። 4 ኤንቲ  
 ያሳ አሳ ማዲያ ሎዎ አሶ ኑራ አሳናው ኮዩዲ ኑና  
 ዳሮ ዎሲዶሶና። 5 ኤንቲ ኑኒ ቆፐዳይሳፌ አሲዲ  
 አሲዶሶና፣ ኮይሮቲዲ ባንታና ጎዳስ ኢሚዶሶና፤  
 ካሊዲ፣ ያሳ ሽኒያዳ ባንታና ኑስ ኢሚዶሶና።

6 ሃ ሎዎ አሱዋ ዶሚዳ ቲቶይ ጉጂ አሳናዳኔ  
 ሂንቴና ማዲዲ፣ ሄ አሱዋ ፖሊሳናዳ ኢያ  
 ዎሲዳ። 7 ሺን ሂንቴ ኡባባን፣ አማኖን፣ ሃሳያን፣  
 ኤራቴሳን፣ ጊታ አሞን፣ ኑና ሲቆኒኔ ኡባባን  
 ዱሬቲዳይሳዳ ሃ ሎዎ አሱዋንካ ሂንቴ ኪሃ ጊዳና  
 ሜላ ኑ ኮዮስ።

8 ታኒ ሄሳ ኪታናው ጊኬ። ሺን ሃራታ ጊታ  
 አሙዋ ሂንቴ ሲቆዋራ ጋላ ቤዓዳ ሂንቴ አይ ኪና  
 ቱሜኮ ኤራናው ጋይስ። 9 ሂንቴ ኑ ጎዳ ዩሱስ  
 ኪሪስቶሳ አዶ ኪሃቴሳ ኤሬታ። ኪሪስቶሲ ዱሬ  
 ጊዲ ኡቲዲ፣ ሂንቴ ኢያ ማንቆቴሳን ዱሬታናዳ  
 ሂንቴ ጊሾ ማንቂስ።

10 ታኒ ሃ አዳን ሂንቴና ማዲያ ዞሬ ዞራናው  
 ኮያይስ። ሂንቴ ዘላይሲ ኢማናው 9ላላ ጊዶናሺን  
 ሄሳ አሳናው አሞቴሳንካ ሂንቴ ኮይሮ። 11 ሂንቴ  
 አሳናው ዶሚዳ አሱዋ ሃዲ ፖሊቴ። ሂንቴ  
 ሂንቴው ዴዴይሳ ኪና ኢሚኮ፣ ሄሲ ሂንቴ  
 ኢማናው ዳሮ አሞቴሳ ቆንጨሴስ። 12 ኢሲ  
 አሲ ኢማናው አሞቴኮ፣ ኢያ ኢሞይ ያሳ ሲንሳን  
 ኤኬቴይ፣ ኢ ባው ዴዲዳይሳ ኪና ኢሚናፕ  
 አቲን ባይናባፕ ኢማናው ኡንዔቲን ጊዴና።

13 ታኒ ሄሳ ጌይ፣ ሂንቴ ኡባይ ኢሲ ጊና  
 ጊዳና ሜላሳፌ አቲን ሃራቲ ዋያፕ ሽምጥን ሂንቴ  
 ዋዩታና ሜላሳ ጊዴና። 14 ዎዴ ኤንታ ፓላሃይ  
 ሂንቴ ፓጫ ኩንሳና ሜላ ሃዲ ሂንቴ ፓላሃይ  
 ኤንታ ፓጫ ኩንሳ። ሄሳን ሂንቴ ጊና ጊዳና።  
 15 ጊሻ ማፃፋን፣ «ዳሮ ሺሺዳይሳስ ፓላሂቤና፤  
 ጉሳ ሺሺዳይሳስ ፓጨቤና» ጌቴቲ 9ፌቲዳይሳ  
 ሜላ።

ቲቶኔ ኢያ ላጌታ

16 ኑ ሂንቴው ቆፕይሳዳ ቲቶይካ ሂንቴው  
 ቆፓና ሜላ አሲዳ ያሳይ ጋላቴቶ። 17 ቲቶይ  
 ሂንቴኮ ቤዳይ፣ ኑ ኢያ ዴንፊሴዳ ጊሾ 9ላላ  
 ጊዶናሺን ኢ ባ ሽኒን ባናው አሞቲዳ ጊሾሳ።  
 18 ዎንጌላ ማርካቴሳን ዎሳ ኪሳ ኡባን ዳሮ  
 ኤሬቲዳ ኢሻ፣ ኑኒ ቲቶራ ኢሲፌ ኪቶስ። 19 ሄሳ  
 ቦላ ኑኒ ሃ ኪሃ ኢሞታ ኤሬያ ዎዴ ኑራ ባና  
 ሜላ ሃ ሎዎ አሱዋን ጎዳ ቦንቻናውኔ ሃራታ  
 ማዳናው ዴዲያ አሙዋ ቤሳናው ኢ ዎሳ ኪሳታን  
 ዶሬቲስ።

20 ሃ ኢሜቲዳ ኪሃ ኢሙዋ፣ ኑ አሶ ቦላ ፕሺያ  
 ዎዴ ቦሬቶና ሜላ ናጌቶስ። 21 ኑኒ ጎዳ ሲንሳን  
 9ላላ ጊዶናሺን አሳ ሲንሳንካ ሎዎ ጊዲዳባ አሶስ።

22 ቃሲ ዳሮ ዎዴ ፓጩን ሚኒዲ አዲዳ ኑ  
 ኢሻ፣ ኤንታራ ሂንቴኮ ኪቲዳ። ኢ ሂንቴናን

6:18 2ሳሙ 7:14፤ 1ታሪ 17:13፤ ኢሳ 43:6፤ ኤር 31:9  
 8:21 ሴሚ 3:4  
 7:5 2ታሪ 2:13 8:1 ሮሜ 15:26 8:15 ኪሳ 16:18

ከሂ አማኔቲያ ጊሾ ሃሲ ሂንቴና ማዳናው ዳሮ አምቴስ።<sup>23</sup> ቲቶባ ኤራናው ኮይኮ፣ ኢ ሂንቴና ማዳናው ታራ አሲያ ታ አሶ ላጊያ። ሃንኮ ኢሻታባ ጊዲኮ ዎሳ ከሳቲ ኪቲዳይሳታ፤ ቃሲ አሳይ ኤንታ ዱሳ ቤዲዲ ኪሪስቶሳ ቦንቾሶና።<sup>24</sup> ሄሳ ጊሾ፣ ዎሳ ከሳቲ ሂንቴ ሲቁዋኔ ኑ ሂንቴና ናሼይሲ ቱማ ጊዴይሳ ቆንጨሳናው ሂንቴ ሲቁዋ ሃ አሳታ ቤሲቴ።

9

አማኒያ አሳስ ከሲዳ ሚሺያ

<sup>1</sup> አማኒያ አሳስ ከሲያ ሚሺያባ ታ ሂንቴው ሃፋናው ኮሼና። <sup>2</sup> ሂንቴ ማዳናው ከሂ አምቴይሳ ታ ኤራይስ። ሂንቴ አካያ አሳይ፣ ዘላይሳፊ ዶሚዲ ማዳናው ጊጌቲዳይሳ ታኒ ማቆዶኒያ አሳስ ዶና ኩንሳዳ አዳስ። ሂንቴ ጊታ አምይካ ኤንታፊ ዳርታ ዴንፊሲስ።<sup>3</sup> ሃ አሱዋን ሂንቴናን ኑ ጩቁቲያ ጩቆይ ሃዳ ጊዶና ሜላ ኮይሮ ሂንቴባ ታ አዲዳይሳዳ ሂንቴ ጊጌቲዲ ናጋና ሜላ ሃ ኢሻታ ሂንቴኮ ኪታስ።<sup>4</sup> ማቆዶኒያ አሳይ ታራ ቢዲ፣ ሂንቴ ጊጌቶና ዴዲሺን፣ ዴሚኮ፣ ኑ ሂንቴናን ዩላታና፤ ቃሲ ሂንቴ ኑፔ አዶ ዩላታና።<sup>5</sup> ሄሳ ጊሾ፣ ሃ ኢሻቲ ታፔ ሲንሳቲዲ ሂንቴኮ ቢዲ፣ ሂንቴ ኢማና ጊዳ ኢሙዋ ካሴቲዲ ጊጊሳና ሜላ ታ ኤንታና ኪታስ። ታኒ ጋኪያ ዎዴ ሄ ኢሞይ ጊጊ ኡቴስ። ሄ ዎዴ ሄ ከሃቴሳ ኢሞይ ዎልቃን ጊዶናሺን ዶሳን ጊዴይሳ ኤሪሴስ።

<sup>6</sup> ሃይሳ አኪኪቴ፤ ጉሉ ዜሪዳይ ጉሉ ጫካና፤ ዳሮ ዜሪዳይ ዳሮ ጫካና። <sup>7</sup> ዎሳይ ኡፋይሳን ኢሚያ ኡራ ዶሲያ ጊሾ ዎልቃን ዎይኮ ዶሲ ባይና ጊዶናሺን ኢሲ ኢሲ አሲ ባ ዎዛናን ቆፒዳይሳዳ ዶሳን ኢማናው ቤሴስ።<sup>8</sup> ኡባ ዎዴ ኡባባን ኮሺያባ ኡባ ዴሚዲ ሎዎ አሶ ኡባ አሳናው ዳንዳናና ሜላ ዎሳይ ሂንቴው ባ አንጃዋ ዳርሳና።<sup>9</sup> ጊሻ ማፃፋን።

«ኢ ባ ሻሉዋ ማንቆታስ ላሊስ፤ ኢያ ጊሎቴሳይ ሜሪናው ዴዳና» ያጌስ።<sup>10</sup> ዜሪይሳስ ዜሪሳ፣ ማናው ካሲ ኢሚያ ጎዳይ፣ ሂንቴ ዜሪያ ዜሪሳ ዳርሲዲ ኢማና። ሂንቴ ጊሎቴሳ አይፊያካ ዳርሳና።

<sup>11</sup> ዳሮ አሳይ ሂንቴ ኢሚያ ኢሙዋ ኑፔ ኤኪዲ፣ ዎሳ ጋላታናዳ፣ ሂንቴ ኡባ ዎዴ ዳርሲዲ ኢሜይሳታ ጊዳና ሜላ ዎሳይ ሂንቴና ኡባ ባጋራ ዱሬያና።<sup>12</sup> ሃ ሂንቴ ኢሚያ ኢሞይ አማኒያ አሳ ፓጫ ኩንሶ ሃላላ ጊዶናሺን አሳይ ዎሳ ጋላታናው ጋሶ ጊዴስ።<sup>13</sup> ሃ ሂንቴ አሶይ ሂንቴ አማኑዋ ኤርሲዲ ኪሪስቶሳ ዎንጌላ ሂንቴ አማኒዲኔ ኢያው ኪቴቲዲ ሂንቴው ዴዲያባ ኤንታራኔ ሃራታራ ሻኪቲዳ ጊሾ ኡባይ ዎሳ ቦንቾና።<sup>14</sup> ዎሳይ ሂንቴው ኢሚያ አዶ ከሃቴሳ ጊሾ ኤንቲ ሂንቴው ዎሳ ዎሲሼ ሂንቴና ቤዳናው ላሞቶሶና።<sup>15</sup> ዛዊ ባይና ዎሳ ኢሙዋስ ዎሳይ ጋላቴቶ።

10

ጳውሎሲ ሞቴይሳታስ ዛሪዳ ዛሩዋ

<sup>1</sup> ታ ሂንቴራ ዴዲያ ዎዴ ሹጎ፣ ቃሲ ሂንቴፊ ሃኪያ ዎዴ ኑ ቦላ ሚኔስ ያጌቲዳ፣ ጳውሎሲ፣ ከሃኔ አሽኪ ጊዲዳ ኪሪስቶሳ ሱንሳን ሂንቴና

ዎሳይስ።<sup>2</sup> ታኒ ሂንቴኮ ቢያ ዎዴ ኑ አሾ ቆፋራ ሲሜሬቲያ አሲ አሲዲ ቆፒያ አሳ ቦላ ሚኖ ቃላን አይታናው ቆፋ ቃቻስ። ሂንቴ ቦላ ሄሳዳ አይታና ሜላ ሂንቴ ታና አሶናዳ ሂንቴና ዎሳይስ።<sup>3</sup> ኑኒ ሃ ሳዓን ዴዲኮካ ሃ ሳዓ አሳዳ አሌቶኮ።<sup>4</sup> ኑ አላ ሚሼይ ሃ ሳዓይሳ ጊዴና። ሺን ሚፃ ላላናው ዎልቃራ ዴዲያ ዎሳ ቶራ። ቱማራ ኤቁቲያ ፓላማኔ።<sup>5</sup> ዎሳ ኤሮና ሜላ ዲጊያ አቶሮ ቆፋ ኡባ ላሎስ። አሳ ቆፋ ኡባ ዲዲዲ ኪሪስቶሳስ ኪቴታና ሜላ አሶስ።<sup>6</sup> ሂንቴ ኪቴቴሳይ ፖሎ ጊዲያ ዎዴ ኑኒ ኪቴቴሳ ኢያ ኡባ ሴራናው ጊጌታና።

<sup>7</sup> ሂንቴ አይፊይ ቤዲዳ ሜላ ፐርዴታ። አኒካ ባና ኪሪስቶሳባ ጊዲ ቆፒያባ ጊዲኮ፣ ኑካ ኪሪስቶሳባ ጊዴይሳ ኤሮ።<sup>8</sup> ጎዳይ ታው ኢሚዳ ማታን ጩቁቲኮካ ሄሳን ዩላቲኪ። ሄ ማታይ ታው ኢሜቲዳይ ሂንቴና ዲቻናሳፊ አቲን ቆሃናሳ ጊዴና።<sup>9</sup> ታኒ ታ ዳብዳቢያን ሂንቴና ያሺሳናው ከያዳ ሃሬዳባ ዳናፖ።<sup>10</sup> ኢሲ ኢሲ አሳይ፣ «ጳውሎሳ ዳብዳቢይ ዴዶኔ ዎልቃማ፣ ሺን ኢያ ሶምዎን ቤዲያ ዎዴ ኢ ዳቡራንቾ፤ ኢያ አዳይካ ፓሴና» ያጎሶና።<sup>11</sup> ሄ አሳቲ ኑ ሃሆን ዴዲሼ ሃሬያ ዳብዳቢያኒኔ ማታን ሂንቴራ ዴዲሼ አሲያ አሱዋ ጊዶን ዱማቴሲ ባይናይሳ አኪኮ።

<sup>12</sup> ኑኒ ባንታና ናሺያ አሳታራ ኑና ጊናያናው ዎይኮ ጋዴያናው ኮዮኮ። ሺን ኤንቲ ባንታና ባንታራ ጊናዬዲ ዎይኮ ጋዴዬዲ ቤዲሼ ኤያ።

<sup>13</sup> ሺን ኑኒ ዎሳይ ኑስ ኢሚዳ ዳሳን ጩቁቶሲፔ አቲን ዛዋ ፒኒዲ ጩቁቶኮ፤ ሄ ዛዋይ ሂንቴኮካ ጋኪስ።<sup>14</sup> ኑኒ ቤሴይሳፊ አሲዲ ጩቁቶኮ፣ ሺን ኪሪስቶሳ ዎንጌላ ሂንቴኮ ጋሲዳይሳን ጩቁቶኮ።<sup>15</sup> ኑኒ ዎሳይ ኤሲዳ ዛዋፔ ፒኒዲ፣ ሃራቲ አሲዳ አሶን ጩቁቶኮ። ጊዶሺን፣ ሂንቴ አማኖይ ዲጫና ሜላ ዎሳይ ኢሚዳ ዛዋን ሂንቴ ጊዶን ኑ አሲያ አሶይ ዳልጋና ጊዲ ቆፖስ።<sup>16</sup> ኑኒ ሃራ አሲ ባ ዛዋን አሲዳ አሶን ጊሲዲ ጩቁቶኮ፣ ሺን ሂንቴፊ ፒኒዲ ሃራታስ ዎንጌላ ማርካታናው ዳንዳዎስ።<sup>17</sup> ሺን፣ ጊሻ ማፃፋን፣ «ጩቁቲያ ኡባይ ጎዳ ሎዎቴሳን ጩቆ» ያጊዲ ሃሬቲስ።<sup>18</sup> ጎዳይ ናሺያ ኡራፔ አቲን ባና ባው ናሺያ ኡራይ ናሼቴና።

11

ጳውሎሳኔ ዎርዳንቾ ሃዋሬታ

<sup>1</sup> ታ ጉሳ ኤያቴሳ ሂንቴ ሃዲካ ዳንዳናና ጋዳ ቆፓይስ፤ ሃያና ዳንዳዲቴ።<sup>2</sup> ዎሳይ ሂንቴው ቆፒዳይስሳዳ፣ ታካ ሂንቴው ቆፓይስ። ታኒ ሂንቴና ጊሻ ጌላዲዳ ኢሲ አዲያ፣ ኪሪስቶሳስ ኢማናው አይቻ ዎሳስ።

<sup>3</sup> ሺን ሾሻይ ባ ጌኒያን ሄዋና ባሌሳይሳዳ አኒ ኤሪ ሂንቴ ዎዛናይ ኢቲዲ ኪሪስቶሳስ ዴዲያ ሂንቴ ሱሬቴሳኔ ጊሻቴሳ አጋንዴቲ ጋዳ ሂርጋይስ።<sup>4</sup> ኢሲ አሲ ዩዲ፣ ኑኒ ሂንቴው ማርካቲዳ ዩሱሳፔ ሃራ ዩሱሳ ሂንቴው ማርካቲኮ፣ ዎይኮ ሂንቴ ኤኪዳ አያናፔኔ ዎንጌላፔ ሃራ አያናኔ ዎንጌላ ሂንቴው አዲኮ፣ ሲዲ ጊዲ ኤኪታ።

<sup>5</sup> ሺን ታኒ ዩሱስ ኪቲዳ «ጊታ ሃዋሬታፔ» ጉፃይስ ጋዳ ቆፒኪ።<sup>6</sup> ታኒ አዳ ኤሮና አሲ



ጊዲኮካ፣ ኤራቴሲ ታው ደዔስ። ሄሳ ታ ሂንቴው ዳሮ ኦጊን ቆንጫሳስ።

7 ታኒ ሚሼ አይቾና ሶሳ ዎንጌላ ሂንቴው ጮ አዲዳይሲኔ ሂንቴና ጶቁ አሳዳ ታና ቶቺዳይሲ ታው ናጋራ ጊዲ? 8 ታኒ ሂንቴው አሳናው ሃራ ዎሳ ከሳታፔ ሚሼ ቦንቃ ኤካስ። 9 ታ ሂንቴራ ደዒያ ዎዴ ታና ሜቲንካ ሂንቴፊ ኢሲ አሲካ ዋይሳቢኬ። ማቁደኒያፔ ዪዳ አማኔይሳቲ ታና ኮሺያባ ኡባን ማዲዶሶና። ሃቺ ኃካናው ታ ሂንቴው ቶሆ ጊዳቢኬ ሲንሳስካ ቶሆ ጊዲኬ።

10 ከሪስቶሳ ቱማቴሳይ ታናን ደዒሺን፣ ታ ጩቁዋ አካያ ቢታን ታና ኦኒካ ዲጌና። 11 ታ ሃይሳ አይስ ጋይና? ሂንቴና ዶሶና ጊሾሴዩ? ታኒ ሂንቴና ዶሴይሳ ሶሳይ ኤሬስ።

12 «ኑካ ሂንቴ ሜላ አሶስ» ያጊዲ ጩቁያ ሃንኮ ሃዋሬታ ጩቁዋ ጋሱዋ ዳይሳናው ሃዒ ታ አሴይሳ ሲንሳስካ አሳና። 13 ሃይሳ ሜላ አሳቲ ከሪስቶሳ ሃዋሬ ዳናናው ባንታና ሳሚያ ዎርዳንቾ ሃዋሬታኔ ጩሚያ አሳንቾታ። 14 ሄሲ ማላሲያባ ጊዴና፤ አይስ ጊኮ፣ ሃላሄይ ፖዎ ከታንቾ ዳናናው ባና ላሜስ። 15 ሄሳ ጊሾ፣ ሃላሄ አሳንቾቲ ደሎቴሳ አሳንቾታ ዳናናው ባንታና ሳሚኮ ሄሲ ጊታባ ጊዴና። ኤንቲ ዉርሴሳን ባንታ አሱዋዳ ኤካና።

**ጳውሎሳ ጋኪዳ ሜቱዋ**

16 ኦኒካ ታና ኤያ ጊዲ ቆፖና ሜላ ዛራዳካ አዳይስ። ታ ሂንቴው ኤያ ዳኒኮካ ታ ጉሳራ ጩቁታና ሜላ ታና ኤያ አሲዲ ኤኪቴ። 17 ታኒ ሃይሳዳ ጩቁታዳ አዴቴይ፣ ጎዳይ ኮዩይሳዳ ጊዶናሺን ኤያቴሳን አዳይስ። 18 ዳሮ አሳይ ሃ ሳዓባን ጩቁቲያ ጊሾ ታካ ጩቁታና። 19 ሂንቴ ዎዛና ሚ ጊዲያ ጊሾ ኤያ አሳባ ኡፋይሳን ዳንዳዔታ። 20 ኦኒካ ሂንቴና አይሌይኮ ዎይኮ ሂንቴና ቦንቁኮ ዎይኮ ባው ማዴታናው ሃንቴኮ ሺቁኮ ዎይኮ ሂንቴ ቦላ አቶርቲኮ ዎይኮ ሂንቴና ባቁኮ ሂንቴ ዳንዳዔታ። 21 ኑኒ ሄሳ አሳናው ዳሮ ዳቡራንቾ ጊዴይሳ ዩላታሼ ታ አዳይስ።

ሺን ኦኒካ ሚኒዲ ጩቁቲኮ፣ ታካ ጩቁታናው ሚናይስ። ታኒ ሄሳ ኤያ አሳዳ አዴታይስ።

22 ኤንቲ ኢብራዌ? ታካ ኢብራዌ። ኤንቲ ኢስራዌል? ታካ ኢስራዌል። ኤንቲ አብራሃሜ ሼሼ? ታካ አብራሃሜ ሼሼ። 23 ኤንቲ ከሪስቶሳ አሳናቾ? ታኒ ጎሻ አሳዳ አዳይስ፣ ኤንታፊ አዲያ ከሪስቶሳ አሳንቾ። ታኒ አሶን ዳሮ ዳቡራስ፤ ዳሮ ዎዴ ቃሼታስ፤ ጋራፊታስ፤ ዳሮ ዎዴ ሃይቆፔ አታስ። 24 አይሁዴቲ ታና ሃስታማኒ ኡዱፋና ኢቻሹ ቶሆ ጋራፊዶሶና። 25 ሄሹ ቶሆ ሃምዓን ሾጩታስ፤ ኢሲ ቶሆ ሹቻን ጫዴታስ፤ ማርካቤይ ሄሹ ቶሆ ሜዒስ፤ አባ ጊዶን ኢሲ ቃማ ኩሜሲ አቃዳ ፔዓስ። 26 ታኒ ዳሮ አጊያ ዳቡራን ሃሙታስ። ከፃ ሃሳፊኔ ፓንጋፊ አታስ። አይሁዴቲኔ አይሁዴ ጊዶና አሳይ ታ ቦላ ሜቶ ጋሲዶሶና። ካታማይ፣ ባዞይ፣ አባይ፣ ታና ያሺስ፤ አማኒያ ዳኒያ አሳቲ ታና ዋይሲዶሶና።

27 ታኒ አሶን ዳቡራሲኔ ጫዋታስ፣ ዳሮ ቶሆ ዲስኮ ዳዳስ፣ ኮሻታስ፣ ሳሞታስ፣ ዳሮ ቶሆ ያማስ፣ ሜጌታስ፣ ካሎታስ።

28 ሃራባ ኡባ ታይቦና ኡባ ዎዴ ታና ቆፊሴይ ዎሳ ከሳታባ። 29 ኢሲ አሲ ዳቡሪያ ዎዴ ኢያራ

ታ ዳቡራቢኪና? ኢሲ አሲ ናጋራን ዱቤቲያ ዎዴ ታ አዉዴ ቂሮቶና አጋዲና?

30 ታ ጩቁታናው ኮሺያባ ጊዲኮ ታኒ ዳቡራንቾ ጊዴይሳ ኤሪሲያባን ጩቁታና። 31 ሜሪናው ቦንቼቲዳ ሶሳይ፣ ኑ ጎዳ ዩሱስ ከሪስቶሳ አዋይ፣ ታ ዎርዶቶናይሳ ኤሬስ። 32 ዳማስቆ ካታማን አሬታሳ ጊያ ካዉዋፔ ጋርሳራ ሃሬይሲ ታና አይሳናው ኮዩዲ ዳማስቆ ካታማ ፔንጊያ ናጊሲስ። 33 ሺን አሳይ ታና ዳቾን ዩጊዲ፣ ካታማ ዲርሳ ማስኮቲያራ ዎዲሲን ታኒ ኢያ ኩሺያፔ አታስ።

12

**ጳውሎሳ ቆንጩሳ**

1 ጩቁቲሳስ ጎዒ ባይናይሳ ኤራይስ። ሺን ጩቁታናው ኮሺኮ፣ ጎዳፔ ኤኪዳ ቆንጩሳን ጩቃና። 2 ታማኔ አይዱ ላይሳፊ ካሴ፣ ከሪስቶሳ አማኒያ ኢሲ ኡራይ ሄቫንሶ ሳሉዋ ቢዳይሳ ታ ኤራይስ። ሄ ኡራይ አሾን ዎይኮ አሾፔ ካሬራ ቢዳኮ ታ ኤሪኬ፤ ሶሳይ ኤሬስ። 3 ሄ ኡራይ ሄቫንሶ ሳሉዋ ኤኬቲዳይሳ ኤራይስ። ሺን ኢ አሾን ዎይኮ አሾፔ ካሬራ ኤኬቲዳኮ ታ ኤሪኬ፤ ሶሳይ ኤሬስ። 4 ሄ ኡራይ ጋናቱ ኤኬቲዲ አሲ ቆንጩሳናዉኔ አሲ አዳናው ዳንዳዎናባ ሲዒስ። 5 ታኒ ሄ አዲያባን ጩቁታና፣ ሺን ታኒ ታ ዳቡራፔ አቲን ታናን ጩቁቲያባይ ባዋ። 6 ታኒ ቲማ አዴቲያ ጊሾ ጩቁታናው ኮይኮካ ኤያ ጊዲኬ። ሺን አሲ ታ አሴይሳ ቤዔይሳፊኔ ሲዔይሳፊ አሲዲ ቆፖና ሜላ ጋዳ ጩቁቴሲ አጋይስ።

7 ታው ቆንጩሳ ጊታ ቆንጩሳን ታ አቶርቶና ሜላ ታና ዋይሳናው ታ አሹዋን ጫዲያ ሃላሂያ ከታንቾይ ታው ኢሜቲስ። 8 ሃ ዋይሲያባ ታፔ ዲጋና ሜላ ታኒ ጎዳ ሄሹ ቶሆ ዎሳስ። 9 ሺን ጎዳይ፣ «ታ ዎልቃይ ኔ ዳቡራን ቆንጩያ ጊሾ ታ አዶ ከሃቴሳይ ኔው ጊዳና» ያጊስ። ከሪስቶሳ ዎልቃይ ታናን ቆንጩያ ሜላ ታ ዳቡራን ኡፋይታሼ ጩቁታይስ። 10 ታኒ ከሪስቶሳ ጊሾ ዳቡሪያ ዎዴ ጫዩቲያ ዎዴ ዋይቲያ ዎዴ ጎዴቲያ ዎዴ ሜቶቲያ ዎዴ ታ ዳቡራን ኡፋይታይስ። አይስ ጊኮ፣ ታ ዳቡሪያ ዎዴ ሄ ዎዴ ሚናይስ።

**ጳውሎሲ ቆሮንቶሳ አሳስ ቆፔስ**

11 ታኒ ኤያ አሳዳ ጩቁታስ። ሄሳዳ ታ ጩቁታና ሜላ አሲዳይ ሂንቴና። ታ፣ ታ ሁዒን ኤሬቶና አሲ ጊዲኮካ፣ «ጊታ ሃዋሬታ» ጌቱቴይሳታፔ ጉዒኬ። ሄሳ ታው ማርካታናው ቤሴይ ሂንቴናሺን። 12 ታ ሂንቴ ጊዶን ደዓሽ ዳንዳዓን አሲዳ ማላታቲኔ ማላቲ ታ ቱማ ሃዋሬ ጊዴይሳ ቤሶሶና። 13 ታ ሂንቴው ቶሆ ጊዶናይሳፊ አቲን ሃራ ዎሳ ከሳታፔ ሂንቴ አይቢን ጉዒዴቲ? ሄሲ ባላ ጊዲኮ ታና ማሪቱ።

14 ታኒ ሂንቴኮ ባናው ጊጌቲሺን ሃይሲ ታው ሄቫንሶ። ታ ሂንቴናፔ አቲን ሂንቴው ደዒያባ ኮዩና ጊሾ ሂንቴና ዋይሳናው ኮዩኬ። ዩሊዳይሳቲ ባንታና ዩይታስ ሻሎ ሚንጆሶናፔ አቲን ናይቲ ባንታና ዩሊዳይሳታስ ሻሎ ሚንጆኮና። 15 ታ ሂንቴ ጊሾ ታው ደዒያባኔ ታና አሳ ኢሚንካ

11:9 ፊል 4:15-18 11:23 ሃ.አ 16:23 11:24 ዛሬ 25:3 11:25 ሃ.አ 16:22፤ 14:19 11:26 ሃ.አ 9:23፤ 14:15 11:32 ሃ.አ 9:23-25

ታና ኡፋይሴስ። ያቲን፣ ታኒ ሂንቴና ሄሳዳ ኬሃ ሲቂያ ዎዴ ሂንቴ ታና ጉሳራ ሲቂቲ?

16 ጊዲኮካ፣ ታ ሂንቴው ቶሆ ጊዲኬ፤ ዋይሳቢኬ፤ ሺን ሂንቴና ጨሞኒኔ ጌኔን አይኪዳባ ሂንቴው ዳኖና አጌና። 17 ሃሪ አቶሺን፣ ታ ሂንቴኮ ኪቲዳ አሳታፔ ሂንቴና ጨሚዳ አሲ ዴዒ? 18 ቲቶይ ሂንቴኮ ባና ሜላ ታኒ ዎሳስ፤ ቃሲ አማኒያ ኢሻካ ኢያራ ዩዳስ። ያቲን፣ ቲቶይ ሂንቴና ጨሚዴ? ኑኒ ኑ አሱዋ ኢሲ አያናን አሲቦኮ? ቃሲ ኑ ሃኖይካ ኢሲኖ ጊዴኔ?

19 ኑ አባ ዎዴ ሂንቴ ሲንሳን ኑና ዒሊሳናው ሞቲቲያባ ሂንቴው ዳኒ? ኑ ኪሪስቶሳን ዴዒዲ ዎሳ ሲንሳን ሃዒ ጋካናው አዶስ። ኑ ሲቆ ኢሻቶ፣ ኑ ሃ አባ አሴይ ሂንቴና ዲቻናሳ። 20 ታ ሂንቴኮ ቢያ ዎዴ አኒ ኤሪ ሂንቴ ታ ኮዩይሳዳ ሃኖና፣ ቃሲ ታካ ሂንቴ ኮዩይሳዳ ሃኖና ጋሄቶና አጎኮ ጋዳ ያያይስ። ቃሲ አኒ ኤሪ ሂንቴ ጊዶን ፓላሚ፣ ቃናቲይ፣ ሃንቆይ፣ ዩቆይ፣ ዜጊርሲ፣ አሳ ሱንሱ ኢሶይ፣ አቶሮይኔ ካቺ ዶና አጌና ጋዳ ያያይስ። 21 ታኒ ናምዓንሶ ሂንቴኮ ቢያ ዎዴ ዎሳይ ሂንቴ ሲንሳን ታና ካዉሻና ጋዳ ያያይስ። ካሴ ናጋራ አሲዲ ሄ ባንታ አሲዳ ቱናቴሳፌ፣ ላይማቴሳፌኔ ዩላያ አሱዋፔ ሲሚቦና አሳታ ቤዓዳ አዛኖና አጊኬ ጋዳ ያያይስ።

13

ዉርሴሳ ዞሬኔ ሳርሶ

1 ታ ሂንቴኮ ቢሺን ሃይሲ ሄቫንሶ። አይ ሞቶይካ ናምዑ ዎይኮ ሄቩ ማርካን ሚኔስ።

2 ታኒ ናምዓንሶ ሂንቴራ ጋሄቲዳ ዎዴ ሂንቴ ጊዶን ካሴ ናጋራ አሲዳ አራኔ ሃራታ አባ ሴሮና አጊኬ ጋዳ አዳ ዎሳስ። ሃዒ ታ ሃካዳ ዴዒኮካ ሲማዳ ሂንቴኮ ቢያ ዎዴ አዴስካ ቃዴቲኬ።

3 ታናን ዴዒዲ አዴይ ኪሪስቶሳ ጊዴይሳ ሂንቴ ኤራናው ኮዩታ። ኢ ሂንቴራ ሃሳያ ዎዴ ዎልቃማፔ አቲን ሂንቴ ጊዶን ዳቡራንቾ ጊዴና። 4 ኪሪስቶሲ ማስቃሊያ ቦላ ዳቡራን ካቁቲስ፣ ሺን ዎሳ ዎልቃን ዴዎን ዴዴስ። ኢ ዳቡራንቾ ጊዲዳይሳዳ፣ ኑካ ዳቡራንቾ። ሺን ሂንቴና ሃጋዛናው ዎሳ ዎልቃን ኢያራ ዴዎን ዳና።

5 አማኖን ሚኒዲ ዴዒያኮ ሂንቴና ሂንቴው ፓጩ ቤዒቲ። ፓጩን ሂንቴ ኩንዶና አቲኮ፣ ኪሪስቶሲ ሂንቴናን ዴዴይሳ ሂንቴ ኤሬታ። ሺን ኪሪስቶሲ ሂንቴናን ዶና ኢዒኮ ሂንቴ ኩንዴታ። 6 ኑኒ ፓጩን ኩንዶናይሳ ሂንቴ ኤሬታ ጋዳ አማናይስ።

7 ሂንቴ ኢታባ አሶና ሜላ ኑኒ ዎሳ ዎሶስ። ኑኒ ሚኖ ጊዴይሳ አሳይ ቤዓና ሜላ ጊዶናሺን ኑኒ ሚኖ ጊዶና ኢዒኮካ፣ ሂንቴ ሎዎ አሳና ሜላ ኑኒ ዎሶስ። 8 ኑኒ ቱማስ አሶሲፔ አቲን ቱማራ ኤቁቲያባ አይባካ አሶኮ። 9 ኑ ዳቡራያ ዎዴ ሂንቴ ቃሲ ሚኒያ ዎዴ ኑና ኡፋይሴስ። ሂንቴ ቦሬይ ባይናይሳታ ጊዳና ሜላ ኑ ሂንቴው ዎሳ ዎሶስ።

10 ታኒ ሂንቴፌ ሃካዳ ዴዒሼ ዓሬዳይ ሄሳ ጊሾሳ። ታኒ ሂንቴኮ ቢያ ዎዴ ጎዳይ ታው ኢሚዳ ማታን ዜምፓዳ ሂንቴ ቦላ ጎዳታናው ኮዩኬ። ጎዳይ ታው ማታ ኢሚዳይ፣ ሂንቴና ማዳናሳፌ አቲን ቆሃናሳ ጊዴና።

11 ዉርሴሳን ታ ኢሻቶ፣ ሳር ዴዒቲ። ቦሬይ ባይና ዴዒቲ፤ ታ ዞሪያ ሲዒቲ። ኢሲ ዎዛናን

ጊዲዲ ዴዒቲ፤ ሳርቴሳን ዴዒቲ። ሲቆኔ ሳር ኢሚያ ዎሳይ ሂንቴራ ጊዶ።

12 ጌሻ ዩሬቴሲ ዩሬቲሼ፣ ኢሶይ ኢሱዋ ሳርሲቲ። 13 ዎሳ አሳ አባይ ሂንቴና ሳር ሳር ያጎሶና።

14 ጎዳ ዩሱስ ኪሪስቶሳ አዶ ኬሃቴሳይ፣ ዎሳ ሲቆይ፣ ጌሻ አያና ኢሲፌቴሳይ ሂንቴ አባራ ጊዶ።

### ጳውሎስ ጋላቲያ አሳስ ፃፊዳ ኪታ ጋሳ ቆፋ

ዮሴፊ አጄሮሳ ጊዴይሳ አዲያ ዎንጌላ ቃላይ ዱማ ዱማ ቤሳን ሳባኬቲን፣ አይሁዴ ጊዴና አሳይ አማኒ አማኒ ቢያ ዎዴ «ኪሪስታኒ ጊዴናው ሙሴ ሂጌ ፖላናው ኮሺዬ ኮሺኒ?» ያጊያ አይሾይ ኢሲፌ ዴንዲስ። ሄ ዎዴ ጳውሎስ፣ «ኪሪስታኒ ጊዴናው ሙሴ ሂጌ ፖላናው ኮሺና፤ ዮሴፊን አራሳ ዴያ ዴማናው ኮሺያ ዋናይ አማኖ። አሳይ ዎሳ ሲንሳን ጊላናው ዳንዳዔይ አማኖ ፃላላን» ያጊዲ ታማርሲስ። ሺን ጉሳ ኢሲያን፣ ጋላቲያ አውራጃን ዴዲያ ዎሳ ኬሳን ዴዲያ አሳ ጊዴን፣ «አሲ ዎሳ ሲንሳን ጊላናው ዮሴፊን አማኖ ፃላላ ጊዴናሺን ሙሴ ሂጊያ ፖላናው ኮሺስ» ያጊዲ ጳውሎሳ ቲሚርቲያ ጳልቂያ አሳቲ ዴዎሶና።

ጳውሎስ ጋላቲያ ማፃፋ ፃፊዳይ፣ ሄ ባላ ቲሚርቲያን ጨሜቲዳ አሳ ቱማ አማኑዋኮኒ አማኖ ዴዎ-ዋኮ ዛራናሳ። ጳውሎስ ዮሴፊን ሃዋሪ ጊዴይሳ ቲላይዲ አዶ አይኪስ። ኢያ ሃዋሪ አሲዲ ዩጊዳይ አሴ ጊዴናሺን ዎሳ ጊዴይሳኒ ኢ ኪቲቲዳይ አይሁዴ ጊዴና አሳስ ጊዴይሳ ቆንጨሲዲ አዲስ። ኢያራ አይሴሲዲ አሳይ ጊላናው ዳንዳዔይ አማኖ ፃላላና ጊዴይሳ አዴስ። ወርሴሳ ሽምፖታን አማኖ ዴዎይ ዮሴፊን አማኖን ቤንቲያ ሲቆፔ ፑልቴይሳ ጊዴይሳ አዴስ። ጋላቲያ ኪታ አይፌ ቆፋታ

ጌሎ ቆፋ 1:1-10  
ጳውሎሳ ሃዋሪቲሳ ማታ 1:11-2:21  
ዎሳ አዶ ኬሃቴሳ ዎንጌላ 3:1-4:31  
ሳዓቴሲኒ አማኖን ዱሱ 5:1-6:10  
ኩሻ ቆፋ 6:11-18

1 አሳፔ ዎይኮ አሳ ባጋራ ጊዴናሺን ዮሴስ ኪሪስቶሳፔኒ ኢያ ሃይቆፔ ዴንሲዳ ዎሳ አዋፔ ሃዋሪ ጊዴና ሜላ ኪቲቲዳ ታ ጳውሎስ። 2 ታራ ዴዲያ አማኒያ ኢሻቲ ኡባይ፣ ጋላቲያን ዴዲያ ዎሳ ኬሳታስ ኪቲዳ ኪታ።

3 ዎሳይ ኑ አዋይኒ ኑ ጎዳ ዮሴስ ኪሪስቶሲ ሂንቴው አዶ ኬሃቴሳኒ ሳርቴሳ ኢዎ።

4 ሃ ኢታ ዎዲያፔ ኑና አሻናው፣ ኑ ዎሳ፣ ኑ አዋ ሸኔን ኪሪስቶሲ ኑ ናጋራ ጊሾ ባና አሲ ኢሚስ። 5 ዎሳስ ሜሪናፔ ሜሪና ጋካናው ቦንቾይ ጊዴ። አሚንዲ።

**ቱማ ዎንጌላይ ኢሲኖ**  
6 ኪሪስቶሳ አዶ ኬሃቴሳን ሂንቴና ዩጊዳ ዎሳ አጊዲ፣ ሃራ ዎንጌላኮ፣ ሂንቴ ኤሴሲዲ፣ ዋኒዲ ሲሚዳኮ ታና ማላሊሴስ። 7 ሂንቴና ባሌሳናውኒ ኪሪስቶሳ ዎንጌላ ዎቢሳንው ኮያ ጉሳ አሳቲ ዴዎሶናፔ አቲን ቱማ ዎንጌላይ ኢሲኖ። 8 ሺን ኑና ጊዲን ዎይኮ ሳሎ ኪታንቾ ጊዲን ኑኒ ሂንቴው ኮይር አዲዳ ዎንጌላፔ ዱማቲያ ሃራ ዎንጌላ ሂንቴው አዲያባ ጊዲኮ፣ ኢ ቃንጌቲዳባ ጊዴ። 9 ሃይሳፌ ሲንሴ ኑኒ ጊዳይሳዳ ሃዲካ ዛራዳ ጋይስ። ሂንቴ ኤኪዳ ዎንጌላፔ ዱማቲያ ዎንጌላ አኒካ ሂንቴው አዲኮ ሄ ኡራይ ቃንጌቲዳባ ጊዴ።

1:13 ሃ.አ 8:3፤ 22:4-5፤ 26:9-11 1:14 ሃ.አ 22:3 1:15 ሃ.አ 9:3-6፤ 22:6-10፤ 26:13-18 1:18 ሃ.አ 9:26-30 2:1 ሃ.አ 11:30፤ 15:2 2:6 ዛሬ 10:17

10 ያቲን፣ ታና አሲ ናሻና ሜላ ኮያይናዮ? ዎይኮ ዎሲ ናሻና ሜላ ኮያይና? ዎይኮ ታ አሴ ኡፋይሳናው ኮያይና? ታ አሴ ኡፋይሳናው ኮያባ ጊዲኮ፣ ኪሪስቶሳ አይሌ ጊዲኬ።

**ጳውሎሳ ዩጌቲሳ**  
11 ታ ኢሻቶ፣ ታ ሂንቴው አዲዳ ዎንጌላይ አሳፔ ጊዴናይሳ ሂንቴ ኤራና ሜላ ታ ኮያይስ። 12 ታው ሃ ዎንጌላ ዮሴፊ ኪሪስቶሲ ቆንጨሲሲፔ አቲን አሳፔ ኤካቢኬ ዎይኮ አሲ ታና ታማርሲሴና።

13 ታ ካሴ አይሁዴ አማኖን ዴዲያ ዎዴ ዋና ዴዲዳኮ፣ ሂንቴ ሲዲዴታ። ታ ዎሳ ኬሳ ቃዴይ ባይና ጎዳናውኒ ዳይሳናው ባይታስ። 14 አይሁዴ አማኖ ናጎን፣ ታ ዎዴን ዴዲያ አይሁዴ ኢሻታፔ አዳይስ። ኑ አዋታ ዎጋስካ አዳዳ ሚሼታይስ።

15 ሺን ታ ቡር ታ አዬ ኡሎን ዴዲሺን ዎሳይ ታና ዶሪስ፤ ባ አዶ ኬሃቴሳን ታና ዩጊስ። 16 አይሁዴ ጊዴና አሳስ ዎንጌላ አዳና ሜላ ዎሳይ ባ ናዓ ታው ቆንጨሲዳ ዎዴ ታ አዴራካ ዞሬታቢኬ። 17 ዎይኮ ታፔ ሲንሴ ሃዋሪ ጊዲዳይሳታራ ጋሄታናው ዮሩሳላሜ ባቢኬ። ሺን ታ ካሴታዳ አራቤ ቢታ ባስ፤ ሄሳፌ ሲማዳ ዳማስቆ ካታማ ያስ። 18 ሄሹ ላይሳፌ ጉዮ፣ ጳዲሮሳራ ጋሄታናው ዮሩሳላሜ ባዳ ኢያራ ታማኒ ኢቻሹ ጋላስ ኡታስ። 19 ሺን ጎዳ ኢሻ ያይቆባፔ አቲን ሃንኮ ሃዋሪታ ቤዓቢኬ።

20 ታ ሂንቴው ፃፊዳይሲ ዎርዶ ጊዴናይሳ ዎሳ ሲንሳን ሂንቴው ቆንጨሳይስ።

21 ሄሳፌ ጉዮ፣ ታኒ ሶሪያ ቢታኒ ኪልቂያ ቢታ ባስ። 22 ዬሁዳን ዴዲያ ዎሳ ኬሳ አሳይ ታና ቤዲዲ ኤሪቦኮና። 23 ሺን ኤንቲ፣ «ካሴ ኑና ጎዲያ ኡራይ፣ ሃዲ ሄ ኢ ዳይሳናው ኮያ አማኑዋባ ሳባኬስ» ያጌይሳ ሲዲዶሶና። 24 ሲዲዳ ኡባይ ታ ጋሶን ዎሳ ጋላቲዶሶና።

## 2

**ሃዋሪቲ ጳውሎሳ ኤኪዶሶና**  
1 ታማኒ አይዱ ላይሳፌ ጉዮ፣ ባርናባሳራ ዛራዳ ዮሩሳላሜ ባስ። ሄ ዎዴ ቲቶ ታራ ኤካዳ ባስ። 2 ዎሳይ ታው ቆንጨሲዳ ቆንጨፋን ያ ባዳ አይሁዴ ጊዴና አሳ ጊዴን ታ ሳባኪያ ዎንጌላ ኤንታው ቆንጨሳስ። ካሴ ታ ዎዲያ ዎሳይ ሃዲካ ታ ዎዲያ ዎሳይ ሃዳ ጊዴና ሜላ ጋዳ ካሌሴይሳታ ዱማ ሺሻዳ ኤንታው አዳስ። 3 ሃሪ አቶሺን፣ ታራ ዴዲያ ቲቶይ ጊሪኬ አሲ ጊዲኮካ፣ ቃፃሬቶ ጊዲ ኡንዔሲቦኮና። 4 ጊዴሺን፣ አማኒያ ኢሻታ ዳኒዲ ኑ ጊዶ ጌሲዳ ኢሶቲ ኢሶቲ ኢ ቃፃሬታና ሜላ ኮዩዶሶና። ሄ አሳቲ ኪሪስቶስ ዮሴፊን ኑስ ዴዲያ ሳዓቴሳ ዎቼዲ ቤዓናው ጌማን ኑ ጊዶ ጌሲዲ ዛሪዲ ኑና አይሌ አሳናው ኮዮሶና። 5 ሺን ቱማ ዎንጌላይ ሂንቴናን ሚኒዲ ዳና ሜላ ኑኒ ሃሪ አቶሺን፣ ጉሳ ዎዴስካ ኤንታው ኩሼ ኢሚቦኮ። 6 ሺን ሃላቃ ዳኒያ አሳታ አናቴሳይ ታው አይኮካ ጊዴና። ዎሳይ አሳ ስምያ ቤዳዲ ፐርዴና። ሃ አሳቲ ታ ማርካቲያ ዎንጌላ ቦላ ጉጂዳባይ ባዋ። 7 ሺን ጳዲሮሲ፣ አይሁዴታስ ዎንጌላ አዳና ሜላ ዎሳይ ኢያው ሃዳራ ኢሚዳይሳዳ ታዉካ አይሁዴ ጊዴና አሳስ

1:13 ሃ.አ 8:3፤ 22:4-5፤ 26:9-11 1:14 ሃ.አ 22:3 1:15 ሃ.አ 9:3-6፤ 22:6-10፤ 26:13-18 1:18 ሃ.አ 9:26-30 2:1 ሃ.አ 11:30፤ 15:2 2:6 ዛሬ 10:17



ዎንጌላ አዲያ ሃዳራ ኢሚዳይሳ ኤንቲ ጉዩፔ ቤዒዶሶና።<sup>8</sup> ሂዛ፣ ጳጳሮሲ አይሁዴታ ሃዋሬ ጊዳና ሜላ አሲዳ ያሳይ፣ ታካ አይሁዴ ጊዶና አሳስ ሃዋሬ ጊዳና ሜላ አሲስ።<sup>9</sup> ቃሲ ቱሱ ዳኒዲ ቤንቲያ ያይቆቤ፣ ጳጳሮሲኔ ዮሃንሲ፣ ታው ኢሜቲዳ አዶ ኬሃቴላ ቤዒዳ ዎዴ ኑራ ኢሲፊዳይሳ ቆንጨሳናው ታ ኩሺያኔ ባርናባሳ ኩሺያ አይኪዶሶና። ኑኒ አይሁዴ ጊዶና አሳኮ፣ ቃሲ ኤንቲ አይሁዴ አሳኮ ባናው ጊጊዶሶና።<sup>10</sup> ኤንቲ ኑና ሚንሲዲ ሃዳራ ጊዳይ፣ ኑኒ ማንቆታስ ቆፓናይሳ፣ ካሴካ ታ ሄሳ አሳናው አሞቴይስ።

**ጳጳሮሲ ጳጳሮሳ ቲሚርቲያ ጳጳቂስ**

<sup>11</sup> ጳጳሮሲ አንዎኪያ ካታማ ዱዳ ዎዴ ኢ ባሊዳ ጊሾ ታኒ ኢያ ሶምዎን «ኔኒ ባላዳሳ» ጋስ።<sup>12</sup> ያይቆቤ ኪቲዳ ጉላ አሳይ ያናፔ ሲንሴ ኢ አይሁዴ ጊዶና አሳራ ሜስ፣ ሺን ኤንቲ ዩዳፔ ጉዩ፣ «አይሁዴ ጊዶና አሳፔ አማኒዳይሳቲ ቃግሬታናው ቤሴስ» ጊያ አሳስ ያዩዲ ኤንታፊ ሻኬቲስ።<sup>13</sup> ቃሲ ሃንኮ አማኒዳ አይሁዴቲ ጳጳሮሳ ሃኑዋ ካሊዶሶና፣ ሃሪ አቶሺን፣ ባርናባሲካ ኢያ ቆፋን ጎሽቲስ።

<sup>14</sup> ሺን ኤንቲ ዎንጌላ ቱማቴላን ሱሬ ሃሙቶናይሳ ቤዳዳ፣ ጳጳሮሳ አሳ ኡባ ሲንሳን፣ «ኔኒ አይሁዴ ጊዳሺ፣ አይሁዴ ዎጋሶ ጊዶናሺን አይሁዴ ጊዶና አሳዳ ዴዓሳ፤ ያቲን፣ ዋናዳ አይሁዴ ጊዶናይሳታ፣ አይሁዴ ዎጋን ዴዒቴ ጋዳ ዎልቃታይ?» ያጋስ።

<sup>15</sup> ኑኒ ዩሌታን አይሁዴ፣ ሺን ናጋራንቾ ጊዲዳ አይሁዴ ጊዶና አሳ ሜላ ጊዶኮ።<sup>16</sup> ሺን አሲ ዩሱስ ኪሪስቶሳ አማኒዲ ዒሴሲፔ አቲን ሂኔ ናጊዲ ዒሎናይሳ ኤሮስ። አኒካ ሂኔ ናጊዲ ዒሎና ጊሾ ኑካ ሂኔ ናጊዲ ጊዶናሺን ኪሪስቶሳን አማኒዲ ዒላና ሜላ ኪሪስቶስ ዩሱሳ አማኒዳ።

<sup>17</sup> ኑ አይሁዴቲካ ኪሪስቶሳ ባጋራ ዒላናው ኮሺስ። ሄሳ ጊዲኮ ኑካ ሃራ አሳዳ ናጋራንቾ ጊዴይሳ ቤዎስ፣ ያቲን፣ ኑ ናጋራ አሳና ሜላ ዴንሴሴይ ኪሪስቶሳ ጉሴዩ? ኡባካ ጊዴና!

<sup>18</sup> ሂዛ፣ ታ ላሊዳይሳ ዛራዳ ኬዒያባ ጊዲኮ ታኒ ታ ሁዔን ሂኔ ሜንሴይሳ ጊዴይሳ ቆንጨሳይስ።

<sup>19</sup> ታኒ ያሳስ ዳና ሜላ ሂኔ ባጋራ ሂኔስ ሃይቃስ።

<sup>20</sup> ታኒ ኪሪስቶሳራ ማስቃሊያ ቦላ ካቆታስ። ታኒ ሂዛፔ ታው ዴዒኬ፣ ሺን ኪሪስቶሲ ታናን ዴዒስ። ታ ሃዒ ዴዒያ ዴዑዋ፣ ታና ዶሲዲ ታ ጊሾ ባና አሲ ኢሚዳ ያሳ ናዓ አማናዳ ዴዓይስ።

<sup>21</sup> ታኒ ያሳ አዶ ኬሃቴላ ሃዳ አሲኬ። ዒሎቴሲ አሳስ ሂኔ ባጋራ ቤንቲያባ ጊዲያኮ፣ ኪሪስቶሲ ጮ ሃይቂስ ጉሱ።

**3**

**ዒሎቴሲ አማናና**

<sup>1</sup> ሂንቱኖ፣ አኪኪ ባይና ጋላቲያ አሳው፣ ሂንቱ አይሬያ ሲንሳን ኪሪስቶሲ ማስቃሌ ቦላ ካቆቲዳ ሚሲሌዳ ቆንጨዲ ቤንቲስ። ያቲን፣ ቱማስ ሂንቱ ኪቱቶና ሜላ ሂንቱና ቤቲዳይ አኔ? <sup>2</sup> ታ ኢሲባ ኤራናው ኮያይስ፤ ሂንቱ ጌሻ አያና ኤኪዳይ ሂኔ ናጊዲዩ ዎይኮ ሂንቱ ሲዒዳ ዎንጌላ

አማኒዲ ኤኪዴቲ? <sup>3</sup> ሂንቱ ሄሳ ሜላ ኤዩ? ሂንቱ ያሳ አያናን ዶሚዲ፣ ሃዒ ዎልቃን ፖላናው ኮዩቲ? <sup>4</sup> ሂንቱ ዎንጌላ ጋሶን ዳሮ ዋዩቲዳይ ሜሴ? ሄ ዋዩ ኡባይ ጮ ጊዲዴ? <sup>5</sup> ያሳይ ሂንቱው ጌሻ አያና ኢሜይኔ ሂንቱ ጊዶን ማላታታ አሴይ፣ ሂንቱ ሂኔ ናጊዳ ጊሾዩ ዎይኮ ዎንጌላ ሲዒዲ አማኒዳ ጊሾ?

<sup>6</sup> አኔ አብራሃሜ ቤዒቴ፣ «ኢ ያሳ አማኒስ፤ ያሳይ ኢያው ሄሳ ዒሎቴሲ አሲዲ ኤኪስ» ጌቱቲዲ ዓፊቲስ። <sup>7</sup> ሂዛ፣ አማኒይሳቲ አብራሃሜ ናይታ ጊዴይሳ ኤሪቴ። <sup>8</sup> ያሳይ አይሁዴ ጊዶና አሳ አማኖን ዒሊሳናይሳ ጌሻ ማግፋይ ቤዒዲ፣ «ካዎቴላ ኡባይ ኔናን አንጄታና» ያጊዲ፣ ዎንጌላ አብራሃሜስ ካሴቲዲ አዲስ። <sup>9</sup> ሄሳ ጊሾ፣ አማኒያ ኡባይ አማኒዳ አብራሃሜራ ኢሲፊ አንጄቲዶሶና።

<sup>10</sup> ሂኔ ናጊዲ ዒላና ጊያ አኒካ ቃንጌቲዳይሳ፣ አይስ ጊኮ፣ ጌሻ ማግፋን፣ «ሂኔ ማግፋን ዓፊቲዳ ኡባ ናንና አኒካ ቃንጌቲዳይሳ ጊዶ» ጌቱቲዲ ዓፊቲስ። <sup>11</sup> «ዒሎይ አማኖን ዳና» ጌቱቲዲ ዓፊቲዳ ጊሾ አኒካ ያሳ ሲንሳን ሂኔ ናጊዲ ዒሎናይሲ ኤራቲዳባ። <sup>12</sup> ሂኔይ አማኖን ዜምፔና፣ ሺን፣ «ሂጊያ ናጊያ አኒካ ሂጊያን ዴዎን ዳና» ያጊስ።

<sup>13</sup> «ሚሳ ቦላ ካቆቲዲ ሃይቂያ አኒካ ቃንጌቲዳይሳ» ጌቱቲ ዓፊቲዳ ጊሾ ኪሪስቶሲ ኑ ጊሾ ቃንጌቲዳይሳ ጊዲዲ፣ ኑና ሂኔ ቃንጌሳፊ ዎዚስ። <sup>14</sup> ያሳይ አብራሃሜስ ኢሚዳ አንጄይ፣ ዩሱስ ኪሪስቶሳ ባጋራ አይሁዴ ጊዶና አሳ ጋካና ሚላይ ያሳይ ኢማና ጊዳ ጌሻ አያና ኑኒ አማኖን ኤካና ሜላ ሄሳ አሲስ።

**ሂኔኔ ኡፋይሳ ቃላ**

<sup>15</sup> ታ ኢሻቶ፣ ታ ሂንቱው አሳ ዴዎን ሜዜ ጊዲዲ ዴዒያባ ሌሚሶ አሳዳ አዳይስ። አሲ ጫቂዳ ጫቆይ ሚኒዳፔ ጉዩ፣ አኒካ ሄ ጫቂዋ ሻሪናው ዎይኮ ኢያ ቦላ ሃራ ጉቾናው ዳንዳዔና።

<sup>16</sup> ያሳይ ሄ ኬኬ ቃላ አብራሃሜስኔ ኢያ ዜሬሳስ ኢሚስ። ጌሻ ማግፋይ፣ ዳሮ አሳስ አዲያዳ፣ «ኔ ዜሬሳታስ» ጌና፣ ሺን ኢሲ አሳስ አዲያዳ፣ «ኔ ዜሬሳስ» ያጊስ፤ ኢካ ኪሪስቶሳ።

<sup>17</sup> ታኒ ጌይ ሃይሳ፤ አይዱ ዒታኔ ሃስታሙ ላይሳፊ ጉዩ ኢሜቲዳ ሂኒይ፣ ኮይሮ ያሳይ ሚንሲዳ ጫቂዋ ሻሪዲ ኡፋይሳ ቃላ ዳይሳናው ዳንዳዔና።

<sup>18</sup> ያሳይ ኢሚያ ላታይ ሂኒን ኤኬቲያባ ጊዲያኮ ያሳይ ኢሚዳ ኡፋይሳ ባጋራ ጊዴይሲ አቴስ። ሺን ያሳይ ባ አዶ ኬሃቴላን ላታ አብራሃሜስ ኡፋይሳ ቃላ ባጋራ ኢሚስ።

<sup>19</sup> ያቲን፣ ሂኒይ አይስ ኢሜቲዴ? ሂኒይ ኢሜቲዳይ፣ አብራሃሜስ ኡፋይሳ ቃላ ኢሜቲዳ ዜሬሳይ ያና ጋካናው ኢታ አሶይ አይቤኮ ኤሪሳናሳ። ሂኒይ ኪታንቾታ ባጋራ ኢሜቲዲ፣ ጊዶ ጊዲዲ ሲጌሲያ ኢሲ አሳ ባጋራ አሶ ቦላ ፔዒስ። <sup>20</sup> ጊዶ ጊዲዲ ሲጌሲያ ኡራይ ኢሲ አሳ ዓላላስ ጊዴና፣ ሺን ያሳይ ኢሲኖ።

<sup>21</sup> ያቲን፣ ሂኒይ ያሳ ኡፋይሳ ቃላራ ኤቁቲዩ? አካይ፣ ጊዴና! ሂኒይ ኢሜቲዳይ አሳስ ዴዎ ኢማናው ጊዲያኮ፣ ዒሎቴሲ ሂኒ ባጋራ ቤንታናሺን። <sup>22</sup> ሺን ዩሱስ ኪሪስቶሳ አማኒን

2:16 ማዘ 143:2፤ ሮሜ 3:20፤ 22 3:6 ሜዴ 15:6፤ ሮሜ 4:3 3:7 ሮሜ 4:16 3:8 ሜዴ 12:3 3:10 ዛሬ 27:26 3:11 ኢብ 2:4 3:12 ሌዌ 18:5 3:13 ዛሬ 21:23 3:16 ሜዴ 12:7 3:17 ኬሳ 12:40 3:18 ሮሜ 4:14

ቤንቲያ ኡፋይሳ ቃላይ አማኔይሳታስ ኢሜታና ሜላ ኩሜላ አላሜይ ናጋራስ ሃሬቲዲ ዴዔይሳ ጌሻ ማፃፋይ አዴስ።

23 ሺን አማኖይ ያናፔ ካሴ ሂጌይ ኑና ቃቺ ዎሲስ። ሄ አማኖይ ቆንጫና ጋካናው ሂጌይ ኑ ቦላ ጎርዲ ዎሲስ። 24 ሄሳ ጊሾ፣ ኑኒ አማኖን ሂላና ሜላ ኪሪስቶሲ ያና ጋካናው ሂጌይ ናፃ ናጊያ አሳ ሜላ ኑና ናጊይሳ ጊዲስ። 25 ሺን ሃዒ አማኖይ ዩዳ ጊሾ ሂጌይ ሂዛፔ ጉዩ ናፃ ናጊያ አሳ ሜላ ኑና ናጊይሲ አቲስ።

26 ሂንቱ ኡባይ ዩሱስ ኪሪስቶሳ አማኒዲ ዎሳ ናይታ ጊዲዴታ። 27 ኪሪስቶሳራ ኢሲኖ ጊዳናው ፃማቁቲዳ ኡባይ ኪሪስቶሳ ማዎዳ ማዒዴታ። 28 ሂንቱ ኡባይ ኪሪስቶሳን ኢሲኖ ጊዲያ ጊሾ አይሁዴ አሳ ጊዶኒኔ ጊሪኬ አሳ ጊዶን፣ አይሌ ጊዶኒኔ ዎማኖ ጊዶን፣ አዴ ጊዶኒኔ ማጫሳ ጊዶን ዱማቱሲ ባዎ። 29 ሂዛ፣ ሂንቱ ኪሪስቶሳባ ጊዲኮ ሂንቱ አብራሃሜ ዛሬ። ዎሳ ኡፋይሳ ቃላዳ ሂንቱ ላቴይሳታ።

4

1 ታ ጌይሲ ሃይሳ። ላቴይ ናፃ ጊዲ ዴዒሺ፣ ሻሎ ኡባይ ኢያባ ጊዲኮካ፣ ኢ አይሌፌ አይኮካ ዱማቱና። 2 ሺን ኢያ አዎይ ጊዳ ዎዴይ ጋካናው ኢ ሃዳራ ኤኪዳይሳታ ኩሺኒኔ ናጊይሳታ ኩሺን ዴዒስ። 3 ሄሳዳካ፣ ኑኒ ናፃቱሳን ዴዒያ ዎዴ አላሚያ ዎጋስ አይሌቲዲ ዴዒዳ። 4 ሺን ዎዴይ ጋኪዳ ዎዴ ዎሳይ ሂጌፌ ጋርሳን፣ ማጫሳፔ ዩሌቲዳ ባ ናፃ ኪቲስ። 5 ኢ ሄሳ አሲዳይ፣ ሂጌስ ሃሬቲዲ ዴዔይሳታ ዎዛናውኔ ኑና ባ ናይታ አሳናሳ።

6 ኑ ዎሳ ናይታ ጊዲያ ጊሾ «አባ፣ አዎው» ጊዲ ዩጊያ ባ ናፃ አያና ኑ ዎዛና ጊዶ ኪቲስ። 7 ሄሳ ጊሾ፣ ሂዛፔ ኔኒ ዎሳ ናፃፔ አቲን አይሌ ጊዳካ። ኔኒ ኢያ ናፃ ጊዲኮ፣ ዎሳ ላቴይሳ ጊዳዳሳ።

ጳውሎሲ ጋላቲያ አሳስ ቆፒስ

8 ሂንቱ ካሴ ዎሳ ኤርና ዎዴ ዎሴ ጊዶናይሳታስ አይሌ ጊዲዲ ሃሬቲዴታ። 9 ሺን ሃዒ ሂንቱ ዎሳ ኤሪዴታ፣ ኡባራካ ዎሳን ኤሬቲዴታ። ያቲን ፓሶናኔ ጎዎና አላሜ ዎጋታኮ ጉዩ ዋኒዲ ሲሜቲ? ዎዲ ኤቂዲ፣ ዋኒዲ ኤንታው አይሌ ጊዳናው ኩዩቲ? 10 ዱማ ጊዲዳ ጋላሳታ፣ አጌናታ፣ ዎዴታኔ ላይሳታ ሂንቱ ሎይሲ ቦንቼታ። 11 ታና ሂንቱባይ ያሺስ፣ ታ ሂንቱው ሮ ዳቡራዲናሻ?

12 ታ ኢሻቶ፣ ታ ሂንቱዳ ሃኒዳ ጊሾ ሂንቱካ ታዳ ሃኒቱ ጋዳ ሂንቱና ዎሳይስ። ሂንቱ ታና አይቢንካ ቆሂቤኪታ። 13 ታኒ ኮይሮ ሃርጌታሺ ሂንቱው ዎንጌላ አዲዳይሳ ሂንቱ ኤሬታ። 14 ታ ሃርጌይ ሂንቱው ፓጩ ጊዲኮካ፣ ታና ሳሌቲቤኪታ፣ ኢዲቤኪታ። ሺን ታና ዎሳ ኪታንቾ ዎይኮ ኪሪስቶስ ዩሱሳ ሞኪይሳዳ ሞኪዴታ።

15 ያቲን፣ ሄ ሂንቱው ዴዒያ ኡፋይሳይ ኡባይ አው ቢዴ? ሂንቱው ዳንዳዔቲዳኮ፣ ሂንቱ ታው፣ ሂንቱ አይሬያ ኪሲዲ ኢሚያኮ ኢያናይሳ ታ ማርካታይስ። 16 ያቲን፣ ታ ሂንቱው ቱማ አዲዳ ጊሾ ሂንቱው ሞርኬ ጊዳዲናዩ?

17 ሄ አሳቲ ሂንቱና ባንታኮ ዛራናው ኮዮሶና፣ ሺን ኤንታ ቆፋይ ሎዎሳ ጊዴና። ኤንታ ቆፋይ ሂንቱና ሻካናሳኔ ሂንቱ ኤንታው ቆፓና ሜላ አሳናሳ። 18 ሎዎባ አሳናው አሞቲኮ ሎዎ፣ ሺን ሄሲ ታ ሂንቱራ ዴዒያ ዎዴ ፃላላ ጊዶናሺን ኡባ ዎዴ ጊዶ።

19 ታ ሲቆ ናይቶ፣ ኪሪስቶሲ ሂንቱናን ሚሲሌታና ጋካናው ዩሎስ ማጫሲ ሚዎቱይሳዳ ታ ሂንቱ ጊሾ ሚዎታይስ። 20 ሂንቱባይ ታው ሃዲርሲ ጊዲን ታ ኡንዔታስ፣ ሃዒ ሂንቱ ጊዶን ታ ቤንታዳ ሺኔታዳ አዲያኮ አይ ሜላ ዶሳይናሺን።

አጋሮኔ ሳሮ

21 ሙሴ ሂጌን ሃሬቲዲ ዳናው ኮዩይሳቶ፣ አኔ ታው አዲቱ፣ ሂጌይ አይ ጊያኮ ኤሬኬቲ? 22 ጌሻ ማፃፋይ፣ «አብራሃሚስ አይሌፌኔ ጎዳቱፌ ዩሌቲዳ ናምቡ ናይቲ ዴዎሶና» ያጌስ። 23 አይሌ ናፃይ አሲ ናፃ ዩሊያ ማራን ዩሌቲስ፣ ሺን ጎዳቱ ናፃይ ዎሳ ኡፋይሳ ቃላን ዩሌቲስ።

24 ሃ ማጫሳቲ ናምቡ ጫቆታስ ሌሚሶ ጊዲዲ ኤኬቶሶና። ኤንታፌ ኢሲኒያ፣ ሲና ዴሪያፔ ዩዳራ፣ ባ ናይታ አይሌቱሳስ ዩላሱ፣ ኢያካ አጋሮ። 25 አጋራ አራቤ ቤታን ዴዒያ ሲና ዴሪያን ሌሚሌታዳ ሃዒ ዴዒያ ዩሩሳላሜ ዳናውሱ። አይስ ጊኮ፣ ኢያ ባ ናይታራ አይሌቱሳን ዴዳውሱ። 26 ሺን ሳሎን ዴዒያ ዩሩሳላሜይ አይሌቱሳን ዴዑኩ፣ ኢያ ኑ ኡባስ አዮ። 27 ጌሻ ማፃፋይ፣

«ናቱ፣ ዩሎና ማይንሴቱ ኡፋይታ፣

ናቱ ሚዎታ ኤርናሬ ኢሊላ።

አዚናራ ዴዒያ ማጫሴፔ፣

አዚኒ ባይና ማጫሴስ ናይቲ ዳሮ» ያጌስ።

28 ታ ኢሻቶ፣ ሂንቱ ዩሳቃዳ ዎሳ ኡፋይሳ ቃላን ዩሌቲዳ ናይታ። 29 ሺን ሄ ዎዴ አሳ ማራዳ ዩሌቲዳይሲ፣ አያና ዎልቃን ዩሌቲዳይሳ ጎዲስ። ሃቺካ ሄሳ ሜላ። 30 ሺን ጌሻ ማፃፋይ ዎይጊ? «አይሌ ናፃይ ጎዳቱ ናፃራ ኢሲፌ ላቶና ጊሾ አይሊው ኢ ናፃራ ዎላ ኪሳ ዩዳ» ያጌስ።

31 ሄሳ ጊሾ፣ ታ ኢሻቶ፣ ኑኒ ጎዳቱ ናይታፔ አቲን አይሌ ናይታ ጊዶኮ።

5

ኪሪስቶሳን ዴዒያ ላፃቴሳ

1 ኑኒ ላፃቴሳን ዳና ሜላ ኪሪስቶሲ ኑና አይሌቱሳፌ ኪሲስ። ሂዛ፣ ሚኒዲ ኤቂቲ፣ ዛሪዲ አይሌቱሳ ቃምባራን ጌሎፒቱ።

2 ታ፣ ጳውሎሲ፣ ጌይሳ ሲዒቱ። ሂንቱ ቃፃሬታናው ኮይኮ፣ ኪሪስቶሲ ሂንቱና አይኮካ ማዴና። 3 ቃፃሬቲያ አኒካ ሂጌይ ኪቲያ ኡባ ፖላናው ቤሴይሳ ጉጃዳ ታ አዳይስ። 4 ሂጌ ናጊዲ ሂላናው ኮዩይሳቶ፣ ኪሪስቶሳፔ ሻኬቲዴታ፣ ዎሳ አዶ ኬሃቱሳፌ ኩንዲዴታ። 5 ሺን ኑኒ ዎሳ አያና ባጋራ አማኖን ሂላናው ኡፋይሳን ናጎስ። 6 ሂዛ፣ ኪሪስቶስ ዩሱሳን ዴዒኮ፣ ሲቆን ቆንጩያ አማኖፔ አቲን ቃፃሬቲን፣ ቃፃሬቶና አጊን ኑና አይኮካ ማዴና።

7 ካሴ ሂንቱ ሎዎ ዎዲታ፣ ሺን ሃዒ ቱማስ ኪቱቶና ሜላ ሂንቱና ዲጊዳይ አኔ? 8 ሃይሳ

3:29 ሮሜ 4:13 4:5 ሮሜ 8:15-17 4:22 ሜዴ. 16:15፣ 21:2 4:27 ኢሳ 54:1 4:29 ሜዴ. 21:9 4:30 ሜዴ. 21:10 5:9 1ቆሮ 5:6

ሜላ ኢታ ጨዋይ ሂንቴና ዩጊዳ ያሳፌ ዩቤና።  
9 ሄሲካ፣ «ጉሳ ኢርሾይ ሙኑቃ ኡባ ዴንፊስ።»  
ጌቱቲዲ ዓፌቲዳይሳ ሜላ። 10 ሂንቴው ሃራ ቆሬ  
ባይናይሳስ ታ ጎዳን አማኔታይስ። ሺን ሂንቴና  
ቡቂያ አኒካ ያሳፌ ባ ፐርዳ ኤካና።

11 ታ ኢሻቶ፣ ታ ሃሲ ጋካናው ቃግሮ ሳባኪያባ  
ጊዲኮ፣ ያቲን ታና አይስ ጎዶና? ሄሲ ቱማ  
ጊዲያኮ ኪሪስቶሳ ማስቃሊያባ ታማርሶይ አሳስ  
ዱቤ ጊዲናሺን። 12 ሂንቴና ቡቂይሳቲ ቃግራቱሳ  
ዓላላ ጊዲናሺን ባንታና ቃራቲያኮካ ታ ዶሳይስ።

13 ታ ኢሻቶ፣ ሂንቴ ላዓ ዳናው ዩጌቲዴታ።  
ጊዲሺን፣ ሂንቴ ላዓቱሳይ አሾ አዋ ፖላናው  
ሂንቴው ጋሶ ጊዶ፣ ሄሳፌ አሲዲ ኢሶይ ኢሱዋ  
ሲቆን ማዲቱ። 14 ሂጌ ኡባይ፣ «አሴ ኔዳ ዶሳ»  
ያጊያ ኢሲ ቃላን ቃሽቲስ። 15 ሺን ሂንቴ  
ኢሶይ ኢሱዋራ ሳዩቲያባኔ ሜቱቲያባ ጊዲኮ፣  
ሂንቴ ዎሊ ወርሶና ሜላ ናጌቲቱ።

**አያና ዴዎኔ አሾ ዴዎ**

16 ሂዛ፣ ታ ሂንቴው አዳይስ፤ አያናን ዴዊቱ፤  
ሂንቴ አሾ አሙዋ ፖሎፐቱ። 17 አሾ አዋይ  
አያና አሙዋራ ሞርኬ፤ ቃሲ አያና አዋይካ አሾ  
አሙዋራ ሞርኬ። ኤንቲ ኢሶይ ኢሱዋራ ኢዩቲያ  
ጊሾ ሂንቴ ዶሲያባ አሳናው ዳንዳዬኪታ። 18 ሺን  
አያናይ ሂንቴና ካሌሌያባ ጊዲኮ ሂጌይ ሂንቴና  
ሃራና።

19 አሾ አሶቲ ኤሬቲዳይሳታ፤ ኤንቲካ፣  
ላይማቴሌ፣ ቱናቴሌ፣ ቃይዪ፣ 20 ኤቃ ጎይና፣  
ቢታ፣ ሞርኬቴሌ፣ ካቺ፣ ቃናቱ፣ ሃንቆ፣ ባና  
ዶሶ፣ ሻኬቴሌ፣ ኢታ ቶቤ 21 ጌኔ፣ ማሶ፣ ዩሲኔ  
ሄሳ ሄሳ ሜላታ። ካሴ ታ ሂንቴው አዲዳይሳዳ  
ሃሲካ ታ ሂንቴው አዳይስ። ሃይሳ ሜላባታ  
አሌይሳቲ ያሳ ካዎቱሳ ላቶኮና።

22 ሺን አያና አይፌይ፣ ሲቆ፣ ኡፋይሲ፣  
ሳሮቴሌ፣ ዳንዳዳ፣ ኬሃቴሌ፣ ሎዎቴሌ፣ አማኖ፣  
23 አሽኬቴሌ፣ ባና ሃሮ። ሃይሳ ሜላባታ ኢዲያ  
ሂጌይ ባዋ።

24 ኪሪስቶስ ዩሱሳባ ጊዲዳይሳቲ ባንታ አሾዋ  
ኢያ ኢታ ቆፋራኔ ኢያ አሙዋራ ኢሲፌ  
ማስቃሊያ ቦላ ካቂዶሶና። 25 ኑ አያናን ዴዊያባ  
ጊዲኮ፣ ኑና አያናይ ካሌሌ። 26 አኔ ኢሶይ ኢሱዋ  
ዩሎዩሼኔ ቃናቲሼ ሙ ጨቁቲይሳ አጎስ።

**6**

**ኢሶይ ኢሱዋ ማዲቱ**

1 ታ ኢሻቶ፣ ኢሲ አሲ ናጋራን ኩንዲኮ፣  
አያናን ዴዊያ ሂንቴ ሄ ኡራ አሽኬቴሳን  
ሱሪሲቱ። ሺን ኔኒ ሄሳ ሜላባን ፓጩቶና ሜላ  
ኔና ናጋ። 2 ኢሶይ ኢሱዋ ዴዎ ቶሁዋ ቶኪቱ።  
ያቲኮ ኪሪስቶሳ ሂጊያ ፖሌታ። 3 ኢሲ አሲ  
አይኮይካ ባዋሺን፣ ባና ሃራታፔ ሎዎ ጊዲ  
ቆፐኮ፣ ኢ ባና ጨሜስ። 4 ሺን ኢሲ ኢሲ  
አሲ ባ አሱዋ ፓጩ። ሄሳፌ ጉዩ፣ ሃራታራ  
ባና ጋዴዩይሳ አጊዲ ባው ጨቁቲያባ ዴሜስ።  
5 ኢሲ ኢሲ አሲ ባ ቶሁዋ ባው ቶካናው ቤሴስ።

6 ያሳ ቃላ ታማሪያ አኒካ ሎዎባ ኡባ ባ  
አስታማሪያራ ሻኬቴስ።

7 ሂንቴ፣ ሂንቴና ጨዋሬቱ። አሲ ባ ዜሪዳባ  
ዛሪዲ ሜኪያ ጊሾ ያሳ ቦላ ቁልቁሶፐቱ። 8 ባ  
አሾ አሙዋ ኩንሳናው ዜሪያ አኒካ፣ ባ አሾ

አሙዋፔ ሃይቆ ቡጫና። ሺን አያና ኡፋይሳናው  
ዜሪያ አኒካ አያናፔ ሜሪና ዴዎ ጫካና። 9 አኔ  
ሎዎ አሶ አሳናው አዛሌይሳ አጎስ። ኑኒ አዛሎና  
ኢዲኮ ዎዴይ ጋኪያ ዎዴ ኑ ዜሪዳይሳ ጫካና።  
10 ኑ ኢንጂ ዎዴ ዴሚኮ፣ አሳ ኡባስ፣ አሲዲካ  
አማኒያ አሳስ ሎዎባ አሶስ።

**ወርሴሳ ዞሬኔ ሳሮታ**

11 ታኒ ታ ኩሺን፣ አይ ሜላ ጊታ ፐዳሌን  
ሂንቴው ዓፌዳኮ ቤዊቱ። 12 አሳ ሲንሳን ሎዎ  
ጊዲዲ ቤንታናው ኮያ አሳቲ ሂንቴ ቃግራታና  
ሜላ ኮዮሶና። ሺን ሄሳ ኤንቲ አሌይ፣ ኪሪስቶሳ  
ማስቃሊያ ጊሾ ኤንታና ጎዲ ጋኮና ሜላሳ።

13 ኤንቲ ሂንቴ ቃግራቱሳን ጨቁታናው ኮዩዲ  
ሂንቴና ቃግራቶ ጎሶናፔ አቲን ቃግራቲዳይሳቲካ  
ባንታ ሁዔን ሂጊያ ናንኮና።

14 ሺን አላሜይ ታው ካቂቲዳይሳፌኔ ታኒካ  
አላሚያስ ካቂቲዳ፣ ጎዳ ዩሱስ ኪሪስቶሳ  
ማስቃሊያፔ አቲን ሃራ ጨቁቴሌ ታፔ ሃኮ።

15 ሂዛ፣ ቃግራቲን ቃግራቶና አጊን አይኮካ  
ማዴና። ማዴይ አራሳ ሜዴቴሌ ጊዶ። 16 ሃ  
ዎጋ ካሊያ ኡባሲኔ ያሳ ዴሬ ጊዲዳ ኢስራዬሌስ  
ሳሮቴሳይኔ ማርቴሳይ ጊዶ።

17 ታኒ ዩሱሳስ ማዶንዲዳ ቤታ ታ አሳቴሳን  
ቶኪዳ ጊሾ ሂዛፔ ታና አኒካ ዋይሶፖ።

18 ታ ኢሻቶ፣ ኑ ጎዳ ዩሱስ ኪሪስቶሳ አዶ  
ኬሃቴሳይ ሂንቴራ ጊዶ። አሚንዲ።



### ጳውሎስ ኤፌሶና አሳስ ገሬዳ ኪታ ጋላ ቆፋ

ጳውሎስ ኤፌሶናን ደዲያ አሳስ ገሬዳ ኪታን ኡባሬ አሲዲ ዩሊዳባይ፤ «ዎዴይ ጋኪያ ዎዴ ያሳይ ፖላናው ቆፒዳ ቆፋይ፤ ሳሎኒኔ ሳዓን ደዲያ ሜዴቴላ ኡባይ ኪሪስቶሳፕ ጋርሳን ጊዳና ሜላሳ» ያጊያ ቆፋ (1:10)። ሄሳ ቦላ ጉጂዲ ዮሱስ ኪሪስቶሳፊ ደዲያ ኢሲፌቴላን፤ አሳ ዜሬሲ ኡባይ ኢሲኖ ጊዳና ሜላ ሃ ጊታ ቆፋ አሶን ፔሻና ሜላ ያሳ አሳ ሃሳዬሴስ።

ኤፌሶና ኪታ ኮይሮ ኪፊሊያን ገሬይ ካራ ቆፋ ጊዲዳ ኢሲፌቴላባ ገፋናው ደሚዳይሳ ዳልጊሲዲ፤ ያሳ አዋይ ባ አሳ ዋቲ ዶሪዳኮ፤ ኤንቲካ ኢያ ናዓ፤ ዮሱስ ኪሪስቶሳን ባንታ ናጋራፕ ማሮታ ደሚዲ ዋኒዲ ላዓ ኬዬዳኮኔ፤ ያሳ ጊታ ኡፋይሳ ቃላይ ጊሻ አያና ባጋራ ቱማ ጊዴይሲ ኤሬቴዳኮ አዴስ። ናምዓንሶ ኪፊሊያን ቃሲ ገሬይ ሃ ኪታ ናባቢያ አሳይ ባንታ ኢሲፌቴላ ደዑዋን ኪሪስቶሳን ኤንታው ደዲያ ኢሲፌቴላይ ቱማ ጊዳና ሜላ ኤንቲ ዋኒዲ ዳናው ቤሲያኮ ቆሬሴስ።

አሳይ ኪሪስቶሳን ደዲያ ኢሲፌቴላ ዋኒዲ ዳናው ቤሲያኮ ዱማ ዱማ ሌሚሶን ቆንጨስ። ዎሳ ኬሲ አሳቴላ ሌሚሶ ጊዲያ ዎዴ ኪሪስቶሲ ሄ አሳቴላስ ሁዔ። ዎሳ ኬሲ ጊምቤ ኬሳን ሌሚሴቲያ ዎዴ ኪሪስቶሲ ሃ ኬሳ ጎዳ ገጹዋ ሚንሲያ ዋና ሹቻ። ዎሳ ኬሲ ማቼን ሌሚሴቲያ ዎዴ ኪሪስቶሲ አዚናን ሌሚሴቲስ። ገሬይ ኪሪስቶሳ ባጋራ ቆንጨዳ ያሳ አዶ ኬሃቴላ ዳሮ ናሺዲ አዲሼ፤ ጊዶይ ጨዋቲያ ሃሳያ ሃሳዬሴ። ኢ ኡባባ፤ ኪሪስቶሳ ሲቁዋ፤ ኢያ ያርሼቴላ፤ ኢ ኢሚዳ ናጋራ አቶቴላ፤ ኢያ አዶ ኬሃቴላ፤ ኢያ ጊሻቴላ ባጋራ ዩሴስ።

ኤፌሶና ኪታ አይሬ ቆፋታ

ሳሮሶ 1:1-2

ኪሪስቶሳኔ ዎሳ ኬሲ 1:3-3:21

ኪሪስቶሳን ደዲያ አራሳ ደዑዋ 4:1-6:20

ኩሻ ቆፋ 6:21-24

1 ያሳ ሼኔን ኪሪስቶስ ዮሱሳ ሃዋሬ ጊዲዳ ጳውሎሳፕ፤ ኤፌሶናን ደዲያ ጊሻታሲኔ ኪሪስቶስ ዮሱሳ አማኔይሳታስ ገሬቴዳ ኪታ።

2 ያሳ ኑ አዋፔኔ ጎዳ ዮሱስ ኪሪስቶሳፕ አዶ ኬሃቴላይ ሳሮቴላይ ሂንቴው ጊዶ።

ኪሪስቶሳን ደዲያ አያና አንጁዋ

3 ሳሎን ደዲያ አያና አንጅ ኡባን ኪሪስቶሳ ባጋራ ኑና አንጅዳ፤ ኑ ጎዳ ዮሱስ ኪሪስቶሳ አዋይ፤ ያሳይ ጋላቴቶ። 4 ኑኒ ኢያ ሲንሳን ጊሻታኔ ቦሬይ ባይናይሳታ ጊዳና ሜላ ያሳይ አላሚይ ሜዴታናፕ ካሴ ኪሪስቶሳ ባጋራ ባ ሲቁዋን ኑና ዶሪስ። 5 ያሳይ ባ ሼኒያን ባ ዶሲዳይሳዳ ዮሱስ ኪሪስቶሳ ባጋራ ኑና ባ ናይታ አሳናው ካሴቲዲ ቆፒ ዎሲስ። 6 ያሳይ ባ ሲቁያ ናዓ ባጋራ ኑስ ሮኤ ኢሚዳ አዶ ኬሃቴላይ ቦንቼታና ሜላ ሄሳ አሲስ።

7 ያሳ አዶ ኬሃቴላ ዱሬቴላዳ ኪሪስቶሳ ሱሳን ዎዜቲዲ ናጋራ አቶቴላ ደሚዳ። 8 ባ አዶ ኬሃቴላ ጨንጫቴላኒኔ ኤሬቴላን ኩንሲዲ ኑስ ኢሚስ። 9 ያሳይ ባ ዶሲዳይሳዳ ኪሪስቶሳ ባጋራ ኢያ ሼኒያ ፀራ ኑ ኤራና ሜላ አሲስ። 10 ዎዴይ ጋኪያ ዎዴ ያሳይ ፖላናው ቆፒዳ ቆፋይ፤ ሳሎኒኔ ሳዓን ደዲያ ሜዴቴላ ኡባይ ኪሪስቶሳፕ ጋርሳን ጊዳና ሜላሳ።

11 ኡባባ ባ ሼኒያዳ አሲያ ያሳይ፤ ካሴቲዲ ባ ቆፒ ዎሲዳይሳዳ ኪሪስቶሳ ባጋራ ኑኒ ኢያባ ጊዳና ሜላ ኑና ዶሪስ። 12 ሄሳ ኢ አሲዳይ፤ ኪሪስቶሳን ኡፋይሲ ዎሲዲ ናንን ኮይሮ ጊዲዳ ኑኒ ያሳ ቦንቼዋ ጋላታን ቆንጨሳና ሜላሳ። 13 ሂንቴካ ሂንቴ አቶቴላ ዎንጊላ፤ ሄሲካ ቱማ ቃላ ሲዲዳ ዎዴ ኪሪስቶሳ አማኒዴታ። ያሳይ ሂንቴው ኢማና ጊዳ ጊሻ አያናን ሂንቴ አታሜቲዴታ። 14 ያሳ ቦንቹይ ጋላቴታና ሜላ ያሳይ ባ አሳ ዎዛና ጋካናው ጊሻ አያና ኑስ አይሉ አሲዲ ኢሚስ።

ጳውሎሳ ዎሳ

15 ሄሳ ጊሻ፤ ጎዳ ዮሱሳ ሂንቴ አማኔይሳኒ ጊሻታ ኡባ ሂንቴ ሲቁይሳ ታ ሲዲዳ ዎዴ 16 ታ ዎሳን ሂንቴና ቆፓሼ ሂንቴ ጊሻ ያሳ ጋላቴይሳ አጋቢኬ። 17 ጎዳ ዮሱስ ኪሪስቶሳ ያሳይ፤ ቦንቹ አዋይ፤ ያሳ ሂንቴ አሲ ኤራናዳ ጨንጫቴላኒ ቆንጨላ አያና ሂንቴው ኢማናዳ ታኒ ያሳ ዎሳይስ። 18 ያሳይ ሂንቴና ዩጊዳ ኡፋይሳይኔ ጊሻቲ ላቲያ ቦንቹ ላታይ አይ ሜላ ዳሮኮ ሂንቴ ኤራና ሜላ ያሳይ ሂንቴ ዎዛና አይሬያ ዶያና ሜላ ታኒ ያሳ ዎሳይስ።

19 ቃሲ ኢያ አማኒያ ኑናን አሲያ ኢያ ዎልቃይ አይ ሜላ አዲዳ ጊቴኮ ሂንቴ ኤራና ሜላ ዎሳይስ። ሄ ዎልቃይ ዮኔቶናኔ ዳቡሮና ዎልቃ። ሃ ኑናን ደዲዲ አሲያ ዎልቃይ፤

20 ኪሪስቶሳ ሃይቆፕ ደደዳዲ፤ ሳሎን ያሳሬ ኡሻቻ ባጋራ ኡቲሲዳ ጊታ ዎልቃይ ኢሲኖ።

21 ኢያ ሱንሳይ፤ አይሴይሳታፔኔ ማታ አዋታፔ፤ ሃሬይሳታፔኔ ጎዳታፔ፤ ቦላ ጊዲዲ ሃ አላሚያ ገላላን ጊዶናሺን ሲንሳሬ ያና አላሚያንካ ሃራ ሱንሳታ ኡባሬ ዶቃ። 22 ያሳይ ኡባ ኪሪስቶሳ ቶሁዋፕ ጋርሳን ሃሪሲስ፤ ቃሲ ዎሳ ኬሳን ኡባባን ጎዳ ጊዳና ሜላ ኢያ ሹሚስ። 23 ዎሳ ኬሳይ ኪሪስቶሳ ኩሜሲ አሲያ ኢያ አሳቴላ። ሜዴቴላይ ደዲያ ቤሳ ኡባን ኪሪስቶሲ ባ ሁዔን ኡባባ ኩንሴይሳ።

## 2

ኪሪስቶሳን ሃይቆፕ ደደ ፒኔሳ

1 ሃይሳሬ ካሴ ሂንቴ፤ ሂንቴ ናጋራኔ ሂንቴ ቆሁዋ ጋሶን ሃይቁዳይሳታ። 2 ሄ ዎዴ ሂንቴ ሃ አላሚያ ኢታ አጊያ ካሲዴታ። ጫርኩዋ ቦላ ደዲያ አያና ዎልቃታ ሃላቃሲኔ ሃዲካ ያሳስ ኪቴቶና አሳ ሃሪያ አያናስ ኪቴቲዴታ። 3 ኑ ኡባይካ ካሴ ሄ አሳታ ጊዶን ኑ አሾ አሙዋኔ ኑ ዎዛና ሼኒያ ካሲዲ ደዲዳ። ኑካ ሃራታ ሜላ ኑ ሜዴቴላን ያሳ ሃንቁዋ ኤካናው ደዲዳይሳታ።

4 ሺን ያሳ ጊታ ማሮቴላሬኔ ኑስ ደዲያ ጊታ ሲቁዋፕ ደደዳይሳን፤ 5 ሃሪ አቶሺን ኑኒ ኑ ቆሁዋን ሃይቁዲ ደዲሺን ኪሪስቶሳ ባጋራ ኑስ ደደዳ ኢሚስ። ሂንቴካ አቲዳይ

1:1 ሃ.አ 18:19-21፤ 19:1 1:8 ቆላ 1:14 1:20 ማክ 110:1 1:22 ማክ 8:6፤ ቆላ 1:22-23፤ 1:18 2:1 ቆላ 2:13

የሳ አዶ ከሃቴላና። 6 የሳይ ኑና ከሪስቶሳራ ኢሲፌ ሃይቆፕ ዴንሲዲ ሳሎ ሰሁዋን ኢያራ ኢሲፌ ዎሲስ። 7 ኢ ሄሳ አሲዳይ፣ ከሪስቶስ ዩሱሳ ባጋራ ኑስ ቆንጫሲዳ ባ ከሃቴላኔ ዛዊ ባይና ባ አዶ ከሃቴላ ዱሬቴላ ያና ሳይላን ኑና ቤሳናሳ። 8 ሂንቴ አዶ ከሃቴላን አማኖን አቲዴታ። ሄሲካ፣ የሳ ኢሞታፕ አቲን ሂንቴ አሶን ቤንቴዳባ ጊዴና። 9 አኒካ ጩቁቶና ሜላ አቶቴላይ ቤንቴዳይ አሶን ጊዴና። 10 ኑኒ የሳ ሜዴቴላ፤ ኢ ኑስ ካሴቴዲ ጊጊሲ ዎሲዳ ሎዎ አሶታ አሳና ሜላ ከሪስቶስ ዩሱሳ ባጋራ አራሲ ሜዴቴላ።

**ከሪስቶሳራ ዴዲያ ኢሲፌቴላ**

11 ሄሳ ጊሾ፣ ሂንቴኖ ዩሌታን አይሁዴ ጊዴናይሳቶ፣ አይሁዴቲ ባንታው አሳ ኩሼን ቃግሬቲዲ፣ ሂንቴና ቃሲ ቃግሬቲቦናይሳታ ጊዲ ዪይሳ አኪኪቴ። 12 ሄ ዎዴ ሂንቴ ከሪስቶሳፕ ሻኬቲ ዴዲዳይሳ፣ ኢስራዴሌ አሳስ አላጋ ጊዲዲ ዴዲዳይሳ፣ የሳ ኡፋይሳ ቃላፕ ሃኪዲ ዴዲዳይሳኔ ሃ አላሚያን ኡፋይሲኔ ዎሲ ባይና ዴዲዳይሳ አኪኪቴ። 13 ሺን ሂንቴ ካሴ ሃኪዲ ዴዲዳይሳቲ፣ ሃዲ ከሪስቶስ ዩሱሳን ዴዲዲ ከሪስቶሳ ሱላን ማታ ሺቂዴታ።

14 ከሪስቶሲ ኑ ሳርቴላ፤ ኢ አይሁዴኔ አይሁዴ ጊዴና አሳ ቲሚዲ፣ ናምዓ ሻኪ ዎሲዳ ሞርኩቴላ ጎዳ ላሊስ። 15 ኢ ባናን ሃ ናምዑ ዛሬታፕ ኢሲ አራሳ አሴ ሜዲዲ፣ ሂጊያ ኢያ ከታራኔ ዎጋታራ ኢሲፌ ባ አሳቴላን ዳይሲዲ ሳርቴላ ኢሚስ። 16 ከሪስቶሲ ማስቃሊያ ቦላ ሃይቂዲ ሞርኩቴላ ዳይሲስ፤ ቃሲ ናምዑ ዛሬታ ኢሲ አሳቴላ አሲዲ የሳራ ሲጌሲስ። 17 ከሪስቶሲ ዩዲ፣ የሳፌ ሃኪዲ ዴዲያ ሂንቴው፣ ቃሲ ማቲዲ ዴዲያ ኤንታው ሳርቴላ ዎንጌላ አዲስ። 18 ኑ ኡባይ ኢያ ባጋራ ኢሲ አያናን አዋ ሲንሴ ሺቃናው ዳንዳዎስ።

19 ሂዛፕ ሂንቴ አላጋ ዎይኮ ኢማሴ ጊዴኬታ፣ ሺን ሂንቴ ሃዲ ጌሻታ ቢታ አሲኔ የሳ ሶ አሲ። 20 ሂንቴ ሃዋሬቲኔ ናቤቲ ባሲዳ ባሱዋ ቦላ ከዪቲዴታ። ጎዳ ገጹዋ ሚንሲያ ሹቻይ ከሪስቶስ ዩሱሳ። 21 ኢያን ከላ ኡባይ ኢሲፌ አይኬቲዲ ጎዳን ጌሻ የሳ ከሲ ጊዳናው ዲጩስ። 22 ሂንቴ ቃሲ የሳይ ባ አያናን ዴዲያ ከሲ ጊዳናው ከሪስቶሳን ኢሲፌ ከዪቴታ።

**3**

**አይሁዴ ጊዴና አሳስ ሃዋሬ ጊዲዳ ጳውሎሳ**

1 ሄሳ ጊሾ፣ ታኒ፣ ጳውሎሲ፣ አይሁዴ ጊዴና ሂንቴ ጊሾ ከሪስቶስ ዩሱሳን ቃሾ አሲ ጊዳስ። 2 ታ ሂንቴና ማዳና ሜላ የሳይ ባ አዶ ከሃቴላን ታው ኢሚዳ ሃ አሱዋባ ሂንቴ ሎይሲ ሲዲ ዴታ። 3 ታ ሂንቴው ካሴ ቃንላን ገፊዳይሳዳ የሳይ ባ ፀራ ቆንጩሳን ታው ቆንጫሲስ። 4 ታ ገፊዳይሳ ሂንቴ ናባቢያ ዎዴ ከሪስቶሳ ፀራ ታ አይ ሜላ ኤሪዳኮ ሂንቴ አኪካናው ዳንዳዎታ። 5 ሃ ፀራይ ጌሻ ሃዋሬታሲኔ ናቤታስ ሃዲ አያና ባጋራ ቆንጫዳይሳዳ ቤኒ ዎዴ አሳስ ሄሳዳ ቆንጫሲቤና። 6 ፀራይ ሃይሳ፣ አይሁዴ ጊዴና አሳይ ዎንጌላ ባጋራ ኢስራዴሌታራ ኢሲፌ የሳ አንጃዋ ሳቶሶና፣ ኢስራዴሌታራ ኢሲ ከላ አሲ

ጊዴሶና፤ ከሪስቶስ ዩሱሳ ባጋራ የሳ ኡፋይሳ ቃላ ኤኮሶና።

7 የሳይ ባ አሲያ ዎልቃ ባጋራ ታው ኢሚዳ አዶ ከሃቴላን ሃ ዎንጌላስ አሳንቾ ጊዳስ። 8 ታኒ ጌሻታ ኡባሬ ላፋ ጊዲኮካ አይሁዴ ጊዴና አሳስ ዛዊ ባይና ከሪስቶሳ ዱሬቴላ ዎንጌላ አዳና ሜላ ሃ አዶ ከሃቴላይ ታው ኢሜቲስ። 9 ቃሲ ካሴ ዎዲያን ኡባ ሜዲዳ የሳን ቆሴቲዲ ዴዲያ ፀራስ፣ የሳ ቆፋይ አይቤኮ ቆንጫሳናው አዶ ከሃቴላይ ታው ኢሜቲስ። 10 የሳይ ሄሳ አሲዳይ ሃዲ ዎዲያን ዎሳ ከላ ባጋራ ሳሎ ሰሁዋን ዴዲያ ሃላቃታሲኔ ሃሬይሳታስ ባ ዱማ ዱማ ቆንጩሳ ኤሪሳናሳ። 11 የሳይ ባ ሜሪና ቆፋ ኑ ጎዳ ከሪስቶስ ዩሱሳ ባጋራ ፖላናው ሄሳ አሲስ። 12 ኑ አማኖን ያሺ ባይና የሳኮ ሺቃና ሜላ ከሪስቶሲ ኑስ ሚኖቴላኔ ላዓቴላ ኢሚስ።

13 ታኒ ሂንቴ ጊሾ ዋዩ ኤኪያ ጊሾ ሂንቴ ታ ዋያን ዩላቶናዳ ሂንቴና ዎሳይስ፤ ታኒ ሂንቴ ቦንቾዋስ ዋዩታይስ።

**ኤፌሶና አሳስ ዎሴቲዳ ዎሳ**

14 ታኒ አዋ ሲንላን ጉልባታዳ ዎሴይ ሄሳ ጊሾሳ። 15 ሳሎኒኔ ሳዓን ዴዲያ ኢሲ ኢሲ ሶ አሳይ ኢያን ሱንሴቴስ። 16 የሳይ ባ ቦንቾ ዱሬቴላፌ ሂንቴ ጋርሳ አሳቴላ ሚንሲያ ዎልቃ ባ አያና ባጋራ ኢማና ሜላ ሂንቴው ዎሳይስ። 17 ቃሲ አማኖን ከሪስቶሲ ሂንቴ ዎዛናን ዳና ሜላኔ ሂንቴ ሲቆን ጻጾ ዩዲዲ ሚኒዲ ዳና ሜላ ዎሳይስ። 18 ሄሳዳካ፣ ከሪስቶሳ ሲቆይ አይ ሜላ ዳልጌኮ፣ አዱሲኮ፣ ዶቁኮኔ ጨዋኮ ጌሻታ ኡባራ ኤሪያ ዎልቃ ሂንቴ አኪካና ሜላ ዎሳይስ። 19 ኤራቴላፌ አዲያ ከሪስቶሳ ሲቁዋ ሂንቴ ኤራና ሜላ ቃሲ ዴዎ ኢሚያ የሳ ዎልቃን ሂንቴ ኩማና ሜላ ታ ዎሳይስ።

20 ሂዛ፣ ኑ ጊዴን አሲያ ባ ዎልቃ ባጋራ ኑኒ ዎሴይሳፌ ዎይኮ ቆፕይሳፌ አሲዲ አሳናው ዳንዳዲያ የሳስ። 21 ዎሳ ከላኒኔ ከሪስቶስ ዩሱሳን ዎዴ ኡባን ሜሪናፕ ሜሪና ጋካናው ቦንቾይ ጊዴ። አሚንዲ።

**4**

**ከሪስቶሳራ ዴዲያ ኢሲፌቴላ**

1 ሂዛ፣ ጎዳ ጊሾ ቃሼቲዳ ታኒ፣ ሂንቴ ዪጌቲዳ ዪሳስ ቤሲያ ዴዎ ዳና ሜላ ሂንቴና ዎሳይስ። 2 ሂንቴ ኡባ ዎዴ አዳኔ ሃዩ ጊዲቴ፤ ኢሶይ ኢሱዋ ዳንዳዲቴኔ ሲቆን ዴዲቴ። 3 ሳርቴላን ቃሼቲዲ አያናይ ኢሚያ ኢሲፌቴላ ናጋናው ሚኒቴ። 4 የሳይ ሂንቴና ዪጊዳ ዎዴ ኢሲ ኡፋይሳስ ዪጊዳይሳዳ ኢሲ አሳቴላኔ ኢሲ አያኒ ዴዴስ። 5 ኢሲ ጎዳይ፣ ኢሲ አማኖይኔ ኢሲ ዪንቃቴይ ዴዴስ። 6 ኡባፌ ቦላ ጊዲዳ፣ ኡባ ባጋራ አሲያኔ ኡባ ጊዴን ዴዲያ ኢሲ የሳይ፣ ኡባ አዋይ ዴዴስ። 7 ሺን ከሪስቶሲ ኢማናው ኮዩዳይሳዳ ኑ ኢሶይ ኢሶይ ዱማ ዱማ ኢሞታ ኤኪዳ። 8 ሄሳ ጊሾ፣ የሳ ቃላይ፣ «ኢ ፑዴ ከዩዳ ዎዴ ዲዌቲዳ ዳርታ ባራ ኤኪዲ ቢስ፤ አሳስካ ኢሞታ ኢሚስ»

ያንስ። 9 ያቲን። «ፑዴ ኬዩስ» ጉሳይ ወይ ጉሴ? ኢ ኮይሮ ዱጌ። ሳዓ ዚቃ ቤሳ ወዲስ ጉሱ ጊዶና ኢጊኮ አይ ጉሴ? 10 ሃ ዱጌ ወዲዳይሲ። ኡባ ቤሳን ቤንታናው ኡባፌ ዲቃ ሳሉዋ ኬዩዳይሲ ኢያ።

11 ኢ ኢሶታ ኢሶታ ሃዋሬታ። ኢሶታ ኢሶታ ናቤታ። ኢሶታ ኢሶታ ወንጌላ ሳባኬታ። ኢሶታ ኢሶታ ወሳ ኬሲ ሄሜይሳታ። ኢሶታ ኢሶታ አስታማሬታ አሲዲ ኢሚስ። 12 ኢ ሄሳ አሲዳይ ኪሪስቶሳ አሳቴሲ ጊዲዳ ወሳ ኬሲ ዲቻናውኔ አማኒያ አሳ ያሳ አሶስ ጊጊሳናሳ። 13 ሄሳዳካ። ኑ ኡባይ ያሳ ናዓ ኡሪዲ አማኖን ቤንቲያ ኢሲፌቴሳኮ ጋኪዲ። ኪሪስቶሳ አያና ዴዑዋ ኩሚሳ ጋኪዲ ዲጫና ሚላሳ።

14 ሂዛፕ ጉዩ። አሳ ጌኔ ጨዋን ጊጊዳ ባሌሲያ ዎርዶ ቲሚርቴ ጫርኮኒኔ ሆቤን ጌዴኔ ሃ ኩሎ ካጊያ ናይታ ሜላ ጊዳናው ቤሴና። 15 ሺን ኑኒ ቱማ ሲቆን አዲሼ አሳቴሳስ ሁዔ ጊዲያ ኪሪስቶሳሪ ዴዲያ ኢሲፌቴሳ ጉጂ ጉጂ ዲቻስ። 16 ኩሚሳ አሳቴሳይ ኪሪስቶሳ ቦላ ዜዎፕስ ቃሲ ዱማ ዱማ አሳቴሳ ቢሊቴቲ ኢሶይ ኢሱዋራ አይኬቲዲ ኡቲስ። ኢሲ ኢሲ አሳቴሳ ኪፊሌይ ባ አሱዋ አሲያ ወዴ ኩሚሳ አሳቴሳይ ሲቆን ዲጫስ።

**ኪሪስቶሳን አራሳ ዴዎ**

17 ሄሳ ጊሾ። ታኒ ሃይሳ ሂንቱው ጎዳ ሱንሳን አዳይሲኔ ማርካታይስ። ጎዲ ባይና ቆፋ ቆፕያ አይሁዴ ጊዶና አሳታዳ ዴዎፕቴ። 18 ኤንታ ቆፋይ ዱሚስ፤ ባንታ ዎዛና ሙሚሲዶሶና። ኤንቲ ኡራቴሳ ዳዮኒኔ ኢግስ ጊዲ ያሳይ ኢሚያ ዴዑዋፕ ሃኪዶሶና። 19 ኤንቲ ዩላ ጊያባ ኡሮኮና፤ ኤንቲ ላይማቴሳስ ባንታና አሲ ኢሚዶሶና፤ ቃሲ ቴናባ ኡባ ጉዩ ጎና አሶሶና።

20 ሺን ሂንቲ ኪሪስቶሳ ኡሪዳይ ሄሳ ሜላ አጌን ጊዴና። 21 ኢያባ ቱማ ሲዲዴታ። ቃሲ ዩሱሳን ዴዲያ ቱማ ሚላ ኢያፕ ታማሪዴታ። 22 ሂንቲ ካሴ ዴዲያ ዴዎ አጊያ አጊቴ። ቃሲ ባ ጨሚያ አዋን ዳያ ሂንቲ ጩጋ አሳቴሳ ዲጊቴ። 23 ሂንቲ ዎዛና ቆፋን አራጊቴ። 24 ቱማ ጊሎቴሳኒኔ ጊሻቴሳን ያሳ ሌሚሶን ሜዴቲዳ አራሳ አሳቴሳ ማዲቴ።

25 ሂዛ። ዎርዶ አዴቶፊቴ። ኑኒ ኡባይ ኪሪስቶሳ አሳቴሳ ቢሊቴታ ጊዲያ ጊሾ አሳ ኡባራ ቱማ አዴቲቴ። 26 ሃንቁቲቴ። ሺን ሂንቲ ሃንቁዋን ናጋራ አሶፊቴ። ሂንቲ ሃንቁቲ ዴዲሺን አዊ ወሎፎ። 27 ዓላሄስ ቤሴ ኢሞፊቴ። 28 ካይሲያ ኡራይ ሂዛፕ ጉዩ ካይሶቶፖ። ሺን ማንቆታ ማዲያባይ ኢያው ዳና ሚላ ባ ኩሼን ሎዎባ አሶ።

29 ሂንቲ ዶናፕ ኢታ ቃሊ ኬዮፖ። ሺን ሲዴይሳታ ጎዳና ሚላኔ ሃራታ ሚንሌሲያ ኮሺያ ሎዎ ቃሊ ሂንቲ ዶናፕ ኬዮ። 30 ያሳይ ሂንቲና ዎዚያ ጋላሳስ ሂንቲና አታሚዲ ዎሲዳ ያሳ አያና አዛንሶፊቴ። 31 ጫሜቴሲ። ዩሎ። ሃንቆ። ዋሶ። ጫሼኔ ኢታ ኡባ ሂንቲፌ ሃሲቴ። 32 አሲዲ ኢሶይ ኢሱዋስ ኬሃኔ ቃዴቴይሳታ ጊዲቴ። ያሳይ ኪሪስቶሳ ባጋራ ሂንቲው አቶ ጊዳይሳዳ ሂንቲካ ዎሊስ አቶ ጊቴ።

**5**

1 ሂዛ። ያሳይ ዶሲያ ናይታዳ ኢያ ዳኒቴ። 2 ኪሪስቶሲ ኑና ዶሲዲ ባና ኑ ጊሾ ያሳስ ሳዊያ ኢሞኔ ያርሾ አሲዲ ኢሚዳይሳዳ ሂንቲካ ሲቆን ዴዲቴ።

3 ሺን ላይማቴሲ። ቱናቴሲኔ ኡዜቴሲ አማኒያ አሳስ ቤሶና ጊሾ ሂንቲ ጊዶን ኡባራካ ሲዴቶፎ። 4 ያሳ ጋላቲቴፕ አቲን ዩላያባይኔ ኤያ አዲ ዎይኮ ቂዴይ ሂንቲው ቤሶና ጊሾ ሂንቲ ጊዶን ኡባካ ዴዎፖ። 5 ሃይሳ ኡሪቴ፤ አኒካ ላይማቴይ ዎይኮ ቴናባ አሴይ ዎይኮ ኡዜቴይ ኪሪስቶሳ ካዎቴሳኔ ያሳ ካዎቴሳ ላታናው ዳንዳዴና። ኡዜቴሲ ኤቃ ጎይኖ ሜላ።

6 ሃይሳታ ጋሶን ያሳ ሃንቆይ ኪቴቶና አሳ ቦላ ያና ጊሾ አኒካ ሂንቲና ፓሶና አዳን ጨዋፎ። 7 ሄሳ ሜላ አሳራ ኢሲፌቴሲ አሶፊቴ። 8 ካሴ ሂንቲ ዱማን ዴዲዴታ። ሺን ሃዲ ጎዳ ባጋራ ፖዎን ዴዲታ። ሂዛ። ፖዎ አሳዳ ፖዎን ሲሜሬቴቴ። 9 ፖዎይ ሎዎቴሲ። ጊሎቴሲኔ ቱማቴሲ አይፊስ።

10 ጎዳ ኡፋይሲያባ አሳናው ኮዩቴ። 11 ጎዲ ባይና ዱማ አሶ ቆንጨሲቴፕ አቲን ኢያራ ኢሲፎፕቴ። 12 ኤንቲ ጌማን አሲያ አሱዋ ሃሪ አቶሺን አዳናውካ ዩላዩስ። 13 ሺን ኡባባይ ፖዎን ኬያ ዎዴ ቆንጨን ቤንቲስ። 14 ፖዎይ ኡባባ ቆንጨን ቤሴስ። ሄሳ ጊሾ።

«ኔኖ ዲስኬይሶ ባርካ፤ ሃይቆፕ ዴዳንዳ፤

ኪሪስቶሲ ኔ ቦላ ፖዳና» ያጌቲስ።

15 ሂዛ። ሂንቲ ዋኒዲ ዴዲያኮ አኬኪ ቤዲቴ። ጨንጫታ ጊዲቴፕ አቲን ኤያታ ጊዶፕቴ። 16 ላይሳይ ኢታ ጊዲያ ጊሾ ኢጊጂቲያ ዎዴ ኡባ ጎዴቲቴ። 17 ሄሳ ጊሾ። ጎዳ ሼኔይ አይቤኮ አኬኪቴፕ አቲን ኤዮፕቴ።

18 ጊሻ አያናን ጋላስ ጋላስ ኩሚቴፕ አቲን ዳዮኮ ሂንቲና ካሌሲያ ጊሾ ዎይኔ ኡሻን ማሶቶፊቴ። 19 ማዘሙሬን። ሳባኒኔ አያና ዩሳን። ኢሶይ ኢሱዋራ አዴቲቴ። ቃሲ ሂንቲ ዎዛናን ዛማሪሼኔ ሳቢሼ ጎዳ ጋላቲቴ። 20 ኑ ጎዳ ዩሱስ ኪሪስቶሳ ሱንሳን ኡባ ዎዴ ያሳ አዋ ኡባባስ ጋላቲቴ።

21 ኪሪስቶሳ ቦንቹዋስ ጊዲ ኢሶይ ኢሱዋስ ሃራቴቴ።

**አዚናባኔ ማቺባ**

22 ማቹቶ። ጎዳስ ሃራቴይሳዳ ሂንቲ አዚናታስ ሃራቴቴ። 23 ኪሪስቶሲ ዎሳ ኬሳስ ሁዔ ጊዴይሳዳ አዚኒካ ባ ማቹስ ሁዔ። ቃሲ ኪሪስቶሲ ባ አሳቴሲ ጊዲዳ ዎሳ ኬሳ አሺይሳ። 24 ሺን ዎሳ ኬሳይ ኪሪስቶሳስ ሃራቴይሳዳ ማቹቲ ባንታ አዚናታስ ኡባባን ሃራታናው ቤሴስ።

25 አዚናቶ። ኪሪስቶሲ ዎሳ ኬሳ ዶሲዲ ባና ኢው ኢሚዳይሳዳ ሂንቲካ ሂንቲ ማቹታ ዶሲቴ።

26 ኢ ዎሳ ኬሳ ባ ቃላ ባጋራ ሃሳን ሜጨዲ ጌሺስ። 27 ኪሪስቶሲ ዎሳ ኬሳ ቂቲ ዎይኮ ሶምፖ ቱሲ ዎይኮ ሄሳ ሚላባይ ባይና ኢ ኩሚሳ ቦንቹዋራ ጊሸኔ ቦሬቶናሮ አሲዲ ባኮ ሺሻናው ኮዩዲ ሄሳ አሲስ። 28 ሄሳዳካ። አዚናቲ ባንታና ዶሴይሳዳ ባንታ ማቹታ ዶሳናው ቤሴስ። ባ

4:16 ቆላ 2:19 4:22 ቆላ 3:9 4:24 ሜዴ 1:26፤ ቆላ 3:10 4:25 ዛካ 8:16 4:26 ማዘ 4:4 4:32 ቆላ 3:13 5:2 ኪሳ 29:18፤ ማዘ 40:6 5:16 ቆላ 4:5 5:19 ቆላ 3:16-17 5:22 ቆላ 3:18፤ 1ጴጊ 3:1 5:25 ቆላ 3:19፤ 1ጴጊ 3:7



ማቸው ደሴይሲ ባና ደሴስ።<sup>29</sup> ባና ኢጊያ አሲ አኒካ ባዋ፣ ሺን ኪሪስቶሲ ዎሳ ኬሳስ አሴይሳዳ ባ አሳቴሳ ሙዜሲኔ ናጌስ።<sup>30</sup> ኑኒ ኪሪስቶሳ አሳቴሳ ቢሊቴታ።

<sup>31</sup> ዎሳ ቃላይ፣ «ሄሳ ጊሾ፣ አሲ ባ አዋኔ ባ አደው አጊዲ፣ ባ ማቼራ ኢሲፌ ዳና፤ ኤንቲ ናምዓይካ ኢሲ አሾ ጊዳና» ያጌስ።<sup>32</sup> ሃይሲ ጊታ ፀራ፣ ሺን ታኒ ሄሳ ኪሪስቶሳባኔ ዎሳ ኬሳባ ሴሚሶ አሳዳ አዳይስ።<sup>33</sup> ጊዶሺን፣ ሂንቴ ኢሶይ ኢሶይ ሂንቴ ማቼታ ሂንቴ፣ ሂንቴና ደሴይሳዳ ደሴቴ። አሲ ኢሲ ማቻ ባ አዚና ቦንቻናው ቤሴስ።

6

**ናይታባኔ ዩሊዳይሳታባ**

<sup>1</sup> ናይቶ፣ ሂንቴ ጎዳባ ጊዲያ ጊሾ ሂንቴና ዩሊዳይሳታስ ኪቴቴ። ሄሲ ሂንቴው ቤሲያባ።

<sup>2</sup> «ኔ አደውኔ ኔ አዋ ቦንቻ።» ሄሲ ኡፋይሳ ቃሊ ዴዲያ ኮይሮ ኪታ።<sup>3</sup> «ኔ ሄሳ ፖሊያባ ጊዲኮ ኡባይ ኔው ኢንጄታና፤ ኔ ሳይሳይ ሳዓ ቦሳ አዱቃና።»

<sup>4</sup> አዋቶ፣ ሂንቴ ናይታ ጎዳ ቃላ ታማርሶኒኔ ኤንታ ካሌሶን ዲቺቴፔ አቲን ኤንታና ጫሚሶፒቴ።

**ጎዳታባኔ አይሌታባ**

<sup>5</sup> አይሌቶ፣ ኪሪስቶሳስ ኪቴቴይሳዳ ሂንቴ ሳዓ ጎዳታስ ያሻን፣ ቦንቻኒኔ ሱሬ ዎዛናን ኪቴቴ።

<sup>6</sup> ኤንታ ሲንሳን ሳባ ዴማናው ኤንቲ ቤዲያ ዎዴ ዓላላ አሶሬቴ። ሺን ኪሪስቶሳ አይሌታዳ ዎሳ ሽኒያ ዎዛናፔ ፖሊቴ።<sup>7</sup> አሳስ ጊዶናሺን ጎዳስ ጊዲ ሂንቴ ኩሜሳ ዎዛናፔ አሲቴ።<sup>8</sup> አይሌ ጊዲን ዎይኮ ጎዳ ጊዲን ኢሶይ ኢሶይ ባ አሲዳ ሎዎ አሱዋስ ጎዳፔ ዎይቶ ኤካናይሳ ኤሬታ።

<sup>9</sup> ጎዳቶ፣ አሳ ሶምዎ ቤዲዲ ማዶና ጎዳይ፣ ሳሉዋን ዴዲይሳ ኤሬታ። ሄሳ ጊሾ፣ ሂንቴ አይሌታ ማንዴይሳ አጊዲ ኤንቲ ሂንቴው ቦንቻን ኪቴቴይሳ ሜላ ሂንቴ ኤንታው ሎዎባ አሲቴ።

**ዎሳ አላ ሚሼታ**

<sup>10</sup> ወርሴሳን፣ ጎዳኒኔ ኢያ ጊታ ዎልቃን ሚኒቴ።<sup>11</sup> ዓላሄ ጨሙዋ ኤቄታናው ዳንዳዳና ሜላ ዎሳይ ሂንቴው ኢሚዳ አላ ሚሺያ ኡባ ማዲቴ።<sup>12</sup> ኑ አላይ አሳራ ጊዶናሺን ሳሎን ዴዲያ ቴና አያና አላንቸታራ፣ ማታ አዋታራ፣ ሃሬይሳታራኔ ሃ ዱማ አላሚያ ዎልቃታራ።

<sup>13</sup> ሄሳ ጊሾ፣ ኢታ ጋላሳ ቴቃናውኔ ኡባ ፖሊዲ፣ ሚኒዲ ኤቃናው ሂንቴ ዳንዳዳና ሜላ ዎሳ አላ ሚሼታ ኡባ ማዲቴ።<sup>14-15</sup> ቴማ ዩሳን ዳንጮዳ ዳንጪዲ፣ ዩሎቴሳ ፀሩሬዳ ቴራን ዎሲዲ፣ ሳሮቴሳ ዎንጌላ ሂንቴ ቶሁዋን ጫማዳ አሲዲ ሚኒዲ ኤቄቴ።<sup>16</sup> ሄ ኡባሬ አሲዲ፣ ዓላሄይ ዩዲያ ላጊያ ታማ ዶንጌ ኡባ ቶይሳናው ዳንዳዲያ አማኑዋ ኡባ ዎዴ ጎንዳሌዳ አይኪቴ።<sup>17</sup> ዎሳ አቶቴሳ ቢራታ ባርኔዳዳ ሂንቴ ሁዔን ዎሲቴ፤ ቃሲ ጌሻ አያና ማሻ፣ ኢካ ዎሳ ቃላ አይኪቴ።<sup>18</sup> ዎሳ አጎሬቴ፤ ሃራታስካ ጋናቲቴ፤ ኡባ ዎዴ አያናን ዎሲቴ። ሄሳን፣ ጌሻታስ ሳሌቶና ሚኒዲ ኡባ ዎዴ ዎሲቴ።

<sup>19</sup> ታኒ ዎንጌላ ፀራ ያሺ ባይና ቆንጫሳዳ አዳና ሜላ ዎሳይ ታው ቃላ ኢማና ሜላ ዎሲቴ።

<sup>20</sup> ታኒ ሄሳ አሳናው ኪቴታስ ሃዲካ ቃሾን ዴዲይ ሄ ዎንጌላ ጊሾሳ። ያኒያ ጊሾ፣ ታኒ ያሺ ባይና ቤሴይሳዳ አዳና ሜላ ታው ዎሲቴ።

**ወርሴሳ ሳሮሳ**

<sup>21</sup> ታኒ ዋና ዴዲያኮኔ አይ አሲያኮ ሂንቴ ኤራና ሜላ ኑ ሲቆ ኢሻይ፣ ጎዳ አሱዋን አማኔቲዳ አሳንቸይ፣ ቴኪቆሲ፣ ታባ ኡባ ሂንቴው አዳና።<sup>22</sup> ኑኒ ኡባይ ዋኒዲ ዴዲያኮ ሂንቴው አዳና ሜላኔ ሂንቴና ሚንጴሳና ሜላ ታኒ ኢያ ሂንቴኮ ኪታስ።

<sup>23</sup> ዎሳ አዋፔ፣ ጎዳ ዩሱስ ኪሪስቶሳፔ ሳሮቴሳይኔ ሲቆይ አማናራ ኢሲፌ አማኒያ ኡባስ ጊዶ።<sup>24</sup> ኢርዎና ሲቆን ኑ ጎዳ ዩሱስ ኪሪስቶሳ ሲቂያ ኡባራ ዎሳ አዶ ኬሃቴሳይ ጊዶ።

5:31 ሜዴ 2:24 6:1 ቆላ 3:20 6:2 ኬሳ 20:12፤ ዛሬ 5:16 6:4 ቆላ 3:21 6:5 ቆላ 3:22-25 6:9 ቆላ 4:1፤ ዛሬ 10:17፤ ቆላ 3:25 6:14-15 ኢሳ 11:5፤ ኢሳ 59:17፤ 52:7 6:17 ኢሳ 59:17 6:21 ሃ.አ 20:4፤ 2ጊዋ 4:12፤ ቆላ 4:7-8



25 ሄሳ ታኒ ጌሻዳ ኤራይስ፤ ታኒ፥ ሂንቴ አማኖን ዲጫናዳኔ ኡፋይታናዳ ሂንቴራ ፓፃ ዳና። 26 ሄሳ ጊሾ፥ ታኒ ሂንቴኮ ሲማዳ ያ ዎዴ ኪሪስቶስ ዩሱሳራ ሂንቴ ዴሲያ ዴዑዋን ታናን ዴሲያ ጩቁቴላይ ሂንቴው ዳራና።

27 ኡባፌ አሲዲ፥ ሂንቴ ኪሪስቶሳ ዎንጌላስ ቦንቾ ኤሂያ ዴያ ዴሲቴ። ታ ሂንቴና ቤሂን ዎይኮ ቤዎና ኢሂን ሂንቴ ኢሲ ቆፋን ሚኒዲ ኤቁዲ፥ ሃራቲ ዎንጌላን አማና ሜላ ኢሲ ዎዛናን ጊዲዲ ኢሲፌ ባዪቴይሳ ታ ሲፃና።

28 ሂንቴ ሞርኬታስ ያዮፊቴ። ኤንቲ ሂንቴራ ኤቁቲያባ ጊዲኮ ሄሲ ሂንቴው አቶቴሳስ፥ ኤንታው ዳዮስ ያሳፌ ጊዲዳ ማላ። 29 ኪሪስቶሳስ አሲያ ቃዳይ ሂንቴው ኢሜቲዳይ፥ ሂንቴ ኢያ አማና ሜላ ሃላላ ጊዶናሺን ሂንቴ ኢያ ጊሾ ሜቶ ኤካና ሜላሳ። 30 ሄሳ ጊሾ፥ ሂንቴ ታ ዋያ ካሴ ቤሂዴታ፤ ሃራካ ታ ዋዩቴይሳ ሲዔታ። ሂንቴካ ታ ዋያ ሜላ ዋዩቴታ።

2

ቱማ አሽኪቴላ

1 ኪሪስቶሳን ሂንቴ ዴሲያ ዴያይ ሂንቴና ሚንጴስ፤ ቃሲ ኢያ ሲቆይካ ሂንቴና ሚንጴስ። ጌሻ አያና ሂንቴው ኢሲፌቴላ ዴዔስ፤ ሂንቴ ሃራታስ ኬሄታኔ ቃዴቴታ። 2 ሂዛ፥ ሂንቴ ኢሲ ቆፋን፥ ሲቆን፥ ኢሲ ዎዛናን አያናን ኢሲኖ ጊዲዲ ታና ፖሎ ኡፋይሲቴ። 3 ሂንቴና ዶሶን ዎይኮ ጩቁቲያ ሃዳ አሞን ኢሲባካ አሶፊቴ። ሺን ሂንቴ ኢሶይ ኢሱዋፌ ጊታታይስ ያጊዲ ቆፖና ሂንቴና ካዉሺቴ። 4 ሂንቴ ኢሶይ ኢሶይ፥ ሃራ አሲ ማዲያባ ኮዩቴፕ አቲን ሂንቴና ማዲያባ ሃላላ ኮዩፒቴ።

5 ኪሪስቶስ ዩሱሳን ዴሲያ ቆፋይ ሂንቴናን ዳናው ቤሴስ።

6 ኢያው ኡባ ዎዴ ያሳ ሃኖቴላ ዴዔስ። ያኒያ ጊሾ፥ ኢያ ያሳራ ኢሲኖ አሲያ ሃኖታ፥ ዎልቃን ኤካናው ኮዩቤና።

7 ጊዶሺን፥ ኢ ባው ዴሲያ ቦንቾዋ ኡባ አጊዲ፥ አይሌ ሜዴታ ኤኪስ፤ አሴ ዳኒዲ ቆንጫስ።

8 ኢ ባና ካዉሺስ፤ ሃይቃና ጋካናው፥ ሃሪ አቶሺን ማስቃሊያ ቦላ ሃይቃናው ኪቴቲስ።

9 ሄሳ ጊሾ፥ ያሳይ ኢያ ዳሮ ዶቁ ዶቁ አሲስ፤ ቃሲ ሱንሳ ኡባፌካ አዲያ ዶቃ ሱንሳ ኢሚስ።

10 ሳሎንኔ ሳፃን፥ ሳፃፕ ጋርሳን ዴሲያ ኡባይ፥ ዩሱሳ ሱንሳ ቦንቾዋስ ጉልባታና።

11 አሳ ኡባይ ባንታ ኢንፃርሳን፥ ዩሱስ ኪሪስቶሳ ጎዳ ያጊዲ፥ ያሳ አዋ ቦንቾዋስ ማርካታና።

ሃ አላሚያስ ፖያ ጊዶ

12 ታ ኢሻቶ፥ ታኒ ሂንቴራ ዴሲያ ዎዴ ኡባን ሂንቴ ኪቴቲዳይሳዳ፥ ሃራ ታኒ ሂንቴ ማታፕ ሃኪንካ፥ ካሴይሳፌ አሲዲ፥ ኪቴታናው ቤሴስ።

ዎሳስ ያሻኒኔ ኮኮርሳን ሂንቴ አቶቴላ ፖላናው አሲቴ። 13 ያሳይ፥ ሂንቴ ኢያው ኤሮ ጊዲ ኪቴታና ሜላ ኡባ ዎዴ ሂንቴ ጊዶን አሴስ።

14 አይ አሶ አሲሸካ ዙዙሞና ዎይኮ ፓላሞና አሲቴ። 15 ጌላኔ ናጋራንቾ አሳ ጊዶን ቦሬቶናይሳታ፥ ጌሻታኔ ፖኮይ ባይና ያሳ ናይታ ጊዲቴ። ሂንቴ ኤንታ ጊዶን ሳሎ ያሊንቶዳ ፖራሺ፥ 16 ዴያ ኢሚያ ኪታ ኤንታው አዲቴ። ሄ ዎዴ ታ ዳቡሪሳይኔ ታ አሶይ ሜላ አቲቦና ጊሾ ኪሪስቶሲ ያ ጋላስ ታ ሂንቴናን ጩቁታና።

17 ሂንቴ ያሳስ ኢሚያ አማና ኢሞታ ቦላ ታ ሱሳይ ኡሻ ያርሾዳ \* ጉኪኮካ ታና ኡፋይሴስ። ሂንቴካ ታራ ኡፋይታና። 18 ሄሳዳ ሂንቴካ ኡፋይቲዲ ታናካ ኡፋይሳናው ቤሴስ።

ጊሞቲዮሳኔ ኤጳፊራዲቲሳ

19 ታኒ ሂንቴ ዴዑዋባ ሲፃዳ ኡፋይታናው ጊሞቲዮሳ ሂንቴኮ ኤሌሳዳ ዩዳና ሜላ ጎዳ ዩሱሲ ታና ማዳናይሳ አማኔታይስ። 20 ሂንቴ ዴዑዋስ ዎዛናፕ ቆፒያ ኢያ ሜላ አሲ ሃሪ አኒካ ባዋ። 21 ሃራቲ ባንታና ጎሲያባ ኮዮሶናፕ አቲን ዩሱስ ኪሪስቶሲ ኮያባ አሶኮና። 22 ኢ ታራ ኢሲፌ ጊዲዲ ናሚ ባ አዋስ አሴይሳዳ ዎንጌላ አሶ አሲዳይሳኔ አማኔቲያ አሲ ጊዴይሳ ሂንቴ ኤሬታ። 23 ሄሳ ጊሾ፥ ታባይ ሃኒያባ ቤፃዳ ኤሌሳዳ ኢያ ሂንቴኮ ዩዳና ጋዳ ቆፓይስ። 24 ታኒ፥ ታ ሁዔን ማታ ዎዴን ሂንቴኮ ባናይሳ ጎዳን አማኔታይስ።

25 ሄሳዳካ፥ ታኒ፥ ታ ኢሻ ኤጳፊራዲቲሳ፥ ታራ ኢሲፌ ታ ባጋ ጊዲዲ አሲዳይሳ፥ አሌቲዳይሳ፥ ታና ማዳናው ሂንቴው ኪቴቲዳይሳ፥ ሂንቴኮ ኪታናው ቆፓስ። 26 ኢ ሂንቴና ኡባ ቤፃናው ዳሮ ላሞቴስ። ቃሲ ኢ ሃርጌቲዳይሳ ሂንቴ ሲዒዳ ጊሾ ባ ዎዛናን ዳሮ ኡንዔቲስ። 27 ኢ ቱማ ሃርጌቲዲ ሃይቁ ኪቺዲ አቲስ። ሺን ያሳይ ኢያው ቃዴቴስ። ኢያ ሃላላስ ጊዶናሺን አዛኖይ አዛኖ ቦላ ጉጌቶናዳ፥ ታዉካ ቃዴቴስ።

28 ሂዛ፥ ሂንቴ ኢያ ዛሪ ቤሂዲ ኡፋይታናዳ ታዉካ ታ ዎዛና ሴላይ ኢርፃናዳ ታኒ ኢያ ኤሌሳዳ ሂንቴኮ ዩዳናው አሞታይስ። 29 ጎዳስ ሃጋዘያ አሳዳ ኢያ ኩሜላ ኡፋይሳን ሞኪቴ። ቃሲ ኢያ ሜላ አሳ ኡባካ ቦንቾቴ። 30 ሂንቴ ታ ማታን ጊዲዲ አሳናው ዳንዳያና ማዲያ ማዲዲ ኪሪስቶሳ አሱዋ ጊሾ ባ ሺምፑዋስ ሚሼቶና ኢሂዲ ሃይቁ ኪቺዲ አቲስ።

3

ቱማ ጊሎቴሳ

1 ዉርሴሳን፥ ታ ኢሻቶ፥ ሂንቴ ጎዳባ ጊዲያ ጊሾ ኡፋይቲቴ። ታኒ ካሴ ገፊዳይሳ ዛራዳ ገፋናይሲ ታና ዋይሴና፥ ሺን ሂንቴና ባላፕ ናጋና።

2 ኢታባ አሲያ ካናታፕ፥ ቃሲ ቃፃሬታናው ኮሽስ ጊያ ኢታ አሳታፕ ናጌቲቴ። 3 ኑኒ ያሳ ጌሻ አያናን ጎይኒያ ጊሾኔ ኑ ዴዑዋን ኪሪስቶስ ዩሱሳን ጩቁቲያ ጊሾ ቱማ ቃፃሮ ቃፃሬቲዳይሳታ። ኑኒ ካሬ አሳቴሳ ቦላ አሴቲያባን ጩቁቶኮ።

1:30 ሃ.አ 16:19-40 2:10 ኢ.ሳ 45:23 2:15 ዛሬ 32:5 \* 2:17 ታ ሱሳይ ኡሻ ያርሾዳ፥ ኢሲ ኢሲ ዎዴ ያርሾ ቤሳን ያርሾቲያ ሜሄ ያርሾዋ ቦላ ሃሴ ዎይኮ ዎይኔ ኡሻይ ጉኪስ።



4 ታ ካሬ አሳቴላን ጨቁታናው ኮሺኮ ታ ዳርባን ጨቁታናው ዳንዳዓይስ። አይ አሲካ ባ ካሬ አሳቴላን ጨቁቲያባይ ባው ዴዔስ ጊዲ ቆጥኮ፤ ታኒ ኢያፕ ዳር አዳዳ ጨቁቲያባይ ዴዔስ። 5 ታኒ ዩሌቲዳ ሳሚንታራ ቃፃሬታስ። ታኒ ዩሌታን ኢስራዔል፤ ታኒ ቢኒያሜ ዛሬ፤ ታኒ ዋላኪ ባይና አይሁዴ አሴ። አይሁዴ ሂጌ ናንን ጊዲኮ ታኒ ፋሪሳዌ። 6 አይሁዴ አማኑዋስ ሚሹቴላን ጊዲኮ ታኒ ዎሳ ኬላ ዩዴሳስ። ኢሲ አሲ ሂጌ ናጊዲ ያሊያባ ጊዲኮ፤ ታናን ቦሬይ ቤንቲቤና።

7 ሺን ካሴ ታና ማዴስ ጋዳ ቆጥዳባ ኡባ፤ ኪሪስቶሳ ጊሾ ጋዳ ማዶናባ አሳዳ ታይባስ። 8 ሄሳ ፃላላ ጊዶናሺን ታኒ ታ ጎዳ ኪሪስቶስ ዩሱሳ ኤሬይሲ ሃራባ ኡባሬ ዳር አዲያ ጊሾ ሄ ኡባ ዎዴይ ባይናባዳ ታይባስ። ታኒ ኢያ ጊሾ ኡባባ ዳያስ። ኪሪስቶሳ ዴማናው ኡባባ ዎራ ሆሌቲዳ ቡሬዳ ታይባይስ። ታኒ ዩሱሳራ ኢሲያ ጊዳስ። 9 ታኒ ሂጌስ ኪቴታዳ ዴሚያ ታ ሁዔ ጊሎቴላ ታው ባዋ፤ ኪሪስቶሳ አማኒን ቤንቲያ ጊሎቴላይ፤ ዎሳ ማታፕ ያ ጊሎቴላይ ሃዒ ታው ዴዔስ። 10 ታኒ ኪሪስቶሳኒ ኢያ ዴንዶ ዎልቃ ኤራናው ኮያይስ። ታኒ ኢያ ሜቱዋ ኢያራ ሻኬታናውኒ ኢያ ሃይቁዋን ኢያ ዳናናው አዋታይስ። 11 ሄሳዳካ፤ ሃይቁፕ ዴንዳዳ ሜሪናው ዴዎን ዳናይሳ ኡፋይሲ አሳይስ።

**ጋፃ ጋካናው ዎዒቲ**

12 ታኒ ሃዒ ጋፃ ጋካስ ዎይኮ ታናን ባሊ ባዋ ጊኬ። ሺን ኪሪስቶስ ዩሱሲ ታና አይኪዳ ጊሾ ታኒ ታ ሲንሳን ዴዒያ ዎይቱዋ አይካናው ዎፃይሲኒ ቡቴታይስ። 13 ታ ኢሻቶ፤ ታኒ ሄሳ ዴማስ ጋዳ ቆጥኬ፤ ሺን ታኒ ኢሲባ አሳይስ። ታፕ ጉዩራ ዴዔይሳ ዶጋዳ ሲንሳን ዴዔይሳ አይካናው ዛቱራይስ። 14 ሄሳ ጊሾ፤ ታኒ ጋፃ ጋካናው ዎፃይስ። ዎሳይ ኪሪስቶስ ዩሱሳ ባጋራ ሳሎ ዴዐ-ዋስ ያጊዳ ዎይቱዋ ኤካናው ዳቡራይስ።

15 ሂዛ፤ ኑኒ አያናን ጋሽቲዳ ኡባይ ሄሳ ቆጥናው ቤሴስ። ሂንቴሬ ባጋታስ ዱማቲያ ቆሬ ዴዒኮ፤ ሄሳካ ዎሳይ ሂንቴው ቆንጨሳና። 16 ጊዲኮካ፤ ኑኒ ሃኖ ጋካናው ዴዒዳ ዴዐ-ዋን፤ አኔ ሲንሴ ቦስ።

17 ታ ኢሻቶ፤ ታና ዳኒቴ፤ ሄሳዳካ፤ ኑ ሌሚሱዋ ካሊያ አሳታ አኬኪዲ ቤዒቴ። 18 ታኒ ሄሳ ሂንቴው ካሴ ዳር ቶሆ አዳስ፤ ሺን ሃዒካ ዛራዳ አፋሳን አዳይስ። ኪሪስቶሲ ማስቃሊያ ቦላ ሃይቁዳይሳስ ባንታና ሞርኬ አሲዳ ዳር አሳቲ ዴዎሶና። 19 ኤንታ ዉርሴላይ ዳዮ፤ ኤንታ ኡሎይ ኤንታው ዎሴ። ዩላታናው ቤሲያባን ኤንቲ ጨቁቶሶና፤ ቃሲ ሃ ሳዓባ ፃላላ ቆጥሶና። 20 ኑ ቢታይ ሳሎዋና፤ ሳሎፕ ዩዲ ኑና አሻናው ዴዒያ ጎዳ ዩሱስ ኪሪስቶሳ ናንስ። 21 ኪሪስቶሲ ኡባባ ባ ማታፕ ጋርሳን አሳናው ዳንዳዒያ ባ ዎልቃን ኑ ዳቡራንቾ አሳቴላ ሳሚዲ ባ ቦንቾ አሳቴላ ዳኒሳና።

1 ታ ኢሻቶ፤ ታ ዩሴይሳቶ፤ ታ ላሞቴይሳቶ፤ ታና ኡፋይሴይሳቶ፤ ታና ጊታይይሳቶ ሂዛ ጎዳን ሚኒዲ ኤቁቴ።

2 ኤዎዲኒ ሲንፃካ፤ ሂንቴ ናምዓይ፤ ኢሲ ቆፋን ሚቺዳ ጎዳን ዳናዳ ታኒ ሂንቴና ዞራይስ።

3 ታራ አሲያ አማንሴይሶ፤ ኔኒ ሃ ማጫሳታ ማዳና ሚላ ታ ኔና ዎሳይስ። ሃ ማጫሳቲ ታራ፤ ቁሌሚንዎሳራኔ ኤንታ ሱንሳይ ዎሳ ዴዎ ማፃፋን ፃሬቲዳ ሃራታራ ኢሲሬ ዎንጌላ ኡባ ቤሳ ጋላናው ዳቡራይሶና።

4 ጎዳራ ሂንቴ ዴዒያ ዴዐ-ዋን ኡባ ዎዴ ኡፋይቲቴ። ታኒ ሄሳ ጉጃዳካ አዳይስ፤ ኡፋይቲቴ።

5 አሳ ኡባይ ሂንቴ አሽኬቴላ ኤር፤ ጎዳይ ማታን ያና። 6 ዎሳ ሂንቴ ዎሲያ ዎዴ ኡባን ኢያ ጋላቲሼ፤ ሂንቴና ኮሺያባ ኡባስ ዎሲቴፕ አቲን አይቢባስካ ሂርጎሬቴ። 7 አሳ ኤራቴላ ኡባሬ አዲያ ዎሳ ሳርቴላይ፤ ሂንቴ ዎዛናኔ ሂንቴ ቆፋ ጎዳ ዩሱስ ኪሪስቶሳ ባጋራ ናጋና።

8 ዉርሴላን፤ ታ ኢሻቶ፤ ሂንቴ ዎዛናን ሎዎባኒ ጋላቲሲያባ ቆጥቴ። ቱማ ጊዲያባ ኡባ፤ ቦንቾባ ኡባ፤ ቆሆ ጊዶናባ ኡባ፤ ጌሻባ ኡባ፤ ሲቆባ ኡባ፤ ኡፋይሴይሳባ ኡባ ቆጥቴ። 9 ሂንቴ ታፕ ታማሪዳባ፤ ኤኪዳባ፤ ሲዒዳባኒ ቤዒዳባ ኡባ አሲቴ። ሳርቴላ ኢሚያ ዎሳይ ሂንቴራ ኢሲሬ ጊዳና።

**ጳዉሎሲ ኢሜቲዳ ኢሞታስ ጋላቲስ**

10 ዳር ዎዴፕ ጉዩ፤ ሂንቴ ታባ ዛሪዲ ቆጥናው ዶሚዳ ጊሾ ታኒ ጎዳን ዳር ኡፋይታይስ። ሄሳ ጉሳይ፤ ታው ቆጥናው ሂንቴው ኢንጄቶና ኢዲዳይሳሬ አቲን ታው ቆፋ አጊቤኬታ። 11 ታኒ ሄሳ ታና ሜቲዳ ጊሾ ጊኬ፤ ታው ዴዒያባይ ጊዳና ጉሱ ታማራስ። 12 ታኒ ሜቶቴቲዲ ዴዒያ ዱሲ ኤራይስ፤ ቃሲ ዱራቲዲ ዴዒያ ዱሲካ ኤራይስ። አዉን ጊዲን ቃሲ አይ ዎዴካ ታኒ ካሎኔ ኮሻ፤ ፓጩኔ ፓላሃ ታማራስ። 13 ኪሪስቶሲ ታው ኢሚያ ዎልቃን ኡባባ አሳናው ዳንዳዳይስ።

14 ጊዲኮካ፤ ሂንቴ ታ ሜቱዋ ታራ ኤኪዳይሳን ሎዎ አሲዴታ። 15 ፊልጲሲዩሳ አሳው፤ ዎንጌላ ኮይሮ አዳናው ታኒ ማቆዶኒያፕ ኬያ ዎዴ ኢሚያባንካ ኤኪያባንካ ሂንቴ ዎሳ ኬላሬ አቲን ሃሪ ታና ማዲቦናይሳ ሂንቴ ኤሬታ።

16 ቴሴሎንቆን ሜቶይ ጋኪዳ ዎዴካ ታና ዛሪ ዛሪዲ ማዲዴታ። 17 ታኒ፤ ሂንቴሬ ኢሞታ ኤካናው ኮያዳ ጊዶናሺን ኢሞፕ ያ አንጃዋ ሂንቴ ኤካና ሜላሳ።

18 ታኒ፤ ሂንቴ ኢሚዳ ኡባኒ ጊዲዲ ፓላሄይሳ ኤካስ። ሂንቴ ዩዲዳ ኡባ ኤጳሬራዲቲሳፕ ኤካስ፤ ኮሺያባ ኡባይ ታው ዴዔስ። ሂንቴ ታው ዩዲዳ ኢሞይ ዎሳስ ሳዎ ቶንጉ ጊያ፤ ኢ ዶሲያ፤ ኢ ኡፋይቲያ ያርሾ ሜላ። 19 ታ ዎሳይ ባ ቦንቾ ዱራቴላሬ፤ ኪሪስቶስ ዩሱሳ ባጋራ ሂንቴው ኮሺያባ ኡባ ኢማና። 20 ኑ አዋ ዎሳስ ሜሪናፕ ሜሪና ጋካናው ቦንቾይ ጊዶ። አሚንዒ።

**ዉርሴላ ሳርታ**

21 ኪሪስቶስ ዩሱሳ ባጋራ ዎሳባ ጊዲዳ ኡባ ሳር ጊቴ። ታራ ዴዒያ ኢሻቲ ሂንቴና ሳር ጎሶና።

**ዉርሴላ ዞሬ**

3:5 ሃ.አ 23:6፤ 26:5፤ ሮሜ 11:1 3:6 ሃ.አ 8:3፤ 22:4፤ 26:9-11 3:17 1ቆሮ 4:16፤ 11:1 4:15 2ቆሮ 11:9 4:16 ሃ.አ 17:1 4:18 ኬሳ 29:18

<sup>22</sup> ያሳባ ጊዲዳ አሳ ኡባይ፥ ኡባፌ አሲዲ ካዉዋ ቁሳሬ ኬሳን ደዌይሳቲ ሂንቴና ሳሮ ጎሶና።

<sup>23</sup> ጎዳ ዩሱስ ኪሪስቶሳ አዶ ኬሃቴሳይ ሂንቴራ ጊዶ።





29 ያሳይ ባ ጊታ ዎልቃን ታናን አሲያ ጊሾ ሃዲ ታካናው ኢያ ዎልቃን ባዪታይሲኔ ዳቡራይስ።

2

1 ታ ሂንቴወኔ ሎዶቂያ ካታማን ዴዲያ አሳስ፤ ሄሳዳካ ታና አይፊን ቤዲቦና አሳ ኡባስ አይ ሜላ ባዪታይሾ ሂንቴ ኤራና ሜላ ኮያይስ። 2 ታ ባዪታይ ጋሶይካ ኤንቲ ባንታ ዎዛናን ሚኒዲ፤ ሲቆን ቃሼቲዲ፤ ፖሎ ጊዲዳ ኩሜላ አኬካ ዱራቴላ ዴሚዲ ያሳ ፀራ ኪሪስቶሳ ኤራና ሜላሳ። 3 ኢያን ያሳይ ሚንጂዳ ኤራይኔ ጨንጫቴላ ኡባይ ዴዲስ።

4 ታ ሄሳ አኒካ ሂንቴና ጨዎ ቃላን ባሌሶና ሜላ ኮያዳ ጋይስ። 5 ታ ሂንቴፊ ሃካዳ ዴዲኮካ አያናን ሂንቴራ ዴዳይስ። ሂንቴ ዱሳ ማራኔ ኪሪስቶሳ ሂንቴ ሚኒዲ አማኔይሳ ቤዳዳ ኡፋይታይስ።

ኪሪስቶሳን ዴዲያ ኩሜላ ዴዳ

6 ሂንቴ ጎዳ ኪሪስቶስ ዩሱሳ ኤኪዳይሳዳ ኢያን ዴዲቴ። 7 ኢያን ዓጾ ዩዲቴ፤ ኢያን ኬዪቲቴ። ሂንቴ ታማሪዳይሳዳ አማናን ሚኒቴ፤ ያሳስ ኩሚዲ ፓላሂዳ ጋላታ ኢሚቴ።

8 ኪሪስቶሳፕ ጊዶናሺን አሳ ዎጋኔ ሃ አላሚያ ሮ ዎጋን ካቲዳ ቲሚርቲያኒኔ አሳፕ ዩዳ ኤራቴላን አኒካ ሂንቴና ጨሚ ባሌሲዲ ዲያና ሜላ ናፕቲቴ። 9 ያሳ ያሳቴላይ ኪሪስቶሳ አሳቴላን ኩሜሲ ዴዲስ። 10 ሂንቴካ ማታሲኔ ዎልቃ ኡባስ ሁዔ ጊዲያ ኪሪስቶሳን ኩሚዴታ።

11 ሂንቴ ኪሪስቶሳ አማኒዲ ቃፃሬቲዴታ። ሄሲካ አሳ ኩሼን ጊዶናሺን ሂንቴና ኢታ ሃኖቴላፊ ዲጊያ ኪሪስቶሳን አሴቲዳ ቃፃሬቲላ።

12 ሂንቴ ማግቂቲዳ ዎዴ ኪሪስቶሳራ ኢሲፊ ሞጌቲዲ፤ ኪሪስቶሳ ሃይቆፕ ዴንሲዳ ያሳ ዎልቃ አማኒዲ፤ ኪሪስቶሳራ ኢሲፊ ዴንዲዴታ።

13 ሂንቴ፤ ሂንቴ ናጋራ ጊሾኔ ሂንቴ ጩጋ አሳቴላ ቃፃሬቶና ጊሾ ሃይቂዲ ዴዲሺን፤ ያሳይ ሂንቴ ናጋራ አቶ ጊስ። ኪሪስቶሳራ ሂንቴው ዴዎ ኢሚስ። 14 ኢ ኑና ሞቲያኔ ኑራ ኤቂቲያ፤ ኑ ባላ ጎፊቴዳ አጩዎ ዳኪዲ ማስቃሊያ ባላ ጂሺዲ አጌጌ ዲጊስ። 15 ኪሪስቶሲ ዎልቃታኔ ማታታ ማስቃሊያን ያኒዲ፤ ኤንታ አላ ዳንጩዎ ቢሲሲዲ፤ ዲዔቲዳ አሳዳ አሲዲ ኤንታ ቆንጩን ዩሺዲ ቤሲስ።

16 ሄሳ ጊሾ፤ ሚያባን ዎይኮ ኡያባን፤ ባሌ ጋላስ ዎይኮ አጌኒ ዪሪያ ቃማ ቦንቾን አኒካ ሂንቴ ባላ ፐርዶፎ። 17 ሃይሳቲ ሲንሳፊ ያናው ዴዲያባታስ ኤሾ፤ ሺን ቱማይ ኪሪስቶሳ። 18 ቆዴፕ ቆሞ አሽኬቴላኒኔ ኪታንቾ ጎይኖን ጩቁቲያ አኒካ ሂንቴና ሂንቴ ዎይቱዎፕ አሾፎ። ሄሳ ሜላ አሲ ባ ቤዲዳ ቆንጩላን ናሽቲሼ ባ አሾ ቆፋን ሮ አቶርቴስ። 19 ሄሳ ሜላ አሳስ ሁዔ ጊዲዳ ኪሪስቶሳራ ጋሄቴላ ባዎ። ኢ አሳቴላ ኡባ ሻያኒኔ ኬሶን ኬሶን ጋላ አይሲዲ ሙዚዲ ዲቼስ። ያሳይ ሄሳ ሜላ አጌን አሳቴላ ኡባስ ዲቼ ኢሚስ።

አራሳ ዴዎ

20 ሂንቴ ኪሪስቶሳራ ሃይቂዲ ሃ አላሚያ ሃሪያ አያናታ ዎልቃፊ ላዓ ኬዩዴታ። ያቲን፤ አይስ ሻኬቶና አሳዳ ጊዲዲ ሃ ዎጋታስ ሃራቴቲ? 21 ሃ ዎጋቲ፤ «አይኮፋ፤ ላጮፋ፤ ቦቾፋ» ጌቴይሳታ። 22 ሃ ኡባይ አሳ ዎጋኔ ቲሚርቲቴ ጊዲያ ጊሾ አሶ ባላ ፕዲዳፕ ጉዬ ዳያና። 23 ሃ ኪታቲ ቦንቾኔ ጨንጫቴሲ ዳኒዲ ቤንታናው ዳንዳዎሶና። ሃ ዎጋቲ ያሴ ዳሮ ዴሲሲያባ፤ አሽኬኔ ሂንቴ አሳቴላ ሃሪሲያባ ዳኖሶና፤ ሺን ኑ ኢታ አሞቴላ ባላ ዎልቂ ኤንታው ባዎ።

3

አራሳ ዴዎ

1 ሂዛ፤ ሂንቴ ኪሪስቶሳራ ሃይቆፕ ዴንዲዳይሳዳ፤ ያሳፊ ኡሻቻ ባጋን ኡቲዳ ኪሪስቶሲ ዴዲያ ቤሳን፤ ሳሎን ዴዲያባታ ኮዩቴ። 2 ሳሎን ዴዲይሳታ ባላ ሂንቴ ቆፋ ዎሲቴፕ አቲን ሳዓን ዴዲያባታ ባላ ዎሶፊቴ። 3 ሂንቴ ሃይቆን ሻኬቲዳ ሜላ ሃ አላሚያፕ ሻኬቲዴታ። ሂንቴ ዴዎይ ኪሪስቶሳራ ኢሲፊ ያሳን ጊሚስ። 4 ሂንቴው ዴዎ ጊዲዳ ኪሪስቶሲ ቆንጩያ ዎዴ ሄ ዎዴ ሂንቴካ ኢያራ ቦንቾን ቆንጫና።

5 ሄሳ ጊሾ፤ ሂንቴናን ዴዲያ አላሚ አሞታ ዎዲቴ። ሄሳቲካ ላይማቴላ፤ ቴናቴላ፤ ላይማታናው አሞቴላ፤ ኤቃ ጎይኖ ሜላ ጊዲዳ ኡዜቴላ። 6 ሃይሳታ ጋሶን ያሳ ሃንቆይ ኪቴቶና አሳ ባላ ያና። 7 ሂንቴካ ካሴ ሄ ኢታ አጊያን ቢያ አሳ ጊዶን ዴዲሼ ሃይሳታ አሲዴታ።

8 ሃዲ ሂንቴ ሄሳታ አሶፊቴ። ቃሲ ሃንቆ፤ ኢያ፤ ካቺ፤ ዘጊርሲኔ ቦርሶ አዳ ሂንቴፊ ዲጊት። 9 ጩጋ አሳቴላ ኢያ አሱዋራ ሂንቴፊ ቃሪዳ ጊሾ ኢሶይ ኢሱዋስ ዎርዶቶፐቴ። 10 ያሳ ሜዶ ዳኒያ፤ ኤራቴላን ላሜቲዳ አራሳ አሳቴላ ማዲቴ። 11 ሃ አራሳ ሜዴቴላን፤ ጊሪኬ አሲ ዎይኮ አይሁዴ አሲ፤ ቃፃሬቲዳይ ዎይኮ ቃፃሬቶናይ፤ ባርባሬ አሲ \* ዎይኮ ኢስኩቴ አሲ † አይሌይ ዎይኮ ዎማኖይ ባዎ። ኪሪስቶሲ ኡባ፤ ኢ ኡባን ዴዲስ።

12 ሄሳ ጊሾ፤ ያሳን ዶሬቲዳ አሳዳ ጌሻታኔ ዶሴቲዳይሳታ ጊዲዲ፤ ማርቴላ፤ ኬሃቴላ፤ አሽኬቴላኔ ዳንዳዎ ማዲቴ። 13 ኢሶይ ኢሱዋ ዳንዳዲቴ። አኒካ ባ ላጊያን ቆሄቲዳባይ ዴዲኮ ኢያው አቶ ጎ። ጎዳይ ሂንቴው አቶ ጊዳይሳዳ ሂንቴካ ዎሊስ አቶ ጊቴ። 14 ሄ ኡባ ባላ ኡባባ ኢሲፊ ሺሺዲ ቃቺያ ሲቆ ማዲቴ። 15 ያሳይ ሂንቴና ኢሲ አሲ አሲ ዳይዲ ዪጊዳይ፤ ሳርቴላስ ጊዲያ ጊሾ ኪሪስቶሳ ሳርቴላይ ሂንቴ ዎዛና ሃሮ።

16 ኪሪስቶሳ ቃላይ ሂንቴ ዎዛናን ኩሚዲ ዴዎ። ጨንጫቴላ ኡባን ኢሶይ ኢሱዋ ታማርሲቴኔ ዞሪቴ። ማዝሙራን፤ ሳባኒኔ አያና ዩሳን ያሳ ዎዛናፕ ጋላቲሼ ዩዲቴ። 17 ያሳ አዎ ዩሱሳ ባጋራ ጋላቲሼ ሂንቴ አዴቲያባ ዎይኮ አሲያባ ኡባ ጎዳ ዩሱሳ ሱንሳን አሲቴ።

አማኒያ አሳ ዱሳ

2:12 ሮሜ 6:4 2:13 ኤፌ 2:1-5 2:14 ኤፌ 2:15 2:16 ሮሜ 14:1-6 2:19 ኤፌ 4:16 3:1 ማዝ 110:1 3:9 ኤፌ 4:22 3:10 ሜዴ 1:26፤ ኤፌ 4:24 \* 3:11 ባርባሬ አሲ፡ ጉሳይ ታማሪቦና ዎይኮ ኤሮና ዎይኮ ዩሌቲዳ ሜላ ሲዲ ጊዲ ዴዲያ አሲ ጉሱ። † 3:11 ኢስኩቴ አሲ፡ ጉሳይ ዎዛና ሚኖ አሲ ዎይኮ ዎዛና ኢታ አሲ ጉሱ። 3:12 ኤፌ 4:2 3:13 ኤፌ 4:32 3:16 ኤፌ 5:19-20

18 ማቼቶ፡ አማኒያ አሳስ ቤሲያባ ጊዲያ ጊሾ ሂንቴ አዘናታስ ሃሬቲቴ።

19 አዘናቶ፡ ሂንቴ ማቼታ ሲቂቴ፤ ኤንታው ኢቶፒቴ።

20 ናይቶ፡ ሂንቴና ዩሊዳይሳታስ ኡባባን ኪቴቲቴ፤ ሄሲ ጎዳ ኡፋይሲያባ።

21 አዋቶ፡ ሂንቴ ናይቲ ኡፋይሲ ቃንዖና ሜላ ኤንታ ጫሜሶፊቴ።

22 አይሌቶ፡ ሳዓን ሂንቴው ጎዳ ጊዲዳይሳታስ ኡባባን ኪቴቲቴ። ጎዳ ቦንቺሼ ሱሬ ዎዛናፕ ኪቴቲዲ ኤንታ ኡፋይሲቴፕ አቲን አሲ ቤቦ ጊዲ አሶፊቴ።

23 ሂንቴ አሲያ አሶ ኡባ አሳስ ጊዲናሺን ጎዳስ አሲያ ሜላ ዎዛናፕ አሲቴ።

24 ጎዳፕ ላታ ዎይቶ አሲዲ ሂንቴ ኤኬይሳ ኤሪቴ፤ ሂንቴ ጎዳ ኪሪስቶሳ ሃጋዜታ።

25 ዎሳይ አሳ ሶምዖ ቤዲዲ ፒርዶና ጊሾ አኒካ ኢታ አሶ አሲኮ ባ ኢታ አሱዋ ጊሾ ዛሮ ኤካና።

14 ኑ ሲቆ ኢሻይ ዶቶሬይ ሉቃሲኔ ዴማሲ፡ ሂንቴና ሳሮ ሳሮ ያጎሶና።

15 ሎዶቂያን ዴዲያ ኑ ኢሻታስ፡ ኒምፋሲኔ ኢ ኬሳን ሺቂያ አሳስ ኑ ሳሮሱዋ አዲቴ።

16 ሃ ዳብዳቢያ ሂንቴ ናባቢዳፕ ጉዩ፡ ሎዶቂያ ዎሳ ኬሳን ናባቢሲቴ። ሂንቴካ ሎዶቂያ ዎሳ ኬሳይ ሂንቴው ዩዲያ ዳብዳቢያ ናባቢቴ።

17 ቃሲ አርኪጳሳ፡ «ጎዳይ ኔው ኢሚዳ አሱዋ ፖላናይሳ ዶጎፓ» ያጊዲ ቆፊሲቴ።

18 ታኒ፡ ጳጳሎሲ፡ ሃ ሳሮሱዋ ታ ኩሼን ግፋስ፡ ታ ቃሹዋ ቆፒቴ።

ዎሳ አዶ ኬሃቴሳይ ሂንቴራ ጊዶ።

4

1 ጎዳቶ፡ ሂንቴወካ ቃሲ ሳሎን ጎዳይ ዴዲያሳ ኤሪዲ፡ ሂንቴ አይሌታስ ሂሎቴሳኒኔ ኢሱዋ ኢሱዋፊ ሻኮና ኮሺያባ አሲቴ።

2 ዎሳ ባርኪዲ ጋላቲሼ ቃንዖና ዎሲቴ።

3 ዎሳይ ባ ቃላስ ፔንጌ ዶያና ሜላኔ ታኒ ሄሳ ጋሶን ቃሾን ዴዲያ ኪሪስቶሳ ፀራ አዋጃና ሜላ ኑስካ ዎሲቴ።

4 ቃሲ ታካ ቤሴይሳዳ ቃላ ቆንጨሳዳ አዳና ሜላ ታው ዎሳ ዎሲቴ።

5 ኢንጄቲያ ዎዴ ኡባ ጎጫቲሼ አማኖና አሳ ማታን ጨንጫቴሳን ዴዲቴ።

6 ሂንቴ አሳ ኡባስ ኮሺያ ዛሮ ኢዋ ኤራና ሜላ ሂንቴ አዳይ ኡባ ዎዴ አዶ ኬሃቴሳን ኩሚዳይሳኔ ማዲኔዳ ማልዲያባ ጊዳናው ቤሴስ።

ወርሴሳ ሳሮታ

7 ኑ ሲቆ ኢሻይ ቲኪቆሲ፡ ታራ ኢሲፊ ጎዳ አሱዋን አይሌ ጊዲዳ፡ አማኔቲያ አሳንቾይ፡ ታ ዴዎባ ሂንቴው አዳና።

8 ታኒ ኢያ ሂንቴኮ ኪቴዳይ፡ ኑ ዋኒዲ ዴዲያኮ ሂንቴው አዲዲ ሂንቴና ሚንሴሳና ሜላሳ።

9 አናስሞሲ፡ አማኔቲያ ሲቆ ኢሻይ፡ ሂንቴ ባጋይ፡ ኢያራ ሂንቴኮ ቤስ። ኤንቲ ሃይሳን ሃኒያባ ኡባ ሂንቴው አዳና።

10 ታራ ቃሼቲዳ አሪስጊሮኮሲኔ ባርናባሳ ኢሻ ናዳይ ማርቆሲ፡ ሂንቴና ሳሮ ያጎሶና። ታ ሂንቴው ካሴ አዲዳይሳዳ ማርቆሲ ሂንቴኮ ቢኮ ኢያ ሞኪቴ።

11 ዩሱሳ ጊያ ያስዎሲ ሂንቴና ሳሮ ሳሮ ያጌስ። ዎሳ ካዎቴሳ ጊሾ ታራ አሲያ አሳታ ጊዶፊ አይሁዴ ጊዲዳይሳቲ ሃ ሄቫታ፤ ኤንቲ ታና ዳሮ ሚንሴሲዶሶና።

12 ሂንቴ ባጋይ፡ ኪሪስቶስ ዩሱሳ አይሌይ፡ ኤጳፊሪ ሂንቴና ሳሮ ሳሮ ያጌስ። ኢ ሂንቴ ዎሳ ሲንሳን ሚኒዲ ኤቃናዳኔ ዎሳ ሺኒያ ኤሪዲ ፖላና ሜላ ኡባ ዎዴ ዎሳ ሂንቴ ጊሾ ዎሴስ።

13 ኢ ሂንቴ ጊሾኔ ሎዶቂያኒኔ ሂራፖሊሳ ካታማን ዴዲያ አሳ ጊሾ ዳሮ ዳቡሪዳይሳ ታ ማርካታይስ።

3:18 ኤፌ 5:22፤ 1ጴጊ 3:1 3:19 ኤፌ 5:25፤ 1ጴጊ 3:7 3:20 ኤፌ 6:1 3:21 ኤፌ 6:4 3:22 ኤፌ 6:5-8 3:25 ኤፌ 6:5-8 4:1 ኤፌ 6:9 4:5 ኤፌ 5:16 4:7 ሃ.አ 20:4፤ 2ጊሞ 4:12 4:7 ኤፌ 6:21-22 4:9 ፊልሞ 10-12 4:10 ሃ.አ 19:29፤ 27:2፤ ፊልሞ 24፤ ሃ.አ 12:12፤ 25፤ 13:13፤ 15:37-39 4:12 ቆላ 1:7፤ ፊልሞ 23 4:14 2ጊሞ 4:10-11፤ ፊልሞ 24 4:17 ፊልሞ 2

### ጳውሎስ ቴሴሎንቄ አሳስ ገፊዳ ኮይር ኪታ ጋሳ ቆፋ

ቴሴሎንቄይ፥ ሮሜ ቢታን ዴዲያ ማቄዶኒያ አውራጃስ ዋና ካታማ፥ ጳውሎስ ፊልጲሲዮሳ ዩዲዲ ቢዳፕ ጉዩ ቴሴሎንቄን ዎሳ ኬሳ ኤስስ። ጊዶሺን፥ አይሁዴታ አማኑዋ ኤካናው ጊጌቲዲ ኡቲዳ አይሁዴ ጊዶና አሳይ፥ ጳውሎስ ታማርሲያ፥ ኪሪስቲና አማኖ ቲሚርቲያን ያኔቲዳ ጊሾ አይሁዴቲ ቃናቲዲ፥ ጳውሎስ ቲሚርቲያ ጳልቂዶሶና፥ ሄሳ ጊሾ፥ ጳውሎስ ጋምዮናሺን ቴሴሎንቄ ዩዲዲ፥ ቤሪያ ቢስ (1፡9-10)። ጉዩፕ ኢ ቴሴሎንቄ ጋኪዳ ዎዴ ኢያ ማዲያ ጊሞቲዮሲ ቴሴሎንቄ ዎሳ ኬሳን ዴዲያ ሃኖታ ኢያው ጊሾዲ አዲስ።

ጳውሎስ ኮይር ኪታ ቴሴሎንቄ አሳስ ገፊዳይ፥ አማኒያ አሳ ዞራናሳኔ ሚንጮሳናሳ፥ ኢ ኤንታ አማኑዋኔ ኤንታ ሲቁዋ ሎዎ ማርካቲሳ ሲዲዳ ዎዴ ዎሳ ጋላቲስ። ካሴ ኢ ኤንታ ጊዶን ዴዲዳ ዎዴ አይ ሜላ ዱሱ ዴዲዳኮ ኤንታ ሃሳይሴስ። ሄሳፊ ኪሪስቲሳ ናምዓንሶ ዩሳባ አይሾቲዳ አይሻስ ዛሮ ኢሜስ። ሄ አይሻታፕ ጉሳቲ፥ «ኪሪስቲሲ ናምዓንሶ ያናፕ ሲንጮ ሃይቂዳ አማኒያ አሲ ኪሪስቲሳ ዩሳይ ኢሚያ ሜሪና ዴዎ ኤካናው ዳንዳዲ? ኪሪስቲሲ ናምዓንሶ ያናይ አወዴ?» ጌቲቴይሳታ። ጳውሎስ ሄ ኢፕሯ ዎዲያ ጎጌቲዲ፥ «ኪሪስቲሳ ናምዓንሶ ዩሳ ኡፋይሳን ናጊሼ ኢ ያና ጋካናው ዎፕ ጊዲ ሂንቲ አሶ አሲቴ» ያጊዲ ዞሬስ።

- 1 ቴሴሎንቄ ኪታ አይፊ ቆፋታ
- ጌሎ ቆፋ 1:1
- ጳውሎስ ኡፋይሳኔ ጋላታ 1:2-3:13
- አማኒያ አሳ ዴዎ ካሴሱዋ 4:1-12
- ኪሪስቲሳ ናምዓንሶ ዩሳባ 4:13-5:11
- ዉርሴሳ ዞሬ 5:12-22
- ኩሻ ቆፋ 5:23-28

1 ጳውሎስ ሲላሴይኔ ጊሞቲዮሲ ቴሴሎንቄ ዎሳ ኬሳን ዴዲያ፥ ዎሳ አዋባኔ ጎዳ ዩሱስ ኪሪስቲሳባ ጊዲዳ አሳስ ገፊዳ ኪታ። አዶ ኬሃቴሳይኔ ሳሮይ ሂንቲው ጊዶ።

ቴሴሎንቄ አሳ ዴዎታኔ አማኑዋ

2 ኑኒ ዎሳ ዎሲያ ዎዴ ኡባን ሂንቲና ቆፕሼ ሂንቲ ጊሾ ኡባ ዎዴ ዎሳ ጋላቲስ። 3 ዎሳ ኑ አዋ ሲንሳን አማኖን ሂንቲ አሲዳ አሱዋ፥ ሲቆን ሂንቲ ዳቡሪዳ ዳቡራኔ ዩሱስ ኪሪስቲሳን ዴዲያ ኡፋይሳ ኤካናው ሂንቲ ሚኒዲ ኤቂዳ ኤቁዋ ኡባ ዎዴ ቆፖስ።

4 ኑ ኢሻቶ፥ ዎሳይ ሂንቲና ዶሴይሳኔ ባ አሴ አሲዲ ሂንቲና ዶሪዳይሳ ኤሮስ። 5 አይስ ጊኮ፥ ኑኒ ዎንጌላ ዶና ገላሳን ጊዶናሺን ዎልቃን፥ ጊሻ አያናኒኔ ዎንጌላ ቱማ አማኖን ሂንቲው ኤሂዳ። ኑኒ ሂንቲሬ ጋምዲዳ ዎዴ ኡባን ሂንቲ ጊሾ ዋኒዲ ዴዲዳኮ ሂንቲ ኤሬታ። 6 ሂንቲ ዳሮ ሜቶ ኤኪኮካ ጊሻ አያናይ ኢሚያ ኡፋይሳን ኪታ ኤኪዴታ፤ ኑናኔ ጎዳ ዳኒዴታ። 7 ሄሳ ጊሾ፥

ማቄዶኒያኔ አካያ ቢታን ዴዲያ አማኒያ ኡባስ ሌሚሶ ጊዲዴታ። 8 ጎዳ ቃላይ ሂንቲሬ ኬዩዲ፥ ማቄዶኒያኒኔ አካያ ገላሳን ጊዶናሺን ዎሳ ሂንቲ አማኒይሲ ኡባሶን ሲዴቲስ። ሂዛ፥ ኑኒ ጋናባይ አይኮይካ ባዋ። 9 ኑኒ ሂንቲኮ ቢዳ ዎዴ ሂንቲ ኑና ሞኪዳ ሞኩዋኔ ሂንቲ፥ ሂንቲ ኤቃ አጊዲ ቱማኔ ዴዎ ዎሳ ሃጋዛናው ሂንቲ ሲሚዳይሳ ኤንቲ ባንታ ሁዴን አዶሶና። 10 ቃሲ ዎሳ ናዓይ፥ ዩሱስ፥ ዎሳይ ሃይቆፕ ዴንሲዳይሲ፥ ሲንሳፊ ያና ዎሳ ሃንቁዋሬ ኑና አሻናይሲ፥ ሳሎፕ ያናይሳ ሂንቲ ናጌይሳ ኤንቲ ማርካቶሶና።

### 2

ጳውሎስ ቴሴሎንቄን አሲዳ አሱዋ

1 ታ ኢሻቶ፥ ኑኒ ሂንቲኮ ቢዳይ ሚላ ጊዶናይሳ ሂንቲ፥ ሂንቲ ሁዴን ኤሬታ። 2 ሺን ኑኒ ሂንቲኮ ቴሴሎንቄ ያናፕ ሲንጮ ፊልጲሲዮሳ ካታማን ዋዩቲዳይሳኔ ጫዩቲዳይሳ ሂንቲ ኤሬታ። ዳሮ ኢዶይ ዴዲኮካ ሂንቲው ኢያ ዎንጌላ አዳና ሚላ ዎሳይ ኑስ ሚኖቴሲ ኢሚስ። 3 ኑኒ ሂንቲና ዞሪዳይ ባሌሶን ዎይኮ ጫሞን ዎይኮ ጌኔን ጊዴና።

4 ሺን ዎሳይ ኑናን አማኒቲዲ ባ ዎንጌላ አዳና ሚላ ኑስ ሃዳራ ኢሚዳ ጊሾ አዶስ፥ ኑ ሄሳ አሴይ ኑ ዎዛና ቢዲያ ዎሳ ኡፋይሳናሳፊ አቲን አሴ ኡፋይሳናሳ ጊዴና። 5 ኑ ሚሼ ያሪዲ ዎርዶ ሂንቲና ሳቢሼ ሂንቲኮ ዮናይሳ ሎይሲዲ ኤሬታ፤ ዎሳይ ኑስ ማርካ። 6 ኑኒ ሂንቲሬ ጊዲን ዎይኮ ሃራ አሳ አዴሬካ ቦንቾ ኮይቦኮ። 7 ኑኒ ኪሪስቲሳ ሃዋሬ ጊዴይሳዳ ኑስ ኮሺያባ ኢሚቴ ጊዲ ኤካናው ዳንዳዎስ፥ ሺን አያ ባ ናይታ ዲቼይሳ ሚላ ሂንቲ ጊዶን አሽኬ ጊዲዳ። 8 ኑ ሂንቲና ዶሲዳ ጊሾ ዎሳ ዎንጌላ ሂንቲው ሻኮ ገላሳ ጊዶናሺን ኑ ዴዎታካ ሂንቲው ኢማናው ጊጊዳ፥ ሂንቲ ኑስ ዳሮ አልዎ። 9 ኑ ኢሻቶ፥ ኑ አሱዋኔ ኑ ዳቡራ ኤሬታ። ሂንቲው ዎሳ ዎንጌላ አዲሼ፥ ሂንቲና ዋይሶና ሚላ ቃማኔ ጋላስ አሲዳ።

10 ኑ ዴዎይ ሂንቲ አማኒይሳታ ማታኒኔ ዎሳ ሲንሳን ጊሼ፥ ጊሎኔ ቦሬቶናይሳ ጊዴይሳስ ሂንቲ ማርካ። 11 ኑኒ ሂንቲው ሁዴን ሁዴን ዩሊዳይሳቲ ባንታ ናይታስ ሃኔይሳዳ ሃኒዳይሳ ኤሬታ። 12 ኑ ሂንቲና ዞሪዳ፥ ሚንጮሲዳ። ቃሲ ባ ካዎቲሳኔ ባ ቦንቾዋ ሻካናው ሂንቲና ጌጊያ ዎሳ ኡፋይሲያ ዴዎ ሂንቲ ዳና ሚላ ሂንቲው ሚንሲዲ አዲዳ።

13 ሂንቲው ኑኒ ዎሳ ቃላ አዲዳ ዎዴ አሳ ቃላዳ ጊዶናሺን ዎሳ ቃላዳ ሲዲዲ ኤኪዳ ጊሾ ኑኒ ኡባ ዎዴ ዎሳ ጋላቲስ። ኢ ቱማ ዎሳ ቃላ፤ ዎሳ ቃላይ አማኒያ ሂንቲናን አሴስ።

14 ታ ኢሻቶ፥ ሂንቲ ዩሁዳ ቢታን ዴዲያ ዎሳ ኬሳታኔ ያን ኪሪስቲስ ዩሱሳ ካሊያ አሳታዳ ሃኒዴታ። ኤንታ አይሁዴቲ ዋይሲዳይሳዳ ሂንቲናካ ሂንቲ ቢታ አሳይ ዋይሲዶሶና። 15 ሄ አይሁዴቲ ጎዳ ዩሱሳኔ ናቤታ ዎዲዶሶና፤ ቃሲ ኑና ጎዲዶሶና፥ ኤንቲ ዎሳ ኡፋይሶናይሳታኔ አሴ ኡባ ኢዳይሳታ። 16 ኤንቲ ሃሪ አቶሺን፥ አይሁዴ ጊዶና አሳይ አታና ሚላ ኑኒ ኤንታው ቃላ አዴይሳ ዲጎሶና። ሄሳዳ ሃኒዲ ኤንታ ናጋራ ፀዓይ ኩማና ጋካናው ኡባ ዎዴ ናጋራ አሶሶና። ዉርሴሳን፥ ዎሳ ሃንቆይ ኤንታ ቦላ ዎዴስ።

1:1 ሃ.አ 17:1 1:6 ሃ.አ 17:5-9 2:2 ሃ.አ 16:19-24፤ 17:1-9 2:14 ሃ.አ 17:5 2:15 ሃ.አ 9:23፤ 29፤ 13:45፤ 50፤ 14:2፤ 5፤ 19፤ 17:5፤ 13፤ 18:12



ጳውሎስ ቴሴሎንቅ አሳ ዛሪ ቤዓናው አሞቲስ

17 ሺን ኑ ኢሻቶ፣ ኑኒ ኑ ቆፋን ጊደናሺን አሾን ሂንቴፊ ሻኪቲዲ ጉሳ ዎዴ ጋምዲዳይሳን ሂንቴና ዳሮ ላሞቲዲ ቤዓናው ኮዬዳ። 18 ኑ ሲሚ ሂንቴኮ ባናው ኮዬዳ። ታኒ ታ ሁዔን ሂንቴኮ ባናው ኮዬዳ። ሺን ዓላሄይ ኑና ዲጊስ። 19 ሂዛ፣ ኑ ጎዳ ዩሱስ ኪሪስቶስ ያ ዎዴ ኑ ኡፋይሳይ ዎይኮ ኑ ጩቁቲያ ኑ ካላቻይ አኔ? ሂንቴና ጊዴኬቲዬ? 20 ቱማ ሂንቴ ኑ ቦንቾኔ ኑ ኡፋይሲ።

3

1 ሄሳ ጊሾ፣ ኑስ ጌንጫናው ዳንዳዔቶና ኢዳን፣ አቱና ካታማን ኑርካ አታናው ቆፋ ቃቺዳ። 2 ሂንቴና ዞራናዳኔ አማኖን ሂንቴና ሚንጴላናዳ ኑራ ኢሲፌ ያሳስ አሴይሳኔ ኪሪስቶሳ ዎንጌላ አዲያ ኑ ኢሻ ጊሞቲዮሳ ሂንቴኮ ኪቲዳ። 3 ሂንቴና ጋኪዳ ጎዳን ሂንቴፊ አኒካ ጉዩ ሲሞፎ፣ ሄ ጎዳይ ኑስ ያሳ ሽኔ ጊዴይሳ ሂንቴ፣ ሂንቴ ሁዔን ኤሬታ። 4 ኑ ሂንቴራ ዴዲያ ዎዴ ጎዳ ጋካናይሳ ሂንቴው ኮይሮቲዲ አዲዳ። ሂንቴ ኤሬይሳ ሚላ ሄሳዳ ሃኒስ። 5 ሄሳ ጊሾ፣ ታው ጌንጫናው ዳንዳዔቶና ኢዳን፣ «አኒ ኤሪ ዓላሄይ ኤንታ ፓጩዲ ኑ ዳቡራ ሚላ አሾና አጌና» ጋዳ ሂንቴ አማኑዋባ ኤራናው ጊሞቲዮሳ ሂንቴኮ ኪታስ።

6 ሃዲ ጊሞቲዮሲ ሂንቴ ማታፕ ዩዲ፣ ሂንቴ አማኑዋባኔ ሂንቴ ሲቁዋባ ሎዎ ዎዴ አዲስ። ቃሲ ሂንቴ ኡባ ዎዴ ኑስ ሎዎ ቆፕይሳኔ ኑኒ ሂንቴና ቤዓናው ላሞቲዮሳ ሂንቴካ ኑና ቤዓናው ላሞቲዮሳ ኢ ኑስ አዲስ። 7 ታ ኢሻቶ፣ ኑና ጋኪያ ዋያኒኔ ኑ ሜቶ ኡባን ሂንቴ አማኑዋ ጊሾ ሂንቴናን ሚኔቲዳ። 8 ሂንቴ ጎዳን ሚኒዲ ዴዲኮ ኑካ ዴዎን ዴዎስ። 9 ሂዛ፣ ኑኒ ሂንቴ ጋሶን ዴሚዳ ኡፋይሳስ ያሳ ዋቲ ጋላቲኖ? 10 ኑኒ ሂንቴና ቤዓናውኔ ሂንቴ አማኑዋን ፓጩዳባ ኩንሳናው ቃማኔ ጋላስ ኑ ኩሜሳ ዎዛናን ያሳ ዎሶስ።

11 ያሳይ ኑ አዋይ ባ ሁዔኒኔ ኑ ጎዳይ ዩሱስ ኪሪስቶሲ ኑ ሂንቴኮ ባና አጊያ ጊጊሶ። 12 ኑ ሂንቴና ዳሮ ዶሴይሳዳ ጎዳይ ሂንቴ ኢሶይ ኢሱዋ ሲቁያ ሲቆኔ አሴ ኡባ ሲቁያ ሲቆ ሂንቴው ዳርሶኔ ጉጂ። 13 ኑ ጎዳይ ዩሱስ ኪሪስቶሲ ባ ጊሻታራ ያ ዎዴ ያሳ፣ ኑ አዋ ሲንሳን ሂንቴ ዎዛናይ ጊሺኔ ቦሬይ ባይናይሳ አሴዲ ኢ ሂንቴና ሚንጴላና።

4

የሳ ኡፋይሲያ ዴዎ

1 ወርሴላን፣ ታ ኢሻቶ፣ ያሳ ኡፋይሳናው ሂንቴ ዋኒዲ ዳናው ቤሲያኮ ኑፕ ታማሪዴታ። ሄሲ ሂንቴ ኮይሮፕ ዴዲዳ ዴዎ፣ ሺን ሃዲ ሂንቴ ካሴይሳፊ አሴዲ አሳናዳ ጎዳ ዩሱሳ ሱንሳን ሂንቴና ዎሶሲኔ ዞሮስ። 2 ኑኒ ጎዳ ዩሱሳ ማታን ሂንቴና ኪቲዳ ኪታይ አወሴኮ ኤሬታ።

3 ያሳይ፣ ሂንቴ ጊሺ ጊዳና ሜላኔ ላይማቶና ሚላ ኮዩስ። 4 ሂንቴ ኢሶይ ኢሶይ፣ ሂንቴ ማቼታራ ጊሻቲላኒኔ ቦንቾን ዳናው ቤሴስ። 5 ያሳ ኤሮናኔ አማኖና አሳዳ ላይማቲላ አሞን

ፀጌቶሬቴ። 6 ኑ ካሴ ሂንቴው አዲዳይሳዳኔ ሚንሲ ዞሪዳይሳዳ ጎዳይ ሄሳ ሚላባ አሴያ ኡባ ፐርዲያ ጊሾ አኒካ ሃይሳታን ባ አማኒያ ኢሻ ናቃናውኔ ጨማናው ቤሴና። 7 ያሳይ ኑኒ ጊሻቲላን ዳና ሚላፕ አቲን ቱናቲላን ዳና ሚላ ዩጊቤና። 8 ሄሳ ጊሾ፣ ሃ ቲሚርቲያ ኢዲያ አኒካ ሂንቴው ጊሻ አያና ኢሚያ ያሳ ኢዩስፕ አቲን አሴ ጊዴና።

9 ሂንቴ ኢሶይ ኢሱዋ ዋቲ ሲቃኔኮ ያሳይ ሂንቴና ታማርሲዳ ጊሾ ሃዲ ሲቆባ ኑ ህንቴው ዓፋናው ኮሼና። 10 ቃሲ ማቁዶኒያ ቢታን ዴዲያ አማኒያ ኢሻታ ኡባ ቱማ ሂንቴ ዶሴታ። ሺን ኑ ኢሻቶ፣ ሃዲካ ሂንቴ ኤንታ አሴ ዶሳና ሚላ ሂንቴና ዎሶስ።

11 ኑኒ ካሴ ሂንቴው አዲዳይሳዳ ዎፕ ጊዳ ዴዎ-ዋ ዴዲቴ። ሂንቴ፣ ሂንቴ አሶ አሴዲ ሂንቴው ዱሳስ ኮሺያባ ዴሚቴ። 12 ሄሳዳ ሃኒኮ፣ አማኖናይሳታ ማታን ሂንቴ ቦንቼታና፤ ቃሲ ሂንቴና ኮሺያባስ አናካ አዳሼኬታ።

ጎዳ ዩሳባ

13 ኑ ኢሻቶ፣ አማኒዲ ሃይቂዳ አሳቲ ሃናናባ ሂንቴ ኤራና ሚላ ኮዩስ። ሂንቴ ኤንታ ጊሾ ኡፋይሲ ባይና አሳዳ ካዮቶሬቴ። 14 ኑኒ፣ ዩሱሲ ሃይቂዳይሳኔ ቃሲ ሃይቆፕ ዴዲዳይሳ አማኖስ። ሄሳዳካ፣ ያሳይ ዩሱሳ አማኒዲ ሃይቂዳይሳታ ኢያራ ዎላ ኤሃናይሳ አማኖስ።

15 ጎዳይ ኑስ አዲዳይሳዳ ጎዳይ ያ ጋላስ ኢያራ ጋሄታናው ኑኒ ፓዓ ዴዲይሳቲ፣ ሃይቂዳይሳታፕ ሲንሳቶኮ። 16 ጎዳይ ዎልቃማ ኪታራ፣ ኪታንቾታ ሃላቃ ጊርሳራ፣ ያሳ ዎይዜ ፑኖራ፣ ሳሎፕ ዎዳና፣ ኪሪስቶሳ አማኒዲ ሃይቂዳይሳቲ ኮይሮቲዲ ሃይቆፕ ዴዲዳና። 17 ሄሳፊ ጉዩ፣ ሄ ዎዴ ኑኒ ፓዓ ዴዲይሳቲ፣ ጎዳራ ሻራን ጋሄታናው ኤንታራ ኢሲፌ ሳሎ ኤኬታና። ሄሳፊ ጉዩ፣ ኑኒ ጎዳራ ኢሲፌ ሜሪናው ዳና። 18 ሄሳ ጊሾ፣ ሃ ቃላን ኢሶይ ኢሱዋ ሚንጴላቴ።

5

ጎዳ ዩሳ ጊጊዲ ናጊቴ

1 ታ ኢሻቶ፣ ሃ ሃኖቲ ሃናና ዎዲያኔ አጌና ሂንቴው ዓፋናው ኮሼና። 2 ጎዳ ጋላሳይ ካይሶይ ቃማ ዩይሳዳ ያናይሳ ሂንቴ ሎይሲ ኤሬታ። 3 አሳይ፣ «ሳዲ ሳሮ፣ አይኮይካ ሃኔና» ያጊሺን፣ ማጫስ ኢቁሲ አይኬይሳዳ ዳዮይ ኤንቲ ቆፓና ኤንታ ቦላ ያና። ኤንቲ አይ አጌንካ ኬሲ ኤኮኮና።

4 ሺን ኑ ኢሻቶ፣ ሄ ጋላሳይ ሂንቴው ካይሶይ ዩይሳዳ ያናው ሂንቴ ዱማን ዴዲኬታ። 5 ሂንቴ ኡባይ ፖዎ አሲኔ ጋላሳን ዴዲያ አሲ፤ ኑኒ ቃማ አሲ ዎይኮ ዱማ አሲ ጊዶኮ። 6 ሄሳ ጊሾ፣ ኑኒ ሃራቲ ዲስኬይሳዳ ዲስካናው ቤሴና፤ ኑኒ ባርካንወኔ ጊጊዲ ዳናው ቤሴስ። 7 ዲስኬይሳቲ ቃማ ዲስኮሶና፤ ማሶቲይሳቲ ቃማ ማሶቶሶና። 8 ሺን ኑኒ ጋላሳ አሲ ጊዲያ ጊሾ ጊጊዲ ዳናው ቤሴስ። አማኖኔ ሲቆ ፀፋራዳ ቲራን ማዲዲ፣ አቶቲላ ኡፋይሳ ሁዔን ዎሲያ አሳ ቢራታ ባርኔፃዳ ዎሲዲ ዳናው ቤሴስ። 9 ያሳይ ኑኒ ጎዳ ዩሱስ ኪሪስቶሳ ባጋራ ኩሜሳ አቶቲላ ኤካና ሚላ ዶሪስፕ አቲን ሃንቆስ ዶሪቤና። 10 ኑኒ ፓዓ

3:1 ሃ.አ 17:15 3:6 ሃ.አ 18:5 4:15 1ቆሮ 15:51-52 5:2 ማቶ 24:43፤ ሉቃ 12:39፤ 2ኢዓ 3:10 5:8 ኢሳ 59:17፤ ኤፌ 6:13-17

ዴዲን ዎይኮ ሃይቂን፥ ኪሪስቶስ ያ ዎዴ ኢያራ ኢሲፌ ዳና ሜላ ኪሪስቶስ ኑ ጊሾ ሃይቂስ።  
11 ሄሳ ጊሾ፥ ሂንቴ ካሴ አሴይሳዳ፥ ኢሶይ ኢሱዋ ሚንሴሴቴኔ ዲቺቴ።

**ወርሴሳ ዞሬኔ ሳርታ**

12 ኑ ኢሻቶ፥ ሂንቴ ጊዶን አሴይሳታ፥ ሂንቴና ካሴላና ሜላኔ ዞራና ሜላ ጎዳይ ዶሪዳይሳታ ቦንቻና ሜላ ሂንቴና ዎሶስ። 13 ኤንቲ አሴያ አሱዋ ጊሾ ኤንታ ዳሮ ቦንቺቴኔ ሲቂቴ። ኢሶይ ኢሱዋራ ሳርቴሳን ዴዲቴ።

14 ኑ ኢሻቶ፥ ኑኒ ሂንቴና ዞርስ። ቦዛታ ሃንቂቴ፤ ባቤይሳታ ሚንሴሴቴ፤ ዳቡራንቾታ ማዲቴ፤ አሴ ኡባ ዳንዳዲቴ። 15 አኒካ ኢታ ጊሾ ኢታ ዛሮና ሜላ ናጌቴ። ሂንቴ ዎሊሲኔ አሳ ኡባስ ሎዎባ አሳናው ሚኒቴ።

16 ኡባ ዎዴ ኡፋይቲቴ። 17 ኡባ ዎዴ ዎሳ ዎሲቴ። 18 ኡባባን ጋላቲቴ። ኪሪስቶስ ዩሱሳ ባጋራ ዎሳይ ሂንቴፌ ኮዬይ ሄሳ።

19 ጊሻ አያና አሱዋ ቶይሶፒቴ። 20 ቲንቢቴ ቃላ ካዶፒቴ። 21 ኡባባ ፓጩቴ፤ ሎዎባ ኤኪቴ።

22 ኢታ አሶ ኡባፌ ሃኪቴ።

23 ሳሮ ኢሚያ ዎሳይ ባ ሁዔን ሂንቴና ፖሎ ጌሾ። ኑ ጎዳይ ዩሱስ ኪሪስቶስ ያና ጋላሳስ፥ ዎሳይ ሂንቴ አያና፥ ሂንቴ ሼምፑዋኔ ሂንቴ ኩሜላ አሳቴሳ ቦሬይ ባይና ናጎ። 24 ሂንቴና ዪይይሲ አማኔቲዳይሳ ጊዲያ ጊሾ ሄሳ ኢ ፖላና።

25 ኑ ኢሻቶ፥ ኑስ ዎሳ ዎሲቴ።

26 አማኒያ አሳ ኡባ ጊሻ ዩሬቴሳን ሳርሴቴ።

27 ሂንቴ ሃ ኪታ አማኒያ አሳ ኡባስ ናባባናዳ ጎዳ ሱንሳን ሂንቴና ዎሳይስ።

28 ኑ ጎዳ ዩሱስ ኪሪስቶሳ አዶ ኬሃቴሳይ ሂንቴራ ኢሲፌ ጊዶ። አሚንዲ።

### ጳውሎስ ቴሴሎንቄ አሳስ ፃፊና ናምዓንሶ ኪታ ጋሳ ቆፋ

ኪሪስቶስ ናምዓንሶ የሰ ሰላ ደንዲዳ አይሾይ ፓላማ ሜዲሽ ቢዳ ጊሾ ቴሴሎንቄ ዎሳ ኪሳን ሜቶይ ዳሪ ዳሪ ቢስ። ጳውሎስ ቴሴሎንቄ አሳስ ፃፊና ናምዓንሶ ኪታይ። «ጎዳ የሰ ጋላሳይ ማቲስ» ያጊያ አማኖ ቲሚርቲያ ሰላ ሚንሲዲ አደስ። ጳውሎስ አዲሽ፣ ኪሪስቶስ ያናፔ ሲንሴ፣ «ጌላ ኡራ» ጌቲቲያ ኪሪስቶስ ኢዳይሳ ካሌሱዋን ሃ አላሚያ ሰላ ኢታቲሴኔ ጌላቴሴ ዳሪሽ ባና ያጊዲ ኤንታ አማኑዋ ሱሪሴስ።

ሃዋሪይ፣ ሜቶይ ዋይይ ዳሪኮካ ኤንቲ ባንታ አማኑዋን ሚናናዳ ኢኔ ኢያራ ኢሲፌ ዴዔይሳቲ አሴይሳዳ፣ ኤንቲ ባንታ ዱሳስ ኮሺያባ ዴማናው ሚኒዲ አሳና ሜላ ቃሲ ሎዎ አሰ አሳናው ጉዩ ጎና ሜላ ኤንታ ሚንሲዲ ዞሬስ።

2 ቴሴሎንቄ ኪታ አይፌ ቆፋታ  
ጌሎ ቆፋ 1:1-2  
ጋላታኔ ዎሳ 1:3-12  
ኪሪስቶስ ናምዓንሶ የሰላ ኢሜቲዳ ቲሚርቲያ  
2:1-17  
አማኖ ዱሳ ዎጋ ሰላ ኢሜቲዳ ዞሬ 3:1-15  
ኩሻ ቆፋኔ ሳሮሶ 3:16-18

1 ጳውሎስ፣ ሲላሴይኔ ሂሞቲዮሲ ቴሴሎንቄ ዎሳ ኪሳን ዴዔያ፣ ዎሳ አዋባኔ ጎዳ ዩሱስ ኪሪስቶስ ባጊዲዳ አሳስ ፃፊና ኪታ።

2 ዎሳ ኑ አዋፔኔ ጎዳ ዩሱስ ኪሪስቶስ አይ ኬሃቴሳይኔ ሳሮቴሳይ ሂንቲው ጊዶ።

#### ኪሪስቶስ ያ ዎዴ ሃናና ፐርዳ

3 ኑ ኢሻቶ፣ ሂንቲ አማኖይኔ ሂንቲ ኢሶይ ኢሱዋኔ ሃራታ ሲቁያ ሲቆይ ዳሮ ዲጪያ ጊሾ ኑኔ ሄሳስ ዎሳ ኡባ ዎዴ ጋላታናው ቤሴስ።  
4 ሂንቲና ጋኪዳ ጎዳኔ ዋይ ኡባን ጌንጫኔ አማኖን ሚኒዲ ኤቂዳ ጊሾ ኑኔ ኑ ሁዔን ዎሳ ዎሳ ኪሳታን ሂንቲባ ማርካቲሽ ሂንቲናን ጩቁቶስ።

5 ሂንቲ ኢያ ጊሾ ጊዲ ሜቶ ኤኪያ ዎሳ ካዎቴሳስ ቤሴይሳታ ጊዲዲ ታይቤታና ሜላ ዎሳ ሂሎ ፐርዳስ ሃይሲ ማላ። 6 ዎሳይ ቱማ ፐርዳ ፐርዳና፣ ዎሳይ ሂንቲና ዋይሴይሳታ ሰላ ዋይ ኤሃና። 7 ጎዳይ ዩሱስ ባ ዎልቃማ ኪታንቾታራ፣ ታማ ላጮራ ሳሎፔ ያ ዎዴ ዋይቲያ ሂንቲናኔ ኑና ሽምፐሳና። 8 ቃሲ ዎሳይ ባና ኤሮናይሳታኔ ኑ ጎዳ ዩሱስ ኪሪስቶስ ዎንጌላስ ኪቲቶናይሳታ ፐርዳና። 9 ኤንቲ ጎዳ ሲንሳፌኔ ኢያ ሰንቸዋ ዎልቃፌ ሻኪቲዲ ሜሪና ዳዩዋን ፐርዴታና።

10 ሄ ጋላስ፣ ኢ ባይሳታኔ ባና አማኔይሳታ ኡባን ሰንቸታንጫኔ ሳቤታናው ያ ዎዴ ኑ ሂንቲው አዲዳ ኪታ ሂንቲ አማኒዳ ጊሾ ሂንቲ ኢያ ሰንቸይሳታ ጊዶኔ ሳቤይሳታ ጊዶን ዳና።

11 ኑኔ ሂንቲው ኡባ ዎዴ ዎሳ ዎሴይ ሄሳሳ፣ ኑ ዎሳይ ሂንቲና ዩጊዳ ዴቡዋስ ቤሴይሳታ ጊዲዲ ታይቤታና ሜላ ኑኔ ዎሶስ። ሂንቲ ሎዎባ አሳናው አዋቲያ አሙዋኔ ሂንቲ አማኖ አሱዋ ኢ ባ ዎልቃን ፖሎ። 12 ሄሳን ኑ ዎሳኔ ኑ ጎዳ ዩሱስ

ኪሪስቶስ አይ ኬሃቴሳን፣ ጎዳ ዩሱስ ሱንሳ ሂንቲ ሰንቸና፣ ሂንቲናካ ኢ ሰንቸና።

## 2

#### ጌላ ኡራ

1 ኑ ኢሻቶ፣ ኑ ጎዳ ዩሱስ ኪሪስቶስ የሰባኔ ኑ ኢያራ ጋሄታናው ሽቃናባስ ኑ ሂንቲና ዎሶስ።

2 ቲንቢቲን ዎይኮ ሃራ አሳፔ ሲዲዳ ቃላን ዎይኮ ኑፔ ኤኪዳ ኪታዳ አሲዲ፣ «ጎዳ ጋላሳይ ጋኪስ» ጊዲ ሂንቲ ዎዛናይ ዳጋዋፎኔ ዋባቆፖ።

3 ሂንቲና ኦኒካ አይ ኦጌንካ ባሌሶፎ። ካሴቲዲ ወርሴሳ ኡራ ጌላቴሳይ ቆንጮናኔ ዳዮይ ቤሲያ ጌላ ኡራይ ዮና ዴዔሺን፣ ጎዳ ጋላሳይ ጋኪና።

4 አሲ ጎይኒያባኔ ዎሳያባ ኡባ ኢ ኢሃናኔ ባና ደቁ አሳና። ሃራ አቶሺን፣ ዎሳ ኪሴ ጌሊ ኡቲዲ፣ «ታኒ ዎሴ» ጋና።

5 ታኒ ሂንቲራ ዴዔሽ ሂንቲው አዲዳይሳ አኪኪኪቲ? 6 ኢ ባ ጋላሳን ያናፔ አቲን ሃዲ ዮናዳ አይቤ ኢያ ቲቂያኮ ኤሬታ።

7 አሳስ ቆንጪባና ጌላቴሳ ፀራ ዎልቃይ ሃዲካ አሴስ፣ ሺን ሃዲ ኢያ ቲቂይሲ ዴዔስ። ኢያ ቲቂይሲ ኦጌፔ ኪቻና ጋካናው ኢ ቆንጮና።

8 ሄሳፌ ጉዩ፣ ጌላ ኡራይ ቆንጫና፣ ሺን ጎዳ ዩሱስ ባ ዶናፔ ኪያ ሽምፐዋን ባ ሰንቾ የሰን ኢያ ዎዳና። 9 ጌላ ኡራይ ሃላሂያ ዎልቃን ዩዲ ዎርዶ ማላታታኔ ማላሊሲያባታ አሳና።

10 ሄሳዳካ፣ ዳዮስ ዴዔያ አሳታ ዱማ ዱማ ጪሚያ ኢታ አሰን ባሌሳና። ኤንቲ ዳዮይ ኢሺያ ቱማ ዶሲዲ ኤኮና ኢዲዳ ጊሾሳ። 11 ሄሳ ጊሾ፣ ኤንቲ ዎርዶ ጊዲያባ አማናና ሜላ ዎሳይ ዎልቃማ ባሌሶ ኤንታ ሰላ ዩዳና። 12 ሄሲካ፣ ቱማ አማኖና አሳቲ፣ ናጋራ አሰን ኡፋይቲሳቲ ኡባይ ፐርዴታና ሜላሳ።

#### አቶቴሳስ ዶሬቲዳ አሳታ

13 ጎዳይ ዶሲያ ኑ ኢሻቶ፣ ኑኔ ዎሳ ሂንቲ ጊሾ ኡባ ዎዴ ጋላታናው ቤሴስ። ሂንቲ አታና ሜላ ዎሳይ ጌሻ አያና ዎልቃን ሂንቲና ጌሻዳይሳኔ ሂንቲካ ቱማ አማኒዳይሳን ኢ ሂንቲና ባይራዳ ዶሪስ። 14 ዎሳይ፣ ኑ ሂንቲው አዲዳ ዎንጌላ ባጋራ ሂንቲና ዩጊዳይ፣ ሂንቲ ኑ ጎዳ ዩሱስ ኪሪስቶስ ኢሲፌ ሰንቸታናሳ። 15 ሂዛ፣ ኑ ኢሻቶ፣ ሚኒዲ ኤቂቲ። ኑኔ ሂንቲና ኑ ዶናን ጊዲን ዎይኮ ዳብዳቤያን ጊዲን ታማርሲዳ ቲሚርቲያ አይኪቲ።

16-17 ዎሳይ ኑ አዋይ ኑና ዶሴስ። ኢ ኑስ ኪሃ፣ ኢ ሜሪና ሚንሴሶኔ ሎዎ ኡፋይሳ ኑስ ኢሚስ። ሂንቲ ኡባ ዎዴ ሎዎባ አሳናው ኢዴታናው ኢ ሚንሴሳና ሜላኔ ማዳና ሜላ ኑ ጎዳ ዩሱስ ኪሪስቶስ ሂንቲ ኑ አዋ ዎሶስ።

## 3

#### ኑስ ዎሲቲ

1 ወርሴሳን ኑ ኢሻቶ፣ ጎዳ ቃላይ ሂንቲ ጊዶን ኤሴሲዲ ዳልጋናዳኔ ሰንቸታናዳ ኑስ ዎሲቲ።

2 ሄሳዳካ፣ አሲ ኡባይ ቃላ ሲዲዲ አማኖና ጊሾ ዎሳይ ጌላታፔኔ ኢታ አሳታፔ ኑና አሻና ሜላ ኑስ ዎሲቲ።



3 ሺን ጎዳይ አማኔቲዳይሳ፤ ኢ ሂንቴና ሚንሴሳናኔ ፃላሄፕ ናጋና። 4 ኑኒ ሂንቴና ኪቴይሳ ሃሂካ ሲንሳፊካ ሂንቴ አሳናይሳስ ጎዳን ኑኒ አማኔቶስ።

5 ጎዳይ ሂንቴ ዎዛና ያሳ ሲቁዋኮኔ ኪሪስቶሳ ዳንዳዓኮ ካሌሶ።

**አሶ ቢሎና ዴዒቲ**

6 ኑ ኢሻቶ፣ ሂንቴ ኑፔ ኤኪዳ ኪታ ካሎናይሳታፔኔ አሶ ቢሊያ አዛላ አማኒያ አሳታፔ ሂንቴ ሻኪታናዳ ጎዳ ዩሱስ ኪሪስቶሳ ሱንሳን ሂንቴና ኪቶስ። 7 ኑዳ ሃኒዲ ዳናው ቤሴይሳ ሂንቴ፣ ሂንቴ ሁዔን ኤሬታ። ኑኒ ሂንቴራ ዴዒያ ዎዴ አሶ ቢሊቦኮ። 8 ኑኒ አዴፊካ ካሲ ሜላ ሚቦኮ። ኑስ ዳንዳዒቲዳ ሜላ ቃማኔ ጋላስ አሲ ዳቡሪዲ ዴዒዳፔ አቲን አዴስካ ቶሆ ጊዲቦኮ። 9 ኑኒ ሄሳ አሲዳይ፣ ሂንቴው ሌሚሶ ጊዳናሳፊ አቲን ሂንቴፊ ማዴ አይቻናው ኑስ ማቲ ዳዩና ጊዴና። 10 ኑ ሂንቴራ ዴዒያ ዎዴካ፣ «አሳናው ኮዮና አሲ አኒካ ሞፖ» ያጊዲ ኪቲዳ።

11 ኑኒ ሄሳ ጊዳይ፣ ሂንቴ ጊዶን ኢሲ ኢሲ አዛላቲ ዴዒይሳ ሲዒዳ ጊሾሳ። ሄ አሳቲ ጌልሶናባን ጌሊዲ ሃራታ አሶ ቢሊሶሶናፔ አቲን አይኮካ አሳኮና። 12 ኑኒ ሄሳ ሜላ አሳቲ ማራ ዴዎ ዳናዳኔ ባንታና ኮሺያባ አሲዲ ዴማናዳ ጎዳ ዩሱስ ኪሪስቶሳ ሱንሳን ኤንታ ኪቶሲኔ ዞርስ።

13 ሺን ኑ ኢሻቶ፣ ሎዎ አሶ አሳናው አዛሎፊቴ። 14 ሃዒ ኑኒ ሃ ዳብዳቢያን ኪቲዳ ኪታስ ኪቴቶና አሲ አኒካ ዴዒኮ ሄ ኡራ ኤሪቴ። ኢ ዩላታና ሜላ ኢያፔ ሻኪቲቴ። 15 ሺን ኢያ ኢሻዳ ሴሪቴፔ አቲን ሞርኬዳ ዒሎፊቴ።

**ዉርሴሳ ሳሮታ**

16 ሳሮ ኢሚያ ጎዳይ፣ ባ ሁዔን ሂንቴው ኡባ ዎዴኔ ኡባ ባጋራ ሳሮ ኢሞ። ጎዳይ ሂንቴ ኡባራ ጊዶ።

17 ታኒ ጳዉሎሲ፣ ሃ ኪታ ታ ኩሼን ፃፋስ። ታ ኪታ ኡባስ ማላይ ሃይሳ፤ ታኒ ሄሳዳ ፃፋይስ።

18 ኑ ጎዳ ዩሱስ ኪሪስቶሳ አጾ ኬሃቴሳይ ሂንቴ ኡባራ ጊዶ።

### ጳውሎስ ጊሞቲዮሳስ ገፊዳ ኮይሮ ኪታ ጋሳ ቆፋ

ጊሞቲዮሳ ጌቴቲያ፣ አማኒያ ናዓቴሳይ፣ ጉሳ ኢሲያን ዩሌቲስ (ሃ.አ 16:1-3)። ኢያ አያ አይሁዲ፤ ኢያ አዋይ ቃሲ ጊሪኬ አሲ። ኢ ጳውሎስ ኢሲፊ አሴይሳኔ ዎንጌላ አሶን ጳውሎስ ማታን ማዲያ አሲ። ጳውሎስ ጊሞቲዮሳስ ገፊዳ ኮይሮ ኪታይ ሄኹ አይፊ ቆፋታ ማንሲ ዌሌስ።

ኡባሬ ኮይሮቲዲ ኪታይ፣ ዎሳ ኬሳን ዴንዲዳ ዎርዶ ቲሚርቲያባ ማንሲዲ አዴስ። ሃ ኢማሳ ቲሚርቲይ አይሁዴ ቲሚርቲያፊ ባጋ፣ ቃሲ አይሁዴ ጊዶና አሳ ቲሚርቲያፊ ባጋ አይኪስ። ሄሲካ፣ «ሃ ቤንቲያ አላሜይ ናጋራን ኢቲዳ ጊሾ አሲ አቶቴሳ ዴማናው ዱማ ጊዲዳ ፀራ ኡራናው፣ ኢሲ ኢሲ ካሳታ ሞና አጋናው ማቶ ኤኮና ዎይኮ አዚና ጌሎና አጋናው ኮሼስ» ያጊያ ቆፋ ባሶ አሲዲ ዴንዲስ።

ናምግንሶ ቆፋይ፣ ዎሳ ኬሳ አይሶባኔ ጎይኖ ዎጋባ ታማርሲያ ቲሚርቲያ፣ ሄሳዳካ ዎሳ ኬሳ ካሴይሳቲኔ ኤንታ ማዴይሳቲ አይ ሜላ ማራ ዱሱ ዳናው ቤሲያኮ አዴስ።

ዉርሴሳን፣ ጊሞቲዮሲ ዩሱስ ኪሪስቶስ አሲያ ሎዎ አሲ ዋንዲ ጊዳናው ቤሲያኮ፣ ቃሲ ዱማ ዱማ አማኒያ አሳ ማታን ኢያው ዴዲያ አዋቴሳይ አይቤኮ፣ ጳውሎስ ኢያ ዞሪዳ ዞሪያ ዴሞስ።

#### 1 ጊሞቲዮሳ ኪታ አይፊ ቆፋታ

ጌሎ ቆፋ 1:1-2

ዎሳ ኬሲ አይሲያ አሳስ ኢሜቲዳ አይሶ ዎጋ 1:3-3:16

ጊሞቲዮሳስ ኢሜቲዳ ቲሚርቲያ 4:1-6:21

1 ኑና አሺያ ያሳኒኔ ኑ ኡፋይሳን ናጊያ ዩሱስ ኪሪስቶስን ኪቴቲዳ፣ ዩሱስ ኪሪስቶስ ሃዋሬ ጊዲዳ፣ ጳውሎሳ፤ 2 አማኖን ታው ቱማ ናዓ ጊዲዳ ጊሞቲዮሳስ።

ዎሳ ኑ አዋ፣ ኑ ጎዳ ኪሪስቶስ አጾ ኬሃቴሳይ፣ ማርቲሳይኔ ሳሮቴሳይ ኔው ጊዶ።

#### ዎርዶ ቲሚርቲያፊ ናጌቴሲ

3 ታኒ ማቆዶኒያ ባሼ ኔና ሃዳሪዳይሳዳ፣ ኢሲ ኢሲ አሳቲ ዎርዶ ቲሚርቲያ ታማርሴይሳ ዲጋናው ኔ ኤፌሶናን ጋምግና ሜላ ኮያይስ።

4 ኤንቲ ጎዲ ባይና ሃይሴ አዳኔ ባንታ ኮቻ ታይቡዋ አጋናዳ አዳ። ሄሳ ሜላባይ ፓላማ ካሴሴሲ፤ አቲን አማኖን አሴቲያ ዎሳ አሱዋስ ማዴና። 5 ሃ ኪታ ሁዔ ቆፋይ ጌሻ ዎዛና፤ ሎዎ ካሃፔኔ ቱማ አማኑዋፔ ቤንቲያ ሲቁዋ ዴንሴሳናሳ። 6 ኢሲ ኢሲ አሳቲ ሃይሳ አጊዲ፣ ፓሶና አዳኮ ሲሚዶሶና። 7 ኤንቲ ዎሳ ሂጊያ አስታማሬ ጊዳናው ኮዮሶና። ሺን ኤንቲ አይ አዲያኮ ዎይኮ ቱማ አሲዲ አዴይሲ ኢ አይቤኮ ኤሮኮና።

8 አሲ ቤሴይሳዳ ሂጊያን ጎዔቲኮ ሂጊይ ሎዎ ጊዴይሳ ኤሮስ። 9 ኢሲባ አኪካናው ኮሼስ። ሂጊይ ሎዎ አሳስ ሜዴቲቤና። ሺን

ሂጊይ፣ ሂጊ ሜንሴይሳታ፣ ዎራንቸታ፣ ዎሴ ያዮናይሳታ፣ ሼምፖ ዎዴይሳታ፣ ናጋራንቸታ፣ ጌሻቴሲ ባይናይሳታ፣ ቱናታ፣ ሃሪ አቶሺን ባንታ አይው ዎይኮ አዋ ዎዴይሳታ፣ 10 ላሜይሳታ፣ አዴይ አዴራ ሳይማቴይሳታ፣ አሴ ባይዜይሳታ፣ ዎርዳንቸታ፣ ዎርዶን ጫቁይሳታ፣ ዎይኮ ቱማ ቲሚርቲያራ ጋሄቶና አይ አሶ አሴይሳታ ሴራናው ኪዩስ። 11 ሄ ቲሚርቲይ ቦንቸኔ አንጄቲዳ ያሳይ ታኒ አዋቻና ሜላ ታው ሃዳራ ኢሚዳ ዎንጌላ ጊዶን ዴዔስ።

#### ዎሳ ማርቲሳስ ጳውሎስ ጋላቲዳ ጋላታ

12 ታኒ አሲያ አሱዋን ታው ዎልቃ ኢሚዳ ኑ ጎዳ ኪሪስቶስ ዩሱሳ ጋላታይስ። ታና ባ አሱዋስ ሹሚዲ ሄ አሱዋስ ቤሳሳ ጊዲ ታይቤዳ ጊሾ ኢያ ጋላታይስ። 13 ታኒ ሃይሳፊ ካሴ ኢያ ጫዩይሳ፣ ኢያ ዩዴሴይሳኔ ሜቶሴይሳ ጊዲኮካ ታኒ ሄሳ ኤሮናኔ አማኖና አሲዳ ጊሾ ያሳይ ታና ማሪስ። 14 ኑ ጎዳይ ባ አጾ ኬሃቴሳ ታ ቦላ ጉሲዲ፣ ሄ አጾ ኬሃቴሳራ አማኖኔ ሲቆ ኪሪስቶስ ዩሱሳ ባጋራ ታው ኢሚስ።

15 «ኪሪስቶስ ዩሱሲ ናጋራንቸታ አሻናው ሃ አላሚያ ዩስ» ጊያ ቃላይ አማንሴይሳኔ አሳ ኡባይ ኤካናው ቤሴይሳ፣ ኡባሬ አዲዳ ናጋራንቸታ ታና። 16 ሺን ሜሪና ዴቡዋ ኤካናው ኢያ አማኒያ አሳስ ታኒ ሴሚሶ ጊዳና ሜላ ዩሱስ ኪሪስቶሲ ዳሮ ዳንዳዲስ። ታው ኡባሬ አዲዳ ናጋራንቸታ ያሳይ ባ ማርታ ዳርሲስ። 17 አይፊን ቤንቶናይሳስ፣ ኢሲ ያሳስ፣ ሃይቆናይሳስ፣ ሜሪና ካዉዋስ፣ ሜሪናፔ ሜሪና ጋካናው ጋላታይኔ ቦንቸታይ ጊዶ። አሚንዲ።

18 ጊሞቲዮሳ፣ ታ ናዓው፣ ካሴ ኔባ ናቤቲ አዲዳ ቃላ ቦላ ኤቃዳ ሃ ኪታ ሃዳራ ኔው ኢማይስ። ኔ ሄ ቃላ ካሊኮ ሎዎ አላ አሌታና። 19 አማኖይኔ ሎዎ ካሂ ኔው ዴዎ። ኢሶቲ ኢሶቲ ካሃ ዳዩዲ ማርካቤይ ሆቤን ዳይይሳዳ ባንታ አማኑዋ ዳይሲዶሶና። 20 ሄሳ ሃኒዳይሳታ ጊዶን ሄሜኔዮሲኔ ኢስኪንዲሬይ ዴዎሶና። ኤንቲ ታማሪዲ ያሳ ጫዩይሳ አጋና ሜላ ታኒ ሃላሄስ ኤንታና አሳ ኢማስ።

## 2

#### ዎሳባኔ ጎይኖባ

1 ኡባሬ ሲንሳታዳ፣ አሳ ኡባስ ያሳ አይቻናው፣ ዎሳናው፣ ጋናታናውኔ ጋላታናው ቤሴይሳ ታኒ ኔና አኪኪሳይስ። 2 ኑኒ ቱማ አያና ዴዎንኒኔ ጌሻቴሳን ያሳ ጎይኒሼ ሳሮቴሳኒኔ ዎፑ ጊዳ ዴዎን ዳና ሜላ ካዎታሲኔ ሹማታ ኡባስ ዎሲቴ። 3 ሄሳ ሜላ ዎሳይ ኑና አሺያ ዎሳ ሲንሳን ሎዎኔ ኡፋይሲያባ። 4 ያሳይ አሲ ኡባይ አታናዳኔ ቱማ ኤራናዳ ኮዩስ። 5 ኢሲ ያሲ ዴዔስ። ያሳፊኔ አሳፔ ጊዶን ጊዲዲ ሲጌሲያ ኢሶይ ዴዔስ፤ ኢካ አሴ ጊዲዳ ኪሪስቶስ ዩሱሳ። 6 ኢ አሳ አካ ዎዛናው ባና አሲ ኢሚስ። ያሳይ ባ ዎዲያን አሳ ኡባ ዎዛናው ኮዩይሳ ቤሲያ ማርካይ ሃይሳ። 7 ያሳይ ታና ዎንጌላስ አስታማሬኔ ሃዋሬ አሲዲ ዶሪዳይ ሄሳሳ። ታኒ ቱማ አዳይስ፤ ዎርዶቲኪ፤ አማኖኔ ቱማ አይሁዴ ጊዶና አሳስ ማርካታና ሜላ ያሳይ ታና ሹሚስ።

1:2 ሃ.አ 16:1 1:13 ሃ.አ 8:3፤ 9:4-5 2:7 2ጊሞ 1:11

8 ሄሳ ጊሾ፣ ኡባ ቤሳን ዴዲያ አዴቲ፣ ባንታና ያሳስ ዱማዬዲ፣ ሃንቆኔ ፓላማ ዲጊዲ፣ ባንታ ኩሺያ ፑዴ ዴንሲዲ ያሳ ያሳና ሜላ ኮያይስ።

9 ሄሳዳ ማጫሳይ ባንታና ሃሪዳይሳ ቆንጨሲያ፣ ቦንቾይኔ ማሪ ዴዲያ ማዑዋ ማዳናው ቤሴስ። ኤንቲ ማሪ ባይና ሁዔ ዳሳን፣ ዎርቃን ዎይኮ ኢንቆን፣ ዎይኮ አልዎ አፊላን ባንታና አሌቂሶ። 10 ሺን ያሳስ ጎይናይስ ጊያ ማጫሳይ ባንታው ቤሴይሳዳ ሎዎባ አላና።

11 ማጫሲ ኪቴቴላን ሲዒ ጊዲ ታማሮ። 12 ታኒ ማጫሳይ ታማርሳና ሜላ ዎይኮ አዴ ቦላ አዋታና ሜላ ጊዶናሺን ሲዒ ጊዲ ዳና ሜላ ኮያይስ። 13 አዳሜይ ኮይሮ ሜዴቲስ፤ ጉዬፕ ሄዋና ሜዴታሱ። 14 ቃሲ ጨሜታዳ ያሳ ሂጊያ ሜንሲዳይ ማጫሲፕ አቲን አዳሜ ጊዴና። 15 ሺን ማጫሲ አማኖን፣ ሲቆኒኔ ጌሻቴላን ባንታና ሃሪዲ ዴዲኮ \* ናይታ ዩሎን አታና።

3

ዎሳ ኬሳ ጨማታ

1 አኒካ፣ «ዎሳ ኬሳ ካሌሲያ አሲ ጊዳናው ኮይኮ ሎዎባ አሞቴስ» ጊያ አዳይ ቱማ። 2 ዎሳ ኬሳ ካሌሲያ አሲ ቦሬቶናይሳ፣ ኢሲ ማቺ ሃላሊ ዴዴይሳ፣ ማራን ዴዴይሳ፣ ባና ሃሪይሳ፣ ቤሴይሳዳ አሴይሳ፣ ኢማሴ ሞኬይሳ፣ ታማርሳናው ዳንዳዴይሳ፣ 3 ማሶቶናይሳ፣ አዩቶናይሳ፣ ፓላዎናይሳ፣ ሚሽ ሲቆናይሳ፣ 4 ኢያ ናይቲ ኢያው ኪቴቴይሳኔ ቦንቾይሳ፣ ባ ኬሳ አይሳናው ዳንዳዴይሳ ጊዳናው ቤሴስ። 5 ኢሲ አሲ ባ ኬሳ አይሳናው ዳንዳዳና ኢደኮ፣ ያሳ ዎሳ ኬሳ ዋቲ አይሳናው ዳንዳዲ? 6 አቶሮን ሱጌቲዲ፣ ሃላሄይ ያሳ ፒርዳን ኩንዲዳይሳዳ ኩንዶና ሜላ፣ አራሲ አማኒዳ አሲ ጊዳናው ቤሴና። 7 ቦሬኒኔ ሃላሄ ሂሄን ጌሎና ሜላ ሄ ኡራይ አማኖና አሳ ማታን ናሹቴይሳ ጊዳናው ቤሴስ።

ዎሳ ኬሳ ዳቆኔታ

8 ሄሳዳ ቃሲ ዎሳ ኬሳ ዳቆኔቲ ቦንቾቲዳይሳታ፣ ናምው ዶና አዴቶናይሳታ፣ ዳሮ ዎይኔ ኡሻ ኡዮናይሳታ፣ ሚሽ ያሬቶናይሳታ፣ 9 አማኑዋ ፀራ ጌሻ ካሃን ናጌይሳታ ጊዳናው ቤሴስ። 10 ኤንቲ ኮይሮቲዲ ፓጩታናው ኮሽስ፤ ኤንታ ቦላ ቦሬይ ባይና ኢደኮ፣ ዎሳ ኬሳ ዳቆኔ ጊዲዲ አሶ። 11 ሄሳዳካ፣ ኤንታ ማጫሳቲ ቦንቾቲዳይሳታ፣ ዚጊሮናይሳታ፣ ማራን ዴዴይሳታ፣ ኡባባን አማኔቴይሳታ ጊዳናው ቤሴስ።

12 ዎሳ ኬሳ ዳቆኔቲ ኢሲ ማቺ ሃላሊ ዴዴይሳ ጊዶ። ባ ናይታኔ ባ ኬሳ ሎይሲ አይሴይሳ ጊዳናው ቤሴስ። 13 ዎሳ ኬሳ ዳቆኔ ጊዲዲ፣ ሎዎ አሶ አሴይሳቲ፣ ኤንታው ጊታ ቦንቾ ቃሲ ኪሪስቶስ ዩሱሳን ባንታው ዴዲያ አማኑዋባ አዳናው ዳሮ ሚኖቴሲ ዴማና።

ጊታ ፀራ

14 ታኒ ሃ ኪታ ኔው ሃፋሽ፣ ኤሌሳዳ ኔኮ ባና ጋዳ ኡፋይሲ ዎሳይስ። 15 ሺን ታኒ ቦና ጋምዲኮ፣ ያሳ ኬሳን አሳይ ዋኒዲ ዳናው ቤሴያኮ

ኡራና ሜላ ሃይሳ ኔው ሃፋይስ። ዴዎ ያሳ ኬሳይ ቱማቴሳስ ቱሲኔ ባሶ። 16 ኑ አማኑዋ ፀራይ ሲዴይ ባይና ጊታ።

ኪሪስቶሲ አሾ ማዲዲ ቆንጨስ፤ ኢያ ቱማቴሳ ጌሻ አያናይ ማርካቲስ። ኪታንቾታስ ቤንቲስ፤ ኢ ካዎቴሳ ኡባስ ሳባኬቲስ። አላሜን ዴዲያ አሳን አማኔቲስ፤ ቦንቾን ሳሎ ኤኬቲስ።

4

ዎርዶ አስታማሬታ

1 ያና ዎዲያን ባሌሲያ አያናታኔ ቱና አያናታ ቲሚርቲያ ካሲዲ፣ ኢሲ ኢሲ አሳይ አማኑዋ ካዳናይሳ ጌሻ አያናይ ቆንጨሲዲ አዲስ። 2 ሄሳ ሜላ ቲሚርቲይ ኤንታ ካሃይ ዶጩን፣ አሳ ባሌሲያ ዎርዳንቾ አስታማሬታፕ ዩስ።

3 ሄሳ ሜላ አሳቲ ኤኮኔ ጌሎ ቃሲ ኢሲ ኢሲ ካሳታ ሞና ሜላ ዲንሶና። ሺን አማኔይሳቲኔ ቱማ ኤሬይሳቲ ያሳ ጋላቲ ዎሲዲ ማና ሜላ ያሳይ ካሲ ሜዲስ። 4 ያሳይ ሜዲዳ ኡባባይ ሎዎ። ያሳ ጋላቲዲ ሚኮ ዎራ ዎዲያባይ አይቢካ ባዋ። 5 ኡባባይ ያሳ ቃላኒኔ ዎሳን ጌሺ ጊዶስ።

ኪሪስቶሳስ አማኔቲዳ አይሌ ጊዶ

6 ሄሳ ጊሾ፣ ኔኒ ሃ ቲሚርቲያ አማኔይሳታ ታማርሲኮ፣ ኑ አማኑዋኒኔ ሎዎ ቲሚርቲያ ኪቴታዳ ዲጨዳ ኪሪስቶስ ዩሱሳ ሎዎ አይሌ ጊዳና። 7 ሺን ጎዒ ባይና ቱማ ጊዶና አዳፕኔ ጨማ ማጫሳ ሃይሲያፕ ባቃታ። ቱማ አያና ዴዎን ዳናው ኔና ሎሂሳ። 8 አሲ ባ አሳቴሳ ሚንሳናው አሲያ አሶይ ጉሲ ማዴስ። ሺን ቱማ አያና ዴዎን ባና ሎሂሶይ ሃዒካ ሜሪናውካ ዴዎ ኢሚያ ኡፋይሲ ዴዲያ ጊሾ ኡባስ ማዴስ። 9 ሃ ቃሳይ አሳ ኡባይ ኤካናው ቤሲያ ቱማ አዳ። 10 ኑኒ አሳ ኡባ፣ ኡባሬ አሲዲ አማኔይሳታ አሺያ ዴዎ ያሳሬ ኤካና ጊዲ ኡፋይሳን ናጊያ ጊሾ፣ ሄሳስ ኑኒ አሶን ዳቡሮሲኔ ባዌቶስ።

11 ሃይሳ ኪታኔ ታማርሳ። 12 ኔኒ ያላጋ ጊዲያ ጊሾ ኔና አኒካ ካዶ። ሺን አማኔይሳታስ ኔኒ አዳን፣ አሶን፣ ሲቆን፣ አማኖኒኔ ጌሻቴላን ሌሚሶ ጊዳ። 13 ታኒ ያና ጋካናው አሳስ ጌሻ ማፋና ባባን፣ ሳባኮኒኔ ታማርሶን ሚና። 14 ቲንቢቴይ አዴቲን፣ ጨማቲ ባንታ ኩሺያ ኔ ቦላ ዎሲዳ ዎዴ ኔኒ ኤኪዳ፣ ኔናን ዴዲያ ጌሻ አያና ኢሞታ ካዶ።

15 ኔ ዲቻይ አሳ ኡባስ ቆንጫና ሜላ ሄሳ ሚንሳ ቆፓ፤ ሃይሳ ኡባ ዎዴ አሳ። 16 ኔ ሁዒያሲኔ ኔ ቲሚርቲያስ ናጌታ። ኔኒ ሄሳ ኡባ ዎዴ አሲኮ ኔናኔ ኔና ሲዴይሳታ አሻሳ።

5

አምዔታባ

1 ጨማ አዴታ ኔ አዋዳ ቦንቻሬ አቲን ሃንቆቶፋ። ያላጋ አዴታ ኔ ኢሻዳ አሳዳ ያላ። 2 ጨማ ማጫሳታ ኔ አዩዳ፣ ያላጋ ማጫሳታ ኔ ሚቺዳ፣ ፖሎ ጌሻቴላን አይካ። 3 አዚኒ ሃይቂዳ ቱማ አምዔታ ቦንቻ። 4 ሺን አምዔስ ናይቲ ዎይኮ ናይታ ናይቲ ዴዲኮ፣ ሄ

2:9 1ጳጊ 3:3 2:13 ሜዴ 2:7፣ 21-22 2:14 ሜዴ 3:1-6 \* 2:15 ባንታና ሃሪዲ ዴዲኮ፣ ዎይኮ ኢያ ዩሊዳ ናይቲ አማኖን፣ ሲቆኒኔ ጌሻቴላን ባንታና ሃሪዲ ዴዲኮ። 3:2 ቲቶ 1:6-9



ናይቲ ቱማ ኣያና ዴያን ዴዔይሳ ቤሳናው ባንታና  
ዮሊዳይሳታኔ፤ ባንታ ዎጋ ኣዩወኔ ዎጋ ኣዎ  
ማዲዲ ኩሼ ዛሮ ታማሮ። ሄሲ ያሳ ኡፋይሲያባ።

5 ባርካ ዴዒያ ቱማ ኣምዒያ ያሳፌ ማዴ  
ዴማናው ኡፋይሳን ናጋሱ። ጋላሲኔ ቃማ ያሳይ  
ባና ማዳና ሜላ ያሳወሱኔ ኣይቻወሱ። 6 ሺን ሃ  
ኣላሚያን ሎዎ ዱሳ ሃላላ ኮያ ኣምዒያ ፓፃ ዴዓሽ  
ሃይቂዳሮ። 7 ኣኒካ ኤንታ ቦሮና ሜላ ሃ ኪታ  
ኤንታው ኢማ። 8 ሺን ባ ዳቦታስ፤ ኡባፌ ኣሲዲ  
ባ ሶ ኣሳስ ቆፖና ኣኒካ ባ ኣማኑዋ ካዲዳይሳ፤  
ኣማኖና ኣሳፔካ ኣዲዳ ኢታ።

9 ላይሲ ኡሱፑን ታሙ ኩሚቦና ኣምዔ ሱንሳ  
ማዘጋባን ሃይፓ። ቃሲ ሄሳ ቦላ ኢያ ባ ኣዚናስ  
ኣማኔቲዳሮ ጊዳናው ኮሼስ። 10 ናይታ ዲሾን፤  
ኢማሴ ሞኮን፤ ጊሻታ ቶሁዋ ሜቻን፤ ሜቶቲያ  
ኣሳ ማዴን፤ ሎዎ ኣሶ ኡባስ ባና ኣሳ ኢሚዳሮኔ  
ሎዎ ኣሶን ኤሬቲዳሮ ጊዳናው ቤሴስ።

11 ሺን ያላጋ ኣምዔታ ሱንሳ ማዘጋባን ሃይፓ።  
ኤንታና ኣዚና ጌሎ ጌሎ ጊያ ኣሾ ኣሞይ ኣይኪያ  
ዎዴ ኪሪስቶሳ ኣጋና። 12 ኤንቲ ኮይሮ ጌሊዳ  
ቃላ ሜንሲዳ ጊሾ ፐርዴታና። 13 ሄሳ ቦላ  
ኤንቲ ኣሶ ዳዩዲ ኬሳፌ ኬሴ ዩያና። ዩሻ ሃላላ  
ጊዶናሺን ዚጊርሳኒኔ ባንታና ጋሶናባን ጌሊዲ  
ቤሶናባ ኣዴቶሶና። 14 ሄሳ ጊሾ፤ ኑ ሞርኩቲ ኑ  
ቦላ ኣዴቲያ ኢታባ ዴሞና ሜላ ያላጋ ኣምዔቲ  
ኣዚና ጌሊዲ፤ ናዓ ዩሊዲ፤ ባንታ ኬሳ ኣይሳና  
ሜላ ዙራይስ። 15 ሃይሳፌ ካሴ ጉሳ ኣምዔቲ ሃላሄ  
ካላናው ጉዬ ሲሚዶሶና።

16 ኢሲ ኣማኒያ ማጫሴስ ሶ ኣሳ ጊዶን  
ኣምዔቲ ዴዒኮ ኢያ ኤንታ ማዳናው ቤሴስ።  
ሄሳዳ ኣሲኮ፤ ያሳ ኬሳስ ቶሆይ ካወዩስ። ሄ ዎዴ  
ያሳ ኬሳይ ማዴ ቤሲያ ቱማ ኣምዔታ ማዳናው  
ዳንዳዔስ።

17 ያሳ ኬሲ ሎይሲ ሄሚያ ጨማቲ፤ ኡባፌ  
ኣሲዲ፤ ቃላ ሳባኮኒኔ ታማርሶን ዳቡሬይሳቲ  
ዳኮ ቦንቾ ኤካናው ቤሴስ። 18 ጊሻ ማፃፋይ፤  
«ወዱማን ካሳ ዩዲያ ቦራ ዶና ቃቾፋ» ሄሳዳካ፤  
«ኣሳንቾይ ባ ዳሞዚያ ኤካናው ቤሴስ» ያጌስ።

19 ናምዑ ዎይኮ ሄቸ ማርኪ ባይና፤ ያሳ ኬሳ  
ጨማ ሞቲያባ ሲዎፓ። 20 ሃራቲ ያያና ሜላ  
ናጋራ ኣሲያ ኣናካ ኣሳ ኡባ ሲንሳን ሃንቂታ።

21 ኔኒ ኣሳ ሶምዎ ቤያና፤ ኢሱዋ ኢሱዋፌ  
ዱማሶና ሃ ኪታ ናጋና ሜላ ያሳ፤ ጎዳ ዩሱስ  
ኪሪስቶሳኔ ዶሬቲዳ ኪታንቾታ ሲንሳን ታ ኔና  
ዙራይስ። 22 ኣዴ ቦላካ ኔ ኩሺያ ዎሳዳ ሹማናው  
ኤሴሶፓ። ሃራታ ናጋራን ጌሎፓ፤ ኔና ጊሻቴሳን  
ናጋ።

23 ኔኒ ኡባ ዎዴ ሃርጌቲያ ጊሾኔ ኔ ኡሎ  
ሃርጊያ ጊሾ ሃሳ ሃላላ ኡዮፓ፤ ጉሳ ዎይኔ ኡያ።

24 ኢሲ ኢሲ ኣሳታ ናጋራይ ቆንጩ፤ ኤንታ  
ናጋራይ ኤንታ ፐርዳናው ኤንታፌ ሲንሴ ኣዴስ፤  
ሺን ሃራታ ናጋራይ ጉዬፔ ጋምዒዲ ቆንጩስ።

25 ሄሳዳ፤ ሎዎ ኣሶይካ ቆንጩ፤ ቆንጩና ኢዲኮካ  
ጌማናው ዳንዳዔና።

6

ኣይሌታስ ኢሜቲዳ ዞሬ

1 ያሳ ሱንሳይኔ ኑ ቲሚርቲይ ጫዬቶና  
ሜላ ኣይሌቲሳን ዴዔይሳቲ ባንታና ሃሪያ ጎዳታ  
ቦንቾ። 2 ኣማኒያ ጎዳቲ ዴዒያ ኣይሌቲ፤ ኤንታ

ጎዳቲ ኤንታው ኢሻ ጊዲያ ጊሾ ኤንታ ካዶፓ።  
ኤንታ ኣሱዋን ማዴቲያ ጎዳቲ፤ ኣማኒይሳታኔ  
ዶሴቲዳይሳታ ጊዲያ ጊሾ ኤንቲ ካሴይሳፌ ኣሲዲ  
ኣሳናው ቤሴስ።

ዎርዶ ቲሚርቲያኔ ቱማ ዱሬቴሳ

ኔኒ ሃይሳ ታማርሳናው ኤንቲ ኣሳና ሜላ  
ዞራናው ቤሴስ። 3 ኣኒካ ዱማ ቲሚርቲያ  
ታማርሲያባ ጊዲኮ፤ ኑ ጎዳ ዩሱስ ኪሪስቶሳ ቱማ  
ቃላራኔ ኑ ኣማኑዋ ቲሚርቲያራ ጋሄቴና። 4 ሄ  
ኡራይ ኣቶሮን ሱጌቲሲፔ ኣቲን ኣይኮካ ኤሬና።  
ኤንታው ኢሲ ቆፋ ቦላ ፓላማናው ኣይታናው  
ኢታ ኣሞይ ዴዔስ። ሄሲ ቃናቴ፤ ኣሺ፤ ጫሼ፤  
ኢታ ሲዴኔ፤ 5 ጊጎና ፓላማ ካሌሴስ። ቃሲ  
ኤንታው ኢታ ዎዘኒ ዴዔስ፤ ቱማካ ባሊዶሶና፤  
ኤንቲ ያሳ ኣማኖይ ዱሬቴሳስ ኣጌ ጊዲ ቆፖሶና።

6 ሺን ታው ዴዒያባይ ጊዳና ጊያ ኣሳስ ቱማ  
ኣያና ዴዎይ ጊታ ዎዴ። 7 ኑኒ ሃ ኣላሚያ  
ኣይኮካ ኤሂቦኮ፤ ቃሲ ኢያፔ ኣይኮካ ኤኪዲ  
ቦኮ። 8 ኑስ ካሲኔ ማዎይ ዴዒኮ ሄሲ ጊዳና። 9 ሺን  
ዱሬቴሲ ኮዩይሳቲ ፓጩኒኔ ሂሄን ጌሎሶና።  
ቃሲ ኤንታና ዱጌ ዳፊያኔ ዳይሲያ ኤያቴሲኔ  
ቆሂያ ኣሞን ኩንዶሶና። 10 ሚሼ ሲቆይ ኢታቴሳ  
ኡባስ ፑልቶ። ኢሶቲ ኢሶቲ ሚሼ ኣሞቲሼ  
ኣማኖፔ ባሌቲዲ ዳሮ ሜቶን ባንታና ዩጊዶሶና።

ጊሞቲዮሳስ ኢሜቲዳ ዞሬ ኪታ

11 ሺን ኔኖ፤ ያሳ ኣሶ፤ ሄሳፌ ባቃታ።  
ጊሎቴሳ፤ ያሳ ዳና፤ ኣማኖ፤ ሲቆ፤ ዳንዳዔኔ  
ኣሻኬቴሲ ካላ። 12 ኣማኖ ባዲያ ሎይሳ ባዴታ።  
ዳሮ ኣሳ ሲንሳን ኔ ማርካቲዳ ኔ ኣማኑዋባ፤ ያሳይ  
ኔና ኢያው ዩጊዳ ሜሪና ዴዑዋ ኣይካ። 13 ኡባስ  
ዴዎ ኢሚያ ያሳ ሲንሳኒኔ፤ ጴንዩ ጲላዮሳ ሲንሳን  
ሎዎ ማርካ ማርካቲዳ ኪሪስቶስ ዩሱሳ ሲንሳን  
ታ ኔና ኪታይስ። 14 ኑ ጎዳ ዩሱስ ኪሪስቶሲ  
ቆንጫና ጋካናው ሃ ኪታ ባሊኔ ቦሬይ ባይና ናጋ።  
15 ባ ሃላላ ኡባ ሃሪያ ቦንቾ ያሳይ፤ ካዎታ ካዎይ፤  
ጎዳታ ጎዳይ፤ ባ ቆፐዳ ቃማን ዩሱስ ኪሪስቶሳ  
ዛሪ ኪታና። 16 ኢሲ ኢያ ሃላሊ ሃይቁና፤ ኣኒካ  
ሺቃናው ዳንዳዎና ፖዎን ዴዔስ፤ ኣኒካ ኢያ  
ቤዒቤና፤ ቃሲ ቤዒናውካ ዳንዳዔና፤ ቦንቾይኔ  
ሜሪና ዎልቃይ ኢያው ጊዶ። ኣሚንዒ።

17 ሃ ኣላሚያ ዱሬቲ ጮ ዳያ ሻሎን ኣቶርቶና  
ሜላኔ ጩቆና ሜላ ኣዳ። ኑስ ኮሺያባ ፓላሂሲዲ  
ኢሚያ ኑና ኣንጂያ፤ ዱሬ ያሳን ኣማኔታና ሜላ  
ኤንታ ኪታ። 18 ኤንቲ ሎዎ ኣሶ ኣሳናዳ ሎዎ  
ኣሶን ዱሬታናዳ፤ ኬሃታኔ ሃራታስ ሻኬይሳታ  
ጊዳና ሜላ ኪታ። 19 ሄሲ ኤንታው ሲንሳስ ሚኖ  
ባሶ ጊዲያ ጊሾ ሄ ዎዴ ኤንቲ ቱማ ዴዎይ ኣይ  
ዳኒያኮ ኤራና።

20 ጊሞቲዮሳ፤ ኢሲ ኢሲ ኣሳይ፤ «ኡራቴሲ»  
ጊያ ኤያ ፓላማፔኔ ሃዳ ኣዳፔ ባቃታ፤ ኔው  
ኢሜቲዳ ሃዳራ ናጋ። 21 ኢሶቲ ኢሶቲ ኑስ  
ኤራቴሲ ዴዔስ ያጊሼ ኣማኑዋ ኣጊዶሶና።  
ያሳ ኣዶ ኬሃቴሳይ ሂንቴ ኡባራ ጊዶ።

### ጳውሎስ ጊሞቲዮሳስ ገፊዳ ናምዓንሶ ኪታ ጋሳ ቆፋ

ጳውሎስ ጊሞቲዮሳስ ገፊዳ ናምዓንሶ ኪታይ፡ ጳውሎሳሪ ኢሲፌ ኦሴይሳኔ ጳውሎሳ ማታን ማዲያ ናዓቴሳ ጊሞቲዮሳ ዞሪዳ ዞሪያ አይኪስ። ሄ ዞሪያ አይሬ ቆፋይ፡ «ጌንጫን ሚናናው ቤሴስ» ጌይሳ። ጊሞቲዮሳ ዞሬኔ ሚንሴሶ ቃላ ኤኪዳይ፡ ዮሱስ ኪሪስቶሳ ተማ ማርካታና ሜላ ዎንጌላ ቃላኔ ጋልዓ ጫቆ ተሚርቲያ ሚንሴዲ አይካና ሜላኔ ሜቶይኔ ኢያይ ዳሪኮካ ታማርሶኔኔ ዎንጌላ ሳባኮን ሚናና ሜላሳ።

ጊሞቲዮሳ ሃዳ ኤያቴሳ ፓላማፔ ሃካና ሚላ ዱማ ሚኖ ዞሬይ ኢያው ኢሜቲስ። ሄሳ ሜላ አዳይ አሳ ዳይሴሲፔ አቲን አይኮካ ማዴና።

ሄ ኡባን ጊሞቲዮሳ አኪካናው ሄሲያባይ፡ ጳውሎሳ ሃኖታኔ ኢያ ዱሳ ቆፋ ሄሲካ፡ ኢያ አማኑዋ፡ ኢያ ጌንጫ፡ ኢያ ሲቁዋ፡ ኢያ ዳንዳዔኔ ኢያ ጋኪዳ ሜቱዋ ሴሚሶ አሴዲ ካላናይሳ። ጳውሎስ ሃ ኪታ ገፊዳይ፡ ኢ ባ ዎሳ አንጊዲ ሃይቆስ ጊጌቲዳ ዎዴና።

2 ጊሞቲዮሳ ኪታ አይሬ ቆፋታ

ጌሎ ቆፋ 1:1-2

ጊሞቲዮሳስ ኢሜቲዳ ዞሪያ 1:3-2:13

ዉርሴሳ ዎዲያባ 2:14-4:5

ጳውሎስ ሃኒዲ ዴዲያ ዱሳ 4:6-18

ኩሻ ቆፋ 4:19-22

1 ዎሳ ሸኔን፡ ዮሱስ ኪሪስቶሳን ቤንቲዳ ዴዎ ኡፋይሳ ማርካታናው ዮሱስ ኪሪስቶሳ ሃዋሬ ጊዲዳ ጳውሎሳፔ፡ 2 ታ ዶሲያ ናዓ ጊሞቲዮሳስ ኪቴቲዳ ኪታ።

ዎሳ አዋፔኔ ኑ ጎዳ ኪሪስቶስ ዮሱሳፔ አዶ ኬሃቴሳይ፡ ማርቲሳይኔ ሳርቲሳይ ኔው ጊዶ።

#### ጊሞቲዮሳስ ኢሜቲዳ ዞሪያ

3 ታኒ፡ ታ ዎሳን ቃማኔ ጋላስ ኔና ቆፓይስ። ታኒ ዎሲያ ዎዴ ታ ማይዛታ ዎሳኔ ታኒ ሎዎ ካሃን ሃጋዚያ ዎሳ ኔ ጊሾ ጋላታይስ። 4 ታኒ ኔ አፉሳ ቆፓይስ፤ ኔና ቤዓዳ ኡፋይታናው ዳሮ ሳሞታይስ።

5 ቃሲ ኔው ዴዲያ ቱማ አማኑዋ ኤራይስ። ሄ አማኖይ ቤኒ ኔ ዎጋ አዬ ሎይዲኔኔ ኔ አዬ ኤዉኒቁን ዴዲያ አማኑዋ ሜላ። 6 ሄሳ ጊሾ፡ ታኒ ታ ኩሺያ ኔ ቦላ ዎሲዳ ዎዴ ዎሳይ ኔው ኢሚዳ ኢሞታ ኔኒ ዛራ ኤሳና ሜላ አኪኪሳይስ። 7 አይስ ጊኮ፡ ዎሳይ ኑስ ዎልቃ፡ ሲቆኔ ኑ ሁጫ ሃሪያ አያና ኢሚስፔ አቲን ያሻ አያና ኢሚቤና።

8 ሂዛ፡ ኑ ጎዳስ ማርካታናው ዮሳታ፤ ቃሲ ኢያ ጊሾ ቃሼቲዳ ታናንካ ዮሳታ። ሺን ዎሳይ ኔው ኢሚያ ዎልቃን ዎንጌላ ጊሾ ታራ ሜቶ ኤካ። 9 ዎሳይ ባ ሸኔኔኔ ባ አዶ ኬሃቴሳን ኑና አሺዲ፡ ባ ጊሻ ዴሬ አሳናው ኑና ዶሪስፔ አቲን ኑኒ አሲዳ አሱዋ ጊሾ ጊዴና። ሃ አዶ ኬሃቴሳ ኪሪስቶስ ዮሱሳ ባጋራ አላሜይ ሜዴታናፔ ሲንሴ ኑስ ኢሚስ። 10 ሃሂ ሃ አዶ ኬሃቴሳይ ኑና አሺያ ኪሪስቶስ ዮሱሳ ዮሳን ቆንጨስ። ኢ

ሃይቆ ዎልቃ ዳይሴዲ፡ ዎንጌላ ባጋራ ዳዮና ዴዎ ኑስ ቆንጨሲስ።

11 ታኒ ዎንጌላ ሳባኪ፡ ሃዋሬኔ አስታማሬ ጊዳና ሚላ ዎሳይ ታና ዶሪስ። 12 ታኒ ሄሳ ጊሾ ሃ ሜቱዋ ኤካይስ፤ ሺን ታ አማኔይ አኔኮ ኤሪያ ጊሾ ዮላቲኬ። ታው ኢሜቲዳ ሃዳራ ሄ ጋላሳይ ጋካናው ኢ ናጋናው ዳንዳዔይሳ ኤራይስ።

13 ታኒ ኔና ታማርሲዳ ቱማ ቃላ ሴሚሶ አሳ አይካዳ ኪሪስቶስ ዮሱሳ ባጋራ ኑባ ጊዲዳ አማኑዋኒኔ ሲቁዋን ዴዳ። 14 ኑ ጊዶን ዴዲያ ጊሻ አያና ዎልቃን ኔው ኢሜቲዳ ሎዎ ሃዳራ ናጋ።

15 ኢሲያ ቤታን ዴዲያ ኡባይ ታፔ ሃኪዳይሳ ኤራሳ፤ ኤንታ ጊዶን ፊጌሎሲኔ ሄርሞጌሲ ዴዎሶና።

16 አኔስፎሪ ታና ዳሮ ዎዴ ሚንሴሲዳ ጊሾ ጎዳይ ኢያ ሶ አሳስ ቃዴቶ። ታኒ ቃሾ ኪሳን ዴዲያ ዎዴ ኢ ታናን ዮላቲቤና። 17 ሄሳ ቦላ ኢ ሮሜ ካታማ ዴዳ ዎዴ ታና ሚንሴ ኮዬዲ ዴሚስ። 18 ዉርሴሳ ጋላሳን ጎዳይ ኢያው ቃዴታና ሚላ ታኒ ጎዳ ዎሳይስ። ኤፌሶና ካታማን ኢ ታና አይ ሜላ ማዲዳኮ ኔ ሎይሳ ኤራሳ።

## 2

### ዮሱስ ኪሪስቶሳን ሚና

1 ሂዛ፡ ታ ናዓው፡ ኪሪስቶስ ዮሱሳን ዴዲያ ማርቲሳን ሚና። 2 ዳሮ ማርካታ ሲንሳን ታኒ ኔና ታማርሲዳ ተሚርቲያ፡ ሃራታ ታማርሳናው ዳንዳዲያ አማኔቲዳ አሳስ ሃዳራ ኢማ።

3 ዮሱስ ኪሪስቶሳስ አማንሲያ ዎታዳሬ ጊዳዳ ታራ ሜቶ ኤካ። 4 አላ ዎታዳሬይ ባ ሃላቃ ኡፋይሳናው ጊጌቲሲፔ አቲን ሃራ አሶን ባና ፔሼና። 5 ሄሳዳካ፡ ጋዴ ዎሂያ አኒካ ቤሲያ አኔራ ጋዴቶና ኢዲኮ ዎይቶ ኤኬና። 6 ጎሻን ዳቡሪያ ጎሻንቾይ ባ ዳቡራ አይፊያፔ ሚያ ኮይሮ አሲ ጊዳናው ቤሴስ። 7 ኔ አኪካና ሚላ ጎዳይ ኔና ማዳና ጊሾ ታ ኔው አዲዳባ ኔ ዎዛናን ናጋ።

8 ታኒ ማርካቲያ ዎንጌላ ሜላ ሃይቆፔ ዴንዲዳ፡ ዳዊቴ ዜሬሲ ጊዲዳ ዮሱስ ኪሪስቶሳ ቆፓ። 9 ታኒ ዎንጌላ አዲያ ጊሾ ኢታባ አሲዳ አሳዳ፡ ቃሼታዳ ሜቶ ኤካስ። ሺን ዎሳ ቃላይ ቃሼቲና። 10 ሄሳ ጊሾ፡ ዎሳይ ዶሪዳ አሳቲ ኪሪስቶስ ዮሱሳን ዴዲያ አቶቴሳ ሜሪና ቦንቹዋራ ኤካና ሜላ ኤንታ ጊሾ ኡባባን ዋዮታይስ።

11 ሃይሳዳ ያጊያ ቱማ ቃሊ ዴዴስ፤ «ኑኒ ኢያራ ሃይቁዳባ ጊዲኮ፡ ኢያራ ኢሲፌ ዴዳና።

12 ኑኒ ጌንጨኮ፡ ኢያራ ኢሲፌ ካዎታና።

ኑኒ ኢያ ካዲኮ፡ ኢ ኑና ካዳና።

13 ኑኒ አማኔቶና ኢዲኮ፡ ኢ አማኔቲዳይሳ ጊዲዲ ዳና።

አይስ ጊኮ፡ ኢ ባና ካዳናው ዳንዳዔና» ያጌስ።

### ሚኖ አሳንቾ

14 ኔኒ ኤንታ ሃይሳ አኪኪሳ፤ ኤንቲ ቃላታ ጋሶን ፓላሞና ሜላ፡ ጎዳ ሲንሳን ኤንታ ዞራ። ሄሲ ሲዔይሳታ ዳይሴሲፔ አቲን አይኮካ ማዴና።

15 ነኒ ቱማ ቃላ ሱሬቴሳን ታማርሴይሳኔ ዩላዮና አሳንቾ ጊዳዳ፣ ያሳይ ናሺያ አሳዳ፣ ኔናቴሳ ኢያው ኢማናው ሚና። 16 ሺን ሃ አላሚያስ ኢንጄቲያ ጎዖና አዳጅ ባቃታ። ሄሳ ሚላ አዳይ አሴ ያሳፊ ሃሴስ። 17 ሄሳ ሚላ አዳይ አሳቴሲ ሚዲጊያ ፓዖና ዎይዘራ ማዱንሳ ሚላ። ሄሳ ሚላ አዳ አዴቴይሳታ ጊዶፊ ሄሜኔዮሲኔ ፊሊዮሲ ዴዖሶና። 18 ሃ አሳቲ ቱማ አጊያ አጊዲ፣ «ሃይቂዳ አሳይ ሃይቆጅ ቤኒ ዴንዲዶሶና» ያጊዲ ጉሳ አሳታ አማኑዋ ዳይሲዶሶና።

19 ጊዶሺን፣ ያሳይ ሚኖ ዛላ ሂዲዳ ጊሾ ቃዖናው ዳንዳዬና። ኢያ ቦላ፣ «ጎዳይ ባይሳታ ኤሬስ። ጎዳ ሱንሳ ያጊያ አኒካ ኢታ አሶጅ ሃኮ» ያጊያ ቃላይ ሃፊቴስ።

20 ኢሲ ጊታ ኬሳን ዎርቃፊ ዎይኮ ቢራቴ አሴቲዳ ሚሼታ ሃላላ ጊዶናሺን ሚሳፊ ዎይኮ ኡርቃፊ አሴቲዳ ሚሼቲካ ዴዖሶና። ሄሳታጅ ባጋቲ ቦንቾ አሶስ፣ ቃሲ ባጋቲ ቶሼቲያ አሶስ ፔዖሶና። 21 ሄሳ ጊሾ፣ አኒካ ኢታ ኡባ አጊኮኔ ባና ጊሼኮ፣ ቦንቾ አሶ አሴያ ሚሼ ጊዳና። ኤንታ ዴዖይ ጊሼኔ ጎዳ ኡፋይሲያባ፣ ቃሲ ኤንቲ ሎዖ አሶ ኡባ አሳናው ዳንዳዬይሳታ ጊዳና።

22 ናዓቴሳ ኢታ አሙዋጅ ባቃታ። ጊሻ ዎዛናን ጎዳ ያጊያ አሳታራ ኢሲፊ፣ ጊሎቴሳ፣ አማኑዋ፣ ሲቆኔ ሳሮቴሳ ካላ።

23 ሺን አሺ ሜዴይሳ ኤራዳ ኤያቴሲኔ ሃዳ ጊዲዳ ፓላማጅ ሃካ። 24 ጎዳ አሳንቾይ አሳ ኡባስ ኬሃ፣ ሎዖ ታማርሴይሳኔ ዳንዳዮንቾ ጊዳናው ቤሴሲጅ አቲን አዬታናው ቤሴና። 25 ኢ ባራ ኤቁቴይሳታ አሽኪቴሳን ሴሬይሳ ጊዳናው ቤሴስ። ኤንቲ ባንታ ናጋራጅ ሲሚዲ ቱማ ኤራናዳ ያሳይ አሳኒኮ አኒ ኤሪ። 26 ኤንቲ ባንታ ዎዛናኮ ሲሚዲ ባ ሺኒያ አሳና ሚላ ኤንታ አይኪዳ ሃላሄ ጊሂያጅ ኬሲ ኤካና።

3

ወርሴሳ ጋላሳ ማላታታ

1 ወርሴሳ ጋላሳን ኡንዴሲያ ዎዴይ ያናይሳ ኤራ። 2 አሳይ ባንታና ዶሴይሳታ፣ ሚሼ ሲቆይሳታ፣ ጨቁቴይሳታ፣ አቶሬይሳታ፣ ጫዬይሳታ፣ ባንታና ዩሊዳይሳታስ ኪቴቶናይስታ፣ ጋላቶናይስታ፣ ጊሻቴሲ ባይናይሳታ፣ 3 ሲቆይ ባይናይሳታ፣ ማሮቴሲ ኤሮናይሳታ፣ ዘጊሬይሳታ፣ ባንታና ሃሮናይሳታ፣ ቃዴይ ባይናይሳታ፣ ሎዖ ዶሶናይሳታ፣ 4 ዎርኬስ አሲ ኢሜይሳታ፣ ቆሬ ባይናይሳታ፣ አቶሮን ሱጌይሳታ፣ ያሳፊ አሲዲ አሾ ኡፋይሳናው ዶሴይሳታ ጊዳና። 5 ኤንቲ አማኒያ ዳኖሶናጅ አቲን አማኖ ዎልቃ ካዶሶና፣ ነኒ ሄሳ ሚላ አሳታጅ ባቃታ።

6 ኤንታፊ ኢሶቲ ኢሶቲ አሳ ኬሲ ጊሊዲ ናጋራን አይኪቴዳይሳታኔ ዱማ ዱማ አሞን ሱጌቲያ ዳቡራንቾ ማጫሳታ ቦላ ጎዳቶሶና። 7 ሄ ማጫሳቲ ኡባ ዎዴ ታማሮሶና፣ ሺን ቱማ ኤራናው ዳንዳዮኮና። 8 ያኔሲኔ ያምባሬሲ ሙሴራ ኤቁቴዳይሳዳ ሃ አሳቲ ጉጌይ አሶናይሳታኔ አማኖን ኩንዲዳ አሳታ ጊዲያ ጊሾ ቱማራ

ኤቁቶሶና። 9 ሺን ያኔሳኔ ያምባሬሳ ኤያቴሳይ ቆንጨዳይሳዳ ኤንታ ኤያቴሳይካ አሳ ኡባ ሲንሳን ቆንጫና ጊሾ ኤንታው ሃኔና።

ወርሴሳ ዞሬ

10 ሺን ነኒ ታ ቲሚርቲያ፣ ታ ዱሳ፣ ታ ቆፋ፣ ታ አማኑዋ፣ ታ ዳንዳዮ፣ ታ ሲቁዋ፣ ታ ጌንጫ፣ 11 ታ ዩዴቴሳኔ ታ ሜቱዋ ኤራሳ፣ አንዎኪያን፣ ኢቆኒዮኔን፣ ሊስባራ ካታማታን ታና ጋኪዳባኔ ታኒ ዳንዳዲያ ሜቱዋ ኤራሳ፣ ጎዳይ ታና ሄ ኡባፊ አሺስ። 12 ኪሪስቶስ ዩሱሳን ያሳ ኡፋይሲያ ዴዖ ዳናው ኮያ ኡባይ ጎዴታና። 13 ኢታ አሳቲኔ ባሌሴይሳቲ ባንታው ባሌቲሼኔ ሃራታ ባሌሴሼ ካሴጅ ኢቲ ኢቲ ባና።

14 ሺን ኔ ታማሪዳ ቱማኒኔ ኔ አማኒዳ አማኑዋን ኤቃ። ኔ አዴፊ ታማሪዳኮ ኤራሳ። 15 ነኒ ኔ ናዓቴሳፊ ዶማዳ ኪሪስቶስ ዩሱሳ አማናዳ አቶቴሲ ዴሚያ ጨንጫቴሲ ኢማናው ዳንዳዲያ ጊሻ ማፃፋታ ኤራዳሳ። 16 ጊሻ ማፃፋ ኡባይ ያሳፊ ኢሜቲዳ ቃላ፣ ሄ ማፃፋይ ቱማ ታማርሳናው፣ ባሊዳይሳታ ሴራናው፣ ሱሪሳናውኔ ጊሎቴሳ ዱሳስ ኮሺያ ዞሬ ኢማናው ማዴስ። 17 ያሳ አሲ ፖሎኔ ሎዖ አሶ ኡባ አሳናው ጊጊዳይሳ ጊዳና ሚላ ማዴስ።

4

1 ታኒ ኔና ያሳ ሲንሳኒኔ፣ ካዎ ጊዲዲ ሃራናው ቆንጨያ ዎዴ ፓፃታኔ ሃይቂዳይሳታ ፐርዳናው ዴዲያ ኪሪስቶስ ዩሱሳ ሲንሳን ዞራይስ። 2 ቃላ አዳ፣ ዎዴይ ኢንጄቲን ኢንጄቶና ኢዲን ሚናዳ አዳ፣ ዳሮ ዳንዳዳኒኔ ታማርሶን አሳ ዞራ፣ ሴራኔ ዴንሴሳ። 3 አሳይ ቱማ ቲሚርቲያ ሲዖና ኢዲያ ዎዴይ ያና። ኤንቲ ባንታ አሙዋ ካሊዲ፣ ባንታው ሲዓናው ኡፋይሲያባ አዲያ አስታማሬታ ሺሾሶና። 4 ኤንቲ ቱማ ቲሚርቲያ አጊዲ፣ ቱማ ጊዶና አዳ ሲዓናው ባንታ ሃይሳ ዛሮሶና። 5 ሺን ነኒ ኡባባን ኔና ሃራ። ሜቱዋ ዳንዳዳ። ዎንጊላ ማርካቴሳ አሱዋ አሳ። ኔው ኢሜቲዳ ያሳ አሶ ኡባ ፖላ።

6 ታኒ ያርሼቲያ ዎዴይ ጋኪስ፤ ሃ አላሚያ አጋዳ ቢያ ዎዴይ ማቲስ። 7 ታኒ ሎዖ አላ አሌታስ፤ ታ ጋዲያ ዎፃዳ ወርሳስ፤ አማኑዋ ናጋስ። 8 ሲንሳፊ ጊሎቴሳ ካላቻይ \* ታና ናጊስ። ሄሳ ጊሎ ፐርዳ ፐርዲያ ጎዳይ ሄ ጋላስ ታው ኢማና። ሄሳ ታ ሃላላስ ጊዶናሺን ኢያ ቆንጨሳ አሞቲያ ኡባስ ኢማና።

ጳውሎሳ ቡዞ ቆፋታ

9 ኤሴሳ ያዳ ታና ቤዓ። 10 ዴማሲ ሃ አላሚያን ዴዲያባታ ዶሲዲ፣ ታና አጊዲ፣ ቴሴሎንቁ ካታማ ቢስ። ቁርቂሲ ጋላቲያ ቢታ፣ ቃሲ ቲቶይ ዲልማዲያ ቢታ ቢስ። 11 ሉቃሳ ሃላሊ ታራ ዴዴስ። ማርቆሲ ያሳ አሶን ታና ማዳናው ዳንዳዲያ ጊሾ ኔራ ኤካዳ ያ። 12 ታኒ ቲኪቆሳ ኤሬሶና ካታማ ኪታስ። 13 ነኒ ያሼ፣ ጊሮዓዳ ካታማን ካርፖሳ ማታን አጋዳ ዩዳ ታ ኮቲያኔ

2:19 ታይ 16:5    3:8 ኬሳ 7:11    3:11 ሃ.አ 13:14-52፤ 14:1-20    \* 4:8 ጊሎቴሳ ካላቻይ፡ ጊሎቴሳ ዴዖ ጊሾ ታ ኤካና ካላቻ፡ ጊሎቴሳ ታው ካላቻ አሲዲ ኢሜስ ጉሱ።    4:10 ቆላ 4:14፤ ፊልሞ 24፤ 2ቆሮ 8:23፤ ጋላ 2:3፤ ቲቶ 1:4 4:11 ቆላ 4:14፤ ፊልሞ 24፤ ሃ.አ 12:12፤ 25፤ 13:13፤ 15:37-39፤ ቆላ 4:10    4:12 ሃ.አ 20:4፤ ኤፌ 6:21-22፤ ቆላ 4:7-8



ማፃፋታ ታው ከካዳ ያ። ኡባካ ጋልባን ገፌቲዳ ማፃፋታ ከኮና ዮፓ።

<sup>14</sup> ቢራታ ቆፂያ ኢስኪንዲሬይ ታና ዳሮ ቆሂስ፤ ጎዳይ ኢያ አሱዋዳ ኢያው ዛራና። <sup>15</sup> ኢኑ ተሚርቲያ ዳሮ ኢፂያ ጊሾ ኢያፔ ኔና ናጋ።

<sup>16</sup> ኮይሮ ታ ሞቴቲያ ዎዴ ኡባይ አጊዲ ቢዶሶናፔ አቲን አኒካ ታና ማዲቤና። ያሳይ ሄባላ ኤንታው ታይቦፖ። <sup>17</sup> ሺን ታኒ ኩሜሳ ኪታ አይሁዴ ጊዶና አሳ ኡባስ ማርካቲን፤ ኤንቲ ሲዓና ሜላ ጎዳይ ታ ማታን ኤቂዲ ታው ዎልቃ ኢሚስ። ቃሲ ኮሻቲዳ ጋሞዳ ዶና ዶዬዳ ሃይቁዋፔ ታና አሺስ። <sup>18</sup> ጎዳይ ታና ኢታ ኡባፌ አሺዲ ባ ሳሎ ካዎቴሳ ሳሮን ኤፋና። ኢያው ሜሪናፔ ሜሪና ጋካናው ቦንቾይ ጊዶ። አሚንዲ።

**ወርሴሳ ሳሮሶ**

<sup>19</sup> ጲሪስቂላስ፤ አቂላሲኔ አኔስፎራ ሶ አሳስ ታ ሳሮሱዋ አዳ። <sup>20</sup> ኤራስዎሲ ቆሮንቶሳ ካታማን አቲስ። ጊሮፊሞሲ ሃርጌቲዳ ጊሾ ሚሊዌ ካታማን አጋስ። <sup>21</sup> ባልጎይ ጌላናፔ ሲንፊ ኤሌሳዳ ያ።

ኤወቡሉሲ፤ ጲዶሲ፤ ሊኑሲ፤ ቂላዴይኔ ሃራ አማኒያ አሳቲ ኡባይ ኔና ሳሮ ሳሮ ጎሶና።

<sup>22</sup> ጎዳይ ዩሱስ ኪሪስቶሲ ኔ አያናራ ጊዶ።

ያሳ ማሮቴሳይ ሂንቴ ኡባራ ጊዶ።

### ጳውሎስ ቴቶስ ገሬዳ ኪታ ጋሳ ቆፋ

ቴቶይ አይሁዴ ጊዶና አሲ፣ ሺን ጉዩፔ አማኒዲ፣ ጳውሎስ ዎንጌላ ኪታ አሱዋ አሲያ ዎዴ ማታን ኢያ ማዲዳ አሲ። ሄ ዎዴ ቴቶይ፣ ዎሳ ኪሳ ያላናዉኔ ናጋናው ቃርጫሳ ቢታን አቲስ። ሃ ኪታይ ሄቸ አይፌ ቆፋታ አይኬስ።

1) ዎሳ ኪሳ አይሲያ አሳይ፣ ኢታ ዱሱ ዴዲያ ቃርጫሳ አሳ ማታን አይ ሜላ ሎዎ ዱሱ ዳናው ኮሺያኮ ቴቶ አኬኪሴስ።

2) ዎሳ ኪሳ ጊዶን ዴዲያ ዱማ ዱማ ጨጌታ፣ ሄሲካ፣ ጨማ አሳታ፣ ያላጋ አዴታኔ አይሌታ ዋቲ ታማርሳናው ቤሲያኮ ቴቶ ዞሬስ።

3) አማኒያ አሳ አማኖ ዱሳባ፣ ሄሲካ፣ ሳርቴሳኔ ሲቆን ዳናባ፣ ዎሳ ኪሳ ጊዶፌ አሺ፣ ፓላማኔ ሻሆቴሲ ዲጋናባ ቴቶስ ዞሬ ኢሜስ። ቴቶ ኪታ አይፌ ቆፋታ

ጌሎ ቆፋ 1:1-4

ዎሳ ኪሳ ካሌሲያ አሳ 1:5-16

ዎሳ ኪሳን ዴዲያ ዱማ ዱማ ጨጋታ አሶ 2:1-15

ዞሬኔ ናጊሶ 3:1-11

ኩሻ ቆፋ 3:12-15

1 ዩሱስ ኪሪስቶሳ ሃዋሬይኔ ዎሳ አይሌይ፣ ጳውሎስ፣ ገሬዳ ዳብዳቤያ። ዎሳይ ዶሪዳ አሳ አማኑዋ ዲቻናዳኔ ቱማ አያና ዴዑዋ ዋኒዲ ዳኔኮ ቤሲያ ቱማ ኤራኮ ኤንታ ካሌሳናው ታኒ ኪቴታስ። 2 ሄ አማኖይኔ ኤራቴሳይ ሜሪና ዴዑዋ ኡፋይሳ ቦላ ዜምፒስ። ሄሳ ዳሮ ዎዴፔ ሲንሴ ዎርዶቶና ዎሳይ ኑስ ኢማና ጊዲ ቃላ ጌሊስ። 3 ኑና አሺያ ዎሳይ ባ ዎዴን ሃ ኪታ አዳና ሜላ ታው ሃዳራ ኢሚስ።

4 ኑ ኮሴ አማኑዋን ታ ቱማ ናጋ ጊዲዳ ቴቶ፣ ዎሳ አዋፔኔ ኑና አሺያ ዩሱስ ኪሪስቶሳፔ አጶ ኬሃቴሳይ፣ ማሮቴሳይኔ ሳርቴሳይ ኔው ጊዶ።

ቴቶይ ቃርጫሳን አሲያ አሱዋ

5 ታኒ ኔና ቃርጫሳን አጋዳ ዩዳይ፣ ኔኒ አቲዳባ ጊጊሳናዳኔ ታኒ ኪቴዳይሳዳ ካታማ ኡባን ዎሳ ኪሳ ጨማታ ዶራና ሜላሳ። 6 ጨሚ ቦሬቶናይሳ፣ ኢሲ ማቼ አዚና፣ ማራ ዳዮን ዎይኮ ኪቴሳ አሲያን አሲ ቦሮና አማኒያ ናይቲ ዴዲያ አሲ ጊዳናው ቤሴስ። 7 ዎሳ ኪሳ ጨሚ ዎሳ አሱዋ ሃዳራ ኤኪዳ ጊሾ ቦሬቶናይሳ፣ አቶርቶናይሳ፣ ኤሌ ዩሎቶናይሳ፣ ማሶቶናይሳ፣ አዳ ሜዶናይሳኔ ቤሶና ጎዓስ ዳፌቶናይሳ ጊዳናው ቤሴስ። 8 ሺን ኢማሴ ሞኬይሳ፣ ሎዎባ ኡባ ዶሴይሳ፣ አኪካንቾ፣ ዲሎ፣ ጊሺኔ ባና ሃሬይሳ ጊዳናው ቤሴስ። 9 ሃራታ ሱሬ ቲሚርቲያን ሚንጌሳናው ሄ ቲሚርቲያ ኢዲይሳታ ዛራናው ባ ታማሪዳ ቱማ ቃላን ሚኒዲ ኤቃናው ቤሴስ።

10 ኪቴቶናይሳቲ፣ ፓሶና አዳ አዴቴይሳቲ፣ ጨሚይሳቲ ኡባካ ቃገሬቴሳ ዎጋ ናጊያ ዳሮ አሳቲ ዴዎሶና። 11 ኤንቲ ቤሶና አኔን

ሚሼ ዴማናው ኮዩዲ፣ ታማርሳናው ቤሶናባ ታማርሲሼ ኪሳ አሳ ኡባ ኢሲያ ጊሾ ኤንታ ቲሚርቲያ ቴቃናው ቤሴስ። 12 ኤንታ ናቤታፔ ኢሶይ፣ «ቃርጫሳ አሳይ ኡባ ዎዴ ዎርዶ አዴቶሶና፤ ኢታ ዶዳታኔ አዛላ ያራምባታ»\* ያጊስ። 13 ሃ ማርካቴሳይ ቱማ ማርካቴሳ። ሄሳ ጊሾ፣ ኤንታው ቱማ አማኖይ ዳና ሜላ ኤንታ ሃንቁታ። 14 ቱማ ኢዲያ አሳ ቲሚርቲያኔ አይሁዴታ ፓሶና ቶሲያ ሲያና ሜላ ኤንታ ሴራ። 15 ባንታው ጌሺ ጊዲዳይሳታስ ኡባይ ጌሺ፣ ሺን ቴናታሲኔ አማኖናይስታስ ኤንታ ቆፋይኔ ካሃይ ቱኒዳ ጊሾ ኤንታው አይቢካ ጌሺ ጊዴና። 16 ኤንቲ ኑ ዎሳ ኤሮስ ጎሶና፣ ሺን ባንታ አሱዋን ኢያ ካዶሶና። ኤንቲ ዎሳን ኢዲቴዳይሳታ፣ ኪቴቶናይሳታኔ ሎዎ አሶ ኡባስ ጊዶናይሳታ።

### 2

1 ሺን ኔኒ ሱሬ ቲሚርቲያ ጳልቆና ቲሚርቲያ ታማርሳናው ቤሴስ። 2 ጨማ አዴቲ ባንታና ሃሬይሳታ፣ ዎፑ ጊዳይሳታ፣ ቦንቼቲዳይሳታ፣ አማኖን፣ ሲቆኒኔ ዳንዳጎን፣ ሚኖ ጊዳና ሜላ ዞራ። 3 ሄሳዳካ፣ ጨማ ማጫሳይ ባንታ ዱሳን ጌሻታ፣ ዚጊሮናይሳታ፣ ዎይኔ ኡሻን ሃሬቶናይሳታኔ ሎዎባ ታማርሴይሳታ ጊዳና ሜላ ታማርሳ። 4 ኤንቲ ሄሳዳ ሃኒኮ ያላጋ ማጫሳይ ባንታ አዚናታኔ ባንታ ናይታ ሲቃና ሜላ ታማርሳናው ዳንዳሶሶና። 5 ዎሳ ቃላይ ቦሬቶና ሜላ ባንታና ሃሬይሳታ፣ ጌሻታ፣ ባንታ ሶን አሴይሳታ፣ ኬሃታኔ ባንታ አዚናታስ ኪቴቴይሳታ ጊዳና ሜላ ያላጋ ማጫሳ ታማርሶና።

6 ሄሳዳካ፣ ያላጋ አዳቲ ባንታና ሃራና ሜላ ዞራ። 7 ኔኒ ኔ ሁጫን ሎዎ አሶ ኡባን ኤንታው ሌሚሶ ጊዳ። ኔኒ ኔ ቲሚርቲያን ኤቁዳይሳኔ አማኔቲዳይሳ ጊዳ። 8 ኑ ሞርኬቲ ኑና ዚጊራናው ጋሶያባይ ኤንታው ዳዩን ኤንቲ ዩላታና ሜላ ኔኒ ቦሬቶና ሎዎ አዳ አዴታ።

9 አይሌቲ ኡባባን ባንታ ጎዳታስ ኪቴታና ሜላ፣ ኤንታ ኡፋይሳና ሜላኔ ኤንታራ ፓላሞና ሜላ ዞራ። 10 ኤንቲ ባንታ ጎዳታፔ ካይሶቶፖ። ሄሲካ፣ ኑና አሺያ ዎሳ ቲሚርቲያ፣ ኡባ አኔን ዶሴቲዳይሳ ጊዳና ሜላ ባንታ አሲያ አሱዋን አማኔቲይሳታ ጊዴይሳ ቤሳና ሜላ ኤንታ ዞራ።

11 አሴ አሺያ ዎሳ አጶ ኬሃቴሳይ አሳ ኡባስ ቆንጨስ። 12 ሄ አጶ ኬሃቴሳይ፣ ኑ ናጋራኔ ሃ አላሚያ አሙዋ አጊዲ፣ ሃ ዎዲያን ኑና ሃሪዲ፣ ቱማ አያና ዴዑዋኒኔ ዲሎቴሳን ዳና ሜላ ኑና ታማርሴስ። 13 ኑኒ አንጄቲዳ ኡፋይሳ ጊዲዳ ጊታ ዎሳኔ ኑና አሺያ ዩሱስ ኪሪስቶሳ ቦንቾ ቆንጨሳ ናጎስ። 14 ኢታ አሶ ኡባፌ ኑና ዎዛናው ሎዎባ አሳናው አሞቲያ ባ ጌሻ አሲ ኬሳናው ኑ ጊሾ ባና አሲ ኢሚስ።

15 ኔኒ ሃይሳ ታማርሳ፤ ኩሜሳ ማታን ዞራ፣ ሴራ፤ አኒካ ኔና ካዶፖ።

### 3

አማኒያ አሳ አሶ

1:4 2ቆሮ 8:23፤ ጋላ 2:3፤ 2ዲሞ 4:10 1:6 1ዲሞ 3:2-7 \* 1:12 ቃርጫሳ አሳይ ኡባ ዎዴ ዎርዶ አዴቶሶና፤ ኢታ ዶዳታኔ አዛላ ያራምባታ፣ ሄሳ ያጊዲ አዲዳ ናቤይ ኤጲሜንዴሳ ጌቴቲስ። 2:14 ማዘ 130:8፤ ኪሳ 19:5፤ ዛሬ 4:20፤ 7:6፤ 14:2፤ 1ጴጊ 2:9

1 አሳይ ደጋፊ ሃራይሳታስ፤ አዋቴሳይ ደጋፊሳታስ ሃራታናው፤ ኪቴታናውኔ ሎዎ አሶ ኡባ አሳናው ጊጊቲዳይሳታ ጊዳና ሜላ አኬኪሳ።  
 2 ቃሲ ኤንቲ ኦዴ ቦላካ ኢታ ኦዴቶና ሜላ፤ ሳሮ አሲ ጊዳና ሜላ፤ አሽኪታኔ አሳ ኡባስ ካዴቴይሳታ ጊዳና ሜላ ዞራ። 3 ኑኒ ካሴ ኤያታ፤ ኪቴቶናይሳታ፤ ባሌቲዳይሳታ፤ ዱማ ዱማ አሾ ኡፋይሳሲኔ አሞስ አይሌቲዳይሳታ። ኑኒ ኢታቴላኒኔ ቃናቱን ኩሚዳይሳታ፤ ኑ አሴ ኢዲይሳታ፤ አሲካ ኑና ኢዲይሳታ። 4 ሺን አሺያ ያሳ ኬሃቴሳይኔ ሲቆይ ቆንጨዳ ዎዴ 5 ኑ አሲዳ ዊሎ አሱዋ ጊሾ ጊድናሺን ባ ማሮቴሳ ጊሾ ኑና አሺሰ። ኑና ኢ አሺዳይ፤ ናምዓንሶ ዩሌቴሳ ሜቻኒኔ ጊሻ አያና ባጋራ ኢሚዳ አራሳ ዴዑዋና። 6 ሄ አያና፤ ያሳይ ኑና አሺያ ዩሱስ ኪሪስቶሳ ባጋራ ኑ ቦላ ዳርሲዲ ጉሲሰ። 7 ባ አዶ ኬሃቴሳ ባጋራ ኑና ዊሊሲዲ ሜሪና ዴዑዋ ላታ ኡፋይሳ አይካና ሜላ ሄሳ አሲሰ። 8 ሃ ቃላይ አማኔቲዳ ቃላ። ያሳ አማኔይሳቲ ሎዎ አሶ አሳናው ጊጊዳይሳታ ጊዳና ሜላ ኔ ሃ ቃላ ሚንሳዳ አዳና ሜላ ታ ኮያይስ። ሃይሳቲ አሴ ኡባስ ሎዎኔ ጎዔይሳታ። 9 ሺን ኤያቴሳ ፓላማፔ፤ ኮቻ ታይቦፔ፤ ካቻፊኔ ሂጌ ጋሶን ዴንዲያ አሻፊ ናጌታ። ሄሲ ጎዒኔ ዎዴይ ባይናባ። 10 ሻሆቴሲ ሜዲያ ኡራ ኮይሮ ዞራ፤ ናምዓንሶ ሃንቄታ ሄሳፊ ጉዩ ኢያፔ ሃካ። 11 ሄሳ ሜላ አሲ ጌላኔ ናጋራንቾ፤ ኢ ባ ቦላ ፐርዴይሳ ኤራ።

**ወርሴሳ ዞሬ**

12 ታኒ ባልጎ ያን ሻጫናው ቆፒዳ ጊሾ አርጫሳ ዎይኮ ቲኪቆሳ ኔኮ ኪቲያ ዎዴ ኔ ታኮ ኒቆጲሊዮና ያናው ሚና። 13 ሂጌ ኤሪያ ዜናሲኔ አጲሎሲ አጌ ቢያ ዎዴ ኤንታው ኮሺያባይ ፓሮና ሜላ ኤንታ ማዳ። 14 ኑ አሳይካ ፓሶና አሲ ጊዲዲ አቶና ሜላ ባንታው ኮሺያባ ዴማና ሜላ ሎዎ አሶ አሳናው ሚኒዲ ታማሮ።

15 ታራ ዴዲያ ኡባይ ኔና ሳሮ ጎሶና፤ አማኖን ኑና ሲቂያ አሳ ሳሮ ጋ። ያሳ አዶ ኬሃቴሳይ ሂንቴ ኡባራ ጊዶ። አሚንዲ።



### ጳውሎስ ፊልሞናስ ገፊዳ ዳብዳቤያ ጋላ ቆፋ

ፊልሞን ኤሬቲዳ አማኒያ አሲ። ኢ ቆላሲያሳ ምሳ ኬሳ አሲ ጊዶና አቴና። ፊልሞናስ አናስሞሳ ጊያ አይሌይ ዴዔስ። ሄ አይሌይ ባ ጎዳፔ ቤቲዲ ቢዳ ምዴ ቃሾ ኬሳን ዴዒያ ጳውሎሳራ ጋሄቲስ። አናስሞሲ ዩሱሳ አማናና ሜላ አሲዳይ ጳውሎሳ። ጳውሎስ ፊልሞናስ ገፊዳ ዳብዳቤይ። ፊልሞን ጉዩ ሲሚዲ ኢያኮ ቢያ ባ አይሊያራ ሲጌታና ሜላ አኬኪሴስ። ጉጂዲካ ሃዒ አናስሞሲ አማኒያ አሲ ጊዲዳ ጊሾ ሂዛፔ ጉዩ አማኒያ ኢሻዳ ኢያ ሞኪ ኤካና ሜላፔ አቲን አይሌዳ ኢያ ታይቦናዳ ኢያው አዴስ።

ፊልሞና ኪታ አይፌ ቆፋታ

ሳሮሶ 1-3

ጋላታኔ ምሳ 4-7

ጳውሎስ አናስሞሳ ጊሾ ፊልሞና ምሲስ 8-21  
ኩሻ ቆፋ 22-25

1 ታኒ ጳውሎስ፤ ዩሱስ ኪሪስቶሳ ጊሾ ቃሾን ዴዒይሲኔ ኑ ኢሻ ጊሞቲዮሲ፤ ኑራ አሲያ ኑኒ ዶሲያ ፊልሞናስ፤ 2 ኔ ሶን ሺቂያ ምሳ ኬሳስ፤ ኑ ሚቹ አፊቢያሲኔ ኑራ ኢሲፌ ዴዒያ ምታዳሬ አርኪጳሳስ ገፊዳ ኪታ።

3 ምሳ ኑ አዋፔኔ ኑ ጎዳ ዩሱስ ኪሪስቶሳፔ አዶ ኬሃቴሳይኔ ሳሮቴሳይ ሂንቴው ጊዶ።

#### ፊልሞና ሲቁዋኔ አማኑዋ

4-5 ኔኒ ጊሻታ ዶሴይሳኔ ጎዳ ዩሱሳ አማኔይሳ ታኒ ሲዒያ ጊሾ ምሳ ምሳሼ ኔና ቆፒያ ምዴ ኡባን ታ ምሳ ጋላታይስ። 6 ኔኒ ኔ አማኑዋ ሃራታስ ሻኬይሲ ኑስ ኪሪስቶስ ዩሱሳ ባጋራ ያ ሎዎባ ኡባ ኤሪሳና ሜላ ታኒ ምሳ ምሳይስ። 7 ጊሻታ ምዛናይ ኔ አሱዋን ሚኒዳ ጊሾ ታ ኢሻው፤ ታኒ ኔ ሲቁዋን ዳሮ ኡፋይሲኔ ሚንሴሶ ዴማስ።

#### ጳውሎስ አናስሞሳ ፊልሞናስ አዲስ

8 ሄሳ ጊሾ፤ ኔኒ አሳናው ቤሲያባ አሳና ሜላ ኔና ኪታናው ኪሪስቶሳ ባጋራ ታው ሚኖቴሲ ዴዔስ። 9 ታኒ፤ ጪማይ ጳውሎስ፤ ኪሪስቶስ ዩሱሳስ ሃዒካ ቃሾን ዴዒይሲ፤ ሲቆን ኔና ምሳይስ። 10 ታኒ ቃሾን ዴዒሼ ኢያው ዞሪያ አዋ ጊዳዳ ታ ናዓ አናስሞሳ ጊሾ ኔና ምሳይስ። 11 ኢ ካሴ ኔና ማዴና፤ ሺን ሃዒ ኔናካ ታናካ ቱማ ማዲያ አሲ።

12-13 ታኒ ምዛናፔ ዶሲያ አናስሞሳ ኔኮ ዩዳይስ። ታኒ ምንጊላ ጊሾ ቃሼቲዳሺን፤ ኔ ጊሾ ታው አሲዲ ታና ማዳና ሜላ ታ ማታን ኢያ አሻናው ኮያስ። 14 ሺን ኔ ሺኔዳ አሳናው ኮያሲፔ አቲን ኔራ ዞሬቶና ምልቃን አይኮካ አሳናው ኮዩኬ።

15 አናስሞሲ ጉሳ ምዴ ኔፔ ሻኬቲዳይሲ፤ አኒ ኤሪ ሲሚዲ ኡባ ምዴ ኔራ ዴዎና አጊና። 16 ሂዛ፤ ሃይሳፌ ጉዩ አናስሞሲ አይሌ ጊዶናሺን አይሌፌ ኢ ዳሮ አዴስ። ኢ ታው አይ ሜላ ሲቆ ኢሼ!

ቃሲ ኢ ኔው አሳ ባጋራካ ጎዳ ባጋራካ አዲዳ ኢሻ።

17 ሂዛ፤ ኔኒ ታና ኔ ላጌ ጊያባ ጊዲኮ ታና ሞኪይሳዳ ኢያ ሞካ። 18 ኢ ኔና ቆሂዳባይ ምይኮ ኢ አጮቲዳባይ ዴዒኮ ታፔ ኤካ። 19 ሄ አጩዋ ታኒ ቃንግና ጋዳ ታኒ፤ ጳውሎስ፤ ታ ኩሼን ግፋይስ። ኔኒ ታው ኔ ሼምፑዋ አጮታ ኡቲዳይሳ ታኒ ኔና አኬኪሳናው ኮሼና።

20 ታ ኢሻው፤ ጎዳ ባጋራ ኔፔ ማዴ ዴማናው ኮያይስ። ኪሪስቶሳ ባጋራ ታና ሚንሴሳ። 21 ታኒ ጊዳይሳፌ ዳሮ ኔኒ አሳናይሳ ኤራዳ ቃሲ ኔ ታው ኪቴታናይሳ አማናዳ ሃይሳ ግፋይስ።

22 ምሳይ ሂንቴ ምሳ ሲዒዲ ታና ሂንቴኮ ጉዩ ዛራና ጋዳ ቆፒያ ጊሾ ታው ኢማሲ ሼምፒያ ኬሲ ጊጊሳ።

#### ወርሴሳ ሳሮታ

23 ኪሪስቶስ ዩሱሳ ጊሾ ታራ ቃሾን ዴዒያ ኤጳፊሪ ኔና ሳሮ ሳሮ ጊስ። 24 ቃሲ ታራ ኢሲፌ አሲያ ማርቆሲ፤ አርስፂሮኮሲ፤ ዴማሲኔ ሉቃሲ ኔና ሳሮ ሳሮ ጎሶና።

25 ጎዳ ዩሱስ ኪሪስቶሳ አዶ ኬሃቴሳይ ሂንቴ አያናራ ጊዶ።

1:2 ቆላ 4:17 1:10 ቆላ 4:9 1:23 ቆላ 1:7፤ 4:12 1:24 ሃ.አ 12:12፤ 25፤ 13:13፤ 15:37-39፤ 19:29፤ 27:2፤ ቆላ 4:10፤ 14፤ 29.ሞ 4:10-11

### ኢብራዌ አሳስ ፃፌትዳ ኪታ ጋሳ ቆፋ

ሃ ኪታይ ፃፌትዳይ፣ ዎልቃማ ሜቶይ ጋኪን፣ ባንታ አማኑዋ አጋናው ማቲዳ አማኒያ አሳሳ። ሃ ማፃፋ ፃፌይ፣ ዩሱስ ኪሪስቶሲ ወርሴሳኔ ቱማ ያሳ ቆንጩሳ ጊዴይሳ ኢብራዌ አሳስ ቤሴስ። ሄ አማኒያ አሳይ ባንታ አማኑዋን ሚናና ሜላ ኤንታ ሚንሴሴስ። ኢ ሄሳን ሄኸ አይፌ ቆፋታ ዋናዩዲ ቤሴስ።

1. ዩሱሲ ባ ኤኪዳ ሜቱዋን አዋስ ቱማ ኪቱቲዳ ሜሪና ያሳ ናዓ። ኢ ያሳ ናዓ ጊዲዳ ጊሾ ጋልዓ ጫቁዋ ዎዴ ዴዲያ ናቤታ፡፡ ኪታንቸታ፡፡ ሙሴ፡፡ ቦላ።
2. ዩሱሲ ጋልዓ ጫቁዋ ካሂንታ፡፡ ዳሮ አዲያ ሜሪና ካሂኔ ጊዴይሳ ያሳይ ባ ሁዔን ማርካቲስ።
3. ዩሱሳ ባጋራ አማኒያ አሲ ናጋራ፡፡ ያሻፌኔ ሃይቆ፡፡ አቴስ። ዩሱሲ ካሂኔ ሃላቃ ጊዴይሳዳ፣ ካሴ ኢብራዌታ አማኖ ዎጋኒኔ ሜሄ ያርሾን ኩያዳ ቤንቲያ አቶቴሳ ሃዲ ቱማ አሲስ።

ፃፌይ ኢስራዌሌ አሳ ታሪኪን ዳሮ ኤሬቲዳ አሳ አማኖ ሌሚሶ አሲ ኤኪዲ (ሼም 11) ሃ ማፃፋ ናባቢያ አሳቲ ባንታ አማኑዋን ሚናና ሜላ አኪኪሴስ። ሄሳዳካ፣ ሼም 12 ናባቢይሳቲ ባንታ አይፊያ ዩሱሳ ቦላ ዎሲዲ፣ ባንታ አማኑዋን ሚናና ሜላኔ አይ ሜቶይኔ ዋዩይ ጋኪኮካ፣ ኤንቲ ጌንጫና ሜላ ዞሬስ። ወርሴሳን ዞሬኒኔ አኪኪሶ ቃላን ባ ኪታ ኩዩስ።

ኢብራዌ ኪታ አይፌ ቆፋታ  
ጌሎ ቆፋ፣ ያሳይ ኪሪስቶሳን ቆንጩዳይሳ

- 1:1-3
- ኪሪስቶሲ ኪታንቸታ፡፡ ቦላ 1:4-2:18
- ኪሪስቶሲ ሙሴ፡፡ ኢያሱ፡፡ ቦላ 3:1-4:13
- ኪሪስቶሳ ካሂኔቴሳይ ቦላ 4:14-7:28
- ኪሪስቶሳ ጫቆይ ቦላ 8:1-9:22
- ኪሪስቶሳ ያርሾይ ቦላ 9:23-10-39
- አማኖ ባይራቴሳ 11:1-12:29
- ያሳ ኡፋይሶ 13:1-19
- አንጆኔ ኩሻ ቆፋ 13:20-25

#### ናዓይ ኪታንቸታ፡፡ ቦላ

1 ካሴ ያሳይ፣ ኑ አዋታስ ናቤታ ባጋራ ዱማ ዱማ አጌን ዳሮ ዎዴ አዲስ። 2 ሺን ሃ ወርሴሳ ዎዲያን ኡባ ኢያ ላቲሲዳ ቃሲ አላሚያ ኢያ ባጋራ ሜዲዳ ባ ናዓ ባጋራ ኑስ አዲስ። 3 ናዓይ ያሳ ቦንቹዋ ጳሌሳኔ ኩሜሳ ያሳ ያሳቴሳ ኤኪዲ፣ ባ ዎልቃማ ቃላን ሃ አላሚያ ካቲሲዲ አይኪስ። አሳ ኤንታ ናጋራ፡፡ ጌሺዳ፡፡ ጉዩ ኡባፌ ቦላ ያሳ ኡሻቻ ባጋን ሳሉዋን ኡቲስ።

4 ኢያው ኢሜቲዳ ሱንሳይ ኪታንቸታ ሱንሳፌ ቦላ ጊዴይሳዳ ኢ ኤንታፌ ቦላ። 5 ሂዛ፣ ያሳይ ኪታንቸታ፡፡ አይኮ፣  
«ኔጎ ታ ናዓ፤

ታ ሃቺ ኔው አዋ ጊዳስ» ጊዴ? ዎይኮ ቃሲ አይኮ፣  
«ታኒ ኢያው አዋ ጊዳና፤  
ኢካ ታው ናዓ ጊዳና» ጊዴ?  
6 ቃሲ ያሳይ ባ ባይራ ናዓ ሃ አላሚያ ኪቲሼ፣  
«ያሳ ኪታንቸቲ ኡባይ ኢያው ጎይኖ» ያጊስ። 7 ያሳይ ኪታንቸታባ አዲሼ፣  
«ያሳይ ባ ኪታንቸታ ጫርኮ፣  
ባ አይሌታ ታማ ላጮ አሴስ» ያጊስ። 8 ሺን ባ ናዓባ አዲሼ፣  
«ያሳው፣ ኔ ካዎቴሳይ ሜሪናው ዴዔስ፣  
ኔ ካዎቴሳ ኔ ጊሎቴሳን አይሳሳ፣  
9 ኔኒ ጊሎቴሲ ዶሳዳሳ፤ ኢታ ኢፃዳሳ፣  
ያሳይ፣ ኔ ጎዳይ፣ ኔና ኔ ላጌታ፡፡ አሲዲ ዶሪስ፣  
ኡፋይሳ ዛይቴ \* ኔና ቲዩስ» ያጊስ። 10 ያሳይ ዛሪዲ፣  
«ጎዳው፣ ኮይሮ ኔኒ ሳዓ ሜዳዳሳ፤ ሳሎቲ ኔ ኩሼ አሶ።  
11 ሄሳቲ ኡባይ ዳያና፤ ሺን ኔኒ ዳና፣  
ኤንቲ ኡባይ አፊላዳ ወራና።  
12 ኔኒ ኤንታ ሳሌናዳ ፃፃና፤ ቃሲ ኤንቲ አፊላዳ ላሜታና፣  
ሺን ኔኒ ኡባ ዎዴ ኔና፤ ኔ ላይሳይካ ወራና» ያጊስ። 13 ሺን ያሳይ ኪታንቸታ፡፡ አይኮ፣  
«ታኒ ኔ ዋርኪታ ኔ ቶሆይ ዩዲያሶ አሳና ጋካናው፣  
ሃይሳን ታ፡፡ ኡሻቻ ባጋን ኡታ» ጊዴ?  
14 ኪታንቸቲ ኡባይ አቶቴሲ ዴማናው ዴዲያ አሳታ ማዳናው ያሳይ ኪቲዳ አያናታ ጊደኮናዩ?

## 2

### ጊታ አንጅዋ

1 ሄሳ ጊሾ፣ ኑኒ ሲዲዳ ቱማ፡፡ ሃራሶ ኤኪቶና ሜላ ሄ ሲዲዳይሳ ሚንሴዲ ናጋናው ቤሴስ።  
2 ሂዛ፣ ኪታንቸታ ባጋራ አይኮቲዳ ቃላይ ቱማ ጊዲኮ፣ ኢያ ናቆይኔ ኪቱቶና ኢያይ ፒርዳ ኤሂያባ ጊዲኮ፣ 3 ያቲን፣ ኑኒ ሃይሳ ሜላ ጊታ አቶቴሳ ኢፃስ ጊኮ፣ ዋኒዲ አታኔ? ኮይሮ ጎዳይ ባ ሁዔን ሄ አቶቴሳ አዲስ፤ ቃሲ ኢያ፡፡ ሲዲዳይሳቲ ኑስ ጊሺዲ ማርካቲዶሶና።  
4 ቃሲ ያሳይ ማላታታን፣ አራሳባታን፣ ዱማ ዱማ ማላታኒኔ ባ ሼኒያዳ ኢሚዳ ጌሻ አያና ኢሞታታን ማርካቴሳ ሚንሴስ።

### ዩሱሲ አሴ ጊዲስ

5 ያሳይ ሃ ኑኒ አዲያ ሲንሳፌ ያና አላሚያ፣ ኪታንቸታስ ሃሪሲቤና። 6 ጌሻ ማፃፋይ ኢሲ ቤሳን ሃይሳዳ ያጊስ፣  
«ኔኒ አሳስ ቆጋናው አሲ አይቤ? ዎይኮ ኔኒ ኢያ ናጋናው ኢ አይቤ?  
7 ኔ ኢያ ኪታንቸታ፡፡ ጉላ ዎዴስ ጉላዳሳ፤ ኢያ ሁዔን ቦንቹኔ ሳባ ካላቻ ዎሳዳሳ።  
8 ቃሲ ኡባባ ኢያ ቶሁዋ፡፡ ጋርሳን ዎሳዳሳ» ያጊስ። ያሳይ ኡባባ ኢያው ሃሪሲያ ዎዴ ኢያው ሃራቲቦናባይ አይቤካ ባዋ። ሺን ሃዲ ኡባባይ

1:5 ማዝ 2:7፤ 2ሳሙ 7:14፤ 1ታሪ 17:13 1:6 ዛሬ 32:43 1:7 ማዝ 104:4 1:8 ማዝ 45:6-7 \* 1:9 ኡፋይሳ ዛይቴ፣ ኢ ካዎቴያ ዎዴ አሳይ ኡፋይሳን ኢሊሊዲ ኢያ ካዎሴይሳ ቤሴስ። 1:10 ማዝ 102:25-27 1:13 ማዝ 110:1 2:6 ማዝ 8:4-6

ኢያው ሃራቲሺን ኑኒ ቤዒቦኮ። 9 ሺን ኑኒ ከታንቸታፕ ጉሳራ ጉዲዳ ዩሱሳ ቤዖስ። ያሳ አቶ ከሃቴሳ ጋሶን ዩሱሳ አሳ ኡባስ ሃይቂስ። ኢዋዬ ሃይቆ ሃይቂዳ ጊሾ ቦንቸኔ ሳባ ካላቻ ኢያ ሁዔን ዎሲስ። 10 ኡባባይ ኢያውኔ ኢያ ጋሶን ሜዴቲዳ ያሳይ። ዳሮ ናይታ ባራ ቦንቸሳናው ኤንታ አቶቴሳ ሁዒያ። ዩሱሳ ዋዩን ፖሎ አሳናው ኢያው ቤሴስ።

11 ዩሱሳኔ ሄ ኢ ጊሺዳ አሳ ኡባይ ኢሲ አዋ ናይታ። ዩሱሳ ኤንታ። «ታ ኢሻታ» ጊዲ ዪጋናው ዩላቶናይ ሄሳሳ። 12 ዩሱሳ። «ታኒ ኔ ሱንሳ ታ ኢሻታስ አዋጃና፤ ዴሪያ ሸቁዋን ኔና ጋላታና»

ያጊስ። 13 ቃሲ ኢ። «ታኒ ታ አማኑዋ ኢያ ቦላ ዎሳና» ቃሲካ። «ያሳይ ታው ኢሚዳ ናይታራ ታ ሃይሳን ዴዓይስ» ያጊስ።

14 ናይቲ አሾይኔ ሱሴ ዴዔይሳታ ጊዲያ ጊሾ ዩሱሳካ ኤንታዳ አሴ ጊዲስ። ኢ ሄሳ አሴዳይ። ሃይቆ ቦላ ዎልቂ ዴዒያ ዓላሂያ ባ ሃይቁዋን ዳይሳናሳ። 15 ቃሲ ባንታ ዴዎ ላይሳ ኡባን ሃይቆ ያሻን አይሌቲዲ ዴዔይሳታ አይሌቲሳ። ዎዛናሳ።

16 ቱማ ዩሱሳ ዩዳይ አብራሃሜ ዜሬሴ ማዳናሳ። አቲን ከታንቸታ ማዳናሳ ጊዴና።

17 አሳ ናጋራይ አቶ ጌቲታና ሜላ ያሳ ሲንሳን ማሪያኔ አማኔቲዳ ካሂኔ ሃላቃ ጊዲስ። ሄሳ ጊሾ። ኢ ኡባባን ባ ኢሻታ ዳናናው ቤሴስ። 18 ኢ ባ ሁዔን ፓጩን ዋዩቲዳ ጊሾ ፓጩቲይሳታ ማዳናው ዳንዳዔስ።

3

ዩሱሳ ሙሴፕ ቦላ

1 ሄሳ ጊሾ። ያሳይ ዪጊዳ ጊሻ ኢሻቶ። ኑ አማናን ጎዳ ጊዲ ዪጊያ ሃዋሪያኔ ካሂኔ ሃላቃ ዩሱሳ ቤዒቴ። 2 ሙሴይ ያሳ ኬሳ ኡባን አማኔቲዳይሳዳ ዩሱሳካ ባና ዶሪዳ ያሳስ አማኔቲዳይሳ። 3 ኬሴ ኬዪይሲ ኬሳፌ አዲዲ ቦንቸቲይሳዳ ዩሱሳ ሙሴፕ አዲያ ቦንቸ ኤካናው ቤሴስ። 4 ኢሲ ኢሲ ኬሳ ኬዪዳ አሲ ዴዔስ። ሺን ኡባ ጊጊሲዳይ ያሳ። 5 ሙሴይ ያሳ ኬሳ ኡባን አማኔቲዳ አይሌ ጊዲዲ። ያሳይ ሲንሳፌ ጋናባስ ማርካ ጊዲስ። 6 ሺን ኪሪስቶሲ ያሳ ኬሳን ናዓዳ አማኔቲዳይሳ። ኑኒ ኤካና ጊዲ ናጊያ ኡፋይሳ ሚንሲዲ ናጊኮ ያሳ ኬሴ ጊዶስ።

ያሳ አሳስ ዴዒያ ሽምፑዋ

7 ሄሳ ጊሾ። ጊሻ አያናይ ጌይሳዳ። «ሃቺ ሂንቴ ያሳይ ጌይሳ ሲዒያ ዎዴ

8 ባዞ ቤታን ፓጩያ ጋላስ። ሂንቴ አዋቲ ማካሊዳይሳዳ። ሂንቴ ዎዛና ሚንሳፊቴ።

9 ሂንቴ አዋቲ ታና ፓጩዶሶና፤ አይታሙ ላይሴ ታ አሱዋ ቤዒዶሶና።

10 ሄሳ ጊሾ። ታ ሄ ዩሌቴሳ ሃንቁታዳ። «ኤንቲ ኡባ ዎዴ ባንታ ዎዛናን ባሎሶና፤ ታ አጊያ ኤሪቦኮና» ያጋስ።

11 ሄሳ ጊሾ። ታኒ ታ ሃንቁዋን ጫቃዳ። «ታ ሽምፖ ቤሳ ኡባካ ጌሎኮና» ያጋስ።

ያጊስ።

12 ታ ኢሻቶ። ሂንቴፌ አይንካ። ዴዎ ያሳፌ ሂንቴና ሻኪያ ኢታኔ አማናና ዎዛኒ ዶና ሜላ ናጌቲቴ። 13 ሂንቴፌ አናካ ናጋሪ ባሌሴን። ባ ዎዛና ሚንሳና ሜላ «ሃቺ» ያጌቲዲ ዪጌቲሺን ጋላስ ጋላስ ኢሶይ ኢሱዋራ ዞሬቲቴ። 14 ኑ ኮይሮ አማኑዋ ኑኒ ዉርሴሴ ጋካናው ሚንሲዲ ናጊኮ። ኪሪስቶሳራ ኢሲፌ ሳታና። 15 ጊሻ ማግፋን። «ሃቺ ያሳይ ጌይሳ ሂንቴ ሲዒያ ዎዴ

ሄ ዎዴ ኤንቲ ማካላቴሳን ሃንዳይሳዳ። ሂንቴ ዎዛና ሚንሳፊቴ» ያጊስ።

16 ያሳይ ጊያባ ሲዒዲ ማካሊዳይ አኔ? ሙሴይ ጊብዪፌ ካሌሴ ኬሲዳ ኡባ ጊዶኮናዩ?

17 ያሳይ አይታሙ ላይሴ አና ሃንቁቲዴ? ናጋራ አሲዳይሳታኔ ኤንታ አሃይ ባዞ ቤታን ዎዲ አቲዳ አሳታ ጊዶኮናዩ? 18 ቃሲ ያሳይ። «ታ ሽምፖ ቤሳ ጌሌኬታ» ያጊዲ ጫቁዳይ። ኢያው ኪቴቶና ኢዲዳ አሳፕ አቲን አይሴ? 19 ሂዛ። ኤንቲ ሄ ሽምፖ ቤሳ ጌሎና አቲዳይ አማኒቦና ጊሾ ጊዴይሳ ኑ ቤዖስ።

4

1 ሂዛ። ያሳይ ኑና ባ ሽምፖ ቤሳ ጌልሳና ጊዳ ቃላይ ቡሮ ሲንሳፌ ዴዒያ ጊሾ ሂንቴፌ አኒካ ሄ ሽምፖ ቤሳ ጌሎና አቶና ሜላ ናጌቶስ።

2 ኤንታው ዎንጌላይ ሳባኬቲዳይሳዳ። ኑስካ ሳባኬቲስ። ሺን ኤንቲ ሲዒዳባ አማኒዲ ኤኪቦና ጊሾ ኤንታ ጎዒቤና። 3 ጊዶሺን። አላሜይ ሜዴቶሳፕ ዶሚዲ ያሳ አሶይ ፖሌቲዳይሳ ጊዲኮካ። ያሳይ።

«ታኒ ታ ሃንቁዋን ጫቃዳ። ታ ሽምፖ ቤሳ ኡባካ ጌሎኮና»

ጊዳይሳዳ። ኑኒ አማኒዳይሳቲ ኢያ ሽምፖ ቤሳ ጌላና። 4 ላፑንሳ ጋላሳባ ኢሲ ቤሳን። «ያሳይ ላፑንሳ ጋላሳን ባ አሶ ኡባፌ ሽምፐስ» ያጊስ። 5 ቃሲካ ሄ ቤሳን። «ኤንቲ ታ ሽምፖ ቤሳ ኡባራካ ጌሎኮና» ያጊስ። 6 ኮይሮ ዎንጌላ ሲዒዳይሳቲ ኪቴቶና ኢዲዲ ሽምፖ ቤሳ ጌሊቦኮና። ያኒያ ጊሾ። ሃዒካ ሄ ሽምፖ ቤሳ ጌላና ኢሲ ኢሲ አሳቲ ዴዎሶና። 7 ሄሳ ጊሾ። ያሳይ። «ሃቺ» ጊዲ ዪጊሺ ኢሲ ጋላስ ኑስ ቃንዪስ። ዳሮ ዎዴፕ ጉዩ ያሳይ ዳዊቴ ባጋራ።

«ያሳይ ጊያባ ሃቺ ሂንቴ ሲዒያ ዎዴ ሂንቴ ዎዛና ሚንሳፊቴ»

ያጊዲ አዲስ። 8 ኢያሱይ ኤንታው ሽምፑዋ ኢሚዳባ ጊዲያኮ። ያሳይ ሃራ ጋላሳባ ጉዩፕ አይናሺን። 9 ሂዛ። ያሳ አሳስ ሳምባታ ሽምፖይ ናጌቲዲ ዴዔስ። 10 ያሳ ሽምፖ ቤሳ ጌሊያ አኒካ። ያሳይ ባ አሱዋፕ ሽምፐዳይሳዳ ኢካ ባ አሱዋፕ ሽምፓና። 11 ሄሳ ጊሾ። አኒካ ሄ አሳ ኪቴቴሳ ኢፀዋ ካሊዲ። ኩንዶናዳ ያሳ ሽምፖ ቤሳ ጌላናው ሚኖስ።

12 ያሳ ቃላይ ዴዎኔ አሴይሳ። ናምዑ ባጋራ ቃራቲዳ ማሻፌ አዲዲ አጮ። ኢ ሽምፖ። አያና። ዓጵኔ ኮሊዜ ጋካናው ኪንሲዲ ጫዴስ። ቃሲ አሳ ዎዛናን ዴዒያ ጊሚዳ ቆፋኔ አሙዋ ሻኪዲ ፐርዴስ። 13 ያሳ ሲንሳፌ ቆሴቲያባይ

2:12 ማዘ 22:22 2:13 ኢሳ 8:17-18 2:16 ኢሳ 41:8-9 3:11 ማዘ 95:7-11 3:15 ማዘ 95:7-8 3:16 ታይ 14:1-35 4:3 ማዘ 95:11 4:4 ሜዴ 2:2 4:5 ማዘ 95:11 4:7 ማዘ 95:7-8 4:8 ዛሬ 31:7፤ ኢያ 22:4 4:10 ሜዴ 2:2



አይባ ሜዴቴሌካ ባዋ። ኢያ አይፌ ሲንሳን ኡባባይ ቆንጩኔ ካሎ ዴዔስ። ኑኒ ዛሮ ኢማናው ቤሴይ ኢያ ሲንሳና።

**ጊታ ካሂኔ ሃላቃ ዩሱሳ**

14 ሂዛ። ሳሎ ኬዩዳ ጊታ ካሂኔ ሃላቃይ። ያሳ ናዓይ ዩሱሲ። ኑስ ዴዔያ ጊሾ ኑ አማኑዋ ሚንሲዲ ናጎስ። 15 ኑ ካሂኔ ሃላቃይ ኑ ዳቡሪያ ዎዴ ኑስ ቃዴታናው ዳንዳዔይሳ። ኢ ናጋራ አሲቤና። ሺን ኑዳ ኡባባን ፓጩቲስ። 16 ሂዛ። ማሮቴላ ኤካናውኔ ማዴ ኮሺያ ዎዴ አዶ ኬሃቴላ ዴማናው አዶ ኬሃቴላይ ዴዔያሱዋ ያሳ አራታኮ ያዮና ሺቆስ።

**5**

1 ኢሲ ኢሲ ካሂኔ ሃላቂ አሳ ጊዶፌ ዶሬቲዲ። ያሳራ ጋሲያባን አሳ ጊሾ ኢሞታኔ ናጋራ ያርሾ ያርሻናው ሹሜቲስ። 2 ኢ ባ ሁዔን ዳቡራንቾ ጊዲያ ጊሾ ኤሮናይሳታሲኔ ባሌይሳታስ ቃዴታናው ዳንዳዔይሳ። 3 ኢ ባ ናጋራ ጊሾኔ አሳ ኡባ ናጋራ ጊሾ ያርሾ ያርሻናው ቤሴይ ሄሳሳ። 4 አኒካ ሃ ቦንቹዋ ባው ኤካናው ዳንዳዔይሳ። ሺን አሮኒ ካሂኔ ሃላቃ ጊዳናው ዩጌቲዳይሳዳ ያሳን ዩጌታናው ቤሴስ። 5 ሄሳዳካ። ኪሪስቶሲ ካሂኔ ሃላቃ ጊዲያ ቦንቹዋ ባው ኤኪቤና። ሺን ያሳይ ኢያ።

«ኔኒ ታ ናዓ።  
ሃቹ ታ ኔው አዋ ጊዳስ»  
ያጌስ። 6 ቃሲ ሃራሶን።  
«ማልኪዳቂይ ካሂኔ ጊዲያይሳዳ።  
ኔኒ ሜሪናው ካሂኔ ጊዳና»  
ያጌስ።

7 ዩሱሲ አሴ ጊዲዲ ሃ አላሚያን ዴዔያ ዎዴ ባና ሃይቆፕ አሻናው ዳንዳዔያ ያሳ ዳሮ ዩሆኒኔ አፉሳን ዎሲስ። ኢ። ኢያ ቦንቹዲ ኪቴቲዳ ጊሾ ያሳይ ኢያ ዎሳ ሲዲስ። 8 ዩሱሲ ያሳ ናዓ ጊዲኮካ ባ ዩዩቲዳ ዎያን ኪቴቴላ ታማሪስ። 9 ሄሳንካ። ዩሱሲ ባ አሱዋ ፖሊዳፕ ጉዩ ባው ኪቴቲያ ኡባይ ሜሪና አቶቴላ ዴማና ሚላ ጋሶ ጊዲስ። 10 ያሳይ ማልኪዳቂይ ሹሚዳይሳዳ ካሂኔ ሃላቃ አሲዲ ኢያ ሹሚስ።

**አማኑዋን ዳቡሮና ሚላ ኢሜቲዳ ናጊሶ**

11 ሃ ኑ አዳ ቦላ ጉጂ ሃሳያናባይ ዳሮባይ ዴዔስ። ሺን ሂንቴ አኬካይ ጉሳ ጊዲያ ጊሾ ሂንቴው አዲ ጌልሳናው ዋይሴስ። 12 ሂንቴ ሃናዳ አስታማሬ ጊዳናው ቤሴስ። ሺን ያሳ ቃላ ኮይሮ ቲሚርቲያ ሂንቴና ዛሪ ታማርሲያ ሃራ አሲ ኮሺስ። ሂንቴ ሚኖ ካሲ ማናው ዳንዳዎና ጊሾ ማሲ ኮሺስ። 13 ማሲ ፓሄቲያ አኒካ ዮጋ ናዓ ጊዲያ ጊሾ ሎዎኔ ኢታ ሻኪ ኤሬና። 14 ሺን ሚኖ ካሲ ሎዎኔ ኢታ ሻኪዲ ኤሪያ ካሃማ አሳሳ።

**6**

1 ሂዛ። ኪሪስቶሳባ ታማርሲያ ኮይሮ ቲሚርቲያ አጊዲ ኪሪስቶሳን ካሃማቴላኮ ቦስ። ሃይቆ አሶፕ

ሲሞባኔ ያሳ አማኖባ ኮይሮ ቲሚርቲያኮ ጉዩ ሲሞኮ። 2 ሄሳዳካ። ዩንቃቴታባ። \* ኩሼ ዎሶባ። ሃይቆፕ ዴንዶባኔ ሜሪና ፐርዳባ ዛሪ ታማርኮ። 3 ያሳይ ጊኮ ኑ ሄሳ አሳና።

4 ኢሲ ቶሆ ፖዎይ ፖዲዳይሳታ። ሳሎ ኢሞታ ኤኪዳይሳታ። ጊሻ አያናን ሻኪቴዳይሳታ። 5 ሎዎ ያሳ ቃላኔ ሲንሳፌ ያና አላሚያ ዎልቃ ቤዲዳይሳታ። 6 ጉዩፕ ካዲዳይሳታ ናጋራፕ ናምዓንሶ ዛራናው ዳንዳዔቴና። አይስ ጊኮ። ኤንቲ ባንታ ዳዩዋስ ያሳ ናዓ ዛሪ ካቂያ ሚላ ማስቃሊያ ቦላ ኢያ ካቆሶናኔ አሳ ሲንሳን ካዉሾሶና።

7 ኡባ ዎዴ ኢ ቦላ ቡኪያ ኢራ ኡያዳ። ጎዩዳ ኡራ ማዲያ ካሲ ኢሚያ ቤቲያ ያሳን አንጂቲዳሮ። 8 ሺን አጉንሱኔ ኪንቾቴ ዶሊያ ቤቲያ አይቢባካ ማዳኩ፤ ኢው ቃንጌላይ ማታቲስ፤ ወርሴሳን ፀጌታና።

9 ኑ ሲቆ ኢሻቶ። ኑኒ ሃይሳዳ አዲያባ ጊዲኮካ። ሂንቴና አቶቴላኮ ካሌሲያ ሎዎባይ ሂንቴው ዴዔይሳ ኤሮስ። 10 ያሳይ ሱሬ ፐርዴይሳ። ያሳይ። ሂንቴ አሲዳ አሱዋኔ ካሴ ጊዲን ሃዲካ አማኔይሳታ ማዲዲ። ኢያው ዴዔያ ሲቁዋ ቤሲዳይሳ ዶጌና። 11 ሂንቴ ኡባይ ኡፋይሳን ናጌይሳ ዴማና ጋካናው ሃ ሚኖቴላ ወርሴሲ ጋካናው ቤሳና ሚላ ኑ አሞቶስ። 12 ሂንቴ አማኖኒኔ ዳንዳዎን ናጊያ ኡፋይሳ ላቲያ አሳ ዳናና ሚላፕ አቲን አዛላ ጊዳና ሚላ ኮዮኮ።

**ያሳይ ኢሚዳ ኡፋይሳይ ሲዲሴና**

13 ያሳይ አብራሃሜስ ኢማና ጊዲ ጫቂዳ ዎዴ ባፕ አዲያ ሃሪ ጊቲ ባይና ጊሾ ባ ሁዔን ጫቂስ። 14 ኢያኮ። «ታኒ ኔና አንጃና፤ ኔ ዜሬላካ ዳርሳና» ያጊስ። 15 አብራሃሜይ ዳንዳዎን ናጊዲ ያሳይ ኢማና ጊዳ ኡፋይሳ ኤኪስ።

16 አሲ ጫቂሼ ባፕ ጊታቲያ ኡራን ጫቂስ፤ ሄ ጫቂይ ጌቴቲዳባ ሚንሲዲ። ፓላማ ኡባ ቴቆስ። 17 ሄሳ ጊሾ። ያሳይ ባ ላሚቶና ቆፋ ኡፋይሳ ቃላ ላቴይሳታስ ቆንጩሳናው ኮዩዳ ጊሾ ጫቆን ሚንሲስ። 18 ያሳይ ዎርዶቴና። ኢያ ኡፋይሳ ቃላይኔ ጫቂይ። ናምዓይካ ላሚቶኮና። ሃ ናምዑባታን ኑ ሲንሳን ዴዔያ ኡፋይሳ አይካናው ዳናዳዎና ሚላ ጌሼ ዴማናው ኢያኮ ባቃቲዳ ኑኒ። ዎልቃማ ሚንሴሶ ዴማና።

19 ሃ ኡፋይሳይ ኑ ሺምፑዋስ። ማርካቤይ ቃዎናዳ ሚንሲዲ አይኪያ ቢራታ ሚላ። ሄ ኡፋይሳይ ማጋራጃዎፌ ጉዩ ባጋን ዴዔያ ጊሻ ቤሳ ጌሊስ። 20 ዩሱሲ ማልኪዳቂይ ሹማቴላዳ ሜሪናው ካሂኔ ሃላቃ ጊዲዲ። ኑ ጊሾ ኑፕ ሲንሳቲዲ ሄ ቤሳ ጌሊስ።

**7**

**ካሂኒያ ማልኪዳቂይ**

1 ማልኪዳቂይ። ሳሌሜ ካዎይ። ኡባፌ ቦላ ያሳ ካሂኔ። ሄ ማልኪዳቂይ አብራሃሜይ ካዎታ አሊ ዶኒዲ ሲሚሺን ኢያራ ጋሄቲዲ ኢያ አንጂስ። 2 አብራሃሜይ ባ ዲዲዳባ ኡባፌ ኢያው አስራታ ኬሲዲ ኢሚስ። ማልኪዳቂይ

5:3 ሌዌ 9:7 5:4 ኬሳ 28:1 5:5 ማዝ 2:7 5:6 ማዝ 110:4 5:7 ማቶ 26:36-46፤ ማር 14:32-42፤ ሉቃ 22:39-46 5:12 1ቆሮ 3:2 \* 6:2 ዩንቃቴታባ። ሃ ቤሳን ዩንቃቴታባ ጌቴቲዳይ ዱማ ዱማ ጊሾ ዎጋታባ አዳና። 6:8 ሜዴ 3:17-18 6:14 ሜዴ 22:16-17 6:19 ሌዌ 16:2 6:20 ማዝ 110:4 7:1 ሜዴ 14:17-20

ሱንሳይ ኮይሮ «ጊሎቴሳ ካዎ»፤ ናምዓን፤ «ሳሌሜ ካዎ» ቢርሼሳይ፤ «ሳርቴሳ ካዎ» ጉሱ።  
3 ማልኬግዲቄይ አያ ዎይኮ አዉ ዎይኮ ዛሬ ፓይዶይ ባዎ። ኢያ ዩሌቴሳስ ዶሜሲ ዎይኮ ኢያ ዴዑዋስ ዉርሴሲ ባዎ፤ ሺን ያሳ ናዓ ዳኒዲ ሜሪናው ካሂኔ ጊዲስ።

4 ማልኬግዲቄይ አይ ሜላ ጊቴኮ ቤዒቴ። ኑ አዋታ ማይዛይ፤ አብራሃሜይ፤ ባ ዴዒዳባ፤ ኢያው አስራታ ኢሚስ። 5 ካሂኔ ጊዲያ ሌዌ ዛሬይ ኢስራዔል አሳ፤ ሄሲካ አብራሃሜ ዜሬሲ ጊዲዳ ባንታ ኢሻታ፤ አስራታ ኤካና ሜላ ሂይይ ኪቴስ። 6 ማልኬግዲቄይ ሌዌ ዛሬ ጊዶና ኢዊኮካ አብራሃሜ፤ አስራታ ኤኪስ፤ ኡፋይሳ ቃሊ ዴዒያ አብራሃሜ አንጂስ። 7 ጉሳይ ጊታን አንጄቴይሲ ፓላንሳና።

8 ኢሲ ባጋራ፤ አስራታ ኤኬይሳቲ ሃይቄያ አሳታ፤ ሺን ሃራ ባጋራ አስራታ ኤኬይሲ ዴያን ዴዔስ ያጊዲ አዴቴዳይሳ። 9 ሂዛ፤ አስራታ ኤኪያ ሌዌይ፤ አብራሃሜ ባጋራ አስራታ ኢሚስ ጋናው ዳንዳቴስ። 10 አይስ ጊኮ፤ ማልኬግዲቄይ አብራሃሜራ ጋሄቲያ ዎዴ ሌዌይ ዩሌቴቦናባ ጊዲኮካ፤ ባ ማይዛ አብራሃሜ ጉልባታን ዴዔስ።

11 ኢስራዔል አሳስ ሂይይ ሌዌ ካሂኔቴሳ ባጋራ ኢሜቲስ። ሃ ሌዌ ካሂኔቴሳይ ፖሎ ጊዲዳባ ጊዲያኮ አርናይሳ ሜላ ጊዶናሺን፤ ማልኬግዲቄ ሜላ ሃራ ካሂኔ ሹማናው አይስ ኮሺዴ? 12 ሂዛ፤ ካሂኔቲ ላሜቲያ ዎዴ ሂይይካ ቃሲ ላሜታናው ቤሴስ። 13 ሃ ኑ ኢያባ አዲያ ኡራይ ሃራ ዛሬ፤ ኢያ ሹሻ፤ አኒካ ያርሾ ቤሳን ካሂኔቴሳን አሲቤና። 14 ኑ ጎዳይ ዩሁዳ ሹሻ፤ ዩዳይሲ ኤራቴዳይሳ፤ ጊዶሺን፤ ሙሴይ ካሂንቴባ አዲሼ ዩሁዳ ዛሪያባ አይባካ አዲቤና።

15 ማልኬግዲቄ ሜላ ሃራ ካሂኔይ ዩዳባ ጊዲያኮ ሃ ኑ አዲያባይ አዲ ቆንጫና። 16 ኢ ካሂኔ ጊዲዳይ ዳዮና ዴዑዋ ዎልቃና፤ አቲን ኢያ ማይዛ ሂይይኔ ዎጋን ጊዶና። 17 ጊሻ ማግፋይ፤ «ማልኬግዲቄ ካሂኔቴሳ ሜላ፤

ኔኒ ሜሪናው ካሂኔ»

ያጊዲ ማርካቴስ። 18 ኮይሮ ሂይይ ዳቡራንቾኔ ማይናባ ጊዲያ ጊሾ ሻሬቲስ። 19 ሙሴ ሂይይ አይቢንካ ፖሎ አሳናው ዳንዳይቤና። ሺን ኑኒ ኢያ ባጋራ ያሳኮ ሺቄያ ኡባሬ አዲያ ኡፋይሳ ቃላይ ኑስ ኢሜቲስ።

20 ኪሪስቶሲ ካሂኔ ጊዲያ ዎዴ ያሳይ ጫቂስ፤ ሺን ሃራቲ ካሂኔ ጊዲዳ ዎዴ ሄሳ ሜላ ጫቆይ ባዎ። 21 ሺን ዩሱሲ ጫቆን ካሂኔ ጊዲስ። ያሳይ ያጊዲ ጫቂስ፤

«ጎዳይ ጫቂስ፤ ኢ ባ ቆፋ ላሜና፤

«ኔኒ ሜሪና ካሂኔ»

ያጊስ። 22 ሃ ጫቁዋ ጋሶን ዩሱሲ ኑስ ኡባሬ አዲያ ቃላ ጫቁዋስ ዋሴ ጊዲስ።

23 ካሂኔቴሳን አሳና ሜላ ሃይቆይ ኤንታ ዲጊዳ ጊሾ ኮይሮ ካሂኔታ ታይቦይ ዳሮ። 24 ሺን ዩሱሲ ሜሪናው ዴዒያ ጊሾ ኢያ ካሂኔቴሳ ሃሪ ላቴና። 25 ሄሳ ጊሾ፤ ኢ ኡባ ዎዴ ኤንታ ጊሾ ጋናታናው ሜሪናው ዴዒያ ጊሾ ያሳኮ ኢያ ባጋራ ዩይሳታ ፖሎ አሻናው ዳንዳይስ።

26 ሂዛ፤ ኑስ ኮሺያባ ኢሚያ፤ ጊሻይ፤ ቦሬይኔ ቱኒ ባይናይሲ፤ ናጋራንቾታ፤ ሻኬቴዳይሲኔ

ሳሎዋ፤ አዲዲ ዶቄዳ ካሂኔ ሃላቃይ ኑስ ኮሺስ።  
27 ኢ ሃንኮ ካሂኔ ሃላቃታ ሜላ ኮይሮ ባ ናጋራ ጊሾ ካሊዲ አሳ ናጋራ ጊሾ ጋላስ ጋላስ ያርሾ ያርሻናው ኮሺና። ኢ ባና ያርሺዳ ዎዴ ዛሬሶና አኒን ኢሲ ቶሆ ባና ያርሺስ። 28 ሙሴ ሂይይ ዳቡራንቾ አሳ ካሂኔ ሃላቃ አሲዲ ሹሜስ። ሺን ሂጊያሬ ጉዩ ዩዳ ጫቆ ቃላይ ሜሪናው ፖሎ ጊዲዳ ያሳ ናዓ ሹሚስ።

8

ዩሱሲ ኑ ካሂኔ ሃላቃ

1 ኑኒ ሃሳያ ጊታባይ ሄሳ። ሳሎዋን ኡባሬ ቦላ ያሳ አራታ፤ ኡሻቻ ባጋን ኡቲዳ ሃይሳ ሜላ ካሂኔ ሃላቃይ ኑስ ዴዔስ። 2 ኢ አሳን ጊዶናሺን ጎዳን ኤቄዳ ቱማ ዱንካኒያን ያሳ ኬሳን አሴስ።

3 ካሂኔ ሃላቃ ኡባይ ኢሞኔ ያርሾ ያርሻናው ሹሜቴስ። ሄሳ ጊሾ፤ ሃ ካሂኔይ ያርሻናው ኢሲባይ ዳናው ኮሺስ። 4 ሂይይ ኪቴይሳዳ ያርሺያ ካሂኔቲ ዴዒያ ጊሾ ኪሪስቶሲ ሳዓን ዴዒያባ ጊዲያኮ ካሂኔ ጊዶና። 5 ኤንቲ ካሂኔቴሳን አሲያ ዱንካኒይ ሳሎን ዴዔይሳስ ሌሚሶኒ ኩያ። ሙሴይ ዱንካኒያ ኤሲያ ዎዴ ያሳይ ኢያኮ፤ «ታኒ ኔና ዴሪያ ቦላ ቤሲዳ ሌሚሱዋ ካሳዳ አሳ» ያጊስ። 6 ሺን ዩሱሲ ጊዶ ጊዲዲ ሲጊሲያ ጫቆይ፤ ኮይሮ ጫቁዋ፤ አዴይሳዳ ኢ ኤኪዳ አሶይ ኤንታይሳሬ አዴስ። ሄሲ ኤቄዳይ አዲያ ጫቆ ቃላና።

7 ኮይሮ ጫቁዋን ባሊ ባይናባ ጊዲያኮ ናምዓን፤ ጫቆ ኮሺና። 8 ሺን ጎዳይ ኢያ ቦሪዲ፤ ሃይሳዳ ያጊስ።

«ታኒ ኢስራዔል አሳራኔ ዩሁዳ አሳራ አራሳ ጫቆ ጫቁያ ዎዴይ ያና።

9 ሄ ጫቆይ ታ ኤንታ አዋታ ጊብዔ ቢታሬ ኩሺያ አይካዳ፤ ጎቻ ኬሲዳ ዎዴ ኤንታራ ጫቁዳ ጫቁዋ ሜላ ጊዶና።

ኤንቲ ታ ጫቁዋን አማኔቲቦና ጊሾ

ታኒ ኤንታ ዩጋ አጋስ ያጊስ ጎዳይ።

10 ሺን ሂዛ፤ ጉዩ ኢስራዔል አሳራ ታ ጫቃና ጫቆይ ሃይሳ ያጊስ ጎዳይ።

ታኒ ታ ሂጊያ ኤንታ ጉጊያን ዎሳና፤ ኤንታ ዎዛናን ገፋና።

ታኒ ኤንታ ያሳ ጊዳና፤ ኤንቲካ ታ አሴ ጊዳና።

11 ኤንታሬ አኒካ ባ ሾሩዋ ዎይኮ ባ ኢሻ፤ (ጎዳ ኤራ) ያጊዲ ታማርሴና።

ኤንቲ ጉሳሬ ጊታ ጋካናው ኡባይ ታና ኡራና።

12 ታኒ ኤንታ ናቁዋ አቶ ጋና፤ ኤንታ ናጋራ ዛራ ቆፒኬ» ያጊስ።

13 ያሳይ ሃ ጫቁዋ «አራሲ» ጊዲ ዩጊሼ ኮይሮይሳ ጋልዲሲስ። ሂዛ፤ ጋልዳይኔ ጫጋይ ዳያ ዎዴይ ጋኪስ።

9

ሳሎ ጎይናኔ ሳዓ ጎይና

1 ኮይሮ ጫቁዋስ ያሳ ጎይኒያ ዎጋይኔ ሳዓ ያሳ ኬሳይ ዴዔስ። 2 ዱንካኒይ ኤቄስ። ኢያን ዎም፤ ዎሲያ ኮሚይ፤ ገርጳዛይኔ ጎዳ ሲንሳን ዎሲያ

7:5 ታይ 18:21 7:17 ማዝ 110:4 7:21 ማዝ 110:4 7:27 ሌዌ 9:7 8:1 ማዝ 110:1 8:8 ኤር 31:31-34 9:2 ኬሳ 26:1-30፤ 25:31-40 9:3 ኬሳ 26:31-33

ኡይሳይ ደዔስ፤ ሄ ቤሳይ ጌሻ ቤሳ ጌቴቴስ።

3 ናምዓንሉ ማጋራጃዋፊ ጉዬ ባጋራ ደዔያ ቤሳይ ኡባፌ ጌሻ ቤሳ ጌቴቴስ። 4 ኢያ ጊዶን ኢጎኔ ጩዬሲያ ዎርቃ ሳጎኔይኔ ዎርቃን ሜሼቴዳ ጫቆ ታቦቴይ ደዔስ። ሄ ጫቆ ታቦቴያን ማናይ ደዔያ ዎርቃ ዓርይ፤ አጪዳ አርና ግምዓይኔ ሙሴ ሂጌይ ገፌቴዳ ናምዑ ሎቼ ሹቻቴ ደዎሶና።

5 ሄ ታቦቴያፕ ቦላ ባጋራ አቶቴሳ ካማ ባንታ ቁፊያን ጌንሲያ ቦንቾ ኪሩቤቴ ደዎሶና። ሺን ሃሂ ሄ ኡባ ቆንጫሲዲ አዳናው ዳንዳያኮ።

6 ሃ ኡባይ ሃይሳዳ ጊጊዳፕ ጉዬ፤ ካሂኔቴ ኡባ ዎዴ ባንታ አሱዋ አሳናው ዱንካኒያስ ኮይሮ ኪፊሊያ ጌሎሶና። 7 ሺን ካሂኔ ሃላቃ ገላሊ ዱንካኒያስ ናምዓንሉ ኪፊሊያ ላይሳፌ ኢሲ ቶሆ ጌሎስ። ኢያ ጌሊሼ ባ ናጋራ ጊሾኔ አሳይ ኤርና አሲዳ ናጋራ ጊሾ ሱሳ ያርሾ ኤኮና ጌሎና።

8 ኮይሮ ዱንካኒይ ኤቂዲ ደዔሺን፤ ኡባፌ ጌሻ ቤሳ ኤፊያ ኦጌይ ቡሮ ዶዩቴቦናይሳ ጌሻ አያናይ ሄሳን ኤሪሴስ።

9 ሄሲ ሃ ዎዲያስ ሌሚሶ፤ ያሳስ ኢሜቴያ ኢሞይኔ ያርሾይ ጎይኒያ ኡራ ካሃ ጌሻናው ዳንዳያናይሳ ሃይሲ ቤሴስ። 10 ሄሳቴ ሙሳባ፤ ኡሻባኔ ዱማ ዱማ ሜቻ ዎጋታ አዴይሳታ። ኤንቴ ኦራሳ ዎጋይ ያና ጋካናው አሴቴያ ካሬ ባጋ ዎጋታ።

11 ሺን ኪሪስቶሲ ሃሂ ኑ ደሚዳ ሎዎባታስ ካሂኔ ሃላቃ ጊዲዲ ዩስ። ኢ ጌሊዳ ዱንካኒይ ጊታኔ ፖሎ ጊዲዳይሳ። ሄ ዱንካኒይ አሳ ኩሼን አሴቴቤና ቃሲ ሃ አላሚያባ ጊዴና። 12 ኪሪስቶሲ ኡባፌ ጌሻ ቤሳ ጌሊያ ዎዴ ዴሻ ሱሲኔ ማራ ሱሲ ኤኪዲ ጌሊቤና። ሺን ሜሪና አቶቴሳ ኢማናው ባ ሱሳ ኤኪዲ ዛሬሶና ኦጌን ኢሲ ቶሆ ጌሊስ። 13 ዴሻ ሱሳይኔ ኮርማ ሱሳይ፤ ፀጌቴዳ ኡሳ ቢዶይ፤ ቱኒዳ አሳ ቦላ ሳርጩቴዲ ኤንታና ጌሺያባ ጊዲኮ። 14 ሜሪና ጌሻ አያና ባጋራ ቦሬይ ባይና ያርሾ አሲዲ፤ ያሳስ ባና ኢሚዳ ኪሪስቶሳ ሱሳይ፤ ዴዎ ያሳ ጎይናና ሜላ ሃይቆ ካሌሲያ አሱዋፕ ኑ ካሃ ዋቴ አሲ ጌሼኔ?

15 ሄሳ ጊሾ፤ ዩጌቴዳይሳቴ ያሳይ ኢሚዳ ሜሪና ላታ ኤካና ሜላ ኪሪስቶሲ አራሳ ጫቁዋስ ጊዶ ጊዲዲ ሲጌይሳ ጊዲስ። ሄሲ ሃኒዳይ አሳይ ኮይሮ ጫቁዋፕ ጋርሳን ደዔያ ዎዴ አሲዳ ናጋራፕ ኤንታና ዎካናው ኢ ሃይቂዳይሳና።

16 ሂዛ፤ ኪኪይ ደዔኮ፤ ሄ ኪኪዳ ኡራ ሃይቆይ ኤሬታናው ኮሼስ። 17 ኪኪዳ ኡራይ ሃይቂኮ ኢያ ኪኪይ ሚኒስ። ኪኪዳ ኡራይ ሃይቆና አቴኮ ኢያ ኪኪይ አሴና።

18 ሃሪ አቶሺን፤ ኮይሮ ጫቆይካ ሱሲ ባይና ሚኒቤና። 19 ሙሴይ ሂጊ ኪታ ኡባ አሳስ አዲዳፕ ጉዬ ማራ ሱሲኔ ዴሻ ሱሲ ሃሳራ ዋላኪዲ፤ ዞዎ ዶርሳ ኢኪሴኔ ሂሶጴ ቦንጮ ኤኪዲ፤ ማግፋ ቦላኔ አሳ ቦላ ወርሂስ። 20 ሙሴይ አሳኮ፤ «ሂንቴ ናጋና ሜላ ያሳይ ኪቴዳ ሱሳ ጫቆይ ሃይሳ» ያጊስ። 21 ሄሳዳካ፤ ዱንካኒያ ቦላኔ አሲያ ሚሼ ኡባ ቦላ ሱሳ ወርሂስ። 22 ቱማካ ሂጌይ ጌይሳዳ ጉሳባታፕ አቴን ኡባባይ ሱሳን ጌዩስ። ሱሲ ጉኮናሺን አቶቴሲ ባዋ።

**ዩሱሳ ፖሎ ያርሼቴሳ**

23 ሳሉዋባስ ሌሚሶ ጊዲዳይሳቴ ኡባይ ሜሄ ያርሾን ጌያናው ኮሼስ። ሺን ሳሎባቴ ባንታ ሁዔን ሄሳፌ አዲያ ያርሹዋን ጌያናው ኮሼስ።

24 ኪሪስቶሲ ቱማ ያሳ ኪሳስ ሌሚሶ ጊዲዳ፤ አሳ ኩሼን አሴቴዳ ኡባፌ ጌሻ ቤሳ ጌሊቤና። ሺን ኢ ሃሂ ኑ ጊሾ ያሳ ሲንሳን ቤንታናው ሱሲ ጊዶናይሳ ኤኪዲ፤ ኡባፌ ጌሻ ቤሳ ጌሎስ። ሺን ኪሪስቶሲ ዳሮ ቶሆ ባና ያርሻናው ሳሎ ጌሊቤና። 26 ሄሳዳ ሃኒዳባ ጊዲያኮ፤ ኪሪስቶሲ አላሜይ ሜዴቶሳፕ ዶሚዲ ዳሮ ቶሆ ዋዩታናው ኮሼስ። ሺን ሃሂ ዎዲያ ወርሴሳን ናጋራ ዲጋናው ባና ያርሺዲ ዛሬሶና ኦጌን ኢሲ ቶሆ ቤንቴስ።

27 አሲ ኡባይ ኢሲ ቶሆ ሃይቃናው ሄሳፌ ጉዬ ፕርዴታናው ቤሴስ። 28 ሄሳዳካ፤ ኪሪስቶሲ ዳሮ አሳ ናጋራ ዲጋናው ኢሲ ቶሆ ያርሼቴስ። ሺን ኢ ናጋራ ቶካናው ጊዶናሺን ባና ናጌይሳታ አሻናው ናምዓንሉ ቆንጫና።

**10**

1 ሙሴ ሂጌይ ያናው ደዔያ ሎዎባታስ ኩያፕ አቴን ባ ሁዔን ዋና ጊዴና። ሄሳ ጊሾ፤ ላይሳን ላይሳን ፓጩይ ባይና ያርሼቴያ ያርሾይ ጎይናናው ሺቂያ አሳ ፖሎ አሳናው ዳንዳዔና። 2 ሂጌይ ኤንታ ፖሎ አሳናው ዳንዳዒዳባ ጊዲያኮ ኤንቴ ያርሾ ያርሼይሳ አጋናሺን። ቃሲ ጎይናናው ሺቂያ አሳይ ባንታ ናጋራፕ ጌያና፤ ኤንታ ካሃይካ ኤንታና ባላ ጊዲ ሞቴና። 3 ሺን ሄ ያርሾቴ ላይሳን ላይሳን ናጋራ ቆፊሶሶና። 4 አይስ ጊኮ፤ ኮርማ ሱሲኔ ዴሻ ሱሲ ናጋራ ዲጋናው ዳንዳዔና።

5 ሄሳ ጊሾ፤ ኪሪስቶሲ ሃ አላሚያ ዩዳ ዎዴ ሃይሳዳ ያጊስ።

«ኔኒ ያርሾኔ ኢሞ ኮያባካ፤ ሺን ታው አሾ ጊጊሳዳሳ።»

6 ኔኒ ፀጌቴያ ያርሾኔኔ ናጋራ ያርሹዋን ኡፋይታባካ።

7 ሄ ዎዴ «ታ ጊሾ ማግፋን ገፌቴዳይሳዳ፤ ጎዳው፤ ታኒ ኔ ሼኒያ አሳናው ያስ» ያጊስ።

8 ያርሾይ ያርሼታና ሜላ ሂጌይ ኪቴያባ ጊዲኮካ፤ ኪሪስቶሲ ኮይሮ፤ «ኔኒ ያርሾኔ ኢሞ፤ ፀጌቴያ ያርሾኔ ናጋራ ያርሾ ኮያባካ፤ ኤንታን ኡፋይታባካ» ያጊስ። 9 ካሊዲካ ኢ፤ «ጎዳው፤ ሄኮ ታኒ ኔ ሼኒያ አሳናው ያስ» ያጊስ። ሄሳ ጊሾ፤ ኪሪስቶሲ ናምዓንሉዋ ኤሳናው ኮይሮይሳ ሻሪስ።

10 ዩሱስ ኪሪስቶሲ ያሳ ሼኒያ አሲዲ፤ ዛሬሶና ኦጌን ኢሲ ቶሆ ባ አሹዋ ያርሺዳ ጊሾ ኑኒ ጌዩዳ።

11 ካሂኔ ኡባይ፤ ናጋራ ዲጋናው ዳንዳያና ሄ ያርሾታ ጋላስ ጋላስ ያርሺሼ ኤቂዲ ባ አሱዋ አሴስ። 12 ሺን ኪሪስቶሲ ኡባ ዎዴስ ጊዲያ ኢሲ ናጋራ ያርሹዋ ያርሺዲ፤ ያሳፌ ኡሻቻ ባጋን ኡቴስ። 13 ሄ ዎዲያፕ ዶሚዲ ኢያ ሞርኬቴ ኢያ ቶሆይ ዩዲያባ አሳና ጋካናው ናጌስ። 14 ኢ ዛሬሶና ኦጌን ኢሲ ቶሆ ባና ያርሺዳ ያርሹዋን ጌሻታ ሜሪናው ፖሎ አሲስ።

9:4 ኬሳ 30:1-6፤ 25:10-16፤ 16:33፤ ታይ 17:8-10፤ ኬሳ 25:16፤ ዛሬ 10:3-5 9:5 ኬሳ 25:18-22 9:6 ታይ 18:2-6 9:7 ሌቄ 16:2-34 9:13 ሌቄ 16:15-16፤ ታይ 19:9፤ 17-19 9:19 ኬሳ 24:6-8 9:21 ሌቄ 8:15 9:22 ሌቄ 17:11 9:28 ኢሳ 53:12 10:5 ማዝ 40:6-8 10:11 ኬሳ 29:38 10:12 ማዝ 110:1



15 ቃሲ ጌሻ አያናይ ኑስ ሃይሳ ማርካቴስ።  
ኮይሮ ሃይሳዳ ያጊስ።

16 «ሄ ጋላሳታፕ ጉዩ።  
ታኒ ኤንታራ ጫቂያ ጫቆይ ሃይሳ።  
ታኒ ታ ሂጊያ ኤንታ ቆፋን ዎላና፤  
ኤንታ ዎዛናን ሃፋና»

ያጊስ። 17 ካሊዲካ።  
«ታኒ ኤንታ ናጋራኔ

ኤንታ ኢታ አሱዋ ዛራ ቆፒኬ»  
ያጊስ። 18 ሂዛ። ናጋሪ አቶ ጌቴቴዳፕ ጉዩ ናጋራስ  
ያርጄቴያ ያርሾ ኮሼና።

**አኔ ያሳኮ ሺቆስ**

19 ሂዛ። ታ ኢሻቶ። ኑኒ ዩሱሳ ሱላ ባጋራ  
ኡባሬ ጌሻ ቤሳ ጌላናው ኑስ ሚኖቴሲ ዴዔስ።

20 ኑ ጌላናይ ኪሪስቶሲ ባ ማጋራጃዋ። ሄሲካ  
ባ አሹዋ ባጋራ ኑስ ዶዩዳ አራሲኔ ዴያ ጊዲዳ  
አጊያና። 21 ኑስ ያሳ ኬላ ቦላ ሹሜቴዳ ጊታ  
ካሂኔ ሃላቃይ ዴዔስ። 22 ኑኒ ኢታ ካሃፕ ጊያናው  
ኑ ዎዛና ወርዌቴዲ። ኑ አሳቴላ ጊሎ ሃላን  
ሜጩቴዲ። ሱሬ ዎዛናኒኔ ፖሎ አማኖን ያሳኮ  
ሺቆስ።

23 ኑስ ኡፋይሳ ቃላ ኢሚዳ ያሳይ  
አማንቴዳይሳ ጊዲያ ጊሾ ኑ ማርካቴያ ኡፋይሳ  
ኡሻቺ ሃዲርሲ ጎና ሚንሲዲ አይኮስ። 24 ኢሶይ  
ኢሱዋ ሲቆሲኔ ሎዎ አሶስ ዋቴ ዴንፊሳኒኑ አኔ  
ቆፖስ። 25 ኢሶቴ ኢሶቴ ሜዜ አሲዲ ሺቆይሳ  
አጊዳይሳዳ ኑኒ ኢሲሬ ሺቆይሳ አጎኮ። ሺን  
ጎዳ ጋላሳይ ማታቴዳይሳ ሂንቴ ቤዲያ ጊሾ ሄሳ  
ካሲይሳሬ አሲዲ አሲቴ።

26 ኑኒ ቴማ ኤራቴላ ኤኪዳፕ ጉዩ ኤሪሼ  
ናጋራ አሲኮ። ሂዛፕ ኑ ናጋራ ጊሾ ያርጄታና  
ያርሾይ ባዋ። 27 ሺን ሂዛ አቴዳይ ያሺያ ፐርዳኔ  
ያሳ ዋርኬታ ፀጋናው ጊጊዳ ዎልቃማ ታማ።

28 ሙሴ ሂጊያ ኪቴቶና ኢዲዳ አኒካ ናምዑ ዎይኮ  
ሄቭ አሲ ኢያ ቦላ ማርካቴኮ ቃዴይ ባይናሺን  
ሃይቁስ። 29 ያቴን። ያሳ ናዓ ካዲዳ ኡራይ።  
ባና ጊሺዳ ያሳ ጫቆ ሱላ ቴናባዳ ቆፒዳ ኡራይ።  
ቃሲ አዶ ኬሃቴላ አያና ጫዩዳ ኡራይ። አይ  
ሜላ ኢታ ፐርዳ ኤካናው ቤሲያኮ አኔ ቆፒቴ።

30 ሂዛ። «ሃሎ ኬሶይ ታባ። ታ ኩሼ ዛራና»  
ጊዳይሳ ኑ ኤርስ። ቃሲካ። «ጎዳይ ባ አሳ  
ፐርዳና» ያጊስ። 31 ዴያ ያሳ ኩሼን ኩንዴሲ  
ዳሮ ያሺስ።

32 ሂንቴው ያሳ ፖይ ፖዲዳፕ ጉዩ ሂንቴ  
ዳሮ ዋዩን። ጊታ ባዌን ጌንጩዳ ቤኒ ዎዲያ  
ቆፒቴ። 33 ኢሲ ኢሲ ቶሆ ሂንቴ አሳ ሲንሳን  
ጫዩቴዴታ፤ ጎዴቴዴታ፤ ኢሲ ኢሲ ቶሆ ሄሳ  
ሜላ ዋዩይ ጋኪዳ አሳራ ኢሲሬ ዋዩዴታ።

34 ቃሾን ዴዲያ አሳስካ ቃዴቴዴታ። ሂንቴው  
ሎዶኔ ዳዮና ሻሎይ ሳሎን ዴዴይሳ ሂንቴ ኤሪዳ  
ጊሾ ሂንቴ ሻሎይ ቦንቄቴያ ዎዴ ኡፋይሳን  
ዳንዳዲዴታ።

35 ሄሳ ጊሾ። ጊታ ዎይቶይ ዴዲያ ሂንቴ  
ሚኖቴላ ዩጎሬቴ። 36 ያሳ ሺኒያ ፖሊዲ። ኢ  
ሂንቴው ኢማና ጊዳ ኡፋይሳ ኤካና ጋካናው  
ጌንጫናው ኮሼስ። 37 ሂዛ። ጌሻ ማፃፋን።

«ኢ። ያና ጊዳይሲ ያና፤ ጋምዔና።  
38 ሺን ታ ጊሎይ። ታናን አማኔቴዲ ዳና፤  
አኒካ ጉዩ ሲሚኮ ታና ኡፋይሴና»  
ያጊስ። 39 ኑኒ አማኔቴዲ አቴያ አሳ ባጋሬ አቴን  
ጉዩ ሲሚዲ ዳያ አሳ ባጋ ጊዶኮ።

**11**

**አማኖ**

1 አማኖይ ጉሳይ። ዴማና ጊዲ ኡፋይሳን  
አማኔቴዲ ናጊያባኔ ኑ ቤዶናባ ቤዲያዳ አሲዲ  
ኤኪያባ። 2 ቤኒ አዋቴ አማኖን ያሳሬ ማርካቴሲ  
ኤኪዶሶና።

3 አላሜይ ያሳ ቃላን ሜዴቴዳይሳ ኑ አማኖን  
ኤርስ። ቃሲ ቤንቴያባይ ቤንቶናባፕ ሜዴቴስ።

4 አቤሊ ቃዴላይሳሬ አዲያ ያርሾ ያሳስ  
ያርሺዳይ አማኖና። ያሳይ አቤላ ኢሙዋ  
ኡፋይቴዲ ኤኪዳ ዎዴ ኢ ጊሎ ጊዲዳይሳ  
ማርካቴስ። አቤሊ ሃሪ አቶሺን። ሃይቂዲካ ባ  
አማኑዋን ሃዲ ጋካናው አዴስ።

5 ሄኖኬይ ሃይቆና ሳሎ ቤዳይ አማኖና። ያሳይ  
ኢያ ኤኪዳ ጊሾ አኒካ ኢያ ቤዳናው ዳንዳዲቤና።  
ሄኖኬይ ሳሎ ኤኬታናፕ ሲንፊ ኢ ያሳ ኡፋይሴሲዳ  
አሲ ጊዴይሲ አዴቴስ። 6 አማኖይ ባይና  
አኒካ ያሳ ኡፋይሳናው ዳንዳዲና። ያሳኮ ያ አኒካ  
ያሳይ ዴዴይሳኒ ባና ኮዩይሳታስ ዎይቶ ኢሜይሳ  
አማኖናው ኮሼስ።

7 ኖሄይ ቡሮ ቤንቶናባስ ያሳይ ኢያው አዲዳ  
ዎዴ ያሳስ ያዩዲ። ባናኔ ባ ሶ አሳ አሻናው  
አማኖን ማርካቤ ኬዲስ። ያቴዲ ባ አማኑዋን  
አላሚያ ፐርዲዲ። አማኖን ቤንቴያ ጊሎቴላ  
ያሳሬ ኤኪስ።

8 አብራሃሜይ ላታ አሲዲ ኤካና ቤታ ባና  
ሜላ ያሳይ ኢያ ዌጊዳ ዎዴ ሃሪ አቶሺን። ኢ  
አው ቢያኮ ኤርና ኢዊኮካ ኪቴቴዳይ አማኖና።

9 አብራሃሜይ ያሳይ ኢያው ኢማና ጊዳ ቤታን  
ቤቴ አሳዳ ዴዲዳይ አማኖና። ያሳይ ሄ ኢማና  
ጊዳይሳ ኢያራ ኢሲሬ ላታናው ዴዲያ ዩሳቃራኔ  
ያይቆባራ ዎላ ዱንካኔን ዴዲስ። 10 ኢ። ያሳይ  
ቆፒዲ ኬዲዳ ሃላ ባሶይ ዴዲያ ካታማ ናጊስ።

11 ሳራ ባ ሁዔን ጩሚዳባ ጊዲኮካ ኡፋይሲ  
ኢሚዳ ያሳይ አማኔቴዳይሳ ጊዴይሳ ኤሪዳ ጊሾ  
ቃንሳታናው ዎልቃ ዴሚዳይ አማኖና። 12 ሄሳ  
ጊሾ። ሃይቂዳ አሲ ዳኒያ ኢሲ አዲያሬ ሳሎ  
ዮሊንቶ ሜላኔ አባ ጋፃን ዴዲያ ታይቦይ ባይና  
ሻሬ ሜላ ዜሬሳይ ዩሎቴዶሶና።

13 ሄ አሳ ኡባይ ባንታው ጌቴቴዳ ኡፋይሳ  
ቃላ ኤኮና አማኖን ሃይቂዶሶና። ሺን ሃሆራ ሄሳ  
ቤዲዲ። ዴሚዳዳ አሲዲ። ኡፋይሳን ኤኪዶሶና።  
ቃሲ ኤንቴ ሳዓን ኢማፊኔ ቤቴ አሲ ጊዴይሳ  
ኤሪዶሶና። 14 ሄሳዳ ጊያ አሳይ ባንታ ቤታ  
ናጊይሳ ቆንጩን ቤሲስ። 15 ኤንቴ ሄ አጊዲ  
ኪዩዳ ቤታ ጉዩ ቆፒዳባ ጊዲያኮ ጉዩ ሲማናው  
ዳንዳዶሶና። 16 ሺን ሃዲ አዲ ሎዲያ ሳሎ ቤታ  
ላሞቶሶና። ሄሳ ጊሾ። ያሳይ ኤንታው ካታማ  
ጊጊሲዳ ጊሾ «ኤንታ ያሳ» ጌቴቴዲ ዌጌታናው  
ዩላቴና።

10:16 ኤር 31:33 10:17 ኤር 31:34 10:22 ሉዌ 8:30፤ ሂዝ 36:25 10:27 ኢሳ 26:11 10:28 ዛሬ 17:6፤  
19:15 10:29 ኬላ 24:8 10:30 ዛሬ 32:35፤ 36 10:37 ኢብ 2:3-4 11:3 ሜዴ 1:1፤ ማዝ 33:6፤ 9፤ ዮሃ  
1:3 11:4 ሜዴ 4:3-10 11:5 ሜዴ 5:21-24 11:7 ሜዴ 6:13-22 11:8 ሜዴ 12:1-5 11:9 ሜዴ 35:27  
11:11 ሜዴ 18:11-14፤ 21:2 11:12 ሜዴ 15:5፤ 22:17፤ 32:12 11:13 ሜዴ 23:4፤ 1ታሪ 29:15፤ ማዝ 39:12

17 አብራሃሜይ ፓጩቲዳ ዎዴ ዩሳቃ ያርሺዳይ አማኖና። ሄ ኡፋይሳ ቃላ ኤኪዳ አብራሃሜይ ባ ኢሲ ናዓ ያርሻናው ጊጊስ።

18 ያሳይ አብራሃሜይ፡ «ኔ ዜሬሳይ ዩሳቃ ባጋራ ዩጌታና» ያጊዲ አዲስ። 19 ያሳይ ሃይቆፔ ዴንሳናው ዳንዳዔይሳ አብራሃሜይ አማኒዳ ጊሾ ዩሳቃ ሃይቆፔ ፓዊ ዴንዳዳዳ አሲዲ ዛሪ ኤኪስ።

20 ዩሳቂ ዎዴፔ ሃናናባ ኤሪዲ ያይቆባኔ ኤሳዌ አንጂዳይ አማኖና።

21 ያይቆቢ ሃይቃና ሃኒሼ፡ ኢሲ ኢሲ ዮሴፋ ናይታ አንጂዳይኔ ጉፌ ቦላ ካቲዲ ጎይዲዳይ አማኖና።

22 ዮሴፊ ሃይቃናው ማቲዳ ዎዴ ኢስራዔል አሳይ ጊብዔፌ ኬያናይሳ አዲዳይኔ ባ ሜቄሳ አሳናባ ኤንታ ኪቲዳይ አማኖና።

23 ሙሴይ ዮሴቲዳፔ ጉዬ ኢያ አያኔ ኢያ አዋይ ማላ ሎዎ ናዓ ጊዲዳይሳ ቤዒዲ ሄዙ አጌና ቆቲዳይ አማኖና፤ ኤንቲ ካወዋ አዋጁዋ ያዩቡከና።

24 ሙሴይ ዲጩዳፔ ጉዬ ጊብዔ ካወዋ ናዔ ናዓ ጌቲታናይሳ ኢዲዳይ አማኖና። 25 ሙሴይ ናጋራን ጉሳ ዎዴስ ኡፋይታና፤ ያሳ አሳራ ዋዬ ኤካናይሳ ዶሪስ። 26 ኢ ዎዴፔ ዴማና ዎይቱዋ ቲሺ አሲዲ ዩሊዳ ጊሾ ጊብዔ ሻሉዋፔ አሲዲ ኪሪስቶሳ ጊሾ ቦሬታናይሲ ዳሮ አዲያ ዱሬቴሲ ጊዲዳይሳ ኤሪስ።

27 ሙሴይ ካወዋ ሃንቁዋ ያዮና፡ ጊብዔፌ ኬዩዳይ አማኖና። ቤንቶና ያሳ ቤዒዳ አሳዳ ሃኒዲ ባ ቆፋን ጌንጩስ። 28 ሃይቆ ኤሂያ ኪታንቾይ ኢስራዔል አሳ ባይራ ናይታ ዎዶና ሜላ ሙሴይ ፋሲካኔ ሱሳ ወርዌሳ ዎጋ አሲዳይ አማኖና።

29 ኢስራዔል አሳይ ሜላ ቢታራ ሃሙቲያዳ ሃሙቲዲ፡ ዞዎ አባ ፒኒዳይ አማኖና። ሺን ጊብዔ አሳይ ጌላናው ፓጩ ቤዒሺን ሃሳይ ኤንታ ሚቲስ።

30 ኢስራዔል አሳይ ኢያርኮ ካታማ ሹቻ ዲርሳ ላፑን ጋላስ ዩዩዲ፡ ኩንዲሲዳይ አማኖና።

31 ሳይሚያ ራዓባ ቢታ ዎቼይሳታ ሞኪዳ ጊሾ ኪቲቶና አሳራ ሃይቆና አቲዳይ አማኖና።

32 ሂዛ፡ ሃራ ታ አይ ጎ? ጌዲዮናባ፡ ባራቃባ፡ ሳምሶና፡ ዮፍታሄባ፡ ዳዊቲባ፡ ሳሙዔላባ፡ ቃሲ ናቤታባ አዳናው ታው ዎዴይ ጊዴና።

33 ኤንቲ አማኖን ካዎቲሳታ ያኒዶና፤ ያሳይ ሲሞና፤ ያሳይ ኢማና ጊዳ ኡፋይሳ ኤኪዶሶና፤ ጋዎታ ዶና ጎርዲዶሶና፤

34 ታማ ዎልቃ ቶይሲዶሶና፤ ሞርካታ ማሻፌ አቲዶሶና፤ ባንታ ዳቡራን ሚኒዶሶና፤ አላን ዎልቃማ ጊዲዶሶና፤ አላጋ ቶራ ጎዲዶሶና።

35 ማጫሳቲ ባንታ ሃይቂዳይሳቲ ሃይቆፔ ፓዊን ኤኪዶሶና።

ቃሲ ሃራቲ አዲያ ሃይቆፔ ዴንዳዳ ኤካናው ኮዩዲ ቃሹዋፔ ቢሌታናይሳ ኢዲዶሶና።

36 ሃራቲ አሳን ቦሬቲዲ ሊሶን ጋራፌቲዶሶና፤ ሃራቲ ሳንሳላታን ቃሹቲዲ ቃሹ ኬሳን

ዩጌቲዶሶና። 37 ኤንቲ ሱቻን ጫዴቲዶሶና፤ ማጋዜን ናምዓ ኬዩዲ ጳልቄቲዶሶና፤ ፓጩቲዶሶና፤ ማሻን ሃይቂዶሶና፤ ኤንታው ኡባባይ ዳዩን ሜቶቲዶሶና። ዶርሳ ኢቴኔ ዴሻ ኢቴ ማዒዲ ዩዩዶሶና። 38 ኤንታው ሃ አላሜይ ጊጎና ኢዲን ባዞ ቢታን፡ ዴሬ ቦላ፡ ጎንጎሎኒኔ አላ ጊዶን ዩዩዶሶና።

39 ያሳይ ኤንታ አማኑዋባ ማርካቲካ፡ ሄ ኡባይ ጌቲቲዳ ኡፋይሳ ቃላ ኤኪቡከና። 40 ያሳይ ኑስ ሎዎባ ቆፒ ዎሲዳ ጊሾ ኤንቲ ኑኒ ባይና ፖሎ ጊዶኮና።

12

ያሳይ ኑስ አዋ

1 ሂዛ፡ ሻራዳ ኑ ዩሹዋን ዳሪዳ ሃይሳ ሜላ ማርካቲ ኑ ማታን ዴዒያ ጊሾ ኑና ዱቢያ ኡባኔ አይኪዲ ሃሪያ ናጋራ ዲጊዲ፡ ኑ ሲንሳን ዴዒያ ጋዴ ዎሳ ጌንጫን ዎዶስ። 2 ኑ አማኑዋስ አጌ ዶዩዳይሳኔ ኑ ወርሴሳ ፖሉዋኮ ኑና ጋሲያ ዩሱሳ ቦላ ኑ አይሬያ ዎሶስ። ዩሱሲ ዎዴፔ ዴዒያ ኡፋይሳ ጊሾ ማስቃሊያ ዋያ ዳንዳዲዲ፡ ዩላ ሃይቁዋ ካዲዲ፡ ያሳፌ ኡሻቻ ባጋን ኡቲስ።

3 ሂዛ፡ ሂንቲ ዶጩዲ ኡፋይሲ ቃንዮና ሜላ ናጋራንቾታ ኢፀዋ ዳንዳዲዳ ዩሱሳ ቆፒቲ። 4 ናጋራራ ዴዒያ ባዲያን ቡሮ ሱሉ ጉሳና ጋካናው ኤቁቲቤኪታ። 5 ያሳይ ባ ቃላን፡ ባ ናይታዳ ሂንቲና ዞሪዳይሳ ዶጊዴታ።

«ታ ናዓው፡ ያሳ ሴራ ሌቆፋ፤ ኢ ኔና ሴሪያ ዎዴ ኡፋይሲ ቃንዮ።»

6 ጎዳይ ባ ዶሲያ ኡራ ሴሬስ፤ ቃሲ ባ ናዓዳ ኤኪያ ኡባ ጋራፌስ።

ያጌስ። 7 ያሳይ ሂንቲና ባ ናይታዳ ሴሪያ ዎዴ ጌንጩቲ፤ አዋይ ሴሮና ናዒ አኔ? 8 ያሳይ ባ ናይታ ኡባ ሴሬስ፤ ሂንቲ ሴሬቶና ኢዲኮ ቱማ ኢያ ናይታ ጊዶናሺን ባላኮ ናይታ። 9 ቃሲ ኑና ዩሊዳ ኑ አዋቲ ኑና ሴሮሶና፤ ኑካ ኤንታና ቦንቾስ። ያቲን፡ ኑኒ ኑ አያና አዋስ ዋኒዲ አሲ ሃሬቶኮ? 10 ሂዛ፡ ኑ አዋቲ ባንታው ሎዎ ዳኒዳ ሜላ ጉሳ ዎዴስ ኑና ሴሪዶሶና። ሺን ያሳይ ኑ ጎዳስ፡ ኑ ኢያ ጌሻቴሳን ሻኪታና ሜላ ሴሬስ። 11 ኑኒ ሴሬቲያ ዎዴ ዩሉዮሲፔ አቲን ኡፋይሴና። ሺን ጉዬፔ ሴሬቲሳ ሜዜቲዳ አሳስ ሴራይ፡ ሳሮይ ኩሚዳ ያሎቴሳ አይፌ አይፌሴስ።

ዞሬኔ ናጊሶ

12 ሂዛ፡ ሂንቲ አርጋጩዳ ቁሲያኔ ሂንቲ ዳቡሪዳ ጉልባታ ሚንሲቴ። 13 ዎቤይ ፓፃና ሜላፔ አቲን አሲ ሜቆና ሜላ ሂንቲ ቶሁዋስ ሱሬ አጌ ጊጊሲቴ።

14 አሳ ኡባራ ሳሮ ዳናወኔ ጌሻቴሳን ዳናው ሚኒቲ፤ ጌሻቴሲ ባይና አኒካ ጎዳ ቤዓናው ዳንዳዳና። 15 ሂንቲፌ አይስካ ያሳ አዶ ኬሃቴሳይ ፓጮናዳ፡ ቃሲ ጫዋ አይፌ አይፌዲ ዳሮ አሳ ቲኒሲያኔ ዳይሲያ ዜሬሳዳ ጊዶና ሜላ ናጌቲቴ።

11:17 ሜዴ 22:1-14 11:18 ሜዴ 21:12 11:20 ሜዴ 27:27-29፣ 39-40 11:21 ሜዴ 47:3፣ 48:1-20  
11:22 ሜዴ 50:24-25፣ ኬሳ 13:19 11:23 ኬሳ 1:22፣ 2:2 11:24 ኬሳ 2:10-12 11:28 ኬሳ 12:21-30  
11:29 ኬሳ 14:21-31 11:30 ኢያ 6:12-21 11:31 ኢያ 2:1-21፣ 6:22-25 11:32 ሃሬ 6:11-8:32፣ 4:6-5:31፣  
13:2-16፣ 11:1-12፣ 14ሙ 16:1፣ 14ዎ 2:11፣ 14ሙ 1:1-25 11:33 ዳኔ 6:1-27 11:34 ዳኔ 3:1-30 11:35  
14ዎ 17:17-24፣ 24ዎ 4:25-37 11:36 14ዎ 22:26-27፣ 2ታሪ 18:25-26፣ ኤር 20:2፣ 37:15፣ 38:6 11:37 2ታሪ  
24:21 12:5 ኢዮ 5:17፣ ሌሚ 3:11-12 12:12 ኢሳ 35:3 12:13 ሌሚ 4:26 12:15 ዛሬ 29:18 12:16  
ሜዴ 25:29-34

16 ሂንቴ ጊደን ላይማቲያ አሲ ዎይኮ ኢሲ ቶሆ ሚያ ካሳስ ባ ባይራቴሳ ቶቺዲ ባይዚዳ ኤሳዌ ሜላ አሲ ዶና ሜላ ናጌቲቴ። 17 ጉዮፔ ኤሳዌይ ሄ አንጃዋ ኤካናው ኮዬዳ ዎዴ ዲጌቲዳይሳ ኤሬታ። ኢ ሄ አንጃዋ አፉሳን ሚኒዲ ኮይኮካ፣ ዴማናው ዳንዳሲቤና፤ ኢ ናጋራፔ ሲማናው ቃዳ ዴሚቤና።

18 ሂንቴ ኩሼን ቦሼቲያ ሲና ዴሪያኮ፣ ኤዲያ ታማኮ፣ ዲማኮ፣ ጫጋናኮ፣ ጎቲያኮ፣ 19 ሞይዚያ ሞሱዋኮ ዎይኮ ቃላይ ሲዔቲያ ቤሳኮ ዩቤኪታ። ሄ ቃላ ሲዒዳ አሳይ ሃራ ጉዣ ቃላ ሲያና ሜላ ዎሲዶሶና። 20 አይስ ጊኮ፣ «ሃሪ አቶሺን፣ ዶዒ ሄ ዴሪያ ቦቺኮ፣ ሹቻን ጫዴቲዲ ሃይቆ» ያጊዳ ኪታ ኤንቲ ቶካናው ዳንዳሲቤና። 21 ሄ ሃኒያባይ ዳሮ ዳጋንሲያባ ጊዲዳ ጊሾ ሙሴይ፣ «ታኒ ያሻን ኮኮራስ» ያጊስ።

22 ሺን ሂንቴ ዒዮኔ ዴሪያኮ፣ ዴዎ ያሳይ ዴዒያ ዩሩሳላሜ ካታማኮ፣ ኢሲፌ ሺቂዲ ኡፋይቲያ ዳሮ ሙኩሱ ኪታንቾታኮ ሳሉዋ ዩዴታ። 23 ኤንታ ሱንሳይ ሳሎን ሳፌቲዳ ዎሳ ኬሳ ባይራ ናይታኮ፣ አሳ ኡባ ፐርዲያ ያሳኮ፣ ፖሎ ጊዲዳ ዒሎ አሳ አያናታኮ ዩዴታ። 24 አራሳ ጫቁዋስ ጊዶ ጊዲዲ ሲጌሲያ ዩሱሳኮ፣ አቤላ ሱሳፌ አዲያባ አዲያ ወርዌቲዳ ሱሳኮ ዩዴታ።

25 ሂንቴው አዲያ ኡራ ቃላ ኢፃስ ጎና ሜላ ናጌቲቴ። ካሴይሳቲ ሳዓን ጊዲዲ አዲዳ ኪታ ሲያና ኢዲዲ አቲቦናባ ጊዲኮ ያቲን፣ ሳሎን ጊዲዲ አዲያ ቃላ ኦኒ ኢፃስ ጊኮ ዋኒዲ አታኔ? 26 ሄ ዎይ ኢያ ቃላይ ሳዓ ቃሲስ። ሺን ሃዒ ታኔ፣ «ሳዓ ሳላላ ጊዶናሺን ኢሲ ቶሆ ዛራዳ ሳሉዋካ ቃላና» ያጊስ። 27 «ኢሲ ቶሆ ዛራዳ» ጊያ ቃላይ ቃዎናባይ ሚኒዲ ዳና ሜላ ቃዒያ ሜዴቲዳባቲ ዳያናይሳ ቤሴስ።

28 ኦኒ ቃዓናው ዳንዳሪና ካዎቴሳ ኤኪያ ጊሾ ያሳ ጋላቶስ፤ ያሳ ኡፋይሲያ አጌን ቦንቾኒኔ ያሻቴሳን ኢያ ጎይኖስ። 29 ሂዳ፣ ኦ ያሳይ ቱማ ፀጊያ ታማ።

13

ወርሴሳ ዞሬ

1 አማኒያ አሳዳ ኢሶይ ኢሱዋራ ፖሎ ሲቁቲቴ። 2 ኢማሴ ሞኪይሳ ዶጎፐቴ። ኢሲ ኢሲ አሳቲ ሄሳዳ አሲሼ ኤሮና ኪታንቾታ ሞኪዶሶና። 3 ቃሾን ዴዒይሳታ ሂንቴካ ኤንታራ ኢሲፌ ቃሾን ዴዒያዳ አሲዲ ኤንታና ቆፐቴ። ዋዩ ኤኪያ አሳራ ኢሲፌ ሂንቴካ ዋዩ ኤኪያዳ አሲዲ ኤንታና ቆፐቴ።

4 ኤኮይኔ ጌሎይ አሳ ኡባ ማታን ቦንቾቲዳባ ጊዶ። ቃሲ ያሳይ ሳይማቴይሳታኔ ሳሜይሳታ ፐርዳናው ዴዒያ ጊሾ አዚናይኔ ማቺያ ኢሶይ ኢሱዋስ አማኔታናው ቤሴስ።

5 ሚሼ ሲቆፔ ሂንቴና ናጊቴ፤ ሂንቴው ዴዒያባን አሲቴ። ያሳይ፣ «ታኒ ኔና ኡባራካ ዩጊኪ ዎይኮ አጊኪ» ያጊስ። 6 ሄሳ ጊሾ፣ ኦኒ አማኔቲዲ፣

«ጎዳይ ታና ማዴይሳ፤ ታ ያዩኪ፤ አሲ ታና አይ አሳኔ?»

ያጎስ። 7 ያሳ ቃላ ኮይሮ ሂንቴው አዲዳ ሂንቴና ካሴይሳታ ቆፐቴ። ኤንቲ ዋኒዲ ዴዒዳኮ ኤንታ ዱሳ ቤዒዲ ኤንታ አማኑዋ ካሲቴ።

8 ዩሱስ ኪሪስቶሲ ዚኒካ ሃቺካ ሜሪናዉካ ላሜቴና። 9 ዱማ ዱማ አራሳ ቲሚርቴን ሃራሶ ቤዲ ዳዮፐቴ፤ ቦፐቴ። ኦ ዎዛናይ ያሳ አዶ ኬሃቴሳን ሚናናው ቤሴስፔ አቲን ሚን ጎዎና ካሳን ዎጋ ፖሎን ጊዶፖ።

10 ሺን ዱንካኒያ ጊዶን አሲያ ካሂኔቲ ሄ ያሮሾ ካሳፌ ማናው ኤንታው ማቲ ባይና ያሮሾ ቤሳይ ኦስ ዴዒስ። 11 ካሂኔ ሃላቃይ ናጋራ ያሮሾስ ሜሄ ሱሲ ኤኪዲ ያሮሻናው ኡባፌ ጌሻ ቤሳ ጌሴስ። ሺን ሄ ሜሂያ አሹዋ ዲርሳፌ ካሬን ፀጌስ። 12 ሄሳዳካ፣ ዩሱሲ ዴሪያ ናጋራፔ ባ ሱሳን ጌሻናው ካታማ ፔንጊያፌ ካሬን ዋዩቲስ። 13 ሂዳ፣ ኦኒ ቦሪያ ቶኪዲ ዲርሳፌ ካሬ ኢያኮ ኪዮስ። 14 ሂዳ፣ ኦስ ሃይሳን ሜሪናው ዴዒያ ካታሚ ባዋ፣ ሺን ኦኒ ያና ካታማ ናጎስ።

15 ሂዳ፣ ዩሱሳ ባጋራ ኡባ ዎዴ ኢያ ሱንሳስ ማርካቲያ ሜቴርሻ ጋላታ ያሮሾ ያሳስ ኢሞስ። 16 ሎዎባ አሶኔ ሂንቴው ዴዒያባፔ ሜቶቲዳ አሳስ ኢሞ ዶጎፐቴ። ሂዳ፣ ሄሳ ሜላ ያሮሾይ ያሳ ኡፋይሴስ።

17 ሂንቴና ካሴይሳታስ ኪቴቲቴ፤ ኤንቲ ጊያባ አሲቴ። ኤንቲ ባንታ አሲያባስ ያሳ ሲንሳን አይሼታናው ዴዒያ ጊሾ ሂንቴና ሄሞሶና። ሂንቴ ኤንታው ኪቴቲኮ፣ ባንታ አሱዋ ኡፋይቲዲ አሳና፤ ሄሲ ሃኖና ኢዒኮ፣ ኤንቲ አዛኒሼ አሳና፤ ሄሲ ሂንቴና አይቤባካ ማዴና።

18 ኦስ ያሳ ዎሲቴ። ኦ ካሃይ ጌሺ፤ ኦ ኡባ ዎዴ ሎዎባ አሳናው ኮዮስ። 19 ታኒ ሂንቴኮ ኤሴሳዳ ያና ሜላ ሂንቴ ታው ሚንሲዲ ያሳ ዎሳና ሜላ ታ ሂንቴና ሃዳራ ጋይስ።

20 ሳርቴሳ ያሳይ፣ ዶርሳ ሄሚያ ኦ ጎዳ ዩሱሳ፣ ባ ሜሪና ጫቆ ሱሳን ሃይቆፔ ዴንሲዳይሲ፣ 21 ኢያ ሼኒያ አሳና ሜላ ሎዎባ ኡባን ኢ ሂንቴና ዳንጪሶ። ኢያ ኡፋይሲያባ ዩሱስ ኪሪስቶሳ ባጋራ ኦናን ያሳይ አሶ። ዩሱስ ኪሪስቶሳ ባጋራ ያሳስ ሜሪናፔ ሜሪና ጋካናው ቦንቾይ ጊዶ። አሚንዒ።

22 ታ ኢሻቶ፣ ታ ሃ ዳብዳቤያ ሂንቴው ቃንሳን ሳፌዳ ጊሾ ሂንቴ ታ ዞሪያ ሳሌቶና ኤካና ሜላ ታ ሂንቴና ዎሳይስ።

23 ኦ ኢሻይ፣ ዒሞቲዮሲ ቃሾፔ ቤሌቲዳይሳ ኤሪቴ። ኢ ኤሴሲዲ ታኮ ዩኮ ታ ኢያራ ሂንቴና ባዳ ቤዓና።

24 ሂንቴና ካሴይሳታኔ አማኒያ ኡባ ሳሮ ጊቴ። ሳሌፔ ዩዳ አማኒያ አሳይ ሂንቴና ሳሮ ያጎሶና።

25 ያሳ አዶ ኬሃቴሳይ ሂንቴ ኡባራ ጊዶ። አሚንዒ።

12:17 ሜዴ 27:30-40 12:18 ዛሬ 4:11-12፤ 5:22-27፤ ኬሳ 19:16-22፤ 20:18-21 12:20 ኬሳ 19:12-13 12:21 ዛሬ 9:19 12:24 ሜዴ 4:10 12:25 ኬሳ 20:22 12:26 ሃጌ 2:6 12:29 ዛሬ 4:24 13:2 ሜዴ 18:1-8፤ 19:1-3 13:5 ዛሬ 31:6፤ 8፤ ኢያ 1:5 13:6 ማዘ 118:6 13:11 ሌዌ 16:27



### ያይቆቢ ዓፌዳ ኪታ ጋላ ቆፋ

ያይቆባ ኪታይ፡ አማኒያ አሲ ጋላስ ጋላስ ባ ዴዑዋ ካሌሲያ ቆፋታ አይኪስ። ሃ ኪታይ ዓፌቲዳይ፡ ቢታ ኡባን ላሌቲዳ ታማኔ ናምዑ አይሁዴ ዜሬላሳ። ሃ ማፃፋ ዓፌይ፡ ጨንጫቴሲ ኑኒ አሶን ፔሺያ ሂላ፡ አማኒያ አሳ ሞኮባኔ ሎዎ ካንዶስ አኔ ቤሲያ አዳታ ሚሲሌዳ ቆንጨሴስ።

ያይቆባ ኪታይ፡ ማንቆቴላባ፡ ዱሬቴላባ፡ ፓጩባ፡ ሎዎ ካንዶባ፡ ቃናቴባ፡ አማኖባ፡ ሎዎ አሶባ፡ ኢንፃርሳ ሃሮባ፡ ጨንጫቴላባ፡ ኢሶይ ኢሱዋራ አሻባ፡ አቶሮባ፡ አሽኬቴላባ፡ ሃራ አሳ ሰላ ፔርዳባ፡ ጨቁቴላባ፡ ኒንጫባ፡ ዎሳባኔ አማኒያ አሲ አላናው ቤሲያባ ኡባ ቆሪዲ ዓፌስ።

ያይቆባ ኪታይ፡ አማኖ ዴዎን አማኖይ አሶን ፔሺያ ሃኖታታ ቆንጨሲዲ ቤሴስ።

ያይቆባ ኪታ አይሬ ቆፋታ ሳሮሶ 1:1

- አማኖኔ ጨንጫቴሲ 1:2-8
- ማንቆቴሲኔ ዱሬቴሲ 1:9-11
- ፓጩ 1:12-18
- ዎሳ ቃላ ሲሲኔ አሶን ፔሾ 1:19-27
- አሴ አሳፔ ዱማኖ ኮሾናይሳ 2:1-13
- አማኖኔ አሶ 2:14-26
- ኢንፃርሲ ሃሮባ 3:1-18
- አማኒያ አሲኔ ሃ አላሚያ 4:1-5:6
- ዱማ ዱማ ዞሬታ 5:7-20

1 ዎሳኔ ጎዳ ዩሱስ ኪሪስቶሳ አይሌይ፡ ያይቆቢ፡ ቢታ ኡባን ላሌቲዳ ታማኔ ናምዑ ሽሻታስ ኪቲዳ ኪታ። ሳሮ፡ አይ ሜላ ዴዔቲ?

#### አማኖኔ ጨንጫቴሲ

2 ታ ኢሻቶ፡ ሂንቴና ዱማ ዱማ ፓጩይ ጋኪያ ዎዴ ሂንቴ ሎዎባ ዴሚዳዳ ኩሜሳ ኡፋይሳን ኤኪቲ። 3 ሂንቴ አማኑዋ ፓጩቴላይ ዳንዳዓ ሂንቴው ኢሜይሳ ኤሬታ። 4 ሂንቴ ወርሴሲ ጋካናው ዳንዳዒኮ አይቤ ፓጩይ ባይና ፖሎኔ ኩሜሲ ጊዴታ። 5 ሂንቴሬ አይሰካ ጨንጫቴሲ ዳይኮ ዎሳ ዎሶ። ኢያው ኢሜታና። ዎሳይ አናካ ቦሮና ኡባስ ኬሃቴላን ኢሚያ ዎሶ። 6 ሺን ኢ ዎሲያ ዎዴ ሲዶና አማኖን ዎሳ ዎሶ። ሲዲያ አኒካ ጫርኮይ ሱጊን ቃዲያ አባ ዙሌ ሜላ። 7-8 ናምዑ ቆሬ ዴዔይኔ ባ አጊያን ኤቆና አኒካ ጎዳፔ አይኮካ ዴማና ጊዲ ቆፖፎ።

#### ማንቆ አሳኔ ዱሬ አሳ

9 አማኒያ ማንቆ አሳቲ፡ ዎሳይ ኤንታና ዶቁ አሲያ ዎዴ ኡፋይቶ። 10 ቃሲ አማኒያ ዱሬ አሳቲ ዎሳይ ኤንታና ዙቂ አሲያ ዎዴ ኡፋይቶ። ዱሬ አሳቲ ጨሻዳ ዳያና። 11 አዋይ ባ ሚሻራ ኬዱዲ ማታ ሜሊሲን፡ ጨሻይ ቆሌቴስ፤ ኢያ ሎዎቴላይካ ዳይስ። ሄሳዳካ፡ ዱሬ አሳቲ ባንታ አሱዋን ዳቡሪሼ ዳያና።

#### አሴ ጋኪያ ፓጩያ

12 ሜቱዋ ዎኒዲ አዲዳፔ ጉዩ፡ ዎሳይ ባና ሲቁይሳታስ ኢማና ጊዲ ቃላ ጌሊዳ ዴዎ ካላቻ

ኤካና ጊሾ ሜቶን ጌንጨያ አሲ አንጄቲዳይሳ። 13 አኒካ ፓጩቲያ ዎዴ «ታና ዎሳይ ፓጩስ» ጎፖ። ዎሳይ ኢታን ፓጩቴና፤ ቃሲ ኢ አናካ ፓጩና። 14 ሺን ኢሲ ኢሲ አሲ ባ ኢታ አሙዋን ጎሼቲያ ዎዴኔ ጨሜቲያ ዎዴ ፓጩቴስ። 15 ሄሳሬ ጉዩ፡ አሞቴሲ ቃንሳቲዲ ናጋራ ዩሌስ፤ ቃሲ ናጋሪ ዲጨዲ ሃይቆ ዩሌስ። 16 ታ ሲቆ ኢሻቶ፡ ጨሜቶሬቴ። 17 ሎዎ ኢሞይኔ ኩሜሳ አንጄ ኡባይ ሳሎፔኔ ሳሎዋ ፖዑዋ ሜዲዳ ዎሳ አዋፔ ዩስ። ዎሳይ ኩያዳ ኡባ ዎዴ ላሜቴና። 18 ኑኒ፡ ኢያ ሜዴቴላስ ኮይሮ ጊዳና ሜላ ኑና ቴማ ቃላን ባ ሽኔን ዩሊስ።

#### ሲሲኔ አሶ

19 ታ ሲቆ ኢሻቶ፡ ሃይሳ አኬኪቲ። አሲ ኡባይ ሲዓናው ኤሌሶ፡ ሺን አዴታናውኔ ሃንቁታናው ኤሌሶ። 20 አሳ ሃንቆይ ዎሳይ ኮያ ዲሎቴላ ኤሄና። 21 ሄሳ ጊሾ፡ ቱና ሃኖታኔ ኢታቴላ ኡባ ዲጊዲ፡ ዎሳይ ሂንቴ ዎዛናን ቶኪዳ ሂንቴ ሽምፑዋ አሻናው ዳንዳዲያ ቃላ አዳቴላን ኤኪቲ። 22 ሺን ዎሳ ቃላ አሶን ፔሺቴፔ አቲን ሲሳ ዓላላን ሂንቴና ጨሞሬቴ። 23 ቃላ ሲዲዲ አሶና አሲ፡ ኢ ባ ሶምዑዋ ማስቶቴን ቤዲያ አሳ ሜላ። 24 ኢ ባ ሶምዑዋ ቤዲዲ ቤስ፡ ሺን ኢ አይ ዳኒያኮ ኤሌሲ ዶጊስ። 25 ሺን አኒካ አይሌቴላሬ ኪሲያ ፖሎ ሂጊያ አኬካን ቤዲዲ፡ ካሊዲ ናጌይ፡ ሲዲዳይሳ ዶጎና አሶን ፔሺያ ኡራይ፡ ባ አሶ ኡባን አንጄታና።

26 ባ ኢንፃርሳ ናጎና አማናይስ ጊያ ኡራይ ባና ጨሜስ፤ ኢያ አማኖይ ሃዳ። 27 ዎሳ አዋ ሲንሳን ቦሬይ ባይና ጌሻ አማኖይ ሃይሳ፡ አያ አወ ባይና ናይታኔ አምዔታ ማዶኔ አላሚያ ቱናፔ ባና ናጎ።

## 2

#### አሴ ሻኮፋ

1 ታ ኢሻቶ፡ ሂንቴ ኑ ቦንቾ ጎዳ ዩሱስ ኪሪስቶሳ አማኒያባ ጊዲኮ፡ አሳ ሶምዎ ያሊዲ አሴዲ፡ ሎዎ ማፖ ማዲዳ ዱሬ አሲ ሂንቴ ሸቁዋ ዩስ። ቃሲ ጨርቃ ማፖ ማዲዳ ማንቆ አሲካ ዩስ። 3 ሎዎ ማፖ ማዲዳ አዲያ ሂንቴ አሲ ቦንቹዲ፡ «ኔ ሃይሳን ሎዲያ አይዲያን ኡታ» ጊዲ፡ ቃሲ ማንቆ አዲያ፡ «ኔ ያን ኤቃ ዎይኮ ሃይሳን ታ ቶሁዋ ማታን ሳዓን ኡታ» ጌታ። 4 ያቲን፡ ሂንቴ፡ ሂንቴ ጊዶን ሻኬቴሲ ሜዴይሳታኔ ኢታ ቆፋራ ዴዲያ ዳይናታ ሜላ ጊዴኬቴዩ?

5 ታ ሲቆ ኢሻቶ፡ ሲዲቴ። አማኖን ዱሬ ጊዳና ሜላኔ ባና ሲቁይሳታስ ኢማና ጊዳ ሳሎ ካዎቴላ ላታና ሜላ ሃ ሳዓን ዴዲያ ማንቆታ ዎሳይ ዶሪቤኔዩ? 6 ሺን ሂንቴ ማንቆታ ቶቼታ። ሂንቴና ኡንዔሴይሳቲ ዱሬታ ጊዶኮናዩ? ሂንቴና ዳይና ሲንሲ ጎቼይሳቲ ኤንታ ጊዶኮናዩ? 7 ሂንቴ ዔጌቲዳ ሎዎ ጎዳ ሱንሳ ጫዩይሳቲ ኤንታ ጊዶኮናዩ?

8 ሺን ጌሻ ማፃፋን፡ «አሴ ኡባ ኔና ኔ ዶሴይሳዳ ዶሳ» ጌቲቲዲ ዓፌቲዳ ዎሳ ካዎቴላ ሂጊያ ሂንቴ ፖሊኮ ሎዎ አሴታ። 9 ሺን ሂንቴ አሳ ሶምዎ ያሊዲ ቦንቹኮ፡ ናጋራ አሴታ ቃሲ ሂጌይ

ሂንቴና ሂጌ ሜንሲዳ አሳዳ ፐርዳና። 10 እኒካ ሂጌ ኡባሬ ኢሱዋ ሜንሲዳ፤ አቲዳ ኡባ ናጊኮ ኡባ ሜንሲዳዳ ታይቤቴስ። 11 «ላሞፋ» ጊዳ ጎዳይ፤ ቃሲ «ዎዲፓ» ጊስ። ሺን ኔኒ ላሞና አጋዳ ዎዲዳባ ጊዲኮ፤ ሂጊያ ሜንሳዳሳ። 12 አይሌቴላሬ ኬሲያ ሂጊያ ሲንሳን ፐርዳ ኤካናው ዴዲያ አሳዳ አይሌቴኔ አሲቴ። 13 አሴ ማሮና አናካ ያሳይ ማሮና ፐርዳና። ሺን ማሮቴላይ ፐርዳ ያኔስ።

**አማኖኔ አሳ**

14 ታ ኢሻቶ፤ ሂንቴሬ ኢሲ አሲ ታው አማኖይ ዴዴስ ጊዲ፤ ባ አማኑዋ አሶን ቤሶና ኢዲኮ ኢያ አይ ማዳኔ? ኢያ አማኖይ ኢያ አሻናው ዳንዳዲ? 15 ሌሚሶስ ኢሲ ኢሻይ ዎይኮ ኢሲ ሚቺያ ካሎቴኮኔ ኤንታው ሚያባይ ዳዩኮ። 16 ሂንቴሬ ኢሲ አሲ ኤንታኮ፤ «ሳሮ ቤቴ! ታማ ካዩቴ! ካሊዲ ሚቴ!» ጊዲ፤ ኮሺያባ ኤንታው ኢሞና ኢዲኮ ኤንታ አይ ማዲ? 17 ሄሳ ጊሾ፤ አሶይ ባይና አማኖይ ባርካ ሃይቁዳይሳ።

18 ሺን ኢሲ አሲ፤ «ኔው አማኖይ ዴዴስ፤ ቃሲ ታው አሶይ ዴዴስ። ኔኒ ኔ አማኑዋ ኔ አሱዋፕ ሻካዳ ታና ቤሳ፤ ታካ ታ አማኑዋ ታ አሱዋን ኔና ቤሳና» ጋና። 19 ኔኒ፤ ኢሲ ያሳይ ዴዴይሳ አማኖሳ፤ ሄሲ ሎዎ፤ ቴና አያናቴካ አማኖሶና፤ ያሻን ኮኮሮሶና። 20 ኔኖ ኤያው! አማኖይ አሶፕ ሻኬቴዲ ማዶናይሳ ኤራናው ኮያይ? 21 ኑ አዋ አብራሃሜይ፤ ባ ናዓ ዩሳቃ ያርሾ ቤሳ ቦላ ዎሊዳ ዎዴ ባ አሱዋን ሂሊቤኔ? 22 ኢያ አማኖይ ኢያ አሶይ ኢሲሬ አሲዳይሳ ቤዲኪ? ኢያ አማኖይ ኢያ አሱዋን ፖሌቴስ። 23 ጊሻ ማፃፋይ፤ «አብራሃሜይ ያሳ አማኒስ። ያሳይ ሄሳ ኢያው ሂሎቴሲ አሲዲ ታይቤስ» ጊዳይሲ ፖሌቴስ። ቃሲ ኢ ያሳ ዳቦ ጌቴቴዲ ሄጌቴስ። 24 አሲ አማኖ ፃላላን ጊዶናሺን አሶን ሂሊይሳ ቤዳሳ።

25 ሄሳዳካ፤ ላይሚያ ራዓባ ኢስራዴሌፕ ኪቴቴዳይሳታ ሞካዳ ሃራ አጌራ ኤንታ ሞይዚዳ ዎዴ ባ አሱዋን ሂሊቤኪ?

26 ሽምፖይ ሻኬቴዳ አሳቴላይ ሃይቆ ጊዴይሳዳ፤ አሶይ ሻኬቴዳ አማኖይካ ሃይቁዳይሳ።

**3**

**ኢንፃርሲ ናን**

1 ታ ኢሻቶ፤ ሂንቴሬ ዳሮቴ አስታማሬ ጊዶፖ። ኑ፤ አስታማሬቴ ሃራታፕ አዲያ ፐርዳ ኤካናይሳ ሂንቴ ኤሬታ። 2 ኑ ኡባይ ዳሮባን ባሌቶስ፤ ባ አዳን ባሌቶና እኒካ ባናቴላ ናጋናው ዳንዳዲያ ፖሎ አሲ። 3 ፓራቴ ኑስ ኪቴታና ሜላ ቢፃላ ባርሲዲ ኑኒ ኮያ ቤሲ ኡባ ኤፎስ። 4 ማርካቤይ ሄሳ ሜላ ጊታ ጊዲሼ ዎልቃማ ጫርኩዋን ሱጌቴኮካ፤ ኢያ ላጌይሲ ባ ኮያ ቤሲ ዛሪዲ ላጊያ ጉላ ሚላን ላጌቴዲ ቤስ። 5 ሄሳዳ ኢንፃርሲ አሳቴላ ጊዶን ጉላ ጊዲኮካ ዳሮ ጊታባን ጩቁቴስ።

ጉላ ታሚ ዳሮ ጊታ ምራ ፀጌስ። 6 ኢንፃርሲ ታማ ሜላ። ኢንፃርሲ ኑ አሳቴላ ጊዶን ኢታን ኩሚዳ አላሜ፤ አሳቴላ ኡባ ቴኒሴስ። ጋናሜፕ ኬያ ታማዳ ኑ ዴዑዋ ዎላ ኡባ ፀጌስ።

2:11 ኬሳ 20:13-14፤ ዛሬ 5:17-18 2:21 ሜዴ 22:1-14 2:1-21 3:10 ሜዴ 1:26 4:6 ሌሚ 3:34

7 ዶዓታኔ ካፎታ፤ ኡሎራ ጎሼቴይሳታኔ አባን ዴዲያ ሜዴቴላታ ኡባ አሲ ሃሬስ፤ ኤንቴካ ሃሬቴይሶና። 8 ሺን እኒካ ኢንፃርሲ ሃራናው ዳንዳዲቤና። ኢንፃርሲ ዎዲያ ማርዜይ ኩሚዳ ሃራቶና ኢታ ሜዴቴላ። 9 ኑ ኢንፃርሳን፤ ኑ፤ ጎዳኔ ያሳ ጋላቶስ። ቃሲ ኢያራ ያሳ ሌሚሶን ሜዴቴዳ አሳ ቃንጎስ። 10 ኢሲ ዶናፕ ጋላቴኔ ቃንጌሲ ኪዩስ። ታ ኢሻቶ፤ ሄሳዳ ሃናናው ቤሴና። 11 ፑልቶይ ኢሲ አላሬ ማልዲያ ሃላኔ ጫሚያ ሃላ ፑልታናው ዳንዳዲ? 12 ታ ኢሻቶ፤ ባላሴ ሚሲ ሻማሆ አይፋናው ዳንዳዲ? ዎይኮ ዎይኔ ሚሲ ባላሴ ሚላ አይሬ አይፋናው ዳንዳዲ? ጫሞ ሃላሬ ማልዎ ሃላ ኪያናው ዳንዳዲና።

**ሳሎ ጩንጫቴላኔ ሳዓ ጩንጫቴላ**

13 ሂንቴ ጊዶን ጩንጩኔ አኬካንቾይ አኔ? ባ ሎዎ ዴዑዋ፤ አሽኬቴላኒኔ ጩንጫቴላን አሴቴዳ አሶን ቤሶ። 14 ሺን ሂንቴ ዎዛናን ጫሚያ ቃናቴይኔ ባና ዶሶይ ዴዲኮ ጩቁቶሬቴ፤ ቴማ ቦላ ዎርዶቶፐቴ። 15 ሄሳ ሚላ ጩንጫቴላይ ሳሎፕ ዩዳባ ጊዶናሺን ሄሲ አሳባ፤ አላሜባ፤ ፃላሄባ። 16 ቃናቴይኔ ባና ዶሶይ ዴዲያ ሶን አሺኔ ኢታ አሶ ኡባይ ዴዶሶና። 17 ሺን ቦላሬ ያ ጩንጫቴላይ ኡባሬ ሲንሴ ጊሺ። ቃሲ ሳሮቴላ፤ አዳቴላ፤ ሲዲዲ ኤኬይሳ፤ ቃዴቴይሳ፤ ሎዎ አይሬይ ኩሚዳይሳ፤ አሴ ሻኮናይሳኔ ጩጩቴላ ባይናይሳ። 18 ሳሮቴላ ዶሴይሳቴ ሳሮቴላ ዜሪዲ ሂሎቴላ ቡጮሶና።

**4**

**ሃ አላሚያራ ዳቦቶፐቴ**

1 አሺኔ አሊ ሂንቴ ጊዶ አውፕ ዩ? ኤንቴ ዩይ ሂንቴ አሳቴላ ሃራናው አሌቴያ ሂንቴ አሾ አሙዋፕ ጊዴይዩ? 2 ሂንቴ አሞቴታ፤ ሺን ዴሚኬታ፤ ሄሳ ጊሾ፤ ዎዴታ፤ ሚንሲ ኮዩታ፤ ሺን ዴማናው ዳንዳዲኬታ፤ ሄሳ ጊሾ፤ አዩቴታኔ አሌቴታ። ሂንቴ ያሳ ዎሶና ጊሾ ኮያባ ዴሚኬታ። 3 ሂንቴ ዎሴታ፤ ሺን ዴሚኬታ። ሂንቴ አሾ አሙዋ ፖላናው ዎቤ አጌን ዎሲያ ጊሾ ዴሚኬታ። 4 ሂንቴኖ፤ ላይማቴይሳቶ! ሃ አላሚያራ ዶሴይ ያሳራ ሞርኬ ጊዴይሳ ኤሬኪቴ? ሃ አላሚያራ ዳቦታናው ኮዩይ እኒካ ያሳራ ሞርኬ። 5 ጊሻ ማፃፋይ፤ «ያሳይ ኑናን ዳና ሚላ አሲዳ አያናይ፤ ኑኒ ኢያው ቡዞ ጊዳና ሚላ አሞቴስ» ጊዳይሳ ጮ ጊዳባ ዳኒ? 6 ሺን ጊሻ ማፃፋይ፤ «ያሳይ አቶራንቾታ ኢዲስ፤ ሺን ባንታና ካዉሼይሳታስ ማሮቴላ ኢሜስ» ያጊያ ጊሾ ያሳይ ማሮቴላ ዳርሲዲ ኢሜስ።

7 ሄሳ ጊሾ፤ ያሳስ ሃራቴቴ፤ ፃላሂያራ ኤቁቴቴ፤ ኢ ሂንቴሬ ሃካና። 8 ያሳኮ ሺቁቴ፤ ኢ ሂንቴኮ ሺቃና። ሂንቴኖ፤ ናጋራንቾቶ፤ ሂንቴ ኩሺያ ሚጩቴቴ፤ ናምዑ ቆሬ ዴዴይሳቶ፤ ሂንቴ ዎዛና ጊሺቴ። 9 ካዮቴቴ፤ ዩኪቴኔ አፋጊቴ። ሂንቴ ሚቻይ ዩሆን፤ ሂንቴ ኡፋይሳይ አዛኖን ላሜቶ። 10 ጎዳ ሲንሳን ሂንቴናቴላ ካዉሺቴ፤ ኢ ሂንቴና ዶቁ ዶቁ አላና።

**አሳ ቦላ ፐርዶሬቴ**

2:23 ሜዴ 15:6፤ 2ታሪ 20:7፤ ኢሳ 41:8 2:25 ኢያ

11 ታ ኢሻቶ፥ ኢሶይ ኢሱዋ ዘገረገሮቲ። ባ ኢሻ ዘገረገሮይ ኢያ ቦላ ፕርዴይ ሂጌ ዘገረገሱኒ ሂጌ ቦላ ፕርዴይ። ነኒ ሂጌ ቦላ ፕርዴይ ሂጌ ቦላ ፕርዴይ ገዳሳፕ ኣቲን ሂጌ ፖሌይሳ ገዳካ።  
 12 ሂጌ ኢሜይኒ ፕርዴይ ያሳ 9ላላ። ኣሻናውኒ ጳይሳናው ዳንዳይ ኢያ። ያቲን፥ ኣሳ ቦላ ፕርዴይ ነኒ ኣኔ?

**ጨቁቶፊት**

13 ሂንቴ፥ «ኮኒ ሃቺ ዎይኮ ዎንቶ ያ ካታማ ዎይኮ ሃ ካታማ ባና፤ ያን ሳይሲ ኡታና፤ ዘልዲ ዲ ዎዲሳና» ያጌይሳቶ፥ ሲዲቴ።  
 14 ዎንቶ ኣይቢ ሃናኒኮ ሂንቴ ኤሬኬታ። ሂንቴ ዴይ ዎናኒኮ ኤሬይ ኣኔ? ሂንቴ ጉሳ ዎዴ ቤንቲዲ ጳያ ኣካ ሜላ።  
 15 ሄሳ ኣገዲ፥ «ጎዳይ ጊኮ ኮኒ ዳና፤ ሃይሳ ዎይኮ ሄሳ ኣሳና» ያጋናው ቤሴስ።  
 16 ሺን ሂንቴ ሃሂ ኣቶርቲታኒ ጨቁቲታ። ሄሳ ሜላ ጨቁ ኡባይ ኢታ።

17 ሄሳ ጊሾ፥ ሎዎባ ኣሳናው ኤሪሼ ኣሶና ኡራስ ሄሲ ናጋራ።

5

**ዱሬታስ ኢሜቲዳ ዞሬ**

1 ሂንቴና፥ ዱሬቶ፥ ሂንቴ ቦላ ኢታ ሜቶይ ያ ጊሾ ዩኪቴኒ ዜሌሊቴ።  
 2 ሂንቴ ሻሎይ ቡቁስ፤ ሂንቴ ኣፊላይካ ቢላን ሜቲቲስ።  
 3 ሂንቴ ዎርቃይኒ ሂንቴ ቢራይ ሺዲስ። ሄ ሺዳይ ሂንቴ ቦላ ማርካ ገዳና። ኢ ሂንቴ ኣሳቴሳ ታማዳ ማና። ሂንቴ ሃ ወሪዳ ቃማታን ሂንቴው ሻሎ ዳጋዩታ።  
 4 ሂንቴ ጋዴን ኣሲ ፕዲዳ ኣሳ ኬራ ሚሺያ ቃንጊቤኬታ። ሄሲ ሂንቴ ቦላ ዋሴስ። ሄ ኣሳታ ዋሶይ ዎልቃማ ጎዳ ሃይሳን ሲዲቴስ።  
 5 ሃ ሳዓን ሂንቴ ኡሎ 9ላላስ ቆፕዲ፥ ኢንጂን ዴዲዴታ። ሹካስ ጊጌቲዳ ሜሄዳ ሂንቴና ጳይኪዴታ።  
 6 ሂንቴራ ኤቁታናው ዳንዳይና ጊሎ ኣሳ ቦላ ፕርዴይታ፤ ኢያ ዎዲዴታ።

**ጌንጫኒ ዎሳ**

7 ታ ኢሻቶ፥ ጎዳይ ያና ጋካናው ጌንጫቴ። ጎሻንቶይ ቶርቼ ኢራይኒ ሲላ ኢራይ ያና ጋካናው ጌንጫዲ ኣልዎ ካሳ ናገዲ ዋቲ ጋሲ ኤኪያኮ ቆፕቴ።  
 8 ሄ ጎሻንቶዎዳ ሂንቴካ ጌንጫቴ። ጎዳ ዩሳይ ማታቲዳ ጊሾ ኡፋይሳን ናገቴ።

9 ታ ኢሻቶ፥ ያሳይ ሂንቴ ቦላ ፕርዶና ሜላ ኢሶይ ኢሱዋ ቦላ ዙዙዎፊቴ። ፕርዴይሲ ፕንጌን ኤቁስ።  
 10 ታ ኢሻቶ፥ ዋያን ጌንጫዳ፥ ጎዳ ሱንሳን ኦዲዳ ናቤታ ሎሚሶ ኣሲዲ ኤኪቴ።  
 11 ዳንዳይን ጌንጫዳይሳታ ኮኒ ኣንጅቲዳይሳታ ጎስ። ኢዮቤይ ዋኒዲ ጌንጫዳኮ ሂንቴ ሲዲዴታ። ጎዳይ ወርሴሳን ኢያ ዋቲ ማዲዳኮ ቤዲዴታ። ኢ ማርቲኒ ቃዴይ ኩሚዳ ጎዳ ገዲያ ጊሾ ሄሳ ኣሲስ።

12 ሺን ኡባሬ ሲንሴ፥ ታ ኢሻቶ፥ ሳሎዎን ገዲን ዎይኮ ሳዓን ገዲን ዎይኮ ሃራ ኣይቢንካ ጫቆፊቴ። ያሳ ፕርዳን ሂንቴ ጌሎናዳ ሂንቴ ኣዳይ ኤ ገዲኮ፥ «ኤ» ጊቴ፤ ኣካይ ገዲኮ፥ «ኣካይ» ጊቴ።

13 ሂንቴ ጊዶን ሜቶ ኤኪያ ኣኒካ ዴዲኮ ያሳ ዎሶ። ኡፋይቲያ ኣኒካ ዴዲኮ ጋላታን ዩዎ።

14 ሂንቴሬ ሃርጌቲያ ኣኒካ ዴዲኮ ዎሳ ኬሳ ጩማታ ዌጎ። ኤንቲ ጎዳ ሱንሳን ሻማሆ ዛይቴ ቲዩዲ ኢያው ያሳ ዎሶ።  
 15 ኣማኖን ዎሲዳ ዎሳይ ሃርጋንቹዎ ፓሳና። ጎዳይ ኢያ፥ ሃርጊያሬ ዴንሳና፤ ኢ ናጋራ ኣሲዳባ ገዲኮካ ጎዳይ ኢያ ማራና።  
 16 ሄሳ ጊሾ፥ ሂንቴ ፓፃና ሜላ ሂንቴ ናጋራ ኢሶይ ኢሱዋስ ፓፂቴኒ ኢሶይ ኢሱዋስ ዎሲቴ።  
 17 ኤሲያሲ ኦ ሜላ ኣሴ። ኢሪ ሳዓን ቡኮና ሜላ ሚንሲዲ ያሳ ዎሲን ሄሹ ሳይሲኒ ኡሱፕን ኣጌና ሳዓን ኢሪ ቡኪቤና።  
 18 ዛሪዲ ኢ ያሳ ዎሲን ሳሎፕ ኢሪ ቡኪስ፤ ሳዓይካ ካሲ ሞኪስ።

19 ታ ኢሻቶ፥ ሂንቴሬ ኣኒካ ቱማ ኣጊያፕ ቡቲኮ፥ ሃራይ ኢያ ቱማኮ ዛሪኮ።  
 20 ናጋራንቹዎ ኢያ ባላ ኣጊያፕ ዛሪያ ኣኒካ፥ ኢያ ሺምፕዎ ሃይቆፕ ኣሼይሳኒ ኢያ ዳሮ ናጋራስ ማርታ ኢሜይሳ ኤሮ።

4:13 ሎሚ 27:1    5:2 ማቶ 6:19    5:4 ዛሬ 24:14-15    5:11 ኢዮ 1:21-22፤ 2:10፤ ማዝ 103:8    5:12 ማቶ 5:34-37    5:17 1ካዎ 17:1፤ 18:1    5:18 1ካዎ 18:42-45    5:20 ሎሚ 10:12፤ 1ጴጊ 4:8



### ጳጊሮሲ ፻ፊ ዓ ኮይር ኪታ ጋሳ ቆፋ

ሃዋሪያ ጳጊሮሲ ፻ፊ ዓ ኮይር ኪታይ ፻ፊቴዳይ፤ «ዶሬቴዳ ሦሳ አሳታ» ጌቴቴ ፀጌቴዳይሳታሲኔ ጉሳ ኢሲያን ፑዴሃ ባጋን ላሌቴዳ አማኒያ አሳሳ። ሃ ኪታ አይፌ ቆፋይ፤ አማኖ ጋሶን ሜቶይኔ ዋዩይ ጋኪዳ አሳ ሚንሴላናሳ። ሃ ማፃፋ ፻ፊይ፤ ኢያ ሃይቁዋ፤ ኢያ ዴንዱዋ፤ ኢያ ናምዓንሶ ዩሳ አዲያ ዩሱስ ኪሪስቶሳ ምንጌላ ቃላ ኤንታ ሃሳይሴስ። ዩሱስ ኪሪስቶሳ ዴዑዋ ሴሚሶ አሲ ጸሊዲ፤ ሜቱዋ ዳንዳዓን ካንሳናዳ ኤንታ ቆሬሴስ። ሄሳራ ጋሲዲ፤ ሜቶይ ኤንታ አማኑዋ ጌሻቴላ ፓጩይሳ፤ «ዩሱስ ኪሪስቶሲ ቆንጨያ ጋላስ» ቤሲያ ዎይቶ ኤንታ ኤካናው ዴዌይሳ ሃሳይሴስ።

፻ፊይ፤ ኤንታ ሜቶ ዳንዳዓና ሜላ ሚንሴላይሳ ቦሳ ኪሪስቶሳ ካሊያ አሳቴ ዴዌይሳዳ ዳና ሜላ ቆሬሴስ።

- 1 ጳጊሮሳ ኪታ አይፌ ቆፋታ ሳሮሶ 1:1-2
- ሦሳይ ኑስ ኢሚዳ አቶቴላ 1:3-12
- ጌሻቴላ ዱሱ 1:13-2:10
- ሜቶ ዎዴ አማኒያ አሳይ ሃናናው ቤሲያባ 2:11-4:19
- ጨማታሲኔ ናዓቴላታስ ኢሜቴዳ ዞሬ 5:1-11 ኩሻ ቆፋ 5:12-14

1 ታኒ፤ ዩሱስ ኪሪስቶሳ ሃዋሪይ ጳጊሮሲ፤ ጳንዶሳን፤ ጋላቴያን፤ ቃጳዶቂያን፤ ኢሲያኒኔ ቤቴኒያን ቤታንቾዳ ሳሌቴዲ ዴዲያ ሦሳይ ዶሪዳ፤ አሳስ ሃ ዳብዳቤያ ፻ፋስ። 2 ዩሱስ ኪሪስቶሳሳ ሂንቱ ኪቴታና ሜላኔ ኢያ ሱሳን ጌያና ሜላ፤ ሦሳ አዋይ ባ ካሴ ኤራን ዶሪዳይሳታሲኔ ጌሻ አያናን ጌዩዳ፤ ሂንቱው አዶ ኬሃቴላይኔ ሳሮቴላይ ጌዶ።

ጳዮና ኡፋይሳ  
3 ዩሱስ ኪሪስቶሳ ሃይቆፕ ዴንሲዲ ባ ጌታ ማሮቴላን ናምዓንሶ ዩሌቴላኔ ጳዮና ኡፋይሳ ኢሚዳ ኑ ጎዳ ዩሱስ ኪሪስቶሳ አዋይ፤ ሦሳይ ጋላቴቶ። 4 ቃሲ ሦሳይ ሂንቱው ጳዮና፤ ኢቶናኔ ቡቆና ላታ ሳሎን ጌጊሲስ። 5 ሄ ላታይ ዎዴ ወርሴላን ቆንጫናው ዴዲያ አቶቴላስ ሦሳ ዎልቃን አማኖን ሂንቱው ናጌቴዲ ዴዌስ።

6 ሃሂ ጉሳ ዎዴስ ሂንቱ ዱማ ዱማ ፓጩን ኡንዌቴኮካ ሄሳን ኡፋይቴቴ። 7 ሄ ፓጩይ ሂንቱና ጋኪዳይ፤ ታማን ዩጊን ጳያ ዎርቃሬ ሂንቱ አማኖይ አዶኔ ቴማ ጌዴይሳ ቤሳናሳ። ሄ ፓጩቴዳ አማኑዋን ዩሱስ ኪሪስቶሲ ቆንጨያ ዎዴ ጋላታ፤ ቦንቾኔ ሳባ ሂንቱ ኤካና። 8 ሂንቱ ዩሱሳ ቤዒቤኬታ፤ ሺን ኢያ ሲቁታ። ሂንቱ ሃሂ ኢያ ቤዒቤናባ ጌዲኮካ፤ ኢያ አማኔታ። ቃሲ አዳን ቆንጨሳናው ዳንዳዌቶና ኡፋይሳኒኔ ቦንቾን ኩሚዴታ። 9 ሂንቱ አማኖን ናጊያ ሂንቱ ሽምፑዋ አቶቴላ ኤካና።

10 አዶ ኬሃቴላ ባጋራ ሂንቱው ጌጊዳ ሃ አቶቴላባ ናቤቴ ኤራናው ጌታ ኮሻኒኔ

ናንን ኮዩዶሶና። 11 ኤንታን ዴዲያ ኪሪስቶሳ አያናይ ኢያ ዋያባኔ ሄሳሬ ጉዬ ያና ቦንቾዋባ ካሴቴዲ ማርካቴሼ፤ አወዴ ዎይኮ ዋኒዲ ሃናኔኮ አኬካን ፕልጊዶሶና። 12 ናቤቴ አዲዳ ቴንቢቴይ ባንታው ጊዶናሺን ሂንቱው ጊዴይሳ ሦሳይ ሂንቱው ቆንጨሲስ። ሃሂ አሳይ ሂንቱው አዲዳ ምንጌላ ሳሎፕ ኪቴቴዳ ጌሻ አያና ዎልቃን ሂንቱው አዲዶሶና። ኪታንቾቴካ ሄሳ ቤዓናው አዋቴዶሶና።

ጌሻቴላን ዴዲቴ  
13 ሄሳ ጊሾ፤ አሶስ ሂንቱና ጌጊሲቴ፤ ሂንቱና ሃሪቴ። ዩሱስ ኪሪስቶሲ ቆንጨያ ዎዴ ሂንቱ ኤካና አዶ ኬሃቴላ ኡፋይሳን ናጊቴ። 14 ሦሳ ናይታዳ ኢያው ኪቴቴቴ፤ ሂንቱ ካሴ ኤርና አሲዳ ኢታ አውዋ ካሎሬቴ። 15 ሺን ሂንቱና ጸሊዳ ሦሳይ ጌሺ ጊዲዳይሳዳ ሂንቱካ ሂንቱ ዱሳ ኡባን ጌሺ ጊዲቴ። 16 ጌሻ ማፃፋን፤ «ታኒ ጌሺ ጊዲዳ ጊሾ ሂንቱካ ጌሺ ጊዲቴ» ጌቴቴ ፻ፊቴስ።

17 አሳ ሶምዎ ቤያና ኢያ አሱዋዳ ፕርዲያ ሦሳ፤ «ኑ አዋው» ጊዲ ጸጊያባ ጊዲኮ፤ ሃ ሳዓ ኢማላቴላ ዱሳ ያሻን ዴዲቴ። 18 ሂንቱ፤ ሂንቱ አዋታፕ ላቴዳ ፓሶና ዴዑዋፕ ዎይቴዳይሲ፤ ጳያ ቤራን ዎይኮ ዎርቃን ጊዶናይሳ ኤሬታ። 19 ቦሬይ ዎይኮ ቦርሶይ ባይና ዶርሳ ሱሳዳ አልዎ ጊዲዳ ኪሪስቶሳ ሱሳን ዎይቴዴታ። 20 ሦሳይ አላሜይ ሜዴታናፕ ካሴ ኪሪስቶሳ ዶሪስ፤ ሺን ሃ ወርሴላ ዎዲያን ኪሪስቶሲ ሂንቱ ጊሾ ቆንጨስ። 21 ሂንቱ አማኖይኔ ሂንቱ ኡፋይሳይ ሦሳን ጊዳና ሜላ ኢያ ሃይቆፕ ዴንሲዲ፤ ቦንቾዳ ኪሪስቶሳ ባጋራ ሦሳን አማኔታ።

22 ሂንቱ ቴማቴላስ ኪቴቴዲ ሂንቱናቴላ ጌሺዴታ። ሂንቱ ኢሶይ ኢሱዋ ዎዛናፕ ሲቁታ፤ ሺን ሃሂ ቴማ ዎዛናፕ ሚንሲዲ ሲቁታ።

23 ሂንቱ ናምዓንሶ ዩሌቴዳይ ጳያ ዜሬላሬ ጊዶናሺን ሜሪናው ዴዲያ ሦሳ ቃላን ጳዮና ዜሬላሬ ዩሌቴዴታ። 24 ሦሳ ቃላይ፤ «አሲ ኡባይ ማታ ሜላ፤ ኢያ ቦንቾ ኡባይ ጨሻ ሜላ፤ ማታይ ሜሌስ፤ ጨሻይካ ቆሌቴስ።

25 ሺን ጎዳ ቃላይ ሜሪናው ዴዌስ» ያጌስ። ሂንቱው አዴቴዳ ምንጌላ ቃላይ ሃይሳ።

### 2

ዴዎ ሹቹኔ ጌሻ ዴሬ  
1 ሂዛ፤ ኢታቴላ ኡባ፤ ጨዋ ኡባ፤ ጨቦቴላ ቃናቴኔ ዚጊርሲ ኡባ ሂንቱሬ ዲጊቴ። 2-3 ጎዳይ ኬሃ ጊዴይሳ ሂንቱ ኤሪዲ ሜይቴዳይሳዳ ሃሂ ዩሌቴዳ ጉሳ ናይታዳ ሂንቱ አቶቴላን ዲጨሼ ባናው ሦሳ ጌሻ ቃላ ማላ ኡባ ዎዴ አዋቴቴ። 4 አሳን ቦሬቴዲ ሦሳን ዶሬቴዳ አልዎ ጊዲዳ ዴዎ ሹቹ፤ ጎዳ ዩሱሳኮ ሺቁቴ። 5 ሂንቱ አያና ኬላ ኬይቴያ ዴዎ ሹቹታ። ሂንቱ ዩሱስ ኪሪስቶሳ ባጋራ ሦሳ ኡፋይሲያ አያና ያርሾ ያርሺያ ጌሻ ካሂኔታ። 6 ጌሻ ማፃፋን፤ «ሄኮ፤ ታኒ ጊያኔ ካታማን ጎዳ ጎጶዋ ሚንሲያ፤ ዶሬቴዳ፤ አልዎ ሹቹ ዎላስ፤ ኢያን አማኒያ ኦኒካ ዩላቴና»

1:16 ሌቄ 11:44-45፤ 19:2 1:24 ኢሳ 40:6-8 2:2-3 ማዝ 34:8 2:6 ኢሳ 28:16

ያንስ። 7 ሃ ሹቻይ ሂንቴው አማኔይሳታስ አልዎ፤ ሺን አማኖናይሳታስ።

«ጊምቤይሳቲ ካዲዲ ኢጊዳ ሹቻይ ጎዳ ገጹዋ ሚንሉያ፤ ኡባፌ አዲያ ሹቹ ጊዲስ።»

8 ቃሲካ።

«ሃ ሹቻይ አሴ ዱቢያ ሹቹኔ አሴ ኩንዲሲያ ዛላ» ያንስ። ኤንቲ ሄሳስ ቃዴቲዳ ጊሾ ያሳ ቃላ ኪቴቶና ኢጊዲ ዱቤቲዶሶና።

9 ሺን ያሳይ ዱማፔ ማላሊሲያ ባ ፖዑዋኮ ሂንቴና ዩጊዳይ፤ ሂንቴ ኢያ ሎዎቴሳ ሃራታስ አዳናው ዶሬቲዳ ዛሬ፤ ካዎ ካሂኔ፤ ጊሻ ዴሬኔ ያሳ ዱማ ዴሬ። 10 ሂንቴ ካሴ ያሳ ዴሬ ጊዴኬታ፤ ሺን ሃዲ ሂንቴ ኢያ ዴሬ። ሂንቴ ካሴ ማሮቴሲ ዴሚቤኬታ፤ ሺን ሃዲ ማሮቴሲ ዴሚዴታ።

**ያሳ አይሌዳ ዴዎ**

11 ታ ኢሻቶ፤ ሂንቴ ሃ ሳዓን ኢማሴኔ ቤታንቾ ጊዲዳይሳዳ ሂንቴ ሽምፑዋ ኦሊያ አሾ አሞፔ ሃካና ሜላ ታኒ ሂንቴና ዎሳይስ። 12 አማኖና አሳይ ሂንቴና ኢታ አሲያ አሳዳ ዜጊርያ ዎዴ ያሳይ ኑና ቤዓናው ያ ጋላስ፤ ኤንቲ ሂንቴ ሎዎ አሱዋ ቤዲዲ ያሳ ጋላታና ሜላ ሂንቴው ሎዎ ዴዎይ ዴዎ።

13 ጎዳ ጊሾ ጊዲ ማታራ ዴዲያ አሳታስ ሃራቲቴ፤ ኡባፌ ቦላ ጊዲያ ጊሾ ካወዋስካ ሃራቲቴ። 14 ኤንቲ ኢታ አሴይሳታ ሴራናወኔ ሎዎ አሴይሳታ ሳባናው ካወዋፔ ኪቴቲዳ ጊሾ ዴሪያ አይሴይሳታስ ሃራቲቴ። 15 ሂንቴ፤ ሂንቴ ሎዎ አሱዋን ኤርና ኤያ አሳ ዶና አይሳናይሲ ያሳ ሸኔ። 16 ያሳ አይሌ ጊዲዲ ላዓቴሳን ዴዲቴፔ አቲን ሂንቴ ላዓቴሳ ኢታ አሶስ ካማ አሶፊቴ። 17 አሳ ኡባ ቦንቹቴ፤ አማኒያ አሳ ሲቂቴ፤ ያሳ ያዩቴ፤ ካዎ ቦንቹቴ።

**ኪሪስቶሳ ዋያ ሌሚሱዋ**

18 አይሌቶ፤ ሎዎ ጎዳታሲኔ ኬሃ ጎዳታ ገላላስ ጊዶናሺን ኢታታስካ ቦንቾን ሃራቲቴ። 19 አሲ ያሳ ጊሾ ጊዲ ቤሶና ዋዩ ዋዩ-ቲኮ ያሳይ ኢያ አንጃና። 20 ሺን ሂንቴ ናጋራ አሲን ሂንቴና ዴቺያ ዎዴ ሂንቴ ዳንዳዲኮ ሂንቴው አይ ጋላቲ ዴዲ? ሺን ሎዎን አሲዲ ዋዩ ዳንዳዲኮ ያሳይ ሂንቴና ሄሳስ አንጃና። 21 ያሳይ ሂንቴና ዩጊዳይ ሄሳ ጊሾሳ፤ ኪሪስቶሲ ሂንቴው ዋዩ-ቲስ፤ ሂንቴ ኢያ ካላና ሜላ፤ ሂንቴው ሌሚሶ ጊዲስ። 22 ኢ ናጋራ አሲቤና፤ ኢያ ዶናንካ ዎርዶይ ቤንቲቤና። 23 ኤንቲ ኢያ ጫያ ዎዴ ዛሪዲ ጫዩቤና። ሺን ዋዩ ኤኪሼ ያሎ ፐርዲያ ያሳስ ባ ፐርዳ አጋጊስፔ አቲን ማንዲቤና። 24 ኑኒ ናጋራስ ሃይቂዲ ያሎቴሳስ ዳና ሜላ ኪሪስቶሲ ባ አሹዋን ኑ ናጋራ ማስቃሊያ ቦላ ቶኪስ፤ ሂንቴ ኢያ ማዱንሳን ፓዲዴታ። 25 ካሴ ሂንቴ ኦጌ ባሊዲ ዳዩዳ ዶርሳ ሜላ፤ ሺን ሃዲ ሂንቴ ሽምፑዋ ሄሜይሳኮኔ ናጌይሳኮ ሲሚዴታ።

**3**

**አዚናባኔ ማቺባ**

1-2 ሄሳዳካ፤ ማቹቶ፤ ሂንቴ አዚናታፔ ያሳ ቃላስ ኪቴቶናይሳቲ ዴዲኮካ አይኮካ አዴቶናሺን፤ ሂንቴ ያሻቴሳኔ ሂንቴ ጊሻ ዴዑዋ ቤዲዲ አማኖና ሜላ ኤንታው ሃራቲቴ።

3 ሂንቴ፤ ሂንቴ ሁዔ ፐዶኒኔ ዎርቃ አሶን ዎይኮ ሎዎ ማዎን ሂንቴ ቦላ አሳቴሳ ሎይሶን ጊዶፖ። 4 ሺን ሂንቴ ዎዛና ጊዶን ዴዲያ ዩጌልሳቴሳይ ያሳ ሲንሳን ሂንቴው ዳሮ አልዎ ጊዲዲ ዳዮና፤ አሽኬኔ ዎፑ ጊዳ አያና ጊዶ።

5 ያሳይ ኢማና ጊዳይሳ አማኒዳ ጊሻ ማጫሳቲ ቤኒ ዎዴ ባንታ አዚናታስ ሃራቲቴ፤ ባንታና ሄሳዳ ዳሮ ሎይሲዶሶና። 6 ሄሳዳ ሳራ አብራሃሜ፤ «ታ ጎዳው» ያጋዳ ዩጋሽ፤ ኢያው ኪቴታሱ፤ ሂንቴካ አይኮካ ያዮና ሎዎን አሲኮ ኢ ናይታ።

7 አዚናቶ፤ ሂንቴ ማቹቲ ሂንቴፌ ዳቡራንቾ ሜዴታ ጊዴይሳ ኤሪዲ፤ ኤንታና ቦንቹቴ፤ ሂንቴ ዎሳ ዱቦና ሜላ ያሳይ ኢሚዳ ዴዑዋ ኤንቲ ሂንቴራ ኢሲፌ ላቲያ ጊሾ ኤንታ ቦንቹቴ።

**ሎዎ አሲዲ ሜቶ ኤኮ**

8 ወርሴሳን፤ ኡባይ ኢሲ ቆፋን ዴዲቴ። ኢሶይ ኢሱዋስ ቃዴቲ፤ ኢሻዳ ሲቂቴቴ፤ ቃሲ ኢሶይ ኢሱዋስ ኬሃታኔ አሽኬታ ጊዲቴ።

9 ኢታ ጊሾስ ኢታ ዎይኮ ጫሻ ጊሾ ጫዩዲ ዛሮፐቴ፤ ሄሳ አጊዲ፤ ያሳይ ሂንቴው አንጃዋ ኢማናው ሂንቴና ዩጊዳ ጊሾ አንጃቴ። 10 አይስ ጊኮ፤ ጊሻ ማግፋይ።

«ዴዎ ዶሴይኔ ሎዎ ዎዴ ቤዓናው ኮዩይ እና ጊዲኮካ ባ ኢንግርሳን ኢታባኔ ዎርዶ አዴቴይሳ አጎ።

11 ኢታባ አሴይሳ አጊዲ ሎዎን አሶ፤ ሳርቴሳካ ኬሂ ኮዮኔ ካሎ።

12 ጎዳ አይፌይ ያሎታኮ ዩሌስ፤ ቃሲ ኢ ኡባ ዎዴ ኤንታ ዎሳ ሃይዜስ። ሺን ጎዳይ ኢታባ አሴይሳታ ባ ሃንቆ ሶምዑዋን ዩሌስ»

ያንስ።

13 ሂንቴ ሎዎን አሳናው አሞቲኮ ሂንቴና ቆሃናይ አኔ? 14 ሃሪ አቶሺን፤ ያሎቴሳ ጊሾ ሂንቴ ዋዩ-ቲኮ አንጃቲዳይሳታ። አሳስ ያዮሬቴኔ ሂርጎሬቴ። 15 ኪሪስቶሳ ሂንቴ ዎዛናን ቦንቹቴኔ ጎዳይቴ። ያሳይ ሂንቴው ኢሚዳ ኡፋይሳስ ጋሶ አይቺያ አይስካ ዛሮ ኢማናው ኡባ ዎዴ ጊጊ ኡቲቴ፤ ሺን ሄሳ አሽኬቴሳኔኔ ያሻን አሲቴ። 16 ቃሲ ኪሪስቶሳን ሂንቴ ዴዲያ ሎዎ ዴዑዋ ኢታባ አሴዳባዳ፤ ሂንቴና ጫያ አሳይ ዜጊርያባን ዩላታና ሜላ ሂንቴ ካሃይ ጊሺ ጊዶ። 17 ያሳይ ጊዳባ ጊዲኮ ኢታባ አሴዳ ጊሾ ዋዩ ኤኬይሳፌ ሎዎን አሴዳ ጊሾ ዋዩ ኤኬይሲ ሎዎ። 18 ኪሪስቶሲ ኑና ያሳኮ ሺሻናው ባው ያሎ ጊዲዲ ዴዲ፤ ናጋራንቾታ ጊሾ ኢሲ ቶዎ ናጋራ ኡባስ ሃይቂስ፤ ኢ ባ አሳቴሳን ሃይቂስ፤ ሺን አያናን ፓዲስ። 19 ቃሲ ሄ አያናን ኢ ቢዲ ቃሾን ዴዲያ ሽምፖታስ ቃላ አዲስ። 20 ኖሄይ ማርካቢያ ኬዲያ ዎዴ ሄ ሽምፖቲ ያሳስ ኪቴቶና ኢጊደሶና።

2:7 ማዝ 118:22 2:8 ኢሳ 8:14-15 2:9 ኬሳ 19:5-6፤ ኢሳ 43:20-21፤ ዛሬ 4:20፤ 7:6፤ 14:2፤ ቲቶ 2:14፤ ኢሳ 9:2 2:10 ሆሴ 2:23 2:22 ኢሳ 53:9 2:23 ኢሳ 53:7 2:24 ኢሳ 53:5 2:25 ኢሳ 53:6 3:1-2 ኤፌ 5:22፤ ቆላ 3:18 3:3 1ጊዎ 2:9 3:6 ሜዴ 18:12 3:7 ኤፌ 5:25፤ ቆላ 3:19 3:10 ማዝ 34:12-16 3:14 ማቶ 5:10፤ ኢሳ 8:12-13 3:20 ሜዴ 6:1-7:24

ሺን ያሳይ ኤንታና ዳንዳሊስ። ሆስፑን አሳ ያላሊ ማርካቢያን ገሊዲ። ጳዮ ሃሳፌ አቲዶሶና። <sup>21</sup> ሄ ጳዮ ሃሳይ ሃላ ሂንቴና አሺያ ሂንቃቴ ሌሚሶ ጊዲስ። ሃ ሂንቃቴይ ቦላ ቂታ ሜጮ ጊዶናሺን ሎዎ ካሃ ያሳፌ ኤካናው ኢያ ዎሲያ አጌ ጊዲዲ። ኪሪስቶሳ ዴንዱዋ ባጋራ ሂንቴና አሺስ። <sup>22</sup> ኢ ሳሎ ቢዲ ያሳ ኡሻቻን ኡቲዲ። ኪታንቾታ። ማታ አዋታኔ ዎልቃማታ ሃሬስ።

4

የሳስ ዴዎ

<sup>1</sup> ሄሳ ጊሾ። ኪሪስቶሲ ባ አሹዋን ኑስ ዋዩቲዳ ጊሾ ሂንቴካ ሄ ቆፋን ሂንቴና ዳንጨሲዲ ሚኒዲ ኤቂቴ። ኪሪስቶሳ ጊሾ ጊዲ ባ አሹዋን ዋዩ ኤኪዳ ኡራይ ናጋራ አሲኬ ጊዲ ቃንዲዳ አሲ። <sup>2</sup> ሄ ኡራይ ባ አቲዳ ሳይሳን ያሳ ሽኔ አሳናው ኮዩሲፔ አቲን ኢታ አሾ አዋን ዴና። <sup>3</sup> ካሴ ሂንቴ አማኖና አሳይ ዴዲዳይሳዳ ዴዲዴታ። ሂንቴ ኢታ አዋን። ላይማቴሳን። ማሶን። ቱናቴሲ ዴንጴሲያ ዩሳን። ፖኪያ ኤቃ ጎይኖን ካሴ ዴዲዳ ዱሳይ ጊዳና። <sup>4</sup> አማኖና አሳራ ሂንቴ ሾሪ ባይና አሱዋ አሶና ጊሾ ማላሌቲዲ ሂንቴና ጫዮሶና። <sup>5</sup> ሺን ኤንቲ ፓጎታ ቦላኔ ሃይቂዳ አሳ ቦላ ፐርዳናው ዴዲያ ያሳስ ዛሮ አሚና። <sup>6</sup> ሃይቂዳ አሳስ ዎንጌላይ ሳባኪቲዳይ ሃይሳ ጊሾሳ። ኤንቲ አሳሳ ባንታ አሹዋን ፐርዴታና ቃሲ ባንታ አያናን ያሳሳ ዴዎን ዳና።

<sup>7</sup> ሂዛ። ኡባባስ ወርሴሳይ ማታቲስ። ሄሳ ጊሾ። ዎሳናው ዳንዳዴታና ሜላ ዎፑ ጊዳ ዎዛኒ ዴዎ፤ ማራራ ዴዲቴ። <sup>8</sup> ሲቆይ ዳሮ ናጋራ ካሚያ ጊሾ ኡባፌ አሲዲ ኢሶይ ኢሱዋራ ዎዛናፔ ሲቂቴቴ። <sup>9</sup> ዙዙዎና ኢሶይ ኢሱዋ ኢማሳቴሳን ሞኪቴ። <sup>10</sup> ሂንቴ ያሳፌ ዱማ ዱማ አጾ ኬሃቴሳ ኢዋታ ኤኪዳይሳዳ ሂንቴ ኢሶይ ኢሶይ ሄ ኢሙዋ ቤሲያዳ አይኪዲ ኢሶይ ኢሱዋ ሃጋኪቴ። <sup>11</sup> ዩሱስ ኪሪስቶሳ ባጋራ ኡባባን ያሳይ ጋላቴታና ሜላ አኒካ አዲያባ ጊዲኮ ያሳፌ ቃላ ኤኪዳዳ አዶ። ቃሲ አኒካ ማዲያባ ጊዲኮ ያሳይ ኢያው ኢሚያ ዎልቃዳ ማዶ። ቦንቾይኔ ዎልቃይ ሜሪናፔ ሜሪና ጋካናው ኢያው ጊዶ። አሚንዲ።

አማኖ ጋሶን ጋኪያ ዋያ

<sup>12</sup> ታ ባጋቶ። ሂንቴ ታማዳ ፀጊያ ዋዩ ፓጨያ ጊዶራ አዲያ ዎዴ አራሳባይ ሃኒዳዳ ማላሌቶሬቴ። <sup>13</sup> ሺን ኢያ ቦንቾይ ቆንጨያ ዎዴ ሂንቴ ኡፋይሳይ ጊታ ጊዳና ሜላ ኪሪስቶሳ ዋያ ሂንቴ ኤኪይሳን ኡፋይቴቴ። <sup>14</sup> ኪሪስቶሳ ሱንሳ ጊሾ አሲ ሂንቴና ጫያ ዎዴ ያሳ ቦንቾ አያናይ ሂንቴ ቦላ ሽምፒያ ጊሾ ሂንቴ አንጄቲዳይሳታ። <sup>15</sup> ሂንቴፌ ዋዩ ኤኪያ አኒካ ሽምፓ ዎዲዳዳ ዎይኮ ካይሶቲዳዳ ዎይኮ ኢታ አሲዳዳ ዎይኮ ጌልሶናባን ገሊዳዳ ሃኒዲ ዋዩቶፎ። <sup>16</sup> ጊዶሺን። አማኖ ጊሾ ዋዩቲኮ ኪሪስቶሳ ሱንሳ ጊሾ ያሳ ጋላቶፔ አቲን ዩላቶፓ።

<sup>17</sup> ፐርዲ ያሳ አሳ ቦላ ዶሚያ ዎዴይ ጋኪስ። ሂዛ። ሄ ፐርዳይ ኮይሮ ኑ ቦላ ዶሚያባ ጊዲኮ። ያሳ ዎንጌላስ ኪቴቶና አሳ ወርሴሳይ አይ ጊዳኔ?

<sup>18</sup> ጊሎይ ኡንግን አቲያባ ጊዲኮ። ማካላንቾይኔ ናጋራንቾይ ያቲን ዋናኔ? <sup>19</sup> ሄሳ ጊሾ። ያሳ ሽኔዳ ዋዩ ኤኪይሳቲ ባንታ ሽምፑዋ ሃዳራ ባንታና ሜዲዳ። አማንሲያ ያሳስ ኢሚሼ ሎዎባ አሶ።

5

ጨማታሲኔ ያላጋታስ ኢሜቲዳ ዞሬ

<sup>1</sup> ሂዛ። ዎሳ ኪሳ ጨማታራ ጨማ ጊዲዳይሲ። ኪሪስቶሳ ዋያ ማርካቴይሲኔ ቆንጫናው ዴዲያ ቦንቾዋ ሻኪታናው ዴዲያ ታኒ። ሂንቴ ጊዶን ዴዲያ ጨማታ ዞራይስ። <sup>2</sup> ሂንቴ አዋቴሳፌ ጋርሳን ዴዲያ ያሳ ወዲያ ሄሚቴ። ያሳይ ኮዩይሳዳ ዶሳናፔ አቲን ኡንዴቲዲ ሄሞሬቴ። ቃሲ ሚሼ ኮሻን ጊዶናሺን ሃጋዛናው ዴዲያ ሎዎ ቆፋን ሄሚቴ። <sup>3</sup> ሂንቴ አዋቴሳፌ ጋርሳን ዴዲያ ወዲያስ ሌሚሶ ጊዲቴፔ አቲን ጎዳቶፐቴ። <sup>4</sup> ሄሜይሳታ ሃላቃይ ቆንጨያ ዎዴ ቆሌቶና ቦንቾ ካላቻ ሂንቴ ኤካና።

<sup>5</sup> ሄሳዳካ። ያላጋቶ። ጨማታስ ሃሬቲቴ። ሂንቴ ኢሶይ ኢሱዋስ አሽኬ ጊዲቴ። ጌሻ ማግፋን። «ያሳይ አቶራንቾታ ኢዴስ። ሺን አሽኬታስ አጾ ኬሃቴሳ ኢሜስ» ያጌስ። <sup>6</sup> ያሳይ ባ ዎዴ ሂንቴና ቦንቻና ሜላ ዎልቃማ ያሳ ኩሺያፔ ጋርሳን ሂንቴና ካወሺቴ። <sup>7</sup> ኢ ሂንቴው ቆፐያ ጊሾ ሂንቴና ሂርጊሲያ ኡባ ኢያ ቦላ ዩጊቴ።

<sup>8</sup> ሂንቴ ሞርኬይ ያላሄይ። ሚቲያባ ኮዩዲ። ጋሞዳ ጉዲሼ ሂንቴ ማታራ ዩያ ጊሾ ሂንቴና ሃራቴኔ ባርኪቴ። <sup>9</sup> አላሜን ዴዲያ ሂንቴ ኢሻቲ ሄሳዳ ዋዩ ኤኪይሳ ኤሪዲ። አማኖን ሚኒዲ። ያላሂያራ ኤቂቴቴ። <sup>10</sup> ባ ሜሪና ቦንቾዋስ ኪሪስቶስ ዩሱሳ ባጋራ ሂንቴና ዩጊዳ አጾ ኬሃቴሳ ኡባ ያሳይ። ጉሳ ዎዴስ ሂንቴ ዋዩቲዳፔ ጉዩ። ኢ ባ ሁዴን ሂንቴና ሺሻና። ካቲሳና። ሚንሲዲ ኤሳና። ያሊሳና። <sup>11</sup> ሜሪናፔ ሜሪና ጋካናው ያሳይ ካዎቶ። አሚንዲ።

ወርሴሳ ሳሮሶ

<sup>12</sup> አማኔቲዳ ኢሻ ጋዳ ታ ኤኪያ ሲላሴ ባጋራ ሃ ዳብዳቢያ ሂንቴው ቃንሳን ያፋስ። ታ ሄሳ ሂንቴው ያፊዳይ። ሂንቴና ዞራናወኔ ያሳ አጾ ኬሃቴሳይ ቱማ ጊዴይሳ ማርካታናሳ። ሄ አጾ ኬሃቴሳን ሚኒዲ ኤቂቴ።

<sup>13</sup> ሂንቴራ ኢሲፌ ዶሬቲዳ ባቢሎኔን \* ዴዲያ ዎሳ ኪሳ አሳይኔ ታ ናና ማርቆሲ ሂንቴና። «ሳሮ ሳሮ» ያጌስ። <sup>14</sup> ሲቆ ዩሬቴሳ ዩሬቲሼ። ኢሶይ ኢሱዋ ሳሮሲቴ። ኪሪስቶሳን ዴዲያ ሂንቴ ኡባስ ሳሮይ ጊዶ። አሚንዲ።

4:8 ሌሚ 10:12 4:18 ሌሚ 11:31 5:2 ዮሃ 21:15-17 5:5 ሌሚ 3:34 5:6 ማቶ 23:12፤ ሉቃ 14:11፤ 18:14 5:12 ሃ.አ 15:22፤ 40 \* 5:13 ባቢሎኔን። ሃ ቤሳን ባቢሎኔ ጌቲዳይ ሮሜ ካታማ ጊዶና አጌና። 5:13 ሃ.አ 12:12፤ 25፤ 13:13፤ 15:37-39፤ ቆላ 4:10፤ ፊልሞ 24



### ጳጊሮሲ ዓሬዳ ናምዓንሉ ኪታ ጋሳ ቆፋ

ሃዋሪያ ጳጊሮሲ ዓሬዳ ናምዓንሉ ኪታይ ዓሬቲዳይ፣ ዱማ ዱማ ቤሳን ዴሲያ ቤኒ አማኒያ አሳሳ፣ ሃ ኪታ አይፌ ቆፋይ፣ ዎርዶ አስታማሬታ ኢታ አሱዋኔ ኤንታ ቲሚርቲያ ጋሶን ሜዴቲዳ ዮላያ ዴዑዋ ኢዓና ሜላሳ። ሄ ሜዴቲዳ ሜቶታ ዲጋናው አጌ ጊዳናይ፣ ዮሱሳ ባንታ አይፊያን ቤሲዳ አሳቲኔ ኢ ታማርሲያ ዎዴ ባንታ ሃይሳን ሲሲዳ አሳቲ ታማርሲዳ ቲሚርቲያ ባጋራ ያሳባኔ ጎዳ ዮሱስ ኪሪስቶሳ ባንታ ማንሲያ ኤራ አይካናይሳ። ዓሬይ ሚንሲዲ አዲዳይ፣ «ኪሪስቶሲ ናምዓንሉ ዮና» ያጊያ ዎርዶ ቲሚርቲያ፣ ሄ ቆፋ ሚንሲዲ አዲሼ፣ «ኪሪስቶሲ ሲሚዲ ዮና ናምዓንሉ፣ አሳ ኡባይ ባ ናጋራ፣ ሲሚያ ሜላ፣ አቲን አኒካ ዳያና ሜላ ኮዮና ጊሾሳ» ያጊስ።

2 ጳጊሮሳ ኪታ አይፌ ቆፋታ

ሳሮሶ 1:1-2

አማኒያ አሳ ዌሳ 1:3-21

ዎርዶ አስታማሬታ 2:1-22

ኪሪስቶሳ ናምዓንሉ ዮሳ 3:1-18

1 ዮሱስ ኪሪስቶሳ ሃዋሪይ ኢያ አይሌይ፣ ታኒ፣ ሲሞን ጳጊሮሲ፣ ኑ ያሳኔ ኑና አሺያ ዮሱስ ኪሪስቶሳ ዒሎቲሳ ባጋራ ኑይሳ ሜላ አልዎ አማኖ ኤኪዳይሳታስ ሃ ዳብዳቢያ ዓፋስ።

2 ያሳኔ ኑ ጎዳ ዮሱሳ ኤሮን አዶ ኬሃቴሳይኔ ሳሮይ ሂንቴው ኩሞ።

#### ያሳ ዌሳኔ ዶሩዋ

3 ባ ቦንቾኒኔ ሎዎቲሳን ኑና ዌጊዳ ኢያ ኤሮን ዴዎሲኔ ያሳ ዳኒዲ ዳናው ኮሺያ ቡባ ያሳይ ባ ዎልቃን ኑስ ኢሚስ። 4 ሂንቴ ኢታ አዋ ጋሶን ሜዴቲያ ሃ አላሚያን ዴሲያ ባሻፌ ኬሲ ኤካናዳኔ ያሳ ያሳቲሳን ሻኪታናዳ፣ ሃ ኢሞታታ ባጋራ ዳሮ አልዎኔ ጊታ ኡፋይሳ ኑስ ኢሚስ። 5 ሄሳ ጊሾ፣ ሚኒዲ፣ ሂንቴ አማኑዋ ቦላ ሎዎቲሳ፣ ሎዎቲሳ ቦላ ኤራቲሳ፣ 6 ኤራቲሳ ቦላ ባና ሃሮ፣ ባና ሃሮ ቦላ ጌንጫ፣ ጌንጫ ቦላ ያሳ ዳና፣ 7 ያሳ ዳና ቦላ ኢሻቲሳ ኬሃቴሳ፣ ኢሻቲሳ ኬሃቴሳ ቦላ ሲቆ ጉጂቴ። 8 ሃይሳቲ ሂንቴው ዳሪዲ ዴሲያ ባ ጊዲኮ፣ ጎዳ ዮሱስ ኪሪስቶሳ ኤሮን ማዲያ አሲኔ አይፌራ ዴሲያ አሲ አሳና። 9 ሺን ሄሳቲ ባይና አኒካ ማታን ዴሲያ ባላ ቤሲያ ቆቄ። ኢ ባ ካሴ ናጋራ፣ ጌዬዳይሳ ዶጊስ።

10 ሄሳ ጊሾ፣ ታ ኢሻቲ፣ ሂንቴ ዌሳኔ ሂንቴ ዶሩዋ ሚንሳናው ካሴይሳፌ አሲዲ ሚኒቲ። ሂንቴ ሄሳታ አሲያ ባ ጊዲኮ፣ ዱቤቴኪታ። 11 ሄሳን ኑ ጎዳኔ ኑና አሺያ ዮሱስ ኪሪስቶሳ ሜሪና ካዎቲሳ ጌሊያ ኩሜሳ ማታይ ሂንቴው ኢሜታና።

12 ሄሳ ጊሾ፣ ሂንቴ ሃይሳታ ኤሪያባኔ ሄ አይኪዳ ቲማን ሚኒዲ ዴሲያ ባ ጊዲኮካ፣ ታኒ ሃይሳታ ኡባ ዎዴ ሂንቴና ሃሳዬሶ አጊኬ። 13 ታኒ ሺምፖራ ዴሲያ ዎዴ ኡባን ሂንቴና ሃሳዬሳናይሲ

ኮሺያ ባ ጎዳ ቆፓይስ። 14 ኑ ጎዳ ዮሱስ ኪሪስቶሲ ታው ቆንጫሳይሳታ ታኒ ሃ ሃይቂያ አሳቲሳ ጋምዎና ቃራ ዮጋዳ ባናይሳ ኤራይስ። 15 ታኒ ሂንቴፌ ሻኪቲኮካ ሂንቴ ሃይሳታ ኡባ ዎዴ አኬካና ሜላ ታው ዳንዳዲያ ቡባ አሳና።

16 ኑኒ ጎዳ ኪሪስቶሳ ዎልቃኔ ኢያ ዩሳባ ሂንቴው አይይ፣ ኢያ ጊታ ቦንቾዋ ቤሲዲ፣ አቲን ሜዲ ኬሲዳ ሃይሴ ጊዴና። 17 ዳሮ ዎልቃማ ቦንቾዎፌ፣ «ታኒ ኡፋይቲያ፣ ታ ዶሲያ ናዓይ ሃይሳ» ያጊያ ቃላይ ዮዳ ዎዴ ያሳ አዋፍ ቦንቾኔ ጋላታ ኤኪስ። 18 ኑኒ ጌሻ ዴሪያ ቦላ ኢያራ ዴሲያ ዎዴ ሄ ቃላይ ሳሎፍ ዩሺን ሲሲዳ።

19 ኑስ ሄሳፌ አዲያ አማኔቲዳ ቲንቢቲ ቃሊ ዴዌስ። ሳሲ ዎንታና ጋካናውኔ ባካሊ ሂንቴ ዎዛናን ዶላና ጋካናው፣ ዱማን ፖሲያ ፖዎ አሲ ናጊይሳዳ፣ ሂንቴ ሄ ቃላ ናጊኮ ሎዎ አሴታ።

20 ኡባፌ ካሴቲዲ ሃይሳ ኤሪቲ። ጌሻ ማዓንን ዓሬቲዳ ቲንቢቲ ቃላ አኒካ ባ ዶሲዳዳ ቢርሻናው ዳንዳዲያ። 21 ቲንቢቲ ኡባ፣ ያሳይ ኪቲዳ አሳቲ ጌሻ አያናይ ካሌሲን፣ አዲዶሶናፍ አቲን አሳ ሼኔን አዲቦኮና።

## 2

### ዎርዶ አስታማሬታ

1 ሺን ዎርዶ ናቤቲ ካሴ አሳ ጊዶን ዴዌይሳ ሜላ ሃሲካ ዎርዶ አስታማሬቲ ሂንቴ ጊዶን ዴንዳና። ኤንቲ ባንታና ዎዚዳ፣ ጎዳ ካዲዲ፣ ዳይሲያ ዎርዶ ቲሚርቲያ ኤሃና። ሄሳን ኤንቲ ባንታ ቦላ ኤሌሲዲ ዳዮ ኤሆሶና። 2 ዳሮ አሳይ ዮላያ ኤንታ ኢታ አጊያ ካላና፣ ኤንታ ጋሶን ቲማ አጌይ ጫዬታና። 3 ዎርዶ አስታማሬቲ ሚሼ ያሪዲ ባንታው ሜዲ ኬሲዳ ሃይሴን ሂንቴና ቦንቃና፣ ቤኒፍ ዶሚዲ ኤንታ ፐርዳይ ጊጊ ኡቲስ፣ ኤንታ ዳዮይካ ኤንታና ናጊ ኡቲስ።

4 ናጋራ አሲዳ ኪታንቾታስ ያሳይ ቃዴቶና፣ ፐርዳ ጋላስ ጋካናው ጋናሜ ዱማ አላን ኤንታ ቃቺ ዮጊስ። 5 ሄሳዳካ፣ ያሳይ ዒሎቲሳባ አዲያ ኖሄኔ ሃራ ላፑን አሳታ አሺዲ፣ ያሳ ጎይኖና አሳይ ዴሲያ ቤኒ አላሚያ ቃዴቶና ዳዮ ሃሳን ዳይሲስ። 6 ጌላታስ ሌሚሶ ጊዳና ሜላ ያሳይ ሶዶሜኔ ጋምራ ካታማታ ቢዶ አሲዲ ፀጉዲ ዳይሲስ። 7 ሂንቦ ኪቲቶና ሳይማቲያ አሳታ ጊዶን ዎዬቲሼ ዴሲዳ ዒሎ ሎዌ ያሳይ አሺስ። 8 ሄ ዒሎ አዴይ ኤንታ ጊዶን ዴሲሼ፣ ኤንቲ አሲያ ኢታ አሱዋ ጋላስ ጋላስ ቤሲዳ ዎዴኔ ሲሲዳ ዎዴ ኢያ ሎዎ ዎዛናይ አንዌቲስ። 9 ሄሳ ጊዲኮ፣ ጎዳይ፣ ባና ጎይኒያ አሳታ ፓጩፍ ዋቲ አሻኔኮ፣ ቃሲ ናጋራንቾታ ፐርዳ ጋላሳስ ጋካናው ዋቲዲ ሴሪሼ ናጊሳኔኮ ኤሪስ። 10 ኡባፌ አሲዲ ቲና አዋን አሾ ቆፋ ካሌይሳታኔ ማታ አዋታ ካዴይሳታ፣ ፐርዳ ጋላስ ጋካናው ጎዳይ ናጊሲስ።

ሄ አሳቲ ጋንጄ ሚኖኔ አቶራንቾ ጊዲያ ጊሾ ሳሎ ሜዴቲሳታ ጫዬሼ ያዮኮና። 11 ሺን ኪታንቾቲ ዎርዶ አስታማሬታፍ ዎልቃኒኔ ሚኖቲሳን ዳሮ አዶሶናሺን ጎዳ ሲንሳን ሳሎ ሜዴቲሳታ ጫዮኮና። 12 ሺን ሄ አሳቲ ባንታ ኤሮናባን ጌሊዲ ጫዮሶና፣ ኤንቲ አይኪታናውኔ

1:17 ማቶ 17:1-5፣ ማር 9:2-7፣ ሉቃ 9:28-35 2:5 ሜዴ 6:1-7:24 2:6 ሜዴ 19:24 2:7 ሜዴ 19:1-16

ሃይቃናው ዩሌቲዳ፥ ዎዛኒ ባይና ደዓ ሜላ ሃኖሶና፤ ኤንቲካ ዎራ ደዓዳ ጮ ጳያና።

13 ኤንቲ ጋሲዳ ሜቱዋዳ ዛሪ ሜቶታና። ሴታ ጋላስ ዩዊሽ ጉፔይሳ ኡፋይሲያባ ጊዲ ቆፖሶና። ኤንቲ ካዉሻታኔ ቱናታ ጊዲ ዴዊሽ ሂንቱራ ሻኬቲያ ሲቆ ኢማቱዋን ኡፋይቶሶና።  
14 ላይማቲያ ማጫሲ ያሊዲ አጎና አይፌይ ኤንታው ዴዊስ፤ ቃሲ ናጋራ አሴይሳ አጎና። አማኖን ሚኒቦና አሳ ጨዋሶና። ኤንታው ኡባ ዎዴ አዋቲያ ዎዛኒ ዴዊስ፤ ኤንቲ ቃንጌቲዳይሳታ።  
15 ኤንቲ ሱሬ አጌ አጊዲ፥ ማካላ ሚሽ ሲቀዲ ባሊዳ፥ ቢዎራ ናዓ ባላማ አጊያ ካሊዶሶና።  
16 ኢ ባ ናጋራ ጋሶን ሃንቁቲስ፤ ዶኒ ባይና ሃሬይ አሳዳ ሃሳዬዲ ናቢያ ጎሻቴላ ቴቁስ።

17 ሄ አሳቲ ሜሊዳ ፑልቶታ ሜላኔ ጫርኮይ ቶኪዲ ኤፊያ ሻራ ሜላ፤ ኤንታ ናጌይ ሳካና ጳማ።  
18 ኤንቲ ሃዳኔ ኦቶሮ አዳ አዴቲሽ ባላን ዴዊያ አሳ ጊዶፌ ኬሲ ኤኪዲ ቡሮ ሚኒቦና አሳታ ላይማቲያ አሾ አዋን ጨሚዲ ባሌሶሶና።  
19 ኤንቲ ባንታው ጳዮ አይሌቴላን ዴዊሽ ሃራታኮ፥ «ሂንቱ አይሌቴላፌ ኬያና» ያጎሶና። አይስ ጊኮ፥ አሲ ባ ዶኔቲዳባ ኡባስ አይሌ።  
20 ኤንቲ አሺያ ኑ ጎዳ ዩሱስ ኪሪስቶሳ ኤሪዲ ሃ አላሚያ ቱናቴላፌ ኬሲ ኤኪዳፔ ጉዩ፥ ዛሪ ቃዳቲዲ ዶኔቲኮ ካሴ ዴዊያ ዴዑዋፔ ጉዩይሲ ኤንታው ኢታ ጊዳና።  
21 ኤንቲ ያሌቴላ አጊያ ኡሪ ሲሚዲ አጌይሳፌ ኮይሮቲዲ ጌሻ ኪታ ኤሮናኮ ኤንታው ሎዎሺን።  
22 «ካኒ ባ ጮሻኮ ጉዩ ሲሜስ» ቃሲ፥ «ሜጩቲዳ ጉዳንጎይ ጉዩ ሲሚዲ ኡርቃን ጎንዶራቴስ» ጊያ ሌሚሶይ ቱማ ጊዴይሲ ኤንታ ቦላ አሴስ።

ሺን አኒካ ጳዮና ሜላ ኮዩዲ፥ ኡባይ ባንታ ናጋራፔ ሲማና ሜላ ሂንቱ ጊሾ ጊዲ ጌንጩስ።

10 ሺን ጎዳ ጋላሳይ ካይሶዳ ያና። ሄ ጋላሳን ሳሎቲ ዎልቃማ ጉንሳን ጳያና፤ ሳሎ ሜዴቴላቲ ታማን ፀጌታና፤ ሳዓይኔ ኢያ ቦላ ዴዊያ ኡባይ ጳያና።  
11 ሂዛ፥ ኡባባይ ሄሳዳ ሃኒዳ ጳያባ ጊዲኮ ሂንቱ አይ ሜላ አሲ ጊዳናው ቤሲ? ሂንቱ ጌሺኔ ያሳ ዳኒያ ዴዎ ዳናው ቤሲስ።  
12 ሂንቱ ሲንሳራ ያ ያሳ ጋላሳ ናጊሽ ሂንቱው ዳንዳዲቲያባ ኡባ አሲዲ ሄ ጋላሳ ኤሶዩቱ። ሄ ጋላስ ሳሎቲኔ ኢያን ዴዊያባይ ታማን ፀጌታና፤ ዎልቃማ ሱላን ቲልዓና።  
13 ሺን ኩኒ ያሎቴሲ ሃሪያ አራሳ ሳሎኔ አራሳ ሳዓ ያሳ ኡፋይሳ ቃላዳ ናጎስ።

14 ሄሳ ጊሾ፥ ታ ሲቆ ኢሻቶ፥ ኑ ሄ ጋላሳ ናጊያ ጊሾ ፖኮይኔ ቦሬይ ባይናይሳታ ጊዲዲ፥ ጎዳራ ሳሮን ዳናው ሚኒቱ።  
15 አሲ ኡባይ አታና ሜላ ኮዩዲ ጎዳይ ዳንዳዲይሳ ዶጎፔቴ። ቃሲ ኑ ሲቆ ኢሻይ፥ ጳዎሎሲ፥ ያሳይ ኢያው ኢሚዳ ጨንጫቴላን ሄሳዳ ሂንቱው ያፊስ።  
16 ኢ ባ ዳብዳቤታ ኡባን ሄሳታባ ያፊስ። ኢያ ዳብዳቤታ ጊዶን አኬካናው ዋይሲያ ቆፋቲ ዴዎሶና። ታማሪቦናኔ ሚኒቦና አሳቲ ሃራ ያሳ ቃላ ሚርቆይሳዳ ሃ ኪታታካ ጳያናው ማቺዲ ሚርቆሶና።

17 ሄሳ ጊሾ፥ ታ ሲቆ ኢሻቶ፥ ሂንቱ ሄሳ ኤሪያ ጊሾ ማካላታ ባላን ጨሜቲዲ፥ ጳዮና ሜላኔ ሚኒዲ ዴዊያ ቤሳፌ ኩንዶና ሜላ ናጌቲቴ።  
18 ሺን ሂንቱ ኑና አሺያ ኑ ጎዳ፥ ዩሱስ ኪሪስቶሳ አዶ ኬሃቴላኒኔ ኤራቴላን ዲጨቴ። ኢያው ሃዲካ ሜሪናዉካ ቦንቾይ ጊዶ። አሚንዲ።

3

ጎዳይ ያና

1 ታ ሲቆ ኢሻቶ፥ ሃይሲ ታ ሂንቱው ያፊዳ ዳብዳቤይ ናምዓንሶ። ታኒ ሃ ናምዑ ዳብዳቤታካ ሂንቱው ያፊዳይ፥ ሂንቱ ሱሬ ቆፋ ቆፓናዳ ሂንቱና ዴንሴላናሳ።  
2 ቃሲ ጌሻ ናቤቲ ቤኒ አዲዳ ቃላኔ ኑና አሺያ ጎዳይ፥ ሃዋሬታ ባጋራ ኪቲዳ ኪታ ሂንቱ ሃሳያና ሜላ ኮይሶስ።  
3 ኡባፌ ካሴቲዲ፥ ዎዴ ዉርሴላን ባንታ አሙዋ ካሊዲ አሴ ቶቼይሳቲ፥ ቶቼሽ ያናይሳ ኤራቴ።  
4 ኤንቲ፥ «ታ ያና ጊዳይሲ አዉን ዴዊ? ኑ አዋቲ ሃይቁዶሶና፥ ሺን ኡባባይ ሳዓይ ሜዴቶሳፔ ዶሚዲ ዴዊይሳዳ ዴዊስ» ያጎሶና።  
5 ዳሮ ዎዴፔ ካሴ ሳሎይ ያሳ ቃላን ሜዴቲዳይሳ፤ ቃሲ ሳዓይ ሃሳፌኔ ሃሳን ሜዴቲዳይሳ ኤሪሽ ካዶሶና።  
6 ሄ ዎዴ ዴዊያ ሳዓይ ሃሳን ሚቲቲዲ ጳይስ።  
7 ሺን ሃዲ ዴዊያ ሳሎይኔ ሳዓይ፥ ጌላቲ ፒርዴቲያ ጋላሳይኔ ጳያ ጋላሳይ ጋካናው ሄ ቃላን ታማስ ናጌቲዲ ዴዎሶና።

8 ሺን ታ ሲቆ ኢሻቶ፥ ሃ ኢሲባ ዶጎፔቴ። ጎዳ ማታን ኢሲ ጋላሲ ሙኩሉ ላይሳ ሜላ ጊዴይሳኔ ሙኩሉ ላይሲ ኢሲ ጋላሳ ሜላ ጊዴይሳ ዶጎፔቴ።  
9 ኢሶቲ ኢሶቲ ጋምዲስ ጊዲ ቆፔይሳዳ፥ ጎዳይ ባ ኡፋይሳ ቃላ ጊሾ ጋምዴና።

2:15 ታይ 22:4-35      2:22 ሌሚ 26:11      3:3 ዩሁ 18      3:5 ሜዴ 1:6-9      3:6 ሜዴ 7:11      3:8 ማዝ 90:4  
3:10 ማቶ 24:43፤ ሉቃ 12:39፤ 1ቴሴ 5:2፤ ዮቆ 16:15      3:13 ኢሳ 65:17፤ 66:22፤ ዮቆ 21:1

### ዮሃንሳ ፩ ዓ ኮይር ኪታ ጋላ ቆፋ

ሃዋሪያ ዮሃንሳ ፩ ዓ ኮይር ኪታይ፡ ናምዑ አይፌ ቆፋታ አይኬስ። ሄሲካ ናባቤይሳቲ ያሳራኔ ኢያ ናዓ ዮሱስ ኪሪስቶሳራ ኢሲፌቴላ ዳና ሜላ ሚንሴሳናሳኔ ሄ ኢሲፌቴላ ዳይሲያ ዎርዶ ቲሚርቲያፌ ሃካና ሜላ ኤንታ አኬኪሳናሳ። ሄ ዎዴ ዴንዲዳ ዎርዶ ቲሚርቲያይ፡ «ያይ ቤንቶና አያና አላሜ ሜዲስ። ሃ ቤንቲያ አላሚያኔ ኑ አሳቴላ ያሳይ ሜዲስና ጊሾ ኢታ። ቃሲ ሃ ቤንቲያ አላሚያኔ ኑ አሳቴላይ ኑ አያና ቆሃናውኔ ቱኒሳናው ዳንዳዔና» ያጊዲ ታሚርሶሶና። ሄሳ ጉሳይ፡ ኮይር፡ ዮሱሲ አሴ ጊዲዲ ዩቤና። ናምዓን፡ ኢሲ አሲ ባ አያና ቱኒሶና ዴዲሼ ባ አሾን ናጋራ አሳናው ዳንዳዔስ ያጉሱ።

ሄሳ ጊሾ፡ ዮሃንሳ ባ ኪታን፡ ዮሱሲ አሴ ጊዲዲ ዩዳይሳ ካዲያ አኒካ ያሳ ናዓ ጊዴና (4:2-3)። ቃሲ ያሳፌ ዮሱቲዳ አኒካ ኡባ ዎዴ ናጋራን ዴዔና (3:6) ያጊዲ ዓፊስ።

ሄ ዎርዶ አስታማራቲ፡ «አቶቴላ ጉሳይ፡ ሃ ሳዓ ዱሳስ ኡንዔቴላፌ ኬዩዲ ዮዳ ጊዲዲ ዴያ» ያጎሶና። ሄሳ ቦላ ጉጂዲ፡ «ኢታኔ ሎዎ ሻኪዲ አይኬላ ጊዲን፡ ቃሲ ሃራ አሲ ሲቆ ጊዲን አቶቴላራ አይቤ ጋሄቴላካ ባዎ» ያጎሶና።

ዓፊይ ሄ ቲሚርቲያ ኢዲዲ፡ «ዮሱስ ኪሪስቶሲ ፖሎ አሴ። ዮሱሳ አማኔይሳቲኔ ያሳ ሲቆይሳቲ ኡባይ ባንታ ጊዶን ኢሶይ ኢሱዋራ ሲቆታናው ቤሴስ» ያጊዲ አዲስ።

- 1 ዮሃንሳ ኪታ አይፌ ቆፋታ  
ጌሎ ቆፋ 1:1-4  
ፖዶኔ ዳማ 1:5-2:29  
ያሳ ናይታኔ ዓላሄ ናይታ 3:1-24  
ቱማኔ ዎርዶ 4:1-6  
ሲቆ አሶ 4:7-21  
ዶኒያ አማኖ 5:1-21

ዴያ ኢሚያ ቃላ  
1 ኑኒ ኮይርፕ ዶሚዲ ዴዲያ፡ ኑ ሃይሳን ሲዲዳ፡ ኑ ያሊዳ፡ አይፌያን ቤዲዳ፡ ኑ ኩሺያን ቦቹዳ ዴያ ቃላባ ሂንቴው ዓፊስ። 2 ሄ ዴያይ ቆንጪን፡ ኑኒ ኢያ ቤዲዲ፡ ኢያባ ማርካቶስ። አዎ ማታን ዴዲያ ኑስ ቆንጪዳ፡ ሜሪና ዴዑዋባ ሂንቴው አዎጀስ። 3 ኑራ ሂንቴው ኢሲፌቴላ ዳና ሜላ ኑኒ ቤዲዳይሳኔ ሲዲዳይሳ ሂንቴው አዶስ። ሂንቴው ኑራ ኢሲፌቴላ ዴዲያ ጊሾ አዋራኔ ኢያ ናዓ ዮሱስ ኪሪስቶሳራ ኢሲፌቴላ ዴዲያ። 4 ኑ ኡፋይሳይ ፖሎ ጊዳና ሜላ ሄሳ ሂንቴው ዓፊስ።

ያሳይ ፖዶ  
5 ኑኒ ዴያ ጊዲዳ ኢያፕ ሲዲዲ፡ ሂንቴው አዲያ ኪታይ ሃይሳ፡ «ያሳይ ፖዶ፤ ኢያን ዳሚ ባዎ» ያጊዲዳ። 6 ኑስ ኢያራ ኢሲፌቴላ ዴዲያ ያጊሼ ዳማን ዴዲያ፡ ኑ አዳኒኔ ኑ አሱዋን ዎርዶቶስ። 7 ሺን ፖዶን ኢ ዴዲያሳዳ፡ ኑካ ፖዶን ዴዲያ፡ ኑስ ዎሊ ጊዶን ኢሲፌቴላ

ዴዲያ። ኢያ ናዓ፡ ዮሱሳ ሱሳይ ናጋራ ኡባፌ ኑና ጊሼስ።

8 ኑኒ፡ ኑናን ናጋሪ ባዎ ጊኮ ኑ ኑና ጨዋስ፤ ኑናን ቱሚ ባዎ። 9 ሺን ያሳስ ኑ ናጋራ ፓሂኮ፡ ኢ ኑ ናጋራ አቶ ጋናውኔ ኑ ቆሆ አሶ ኡባፌ ኑና ጊሻናው፡ አማኔቲዳይሳኔ ቱማ። 10 ኑኒ ናጋራ አሲባኮ ጊኮ ያሳ ዎርዳንቾ ኬሶስ፤ ኢያ ቃላይካ ኑናን ዴና።

### 2

#### ኪሪስቶሲ ኑስ ጋናቴይሳ

1 ታ ናይቶ፡ ናጋራ ሂንቴ አሶና ሜላ ታኒ ሃይሳ ሂንቴው ዓፋይስ። ሺን አኒካ ናጋራ አሲኮ አዎ ማታን ኑስ ጋናቴያ ሂሎይ፡ ዮሱስ ኪሪስቶሲ፡ ዴዲያ። 2 ኑ ናጋራይ ኪሪስቶሳ ባጋራ አቶ ጌቱቴስ። ኢ ኑ ናጋራ ዓላሳስ ጊዶናሺን አሳ ኡባ ናጋራስ ያርሼቲስ።

3 ኑኒ ያሳ ኪታ ናጊኮ፡ ሲዴይ ባይናሺን፡ ቱማ ኑ ኢያ ኤሮስ። 4 አኒካ፡ «ታኒ ኢያ ኡራይስ» ያጊሼ፡ ኢያ ኪታ ናንና ኢዲኮ ሄ ኡራይ ዎርዳንቾ፤ ቱማቴላ ኢያን ባዎ። 5 ሺን ኢያ ቃላስ ኑ ኪቴቲያባ ጊዲኮ ሄ ኡራይ ያሳ ሲቆይ ሲቆይ ፖሎ ጊዴስ። ኑኒ ያሳን ዴዲያሳስ ሄሲ ባው ቱማ ማርካ። 6 ታኒ፡ «ያሳን ዴዲያስ» ጊያ አኒካ ኪሪስቶሲ ዴዲያይሳዳ ዳናው ቤሴስ።

#### አራሳ ኪታ

7 ታ ሲቆ ኢሻቶ፡ ታኒ ሂንቴው ኮይርፕ ዴዲያ ጋልዓ ኪታ ዓፋይሲፕ አቲን አራሳ ኪታ ዓፊኬ። ኢካ ሂንቴ ሲዲዳ ሄ ጋልዓ ኪታ።

8 ጊዲኮካ፡ ኪሪስቶሳኒኔ ሂንቴናን ቱማ ጊዲዲ ዴዲያ፡ አራሳ ኪታ ዓፋይስ። ዳማይ ኪቺን፡ ሃዲ ቱማ ፖዶይ ፖዲስ።

9 «ፖዶን ዴዲያስ» ጊሼ ባ ኢሻ ኢዲያ አኒካ፡ ሃዲካ ዳማን ዴዲያ። 10 ባ ኢሻ ዶሲያ አኒካ ፖዶን ዴዲያ። ሄ ኡራን ሃራ አሲ ዳቢያባይ ባዎ። 11 ሺን ባ ኢሻ ኢዲያ አኒካ ዳማን ዴዲያ፤ ዳማን ሃሙቴስ። ዳማይ ኢያ አይፌያ ቆቂሲዳ ጊሾ አው ቤያኮ ኤሬና።

12 ታ ናይቶ፡ ኪሪስቶሳ ሱንሳ ባጋራ ሂንቴ ናጋራይ አቶ ጌቱቲዳ ጊሾ ታኒ ሂንቴው ዓፋይስ።

13 አዎቶ፡ ኮይርፕ ዴዲያ፡ ኢያ ሂንቴ ኡሪዳ ጊሾ ሂንቴው ዓፋይስ። ያላጋቶ፡ ዓላሂያ ሂንቴ ያኒዳ ጊሾ ሂንቴው ዓፋይስ። 14 ጉሳ ናይቶ፡ ያሳ ሂንቴ ኡሪዳ ጊሾ ሂንቴው ዓፋይስ። አዎቶ፡ ኮይርፕ ዴዲያ ኢያ ሂንቴ ኡሪዳ ጊሾ ሂንቴው ዓፋይስ። ያላጋቶ፡ ሂንቴ ሚኖ ጊዲያ ጊሾ ያሳ ቃላይ ሂንቴናን ዴዲያ ጊሾኔ ዓላሂያ ሂንቴ ያኒዳ ጊሾ ሂንቴው ዓፋይስ።

15 አላሜ ዎይኮ አላሜን ዴዲያባ ዶሶፕቴ። አላሚያ ዶሲያ አኒካ ያሳ ዶሲና። 16 አላሜን ዴዲያ ኡባባይ፡ አሾ አዎቴላ፡ አይፌን ቤዲዲ አዎቲያባይኔ ሚሼን ጨቆቴላ አላሜባፕ አቲን ያሳፌ ጊዴና። 17 አላሜይኔ አላሜን አሲ አዎቲያ ኡባይ አዳና፡ ሺን ያሳ ሼኒያ ፖሊያ አኒካ ሜሪናው ዳና።

#### ኪሪስቶሳራ ኤቁቲያ ሞርኪያ

18 ታ ናይቶ፡ ዎዲያ ዉርሴሳይ ማታቲስ። ኪሪስቶሳ ሞርኪይ ሲንሳፌ ያናይሳ ሂንቴ ሲዲዳይሳዳ ሃሪ አቶሺን፡ ሃዲካ ኢያ ሞርኪቲ



ዳርቲ ዴንዲዶሶና። ሄሳ ጊሾ፣ ዎዲያ ወርሴሳይ ማታቲዳይሳ ነኒ ሄሳን ኤርስ።<sup>19</sup> ሄ ሞርኬቲ ኑ ባጋ ጊዶና ጊሾ ኑ ጊዶፌ ኬዩዶሶና። ኤንቲ ኑ ባጋ ጊዲያኮ ኑ ጊዶን ዴዓና፣ ሺን ኤንታፌ አኒካ ኑ ባጋ ጊዶናይሲ ኤሬታና ሜላ ኑ ጊዶፌ ኬዩዶሶና።

<sup>20</sup> ሺን ኪሪስቶሲ ሂንቲ ቦላ ጌሻ አያና ጉሲስ፤ ቃሲ ሂንቲ ኡባይ ቱማ ኤሬታ።<sup>21</sup> ቱማ ሂንቲ ኤሪያ ጊሾኔ ቱማን አይቢ ዎርዶይ ባይናይሳ ሂንቲ ኤሪያ ጊሾ ታኒ ሂንቲው ፃፋይሲፕ አቲን ቱማ ሂንቲ ኤርና ጊሾ ጊዶና።

<sup>22</sup> ዩሱሲ፣ ሶሳይ ዶሪዳይሳ ጊዶና ጊዲ ካዲያ አሳፕ ሃሪ ዎርዳንቾይ አኔ? ሄሳ ሜላ አሲ ኪሪስቶሳ ሞርኬ። ኢ ናዓ ካዲኮ አዋካ ካይስ።<sup>23</sup> ናዓ ካዲያ አይስካ አዋይ ባዋ፤ ቃሲ ናዓስ ማርካቲያ አይስካ አዋይ ዴዔስ።

<sup>24</sup> ሄሳ ጊሾ፣ ኮይር ሂንቲ ሲዲዳ ቃላ ሂንቲ ዎዛናን ማንሲዲ ናጊቲ። ኮይር ሲዲዳይሳ ሂንቲ ናጊኮ ሂንቲው ናዓራኔ አዋራ ኢሲፌቴሲ ዳና።<sup>25</sup> ናዓይ ኑስ ሜሪና ዴዑዋ ኢማና ጊዲ ቃላ ጊሲስ።

<sup>26</sup> ሂንቲና ባሌሲያ አሳ ጊሾ ታኒ ሃይሳ ሂንቲው ፃፋስ።<sup>27</sup> ሺን ኪሪስቶሲ ሂንቲ ቦላ ባ ጌሻ አያና ጉሲስ። ጌሻ አያናይ ሂንቲናን ዴዒያ ጊሾ አኒካ ሂንቲና ታማርሶ ኮሼና። ኢያ ጌሻ አያናይ ሂንቲና ቱማ ታማርሴሲፕ አቲን ዎርዶ ጊዶና። ጌሻ አያናይ ሂንቲና ታማርሲዳይሳ ኪሪስቶሳን ዴዒቲ።

<sup>28</sup> ሂዛ፣ ታ ናይቶ፣ ኢ ቆንጨያ ዎዴ ነኒ ያሺ ባይናኔ ኢያ ዩሳ ጋለስ ኢያ ሲንሳን ኑ ዩላን ቆሴቶና ሜላ ኢያን ዴዒቲ።<sup>29</sup> ኪሪስቶሲ ሂሎ ጊዴይሳ ሂንቲ ኤሪኮ ሂሎ አሲያ ኡባይ ሶሳ ናዓ ጊዴይሳ ኤሪቲ።

3

ሶሳ ናይታ

<sup>1</sup> ነኒ ሶሳ ናይታ ጌቲቲዲ ዩጌታና ሜላ ሶሳይ ኑና አይ ሜላ ዶሲዳኮ ቤዒቲ። ነኒ ቱማካ ሶሳ ናይታ። ሃ አላሚይ ሶሳ ኤርና ጊሾ ኑናካ ኤሬና።

<sup>2</sup> ታ ሲቆ ኢሻቶ፣ ሃዒ ነኒ ሶሳ ናይታ፤ ነኒ አይ ሃናኔኮ ቡር ኤሬቲቤና። ሺን ኪሪስቶሲ ቆንጨያ ዎዴ ነኒ ኢያ ዳናናይሳ ኤርስ። ኢ ቱማ ዴዒይሳ ነኒ ቤዓና።<sup>3</sup> ኪሪስቶሳ ቤዓና ጊዲ ኡፋይሳን ናጊያ አኒካ፣ ኪሪስቶሲ ጌሺ ጊዲዳይሳ ባና ጌሼስ።

<sup>4</sup> ናጋሪ ሂን ሜንሶ ጊዲያ ጊሾ ናጋራ አሲያ ኡባይ ሶሳ ሂን ሜንሴስ።<sup>5</sup> ኪሪስቶሲ አሳ ናጋራ ዳይሳናው ቆንጨዳይሳ ሂንቲ ኤሬታ፤ ኢያን ናጋሪ ባዋ።<sup>6</sup> ኪሪስቶሳን ዴዒያ አኒካ ናጋራን ዴና። ቃሲ ናጋራን ዴዒያ አኒካ ኢያ ቤዒቤና ዎይኮ ኤሪቤና።

<sup>7</sup> ታ ናይቶ፣ ሂንቲና አኒካ ባሌሶ። ኪሪስቶሲ ሂሎ ጊዲዳይሳ ሂሎ አሲያ አኒካ ሂሎ።<sup>8</sup> ፃላሄይ ኮይርፕ ናጋራ አሲያ ጊሾ ናጋራ ኡባ ዎዴ አሲያ አኒካ ፃላሄ ዳቦ። ሄሳ ጊሾ፣ ሶሳ ናዓይ ፃላሄ አሶ ዳይሳናው ቆንጨስ።<sup>9</sup> ሶሳ ናዓ ጊዲያ አኒካ ሶሳ አያናይ ኢያን ዴዒያ ጊሾ ኢ ኡባ ዎዴ ናጋራን ዴና። ሶሳይ ኢያ አዋ ጊዲያ ጊሾ ናጋራን ዴና።<sup>10</sup> ሶሳ ናይታ ጊዶኒኔ ፃላሄ ናይታ ጊዶን ዴዒያ

ዳማቲሳይ ሄሳን ኤሬቲስ፤ ሂሎ አሶና አሲ ዎይኮ ባ ኢሻ ዶሶና አሲ ሶሳ ናዓ ጊዴና።

ኢሶይ ኢሱዋ ዶሲቲ

<sup>11</sup> ኮይርፕ ሂንቲ ሲዲዳ ኪታይ፣ «ኢሶይ ኢሱዋ ዶሳናው ቤሴስ» ያጊያ ኪታ።<sup>12</sup> ነኒ ቃዔላ ሜላ ጊዳናው ቤሴና። ቃዔሲ ፃላሄ ዳቦ ጊዲዲ ባ ኢሻ ዎዲስ። ኢ ባ ኢሻ አይስ ዎዲዴ? ኢያ አሶይ ኢታ ጊዲዳ ጊሾኔ ኢያ ኢሻ አሶይ ሎዎ ጊዲዳ ጊሾ ዎዲስ።

<sup>13</sup> ታ ኢሻቶ፣ ሃ አላሚያ አሳይ ሂንቲና ኢዲኮ ማላሌቶሬቲ።<sup>14</sup> ነኒ ኑ ኢሻታ ሲቂያ ጊሾ ሃይቆፕ ዴዎ ፒኒዳይሳ ኤርስ። ባ ኢሻ ዶሶና አኒካ ሃይቆ ኩያን ዴዔስ።<sup>15</sup> ባ ኢሻ ኢዲያ አኒካ ሽምፖ ዎዲስ። ቃሲ ሽምፖ ዎዲያ አይስካ ሜሪና ዴዎይ ባይናይሳ ሂንቲ ኤሬታ።<sup>16</sup> ኪሪስቶሲ ባ ሽምፕዋ ኑ ጊሾ አሲ ኢሚዳይሳን ሲቆይ አይቤኮ ነኒ ኤሪዳ። ነካ ኑ ኢሻታ ጊሾ ኑ ሽምፕዋ አሲዲ ኢማናው ቤሴስ።<sup>17</sup> ሺን ዱሬ ጊዲዳ አኒካ ሜቶታንቸዋ ቤዒሼ፣ ኢያው ቃዴቶና ኢዲኮ ባ ዎዛናን ሶሳ ሲቆይ ዴዔስ ጋናው ዋኒዲ ዳንዳዒ? <sup>18</sup> ታ ናይቶ፣ ነኒ አሶኒኔ ቱማቲሳን ኑ ሲቆዋ ቆንጨሳናው ቤሴስ፤ አቲን ሮኡ አዳ ፃላላን ዎይኮ ዶና ፃላላን ሲቆታናው ቤሴና።

ሶሳን ዴዒያ አማኔቲሳ

<sup>19</sup> ነኒ ኢሶይ ኢሱዋ ሲቂኮ፣ ኑ ቱማ ባጋ ጊዴይሳ ኤርስ፤ ሄሳስ ሶሳ ሲንሳን ዩላቶኮ።<sup>20</sup> ኑ ዎዛናይ ኑ ቦላ ፒርዲያባ ጊዲኮ፣ ሶሳይ ኑ ዎዛናፕ ጊታ ጊዴይሳ ኤርስ፤ ኢ ኡባባ ኤሬስ።<sup>21</sup> ታ ሲቆ ኢሻቶ፣ ኑ ዎዛናይ ኑ ቦላ ፒርዶናባ ጊዲኮ ነኒ ሶሳ ሲንሳን ያዮኮ።<sup>22</sup> ነኒ ኢያ ኪታ ናጊያ ጊሾኔ ኢያ ኡፋይሲያባ አሲያ ጊሾ ዎሲያ ኡባ ኢያፕ ኤኮስ።<sup>23</sup> ኪሪስቶሲ ኑና ኪቲዳይሳዳ ሶሳ ናዓ ዩሱስ ኪሪስቶሳ ሱንሳን አማናናይ ኢሶይ ኢሱዋ ሲቃናዳ ሶሳይ ኑና ኪቲስ።<sup>24</sup> ሶሳ ኪታ ናጊያ አኒካ ሶሳን ዴዔስ፤ ሶሳይካ ኢያን ዴዔስ። ሶሳይ ኑስ ኢሚዳ ጌሻ አያና ባጋራ ኢ ኑናን ዴዔይሳ ኤርስ።

4

አያናታ ሻኪ ኤሪቲ

<sup>1</sup> ታ ሲቆ ኢሻቶ፣ አያናታ ኡባ አማኖፕቲ፣ ሺን ኤንቲ ሶሳፌ ዩዳኮ ፓጪ ቤዒቲ። አይስ ጊኮ፣ ዳር ዎርዶ ናቤቲ አላሜን ዴንዲዶሶና።<sup>2</sup> ሶሳ አያና ጊዴይሳ ሂንቲ ሃይሳን ኤሪና፤ «ዩሱስ ኪሪስቶሲ አሴ ጊዲዲ ዩዳይሳ ማርካታይስ» ጊያ አያና ኡባይ ሶሳፌ ዩስ።<sup>3</sup> ኪሪስቶሲ አሴ ጊዲዲ ዩዳይሳ አማናይስ ጎና አያና ኡባይ ሶሳፌ ጊዴና። ሄሲ ኪሪስቶሳ ኢዲያ አያና። ሂንቲ ሄ አያናይ ያናይሳ ካሴ ሲዲዴታ፤ ኢ ሃሪ አቶሺን ሃዒካ አላሜን ዴዔስ።

<sup>4</sup> ታ ናይቶ፣ ሂንቲ ሶሳ፣ ሂንቲ ጊዶን ዴዒያ ጌሻ አያናይ አላሜን ዴዒያ አያናፕ ዳር ዎልቃማ ጊዲያ ጊሾ ዎርዳንቾ ናቤታ ሂንቲ ያኒዴታ።<sup>5</sup> ኤንቲ ሃ አላሚያ አሴ ጊዲያ ጊሾ ሃ አላሚያባ አይሶና፤ ሃ አላሚያ አሳይ ኤንታ አዳ ሲዶሶና።<sup>6</sup> ነኒ ሶሳፌ ዩሌቲዳ፤ ሶሳ ኤሪያ አኒካ ኑና

3:1 ዮሃ 1:12    3:5 ዮሃ 1:29    3:11 ዮሃ 13:34    3:12 ሜዴ 4:8    3:14 ዮሃ 5:24    3:23 ዮሃ 13:34፤ 15:12፣ 17

ሲዔስ። ሦላ ኤሮና አኒካ ኑና ሲዔና። ኑኒ ቱማ አያናኔ ዎርዶ አያና ሄሳን ሻኮስ።

**ሦላይ ሲቆ**

7 ታ ሲቆ ኢሻቶ፣ ሲቆይ ሦላፌ ያ ጊሾ አኔ ኢሶይ ኢሱዋራ ሲቆቶስ። ሲቆያ አኒካ ሦላ ናፃ፤ ኢ ሦላ ኤሬስ። 8 ሦላይ ሲቆ ጊዲያ ጊሾ ሲቆና አኒካ ሦላ ኤሬና። 9 ኑኒ ኪሪስቶሳ ባጋራ ዴዑዎ ዴማና ሜላ ሦላይ ባ ኢሲ ናፃ ሃ አላሚያ ኪቲስ። ሦላይ ኑና ባ ሲቆዎ ሄሳን ቤሲስ። 10 ቱማ ሲቆ ጉሳይ ሃይሳ፣ ኑኒ ሦላ ሲቆያ ጊሾ ጊዶናሺን ሦላይ ኑና ሲቆያ ጊሾኔ ኑ ናጋራፔ ኑና ማራናው ባ ናፃ ኪቲዳ ጊሾሳ።

11 ታ ሲቆ ኢሻቶ፣ ሦላይ ኑና ሃይሳዳ ሲቆኮ፣ ኑካ ኢሶይ ኢሱዋ ሲቃናው ቤሲስ። 12 ሦላ ቤዒዳይ አኒካ ባዎ። ኑኒ ኢሶይ ኢሱዋ ሲቆኮ ሦላይ ኑናን ዴዔስ፤ ኢያ ሲቆይካ ኑናን ፖሎ ጊዴስ።

13 ሦላይ ባ ጊሻ አያና ኑስ ኢሚዳ ጊሾ ኑኒ ሦላን ዴዔይሳኔ ኢካ ኑናን ዴዔይሳ ኤሮስ። 14 አዎይ ባ ናፃ፣ ሃ አላሚያ አሺይሳ ጊዳና ሜላ ኪቲዳይሳ ኑኒ ቤዒዲ ማርካቶስ። 15 ዩሱሲ ሦላ ናፃ ጊዴይሳ ማርካቲያ አዴንካ ሦላይ ዴዔስ፤ ኢካ ሦላን ዴዔስ። 16 ሦላይ ኑና ሲቆይሳ ኑኒ ኤሮሲኔ አማናስ።

ሦላይ ሲቆ። ሲቆን ዴዒያ አኒካ ሦላን ዴዔስ፤ ሦላይካ ኢያን ዴዔስ። 17 ኑ ዴዎይ ሃ አላሚያን ኪሪስቶሲ ዴዒዳይሳ ሜላ ጊዲያ ጊሾ ፐርዳ ጋላስ ያዮና ኢያ ሲንሴ ሺቃናው ኢያ ሲቆይ ኑናን ፖሎ ጊዴስ። 18 ሲቆን ያሺ ባዎ፣ ቱማ ሲቆይ ያሺ ኪሲ ሆሎስ። ያሺኔ ፐርዲ ኢሲፌ ቢያ ጊሾ ያያ ኡራ ሲቆይ ፖሎ ጊዴና።

19 ሦላይ ኮይሮ ኑና ሲቆያ ጊሾ ኑ ሲቆስ። 20 አኒካ፣ «ሦላ ሲቃይስ» ጊሼ ባ ኢሻ ኢዳኮ፣ ኢ ዎርዳንቾ። አይስ ጊኮ፣ ቤዒያ ባ ኢሻ ሲቆና አኒካ ቤዒቦና ሦላ ሲቃናው ዋኒዲ ዳንዳዒ? 21 ኪሪስቶሲ ኑስ ኢሚዳ ኪታይ ሃይሳ፤ «ሦላ ሲቆያ አኒካ ባ ኢሻ ሲቃናው ቤሲስ» ያንይሳ።

5

**አላሚያ ያኖ**

1 ዩሱሳ፣ ኢ ኪሪስቶሳ ያጊዲ፣ አማኒያ አኒካ ሦላ ናፃ። አዎ ሲቆያ አኒካ ኢያ ናፃካ ሲቆስ። 2 ኑኒ ሦላ ሲቆያ ጊሾኔ ኢያ ኪታ ናጊያ ጊሾ ሦላ ናይታ ሲቆይሳ ኤሮስ። 3 ኑኒ ሦላ ሲቆኮ፣ ኢያ ኪታታ ናንስ። ኢያ ኪታቲ ዴዎ ጊዶኮና። 4 አይስ ጊኮ፣ ሦላ ናፃ ጊዲያ አኒካ ሃ አላሚያ ያናናው ዳንዳዒስ። ኑኒ ሃ አላሚያ ያናናይ ኑ አማኑዋና። 5 አላሚያ ያናናው ዳንዳዒይ አኔ? ዩሱሲ ሦላ ናፃ ጊዴይሳ አማኒያ አሳ ዓላሊ ያናና።

**ኪሪስቶሳ ማርካቲይሳ**

6 ዩሱስ ኪሪስቶሲ ሃሳ ዒንቃቲያራኔ ባ ሃይቁአዎ ሱሳራ ዩስ። ኢ፣ ሃሳራኔ ሱሳራ ዩሲፔ አቲን ሃሳ ዓላላራ ዩቤና። ጊሻ አያናይ ቱማ ጊዲያ ጊሾ ሄሲ ቱማ ጊዴይሳ ማርካቲስ። 7 ሄሹ ማርካቲ ዴዎሶና። 8 ሄሳቲ፣ ጊሻ አያና፣ ሃሳኔ ሱሳ፣ ሃ ሄሻታ ማርካቲይሳ ኢሲና። 9 ኑ አሲ ማርካቲይሳ አማናስ። ሺን ሦላ ማርካቲይሳ አሳይሳፌ ዳሮ አዴስ። ሦላይ ባ ናፃስ ማርካቲዳ ማርካቲይሳ ሃይሳ። 10 ሦላ ናፃ አማኒያ ኡራ ዎዛናን ሃ

ማርካቲይሳ ዴዔስ። ሦላ አማናና አኒካ ሦላይ ባ ናፃስ ማርካቲዳ ማርካቲይሳ አማኒቦና ጊሾ ሦላ ዎርዳንቾ አሴስ።

11 ሂዛ፣ ማርካቲይሳ ሃይሳ፤ ሦላይ ኑስ ሜሪና ዴዎ ኢሚስ፤ ሄ ዴዎይካ ኢያ ናፃን ዴዔስ ያንይሳ። 12 ሦላ ናፃይ ዴዒያ አዴስካ ዴዎይ ዴዔስ። ሦላ ናፃይ ባይና አዴስካ ዴዎይ ባዎ።

**ሜሪና ዴዎ**

13 ሦላ ናፃን አማኒያ ሂንቱው ሜሪና ዴዎይ ዴዔይሳ ሂንቱ ኤራና ሜላ ሃይሳ ሂንቱው ዓፋስ።

14 ሦላ ሽኒያዳ አይቢባካ ኢያ ዎሲኮ፣ ኢ ሲዔይሳ ኑኒ ኤሪያ ጊሾ ኢያን አማኒቶስ። 15 ኑኒ ኑሲያ ኡባ ኢ ሲዔይሳ ኤሪኮ፣ ኑኒ ዎሲያባ ኢ ኢማናይሳ ኤሮስ።

16 አኒካ ባ ኢሻይ ሃይቆ ቤሶና ናጋራ አሲሺን ቤዒኮ፣ ሦላ ኢያው ዎሳናው ቤሲስ። ሃይቆ ቤሶና ናጋራ አሲዳይሳታስ ሦላይ ዴዎ ኢማና። ሃይቆ ቤሲያ ናጋሪ ዴዔስ። ታኒ ሂንቱና ሄሳስ ሦላ ዎሲቱ ጊኬ። 17 ኢታ አሶ ኡባይ ናጋራ፣ ሺን ሃይቆ ቤሶና ናጋሪ ዴዔስ።

18 ሦላ ናፃይ ኢያ ናጊያ ጊሾ ሦላ ናፃ ጊዲዳ አኒካ ናጋራን ኡባ ዎዴ ዴዎናይሳ ኑኒ ኤሮስ። ዓላሄይ ኢያ ቆሃናው ዳንዳዒና። 19 ኑኒ ሦላ ጊዴይሳኔ ሃ ኩሜሳ አላሜይ ዓላሄን ሃራቲይሳ ኤሮስ።

20 ኑኒ ቱማ ሦላ ኤራናዳ ሦላ ናፃይ ዩዳይሳኔ ኑስ አኬካ ኢሚዳይሳ ኤሮስ። ኑኒ ኢያ ናፃ፣ ዩሱስ ኪሪስቶሳ ባጋራ ቱማ ሦላን ዴዎስ። ዩሱሲ ቱማ ሦላኔ ሜሪና ዴዐዎ።

21 ታ ናይቶ፣ ኤቃቃፔ ሂንቱ ሃኪቱ።

### ዮሃንሳ ፩ ዓፊ ናምዓንሉ ኪታ ጋሳ ቆፋ

ዮሃንሳ ፩ ዓፊ ናምዓንሉ ኪታ፤ ዮሱሳ ሃዋሪ ጊዲዳ ጩማይ፤ ዮሃንሳ ፩ ዓፊ፤ ፆሬቲዳይካ ዶሬቲዳ ጎዳቴሳኔ ኢ ናይታሳ፤ እኒ ኤሪ፤ ሄሲካ ኢሲ ዎሳ ኪሳሲኔ ኢያን ጎይኒያ ኣሳስ ጊዶና ኣገና፤ ሃ ቃንሳ ኪታይ ፩ ዓፊ፤ ኤንቲ ኢሶይ ኢሱዋራ ሲቁታና ሜላ ኣኬኪሳናሳኔ ዎርዶ ኣስታማሬታፔኔ ኤንታ ቲሚርቲያሬ ናጌታና ሜላ ቆፊሳናሳ፤

2 ዮሃንሳ ኪታ ኣይሬ ቆፋታ

ሳሮሶ 1-3

ሲቆይ ኡባሬ ቦላ 4-6

ዎርዶ ቲሚርቲያሬ ናጌቲሲ 7-11

ኩሻ ቆፋ 12-13

1 ታ ጩማይ ዶሬቲዳ ጎዳቴሳኔ ኢ ናይታስ ኪቲዳ ኪታ፤ ታ ዓላላ ጊዶናሺን ቱማ ኤሪያ ኡባይ ሂንቴና ዶሶሶና፤ 2 ሃ ቱማይ ኑናን ዴዲያ ጊሾኔ ሜሪናው ኑራ ዳና ጊሾ ታኒ ሂንቴና ቱማ ዶሳይስ፤

3 ዎሳ ኑ ኣዋኔ ኢያ ናዓ ዮሱስ ኪሪስቶሳ ኣጅ ኬሃቴሳይ፤ ማሮቴሳይኔ ሳሮቴሳይ ቱማኒኔ ሲቆን ኢሲሬ ኑራ ጊዶ፤

#### ቱማባኔ ሲቆባ

4 ኣዋይ ኑና ኪቲዳይሳዳ፤ ኔ ናይታፔ ባጋቲ፤ ቱማስ ኪቴቴይሳ ቤዓዳ ታኒ ዳሮ ኡፋይታስ፤

5 ጎዳቴ፤ ሃዲካ ኑኒ ኡባይ ኢሶይ ኢሱዋ ሲቃና ሜላ ታኒ ኔና ዎሳይስ፤ ሃ ኪታይ ኮይሮፔ ኑራ ዴዲያ ኪታፔ ኣቲን ታኒ ኔው ኦራሳ ኪታ ዓፊኬ፤ 6 ቱማ ሲቆይ ኑኒ ዎሳ ኪታ ናጊዲ ዳናይሳ፤ ቃሲ ኮይሮፔ ሂንቴ ሲዲዳይሳዳ ኢያ ኪታይ፤ ሂንቴ ኡባይ ሲቆን ዳና ሜላሳ፤

7 ዮሱስ ኪሪስቶሲ ኣሴ ጊዲዲ ዬዳይሳ ኣማኖና፤ ዳሮ ባሌሲያ ኣሳቲ፤ ኣላሜን ዴንዲዶሶና፤ ሄሳ ሜላ ኣሲ ኣኒካ ባሌሴይሳኔ ኪሪስቶሳ ሞርኬ፤ 8 ሂንቴ ኣሲዳ ኩሜላ ዎይቱዋ ኤካናው ሚኒቴ፤ ሂንቴ ኣሲዳይሲ ዳዮና ሜላ ናጌቲቴ፤

9 ኪሪስቶሳ ቲሚርቲያን ዶናይሳሲኔ ኢያፔ ሃኪያ ኡራስ ዎሳይ ባዋ፤ ኪሪስቶሳ ቲሚርቲያን ዴዲያ ኡራስ ኣዋይኔ ናዓይ ዴዎሶና፤ 10 ኣኒካ ሂንቴኮ ዩሼ ሃ ቲሚርቲያ ኤሆና ኢዲኮ፤ ሂንቴ ሶ ጌልሶሬቲ፤ ሳሮካ ጎፒቴ፤ 11 ኢያ ሳሮ ጊያ ኣኒካ ኢያ ኢታ ኣሱዋን ኢያራ ሻኬቴስ፤

#### ዉርሴሳ ሳሮታ

12 ታኒ ሂንቴው ዓፋናው ኮዬዳ ዳሮባይ ዴዴስ፤ ሺን ዎርቃቴኒኔ ቃላሜን ዓፋናው ኮዬኬ፤ ኑ ኡፋይሳይ ፖሌታና ሜላ ሂንቴራ ሶምዎን ጋሄታዳ ኣዴታናው ሂንቴኮ ባና ጋዳ ቆፓይስ፤

13 ዎሳይ ዶሪዳ ኔ ሚቹ ናይቲ ኔና ሳሮ ያጎሶና፤

1:5 ዮሃ 13:34፤ 15:12፤ 17



ኔ ዳቦቲ ኔና ሳሮ ያጎሶና። ኑ ዳቦታ ኡባ ኤንታ ሱንሳ ሱንሳ ዪጋዳ ታና «ሳሮ ጊስ» ያጋ።

### ዮሀንስ ገፊዳ ሄቫንሶ ኪታ ጋሳ ቆፋ

ዮሀንስ ገፊዳ ሄቫንሶ ኪታ፣ ዮሱሳ ሃዋሬ ጊዲዳ ጩማይ፣ ዮሀንስ ገፊስ፣ ኢ ገፊዳይካ ጋዮሳ ጊያ ኢሲ ዎሳ ኪሳ ሄማይሳሳ፣ ገፊይ ኢሲ ባጋራ ጋዮሲ ሃራ አማኔይሳታ ማዲዳ ጊሾ ኢያ ጋላቴስ፤ ቃሲ ሃራ ባጋራ ዲዮቲራፊሳ ጌቴቲያ ዎሳ ኪሳ ሃላቃ ጊዳናው ኮያ ጌላ ኡራፔ ናጌታና ሜላ አኬኪሴስ።

3 ዮሀንስ ኪታ አይፌ ቆፋታ

ጌሎ ቆፋ 1-4

ጋዮሲ ጋላቴቲስ 5-8

ዲዮቲራፊሲ ቦሬቲስ 9-10

ዲሜጊሮሲ ጋላቴቲስ 11-12

ኩሻ ቆፋ 13-15

1 ታኒ ጩማይ፣ ቱማ ዶሲያ ጋዮሳስ ኪቲዳ ኪታ። 2 ታ ሲቁዋው፣ ኔኒ ኔ ሼምፕፕን ሎዎ ዴዔይሳ ታ ኤሬይሳዳ ኔው ፓያቴሲ ዳና ሜላኔ ኔ አሲያባይ ሱራና ሜላ ኔው ዎሳ ዎሳይስ። 3 ጉሳ አማኒያ አሳቲ ዩዲ፣ ኡባ ዎዴ ኔኒ ቱማን ዴዔይሳኔ ኔ ቱማቴሳባ ማርካቲዳ ዎዴ ታኒ ዳሮ ኡፋይታስ። 4 ታ ናይቲ ቱማቴሳን ዴዔይሳ ሲዔይሳፊ አዲዲ፣ ታና ኡፋይሲያባይ ባዎ።

#### ጋዮሲ ጋላቴቲስ

5 ታ ሲቁዋው፣ ኤንቲ ኔው ኢማሴ ጊዲኮካ፣ ኔኒ አማኒያ አሳታስ አማንሲያ አሶ አሳሳ። 6 ኤንቲ ኔ ሲቁዋባ ዎሳ ኪሳን ማርካቶሶና፣ ሃሲካ ኤንቲ ቢያ አጊያን ዎሳይ ዶሴይሳዳ አሳዳ ኤንታ ማዲኮ ሎዎ አሳሳ። 7 ኤንቲ ኪሪስቶሳ ሱንሳ ጊሾ ኪዩሼ፣ አማናና አሳታፔ አይኮካ ኤኪቦኮና። 8 ኑኒ ቱማ አሱዋ ኤንታራ ኢሲፊ አሳናው ሃይሳ ሜላ አሳታ ማዳናው ቤሴስ።

#### ዲዮቲራፊሳኔ ዲሜጊሮሳ

9 ታኒ ዎሳ ኪሳታስ ዳብዳቤ ገፋስ፣ ሺን ኤንታ ሃላቃ ጊዳናው ኮያ ዲዮቲራፊሲ ኑኒ ጌይሳ ኤኬና። 10 ሄሳ ጊሾ፣ ታኒ ያ ቢያ ዎዴ ኢ ኑ ቦላ አዴቲያ ኢታ አዳኔ ኢ አሲዳ አሱዋ አዳና። ኢ ሄሲ ጉዲስ ጊዲ፣ ኑ ኢሻቲ ያ ዎዴ ሞኬና። ሃሪ አቶሺን፣ ኤንታ ሞካናው ኮዬይሳታካ ዲጊዲ ዎሳ ኪሳፊ ኪሴስ።

11 ታ ሲቁዋው፣ ሎዎባ ዳናፔ አቲን ኢታባ ዳኖፓ። ሎዎባ አሲያ አኒካ ዎሳ አሲ፣ ሺን ኢታባ አሲያ አኒካ ዎሳ ቤዒቤና።

12 ዲሜጊሮሲ ሎዎ አሲ ጊዴይሳ አሳ ኡባይ ማርካቴስ። ቱማይ ባ ሁዔን ኢያባ ማርካቴስ፤ ኑካ ኢያባ ማርካቶስ፤ ኑ ማርካቴሳይ ቱማ ጊዴይሳ ሂንቴ ኤሬታ።

#### ጩሴሳ ሳሮታ

13 ታኒ ኔው ገፋናው ኮዩዳ ዳሮባይ ዴዔስ፣ ሺን ቃላሜኒኔ ዎርቃቴን ገፋናው ኮዩኬ። 14 ሺን ታኒ ማታራ ኔራ ጋሄታናው ቆፓይስ፤ ሄ ዎዴ ኑኒ አዴታና።

15 ሳሮይ ኔው ጊዶ።

1:1 ሃ.አ 19:29፣ ሮሜ 16:23፣ 1ቆሮ 1:14

### ዩ.ሁ.ዳ 9ፊዳ ኪታ ጋሳ ቆፋ

ዩ.ሁ.ዳ ኪታይ 9ፊቴዳይ፣ አማኖና ዴዒሼ አማኒያ አሲ ዳኒዲ ዎርዶ ቲሚርቴ ላሊያ አሳታፎ አማኒያ አሳይ ናጌታና ሚላ አኬኪሳና። ሃ ቃንሳ ኪታይ ባ ጊዶን አይኪዳ ቆፋታን ናምግንሳ ጳጊሮሳ ኪታ ዳኔስ። 9ፊይ፣ «አማኒያ አሳስ ኢሲ ቶሆኔ ወርሴሲ ጋካናው ኢሜቲዳ አማኑዋስ አሌቲቱ» ያጊዲ ናባቤይሳታ ሚንሲዲ ቆፊሴስ።

ዩ.ሁ.ዳ ኪታ አይፊ ቆፋታ

ሳሮሶ 1-2

ዎርዶ አስታማሬታ ቲሚርቴያኔ ኤንታ ኩንዴሳ 3-16

አማኖ ናጋና ሚላ ኢሜቲዳ ዞሬ 17-23

ጋላታ ዎሳ 24-25

1 ታኒ ዩ.ሁ.ዳ፣ ዩሱስ ኪሪስቶሳ አይሌይ፣ ያይቆባ ኢሻይ፤

የሳይ ያጊዳይሳታስ፣ ዎሳ አዋይ ዶሴይሳታሲኔ ዩሱስ ኪሪስቶሳን ናጌቲዳይሳታስ ሃ ዳብዳቢያ 9ፋይስ።

2 ማሮቴሲ፣ ሳሮቴሲኔ ሲቆይ ሂንቴው ኩሞ።

ዎርዶ አስታማሬታ

3 ታ ሲቆ ኢሻቶ፣ ኑኒ ኢሲፊ ሻኬቲያ አቶቴሳባ ሂንቴው 9ፋናው ታኒ ዳሮ አዋታስ። ሺን አማኒያ አሳስ ኢሲ ቶሆኔ ወርሴሲ ጋካናው ኢሜቲዳ አማኑዋስ አሌታና ሚላ ሂንቴና ዞሬሼ 9ፋናይሲ ታው ኮሺያባ ጊዲስ። 4 ኤንታ ፐርዳይ ቤኒጌፕ 9ፊቴዲ ኡቲዳ፣ ኢሲ ኢሲ አሳቲ አኒካ ኤሮና ሂንቴ ጊዶ ጌሊዶሶና። ኤንቲ ዎሳ ኤዶ ኬሃቴሳ ላይማታናው ጎሜቲያ አጌ አሲዲ ኤኮሶና። ባ 9ላላ ካዎ ጊዲዳ፣ ኑ ጎዳ ዩሱስ ኪሪስቶሳ ካዶሶና።

5 ሺን ሂንቴ ሃ ኡባ ኤሪያባ ጊዲኮካ፣ ጎዳይ ኢስራዔል አሳ ጊብዔ ቢታፊ ዋቲ ኬሲዳኮ፣ ቃሲ ጉዩፕ አማኖናይሳታ ዳይሲዳይሳ ታ ሂንቴና አኬኪሳናው ኮያይስ። 6 ባንታ ዴዒያሱዋ አጊዲ፣ ባንታው ኢሜቲዳ ማታ ናጊቦና ኪታንቾታ፣ ጊታ ፐርዳ ጋላሳይ ጋካናው ዎሳይ ኤንታ ዳማፕ ጋርሳን ሜሪና ሳንሳሳታን ቃቺ ዎሲስ። 7 ሄሳዳ፣ ሶዶሜኔ ጋሞራ አሳይኔ ኤንታ ማታን ዴዒያ ካታማታን ዴዒያ አሳይ ላይማቲዶሶና፤ ላይማቴሳራ ጋሄቲያ ቴናቴሳ አሲዶሶና። ኤንቲ ሜሪና ታማን ዋዩታናይሳታስ ሌሚሶ ጊዲዶሶና።

8 ሄሳዳካ፣ ሃ አሙሃንቾቲ ባንታ አሳቴሳ ቱኒሶሶና፤ ማታ አዋታ ካዶሶና፤ ሳሎ ሜዴቴሳታ ጫዮሶና። 9 ሺን ኪታንቾታ ሃላቃይ ሚካዔሌይ ሙሴ አሃስ 9ላሄራ ፓላሚዳ ዎዴ «ጎዳይ ኔና ሴሮ» ያጊሲፕ አቲን ኢያ ቦላ ጫሻ ቃላ አዲዲ ሞታናው ኮዩቤና። 10 ሺን ሃ አሳቲ ባንታው ኤሮናባ ኡባ ጫዮሶና፤ ቃሲ ኤንቲ ዎዛኒ ባይና ሜሄዳ ሜዶን ኤሪያ ኤራይ፣ ኢ ኤንታና ዳይሳና።

11 ኤንታና አዩ! ኤንቲ ቃዔላ አጊያን ቢዶሶና።

ሚሼ ኮዩዲ ባላማ ባላን ኩንዲዶሶና። ቆሬይ ዎሳ ቦላ ዴንዲዳይሳዳ ኤንቲ ዎሳ ቦላ ዴንዲዲ ዳዩዶሶና።

12 ሃ አሳቲ፣ ሂንቴ ሲቆ ጊቢራ ሚያ ቤሳን ሂንቴራ ኡቲያ ዎዴ ዩሊ ባይና ካወሻታ። ኤንቲ ባንታና 9ላላ ሄሜይሳታ። ኤንቲ ጫርኮይ ኤፊያ ኢሪ ባይና ሻራ ሜላ። ቃሲ አይፊ ዎዴን አይፊ አይፎና፣ 9ጰራ ሸዴቲድ፣ ናምቡ ቶሆ ሜሊዳ ሚላ ሚላ። 13 ኤንቲ ሃንቱቲዳ አባ ዙሊያ ሚላ ባንታ ፖኩዋ ጎፖንቱይሳታ። ኤንቲ ሜሪናው ሳካና ዳማይ ናጊያ ቶይላቲያ ያሊንቶታ።

14 አዳሜፕ ዶሚዲ፣ ላፕንሳ ዩሌታ ጊዲዳ ሄኖኬይ፣ ሃ አሳታባ ቲንቢቴ አዲሼ፣ «ሄኮ፣ ጎዳይ፣ ባ ዳሮ ሙኩሉ ጊሻታራ ያና። 15 አሳ ኡባ ፐርዳና፤ ጌላታ ኡባ ኤንቲ አሲዳ ኢታ አሶ ኡባ ጊሾኔ ማካላቴሳን ኤንቲ ዎሳ ቦላ አይቴዳ ኢታ አዳ ኡባ ጊሾ ፐርዳና» ያጊስ። 16 ሄ አሳቲ ኡባ ዎዴ ዙዙሜይሳታኔ አዳ ኮዩይሳታ፣ ቃሲ ባንታ ኢታ አሙዋ ካሎሶና፤ ባንታናን ጨቆሶናኔ ባንታና ጎዲያባ ዴማናው ሃራታ ሳቦሶና።

ወርሴሳ ዞሬ

17 ሺን ታ ኢሻቶ፣ ኑ ጎዳ ዩሱስ ኪሪስቶሳ ሃዋራቲ ካሴ ሂንቴው አዲዳ ቃላ አኬኪቴ።

18 ኤንቲ፣ «ወርሴሳ ዎዲያን፣ ባንታ አሙዋ ካሊዲ ቶቼይሳቲ ያና» ያጊዶሶና። 19 ሄ አሳቲ አሳ ጊዶን ሻሆቴሲ ሜዴይሳታ፣ ባንታ አሾ አሙዋስ ሃሬቴይሳታኔ ጊሻ አያናይ ባይናይሳታ።

20 ሺን ታ ኢሻቶ፣ ጌሺ ጊዲዳ ሂንቴ አማኑዋን ሂንቴና ዲቻናው ሚኒቴ፤ ቃሲ ጊሻ አያና ዎልቃን ዎሲቴ። 21 ሂንቴና ሜሪና ዴዎዋኮ ጋሲያ ኑ ጎዳ ዩሱስ ኪሪስቶሳ ማሮቴሳ ናጊሼ ሂንቴና ዎሳ ሲቁዋን ናጊቴ።

22 ሲዴይ ዴዒያ አሳስ ቃዴቴቴ። 23 ኢሲ ኢሲ አሳታ ታማፕ ኬሲ ኤኪቴ። ቃሲ ኢታ አዋን ቱኒዳ ኤንታ ማዎዋ ኢዲሼ ሃራታስ ያሻን ቃዴቴቴ።

ጋላታ ዎሳ

24 ሂንቴ ኩንዶና ሚላ ናጋናው ቦሬይ ባይናይሳታኔ ጊታ ኡፋይሳን ኩሚዳይሳታ አሲዲ ባ ቦንቼዋ ሲንሳን ሂንቴና ሺሻናው ዳንዳዲያ፣

25 ኑና አሺያ ኢሲ ዎሳስ፣ ኑ ጎዳ ዩሱስ ኪሪስቶሳ ባጋራ ቦንቾይ፣ ጊታቴሲ፣ ዎልቂኔ ማቲ፣ ካሴካ፣ ሃዲካ፣ ሜሪናወካ ኢያው ጊዶ። አሚንዲ።

1:1 ማቶ 13:55፤ ማር 6:3 1:5 ኬሳ 12:51፤ ታይ 14:29-30 1:7 ሜዴ 19:1-24 1:9 ዳኔ 10:13፣ 21፤ 12:1፤ ዮቆ 12:7፤ ዛሬ 34:6፤ ዛካ 3:2 1:11 ሜዴ 4:3-8፤ ታይ 22:1-35፤ 16:1-35 1:14 ሜዴ 5:18፣ 21-24 1:18 2ጴጌ 3:3

### የሃኒሳ ቆንጮሳ ጋሳ ቆፋ

የሃኒሳ ቆንጮሳይ ገፊቴዳይ፣ አማኒያ አሳይ ዩሱስ ኪሪስቶስ ባንታው ጎዳ አሲዲ፣ ጌሻቴሳን ደዲያ ጊሾ ኤንታ ሜቶይኔ ዋዬይ ጋኪዳ ዎደና። ገፊይ ወዲዲ ያሊዳ አይፊ ቆፋይ፣ አማኒያ አሳ ኡፋይሳይ ኩሜሊ ጊዳና ሜላ ኤንታ ሚንፊሊድ፣ ኤንታ ጋኪዳ ጎዳኔ ሜቱዋ ጊደን ባንታ አማኑዋን ሚኒዲ ኤቃና ሜላ ደንፊሳናሳ።

ማፃፋን ዳሪያ ኪፊሌይ ዳርኔ ካሊ ካሊዲ ቆንጮሳ ቆንጮሳ አይኬስ። ሃ ቆንጮሳቴ ሄ ዎደ ደዲያ አሳስ ጌሌስ፣ ሺን ሃራታስ ፀራ ጊዲዲ ጋምሲስ። ኤንቲ አዴቴዳይካ ሌሚሶ አዳና። ሃ ማፃፋን ደዲያ ታይሶቲ፣ ማካ ሚሽቴኔ ደግቲ ደሬታኔ አያና ሜዴቴሳታ ሌሚሶ፣ ማዘሙሬ አዘማቹይ ሲሚ ሲሚዲ ዩይቴይሳዳ፣ ሄ ማፃፋን ደዲያ ሁዔ ቆፋቴ ዱማ ዱማ ቆንጮሳታ ባጋራ ዱማ ዱማ አጌን ሲሚ ሲሚ ሺቂዶሶና። ሃ ማፃፋ ቢርሽሳስ ዱማ ዱማ ቆፋይ ደዲያኮካ፣ ኢያው ሁዔ ቆፋይ ቆንጮ። ሄሲካ፣ «የሳይ ጎዳ ኪሪስቶስ ባጋራ ዛሬሶና አጌን ባ ሞርኬታ፣ ገላሄራ ጉጂዲ፣ ኢሲ ቶሆኔ ወርሴሊ ጋካናው ያናና። ሄ ያኑዋጥ ጉዬ፣ ኢያው አማኔቴዲ ደዲያ ባ ባጋታ አራሳ ሳሎኔ አራሳ ሳግ አንጆ ላቴሳና» ያይይሳ።

- የሃኒሳ ቆንጮሳ አይፊ ቆፋታ
- ጌሎ ቆፋ 1:1-8
- ዩሱሲ ላፑን ዎሳ ኬሳታ ጊደን 1:9-20
- ላፑን ዎሳ ኬሳታስ ገፊቴዳ ኪታ 2:1-3:22
- አራታ፣ ገላ ማፃፋኔ ዶርሳ 4:1-5:14
- ላፑን ማታሜታ 6:1-8:1
- ላፑን ሞይዜታ 8:2-11:19
- ዳዊያኔ ናምዑ ዶግታ 12:1-13:18
- ዱማ ዱማ ቆንጮሳታ 14:1-15:8
- ላፑን ሃንቆ ፀዓታ 16:1-21
- ባቢሎኔ ኩንዴሳ፣ ዶግኔ ዎርዶ ናቢያ 17:1-20:10
- ወርሴሳ ፐርዳ 20:11-15
- አራሳ ሳሎ፣ አራሳ ሳግኔ አራሳ ዩሩሳላሜ 21:1-22:5
- ኩሻ ቆፋ 22:6-21

1 ኤሶን ሃናናው ደዲያባ ባ አይሌታ ቤሳና ሜላ ያሳይ ኢያው ኢሚዳ ዩሱስ ኪሪስቶስ ቆንጮሳይ ሃይሳ። ዩሱሲ ባ ኪታንቹዋ ኪቲዲ፣ ባ አይሊያ የሃኒሳስ ቆንጮሲስ። 2 የሃኒሲ ያሳ ኪታ፣ ዩሱስ ኪሪስቶሲ አሲዳባኔ አዲዳባ ኡባ ማርካቴስ። 3 ሃ ኡባይ ሃናናው ዎደይ ማቲዳ ጊሾ ሃ ቲንቢቴ ቃላ ናባቢያ አኒካ አንጆቴዳይሳ፤ ቃሲ ሃ ቃላ ሲዔይሳቴኔ ገፊቴዳ ኪታ ናጊያ ኡባይ አንጆቴዳይሳታ።

#### ላፑን ኢሲያ ዎሳ ኬሳታስ ኪቲቲዳ ሳርሳ

1:4-5 ኬሳ 3:14፤ ዮቆ 4:5    1:4-5 ኢሳ 55:4፤ ማዘ 89:27    1:6 ኬሳ 19:6፤ ዮቆ 5:10    1:7 ዳኔ 7:13፤ ማቆ 24:30፤ ማር 13:26፤ ሉቃ 21:27፤ 1ቴሴ 4:17፤ ዛካ 12:10፤ ዮሃ 19:34 \* 1:8 አልፋኔ አሜጋ፣ ጊርኬ ዶናን አልፋኔ አሜጊ ኮይርኔ ወርሴሳ ፐርዳታ፤ ቢርሽሳይካ ኮይርኔ ወርሴሳ ጉሱ።    1:8 ዮቆ 22:13፤ ኬሳ 3:14    1:13 ዳኔ 7:13፤ ዳኔ 10:5    1:14 ዳኔ 7:9    1:14 ዳኔ 10:6    1:15 ሂዘ 1:24፤ 43:2    1:17 ኢሳ 44:6፤ 48:12፤ ዮቆ 2:8፤ 22:13

4-5 ሃ ዳብዳቤይ፣ የሃኒሳ፣ ኢሲያ ቢታን ደዲያ ላፑን ዎሳ ኬሳታስ ገፊቴስ። ካሴካ፣ ሃዲካ ደዲያ፣ ሲንሳፊካ ያናው ደዲያ ያሳፊ፣ ቃሲ ኢያ አራታ ሲንሳን ደዲያ ላፑን አያናታ፣ ሄሳዳካ፣ ሃይቆፕ ደንዶን ኮይሮ ጊዲዳይሳፊ፣ ሳግ ካዎታ ሃሪያ አማኔቴያ ማርካ ጊዲዳ ዩሱስ ኪሪስቶሳ፣ አይ ኬሃቴሳይኔ ሳርቴሳይ ሂንቴው ጊዶ።

ዩሱሲ ኑና ሲቆስ፣ ቃሲ ባ ሱሳን ናጋራ አይሌቴሳፊ ኑና ላግ ኬሲስ። 6 ኑኒ ያሳ ኢያ አዋስ አሳና ሜላ ኑና ካዎቴሳ ካሂኔ አሲስ። ኢያው ሜሪናፕ ሜሪና ጋካናው ቦንቾይኔ ዎልቃይ ጊዶ። አሚንዲ።

7 ሄኮ፣ ዩሱሲ ሻራራ ዩስ። አሳ ኡባይ ሃሪ አቶሺን፣ ኢያ ጫዲዳ አሳይካ ኢያ ቤግና። ሳግን ደዲያ አሳ ኡባይ ኢያ ጊሾ ዩካና። ሄሲ ቴማ ሃናና! አሚንዲ።

8 «ካሴካ፣ ሃዲካ ደዲያሲ፣ ሲንሳፊካ ያና ጎዳይ፣ ኡባፊ ዎልቃማ ያሳይ፣ አልፋኔ አሜጊ ታና» \* ያጌስ ጎዳ ያሳይ።

#### ጎዳ ቆንጮሳ

9 ታኒ፣ የሃኒሲ፣ ሂንቴ ኢሻይ፣ ሂንቴራ ኢሲፊ ዩሱሳን ዎያ፣ ኢያ ካዎቴሳኔ ኢያ ዳንዳግ ቤግስ። ታኒ ያሳ ቃላ ጊሾኔ ዩሱሳባ ማርካቴዳ ጊሾ ጋጊሞ ጊያ ሃሳን ቴቄቲዳ ቢታን ደዳይስ። 10 ጎዳ ጋላሳን ታ ጊሻ አያናን ሃሬታዳ ደዳይስ፤ ታፕ ጉዬራ ሞይዜ ፑኖ ሜላ ጊታ ጊርሲ ሲግስ። 11 ሄ ጊርሳይ ታና፣ «ኔ ቤዔይሳ ማፃፋን ገፋዳ፣ ኢሲያን ደዲያ ላፑን ዎሳ ኬሳታስ፣ ኤፊሶና፣ ሳሚርኔሳ፣ ጴርጋሞና፣ ቴያቴርና፣ ሳርዴሳ፣ ፊላዴሳፊያኔ ሎዶቂያ ዩዳ» ያጊስ።

12 ታኒ ታው አዲያ ጊርሳ ቤግናው ጉዬ ሲማዳ ያምፕ ዎሲያ ላፑን ዎርቃ ኮጫታ ቤግስ። 13 ሄ ኮጫታ ጊደን አሳ ናግ ዳኔይሳ ቤግስ። ኢ አዱሳ አሬላ ባ ቶሁዋ ጋሲ ማዲስ፣ ዎርቃ ዳንጮን ባ ቲራ ዳንጪስ። 14 ኢያ ሁዔይኔ ኢያ ቤናናይ ቦሳ ዶርሳ ኢኪሴ ሜላ ዎይኮ ሻቻ ሜላ ቦሲ፤ ኢያ አይፊይ ታማ ላጮ ዳኔስ። 15 ኢያ ቶሆይ ታማን ሴሪዲ ዞዲዳ ናሴ ቢራታ ዳኔስ፤ ኢያ ጊርሳይካ ጊታ ሻፋ ኮሺንቻ ሜላ። 16 ኢ ባ ኡሻቻ ኩሺን ላፑን ያሊንቶታ አይኪስ። ኢያ ዶናፕ ናምዑ ባጋራ ቃራቴዳ ማሺ ኬሶስ። ኢያ ሶምዶይ ሴታ ጋላሳ አዋ አይፊ ዳኔስ።

17 ታኒ ኢያ ቤዲዳ ዎደይ ሃይቂዳ አሳዳ ሃናዳ ኢያ ቶሁዋ ማታን ኩንዳስ። ኢ ባ ኡሻቻ ኩሺያ ታ ቦላ ዎሲዲ፣ «ያዮፋ፤ ኮይርይ ወርሴሳይ ታና። 18 ታኒ ደደን ደዳይስ፤ ታኒ ሃይቃስ፣ ሺን ሄኮ ሜሪ ሜሪናወካ ደደን ደዳይስ። ሃይቆኔ ሲዎሌ ቁልፕይ ታ ኩሺና። 19 ሂዘ፣ ሃዲ ሃኒያባኔ ሲንሳፊ ሃናናባ ኔ ቤዲዳባ ገፋ። 20 ኔኒ ታ ኡሻቻ ኩሺን ቤዲዳ ላፑን ያሊንቶታኔ ላፑን ዎርቃ ኮጫታ ቢርሽሳይ ሃይሳ፣ ላፑን ያሊንቶቲ ላፑን ዎሳ ኬሳታ ኪታንቾታ፤ ላፑን ዎርቃ ኮጫቲ ላፑን ዎሳ ኬሳታ።»



2

ኤፌሶና ዎሳ ኬሳስ ኪቴቴዳ ኪታ

1 «ኤፌሶና ዎሳ ኬሳ ኪታንቹዋስ ሃይሳዳ ያጋዳ ዓፋ።

ባ ኡሻቻ ኩሼን ላፑን ያሊንቶታ አይኪዳይሲኒ ላፑን ዎርቃ ኩጫታ ጊዶራ ሃሙቴይሲ ሃይሳዳ ያጊስ። 2 ታኒ ኔ አሱዋ፣ ኔ ዳቡራኔ ኔ ጌንጫ ኤራይስ። ኔኒ ኢታ አሳታባ ጌንጫናው ዳንዳግቦናይሳ ኤራይስ። ቃሲ ሃዋሬ ጊዶናሺን ባንታና፣ ሃዋሬ ጌይሳታ ፒልጋ ኤራዳ ኤንቲ ዎርዳንቾ ጊዴይሳ ዴሚዳይሳ ታ ኤራይስ። 3 ኔኒ ጌንጫዳሳ፤ ታ ሱንሳ ጊሾ ሜቶ ዳንዳግዳሳ፤ ያኔታባካ። 4 ጊዶሺን፣ ሃሊ ታ ኔና ቦሪያባይ ዴዔስ፤ ሄሲካ ኔኒ ካሴ ኔ ሲቁፍ አጋዳሳ። 5 ሂዛ፣ ኔ አይ ሜላ ጶቃ ቤሳፌ ኩንዲዳኮ አኪካ! ኔ ናጋራፔ ሲማ፤ ኔኒ ካሴ አሲያ አሱዋ አሳ። ኔኒ ኔ ናጋራፔ ሲሞና ኢዲኮ፣ ኔ ያምፔ ዎሲያ ኮጫ ኢያ ቤሳፌ ኤካና። 6 ሃሊ ታ ኔና ናሺያ ኢሲባይ ዴዔስ፤ ታ ኢዲያ ኔቆላዌታ አሱዋ ኔካ ኢዳዳሳ።

7 ጌሻ አያናይ ዎሳ ኬሳታስ ጊያባ ሲዓናው ሃይሲ ዴዒያ አኒካ ሲያ። ያኒያ አኒካ ዎሳ ጋናቴያን ዴዒያ ዴያ ሚሴ አይፌፔ ማና ሜላ ማታ ኢማና።

ሳሚርኔሳ ዎሳ ኬሳስ ኪቴቴዳ ኪታ

8 «ሳሚርኔሳ ዎሳ ኬሳ ኪታንቹዋስ ሃይሳዳ ያጋዳ ዓፋ።

ኮይሮይኔ ወርሴሳይ፣ ሃይቁዳይሲኔ ሃይቆፕ ዴንዲዳይሲ ሃይሳዳ ያጊስ።

9 ታኒ ኔ ዋያኔ ኔ ማንቆቴላ ኤራይስ፤ ጊዶሺን ኔኒ ዱሬ። አይሁዴ ጊዶናሺን ባንታና አይሁዴ ጌይሳቲ ጫያ ጫሻ ታ ኤራይስ፣ ሺን ኤንቲ ዓላሄ ማባራን ዴዎሶና። 10 ኔኒ ኤካናው ዴዒያ ዋያ ባቦፋ። ዓላሄይ ሂንቴፌ ኢሶታ ኢሶታ ፓጫናው ቃሾ ኬሳን ዩጋና፤ ታሙ ጋላስ ጋካናው ሂንቴ ዋዩታና። ሃይቃና ጋካናው አማኔቴዳይሳ ጊዳ፤ ታ ኔው ዴያ ካላቻ ኢማና።

11 ጌሻ አያናይ ዎሳ ኬሳታስ ጊያባ ሲዓናው ሃይሲ ዴዒያ አኒካ ሲያ። ያኒያ አኒካ ናምዓንሶ ሃይቁዋን ቆሄቴና።

ጴርጋሞና ዎሳ ኬሳስ ኪቴቴዳ ኪታ

12 «ጴርጋሞና ዎሳ ኬሳ ኪታንቹዋስ ሃይሳዳ ያጋዳ ዓፋ።

ናምዑ ባጋራ ቃራቴዳ ማሺ ዴዔይሲ ሃይሳዳ ያጊስ። 13 ታኒ ኔ ዴዒያ ቤሳ ኤራይስ፤ ኔኒ ዓላሄ አራታይ ዴዒያ ቤሳን ዴዓሳ፤ ታ ሱንሳ ሚንሳ ናጋዳሳ። ሃሪ አቶሺን፣ ዓላሄይ ዴዒያ ሂንቴ ካታማን ሃይቁዳ ታው አማኔቴዳ ማርካይ፣ አንቲጳሲ፣ ዴዒያ ዎዴካ አማኑዋ አጋባካ።

14 ጊዶሺን፣ ታ ኔና ቦሪያ ጉሳባቲ ዴዎሶና። ሄሲካ ኢስራዔል አሳይ ኤቃስ ያርሼቴዳ ካሳ ሚዲ ቱናና ሜላኔ ላይማቴሳ ናጋራ አሳና ሜላ ባላቃ ታማርሲዳ ባላማ ቲሚርቴያ ኤኪዳ

ኢሲ ኢሲ አሳቲ ኔራ ዴዎሶና። 15 ሄሳዳካ፣ ኔቆላዌታ ቲሚርቴያ ታማሪያ አሳቲ ኔራ ዴዎሶና። 16 ሄሳ ጊሾ፣ ኔኒ ኔ ናጋራፔ ሲማ። ሄሲ ሃኖና ኢዲኮ፣ ታ ኔኮ ኤሌሳ ያዳ ሄ አሳታ ታ ዶናፔ ኬያ ማሻን አላና።

17 ጌሻ አያናይ ዎሳ ኬሳታስ ጊያባ ሲዓናው ሃይሲ ዴዒያ አኒካ ሲያ። ያኒያ አዴስካ ቆሴቴዲ ዴዒያ ማናፌ \* ኢማና። ቃሲ ኤኪያ ኡራፔ አቲን ሃራ አሲ ኤሮና አራሳ ሱንሳይ ዓፌቴዳ ቦላ ሹቻ ታ ኢያው ኢማና።

ቴያቴሮና ዎሳ ኬሳስ ኪቴቴዳ ኪታ

18 «ቴያቴሮና ዎሳ ኬሳ ኪታንቹዋስ ሃይሳዳ ያጋዳ ዓፋ።

ታማ ላጮ ዳኒያ አይፌይ ዴዔይሲ፣ ቃሲ ታማን ሴሪዳ ናሴ ቢራታ ዳኒያ ቶሆይ ዴዔይሲ፣ ዎሳ ናዓይ፣ ሃይሳዳ ያጊስ። 19 ታኒ ኔ አሱዋ፣ ኔ ሲቁፍ፣ ኔ አማኑዋ፣ ኔ አሱዋኔ ኔ ጌንጫ ኤራይስ። ኔኒ ኮይሮ አሴይሳፌ ሃሊ አሳዳ አሴይሳካ ኤራይስ።

20 ጊዶሺን፣ ታ ኔና ቦሪያ ኢሲባይ ዴዔስ፤ ባና ናቤ ጊያ ማጫሲው፣ ኤልዛቤሎ፣ አይኮካ ጋባካ። ሄ ማጫሲያ ኤቃስ ያርሼቴዳ ካሳ ሚዲ ቱናናዳኔ ላይማታናዳ አሳዳ ታ አይሌታ ባሌሳሱ። 21 ኢያ ባ ናጋራፔ ሲማና ሜላ ታ ኢው ዎዴ ኢማስ፣ ሺን ኢያ ሲማና ስያቡኩ። 22 ኤንቲ ኢ ባላ አጊያን ሲሞና ኢዲኮ፣ ታ ኢዮ ኢታ ሃርጌን ዩጋና፤ ኢራ ላይማቴይሳቲካ ኢታ ዋዩ ዋዩታና። 23 ታኒ ኢ ናይታ ዎዳና፤ ቃሲ ዎሳ ኬሳ ኡባይ ታ አሳ ቆፋኔ አሳ ዎዛና ኤሬይሳ ጊዴይሳ ኤራና።

ታ ኢሱዋስ ኢሱዋስ ሂንቴ አሱዋዳ አሱዋዳ ኢማና። 24 ሺን ቴያቴሮናን ዴዒያ ሃራታ፣ ሄ ኢታ ቲሚርቴያ ኤኪቦናይሳታኔ፣ «ዓላሄ ጊታ ፀራ» ጌቴቴያ ሃ ቲሚርቴያ ታማሪቦና ሂንቴና ሃራ ዴያ ቶሆ ቶሲኬ። 25 ጊዶሺን፣ ታ ያና ጋካናው ሂንቴው ዴዒያባ ሚንሳ ናጊቴ።

26 ያኔይሳሲኔ ወርሴሳይ ጋካናው ታው ኪቴቴያ አዴስካ ካዎቴሳታ ሃራና ሜላ ማታ ኢማና።

27 «ኢ ኤንታ ቢራታ ዓምዓን ሃራና፤ ሜቃ ሚሼዳካ ሜንሴሬላና።»

ሄ ማታይ ታኒ ታ አዋፔ ኤኪዳ ማታ ሚላ።

28 ቃሲ ታ ኢያው ባካላ ያሊንቶ ኢማና።

29 ጌሻ አያናይ ዎሳ ኬሳታስ ጊያባ ሲዲያ ሃይሲ ዴዒያ አኒካ ሲያ።

3

ሳርዴሳ ዎሳ ኬሳስ ኪቴቴዳ ኪታ

1 «ሳርዴሳ ዎሳ ኬሳ ኪታንቹዋስ ሃይሳዳ ያጋዳ ዓፋ።

ላፑን ዎሳ አያናታኔ ላፑን ያሊንቶታ አይኪዳይሲ ሃይሳዳ ያጊስ። ታኒ ኔ አሱዋ ኤራይስ፤ አሲ ኔና ፓዓ ዴዔስ ጊኮካ፣ ኔ ሃይቃዳሳ። 2 ባርካ! ጉሳ አቲዳባኔ ሃይቃናው ማቲዳባ ሚንሳ። ኔ አሶይ ዎሳ ሲንሳን ፖሎ ጊዶናይሳ ዴማስ። 3 ሂዛ፣ ኔ ኤኪዳባኔ ሲዲዳባ

2:7 ሜዴ 2:9፤ ዮቆ 22:2፤ ሂዝ 28:13፤ 31:8 2:8 ኢሳ 44:6፤ 48:12፤ ዮቆ 1:17፤ 22:13 2:11 ዮቆ 20:14፤ 21:8 2:14 ታይ 22:5 \* 2:17 ማና፣ ኢስራዔል አሳይ ባዘ ቢታን ሃሙቴያ ዎዴ ሳሎፔ ያሳይ ኤንታው ኢሚዳ ዱማ ካሲ ዎይኮ ኪታንቾ ካሲ። 2:17 ኬሳ 16:14 2:20 ከዳዎ 16:31፤ 2ካዎ 9:22 2:23 ማዝ 7:9፤ ኤር 17:10፤ ማዝ 62:12 2:26 ማዝ 2:8-9 3:3 ማቶ 24:43

አከካይ፤ ናጋ፤ ኔ ናጋራፕ ሲማ። ኔኒ ባርኮና ኢጊኮ ታ ካይሶዳ ያና፤ ታ አይ ዎዴ ያኔኮ ኔ ኤራካ።

4 ሺን ባንታ ማዑዋ ቂታዮና ጉሳ አሳቲ ሳርዴሳን ዴዎሶና። ኤንታው ቤሲያባ ጊዲያ ጊሾ ቦሳ ማዎ ማዲዲ ታራ ሃሙታና። 5 ያኒያ አኒካ ኤንታይሳዳ ቦሳ ማዎ ማዎና። ታኒ ኢያ ሱንሳ ዴዎ ማፃፍፕ ቁቺኬ። ታኒ ታ አዋ ሲንሳኒኔ ኢያ ኪታንቾታ ሲንሳን ኢ ታባ ጊዴይሳ ማርካታና። 6 ጌሻ አያናይ ዎሳ ኬሳታስ ጊያባ ሲዲያ ሃይሲ ዴዲያ አኒካ ሲያ።

**ፊላዴልፊያ ዎሳ ኬሳስ ኪቲቲዳ ኪታ**

7 «ፊላዴልፊያ ዎሳ ኬሳ ኪታንቾዋስ ሃይሳዳ ያጋዳ ዓፋ።

ጌሻይኔ ቱማንቾይ፣ ዳዊቱ ቁልፒያ ባ ኩሼን አይኪዳይሲ፣ ሃይሳዳ ያጊስ፣ ኢ ጎርዲን አኒካ ዶያናው ዳንዳዔና፤ ቃሲ ኢ ዶዩን አኒካ ጎርዳናው ዳንዳዔና። 8 ታኒ ኔ አሱዋ ኤራስ፤ ሄኮ ታ ኔ ሲንሳን አኒካ ጎርዳናው ዳንዳዎና ዶያ ፔንጌ ዎሳስ። ኔ ዎልቃይ ጉሳ ጊዲኮካ፣ ታ ቃላ ናጋዳሳ፤ ታና ካዳባካ። 9 አይሁዴ ጊዶናሺን ባንታና አይሁዴ ጊያ ዎርዶታኔ ዓላሄ ባጋታ ኔኮ ኤሃናኔ ኔ ሲንሳን ጉልባቲሳና። ታ ኔና ዶሴይሳ ኤንታና ኤሪሳና። 10 ኔኒ፣ <ጌንጫ> ጋዳ ታ ኪቲዳ ኪታ ናጊዳ ጊሾ ኩሜሳ አላሚያ ፓጫናው ያ ዋዬ ዎዲያፕ ታኒ ኔና ናጋና።

11 ታኒ ኤሴሳዳ ያና፤ አኒካ ኔ ካላቻ ኤኮና ሜላ ኔው ዴዲያባ ሚንሳዳ አይካ። 12 ያኒዳይሳ ታ ያሳ ኬሳን ቱሱ አሳና፤ ኢ ያን ሜሪናው ዳና። ታኒ ታ ያሳ ሱንሳኔ ታ ያሳ ካታማ ሱንሳ ኢያ ቦላ ዓፋና፤ ኢያካ ታ ያሳ ማታፕ ዎዲያ አራሳ ዩሩሳላሜ። ቃሲ ታ ታ አራሳ ሱንሳካ ኢ ቦላ ዓፋና። 13 ጌሻ አያናይ ዎሳ ኬሳታስ ጊያባ ሲዲያ ሃይሲ ዴዲያ አኒካ ሲያ።

**ሎዶቂያ ዎሳ ኬሳስ ኪቲቲዳ ኪታ**

14 «ሎዶቂያ ዎሳ ኬሳ ኪታንቾዋስ ሃይሳዳ ያጋዳ ዓፋ።

<አሚንዲ> ጊዲዳ አማኔቲዳ ቱማ ማርካይ፣ ያሳ ሜዴቲሳ ሃራይሲ ሃይሳዳ ያጊስ። 15 ታኒ ኔ አሱዋ ኡባ ኤራይስ፤ ኔኒ ኢርፃ ዎይኮ ሚሻ ጊዳካ፤ ኔኒ ናምዔፌ ኢሱዋ ጊዲኮ ሎዎ! 16 ኔኒ ኢርፃ ዎይኮ ሚሻ ጊዶናሺን ቦልዎ ጊዲያ ጊሾ ታ ኔና ታ ዶናፕ ጩታና ሃናይስ። 17 ሂዛ፣ ኔኒ፣ <ታኒ ዱሬ፣ ሻሎራ ዴዳይስ፣ ታው አይቢባይካ ፓጩቤና> ያጋሳ። ሺን ኔኒ ሜቶታንቾ፣ ማንቆ፣ ቆቄኔ ካሎቲዳ አሲ ጊዴይሳ ኤራካ። 18 ሄሳ ጊሾ፣ ኔ ዱሬታናው ታማን ጌዶዳ ዎርቃ፣ ኔ ዩላ ካሉዋ ካማናው ቦሳ ማዎኔ ሎይሳ ያላናው ማዲያ አይፌ ዳሌ ታፕ ሻማና ሜላ ኔና ዞራይስ።

19 ታ ዶሴይሳ ሴራይሲኔ ሃንቃይስ፤ ሂዛ ሚና፤ ኔ ናጋራፕ ሲማ። 20 ሄኮ፣ ታ ካሬን ኤቃዳ ያጋይስ። አኒካ ታ ያሳ ሲዲዲ፣ ዉላ ዶዩኮ፣ ኢያኮ ጌላና፤ ኢያራ ኢሲፌ ካሲ ማና፤ ኢካ ታራ ኢሲፌ ማና።

21 ታ ያናዳ ታ አዋራ ኢያ አራታን ኡቲዳይሳዳ ያኒዳይ ታራ ታ አራታን ኡታና ሜላ ማታ ኢማና። 22 ጌሻ አያናይ ዎሳ ኬሳታስ ጊያባ ሲዲያ ሃይሲ ዴዲያ አኒካ ሲያ። ያጊስ።

**4**

**ሳሎን ዴዲያ ጎይኖ ዎጋ**

1 ሄሳፌ ጉዬ፣ ታኒ ሳሎ ያሊያ ዎዴ ዶዩቲዳ ፔንጌ ቤዓስ። ቃሲ ታ ካሴ ሲዲዳ ዋይዜ ጊርሳ ሜላይ ታኮ፣ «ሃ ኬያ፤ ሃይሳፌ ጉዬ፣ ሃናናው ዴዲያባ ታ ኔና ቤሳና» ያጊስ። 2 ሄ ዎዴ ታ አያናን ሃራታዳ ዴዳይስ። ሄኮ፣ ሳሎዎን አራታ ቦላ ኢሶይ ኡቲዳይሳ ቤዓስ። 3 ሄ ኡቲዳይሳ ማላይ ኢያስጴይኔ ሳርዲዮና ጊያ አልዎ ሹቻ ሜላ። ኢያ አራታ ዩሹዋን አልዎ ሹቻ ዳኒያ ዙላይ ዴዳይስ። 4 ሄ አራታ ዩሹዋን ላታማኔ አይዱ አራታቲ ዴዎሶና፤ ኤንታ ቦላ ቦላ ማዎ ማዲዲ፣ ሁዔን ዎርቃ ካላቻ ዎሲዳ ላታማኔ አይዱ ጩማቲ ኡቲዶሶና። 5 አራታፕ ዎልዓንሲ፣ ጉንሴኔ ዴሾይ ኬዩስ። አራታ ሲንሳን ላፑን ፖዲያ ያምፔቲ ዴዎሶና፤ ኤንቲ ላፑን ያሳ አያናታ። 6 አራታ ሲንሳን ቢሪሌ ዳኒያ ጶሊያ ቡርጩኮ አባይ ዴዳይስ።

ሲንሳራኔ ጉዬራ አይፌይ ዴዲያ አይዱ ዴዎራ ዴዲያ ሜዴቲሳቲ አራታ ዩሹዋንኔ አራታ ጊዶን ዴዎሶና። 7 ኮይር ሜዴቲሳ ሜዶይ ጋዋ ዳኒስ፤ ናምዓንሶይ ቦሪ ዳኒስ፤ ሄሻንሶይ አሴ ዳኒስ፤ ቃሲ አይዳንሶይ ፕራዲያ አርጋንሲ ዳኒስ። 8 አይዱ ሜዴቲሳታ ኡባስ ኡሱፑን ቁፌይ ዴዳይስ፤ ኤንታ አሳቲሳ ኡባይ አይፌን ኩሚስ። ኤንቲ ቃማኔ ጋላስ ቃንዎና።

«ጌሻው፣ ጌሻው፣ ጌሻው፣

ጎዳው፣ ኡባፌ ዎልቃማ ያሳው፣

ካሴካ፣ ሃዲካ ዴዳይሶ፣ ሲንሳፌ ያናይሶ»

ያንሶና። 9 ሄ ሜዴቲሳቲ አራታን ኡቲዳይሳሲኔ ሜሪናው ዴዳይሳስ ሳባ፣ ቦንቾኔ ጋላታ ኢሚዳ ዎዴ 10 ላታማኔ አይዱ ጩማቲ አራታን ኡቲዳይሳኔ ሜሪናው ዴዳይሳ ሲንሳን ጉፋኒዲ ጎይኒዶሶና፤ ባንታ ካላቻ አራታ ሲንሳን ዎሲዲ፣ 11 «ኑ ጎዳው፣ ኑ ያሳው፣

ኔኒ ቦንቾ፣ ሳባኔ ዎልቃ ኤካናው ቤሳሳ፣

ኔኒ ኡባ ሜዳዳሳ፤

ኡባባይ ኔ ሼኒያዳ ሃኒስ፣ ሜዴቲስ»

ያጊዶሶና።

**5**

**ዶርሳይ ዓሳ ማፃፋ ዶዩስ**

1 ሄሳፌ ጉዬ፣ አራታ ቦላ ኡቲዳይሳ ኡሻቻ ኩሼን ጊዶራኔ ካሬራ ዓፌቲዳ ላፑን ማታሜን ጎርዴቲዳ ዓሳ ማፃፋ ቤዓስ። 2 ኢሲ ሚኖ ኪታንቾይ ባ ቃላ ዶቁ ኦሲዲ፣ «ማታሚያ ቢላናውኔ ማፃፋ ዶያናው ቤሴይ አኔ?» ያጊዲ አዋጁሺን ቤዓስ። 3 ሺን ሳሎን ጊዲን ሳዓን ዎይኮ ሳዓፕ ጋርሳን ጊዲን ሄ ዓሳ ማፃፋ ቢላናውኔ ጊዱዋ ቤዓናው ዳንዳዔይ አኒካ ቤንቲቤና። 4 ዓሳ

3:5 ኬሳ 32:32 3:7 ኢሳ 22:22፤ ኢዮ 12:14 3:9 ኢሳ 49:23፤ 60:14፤ ኢሳ 43:4 3:12 ዮቆ 21:2፤ ኢሳ 62:2፤ 65:15 3:14 ሎሚ 8:22 3:19 ሎሚ 3:12፤ ኢብ 12:6 4:2 ሂዝ 1:26-28፤ 10:1 4:5 ኬሳ 19:16፤ ዮቆ 1:4፤ ዮቆ 8:5፤ 11:19፤ 16:18፤ ሂዝ 1:13፤ ዛካ 4:2 4:6 ሂዝ 1:22 4:6 ሂዝ 1:5-10፤ 10:14 4:8 ሂዝ 1:18፤ 10:12፤ ኢሳ 6:2 5:1 ሂዝ 2:9

ማፍቀጥ ቢላናውኔ ኢያ ጊዳዋ ቤዓናው ቤሲያ አሲ ዳዩዳ ጊሾ ታ ዳር ዩካስ። 5 ያቲን፥ ጨማታፕ ኢሶይ ታኮ፥ «ዩኮፋ! ሄኮ፥ ዩሁዳ ዜሬሲ ጊዳያ ጋሞይ፥ ዳዊቱ ሼሻይ፥ ላፑን ማታሜታ ቢላናውኔ ማፍቀጥ ደያናው ዳንዳሲ» ያጊስ።

6 ሄሳፌ ጉዩ፥ ሹኬቲዳ ደርሳይ አራታስ፥ አይዱ ዴዎን ዴዒያ ሜዴቴላታሲኔ ጨማታስ ጊዶን፥ ኤቂዳይሳ ቤዓስ፥ ኢያው ላፑን ካጩቲኔ ላፑን አይፌቲ ዴዎሶና፥ ሄሳቲ ሳዓ ኡባ ኪቴቲዳ ያሳ ላፑን አያናታ። 7 ሄ ደርሳይ ቤዲ፥ አራታ ቦላ ኡቲዳይሳ ኡሻቻ ኩሼፕ 9ሳ ማፍቀጥ ኤኪስ። 8 ኢ ሄ 9ሳ ማፍቀጥ ኤኪዳ ዎዴ ዴዎን ዴዒያ አይዱ ሜዴቴላቲኔ ላታማኔ አይዱ ጨማቲ ደርሳ ሲንሳን ኩንዲዶሶና፥ ኤንቲ ኢሶይ ኢሶይ ዲሲኔ ጊሻታ ዎሳ ጊዲዳ ኢግኔይ ኩሚዳ ዎርቃ ሻቱ አይኪዶሶና። 9 ኤንቲ፥ «9ሳ ማፍቀጥ ኤካናው፥

ማታሚያ ቢላናው ኔው ቤሴስ፥ አይስ ጊኮ፥ ኔኔ ሹኬታዳሳ፤ ዜሬሲ ኡባፌ፥ ዱማ ዱማ ደናፕ፥ ያራታፕኔ ካዎቴላታ ኡባፌ ኔ ሱሳን ያሳስ ዎዛዳሳ።

10 ኤንቲ ኢያ ያሳ አዋስ አሳና ሜላ ኤንታና ካሂኔ ካዎቴሲ አሳዳሳ፥ ኤንቲካ ቢታ ኡባ ሃራና» ያጊዲ አራሳ ማዝሙራ ዩዲዶሶና።

11 ታ ቤዒያ ዎዴ ሙኩሉ ቶሆ ሙኩሉኔ ታሙ ሙኩሉ ቶሆ ታሙ ሙኩሉ ጊዲያ ኪታንቾታ ጊርሳ ሲዓስ፥ ኤንቲካ አራታ፥ አይዱ ዴዎን ዴዒያ ሜዴቴላታኔ፥ ጨማታ ዩሹዋን ኤቂዶሶና። 12 ሄ ኪታንቾቲ ዶቁ ጊዳ ቃላን፥ «ሹኬቲዳ ደርሳይ ዎልቃ፥ ዱሬቴሲ፥ ጨንጫቴሲኔ ሚኖቴሲ፥

ቦንቾ፥ ሳባኔ ጋላታ ኤካናው ቤሴስ» ያጊዶሶና።

13 ሄሳፌ ጉዩ፥ ሳዓን፥ ሳሎን፥ ሳዓፕ ጋርሳኒኔ አባ ጊዶን ዴዒያ ሜዴቴሲ ኡባይ፥ «አራታ ቦላ ኡቲዳይሳሲኔ ደርሳስ፥ ጋላታይ፥ ቦንቾይ፥ ሳባይኔ ዎልቃይ ሜሪ ሜሪናው ጊዶ» ያጊዲ ዩዲሺን ሲዓስ።

14 አይዱ ዴዎን ዴዒያ ሜዴቴላቲ፥ «አሚንዲ» ያጊዶሶና፤ ቃሲ ጨማቲ ጉፋኒዲ ጎይኒዶሶና።

6

ማታሚያ ደዩቴላ

1 ደርሳይ ላፑን ማታሚያፕ ኢሱዋ ደዩሺን ቤዓስ፥ ቃሲ አይዱ ዴዎን ዴዒያ ሜዴቴላታፕ ኢሶይ፥ ዳዳ ዴሾ ጊርሳን፥ «ሃያ!» ያጊሺን ሲዓስ። 2 ሄኮ ቦላ ፓራ ቤዓስ፥ ሄ ፓራ ቶጊዳሲ ዶንጌ አይኪስ፤ ኢያ ሁዔን ካላቺ ዴዔስ፥ ኢካ ያኒሼ ያናናው ኪዩስ።

3 ቃሲ ደርሳይ ናምዓንሳ ማታሚያ ደዩዳ ዎዴ ዴዎን ዴዒያ ናምዓንሳ ሜዴቴላይ፥ «ሃያ!»

ያጊሺን ሲዓስ። 4 ቃሲ ሃራ ሲሃ ዞዎ ፓሪ ኪዩስ፥ ሄ ፓራ ቶጊዳይሳስ ሳዓፕ ሳር ዳይሳና ሜላኔ አሳይ ዎሊ ዉርሳና ሜላ ማቲኔ ጊታ ማሺ ኢሜቲስ።

5 ደርሳይ ሄሻንሳ ማታሚያ ደዩዳ ዎዴ ዴዎን ዴዒያ ሄሻንሳ ሜዴቴላይ፥ «ሃያ!» ያጊሺን ሲዓስ፥ ሄኮ ካሬላ ፓራ ቤዓስ፤ ኢካ ባ ኩሼን ሚዛኔ አይኪስ። 6 አይዱ ዴዎን ዴዒያ ሜዴቴላታ ጊዶፌ፥ «ኢሲ ጋላሳ አሶስ ዳሞዜ፥ ባጋ ኪሎ ጊስቱ፤ ቃሲ ኢሲ ጋላሳ አሶስ ዳሞዜ፥ ኢሲ ኪሎኔ ባጋ ባንጋ ጊዶ፥ ሺን ዛይቲያኔ ዎይኒያ ቆሆፓ» ያጊሺን ሲዓስ።

7 ደርሳይ አይዳንሳ ማታሚያ ደዩዳ ዎዴ አይዳንሳ ዴዎን ዴዒያ ሜዴቴላይ፥ «ሃያ!» ያጊሺን ሲዓስ። 8 ሄኮ ዋንጮ ፓራ ቤዓስ፥ ሄ ፓራ ቶጊዳይሳ ሱንሳይ ሃይቆ፤ ኢያ ጌዶ ሲዎሌይ ካሴስ፥ ኤንታው አላሜፕ አይዳንሳ ኩሺያ አላን፥ ኮሻን፥ ጋዶኒኔ ዶዓን ዎዲሳና ሜላ ማቲ ኢሜቲስ።

9 ደርሳይ ኢቻሻንሳ ማታሚያ ደዩዳ ዎዴ ኤንቲ ያሳ ቃላ አዲዳ ጊሾኔ ባንታ ማርካቴላን አማኔቲዳ ጊሾ ሹኬቲዳ አሳ ሼምፓታ ያርሾ ቤሳፌ ጋርሳን ቤዓስ። 10 ኤንቲ ባንታ ቃላ ዶቁ አሲዲ፥ «ኡባ ሃሪያ ጎዳው፥ ጊሻው፥ ቴማንቹዎው፥ ሳዓን ዴዒያ አሳ ቦላ ኔ ፐርዳናይኔ ኑ ሱሳ ጊሾ ሃሎ ኪያናይ አዉዴ?» ያጊዶሶና።

11 ኤንታ ኢሱዋስ ኢሱዋስ ቦላ ማዎይ ኢሜቲስ፥ ኤንታይሳዳ ሃኒዲ ሃይቃናው ቤሲያ ኤንታ ላጌታ ታይቦይ ኩማና ጋካናው ጉላ ዎዴ ሼምፓና ሜላ ኤንታው አይቲስ።

12 ደርሳይ ኡሱፑንሳ ማታሚያ ደዩዳ ዎዴ ታ ቤዓስ፤ ዎልቃማ ቢታ ቃይይ ሃኒስ፥ አዋ አይፌይ ካሬዲዲ ካሌ ዳኒስ፥ አጌናይካ ዞዲዲ ሱሉ ዳኒስ። 13 ዎልቃማ ጫርኮይ ጫርኪዲ ባላሴ ሚላ ቃዉዔ አይፌያ ቆቆፌይሳዳ ሳሉዋ ያሊንቶቲ ሳዓን ቆቆፌቲዶሶና። 14 ሳሎይ 9ሳ ማፍቀጥ 9ዔቲዲ አዲስ፤ ዙማይኔ አባን ቴቁቲዳ ቢታቲ ባንታ ቤሳፌ ዳዩዶሶና። 15 ቢታ ካዎቲ፥ ዴሪያ ሃሪይሳቲ፥ አላ ካሌሴይሳቲ፥ ዱሬቴ፥ ዎልቃማቲ፥ አይሌቲኔ፥ ዎማኖቲ ጎንጎሎኒኔ ዴሪያ ቦላ ዴዒያ ዛላ ሆምዎን ቆሴቲዶሶና።

16 ኤንቲካ ዙማኮኔ ዛላኮ፥ «ኑ ቦላ ዎዲቴ፤ ኑና ቆሲቴ፤ አራታን ኡቲዳይሳ አይፌያፕኔ ደርሳ ሃንቁዎፌ ኑና ጌንሲቴ። 17 ሄዛ፥ ጊታ ሃንቆ ጋላሳይ ጋኪስ፤ አኔ ዳንዳዲ ኤቃናይ?» ያጊዶሶና።

7

144፥000 አሳታ ቦላ ማታሚያ ዎሴቲስ

1 ሄሳፌ ጉዩ፥ አይዱ ኪታንቾቲ አይዱ ሳዓ ጋዓን ኤቂዳይሳታ ቤዓስ፥ ሄ ኪታንቾቲ ሳዓ ቦላ ዎይኮ አባ ቦላ ዎይኮ አይ ሚላ ቦላ ጫርኮይ አይዱ ሳዓ ጋዓፕ ጫርኮና ሜላ ቴቁዶሶና። 2 ቃሲ ዴዎ ያሳ ማታሚያ አይኪዳ ሃራ ኪታንቾይ ዶሎሃ ባጋፌ ኪዩይሳ ቤዓስ፥ ሄ ኪታንቾይ ባ ቃላ ዶቁ አሲዲ፥ ሳዓኔ አባ ቆሃናው ዎልቁ

5:5 ሜዴ 49:9፤ ኢሳ 11:1 5:6 ኢሳ 53:7፤ ዛካ 4:10 5:8 ማዝ 141:2 5:9 ማዝ 33:3፤ 98:1፤ ኢሳ 42:10 5:10 ኪሳ 19:6፤ ዮቆ 1:6 5:11 ዳኔ 7:10 6:2 ዛካ 1:7 6:4 ዛካ 1:7 6:5 ዛካ 6:2 6:8 ሂዝ 14:21 6:12 ዮቆ 11:13፤ 16:18፤ ኢሳ 13:10፤ ኤር 2:10 6:13 ኢሳ 34:4 6:14 ዮቆ 16:20 6:15 ኢሳ 2:19 6:16 ሆሴ 10:8፤ ሉቃ 23:30 6:17 ኤር 2:11፤ ሚል 3:2 7:1 ኤር 49:36፤ ዳኔ 7:2፤ ዛካ 6:5 7:3 ሂዝ 9:4



ኢሜቲዳ አይዱ ኪታንቾታ። 3 ያጊዲ። «ኮኒ ያሳ አይሌታ ሰምዖን ማታሚያ ዎላና ጋካናው ቢታ ዎይኮ አባ ዎይኮ ሚሳ ቆሆፒቴ» ያጊስ።

4 ያቲን። ታኒ ያሳ ማታሚያ ሰምዖን ዎሌቲዳይሳታ ፓይዱዋ ሲዓስ። ኢስራኤል ማይዛታ ኡባፌ ያታኒ አይታማኒ አይዱ ሙኩሉ አሳስ ሰምዖን ማታሚ ዎሊስ።

5 ዩሁዳ ዜሬሳፌ ታማኒ ናምዑ ሙኩሉ። ሮቤላ ዜሬሳፌ ታማኒ ናምዑ ሙኩሉ።

ጋዴ ዜሬሳፌ ታማኒ ናምዑ ሙኩሉ።

6 አሴሬ ዜሬሳፌ ታማኒ ናምዑ ሙኩሉ። ኒፍታሌሜ ዜሬሳፌ ታማኒ ናምዑ ሙኩሉ። ሚናሴ ዜሬሳፌ ታማኒ ናምዑ ሙኩሉ።

7 ሲሞና ዜሬሳፌ ታማኒ ናምዑ ሙኩሉ። ሌዌ ዜሬሳፌ ታማኒ ናምዑ ሙኩሉ።

ዩሳቡሬ ዜሬሳፌ ታማኒ ናምዑ ሙኩሉ።

8 ዛቢሎኒ ዜሬሳፌ ታማኒ ናምዑ ሙኩሉ። ዮሴፋ ዜሬሳፌ ታማኒ ናምዑ ሙኩሉ።

ቢኒያሜ ዜሬሳፌ ታማኒ ናምዑ ሙኩሉ። አሳ ሰምዖን ማታሚ ዎሊስ።

ቦሳ ማዖ ማሂዳ ዳሮ አሳታ

9 ሄሳፌ ጉዩ። ዜሬሳ ኡባፌ። ካዎቴሳ ኡባፌ። ያራ ኡባፌኔ ዱማ ዱማ ደናፕ ዛዊ ባይና ዳሮ አሳ ቤዓስ። ሄ አሳይ ቦሳ ማዖ ማሂዲ። ዛምባ ሃይሲ ባንታ ኩሼን አይኪዲ። አራታ ሲንሳኒኔ ዶርሳ ሲንሳን ኤቂዶሶና። 10 ኤንቲ ባንታ ቃላ ዶቁ አሲዲ። «አቶቴሳይ አራታን ኡቲዳ ኑ ያሳፌኔ ዶርሳፌ ዩስ» ያጊዶሶና።

11 ኪታንቾቲ ኡባይ። አራታ። ጨማታኒ አይዱ ሜዴቴሳታ ዩሹዋን ኤቂዶሶና። ኤንቲ አራታ ሲንሳን ጉፋኒዲ ያሳ ጎይኒዶሶና።

12 «አሚንዲ!

አንጆይ። ቦንቾይ። ጨንጫቴሳይ። ጋላታይ። ሳባይ

ዎልቃይ። ሚኖቴሳይ ሜሪ ሜሪናው

ኑ ያሳስ ጊዶ።

አሚንዲ!»

ያጊዶሶና።

13 ጨማታፕ ኢሶይ ታኮ። «ሃ ቦሳ ማዑዋ ማሂዳ አሳቲ አናንቴ? ኤንቲ አዉፕ ዩዶና?» ያጊዲ አይቺስ።

14 ታኒ ዛራዳ። «ጎዳው። ኔ ኤራሳ» ያጋስ።

ኢካ ታኮ። «ሃይሳቲ ዳሮ ዋዬ ዋዬዲ አዲዳይሳታ። ኤንቲ ባንታ ማዑዋ ዶርሳ ሱሳን ሜጨዲ ጌሺዶሶና። 15 ሄሳ ጊሾ።

ኤንቲ ያሳ አራታ ሲንሳን ጊዲዲ

ቃማኒ ጋላስ ኢያ ኬሳን አሶሶና።

ቃሲ አራታ ቦላ ኡቲዳይሲ ኤንታው ኩያ ጊዳና።

16 ሂዘፕ ጉዩ። ኤንቲ ኮሻቶኮና። ሳሞቶኮና።

አዎ ዎይኮ ሚሺ ኤንታ ሜና።

17 አራታ ጊዶን ኡቲዳ ዶርሳይ ኤንታ ሄማና።

ዴዎ ፕልቶ ሃሳኮ ኤንታ ካሌሳና።

ያሳይ ኤንታ አይፊያፕ አፉሳ ኡባ ቁቻና»

ያጊስ።

8

ላፑንሳ ማታሚያ ዶዩቲስ

1 ዶርሳይ ላፑንሳ ማታሚያ ዶዩዳ ዎዴ ባጋ ሳቴ ጊዴይሳ ሜላ ሳሎይ ሲዲ ጊስ።

2 ሄሳፌ ጉዩ። ታኒ ላፑን ሞይዜቲ ኢሜቲዳ ላፑን ኪታንቾታ ያሳ ሲንሳን ኤቂዳይሳታ ቤዓስ።

3 ኢፃኔ ጨዩሲያ ዎርቃ ሻቴ አይኪዳ ሃራ ኪታንቾይ ዩዲ። ያርሾ ቤሳ ማታን ኤቂስ። ኢ አራታ ሲንሳን ዴዲያ ዎርቃ ያርሾ ቤሳ ቦላ ጊሻታ ኡባ ዎሳራ ጉጂዲ ያርሻና ሜላ ኢያው ዳሮ ኢፃኔይ ኢሜቲስ። 4 ኢፃኒያ ጨያይ ጊሻታ ዎሳራ ኢሲፌ ኪታንቾዋ ኩሼፕ ፑዴ ያሳኮ ኬዩስ።

5 ሄሳፌ ጉዩ። ኪታንቾይ ኢፃኔ ጨዩሲያ ሻቲያ ኤኪዲ። ኢያን ያርሾ ቤሳፌ ቦንቆ ታማ ኩንሲዲ ሳዓ ዱጌ ሆሊስ። ያቲን ዴሾይ። ዎልዓንሲ። ጊርሲኔ ቢታ ቃይሃ ሃኒስ።

ላፑን ሞይዜታ

6 ሄሳፌ ጉዩ። ላፑን ኪታንቾቲ ባንታ ሞይዚያ ፑናናው ጊጌቲዶሶና።

7 ኮይሮ ኪታንቾይ ባ ሞይዚያ ፑኒያ ዎዴ ሻቺኔ ሱሳራ ዋላኬቲዳ ታሚ ሳሎፕ ቡኪስ። ሳዓፕ ሲኮይ ፀጌቲስ፤ ሚሳፌ ሲኮይ ፀጌቲስ፤ ጨልዎ ማታ ኡባይ ፀጌቲስ።

8 ናምዓንሶ ኪታንቾይ ባ ሞይዚያ ፑኒያ ዎዴ ዎልቃማ ዴሬ ዳኒያባይ ታማን ኤፂሼ አባን ዩጌቲስ። ያቲን። አባፌ ሲኮይ ሱሱ ጊዲስ። 9 አባን ዴዲያ ዴዲያ ሜዴቴሳፌ ሲኮይ ሃይቂስ፤ ማርካቢታፕ ሲኮይ ዳይስ።

10 ሄሻንሶ ኪታንቾይ ባ ሞይዚያ ፑኒያ ዎዴ ያምፕዳ ኤፂያ ዎልቃማ ያሊንቶይ ሻፋፕ ሲኩዋ ቦላኔ ፕልቶታ ቦላ ሳሎፕ ዎዲስ። 11 ሄ ያሊንቱዋ ሱንሳይ ጫሞ ጌቲቲስ። ሃሳፌ ሲኩዋ ጫሚሲስ፤ ሃሳይ ጫሚዳ ጊሾ ዳሮ አሳይ ሄ ሃሳ ኡዩዲ ሃይቂዶሶና።

12 አይዳንሶ ኪታንቾይ ባ ሞይዚያ ፑኒስ። አዋፕ። አጌናፕኔ ያሊንቶታፕ ሲኩዋ ዴቺስ፤ ኤንታ ፖዑዋፕ ሲኮይ ዱሚስ። ጋላሳፕ ሲኮይ። ቃማፌካ ሲኮይ ዱሚስ።

13 ኢሲ አርጋንሲ ሳሎ ዶቁ ጊዲ። ፕራዲሺን ቤዓስ። ሄ አርጋንሳይ ባ ቃላ ዶቁ አሲዲ። «አቲዳ ሄሹ ኪታንቾቲ ባንታ ሞይዚያ ፑናናው ዴዲያ ጊሾ ሳዓን ዴዲያ አሳ አዩ! አዩ! አዩ!» ያጊሺን ሲዓስ።

9

1 ሄሳፌ ጉዩ። ኢቻሻንሶ ኪታንቾይ ባ ሞይዚያ ፑኒን ሳሎፕ ዱጌ ሳዓ ኩንዲዳ ያሊንቶ ቤዓስ። ሄ ያሊንቱዋስ ዎልቃማ አላ ቁልፕይ ኢሜቲስ። 2 ያሊንቶይ አላ ዶዩዳ ዎዴ ዳልጋ ጮጮፕ ኬያ ጨያ ሜላ ጨያይ ሄ አላፌ ኬዩስ። ሄ አላፌ ኬዩዳ ጨያን አዋይኔ ሳሎይ ዱሚዶሶና።

3 ሄ ጨያፕ ቦሌይ ኬዩዲ ሳዓን ዎዲስ። ሳዓን ዴዲያ ኮርኔታስ ዴዲያ ዎልቃ ሚላ ዎልቂ ቦሌታስ ኢሜቲስ። 4 ያሳ ማታሚያ ሰምዖን

7:14 ዳኔ 12:1፤ ማቶ 24:21፤ ማር 13:19 7:16 ኢሳ 49:10 7:17 ማዝ 23:1፤ ሂዝ 34:23፤ ማዝ 23:2፤ ኢሳ 49:10፤ ኢሳ 25:8 8:5 ሌዌ 16:12፤ ሂዝ 10:2፤ ኬሳ 19:16፤ ዮቆ 11:19፤ 16:18 8:7 ኬሳ 9:23-25፤ ሂዝ 38:22 8:10 ኢሳ 14:12 8:11 ኤር 9:15 8:12 ኢሳ 13:10፤ ሂዝ 32:7፤ ኢዩ 2:10 9:2 ሜዴ 19:28 9:3 ኬሳ 10:12 9:4 ሂዝ 9:4

ባይና አሳ ሃላላፕ አቲን ሳዓን ደዲያ ማታ ዎይኮ ሚሲ ዎይኮ አይ ጨልዎባ ጊዲን ቆሆና ሚላ ቦሌታስ አይደቲስ። 5 ቦሌቲ አሳ ኢቻሹ አጊና ጋካናው ፓፃ ካዓና ሚላ ማቲ ኢሜቲስ። አቲን አሳ ዎዳና ሚላ ጊደና። ኮርኔይ አሴ ዱኪን ዛሚይሳ ሚላ ቦሌይ ዱኪዲ ዛሚሴስ። 6 ሄ ጋላሳታን አሳይ ሃይቆ ኮያና። ሺን ደሜና። ኤንቲ ሃይቃናው አሞታና። ሺን ሃይቆይ ኤንታፊ ሃካና።

7 ቦሌይ አላስ ጊጊ ኡቲዳ ፓራ ዳኔስ። ቦሊያ ሁዔን ዎርቃ ካላቺ ደዲስ። ኤንታ ሶምዎይካ አሳ ሶምዎ ዳኔስ። 8 ኢያ ቢናናይ ማሜሳ ቢናና ሚላ አዱሴ። ኤንታ አቻይካ ጋሞ አቺ ዳኔስ።

9 ኤንታው ቲራ ቦላ ዎሲያ ቢራታ ፀሩሬይ ደዲስ። ኤንታ ቄሬያ ጊርሳይ አሌታናው ጋላቢያ ፓራኔ ፓራ ጋሬ ጊርሳ ሚላ። 10 ኤንታው ኮርኔ ጎይና ዳኒያ ጎይኒኔ ዱኪያ ዩሺ ደዲስ። ሄ ጎይናን ኢቻሹ አጊና አሳ ቆሃና ሚላ ማቲ ኢሜቲስ።

11 ኤንታና ሃሪያ ካዎይ ደዲስ፤ ሄ ካዎይ አላ ኪታንቹዋ። ኢያ ሱንሳይ ኢብራይስጥ ዶናን አብደና፤ ቃሲ ጊሪኬ ዶናን አጳሊያና ጌቴቲስ። ኢያ ሱንሳ ቢርሼሳይ «ዳይሴይሳ» ጉሱ።

12 ኮይሮ አይይ አዲስ፤ ሄኮ፣ ቡሮ ሃራ ናምቡ አይቲ ኤሶን ሃናና።

13 ኡሱፑንሳ ኪታንቹይ ባ ሞይዚያ ፑኒስ። ያሳ ሲንሳን ኤቂዳ፣ ዎርቃ ያርሾ ቤሳን ደዲያ አይዱ ካጩታፕ ኢሲ ጊርሲ ሲዓስ። 14 ሄ ጊርሳይ ሞይዜ አይኪዳ ኡሱፑንሳ ኪታንቹዋኮ፣ «ኤፊራጊሴ ጊያ ጊታ ሻፋን ቃሼቲዳ አይዱ ኪታንቹታ ቢርሻ» ያጊስ።

15 ቢታ ቦላ ደዲያ አሳፕ ሲኩዋ ዎዳና ሚላ ሄ ሳቲያስ፣ ሄ ጋላሳስ፣ ሄ አጊናሲኔ ሄ ላይሳስ ጊጊዲ ኡቲዳ አይዱ ኪታንቹቲ ቢርሼቲዶሶና። 16 አላ ፓራ ቶጊያ አሳንቹታ ፓይዶይ ዳሮ ዩቱ ሚሎኔ ጊደይሳ ሲዓስ።

17 ቃሲ ታ ቆንጮሳን ፓራታኔ ሄ ፓራታ ቶጊዳ አሳ ቤዓስ። ሄ አሳይ ቲራን ዎሲያ ቢራታ ፀሩሬይ ታማ ቦንቆ ሚላ ዞ፣ ያኪንቱ ሚላ፣ ካራሳ ካሎሴ ሚላኔ ዲኔ ሚላ ጨሊሎ። ፓራታ ሁዔይ ጋሞ ሁዔ ሚላ፤ ኤንታ ዶናፕ ታሚ፣ ጨዩኔ ዲኔይ ኬዩስ። 18 ፓራታ ዶናፕ ኬዩዳ ታማን፣ ጨያኒኔ ዲኒያን ሄ ሄዙ ጋዶታን ሳዓን ደዲያ አሳፕ ሲኮይ ሃይቂስ። 19 ሄ ፓራታ ዎልቃይ ኤንታ ዶና ጊዶኒኔ ጎይናን ደዲስ። ኤንታ ጎይናይካ ሾሻ ሁዔ ሚላ፤ ኤንቲ ኢያራ አሳ ቆሆሶና።

20 ሃ ጋዶታፕ አቲዳይሳቲ ባንታ ኩሼ አሱዋፕ ሲሚቦኮና። ኤንቲ ቱና አያናን ዎርቃፊ፣ ቢራፕ፣ ናሴ ቢራታፕኔ ሹቻፊ አሴቲዳ ኤቃስ ጎይናሶና። ያላናው፣ ሲዓናው፣ ሃሙታናው ዳንዳሶና ኤቃታስ ጎይኔይሳ አጊቦኮና። 21 አሳይ ዎዴይሳ፣ ቢቴይሳ፣ ላይማቴይሳኔ ካይሴይሳ አጊዲ ማርታ አይቺቦኮና።

10

ኪታንቹዋኔ ጉሳ ማፃፋ

9:6 ኢዮ 3:21፤ ኤር 8:3    9:7 ኢዮ 2:4    9:8 ኢዮ 1:6    9:9 ኢዮ 2:5    9:13 ኬሳ 30:1    9:20 ማዝ 115:4  
 10:5 ኬሳ 20:11፤ ዛሬ 32:40፤ ዳኔ 12:7፤ አሞ 3:7    10:8 ሂዝ 2:8-3:3    11:1 ሂዝ 40:3፤ ዛካ 2:1    11:2 ሉቃ  
 21:24    11:4 ዛካ 4:3    11:6 1ካዎ 17:1፤ ኬሳ 7:17    11:7 ዳኔ 7:7፤ ዮቆ 13:5

1 ሄሳፌ ጉዩ፣ ታ ሃራ ዎልቃማ ኪታንቹይ ሳሎፕ ሳዓ ዎዲሺን ቤዓስ። ኢ ሻራ ማዲስ፤ ኢያ ሁዔያ ቦላ ዙላይ ደዲስ። ኢያ ሶምዎይ አዋ ሚላ፤ ኢያ ቶሆይ ታማ ቱሳ ሚላ። 2 ሄ ኪታንቹይ ዶያ ደዲያ ኢሲ ጉሳ ሃሳ ማፃፋ ባ ኩሼን አይኪዲ፣ ባ ኡሻቻ ቶሆዋ አባ ቦላ፣ ባ ሃዲርሳ ቶሆዋ ቢታ ቦላ ኤሲስ። 3 ጉዲያ ጋሞዳ ባ ቃላ ዶቄ አሲዲ ዋሲስ። ኢ ዋሲዳ ዎዴ ላፑን ዳዳቲ ባንታ ጉንሳ ሲሲዶሶና።

4 ላፑን ዳዳቲ አዴቲዳ ዎዴ ታ ሃፋናው ጊጌታስ። ሺን ሳሎፕ፣ «ላፑን ዳዳቲ አዲዳይሳ ማታሜን ጎርዳፊ አቲን ሃፎፓ» ያጊያ ጊርሳ ሲዓስ።

5 ያቲዲ፣ አባ ቦላኔ ቢታ ቦላ ኤቂዳ፣ ታ ቤዲዳ ኪታንቹይ፣ ባ ኡሻቻ ኩሺያ ሳሎ ፑዴ ሚጨስ። 6 ኢ ሚጨዲ ሳሎኒኔ ኢያ ጊዶን ደዲያ ኡባ፣ ሳዓኒኔ ኢያ ጊዶን ደዲያ ኡባ፣ አባኔ ኢያ ጊዶን ደዲያ ኡባ ሜዲዳ፣ ሜሪናው ደዲያ ያሳ ሱንሳን ሜቂዲ፣ «ሂዛፕ ጉዩ፣ ያሳይ ጋምዔና። 7 ሺን ላፑንሳ ኪታንቹይ ባ ሞይዚያ ፑኒያ ዎዴ ያሳይ ባ አይሌ ጊዲዳ ናቢታ ባጋራ ቆንጮሲዳ ፀራ ቆፋይ ፖሌታና» ያጊስ።

8 ሄሳፌ ጉዩ፣ አባ ቦላኔ ቢታ ቦላ ኤቂዳ፣ «ኢያ ኩሼን ዶዩቲዲ ደዲያ ሃሳ ማፃፋ ኪታንቹዋ ኩሼፕ ኤካ» ያጊዲ ናምዓንሶ ታው አዲሺን ሲዓስ።

9 ታኒ ሄ ኪታንቹዋኮ ባዳ፣ ጉሳ ሃሳ ማፃፋ ኢማ ጋዳ አይቻስ። ኢ ታኮ፣ «ኤካዳ ማ፤ ኢ ኔ ኡሎን ሜማና፣ ሺን ኔ ዶናን ኤሳዳ ማልዓና» ያጊስ።

10 ታኒ ኪታንቹዋ ኩሼፕ ሄ ጉሳ ሃሳ ማፃፋ ኤካዳ ማስ፤ ታ ዶናን ኤሳዳ ማልዲስ፣ ሺን ታ ኡሎን ሜሚስ። 11 ሄሳፌ ጉዩ፣ ታኮ፣ «ኔኒ ዶራ ኡባስ፣ ደሬ ኡባስ፣ ዱማ ዱማ ዶናን አይቴይሳታሲኔ ካዎታስ ቲንቢቴ ዛራ አዳናው ቤሴስ» ያጊስ።

11

ናምቡ ማርካታ

1 ሄሳፌ ጉዩ፣ ታው ዋዳ ሃምዓ ኢሚዲ፣ «ባዳ ያሳ ኬሳኔ ያርሾ ቤሳ ዋዳ፤ ያን ጎይኒያ አሳታካ ፓይዳ። 2 ሺን ያሳ ኬሳ ካሬ ዳባባይ አይሁዴ ጊዶና አሳስ ኢሜቲዳ ጊሾ ዋዳና አጋጋ። አይሁዴ ጊዶና አሳይ ጊሻ ካታማ አይታማኔ ናምቡ አጊና ሃራና። 3 ታኒ ካሌ ማዲዳ ታ ናምቡ ማርካታ ኪታና፤ ኤንቲ 1260 ጋላስ ቲንቢቴ አዳና» ያጊስ።

4 ሄ ናምቡ ማርካቲ አላሚያ ጎዳ ሲንሳን ኤቂያ ናምቡ ሻማሆ ሚሳታኔ ናምቡ ዎምፕ ዎሲያ ኮጫታ። 5 አኒካ ኤንታ ቆሃናው ኮይኮ ኤንታ ዶናፕ ታሚ ኬዩዲ፣ ኤንታ ሞርኪታ ዳይሴስ። ኤንታ ቆሃናው ኮያ አኒካ ሄሳዳ ሃይቃና። 6 ኤንቲ ቲንቢቴ አዲያ ዎዴ ኢሪ ቡኮና ሚላ ሳሎዋ ጎርዳናው ኤንታው ማቲ ደዲስ። ኤንታው ሃሴ ሱሲ ኬሳናው፣ ቃሲ ኤንቲ ኮዩዳ ሚላ ቢታ ዱማ ዱማ ጋዶን ዳይሳናው ኤንታው ማቲ ደዲስ።

7 ኤንቲ ባንታ ማርካቴሳ አንጊዳፔ ጉዩ፥ አላፌ ኪያ ደዓይ ኤንታና አላና፥ ሄ ደዓይ ኤንታ ያናና፤ ወዳና፥ 8 ኤንታ ጎዳይ ማስቃሊያ ቦላ ካቁቲዳ ጊታ ካታማ አጊያ ቦላ ኤንታ አሃይ ዩጌታና፥ ሄ ካታማይ ሌሚሶን ሶዶሜ ወይኮ ጊብዔ ጌቴቲ ዩጌቴስ፥ 9 ቃሲ ዜሬሲ ኡባፌ፥ ያራ ኡባፌ፥ ዱማ ዱማ ዶናፔኔ ካዎቴሲ ኡባፌ ዩዳ አሳይ ኤንታ አሃ ሄዥ ጋላሲኔ ባጋ ጋካናው ቤዓና፥ ኤንታ አሃይ ሞጊቶና ሚላ አሳይ ዲጋና፥ 10 ሃ ናምቡ ናቤቲ ሳዓን ዴዒያ አሳ ዋይሲዳ ጊሾ አሳይ ኤንታ ሃይቁዋን ኡፋይታና፥ ባንታ ኡፋይሳ ቤሳናው ኢሶይ ኢሱዋስ ኢሞታ ኢማና፥

11 ሄዥ ጋላሲኔ ባጋፌ ጉዩ፥ ዴዎ አያናይ ያሳ ማታፔ ዩዲ ኤንታን ጌሊን፥ ኤንቲ ዴንዲ ኤቁዶሶና፥ ኤንታ ቤዒዳ ኡባይ ጊታ ያሺ ያዩዶሶና፥ 12 ሄሳፌ ጉዩ፥ ሄ ናምቡ ናቤቲ፥ «ሃ ፑዴ ኪዩቴ» ጊያ ቃላ ሳሎፔ ሲዲዶሶና፥ ኤንታ ሞርኬቲ ኤንታና ቤዒሺን፥ ኤንቲ ሻራን ጌሊዲ ፑዴ ሳሎ ቤዶሶና፥

13 ሄ ሳቲያን ቤታይ ዎልቃማ ቃዎ ቃዒን፥ ካታማፔ ታማንሶ ኩሼይ ዳይስ፥ ቃሲ ቤታ ቃዎን ላፑን ሙኩሉ አሳይ ሃይቁስ፥ አቲዳ አሳይ ዳሮ ከኮሪዲ ባቢዲ፤ ሳሎ ያሳስ ቦንቾ ኢሚዶሶና፥

14 ናምዓንሶ አዩይ አዲስ፥ ሺን ሄኮ ሄዥንሶ አዩይ ኤሶን ያና፥

**ላፑንሳ ሞይዚያ**

15 ላፑንሳ ኪታንቾይ ባ ሞይዚያ ፑኒስ፥ ሳሎፔ፥ «ሳዓ ካዎቴሳይ ኑ ጎዳሲኔ ኪሪስቶሳስ ጊዲስ፤ ኢ ሜሪናፔ ሜሪና ጋካናው ሃራና» ያጊያ ዎልቃማ ቃሳይ ሲዔቲስ፥ 16 ያቲን፥ ያሳ ሲንሳን፥ ባንታ አራታን ኡቲዳ ላታማኔ አይዱ ጪማቲ ጉፋኒዲ፥ ያሳስ ጎይኒዲ፥

17 «ሃዒካ ካሴካ ዴዒይሶ፥ ጎዳው፥ ኡባፌ ዎልቃማ ያሳው፥ ኔኒ ጊታ ዎልቃ አይካዳሳ፥ ኔኒ ሃራናው ዶሚዳ ጊሾ ኑኒ ኔና ጋላቶስ፥

18 አይሁዴ ጊዶና አሳይ ሃንቁቲዶሶና፥ ሺን ኔ ሃንቆይ ዩስ፥ ሃይቁዳይሳታ ቦላ ኔ ፒርዲያ ዎዴይ ዩስ፥ ኔኒ ኔ አይሌታ፥ ናቤታስ ጌሻታሲኔ ኔ ሱንሳስ ያዩይሳታስ፥ ጉሳታሲኔ ጊታታስ፥ ኤንታ አሱዋዳ ኢሚያ ዎዴይ ጋኪስ፥ አላሚያ ዳይሌይሳታ ዳይሲያ ዎዴይ ዩስ» ያጊዶሶና፥

19 ሳሎን ዴዒያ ያሳ ኪሳይ ዶዩቲስ፤ ኢያ ጊዶን ያሳ ጫቆ ታቦቴይ ቤንቲስ፥ ቃሲ ዎልዓንሲ ዎልዓሚስ፥ ዴሾይ ዴቺስ፤ ዳዲ ዱቁስ፤ ቤቲ ቃዒስ፤ ሻቺ ቡኪስ፥

12

**ማጫሲውኔ ዳዊያ**

1 ሄሳፌ ጉዩ፥ ሳሎን ዎልቃማ ማላቲ ቤንቲስ፥ አዋ ማዓዳ፥ አጌና ቦላ ኤቃዳ፥ ታማኔ ናምቡ

ዎሊንቶ ካላቻ ባ ሁዔን ዎሲዳ ዴዒያ፥ ኢሲ ማጫሲያ ቤንታሱ፥ 2 ሄ ማጫሲያ ቃንጮሺን፥ ኢዮ ኢቁሲ አይኪን ኡንዔታዳ ዋሳሱ፥

3 ቃሲ ሃራ ማላቲ ሳሎን ቤንቲስ፥ ላፑን ሁዔቲኔ ታሙ ካጮቲ ዴዒያ ጊታ ዘዎ ዳዌይ ቤንቲስ፥ ኢ ባ ሁዔታ ቦላ ላፑን ካላቻ ዎሲስ፥ 4 ሄ ዳዌይ ባ ጎይናን ዎሊንቶፔ ሲኩዋ ሳሎፔ ዳሬዲ ሳዓን ዩጊስ፥ ሄ ዳዌይ ናዓይ ዩሌቲ ዎዲዳ ሚላ ሚታናው ኮዩዲ፥ ዩላናው ኤቁቲያ ማጫሲ ሲንሳን ኤቁስ፥

5 ሄ ማጫሲያ ካዎቴሳ ኡባ ቢራታ ገምዓን ሃራናው ዴዒያ አዴ ናዓ ዩላሱ፥ ናዓይ ያሳኮኔ ኢያ አራታኮ ፑዴ ኤኬቲስ፥ 6 ማጫሲያ 1260 ጋላስ ጋካናው ኢዮ ናጋና ሚላ ያሳይ ኢው ጊጊሲ ዎሲዳ ቤሳ ባዞ ቤታ ባቃታሱ፥

7 ሳሎን አሊ ሜዴቲስ፥ ሚካዔሌይ ባ ኪታንቾታራ ዳዊያራ አሌቲስ፤ ዳዌይ ባ ኪታንቾታራ ጊዲዲ ዛሪ አሌቲስ፥ 8 ሺን ዳዌይ ያኔቲዲ ሳሎን ኤንታው ዴዒያ ቤሲ ዳዩዶሶና፥ 9 ጊታ ዳዌይ፥ ቤኒ ሾሻይ፥ ሳዓን ዩጌቲስ፥ ኢካ ዳቡሎሳ ዎይኮ ገላሄ ጌቴቲያ አላሚያ ባሌሌይሳ፥ ኢ ባ ኪታንቾታራ ኢሲፌ ዱጌ አላሚያ ዩጌቲስ፥

10 ሄሳፌ ጉዩ፥ ሳሎን ሃይሳዳ ያጊያ ቃላ ሲዓስ፥

«ሃዒ አቶቴሳይ፥ ዎልቃይኔ ካዎቴሳይ፥ ኑ ያሳሳ፤

ማታይ ኪሪስቶሳስ ጊዲስ፥

ሂዛ፥ ቃማኔ ጋላስ ያሳ ሲንሳን፥ ኑ ኢሻታ ሞቴይሲ ሳሎፔ ዱጌ ሆሌቲስ፥

11 ኤንቲ ዶርሳ ሱሳኒኔ ባንታ ማርካቴሳ ቃላን፥ ኢያ አሊዲ ያኒዶሶና፥

ኤንቲ ባንታ ሽምፑዋስ ሚሼቶና ባንታና ሃይቆስ አሲ ኢሚዶሶና፥

12 ሄሳ ጊሾ፥ ሳሎኒኔ ኢያ ጊዶን ዴዒይሳቶ ኡፋይቲቴ፥

ሺን ቤታኔ አባ አዩ!

ሂዛ፥ ገላሄይ ባው ጉሳ ዎዴይ አቲዳይሳ ኤሪዳ ጊሾ

ዎልቃማ ሃንቆን ሂንቴኮ ዎዲስ» ያጊስ፥

13 ቃሲ ዳዌይ ባና ሳዓ ዩጊዳይሳ ቤዒዳ ዎዴ አዴ ናዓ ዩሊዳ ማጫሲው ጎዲስ፥ 14 ማጫሲው ሾሻይ ቆሆና ሚላ ሄዥ ላይሲኔ ባጋ ማሺኔ ኡያሼ ኢያ ናጌቲያ ቤሲ ባዞ ቤታ ፒራዳዳ ባና ሚላ ናምቡ ዎልቃማ አርጋንሳ ቁሬይ ኢው ኢሜቲስ፥

15 ያቲዲ፥ ማጫሲው ዲዎይ ዲዒዲ ኡፋና ሚላ ዳዌይ ሻፋ ሃሳ ሚላ ባ ዶናፔ ማጫሲ ጉዩራ ጮዩስ፥ 16 ሺን ቤታይ ማጫሲው ማዲስ፤ ቤታይ ባ ዶና ዶዩዲ ዳዊያ ዶናፔ ኪዩዳ ሃሳ ሚቲስ፥ 17 ሄ ዳዌይ ማጫሲ ቦላ ዳሮ ሃንቁቲዲ፥ ኢ ዜሬሳታ፥ ያሳ ኪታ ናጌይሳታኔ ዩሱሲ ቆንጪሲዳ ቱማስ አማኔቲዳይሳታ አላናው ቤዲ፥ 18 አባ ጋዓን ዴዒያ ሻፊያን ኤቁስ፥

11:8 ኢሳ 1:9 11:11 ሂዝ 37:10 11:12 2ካዎ 2:11 11:13 ዮቆ 6:12፤ 16:18 11:15 ኪሳ 15:18፤ ዳኔ 2:44፤ 7:14 11:17 ኪሳ 3:14 11:18 ማዝ 2:5፤ 110:5፤ 115:13 11:19 ዮቆ 8:5፤ 16:18፤ 21 12:3 ዳኔ 7:7 12:4 ዳኔ 8:10 12:5 ኢሳ 66:7፤ ማዝ 2:9 12:7 ዳኔ 10:13 12:9 ሜዴ 3:1፤ ሉቃ 10:18 12:10 ኢዮ 1:9 12:14 ዳኔ 7:25፤ 12:7



13

ናምዑ ደዓታ

1 ሄሳፌ ጉዩ፡ ኢሲ ደዓይ አባፌ ከዩሺን ቤዓስ፡ ኢያው ታሙ ካጩይኔ ላፕን ሁዔይ ዴዔስ፡ ሄ ታሙ ካጩታ ቦላ ታሙ ካላቻቲ ዴዎሶና፡ ሄ ሁዔታ ቦላ ያሳ ጫሻ ሱንሳቲ ዓፌቲዲ ኡቲስ፡ 2 ታ ቤዒዳ ደዓይ ማሄ ዳኔስ፤ ኢያ ቶሆይ ባባንሳ ቶሆ ሜላ፤ ኢያ ደናይካ ጋሞ ደና ዳኔስ፡ ዳዌይ ባ ዎልቃ፡ ባ አራታኔ ባ ጊታ ማታ ሄ ደዓስ ኢሚስ፡

3 ሄ ደዓ ሁዒያፕ ኢሱዋ ቦላ ሃይቆስ ጋሲያ ማዱንሲ ቤዓስ፡ ሺን ሄ ማዱንሳይ ፓዒስ፡ አላሚያ አሳ ኡባይ ማላሌቲዲ ሄ ደዓ ካሊስ፡ 4 ዳዌይ ባ ማታ ደዓስ ኢሚዳ ጊሾ አሳ ኡባይ ዳዊያ ጎይኒዶሶና፡ ቃሲ አሳይ፡ «ደዓ ሜሊ አኔ? ኢያራ አሌታናው ዳንዳዔይ አኔ?» ያጊዲ ደዓስ ጎይኒዶሶና፡

5 ሄ ደዓስ አቶርታና ሜላኔ ጫያና ሜላ ደኒ ኢሜቲስ፤ አይታማኔ ናምዑ አጌና ሃራና ሜላ ማቲ ኢያው ኢሜቲስ፡ 6 ሄ ደዓይ ያሳ፡ ኢያ ሱንሳ፡ ኢ ዴዒያ ቤሳኔ ሳሎን ዴዒያ ኡባ ቃንጌሲ አይኪስ፡ 7 ሄ ደዓይ ጌሻታራ አሌቲዲ፡ ኤንታና ያናና ሜላ ዎልቂ ኢያው ኢሜቲስ፡ ያራ ኡባ፡ ዴሬ ኡባ፡ ዳማ ዳማ ደና ኡባ ቦላኔ ዜሬሲ ኡባ ቦላ ማቲ ኢያው ኢሜቲስ፡

8 አላሜይ ሜዴቶሳፕ ደሚዲ፡ ሹኪቲዳ ዶርሳ ዴዎ ማዳን ኤንታ ሱንሳይ ዓፌቶና ሃ ሳዓን ዴዒያ አሳ ኡባይ ሄ ደዓስ ጎይናና፡

9 ሲዒያ ሃይሲ ዴዒያ አሲ ሲዎ፡ 10 አኒካ ዲዔታናው ዴዔይ ዲዔቲስ፡ ማሻን ሃይቃናው ዴዔይ ማሻን ሹኪታና፡ ሄሳንካ ጌሻታ ዳንዳዓይኔ አማኖይ ኤሬታና፡

11 ቃሲካ፡ ሃራ ደዒ ሳዓፕ ከዩሺን ቤዓስ፡ ኢያው ዶርሳ ካጩ ዳኒያ ናምዑ ካጩይ ዴዔስ፤ ኢያ ሃሳይ ዳዌይሳ ሜላ፡ 12 ሄ ደዓይ ኮይር ደዓ ቤሳን፡ ኢያ ማታን አሴስ፡ ኢካ ሃይቆስ ጋሲያ ማዱንሳፌ ፓዒዳ ኮይር ደዓስ፤ ቤታን ዴዒያ አሳ ኡባይ ጎይናና ሜላ አሴስ፡ 13 ሄ ናምዓንሶ ደዓይ ሃሪ አቶሺን፡ ታማ ሳሎፕ አሳ ኡባ ሲንሳን ዎዲሳና ጋካናው ጊታ ማላታታ አሴስ፡

14 ኮይር ደዓ ቤሳን አሳና ሜላ፡ ኢያው ኢሜቲዳ ማላታታን ሳዓን ዴዒያ አሳ ኡባ ኢ ባሌሲስ፡ ማሻን ማዱንዲዲ ፓዒዳ ደዓ ቦንቆስ ሚሲሌ ጊጊሳና ሜላ ኤንታና ኪቲስ፡ 15 ናምዓንሶ ደዓይ ኮይር ደዓ ሚሲሊያስ ሽምፖ ኢሚዲ አዴታና ሜላኔ ኢያው ጎይናናይሳቲ ሃይቃና ሜላ አሲያ ማቲ ኢሜቲስ፡

16 ሄ ናምዓንሶ ደዓይ ጊቲኔ ጉሲ፡ ማንቆይኔ ዱሬይ፡ ዎማኖይኔ አይሌይ ባ ኡሻቻ ኩሺን ዎይኮ ባ ሰምዎን ማላ ዎሳና ሜላ አሴስ፡ 17 ሄ ደዓ ሱንሳይ ዎይኮ ኢያ ሱንሳ ፓይዱዋ ማላይ ባይና አሲ አኒካ ባይዛናውኔ ሻማናው ዳንዳዔና፡

18 ጩንጫቲሲ ኮሺይ ሄሳና፡ ኤራቲሲ ዴዒያ አኒካ ሄ ደዓ ፓይዱዋ ቢርሽሳ ኤር፤ ሄ ፓይዶይ አሳ ሱንሳ፡ ሄ ፓይዶይ ኡሱፕን ዌታኔ ኡሱፕን ታማኔ ኡሱፕና፡

14

ዶርሳኔ 144፡000 አሳ

1 ሄሳፌ ጉዩ፡ ዶርሳይ ሂዮኔ ዴሪያ ቦላ ኤቂዳይሳ ቤዓስ፡ ኢያራ ኢያ ሱንሳይኔ ኢያ አዋ ሱንሳይ ኤንታ ሰምዎን ዓፌቲዳ፡ 144፡000 አሳይ ዴዔስ፡ 2 ሳሎፕ ጊታ ሃሳ ጉንሱኔ ዳዳ ጉንሱ ዳኒያ ዎልቃማ ጊርሲ ሲዓስ፡ ቃሲ ታ ሲዒዳ ጊርሳይ ዲሲ ዲዒሺን ሲዔቲያ ጊርሳ ሜላ፡

3 144፡000 አሳይ አራታ ሲንሳን፡ አይዱ ዴዎን ዴዒያ ሜዴቲሳታ ሲንሳኒኔ ጩማታ ሲንሳን ኤቂዲ ኤንታፌ ሃራ አኒካ ታማራናው ዳንዳዎና አራሳ ማዝሙሬ ዩዒዶሶና፡ 4 ሃይሳቲ ማጫሳራ ቢንታና ቱኒሶና ናጊዳ ጌሻታ፡ ኤንቲ ዶርሳይ ቢያሶ ኡባ ካሎሶና፡ ኤንቲ ያሳሲኔ ዶርሳስ ባይራ ጊዲዲ፡ ሺቃናው ሳዓ አሳ ጊዶሬ ዎይቲዶሶና፡

5 ኤንቲ ዎርዶይኔ ቦሬይ ባይና አሳታ፡

ሄቩ ኪታንቾታ

6 ሄሳፌ ጉዩ፡ ሜሪና ዎንጌላ ሳዓ ቦላ ዴዒያ ካዎቲሳ ኡባስ፡ ዜሬሲ ኡባስ፡ ያራ ኡባሲኔ ዱማ ዱማ ደና ኡባስ ማርካታናው ሳሎራ ፒራዲያ ሃራ ኪታንቾ ቤዓስ፡ 7 ሄ ኪታንቾይ ባ ቃላ ዶቁ አሲዲ፡ «ያሳይ አላሚያ ፐርዲያ ሳቲይ ጋኪዳ ጊሾ ያሳስ ያይቲ፤ ኢያ ቦንቾቲ፡ ሳሎ፡ ሳዓ፡ አባኔ ፑልቶ ሃሳ ሜዲዳ ያሳ ጎይኒቲ» ያጊስ፡

8 ኮይርይሳ ካሊዲ ሃራ ናምዓንሶ ኪታንቾይ፡ «ዴሬ ኡባ ቱናኔ ማሶ ዎይኔ ኡሺዳ፡ ጊታ ባቢሎኔይ ኩንዳሱ! ኩንዳሱ!» ያጊዲ ዋሲስ፡

9 ሄቫንሶ ኪታንቾይ ኤንታ ካሊዲ፡ ባ ቃላ ዶቁ አሲዲ፡ «ደዓኔ ኢያ ሚሲሊያ ጎይኒያ ቃሲ ኢያ ማላ ባ ሰምዎን ዎይኮ ባ ኩሺን ዎሲያ አኒካ ዴዒኮ፡ 10 ኢ ሃንቆ ፀዓን ኩሚዳ ያሳ ሃንቆ ዎይኒያ ኡያና፡ ኤንቲ ጌሻ ኪታንቾታ ሲንሳኒኔ ዶርሳ ሲንሳን ኤዒያ ዲኔ ታማን ዋይታና፡

11 ኤንታ ዋያ ጩያይ ሜሪ ሜሪናው ጩዩሺ ዳና፡ ደዓኔ ኢያ ሚሲሊያ ጎይኒይ ቃሲ ሄ ደዓ ሱንሳ ማላይ ዴዒያ አኒካ ቃማኔ ጋላስ ሽምፖይ ባይና ካዔታና» ያጊስ፡

12 ያሳ ኪታ ናጌይሳቲኔ ዩሱሳ አማኔቲይሳቲ ጌንጩያ ሚኖቴሳይ ቆንጩያ ዎዴይ ሃሳ፡

13 ሄሳፌ ጉዩ፡ «ሂዛፕ ጎዳን ሃይቆይሳቲ አንጄቲዳይሳታ» ያጊያ ቃላ ሳሎፕ ሲዓስ፡ አያናይ፡ «ኤ ቱማ፡ ኤንታ አሶይ ኤንታ ካሊያ ጊሾ ኤንቲ ባንታ ዳቡራፕ ሽምፖና» ያጊስ፡

ካሳ ሺሾ ዎዴ

14 ሄሳፌ ጉዩ፡ ቦላ ሻራ ቦላ ኡቲዳ አሳ ናዓ ዳኔይሳ ቤዓስ፡ ኢ ባ ሁዔን ዎርቃ ካላቻ ዎሲስ፤ ቃሲ ባ ኩሺን ባጫ አይኪስ፡ 15 ሃራ ኪታንቾይ ያሳ ኬሳፌ ከዩዲ፡ ሻራ ቦላ ኡቲዳይሳኮ ባ ቃላ ዶቁ አሲዲ፡ «ካሳ ሺሾ ዎዴይ ጋኪዳ ጊሾ ኔ ባጫ ዩዳዳ ካሳ ጫካ፤ ሳዓን ዴዒያ ካሳይ ጋኪስ» ያጊስ፡ 16 ያቲን ሻራ ቦላ ኡቲዳይሲ ባ ባጫ ሳዓ ዩዲዲ፡ ሳዓን ዴዒያ ካሳ ጫኪስ፡

17 ቃሲካ ሳሎን ዴዒያ ያሳ ኬሳፌ ሃራ ኪታንቾይ ከዩስ፤ ኢያውካ አጮ ባጩ ዴዔስ፡

18 ታማ ቦላ ማቲ ዴዒያ ሃራ ኪታንቾይ ያርሾ ቤሳፌ ከዩስ፡ ኢ ባ ቃላ ዶቁ አሲዲ አጮ

13:1 ዳኔ 7:3፤ ጥ.ቆ 17:3 13:2 ዳኔ 7:4 13:5 ዳኔ 7:8፤ 25፤ 11:36 13:7 ዳኔ 7:21 13:8 ማዝ 69:28 13:10 ኤር 15:2፤ 43:11 14:1 ሂዝ 9:4፤ ጥ.ቆ 7:3 14:5 ሶፎ 3:13 14:8 ኢሳ 21:9፤ ኤር 51:8፤ ጥ.ቆ 18:2 14:10 ኢሳ 51:17፤ ሜዴ 19:24፤ ሂዝ 38:22 14:11 ኢሳ 34:10 14:14 ዳኔ 7:13-14 14:15 ኢዩ 3:13

ባጫ አይኪዳ ኪታንቸዋኮ፥ «ዎይኔ አይፌይ ቴሪሳ ጊሾ ኔ አጮ ባጫ ዩዳዳ፥ ሳዓን ዴዲያ ዎይኒያፕ ቃንጻ» ያጊስ።<sup>19</sup> ሄ ኪታንቸይ ባ ባጫ ዩዳዳ፥ ሳዓን ዴዲያ ዎይኒያፕ ቃንጻዲ፥ ያሳ ጊታ ሃንቁዋ ጉምዲያ ቤሳን ዩጊስ።<sup>20</sup> ኤንቲ ካታማፕ ጋጻን ዴዲያ ዎይኔ አይፌ ጉምዲያ ቤሳን ዩዴቲዶሶና፥ ሱሲ ዎይኒያ ጉምዲያ ቤሳፌ ኬዩዲ ኢሲ ሙኩሉኔ ኡሰፕን ያቱ ኪሎ ሚቲሬ ሚላ ሃኪዲ፥ ፓራ ፑሎ ጋኪያ ሚላ ኤሊዲ ዶቁ ጊስ።

15

ዉርሴሳ ቦሻታ

1 ታኒ ሳሎን ሃራ ጊታኔ ማላሊሲያ ማላታ ቤዓስ። ያሳ ዉርሴሳ ሃንቁዋ ቆንጩሲያ ሳፑን ቦሻታ አይኪዳ ሳፑን ኪታንቸቲ ዴዎሶና።  
2 ቃሲ ታማራ ዋሳኪቲዳ ቡርጩኮ አባ ዳኔይሳ ቤዓስ። ሄ አባ ጋጻን ዶዓ፥ ኢያ ሚሲሊያኔ ኢያ ሱንሳ ታይቡዋ ያኒዳይሳታ ቤዓስ። ያሳይ ኤንታው ኢሚዳ ዲሳ አይኪዲ ኤቂዶሶና።  
3 ኤንቲ ያሳ አይሊያ ሙሴ ማዝሙሪያኔ ዶርሳ ማዝሙሪያ ሃይሳዳ ያጊድ ዩዎሶና።  
«ጎዳው፥ ኡባፌ ዎልቃማ ያሳው፥ ኔ አሶይ ጊታኔ ማላሊሲያባ፥ ዴሬ ኡባ ካዋው፥ ኔ አጊይ ጊሎኔ ቱማ።  
4 ጊሺ ኔ ጻላላ ጊዲያ ጊሾ ጎዳው፥ ኔው ያዮናይ ኔ ሱንሳ ቦንቸናይ አኔ? ኔ ጊሎ አሶይ አሳ ኡባስ ቆንጩ ጊዲያ ጊሾ ካዎቱሲ ኡባይ ኔ ሲንሴ ዩዲ ጎይናና» ያጊዲ ዩዎሶና።  
5 ሄሳፌ ጉዩ፥ ሳሎን ዶዩቲዲ ዴዲያ ያሳ ኬሳ፥ ኢካ ማርካቴሳ ዱንካኒያ ቤዓስ።  
6 ላፑን ቦሻታ አይኪዳ ላፑን ኪታንቸቲ ያሳ ኬሳፌ ኬዩዶሶና፥ ኤንቲ ጊሺኔ ጳሊያ ሊያ ማዎ ማዲዶሶና፤ ባንታ ቲራን ዎርቃ ዳንጮ ዳንጩዶሶና።  
7 አይዱ ሜዴቴሳታፕ ኢሶይ፥ ሜሪናው ዴዲያ ያሳ ሃንቆይ ኩሚዳ ላፑን ዎርቃ ፀዓታ ላፑን ኪታንቸታስ ኢሚስ።  
8 ያሳ ቦንቸዋፌኔ ኢያ ዎልቃፌ ዴንዶይሳን ያሳ ኬሳይ ጩያን ኩሚስ። ላፑን ኪታንቸቲ አይኪዳ ላፑን ቦሻቲ ፖሌታና ጋካናው ያሳ ኬሳ አኒካ ጌላናው ዳንዳዲቤና።

16

ያሳ ሃንቆይ ኩሚዳ ፀዓታ

1 ሄሳፌ ጉዩ፥ ያሳ ኬሳፌ ላፑን ኪታንቸታኮ፥ «ቢዲ ያሳ ሃንቁዋ ላፑን ፀዓታፕ ሳዓን ጉሲቴ» ያጊዲ፥ አዲያ ዎልቃማ ቃላ ሲዓስ።  
2 ኮይሮ ኪታንቸይ ቢዲ፥ ባ ፀዓን ዴዴይሳ ሳዓን ጉሲን፥ ዶዓ ማላይ ዴዴይሳታ ቦላኔ ኢያ ሚሲሊያ ጎይኒዳይሳታ ቦላ ኢታኔ ዛሚያ ማዱንሲ ኬዩስ።

3 ናምዓንሶ ኪታንቸይ ባ ፀዓን ዴዴይሳ አባን ጉሲን፥ አባይ ሃይቂዳ አሳ ሱሲ ዳኒስ። ቃሲ አባን ዴዲያ ሜዴቴሳ ኡባይ ሃይቂስ።  
4 ሄቫንሶ ኪታንቸይ ባ ፀዓን ዴዴይሳ ሻፋታኒኔ ፑልቶ ሃሳታን ጉሲን፥ ሃሳቲ ሱሲ ጊዲዶሶና።  
5 ሄሳፌ ጉዩ፥ ሃሳ ቦላ ማቲ ዴዲያ ኪታንቸይ ሃይሳዳ ያጊሺን ሲዓስ።  
«ሃዲካ ቤኒካ ዴዲያ ጊሻው፥ ሃይሳዳ ኔ ፐርዲዳ ጊሾ ኔኒ ጊሎ።  
6 ኤንቲ ጊሻታ ሱሳኔ ናቤታ ሱሳ ጉሲዳ ጊሾ ኤንቲ ሱሱ ኡያና ሚላ አሳዳሳ። ኤንቲ ባንታው ቤሲያባ ኤኪዶሶና» ያጊስ።  
7 ያርሾ ቤሳፌ፥ «ጎዳው፥ ኡባፌ ዎልቃማ ያሳው፥ ኔ ፐርዳይ ቱማኔ ጊሎ» ያጊያ ቃላ ሲዓስ።  
8 አይዳንሶ ኪታንቸይ ባ ፀዓን ዴዴይሳ አዋ ቦላ ጉሲን፥ አዋይ ባ ሴላን አሳ ፀጋና ሚላ አዋስ ዎልቂ ኢሜቲስ።  
9 አሳይ ዎልቃማ ሴላን ፀጊቲዲ፥ ሄ ቦሻታ ቦላ ማቲ ዴዲያ ያሳ ሱንሳ ባዲዶሶና፤ ባንታ ናጋራፕ ሲሚዲ ያሳ ቦንቸቦኮና።  
10 ኢቻቫንሶ ኪታንቸይ ባ ፀዓን ዴዴይሳ ዶዓ አራታ ቦላ ጉሲን፥ ሄ ዶዓ ካዎቱሳይ ዲሚስ። አሳይ ኡንዓ ጊሾ ባንታ ኢንጻርሳ ሳዎሶና።  
11 ቃሲ አሳይ ኡንዓ ጊሾኔ ማዱንሳ ጊሾ ሳሎ ያሳ ባዲዶሶና፤ ባንታ አሲዳ ናጋራፕ ሲሚቦኮና።  
12 ኡሱፑንሳ ኪታንቸይ ባ ፀዓን ዴዴይሳ ጊታ ኤፊራዲሴ ሻፋን ጉሲን፥ ዶሎሃ ባጋፌ ያና ካዎታስ አጊይ ጊጋና ሚላ ሃሳይ ሚሊስ።  
13 ሄሳፌ ጉዩ፥ ሾዴ ዳኒያ ሄሹ ቱና አያናቲ ዳዊያ ዶናፕ፥ ዶዓ ዶናፕ፥ ዎርዶ ናቢያ ዶናፕ ኬዩሺን ቤዓስ።  
14 ኤንቲ ማላታታ አሲያ ቱና አያናታ፥ ሄ ሄሹ ቱና አያናቲ ኡባፌ ዎልቃማ ያሳ ጊታ ጋላሳን ሃናናው ዴዲያ አላስ ሺሻናው አላሜ ካዎታ ኡባኮ ባና።  
15 «ሄኮ፥ ታ ካይሶዳ ያና! አሳ ሲንሳን ካሎቶናዳኔ ዩላቶናዳ ባርኪዲ፥ ባ ማዑዋ ናጊያ ኡራይ አንጄቲዳይሳ!» ያጊስ።  
16 ሄ ቱና አያናቲ ካዎታ ኢብራይስጵ ዶናን አርማይዶኔ ጊያ ቤሳን ሺሺዶሶና።  
17 ላፑንሳ ኪታንቸይ ባ ፀዓን ዴዴይሳ ጫርኮ ቦላ ጉሲን፥ ያሳ ኬሳን ዴዲያ አራታፕ፥ «ፖሌቲስ» ያጊያ ዎልቃማ ቃላይ ዩስ።  
18 ሄሳፌ ዎልዓንሲ ዎልዓሚስ፤ ዳዳይ ዲቂስ፥ ቢታይ ቃሲስ፥ አሲ ሳዓን ሜዴቶሳፕ ቤቲ ሄሳ ሚላ ቃዎ ቃሲቤና። ሄሲ ኡባፌ አዲዳ ቃዎ።  
19 ጊታ ካታማይ ሄሹ ኬዩዲ ሻኬቲስ፤ ቢታ ኡባን ዴዲያ ካታማቲ ዳዩዶሶና። ያሳይ ጊታ ካታማ ባቢሎኔ ቆፐዲ፥ ባ ኢታ ሃንቆ ዎይኔ ኡሻይ ኩሚያ ፀዓ ኢው ኢሚስ።  
20 ሃሳን ቴቁቲዳ ቢታቲ ዳዩዶሶና፤ ዴሬቲካ ቤንቲቦኮና።  
21 አሳ ቦላ አይታማኔ ኢቻሹ ኪሎ ጊራሜ ሚላ ዴዲያ ዎልቃማ ሻቼ ሳሎፕ ቡኪስ። ቦሻይ ዳር ኢታ ጊዲያ ጊሾ አሳይ ሻቻ ቦሻ ጊሾ ያሳ ባዲዶሶና።

14:20 ኢሳ 63:3፤ ኤርዘ 1:15፤ ዮቆ 19:15 15:3 ኬሳ 15:1 15:4 ኤር 10:7፤ ማዝ 86:9 15:5 ኬሳ 38:21 15:8 ኬሳ 40:34፤ 1ካዎ 8:10 16:2 ኬሳ 9:10 16:4 ኬሳ 7:17 16:5 ኬሳ 3:14 16:10 ኬሳ 10:21 16:12 ኢሳ 11:15 16:15 ማቶ 24:43 16:16 2ካዎ 23:29፤ ዛካ 12:11 16:18 ዮቆ 8:5፤ 11:13 16:19 ኢሳ 51:17 16:20 ዮቆ 6:14 16:21 ኬሳ 9:23

17

ጊታ ላይማቲያ ማጫሲው

1 ላፑን ፀ-ዓታ አይኪዳ ላፑን ኪታንቸታፕ ኢሶይ ታኮ ዩዲ፡ «ሃያ፤ ዳሮ ሃሳታ ቦላ ኡቲዳ ጊታ ላይማቲያ ማጫሲ ቦላ ያናው ዴዲያ ፐርዳ ታ ኔና ቤሳና። 2 አላሚያ ካዎቲ ኢራ ላይማቲዶሶና፤ አላሜን ዴዲያ አሳይካ ኢ ላይማቲሳ ዎይኒያ ኡዩዲ ማሶቲዶሶና» ያጊስ።

3 ሄ ኪታንቸይ ታና ጌሻ አያናን ባዞ ቢታ ኤፊስ። ያን ኢሲ ማጫሲያ ጫሻ ሱንሳይ ኢ ቦላ ኡባን ሃፌቲዲ ኡቲዳ፤ ዞዎ ዶዓ ቶጊዳሮ ቤዓስ፤ ሄ ዶዓስ ላፑን ሁዔይኔ ታሙ ካጩይ ዴዲስ። 4 ሄ ማጫሲያ ካሎሴ ማዎኔ ዞዎ ማዎ ማዓሱ፤ ኢያ ዎርቃን፤ ቦንቸ ሹቻኒኔ ኢንቆ ጊያ አልዎ ሹቻን አሌቁታሱ። ኢያ ባ ኩሼን ቦርሲያባኔ ላይማቲሳ ቱናቱላን ኩሚዳ ዎርቃ ፀ-ዓ አይካሱ። 5 ኢ ሶምዎን ፀ-ራ አሶ ቢርሼሳይ ዴዲያ ሱንሳይ፡ «ጊታ ባቢሎኔይ፤ ላይማቲሳሲኔ ሳዓን ዴዲያ ቱናባ ኡባስ አዮ» ያጊያ ፀ-ፌይ ሃፌቲዲ ኡቲስ። 6 ቃሲ ሄ ማጫሲያ ጌሻ ታ ሱላኔ ዩሱሳስ ማርካቲሼ ሃይቂዳይሳታ ሱላ ኡያዳ ማሶቲዳሮ ታ ቤዓን ማላሌታስ።

7 ኪታንቸይ ታኮ፡ «ኔኒ አይስ ማላሌታይ? ታኒ ኔው ማጫሲ ፀ-ራኔ ኢያ ቶኪዳ ላፑን ሁዔይኔ ታሙ ካጩይ ዴዲያ ዶዓ ፀ-ራ አዳና። 8 ኔኒ ቤዲዳ ዶዳይ ኮይሮ ዴዲስ፤ ሺን ሃዲ ባዎ። ሄ ዶዳይ ጩዋ አላፌ ኬዩዲ ዳዮስ ባና። ሳዳይ ሜዴቶሳፕ ዶሚዲ፤ ዴዎ ማዓፋን ኤንታ ሱንሳይ ሃፌቲቦና ሳዓን ዴዲያ አሳይ ዶዓ ቤዲዲ ማላሌታና። ሂዛ፤ ኢ ካሴ ዴዲስ፤ ሃዲ ባዎ፤ ሺን ሲንሳፌ ያና።

9 «ሃይሲ ጩንጫቲሲኔ አኪካ ኮዩስ። ላፑን ሁዔቲ ማጫሲያ ኡቲያ ላፑን ዴሬታ፤ ሄሳቲ ቃሲ ላፑን ካዎታ። 10 ኤንታፌ ኢቻሹ ካዎቲ ኩንዲዶሶና፤ ኢሶይ ሃዲ ጋካናው ሃሬስ፤ ሃንኮ ካዎይ ዩቤና፤ ኢ ዩዲ ጉሳ ዎዴ ታካናው ቤሴስ። 11 ሲንሴ ዴዲዳ ዶዳይ፤ ሃዲ ባይናይሲ፤ ኢ ባ ሁዔን ሆስፑንሳ ዶዳ። ኢ ላፑን ዶዳታፕ ኢሱዎ፤ ኢ ዳያናው ቤስ።

12 ኔኒ ቤዲዳ ታሙ ካጩቲ ሃሮ ዶሚቦና ታሙ ካዎታ። ሺን ኤንቲ ዶዳራ ኢሲፌ ኢሲ ሳቲ ካዎቲዲ ሃራናው ኤንታው ማቲ ኢሜታና።

13 ኤንታ ኡባስ ኢሲ ቆፋይ ዴዲስ፤ ኤንቲ ባንታ ዎልቃኔ ባንታ ማታ ዶዳስ ኢማና።

14 ኤንቲ ዶርሳራ አሌታና፤ ሺን ዶርሳይ ጎዳታ ጎዳኔ ካዎታ ካዎ ጊዲያ ጊሾ ኢ ዪጊዳይሳቲ፤ ዶሪዳይሳቲኔ አማኔቲዳይሳቲ ሄ ካዎታ ያናና» ያጊስ።

15 ኪታንቸይ ቃሲካ ታኮ፡ «ላይማቲያራ ኡቲዳ ሄ ኔኒ ቤዲዳ ሃሳቲ ያራታ፤ ካዎቲሳታ፤ ዜሬሳታኔ ዱማ ዱማ ዶናን አዴቱይሳታ። 16 ቃሲ ኔኒ ቤዲዳ ታሙ ካጩይኔ ዶዳይ ላይማቲያሮ ኢፃና። ኤንቲ ኢው ዴዲያ ኡባባ ኤካና። ቃሲ ኢዮ ካሎ አሻናኔ ኢ አሹዎ ሚዲጋና፤ ያቲዲ ኤንቲ ኢዮ ታማን ፀ-ጋና። 17 ሂዛ፤ ዶሳ ቃላይ ፖሎታና ጋካናው ኤንታ ቆፋይ ኢሲኖ ጊዳና ሜላ ኤንቲ ባንታ አይሲያ ዎልቃ ዶዳስ

ኢማናዳኔ ዶሳይ ቆፐዳይሳ ኤንቲ አሳናዳ ኤንታ ዎዛናን ዶሳይ አዎ ዎሲስ። 18 ሄ ኔኒ ቤዲዳ ማጫሲያ ሳዓ ካዎታ ሃሪያ ጊታ ካታሚው» ያጊስ።

18

ባቢሎኔ ኩንዴሳ

1 ያቲዲ፤ ጊታ ማቲ ዴዲያ ሃራ ኪታንቸይ ሳሎፕ ዎዲሺን ታ ቤዓስ። ሄ ኪታንቸዎ ቦንቸይ ሳዓ ፖዲሲስ። 2 ሄ ኪታንቸይ ባ ቃላ ዶቁ አሲዲ፤

«ኢያ ኩንዳሱ! ጊታ ባቢሎኔይ ኩንዳሱ! ባቢሎኔይ ቱና አያናቲ አቂያ ቤሲ ጊዳሱ። ዱማ ዱማ ኢታባታስ ኬሴ ጊዳሱ፤ ቱና ካፎቲኔ ዶዳቲ ሹምፐያ ቤሲ ጊዳሱ።

3 አሳ ዜሬሲ ኡባ ባ ላይማቲሳ ዎይኒያ ኡሻሱ። ሳዓ ካዎቲ ኢራ ላይማቲዶሶና።

ኢ ሚኮቱሳፌ ዴንዶይሳን ቤታን ዴዲያ ዛልዓንቸቲ ዱሬቲዶሶና» ያጊስ።

4 ሄሳፌ ጉዩ፤ ታ ሳሎፕ ሃይሳዳ ያጊያ ሃራ ቃላ ሲዓስ።

«ኢ ናጋራ ኢራ ኮዎና ሜላኔ፤ ኢያ ኤካናው ዴዲያ ሴራ ሂንቲ ኤኮና ሜላ፤

ታ ዴሪያው ኢፕ ኬዩቱ። 5 ሂዛ፤ ኢ ናጋራይ ሳሎ ጋካናው ዶሬቲስ። ዶሳይ ኢ ናቁዎ አኪኪስ።

6 ኢያ ኢሚዳይሳ ሜላ ዛሪዲ ኢው ኢሚቲ። ኢያ አሲዳ አሱዎስ ናምዑ ኩሼ ኢው ዛሪቲ።

ኢያ ጊጊሲዳ ኡሻ ቦላ ሂንቲ ናምዑ ኩሼ ማሶያ ኡሻ ኢ ፀ-ዓን ኩንሳቲ።

7 ኢያ ቦንቸቲዳይሳዳኔ ኢው ኢንጄቲዳይሳ ሜላ፤

ኢዮ ሜቶሲቲኔ ካዮዩቲ። ኢያ ባ ዎዛናን፤

«ታኒ ካዎዳ ኡታስ፤ ታ አዚኒ ባይና ማጫስ ጊዲኪ፤

ታኒ ኡባካ ካዮቲኪ» ያጋሱ። 8 ሄሳ ጊሾ፤ ቦሻ ኡባይ፤ ሃርጌይ፤ ካዮይኔ ኮሺ ኢዮ ኢሲ ጋላስ አይካና።

ቃሲ ኢያ ታማን ፀ-ጌታና፤ አይስ ጊኮ፤ ኢ ቦላ ፐርዲያ ዶሳይ ዎልቃማ» ያጊስ።

9 «ኢራ ላይማቲዳይሳቲኔ ኢ ሚኮቱሳን ዴዲዳ፤ አላሚያ ካዎቲ ሄ ካታሚያ ፀ-ጌቲን ኬያ ጩያ ቤዲዳ ዎዴ ኢው ዋሲዲ ዩካና። 10 ኤንቲ ሄ ካታሚ ዋያ ቤዲዲ ያዩዳ ጊሾ ሃኪ ኤቂዲ፤

«ሃ ጊታ ካታሜ! ዎልቃማ ካታሜ! ባቢሎኔ፤ ኔና አዩ!

ኔኒ ኢሲ ሳቲ ጊዶን ኔ ፐርዳ ኤካዳሳ» ያጋና።

11 «ኤንታ ማርካቢያ ጫና ሂዛፕ ሻሚያ አሲ ባይና ጊሾ ሳዓን ዴዲያ ዛልዓንቸቲ ሄ ካታሜስ ዋሳናኔ ካዮታና። 12 ኤንታ ዎርቃ፤ ቤራ፤ ቦንቸ

17:1 ኤር 51:13 17:2 ኢሳ 23:17፤ ኤር 51:7 17:3 ዮቆ 13:1 17:4 ኤር 51:7 17:8 ዳኔ 7:7፤ ዮቆ 11:7፤ ማዝ 69:28 17:12 ዳኔ 7:24 18:2 ኢሳ 21:9፤ ዮቆ 51:8፤ ዮቆ 14:8፤ ኢሳ 13:21፤ ኤር 50:39 18:3 ኢሳ 23:17፤ ኤር 51:7 18:5 ሜዴ 18:20 18:6 ማዝ 137:8፤ ኤር 50:29 18:8 ኢሳ 47:7-9 18:9 ሂዝ 26:16-17 18:11 ሂዝ 27:31



ሹቻ፡ ኢንቆ ጊያ አልዎ ሹቻ፡ ካሎሴ ማዎ፡ ሊኖ ማዎ፡ ሃሬ ማዎ፡ ዘዎ ማዎ፡ ዱማ ዱማ ሳዎ ሚላ፡ ዛሴ፡ አልዎ ሚላ፡ ናሴ ቢራታ፡ ጎሴ ሹቹ፡ 13 ቃራፋ፡ ቂማሚ፡ ኢፃኔ፡ ካርቤ፡ ሺቶ፡ ዎይኔ፡ ዛይቱ፡ ሊቆ ዲሴ፡ ጊስቱ፡ ሜሄ፡ ዶርሴ፡ ፓራ፡ ፓራ ጋሬ፡ አይሌታኔ ሃራ አሳታ ሻሚያ አኒካ ባዎ።

14 «ዛልዓንቾቲ ማጫሴኮ፡ <ኔኒ አሞቲዳ ሎዎባ ኡባይ ኔፔ ዳይሰ፡ ኔ አቆይኔ አሌቂቲዳባ ኡባይ ኔፔ ሃኪስ፡ ኔኒ ዛራዳ ኤንታ ኡባ ዴማካ» ያጊዶሶና። 15 ሄ ካታማን ዛልዒዲ ዱሬቲዳ ዛልዓንቾቲ ኢ ሜቱዋ ባቢዲ ኢፔ ሃኪዲ ኤቃና። ኤንቲ ዩካናኔ ካዮታና። 16 ቃሲ፡

<ሊኖ ማዎ፡ ካሎሴ ማዎ፤ ዘዎ ማዎ ማዓዳ፡ ዎርቃን፡ ቦንቾ ሹቻኒኔ ኢንቆ ጊያ አልዎ ሹቻን አሌቂቲዳ፡ ሄ ጊታ ካታሜስ አዩ! 17 ሃይሳ ሜላ ጊታ ሻሎ ኡባይ ኢሲ ሳቱ ጊዶን ዳይስ» ያጊዶሶና።

«ማርካቢያ ሳጊያ ኡባይ፡ ማርካቢያን ቢያ ኡባይ፡ ማርካቢያ ቦላ አሲያ ኡባይኔ አባን ዛልዒያ ኡባይ ሃኪ ኤቂዶሶና። 18 ሄ ካታሚያ ፀጌቲን ኬያ ጩያ ቤዒዳ ዎዴ <ሃ ጊታ ካታሚው ዳኒያ ሃራ ካታሚ ዴዒሻ?» ያጊዶሶና።

19 ኤንቲ ባንታ ሁዔን ባና ቆሊዲ፡ ዋሲዶሶናኔ ካዮቲዶሶና። <አባ ቦላ ማርካቢቲ ዴዒያ ኡባይ፡ ኢ ሻሎዋን ዱሬቲዳ ኡባይ፡ ሄ ካታሚያ ኢሲ ሳቱን ዳዩዳ ጊሾ አዩ! አዩ!

20 ሳሎዋው፡ ኢ ዳዩዋን ኡፋይታ! ጌሻቶ፡ ሃዋሬቶ፡ ናቤቶ፡ ያሳይ ሂንቱ ጊሾ ኢ ቦላ ፐርዲዳ ጊሾ ኡፋይቲቱ።» ያጊዶሶና።

21 ያቲን፡ ሚኖ ኪታንቾይ ዎፃ ዳኒያ ጊታ ሹቹ ዴንገሊዲ አባን ሆሊሼ፡ «ጊታ ካታሚያ ባቢሎኔይ ዎልቃን ሆሌታዳ ሃይሳዳ ኩንዳና፤ ኢያ ሃቺፌ ጉዩ ኡባካ ቤንቱኩ። 22 ዲሲ ዲዲይሳቲኔ ዩዲይሳቲ፡ ሱሱልዔኔ ዋይዜ ፑኔይሳቲ፡ ሂዛፔ ጉዩ ኔ ጊዶን ኡባካ ሲዔቶኮና። አይ ኮቻ ዛልዔ ዛልዒያ አሲካ ኔ ጊዶን ቤንቱና። ዎፃ ጊርሲ ሂዛፔ ጉዩ ኔ ጊዶን ሲዔቱና። 23 ዎምፔ ፖዎይ ዛሪዲ ኔ ጊዶን ፖዔና። ማቾ ኤኬይሳኔ አዚና ጌሊያሪ ቃሊ ሂዛፔ ጉዩ ኔ ጊዶን ሲዔቱና። ኔ ዛልዓንቾቲ ቢታ ኡባን ኤሬቲዳ ዎልቃማታ። ኔ ቢታን ካዎቲሳታ ኡባ ጩማሳ» ያጊስ።

24 ናቤታ ሱሳይ፡ ጌሻታ ሱሳይኔ ቢታ ቦላ ሃይቂዳ አሳ ኡባ ሱሳይ ኢ ጊዶን ቤንቲዳ ጊሾ ባቢሎኔይ ፐርዴታሱ።

19

1 ያቲን፡ ሳሎን ዳሮ አሳይ፡ «የሳይ ጋላቲቶ! አቶቲሳይ፡ ቦንቾይኔ ዎልቃይ ኑ ያሳስ ጊዶ።

2 ኢያ ፐርዳይ ቱማኔ ዒሎ። ሳዓ ቲኒሲዳ ኢታ ላይሚው ያሳይ ፐርዲስ። ያሳይ ባ አይሌታ ሱሳ ኢፔ አቺስ» ያጊሺን ሲዓስ።

3 ሄ አሳይ ዛሪዲ ባንታ ቃላ ዶቁ አሲዲ፡ «የሳ ጋላቲ ጋኮ። ሄ ካታሚያ ሜሪናው ጩያሼ ዳና» ያጊዶሶና።

4 ላታማኔ አይዱ ጩማቲኔ ዴዎን ዴዒያ አይዱ ሜዴቴሳቲ አራታን ኡቲዳ ያሳስ ጉፋኒዲ፡ «አሚንዒ! ያሳ ጋላቲ ጋኮ» ያጊዲ ጎይኒዶሶና።

5 ያቲን፡ «የሳ አይሌቲ፡ ያሴ ያያ ጉሲኔ ጊቲ ኡባይ፡ ኑ ያሳ ጋላቲቱ» ያጊያ ቃላይ አራታፔ ኬዩስ።

6 ያቲን፡ ዳሮ አሳዳ ዎጫሚያ፡ ዎልቃማ ሻፋዳ ጉሚያ፡ ዳዳዳ ዴቺያ ጊርሳይ፡ «የሳ ጋላቲ ጋኮ፤ ኑ ጎዳይ፡ ኡባፌ ዎልቃማ ያሳይ ካዎቲስ።

7 ዶርሳ ያጋኖይ ጋኪዳ ጊሾኔ ኢያ ጌሊያራ ጊጊዳ ጊሾ ኑ ኡፋይቶስ፡ ጋላቶሲኔ ዶርሳ ቦንቾስ።

8 ጌሎስ ጊጊዳራ ጳሊያኔ ጌሺ ጊዲዳ ሊኖ ማዎ ማዓና ሚላ ኢው ኢሜቲስ» ያጊሺን ታ ሲዓስ። (ሊኖ ማዎይ ጌሻታ ዒሎ አሶ ሌሚሶ።)

9 ሄሳፌ ጉዩ፡ ኪታንቾይ ታኮ፡ «ዶርሳ ያጋኮዋ ዪጌቲዳይሳቲ አንጂቲዳይሳታ» ጋዳ ዓፋ። ሄ ኪታንቾይ ጉጂዲ፡ «ሃይሲ ያሳ ቱማ ቃላ» ያጊስ።

10 ሄ ዎዴ ታ ኢያ ጎይናናው ኢያ ቶሁዋ ቦላ ኩንዳስ። ሺን ኢ፡ «ሄሳ አሶፋ! ታኒ ዩሱሳባ ማርካቲያ ኔ ሚላኔ ኔ ኢሻታ ሚላ። ኔ ያሳ ጎይና» ያጊስ። ሂዛ፡ ዩሱሳባ ማርካቲዳይሳታስ ናቤቴሳ አያኒ ዴዔስ።

ቦላ ፓራ ቶጊዳይሳ

11 ያቲን፡ ሳሎይ ዶዩቲን፡ ያን ቦላ ፓሪ ዴዔይሳ ቤዓስ። ሄ ፓራ ቶጊዳይሲ አማኔቲዳይሳኔ ቱማንቾ ጌቱቲስ። ኢ ዒሎቴሳን ፐርዴሲኔ አሌቲስ። 12 ኢያ አይፌይ ታማ ላሮ ዳኔስ፤ ኢያ ሁዔን ዳሮ ካላቺ ዴዔስ። ኢያ ቦላ ኢ አቲን ሃሪ አኒካ ኤሮና ዓፌቲዳ ሱንሲ ዴዔስ። 13 ኢ ሱሳን ሙኬቲዳ ማዎ ማዒስ፤ ኢያ ሱንሳይካ ያሳ ቃላ። 14 ጳሊያኔ ጌሺ ጊዲዳ ሊኖ ማዎ ማዒዳ ሳሎ አላንቾቲ ቦላ ፓራታ ቶጊዲ ኢያ ጌዶ ካሎሶና። 15 ካዎቲሳታ ቃንዒያ ማሺ ኢያ ዶናፔ ኬዩስ። ኢ ቢራታ ዓምዓን አሳ ሃራና። ኡባፌ ዎልቃማ ያሳ ሃንቆ ዎይኔ ኡሻ ጉምዒያ ቤሳ ኢ ዩዳና። 16 ኢያ ማዑዋ ቦላኔ ኢያ ዎዲሪያ ቦላ፡ «ካዎታ ካዉዋኔ ጎዳታ ጎዳ» ያጊያ ሱንሳይ ዓፌቲስ።

18:12 ሂዝ 27:12፤ 13፤ 22 18:15 ሂዝ 27:31 18:17 ኢሳ 23:14፤ ሂዝ 27:26 18:18 ሂዝ 27:32 18:20 ሂዝ 27:30፤ ዛሬ 32:43፤ ኤር 51:48 18:21 ኤር 51:63 18:22 ኢሳ 24:8፤ ሂዝ 26:13 18:22 ኤር 7:34፤ 25:10 18:24 ኤር 51:49 19:2 ዛሬ 32:43፤ 2ካዎ 9:7 19:3 ኢሳ 34:10 19:5 ማዝ 115:13 19:6 ሂዝ 1:24፤ ማዝ 93:1፤ 97:1፤ 99:1 19:9 ማቶ 22:2 19:11 ሂዝ 1:1 19:12 ዳኔ 10:6 19:15 ማዝ 2:9፤ ኢሳ 63:3፤ ኢዩ 3:13፤ ዮቆ 14:20

17 ሄሳፌ ጉዩ፥ ኢሲ ኪታንቾይ አዋ ቦላ ኤቁዳይሳ ቤዓስ። ሄ ኪታንቾይ ሳሎራ ፕራዲያ ካፎ ኡባስ ባ ቃላ ጶቁ አሲዲ፥ «ሃ ዩቴ! ያሳ ጊቢራ ማናው ኢሲ ቤሲ ሺቁቴ።» 18 ዩዲ ካዎታ አሹዋ፥ ሻላቃታ አሹዋ፥ ዎታዳሬታ አሹዋ፥ ፓራታ አሹዋ፥ ፓራታ ቶጌይሳታ አሹዋ፥ አሳ ኡባ አሹዋ፥ አይሌታ አሹዋ፥ ዎማኖታ አሹዋ፥ ጊታታኔ ጉሳታ አሹዋ ሚቴ» ያጊስ።

19 ደዓይ፥ ፓራ ቶጊዳይሳራኔ ኢያ አሳንቾታራ አሌታናው ሳዓ ካዎታኔ ኤንታ አሳንቾቲ ኢሲ ቤሲ ሺቁዳሺን ቤዓስ። 20 ሺን ሄ ደዓይኔ ኢያ ሱንሳን ማላታታ አሲዳ ዎርዶ ናቤይ ኢያራ ኢሲፌ አይኬቲስ። ሄ ማላታታን ደዓ ማላይ ዴዔይሳታኔ ኢያ ሚሲሊያ ጎይኔይሳታ ኢ ባሌሲስ። ደዓይኔ ዎርዶ ናቤይ ናምዓይካ ዲኔን ኤጊያ ታማ አባን ፓፃ ዩጌቲዶሶና።

21 አቲዳይሳቲ ፓራ ቶጊዳይሳ ዶናፕ ኬያ ማሻን ሃይቁዶሶና፥ ካፎቲ ኡባይ ኤንታ አሹዋ ሚዲ ካሊዶሶና።

20

ሙኩሉ ላይሲ

1 ዛዊ ባይና አላ ቁልፕያኔ ጊታ ሳንሳላታ ባ ኩሼን አይኪዳ ኢሲ ኪታንቾይ ሳሎፕ ዎዲሺን ቤዓስ። 2 ኢ ዳዊያ አይኪዲ ሙኩሉ ላይሳስ ቃቸስ። ሄ ዳዊይ ኮይሮ ሾሻ፥ ዳቡሎሳ ዎይኮ ፃላሄ። 3 ኪታንቾይ ዛዊ ባይና አላን ኢያ ዩጊዲ፥ ሙኩሉ ላይሲ ዉራና ጋካናው ካዎቴሳታ ዛሪ ባሌሶና ሜላ ቁልፕን ጎርዲዲ አታሚስ። ሄሳፌ ጉዩ፥ ዳዊይ ጉሳ ዎዴስ ቤሌታናው ቤሲስ።

4 ሄሳፌ ጉዩ፥ አራታታኔ አራታታ ቦላ ኡቲዲ ፕርዳና ሜላ ማቲ ኢሜቲዳይሳታ ቤዓስ። ዩሱሳስ ማርካቲዳ ጊሾኔ ያሳ ቃላ አዲዳ ጊሾ ባንታ ቆዲያ ጎይሬቲዳ አሳ ሽምፑዋ ቤዓስ። ኤንቲ ደዓ ዎይኮ ደዓ ሚሲሊያ ጎይኔይሳታ። ኤንቲ ደዓ ማላ ባንታ ሶምፖን ዎይኮ ባንታ ኩሼን ዎሲቦኮና። ኤንቲ ሃይቆፕ ዴንዲዲ ኪሪስቶሳራ ኢሲፌ ሙኩሉ ላይሲ ሃሪዶሶና። 5 ሃይሲ ኮይሮ ዴንዱዋ፤ አቲዳ ሃንኮ ሃይቁዳይሳቲ ሙኩሉ ላይሳይ ዉራና ጋካናው ሃይቆፕ ዴንዲዳቦኮና። 6 ኮይሮ ዴንዱዋስ ቃዲ ዴዔይሳቲ አንጄቲዳይሳታኔ ጊሻታ። ኤንታ ቦላ ናምዓንሶ ሃይቁዋስ ዎልቁ ባዋ። ኤንቲ ያሳሲኔ ኪሪስቶሳስ ካሂኔ ጊዳና፤ ኢያራ ኢሲፌ ሙኩሉ ላይሲ ሃራና።

ፃላሂያ ዶኔቴሳ

7 ሙኩሉ ላይሳይ ዉሪዳፕ ጉዩ ፃላሄይ ቃሾፕ ቤሌታና። 8 ኢ ሳዓ ጋፃፕ ጋፃ ጋካናው ዴዒያ ካዎቴሳታ፥ ኤንቲካ፥ ጎጌኔ ማጎጌ ጌቴቴይሳታ ባሌሲዲ አላስ ሺሻናው ኬያና። ኤንታ ፓይዶይ አባ ጋፃን ዴዒያ ሻፌ ሜላ። 9 ኤንቲ ቤታ ኡባን ላሌቲዲ፥ ጊሻታ ሄራኔ ያሳይ ዶሲያ ካታማ ቴቁዶሶና። ሺን ታሚ ሳሎፕ ዎዲዲ ኤንታና ሚስ።

10 ኤንታ ባሌሲዳ ፃላሄይ፥ ደዓይኔ ዎርዶ ናቤይ ዩጌቲዳ ኤጊያ ዲኔ ታማ አባን ዩጌቲስ። ኤንቲ ቃማኔ ጋላስ ሜሪናው ፓፃ ካዔታና።

ዉርሴሳ ፕርዳ

11 ሄሳፌ ጉዩ፥ ጊታ ቦላ አራታ ቦላ ኡቲዳይሳ ቤዓስ። ሳዒኔ ሳሎይ ኢያ ሲንሳፌ ባቃቲዶሶና፤ ኤንቲ ዛሪ ቤንቲቦኮና። 12 ሃይቁዳይሳቲ፥ ጊታቲኔ ጉሳቲ አራታ ሲንሳን ኤቁዳይሳታ ቤዓስ፤ ማፃፋቲ ዶዩቲዶሶና፤ ቃሲ ዴዎ ማፃፋ ጊዲዳ ሃራ ማፃፌ ዶዩቲስ። ሃይቁዳይሳቲ ማፃፋን ፃፌቲዳ ባንታ አሱዋዳ ፕርዳ ኤኪዶሶና። 13 አባይ ባ ጊዶን ዴዒያ ሃይቁዳይሳታ ኢሚስ፤ ሃይቆይኔ ሲዎሌይ ባንታ ጊዶን ዴዒያ ሃይቁዳይሳታ ኢሚዶሶና። ኢሲ ኢሲ አሲ ባ አሱዋዳ ፕርዳ ኤኪስ። 14 ያቲን፥ ሃይቆይኔ ሲዎሌይ ታማ አባን ዩጌቲዶሶና። ሄ ታማ አባይ ናምዓንሶ ሃይቆ። 15 ዴዎ ማፃፋን ኢያ ሱንሳይ ፃፌቲቦና አኒካ ታማ አባን ዩጌቲስ።

21

አራሳ ሳሎኔ አራሳ ሳዓ

1 ታኒ አራሳ ሳሎኔ አራሳ ሳዓ ቤዓስ። ኮይሮ ሳሎይኔ ኮይሮ ሳዓይ ዳይስ፤ አባይካ ዳይስ። 2 ጊሻ ካታሚያ፥ አራሳ ዩሩሳላሜይ፥ አዚና ጌላናው አሌቁታዳ ጊጋዳ ዴዒያ ማጫሳዳ ሳሎፕ ያሳ ማታፕ ዱጌ ዎዲሺን ቤዓስ።

3 አራታፕ ሃይሳዳ ያጊዲ፥ አዲያ ጊታ ቃላ ሲዓስ፤ «ያሳ ኬሳይ አሳራ ዴዒስ፤ ያሳይ ባ ቦንቹዋራ አሳራ ኢሲፌ ዳና። ኤንቲ ኢያ ዴሬ ጊዳና፤ ያሳይ ባ ሁዔን ኤንታራ ዳና፤ ኢ ኤንታ ያሳ ጊዳና። 4 ያሳይ ኤንታ አይሬፕ አፋሳ ኡባ ቁቻና። ሂዋፕ ሃይቆይ ዎይኮ ካዮይ ዎይኮ ዋሶይ ዎይኮ ዋዩይ ዴና። ጋልዓ ኡባይ አዲስ» ያጊስ።

5 አራታ ቦላ ኡቲዳይሲ፥ «ታኒ ኡባ አራሲ አላና» ያጊስ። ቃሲ ዛሪዲ ታኮ፥ «ታኒ አይዴሲ አማንሴይሳኔ ቱማ ጊዲያ ጊሾ ፃፋ» ያጊስ። 6 ቃሲ ታኮ፥ «ፖሌቲስ! ታኒ አልፋኔ አሜጋ፤ ዶሜሲኔ ፖሎ። ሳሞቲዳ አናካ ዴዎ ሃላ ፑልቴዋፌ ጪጊ ባይና ጮ ኡሻና። 7 ያጊያ አኒካ ሄሳ ኡባ ላታና፤ ታኒ ኢያው ያሳ ጊዳና፤ ኢካ ታ ናዓ ጊዳና። 8 ሺን ያሻንቾታ፥ አማኔቶናይሳታ፥ ቱናታ፥ ሽምፖ ዎዲይሳታ፥ ላይማቴይሳታ፥ ቤቴይሳታ፥ ኤቃ ጎይኔይሳታኔ ዎርዳንቾታ ቃዳይ ዲኔይ ኤጊያ ታማ አባን ጊዳና። ሄሲ ናምዓንሶ ሃይቆ» ያጊስ።

9 ላፑን ዉርሴሳ ቦሻቲ ኩሚዳ ላፑን ፀዓታ አይኪዳ ላፑን ኪታንቾታፕ ኢሶይ ታኮ ዩዲ፥ «ሃያ፥ ታኒ ኔና ጌሎስ ጊጊዳ ዶርሳ ማቸው ቤሳና» ያጊስ። 10 ኪታንቾይ ታና ዳሮ ጶቃ ዴሪያ ሁዔ ጊሻ አያናን ኬሲዲ፥ ጊሻ ካታማይ፥ ዩሩሳላሜይ፥ ሳሎፕ ያሳ ማታፕ ዱጌ ዎዲሺን ቤሲስ። 11 ሄ ካታማይ ያሳ ቦንቾን ፖዔስ። ሄ ካታማ ፖዎይ ያስጸዴ ጊያ አልዎ ሹቻ ሜላ፤ ጊሻ ቤሪሌዳ ጳሌስ። 12 ሄ ካታማ ዲርሳይ ዎልቃማኔ አዱሴ። ኢያው ታማኔ ናምዑ ፕንጌቲኔ ሄ ፕንጌታ ናጊያ ታማኔ ናምዑ ኪታንቾቲ ዴዎሶና። ፔንጌታ ቦላ ታማኔ ናምዑ ኢሲራዔሌ ዜሪሳታ ሱንሳይ ፃፌቲስ። 13 ዶሎሃ ባጋራ ሄሹ ፔንጌቲ፥ ፑዴሃ ባጋራ ሄሹ ፔንጌቲ፥ ዱጌሃ ባጋራ ሄሹ ፔንጌቲኔ ዉሎሃ ባጋራ ሄሹ ፔንጌቲ ዴዎሶና።

19:17 ሂዝ 39:17-20    19:20 ዮቆ 13:1-18    20:2 ሜዴ 3:1    20:4 ዳኔ 7:9    20:8 ሂዝ 38:2    20:11 ዳኔ 7:9-10    21:1 ኢሳ 65:17፤ 66:22፤ 2ጴጊ 3:13    21:2 ኢሳ 52:1፤ ዮቆ 3:12፤ ኢሳ 61:10    21:3 ሂዝ 37:27፤ ሌዌ 26:11    21:4 ኢሳ 25:8፤ ኢሳ 35:10፤ 65:19    21:6 ኢሳ 55:1    21:7 2ሳሙ 7:14፤ ማዝ 89:26    21:10 ሂዝ 40:1    21:12 ሂዝ 48:30-35

14 ካታማ ጊምቤ ዲርሳይ ታማኔ ናምዑ ሹቻ ባሰታ ቦላ ኤቂስ። ኤንታ ቦላ ታማኔ ናምዑ ዶርሳ ሃዋሬታ ሱንሳይ ዓፌቲስ።

15 ታው አዲያ ኪታንቸዋስ። ካታማ፣ ኢያ ፔንጌታኔ ኢያ ዲርሳ ዋዲያ ዎርቃ ሃምዓይ ዴዔስ። 16 ካታማስ አይዱ ማዛኔቲ ዴዎሶና፤ ካታማ ጌሳይኔ ጎምፓይ ኢሲ ጊና። ኪታንቸይ ካታማ ባ ሃምዓን ዋዲን፣ ካታማይ ታማኔ ናምዑ ሙኩሉ ኪሎ ሚቲሬ ጊዲስ፤ ካታማ ጌሳይ፣ ጎምፓይኔ ዶቃቲሳይ ኢሲ ጊና። 17 ኪታንቸይ ቃሲ ዲርሳ ዋዲን፣ ኪታንቸይ ጎዔቲያ አሳ ኩሼን ኢሲ ያታኔ አይታማኔ አይዱ ዋዳ ጊዲስ።

18 ካታማ ዲርሳይ ያስጸዴ ጊያ ሹቻን ዲሬቲስ። ካታማይ ማስቶቲዳ ጸሊያ ጌሻ ዎርቃን አሴቲስ። 19 ካታማ ዲርሳ ባሶይ ኡባ ቆዋ ቦንቸቲዳ ሹቻን አሌቄቲስ። ኮይር ሂዳቲዳ ሹቻይ ያስጸዴ፣ ናምዓንሳይ ሳምፔሬ፣ ሄሻንሳይ ኬልቄዶኔ፣ አይዳንሳይ ባሉሬ፣ 20 ኢቻሻንሳይ ሳርዶንኪሴ፣ ኡሱፑንሳይ ሳርዲዮኔ፣ ላፑንሳይ ኪሪስቲሎቤ፣ ሆስፑንሳይ ቤሪሌ፣ ኡዱፋንሳይ ቶጳዚዮኔ፣ ታማንሳይ ኪሪስጲራሲሴ፣ ታማኔ ኢሲንሳይ ያኪንቴ፣ ታማኔ ናምዓንሳይ አሜቲስ፤ ያሴ።

21 ታማኔ ናምዑ ፔንጌታስ ታማኔ ናምዑ ኢንቆ ጊያ አልዎ ሹቸ ዴዔስ። ኢሲ ኢሲ ፔንጌይ ኢሲ ኢንቆን አሴቲስ። ካታማ ዎጋ አጌይ ማስቶቲዳ ጸሊያ ጌሻ ዎርቃፌ አሴቲስ።

22 ጎዳይ፣ ኡባፌ ዎልቃማ ያሳይኔ ዶርሳይ ካታማስ ኬሴ ጊዲያ ጊሾ ታ ሄ ካታማን ያሳ ኬሴ ቤዓቢኬ። 23 ያሳ ቦንቸይ ሄ ካታማስ ፖዒያ ጊሾኔ ዶርሳይ ኢያው ያምፔ ጊዲያ ጊሾ ካታማስ አዋ ዎይኮ አጌና ፖዎ ኮሼና። 24 ካዎቲሳቲ ሄ ካታማ ፖዎን ሃሙታና፤ ካዎቲካ ባንታ ቦንቸዋ ያ ኤሃና። 25 ቃሚ ያን ባይና ጊሾ ካታማ ፔንጌቲ ኡባ ዎዴ ዶያ ጊዳና፤ ጎርዴቶኮና። 26 ካዎቲሳታ ጊታቲሳይኔ ቦንቸይ ሄ ካታማ ያና። 27 ዶርሳ ዴዎ ማፃፋን ሱንሳይ ዓፌቲዳይሳታ ዓላሊ አቲን ቱናባ ዎይኮ ዩላያባ አሴይ ዎይኮ ዎርዶቲይ አኒካ ሄ ካታማ ጌሌና።

22

1 ያቲዲ፣ ኪታንቸይ ታና ያሳ ካዎቲሳ አራታፔኔ ዶርሳ ካዎቲሳ አራታፔ ጎጊያ ማስቶቲዳ ጸሊያ ዴዎ ሃሳ ሻፋ ቤሲስ። 2 ሄ ሻፋይ ካታማ አጊያ ጊዶራ ዱጌ ጎጌስ። ሻፋፔ ሄሬንሳ ባጋራኔ ሃሬንሳ ባጋራ አጌናን ኢሲ ቶሆ፤ ሳይሳን ታማኔ ናምዑ ቶሆ አይፊያ ዴዎ ሚሲ ዴዔስ። ሄ ሚሳ ቦንጮይ ካዎቲሳታ ኡባ ሃርጌፌ ፓሴስ።

3 ሄ ካታማን አይቤ ቃንጌሲካ ዴና። ያሳ ካዎቲሳ አራታይኔ ዶርሳ ካዎቲሳ አራታይ ሄ ካታማን ዳና። ያሳ አይሌቲ ያሳስ አሳና። 4 ኤንቲ

ኢያ ሰምዑዋ ቤዓና፤ ኢያ ሱንሳይ ኤንታ ሰምዎን ዓፌታና። 5 ሂዛፔ ቃሚ ዴና፤ ጎዳ ያሳይ ኤንታው ያምፔ ጊዲያ ጊሾ ኤንታው ያምፔ ዎይኮ አዋ ፖዎ ኮሼና። ኤንቲ ሜሪ ሜሪናው ካዎታና።

ዩሱሳ ዩሳ

6 ኪታንቸይ ታኮ፣ «ሃ ታ አዲያ ቃላይ ቱማኔ አማንሴይሳ። ጎዳይ፣ ናቤታ ባ ጌሻ አያናን ኪቲያ ያሳይ፣ ማታን ሃናናባ ባ አይሌታ ቤሳናው ባ ኪታንቸዋ ኪቲስ» ያጊስ። 7 ዩሱሲ፣ «ሄኮ ታ ኤሌሳዳ ያና፤ ሃ ማፃፋን ዴዒያ ቲንቢቱ ቃላ ናጊያ አኒካ አንጄቲዳይሳ» ያጊስ።

8 ታኒ፣ ጥሃኒሲ፣ ሄ ኡባባ ሲዓስ፤ ቤዓስ፣ ታኒ ሄሳ ሲዒዳ ዎዴኔ ቤዒዳ ዎዴ ሄሳ ታና ቤሲዳ ኪታንቸዋ ጎይናናው ኢያ ቶሆዋ ቦላ ኩንዳስ። 9 ሺን ኪታንቸይ ታኮ፣ «ሄሳ አሶፋ! ታኒ ኔዳ፣ ናቤታዳ ኔ ኢሻታዳኔ ሃ ማፃፋን ዴዒያ ኡባ ኪቲቲያ አይሌታ ሜላ፤ ያሳ ጎይና» ያጊስ።

10 ኪታንቸይ ዛሪዲ፣ «ሃ ኡባይ ፖሌቲያ ዎዴይ ማታቲዳ ጊሾ ሃ ማፃፋን ዓፌቲዳ ቲንቢቱ ቃላ ማታሜን ጎርዶፋ። 11 ኢታ አሴይ ጉጂዲ ኢታ አሶ፤ ቱኔይ ጉጂዲ ቱና። ሎዎ አሴይ ጉጂዲ ሎዎ አሶ፤ ጌዩይ ጉጂዲ ጌዩ» ያጊስ።

12 ዩሱሲ፣ «ሄኮ፣ ታኒ ኤሌሳዳ ያና። ኢሱዋስ ኢሱዋስ ኢያ አሱዋዳ ኢማናው ታ ዎይቶይ ታ ዴዔስ። 13 ታኒ አልፋኔ አሜጋ፤ ኮይሮኔ ወርሴሴ፤ ዶሜሴኔ ፖሎ።

14 «ባንታ ማዑዋ ሜጨዲ ጌሼይሳቲ አንጄቲዳይሳታ። ዴዎ ሚሴ አይፊያ ማናውኔ ካታማ ፔንጊያራ ጌላናው ኤንታው ማቲ ኢሜቲስ። 15 ሺን ካናቲ፣ ቢቲይሳቲ፣ ላይማቲይሳቲ፣ ሺምፖ ዎዴይሳቲ፣ ኤቃ ጎይኔይሳቲ፣ ዎርዶ ዶሴይሳቲኔ አሴይሳቲ ካሬን ዴዎሶና።

16 «ታኒ፣ ዩሱሲ፣ ሃ ማርካቴሳ ሂንቴው፣ ዎሳ ኬሳታስ አዳና ሚላ ታ ኪታንቸዋ ኪታስ። ታኒ ዳዊቲ ሼሺኔ ዜሬሴ። ታኒ ፖዒያ ጉራ ባካላ» ያጊስ።

17 ጌሻ አያናይኔ ጌላናው ጊጊዳ ማጫሲያ፣ «ሃያ» ያጎሶና። ቃሲ ሃይሳ ሲዒያ አኒካ፣ «ሃያ» ያጎ። ሳዎቲዳ አኒካ ሃዮ፤ ዴዎ ሃሳ ኮያ አኒካ ጮ ኤኮ።

18 ታኒ ሃ ማፃፋን ዓፌቲዳ ቲንቢቱ ቃላ ሲዒያ አናካ ዞራይስ። አኒካ ሃ ቃላ ቦላ ኢሲባ ጉጂኮ፣ ያሳይ ሃ ማፃፋን ዓፌቲዳ ቦሻ ኢያ ቦላ ጉጂና።

19 አኒካ ማፃፋን ዴዒያ ቲንቢቱ ቃላፔ ኢሲባ ፓጨሲኮ፣ ያሳይ ሃ ማፃፋን ዓፌቲዳ ዴዎ ሚሳ አይፊያፔኔ ጌሻ ካታማፔ ኢያ ቃዳ ፓጨሳና።

20 ሃ ኡባ ማርካቴይሲ፣ «ቱማ፣ ታኒ ኤሌሳዳ ያና» ያጊስ።

አሚንግ፤ ጎዳ ዩሱሳ፣ ሃያ።

21 ጎዳ ዩሱስ ኪሪስቶሳ አዶ ኬሃቲሳይ ሂንቴ ኡባራ ጊዶ። አሚንግ።

21:15 ሂዛ 40:3 21:21 ኢሳ 54:11-12 21:23 ኢሳ 60:19 21:24 ኢሳ 60:3 21:25 ኢሳ 60:11 21:27 ኢሳ 52:1፤ ሂዛ 44:9 22:1 ሂዛ 47:1፤ ዛካ 14:8 22:2 ሜዴ 2:9 22:3 ዛካ 14:10 22:5 ኢሳ 60:19፤ ዳኔ 7:18 22:11 ዳኔ 12:10 22:12 ኢሳ 40:10፤ 62:11፤ ማገ 28:4፤ ኤር 17:10 22:13 ዮቆ 1:8፤ 17፤ 2:8፤ ኢሳ 44:6፤ 48:12 22:14 ሜዴ 2:9፤ 3:22 22:16 ኢሳ 11:1 22:17 ኢሳ 55:1 22:18 ዛሬ 4:2፤ 12:32